



सांस्कृतिक समा—पुस्तक

श्री

431

ज्ञानेश्वरी

(अध्याय १—१८)

हैं सारस्वताचें मोड । तुझीं वि लाविलें जी झाड ।
तरि अवधानामृतें वाड । सिपीनि कीजो ॥ १९ ॥
मम हें रसभाषकूसीं फुलैल । नाना फलमॉर भैरैल ।
तुमचेनि प्रसादें होइल । उपयांगु जगा ॥ २० ॥

ज्ञानेश्वरी, अध्याय ११.

सनादकः—विश्वनाथ काशीनाथ रामवाडे

पुस्तक — भाग्याराम टापसाभ्यास टापसा.

(कंठें हस टपून ठेविले भाइत.)

मेष ११ कडे १८११

R 672,6
93

लोकमान्य केसरीकरांचा

अभिप्राय



हा अपूर्व व अमूल्य ग्रंथ घुळें येयील 'सत्कार्योत्तेजक सुभे' नें प्रसिद्ध केला आहे. या ग्रंथास 'अपूर्व व अमूल्य' ह्मणण्याची कारणे अनेक आहेत. सांप्रत ज्ञानेश्वरीच्या ज्या ज्या आवृत्त्या छापून निघाल्या आहेत, त्या त्या सर्व एकनाथांनीं शके १५०६ मध्ये शोधिलेल्या ज्ञानेश्वरीच्याच प्रती आहेत. प्रस्तुतची ज्ञानेश्वरी एकनाथी ज्ञानेश्वरीच्या पूर्वीची आहे. ज्ञानदेवाचा समकालीन मुकुंदराज कवी याची स्वतःची जी ज्ञानेश्वरीची प्रत होती, ती त्यानें आपला शिष्य 'विद्याधर' यांस दिली; त्याजपासून ती 'विश्वनाथ कोनेर धोळरदेवनुरकर' यास मिळाली; व या पुरुषापासून परंपरेनें ती जात जात बालेवार्टी बीड शहरांत पाटांगण नांवाचे देवस्थानांत आली ! या संस्थानचे सांप्रतचे मठाधिपती मथुरानाथ गोसावी यांनीं ही प्रत प्रसिद्ध संशोधक रा. विश्वनाथ काशीनाथ राजवाडे यांस पांच वर्षांपूर्वी दिली; व सांप्रतचा ग्रन्थही त्यांनींच संपादित केलेला आहे. प्रस्तुतची ज्ञानेश्वरी ह्मणजे खुद्द ज्ञानेश्वरांनीं नेवाशास भाषेच्या ज्या स्वरूपांत ती सांगितली, त्याच स्वरूपांत तंतोतंत छापलेला हा महाराष्ट्र वाङ्मयांतील बहुमोल ग्रंथ होय. आधींच एकनाथी ज्ञानेश्वरीनें ज्या महाराष्ट्रीय समाजास आज अनेक शतके आपल्या गुणांनीं मोहित करून सोडलें आहे, त्यांस खुद्द ज्ञानेश्वरांच्या तोंडची ज्ञानेश्वरी मिळणें ह्मणजे अपूर्व लाभ होय यांत शंका नाही. भगवद्गीतेवरील उत्कृष्ट मराठी टीका, वारकरी पंथाची जननी, मनोहर उपमादृष्टांतांनीं गजबजलेलें उत्तम काव्य, आणि

भारतीय साम्राज्य.

पुस्तक आठवें

प्रस्तावना.

चातुर्वर्ण्यमयासृष्टं गुणकर्मविभागशः
तस्यकर्तारमपिमांविध्यकर्तारमव्ययम् ॥
* * * *

स्वेस्वेकर्मण्यभिरतःसंसिद्धिलभतेनरः ।
स्वकर्मनिरतःसिद्धियथाविदंतितच्छृणु ॥

भारतीय साम्राज्य मालिकेपैकी, उत्तरार्धातील हें सांप्रतचें आठवें पुस्तक होय.

सदरहू मालिकेच्या पूर्वार्धात, १ आर्यदेश व तत्संबंधी वृत्तांत, २ आर्यलोक व त्यांचें बुद्धिवैभव, ३ आर्यतिहास व भूगोल, ४ आर्यशास्त्र व कला, ५ आर्य शासनपद्धति व संस्था, आणि ६ आर्यगृहास्थिति, नीति, शौर्य, व उन्नति, या बदलचाच पृथक् पृथक् तपशील सहा पुस्तकांत देऊन, उत्तरा-

१. श्रीमद्भगवद्गीता अ. ४. १३.

२. श्रीमद्भगवद्गीता अ. १८. ४५.

२५	९	कृतिम	कृत्रिम
२९	२३	असंस्कृत	असंस्कृत
३०	५	पोटभेद	पोटभेद.
३१	कंस ३	मराठीचें	महाराष्ट्रीचें
३८	कंस	वार्णिककार	वार्तिककार
३८	१६	राजधानी	राजधानी.
३८	२८	शेष	शेषं
३९	१३	८००	८०
३९	१६	व्याकरण	वैयाकरण
३९	२७	वाररुचे काव्य	वाररुचं काव्यं
४०	३	अपराना	अपरान्त
४१	७	:	; व
४१	१४	अंत.	अंतः
४२	१९	एकच	एकाच
४३	कंस	जिवंत व महाराष्ट्री	जिवंत महाराष्ट्री व
		मेलेली संस्कृत	मेलेली संस्कृत भाषा
		भाषा	
४५	३	भ्रिमिभ्र	अभ्रिमिभ्र
४८	२४	सक्तिअ	सक्तिअ
५०	२१	पोहत्रपैनि	पोहत्रपैति
५४	२२	संस्कृत	संस्कृत
५५	२५	Pischel's	Pischel's
५७	१०	५००	१५००
५७	११	५००	१५००
१०६	६	ज्ञानेश्वरीनाम	ज्ञानेश्वरी नाम

ज्ञानेश्वरी.

पृष्ठ	ओवी	अक्षुद्ध	सुद्ध
१	५	मिथे	तिथे
२	१५	दध-नु	दधनु

(३)

२	१७	ईम	ईम-
३	३१	सजानाचें	सजानाचें
३	३३	काव्या	काव्यां
४	४०	आपुल्यापरी	आपुल्या परी
४	४०	सुखाडले	सुखाडले
४	४४	घनीभूत	घनीभूत
४	४६	घरूनि	घरूनि
५	५१	शब्द ब्रह्मान्धी	शब्दब्रह्मान्धी
५	५८	आधीं	आदीं
६	६६	तां	तो
१५	१६०	झणोनि	झणोनि
२०	४	ता	तो
२०	७	आघवे	आघवे
२२	२७	ऐस	ऐसं
२७	६७	गहिवर	गहिवर
२७	६७	खाला	खालां
२७	७१	धनुष्यबाण	धनुषबाण
२७	७२	वैकुंठनाथ	वैकुंठनाथ
२७	७२	पार्थ	पार्थु
२७	७२	परमार्थ	परमार्थु
२९	९	आवो	आहो
२९	१६	आधिकां	आधिकां
३०	२८	ह	हें
३०	२९	परी	परीं
३१	३६	येथ	जें येथ
३१	३६	जे याचा	जेया वां
३२	४१	ही	हें
३२	४८	नवनव	नव
३३	५६	तिमिरावरुद्ध	तिमिरावरुद्ध
३७	९६	एक	एकू

३७	९६	होति	होति
३७	१००	जात	जात
३७	१०२	विवेकिये	विवेकिये
३७	१०२	होति	होति
३७	१०४	इये	इये
३७	१०४	वेगली	वेगली
३८	१०६	कवण	कवण
३८	१११	नेणावया	नेणावया
३८	१११	भ्रमे	भ्रमे
३९	१२२	अब्देरी	अब्देरी
४३	१६०	होति	होति
४४	१६४	अमूर्ते	अमूर्ते
४४	१६५	नर्वाति	नर्वाति
४४	१७१	आचरिति	आचरति
४५	१८०	असुइ	आसुइ
४५	१८१	भळते	भळते
४५	१८२	त्याजु	त्याजु
४५	१८६	कवणा	कवणा
४७	२०१	होतांल	होतील
४७	२०२	जाणते न	जाणतेन
४७	२०२	सांपयां	सां प यां
४८	२१९	ते म्हालि	तेमहालि
६२	३६२	पावळें	पावळें
६९	५६	प्राणपानगती	प्राणापानगती
७१	७८	आचार	आचार
७२	९५	हंदि	हंति
७५	१२५	आये	आये
७६	१३९	स्वधर्मकपु	स्वधर्मकपु
७६	१४२	यजा	यजा

७९	१७०	जेवी	जेवी
८१	१८९	अदासं	अदासिं
८३	२०९	अणातें	प्राणातें
८५	२३२	वेयाते	तेयातें
८६	२४९	चिब्हारीं	जिब्हारीं
९२	३३	एकाधें	एकाधें
९९	१०७	आशां साकु संडी	आशांसां कुरवंडी
१०४	१६२	आपणां पें	आपणापें
१०५	१६८	आपणपेंन	आपणपेन
१०८	२१२	अनुभवांवी	अनुभवावी
१११	१०	खेलावया	खेलावेया
१२६	१७४	परियसें	परियसैं
१२७	२	चिये	चि ये
१२९	२६	आधवी	आधवी
१३२	६४	च	चि
१३४	८२	किडालाचां	किडालाचा
१४०	१५५	ते हीं	तेहीं
१४८	२६१	धेयाची	धैर्याची
१४८	२६५	परवाली	पखाली
१५१	३०१	नांव	नावं
१५२	३०५	परमात्मलिंगा	परमात्मलिंगा
१५२	३१३	प्राखा	प्राणा
१५२	३१७	जें	जैं
१६१	४०९	होथि	होंथि
१६३	४२७	दीइया	दी इया
१६४	४३२	तव	तवं
१६४	४३२	एसा	ऐसा
१६४	४३९	तसा	तैसा
१६६	४५१	नैयतां	नैयतां
१६६	४६१	चंदनाचें	चंदनाचें

१७२	२४	नाणयांसि	नाणियांसि
१७४	४८	माक्ष	मोक्ष
१७६	६८	चडतकालकलांचेनि	चडत कालकलांचेनि
१८०	११२	तें	तो
१८०	११५	पलीकडिली	पेलीकडिली
१८४	१५१	उंचावते न	उंचावतेन
१८५	१६७	ससाणे	सणाणे
१८६	१७०	२७०	१७०
१९१	९	होयजे	होइजे
१९२	१८	जेतया	जे तया
१९२	२०	ब्रह्मांडाचे	ब्रह्मांडाचे
१९२	२२	०जातेयां	०जातेयां
१९३	३६	प्रामी	प्रामी
१९५	५८	सांपिलें	सांपितलें
१९५	५८	तया	तेया
१९५	६५	उवातेन	उवातेन
१९६	७६	आतु	आंतु
२००	११९	अनुषाद्	अनुषाद्
२०२	१३८	तापत्रयांमि नि	तापत्रयांमिचि
२०४	१५४	तें	तें
२०४	१५७	होला	होलां
२०५	१७५	नाशवंत	नाशवंतें
२०६	१७७	ऐसे	ऐसें
२०६	१७७	जें	जें
२०६	१८०	जें	जें
२०६	१८१	वाहाति	वाहाति
२०६	१८६	तया	तिया
२०८	२०६	पासलेयां	पासलेयां
२०९	२१८	अग्निर्ग्रायिषा	अग्निर्ग्रायिषा

२१०	२२३	अर्चिरमार्गु	अर्चिरामार्गु
२११	२३७	जे	जें
२१२	२५१	हां गा	हांगा
२१३	२५७	भागातें	भोगातें
२१५	३	जे	जें
२१७	२७	अभप्रा ३०	अभिप्रा ३०
२२३	७५	वेढि तेयाचिया	वेढितेयाचिया
२२३	८०	मबंती	मबंती
२२४	९०	सोरसें	सौरसें
२३१	१५८	सेजें	सेजे
२३३	१८२	जे	जें
२३३	१८२	अगस्तिगौवण	अंगस्तिगौवण
२३४	१८६	आइकें	आइकें
२३६	२१४	विकारांची	विकारांचीं
२३६	२१४	बोहिली	बोहिलीं
२४१	२८०	उमेयां	उगेयां
२४८	३५७	जि	चि
२६९	५३	लांघिजेल	सांघिजेल
२७०	६५	नेदखे	नेदखे
२७१	७८	सर्पी	सर्पी
२७४	१०७	चंद्रमेयांसि	चंद्रमेयांसि
२७४	१०७	पाडें	पाडें
२७४	११२	कथितेन	कथितेन
२७४	११२	कथू	कथू
२७५	११५	ठांइचि	ठांइचि
२७५	११८	आपलेया	आपुलेया
२७५	११९	पोरवीतु	पोस्वीतु
२७५	१२०	पोरबकें	पोखकें
२६६	१२४	बोलि या	बोलिया
२७८	१५०	आषवेनिं	आषवेनि

(८)

२७८	१५४	जैबहलि	केबहलि
२७९	१६३	हां गा	हांगा
२८०	१६८	(तिसरा चरण)	हैं अतो मज प्रति
२८१	१८१	हारफेनि	हारफेनि
२८२	१९३	सांघितसों	सांघतसों
२८६	२२७	प्रहादु	प्रहादु
२८६	२३२	भेती	भेती
२८६	२३३	छानतयां	छानतेयां
२८७	२४४	पटी	पटी
२८८	२४५	एतेया	एतेया
२८८	२४९	तेसैं पां	तेसियां
२८८	२५०	समासा	समासां
२८८	२५२	एसा	एसा
२८८	२५२	सो	सो
२८९	२५७	एमें	इसैं
२८९	२५९	आया	आगा
२९१	२८४	तेकि	तेके
२९३	३०१	सब	सब
२९३	३०४	देवं	देव
२९४	३०७	देवांमळा	देवांमळा
२९७	३४	मान्दये	मा न्दये
२९९	४२	बासतैं	बासतैं
३०१	७३	बाहात्म	बाहात्म
३०२	८५	बासि	बासि
३०३	११७	बाहेसैं	बाहे से-
३११	१७१	भोसायेया	भोसायेया
३१४	२०७	विचकन्याची	विचकन्याची
३१४	२०८	जी	जी
३१४	२१२	केसायेयानि	केसायेया

३१६	२३५	देशकु	देशकु
३१९	२६१	चित्ररचना	चित्ररचना
३२०	२७४	वयासा	वयासा
३२२	२९८	० चञ्चूति	० चञ्चूति
३२३	३०८	उभडु	उभड
३२५	३३०	पाहांता	पाहांतां
३२५	३३३	उदैले	उदैलें
३२५	३३५	एसं	एसं
३२९	३७१	प्रलय०	प्रलय०
३३१	३८७	कौरव०	कौरव०
३३१	३९०	पदार्तांचे	पदार्तांचे
३३२	४०२	के.डावया	के.डावेया
३३३	४०६	जैवि	जैवि
३३५	४३४	नेण	नेणं
३३६	४३६	अंतक	अंतकु
३३८	४६२	उलथोगि	उलथौनि
३३८	४६३	हाइ	होइं
३४४	५२३	ननम	नमन
३४४	५२४	पाठिमोरयासि	पाठिमोरेयासि
३४७	५५२	कैसे व	कैसेनि
३४९	५७६	घरड हुलि	घरडहुलि
३५०	५८२	८५	८२
३५०	५८५	ओलाडावें	आलोडावें
३५१	५९६	होताति	होंताति
३५३	६०८	सोरसु	सौरसु
३६३	६९६	आलो बुकसुनि	आलोबु कसुनि

(१०)

३६३	१२	होंदे	हों दे
३६३	१६	होंदेइं	हों देइं
३६७	६२	जूझावें	जूझावें
३६८	७५	तयांची	तेयांची
३६९	८७	जन्ममृत्युचां	जन्ममृत्युचां
३७६	१७१	पूर्ण तेजाला	पूर्णते जाला
३७७	१८३	निरंधनि	निरंधनि
३८२	२३९	घरणगतां	घरणागतां



प्रस्तावना.

१ विवक्षित लोक विवक्षित भाषा विवक्षित स्थली व विवक्षित काली
 कोणत्या पद्धतीने बोलतात व (लिहिणे माहित असल्यास)
व्याकरणाची लिहितात, हे ज्या नियमसरणीने झगजे शास्त्राने स्पष्ट केलेले
व्याख्या. असते त्यास त्या भाषेचे तत्स्थलीन, तत्कालीन व तत्लोकीय

व्याकरण झणतात. ह्या वाक्यांत व्याकरण ह्या शब्दाला स्थल, काल व
 लोक या उपाधींनी मुद्दाम विशिष्ट केले आहे. कां की, ह्या तीन उपाधींचा
 स्पर्श जिला नाही अशी भाषा मागे झाली नाही व पुढे होणार नाही.

प्रांतकृत
भाषाभेद.

प्रस्तुतकालची झगजे शक १८२९ तली मराठी भाषा घेतली,
 तर असे आढळून येईल की, प्रांतपरत्वे ही भाषा किंचित्
 किंचित् बदलत जात जात सरहद्दींवर इतर भाषांशीं मिसळून

जात आहे. झगजे निध्वळ प्रांतपरत्वे मराठी भाषेचे पाचपंचवीस पोटभेद
 होत आहेत. तसेंच, प्रांतपरत्वाप्रमाणेच जातिपरत्वाने हि भाषा बदलत
 असते, ह्याचा हि अनुभव सर्वत्र आहे. ब्राह्मणाची मराठी भाषा कुणव्याच्या

जातिकृत
भाषाभेद.

मराठी भाषेहून किंचित् भिन्न असते, हे स्पष्ट आहे. त्याप्र-
 माणेच, पारशाची गुजराथी अमदावादी वाण्याच्या गुजराथी
 हून निराळी आहे, हे एखादा सामान्य मनुष्य हि ओळखू

शकेल. कोकणांतील कोळ्याची मराठी कोकणांतील भंडान्याच्या किंवा
 पाताण्या प्रभूच्या मराठीहून भिन्न असते इतकेच नव्हे, तर बंदरी कोळ्याची
 मराठी भाषा डोंगरी कोळ्याच्या मराठी भाषेहून भिन्न असते. मराठींत हा
 भाषाभेद स्थल व जाति या दोन उपाधींनीच तेवढा अवलिन झाला आहे,
 असे समजू नये. स्त्रीपुरुषभेद हि मराठींत भाषाभेदाला कारण होतो.

लिंगकृत
भाषाभेद.

हा भेद स्थल किंवा जाती ह्यांनी केलेल्या भेदांइतका उत्कट
 नसतो. तशापि, असा भेद इंग्रजी, कानडी वगैरे भाषांत
 नाही व मराठींत आहे, ही बाब केवळ खुद्दच समजत

होत नाही. स्थल, जाती, लिंग ह्यांच्याप्रमाणेच काळाने हि भाषेत फेरफार

होतो. उदाहरणार्थ, १८२९ तील वर्तमान मराठी, १५२९ तील एकनाथी मराठी, १२१२ तील ज्ञानेश्वरी मराठी व ६५८ तील धनगरी मराठी, पर-
 स्तरांहून भिन्नावस्थ आहेत, हें जुनीं वाडें वाचणारा मनुष्य
 कालकृत सहज सांगू शकतो. यांत पुन्हां हें ध्यानांत ठेविजे पाहिजे
 भाषाभेद. कीं, शक १२१२ त ज्ञानेश्वराच्या वेळीं, देवगिरी, नागपूर,
 मावळ, कोंकण व कारवार या ठिकाणी बोलली जाणारी मराठी भिन्न
 होती. शक १२१२ त चोखामेळ्याचें मराठी ज्ञानेश्वराच्या मराठीहून भिन्न
 होतें, हें हि विस्तरतां कामा नये. तात्पर्य, स्थल, काल व जाति ह्यांनीं
 मराठी भाषा अवच्छिन्न व भिन्नावस्थ झालेली आहे. लिंगभेद विशेष उत्कट
 नसल्यामुळें जमेस न धरणें सोयस्कर पडतें इतकेंच. नाहीं तर, तो हि जमेस
 धरणें जरूर होतें, कारण, मराठी भाषा बोलणाऱ्या कित्येक जातींत स्त्रिय
 पुल्लिंगी प्रयोग करतात; आणि ह्या जाती प्रत्येक कानडी मुलखाच्या बवळील
 मिरज, कोल्हापूर सोलापूर वगैरे प्रांतां अढळतात. पुल्लिंगी प्रयोग कर-
 णान्या महाराष्ट्रांतील ह्या जाती पूर्वी भाषावंशानें मराठ्या नसाव्या, असा
 सिद्धान्त विनहरकत बांधावा.

२ कोणत्या हि भाषेचे प्रांतपरत्वे जे भेद होतात त्यांना प्रांतिक पोट-

प्रांतिक
भाषा

भेद अथवा पोटभाषा म्हणतात. ह्या प्रांतिक पोटभाषा त्या त्या
 प्रांतांतील ब्राह्मणादि सर्व जाती बोलतात. शुद्धाशुद्ध किंवा
 भ्रष्टाभ्रष्ट हीं विशेषणें ह्या प्रांतिक पोटभाषांना लावतां येत

नाहींत. कारण, नमुनेवजा जी मुख्य भाषा तिच्या इतकीच थोर परंपरा ह्या
 प्रांतिक भाषांची बहुतेक असते. इतकेंच कीं, ह्या प्रांतिक भाषांना नमुनेवजा
 मुख्य भाषेचें सर्वराष्ट्रमान्यत्व नसतें. उदाहरणार्थ, ज्ञानेश्वरानें खानदेशी मराठींत
 कांहीं अंभंग रचलेले आहेत. ते तत्कालीन देवगिरी येथील मराठी भाषेहून
 भिन्न असून विनोदार्थ रचलेले आहेत. कोणत्या हि पोटभाषेचा विनोदार्थ
 जेथें उपयोग झाला, तेथें त्या पोटभाषेचें गौणत्व प्रस्थापित झालें, हें उघड
 आहे. परंतु, ह्या गौणत्वावरून खानदेशी मराठी भाषेला अपभ्रंश किंवा
 अशुद्ध झणून चालावयाचें नाहीं. अपभ्रंश हा प्रकार निराळाच आहे; व
 तो नमुनेवजा मुख्य भाषेतस्वाप्रमाणें प्रांतिक पोटभाषांत हि सांपडतो. प्रांतिक
 जातिपरत्वे भाषेचे जे पोटभेद होतात त्यांना मुख्यभाषेचे अपभ्रंश म्हणतात.

कोकणा हि सव्याजांत भाषेचा अपभ्रंश वाळांच्या ठावीं सहज संभवतो. उद-
नंतर, अशिक्षित स्त्रिया, शूद्र वगैरे लोक अपभ्रष्ट उच्चार व
अपभ्रंश प्रयोग करतांना फार आढळतात. सर्वांत अर्थात अपभ्रंश

हिंदूसमाजांत बेडन राहिलेले देख, असुर, शक्र, पस्वव, यवन, मुसलमान,
बहुदी, वगैरे जातिवादा लोक झांच्या हातून पराकाष्टेचा होतो उच्चार, प्रत्यय,
प्रयोग, लिंग, वचन, ह्या सर्वांचा हे म्ळेच्छ लोक दुरुपयोग करतात. पारशी,
यहुदी, अरब, इंग्रज, फ्रेंच, मोगल, जगानी, वगैरे म्ळेच्छ लोक संस्कृत,
गुजराती मगठी वगैरे भाषांचा उच्चार व प्रयोग किती अशुद्ध व अपभ्रष्ट
करतात, तें पाहिलें झणजे अपभ्रंशोत्पत्तीचें खरें कारण ध्यानांत येऊं लागतें.

ह्या लोकांच्या उच्चार करण्याच्या नाण्याचें तिरके उच्चार करण्याला लायक
अशा जन्मसिद्ध असतात. ' अ ' चा ' अॅ ' , ' ए ' चा ' अॅ ' , ' त '
चा ' ट ' वगैरे उच्चार म्ळेच्छ लोकांच्या बोलण्यांत फार येतात. असे तोंड
वाकडें वास्तून झालेले उच्चार शूद्रादि व ांच्या अपभ्रंशांत आढळत नाहीत.
जोडाक्षरांची द्वित्व व्यंजनं व कठोर व्यंजनांची मृदु व्यंजनं करण्याकडे बाल-
शूद्रादींची प्रवृत्ति विशेष असते. बालशूद्रादिकृत अपभ्रंश लोकमान्य नस-
ल्यामुळे भिन्नभाषात्वाला कारण समजल जाणें सर्वथा अयुक्त होय. हाच
नियम म्ळेच्छादिकृत अपभ्रंशाला लागू करणें सशास्त्र आहे. अपभ्रंशोत्पत्ति
कशी होते, हें नीट ध्यानांत न आल्यामुळे, Linguistic survey of
India, V I VII मध्ये, मराठी भाषेसंबंधानें लिहितांना, ग्रीय-
रसनने अपभ्रंशाची प्रांतिक पोटभाषांशीं भेसळ केलेली आहे. गोव्याच्या
किरिस्तावांची मराठी भाषा किंवा ठाण्याच्या किरिस्तांव कोळ्यांची मगठी
भाषा निव्वळ कोकणांतील प्रांतिक मराठी पोटभाषेचे अपभ्रंश होत. ह्या

किरिस्तांनी अपभ्रष्ट भाषेंत पोर्तुगीज मिशनऱ्यांनीं बायबलपुराण लिहिलें
आहे. तेवढ्यानें अपभ्रष्टत्व जाऊन, स्वतंत्र प्रांतिकभाषेच्या
अपभ्रंश.

मौड पदवीत तीं बेंते, असें वाटत नाहीं. कोकणांतील किरि-

स्तावांच्या अपभ्रंशांत ' दहा पांच चोपडीं फार तर छापलेडीं आढळतील.

पंडु, महाराष्ट्रांत मानभाव झगून जे लोक आहेत, त्यांनीं

किरिस्तावांच्या मराठी अपभ्रंशांत पाचचारथे ग्रंथ लिहिलेले आहेत. त्यांचा

किरिस्तावांच्या मराठी अपभ्रंशांत केवळ ग्रंथवत्यामुळे मानभाषी अपभ्रंश त्याप्र-

भाषे पोटभाषेच्या बोग्यतेला बेट नाही, त्याप्रमाणेच गोव्यांतकू किंवा कडी येथील किरिस्तावांचा क्षुद्र अपभ्रंशहि पोटभाषेच्या पदवीला पोहोचत नाही. यद्यपि अपभ्रंश स्वतंत्र भाषाभेद उत्पन्न करीत नाही, तथापि पोटभाषेचा निरनिराळें प्रकार उत्पन्न करतो, हें उघड आहे. पोटभाषेतील ह्या उपभेदांत कोणत्याहि कारणानें जर ग्रंथसंपत्ति निर्माण झाली, तर तो उपभेद

स्वतंत्र पोटभाषेच्या मानाला पात्र होण्याची चिन्हे दाखवितो. मानभाषी गोव्यांतील किरिस्तावी भाषेचा व देशावरील मानभाषी भाषेचा असाच मासला लडालेला आहे. इतर जबरदस्त कार-

णांच्यापुढें त्यांच्या ह्या महत्त्वाकांक्षेची डाळ शिजली नाही, ही बाब अलाहिदा. पोर्तुगीज भाषेच्या जुलमापुढें किरिस्तावी मराठी अपभ्रंश फिका पडला; आणि नागर मराठीखाली मानभाषी अपभ्रंश चिरडून गेला. कालांतरानें हे दोन्ही अपभ्रंश नष्ट होऊन नागर मराठी त्या त्या प्रांतांत व जातींत प्रचलित होईल, हें सांगावयाला नकोच.

३ जातिपरत्वानें भाषेंत अपभ्रंश उत्पन्न होतो आणि प्रांतपरत्वानें प्रांतिक भाषाभेद झालेले असतात. परंतु कालाचा भाषेवर जो संस्कार किंवा विकार होतो त्यानें अपभ्रंश किंवा भाषाभेद यांतून एकहि कार्य होत नाही. कालपरत्वे भाषेला दृढत्व, तारुण्य, बाल्य अशा भिन्न अवस्था येतात; परंतु तिचे स्वत्व कांहीं नाहींसें होत नाही. भाषा तीच; अवस्थान्तरे, मात्र,

कालकृत
भाषेची
अवस्था-
न्तरे.

निरनिराळीं. शक १०५ तील चामुंडरायाची मराठी भाषा, शक १०५१ तील सोमेश्वराची मराठी भाषा, शक ११२८ तील चंभदेवाची मराठी भाषा, शक १२१२ तील ज्ञानदेवाची मराठी भाषा, शक १५०० तील एकनाथाची मराठी भाषा किंवा शक १८०० तील विष्णुशास्त्राची भाषा पाहिली असतां भाषा मराठीच आहे हें अशिक्षित मनुष्यहि ओळखू शकतो; इतकेच कीं, कांहीं रूपें बरींच जुनीं आहेत, असें त्याच्या दृष्टपुत्यत्तीत येते. व्याक्ति तीच; वरुं तेवढीं निराळीं. पुरुष एकच, बाल्यतारुण्यवार्द्धेत्वादि अवस्थान्तरे, मात्र, अनेक. मुख्य नागर भाषेप्रमाणेच, हीं अवस्थान्तरे प्रांतिकभाषांच्या ठायीं दृश्यमान होतात; परंतु, अपभ्रंशाच्या ठायीं होत नाहीत. कारण, अपभ्रंश हा अवस्थान्तरांच्या वरचा तात्पुरता मूळ उर्फ विकार होय. तो अपभ्रंशा

कोणत्याही अवस्थेत जातिवर्माप्रमाणें विशिष्टनिवमानुसार भासमान होतो. मुख्य किंवा प्रांतिक भाषेच्या विशिष्ट अवस्थेचा कनिष्ठ जातीत अपभ्रंश होतो. त्या अपभ्रंशाची प्रगती शतकेच्या शतके प्रायः चालत नाही. चाल्डीच, सर, काळान्तरानें मूळभाषेहून अत्यंत विलक्षण असें रूप धारण करते. इंग्रजी, लातीन, जर्मन, राशियन, पोलिश वगैरे भाषा मूळ आर्यभाषेचे परंपरित अपभ्रंश होत. ह्या अपभ्रंशाशी सध्यां आपल्याला कतव्य नाही. काळानें भाषेची अवस्थान्तरें होतात, हा मुख्य मुद्दा आहे. हीं अवस्थान्तरें व त्यांचें ज्ञान वर्तमान नागर मराठी भाषेच्या व्युत्पत्तीला वैद्य आणण्यास अत्यंत उपयुक्त आहेत.

४ प्रांतिक पोटभाषा, अपभ्रंश, अवस्थान्तरें, वगैरे शब्द ज्या मुख्य मराठी भाषेच्या अंशानें योजिले तिला नागर अथवा शिष्ट मराठी अशी संज्ञा आहे. अपभ्रंश किंवा प्रांतिक जी नव्हे ती नागर किंवा शिष्ट मराठी समजावी. नागर अथवा शिष्ट मराठी वर्तमानकाली पुणें प्रांतांतील ब्राह्मण व उच्च मराठे बोलतात. तीनशें वर्षांपूर्वी नागर मराठी पैठणचे ब्राह्मण बोलत व लिहीत. आणि सातशें वर्षांपूर्वी नागर मराठी देवगिरीच्या भोवतालील प्रांतांत ब्राह्मणादि उच्च वर्ण वापरीत. झणजे प्रायः सर्वमान्य ग्रंथकर्ते व पुढारी राज्यकर्ते जी भाषा वापरतात ती भाषा-नागर झणजे शिष्ट मराठी भाषा होय. मग, स्वतः ग्रंथकर्ता प्रसंगवशें पुणें प्रांतांत राहो किंवा नागपूर प्रांतांत राहो. येथें एक मोठा चमत्कार लक्षांत घेण्यासारखा आहे. ग्रंथकर्ता गोव्यांतला असो, कोल्हापूरचा असो, पुण्यांतला असो, पैठणचा असो किंवा नागपूरचा असो, त्याची लिहिण्याची भाषा एकसारखी असते. गोव्यांतला ग्रंथकर्ता घरीं गंगाणें बोलेल परंतु ग्रंथांत एकनाथी, रामदासी किंवा चिपळोणकरीच मराठी लिहील. हीच ग्रंथाची भाषा, नियमानें दरवारची भाषा असते. इंदूरचा धनगराचें राज्य आहे व तंजावरास तामिल भाषा आहे; तथापि दरबारी लिहिण्याची व बोलण्याची भाषा ग्रंथकारांची मराठीच असते. झणजे अंतःसंमतीनें ज्ञानेश्वर चिपळोणकरादि प्रासादिक ग्रंथकारांची मराठी भाषा महाराष्ट्रानें नागर ठरविलेली आहे. ह्या नागर अथवा प्रांतिक मराठी भाषेचे ऐतिहासिक व्याकरण देण्याचें प्रस्तुत स्थळीं योजिलें आहे. कोंकणी,

प्रांतिक
भाषांत वा
व्याख्याभाव

कोल्हापुरी, गंगोरी, खानदेशी, वन्हाडी वगैरे प्रांतिक पोटभाषांचेंहि ऐतिहासिक व्याकरण देतां येतें तर उत्तम होतें. परंतु, त्या भाषांत ग्रंथरचना झगण्यासारखी अथवा बहुतेक विलकुळ न झाल्यामुळे व गोमांतकी अपभ्रंशांत जी थोडीशी शाळी आहे ती अलीकडील दोन अडीचशे वर्षांतील असल्यामुळे, त्या पोटभाषां वा पूर्व-तिहास अज्ञात राहिला आहे. अर्थात् त्यांचें ऐतिहासिक व्याकरण रचण्याची साधनें अस्तित्वांत नाहींत. असतीं तर, नागर मराठीच्या ऐतिहासिक व्याकरणरचनेला कांहींसे साहाय्य होण्याचें संभव होता. मानभावी अपभ्रंशांत जुना ग्रंथसंग्रह निदान पांचशें वर्षांचा तरी आहे. परंतु, त्या लोकांच्या हेकटपण मुळें त्यांचे अत्यंत जुने मराठी गद्यपद्य ग्रंथ अद्याप अप्रसिद्ध राहिले आहेत. तेव्हां त्यांचाहि नागर मराठीच्या ऐतिहासिक व्याकरणाला फारसा उपबोग होण्याचा संभव नाहीं. मानभावांचे दहा वीस गद्यपद्य ग्रंथ यद्यपि छापलेले आहेत, तत्रापि ते सर्व अलीकडील तीनशें वर्षांतील आहेत—अर्थात्, मानभावी अपभ्रंशाचें पूर्व-वरिच कांहीं काल अज्ञात राहणार, असा रंग दिसतो.

५ नागर ऊर्फ प्रांथिक ऊर्फ संस्कृत मराठी प्रांतिक ऊर्फ लौकिक

शिष्ट व
अशिष्ट
मराठी

ऊर्फ प्राकृत मराठीहून भिन्न असते. तर्खडकर, गोडबोले व जोशी यांनी जी व्याकरणें रचिलीं आहेत ती नागर ऊर्फ संस्कृत ऊर्फ शिष्ट मराठीचीं आहेत; प्रांतिक, लौकिक, प्राकृत, किंवा अपभ्रष्ट मराठीचीं नाहींत. तसेंच हीं तिन्हीं व्याकरणें

वर्तमान शिष्ट मराठीचीं आहेत; दोनशे, तीनशे, पांचशें, सातशें किंवा हजार वर्षांपलीकडील शिष्ट मराठीचीं नाहींत. विद्यमानकालीं शिष्ट मराठीचें रूप काय आहे, तें तर्खडकरादि वैयाकरणांच्या ग्रंथांवरून कळतें; शिष्ट मराठीच्या विद्यमान रूपाची आप्पासून आतांपर्यंतची परंपरा कळत नाहीं. ती कळण्याचा राजमार्ग झटला झणजे शिष्ट मराठीचें ऐतिहासिक व्याकरण होय.

६ नागर अथवा प्रांथिक अथवा संस्कृत अथवा शिष्ट मराठी मुद्दाम

शिष्ट मरा-
ठी कृत्रिम
नाहीं, स-
हज आहे.

कोणी बनविली, अशांतला प्रकार नाहीं, हें सर्वांना माहीतच आहे. ती आपोआप बनत आली आहे व शिष्ट ग्रंथां-
रांच्या ग्रंथांत व उच्च ब्राह्मणादि जातींच्या मुक्तांत साद्यत तिचें वास्तव्य आहे. प्रांतिक, प्राकृत किंवा अपभ्रष्ट मराठी अशिक्षित, गांवडळ, व विद्यार्हीन लोक बोलत असतात, हें

आपण पहातो आणि सिद्धांचें प्राथिक शोलें त्यांना सहज अवका विकल्प भ्रम न पडतां कळतें, ही हि रोजच्या अनुभवाची गोष्ट आहे. प्राथिक मराठींत कोणत्याहि सकर्मक धातूचीं कर्मांत कर्मांत सुमारे १५०० रूपें होतात व तीं ग्रंथांत शुद्ध झणून योजण्यास कोणतीच हरकत नाहीं. परंतु, ह्या १५०० रूपांपैकीं फारच थोडीं रूपें प्राकृत लोक योजतात. तेवढ्यावरून हीं १५०० रूपें व्याकरणकारांनीं कृत्रिम तऱ्हेनें बनविलीं, असें झणणें बेद-गळपणाचें होईल. हीं सर्व १५०० रूपें भाषेंत शिष्टमान्य आहेत. व ग्रंथांत आढळण्याचा संभव असतो. हीं कशीं बनतात, त्याचे विशिष्ट नियम व्याकरणकार शोधून काढून बसवितात. त्यामुळे, शंकाखोर व अशास्त्रज्ञ तिन्हाइतान्हा तीं कृत्रिम असावीं, असें अज्ञालीलेनें झणावेंसें वाटतें. वैय्या-करणांच्या स्तुत्य व दीर्घ उद्योगाचें अवडंबर पाहून, हे शंकाखोर लोक गांगरून जातात व अवडंबरचें ठायीं कृत्रिमत्वाचा आरोप करण्याचें धाट्ये करतात. हा प्रकार इतर शास्त्रांसंबंधानें असाच आढळण्यांत येतो. वनस्पति-शास्त्रांत तांदुळाच्या २००० जाति सांगितलेल्या पाहिल्या, झणजे अतज्ञ इसम आश्चर्यानें गांगरून जाऊन, त्या भयंकर आंकड्यावर विश्वास ठेवीत नाहीं. असली गांवढळ अतज्ञता कित्येक युरोपियन विद्वानांच्या ठायीं आढळण्यांत आली आहे. युरोपियन लोक वनस्पतिशास्त्र जितक्या बारकाईनें रचतात, ति-तक्याच बारकाईनें हिंदू लोकांनीं व्याकरणशास्त्राची रचना केली आहे. त्या-मुळे पृ-क्.णान्तीं त्यांना जे असंख्य व सूक्ष्म भेद सहज दिसतात ते युरोपि-यनांच्या अभद्रेचे विषय होतात. बाब अज्ञानोजृंभित हेकाडपणाची असल्या-मुळे, लक्ष्य देण्यासारखी नसून, नितांत तिरस्करणीय आहे.

७ शिष्ट मराठीचेंच तेवढें ऐतिहासिक व्याकरण शक्य आहे. कारण

शिष्ट मरा-
ठीची ऐ-
तिहासिक
व्याकरण
धमता.

असें कीं, गेल्या सातशें वर्षांत प्रौढ व ललित ग्रंथरचना जेवढी झणून झाली तेवढी सर्व शिष्ट मराठींत झाली आहे. गोमां-तकी अग्रंथांत कांहीं किरास्तावी धर्मपुस्तके व पांच चार व्याकरणे झाली आहेत. परंतु त्यांत एक विचित्रपणा आहे. व्याकरणें झणून जेवढीं झालीं आहेत तेवढीं सारीं पोर्तुगीज किंवा इंग्लिश भाषेंत आहेत आणि इतर पुस्तकांची लिपि

पावः रोखून आहे. त्यामुळे संभावितपणा येण्याला जी बद्धमूलता लागते

ती या अपभ्रंशाला मिळाली नाही. शिवाय, ह्या अपभ्रंशांत झालेली शुद्ध ग्रंथरचना अगदी अलीकडली आहे. तशांत, हा अपभ्रंश बोलणारे वाठ्ये दहा हजारांहून जास्त नसून, त्यांनीं आक्रमिलेला प्रांत अर्ध्या पाऊण तालुक्याएवढाहि नाही. क्याथोलिक मिशनऱ्यांच्या उपध्यापानें हा अपभ्रंश लिपिनिविष्ट आणि तोहि रोमनलिपिनिविष्ट झाला इतकेंच. झाडून झाला जास्त किंमत नाही. कोंकणी पोटभाषेचा हा किरिस्तावी अपभ्रंश आहे. ह्यांतील धर्मपुस्तकें कोंकणांतील हिंदूंच्या वाचण्यांत येत नाहीत, हें सांगावयाला नकोच. त्यामुळें कोंकणांतील पोटभाषेवर किंवा शिष्ट मराठीवर ह्या अपभ्रंशाचा कांहींच परिणाम झालेला नाही. पोर्तुगीज राज्य हिंदुस्थानांतून नष्ट झालें तर ह्या अपभ्रंशाचा मागमूसरि रहाणार नाही.

८ शिष्ट मराठींत सातआठशें वर्षांपासूनची ग्रंथरचना असून, ती महाराष्ट्रांतील सर्व प्रांतांतल्या व बडोदे, इंदूर, ग्वालेर, मुंदेलखंड तंजावर, गुत्ती, बल्लारी वगैरे सर्व संस्थानांतल्या मराठी लोकांना आदरणीय झालेली आहे. ज्या भाषेंत मुकुंदराज, ज्ञानेश्वर सूर्यज्योतिषी, एकनाथ, रामदास, तुकाराम, मोरोपंत, चिपळोणकर वगैरे प्रासादिक ग्रंथकारांनीं ग्रंथरचना केली ती शिष्ट भाषा महाराष्ट्रांतील सर्व प्रांतांतील व जातींतील लोकांस सारखीच मान्य व्हावी, ह्यांत कांहीं आश्चर्य नाही. प्रांतिक बोलणें प्रांतापुरतें व जातिक बोलणें जातीपुरतें; परंतु प्रांथिक बोलणें व लिहिणें सर्व महाराष्ट्राकरतां आहे. प्रांतिक पोटभाषांच्या लहानसहान लकवा आणि जातिक भाषणांतले बालिश अपभ्रंश प्रांथिक राजभाषेच्या शिष्ट दरबारांत लुप्त होतात व एकच एक निभेंल अशी मराठ्यांची मायभाषा देशांतील सर्व लोकांच्या अभिमानाचा, कौतुकाचा व सहज प्रेमाचा विषय होते. मराठ्यांना स्वभाषेचा इतका अभिमान जो वाटतो तो उगाच फुकाचा नाही. मराठी भाषेंतल्या शब्दप्राचुर्याची बरोबरी पृथ्वीवर्गील इतर कोणत्याहि भाषेला करतां यावयाची नाही. तसेंच, कोणताहि गूढ किंवा सूक्ष्म अर्थ नाना तऱ्हांनीं यथेष्ट व्यक्त करण्याची तिची शक्ति अप्रतिम आहे. शिवाय अनेक थोर प्रासादिक ग्रंथकारांनीं तिचा आपल्या उदात्त गंभीर, ललित व रम्य विचारांचें निवेदन केले असल्यामुळें, तिच्यावरील महाराष्ट्रांची भक्ति शुद्धदुष्यत् उतरोत्तर वर्धमान स्थितांत आहे.

९ शिष्ट मराठीच्या सद्यःकालीन रूपाचें वैज्ञानिक करवारी जी निष्पन्न-
 रणी तिला शिष्ट मराठीचें साधें व्याकरण छापतात. साध्य
 वर्तमान शिष्ट म-
 राठीचें
 साधें
 व्याकरण

व्याकरणाचा शुद्ध मासला झटला झणजे दादोबा पांडुरंग त-
 र्खडकर यांचें मराठी व्याकरण होय. गोडबोल्यांच्या मराठी
 व्याकरणांत क्वचित् मराठी भाषेचा महाराष्ट्री भाषेशी व संस्कृत
 भाषेशी संबंध दाखविण्याचा स्यूल प्रयत्न केला आहे. राम-
 चंद्र भिकाजी जोशी यांचें Higher Marathi Grammar
 इंग्रजींत असल्यामुळें व केवळ शालोपयोगी असल्यामुळें, त्याचा नामनिर्देश
 न केला तरी चालण्यासारखा आहे जोशी यांच्या व्याकरणांत व्युत्पत्तीचा
 पूर्ण अभाव आहे. अनेक संस्कृतोत्पन्न व महाराष्ट्रुत्पन्न शब्दांना ते देख सम-
 जतात, इतकेंच नव्हे तर, कित्येक अरबी व फारसी शब्दांना हि ते ह्याच
 मालिकेंत गोंवतात. इतकें अज्ञान ज्या ग्रंथांत आढळतें त्या ग्रंथाला विशेष
 मान देण्याचें कारण दिसत नाहीं. जोश्यांच्या व्याकरणांत मराठी भाषेच्या
 इतिहासासंबंधानें प्रास्ताविक जो छोटा भाग आहे त्याचें सर्व भ्रय भांडारकरांच्या
 बुइल्सन लेक्चरांना आहे. भांडारकरांच्या बुइल्सन लेक्चरांत जी व्यंगें आ-
 हेत तीं जोश्यांच्या प्रास्ताविक भागांत उतरलीं आहेत, हें सांगावयाला नकोच.

१० प्रांतिक पोटभाषा व अपभ्रंश (वर्तमान व भूत) ह्यांच्या व्या-
 कणाशी शिष्ट मराठी भाषेच्या व्याकरणाची तुलना केली अ-
 पोटा भा-
 षांचें अ-
 थवा बो-
 लींचें तौ-
 लनिक
 व्याकरण

सतां, मराठ्यांच्या पोटभाषांचें अथवा बोलींचें तौलनिक
 व्याकरण सिद्ध होतें. असलें औपभाषिक तौलनिक व्याक-
 रण मराठी भाषेंत नाहीं. इंग्रजींत १९०५ पर्यंत नव्हतें.
 Linguistic survey of India, नामक ग्रंथमालेच्या
 सातव्या खंडांत असलें व्याकरण रचण्याची साधनें मिस्टर
 ग्रीयरसन यांनीं नॉर्वेतील डॉक्टर स्टेन् कोनौ यांच्या हस्ते
 १९०५ त Specimens of the Marathi Language ह्या नांवाखालीं
 सरकारच्या खर्चानें प्रसिद्ध केलीं आहेत. प्रांतिक पोटभाषा, जातिक पोटभाषा
 ऊर्फ बोली व अपभ्रंश, असे तीन भाग करून, मासले दिले असते, झणजे
 ह्या ग्रंथाला जास्त वैशद्य आलें असतें. हें च ह्या ग्रंथाचें मुख्य व्यंग आहे. दर
 बरा कोसांवर व प्रत्येक जातींत बोली बदलते. ह्या बोलींत कित्येक रूपे व

इसके इतके पुरातन व चमत्कारिक असण्याचा संभव असतो की त्यांच्या साहाय्यानें मुख्य मराठी भाषेतील कित्येक रूपांची व शब्दांची परंपरा ओळखता येते.

११ बंगाली, हिंदी, आवढी, पंजाबी, सिंधी, गुजराथी वगैरे आधुनिक सगोत्र प्राकृतोद्भव शिष्ट भाषांच्या व्याकरणांची शिष्ट मराठी भाषेच्या व्याकरणाची तुलना केली असता, आधुनिक प्राकृतोद्भव समकालीन भाषांचें तौलनिक व्याकरण सिद्ध होतें. प्रत्येक भाषेतील गूढें इतर सगोत्र भाषांच्या तुलनेनें सहज उकलतात, हा तौलनिक व्याकरणापासून पहिला फायदा आहे. शिवाय, आर्यभाषा कोणत्या, अनार्य कोणत्या, हे वर्गीकरण तौलनिक व्याकरणानें सुलभ होतें. आधुनिक प्राकृतोद्भव

भाषांचें तौलनिक व्याकरण मराठी भाषेत अद्याप रचलें गेलें नाहीं. इंग्रजीत असलीं दोन व्याकरणे आहेत:—(१) Beams' Comparative Grammar of the Modern Aryan Languages of India (1872-1879); आणि (२) Hoernle's Grammar of the Gaudian Languages (1880). दोन्ही व्याकरणे व्युत्पत्तीच्या कामांत ऐतिहासिक बाजूनें लंगडी आहेत. कां की, इ. स. १८८० पर्यंत आधुनिक प्राकृतोद्भव [मराठी वगैरे] भाषांतील जुना ग्रंथसंग्रह व्हावा तितका प्रसिद्ध झाला नव्हता व जो झाला होता तो यथास्थित समजण्याची ऐपत दोघांची हि नव्हती. ह्याप्रमाणेंच, १८८० पुढील पंचवीस वर्षांत प्राकृत भाषांची [महाराष्ट्री, मागधी वगैरे] जी बारीक छान व पृथक्कृति जर्मनीत झाली ती बीम्स व होर्नल यांच्या काली झाली नसल्यामुळे आधुनिक प्राकृतोद्भव भाषांचें वर्गीकरण करण्यांत दोघे हि तोंडघर्शा पडलेले आहेत. शिवाय, बीम्सला संकृत व प्राकृत भाषांचें व्याकरण यथातथाच माहीत होतें, असें दिसतें. होर्नलचा बहुतेक सगळा भर पुरभई भाषेवर असून, इतर भाषांकडे तो ओझरतें लक्ष देतां. बीम्सच्या ग्रंथांत दूसरा एक अपूर्व व अलम्य अथवा गांवढळ दोष आहे. तो हा की, ठाई ठाई रागद्वेषादि विकारांचें अप्रस्तुत प्रदर्शन हा ग्राम्य ग्रंथकार करतो. मराठे लोक व मराठी भाषा यांच्यावर त्याचा कटाक्ष विशेष आहे. एक मासलेबार्क उतारा ह्या ग्रंथ-

काराचें मनोगत कळण्यास पुंरें आहे. आपल्या व्याकरणाचा पहिल्या खंडाच्या ११० व्या पृष्ठावर हा मंथकार येणें प्रमाणें लिहितो:—

“Even after seventy years of British rule, the country (Orissa) still bears the traces of the rapacity and oppression of the Marathas. the Oriyas had to learn the language of their conquerors and a few Marathi words have passed into their language. The Bhosla's tanks, roads, bridges, and dykes are still in existence and are constructed on a princely scale, as they were not hampered with any scruples about paying their workpeople. This *little* point should be remembered by those who reproach the English for the inferiority of their public works. Whatever we (English) do is *paid for*.”

भोसल्यांच्या वेळीं आंगठ्यातले लोक पोटें वांधून कामें करित होते !!! ह्या दोन ग्रंथकारांखेरीज, भागवती बोलीवर वेवर, सिंधी भाषेवर टुंप, वगैरेनीं कांहीं निबंध लिहिलेले आहेत.

१२ शिष्ट मराठी भाषेतील स्वर, वर्ण, शब्द, प्रत्यय, व अव्ययें ह्यांचीं

शिष्ट मराठी भाषेचें ऐतिहासिक व्याकरण. आदिपासून झणजे मराठी भाषेच्या उत्पत्तीपासून आतांपर्यंत रूपें कसकशीं होत आहेत, ह्याचें उद्घाटन शिष्ट मराठीच्या ऐतिहासिक व्याकरणांत केलेलें असतें. ह्या व्याकरणालाच मराठी भाषेची व्युत्पत्ति, शब्दसिद्धि, निरुक्ति वगैरे नामान्तरें आहेत. कोणत्या हि भाषेचें ऐतिहासिक व्याकरण तयार व्हावयाला, त्या भाषेतील आदिपासून आतांपर्यंत बराच, निदान कामापुरता तरी, ग्रंथसमूह किंवा लेखसोपान सांपडला पाहिजे. त्याच्या अभावीं व्युत्पत्तीचें काम केवळ कल्पनेवर चालेल. तसेंच, नुसती लेखपरंपरा सांपडून झाल्यासारखें कार्य होत नाहीं; तर, ती लेखपरंपरा त्या त्या कालची अस्तंल पाहिजे. अशी लेखपरंपरा व ग्रंथसंपत्ति ज्या भाषेची उपलब्ध होते,

तिची निश्चित, किंवा व्युत्पत्ति किंवा ऐतिहासिक व्याकृति सुकर व निश्चित होते. बीम्स व होर्नल ह्यांनी आधुनिक प्राकृतिकोद्भव भाषांचें तौलनिक व्याकरण लिहितांना ऐतिहासिक व्याकरणाच्या प्रांतांत हि अतिक्रम करण्याचा आव घातलेला आहे. ह्यणजे ह्या दोघां वैय्याकरणांनी रचलेलीं व्याकरणें तौलनिक व ऐतिहासिक अशीं मिश्र आहेत. तौलनिक व्याकरण व ऐतिहासिक व्याकरण असा दिक्कालावच्छिन्न द्विधा भेद त्यांच्या ध्यानांत आलेला नाहीं, हें खरें आहे. परंतु त्यांच्या हातून असा मिश्र प्रकार झालेला आहे, हें सहज ओळखतां येतें. बीम्स व होर्नल ह्यांचा मुख्य गुरु जो बॉप्प त्यानें हि आपल्या व्याकरणाला तौलनिक झटलें आहे. कालदृष्ट्या अर्वाचीन व प्राचीन आणि दिग्दृष्ट्या राष्ट्रीय, प्रांतिक व अपभ्रष्ट अशा सर्व भाषांचा परामर्श घेण्याचा बॉप्पचा मनोदय होता. ह्यणजे समकालीन व भिन्नकालीन भाषांची तुलना करण्याचा त्याचा विचार होता. मराठी, बंगाली, हिंदी, आंवढी, पंजाबी, सिंधी, गुजराथी वगैरे भाषांतील पुराण ग्रंथसंग्रह त्यांच्याकालीं अनुपलब्ध असल्यामुळें, बीम्स व होर्नल ह्यांचा व्युत्पत्तीचा भाग बराच अपुरा व काल्पनिक राहिलेला आहे. आधुनिक प्राकृतिकोद्भव भाषांचें मूळ ज्या प्राकृत भाषा त्यांची भेट मंडुक-प्लुतीनें घेण्याशिवाय दुसरें गत्यंतर ह्या दोन्ही वैय्याकरणांना राहिलें नाहीं. मराठीतील एखाद्या आधुनिक शब्दाची किंवा प्रत्ययाची पूर्वपरंपरा पहाण्याची इच्छा झाल्यास, त्यांना एकदम प्राकृताच्या घाटावर जावें लागतें, मध्यें त्रिसावा घेण्यास जागा सापडत नाहीं. ह्यणजे महाराष्ट्री, शौरसेनी, मागधी, अपभ्रंश वगैरे प्राकृत भाषा व मराठी, बंगाली वगैरे प्राकृतिकोद्भव भाषा ह्यांची वस्तुतः ते तुलना करीत असतात. प्राकृत भाषांचा अंत व सध्यांचा काल ह्या दोहोमधील हजारवाराशें वर्षांत रूपांची कशी घडामोड झाली, हें त्यांना माहीत नसतें. त्यामुळें, संशयस्थानीं अशी व्युत्पत्ति असेल किंवा असावी, असें संशयित समाधान करून घेण्याशिवाय त्यांना दुसरी तोड राहिली नाहीं.

कृष्णशास्त्री गोडबोले यांनी रचलेल्या मराठीच्या साध्या व्याकरणांत मराठीच्या रूपांचा महाराष्ट्रीच्या रूपांशी संबंध दाखविण्याचा अल्पस्वरूप प्रयत्न केलेला आहे; आणि बीम्स व होर्नल यांच्या प्रमाणेंच त्यांचा प्रयत्न प्राचीन ग्रंथसंग्रहाच्या अभावीं लंगडा पडलेला आहे. डाक्टर भांडारकर यांनी वूइल्सन लेक्चरांत आधुनिक प्राकृतिकोद्भव भाषा व प्राकृत भाषा ह्यांच्या संबंधासंबंधानें कांहीं विवेचन केले आहे. त्यांत बीम्स वगैरे तारखांच्या कांहीं

कृत्या नामी खोडल्या आहेत. डाक्टरांनी स्वतंत्र ऐतिहासिक व्याकरण रचण्याचा आव घातलेला नसल्यामुळे, त्यांची विद्वत्ताप्रचुर व्याख्यानं प्रस्तुत स्वर्ली टीकेचा विषय होऊं शकत नाहीत. तात्पर्य, सांगण्याचा मुद्दा एवढाच की, मराठी भाषेचें ऐतिहासिक व्याकरण अद्याप रचावयाचें आहे. कोणत्या हि युरोपियन भाषेंत किंवा आधुनिक प्राकृतिकोद्भव भाषेंत तें अद्याप रचलेलें नाही. त्या रचनेच्या साहाय्यार्थे ज्ञानेश्वरीची प्रस्तुत आवृत्ति काढिली आहे.

१३ गेल्या पंचवीस वर्षांत आणि विशेषतः गेल्या दहा वर्षांत मराठी

मराठी
भाषेचा
इतिहास

भाषेतील पुरातन वाङ्मयाचा व सारस्वताचा संग्रह व प्रकाश इतका विलक्षण झाला, कीं शिष्ट मराठी भाषेचा इतिहास व शिष्ट मराठी सारस्वताचा इतिहास रचतां येणे सध्यां बरेच सुगम झालें आहे. त्यांत विशेष महत्त्वाची बाब ही कीं

शक ४०० पासून शक १८०० पर्यंतचें मराठी ताम्रपट व शिलालेख सांपडून प्रसिद्ध झालेले आहेत. ताम्रपट व शिलालेख यांच्या प्रमाणेंच जुन्या अस्सल हस्तलिखित पोथ्या हि शेंकडेंत सांपडल्या आहेत. त्यामुळे मराठी ग्रंथकारांची कालनिर्णीति व पूर्वापरता ठरविण्याचें काम बरेंच सुकर झालें असून, मराठी सारस्वताचें स्वरूप यथास्थित कळण्यास हि उत्तम मार्ग झाला आहे. मराठी भाषेचे व प्रयोगांचे गद्यपद्य रूप आदिपासून आतां पर्यंत कसकसें होतें त्याचा अंशपरित प्रपंच मराठी भाषेच्या इतिहासांत केलेला असतो.

मराठी सारस्व-
ताचा इतिहास.

आणि मराठी भाषेतील आद्य ग्रंथापासून आधुनिक ग्रंथापर्यंतच्या ग्रंथसंग्रहाच्या आंतर व बाह्य स्वरूपाचें कालानुक्रमिक व विषयानुक्रमिक जें विवेचन व वर्णन त्याला

मराठी सारस्वताचा इतिहास झणतात. मराठी भाषेच्या इतिहासाला

मराठी वाङ्मया-
चा इतिहास.

मराठी वाङ्मयाचा इतिहास झटलें असतां हि अंशतः शोभण्यासारखें आहे. कारण, भाषेंत जें जें झणून बोललें जातें किंवा लिहिलें जातें तें तें सर्व वाङ्मय होय.

वाङ्मयांत सारस्वताचा समावेश होतो. बरी वाईट ही छान वाङ्मयांत नसते. ती निवड सारस्वत करते. उदार, ललित, अभिजात व नागर गद्यपद्य बंध जो निर्माण होतो त्याला सारस्वत

अशी अनन्यसामान्य संज्ञा आहे. गणित, ज्योतिष, रसायन, वानस्पत्य,

शास्त्रीय व कला-
त्मक ग्रंथ समूह.

प्राणिजात, तर्क, न्याय, वेदान्त, कृषि, शिल्प वगैरे
शास्त्रांवर व कलांवर जो ग्रंथसमूह निर्माण होते,
त्याला सारस्वत ही संज्ञा नाही. त्याला त्याच्या विषया-

बरोल शास्त्रीय किंवा कलात्मक ग्रंथसमूह म्हणून साधेच नांव देतात. गद्य-

साहित्य

पद्य सारस्वतग्रंथ ज्यांच्या साहाय्याने तयार होतात त्या छंद,
अलंकार, व्याकरण, कोश वगैरे ग्रंथांना साहित्य असे नामा-

भिधान आहे. साहित्य हे सारस्वत नव्हे; सारस्वताचे तें उपकरण आहे.

पद्धतिग्रंथ

शास्त्रग्रंथांशी तर्कादिपद्धतिग्रंथांचा जो संबंध तोच सारस्वताशी
साहित्याचा आहे. साहित्य सारस्वताची पद्धति होय.

गोडबोले (१८६६), बीम्स (१८७२), होर्ल्स (१८८०), ग्रियर्सन
(१९०५) वगैरे मराठी भाषेचे मराठी व इंग्रजी व्याकरण गेल्या दहा व-
र्षांत झालेल्या शोधांमुळे इतके मार्ग पडले आहेत की मराठी भाषेच्या उत्प-
त्तीसंबंधाने, ग्रंथसंग्रहासंबंधाने शृद्धिसंबंधाने व स्वभावासंबंधाने त्यांची मते
तहाना फारच मागसलेली वाटण्याची निश्चिती आहे. ह्याचा तपशील पुढे
त्या त्या स्थली दिला आहे.

मराठी सारस्वताच्या शोधांमुळे, मराठी सारस्वताचा इतिहास
तर सुकर झालाच; परंतु त्याबरोबर मराठी भाषेचा इतिहास व मराठी
भाषेचे ऐतिहासिक व्याकरण ही सहजासहजी सुकर झाली. तिन्ही प्रांत
अन्योन्यव्याप्त असल्यामुळे, एकाच्या शोधाबरोबर इतरांचाहि इतिहास व
स्वरूप कळणे अपरिहार्य होते.

मराठी सारस्वताचा जसा जरीने शोध झाला तसा मराठी वाङ्म-
याचा अद्याप मुळीच झाला नाही. प्रांतिक, जातिक, अपभ्रष्ट अशा लो-
ककथा, दंतकथा, गाणी, पत्राडे, लावण्या, झणी, वगैरे वाङ्मय अस्तित्
रूपाने शोधून काढावयाचे अद्याप राहिलेच आहे.

१४ मराठी भाषेचे सारस्वत व विशेषतः ताम्रपट्टीय व शिलालेखीय
क्षिष्ट मराठी वाङ्मय अलीकडे जसजसे सांपडू लागले तसतशी मरा-
ठीच्या ऐतिहासिक व्याकरणाची शक्यता उत्तरोत्तर सं-
भाव्य होऊ लागली. आजपर्यंत ऐतिहासिक व्याकरणाला
उपयुक्त असे जेवढे पुणे लेख उपलब्ध व प्रकाशित झाले
आहेत त्या सर्वांची पाद लाली देतो:—

- (१) शक ४१० तील मंगळवेढें येथील मराठी ताम्रपट [प्रभात, पुढें.]
- (२) शक ६५८ तील चिकुडें येथील मराठी ताम्रपट [विश्वहृत्त, कोल्हापुर]
- (३) शक ६०२ पासून शक १२०० पर्यंतच्या महाराष्ट्रांतील व कों-
कणांतील ताम्रपट व शिलालेख यांतील मराठी शब्द [इंडियन,
आंटिकरी, एपिग्राफिया इंडिका, एपिग्राफिया कर्नाटिका, वगैरे]
- (४) शक ९०५ तील चामुंडरायाचा मराठी शिलालेख [विश्वहृत्त.]
- (५) शक १०५१ तील अभिलषितार्थचिंतामणींतील मराठी पदें
[अभिलषितार्थचिंतामणीच्या दोन पोथ्या डेक्कन कालेजांतील
संग्रहांत आहेत; व एक पोथी तंजावरातील सरस्वतीमहालांत
आहे. विश्वहृत्त.]
- (६) शक १०३७-१०४० तील लेख [Epi. Md. Vol I. pp
343 and f.]
- (७) शक ११०९ तील परळ येथील मराठी शिलालेख [इंग्रज सरकारी
बंगस्यांतील]
- (८) शक ११२८ तील पाटण येथील मराठी शिलालेख [प्रभात]
- [८अ] शक ११३०-११५० चंदकृत शृंगेराजरासउ [ब्रज, नागरी-
प्रचारणी सभेची छापील प्रत अविश्वसनीय]
- (९) शक ११९५-९८ तील पंढरपूर येथील चौन्यायशीचा मराठी
शिलालेख [ग्रंथमाला]
- (१०) शक ११८२ तील कालिदासाच्या रघुवंशावरील हेमाद्रीच्या टी-
केत आलेले मराठी शब्द [नंदगीकरांचा रघुवंश]
- (११) शक १२१२ तील ज्ञानेश्वरी [मजजवळील प्रस्तुत पोथी मुकुंद-
राजची आहे.]
- (१२) शक १२७८ तील परशुरामोपदेसांतील मराठी उतारा [मरा-
ठ्यांच्या इतिहासाची साधनें, खंड ८, प्रस्तावना].

- (१३) इंग्रजांजवळील मठ येथील मराठी शि-
खं. ८. प्र.)
- (१४) इंदरपूर येथील चोखामेळ्याचा शिलालेख
- (१५) शक १२८९ ताल नागावें येथील मराठी शिलालेख (ग्रंथ-
माला)
- (१६) शक [सुमारे] १३०० मधील पंचतंत्र [महाराष्ट्रकवि]
- (१७) शक १३०० मधील मराठी कौकशास्त्र [प्रभात]
- (१७ अ) शक १३१६ तीळ मुग्धावशोधमौक्तिक [गुजराथी] ध्रुव-
संपादित.
- (१८) शक १४११ तीळ मिरजेच्या कित्याचा मराठी मोडी ताम्रपट
[ग्रंथमाला]
- (१९) शक १४५२ व शक १४६३ तीळ वाइ येथील दोन मराठी
मोडी ताम्रपट [विश्वदृष्ट]
- (२०) शक १४९४ तीळ मंगळवेढें येथील मराठी शिलालेख (ग्रंथ-
माला)
- (२१) शक १५१५ तीळ [सुमारे] दासोपंताचीं पदें व गीता
(महाराष्ट्रसारस्वत व महाराष्ट्रकवि)
- (२२) शक १४९७ तीळ खानदेशांतील सोनगीरच्या कित्याबरील
शिलालेख [ग्रंथमाला]
- (२३) मराठीतील अनुनासिकाची पूर्वपरंपरा [निबंध, ग्रंथमाला]
- (२४) मराठीतील ' ल ' प्रत्यय [निबंध, विश्वदृष्ट]
- (२५) मराठी छंद [निबंध, सरस्वतीमंदिर द्वै मासिक पुस्तक]
- (२६) शक १३९६ तीळ दुर्गादेवीच्या दुष्काळाचा मराठी फर्मान
[सरस्वतीमंदिर]
- (२७) मराठी शब्दांची व्युत्पत्ती [ग्रंथमाला व सरस्वतीमंदिर]

- (२८) स्टेफेन्स कृत इ. स. १६४९ तील कोंकणीअपभ्रंशांत उच्चार-
लेलें व रोमनलिपींत लिहिलेलें [छापलेलें नव्हें] ख्रिस्त पुराण
[मंगलोर येथें इ. स. १९०७ त रोमन लिपींत छापलेलें]
- (२९) इ. स. १५७२ तील मराठी-फारशी (म. इ. सा. खं १ ले-
खांक १) लेख.
- (३०) शक १४६३ व १४७९ तील लिंब येथील दोन मराठी पत्रें
(म. इ. सा. खं. ८, प्रस्तावना)

गेल्या पांच वर्षांत इतके जुने मराठी लेख उदयास आलेले आहेत.
त अपभ्रष्ट मराठी, कोंकणी मराठी, खानदेशी मराठी व शिष्ट म-
ठी, ह्या चारींचें लहान मोठे मासले आलेले आहेत. शिवाय, दुर्गादेवीच्या
काळाच्या फर्मानांत मुसलमानी मराठी अपभ्रंश अथवा मराठी-पि-
चा भाषा इचा मासला पहावयास सांपडतो. स्टेफेन्सच्या ख्रिस्तपुराणांत
कोंकणी—पिशाची चा मासला आढळतो. स्टेफेन्सनें दासोपंत व जना-
न यांचे प्रौढ शब्द गोव्याच्या कोंकणी-पिशाचींत गोविले आहेत. इ.
१६४९ तील स्टेफेन्स इ. स. १५०० तील किंवा त्याहून हि जुनी भा-
लिहितो. असें होणें साहजिक होतें. ज्ञानेश्वर, मुकुंदराज, नामदेव,
सोपंत, गंगाधरसरस्वती, वगैरे शिष्ट ग्रंथकारांचे ग्रंथ वांचून, स्टेफेन्स
ष्ट मराठी शिकला व तिच्यांत कोंकणी-पिशाचीची भेसळ करून त्यानें
पलें पुराण निर्मिलें. अर्थात्, इ. स. १५०० तील प्रांथिक शिष्ट मराठी
षा त्याच्या आंगवळणी पडली. परभाषेसंबंधानें असा चमत्कार होणें अप-
त्यर्थ आहे. इ. स. १८८० तील कुंटे इ. स. १७४० तील पोपची
जी भाषा ऋषिनामक काव्यांत वापरतो; आणि १७२० तील आडि-
चें इंग्रजी विष्णु शास्त्री चिपळूणकर १८८० त ज्ञानप्रकाशांत लिहितो.
ती हि शिष्ट भाषा परदेशस्थाला ग्रंथावरून शिकावी लागते; आणि ज्या
चे ग्रंथ त्याच्या हातांत पडतील त्या कालची शिष्ट भाषा तो सहज नक-
चा प्रयत्न करतो.

१५ वरील सर्व लेखांत अत्यंत जुना मराठी लेख शक ४१० तील

मराठी
भाषेचा
मूलारंभः
शक सु-
मारें ४००

आहे. अर्थात्, शक ४१० त मराठी भाषा बनून कांहीं काल गेला होता. आजपर्यंत इ. स. १३००, इ. स. १०००, इ. स. ९००, इ. स. ७०० वगैरे सन मराठीच्या मूलारंभाचे युरोपियन लोक देत असत. परंतु, ते मराठीला इतकी अलीकडे ओढण्यांत मोठी भयंकर चूक करीत हैं आतां सिद्ध आहे. हिंदुस्थानांतील प्रत्येक वस्तु वस्तुतः असेल त्याहून वरीच अ-

र्वाचीन भासविण्याची खोड बहुतेक सर्व युरोपियनांना सारखी च आहे. खोडीचें कारण उघड आहे. हिंदुस्थानांतील अनेक वस्तूंचा इतिहास, परं-

युरोपियनांचें
मात्सर्य व
करंटलक्षण.

परा, पुरातन निर्देश यांची माहिती ह्या लोकांना प्रायः तुटपुंजी व वरवर असते. शिवाय, युरोपीयन वस्तूपेक्षां एखादी प्राचीन भारतीय वस्तू अर्वाचीन आहे, असें ठरवितां आलें तर स्वपितरांना पाहिल्याचा आनंद ह्या लो-

कांना होतो. निदान, भारतीय वस्तू युरोपियन वस्तूहून फार प्राचीन नाहीं, इतकें तरी ह्मटल्या शिवाय त्यांना समाधान वाटत नाहीं. ह्या मात्सर्याला काय ह्मणावें ? युरोपांतील तीन चारशें वर्षांतल्या उपटसुंभ राष्ट्रांना भारत-वर्षाच्या थोर, पौढ व संभावित पुरातनत्वाचा हेवा वाटतो, हें त्यांच्या लघु मनाचें द्योतक आहे. बकाल करंट्यांना गर्भश्रीमंताचा हेवा वाटावा, ह्यांत कांहीं नवल नाहीं ! शास्त्रीय शोधांत मात्सर्यांचा आवेश आणणें मायावी असुरांना हि लजास्पद होय. भांडारकर, तेलंग व नाना पाबगी ह्यांचें हि मत एतत्प्रकरणीं माझ्यासारखें च आहे.

बीम्सनें हिंदी गुजराथी व पंजाबी यांचा प्रारंभ इसवीच्या ११

बीम्स

व्या शतकांत, मराठीचा प्रारंभ १३ व्या शतकांत, आबंठीचा प्रारंभ चौदाव्या शतकांत व बंगालीचा प्रारंभ सतराव्या किंवा

अठराव्या शतकांत घातला आहे! शक १०५१ त रचलेल्या अभिलिपितार्थचिंतामणींत, हिंदी, लाटी, बंगाली व मराठी पदे दिलेलीं विश्वज्ञानांत मीं छापिलीं आहेत.

१६ सुमारे शक १५० पासून शक ४०० पर्यंत महाराष्ट्रांत भयंकर अराजक माजलें [Bhandarkar's Dekkan, Section IX] ह्या अराजकाच्या अमदानींत शिष्ट महाराष्ट्री भाषा लोपत जाऊन, शक ४०० च्या सुमारास मराठी भाषा बनली गेली. शातवाहन राजांच्या तीनशें वर्षांच्या राजवटींत [शकपूर्व शक ४०० पर्यंतचें अराजक. १५०-१५०] महाराष्ट्री भाषेंत विपुल सारस्वत झालें. शातवाहन राजांना संकृतापेक्षां महाराष्ट्री प्राकृत जास्त परिचित होती. “ मोदकैः परिताडय मां ” वगैरे कोट्या शातवाहनांच्या संबंधानें प्रसिद्ध आहेत. शातवाहनांच्या अमलांत शिलालेखांची भाषाहि प्राकृत च असे. शातवाहनांच्या राशियतीनंतर तीनशें वर्षे जें अराजक माजलें त्यांत महाराष्ट्रीचा लोप झाला; ह्यणजे महाराष्ट्री भाषेचा पुरस्कर्ता असा कोणी सम्राट् राहिला नाहीं. शक ४०० च्या सुमाराला मराठी भाषा देशांत पचलित होऊं लागली. परंतु, महाराष्ट्रीची मान्यता मराठीला, अर्थात् च, गावीन्यामुळें मिळाली नाहीं. त्यामुळें, शिलालेख व ताम्रलेख बहुतेक सर्व संकृत भाषेंत होऊं लागले. अशोकाच्या कालापासून शातवाहनांच्या अंतापर्यंत [शकपूर्व ३००-शक १५०] महाराष्ट्री, पाली, वगैरे प्राकृतांत लेख लेहिले जात ते शक ४०० नंतर संस्कृतांत लिहिले जाऊं लागले [Bhandarkar's Dekkan, Section IX] अशी टीका डा. भांडारकरांनीं केलेली आहे. ह्या फरकाचें कारण, मात्र, त्यांनीं दिलेलें नाहीं. जुनी महाराष्ट्री बुडानी होती व नवी मराठी शिष्ट गणली जात नव्हती; सन्न, संस्कृताचा उपयोग शक ४०० नंतर जास्त होऊं लागला. मराठीचा अगदींच उपयोग त नव्हता, असें नाहीं. कांहीं उपयोग होत होता, हें शक ४१० तील मराठी ताम्रपटावरून स्पष्ट आहे. ज्यांना संस्कृत समजे त्यांच्याकरितां संस्कृत भाषा वापरीत आणि इतरांकरितां तत्कालीन लौकिक भाषा जी मराठी ती वापरीत.

१७ शक १५० पासून तत्पूर्वी १५०० वर्षे प्राकृत भाषा [पाली-महाराष्ट्री-शौरसेनी-मागधी-पैशाची] आर्यावर्तांत प्रथम (B. C. 1500-700) अशिक्षित लोकांत व नंतर (B. C. 700-A. D. 200) शिष्ट लोकांत चालू होत्या असें दिसते. कारण, शकापूर्वी एक हजार वर्षांचे प्राकृत किंवा पाली लेख नुकतेच सांपडलेले आहेत. सर्वांत आपल्याला माहीत असलेली अशी अत्यंत जुनी प्राकृत भाषा छटली क्षणजे जीस पालि, पालि किंवा पाली, पाळी क्षणतात ती होय. पालि प्राकृत भाषा आहे, असें सार्वत्रिक मत आहे. उदाहरणार्थ, मोझे विद्वोर Henry आत्री आपल्या पाली व्याकरणांत असें च मत प्रतिपादितो. (Le Pali est une langue pra-critique Grammaire Palie, p. 2, 1904 A. D.)

पाली ह्या शब्दाची व्युत्पत्ति अनिश्चित आहे, असें विद्वोर आत्री क्षणतो (Grammaire Palie, p. I,) ड व ल ह्यांच्या अभेदासंबंधानें लिहितांना, आपल्या व्याकरणाच्या ५६ व्या कलमांत पठ्, वाचणें, या धातूपासून पालि शब्द निघाला असल्यास, पठित=पठिअ=पठिअ=पलिअ=पालिअ=पालि अशा परंपरेनें तो निष्पन्न व्हावा, अशी सूचना आत्री करतो. ह्या परंपरेत प चा पा कसा झाला व अंत्य अ चा लोप काय कारणानें झाला, तें सांगणें दुरापास्त आहे. ह्याच व्याकरणाच्या १७४ व्या पृष्ठावर, पालि क्षणजे लिहिण्याची ओळ, पंक्ति, पाठ असा अर्थ तो देतो व त्यावरून भाषेला पालि हें नांव पडलें असावें, असें सुचवितो. परंतु, एकंदरीत पालि या विशिष्ट भाषार्थक शब्दाची व्युत्पत्ति आपल्याला निःसंदेह माहीत नाही, असें हा वैय्याकरण प्रा-जलपणें नमूद करतो. हिब्रू भाषेला बायबल भाषा असें नांव देणें जितपत योग्य आहे तितपतच बौद्धांच्या पवित्र ग्रंथांच्या भाषेला पालि भाषा हें नांव देणें योग्य आहे, अशी हि टीका ह्या वैय्याकरणानें केली आहे. (Dire "le pali", c'est done exactement comme si l'on disait "la Bible" pour "l'he'breu". Grammaire Palie, page I.) सारांश, पालि शब्दाची खात्रीलायक व्युत्पत्ति आपल्याला माहीत नाही, असें आत्री क्षणतो. मोझे आत्रीचा विशेष उल्लेख करण्याचें कारण असें कीं,

ह्या फ्रेंच वैय्याकरणानें आपलें पालि भाषेचें व्याकरण इ. स. १९०४ त लिहिलें आहे. ह्यणजे १९०४ पर्यंत पालि या शब्दाची व्युत्पत्ति यूरोपांत माहीत नाहीं, हें उघड आहे. माझ्या मते,

पाली शब्दाची व्युत्पत्ति येणें प्रमाणें:—

प्रकट=पाअड=पाअल=पाल.


पाल शब्दाचें स्त्रीलिंग पाली अथवा पाळी प्रकट अथवा पाली भाषा ह्यणजे ती कीं जी सामान्य लोकांत प्रचलित असते. डलयोरभेद=। आड-विकं=आलविकं, आळविकं.

पाली तीच पालि; जसें मती-मति इ. इ. इ.

एवंच, पाली, पालि, पाळी किंवा पाळि भाषा ह्यणजे सहज येणारी किंवा प्रकट भाषा होय. प्रकट भाषा ह्यणजे मूळ जन्म भाषाबौद्धांचें ग्रंथ ज्या मूळ भाषेंत लिहिले तिला सिंद्दलद्वीपांतील लोक पाली भाषा किंवा मूळ भाषा ह्यणूं लागले. ह्याहून ह्या शब्दांत जास्त गूढ नाहीं. बुद्ध जी भाषा बोलला त्या भाषेला सिंद्दली लोक भक्तीनें व अभिमानानें पाली अथवा मूळ भाषा ह्यणतात— परंतु, पाली ही मूळ भाषा नसून, ती जिच्यापासून नेघाली अशी तिच्याहून हि जुनी भाषा दाखवून देतां येते. ब्राह्मणांतील जी संस्कृत भाषा ती ही भाषा होय. हिला च डा. भांडारकर Middle Sanskrit किंवा पाणिनीय संस्कृत भाषा ह्यणतात:— Weber, Victor Henry वगैरे लोक हिलाच “ ancetre inconnu ” ह्यणजे “ अज्ञात पूर्वज ” ह्यणतात. डा. भांडारकर जिला Classic संस्कृत ह्यणतात तिला Weber वगैरे युरोपियन लोक पाणिनीय संस्कृत चुकीनें समजतात, इतकेंच पाली भाषा Classic संस्कृताची ह्यणजे शिष्ट संस्कृताची पुत्री नसून भगिनी आहे, असें हे लोक वस्तुतः ह्यणतात; परंतु, पाली Middle संस्कृताची ह्यणजे पाणिनीय संस्कृताची छाया व Vedic संस्कृताची ह्यणजे आर्य संस्कृताची स्तुषा आहे, हें [१] आर्य भाषा, [२] पाणिनीय भाषा, व [३] संस्कृत भाषा अशा तीन पायांच्या त्यांच्या लक्षांत आणून दिव्या ह्यणजे, त्यांना तेव्हां च पटेल, असें वाटतें, पालीची परंपरा अशी आहे:—

ग्रंथकार वै भाषा
व्याकरण इ. इ.

छाया



वरील वृक्षावरून डा. भांडारकरांचें झणणें स्पष्ट व्हावेंतें वाटतें. युरो-
पायन लोक daughter, grand-daughter,
पाली भासा पाणि-
नीय भाषेची छाया
माते; आणि महाराष्ट्री
भासा संस्कृत भाषेची
छाया आहे.
माते आहे, असें भांडारकरांचें झणणें आहे. आणि तें अगदीं बरोबर

mother, sister, वगैरे शब्द बोजून स्वर्थ चोटा-
ज्यांत पडतात व अभिमानाला किंवा दुरभिमानाला
पेटतात. ते जर "छाया" हा शब्द बोजतां तर
पुष्कळ गैरसमज दूर होईल. पाणिनीय भाषेची पाली
भासा ही छाया आहे आणि संस्कृत भाषेची महाराष्ट्री
भासा ही छाया आहे आणि संस्कृत भाषेची महाराष्ट्री

आहे. पाणिनीय भाषा शिष्ट लोक बोलत आणि पाली भाषा शिष्टतर लोक बोलत. त्याप्रमाणेंच संकृत भाषा शिष्ट बोलत आणि महाराष्ट्री भाषा शिष्टतर लोक बोलत.

कालान्तरानें पाली भाषा एका धर्माची पूज्य भाषा झाली. तो शाक्यमुनीनें काढलेला बौद्धधर्म होय. बुद्धाचा धार्मिक अवतार कीकट देशांत झाला, असें भागवत पुराणांत झटलें आहे (१-३-२४); आणि टीकाकारांनें कीकट झणजे गयाप्रदेश असा खुलासा केला आहे. झणजे पाली भाषा बुद्धाच्या वेळीं गयाप्रदेशांत शिष्टतर लोक शेंकडों वरें बोलत असत. चातुर्वर्ण्याचा व कर्ममार्गाचा आश्रय करणारे जे ब्राह्मण त्यांची भाषा पाणिनीय संस्कृत श्से; आणि एकजातीचा व यानमार्गाचा आश्रय करणारा जो गौतम-बुद्ध त्याची भाषा प्राकृतजनांची पाली असे.

ततः कलौ संप्रवृत्ते संमोहाय सुरद्विषां ।

बुद्धो नामांजनसुतः कीकटेशु भविष्यति ॥

(भावगत पुराण १-३-२४)

टीका:—कीकटे मध्ये गयाप्रदेशे.

ऋग्वेदांत हि ह्या कीकट देशाचा उल्लेख आला आहे:—

किं ते क्रिष्वन्ति कीकटेषु गावो.

यास्क:- कीकटो नाम देशो अनार्य निवासः । निरुक्त, ६—३२ ॥

पालीचा ऋग्वेद कालीं कीकट देशांत अनार्य रहात असत. सध्यां आपण मूळदेश ज्यांना कैकाडी झणतो व युरोपियन लोक ज्यांना Gypsy झणतात त्यांचा हा मूळदेश असावा. ह्या प्रांतांत आर्यांनीं वसाहत केल्यावर कैकाडी लोकांचे अपभ्रष्ट उच्चार आर्यांच्या कनिष्ठ जातींत व शिष्टतर लोकांत शिरले आणि प्रकटी ऊर्फ पाअडी ऊर्फ पाअली ऊर्फ पाली ऊर्फ पाळी ऊर्फ पालि ऊर्फ पाळि भाषा प्रचलित झाली. भाषा अशिष्ट लोकांच्या तोंडीं जाऊन जो अपभ्रंश झाला, त्या अपभ्रंशालाच प्राकृत भाषा झणतात, असें जें डा. भांडारकर म्हणतात, तें बरील हकीकती बरून खरें आहे, असें दिसतें. डाक्टरांचें विधान प्राकृत भाषासंबंधानें आहे व बरील हकीकत पाली भाषेसंबंधानें आहे, परंतु, तेबद्धानें डाक्टरांचा सिद्धान्त

कांहीं कमजोर होत नाही; उलट शिरजोरच होतो. कारण पाली भासा ह्या शब्दांचा अर्थ प्राकृत भाषा असाच आहे.

पाणिनीचा काल डा. भांडारकर सुमारे शक पूर्व ८०० धरतात. परंतु ब्राम्हणांचा अगदी शेवटला काल शक पूर्व १५०० जर त्यांना मान्य असेल तर, पाणिनीचा हि काल त्यांनी तोच धरल्यास, त्यांच्या उपपत्तीला ज्यास्त सामर्थ्य येईल.

पाणिनीय भाषेची ह्यणजे ब्राह्मणकालीन शिष्ट भाषेची छाया ज्याअर्थी पाली भासा आहे, त्याअर्थी ती पाणिनीय भाषे-
पाणिनीय भाषा व इतकीच वेद भाषेशी संबद्ध आहे. इतकेंच की
पाली भासा यांच्या ब्राह्मणकालीन भाषा पाणिन्यादि शिष्ट वैय्याकर-
संबंधासंबंधानें यूरो पांच्या उपदेशानें नियमबद्ध होत आहे; आणि
पियन विद्वानांचा शिष्टेत्तर लोकांची जी पाली भासा ती होत नाहीं.
गैरसमज. त्यामुळें वेदभाषेंतील कांहीं आर्यरूपें व लकबा

ळ, ळ हे उच्चार; (२) ऱ्हस्व दीर्घाकडे दुर्लक्ष्य, जसें छंदस्सुखार्थ, रमती, चेत्वा; (३) वैकल्पिक स्वरसंधित्व; (४) तृतीयेचा वैदिक प्रत्यय एभिः अथवा येभिः; (५) विशेषणविशेष्यांपैकीं एखाद्यालाच विभक्ति प्रत्यय लावण्यांत धर. सोड; (६) कर्मणि प्रयोगापेक्षां कर्तरि प्रयोगाचें बाहुल्य; (७) धातुसाधिताच्या वैदिक त्वान प्रत्ययाचें आधिक्य; ह्या सात लकबांवरून यूरोपीयन लोकांनीं असें ठरविलें आहे कीं पाणिनीय भाषेहून पालि भासा जुनी आहे. पालि भासेहून पाणिनीय भाषा जास्त शिष्ट, नियमबद्ध व सुधारलेली आहे, असें जर हे लोक ह्यणतील, तर त्यांना पाली व पाणिनीय भाषा यांच्यामधील भेद उत्तम कळला असें ह्यणतां येईल. कोणत्याहि भाषेच्या बाल्यावस्थेंत कर्मणि प्रयोगापेक्षां कर्तरि प्रयोगाचा उपयोग जास्त होतो. शिष्ट व सुधारलेल्या लोकांना कर्मणि प्रयोग पेलण्याचें सामर्थ्य येतें. तें सामर्थ्य गांवळ्यांना नसतें. पाणिनीय भाषेंत शब्दांच्या आंत स्वरसंधि अगदीं नियमानें होतोच. हा नियम शिष्ट लोक पाळूं शकतात; शिष्टतरांना इतकी नियमनशक्ति नसते. येभिः= एभिः= एहिः= ऐः अशा परंपरेनें शिष्टांनीं तृतीयेचें अनेकबचन ऐः प्रत्ययानें करण्याचा कित्येक स्थलीं प्रघात पाडला. शिष्टतर जुना येभिः च प्रत्यय

वेऊन बसले. शिष्टेतर =इस्व दीर्घाकडे दुर्लक्ष्य करतात; असले दुर्लक्ष्य शिष्टांना व सभ्यांना खपत नाही. करोती, रमती, चराति असलीं रूपें अशिष्ट पालींत व वैदिक भाषेंत सांपडतात; परंतु पाणिनीय शिष्ट व सभ्य भाषेंत ही धरसोड अजीबात बंद केलेली आहे. पाली भाषेच्या ह्या सात हि लकबा प्राधुनिक अशिष्ट मराठींत आढळतात. छंदःसौकर्यार्थ =इस्व दीर्घाकडे कुक-
र्षिंच्या मराठींत हमेश दुर्लक्ष्य होतें. शिष्टेतर मराठी वक्ते कर्मणि प्रयोगाचा वर्तारिपेक्षां कमी उपयोग करतात. ल, ल्हचा उच्चार अशिष्ट मराठींत फार आहे. सारांश, ह्या सात हि लकबा अशिष्टत्वाच्या द्योतक आहेत; श्रेष्ठत्वाच्या द्योतक नाहीत. त्यांना मिठी मारून, पाणिनीय भाषेला अर्वाचीन व कृतिम प्रविण्याच्या वृथा खटपटींत यूरोपीयन लोक पडले आहेत, ह्यांत बिलकुल शंश नाही.

अशिष्ट लोक शिष्ट भाषेचा अपभ्रंश करण्यांत जितके चपल असतात, अशिष्ट पाली तितकेच जुन्यापुराण्या आर्ष शब्दांना व प्रत्ययांना चिक-
चा दुतोडे- टून बसण्यांत पटाईत असतात. अशिष्ट लोकांचे हे पर-
पणा. स्पर विरुद्ध चाले आजपर्यंत अनेक यूरोपीयन लोकांना फसवीत आले आहेत. त्यांच्या भाषेंत ज्या अर्थी अत्यंत नेपुराणें शब्द सांपडतात, त्याअर्थी त्यांची भाषा तत्कालीन शिष्ट भाषेहून नी असावी, असें जों क्षणभर मानावें, तों वर्तमान शिष्ट भाषेचे अप-
श करण्यांत हें लोक गुंतलेले पाहून, नवी भाषा बनविण्याच्या खटपटींत आहेत, असें दृष्युत्पत्तीस येते. ' कत्वान ' शब्दांत वैदिक ' त्वान ' यय पाहून पाली भाषा वैदिक भाषेच्या जोडीला नेऊन जों बसवावी, दत्तवत् शब्दाचा दिन्नवा अपभ्रंश पाहून पाणिनीय संस्कृतापासून ही तेत होत चालली आहे, असें क्षणें भाग पडतें. मराठींत हि हाच चम-
ार इष्टीस पडतो. " जात्याती " हें जुनें रूप अशिष्ट लोकांच्या तोंडीं जों हावें, तों " घराप " हें अपभ्रष्ट रूप त्याच वाक्यांत आढळून येतें.

याम्तः असन्ति=जॉत आहाति=जॉताहाति=जॉत्याति=जॉत्याती; अशी स्वाती व जॉत्याती ह्या जुन्या रूपांची परंपरा आहे. ' जात्याती ' बद्दल धनिक शिष्ट लोक " जातात " असें रूप योजतात,

जाताहाति=जाताति=जातात.

परंतु, अशिष्ट लोक जँत्याती किंवा जात्याती हें जुनें अपभ्रष्ट रूप च धरून बसले आहेत. पण एवढ्यानें ते जुनी भाषा बोलतात, असें झणण्यांत अर्थ नाही. कारण,

घरापासौनियां=घरापासौनि=घरापासौन=घरापास=घराप

ह्या परंपरेनें अशिष्ट लोकांनीं घराप हें अपभ्रष्ट रूप बनविलेलें पाहून, ते नवी भाषा तयार करित आहेत, असा सिद्धान्त बसवावा लागतो. तात्पर्य, अशिष्ट लोकांच्या ठायीं जुन्याला चिकटण्याचा व नव्याला धरण्याचा परस्परविरोधी दुतोंडी गुण असतो, हा सिद्धान्त आहे. ह्या दुतोंडी गुणाच्या कोणत्या हि एकाच तोंडाला पाहून, पालीसारख्या अशिष्ट भाषांचे गुणधर्म व जातगोत ठरवूं जाणें अश्यास्त्र आहे.

गौतमबुद्ध जर न जन्मता आणि पाली भासेत न बोलता व लिहिता, तर पाली भासेची आठवण आज न रहाती. पाली ऊर्फ प्राकृत सारस्वतामुळें पाली आज गौतम बुद्धाच्या पूर्वी हजार वर्षे होती. परंतु, तीत सारस्वत आहे असें स- किंवा वाङ्मय नसल्यामुळें, तिची माहिती हि कोणास मजतें नाही. बुद्धानंतर तीत धार्मिक सारस्वत होऊं लागलें व बौद्ध लोकांची ती धार्मिक भाषा बनली. त्यामुळें, ती आज उपलब्ध व माहित होत आहे.

यूरोपियन लोकांना पालीची जी इतकी बेसुमार गोडी लागलेली दि- सत आहे, तिला कारण आहे. पाली भासा ज्या बौद्ध लो- यूरोपियन लो- कांचें पालीव- कांचे धर्मभाषा आहे ते लोक यूरोपीयन लोकांप्रमाणेंच रील प्रेम स- चातुर्वर्ण्यविहिन व आचारहीन आहेत. ह्या समानधर्मा शि- हेतुक आहे. वाय, पाली ग्रंथांवर यूरोपीयन विद्वानांचा इतका भर अ- सण्याचें दुसरें असें कारण आहे कीं, ख्रिस्ती धर्माचा ए- कोनएक स्वभाव बौद्ध धर्मांत सांपडतो. व ख्रिस्ती धर्म बौद्ध धर्माची नकल आहे, अशी खात्री होते. अशी ज्या अर्थी वस्तुस्थिती आहे, त्या अर्थी पाली भासा संस्कृत भाषेहून, पाणिनीय भाषेहून व वैदिक भाषेहून ही पुरातन आहे, अ- तएव ब्राम्हणांच्या वेदभाषेहून श्रेष्ठ आहे, अशी सिद्धि करण्याकडे यूरोपियनांच्या मनाचा फार ओढा असतो. ब्राम्हणांपासून किंवा ब्राम्हणांच्या बडकांपासून उ- सनें घेतल्याची लाज ह्या लोकांना फार वाटते. इतकी कीं, ज्यांच्याशीं केवळ

धर्माच्या नकलेचा बादरायण संबंध, त्या बौद्ध लोकांच्या पालीला हि पाणिनीय भाषेची नकल छटलेले ह्यांना खपत नाही. इतकेंच नव्हे, तर, पाली भासा वैदिक भाषेहून हि पुरातन आहे, असे निराधार मत प्रस्थापित्याशिवाय त्यांना समाधान वाटत नाही.

पाली भासा वैदिक भाषेच्या बराबरची नाही, हें ठरविण्याला तोडगा आहे. पालीचे छायारूप भाषान्तर युरोपीयन लोक पाणिनीय भाषेंत देतात, वैदिक भाषेंत किंवा संस्कृत भाषेंत देत नाहीत. ह्याचा अर्थ इतकाच की पाली भासेची छाया पाणिनीय भाषेंत साधर्म्यामुळे देणें जितकें सोयीचें आहे, तितकें वैदिक किंवा संस्कृत भाषेंत देणें सोयीचें नाही.

पाणिनीय भाषेची छाया जशी पाली ऊर्फ प्रकटी ऊर्फ प्राकृत भाषा तशी वैदिक आर्ष भाषेची छाया असलेली उपलब्ध नाही. वेदांत अ. कारण, आर्षकाली अनार्य लोकांवर आर्षभाषा लादण्याचा प्र- पभ्रष्ट उ. संग उद्भवण्यास ह्यणण्यासारखें कारण झाले नाही. तत्रापि, चार असुर्या देशांतील असुर लोकांशी संबंध आला असतां, दुष्ट उच्चार आर्यांच्या कानावर येऊं लागले, असें ह्यणण्यास आधार आहे.

“ तेऽसुरा ‘ हेऽलयो हेलय ’ इति कुर्वतः परावभूतः । तस्मात् ब्राह्मणेन न म्लेच्छित्तवै नापभाषितवै । म्लेच्छो ह वा एष यदपशब्दः । तस्मान्न ब्राह्मणो म्लेच्छेत् । ” अशी शतपथश्रुति आहे. ही श्रुति ब्राह्मणकाली रचलेली आहे, हें तिच्या भाषेवरून उघड दिसत आहे. परंतु, हीं पुरातन काली अपभ्रष्ट उच्चार करणाऱ्या असुरांचा पराभव झाला, असें वर्णन आहे. ह्यणजे आर्षकाली आर्ष शब्दांचा असुर लोक अपोच्चार अथवा अपभ्रंश करित. हे असुर ह्यणजे असुर्या किंवा असुर्या देशांतील लोक.

असुर लोक
इसवीपूर्वी
६०००—२०००
असुर्या देश इराणच्या पश्चिमेस यूफ्रेटीस व टैग्रिस या नद्यांच्या भोंवती आहे. असुर्या देशांत असुरांनी मोठी पातशाहत इसवीसनापूर्वी ६००० पासून २००० पर्यंत केली. अर्थात् आर्ष ‘ अरयः ’ शब्दाचा ‘ अलयः ’ असा अपभ्रंश असुरांच्या तोंडून इसवीपूर्वी ३००० वर्षांच्या सुमारास झाला असला पा-

हिजे. “ पिक, ” “ नेम, ” “ तामरस ” वगैरे शब्द असुर भाषेंतून आर्षभाषेंत जे आले झणून शबरस्वामी झणतो, ते ह्या च कालांत आले. बायबलांत Molochians झणून एका लोकांचे नांव येते तेच हे म्लेच्छ असावेत आणि म्लेंच्छ हे असुरांपैकीं होते, हें वरील श्रुतीवरून सिद्ध होतच आहे. अव्यक्त उच्चार करणें हा असुरांचा मुख्य उच्चारदोष होता. म्लेच्छ अव्यक्ते शब्दे । धातुपाठ २०५।.

ज्या अर्थी आर्ष शब्दांचा असुर लोक अपभ्रंश करित, त्या अर्थी आर्ष

प्रांतिक, जा-
तिक किंवा
गोत्रीय आर्ष
भाषा

भाषेचा अपभ्रंश होता, असें झणावें लागतें. अपभ्रंशा-
खेरीज, आर्षभाषेच्या प्रांतिक किंवा गोत्रीय विभाषा हि
असाव्या, असें दिसतें. कारण, देवाः, देवासः, देवैः, दे-
वेभिः, त्वानं, त्वीनं, त्वाः अशीं अनेक रूपें एकाच
विभक्तीचीं व वचनार्चीं ज्या भाषेंत सांपडतात त्या भाषेंत

प्रांतिक किंवा गोत्रीय किंवा जातिक पोटभेद असले पाहिजेत, ह्यांत संशय
नाहीं. तसेंच कृत बदल कुट, कर्त बदल काट, गृह बदल गेह वगैरे कठि-
ण व सोपे उच्चार ज्या भाषेंत एका च वेळीं आढळतात त्या भाषेंत पोट-
भेद असले पाहिजेत, असें मानिल्यावाचून गत्यंतर नाहीं, तात्पर्य, प्रांतिक
भाषा, प्रांतिक भाषा, जातिक किंवा गोत्रिक भाषा, व अपभ्रंश, असा च-
तुर्विध भाषाभेद वैदिक कालीं होता. पैकीं, म्लेच्छ व असुर लोकांनीं केलेला
अपभ्रंश वैदिक आर्यांना बिलकुल स्वपत नसे व तो त्यांच्या तिरस्काराचा
विषय होत असे. प्रांतिक व गोत्रिक भाषाविकार किंवा भेद प्रबल व सर्व-
मान्य झाल्यास शिष्ट व प्रांतिक भाषेंत समावेशिला जाई, आणि दुर्बल
झाल्यास लुप्त होई. प्रांतिक किंवा गोत्रिक पोटभाषा बोलणारे आर्य पडल्या-
मुळें तिरस्काराचें कारण नसे.

ह्या ज्या प्रांतिक किंवा जातिक किंवा गोत्रिक वेदकालीन पोटभाषा

युरोपियन
विद्वान वि-
रुद्ध डा.
भांडारकर

त्यांच्यापैकीं एकीपासून किंवा सर्वांपासून पाली भाषा उद्भ-
वली, असें युरोपियनांचे झणणे आहे. पाली पाणिनीय ऊर्फ
ब्राह्मण भाषेची प्राकृत छाया आहे, असें डा. भांडारकरांचे
मत आहे. पैकीं खरें कोणतें, ह्याचा निर्णय मागें ज्ञाना च
आहे, पालीचा अक्षरसः व रूपसः तर्जुमा किंवा विपरिषाद

जसा पाणिनीय भाषेत तंतोतंत होतो तसा वैदिक भाषेत किंवा वैदिक भाषेच्या कोणत्या हि पोटभेदांत [माहीत असल्यास] होत नाही. त्या अर्थी पाली भासा बेदकालीन भाषेच्या कोणत्याहि पोटभेदांपासून निवाली नसून, पाणिनीय भाषेची छाया ऊर्फ प्राकृत प्रतिकृति आहे. पाणिन्यादि शिष्टांच्या भाषणांतून व ग्रथांतून लुप्त झालेली कांहीं वैदिक रूपे व शब्द अशिष्टांच्या प्राकृत, प्रकृत, उर्फ पाली भासेत सांपडतात इतकेंच. तेव्हां येणें युरोपीयनांचा विद्वान्त स्थापित होणें अवघड आहे.

कीकटनामक गयाप्रदेशांत ब्राह्मणेंत आर्याना अनार्य कीकटांच्या संसर्गानें अपभ्रष्ट उच्चार करण्याचा वाण लागला आणि कालान्तरानें हा वाण बळावून, पाली, ऊर्फ प्रकृत ऊर्फ प्राकृत भासा जन्मास आली. अनार्यांच्या संसर्गानें ब्राह्मणांना देखील अपोच्चार व अपभाषण करण्याची संवय लागण्याची भीति होती. एतदर्थ, ब्राह्मणानें अनार्य म्ळेच्छासारेखे अपभ्रष्ट उच्चार करूं नये, असा इशारा त्याकाळीं उच्छृंखल ब्राह्मणांना तत्काळीन शिष्टांनीं दिव्या माराश, शिष्ट भाषेचा अपभ्रंश अनार्यांच्या संसर्गानें हि होणें शक्य असतो. आर्यभाषा अनार्य उच्चारूं व योजूं लागले असतां जो अपभ्रंश होतो, तो उच्चारपुरताच थांबत नाही. तर, लिंग, वचन, प्रत्यय, वगैरे भाषेच्या आंतर रचनेंत हि त्या त्या अनार्यांच्या भाषेच्या स्वभावानुरूप फेरफार करते. असला आंतर अपभ्रंश होऊन, पाली भासा बनलेली नाही. फक्त संसर्गाचा अथवा सांसारिक अपभ्रंश होऊन पाली भासा पाणिनीय भाषेची छाया बनली. संसर्गानें श्यापर्ण इत्यादि कित्येक ब्राह्मणजाति अपूत हाणजे असंस्कृत भाषा बोलत, असें विसृत वर्णन ऐतरेय ब्राह्मणांच्या प्रथम खंडाच्या ३५व्या अध्यायांत आलें आहे. तीच ही पाली असावी. *

* वैदिक भाषा (शकपूर्व ६०००-३०००) आणि ब्राह्मणभाषा ऊर्फ पाणिनीय भाषा (शकपूर्व ३०००-१५००) ह्यांच्या वेळीं अपभ्रष्ट भाषा होती, हें बरील्ले मुद्यावरून दृष्ट आहे युरोपीयनांच्या एतत्संबंधानें कल्पना अद्याव फार अस्पष्ट आहेत. इ. सं. १९०४त राप्सन येणेंप्रमाणें लिहितो:—These Pra-

१८ पाली भासा गोतमबुद्धाच्या पुढें पन्नाससंभर वर्षे चालून, नंतर तिचें प्रयाण सिंहलद्वीपांत झालें. सिंहलद्वीपांत गेल्यापासून, ती बौद्ध लोकांची धार्मिक भाषा बनली व मृतभाषेची स्थिर कळा तिला आली. पाली भासा झणजे मगधांतील किंवा कोसलांतील प्राकृत भाषेचा बुद्धान्या वेळचा पोटभेद तो पोटभेद बौद्धधर्मीयांनीं यद्यपि स्थिर व मृत बनविला, तथापि मगध देशांतील मागधी प्राकृत तत्कालीन संस्कृताची मगधदेशांतील छाया झणून नांदत होतीच. मथुरादेशांत जी संस्कृताची छाया होती तिला शौरसेनी असें नांव पडलें. आणि पिशाच लोक जी छायारूप संस्कृत बोलत तिला पैशाची असें अभिधान होतें. मागधी, शौरसेनी व पैसाची हीं विशेषणें व विशेष्ये मगध, सुरसेन व पैसाच ह्या देशवाचक शब्दांवरून पडलीं आहेत. वर्तमान बहार झणजे मगध; मथुरेभोंवतालील जो प्रांत तो सुरसेन; आणि प्रस्तुतच्या पिसावर प्रांताच्या उत्तरेकडील जो प्रांत तो पिसाच. मगधदेश कोणता ह्यासंबंधानें वाद नाहीं. सुरसेनदेशाचा उल्लेख मनुस्मृतींत येणें प्रमाणें आला आहे.

कुरुक्षेत्रं च मत्स्याश्च पंचालाःशूरसेनकाः ॥

[मनु. अ. २, श्लो. १९]

हा शब्द भारत व हरिवंश ह्यांत येतो.

पेशावर=पिसावर=पिप्साउर=पिसाचपुर, अशा परंपरेनें आधुनिक पेशावर शब्द साधला असल्यानें, पेशावरच्या उत्तरे कडील काफरिस्थान, कोहिस्तान, चित्रळ व अंशतः काश्मीर वगैरे प्रांतांतील पुराण भाषा पिसाचांची होय, ह्यांत संशय नाहीं. अलीकडे [इ. स. १९०४, journal R. A. S. pp. 725-731] ग्रियरसनचें हि मत असंच झालेचें आहे.

मागील पृष्ठावरून पुढें चालू

krits cannot be traced back to Vedic Sanskrit, or to the period of the Brahmanas or even to the date of the earliest Sanskrit of the Epic! (In what degree was संस्कृत a spoken Language? A. D. 1904, j. R. A. S.)

रास्पन पाणिनीला शकपूर्व ३००ला आणून ठेवतो! कालाचा असा घोषळ केसळ-मुळें, युरोपिशाचांच्या संस्कृत प्राकृतभाषाविषयक बहुतेक सर्व कल्पना हि विविध व असंभाव्य होतात; मग सिद्धान्त तर होतीलच!!!

पौण्ड्रकाश्वौद्रविडाः कांबोजा यवनाः शकाः ।

पारदा पल्हवाश्वीनाः किराता दरदाः खशाः ॥

[मनु, अ. १०, श्लोक ४४].

ह्या श्लोकांत उल्लेखिलेले जे दरद तेच Dard होत. त्यांची भाषा पैसाची वर्गातील होय, असें धरील भाषागणकांचें मत आहे.

अपक्रामंतु भूतानि पिशाचाःसर्वतो दिशं !

संघेतील ह्या श्लोकाधांत ह्या पिशाचांचा निर्देश आहे. तैत्तिरीय संहितेंत देखील यांचें नांव येतें. पैशाच विवाहाचा उल्लेख स्मृतिकागर्नी केलेला प्रसिद्ध आहे. मुळीं, हे लोक अनार्य होते व आर्यांचे शत्रू होते. ह्यांच्या संसर्गानें कित्येक आर्य क्षत्रिय क्रियालोपानें आर्यत्वापासून च्युत होऊन दरद झाले; व मूळ आर्यभाषा अपभ्रष्ट उच्चारानें बोलूं लागले.

शनकै स्तु क्रियालोपादिमाः क्षत्रियजातयः ।

वृषलत्वं गतालोके ब्राह्मणादर्शनेन च ॥

(मनु, अ. १०; श्लोक ४३)

१९ सूरसेन, मगध व पिसाउर ह्या प्रांतांत पाणिनीय भाषेच्या प्रांत-

ऐतिहासिक दृष्ट्या
अथवा कालाबच्छे-
दानें मराठीचें अर्वा-
चीनत्व. पहिली प्रा-
कृत—सौरसेनी

परत्वे तीन निरनिराळ्या छाया झाल्या. त्यांतल्या त्यांत पहिली छाया सूरसेनदेशांत झाली. कारण आर्यांचें भरतखंडांतील पहिलें नागरवसतिस्थान झटलें झणजे सरस्वती व दृषद्वती या दोन पवित्र नद्यांमधील जो ब्रह्मावर्त प्रांत तो होय.

सरस्वतीदृषद्वत्यो देवनद्यो र्यदन्तरम् ।

तं देवनिर्मितं देशं ब्रह्मावर्त्तं प्रचक्षते ॥

[मनु, अ. २, श्लोक १७]

सरस्वती व दृषद्वती या दोन नद्यांमधील प्रदेश देवांनीं प्रथम वसाहत देव कोण? कल्पन तयार केला आणि त्याला ब्रह्मावर्त्त असें नांव पडलें,

असा ह्या श्लोकाचा अर्थ आहे. देव झणजे आपणा हिंदुस्थानांतील आर्यांचे मूळ पूर्वज. देव झणजे ईश्वर gods नव्हे. असुराधीं झणजे

इंग्रज लोक ज्या देशाला Assyria ह्मणतात त्या देशातील पुरातन राहिव-
शांशी ज्यांचें हाडवैर असलेलें वेदांत वर्णिलें आहे ते हे देव होत. हे देव
कोण तें नीट न उलगड्यामुळें रा. रा. ऱ्हीस डेव्हिस ह्या श्लोकावर अशी
अज्ञ व पोरकट टीका करतो:—

“ That, according to the brahmins, is the land created
by the gods—as if, other lands were not. (Here), the
priestly authors of that famous manual (मनुस्मृति) have
thrown off all disguise. ”

(Journal R. A. Society for 1904, p. 93)

देव ह्या शब्दाचा नीट अर्थ उलगडला असता, ह्मणजे ब्राह्मण सत्य व इति-
हास सिद्ध जें होतें तें च लिहीत आहंत, असें ऱ्हीस डेव्हिसच्या लक्ष्यांत
आलें असतें. असो. ब्रह्मावर्तदेशातील जो मथुराप्रांत त्या प्रांतांत आ-
र्यांची कालान्तरानें वसाहत पसरून भापेंत प्रथम अपभ्रंश मुरू झाला. त्याला
च प्रौढदशेंत सौरसेना असें नांव पडलें.

कुरुक्षेत्रं च मत्स्याश्च पंचालाः शूरसेनकाः ।

एष ब्रह्मर्षिदेशो वै ब्रह्मावर्त्तादनन्तरः ॥

[मनु, अध्याय २, श्लोक २०]

कुरुक्षेत्र, मत्स्यदेश, पंचाल व शूरसेन ह्या देशांत आर्यांचा प्रसार
झाल्यानंतर, त्यांच्या वसाहती पूर्वेस मगध व पश्चिमेस पिसा-
दुसऱ्या प्राकृत मागधी व पैसाची
उर-प्रांतांत कायम झाल्या किंवा त्या प्रांतांना स्पर्श करूं
लागल्या अशा स्थितींत मागधी व पैसाची ह्या दोन प्राकृत-
भाषा तत्तद्देशस्थ मूळ लोकांच्या संसर्गानें उच्चारपभ्रंश
व पैसाची होऊन अस्तित्वांत आल्या. पूर्वेस व पश्चिमेस वसाहती झाल्या
नंतर आर्यांची दृष्टि दक्षिणदिशेकडे वळली आणि दंडकारण्यांत त्यांनी प्रवेश
केला. दंडकारण्यांत वसाहत व कायमची वसती झाल्यावर, महाराष्ट्री
तिसरी प्राकृत महाराष्ट्री
नावांची प्राकृत भाषा तेथें जन्मास आली. दंडकारण्यांत जे
आर्य वसाहत करण्यास गेले त्यांनी आपल्या वसाहतीस
महाराष्ट्रदेश, आपल्यास महाराष्ट्रीय लोक व आपल्या
भाषेस महाराष्ट्री भाषा अशी अभिमानाची नांवें दिली.

ऋग्वेद, ब्राह्मण, रामायण, भारत, ह्या ग्रंथांतील उल्लेखांवरून आर्यांच्या वसाहतींचें पूर्वापरत्व व ऐतिहासिक क्रम ठरलेले प्रसिद्ध आहेत. सबब, त्यांचा येथें तपशिल देत नाहीं.

२० ऐतिहासिकदृष्ट्या झणजे कालदृष्ट्या (१) सौरसेनी—(२) मागधी व पैसाची—(३) महाराष्ट्री, असा क्रम लागतो. उच्चारदृष्ट्या हि हाच क्रम असलेला आढळून येतो. उदाहरणार्थ, एक पाणिनीय क्रियापद घेतों:—

१	पाणिनीय भाषा:—	वर्तते
२	पाली:—	वट्टति
३	{ सौरसेनी:— मागधी:— पैसाची:—	वट्टदि
		वट्टडि
		वट्टति
४	महाराष्ट्री:—	वट्टइ

पाणिनीय भाषेंत वृत् धातूचें वर्तमानकालीं तृतीयपुरुषीं एकवचनीं मात्मनेपदीं वर्तते असें रूप होतें. प्राकृतांत प्रायः परस्मैपद सार्वत्रिक आहे.

‘ र्त ’ चा वृ सर्व प्राकृतांत सामान्य आहे. ‘ ति ’ ची ‘ दि ’ सौरसेनीत होते. पैसाचींत मृदु व्यंजनें नसल्या-कारणानें ‘ ति ’ ची ‘ ति ’ च कायम रहाते. माग-धींत सौरसेनी ‘ दि ’ ची ‘ डि ’ होते. महाराष्ट्रांत ‘ ति ’ ची ‘ इ ’ होते. ‘ ति ’ ची ‘ दि ’ होणें जितके सजातीय व सु-भ आहे तितकें ‘ इ ’ होणें सजातीय व सुलभ नाहीं. ‘ ति ’ ची ‘ दि ’ हिल्या पायरीचा अपभ्रंश झालेला दिसतो. ‘ ति ’ ची ‘ इ ’ व्हावयाची णजे ति, दि, डि, ढि, हि, इ अशा परंपरेनें होईल. म्हणजे इ होणें प-ल्या पायरीचा अपभ्रंश नसून, पहिल्या अपभ्रंशाच्या अपभ्रंशाचा अपभ्रंश हे. अर्थात्, उच्चारदृष्ट्या पाणिनीय भाषेपासून सौरसेनीहून महाराष्ट्री दूरतर हे.

दुसरें उदाहरण भूतकालवाचक धातुसाधित विशेषणाचें वेतों:—

१	पाणिनीय भाषा:—	कृत
२	पाली:—	कत
३	{ सौरसेनी:—	कद
	{ मागधी:—	कड
	{ पैसाची:—	कत
४	महाराष्ट्री:—	कअ

येथें पाली व पैसाची पाणिनीय भाषेच्या जवळ, नंतर सौरसेनी, नंतर मागधी व नंतर महाराष्ट्री असा उच्चारपभ्रंश दिसतो. तस्मात्, उच्चारदृष्ट्या हि महाराष्ट्री भाषा सौरसेनी, मागधी, पैसाची, व पाली ह्यांच्या अलीकडची ठरते.

२१ इतिहासदृष्ट्या व उच्चारदृष्ट्या महाराष्ट्री जर पाली, सौरसेनी, मागधी व पैसाची ह्या चार भाषांहून अर्वाचीन ठरते, तर वररुची सारख्या वैयाकरणानें “ शेषं महाराष्ट्रीवत् ” हें सूत्र उच्चारून सौरसेनी, मागधी व

पैसाची ह्या भाषांना गौणत्व कां दिलें, असा प्रभ उ-
व्याकरणदृष्ट्या म-
हाराष्ट्रीचें अग्र-
मान्यत्व.

हेतें व ती राजभाषा या नात्यानें नांदत होती. उत्कृष्ट सारस्वत मिळाल्यानें व दरबारी प्रवेश झाल्यानें महाराष्ट्रीला नागरत्व, राजमान्यत्व व शिष्टमान्यत्व येऊन, ती विद्वानांच्या व रसिकांच्या आदराचें पात्र झाली. ह्याच बलवत्तर कारणाच्या जोरावर दंडीनें आपल्या काव्यादर्शांत महाराष्ट्रीला सर्व प्राकृत भाषांत उत्कृष्ट ठरविलें.

महाराष्ट्राश्रयां भाषां प्रकृष्टे प्राकृतं विदुः ॥

ह्याच शिष्टगुणसंपन्नत्वामुळें ती वैयाकरणाच्या निरीक्षणाचा विषय झाली व व्याकरणदृष्ट्या तिच्याहून प्राचीन परंतु सारस्वताभावामुळें तिच्याहून हीन अशा इतर भाषांना उपमान झाली. शिष्ट महाराष्ट्रीचें व्याकरण र-
चलें झणजे इतर प्राकृत भाषांचें व्याकरण बव्हंशानें त्यांत आलेंच, असा सिद्धान्त झाला. इतर प्राकृत भाषांच्या ठोकळ ठोकळ दहा पांच लकबा दा-
खवून दिल्या, झणजे झालें. महाराष्ट्रीच्या हवाल्यावर सर्व काम भागलें. अशा दृष्टीनें, झणजे वैयाकरणांच्या दृष्टीनें महाराष्ट्री भाषेला अग्रमान्यत्व

भाषिकें आहे. बाकी, कालदृष्ट्या, इतिहासदृष्ट्या, जन्मदृष्ट्या, व उच्चार-
दृष्ट्या महाराष्ट्री भाषा ह्या तिन्ही भाषांहून अर्वाचीन आहे.

पालीत बौद्ध लोकांचे फक्त धार्मिक वाङ्मय आहे. आख्यायिका नां-
वाच्या कहाण्या आहेत; परंतु त्यांना कादंबरीच्या तोडीला आणून बसवितां
येत नाही. सौरसेनीत व अर्धमागधांत जैनाचें धार्मिक वाङ्मय—स्तोत्रें वगैरे
आहे. पैसाचींत एकटी बृहत्कथा तेवढी झालेली प्रसिद्ध आहे. परंतु, ती लुप्त
होऊन, आतां त्या भाषेतील एखाद दुसरें वाक्य नाटकांतून जेवढें सांपडतें ते-
वढेंच. इतर भाषांतील सारस्वताची अशी दुर्दशा असल्यामुळें, महाराष्ट्रीतील
वेविध सारस्वताचें तेज सापेक्षतेनें फारच चमकूं लागलें व तिच्या पाठीमागून
आकरण प्रदेशांत दास्यवृत्तीनें जाणें त्यांच्या कपाळीं आलें.

२२ मथुरा अथवा सौरसेन[नंतरचें नांव]प्रांतांत वसाहत झाली, तेव्हां

पाली-मागधी-
सौरसेनी-पैसाची
गांचा जन्मकाल.

सौरसेनी प्राकृत उत्पन्न झाली; मगध देशांत वसाहत
झाली, तेव्हां मागधी झाली; पिसाउरांत
पैसाची निघाली; आणि महाराष्ट्रांत वसाहत झाल्यावर.
महाराष्ट्री प्राकृत अवतीर्ण झाली. मागधी प्राकृताचें

रूप जी पाली ती शकपूर्व १५०० च्या सुमारास मगधांत सुरू झाली.
गंध्या हि पूर्वी सौरसेनीचा प्रारंभ झाला असावा; कारण तो प्रांत ब्रह्माव-
र्ष्या जवळ आहे. परंतु, सौरसेनीत सारस्वत नसल्यामुळें तिचा आदि व
अप्य स्पष्टपणें निर्देशितां येत नाहींत. पाली व सौरसेनी ह्यांच्यानंतर पैसाची
पिसाउरांत उदयास आली असावी. बृहत्कथेखेरीज हींत सारस्वत असल्याचें
सिद्ध नसल्यामुळें व खुद्द बृहत्कथा लुप्त झाल्यामुळें, ह्या हि प्राकृताचा
आदिमप्य नक्की ठरावितां येत नाहीं. शहाबाजगढी ऊर्फ कपूर्दगिरी येथील
शोकाच्या शिलालेखांत पैसाची भाषेचा एक पोटभेद दृष्टीस पडतो. तसेंच
नाटकांत कोठें एखादें दुसरें वाक्य पैसाचींत येतें. कृष्णयजुर्वेद संहितेवर
गाची भाषेत [आधुनिक पैसाची ?] टीका आहे, परंतु, ती हि अद्याप
सिद्ध झालेली नाहीं. ह्या पलीकडे पैसाचीच्या ज्ञाताज्ञात सारस्वताची जास्त
आहिती उपलब्ध नाहीं.

२३ महाराष्ट्रभाषेची गोष्ट ह्या दोन्ही तिन्ही भाषांहून निराळी आहे.
त्या जन्मकाल बराच नक्की ठरावितां येण्यासारखा आहे. कारण, दक्षिणा-

रण्यांत आर्यांची वसाहत केव्हां झाली व सारस्वताचा उदय महाराष्ट्रांत कि-
तपत झाला, ह्यांची हकीकत इतर भाषांच्यापेक्षा महाराष्ट्री भाषेसंबंधानें
जास्त खुलासेवार व विश्वसनीय मिळण्याची शक्यता आहे.

२४ पाणिनी आपल्या व्याकरणांत प्राकृत भाषांचा उल्लेख बिलकुल
करीत नाहीं. त्या अर्थी प्राकृत भाषा ब्राह्मण भाषेपासून
विलग होऊन स्पष्टपणें भिन्न भासण्याच्या पूर्वी पाणिनी झाला
असला पाहिजे हें उघड आहे. मागें १७ व्या रकान्यांत
पाणिनीचा काल सुमारे शकपूर्व १५०० असावा असें
झटलें आहे. आणि, एकंदर गोळा बेरीज पहातां, हाच
काल प्रायः बरोबर असावा असें वाटतें. आतां, पाणिनि
शास्त्र, पांचाल, कंबोज वगैरे देशांचीं नांवें देतो. परंतु
दक्षिणेंतील पांड्य, चोल इत्यादि देशांचीं नांवें देत
नाहीं. त्या अर्थी, तीं त्याला व त्याच्या समाजाला माहीत
नव्हतीं. माहीत असतीं तर तो तीं द्यावयाला चुकताना.

कारण तो अत्यंत आस्थेवाईक वैय्याकरण होता. पाणिनि विंध्यपर्वताच्या
उत्तरबाजूचे कुमुद्वत्, नड्वत् व वेत्स्वत् ह्या तीन देशांचा उल्लेख करतो;
परंतु, विंध्यपर्वताच्या दक्षिणबाजूच्या प्रांतांचें नांव सुद्धां काढीत नाहीं.
पाणिनि ज्याला वेतस्वत् ह्मणतो त्याच देशांतील मोठ्या नदीला पुढें
संस्कृत भाषेंत वेत्रवती [वेतस्=वेत्र] ह्मणूं लागले. वेत्रवतीलाच सध्यां
बेटवा ह्मणतात आणि ह्या नदीवरील मुख्य शहराला भिलसा, भेळसा, भेळसें
[वेतस्=वेडस=वेळस=वेळसें=भेळसें] असें अभिधान आहे. ह्मणजे विंध्यपर्व-
ताच्या उत्तरबाजूचे जे देश ते पाणिनीला माहीत होते, दक्षिणेकडील नव्हते,
ही सिद्ध गोष्ट आहे. विंध्यपर्वताच्या दक्षिणेस घोर अरण्य आहे, हें त्याला
माहीत होतें. परंतु, तेथें लोकवस्ति झालेली त्याला माहीत नव्हती. असती
तर, तेथील लोकांच्या व देशांच्या नावांत कांहीं वैय्याकरणाक विशेष असलेला
तो आवश्यक सांगता. ज्या अर्थी सांगत नाहीं, त्या अर्थी पाणिनीच्या कालीं
ह्मणजे शकपूर्व १५०० च्या सुमारास दंडकारण्यांत विंध्याच्या दक्षिणेस आ-
र्यांची वस्ती झाली नव्हती, अथवा, होत असल्यास, ती इतक्या मुग्धावस्थेंत

होती की तिच्यावरून देश व प्रांत व तत्रस्थ लोक यांना विशिष्ट नावें पडलीं नव्हतीं.

२५ पाणिनीच्या कालीं पश्चिमेस सध्यांच्या गुजराथेंतून व पूर्वेस कलि-
 आर्य पश्चिमेकडून
 कोंकणांत उतरले
 व तेथून घाटांनीं
 दंडकारण्यांत शि-
 रले. शक पूर्व
 १५००-१०००

गातून दक्षिणेकडे जाण्याचा आर्यांचा उपक्रम चालला होता. एक दोन शतकांत पूर्वपश्चिम किनारा व बहुतेक सर्व द्रविडदेश त्यांनीं आक्रमण केला. ह्यणजे दंडकारण्याला चान्ही दिशांनीं गराडा घातला. नंतर, दंडकारण्यावर हल्ला करण्यास सुरवात केली. भापेवरून जर ग्रंथांचा कालानुक्रम लाविला तर असें दिसते कीं भारताचा कांहीं भाग ब्राह्मण-कालाच्या ह्यणजे पाणिनीय कालाच्या अगदीं शेवटल्या पादांतील आहे आणि बराच भाग पाणिनीय कालाच्या नंतरचा आहे. भारतीय सभाषांची भाषा ह्या दुसऱ्या भागापैकीं दिसते तेव्हां त्यांतील मजकूर पाणिनीच्या नंतरच्या कालाला अनुलक्षून असावा, हें साहजिक आहे. सहदेवानें पश्चिम किनाऱ्याचे जे देश जिंकले त्यांत शूर्पारक, दंडक आणि करहाटक ह्या तीन देशांची नांवें आहेत. पैकीं शूर्पारक ह्यणजे सध्यांचे सुपासें असून, प्राचीन कालीं उत्तर कोंकणाचा बराच भाग त्यांत समाविष्ट होत असे. दंडक ह्यणजे दंडकारण्य नव्हे; तर शूर्पारकाच्या दक्षणेचें जे कोंकण तें. हा शब्द सध्यां डंडाराजापुरी किंवा दंडाराजापुरी ह्या शब्दांत राहिलेला आहे. दंडक या संस्कृत शब्दाचें दंडअ हें महाराष्ट्री प्राकृत असून डंडअ हें सौरसेनी प्राकृत आहे. आणि ह्या दोहोंची डंडा व दंडा अशी गुजराथी व मराठी रूपें सध्यां विद्यमान आहेत. दंडा किंवा डंडा हा शब्द कोंकणांतील व सह्यपर्वतांतील मूळच्या लोकांचा असून त्याचा अर्थ डोंगरांचा उतरता लांब फांटा असा आहे. दांड, डांड डांग, डंग, डुंग, डोंगर, डोंगरी, वगैरे शब्द संह्याद्रीतील कोळी लोकांत अद्याप हि प्रचलित आहेत. हे कोळ उर्फ कोल लोक सह्यपर्वतांवरील मुळचे रहिवासी असावे. दंडाराजापूर प्रांतांतून घाटानें वर चढलें ह्यणजे करहाटक प्रांत लागतो. ह्यणजे दंडकारण्यावर पश्चिमेकडून हल्ला आर्यांनीं समुद्र किनाऱ्यानें कोंकणांतील घाटांनीं केला, हें स्पष्ट आहे. आणि हाच मार्ग सोपा, सुलभ व स्वल्पेष्ट वर्षणाचा होता. आर्य पश्चिमेकडून दक्षिणेंत कसे उतरले,

त्याचा हा तपाशील येथे मुद्दाम दिला आहे. कारण, कोकणातील भाषेवर उत्तरणाचा पुरिणाम घडलेला आहे. कऱ्हाडाकडून कृष्णेच्याखोऱ्यांतून; नाशिककडून गोदावरीच्या खोऱ्यांतून आणि विदर्भाकडून पाइनगंगेच्या खोऱ्यांतून, थोड्याच शतकांत आर्यांच्या दंडकारण्यांत कायमच्या व भरभराटीच्या वसाहती झाल्या आणि शकपूर्व १००० च्या सुमारास दंडकारण्याचें दंडकारण्यत्व खानमंत्रविधीत तेवढें राहिलें.

बुद्धाच्या पूर्वी कांहीं शतके व त्याच्यावेळीं दंडकारण्य कृष्णा व गोदावरी ह्यांच्या खोऱ्यांनीं लोकांनीं अगदीं गजवजून गेलें होतें, अशीं वर्णनें बौद्ध जातकांतून आहेत. [Foulkes, in Indian antiquary Vol XVI] तीं स्थूल मानानें विश्वसनीय मानण्याला कांहीं हरकत दिसत नाहीं. महारट्ट, महाराष्ट्र हें नांवसुद्धां त्याकालीं सिद्ध झालेलें असावें, असा संशय येतो. शकपूर्व सहाशेंच्या सुमारास कात्यायननामक वैय्याकरण झाला. त्यानें विंध्यपर्वताच्या दक्षणेकडील महिष्मत् प्रदेशाचा व नाशिक शहराचा उल्लेख केला आहे. ह्यर्शाची उत्पत्ति पुष्कळ ज्या देशांत होते तो देश महिष्मत्. महिष्मती ही त्या देशाची राजधानी अर्वाचीन कालीं, मद्र, महेश्वर, वगैरे नांवांत ह्या देशाचें नांव ओळखूं येण्याजोगें आहे. सध्यां ह्या प्राचीन महिष्मत् प्रांताला नेमाड अशी संज्ञा असून अद्याप हि ह्या प्रांताची उत्तम ह्यर्शाबद्दल व हल्यांबद्दल ख्याती आहे. इतकी कीं दहापांच हजार जनावर ह्या प्रांतांतून दरवर्षीं बाहेरदेशांत रवाना होतें.

बौद्ध जातके व कात्यायन वैय्याकरण ह्यांच्या नंतर दंडकारण्यांतील आर्यलोकांचा व अर्थात् त्यांच्या वसाहतींचा, प्रांतांचा, व स्थलांचा उल्लेख अशोक शक- मगध देशाचा व आर्यावर्ताचा चक्रवर्ती राजा जो अशोक मौर्य त्याच्या शिलाशासनांत झाला आहे [शकपूर्व पूर्व ३५० ३५०]. त्यानंतर थोड्याच अवधीनें [शकपूर्व ३००] वररुचिनामक प्राकृत वैय्याकरण झाला. ह्यानें महाराष्ट्रीभाषेचें व्याकरण लिहून तिच्या नावांचा उल्लेख हि केला आहे [शेष महाराष्ट्रीवत्]. अर्थात्, महाराष्ट्रदेश त्याला माहीत होता हें उघड आहे [शकपूर्व, ३००]. कऱ्हा-

चीचें गौत्र यद्यपि कात्यायन होतें तत्रापि तेवढ्यावरून तो व वार्तिककार कात्यायन एकच होते, असें झणतां येत नाहीं. कारण, अशोकाच्या शिलालेखांत निरनिराळ्या दिशांकडील ज्या पांच चार प्रकारच्या प्राकृत भाषा येतात त्या वररुचीच्या व्याकरणांतील पैसाची वगैरे भाषांहून किंचित् जुन्या भासतात. अर्थात् वररुचीच्या व्याकरणांतील प्राकृत भाषांच्या रूपांहून ज्या अर्थी अशोकाच्या शिलालेखांतील प्राकृत भाषा पुरातन आहेत, त्या अर्थी वार्तिककार कात्यायन जर वररुचि असतां तर त्याच्या प्राकृत व्याकरणांतील भाषांचें रूप अशोकाच्या शिलालेखांतील प्राकृत भाषांच्या रूपाहून जुनें निदान त्यांच्या सारखें तरी, असलें पाहिजे होतें. तसा ज्या अर्थी प्रकार नाहीं त्या अर्थी प्राकृत भाषांचा वैय्याकरण जो वररुचि तो कात्यायन वार्तिक काराहून निराळा असून अशोकानंतरचा असावा, असें झणणें भाग पडतें. बुद्धाच्या निर्वाणानंतर ३०० शें वर्षांनीं पालीवैय्याकरण जो कच्चायनो तो झाला, असें व्हानसंग झणतो. बुद्ध शकपूर्व ५६१ त ८०० व्या वर्षीं वारला व ६०५ त निर्वाणांत त्यानें आपल्या वयाच्या ३६ व्या वर्षीं प्रवेश केला. झणजे पालीवैय्याकरण जो कच्चायनो तो शकपूर्व ३०५ च्या सुमारास हयात होता. पालीवैय्याकरण व प्राकृतवैय्याकरण जर एकच व्यक्ति असलें, तर महाराष्ट्रादि प्राकृत भाषांचें व्याकरण रचणारा वररुचि कात्यायन किंवा कच्चायनो शकपूर्व ३०० त होता व तो अशोकानंतर (शकपूर्व ३५०) झाला. वार्तिककार कात्यायना (शकपूर्व ६००) ला विंध्य पर्वताजवळील महिष्मत्त देशाच्या व नाशिक शहराच्या पलीकडे दक्षिणापथांतील देशांची माहिती नव्हती. वार्तिककार कात्यायन जर अशोकानंतर झाला असता

वररुची
कात्यायन
शकपूर्व
३००

तर दक्षिणेंतील पांड्य वगैरे देश त्यानें उल्लेखिले असते; कारण अशोकानें तें उल्लेखिले आहेत. तेव्हां वार्तिककार कात्यायन (शकपूर्व ६००—७००) व पाली व इतर प्राकृत भाषांचा वैय्याकरण जो वररुचिकात्यायन किंवा कच्चायनो (शक पूर्व ३००) तो, हे दोन भिन्न व्यक्ति भिन्न काळीं झाले, हें

उघड आहे. पतंजलि " वाररुचे काव्यं " झणून जो उल्लेख करतो तो ह्या प्राकृत वैय्याकरणाच्या नांवाचा करतो किंवा वार्तिककार कात्यायनाचा करतो, स्पष्ट करण्यास सध्यां साधन नाहीं.

बौद्धधर्माभिमानी अशोक (शक पूर्व ३५०) व प्राकृतवैयाकरण वररुचि कात्यायन [शकपूर्व ३००], ह्यांच्यानंतर भाष्यकार पंतजलि [शकपूर्व २२५] झाला. ह्यानें विदर्भ, अपराना, आंध्र, पांड्य, केरल, वगैरे दक्षिणेतील अनेक प्रांतांची व लोकांची नांवे निर्देशिलीं आहेत. ह्याचा काल लक्षांत घेतां, असा निर्देश होणे अपरिहार्य होते. परंतु, त्याच्या ग्रंथांत महाराष्ट्राचा नामनिर्देश आलेला आढळला नाही. तत्रापि, तत्पूर्व जो वररुचि त्यानें आपल्या प्राकृत व्याकरणांत महाराष्ट्री भाषेचा उल्लेख केला असल्यामुळे, महाराष्ट्रदेशाचा उल्लेख त्या शब्दांत गर्भित आहे. अशोकांनै रास्टिक किंवा रट्टक असा उल्लेख रट्टांचा, पेटोनिक असा उल्लेख पैठणच्या लोकांचा, अपरान्त असा उल्लेख उत्तर कोंकणातील लोकांचा, भोज असा उल्लेख अर्वाचीन वैदर्भातील लोकांचा, व सतिय असा उल्लेख कृष्णातीरीय लोकांचा केला आहे.

२६ येणेंप्रमाणें वररुचि कात्यायनाच्या वेळेपासून [शकपूर्व ३००] महाराष्ट्री भाषेचा उल्लेख नामनिर्देशानें झालेला साधार सांपडतो. वररुचीनें महाराष्ट्री भाषेचें व्याकरण रचलें, ह्यणजे ती भाषा त्याच्यापूर्वी व्याकरणरचनेच्या योग्य होण्यास दोन चार शतकांचा तरी अवधि पाहिजे. ह्यणजे शकपूर्व ७०० च्या सुमारास, अथवा साक्यमुनि बुद्धाच्या वेळेपर्यंत आपण येऊन ठेपलों. त्या सुमारास महाराष्ट्री भाषेचा प्रारंभ झाला असावा. भाषेच्या नावांत देशाच्या व लोकांच्या नावांचा समावेश प्रायः होतोच होतो. दंडकारण्यांत आर्यांनीं शकपूर्व १५०० पासून १००० पर्यंत वसाहत केली आणि वसाहत करतांना व नंतर स्वास्थ्य मिळाल्यावर शकपूर्व ७०० च्या सुमारास महाराष्ट्री भाषा विशिष्ट रूपानें भासू लागली. पुढें शकपूर्व ३०० च्या सुमारास तिला वररुचि हा व्याकरणकार मिळाला. येथपासून ह्यणजे शकपूर्व ३०० पासून शकोत्तर २०० पर्यंत ह्यणजे ५०० वर्षे महाराष्ट्रीची अत्यंत भरभराटीचीं गेलीं. त्यांचा तपशिल खालीं देतो.

२ चंद्रगुप्तमौर्यांचा किंवा अशोकमौर्यांचा वंश शकपूर्व २५० च्या सुमारास समाप्त झाला. तदनंतर, शुंगांचें राज्य मौर्य ४००-२५०. सुरू झालें. त्यांना एकीकडे सारून काण्वायन ना- शुंग व काण्वायन २५०-१५०. मक ब्राह्मण राजांनीं साम्राज्याची पेशवाई केली (शकपूर्व २००). ह्या काण्वायनांचा पराभव सिमुख शातवाहनांनं केला [शकपूर्व १५०]; साम्राज्य चालविण्याचा आव घातला. ह्या सुमारास कलिंगांनीं कलिंगांत व शकांनीं पंजाबांत राज्ये स्थापिलीं. कालान्तरानें शकांनीं आपल्या राज्याचा विक्रमादित्य शकपूर्व १३५. विस्तार माळव्यांत उज्जनी पर्यंत नेऊन, सर्व आर्यावर्त शकमय करण्याचा प्रसंग आणिला. तेव्हां, शकपूर्व १३५ च्या सुमारास उज्जनीस विक्रमादित्य नामेकरून एक अलौकिक वीरराजा उत्पन्न झाला. आणि त्यानं शकांचा मोठा पराभव केला. तेव्हांपासून विक्रमसंवत् सुरू झाला. शकांचीं उचलवांगडी यद्यपि माळव्यांतून झाली, तथापि अपरान्तांत (नास्ति परः अंतं. प्रांतः यस्मात्=ज्याच्यापलीकडे प्रांत नाहीं, समुद्र आहे तो देश) व अपरान्ताजवळील जुन्नर वगैरे घाटावरील प्रांतांत त्यांची चिकाटी कांहीं काल [सुमारे पन्नास वर्षे] होती. ती चिकाटी विक्रमसंवत् १३५ त व इ. स. ७८ त एका शातवाहन राजानें शकांचा पूर्ण पराभव करून कायमची सोडविली. ह्या वेळेपासून शातवाहनसंवत् सुरू झाला. शकांचा प्रचंड व प्राणघेण्या पराभव करणाऱ्या ह्या दोन्ही पराक्रमी वीरराजांचा गाथासप्तशतींत उल्लेख आला आहे. ती असाः—

[महाराष्ट्री]

सैवाहणसुहरसतोसिएण देन्तेण तुह करे लक्खम् ।

चलणेण विक्रमाइत्तचरिअं अणुसिन्निवअं तिस्सा ॥ ६४ ॥

गाथा सप्तशती—शतक ५.

१ सेतुबंध, उच्छ्वासक ७, श्लोक ४३, रामदासकृत टीकाः—“अन्तः प्रान्तेऽन्तिके नाशे स्वरूपे च मनोहरे ॥”

[संस्कृत]

संवाहनमुखरसन्निधितेन द्रुता तव करे लाक्षाम् (अथवा) लक्षम् ।
चरणेन (अथवा चलनेन) विक्रमादित्यचरितं अनुशिक्षितं तस्याः ॥

(महाराष्ट्री)

आवणाहं कुलाहं दो विवअ जाणान्ति उण्णहं णेउम् ।

गोरीअ हिअअदइओ अहवा सालाहण णरिन्दो ॥ ६७ ॥

गाथासप्तशती—शतक ५.

(संस्कृत)

आपन्नानि (किंवा आपर्णानि) कुलानि द्वावेव जानीत उन्नतिं नेतुम् ।

गौर्या हृदयदयितोऽथवा शातवाहननरेन्द्रः ॥ ६७ ॥

गाथासप्तशती ऊर्फ ७१० गाथांचा संग्रह हालसातवाहनानें केला, अर्से सप्तशतीच्या पहिल्या शतकाच्या तिसऱ्या गायेंत हाल स्वतःच लिहितो. अर्थात् हाल सातवाहनाच्या पूर्वी झालेले हे विक्रमादित्य व सातवाहननरेन्द्र असले पाहिजेत. पैकीं, शकपूर्व १३५ व्या वर्षी शकादि म्लेच्छांचा ज्यानें कोरूर येथें पराभव केला आणि ज्याच्या नांवानें विक्रमसंभत् नर्मदेच्या उत्तरेस प्रचलित झाला, तोच हा विक्रमादित्य असावा. आणि शक्यवनपल्हवादि म्लेच्छांचा पराभव करून गोब्रामहणांचा प्रतिपाल करणाऱ्या अशा कोण्या तरी शातवाहनकुलोत्पन्न राजाचा उल्लेख सातवाहननरेन्द्र या नावानें गायेंत केलेला असावा. शातवाहन आणि शातकर्णि हे दोन शब्द एकच अर्थाचे वाचक असल्यामुळे, वायुपुराणांत तिसरें ज्याचें नांव येतें तो शातकर्णि हा सातवाहननरेन्द्र असेल. नाणेघाटांत ह्याचें चित्र दिलेलें आहे. झणजे शक० नंतर हाल झाला व त्याच्या पूर्वीच्या विक्रमादित्य व शातवाहन ह्या दोन पराक्रमी वीरपुरुषांचा उल्लेख त्यानें संग्रह केलेल्या गाथांतून येतो. हा हाल प्राकृत भाषांचा मोठा भोक्ता होता. पिटरसननें बुंदीहून आणिलेल्या गाथासप्तशतीच्या प्रतीची समाप्ति येथें प्रमाणें दिली आहे (Peterson's 3rd Report):—

“ राएण विरइआए कुन्तलज्जणवअइणेण हालेण ।

सत्तसई अ समत्तं सत्तममज्जासअं एअम् ॥

इति सप्तम शतकम् । इति श्रीमत्कुन्तलजनपदेश्वर प्रतिष्ठानपत्तनाधीश्वर शतक-
णोपनामक द्वीपिकर्णात्मज मलयवतीप्राणप्रिय कालापप्रवर्तकशर्ववर्मधीसस मलय-

वत्युपदेशपाण्डितभूत त्यक्तभाषात्रयस्वीकृतपैशाचिकपण्डितराजगुणाढ्यनिर्मित-
भस्मीभवद्बृहत्कथावशिष्टसप्तमांशावलोकनप्राकृतादिवाक्यंचक्रुप्रीत कविवत्सल
हालाद्युपनामक श्रीसातवाहननरेंद्रनिर्मिता विविधान्योक्तिमयप्राकृतगीर्णुफिता
शुचिरसप्रधाना काव्योत्तमा सप्तशत्यवसानमगात् ॥

ह्या समाप्तीतील हकीकत पूवपरंपरगत (कथासरित्सागरसदृश) आ-
लेली असून विश्वसनीय दिसते. हीत महाराष्ट्री, मागधी, शौरसेनी, पैशाची
व अपभ्रंश अशा पांच भाषांवर प्रेम ठेवणारा हाल राजा होता, असें झटलें
आहे. कातंत्रव्याकरणाचा प्रवर्तक शर्ववर्म व बृहत्कथा पैशाचीत लिहिणारा
गुणाढ्य ह्यांच्या पदरीं होते असें हि झटलें आहे. परंतु, ह्या बाहेरच्या
शिफारसी झाल्या. खुद्द गाथासप्तशतींत प्राकृत भाषांवरचें आपलें प्रेम हा-
लानें येणें प्रमाणें कटाक्षानें व्यक्त केलें आहे:—

[महाराष्ट्री]

अमिअं पाअडकव्वं पठिउं सोउं अ जे ण आणन्ति ।

कामंसस तत्ततन्ति कुणन्ति ते कइं ण लज्जन्ति ॥ २ ॥

गाथासप्तशती—शतक १

(संस्कृत)

अमृतं प्राकृतकाव्यं पठितुं श्रोतुं च ये न जानन्ति ।

कामस्य तत्वचिंतां कुर्वन्ति ते कथं न लज्जन्ते ॥

जिवंत व महारा ह्या गाथेंत प्राकृतकाव्याला हाल अमृत हणजे जिवंत
ष्ट्री मेलेली संस्कृत हणतो. अर्थात्, संस्कृतकाव्याला तो मृत किंवा मेलेले
भाषा. समजतो हें उघड आहे.

महाराष्ट्रीत कोट्यवधि गाथा आमच्यापूर्वी झाल्या होत्या असें हि हा
राजा नमूद करतो:—

(महाराष्ट्री)

सच सताइं कइवच्छलेण कोडीअ मज्झआरम्मि ।

हालेण विरइआइं सालंकाराणें गाहाणम् ॥ ३ ॥

गाथासप्तशती—शतक १

(संस्कृत)

सप्तशतानि कविवत्सलेन कोटे मध्ये ।

हालेन विरचितानि सालंकाराणं गाथानाम् ॥

हणजे शकपूर्व ७०० पासून शक ० पर्यंत महाराष्ट्रीत विस्तृत सारस्वत निर्माण झालें होतें, असें हाल हणतो. गाथासप्तशतीत (निर्णयसागरी) दिलेल्या कवींची यादी पाहिली हणजे हालाचें विधान अतिशयोक्तीचें नसून निव्वळ यथार्थ होतें, असें दिसून येतें.

गाथासप्तशतीत हालानें स्वतःच्या बऱ्याच गाथा व विक्रमराजाची एक गाथा (२।३४) दिली आहे. हा विक्रमराजा बहुशः प्रसिद्ध विक्रमादित्य असावा. ह्या च मुमाराला “ सेतुबंध ” नामक सर्वोत्कृष्ट प्राकृत काव्याचा कर्ता जो कालिदास तो झाला. प्रवरसेन राजानें काव्य रचलें व कालिदासानें तें सुधारलें, असें ह्या काव्याच्या पहिल्या उच्छ्वासकाच्या नवव्या गाथेंत हटलें आहे.

(महाराष्ट्री)

अभिणवराआरद्धा चुक्रस्खलिएषु विहडिअपरिट्टविआ ।

मेत्ति व्व पमुहरसिआ णिव्वोढुं होइ दुक्करं कव्वकहा ॥ ९ ॥

[संस्कृत]

अभिनवराजारब्धा च्युतस्खलितेषु विघटितपरिस्थापिता ।

मैत्रीव प्रमुखरसिका निर्वोढुं भवति दुष्करं काव्यकथा ॥

राजतरंगिणीत लिहिल्याप्रमाणें प्रवरसेन कलिवर्ष ३१५९ त राज्या-

पहिला

कालिदास

संवत् २०-

संवत् ११५

वर आला. त्यावेळीं तो अभिनवराजा हणजे गादीवर

नवीन आलेला राजा असतांना, त्यानें सेतुबंधनामक प्राकृतकाव्य आरंभिलें आणि कालिदासाकडे सुधारण्यास

दिलें. असलें श्रीमंतांचे काव्य सुधारून आद्यन्त सारख्या

योग्यतेचें करणें जन्मापासून मरेपर्यंत मित्रत्व अबाधित

ठेवण्याप्रमाणेंच अवघड आहे, अशी कालिदासानें उत्कृष्ट उपमा योजिली

आहे. कलिवर्ष ३१५९ हणजे विक्रमसंवत् ११५ येतो,

१ अभिज्ञानशाकुंतल, २ विक्रमोर्वशी व ३ मालविकाग्निमित्र, हीं तत्कृत ग्रंथ. तीन संस्कृतप्राकृत नाटकें ह्या कालिदासाचीं होत. पैकीं, भेळशाचा राजा भग्निमित्र आणि मालविका ह्यांचें ऐतिहासिक वृत्त ह्या कालिदासाला समीपतर असून, तें त्याच्या नाट्यकलेचा विषय होण्याजोगें होतें. विक्रमोर्वशीतील राजा विक्रम ऐतिहासिक विक्रमादित्याचें काव्यरूपक असण्याचा संभव आहे. अभिज्ञानशाकुंतलहि ह्याच कालिदासाचें असावें, असें त्यांतील शुद्ध सौरसेनीवरून वाटतें. मेघदूत जर ह्याचेंच असेल तर एतत्समकालीन जो अश्वघोष त्यानें त्याची नकल केली असेल. मग, एवढें मात्र कबूल करावें लागेल कीं,

दिङ्नागानां पथि परिहरन् स्थूल हस्तावलेपान्।

ह्या ओळींतील दिङ्नाग शब्द बुद्धधर्मानुयायी पांचव्या शतकांतला जो दिङ्नाग त्याचा वाचक नसून, इतर शब्दांप्रमाणें सहज तें पडला आहे आणि दिङ्नाग बौद्धांची त्या शब्दाचा संबंध जोडण्यांत टीकाकारांनीं केवळ पदरची मखलाशी केलेली आहे. परंतु, मल्लिनाथाची माहिती इतिहाससमर्थित आहे असें मानलें तर, हें मेघदूत काव्य दिङ्नागाचा समकालीन जो दुसरा कालिदास त्याच्या पदरीं बांधावें लागेल व अश्वघोषाचा नकल्या त्याला ठरवावा लागेल. कनिष्कानें जमविलेल्या बुद्धमंडळांत असणारा हा अश्वघोष कनिष्काच्या [संवत् ० (Fleet) पासून संवत् १४० (भांडारकर)] कोणत्याहि काळांत असला, तत्रापि ह्या पहिल्या कालिदासाच्या काळाला अवरोध होत नाहीं.

गाथासप्तशतींत [१-२१, १-६८ ह्या दोन गाथा कालिराज व कालिदास ह्या प्राकृत नावांवर आहेत. त्या कालिदासाच्या अगाथासप्तशतींत का- साच्या, असा वळकट संशय येतो. इतकेच कीं कालिदास लिहिण्या- असें नांव नाहीं. परंतु, 'ज्ञानदेव' बद्दल 'ज्ञानराज' असा चा उल्लेख पर्याय योजण्याची चाल फार पुरातन आहे, हें लक्ष्यांत घेतलें असतां, कालिराज ह्मणजे कालिदास असण्याचा संभव आहे.

काश्मीरचा प्रवरसेन विक्रम कालिदासाचा आश्रयदाता जो प्रवरसेन सवत् ११५-१४५ त्याच्या हि काहीं गाथा सप्तशतींत दिल्या आहेत.

इतर अनेक कवींचा उद्धार गाथासप्तशतीत झालेला मागे सांगितलाच आहे.

२८ शकपूर्व १५० पासून शकोत्तर १५० पर्यंत ३०० वर्षे राज्य करणाऱ्या ह्या शातवाहनांच्या अमदानीत महाराष्ट्री भाषेचा अत्यंत उत्कर्ष झाला. उत्कर्षाचें कारण शातवाहनांचा पराक्रम व राज्यविस्तार होय. पराक्रमाचें चिन्ह शातवाहनांनीं स्थापिलेला शाकसंवत्सर असून, राज्यविस्ताराचें स्मारक महाराष्ट्री भाषेचा उपयोग इतर भाषांना मागे सारून सर्व भारतवर्षात ग्रथलेखनांत होऊं लागला, हें होय. शाकसंवत्सर शक नांवाच्या म्लेच्छ लोकांनीं स्थापिला, असा भांडारकरादि विद्वानांचा समज आहे. परंतु, तो निराधार आहे, असें खात्रीनें झणतां येण्यास प्रमाणें आहेत.

(१) प्रथम, धर्मकृत्यांत म्लेच्छांनीं स्थापिलेला काल भारतवर्षात कधींही मान्य झाला नाहीं व होणार नाहीं. फसली, अरबी, हिजरी, जलाली, इसवी वगैरे अनेक सन येथें आगांतुकांनीं सुरू केले, परंतु, धर्मकृत्यांत त्यापैकीं एकाचाही प्रवेश झाला नाहीं. शाकसंवत्सराचा ज्याअर्थी धर्मकृत्यांत प्रवेश झालेला आहे, त्याअर्थी हा संवत्सर म्लेच्छांनीं सुरू केलेला नसला पाहिजे, हा निश्चय. (२) शककालाचा Vonones मूलोत्पादक धरला असतां, कनिष्काला इसवी २८३-३०६ त ढकलावा लागतो. कनिष्काला इसवी ३०० त आणिला झणजे इसवीच्या पहिल्या शतकांतील अश्वघोषाला इसवी ३०० त ओढावा लागतो. परंतु, व्हानसंग, चिनी संयुक्तरत्नाकार, Record of Indian patriarchs, वगैरे चिनी ग्रंथांत कनिष्काचें अश्वघोषाशीं समकालीनत्व प्रख्यापिलेले आहे (Takakusu on वसुबंधु in J. R. A. S. for 1906). तेव्हां, कनिष्काला इसवीच्या प्रारंभाच्या जवळ नेणें जरूर आहे. अर्थात्, व्हानोवित्त शककालोत्पादक होऊं शकत नाहीं. (३) Maues व Gondophares हे समकालीन होते. पैकीं, Maues शक होता व Gondophares पारद (Parthian) होता. ह्या दोघांनीं कालगणना शककालानें केली, असें भांडारकरांचें झणणें आहे. येथें असा विरोध येतो कीं, पारद शकांचा नाचनाड

लाचा Vonones मूलोत्पादक धरला असतां, कनिष्काला इसवी २८३-३०६ त ढकलावा लागतो. कनिष्काला इसवी ३०० त आणिला झणजे इसवीच्या पहिल्या शतकांतील अश्वघोषाला इसवी ३०० त ओढावा लागतो. परंतु, व्हानसंग, चिनी संयुक्तरत्नाकार, Record of Indian patriarchs, वगैरे चिनी ग्रंथांत कनिष्काचें अश्वघोषाशीं समकालीनत्व प्रख्यापिलेले आहे (Takakusu on वसुबंधु in J. R. A. S. for 1906). तेव्हां, कनिष्काला इसवीच्या प्रारंभाच्या जवळ नेणें जरूर आहे. अर्थात्, व्हानोवित्त शककालोत्पादक होऊं शकत नाहीं. (३) Maues व Gondophares हे समकालीन होते. पैकीं, Maues शक होता व Gondophares पारद (Parthian) होता. ह्या दोघांनीं कालगणना शककालानें केली, असें भांडारकरांचें झणणें आहे. येथें असा विरोध येतो कीं, पारद शकांचा नाचनाड

करणारा असून शकांचाच काल कसा चालवील ! आपला काल सुरू करील. तेव्हां, Maues व Gondophares ज्या कालानें गणना करतात, तो भारतवासी तिसऱ्याच कोणातरी चक्रवर्ती व पराक्रमी राजाचा असला पाहिजे. तो बहुशः विक्रमसंवत् असावा (Fleet, J. R. A. S. for 1906) (४) शकसंवत् नर्मदेच्या दक्षिणेस प्रचलित आहे व उत्तरेस विक्रमसंवत् आहे. असें असून उत्तर हिंदुस्थानांत मथुरा, साकेत वगैरे स्थलीं राज्य करणारे म्लेच्छ शकसंवताचा उपयोग करित, असें झणणें वस्तुस्थितिविरोधक होतें. प्रायः म्लेच्छ लोक ज्या प्रांतांत जात त्यां प्रांतांत प्रचलित असलेला काल प्रथम योजित. जसें, इंग्रज तिसऱ्याळीस वर्षापूर्वी फसली किंवा हिजरी सनानें हिंदुस्थानांत कालगणना करीत. शक, पारद, यवन, वगैरेंचीं राज्यें हिंदुस्थानांत फार वर्षे न टिकल्यामुळे, त्यांना आपले सन (असलेच तर) इकडे प्रचलित करण्याला प्रायः अवधि व स्वास्थ्य सांपडलें नाहीं. म्लेच्छ लोकांनीं शक काल स्थापिला नसावा, असें झणण्यास ही इतकीं विरोधी कारणें आहेत. आतां शककाल शातवाहनराजांनीं नर्मदेच्या दक्षिणेस स्थापिला, ह्या विधानाला पोषक अर्थां कारणें देतोः—

(१) अत्यंत बलवत्तर कारण हें कीं, म्लेच्छांनीं सुरू केलेला

शकसंवत् धर्म कोणताहि काल हिंदू लोकांच्या धर्मकृत्यांत कृत्यांत योजतात, ग्राह्य धरला जाणें केवळ अशक्य आहे. तस्मात् तो म्लेच्छ अर्थात्, शककाल ज्याअर्थी धर्मकृत्यांत ग्राह्य धरला नाहीं. जातो, त्या अर्थी तो कोणा तरी हिंदू राजानें स्थापि-

लेला काल आहे. [२] युरोपियन व आशियाटिक विद्वान लोक शक ह्या

शक शब्दाचे दोन अर्थ.

द्वयर्थी शब्दानें चकलेले आहेत. शक झणजे म्लेच्छ असा एक अर्थ सर्वत्र मान्य आहे परंतु शक या शब्दाच्या दुसऱ्या अर्थीकडे बहुतेकांनीं काना-

डोळा केला आहे. दुसरा अर्थ हा. शक झणजे शातवाहन अथवा शालवाहन राजे, अथवा त्या राजांपैकीं कोणी तरी एक प्रख्यात शककर्ती किंवा कालकर्ती व्यक्ति. नागेशांटांतील पांडवलेण्यांत जी सहा सनाम चित्रें कोरलेलीं आहेत त्यांत “ कुमरो हकु तिरि ” हें एका राजपुत्राचें नांव आहे. हा हकु शब्द हकु शब्दाचेंच [स चा ह होऊन] दुसरें रूप आहे. असा स

चा ह आंध्रभृत्यांच्या दुसऱ्या एका नांवात झालेला आहे. वायुपुराणांतल्या यादींतील सातवें नांव “हाला” चें आहे. हें नांव ‘साल’ असें हि प्रसिद्ध आहे ह्या “साला”चें च संस्कृत “शाल” होऊन, “शालो हालनृपेपिच,” असें त्रिकांडशेषांत रूप आलेलें आहे. देशीनाममालेंत “साला-हणम्मि हलो” असें सादि रूप येतें. तात्पर्य, स घ ह या उच्चारांचीं अद-लाबद्दल आंध्रभृत्यांच्या लेखांत होतें. हा सकु किंवा हकु राजपुत्र मोठा पराक्रमी असल्यामुळें, त्याची मूर्ति इतर पराक्रमी स्त्री पुरुषांबरोबर नाणे-घाटांत कोरलेली आहे. ह्या सातकर्णपुत्र सकु राजपुत्रावरून सकुसंवत्सर सुरू झाला. सकु हें रूप १ शक १०४९ तील शिलारांचें ताम्रपट (Jbbras for 1904), २ शक ११९५ तील पंढरपुरच्या चौऱ्याशीच्या शिलालेखांत सहासातदां [ग्रंथमाला], ३ शत १२३३ तील चोख्यामेळ्याच्या शिलालेखांत (ग्रंथमाला), ४ शक १२८९ तील नागांव येथील शिलालेखांत [ग्रंथमाला], शक १३१९ तील मठ येथील शिलालेखांत [म. इ. सा. खंड ८, प्रस्तावना, पृष्ठ ३३], व इतर अनेक स्थलीं आलेला आहे.

सात=साक (३) अशोकाच्या वेळीं दक्षिणेंत रट्ट, सत्त, आंध्र व भोज असें पश्चिम, दक्षिण, पूर्वे व उत्तर दिशेस क्षत्रिय वसाहत करून व अनार्य लोकांना जिंकून होते. त्या पैकीं, सातिय किंवा सत्त किंवा सलिय झणून जे क्षत्रिय होते त्यांचेच नांव सातवाहन या शब्दां-तील ‘सात’ या अवयवांत दृष्टीस पडते. ह्या सात शब्दाचीं दोन रूपें असंत; एक साल व दुसरें साक. साक (किंवा सक) रूप मढरीभुत सक-सेन (संस्कृत शकसेन) ह्या नावांत गोचर होतें. नाणेघाटांतील सहा चित्रांत एका चित्राचें नांव “महारठी” आहे. ह्या रठी किंवा रट्टाची मदत घेऊन सत्त किंवा सात किंवा साल किंवा साक यांनीं म्हेळांचा पराभव केलेला आहे. हा सत्तिअ शब्द शक्तिक, सक्तिअ अशा परंपरेनें उद्भवलेला आहे.

(१) शक्त=सत्त=सात=साल (संस्कृत शाल, संस्कृत अपभ्रंश झालि

(२) शक्त = सक = साक { संस्कृत शाक, शाक हें विशेषण सम-
जून त्याचें मूळ प्रकृति शक, अशां अशां
संस्कृतज्ञांची व्युत्पत्ति.

मुक्त = मुक्त, मुक्त

रक्त = रक्त, रक्त

वगैरे क्त ची क्त किंवा क्त अशा अंताचीं दुहेरीं रूपें महाराष्ट्रीत व महाराष्ट्रीच्या अपभ्रंशांत होतात.

[४] साल [वृक्षविशेष] वृक्षाला महाराष्ट्रांत साक, साग ह्मणण्याचा परिपाठ पुरातन आहे. डोंगरावरील लोक तर साक असाच उच्चार करतात ह्मणजे ल चा क महाराष्ट्रीत व मराठींत होतो. शातपर्ण किंवा सप्तपर्ण=शातवण किंवा सत्तवण=सातवाण=साअवाण=साकवाण=सागवाण.

[५] पुराणांत हि परंपरा अशीच सांगितली आहे.

शातवाहन राज्याच्या जन्मापासून शालिवाहनशककाल सुरू झाला अशी पौराणिक परंपरित माहिती आहे. ज्योतिषांची हि परंपरित माहिती अशीच आहे. मुहूर्तमार्तंडाच्या शेंवटीः—

त्र्यकेंद्रपरिमिते वर्षे शालिवाहनजन्मतः ॥

असा उल्लेख आहे. अच्युतरायाच्या हरिहर येथील शक १४६० तील झिल्लेखांत “ शालिवाहननिर्णतिशकवरुषक्रमागते ” असे शब्द आहेत. “ शालिवाहनापासून ह्मणजे शालिवाहन राजाच्या जन्मापासून निघणाऱ्या ” असा “ शालिवाहननिर्णत ” ह्या समस्तपदाचा अर्थ आहे. मजजवळ शक ४१० तील ताम्रपटांत “ साळीवान सक ” असे शब्द आहेत. गुर्जरराजा दुसरा ह्नु माच्या लेखांत ३८० ही शकसंवत्सरानेंच गणना केलेली आहे. तात्पर्य, शक हें हिंदुराजाचें नांव आहे, अशी भावना व स्पष्ट माहिती परंपरेनें ह्या देशांत आहे ज्याच्या जन्मापासून ही कालगणना सुरू झाली, तो कुरुशः कुमार ह्नु अथवा सकु सातवाहन असावा. सातवाहनसकवरुष ह्मणजे सातवाहनवंशातील शक अथवा सक अथवा सकु अथवा हकु राजपुत्राच्या किंवा राजाच्या जन्मापासून धरलेलें वर्ष.

२९ शककाल, शाककाल, शकनृपकाल, शातवाहनशककाल, शालिवाहन शक, सकु, सके, शाके साळीवान सके अशा नाना रूपांनीं हा काल उल्लेखिलेला सांपडतो व हीं सर्व रूपें शक ह्या मूळ शब्दाचे अपभ्रंश

आहेत. दक्षिणेकडील लोक कृष्णेत किंवा गोदेंत स्नान करतांना परम भद्रेनें “ शालिवाहनशका ” चा जो उच्चार करतात, तो पवित्र व अम्लेच्छ आहे. अशा समजुतीनें करतात. सोंवळ्यांत व धर्मकृत्यांत म्लेच्छ शब्द उच्चारण्याची किळस हिंदुलोकांना फार प्राचीन काळापासूनची आहे [तस्मात् ब्राह्मणेन न म्लेच्छितवै] ती चाल शकनामक म्लेच्छांच्या क्षणिक अमदानींत त्यांनीं सोडली असेल, हें कालत्रयी हि संभवत नाही. शककाल म्लेच्छस्थापित नाही, हिंदुस्थापित आहे, एवढें गृहीत धरून पुढें चालण्यास, हें एकच कारण बस आहे. परंतु, आर्यांचा व म्लेच्छांचा बेटी व्यवहार होत असे, आर्य धर्मकृत्यांत म्लेच्छकाल योजीत, वगैरे वाटेगिरीच्या कल्पना पसरविण्यांत भूषण मानणाऱ्या शोधकांना असले विपरीत अपसिद्धान्त फारच गोड वाटतात, असें दिसतें. अपसिद्धान्तांना पोषक असा दुसरा एक असाच शब्द आहे. तो शब्द

क्षत्रप शब्द “क्षत्रप” हा होय. डा. भांडारकर हा शब्द Persian फारसी नाहीं. [?] ‘Satrap’ शब्दापासून संस्कृतांत ‘क्षत्रप’ या रूपानें आला, असें स्वच्छ सांगतात. [History of Dekkan,

Section V]. Persian हणजे Modern Persian तर नव्हेच. तेव्हां, Persian हणजे Old-Persian असा डाक्टरांचा गर्भितार्थ असावा. Modern Persian इसवीच्या १० व्या शतकापासून आतांपर्यंतची समजण्याची चाल आहे; व Old Persian चवथ्या शतकापासून दहाव्या श-

क्षत्रपतिशब्द ब्राह्मणांत व संहितेंत येतो.

तकापर्यंतची फारसी भाषा, असा संकेत आहे. त्यापूर्वी पाल्हेवी, आवेस्ती वगैरे भाषा होत्या. त्यांत हा शब्द “षोइत्रपैनि” अशा रूपानें येतो. परंतु, हा शब्द तैत्तिरीय संहितेंत व ब्राह्मणांत [तैत्तिरीय संहिता, प्रथमकांड, अष्टमप्रपाठक, अनुवाक १४ व तैत्तिरीय ब्राह्मण प्रथमकांड, षष्ठःप्रपाठकः] “ क्षत्राणां क्षत्रपति रसि, ” “ क्षत्राणां क्षत्रपतिरसी-त्याह । क्षत्राणामेवैनं क्षत्रपतिं करोति । ” वगैरे स्थलीं आवेस्त्याच्या पूर्वीपासून येत आहे. तेव्हां हा शब्द फारशीतून किंवा आवेस्तीतून उसना येतलेला नाहीं; मूळ संस्कृतांतला च आहे. संस्कृतांतून आवेस्तीत उसना येतल्या असण्याचा संभव मात्र जास्त आहे. क्षत्रपति शब्द पंजाब व अफगाणिस्तान ह्या प्रांतांत बोलल्या जाणाऱ्या पैसाची उच्चारांत सत्रप, सत्रपति, असा होऊन

“ सत्रप ” अशा रूपानें ग्रीक, पल्हव वगैरे लोकांत प्रचलित झाला. क्षत्रप व महाक्षत्रप या शब्दांची अशी परंपरा असल्यामुळे, एखाद्या शातवाहनाची बायको एखाद्या हिंदू क्षत्रपाची किंवा महाक्षत्रपाची मुलगी असून, म्लेच्छ नसू शकेल. क्षत्रप, महाक्षत्रप, ह्या हिंदुस्थानांत, विशेषतः पश्चिम हिंदुस्थानांत त्या काळीं प्रचलित असलेल्या पदव्या म्लेच्छ उडणटपूनीं घेतलेल्या आहेत. क्षत्रपति ह्याचा अपभ्रंश होउन छत्रपति असा शब्द पश्चिम हिंदुस्थानांत झजरो वषें प्रचलित होता व तो तीनशें वर्षां-मागें शिवाजीच्या विरुदावलींत प्रविष्ट होऊन, अद्याप न्ही अजरामर आहे. ह्या क्षत्रपति, छत्रपति शब्दाचा उल्लेख सी-यू-कींत (Beals' Translation) आला आहे.

नरपति, हयपति, गजपति व क्षत्रपति, असे चार प्रकारचे राजे हिंदुस्थानांत असून, पश्चिम हिंदुस्थानांतील राजांना क्षत्रपति, क्षत्रपति-छत्रपति ही छत्रपति, ही पदवी लावतात, अतें सी-यू-कींत पश्चिम हिंदुस्थानचा (A. D. 600) झटलें आहे. शिवाजी पश्चिम हिंदुस्थानांत झाला, तेव्हां त्याला क्षत्रपति-छत्रपति ह्याची पदवी होते. ही पदवी इतिहासोक्त, शास्त्रोक्त व रुढियुक्त मिळाली, ह्यांत विलकुल संशय नाहीं. व्युत्पत्तीची चूक झाल्यामुळे, डाक्टरांनीं म्लेच्छांचीं आर्यांशीं लग्न लावून दिलीं आहेत !

३० विद्वज्जनचकोरचंद्र अशा ह्या महाराष्ट्री प्राकृत भाषेला शिरसा प्रणाम करणाऱ्या शातवाहनांची ऊर्फ शाकराजांची रियासत शक १५० पर्यंत चालली. शकपूर्व १५० त सीमुख शातवाहानांनं सुंग व काण्वायन वंशांचा नाश करून मगधाचें सिव्दभ्जन स्वतःच बळकाविलें. तेव्हां पासून शकोत्तर १५० पर्यंत

शातवाहनांची छाप उत्तर व दक्षिण हिंदुस्थानांत चांगली बसलेली होती. ती इतकी कीं, त्यांच्या राज्याला तीन समुद्रांचा—पूर्व, पश्चिम, दक्षिण—स्पर्श होतो, अशी झणच पडून गेली. ह्या राजकीय छपीबरोबर त्यांच्या भाषेची झणजे महाराष्ट्रीची हि छाप भारतवर्षांत सर्वत्र बसली. कालिदास मालव्यांचे व काम्बोजांचे राहते असे, परंतु त्यांच्या नाटकांतील प्रकृत भाषा

अंशतः महाराष्ट्री आहे. गाथासप्तशतीत दिलेली विक्रमराजाची गाथा किंवा काश्मीरच्या प्रवरसेनाची गाथा किंवा काश्मीरस्थ प्रवरसेना-विरचित हेतु-बंधाची भाषा महाराष्ट्रीच आहे. राजकीय साम्राज्याबरोबर व वजनाबरोबर भाषेचें हि साम्राज्य व वजन वाढतें. इसवीच्या १७ व्या व १८ व्या शतकात यूरोपांत सर्वत्र फ्रेंच भाषेचें जसें साम्राज्य झालें किंवा एकोणिसाव्या व बिसाव्या शतकांत हिंदुस्थानांत जसें परक्या इंग्रजीचें साम्राज्य झालेलें आहे, तोच प्रकार शक पूर्व १५० पासून शकसै १५० पर्यंत व पुढें हि कांहीं काल महाराष्ट्रीचा झाला. पेशव्यांच्या अमदानींत खुद्द दिल्लीचे पातशाहा मराठी लिहूं व बोलूं लागले आणि कायथ लोक व रजपूत राजे मराठी मायने बोलूं लागले किंवा हैसूरचे कानडीअप्पा मराठीत हिसाब ठेवूं लागले. हा सर्व प्रभाव राजकीय साम्राज्याचा व सामर्थ्याचा होय.

३१ शक १५० नंतर शातवाहनांचें साम्राज्य नष्ट झालें. विशिष्ट

शातवाहनांच्या साम्राज्याची धूळधाण-तत्समवेत महाराष्ट्री भाषेचा पडित काळ.

कारण काय तें माहित नाहीं. नित्याप्रमाणें अंतस्थ दौर्बल्य व बहिःस्थ अनार्यांचें प्राबल्य हीच कारणें असावीं. शातवाहनांच्या आपूर्वपश्चिमसमुद्र राज्यांत लहान मोठे संस्थानिक होते. त्या पैकीं महाराष्ट्राच्या उत्तरेस व पश्चिमेस

कांहीं राष्ट्रकूट होते त्यांनीं बंड केलें. चेदिदेशांत कलचूरींनीं आपला शक सुरू केला (शक १७०). दक्षिणेंत कदंबांनीं व म्लेच्छ पल्लवांनीं आपापलीं स्वतंत्र संस्थानें स्थापिलीं. अभीर, पिंडार, पुलिंद, शक, वगैरेंनीं हि दंगे माजवले. अशी शातवाहनांच्या राज्याची शोचनीय वाताहत झाली. त्याबरोबर महाराष्ट्री भाषेला हि पडितकळा लागली. शक १५० पासून शक ४१० पर्यंत सुमारें तीनशें वर्षे महाराष्ट्रांत कोणी चक्रवर्ती राजा नव्हता; लहान लहान संस्थानें व मवास होते. नर्मदेच्या उत्तरेस शक २५० च्या सुमारास गुप्त्यांचें साम्राज्य सुरू झालें. समुद्रगुप्ताच्या जयस्तंभांत (शक २४६—२९६) दक्षिणेतील कांहीं संस्थानिकांचीं नांवां येणेंप्रमाणें दक्षिण पडक्यांत (*Fleets गुप्त inscriptions*).

	राजा	देश
शक १५०-४५०	१ महेंद्र	कोसल (रायपूर-संबळपूर)
पर्वचे महारा- ष्ट्रातील कित्येक संस्थानिक.	२ व्याघ्रराज	महाकांतार (विंध्याद्रीच्या आस- पासचा डोंगराळ मुख्त)
	३ मंतराज	केरल (मलबार)
	४ महेंद्र	पिष्टपुर (पिठापूर-मद्रास)
	५ स्वामिदत्त	कोट्टूर (नाशिक, कोटरे)
	६ दमन	एरण्डपल्ल (एरंडोल-खानदेश)
	७ विष्णुगोप	कांची (कांचीवरम्)
	८ नीलराज	अवमुक्त [अनभिज्ञात]
	९ हस्तिवर्म	वेंगी [वारंगल-मछलीपट्टम्]
	१० उग्रसेन	पालक [अनभिज्ञात]
	११ कुचेर	देवराष्ट्र [कन्हाड-सातारा जिल्हा, सध्याचे देवराष्ट्रें, येथें जुने अवशेष फार आहेत.]
	१२ धनंजय	कुस्थलपुर [कोठलूर]

पैकी व्याघ्रराज, स्वामिदत्त, दमन व कुचेर हे संस्थानिक विंध्याद्री,
नाशिक, खानदेश, व कन्हाड या प्रांतांभोवतीं
महाराष्ट्रीचा ज्हास
व
अंत.

शक २५०-३०० च्या सुमारास राज्य करित
होते, आणि गुप्तांना कदाचित् करभार देत होते.
ह्या संस्थानिकांची वजनदारी बेताचीच पडल्यामुळे,
महाराष्ट्री भाषेचा बोज रहावा तसा राहिला नाहीं व ती भाषा उत्तरोत्तर
मागसत चालली. शातवाहनांच्या कारकीर्दीत पैठण हें प्राकृत विद्वानांचें
व सरस्वतीमकांचे माहेरघर बनलें होतें. तें ह्या तीनशें वर्षांत मोडून,
शक ४५० च्या सुमारास महाराष्ट्री भाषा व सारस्वत ह्यांचा अंत झाला.

३२ शक १५० पासून शक ४५० पर्यंतच्या अवधीत महाराष्ट्री भाषा
अपभ्रंश झाली. नागर महाराष्ट्रीचे पुरस्कर्ते जे शातवाहन राजे
आणि तदाश्रित विद्वान व प्रतिभासंपन्न ग्रंथकार त्यांचे नियमन
नाहीं केल्याबरोबर महाराष्ट्री भाषा सर्वस्वी अनागर लोकांच्या हातांत गेली

आणि अपभ्रष्ट झाली. नागर महाराष्ट्री ऐन रंगांत असतां, अनागर अपभ्रंश केवळ खालच्या प्रतीच्या अनागर लोकांत होता. ह्या अपभ्रंशाची परंपरा फार पुरातन आहे. म्लेच्छो ह वा एष यदपशब्दः, तस्मान्नब्राह्मणो म्लेच्छेत्, वगैरे इशारे शतपथश्रुतींतून सांपडतात. ह्यणजे ब्राह्मणकार्त्वी संस्कृत उच्चारणांचे अपभ्रष्ट उच्चार म्लेच्छादि अनार्य लोक व त्यांच्या संसर्गांनी खालच्या प्रतीचे आर्य लोक करूं लागले होते, आसा अर्थ होतो. हा म्लेच्छकृत व अनागरार्यकृत अपभ्रंश स्वतंत्र भाषेच्या योग्यतेला ब्राह्मणकार्त्वी आला नव्हता. परंतु कालान्तरानें त्याची व्याप्ति समाजांत अतोनात होऊन, ती प्रकट-पअड पअल-पाल-पाली [स्त्रीलिंग] भाषेच्या रूपानें प्रसिद्ध झाली. ह्याच सुमारास शौरसेनी, मागधी, पैशाची व महाराष्ट्री, ह्या हि प्रकट ऊर्फ अपभ्रष्ट भाषा निरनिराळ्या प्रांतांत सुरू झाल्या. ह्या प्रकट भाषा बहुजन मान्य झाल्यावर त्यांना अपभ्रंशाच्या वर्गांतून काढून स्वतंत्र भाषांच्या मान्य वर्गांत घालणें वैय्यकरणांना इष्ट दिसलें, व त्यांना प्राकृत भाषा असें अभिधान प्राप्त झालें. संस्कृत व प्राकृत असे आर्यभाषेचे दोन मान्य पोटभेद झाले; आणि ह्यांच्या खेरीज जें अपभाषण त्याला अपभ्रंश ह्याणूं लागले. सारांश, अपभ्रंश व्याप्तिमान् झाला ह्यणजे त्याला स्वतंत्र भाषा ह्याणावयाचें व त्या नव्या झालेल्या स्वतंत्र भाषेचा जो दुसरा अपभ्रंश त्याला अपभ्रंश ह्याणावयाचें, असा वैय्यकरणी प्रघात प्रचलित झाला.

प्राकृतं संस्कृत चैतदपभ्रंश इति त्रिधा ॥

३३ कांहीं काल संस्कृत, आणि मागधी, शौरसेनी, पैशाची व महाराष्ट्री ह्या पांच मुख्य भाषा असून, अपभ्रंश हा स्वतंत्र भाषा-भेद ह्याणून गणला जात नव्हता. परंतु कालान्तरानें संस्कृत व ह्या चारी प्राकृत मागसत जाऊन, अपभ्रंशांचे व प्राकृत पोटभाषांचे राज्य सुरू झालें. मागधी-अपभ्रंश, शौरसेनी-अपभ्रंश, पैशाची-अपभ्रंश व महाराष्ट्री-अपभ्रंश, असे चार मुख्य अपभ्रंश प्रचलित झाले. शक १५० च्या सुमारास शालिवाहनांचें महाराष्ट्रांतील साम्राज्य नष्ट झाल्यापासून शक ४५० त चाळुक्यांचे साम्राज्य सुरू होईतोपर्यंत महाराष्ट्री-अपभ्रंश महाराष्ट्रांत प्रचलित होता. नर्मदेच्या उत्तरेस मौर्यांचें साम्राज्य शकसंवत्पूर्वी सुमारे दीडशें वर्षांच्या सुमारास नष्ट झालें. तेव्हांपासून शक-२०० च्या सुमारास सुतांचें

म्राज्य सुरू होईतोंपर्यंत मागधी-अपभ्रंश, शौरसेनी-अपभ्रंश व पैशाची-अपभ्रंश नर्मदेच्या उत्तरेस प्रचलित झाले. अपभ्रंशाचे हे चार भाषापरत्वे भेद झाले; प्रांतपरत्वे व जातिपरत्वे जे भेद झाले त्यापैकीं कित्येकांचीं नांवे येणें प्रमाणें:—१ झाकारी, २ ढकी, ३ दाक्षिणात्य ४ चूलिकापैशाची, ५ चांडाली, ६ आभीरी, ७ अवंतिजा, ८ प्राच्या, ९ पांचाली, १० मालवी, ११ गोडी, १२ ओडी, १४ कालिंगी, १५ कानाटकी, १६ द्राविडी, १७ गुर्जरी, १८ अर्धमागधी. शक, यवन, किरात, दर्द, खश, पल्लव, वगैरे पिशाच लोक शकपूर्व १५० पासून सुमारें शक ४५० पर्यंत भरतखंडांतील निराल्ख्या भागांत राज्यकर्ते या नात्यानें पसरले हेते. तत्संबंधानें पैशाची भाषेचे ११ भेद प्राकृत वैयाकरणांनीं उल्लेखिलेले आहेत.

कांचीदेशीयपांडये च पांचालगौडमागधम् ।

ब्राचडे दाक्षिणात्यं च शौरसेनं च कैकयम् ।

शाबरं द्राविडं चैव एकादश पिशाचकाः ।

सारांश सुमारें शक ४५० पर्यंत पांचपंचवीस अपभ्रंश भरतखंडांत उत्पन्न झाले. पैकीं, अवंतिज अपभ्रंशासंबंधानें एक बाब येथें नमूद करतो. प्रो-परशुरामपंत पाटणकर, बनारस, यांनीं गेल्या वर्षी उज्जनी प्रांतांतील रांगडी बोलीच्या व्युत्पत्तीवर एक लहानसा निबंध लिहून, त्यांत असें दाखविण्याचा प्रयत्न केला आहे कीं, मराठी व रांगडी ह्यांचा कांहीं तरी संबंध आहे. कोणता विशिष्टसंबंध आहे तें, मात्र, त्यांनीं नीट उलगडून दाखविलें नाहीं. अवंतिजा भाषेची नात सध्याची रांगडी भाषा आहे. त्या अवंतिजा भाषेची उत्पत्ति येणेंप्रमाणें:—

अवंती स्यान्माहाराष्ट्री-शौरसेन्यास्तु संकरात् ॥

(मार्कंडेय in pischel's Grammatik)

तेव्हां, महाराष्ट्रीचे कांहीं गुण रांगडीत दिसावे; हें रास्तच आहे.

३४ ह्या पांचपंचवीस अपभ्रंशांतून महाराष्ट्री-अपभ्रंशांशीं प्रस्तुत स्थळीं विशेष कर्तव्य आहे. हा अपभ्रंश शातवाहनसाम्राज्याच्या अंतापासून क्षणजे सुमारें शक १५० पासून चालुक्यांच्या साम्राज्याच्या प्रारंभापर्यंतच्या क्षणजे शक ४५० च्या पर्यंतच्या काळांमध्ये उदयास आला. ह्याचें स्वरूप

कसे होते, ते मुख्यतः हेमचंद्राच्या सिद्धहेमचंद्रम् नांवाच्या व्याकरणाच्या ३२९ पासून ४४६ पर्यंतच्या सूत्रांवरून कळते. हेमचंद्राची हयात शक १०१० पासून शक १०९४ पर्यंत होती. ह्या वेळीं महाराष्ट्री-अपभ्रंश महा-राष्ट्रीतील लोक बोलत असत कीं काय ? ह्या प्रश्नाला, नाही, असे स्वच्छ उत्तर देतां येण्याला साधनें आहेत. तीं हीं:—शक १०५१ तील अभिलषितार्थचिंतामर्णातील पदे जिला मराठी भाषा झपाट्यात व जी ज्ञानेश्वर बोलत व लिहित असे तींत आहेत. शक ९०५ तील चामुंडरायाचा शिलालेख हि मराठी भाषेंतच आहे. शक ६५८ तील चि-कुडें येथील लेखाची भाषा हि मराठी आहे. इतकेंच नव्हे तर, शक ४१० तील मंगळवेढें येथील ताम्रपट हि मराठी भाषेंतला आहे. ह्यणजे मराठी भाषा ह्यणून ज्या भाषेला आपण ह्यणतो, तिच्यातील अत्यंत जुना लेख

शक ४१० पर्यंत गेलेला आहे. आतां, इतकें उ-

**महाराष्ट्री—अप-
भ्रंश शक ४०० च्या
सुमारास मृत झाला.**

घड आहे कीं, शक १०५१ तल्या मराठी भा-
षेच्या रूपाहून तत्पूर्वीच्या लेखांची भाषा उत्तरो-
त्तर जास्त जास्त जुनाट आहे. परंतु ह्या सर्व ले-
खांतील भाषा मराठी आहे, अपभ्रंश नाही. ह्याचा

अर्थ काय होतो ? ह्याचा अर्थ असा होतो कीं, महाराष्ट्री—अपभ्रंश शक ४०० च्या सुमारास संपून, मराठी भाषेला प्रारंभ झाला व हेमचंद्रानें ज्या अप-भ्रंशाचें व्याकरण रचिलें तो अपभ्रंश त्याच्या कालीं मृत होता. मराठी भाषा शक ६०२ पासून शक ११२८ पर्यंत महाराष्ट्रांत चालू होती, ह्या बाबीला दुसरा हि अवांतर पुरावा आहे. ह्या अवधीतील चालुक्य, राष्ट्रकूट, शिलार, यादव वगैरे महाराष्ट्रांतील राजांचे जे संस्कृत ताम्रपट आहेत त्यांतून स्थळोस्थळीं अस्सल मराठी शब्द सांपडतात. शक ६०२ तील विक्रमादित्य सत्याभ्रयाच्या ताम्रपटांत “पन्नास” हा शब्द आलेला आहे. हा शब्द महाराष्ट्रीप्राकृतांतील किंवा महाराष्ट्री-अपभ्रंशांतील नाही. महाराष्ट्रींत व अपभ्रंशांत पण्णासं, पण्णासा, पन्ना, अर्शां रूपें येतात. शक ६०२ पासून शक ११२८ पर्यंत ताम्रपटांतून आलेल्या अस्सल मराठी शब्दांची यादी प्रभात-मासिकांतील पाटण येथील शक ११२८ तील शिलालेखांत दिली आहे. तात्पर्य, मराठी शक ४०० च्या सुमारास सुरू झाली, हें अस्सल पुराव्यानें

सिद्ध आहे व हेमचंद्राने ज्या अपभ्रंशाचे व्याकरण रचिले तो अपभ्रंश शक ४०० च्या सुमारास मृत झाला होता, असें छटल्यावांचून गत्यन्तर नाही.

३५ मराठी भाषा शक ४०० च्या सुमारास सुरू होईतावत्कालपर्यंत भाषांची परंपरा माझ्या मते येणेंप्रमाणें दिसते:—

संस्कृत.	{	ऋषि:—वैदिक भाषा:—शकपूर्व १०,००० पासून शकपूर्व ३०००.
		पाणिनि:—ब्राह्मण भाषा:—शकपूर्व ३००० पासून शकपूर्व १५००.
		पतंजलि:—संस्कृत भाषा:—शकपूर्व १५०० पासून शकपूर्व २००.
प्राकृत.	{	पाली भाषा:—शकपूर्व १५०० पासून शकपूर्व ४००
		सौरसेनी भाषा:—शकपूर्व १५०० पासून शकोत्तर १५०
		मागधी भाषा:—शकपूर्व ५०० पासून शकोत्तर १५०
		पैशाची भाषा:—शकपूर्व ५०० पासून शकोत्तर १५०
		महाराष्ट्री भाषा:—शकपूर्व १००० पासून शकोत्तर १५०

प्राकृतिक.	{	सौरसेनी—अपभ्रंश	वगैरे	}	शक ० पासून शकोत्तर ४५० पर्यंत
		मागधी—अपभ्रंश			
		पैशाची— „			
		महाराष्ट्री— „			
प्राकृतिकोद्भव.	{	ब्रज	वगैरे	}	शक ४०० पासून आतांपर्यंत झणजे शक १८३० पर्यंत.
		मैथिल			
		बंगाली			
		ओढी			
		काश्मिरी			
		नेपाली			
		पंजाबी			
		सिंधी			
		गुजराथी			
		रांगडी			
मराठी					

कालाचे आंकडे कित्येक स्थलीं शंभर दोनशें वर्ये अलीकडे पलीकडे होऊं शकतील, हें सांगावयास नको. एक वाच, पूर्व भाषा असतां नाच उत्तर भाषा अपभ्रंश ह्मणून सुरू होते.

एक गोष्ट लक्ष्यांत घेतली पाहिजे. पूर्वभाषा प्रचलित असतांनाच उत्तरभाषा अपभ्रंश ह्या नात्यानें सुरू झाल्या होत्या. ह्मणजे ब्राह्मण-संस्कृत प्रचलित असतांना पाली भाषा अपभ्रंश ह्मणून सुरू झाली व ब्राह्मण-संस्कृत प्रचारांतून गेल्यावर तत्स्थानीं अधिष्ठापित झाली. पालीभाषा प्रचलित असतांना, मागधीभाषा अपभ्रंशरूपानें सुरू झाली व पालीभाषा आटोपल्यावर तत्स्थानापन्न झाली. तसेंच, महाराष्ट्री भाषा चालू असतांच महाराष्ट्री-अपभ्रंश सुरू झाला व महाराष्ट्री नष्ट झाल्यावर तिची जागा त्यानें पटकाविली महाराष्ट्री-अपभ्रंश चालू असतांच मराठी सुरू झाली व ती मेल्यावर त्याची जागा मराठीनें व्यापिली.

एका भाषेच्या स्थलीं दुसरी भाषा येत असतांना, आणीक एक चमत्कार दृष्टयुत्पत्तीस येतो. नवी अपभ्रंश भाषा आस्ते आस्ते लोकमान्य होत असतांना, जुनी मुमूर्षु भाषा कांहीं काल प्रतिष्ठित ग्रंथकार व लोक लिहित व बोलत असतात. पाली, शौरसेनी, महाराष्ट्री वगैरे प्राकृत भाषा लोकमान्य होत असतांना, ब्राह्मण-संस्कृत व पातंजल-संस्कृत प्रतिष्ठित लोकांत प्राचलित होतेंच. अपभ्रंश सुरू होत असतां, महा-

राष्ट्री-प्राकृत प्रतिष्ठित ग्रंथकार लिहितच असत. आणि मराठी उदयास येत असतांना शतक-दोन शतक अपभ्रंशाला प्रतिष्ठित ग्रंथकार विसरले नव्हते. संस्कृत, प्राकृत व अपभ्रंश, ह्यांचा लोप झाला असतां हि, शक ४०० च्या नंतरचे नाटककार ह्या तिन्ही भाषा प्रतिष्ठित ह्मणून आपल्या नाटकांत योजीत असत, व अप्रतिष्ठित ज्या मराठी वगैरे भाषा त्यांचें नांव ही काढीत नसत. प्रतिष्ठित ग्रंथकार जुन्या मेलेल्या भाषांना चिकटून राहतात, ह्या विधानाला पोषक अशीं दोन प्रमाणें देतां. प्रथमः पतंजलीचें जें संस्कृत तेंच भवभूति, हर्ष,

हेमाद्रि, बौदेंचें संस्कृत आहे. तेंच कालीदासाचें जें प्राकृत तेंच हेम-
 चंद्राचें प्राकृत आहे. झणजे हे प्रतिष्ठित उत्तरकालीन ग्रंथकार मेलेल्या भाषा
 योजित आहेत, हें स्पष्ट आहे. द्वितीयः शूद्रक, विशाखदत्त, बाण, श्रीहर्ष,
 नारायणभट्ट, जयदेव, भवभूति, इत्यादि नाटककार, महाराष्ट्र, माळवा, काश्मीर,
 ओढिया, प्रयाग, इत्यादि निरनिराळ्या प्रांतांत रहाणारे असून, सर्वच महाराष्ट्री,
 शौरसेनी, अपभ्रंश; वगैरे भाषा योजतात. शिवाय; प्राकृतांत काव्य रचतांनां
 महाराष्ट्रीचा उपयोग करावा व गद्य बोलतांनां शौरसेनी वापरवी, वगैरे नि-
 यम साहित्यग्रंथकार देतात; मग नाटककार कोणत्या हि प्रांतांतला असो व
 श्रोतृवर्ग वाटेल त्या प्रदेशांतला असे. ह्याचा अर्थ काय? उदाहरणार्थ, म-
 धुराप्रांतांतील लोक श्रीहर्षाच्या वेळीं काय दोन भाषा बोलत होते, काव्या-
 करितां महाराष्ट्री व गद्याकरितां शौरसेनी? तसेंच, नाटकांवरून असें दिसतें
 कीं, नायक संस्कृत बोलतो, नायिका महाराष्ट्रींत गाते व शौरसेनींत बोलते,
 सेवक बागधीत विनंती करतो, मेव्हणा शाकारीत वक्तो, चोर ढकी बोलतात
 व चांडाल चांडाली वापरतात, आणि ह्या सर्व भाषा एकाच घरांत चालतात.
 तेव्हां, हा प्रकार काय आहे? शकसंवत्ताच्या प्रारंभी होऊन गेलेला कालीदास
 एकाच पात्राच्या तोंडून महाराष्ट्री व शौरसेनी अशा दोन भाषा वदवतो, हें
 देखील जरा चमत्कारिकच आहे. परंतु, त्या कालीं महाराष्ट्री भाषा उन्नत व
 नागर स्थितीप्रत पावून शातवाहनराजांच्या पाठिंब्यामुळे भरतखंडांत सर्वत्र
 मान्य व ग्राह्य झालेली होती. तेव्हां, महाराष्ट्रग्राह्य प्रांतांत हि तिचा प्रचार
 स्त्रीपुरुषांत अव्याहत होता, असें समजून चालतां येईल. परंतु शकाच्या
 पांचव्या शतकाच्या पुढें झालेले जे बाण, श्रीहर्ष, इत्यादि नाटककार ते हि
 महाराष्ट्री, शौरसेनी वगैरे एकाहून जास्त भाषा एकाच पात्राच्या तोंडीं घाल-
 तात, हा चमत्कार कोठला? शकाच्या पांचव्या शतकाच्या सुमारास महा-
 राष्ट्री भाषा मरून दोनतीनशें वर्षे झालीं होती व अपभ्रंश मुमूर्षुदशेंत होता,
 हें तर शक ४१० तील मराठी शिललेखावरून स्पष्ट आहे तेव्हां बाण,
 श्रीहर्ष वगैरे कवी गतानुगतिरन्यायानें मृतसंस्कृतप्रमाणेंच, मृत महाराष्ट्री,
 मृत शौरसेनी व मुमूर्षु अपभ्रंश योजित होते, यांत संशय नाही. जयदेवाच्या
 कालीं महाराष्ट्री मेली होती, अपभ्रंश मेलला होता व मराठी भाषा चांगली
 नाबालूकाला वेत चालली होती; तसेंच, शौरसेनी मरून तिच्या जागीं जुनी
 मग भाषा आलेली होती. तत्रापि. प्रसन्नराघवांत महाराष्ट्री व शौरसेनी—

कालिदासाची व वररुचीची महाराष्ट्री व शौरसेनी जयदेव योजतो. त्यांब दुसरी एक नकलेची गोष्ट अशी कीं जयदेव रहाणारा ओढिया प्रांतांतल. जुन्वा ओढियेचा मागधीकडे संबंध. असें असून, ओढीया, किंवा तत्पूर्व-कालीन मागधी भाषा न योजतां, जयदेव ज्याअर्थी महाराष्ट्री व शौरसेनी भाषा योजतो, त्या अर्थी तो साहित्यशास्त्रकारांच्या उपदेशाला अनुसरून गतानुगतिक न्यायानें मृत व मुमूर्षु भाषांत लिहित आहे, हें उघड आहे. हा अचरटपणा कृष्णाजीपंत शेणे वगैरे नुकत्या तीनशें वर्षांपलीकडील नाटककारांनीं हि केलेला आहे. असो, गतानुगतिकास्तत्र व पुराणप्रियतेस्तत्र मृत व मुमूर्षु भाषांत नाटकें लिहिण्याच्या ह्या लक्ष्मीनें कित्येक युरोपियन टीकाकारांना चकविलें आहे. कालदृष्ट्या पहावें तर लोकांत एक भाषा प्रचलित आहे असें दिसतें व नाटककारांच्या ग्रंथांत पहावें तर मृत व मुमूर्षु भाषा योजलेल्या दृष्टीस पडतात. त्यावरून ह्या टीकाकारांना अशी शंका आली कीं, संस्कृत, प्राकृत व प्राकृतिक अपभ्रंश, ह्या कृत्रिम भाषा तर नसाव्या! कित्येक उतावळे व दुष्टबुद्धि टीकाकार, तर, इतक्या हि थराला गेले कीं, ही सर्व ब्राह्मणांची फसवेगिरी असावी! ह्या दुसऱ्या वालिश टीकाकारांकडे लक्ष्य देण्यांत हांशील नाहीं. कृत्रिमभाषावाद्यांची शंका, मात्र, सकारण होती. तिचा परिहार वर झाला च आहे. जैनमहाराष्ट्री, जैनशौरसेनी वगैरे भाषांचा हि प्रकार वरच्याप्रमाणें च आहे. जुनी मृत महाराष्ट्री भाषा आपली धर्मग्रंथभाषा ह्मणून जैन ग्रंथकार समजत. आपले धर्मशास्त्रग्रंथ जसे मृत संस्कृतांत अद्याप हि रचले जातात, तोच प्रकार जैनधर्मग्रंथांचा आहे. तात्पर्य, भरतखंडांतील ग्रंथकारांचा मृतभाषांत लिहिण्याचा ओढा विशेष असतो, हें उघड आहे.

“A Peep into the early history of India” (J. B. B. R. A. S. 1901 vol XX) ह्या चटकदार निबंधांत डाक्टर मांडाकर यांनीं खालील विधानें केलीं आहेत. (1) Another peculiarity of this period (from about the beginning of the second century before Christ to about the end of the fourth century after) was the use of the Pali or the current Prakrit language in Inscriptions. (2) But now (from about the end of the fourth century after Christ) we

find that sanskrit rose in importance and the vernaculars were driven out of the field. ख्रिस्तपूर्व २०० पासून ख्रिस्तनंतर ४०० पर्यंत प्राकृतांचें साम्राज्य होतें; परंतु ४०० नंतर प्राकृतांना गचांडी मिळून संस्कृत तत्स्थानापन्न कां झाली, ह्याचें कारण, डाक्टरांनीं असें दिलें आहे कीं, Brahmanism चा उदय झाला, त्यामुळें प्राकृत मागें पडल्या व संस्कृत पुनः उदयास आली. ह्या चमत्काराचें खरें कारण मी जें वर दिलें आहे तें आहे. महाराष्ट्री वगैरे प्राकृत भाषा शक २०० च्या सुमारास मेल्या. पुढें दोनअडीचशें वर्षें अपभ्रंश प्रचलित होता. तो हि शक ४०० च्या सुमारास मरून, आधुनिक मराठी वगैरे प्राकृतिकोद्भव भाषा जन्मास आल्या. परंतु, त्यांना विद्वन्मान्यता नसल्यामुळें, त्यांचा उपयोग ह्मणावा तसा होत नसे. डाक्टर भांडारकरांनीं वृत्तनिरूपण बराबर केलेलें आहे; परंतु वृत्ताचें कारण, मात्र, जें द्यावें तें दिलें नाहीं. संस्कृत भाषेचा पुनरुदय व Brahmanism चा पुनरुदय हीं एकाच कारणाचीं कार्ये आहेत. बौद्धधर्म व प्राकृत भाषा मेल्यामुळें संस्कृत भाषा व Brahmanism उदयास आलीं, बौद्धधर्माचा अस्त व प्राकृत भाषांचा मृत्यु हीं कारणे असून, Brahmanism व संस्कृत भाषा यांचा उदय हीं सोदर कार्ये आहेत. संस्कृत भाषेच्या पुनरुदयाचें Brahmanism हें कारण नाहीं, प्राकृत भाषांचा मृत्यु हें कारण आहे.

३६ शक ४०० च्या सुमारास मराठी भाषा सुरू झाली, तेव्हां, अपभ्रंश नष्ट होत चालला होता व महाराष्ट्रीभाषा मृत झाली होती, ह्याला दुसरें एक प्रमाण आहे. शक ४५० च्या सुमारास महाराष्ट्रांत चालुक्यांचें राज्य सुरू झालें. चालुक्यांच्या अमदानींत जे ताम्रपट व शिलालेख खोदले गेले ते प्रायः सर्व संस्कृत भाषेंत आहेत, शातवाहनांच्या कारकीर्दींतल्या प्रमाणें प्राकृतांत किंवा अपभ्रंशात नाहींत. ह्याचा अर्थ असा होतो कीं, महाराष्ट्री व अपभ्रंश मृत व सुमूर्ध स्थितींत चालुक्यांच्या वेळीं होते. तेव्हां, सहजच त्यांनीं त्या मृत व सुमूर्ध भाषांचा उपयोग केला नाहीं. मराठीचा उपयोग करावा हाटलें तर ती भाषा राजमान्य झाली नव्हती, नुकतीच उदयास येत चालली होती. तत्रापि, शक ४१० तील मंगळवेढ्या ताम्रपटावरून व शक ६५८ तील चिकुड्यांच्या ताम्रपटावरून असें दिसतें कीं,

सामान्य लोकांचें सर्व लिखाण मराठी भाषेंतच चाललें होतें. शिवाय हा हि एक प्रश्न उभा रहातो कीं, चालुक्यराजांचें दफतर, राज्याचे हिशोब वगैरे, कोणत्या भाषेंत लिहिलें जात असे ? संस्कृत भाषा दफतरांतील कारकुनांस येत असेल हें संभवत नाही. तसेंच, सामान्य लोकांस हणजे पाटीलकुळकर्ण्यांस उद्देशून जीं सरकारी आज्ञापत्रें जात असतील तीं संस्कृतांत लिहिलीं जात असत, हें हि विधान मराठी उर्फ देशी. असंभाव्य च दिसतें. तेव्हां, असें हणणें प्राप्त होतें

कीं, चालुक्यराजे राज्यांतील सामान्य व्यवहार तत्कालीन देशभाषेंतच करीत असले पाहिजेत. असामान्य व्यवहार हणजे विशिष्ट देणग्या वगैरे संबंधींचें आज्ञालेख किंवा दानलेख विद्वान व शिष्ट ब्राह्मणांना उद्देशून लिहिल्यामुळें, ते तेवढे संस्कृतभाषेंत कोरले जात. इतर सर्व व्यवहार त्या त्या देशभाषेंतच होत होते. चालुक्यांच्या साम्राज्यांत मुख्यतः दोन भाषा सामान्य लोकांत प्रचलित असतः— १ मराठी व २ कानडी. ह्या दोन भाषांत सामान्य लिखाण होत असे. पैकीं मराठी भाषेला देश्य, देशी अशी संज्ञा असे. ज्ञानेश्वर मराठीला देशी हणतो. हेमचंद्राच्या देशीनाममालेंतील देशी शब्द प्रायः तत्कालीन मराठीच आहेत. इतकेंच कीं, वृत्तसुखार्थ व संस्कृतभाषारूपार्थ बहुतेक देशी शब्दांना त्यानें संस्कृत पेहराव थोडा बहुत दिला आहे.

३७ आतांपर्यंत जे जुने मराठी लेख उपलब्ध झाले आहेत त्यांत अत्यंत जुना लेख झटला हणजे शक ४१० शक ९०० पर्यंत मराठींत तील मंगळवेढें येथील ताम्रपट होय. हा सारस्वताभाव. लेख व ह्याच्यानंतरचे जुने मराठी लेख ह्यांची समग्र यादी मागें चवदाव्या रकान्हांत दिली आहे. त्यावरून पहातां, असें दिसतें कीं, शक ४०० पासून शक ९०० पर्यंत मराठी भाषा केवळ बोलण्यांत येत होती, तिच्यांत सारस्वत उत्पन्न झालें नव्हतें. अभंग, पदें, भूषाळ्या, कहाण्या, वगैरे वाङ्मय ह्या हि काळीं उत्पन्न झालें असण्याचा पूर्ण संभव आहे. परंतु शक ९०० पर्यंतचें हें वाङ्मय अद्याप उपलब्ध नाही. तेव्हां, सध्यांपुढें तरी असेंच हणणें भाग आहे कीं, शक ९०० पर्यंत मराठींत सारस्वत नव्हतें,

३८ शक ९०० पासून पुढें मराठी सारस्वताला प्रारंभ झाला. सार-
स्वताचें अगदीं पहिलें उदाहरण ह्यटलें ह्यणजे
शक ९०० नंतर अभिलषितार्थचिंतामर्णातिल पदांचें होय. तदनंतर
नागर मराठी. निवृत्ति, ज्ञानेश्वर, वगैरे नागर ग्रंथकार उदयास
आले व त्यांनीं मराठीला नागर केली. हेमाडपं-
ताच्या वेळीं दरबारचें सर्व लिखाण मोडी मराठींत होत असे.

३९ ज्ञानेश्वरानंतर मुसलमानांचें राज्य महाराष्ट्रांत झालें. त्यामुळे मरा-
ठीला फारसी व अरबी भाषांचा संसर्ग घ-
डला. ह्या संबंधीं विवेचन मराठ्यांच्या
शक १२००-१५००. इतिहासाच्या साधनांच्या आठव्या
खंडाच्या प्रस्तावनेंत साद्यन्त केलेलें आहे.

सबब, त्या तपशिलांत येथें पडत नाहीं. मुसलमानी रियासतींत जनार्दन, दा-
सेपंत, एकनाथ वगैरे नामांकित ग्रंथकार मराठींत झाले.

४० नंतर, स्वराज्याचा काळ आला.
स्वराज्य शक १५०० पासून त्यांत रामदास—मोरोपंतादि ग्रंथकार व
शक १७३९ पर्यंत. सभासदादि बखरकार झाले.

इंग्रजाचा संसर्ग ४१ शक १७३९ नंतर मराठीला इंग्रजीचा
शक १७३९-१८३०. संसर्ग झाला. तो सध्यां आपण पहातच आहों.

४२ मराठी भाषेच्या स्थित्यंतरांचें स्थूल टिपण हें असें आहे. आज-
पर्यंत मिळालेल्या लेखांवरून १ मराठी भाषेचा इतिहास, २ मराठी भाषेचें
ऐतिहासिक व्याकरण, ३ मराठी भाषेचें निरुक्त व, ४ मराठी भाषेतील-
सारस्वताचा इतिहास, अशीं चार प्रकरणें नामी रीतीनें सजवतां येण्यासारखीं
आहेत. ह्या एकेक विषयाला एकएक स्वतंत्र ग्रंथ च अर्पण केला पाहिजे.

४३ शक १८१८ त मराठी भाषेतील जुने लेख व ग्रंथ शोधण्यास
मी प्रारंभ केला. तेव्हांपासूनच्या बारा वर्षांत जी महत्त्वाची लेखप्राप्ति झाली
तिच्यावरून ही झोटक हकीकत येथपर्यंत दिली. आतां, प्रस्तुत छापलेल्या
ज्ञानेश्वरी—संबंधानें तपशील देऊन, ही प्रस्तावना संपवितों.

४४ बालेघाटी ब्रीडशहरी पाटांगण नांवाचें एक देवस्थान आहे. तेथें शके १८२५ त ही ज्ञानेश्वरीची प्रत सांपडली.

पोथीचें मूलस्थान. इतर दहावीस ज्ञानेश्वर्या तेथें पडल्या होत्या त्यांत ही प्रत एका कोनाड्यांत पोथ्यांच्या ढिगांत लोळत पडली होती. मठाधिपति जे मथुरानाथगोसावी त्यांनी मला ही प्रत नजर केली व हिचा योग्य उपयोग करण्यास कळकळीनें सांगितलें.

४५ ही प्रत सबंध शाबूत आहे. पानें ३२२ असून, पाठपोट मिळून

पोथीचें रूप. पृष्ठें, अर्थात्, ६४४ आहेत. पानाची लांबी ९ इंच व रुंदी ४ $\frac{३}{४}$ इंच आहे. दर पृष्ठास बारापासून चौदापर्यंत ओळी आहेत. अक्षर उत्कृष्ट वळणदार असून, येथूनतेथून एकहातचें आहे. प्रायः प्रत्येक पान कागदाची दुहेरी घडी गोंदानें चिकटवून एकजीव केलेलें आहे. हणजे गोंद काढून पान उघडलें असतां, आंत पोट कोरें आहे आणि पाठीवरील क्षेत्रफळाची दोन पृष्ठें करून वर लिहिलेलें आहे. तात्पर्य कागद आंतून गोंदानें चिकटवून दुहेरी जाड केलेला आहे. शाई लाखा असून, अद्याप अक्षरें पूर्ण शाबूत आहेत. अक्षराचें वळण तत्कालीन मराठी आहे. सोबत जोडलेल्या फोटोवरून पानाचें व अक्षराचें स्वरूप ध्यानांत येईल. प्रत्येक पानाचे चारी कोपरे मुदाम वाटोळे कलेले आहेत. कागद तुरटीच्या पाण्यानें धुतला असल्यामुळें, तो जलनिर्भय झाला आहे. विरामाच्या उभ्या रेखा व ओव्यांचे अंक तांबड्या शाईनें लिहिले आहेत; आणि संस्कृत श्लोकावर तांबडी काव फासली आहे. लांकडाच्या फळीवर सुतळी बांधून, ती आंखणी कागदावर दाबून रेखा पाडलेल्या आहेत. अक्षर वेळूच्या लेखणीनें लिहिलें आहे. पहिल्यापासून अखेरच्या पानापर्यंत अक्षरांची लांबीरुंदी एकसारखी आहे. हणजे एकाच टोकाच्या पांच पन्नास लेखण्या लेखकांनें जवळ तयार करून ठेविल्या असल्या पाहिजेत. लेखक लिहण्याचा धंदा जन्मघर करणारा असून स्वकर्मकुशल होता, असें दिसतें.

४६ लेखनशुद्धीकडे पहातां, ती प्रायः केवळ निर्दोष आहे. क्वचित्

एखादें अक्षर गळालेलें आढळतें. परंतु अशी स्थलें सबंद

लेखनशुद्धि. पोथींत फारच थोडी सांपडतात. गळलेलीं अक्षरें, गळल्या

ठिकाणीं काकपद ✓ देऊन, समासांत दाखविली आहेत.

हणजे पोथी संपल्यावर मूळाशीं करोशीनें ताडून बघितलेली आहे.

४७ पोथी वाचणाच्या मालक विद्वानांनं कोठें कोठें समासावर शोध घातलेले आढळतात. मालकाचें अक्षर लेखांच्या विद्वच्छुद्धि. अक्षराहून भिन्न आहे.

४८. व्याकरणदृष्ट्या पोथीतील रूपं अत्यन्त शुद्ध लिहिलेलीं आहेत. झणजे ज्ञानेश्वराच्या वेळीं नागर मराठी भाषेचें जें रूप भाषाशुद्धि. होतें तें अक्षरद्वारा जसेचेंतसें ह्या पोथींत दाखविलेलें आहे. ऱ्हस्व, दीर्घ, अनुस्वार, अनुनासिक, कान्हा, मात्रा, उकार, इकार, येथूनतेथून सबंद पोथींत, प्रायः, तत्कालीनव्याकरणदृष्ट्या शुद्ध लिहिलेले आहेत. ज्या शब्दाचा व रूपाचा जो उच्चार तो तशाचा तसाच अक्षरांनीं वठवलेला आहे. अगदीं एक मुद्दां अपवाद नाहीं. इतकी शुद्ध पोथी संस्कृतांत हि सांपडणें कठिण. प्राकृतांत, तर, ती केवळ अनुपमेय आहे. ह्या पोथीचें मराठी भाषाशास्त्राला व निरुक्ताला फारच साहाय्य होईल.

४९ ही पोथी कोण्या विद्वन्मन्यांनं पुनः एकदां शुद्ध केलेली आहे. ज्ञानेश्वरकालीन रूपं एकनाथाच्या किंचित् पूर्वी बदलून आधुनिक होत होती. अद्या काळीं, ही पोथी कोणा गृहस्थाच्या हातीं पडून, त्यांनं हजारों स्थलीं गंधाचा व गेरूचा उपयोग करून मूळपाठ बुजवून टाकिले आहेत. गंध व गेरू हलक्या हातानें खरडून कढून मूळपाठ मी प्रस्तुत छापील प्रतीत दिले आहेत. गंध व गेरू ह्यांच्या लेपाखालील मूळपाठ ज्ञानेश्वरकालीन व्याकरणदृष्ट्या शुद्ध होते, ते ह्या गृहस्थाला अशुद्ध वाटून, त्यांनं ही मखलाशी केली आहे. परंतु, ती मखलाशी हि फारच काळजीनें व सफाईनें केली आहे. सारांश, ही पोथी, लेखक, मालक, व मखलाशीकार, ह्या तिन्ही उत्कृष्ट लोकांच्या हातून जातजात मथुरानाथ गोसाव्यांच्या द्वारा माझ्या हातांत आली. ती जशीची तशी महाराष्ट्रांतील विद्वानांच्या सेवेशे छापून सादर केली आहे.

५० श्रीमहागणपतयेनमः ॥, असा पोथीचा प्रारंभ आहे. पोथीची उपास येणें प्रज्ञाणें:-

**पोथीचे
आद्यन्व.**

ऐसें युगीं बरि कली । आणि महाराष्ट्रमंडलीं ।
 श्री गोदावरिचां कुलीं । दक्षिणिणीं ॥ ८४ ॥
 तेथ भुवनैकपवित्र । अनादिपंचक्रोशक्षेत्र ।
 जगाचें जीवनसूत्र । जेथ श्रीमहालसा ॥ ८५ ॥
 तेथ इंदुवंशविलासु । जो सकलकलां निवासु ।
 न्यायातें पोखीत क्षितीशु । श्रीरामचंद्रु ॥ ८६ ॥
 तें माहेशान्वयसंभूतें । श्रीनिवृत्तिनाथसुतें ।
 केलें ज्ञानदेवें गीते । देशीकार लेणें ॥ ८७ ॥
 ऐवं भारताचां गावीं । भीष्मनामीं प्रसिद्धपवीं ।
 श्रीकृष्णांजुनीं बरवी । जें गोष्टि केली ॥ ८८ ॥
 जें उपनिषदाचें सार । सर्वशास्त्राचें माहिपर ।
 परमहंसीं सरोवर । सेविजे जें ॥ ८९ ॥
 तिथे गीतेचा कलशु । संपूर्ण हा अष्टादशु ।
 ह्यणे निवृत्तिदासु । ज्ञानदेवो ॥ ९० ॥
 पुढुतीं पुढुतीं पुढुतीं । इया ग्रंथा पुण्यसंपत्ती ।
 सर्वसुखीं सर्वभूतीं । संपूर्ण होइजो ॥ ९१ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे श्रीकृष्णार्जुनसंवादे मोक्षयोगो नाम अष्टादशोऽध्यायः ॥ हिरण्य । श्रीकृष्णार्पणमस्तु ॥ १८ ॥ लेखनं श्रीकृष्णार्पणमस्तु । श्री +++++ साम्राज्यलक्ष्मीस्वरूपीश्वरा गुरुकृपाळु नारायण पातु मां ॥

येथें ज्ञानेश्वरीचा अखेर झाला. ९० व्या ओवीच्या "दासु ॥ ज्ञानदेवो" पासून " पातु मां " पर्यंतच्या सर्व ओळी आळित्याच्या तांबड्या शार्डें मूळलेखकानें लिहिल्या होत्या. त्यापैकीं ९१ वा अमंग संपेतोपर्यंतचीं तांबडीं अक्षरें एका गृहस्थानें काळ्या शार्डें गिरविलीं आहेत. आंतून तांबडी शार्डें दिसते व वरून काळ्या शार्डेंचीं ओवडधोवड गिरवणी डोळ्यांत उरते. ह्या गृहस्थानें ८४ व्या ओवीपासून ९१ व्या ओवीपर्यंतचीं काळी व तांबडी अशीं सर्वच अक्षरें काळ्या शार्डें गिरविलीं आहेत. कारण, ह्या गृहस्थाने हाकां ही पोथी आली, तेव्हां पोथीच्या ह्या शेवटल्या पृष्ठावरचीं अक्षरें वासटून अगदीं पुसटून गेलीं होतीं. तेव्हां स्पष्टतेकरतां तीं काळ्या शार्डें

गिरवणें त्याला भाग पडलें. परंतु, गिरवणाऱ्याला मूळलेखका इतकें सुंदर लिहितां येत नसल्यामुळें वळवलेलें प्रत्येक अक्षर वेदव बनलें आहे. मूळ अक्षराची सफाई, ह्या गिरवणाऱ्याच्या धसाड्या हातानें, अगदीं निघून गेली आहे. आतां इतकें खरें आहे कीं गिरविणाऱ्यानें जर घासटून पुसटत जात चाललेलीं अक्षरें गिरवून शाबूत राखिलीं नसतीं, तर ह्या पोथीच्या समाप्तीचीं हीं अक्षरें व ओव्या आपणांस पहिल्यास न सांपडल्या. ह्या दृष्टीनें पाहिलें झणजे, ह्या गृहस्थानें अक्षरें गिरवून वचावण्यांत जगावर मोठा उपकार केला आहे, त्यांत संशय नाहीं. ह्या शेवटल्या पानाचे दोन्ही बाजूचे समास व समासांच्या मधील बोट अर्धवोट जागा फाटून गेली होती ती हि ह्या मनुष्यानें स्वकालीन कागदाच्या तुकड्यांनीं डागडूज केली आहे. मूळलेखकानें लिहिलेल्या ज्ञानेश्वरीच्या पोथीच्या समाप्तीच्या ओव्यांचा व अक्षरांचा हा तपशील झाला. समाप्तीच्या शेवटच्या ओळीवरून असें दिसतें कीं, लेखकाळा संस्कृत भाषा येत नव्हती.

“ पातुमां ” नंतर दुसऱ्या एका मनुष्यानें लिहिलेली व निराळेंच वळण असलेली एक ओवी येणेंप्रमाणें आहे:—

(१) शके बारा शतें बारोत्तरं । तें टीका केली ज्ञानेश्वरें ।
सच्चिदानंद बाबा आदरें । लेखक जाला ॥ ९२ ॥

ह्या ओवीच्या अक्षरांचें वळण उपरिनिर्दिष्ट गृहस्थाच्या वळणासारखें. नाहीं. शिवाय अक्षरांची शाई उपरिनिर्दिष्ट गृहस्थाच्या शाईहून जुनी आहे. झणजे ही ओवी उपरिनिर्दिष्ट गृहस्थाच्या आर्धां कोणी तरी लिहिलेली आहे, व तिच्यावर ९२ चा आंकडा टाकिला आहे.

ह्या ९२ व्या ओवीच्या खालीं एक संस्कृत श्लोक ९२ व्या ओवीच्या वळणाहून निराळ्या वळणांत लिहिलेला आहे. त्याची शाई ९२ व्या ओवीच्या शाईहून निराळी व जुनी दिसते. हा श्लोक येणेंप्रमाणें:—

(३) श्रीसद्गुरुमुकुंदेन दत्ता ज्ञानेश्वरी शुभा ॥

विद्याधराय शिष्याय स्वीए स्वत्वं न शोभते ॥ १ ॥ ७ ॥

९२ वी ओवी व हा श्लोक ह्यांच्या मध्यें खालील खरडेलेली झणजे लेखकानें लिहिलेला व पुसून टाकिलेला एक आंकडा आहे.

हे अक्षर वरुषा तिन्ही अक्षरांहून अगदी निराळें व किरटें आहे. खोळ
वेर्षेप्रमाणें:—

(२) हें पुस्तक विश्वनाथु कोनेर धोलर देवनुरकर

ह्या तीन लेखांपैकी तिसरा लेख कालदृष्ट्या सर्वांच्या आधींचा, पहिला
लेख तदनंतरचा आणि दुसरा लेख शेवटचा आहे.

५१ समाप्तीच्या ह्या तीन लेखांवरून खालील निगमने प्राप्त होतात.

[१] मूळलेखकानें ज्या प्रतीवरून आपली प्रत उतरून घेतली त्या प्रतीत व
अर्थात् उताऱ्यांत “ शके बारां शते ” इत्यादि ओवी नव्हती. [२] ती
ओवी ज्ञानदेवानंतर कोणी तरी रचिलेली आहे. ती ओवी सच्चिदानंदबाबानें
हि रचिलेली नाही. कारण, ज्ञानदेव व सच्चिदानंदबाबा यांच्या काली बाबा
असें रूप प्रचलित नसून बाबा असें रूप प्रचलित होतें.

पोथीचा काळ वता=वप्पा=बापा=बाबा=बाधा, अशी उच्चारपरंपरा आहे.

निर्णय.

सच्चिदानंदबाबानें ही ओवी लिहिली असती, तर बाबा
असा पाठ आला असता. मजजवळ ज्ञानेश्वरीच्या इतर
मुमारे पत्रास पोथ्या आहेत. त्यापैकी एकीत हि बाबा असा पाठ नाही,
बाबा असाच पाठ आहे. ह्यणजे सच्चिदानंदबाबा वारल्यावर त्याच्या
कोण्या चाहत्यानें तत्स्मरणार्थ ही ओवी रचिलेली आहे. अर्थात्, प्रस्तुत
छापिली गेलेली प्रत ज्या मूळ प्रतीवरून केली, ती मूळ प्रत सच्चिदानंदबा-
बाच्या मृत्यूच्या आधी लिहिलेली होती. [३] ही मूळ प्रत सद्गुरु मुकुंदानें
विद्याधर नामक शिष्याला दिली. सच्चिदानंदबाबाच्या मृत्यूच्या अगोदर
असणारा हा मुकुंद मुकुंदराज ज्याला ह्यणतात तो च होय. दुसरा कोणी मुकुंद
शक १२१२ पासून शक १२४० पर्यंत हयात नव्हता. मुकुंदराजाची हयात
शक ११५८ पासून शक १२५८ पर्यंत होती, (ग्रंथमाला, मुकुंदराज).
तात्पर्य मुकुंदराजानें आपला शिष्य जो विद्याधर त्याला आपल्याजवळील
ज्ञानेश्वरीची प्रत बक्षीस दिली. तीच ही मजजवळ असलेली प्रत होय. ही
प्रत सच्चिदानंदबाबाच्या मृत्यूच्या अगोदर ह्यणजे शक १२४० च्या अगोदर
व शक १२१२ च्या नंतर केव्हां तरी लिहिलेली आहे. ह्या प्रतीचा उत्तम
मजवळ, तलम व कमावलेला कागद; उत्तमोत्तम शार्ड; कसलेल्या लेखन-
शैली लेखकाचें वेथूनतेथून एकवळणी अक्षर, पाहिलें ह्यणजे अति कळू

कर्मों भाग पडतें कीं, ही प्रत तयार करण्यास पुष्कळ द्रव्य लागलें असाहें व ज्या धन्याकरितां ही प्रत तयार केली तो धनी श्रीमान असावा. मुकुंदराज होयसळवंशीय जयंतपाळाचा गुरु होता, व त्याला अर्थात् उत्तम द्रव्य व उत्तम राजदरबारी लेखक मिळण्यासारखे होते. दरिद्राच्या हातून अशी प्रत तयार होणें अशक्य आहे. ही प्रत लिहून काढण्यास, इतक्या काळजीनें, सुमकपणानें व सफाईनें उतरून घेण्यास व मुळावरहुकूम तपासण्यास वर्ष दोन वर्षे लागलीं असावीं. झणजे सुमारे हजारपांचशें रुपयांच्या खर्चा ह्या प्रतीला खर्च पडला नसावा. तेव्हां, असली ही द्रव्यसाध्य प्रत तयार करविणारा राजगुरु मुकुंदराज च असला पाहिजे. सारांच, ही प्रत मुकुंदराजाची आहे व ही शक १२१२ पासून शक १२४० पर्यंतच्या काळांत केव्हां तरी लिहिलेली आहे. एकाच शब्दानें सांगावयाचें झटलें, तर असें झणणें प्राप्त होतें कीं, महाराष्ट्रग्रंथसंग्रहांत ही ज्ञानेदेवीची प्रत केवळ “ अमूल्य ” आहे

५२. मुकुंदराजाचा शिष्य जो विद्याधर—आपल्याला ही देणगी शोभत नाही, आपण हिचे मालक होण्यास योग्य नाही, असें उद्गार काढणारा जो विद्याधर—त्याच्या हातून ही पोथी विश्वनाथ कोनेर घोलर देवनुरकर याच्या ताब्यांत गेली. व त्याच्या द्वारा परंपरेनें वीड येथील पाटांगणांत येऊन दाखल झाली.

५३. तलम कागदाची मजयुती, बारीक पण घोसदार अक्षराची एकवळणी सफाई, मालकाची द्रव्यसंपन्नता, वगैरे पोथीच्या गुणांचें अनुवादन केलें. परंतु, ह्या सामान्य गुणांहून दुसरा एक असामान्य गुण ह्या पो-

पोथीतील
शक १२१२
तली निर्भेळ
नागर मराठी
भाषा.

थीत आहे. तो हा. ह्या पोथीतील भाषा—जी ज्ञानेश्वर बोलला, जी ज्ञानेश्वरानें नेवाशांतील शिलेवर लिहिली, व जी शक १२१२ त नागर मराठे बोलत—ती च साक्षात् आहे. कागद भिकार असतां, अक्षर गिचमीड असतें, व मालक शतदरिद्री असता, आणि भाषा जर ह्या पोथीतल्याप्रमाणें साक्षात् शक १२१२ तील नागर मराठी असती, तरी देखील, ह्या एकाच असामान्य गुणाच्या बळा-

वर, अशा पोथीचा सकौतुक आदर करणें भाग पडलें असतें. ज्ञानेश्वरांच्या पुस्तकांनें वास्तुवैराजांच्या भीमजीनें उत्तम कागद व उत्तम अक्षर ह्यांच्या

जोडीला शक १२१२ तील निर्भेळ नागर मराठी भाषा आपल्याला उपलब्ध झाली आहे. तेव्हां, ह्या प्रतीचें कौतुक करावें तेवढें थोडेंच आहे, पंढर-पूर येथील शक ११९५ तील शिलालेखांतल्यासारखी किंवा पाटण येथील शक ११२८ तील शिलालेखांतल्यासारखी भाषा ह्या पोथीची आहे. तेव्हां, मुकुंदराजाचा उल्लेख ज्यांत केला आहे असा श्लोक यद्यपि ह्या पोथीच्या समाप्तीस नसतां, तथापि देखील निव्वळ भाषेच्या स्वरूपावरून ही पोथी वेळ ज्ञानेश्वराच्या वेळची आहे, असें तज्ञांना सहज ताडतां आलें असतें. प्रथम मी जेव्हां ही पोथी पाटांगणांत अधूनमधून वाचून पाहिली, तेव्हां भाषेवरून प्रथमदर्शनांच लक्ष्यांत आलें कीं, ही प्रत एखाद्या ज्ञानेश्वरकालीन प्रतीची नकल आहे. पुढें अक्षरांच्या वळणाचा जेव्हां विचार करूं लागलों, तेव्हां असें हि दृष्ट्युत्पत्तीस आलें कीं, ह्या पोथीतील अक्षरें पंढरपूर येथील शक ११९५ तील शिलालेखांतल्या अक्षरांसारखी आहेत. आणि समाप्तीतील मुकुंदराजाच्या श्लोकाचें जेव्हां मनन केलें, तेव्हां तर अशी पक्की खात्री झाली कीं, ही पोथी खुद्द मुकुंदराजाची आहे. व ती त्यानें आपला नम्र व श्रद्धालू शिष्य जो विद्याधर त्याला बक्षीस दिली होती. शेवटीं, सच्चिदानंदबावा संबंधीची ओवी मूळप्रतींत नाहीं, हें जेव्हां पाहिलें, तेव्हां शक १२४० च्या पूर्वीची हणजे सच्चिदानंदबावाच्या मृत्यूच्या पूर्वीची ही पोथी आहे, असें ठाम मत झालें, आणि मराठी भाषेच्या व्युत्पत्तीला व व्याकृतीला व इतिहासाला ही प्रत अत्यंत उपयोगी पडेल असा भरंवसा वाटला. पंढरपूर येथें पोलीस चावडींत व पंढरपूर जिल्ह्यांत जेवढें हणून यादवकालीन शिलालेख आहेत तेवढ्यांतील अक्षरांचें वळण या पोथीतील अक्षरांच्या वळणासारखें आहे. ही पोथी हणजे मराठी भाषेतील कागदावर लिहिलेला अत्यंत जुना असा पहिला लेख होय. सुदैव कीं हा लेख पाठपेट ६४४ पृष्ठें आहे व संबंध शाबूत आहे. कागदावर लिहिलेला इतका जुना लेख किंवा इतकी जुनी पोथी डेक्कन कालेजांतील संग्रहांत किंवा आनंदशंभरंतील संग्रहांत नाहीं. अर्थात्, ह्या पोथीवरून हें हि सिद्ध होतें कीं ज्ञानेश्वरकालीं कागद हा पदार्थ प्रचारांत होता. डेक्कन कालेजांत एक कागदाची पोथी शक १२३० च्या पूर्वीची आहे, हणून येथील संग्रहालयाच्या लावबरी-वनच्या संगण्यांत आलें. परंतु, ती पोथी साक्षात् पाहिल्याशिवाय कोणत्या

कल्लव लावल्याशिवाय तिच्यासंबंधाने निश्चयाने कोणतेंच विधान ग्राह्य करतां येत नाही.

५४ एकनाथाने शुद्ध केलेल्या प्रतीत तद्विषयक उल्लेखाच्या कांहीं एकनाथी ओव्या येत असतात. ज्ञानेश्वरीच्या शोधाची लेखनकामाठी एकनाथाने शक १५०६ तारणसंवत्सरीं संपूर्ण केली. त्या ओव्या अर्थात्च प्रस्तुत छापल्या गेलेल्या मुकुंदराजाच्या प्रतीत नार्हात.

हणजे, ह्या पोथीवर शुद्धाशुद्धाची जी मखलाशी केली आहे ती हि एकनाथाच्या पूर्वीची आहे; नंतरची असती तर एकनाथी ओव्यांचा समावेश मखलाशीकाराने अवश्यमेव केला असता. कारण, शुद्धाशुद्ध करणारा मखलाशीकार मोठा साक्षेपी गृहस्थ दिसतो. एकनाथाने आपली शुद्ध प्रत शक १५०६ तारणांत तयार केली. त्याच्या पुढे ९ वर्षांनीं शक १५१५ तील एक पोथी तंजावरांतील ग्रंथसंग्रहांत माझ्या पहाण्यांत आली. हिची समाप्ति अशी:—

“ शके पंधरा शतें सावोत्तरि । तारणनाम संवत्सरि ।
एका जनार्दनने अत्यादरि । गीता-ज्ञानेश्वरी-प्रती शुद्ध केली ॥ १ ॥
ग्रंथ पूर्वी च अतिशुद्ध । परि पाठांतरें शुद्धाबद्ध ।
ते शोधुनियां येवविध । प्रति शुद्ध सिद्धज्ञानेश्वरी ॥ २ ॥
नमो ज्ञानेश्वरा निष्कळका । ज्याचे गीतेची बाचितां टीका ।
ज्ञान होय लोकां । अतिभाविका ग्रंथार्थियां ॥ ३ ॥

श्रीशके पंधरा शतें पंधरा, विजयसंवत्सर, उत्तरायणें, फाल्गुनमासे, शुक्लपक्षे, सप्तमी, रविवार, गीता संपूर्ण । श्रीकृष्णापर्णमस्तु । गोदादक्षिण भागे राजधानि अहमदानगरस्थाने फरेशरामात्मज-नृसिंह-भारद्वाजगोत्रोत्पन्नेन । ग्रंथो लिखितः संपूर्णमस्तु ॥ ”

शके १५१५ च्या फाल्गुन शुक्ल सप्तमीला रविवार येतो, तेव्हां, ही प्रत शक १५१५ तील आहे, ह्यांत संशय नाही. एकनाथाने शुद्ध केलेल्या प्रतीवरून ही प्रत उतरून घेतलेली आहे. अर्थात् एकनाथी प्रत कधी असेल तें हिच्यावरून वाढतां येतें. पैठणापासून जवळ असलेल्या अहमदनगर

शहरां करशरामात्मज नृसिंह भारद्वाज यानें ही प्रत उतरली. भारद्वाज हणजे भारदे. नगर येथील ज्या भारद्वाजांनी ऊर्फ भारद्वाजांनं कांहीं वर्षी-पूर्वी एकाचे दोनचार ज्ञानेश्वर केले होते त्यांचाच कोणी पूर्वज हा नृसिंह भारद्वाज असावा. यावरून असं दिसतें कीं, ज्ञानेश्वरीचें पठण ह्या भारद्वाजांच्या कुळांत वंशपरंपरेनं आहे. ह्या प्रतींत (१) भाद्रपदमास ऋषिस्व-पष्टी, इत्यादि व (२) या ज्ञानेश्वरी पाठीं, इत्यादि, दोन ओंव्या नाहींत. तंजावर येथील प्रतीतील अध्यायवार ओंवी संख्या येणेंप्रमाणें आहे.

अध्याय	ओंव्या	अध्याय	ओंव्या
१	२७५	२	३७२
३	२७६	४	२२५
५	१८०	६	५०८
७	२१०	८	२७१
९	५३६	१०	३३६
११	७१२	१२	२४७
१३	११६९	१४	४१५
१५	५९९	१६	४७३
१७	४३३	१८	१८१०

९०४७

कुटे आपल्या प्रतीला एकनाथी प्रत हणतात. कुट्यांच्या प्रतींत ९०३७ कुट्यांची प्रत. ओंव्या आहेत. त्यापेक्षां ह्या तंजावरी प्रतींत १० ओंव्या जास्त आहेत.

५५ तंजावरांतील भारद्वाजी प्रत व कुट्यांची एकनाथी हणून झट.

मुकुंदराजाच्या प्रतीतील
ओंवी संख्या.

लेली प्रत ह्यांत प्रत्येकीं ९०४७ व ९०३७ ओंव्या आहेत. प्रस्तुत छापलेल्या मुकुंदराजाच्या प्रतींत अध्यायवार ओंवीसंख्या अशी आहे:—

अध्याय	ओंव्या	अध्याय	ओंव्या
१	२७३	३	३७४

(७३)

३	२७१	४	२२२
५	१७८	६	४९४
७	२०५	८	२६९
९	५३०	१०	३१०
११	६९८	१२	२४४
१३	११६३	१४	३७१
१५	५९६	१६	४७२
१७	४३१	१८	१७९१

८८९२

५६. वार्डस एका सोनाराच्या येथें सांपडलेली ज्ञानेश्वरीची एक प्रत
सोनारी प्रतीतील ओवी- आहे तींत ओंव्या अध्यायवार येणेंप्रमाणें
संख्या. आहेतः—

अध्याय	ओंव्या	अध्याय	ओंव्या
१	२९९	२	४३६
३	३५१	४	२५४
५	२२०	६	५३९
७	२३६	८	२९३
९	६१७	१०	४७१
११	७५९	१२	२७२
१३	११८६	१४	४६४
१५	६१४	१६	५२९
१७	४६८	१८	१८६३

९८५१

५७ अकळूज येथील एका भराड्यापाशीं एक ज्ञानेश्वरीची पोथी होती
भराड्याच्या प्रतीतील ओवीसंख्या येणेंप्रमाणें होतीः—
ओवीसंख्या.

अध्याय	ओंव्या	अध्याय	ओंव्या
१ ३२२	२ ४८८
३ ३१८	४ २६७
५ २०९	६ ५४४
७ २३९	८ २९८
९ ५६९	१० ३७९
११ ७६२	१२ २६६
१३ १२०५	१४ ४१३
१५ ६२०	१६ ४९७
१७ ४६१	१८ १८८७

९७३४

५७ वाई येथे उद्धोधनाथसंप्रदायी खेडकर हरिदास आहेत त्यांच्या-
उद्धोधनाथी प्रतीतील जवळील प्रतीकांच्या पोर्यांत ज्ञानेश्वरीच्या ओंव्यांची
ओंवीसंख्या. संख्या ९०३४ आहे. ही प्रत संप्रदायपरंपरेनें
आलेली आहे, असें हरिदास म्हणतात.

५८ रा. रा. माडगांवकर यांनीं एक पाठान्तरें देऊन ज्ञानेश्वरी छा-
पिली आहे; परंतु जशीं प्रसिद्ध करावी तशी जाहीर.
माडगांवकरी छापील रीतीनें प्रसिद्ध केली नाहीं. तिची एक प्रत कै०
प्रतीतील ओंवी- काशिनाथपंत परब यांनीं मूला दिली. ही प्रत
संख्या तयार करतांना माडगांवकर यांनीं क, ख, ग, घ,
च, छ, ज, झ, ट, ठ, ड, अशा एकदर ११ नि-
रनिराळ्या प्रती पाठान्तरांकरितां जमविल्या होत्या. पैकीं नव्याजुन्या किती,
वगैरेचा तपशील त्यांनीं दिला नाहीं. त्यांनीं आपल्या प्रतीला उपोघ्दात वगैरे
कांहींच माहिती दिली नाहीं. त्यामुळे अकरा हि प्रतींत सारख्याच ओंव्या
होत्या किंवा प्रत्येक प्रतीतील ओंवीसंख्या निरनिराळी होती, या संबंधानें
कांहींच सांगतां येत नाहीं. प्रायः ओंवीसंख्या निरनिराळ्या पोथ्यांत भिन्न-
भिन्न असलीच पाहिजे, असें मजजवळील पन्नास पोथ्यांवरून मी खात्रीनें
सांगूं शकतो. माडगांवकरांनीं हा प्रपंच केला नसल्यामुळे त्यांनीं छापिलेल्या
प्रतीतील च तेवढ्या ओंव्यांची संख्या येथे देतो.

अध्याय	ओंव्या	अध्याय	ओंव्या
१ २७५	२ ३७५
३ २७६	४ २२५
५ १८०	६ ४९७
७ २१०	८ २७१
९ ५३५	१० ३३५
११ ७०८	१२ २४७
१३ ११७०	१४ ४१५
१५ ५९८	१६ ४७३
१७ ४३३	१८ १८११

९०३४

५९ निळोबाच्या गाथेतील ज्ञानेश्वरीच्या ओंव्यांची संख्या दहा हजार आहे.

निळोबाच्या मते
ओंवीसंख्या.

तया स्थळीं केला भगवतीताअर्थ ।

दहासहस्र ग्रंथ पूर्ण झाला ॥ ९७ ॥

ज्ञानेश्वरचरित्र, निळोबाकृत ।

६० चिध्दनस्वामी भक्तकथामृतसारांत

करी नवसहस्र पन्नास (९०५०) ।

चिध्दनमते
ओंवीसंख्या.

ओंवी गीतार्थ ज्ञानेश्वरी ॥ १४६,

अध्याय ९ (भिगारकर).

भारद्यांच्या प्रतीतील
ओंवीसंख्या.

६१ भारद्यांच्या पोथीतील ओंविसंख्या
९००९ आहे.

६२ येणेंप्रमाणें निळोबाच्या १०००० पासून मुकुंदराजाच्या ८८९२

पर्यंत निरनिराळ्या पोथ्यांत ओंवीसंख्या आहे. पैकीं, मुकुंद-

क्षेपक. राजाच्या पोथीतील ८८९२ चा आंकडा मूळ धरणें काल-
दृष्ट्या व भाषादृष्ट्या प्रशस्तच नव्हे, तर अवश्यक आहे. ह्या
८८९२ हून जेवढ्या ओंव्या जास्त सांपडतील तेवढ्या सर्व क्षेपक होत.
परीक्षेकरितां प्रस्तुत प्रतीतील पहिला अध्याय घेतों व सोनारी प्रतीतील पहिला
अध्याय घेतों, आणि, सोनारी प्रतीतील क्षेपक ओंव्या संस्कृत श्लोकांच्या व
मराठी ओंव्यांच्या अनुक्रमानें देतों. निळोबाची दहाहजार ओंव्यांची प्रत
मला उपलब्ध झाली नाही. सबब, तिच्या खालोखाल ओंव्यांची संख्या
मजजवळील सोनारी प्रतीत असल्याकारणानें तुलनेकरितां सोनारी प्रतच
घेतली आहे.

मुकुंदराजाच्या प्रतीतील
कोणत्या ओंवी नंतर

सोनारी प्रतीतील क्षेपक ओंवी
किंवा ओंव्या आंकड्यासह.

क्षेपक:—

- (१) कीं ज्ञानामृताची सरीता ।
मुमुक्षुसाधकां तृषितां ।
अज्ञानदारिद्र्ये पीडितां ।
कामधेनु हे ॥ २९ ॥
- २८ व्या ओंवी नंतर
- (२) जो विक्रमं महामेरु ।
तेजस्वी प्रतापे भास्करु ।
जयाचीया बळा नेणवे पारु ।
ऐसा वीर ॥ १०२ ॥
- १०० " "
- (३) आधीं च बळाचा महामेरु ।
वरि अवलंबीला अवसरु ।
येणें काळासी ही हिमिज्ज्वरु ।
प्रगटों पाहे ॥ १५० ॥
- १४८ " "

(७७)

- १५० " " (४) जैसे सागर हेलावती ।
तैसे नादावारी नाद उठती ।
दोहीं दर्ळीं आंदोळती ।
सीहनाद ॥ १५३ ॥
- १५५ " " (५) ऐसा घोषु अचाट प्रगटला ।
आकाशीं पाताळीं व्यापला ।
तेणें महाभूतांचा राहीला ।
व्यापारु आघवा ॥ १५९ ॥
- १५६ " " (६) पवन प्राणें कोंडला ।
तोय सर्वत्र शोखीनला ।
तेज तरी लोपला ।
सैन्यरजें ॥ १६१ ॥
- १७० " " (७) बोध्ये सवळ भारी टणक ।
शस्त्रास्त्रीं पूर्ण साधक ।
युध्य करुं आले सकळीक ।
भूपती जे जे ॥ १७५ ॥
- १७४ " " (८) कैसा कृष्णार्जुनें रथ मिरवत ।
ध्वजास्तंभीं तो हणुमंत ।
मूर्त्तित्रय अत्यद्भुत ।
देखती डोळां ॥ १७९ ॥
- १७५ " " (९) तंव कृष्णु ह्मणे पार्थाप्रती ।
येथें समस्त राये आले असती ।
कौरवांतें ही निगुती ।
पाहे पां बरवें ॥ १८० ॥
- १८४ " " (१०) परस्परें कोणहा न गणिति ।
दोहिं दर्ळीं वीर हाकारिति ।
आजी फावलि रे आह्मां ह्मणति ।
संग्रामगंगा ॥ १९० ॥

(७८)

- १८८ " " [११] झणोनी येथें स्वजनु देखील ।
कृपेनें अत्यंत मोहीनला ।
तये वीरवृत्तीसी केला ।
अनादरु ॥ १९४ ॥
- २०६ " " [१२] नीमीत्यें वीपरीत दीसती ।
न चोजवे श्रेयसंपत्ति ।
वृथाची दुराग्रहो श्रीपती ।
संग्रामी यये ॥ ११३ ॥
- " " " [१३] कैसा संग्राम हा दुर्घरु ।
बोडवला पापाचा सागरु ।
येथें निस्तरावया धीरु ।
कवण आथी ॥ ११४ ॥
- २२१ " " [१४] कैसें हें नसावरत चि आलें ।
अदृष्ट दुःख कोसळलें ।
नेणों काय आर्जविलें ।
प्राकृत पूर्वी ॥ २२९ ॥
- २२४ " " [१५] जयांचें करुं पूजन ।
हृदयीं भावें भजन ।
नीरंतर दरुषण ।
वाहों पोटी ॥ २३२ ॥
- " " " [१६] यांचिया कृपेचें मज जीवन ।
तेणें मी जालों अर्जुन ।
तो आतां काय जुझोंन ।
मारुं यांसी ॥ २३३ ॥
- २३१ " " [१७] कां पंचमु सभेमाजी एतां ।
न थरे श्रोत्रीयु सर्वथा ।
नां तरि खळाची प्रसन्नता ।
साधु न वांछी ॥ २४० ॥

- २३१ " " [१८] जरि अनंत जन्मीचे सुकृत ।
तेणें तुं जोडलासि अच्युत ।
ऐसें देखोनि विपत्तित ।
राहे कोण्हीं ॥ २४१ ॥
- २४० " " [१९] तैसा हा दोषाचा महापूर ।
कुळघात मी च संवहार ।
येथें वाहवलियां पार ।
न सांपडे चि ॥ २५० ॥
- २४१ " " [२०] ऐसें पार्थुं तीये अवसरीं ।
ह्मणे देवा अवधारीं ।
ययां कल्मषांची थोरी ।
जाणसी तुं ॥ २५२ ॥
- २५० " " [२१] ऐसा वर्णसंकरां तयां ।
अशेखां कुळघातीयां ।
नरकभोगा वांचुनीयां ।
नाहीं आन ॥ २६२ ॥
- २५८ " " [२२] मग तयांचे धर्म नासती ।
कुळ जाये अधोगती ।
ऐसी करिजैल ख्याति ।
पापीं यीहीं ॥ २७० ॥
- २६५ " " [२३] ऐसें वीचारुनी सकळ ।
अवलोकुनीयां कुळ ।
मग ह्मणे राज्य तें केवळ ।
नीरयभोगु ॥ २७८ ॥
- २७३ " " [२४] जेणें अर्जुनाचा मोहो नाशे ।
सम्यक्-ज्ञान हृदयीं प्रकाशे ।
ऐसीं प्रबोध उत्तरें विश्वेशे ।
बोलिजति ॥ २८६ ॥

(८०)

- २७३ " " (२५) जे उत्तरमीमांसा उपनिषदें ।
तीयें मथुनीयां मुकुंदें ।
निरुपिजैल आनदें ।
पार्थु जेणें उमजे ॥ २८७ ॥
- " " " (२६) वेदीं त्रिकांडनिरोपण ।
कर्म उपासना ज्ञान ।
तें स्वयें ची कृष्ण आपण ।
बोधिति पार्थासी ॥ २८८ ॥
- माडगांवकरांच्या प्रतीत खालील दोन ओंव्या क्षेपक आहेत.
ऐसें पार्थ तिये अवसरें ।
ह्मणे देवा अवघारीं ।
या कल्मषाची थोरी ।
सांगैन तुज ॥ २४२ ॥
ऐसें देखोनि सकळ ।
अर्जुनें आपुलें कुळ ।
मग ह्मणे राज्य तें केवळ ।
निरयभोग ॥ २६७ ॥
- २४१ " " २६५ " "

सोनारी प्रतीतल्या शेवटल्या तीन ओंव्या कुंट्यांनीं पहिल्या अध्यायांत क्षेपक ह्मणून नमूद केल्या आहेत.

माडगांवकरांच्या प्रतीच्या पहिल्या अध्यायांतल्या दोन्हीं क्षेपक ओंव्या सोनारी प्रतीत पाठभेदानें आल्या आहेत.

मजजवळील इतर सर्व पोथ्यांच्या पहिल्या अध्यायांतलें क्षेपक सोनारी प्रतीतील क्षेपकांत आले आहेत. ज्याअर्थीं सोनारी प्रतीत ओवीसंख्या १८५१ आहे व निळोबाच्या प्रतीत १०००० ओंव्या होत्या, त्याअर्थीं निळोबाच्या प्रतीत सोनारी प्रतीतल्याहून १४९ क्षेपक जास्त होते, हें उघड आहे. तंजावरी प्रतीत ओंव्या ९०४७ आहेत, तेन्हां तींत १५५ क्षेपक मुकुंदराजाच्या प्रतीहून जास्त आहेत. तंजावरची

प्रत एकनाथाच्या प्रतीनंतर ९ वर्षांनीं ह्यणजे शक १५१५ त तयार केली असल्यामुळे, एकनाथाच्या प्रतीत सुमारे ९०४७ ओंव्या असाव्या, असें ह्यणण्यास हरकत नाही. भारद्यांच्या प्रतीप्रमाणें एकनाथी प्रतीत ९००९ ओंव्या होत्या असें जरि धरलें, तरी हि एकनाथाच्या प्रतीत ११७ क्षेपक राहिले च होते, असें ह्यणावें लागतें. ह्यणजे एकनाथाला ज्ञानेश्वरीची अस्सल प्रत मिळाली नव्हती, ह्यांत बिलकुल संशय नाही. क्षेपक असलेल्या पोथ्या एकनाथाच्या हातांत पडल्या, व भाषा, औचित्य, पुनरुक्ति, असंभव, वगैरे प्रमाणांनीं त्यानें आपली प्रत आपल्या समजुतीप्रमाणें शुद्ध करून घेतली. परंतु, इतकें हि करून आपल्या शुद्ध केलेल्या प्रतीत क्षेपक राहिले नसतील च, अशी खात्री त्याची त्याला च पटली नाही. सबब, उद्विग्न होऊन त्यानें खालील शापोक्ति प्रकट केली:—

या ज्ञानेश्वरीपाठीं । जो टीका करील मऱ्हाटी ।

तेणें रत्नखचिताच्या ताटीं । जाण नरोटी ठेविली ! ॥ १ ॥

पाठीं ह्यणजे नंतर, असा अर्थ कित्येक अप्रबुद्ध करतात ! पाठीं ह्यणजे पाठांत, ओंव्यांत. ज्ञानेश्वरीच्या मूळ ओंव्यांत जो कोणी आपल्या टीकारूप ओंव्या करून समासावर लिहून ठेवील, त्यानें रत्नखचित ताटाच्या भोंवतीं नरोत्र्या ठेविल्यासारखें होईल, असा एकनाथाचा शाप आहे. आणि हा शाप अक्षरशः खरा होता. ज्ञानेश्वरीनंतर कोणी ओंव्या करूं नये, असा नाथांचा आशय नाही. तर, ज्ञानेश्वरीच्या पोथीच्या पानांच्या समासांवर ज्ञानेश्वरी वांचतांना तह्नीन होऊन कित्येक लोक ज्यास्त विशदीकरणार्थ स्फूर्तीनें टीकारूप ओंव्या भाविकपणानें व प्रेमानें लिहून ठेवीत. ह्या ओंव्या नकल करणारे लेखकलोक मूळांत अज्ञानानें घुसडून देत. त्यामुळे, मूळ कोणतें व पक्षिस कोणतें, तें हि कळण्याची मारामारी क्वचित् प्रसर्गी पडे. ह्या घोंटा. ब्याला अनुलक्षून नाथांनीं ही शापोक्ति प्रगट केली आहे. मजजवळील ज्ञानेश्वरीच्या पोथ्यांवरून प्रक्षेपांचा समावेश निरनिराळ्या प्रतीत कसा झाला, तें उत्तम कळतें. एका पोथीच्या समासावर टीका ह्यणून जी ओंवी लिहिली धरते, तीच दुसऱ्या एखाद्या तत्पश्चात्क पोथीत मूळांत प्रविष्ट केलेली आळते. तथांत, हुद्देहुद्द ज्ञानेश्वराच्या धर्तीवर जर ओंवी बनली गेली असेल, ३ ती मूळ ओंव्यांतून निवडून काढण्यास पंचाईत पडते. सुसिद्धंतरूपें,

शब्द, औचित्य, वगैरे साधनांनीं प्रक्षेप निवडून काढितां येतील. परंतु, हीं साधनें शोधक संपादकाच्या हातीं समग्र असलीं पाहिजेत. अर्शा साधनें एकनाथाच्या कार्ती उपलब्ध नव्हती, हें तर काय, परंतु, तीं सध्यां हि असावीं तशीं उपलब्ध नाहींत. आतां इतकें खरें आहे कीं, ज्ञानेश्वराच्या पूर्वीचे व वेळचे मराठी शिलालेख व ताम्रपत्रें सध्यां उपलब्ध झालीं आहेत. त्यांवरून ज्ञानेश्वरीची भाषा कशी असली पाहिजे, हें सूक्ष्म रीतीनें सांगता येईल. परंतु, ज्ञानेश्वरकालीन शब्दकोश अद्याप मराठींत तयार व्हावयाचा आहे. त्यामुळे, अमूक शब्द ज्ञानेश्वरींत येऊं शकेल किंवा शकणार नाहीं, हें सांगण्यास साधन नाहीं. तसेंच, धर्मकोश, दृष्टान्तकोश, इतिहासकोश, वगैरे कोशांचा आपल्याकडे अभाव असल्यामुळे, ज्ञानेश्वरोत्तरकालीन पोथ्यांतील प्रक्षेप निवडून काढणें सध्यां देखील प्रायः दुर्घट आहे. एकनाथाच्या वेळीं, तर, सर्वस्वींच दुर्घट होतें. तशांत, फक्त १००।१५० च क्षेपक त्यानें आपल्या प्रतींत येऊं दिलें ही कांहीं लहानसहान गोष्ट नाहीं. साक्षात्, मुकुंदराजाची पोथी मला न मिळती, तर भाषा, शब्द, औचित्य, पुनरुक्ति वगैरेच्या जोरावर एकनाथाच्या इतकी हि शुद्ध प्रत मला तयार करतां आली नसती. आली असती किं नसती, ह्या शंकेची केवळ कल्पना च करावयाला नको.

केवळ विनअस्सल ह्यणजे
नक्कल पोथ्या ताडून ग्रंथां-

चें मूळ निर्भेळ स्वरूप
सिद्ध होत नाहीं.

मूळ अस्सल प्रत उपलब्ध नसतां, अकरा पोथ्यांची तुलना करून, माडगांवकरांनीं जी ओवीसंख्या दिली आहे, तींत १४२ क्षेपक राहिलेच आहेत. मूळ अस्सल प्रत किंवा प्रतीची प्रत उपलब्ध नसतां, कोणत्या हि ग्रंथाचा मूळ मजकूर नक्की अमुक होता,

हें अगदीं विनचुक ठरवितां येणें केवळ, अशक्य आहे. जुन्या ग्रंथकारांच्या Variorum Editions यूरोपियन विद्वान लोक काढतात, त्यांच्या शुद्धाः शुद्धतेची परीक्षा ह्या न्यायानेंच केली पाहिजे. भारतासारख्या ग्रंथांनां हि हान दंडक लागू आहे. अस्सल प्रतीच्या अभावीं, वाटेल त्यानें वाटेल तो भाग प्रक्षिप्त समजावा व त्याच्या मरतुकड्या बलावर वाटतील तीं अनुमानें काढावीं शक्यदृष्ट्या दोहोंची हि किंमत शून्य आहे. स्यात्पक्ष सदा डळमळितच असतो

६३ सच्चिदानन्दबाबांनीं लिहिलेल्या ज्ञानेश्वरीच्या मूळ प्रतींत क्षेपकां-
नकलकारांनीं मूळ ज्ञानेश्वरी-
ची छाटाछाट केलेली नाहीं;
प्रक्षेपानीं भरती केली आहे.

ची उत्तरोत्तर जास्त भरती झाली; परंतु
मूळ ओव्या काढून टाकून कमती मात्र
कोणत्या हि पोर्थांत झालेली दिसत नाही.
चुकून एखाददुसरी मूळ ओवी लेखकानें
गाळलेली पोथ्यांतून आढळते. पण, जाणूनबुजून ज्ञानेश्वरी ओवी मूळ ग्रंथां-
तून काढून टाकण्याचें धाष्टर्य कोणत्याहि लेखकानें केलेलें आढळत नाहीं. का-
रण, भक्तिमार्गी लोक ज्ञानेश्वराच्या शब्दाला केवळ ईश्वरीवचन समजत आणि
विद्वान् जे असत त्यांना मुळाची सहृदयता असे. त्यामुळें, मूळ ज्ञानेश्वरीच्या
ओव्यांत कटाई झालेली नाही. झालें काय ? तर, टीकाकारांच्या समासावर
लिहिण्याच्या खोडीनें, मूळग्रंथांत क्षेपकांची खोगीरभरती मात्र जास्त झाली.
ओव्यांचा अनुक्रम एखाद्या पोर्थांत बदलेला आढळतो. हणजे मागची पुढें
व पुढची मागें, असा व्युत्क्रम दृष्टीस पडतो. परंतु, सबंद ओवी किंवा ओव्या
गाळलेल्या कोणत्या हि सबंद पोर्थांत आढळत नाहींत.

ज्ञानेश्वरीच्या पाठांत क्षेपक ओव्या कोणी नवीन करून घालूं नये,
असा निर्वैध ज्यानें केला त्या एकनाथानें स्वतःक्षेपक ओव्या रचून ज्ञानेश्वरींत
घातल्या नाहीत, हें उघडच आहे. परंतु, कित्येकांचें असें हणणें आहे
कीं, “ एकनाथानें ज्ञानेश्वरीच्या बऱ्याच ओव्यांतील चरणांची फिरवाफिरव
केली आहे ” (भिंगारकर, ज्ञानेश्वरमहाराज यांचा कालनिर्णय, पृष्ठ ७२-
७३). भिंगारकरांनीं अशा चरणांची फिरवाफिरव केलेल्या हणून चार
ओव्या दिलेल्या आहेत. त्या चाऱ्ही मुकुंदराजी प्रतींत नाहीत व त्यांची त्या
त्या स्थलीं अवश्यकता हि नाहीं. पांचव्या अध्यायांतील “ बुद्धिनिश्चयें आत्म-
ज्ञान ” इत्यादिक ओवी संबंधानें भिंगारकर असा प्रश्न करतात कीं, ही
ओवी प्रक्षिप्त समजली तर श्लोकाच्या टीकेची ज्ञानेश्वरकृत मूळ ओवी को-
णती ती दाखवून दिव्याशिवाय ही ओवी नवी किंवा जुनी याचा नीटसा
खुलासा होणार नाही (भिंगारकर, पृष्ठ ७२।७३). परंतु, मुकुंदराजी प्रती-
वरून पहातां, प्रत्येक श्लोकांतील प्रत्येक पदाची टीका ज्ञानेश्वर हटकून कर-
तो च, असें हणतां येत नाहीं. उदाहरणार्थ, दुसऱ्या अध्यायांतील १८ व २०
वा श्लोकांवरील ज्ञानेश्वरी टीका पहा. १८ व्या श्लोकांतील अनाशिन; व

अप्रमेयस्य ह्या दोन पदांचें भाषान्तर ज्ञानेश्वरानें दिल्लें नाहीं. २० व्या श्लोकांतील एका हि पदाचें भाषान्तर ज्ञानेश्वरी टीकेंत नाहीं. २१ व्या श्लोकाची हि होच दशा आहे. ह्मणजे, जेथें विशेष कांहीं भानगड नाहीं, प्रायः पुनरुक्ति व गौरव आहे तेथें ज्ञानेश्वर म्हुति करतो. तोच प्रकार पांचव्या अध्यायातील तद्बुद्धयः इत्यादि श्लोकाचा झाला आहे. मूळ श्लोकांतील प्रत्येक पदाचा अर्थ ज्ञानेश्वरानें दिला नाहीं. सर्व टीका दृष्टान्तांनीं च भरून काढिली आहे. प्रत्येक श्लोकांतील प्रत्येक पदाचें भाषान्तर ज्ञानेश्वर नियमानें देतोंच, अशी जर गोष्ट असती, तर भिंगारकरांचें ह्मणणें सयुक्तिक दिसलें असतें. तशी गोष्ट नाहीं, त्याअर्थी ही “बुद्धिनिश्चये आत्मज्ञान” इत्यादिक ओवी प्रक्षिप्त आहे व ती एकनाथांनीं केली आहे, असें हि ह्मणवर्त नाहीं. मजजवळ कोंकणांतील मालवण शहरीं सांपडलेली एक पोथी आहे, तींत ह्या प्रक्षिप्त ओवीचा पाठ असा आहेः--

बुद्धिनिश्चये आत्मज्ञान । ब्रह्मरूप भावि आपणाआपण ।

ब्रह्मनिष्ठा राखे पुर्ण । अहिर्णिशि ॥ ८८ ॥

तत्परायण हें पद ह्या पाठांत नाहीं. तेव्हां, ह्या अशा पाठाच्या ओवीवर एकनाथित्व हि आरोपितां येत नाहीं.

माहित असलेले सर्व क्षेपक मूळांत घालण्याचा सोनारी प्रतीचा तर बाणाच आहे. त्या प्रतींत ही ओवी नाहीं. हिच्या ऐवजीं,

अनुभवे बुद्धि भरुनी । भोगवीती मना करुनी ।

मग तें चि इंद्रियभुवनी । वर्षाव करीती ॥ ११६ ॥

अशी ओवी आहे. सोनारी प्रत एकनाथाच्या नंतरची आहे. तिच्यांत ज्या अर्थी “बुद्धिनिश्चये” ही ओवी नाहीं त्याअर्थी ही ओवी एकनाथाची तर नव्हेच, परंतु, एकनाथकालीन हि नाहीं. कोणी नंतर रचिलेली आहे. ह्या ओवीचा पाठ दोन तऱ्हांचा सांपडतो. एकनाथी चार चरणांचा व चार यमकांचा एक पाठ; आणि साडेतीन चरणांचा दुसरा पाठ. तस्मात्, एकनाथानें हा प्रक्षेप घातलेला नाहीं, ह्याविषयीं शंका नको. इतकेंच नव्हे, तर एकनाथानें ज्ञानेश्वरींत एक हि प्रक्षेप घातलेला नाहीं, हा नियम समजावा.

६४ अस्सल प्रतीच्या अभावीं, निव्वळ दहा पांच पोथ्या घेऊन प्रक्षिप्ताप्रक्षिप्त निवडण्यांत जसें फारसें ह्मणण्याजोगें यश येत नाहीं, तसेंच ह्या

पद्धतीनें मूळप्रतीची मूळ अस्सल भाषा हि नक्की ठरविणें दूरापास्तें होतें. माडगांवकरांनीं अकरा निरनिराळ्या प्रती घेऊन जे पाठ ठरविले आहेत, ते मुकुंदराजाच्या प्रतीतील मूळपाठांशीं ताडून पाहिले असतां, वरील विधानाची सत्यता प्रतीत होईल. सबब, कांहीं पाठ दोन्ही प्रतीतील घेऊन तुलना करतो.

अध्याय पहिला	मुकुंदराज	माडगांवकर	माडगांवकरांच्या टिपां- तील पाठान्तरे	
ओवी				
४	रेखा	देखा	देखां	[१]
४	टेव	ठेव	०	[२]
५	तिये	तें	तियें-तीं	[३]
६	पद्यबंध	पदबंध	०	[४]
७	तिया	त्या	०	[५]
९	व्यासादिकांचिया	व्यासादिकांची	व्यासादिकांचिया	[६]
९	तिया	ते	०	[७]
१०	विसंवादें	विसंवाद	विसंवादें	[८]
१३	सत्तर्कवादु	सत्कारवादु	०	[८अ]
२४	जालेयां	जालियां	जालेयां	[९]
२५	कृतकार्यां	कृतकार्या	कृतकार्य	[१०]
२८	कलाकौतुकां	सकळां कौतुकां	सकळ कौतुकां	[११]
३०	वसैठ	वसौठ	विशिष्ट	[१२]
३२	आविष्करौनि	आविष्करोनि	आदिकरूनि	[१३]
३३	महाकाव्या रा३० हा काव्यां रावो		शास्त्रां	[१४]
३५	सिहाणें	शाहणें	०	[१५]
३५	प्रेम	प्रमेय	०	[१६]
४०	सुखाडलें	सुरवाडलें	०	[१७]
४१	नागरां	नागरा	नागरां	[१८]
४२	आगली	आमळी	०	[१९]
६२	देआवें	द्यावें	परिक्षणेया	[२०]
१०९	काज	कां जें	०	[२१]

११३	जूझती	जुंझती	•	(२९)	
११५	तेया	तया	•	(२३)	
११९	ॐइचिलें	वरचिलेनि	•	(२४)	
१२५	रायाचेयात्रोला	राजयाचिया	बोला	राजाचेया	(२५)
१५६	रासौभा	सडा	•	(२६)	
१६६	बाणवारि	बाणवरि	•	(२७)	
१७०	सकलै	सकळ	•	(२८)	
१७१	आपणपेयां	आपण्यां	आपण्यांतें	(२९)	
२६४	आतां इया वेऱ्हि जें जिआवें ।	आतां यावरी जें ज्यावें ।	जिआवें		
	तेयापासौनि हें बरवें ।	तयापासौनि हें बरवें ।			
	जें शस्त्रें संडौनु साहावे ।	जें शस्त्रें सांडूनि साहावे ।		(३०)	
	बाण एयांचे ॥ २६४ ॥	बाण यांचे ॥ २६५ ॥			

स्पष्टीकरण:—

(१) माडगांवकर, कुंटे, साखरे, वगैरेंच्या प्रतीत देखा, देखां असा पाठ आहे. ह्या पाठानें बराबर अर्थ लागत नाहीं. अंगिकभाव हें नाम आहे. तें अवयव किंवा स्मृति या शब्दांशीं जोडतां येत नाहीं. व्याकरण आड येतें. साखऱ्यांच्या प्रतीत कांहीं तरी गडबडगुंडा केला आहे. २ न्या ओंवी पासून १९ व्या ओंवीपर्यंत रूपक आहे. त्यांत,

१ देव = गणेश	१२ पदें = रत्नें
२ शब्दब्रह्म = गणेशमूर्ति	१३ मंती = पल्लवसडका
३ वर्ण = वपु	१४ षड्दर्शनें = साहाभुजा
४ स्मृति = अवयव	१५ तर्क = परंशु (१ भुजा)
५ रेखा = अंगिकभाव	१६ न्याय = अंकुश (२ भुजा)
६ अर्थशोभा = लावण्याची टेव	१७ वेदान्त = मोदक (३ ,,)
७ पुराणें = मणिभूषणें	१८ भद्रदंत = बौद्धमतसंकेतु (४ ,,)
८ पदपद्धति = खेवणें	१९ बरदहस्त = सत्तर्कवाद (५ ,,)
९ पद्यबंध = अंबर	२० अभयहस्त = धर्मप्रतिष्ठा (६ ,,)
१० साहित्य = वाणें	२१ गुंडादंड = विवेक
११ काव्यनाटकें = क्षुद्रघंटिका	२२ समग्रदंत = संवाद

- २३ सूक्ष्मेषु = उन्मेष २७ उपनिषदं = कुबुद्धे
 २४ दोन्ही--मिमांसा = दोनी कान २८ अकार = चरणयुगुल
 २५ मुनि = अलि २९ उकार = उदर
 २६ द्वैताद्वैत = दोनी गंडस्थलें ३० मकार = मस्तक

असें हें गणेशदेवाचें रूपक आहे. त्यांत इतर उपमानांना जशीं उपमेयें आहेत, तसें, देखा हा पाठ ३ न्या ओर्वीत घेतला असतां, अंगिकभाव ह्या उपमानाला उपमेय उपलब्ध होत नाही. तेव्हां, रेखा हाच मुकुंदराजाच्या प्रतीतील पाठ प्रशस्त आहे. रेखा ह्यणजे काव्यरचना. अंगिक ह्यणजे इंद्रियांसंबंधी, अवयवांसंबंधी. भाव ह्यणजे अवयवांच्या द्वारा विकारांचें प्रदर्शन. हा रेखा शब्द चवथ्या अध्यायाच्या २१५ व्या ओर्वीत व सहाव्या अध्यायाच्या १८ व्या ओर्वीत आला आहे.

जें साहित्य आणि शांती । हे रेखा दिसे वोलती ॥ अव्याय ५, ओवी २१५ ॥
 नवल बोलतिये रेखेची वाहाणी । अध्याय ६, ओवी १८ ॥
 ह्या दोन्ही स्थलीं रेखा ह्या शब्दाचा अर्थ काव्यरचना असा आहे. रेखा हा पाठ घेऊन, पहिल्या अध्यायातील ह्या चौथ्या ओवीच्या प्रथमार्धाचा अर्थ असा:—

गणेशा! स्मृती ह्या तुझे अवयव आहेत व काव्यरचना ही तुझ्या मनांतील विकारांची व विचारांची अवयवद्वारा प्रदर्शक आहे.

माडगांवकरांच्या टीपांत हि हा पाठ नाही. मजजवळील सौ.नारी प्रतीत रेखा असाचपाठ आहे.

(१) माडगांवकरादि प्रतींत टेव असा पाठ आहे. तो पाठ घेऊन अर्थ असा होतो. तेथ ह्यणजे अवयवरूप ज्या स्मृती त्यांच्या ठायीं, अर्थशोभा ही लावण्याचा साठा आहे. स्मृतींचा जो अर्थ तो लावण्याचा साठा कसा सम जावयाचा ? आतां मुकुंदराजाच्या प्रतीतील टेव पाठ घेऊन काय अर्थ होतो तो पहा. टेव ह्यणजे नखरा. तेथ ह्यणजे अंगिकभावरूप जी काव्यरचना तिच्या ठायीं, अर्थशोभा ही सौंदर्याच्या नखन्याप्रमाणें आहे. काव्य ह्यणजे प्रतिभोत्पदित ग्रंथरचना.

(२) माडगांवकरांच्या तें हा पाठ व्याकरणदृष्ट्या दुष्ट आहे. 'त' ह्या सर्वनामाचें नपुंसकलिङ्गी प्रथमेचें एकवचन तें. 'तें' हें 'मणिभूषणें' ह्या नपुं-

सकलिंगी प्रथमेच्या अनेकवचनाचें विशेष होऊं शकणार नाहीं. 'त' ह्या सर्वनामाचें नपुंसकलिंगी प्रथमेचें अनेकवचन ज्ञानेश्वरकालीं 'तियें' असें होत असे. तेव्हां 'तियें' हा पाठ शुद्ध आहे व तो च मुकुंदराजाच्या प्रतीत आहे. माडगांवकरांनीं टीपेंत पाठभेदांत 'तियें' हा शुद्ध पाठ दिला आहे व 'तें' हा अशुद्ध पाठ मूळांत स्वीकारला आहे.

(४) पद्यबंध व गद्यबंध असे दोन प्रकारचे बंध साहित्यशास्त्रांत सांगितले आहेत. पैकीं पद्यबंधांना रंगीत छताची उपमा ज्ञानेश्वरांनीं दिली आहे. पदबंध ह्या सामासिक शब्दाला कांहीं अर्थच नाहीं. पदबंध हा जर एकप्रकारचा बंध झणजे प्रबंध समजला, तर दुसऱ्या प्रकारचा बंध कोणता? प्रत्ययबंधाचा ! तात्पर्य, पदबंध हा अपपाठ आहे. माडगांवकरांच्या टिपांत हि हा किंवा इतर कोणता हि पाठभेद दिलेला नाहीं.

(५) 'त' ह्या सर्वनामाचें स्त्रिलिंगी प्रथमेच्या अनेकवचनाचें रूप 'तिया' असें ज्ञानेश्वरकालीं होत असे. सबब, 'त्या' हा अपपाठ आहे, कारण व्याकरण दुष्ट आहे.

(६) व्यासादिकांच ह्या विशेषणाचीं प्रथमेचीं रूपें अशीं होतः—

पु. प्र. ए. व्यासादिकांचा

न. प्र. ए. व्यासादिकांचें

स्त्री. प्र. ए. व्यासादिकांची

पु. प्र. अ. व्यासादिकांचे

न. प्र. अ. व्यासादिकांचीं

स्त्री. प्र. अ. व्यासादिकांचिया

मती ह्या अनेकवचनी रूपाचें विशेषण व्यासादिकांचिया हें अनेकवचनी रूप आहे. "व्यासादिकांची" हें एकवचनी रूप व्याकरणदुष्ट आहे. माडगांवकरांच्या प्रतीत ही सबंद ओंवी वाकडी तिकडी व अशुद्ध छापिली आहे.

[७] 'तिया' हें पल्लवसडका या अनेकवचनी स्त्रिलिंगी शब्दाचें विशेषण आहे. सबब ते हें रूप दुष्ट.

[८] तृतीया एकवचन हवें. हात विसंवाद धरीत नाहींत, तर विसंवादानें शब्द धरतात. विसंवादे झणजे एकमेकांच्या विरुद्ध. षड्दर्शनांपैकीं

प्रत्येक दर्शन इतर दर्शनाच्या विसंवादी ह्यणजे विरुद्ध आहे, असा ज्ञानेश्वरांचा आशय.

(८अ) सत्कारवाद कोणता ? विसंवादी तर्क वर उल्लेखिलाच आहे. येथें सत्कर्काचें मंडण आहे.

(९) जालियां हें रूप व्याकरणदुष्ट आहे. जालेयां हें रूप येथें शुद्ध आहे.

(१०) कृतकार्यवान्=कृतकार्या. कृतकार्या हें रूप व्याकरणदुष्टवान् प्रत्ययान्त सर्व संस्कृतरूपें ज्ञानेश्वरीत प्रथमेच्या एकवचनी पुल्लिङ्गी आँकारान्त होतात.

(११) मुकुंदराजी पाठ स्पष्ट व चांगला आहे, हें दिसतें च आहे.

(१२) वसति+स्थ=वसइ+ठ्=वसैठ (विशेषण), वसैठा-ठी-ठें--वसैठा असें पुल्लिङ्गी रूप ह्याच अध्यायाच्या २२८ व्या ओर्वीत आलें आहे. वसैठ हें रूप व्युत्पत्तिदुष्ट आहे.

(१३) करउन-नि-नियां-नु अशीं अपभ्रंशांतील रूपें. त्याचीं करन-नि-नियां-नु, अथवा करौन-नि-नियां-नु अशीं रूपें ज्ञानेश्वरकालीं होत. करोन-नि-नियां- ही ओयुक्त रूपें ज्ञानेश्वरकालीं अस्थानक होत. ओयुक्त रूपें पुढें तीनशें वर्षांनीं प्रचारांत आलीं.

(१४) मुकुंदराजी पाठ प्रशस्त आहे, हें उघड आहे.

(१५) जीव्=जीवाण (वर्तमानकालवाचक धातुसाधित)

शिक्ष्=शिखाण=सिहाण, णा-णी-णें.

शहाणें हें रूप ज्ञानेश्वरोत्तरकालीन आहे, ज्ञानेश्वरकालीन नाहीं.

(१६) मुकुंदराजी पाठ प्रशस्त दिसतो च आहे.

(१७) सुखाडलें हा पाठ मुकुंदराजी असून, मजजवळील ज्ञानेश्वरीच्या प्राचीन कोशांत आहे. ख मधील र आणि व हीं दोन अक्षरें निराळीं करून सुरवाडलें असा अपपाठ बनला आहे. सुख पासून क्रियापद सुखाडणें.

(१८) नगरवान्=नागरवां=नागरां.

(१९) अग्र=अग्ग=आग+ल (स्वार्थक), ला, ली, लें लचा ळ हा उच्चार ज्ञानेश्वरोत्तरकालीन आहे. मुकुंदराजाच्या सबंद पोथीत ळ हा उच्चार बिलकुल नाहीं.

(२०) घाबें हें रूप व्युत्पत्तिदुष्ट आहे.

घेयावें, देआवें, नेआवें, अशीं रूपें ज्ञानेश्वरकालीं होत.

२१ काज हे प्रभार्थकसर्वनाम ज्ञानेश्वरकालीं होतें. त्याच्या दोन्ही अक्षरांचा विभाग करून कां जें असा अपपाठ बनला. अर्थात्, अर्थ हि अनर्थावह झाला.

२२ युद्ध = जुद्ध = जूझ. जू वर अनुनासिक किंवा अनुस्वार ज्ञानेश्वरकालीं नव्हता.

२३ तथा हें रूप ज्ञानेश्वरकालीन व्याकरणाच्या दृष्टीनें दुष्ट आहे. तेहाचा, तेआचा, तेयाचा, हीं रूपें ज्ञानेश्वरकालीं व चांगदेवकालीं प्रचलित होतीं.

(२४) अव+ईषत्=ओइच ओइच+इल्ल=ओइचिल्ल = ओइचिल,
ला-ली-लें. ओइचिल्लें झणजे अत्यंत थोडें.

ओइचिल्लें ह्या शब्दाचा अर्थ न कळल्यामुळें वरिचिल्लें हा पाठ ज्ञानेश्वरोत्तरकालीं आला.

(२५) रायाचा (पु.) = रायाचेया (पु. च. ए.) बोला (पु. च. ए.)
रायाची (स्त्री) = रायाचिया (स्त्री. सप्तमी एकवचन)

तेव्हां बोला ह्या पुल्लिङ्गी चतुर्थीच्या एकवचनी रूपा पाठीमागें स्त्रीलिङ्गी रायाचिआ हें विशेषणरूप येणें व्याकरणदृष्ट्या दुष्ट आहे.

(२६) राशि-उद्भ्रम = रासि-उष्भवं = रास+उष्भां = रासौभां =
रासौभा. रास मोडून वाच्यानें पखलण जी होते तिला रासौभा झणतात.
रासौभा हा शब्द कळतनासा होऊन समासावर सडा असा जो त्या शब्दाचा
अर्थ दिला होता, तो च मूळांत लेखकांनीं प्रविष्ट केला.

(२७) बाणरूप पाण्याचा पाऊस पाहूं लागले, तेव्हां, बाणवारि हा
पाठ योग्य आहे. बाणवारि हा पाठ सर्वथा अशुद्ध आहे.

(२८) सवें, सकलै, दाघै, अशीं रूपें ज्ञानेश्वरकालीं होतीं.

(२९) आपण ह्याचें भाववाचक नाम आपणपें, त्याचें चतुर्थीचें ए-
कवचन आपणपेंयां.

आपण ह्याचें चतुर्थीचें नपुंसकलिङ्गी एकवचन आपणभां, आपणयां
पैकीं मुकुंदराजी पाठ आपणपेंयां हा अर्थाला उचित आहे.

[३०] माडगांवकरांची ही सबंद ओंवी व्याकरणदुष्ट आहे व अशा व्याकरणदुष्ट ओंव्या त्यांच्या प्रतीत शेकडों आहेत.

येणेंप्रमाणें माडगांवकरांच्या तौलनिक प्रतीत हजारों अपपाठ आहेत.

**तौलनिक पद्धतीनें
मूळाचा थांग नक्की
लागतोच असें नाहीं.**

इतकेंच नव्हे, तर व्याकरणदृष्ट्या एथून तेथून सर्व प्रत दुष्ट आहे. कुंटे, साखरे, वगैरेंच्या प्रतीसंबंधानें, तर बोलावयाला च नको. जसा एखादा पारशी किंवा युरोपीयन मराठी भाषा लिंग, वचन, विभक्ति वगैरेंचा चुथडा करून बोलतो, त्याच धर्तीवर, कुंटे, साखरे, माडगांवकर वगैरेंच्या आधुनिक प्रतीत अपभ्रष्ट मराठी भाषा योजिलेली आहे. हें ज्ञानेश्वरकालीन व्याकरण, ज्याला समजलें त्याच्या प्रतीतीस सहज येईल. ती प्रतीती यावी व ज्ञानेश्वरकालीन शुद्ध मराठी भाषा कशी होती, हें कळावें, एतदर्थ ही मुकुंदराजी प्रत छापिली आहे.

मूळ प्रत उपलब्ध नसतां, इतर किती हि प्रतींची तुलना करून मूळ पाठ ठरविण्याचा प्रयत्न केला, तत्रापि मूळपाठ अमुकच असेल, हें निश्चयानें सांगतां येत नाहीं, हें वरील यादीवरून स्पष्ट आहे. प्रायः असें हि होऊं शकतें कीं, मूळपाठ टिपांत रहातो व अपपाठ मुख्य ग्रंथांत विराजमान होतो. Varorium Edition काढण्यांत हा चमत्कार अपरिहार्य असतो. कालिदासादि संकृतप्राकृत नाटककारांच्या नाटकांच्या अनिश्चितकालीन दहा पांच पोथ्या घेऊन तौलनिक प्रती बनविल्या असतां, मूळग्रंथकाराच्या मूळप्रतीपासून त्या किती अपभ्रष्ट असूं शकतील तें माडगांवकरांच्या ज्ञानेश्वरीच्या प्रतीवरून चांगलें ध्यानांत येतें.

६५ सारांश, आजपर्यंत जेवढ्या ह्मणून ज्ञानेश्वरीच्या प्रती छापिल्या गेल्या आहेत, त्या सर्व अशुद्ध व अविश्वसनीय आहेत. तत्रापि, त्या लोकांत प्रचलित आहेत. सध्यां भक्तिमार्गी लोक इतके गचाळ झाले आहेत कीं व्याकरण, व्युत्पत्ति

इतिहास, शास्त्र यांची त्यांना बिलकुल पर्वा राहिलेली नाहीं. बाटेल तें चिताड त्यांच्या हातीं दिलें व तें ज्ञानेश्वराचें, नामदेवाचें किंवा तुकारामाचें आहे असें सांगितलें ह्मणजे तें त्यांना शिरसामान्य

होतें. खरें, खोटें विश्वास्य अविश्वास्य, हा भेदभाव ते करीत नाहींत. त्यामुळे झालें आहे काय कीं, त्यांना ज्ञानेश्वरीचा खरा अर्थ हि कळतनासा झाला आहे. कोल्हापूरचे भावे, पनवेलचे आठल्ये, व पुण्याचे भिडे ह्यांनीं ज्ञानेश्वरीचा अर्थ करण्याचा प्रयत्न केला आहे. परंतु स्पष्टपणें सांगावयास कांहीं हरकत दिसत नाहीं कीं, हे सर्व व्याख्याते अथ पासून इतिपर्यंत अपव्याख्यान करीत गेलेले आहेत. पैकीं आठल्यांचें भाषान्तर अगदीं कुचकामाचें व कवडीमोल आहे. त्यापेक्षां भावे यांचें भाषान्तर किंचित् बरें झणतां येईल. आणि साखरेबावांच्या तोंडचें ह्मणून ज्यास रा. भिडे नामाभिधान देतात तें ह्या दोहींपेक्षां शुद्ध आहे. परंतु, तिन्ही भाषान्तरासंबंधानें असें ह्मणावें लागतें कीं, ह्या तिन्ही गृहस्थांना घेतलेली कामगिरी विनचुक वजावण्याचा अधिकार आलेला नव्हता. ह्या विधानाची सत्यता भासमान होण्याकरितां, ज्ञानेश्वरीची अगदी पहिली ओंवी घेतो, तिचा ह्यांनीं काय अर्थ केला आहे तो देतो व ह्यांच्या चुका कोठें झालेल्या आहेत तें दाखवितो. भावे यांचें भाषान्तर आतां मागसलें असल्यामुळे, त्याची परीक्षा येथें करीत नाहीं.

आठल्यांचें भाषान्तरः—हे मूळ, अनादि, वेदप्रतिपादित, ओंकार-रूप परमेश्वरा! तुला नमस्कार असो. हे आपल्या आपण जाणणाऱ्या आत्मस्वरूपा! तुझा जयजयकार असो.

भिड्यांचें भाषान्तरः—हे निर्गुणब्रह्मा आत्मरूपा, तूं सर्वांचा आदिअसून तुझें वेदांनीं वर्णन केलेलें आहे व तुझ्या स्वरूपास जाणणारा तूं स्वतःच आहेस. तुला माझा नमस्कार असो; आणि तुझा जयजयकार होवो.

पैकीं, आठल्ये यांच्या भाषान्तरांतील प्रत्येक शब्द चुकलेला आहे.

आठल्यांचें भाषान्तर (१) प्रथम, ते नामरूपरहित जें परब्रह्म त्याला परमेश्वर ह्या नांवानें संबोधतात. (२) दुसरें, परब्रह्माला ते अनादि झणतात. (३) तिसरें, तें वेदांनीं प्रतिपादित आहे, असा भ्रम त्यांनीं करून घेतला आहे. आणि (४) चौथें, परब्रह्म आपल्याआपण जाणणारें आहे, असा दुर्ग्रह त्यांच्या ठायीं झालेला आहे. आतां, ह्या, चारी

विधानांपैकी एक हि विधान सशास्त्र नाही. (१) परमेश्वर ही कोटी परब्रह्माहून निराळी, खालच्या दर्जाची व तत्पश्चात्क आहे, हें सर्वश्रुतच आहे. ह्या ओर्वीत परमेश्वराचें नांव नाही, इतकेंच नव्हे, तर परब्रह्माचें हि नांव नाही. कारण, परब्रह्माचें जर नांव घ्यावें तर तें सगुण म्हणजे नामरूपसहित होतें. सबब, ज्ञानेश्वरांनीं ह्या संबंद ओर्वीत त्याचा नामनिर्देश केला नाही. एवढेंच नव्हे, तर तत् ह्या सर्वनामानें हि त्याचा उल्लेख केला नाही. ज्ञानेश्वरांचीं हीं सर्व धोरणें आठल्यांनीं झुगारून दिलीं आहेत व आपलें गाढ अज्ञान प्रकट केलेलें आहे. (२) प्रपंच, माया, परमेश्वर, ह्या कोटींना अनादि हें विशेषण लावतात. कारण प्रपंच हा अनादि व अनंत असून, केवळ व्यक्तमध्य आहे. तत् ही वस्तु सर्वत्र व सर्वदा आय च असणार. तिला अनादि हें विशेषण लावणें अयुक्त आहे. (३) ही निर्गुण वस्तु आजपर्यंत कोणाला हि संपूर्ण कळलेली नाही. कळण्याचा प्रयत्न पुष्कळांनीं केलेला आहे. त्यां प्रयत्न करणाऱ्यां पैकींच वेद होत. त्यांना हि ती आकळलेली नाही. सबब, ज्ञानेश्वरांनीं वेदप्रतिपाद्य असा शब्द योजलेला आहे. वेदप्रतिपादित असा शब्द मुद्दाम योजला नाही. परब्रह्म जर वेदांनीं प्रतिपादित केलें असेल, तर तें वेदांहून गौण ठरूं लागेल. वेदांनीं एवढेंच केलें आहे कीं, परब्रह्माचें प्रतिपादन करण्याचा प्रयत्न केलेला आहे. ह्या पलीकडे त्यांनीं कांहीं केलेलें नाही. एवढ्याच करितां, ज्ञानेश्वरांनीं प्रतिपादित हा शब्द टाळलेला आहे. तो दुष्ट शब्द आठल्यांनीं अंधदृष्टीनें मुद्दाम कवटाळला आहे. सद्ब्रह्मचें आकलन करतां करतां वेद टेंकीस आले, असे उद्गार ज्ञानेश्वरीत व अमृतानुभवांत अनेक स्थली आहेत. (४) स्वसंवेद्या या पदाचा तर शब्दार्थ हि आठल्यांस झाला नाही. स्वसंवेद्या ह्मणजे आपल्याआपण जाणणाऱ्या, असा अनर्थ आठव्ये च करूं जाणोत. सत् चित् च आहे. त्याला आपलें संवेदन आपण च करण्याची कोणती अपेक्षा आहे? काय त्याचें संवेदन कधीं लोप पावलें होतें कीं तें पुनरपि करून घेण्याचें त्याला कारण पडावें? काय साखर कधीं कडू झाली होती कीं तिनें आपली गोडी आपणच चाखून पहाण्याचें मनांत आणावें? तर, असें विपरीत कदापि होणें नाही. संवेद्य कोणाला? इतरांना, स्वतःला नव्हे. स्व ह्मणजे जीवात्मा, त्याला संवेदन होण्याचा विषय. तें संवेदन हि संपूर्ण होईलच असा भाग नाही. ज्याचें संवेदन, ज्या सद्ब्रह्मचें संवेदन करून

होण्याचा प्रयत्न जीवात्म्यानें करणं संभाव्य आहे, अशा तद्वस्तूला. असा स्वसंवेद्या, ह्या पदाचा अर्थ आहे. चित् संबंधानें नाना कोट्या ज्ञानेश्वरांनीं अमृतानुभवांत केलेल्या आहेत. त्यांचा जर परिचय आठल्यांनीं करून घेतला असता, तर ते असे बरळते ना. स्व आणि पर असे दोन प्रकारचे आत्मे कल्पिलेले आहेत. ह्यांना च जीवात्मा व परमात्मा अशा संज्ञा आहेत. संवित् ही दोघांना सामान्य आहे. ह्या संविद्वारा जीवात्म्याला परमात्म्याशीं ऐक्य होण्याचा संभव असतो. संवित्प्रतीति न झाली, तर ऐक्य होण्याचा झणजे परमात्मसंवेदन होण्याचा मार्ग खुंटतो. हें सर्व लक्ष्यांत घेऊन ज्ञानेश्वरांनीं स्वसंवेद्य हें पद योजिलेलें आहे; आणि त्याला पोषक झणून आत्मरूपा असें पद घातलें आहे. जीवात्म्यानें संवेद्य कां, तर जीवात्मा व परमात्मा हे दोन्ही हि आत्मरूप झणजे आत्मा च आहेत. आत्मा एव आत्मरूपः । जीवात्मा व परमात्मा हा भेद भ्रांतिमूलक आहे. ती भ्रांति उडून गेली झणजे दोन्ही एक च आहेत, अशी प्रतीति होते. सारांश, ह्या ओ. र्वांत एक कारणपरंपरा गोविली आहे. सद्वस्तु आद्य आहे; कारण, अनादि जे वेद त्यांनीं तिची प्रतिपत्ति करण्याचा प्रयत्न केला आहे; परंतु, तो प्रयत्न सफल झालेला नाही. कां की ही सद्वस्तु जीवात्म्यालाच संवेद्य आहे, इतरांना नाही. कां तर, जीवात्मा व परमात्मा आत्मरूप आहेत,

आठल्यांच्या इतका घोटाळा भिड्यांनीं केलेला नाही. त्याला कारण सद्गुरुमुख. नानाबोवा साखरे यांच्यासारख्यांच्या ध्याख्यानाच्या श्रवणानें भिडे किंचित् ताळ्यावर राहिलेले दिसतात मात्र. परंतु, अनधिकारित्वास्तव ते हि ह्या ओंवीचा अर्थ करतांना भ्रांत झालेले आहेत. “तुझे वेदांनीं वर्णन केलेलें आहे,” असें संपूर्ण—क्रिया—द्योतक वाक्य भिड्यांनीं योजिलें असून, “तुझ्या स्वरूपास जाणणारा तूं स्वतःच आहेस” असें हि वाक्य योजून स्वमुखदर्शनदोष ते आठल्यांच्या प्रमाणेंच करतात. आठल्यांच्याप्रमाणें अनादि, परमेश्वर, वगैरे वाक्कळ शब्द मात्र ते योजीत नाहीत. हा सद्गुरुसंगतीच्या सातत्याचा परिणाम. ह्या ओंर्वांत कारणपरंपरा आहे, ह्याची प्रतीति भिड्यांना हि झालेली दिसत नाही.

वेदान्तशास्त्रानभिज्ञतेच्या मुळें ओवीचा अर्थ भाषान्तरकारांना कसा
लागला नाही, त्याचा हा तपशिल झाला.
व्याकरणदृष्ट्या भाषा- आतां व्याकरणानभिज्ञतेस्तव त्यांच्या चुक्या
न्तरांची दुष्टता. कशा झाल्या आहेत तें दाखवितों.

ॐ नमो आद्या । वेदप्रतिपाद्या ।

जय स्वसंवेद्या । आत्मरूपा ॥ १ ॥

अशी ओवी आहे. अन्वयः—आद्या वेदप्रति पाद्या नमो; स्वसंवेद्या
आत्मरूपा जय. येथें नमो व जय हीं रूपें आशार्थी द्वितीयपुरुषाचीं अनेक-
वचनार्ची आहेत.

संस्कृत	प्राकृत	अपभ्रंश	मराठी
नमत	नमह	नमहु	नमूँ, नमो
जयत	जयह	जयहु	जयूँ, जयो, जय

नमू व जी ह्या धातूंचीं रूपें ग्रंथारंभी नांदीत आणण्याचा परिपाठ
प्राकृत व संस्कृत ग्रंथांत अनेक स्थली आढळतो. गाथासप्तशतींत, सेतु-
बंधांत व कर्पूरमंजरींत नांदीत नमह व जअह हीं रूपें आलीं आहेत.
नमह—नमहु—नमो ह्याजें तुझीं नमस्कार करा. जय ह्या धातूचा अर्थ मरा-
ठींत “ कोणासाठी तरी जयशब्द उच्चारणें ” असा झाला आहे. उदा-
हरणार्थ, जय शंकरा (शंकराचा जयकार करा). तेव्हां, पहिल्या ओवीचा
व्याकरणदृष्ट्या अर्थ असाः—

आद्या वेदप्रतिपाद्या नमस्कार करा; स्वसंवेद्या आत्मरूपाचा जयकार
करा; ज्ञानेश्वर श्रोत्यांना स्वहितार्थ आद्याला नमस्कार व प्रमाण करावयाला
सांगतात व त्याचा जयकार करावयास सांगतात. नांदीत श्रोत्यांना इष्टदेवतेला
नमस्कार करण्यास सांगण्याची चाल संस्कृत व प्राकृत नाटकांत व काव्यांत
आहे. तीच परंपरागत चाल ज्ञानेश्वरांनीं उचललेली आहे. ज्ञानेश्वरांनीं
ज्ञानेश्वरी श्रोत्यांना उद्देशून मुद्दाम लिहिलेली आहे; स्वतःला उद्देशून लिहि-
लेली नाही. एतद्विषयक उल्लेख ज्ञानेश्वरींत अनेक आहेत; बहुतेक प्रत्येक
अध्यायांत आहेत. तेव्हां, ह्या ओवीतील क्रियापदें द्वितीयपुरुषां अनेकवचर्नी
आशार्थी आहेत, हें ठीकच आहे.

आठल्ये व भिडे परब्रह्माला सांगतात कीं, तुझा जयजयकार असो ! परब्रह्माचा जयजयकार नव्हता कधीं, कीं तुझा जयजयकार असो, असा आक्षेपीवाद कवीनें त्यास देण्याचें घाष्ट्य व औद्धत्य करावें. “ तुला नमस्कार असो (आठल्ये), “ तुला माझा नमस्कार असो ” (भिडे), ह्या हि भाषान्तराला हाच दोष लागतो. शिवाय ग्रंथकर्त्यानें आपण एकत्र्यानेंच नमस्कार करण्यापेक्षां, श्रोत्यांसह नमस्कार करणें जास्त सौजन्याचें आहे. ज्ञानेश्वर, तर, सौजन्याचें केवळ पुतळेच होते. तेव्हां, त्यांच्या तोंडून, तुला माझा नमस्कार असो, अशी उद्धत वाणी कदापि हि निघावयाची नाहीं.

६६ वेदान्तशास्त्रदृष्ट्या व व्याकरणदृष्ट्या आठल्ये, भिडे, कुंटे व माडगांवकर ह्यांच्या प्रतीत असे हजारो दोष आहेत. मासल्याकरितां, एकाच ओर्वीतील दोष दाखविले. जास्त दाखविण्यास प्रकृत स्थली अवकाश नाहीं. शिवाय, हे दोष दाखविण्याचें काम हरिभक्तिपरायण भिंगारकरखुवा याणीं केसरति अनेकवेळां केलेलें आहे. भारदे उर्फ भारद्वाज ह्यांच्या चर्पटपंजरीचा, तर, त्यांनीं “ ज्ञानेश्वरमहाराज यांचा कालनिर्णय व संक्षिप्त चरित्र ” या टीकाप्रबंधांत चांगला च धुव्या उडविला आहे. आठल्यांच्या चुक्या हि त्यांनीं अन्यत्र चांगल्या दाखविलेल्या आहेत. ह्या गृहस्थांनीं जर ज्ञानेश्वरीच्या अर्थाचें पुस्तक छापणें, तर, ज्ञानेश्वरीच्या नावावर चिताड व गचाळ बाडें भक्तिमार्गी लोकांत जे खोख्या वेदान्ताचा व भोळेपणाचा प्रसार करतात त्याला कांहीं तरी आळा पडून ऐतिहासिक व प्रागतिक मार्गाला भक्तिमार्गी लोक लागतील.

६६ प्रस्तुत मुकुंदराजी प्रतीत प्रत्येक श्लोक त्या श्लोकावरील ओंव्यांच्या मध्ये कोठें तरी लिहिला आहे. आधुनिक प्रतीत मूळ संस्कृत श्लोक प्रथम देऊन, नंतर त्याच्यावरील टीकाओव्या देण्याचा जो प्रघात दिसतो, तो मूळचा ज्ञानेश्वराचा नाहीं. ज्ञानेश्वरांनीं ओर्वबंधांत ज्ञानेश्वरी अशी रचिली कीं मूळ संस्कृत श्लोक मुळींच न दिला, तत्रापि व्याख्यानाच्या ओघाला तुटकपणा येऊं नये. अलीकडील कित्येक पोथ्यांत दर प्रतीकाच्या व पदाच्या नंतर ज्ञानेश्वरी टीका ओंव्यांचे तुकडे पाडून सुद्धां दिलेली असते. हा हि प्रकार मूळ ज्ञानेश्वराचा नव्हे. हे सर्व चोचले आधुनिक आहेत.

६७ प्रस्तुत प्रतीत मूल संस्कृत श्लोकांचे पाठ प्रचलित गीतेच्या पाठांहुन कोठें कोठें भिन्न सांपडतात, त्यांची याद खाली देतोः--

अध्याय	श्लोक	प्रचलित पाठ	मुकुंदराजी किंवा ज्ञानेश्वरी पाठ
* १	५	काशीराजः	काशिराजः
१	१९	धार्तराष्ट्राणां	धार्तराष्ट्राणां
१	२०	धार्तराष्ट्रान्	धार्तराष्ट्रान्
१	२३	धार्तराष्ट्रस्य	धार्तराष्ट्रस्य
* १	३०	गांडीवं	गांजीवं
१	३२	किं नो	किंनो
१	३५	किं नु	किंनु
१	३६	धार्तराष्ट्रान्	धार्तराष्ट्रान्
१	३७	”	”
१	३९	जनार्दन	जनार्दन
२	१	अश्रुपूर्णा	अश्रुपूर्णा
२	२	अकीर्तिकरं	अकीर्तिकरं
* २	६	धार्तराष्ट्राः	धार्तराष्ट्राः
२	८	यच्छोकमुच्छोषणं	यच्छोकमुच्छोषणं
* २	९	गुडाकेशः	गुडाकेशः
२	१३	धीरः	धीरः
२	१८	युध्यस्व	युद्धयस्व
* २	२८	परिवेदना	परिवेदना
२	३१	युद्धाच्छ्रेयः	युद्धाच्छ्रेयः
२	३२	यदृच्छया	यदृच्छया
* २	३३	अथ चेत्त्वमिमं धर्म्यं	अथचेत्त्वंधर्माभिमं
२	३४	अकीर्ति	अकीर्ति
२	३४	अकीर्तिः	अकीर्तिः
* २	३५	येषां	एषां
२	४४	भोगैश्वर्यं	भोगैश्वर्यं
२	४९	योगाद्धनंजय	योगाद्धनंजय
२	४९	अन्विच्छ	अन्विच्छ
२	५०	दुष्कृते	दुःकृते

१	६३	पुंसः	पुंसः
२	६९	जागर्ति	जागर्ति
३	७१	गच्छति	गच्छति
३	७२	ऋच्छति	ऋच्छति
२	७२	स्थितिः	स्थिती
३	१	जनार्दन	जनार्दन
३	४	अधिगच्छति	अधिगच्छति
३	५	अकर्मकृत्	अकर्मकृत्
३	१२	तैर्दत्तान्	तैर्दत्तान्
३	१३	किल्बिषैः	किल्बिषैः
३	२०	कर्तुं	कर्तुं
३	२१	अनुवर्तते	अनुवर्तते
३	२२	वर्ते	वर्ते
३	२३	वर्तेयं	वर्तेयं
३	२३	अनुवर्तते	अनुवर्तते
३	२४	कर्ता	कर्ता
३	२७	कर्ता	कर्ता
३	२८	वर्तते	वर्तते
३	३०	युद्धयस्व	युध्यस्व
३	३४	आगच्छेत्	आगच्छेत्
३	३६	अनिच्छन्	अनिच्छन्
३	३९	दुष्पूरेण	दुःपूरेण
३	४३	बुद्ध्वा	बुध्वा
४	७	सृजामि	शृजामि
४	८	धर्म	धर्म
४	११	अनुवर्तते	अनुवर्तते
४	१३	सृष्टं	शृष्टं
४	१३	विद्धय	विध्य
४	१३	कर्तारं	कर्तारं
* ४	१३	ज्ञात्वामोक्षयसे शुभात्	ज्ञात्वामृतमभ्युते
४	१८	कर्मकृत्	कर्मकृत्
४	२२	यदृच्छा	यदृच्छा

* ४	२३	० चेतसः	० चेतसा
४	२९	रुद्धवा	रुध्वा
४	३४	तत्त्व	तत्व
४	३९	अधिगच्छति	अधिगच्छति
५	१	यच्छेय	यच्छेय
५	६	अधिगच्छति	अधिगच्छति
५	८	तत्त्ववित्	तत्त्ववित्
५	८	पश्यञ्	पश्यन्
५	८	स्पृशञ्	स्पृशन्
५	८	गच्छन्	गच्छन्
५	८	स्वपञ्	स्वपन्
५	९	वर्तते	वर्त्तते
५	११	बुद्धया	बुध्या
५	१२	निबद्धयते	निबध्यते
५	१४	प्रवर्तते	प्रवर्त्तते
५	१७	गच्छंति	गच्छंति
* ५	१९	येषां	एषां
५	२४	अधिगच्छति	अधिगच्छति
५	२६	वर्तते	वर्त्तते
५	२८	विगतेच्छा	विगतेच्छा
* ५	२८	मुक्त	युक्त
५	२९	ऋच्छति	ऋच्छति
६	६	वर्तत	वर्त्तते
६	६	शत्रुवत्	शत्रुवत्
६	१३	धारयन्नचलं	धारयन्नचलं
६	१५	अधिगच्छति	अधिगच्छति
* ६	२० (द्वितीयार्ध)	यत्र	तत्र
६	२१	वैत्ति	वैत्ति
६	२१	तत्त्वतः	तत्त्वतः
६	२२	यस्मिंस्थितो	यस्मिन्स्थितो
६	२२	गुरुणा	गुरुणा
६	३१	वर्तमानो	वर्त्तमानो

६	३१	वर्तते	वर्तते
६	३७	गच्छति	गच्छति
६	३८	विभ्रष्टश्	विभ्रष्टः
६	३९	च्छेत्तुं	छेत्तुं
६	३९	च्छेत्ता	छेत्ता
६	४०	कृताँलोकान्	कृताँलोकान्
६	४४	अतिवर्तते	अतिवर्तते
७	१	तच्छृणु	तच्छृणु
७	३	तत्त्वतः	तत्त्वतः
७	७	इव	इवै
७	१३	एभिःसर्वै	एभिसर्वै
७	२१	भक्तःश्रद्धया	भक्तश्रद्धया
७	२१	इच्छति	इच्छति
७	२६	वर्तमानानि	वर्तमानानि
७	२७	इच्छा	इच्छा
* ७	२८	अंतर्गतं	अंतर्गतं
७	२९	कर्म	कर्म
८	७	युद्धय	युध्य
८	११	इच्छंतो	इच्छंतो
८	१२	निरुध्य	निरुद्धय
* ८	१६	ब्रह्मभुवनात्	ब्रह्मभवनात्
८	२१	निवर्तते	निवर्त्तते
८	२४	गच्छंति	गच्छंति
८	२५	निवर्तते	निवर्त्तते
८	२६	आवर्तते	आवर्त्तते
९	२	कर्तुं	कर्तुं
९	३	निवर्तते	निवर्त्तते
९	४	मूर्तिना	मूर्तिना
९	१०	विपरिवर्तते	विपरिवर्त्तते
* ९	१३	आश्रिताः	आश्रिताः
९	१४	कीर्तयंतो	कीर्त्तयंतो
९	१८	भर्ता	भर्त्ता

* ९	२४	च्यवन्ति	चवन्ति
९	२६	प्रयच्छति	प्रयच्छति
९	३१	शश्वच्छांति	शश्वच्छांति
९	३१	निगच्छति	निगच्छति
१०	२	प्रभवं न	प्रभवन्न
१०	७	तत्त्वतः	तत्त्वतः
१०	८	प्रवर्तते	प्रवर्तते
१०	१८	जनार्दन	जनार्दन
१०	२१	०र्मरुतां	०र्मरुतां
* १०	००	२३ वा श्लोक	२२ वा आहे.
* १०	००	२२ वा श्लोक	२३ वा आहे.
"	२७	उच्चैःश्रवसं	उच्चैश्रवसं
"	२९	यमःसंयमतां	यमसंयमतां
"	३४	कीर्तिः	कीर्तिः
"	३४	० म्मेधा	० म्मेधा
"	३६	सत्त्ववतां	सत्त्ववतां
"	४१	सत्त्वं	सत्त्वं
"	४१	अवगच्छ	अवगच्छ
११	२	श्रुतौ	श्रुतौ
"	३	इच्छामि	इच्छामि
"	४	तच्छक्यं	तच्छक्यं
"	१७	नलार्क	नलार्क
* "	२०	रूपमिदं तवोप्रं	रूपमुप्रं तवेदं
* "	२२	त्वा	त्वां
"	३१	इच्छामि	इच्छामि
"	३२	समाहर्तुं	सम्माहर्तुं
"	"	ऋते	रुते
"	"	प्रत्यनीकेषु	प्रत्यनिकेषु
"	३४	युद्धयस्व	युध्यस्व
"	३५	एतच्छ्रुत्वा	एतच्छ्रुत्वा
* "	४२	यच्चावहासार्थं	यच्चापिहासार्थं
* "	४३	पूज्यश्च	पूज्यस्य

* ११	४३	अप्रतिमप्रभाव	अप्रतिमप्रभावः
"	४६	इच्छामि	इच्छामि
"	"	विश्वमूर्ते	विश्वमूर्ते
* "	५०	सौम्यवपुः	सौम्यवपुः
"	५२	जनार्दन	जनार्दन
"	५४	तत्त्वेन	तत्त्वेन
"	५५	कर्मकृत्	कर्मकृत्
१२	२	अनिर्देश्यं	अनिर्देश्यं
"	"	ध्रुवं	ध्रुवं
"	७	समुद्धर्ता	समुद्धर्ता
"	९	इच्छ	इच्छ
"	१०	कर्माणि	कर्माणि
"	"	कुर्वन्सिद्धि	कुर्वन्सिद्धि
* "	११	अशक्तोसि	अशक्तोसि
"	१२	त्यागाच्छांतिः	त्यागाच्छांतिः
* "	१३	समदुःखसुखः क्षमी	समदुःखसुखक्षमी
"	१५	मे	मैं

ज्यांच्या पाठीमागे नक्षत्राचें चिन्ह काढलें आहे त्यांखेरीज बाकीचे सर्व पाठभेद उच्चाराने आहेत. सनक्षत्र पाठभेदांपैकीं हि बरे च पाठभेद उच्चाराने च पाठभेद असावे, असें ह्मणतां येईल. उदाहरणार्थ, शी ब-हल शि, ये बहल ए, च्य बहल च. काशिराजः, एषां, चवंति, हे पाठभेद उच्चाराने पाठभेद न समजले, तर ते स्वतंत्र पाठभेदांत गणले जातीळ. लेखकाला उच्चार करण्याची जी स्वभावसिद्ध व देशसिद्ध संबंध होती तिच्या अनुरोधानें त्यांनं हे उच्चारपाठ दिले आहेत. ह्या उच्चारपाठांचें वर्गीकरण येणेंप्रमाणें करतां येतें.

[१] ऋ बहल रु. जसें, ऋते बहल रुते

[२] ए बहल ऐं. जसें, वेत्ति बहल वैत्ति

[३] निरनुनासिकाबहल सानुनासिक. जसें, इव बहल इवँ आणि मे बहल में

[४] स, श व क्ष ह्यांच्या पूर्वी विसर्गलोप. जसें, एभि-सर्वे, भक्त श्रद्धया, उच्चैश्रवस,

- [५] रेफानंतर द्वित्त. जसें, कीर्त्ति, धर्म, कर्म, तैर्दत्तान् .
 [६] च्य बदल च. जसें, चवंति
 [७] च्छ बदल छ जसें, गच्छति
 [८] द्व बदल त्ध. जसें, योगात्धनंजय
 [९] द्वय बदल ध्य. जसें, युध्य
 [१०] ध्य बदल द्वय. जसें, युद्धयस्व
 [११] व बदल व. जसें, कित्विषं
 [१२] श बदल ष. जसें, गुडाकेषः
 [१३] श बदल स. जसें, अशक्तः बदल असक्तः
 [१४] रु बदल ऋ. जसें, अशृ
 [१५] प बदल :. जसें दुःपूर
 [१६] स बदल श. जसें, सृष्टं बदल शृष्टं
 [१७] त्व बदल त्व. जसें, तत्त्व बदल तत्व
 [१८] श्व बदल स्य. जसें, पूज्यश्च बदल पूज्यस्य

हे पाठभेद किंवा उच्चारभेद लेखकानें चुकून केले आहेत, असं नाही. त्यांच्या वेळची व प्रांतातली सामान्य मंडळी जे उच्चार करीत, ते ह्या लेखकानें नमूद केले आहेत. मुकुंदराजी ज्ञानेश्वरीतील संस्कृत श्लोकांतल्या अक्षरांचे जे उच्चार वर नमूद केले आहेत, त्यावरून संस्कृत उच्चारंचा अपभ्रंश गोदावरीतीरीं शक १२०० च्या सुमारास कसा होत असे, तें कळण्याचें एक उत्कृष्ट साधन उपलब्ध झालें आहे.

६८ मुकुंदराजी ज्ञानेश्वरींत ह्यणजे कोणत्या हि ज्ञानेश्वरीच्या विश्व-सनीय व अप्रक्षित प्रतीत फारसी शब्द आढळत नाहीत. ज्ञानेश्वरी

ज्ञानेश्वरींत फारसी
शब्द नाहीत

शक १२१२ त रचली गेली व त्यानंतर मुस-लमानांचा महाराष्ट्राला स्पर्श झाला. तत्पूर्वी यद्यपि शंभर वर्षे ह्यणजे शक ११०० पासून नर्मदेपलीकडे मुसुलमानांचें राज्य सुरू झालें होतें, तत्रापि महा-

राष्ट्राला व मराठी भाषेला मुसुलमानी व फारसी शब्दांचा स्पर्श झाला नाही. तो शक १२०० नंतर पांच पन्नास वर्षांनीं मुसुलमानी अंमल जारी झाल्यावर

झाला. अर्थात्, ज्ञानेश्वरीत फारसी शब्द साहजिक च आढळत नाहीत. इंग्रजी भाषेच्या स्पर्शासंबंधानें असा च प्रकार झालेला आढळतो. बंगाल, मद्रास वगैरे देशांत यद्यपि इंग्रजांचा अंमल बसून पन्नास शंभर वर्षे लोटलीं, तथापि इंग्रजी शब्द मराठींत शक १७३९ नंतर येऊं लागले. तत्पूर्वी गोलंदाज, कडाबीन, पलटण, वगैरे कांहीं डच, फ्रेंच, पोर्तुगीज वगैरे लष्करी शब्द मराठींत आले, परंतु इंग्रजी शब्द आले नाहीत. कारण उघड आहे. मराः-च्यांच्या लष्करांत ज्या खालच्या प्रतीच्या यूरोपियन शिपायांचा संबंध आला ते प्रथम प्रथम प्रायः पोर्तुगीज, डच, फ्रेंच वगैरे असत, इंग्रज नसत. शक १२०० पूर्वी मुसुलमानी शिपायांचा प्रवेश कल्याणी येथील चालुक्यांच्या व देवगिरीच्या यादवांच्या सैन्यांत झाला असावा, असें ह्मणण्यास पुरावा आहे. शक १०५१ त लिहिलेल्या अभिलषितार्थचिंतामर्णीत आठ प्रकारचें सैन्य वर्णिलें आहे; त्यांत म्लेच्छ सैन्याचा उल्लेख आहे. म्लेच्छ ह्मणजे मुसुलमन. अर्थात्, कदाचित् कांहीं लष्करी शब्द मराठी भाषेंत शक १०५१ च्या सुमारास आले असण्याचा संभव आहे. खुद्द अभिलषितार्थचिंतामर्णीत च तेजी (घोडा) हा फारसी शब्द आला आहे. हिंगु, पोतास वगैरे यावनी शब्द ह्याच्या हि पूर्वी हिंदुस्थानांतील प्राकृत व अर्थात् संस्कृत भाषांत व्यापारसंबंधानें प्रचलित झाले होते. हा पोतास शब्द यावनी आहे, फारसी नाही; व हा फार प्राचीन कालापासून संस्कृत भाषेंत प्रविष्ट झाला आहे. तेव्हां हा पोतास शब्द ज्ञानेश्वरीत सांपडला असतां, तो फारसी ह्मणून गणण्यांत हाशील नाही. निशाण, दादर, वखार, मोहरें, हेवा वगैरे शब्द भिंगारकर यवनी ह्मणजे फारसी समजतात. परंतु, ते अस्सल मराठी आहेत. संस्कृत निःसाण ह्मणजे नगारा. ह्याचा मराठी अपभ्रंश निसाण, निशाण. हा पटहार्थक निशाण शब्द फारसी निशान (ध्वजपताका) शब्दासारखाच उच्चारांत आहे. परंतु, ह्या दोहोंत अर्थभेद आहे. मराठी निशाण ह्मणजे नगारा व फारसी निशान [ण] ह्मणजे ध्वजपताका. संस्कृत दरदर=प्राकृत दादर. दर=विवर. संस्कृत वर्षाण्ड=प्राकृत वर्खाअर=मराठी वखार. संस्कृत मुखहर=प्राकृत मुहअर=मराठी मोहर (रा, री, रें). संस्कृत ह्रस्वन्=हिअवा=मराठी हेवा. हेवा=मनीची उत्कट ओढ. सारांश, ज्ञानेश्वरीत फारसी किंवा अरबी शब्द नाहीत.

६९ ज्याअर्थी मुकुंदराजी ज्ञानेश्वरीत फारसी शब्द नार्हीत त्याअर्थी ज्ञानेश्वरकालीन झणून नांवाजलेल्या कोणत्या हि अस्सल लेखांत प्रायः फारसी शब्द येणें दुर्मीळ आहे. तशांत, फारसी उभयान्वयी अव्ययें ज्या ज्ञानेश्वरकालीन झणविणाऱ्या लेखांत येतील तो लेख अर्वाचीन झणजे मुसुलमानी रियासतीतला बिनधोक समजावा. उदाहरणार्थ, भिंगारकरकृत “श्रीज्ञानेश्वरमहाराज यांचा कालनिर्णय व चरित्र” ह्या निबंधाच्या ६० व ६१ यां पृष्ठांवर दिलेलीं शक ११२९ व शक ११३५ सालचीं दोन्हीं पत्रें अस्सल नसून बनावट आहेत. कारण त्या दोन्हीं लेखांत फारसी कीं हे उभयान्वयी अव्यय आलें आहे. फारसीत के असें उभयान्वयी अव्यय आहे त्याचे मराठी की, कीं हें कीं अव्यय रामदास व शिवाजी यांच्यानंतर मराठीत रूढ झालें. ज्ञानेश्वरकालीं व ज्ञानेश्वराच्या पूर्वीं फारसी कीं किंवा इंग्रजी that या उभयान्वयी अव्ययाच्याबदला जे, जे असें उभयान्वयी अव्यय नियमानें योजीत. ह्या कीं खेरीज, भिंगारकरांच्या ह्या दोन्ही पत्रांत इतर आणीक अशीं शेकडों रूपें आहेत कीं त्यांच्यावरून ह्या पत्रांचा बनावटपणा स्पष्ट करून दाखवितां येईल. भिंगारकरांच्या पत्रांतील हीं शेकडों रूपें आधुनिक व बनावट कां, हें नीट लक्ष्यांत येण्यास, मराठी भाषेचें ऐतिहासिक व्याकरण अथवा नुसतें ज्ञानेश्वरीचें व्याकरण चिकित्सक वाचकांपुढें मांडलें पाहिजे. मराठी भाषेचें हें ऐतिहासिक व्याकरण येथें च द्यावयाचें. परंतु, मराठी भाषेच्या स्थित्यंतरांची त्रोटक हकीकत व मुकुंदराजी पोथीचा तपशील देतां देतां च फार विस्तार झाला. सबब, ऐतिहासिक व्याकरण पुढील भागावर टाकणें अपरिहार्य आहे. तोंपर्यंत सरस्वतीमंदिरादिमासिकपुस्तकांतील मराठीच्या ऐतिहासिक व्याकरणावरील माझे निबंध जिशासूनां एतत्प्रकरणीं बरेच उपयोगाचे होतील असें वाटतें.

७० ज्ञानेश्वरीत एकंदर जी ओवीसंख्या आहे तिचा सरासरीनें निम्मा भाग पहिल्या बारा अध्यायांत येतो; आणि बाकीचा निम्मा भाग राहिलेल्या सहा अध्यायांत येतो. प्रस्तुत पहिला खंड ह्या पहिल्या बारा अध्यायांचा आहे. ह्या खंडाला दुर्बोध शब्दांच्या अर्थाची याद दिली आहे.

(१०६)

७१ ज्ञानेश्वरांचें चरित्र, नाथपंथाची हकीकत, ज्ञानेश्वराचा वेदान्त, भक्तिमार्गाच्या अनादिसिद्ध व ऐतिहासिक परंपरेचें वर्णन, वगैरे अनेक विषयांवर बहुत विवेचन करण्यासारखें आहे. तें, ज्ञानेश्वरांचे इतर अस्सल जुने ग्रंथ मिळून छापण्याचा योग आल्यास, यथावकाश करतां येईल.

॥ नटकृततांडवविकटाः पंडितटीकाः स्फुरंति गीतायां ॥

॥ रंभालास्यविलासा जयति ज्ञानेश्वरीतासु ॥



३॥ हे रथे ॥

निबुद्धिसाधयेसात्त्विकी॥३॥ मूणोनिअधि कारमानले (जंविधिये निअ) ये अत्राले तेलथविष्कसले (नि
त्यक मे) ते निआसाप्रतिफला दोरिसनिबल का जे जे ये काजला से विजतता होने । २॥ ये तुले नितेक मे
सांडी सय जन्म विष मा करुने दे सुगम मो द्रोसिद्धी । २॥ ये सत्त्वो वेक मे करी डते सला । ससा सय ये सो डिजा
करणीयत्वे आला । सुमुक्तभारा । १००० तेथ जो बुद्धी ऐसा । बली बाधे मखसा । मोहुते विला ऐसा । जे जे स्थे ॥
॥॥ मूणो निधु तिची मंडली । स्वनिप्रवृत्ती तद्दि । एकर्मि बुडकली । द्यावी किना ॥२॥ तदघात्रोपणिषे जीणे । कोपुरोप
डिले या प्रवाहणे । अथरूपे गती किणे । सूर्यो वेनि । ३॥ नानापथ्ये सिआखदला हे । तरोरो दाडिला हीजियो ।
की मी नाली बल होल । जला वाजरि । ४॥ वरिते या जीविता । नाहि जे संथ न्यथा । ते से कर्मो ये या प्रवर्तणे । जो
डसि मोहु ॥ पाहे किर जे या सिये कडे । जे ज्ञान आधिचे खडे । आणि करणी कुडे । ऐ से जाणे ॥६॥ जिये तिहे का
न्यादि के । ससारतय वायु के । अकृत्यपणाचे आबुखे । पडिले जे या ॥७॥ तिये कर्मि अका । यि जि न्ना मर
णो सतयी । प्रवृत्ति फले विधी । मागि ती विच । ये गा आगी माशि नरि गा वे । अयमि वैम धरु न्ने वाघ गध गाने
४॥ श्वेत्कृत्ये विधि । की कालियाणा धु धु वा तु । देखो निन पसर वे हा तु । नबच वे खी ये ध्या तु वा घा विये ॥१०॥ ते से
क म अ करणीया । देखो निमना सया उपजे नि । सदेह । बुद्धि दे या ॥ ११॥ वडिले राधो निवरे वा । तेथ जाणे जे सु
४॥ तबुके । तव निषेधे ही देखा । बंधा ते जे ॥१२॥ मगा व धु मय मी ये रो । तिये निषेधा प्राप्ति । विनियो तु जाणे
निदली कर्म विधो । १३॥ सम्तार्यी कार्य विदे की । जे प्रवृत्ति निहृति साध की । एका ऊटा फस्वो । जिया पो ॥१४॥ रते
४॥ द्या ता क म अ य ॥ १५॥ ते नि । कधी । सात्विक मूणि पे बुद्धी । ते गा जाण ॥१६॥ ये या थ ॥ सध ॥ १७॥ १८॥ १९॥ २०॥ २१॥

नि

१०

ज्ञानेश्वरी

श्रीमहागणपतये नमः ॥ ॐ नमो आद्या । वेदप्रतिपाद्या ।
जय स्वसंवेद्या । आत्मरूपा ॥ १ ॥
देवा तूं चि गणेशु । सकलार्थप्रकाशु ।
ह्मणे निवृत्तिदामु । अवधारिजो ॥ २ ॥
हें शद्वब्रह्म अशेष । ते चि मूर्ति सुरेख ।
जेथें वर्णवपु निर्दोष । मिरवत असे ॥ ३ ॥
स्मृति ते चि अवयव । रेखा अंगिकभाव ।
तेथ लावण्याची टव । अर्थशोभा ॥ ४ ॥
अष्टादश पुराणें । तिये चि मणिभूषणें ।
पदपद्मति खेवणें । प्रमेयरत्नाचीं ॥ ५ ॥
पद्यबंध नागर । तें चि । रंगाधिलें अंबर ।
जेथ साहित्य वाणें सपुर । उजलाचें ॥ ६ ॥
देखां काव्यनाटका । जिं निर्द्धारितां सकौतुका ।
तिया चि रुणुणुणिति क्षुद्रघंटिका । अर्थध्वनि ॥ ७ ॥
नाना प्रमेयाची परि । निपुणपणें पांतां कुसरि ।
दीसति उचित पदें माझारि । रत्नें भलीं ॥ ८ ॥
तेथ व्यासादिकांचिया मती । चोखडेपणें झलकती ।
तिया मेखले मिरवती । पल्लवसडका ॥ ९ ॥
देखां षड्दर्शनें ह्मणिपति । ते चि भुजांची आकृति ।
ह्मणूनि विसंवादे धरिति । आयुधांतें ॥ १० ॥

तरि तर्कु तो चि परशु । नीति भेदुअंकुशु ।
 वेदांत महारसु । मोदकु मिरवे ॥ ११ ॥
 एकी हातीं दंतु । जो स्वभावता खंडितु ।
 तो बौधमतसंकेतु । वार्त्तिकांचा ॥ १२ ॥
 मग साहाजें सत्तर्कवाटु । तो पद्मकरु वरदु ।
 भर्मप्रतिष्ठा तो सिद्धु । अभयहस्तु ॥ १३ ॥
 देखां विवेकवंतु विमलु । तो चि शुंडादंडु सरलु ।
 जेथ परमानंदु केवलु । महामुखाचा ॥ १४ ॥
 तरि संवादु तो चि दश नु । समताशुभ्रवर्णु ।
 दे३० उन्मेखुसूक्ष्मक्षणु । विघ्नराजु ॥ १५ ॥
 मज अवगमलिया दान्ही । मीमांसा श्रवणस्थानी ।
 बोधमदामृत मुनी । अलि सेविति ॥ १६ ॥
 प्रमेयप्रवालसुप्रभ । द्वैताद्वैतनिकुंभ ।
 सारिसे एकवटति ईभ । मस्तकावारि ॥ १७ ॥
 उपरि दशोपनिषदे । जिये उदारें ज्ञानमकरंदें ।
 तिये मुकुटीं कुसुमें सुगंधें । शोभतें भलीं ॥ १८ ॥
 अकार चरणयुगलु । उकार उदर विशाल ।
 मकार महामंडलु । मस्तकाकारें ॥ १९ ॥
 हे तिन्ही एकवटले । तेथ शब्दब्रह्म कवलले ।
 ते मियां गुरुकृपा नमिलें । आदिर्बीज ॥ २० ॥
 आतां, अभिनववाग्विलासिनी । जि चातुर्यकलाकामिनी ।
 ते शारदा विश्वमोहिनी । नमिली मियां ॥ २१ ॥
 मज हृदइं सहस्रु । तेणें तारिल्यें संसारपुरु ।
 ऋणौनि विशेषें मती आदरु । विवेकावारि ॥ २२ ॥
 जैसे डोलेयां अंजन भेटे । तेव्हलि दृष्टीसि पाटा फुटे ।
 मग बास पाहिजे तेथ प्रकटे । महानिधि ॥ २३ ॥

कां चिंतामणि जालेयां हातीं । सदा विजयेपण मनोरथीं ।
 तैसा पूर्णकाम निवृत्ती । ज्ञानदे३० ह्यणे ॥ २४ ॥
 जाणतेन गुरू भजिजे । जेणें कृतकार्यां होईजे ।
 जैसें मूलसिंचनि साहाजे । निगति शाखापल्लव ॥ २५ ॥
 कां तीर्थे जियें त्रिभुवनीं । तियें घडति समुद्रावगाहनीं ।
 ना तरि अमृतरसास्वादनीं । रस सकल ॥ २६ ॥
 तैसा पुडुतीं पुडुतीं तो चि । मिया वंदिला श्रीगुरु चि ।
 जो अभिलाखित मनोरथु चि । पुरविता ॥ २७ ॥
 आतां अवधारा कथा गहन । जें कलाकौतुकां जन्मस्थान ।
 किं अभिनव उद्यानवन । विवेकतरुचें ॥ २८ ॥
 ना तरि सर्वसुखाची आदि । जे प्रमेयमहानिधि ।
 नाना नवरससुधावधी । परिपूर्ण हा ॥ २९ ॥
 किं परमधाम प्रकट । हें विद्यांचें मूलपीठ ।
 शास्त्रजातां वसैठ । अशेषांचा ॥ ३० ॥
 ना तरि सकल धर्मांचें माहेर । सज्जानाचें जिव्हार ।
 लावण्यरत्नभांडार । शारदेचें ॥ ३१ ॥
 नाना कथारूपें भारती । प्रकटली असे त्रिजगती ।
 आविष्करौनि महामती । व्यासाचिये ॥ ३२ ॥
 ह्यणौनि महाकाव्यारा३० । ग्रंथुगरुवतिचा ठा३० ।
 एथौनि रसां जाला आहो । रसालपणांचा ॥ ३३ ॥
 तेवि चि आइकां आणिक ही एक । एथौनि शब्दध्रीं भली शास्त्रिक ।
 आणिक महाबोधीं कोवलिक । दुणावली ॥ ३४ ॥
 एथ चातुर्य सिहाणें जालें । प्रेम रुचोसि आलें ।
 आणि सौभाग्य पोखलें । सुखाचें एथ ॥ ३५ ॥
 माधुर्या मधुरता । श्रिंगारिं सुरेखता ।
 रूढपण उचिता । दीमे भलें ॥ ३६ ॥

एथ कलाविदपण कलां । पुण्यासि प्रतापु आगला ।
 ह्यगौनि जन्मेजयाचे अवलीला । दोष गेले ॥ ३७ ॥
 आणि पांतां नावेक । रंगीं सुरंगतेची आगलिक ।
 गुणा सगुणपणाचें बीक । बहुवस एथें ॥ ३८ ॥
 भानुचेंनि तेजें ढवललें । जैसें त्रयोम्य दासे उजललें ।
 तैसें व्यासमती कवललें । सकल मिरवे ॥ ३९ ॥
 कां मुखेत्रीं बीज घातलें । तें आपुण्यापरी विस्तारलें ।
 तैसें भारतीं सुरवाडलें । अर्थजात ॥ ४० ॥
 ना तरि नगरांतरीं वसिजे । तरि नागरां चि होईजे ।
 तैसें व्यासोक्तिनेजें । ढवललें सकल ॥ ४१ ॥
 किं प्रथमवयसाकालीं । लावण्याची नव्हाली ।
 प्रकटे जैसी आगली । अंगनाअंगीं ॥ ४२ ॥
 ना तरि उद्यानीं माधवी घडे । तें वनशोभेचीं खाणि उघडे ।
 आदिलापासौनि अपाडें । जिया परीं ॥ ४३ ॥
 नाना घनीभृत सुवर्ण । जैसें निहाळितां साधारण ।
 मग अलंकारीं बरवेपण । निवाडु दावीं ॥ ४४ ॥
 तैसें व्यासोक्ति अलंकरलें । आवडते बरवेपण पातलें ।
 तें जाणौनि चि काइ आश्रडलें । इतिहासीं ॥ ४५ ॥
 नाना पुरतिये प्रतिष्ठेलागि । सानेव घरूनि आंगीं ।
 पुराणें आख्यानरूपे जगीं । भारता आलीं ॥ ४६ ॥
 ह्यगौनि भारतीं नाही । तें न्हवे चि लोकीं तिहीं ।
 एणें कारणें ह्यणिपे पाहीं । व्यासोच्छिष्ट जगत्रय ॥ ४७ ॥
 ऐसी सुरस जगीं कथा । जे जन्मभूमि परमार्था ।
 मुनि सांघे नृपनाथ । जन्मेजया ॥ ४८ ॥
 जे अद्वितीय उत्तम । पवित्रैक निरूपम ॥
 परममंगल धाम । अवधारिजे ॥ ४९ ॥

आतां भारतकमलपरागु । गीताख्यु प्रसंगु ।
 जो संवादला श्रारंगु । अर्जुनेसीं ॥ १० ॥
 ना तरी शब्द ब्रह्मावधी । मथिलें व्यासबुद्धी ।
 निवडलें निरवधी । नवनीत हें ॥ ५१ ॥
 मग ज्ञानाग्निसंपकें । कडसिलें विवेकें ।
 पदा आलें परिपाकें । आमोदामीं ॥ ५२ ॥
 जें अपेक्षिजे विरक्तीं । अनुभविजे संतीं ।
 मोहंभावे पारंगतीं । रमिजे जेथ ॥ ५३ ॥
 जें आकर्षिजे भक्ति । आदिवंच्य त्रिजगतीं ।
 ते भीष्मपर्वी संगति । सांघिजेळ ॥ ५४ ॥
 जे भगवद्गीता ह्यणिजे । जे ब्रह्मेशानीं प्रसंमिजे ।
 जे सनकादिकीं सेविजे । आदरेनीं ॥ ५५ ॥
 जैसें शारदियेचिये चंद्रकले । माझि अमृतकण कोवले ।
 ते वैचिंति मनें मौआले । चकोरतळगे ॥ ५६ ॥
 तेयापरीं श्रोतां । अनुभवार्थी हे कथा ।
 अति हलुवारपण चित्ता । आणूनियां ॥ ५७ ॥
 हें शब्देंविण संवादिजे । इंद्रियां नेणतां भोगिजे ।
 वोला आधीं झोबिजे । प्रमेयासि ॥ ५८ ॥
 जैसें भ्रमर परागु नेति । परि कमलदले नेला नेणति ।
 तैसी परि आहे सेविती । ग्रंथीं इये ॥ ५९ ॥
 कां आपुला ठाऊ न संडितां । आलंगिजे चंद्र प्रकटतां ।
 हा अनुरागु भोगितां । कुमुदिनी जाणें ॥ ६० ॥
 ऐसेनि गंभीरपणें । थिरावलेनि अंतष्करणें ।
 आथिला तो जाणे । मातु इये ॥ ६१ ॥
 आहो अर्जुनाचिया पांती । जे परिसणेयां योग्य होती ।
 तिहिं कृपा करुनि संतीं । अवधान देयावें ॥ ६२ ॥

भाषार्थदीपिका.

हैं सलगी मियां ह्यणितलें । चरणा लागौनि विनविलें ।
 प्रभू सखोल हृदय आपुलें । ह्यणोनियां ॥ ६३ ॥
 जैसा स्वभावो मायेवापांचा । अपन्य बोले जन्हीं बोबडिया वाचा ।
 तन्हीं अधिकाधिक तेयांचा । संतोखु चि आधि ॥ ६४ ॥
 तैसा तुहीं मी अंगिकारिलां । सज्जनीं आपुला ह्यणितलां ।
 तरि उणावो साहाजें उपमाहला । प्रार्थुं काइ ॥ ६५ ॥
 परि अपराधु तों आणिकु आहे । जें मीं गीतार्थु कळूं पाहें ।
 ते अवधारां विनउं लहें । ह्यणोनियां ॥ ६६ ॥
 हें अनावरत विचारितां । वायां चि धिंवसा उपनला चिन्ता ।
 यन्हविं काइ भानुतेजीं खयाता । शोभा आधि ॥ ६७ ॥
 कां टिटिभुं चांचुवेन्हीं । माप मुये सागरें ।
 मीं नेणतु तिया परीं । प्रवेंतें पथ ॥ ६८ ॥
 आइकां आकाश गवसावें । तरि आणिक तेंमें चि होआवें ।
 ह्यणौनि अपाडु हें आववें । निर्धारितां ॥ ६९ ॥
 एया गीताशाम्नाची थोरी । स्वयं शंभु विवरी ।
 जेथ भवानी प्रष्णु करी । चमत्कारौनि ॥ ७० ॥
 तेथ हरु ह्यणे जेवि नेणजे । देवां जेंमें कां स्वरूप तूझें ।
 हें नित्यनूतन देविजे । गीतातत्त्व ॥ ७१ ॥
 हा वेदार्थसागर । जेया निद्रिताचा घोर ।
 तो स्वयें सर्वेश्वर । अनुवादला ॥ ७२ ॥
 ऐसैं जें अगाध । जेथ वेडावति वेद ।
 तेथ अल्प मीं अतिमंद । काइ होयें ॥ ७३ ॥
 हें अपार कैसें कवलावें । महांतज कवणें ढवलावें ।
 गगन मुठी मुआवें । मशकें केवि ॥ ७४ ॥
 परि पथ असे एकु आधार । तणें चि बोलें मीं सधर ।
 जें सानुकूल श्रीगुरु । ज्ञानदेउ ह्यणें ॥ ७५ ॥

यन्हविं तन्हि मीं मूर्खु । जन्है जाला असे अविवेकु ।
 तन्हीं संतकृपादीपकु । सोज्वलु असे ॥ ७६ ॥
 लोहाचें कनक होये । हें परिमिं सामर्थ्य आहे ।
 कां मृत ही जीवित लाहे । अमृतसिद्धी ॥ ७७ ॥
 जरि प्रकटे सिद्धसरस्वती । तारि मुंकेयां आधि भारती ।
 एथ वस्तुसामर्थ्यशक्ती । नवल काइ ॥ ७८ ॥
 जेयाते कामधेनु ऐसी माये । तेयासि अप्राप्य काहीं आहे ।
 ह्यगौनि मीं प्रवर्ती लाहें । ग्रंथीं इये ॥ ७९ ॥
 तन्हीं न्यून ते पुरते । अधिक ही सरते ।
 कर्तुनि धेयावें हें तुमते । विनविलें मियां ॥ ८० ॥
 आतां देइजे अवधान । तुझीं बोलविलां मीं बोलैन ।
 जैमें चष्टे सूत्राधीन । दारुबंध ॥ ८१ ॥
 तेसा मी अनुगृहीतु । साधूचा निरोपितु ।
 तो आपुला अलंकारितु । भलेंतैसा ॥ ८२ ॥
 तव गुरु ह्यणति राहीं । हें तुज बोलवें न लगे काहीं ।
 आतां ग्रंथा चित्त देइ । झडकारि गा ॥ ८३ ॥
 एया बोला निवृत्तिदासु । पावौनि परम उल्हासु ।
 ह्यणे परियसां मना अवकाशु । देउनियां ॥ ८४ ॥

॥ धृतराष्ट्र उवाच ॥

धर्मक्षेत्रे कुरुक्षेत्रे समवेता युयुत्सवः ।

मामकाः पाण्डवाश्चैव किमकुर्वत संजय ॥ १ ॥

पुत्रस्नेहें मोहितु । धृतराष्ट्रु असे पूसतु ।

सावै संजया मातु । कुरुक्षेत्रिची ॥ ८५ ॥

जे धर्मालय ह्यणिजे । तेथ पांडव आणि माझे ।

गेले असति व्याजें । जूझाचेनि ॥ ८६ ॥

तरि ते चिं येतुळां अवसरीं । काय कीजतसे येरएरीं ।
हैं झडकारि कथन करीं । मजप्रति ॥ ८७ ॥

॥ सञ्जय उवाच ॥

दृष्ट्वा तु पाण्डवानीकं व्यूढं दुर्योधनस्तदा ।
आचार्यमुपसंगम्य राजा वचनमब्रवीत् ॥ २ ॥

तेहलि संजयो बोले । ह्मणे पांडवमैन्य उचळले ।
जैसे महाप्रदर्यां पसरले । कृतांतमुख ॥ ८८ ॥
तैसे ते घनदाट । उठावले एकावट ।
जैसे उलंडले काळकूट । धरी कवण ॥ ८९ ॥
ना तरि वडवानट्टु सांदुकटा । प्रलपवाने पांगवटा ।
सागरु शोपूनि उधवटा । अंगगमि ॥ ९० ॥
तैसे दळ दुर्वर । नागा व्यूढीं परिकर ।
आवरले भयामुर । तिये काळीं ॥ ९१ ॥
ते देखिलेयां दुर्योधने । अठ्ठेरिले कवणे माने ।
जैसे न गणिजे पंचानने । गजवंटांते ॥ ९२ ॥

पश्यंतां पाण्डुपुत्रागामाचार्य महतीं चमूम् ।
व्यूढां द्रुपदपुत्रेण तव शिष्येण धीमता ॥ ३ ॥

मग द्रोणापामी आटा । तेथाने ह्मणे हा देखिल्या ।
कैसा दळमारु उचळला । पांडवांचा ॥ ९३ ॥
गिरिदुर्ग जैसे चालते । तैसे विविध व्यूह भवते ।
हे रचिले आहाति बुद्धिमते । द्रुपदकुमरे ॥ ९४ ॥
जो कां तुझीं शिक्षापिल्या । विद्यमिवमैठा केला ।
तेणे हा सैन्ये सिंधु पाखरिल्या । देख देख ॥ ९५ ॥

अत्र शूरा महेष्वासा भीमार्जुनसमा युधि ।
युयुधानो विराटश्च द्रुपदश्च महारथः ॥ ४ ॥

आणिक ही एथ असाधारण । जे शस्त्रास्त्रीं भले प्रवीण ।
ते क्षात्रधर्मी निपुण । वीर आहाति ॥ ९.६ ॥
बलें प्रौढी पौरुषें । जे भीमार्जुनासारिखें ।
ते सांघेन कवतिकें । प्रसंगें चि ॥ ९.७ ॥
एथ युयुधानु सुभटु । आला असे विराटु ।
महारथी श्रेष्ठु । द्रुपदु वीरु ॥ ९.८ ॥

धृष्टकेतुश्चेकितानः काशिराजश्च वीर्यवान् ।
पुरुजित्कुन्तिभोजश्च शैब्यश्च नरपुङ्गवः ॥ ९ ॥

चेकितानु धृष्टंकेतु । कार्शाश्वरु विक्रान्तु ।
उत्तमौजा नृपनाथु । शैब्यु देव ॥ ९.९ ॥
हा कुन्तिभोजु पाहें । एथ युधामन्यु आला आहे ।
आणि पुरुजितादि रायें । सकाळें जाणें ॥ १०० ॥

युधामन्युश्चविक्रान्त उत्तमौजाश्च वीर्यवान् ।
सौभद्रो द्रौपदेयाश्च सर्व एव महारथाः ॥ ६ ॥

हा सुभद्राहृदयनदनु । जें अपरु नवा अर्जुनु ।
तो अभिमन्यु हणें दुर्योधनु । देखें द्रोणां ॥ १ ॥
आणिकही द्रौपदिकुमर । जे सकलही महारथी वीर ।
मीति नेणजे अपार । मानळें असति ॥ २ ॥

अस्माकं तु विशिष्टा ये तान्निबोध द्विजोत्तम ॥
नायका मम सैन्यस्य संक्षार्थं तान्ब्रवीमि ते ॥ ७ ॥

आतां आमचां दळीं नायक । जे रूढ वीर सैनिक ।

ते प्रसंगे आइक । सांघेन मी ॥ ३ ॥
 उद्देशे एक दानि । जाइजति बोलोनि ।
 तुझीं आदिकरूनि । मुख्य जे जे ॥ ४ ॥

भवान्भीष्मश्च कर्णश्च कृपश्च समितिजयः ।
 अश्वत्थामा विकर्णश्च सौमदत्तिस्तथैव च ॥ ८ ॥

हा भीष्म गंगानंदनु । जो प्रतापतेजस्वीं भानु ।
 रिपुगजपंचाननु । कर्ण वीरु ॥ ९ ॥
 एकैकाचेनि मनोव्यापारे । हे विश्व हांये संहारे ।
 हा कृपाचार्यु न पुरे । एकलाचि ॥ ६ ॥
 एथ विकर्ण वीरु आहे । हा अश्वत्थामा पैलु पाहे ।
 जेयाचा आडदरु सदा वाहे । कृतांतु मनीं ॥ ७ ॥
 समितिजयो सौमदत्ति । ऐसे आणिकही बहुत असति ।
 जेयांचेया बलाची मीती । धाता नेणे ॥ ८ ॥

अन्ये च बहवः शूरा मदर्थे त्यक्तजीविताः ।
 नानाशस्त्रप्रहरणाः सर्वे युद्धविशारदाः ॥ ९ ॥

जे शस्त्रविद्यापारंगत । मंत्रावतार नूर्त ।
 हो काज अस्त्रजात । एथोनि रूढि ॥ ९ ॥
 हे अप्रतिमलु जगीं । पुरता प्रतापु आंगीं ।
 पारि सर्वप्राणे मज चि लागि । आराइले ॥ ११० ॥
 पतिव्रतेचे हृदय जैसे । पतीवांचेनि न स्पर्शे ।
 मी सर्वस्व ययां तैसे । सूमटांसि ॥ ११ ॥
 आमचेया काजाचेनि पाडे । देखति आपुले जीवित थोडे ।
 ऐसे निरवधि चाखडे । स्वाभिभक्ती ॥ १२ ॥
 जूझती कुलकेणी जाणति । कले कीर्त्ति जिंति ।

हैं बहू असो क्षात्रवृत्ती । पृथोनियां ॥ १३ ॥
 ऐसे सर्वे परीं पुरते । वीर दलि आसते ।
 आतां काइ गणूं ययाने । अपार हे ॥ १४ ॥

अपर्याप्तं तदस्माकं बलं भीष्माभिरक्षितम् ।

पर्याप्तं त्विदमेतेषां बलं भीष्माभिरक्षितम् ॥ १० ॥

वरि क्षेत्रियांमात्रि श्रेष्ठु । जो जगजेठी जगीं सूभट्टु ।
 तेया दलवैपणाचा पाट्टु । भीष्मामि पै ॥ १५ ॥
 आतां ययाचेनि बले गवमले । हे दुर्ग जैसे पंचासिले ।
 एणे माने धेकुले । लोकत्रय ॥ १६ ॥
 आदि चि समुद्र काइ । तेथ दुवाडपण कवणा नाही ।
 मग बडवानलु तैसेयाही । धिरजा जैसा ॥ १७ ॥
 ना तारि प्रलयवन्दि महावानु । एयां दोषां जैसा सांघातु ।
 तैसा हा गंगामूतु । सेनापति ॥ १८ ॥
 आतां येणेंसां कवण भीडे । हे पांडवसैन्य कीरु थोकडे ।
 उड्चिले अपाडे । दीप्तसे ॥ १९ ॥
 वरि भीमसेनु वेंथु । तो जालासे सेनानाथु ।
 ऐसे बोलौनि मातु । मांडिली तेणे ॥ २० ॥

अयनेषु च सर्वेषु यथाभागमवस्थिताः ।

भीष्ममेवाभिरक्षन्तु अवन्तः सर्व एव हि ॥ ११ ॥

मग पुनरपि काई बोले । सकलां सैनिकांते ह्मणितले ।
 आतां दलभार आपुलाळे । सारिसे करा ॥ २१ ॥
 जेयां जिया अक्षौहिणी । तेणे तिया आरणां ।
 बरगण कवणा कवणी । महारथीयां ॥ २२ ॥
 तेणे तें आवरिजे । भीष्मातलिं राहिजे ।

हृणे द्रोणाते परिसिजे । तुह्नीं सकलीं ॥ २३ ॥
 हा चि येकु रक्षावा । मी तैसा देखावा ।
 एणें दलभारु आघवा । साचु आमचा ॥ २४ ॥

तस्य संजनयन्हर्षं कुरुवृद्धः पितामहः ।

सिंहनादं विनद्योच्चैः शंखं दध्मौ प्रनापवान् ॥ १२ ॥

एया रायाचेया बोला । सेनापति संतोखला ।
 मग तेणें केला । सिंहनादु ॥ २५ ॥
 तो गाजतसे अद्भुतु । तिहिं लोकां आंतु ।
 प्रतिध्वनि न समातु । उपजतसे ॥ २६ ॥
 तेया चि तुलिगासवें । वीरवृत्तिचेनि थावें ।
 दिव्य शंखु भीष्मदेवें । आम्फुरिल्या ॥ २७ ॥
 ते दोन्ही नाद मीनले । तेथ त्रैलोक्य बधिर जालें ।
 जैसें आकाश कां पडिलें । तूटोनियां ॥ २८ ॥
 घडघडीत अंवर । उचंबलत सागर ।
 क्षोभलें चराचर । कांपत अमे ॥ २९ ॥
 तेणें महाघोषगजरें । द्रुमुद्रुमिति गिरिदरें ।
 तवं दलामाझि रणतुरें । आन्फुरिल्यां ॥ १३० ॥

ततः शंखाश्च भेर्यश्च पणवानकगोमुखाः ।

सहस्रैवाभ्यहन्यन्त स शङ्खस्तुमुल्लोऽभवत् ॥ १३ ॥

उदंडें सैव वाजते । भयानकें ग्वांग्वांतें ।
 महाप्रलयो जेथें । धाकडांमि ॥ ३१ ॥
 तेथ भेडांची कवणि मातु । काचेयां केरु फीटतु ।
 जेणें दचकला कृतांतु । आंग नेघे ॥ ३२ ॥
 भेरी निशाण मादल । शंख टीविला भोंगल ।

आणि भासुर रणकोल्हाळ । मूमटांचे ॥ ३३ ॥
 आवेसें भुजा आत्राटिति । विसणैले हाका देति ।
 जेथ महामद भद्रजाति । धरति ना ॥ ३४ ॥
 एकां उभेयां चि प्राण गेले । चांगाचे दांत बैसले ।
 विरिदांचे दादुले जाले । हीवां ऐमे ॥ ३५ ॥
 ऐसा अद्भुत तुरवंवाळ । आइकांनि ब्रह्मा व्याकुळ ।
 देव लगति प्रलयकाल । होईल हा ॥ ३६ ॥
 ऐसी स्वर्गी मातु । देवैनि तो आकांतु ।
 तवं पांडवदला आंतु । काइ जाळें ॥ ३७ ॥

ततः श्वेतैर्हयैर्युक्ते महति स्यन्दने स्थितौ ।

माधवः पाण्डवश्चैव दिव्यौ शंखौ प्रदध्मतुः ॥ १४ ॥

हों काज सार विजयाचें । किं तें भांडार महातेजाचें ।
 जेथ गरुडाचिये जावळिचे । कांतले च्यान्ही ॥ ३८ ॥
 किं पाखांचा मेरु जैसा । रहवरु मिरवत तैसा ।
 तेजें कोंधाटलिया दिशा । जेयाचेनि ॥ ३९ ॥
 जेथ अश्ववाहकु आपण । वेंकुंठीचा राणा जाण ।
 तेया रथाचे गुण । काइ वर्णू ॥ १४० ॥
 ध्वजेवरि वानरु । तो मूर्त्तमंतु शंकरु ।
 सारथ्यां शार्ङ्गधरु । अर्जुनेसीं ॥ ४१ ॥
 देखां नवल तेया प्रभूचें । अद्भुत प्रेम भक्ताचें ।
 जें सारथ्य पार्थाचें । करितु असे ॥ ४२ ॥

पाञ्चजन्यं हृषीकेशो देवदत्तं धनंजयः ।

पौण्ड्रं दध्मौ महाशंखं भीमकर्मा वृकोदरः ॥ १५ ॥

पाण्डु पाठिसिं घातला । आपण पुढां राहिला ।

तेणें पांचजन्य आस्फुरिला । अवलीला चि ॥ ४३ ॥
 परि तो महाघोषु थोरु । गाजतसे गहीरु ।
 जैसा उदैला दिनकरु । लोपी नक्षत्रांतें ॥ ४४ ॥
 तैसे तुरबंबाल भवते ! जे कौरवदळि गाजत होते ।
 ते हारपौनि नेणों केउते । गेले तेथ ॥ ४५ ॥
 तैसा चि देखें एरें । निनादें अति गहिरें ।
 देवदत्तु धनुर्धरें । आस्फुरिला ॥ ४६ ॥

अनन्तविजयं राजा कुन्तीपुत्रो युधिष्ठिरः ।

नकुलः सहदेवश्च सुघोषमणिपुष्पकौ ॥ १६ ॥

ते दोन्हीं शब्द अचाट । मीनळे एकावट ।
 तेथ ब्रह्मकटाहो शतकूट । हो पांत असे ॥ ४७ ॥
 तवं भीमसेनु विसर्णत्या । जैसा महाकालु खत्रळ्या ।
 तेणें पौंड्रु आत्राटिया । महाशंभु ॥ ४८ ॥
 तो महाप्रलई जलधरु । तैसा घडघडिया गहिरु ।
 तवं अनन्तविजयो युधिष्ठिरु । आपूरिता जाल्या ॥ ४९ ॥
 नकुलें सुघोषु । सहदेवें मणिपुष्पकु ।
 तेणें नादें अंतकु । गजवज्रत्या ॥ १५० ॥

काश्यश्च परमेष्वासः शिखण्डो च महारथः ।

धृष्टद्युम्नो विराटश्च सात्यकिश्चापराजितः ॥ १७ ॥

तेथ भूपति होते आणिक । द्रुपदद्रौपदादिक ।
 हा काशीपति देख । महाबाहु ॥ ५१ ॥

द्रुपदो द्रौपदेयाश्च सर्वशः पृथिवीपते ।

सौमद्रश्च महाबाहुः शंखान्धनुः पृथक्पृथक् ॥ १८ ॥

एथ अर्जुनाचा सूतु । सात्यकी अपराजितु ।
 धृष्टद्युम्नु नृपनाथु । शिखंडी हान ॥ ५२ ॥
 विराटादिक नृपवर । जे सैनीक मुख्य वीर ।
 तिहीं नाना शंख निरंतर । आस्फुरिले ॥ ५३ ॥

स घोषो धार्तराष्ट्राणां हृदयानि व्यदारयत् ।
 नभश्च पृथिवीं चैव तुमुलो व्यनुनादयन् ॥ १९ ॥

तेणें महाघोषनिर्घातें । शेषकूर्म अवचितें ।
 गजब्रजौनि भारातें । सांडूं पाति ॥ ५४ ॥
 तेथ तीन्ही लोक डंडलित । मेरुमंदार आंदोलत ।
 समुद्रजल उसलत । आकाशवेन्ही ॥ ५५ ॥
 पृथिवांतल उलंडों पांत । आकाश असे अडदरत ।
 तेथ रासौभा हांत । नक्षत्रांचा ॥ ५६ ॥
 गेली रे सृष्टि गेली । देवां मोकळवांदि जाली ।
 ऐसी एकताली पीटली । सत्यलोकि ॥ ५७ ॥
 दिहा चि दीनु थोंकला । जैसा प्रलयदीपु माल्हवला ।
 तेथ हाहाकार उठिला । तिहीं लोकि ॥ ५८ ॥
 तव आदिपुरुखु विस्मितु । ह्यणे ज्ञनें होये अंतु ।
 मग लोपिला अद्भुतु । संभ्रमु तो ॥ ५९ ॥
 ह्यणोनि विश्व संवरलें । यन्हवि युगांत होते उडवलें ।
 जेथ महाशंख आपूरिलें । कृष्णादिकीं ॥ १६० ॥
 तो घोषु तरि उपसंहरला । परि पडिसादा हांउनि राहिला ।
 तेणें दलभारु विध्वंसिला । कौरवांचा ॥ ६१ ॥
 जैसा सींहुं गजवंटा आंतु । संचरे लीला विदारतु ।
 तैसा हृदयातें भेदितु । वीरांचेयां ॥ ६२ ॥
 तो गाजत जव आइकति । तव उभेयां चि हियें घालिति

एक एकातें ह्यणति । सावध रे ॥ ६३ ॥
 तेथ बलें प्रौढी पुरते । जे महारथी वीर होते
 तिहि पुनरपि दलाते । आवरिलें ॥ ६४ ॥
 मग सरिसेपणें उठावले । दुणावटौनि उचलले ।
 तेया दंडी क्षोभलें । लोकत्रय ॥ ६५ ॥
 तेथ बाणवारी धनुर्धर । वरिषताति निरंतर ।
 जैसे प्रलयांतीं जलधर । अनिवार कां ॥ ६६ ॥

अथ व्यवस्थितान्दृष्ट्वा धार्तराष्ट्रान्कपि ध्वजः ।
 प्रवृत्ते शस्त्रसंपाते धनुर्द्वयस्य पाण्डवः ॥ २० ॥

तें देखिलेयां अर्जुनें । संतोखु घेउनि मनें ।
 मग संभ्रमे सैन्यें ! अवलोकित असे ॥ ६७ ॥
 तव संग्रामीं मज्ज जाळे । सकळ कारव देखिले ।
 मग लीला धनुष उचलिले । पांडुकुमरे ॥ ६८ ॥

हृषीकेशं तदा वाक्यमिदमाह महीपते ।
 सेनयोरुभयोर्मध्ये रथं स्थापय मेऽच्युत ॥ २१ ॥

तेव्हलें ह्यणतसे देवा । आतां झडकारि रथु पलाशा ।
 नेउनि मध्ये घालावा । दोहीं दलां ॥ ६९ ॥

यावदेतास्त्रिरीक्ष्येऽहं योद्धुकामानवस्थितान् ।
 कैर्मया सह योद्धव्यमस्मिन्नणसमुद्यमे ॥ २२ ॥

जव मीं नाव येक । हे सकळें वीर सैनिक ।
 निहालींम अशेख । जुझते जे ॥ १७० ॥
 एथ आलें असति आघवे । परि मियां कवणेंसीं जुझावें ।
 हें रणीं लागे पहावें । ह्यणोनियां ॥ ७१ ॥

योत्स्यमानानवेक्ष्येऽहं य एतेऽत्र समागतः ।
धार्तराष्ट्रस्य दुर्वुद्धेर्युद्धे प्रियचिकीर्षवः ॥ २३ ॥

बहुत करुनि कौरव । हे आतुर दुःस्वभाव ।
वांठिवांविण हांव । बांधनि जुझीं ॥ ७२ ॥
जुझाची आवडि धरति । परि संप्रामीं थीर न्हवति ।
हे सांघ्रानि रायाप्रति । काइ संजयो ह्मणे ॥ ७३ ॥

संजय उवाच

एवमुक्तो हृषीकेशो गुडाकेशेन भारत ।
सेनयोरुभयोर्मध्ये स्थापयित्वा रथोत्तमम् ॥ २४ ॥

आइका अर्जुनु इतुकें बोलिल्ला । तव कृष्णें रथु पेलिला ।
दाहो सैन्यामाहि केला । उभा तणे ॥ ७४ ॥

भीष्मद्रोणप्रमुखतः सर्वेषां च महीक्षिताम् ।
उवाच पार्थ पश्यैतान्समवेतान्कुरूनिति ॥ २५ ॥

जेथ भीष्मद्रोणादिक । जवलिकेचि संमुख ।
पृथिवीपति आणिक । बहुत आहानि ॥ ७५ ॥
तेथ थीरु करुनि रथु । अर्जुनु असे पांतु ।
तो दलभारु समस्तु । संभ्रमंमीं ॥ ७६ ॥
मग ह्मणे देव देव । हे गोत्रगुरु अशेष ।
तव कृष्णा मनीं नायक । विस्मां जाला ॥ ७७ ॥
तो आपणपेंयां आपण ह्मणे । एथ काइ कंवन जाणे ।
हे मनीं धरिलें एणें । परि काहीं असे ॥ ७८ ॥
ऐसी पुढील से घेतु । तो साहाजे जाणे हृदयस्थु ।
परि उगाचि असे निवातु । तिथे वेले ॥ ७९ ॥

तत्रापश्यत्स्थितान्पार्थः पितृन्थ पितामहान् ।

आचार्यान्मातुलान्भ्रातृन्पुत्रान्पौत्रान्सखींस्तथा ॥ २६ ॥

तवं तेथ पार्थु सकल । पितृ पितामह केवल ।

गुरु बंधु मातुल । देखता जाला ॥ १८० ॥

इष्ट मित्र आपुले । कुमर हान देखिले ।

शालंक असति आले । तेयामाञ्चि ॥ ८१ ॥

श्वशुरान्सुहृदश्चैव सेनयोरुभयोरपि ।

तान्समीक्ष्य स कौन्तेयः सर्वान्बन्धूनवस्थितान् ॥ २७ ॥

सुहृद हान समुरे । आणिक ही सखे सोयरे ।

कुमर पौत्र धनुर्धरें । देखिले तेथ ॥ ८२ ॥

जेयां उपकार होंते केले । जे आपदीं होंते रक्षिले ।

हें असो वडिल धाकुले । आदि करुनि ॥ ८३ ॥

ऐसें गोत्र चि दोहीं दलीं । उद्यत जालें असे कली ।

तें अर्जुनें तिये कालीं । अवलोकिलें ॥ ८४ ॥

कृपया परयाविष्टो विषीदन्निदमब्रवीत् ।

अर्जुन उवाच ॥

दृष्ट्वेमं स्वजनं कृष्ण युयुत्सुं समुपस्थितम् ॥ २८ ॥

एथ मनीं गजबज जाली । आपैसी कृपा आली ।

तेणें अपमानें निगाली । वीरवृत्ति ॥ ८५ ॥

जिये उत्तमे कुलिचिया होंति । आणि गुणलावण्यें आथि ।

तिया आणिकीतें न साहाति । मुतेजपणें ॥ ८६ ॥

नविये आश्रडिचेनि भरें । कामिकु निज वनिता विसरें ।

मग पाडेंविण अनुसरे । भ्रमला जैसा ॥ ८७ ॥

कां तपोबलं रिद्धि । पातलेयां भंशु बुद्धी ।
 मग विरगतां सिद्धि । आठवेना ॥ ८८ ॥
 तैसैं अर्जुना तेथ जालें । जें असतें पौरुष धाडिलें ।
 जें अंतष्करण दीन्हलें । कारुण्यासि ॥ ८९ ॥
 देखां मंत्रजु बरलु जाये । तेथ कां जैसा संचारु होये ।
 तैसा तो धनुर्धरु महामोहें । आकलिला ॥ १९० ॥
 ह्यणौनि असता धीरु गेला । हृदयासि द्रा३० आला ।
 जैसा चंद्रकला सीतला । सोमकांतु ॥ ९१ ॥
 तिया परीं पार्थु । अति स्नेहें मोहितु ।
 मग सखेदु असे बोलतु । अच्युतेंसीं ॥ ९२ ॥
 तो ह्यणे अवधारीं देवा । मियां पाहिला हा मेलावा ।
 तवं गोत्रवर्गु आववा । देखिला ण्य ॥ ९३ ॥
 हे संग्रामीं अति उदित । जाले असति कीरु समस्त ।
 परि आपणयां उचित । केवि होये ॥ ९४ ॥
 येणें नावें चि नेणों काड । मज आपणपें सर्वथा नाहीं ।
 मनो बुद्धि ठांड । धीरु न्हवे ॥ ९५ ॥

सौदन्ति मम गात्राणि मुखं च परिशुष्यति ।

वेपथुश्च शरीरे मे रोमहर्षश्च जायते ॥ २९ ॥

देखैं देह कांपत । तोंड असे कोरडें होंत ।
 विकलता उपजत । गात्रांसि ॥ ९६ ॥
 सर्वांगा कांटाळा आला । अति संतापु उपनला ।
 तेणें विन्हलु हातु गेला । गांडिवाचा ॥ ९७ ॥

वाष्पदीपं कंसते हस्तास्त्रफणैश्च पारेदृक्षते ।

न च शक्नोत्यवस्थातुं भ्रमतीश्च न मे मनः ॥ ३० ॥

ते न धरत निसुटलें । परि नेणे चि हातौनि पडिलें ।
 ऐसैं हृदय असें व्यापलें । मोहें तेणें ॥ ९८ ॥
 जें वज्रापासौनि कठिन । दुर्द्धर अति दारुण ।
 तेयाहीहूनि असाधारण । हें स्नेहनवल ॥ ९९ ॥
 जेणें शंकर रणीं जीतिला । कृतांतु आंकणा घातला ।
 तो अर्जुनु मोहें कवलिला । क्षणामाक्षि ॥ २०० ॥
 जैसें भ्रमर तरि भेदी कोडें । भलेतैसें काष्ट कोरडें ।
 परि कलिकेमाक्षि सांपडे । कोवलिये ॥ १ ॥
 तेंथ उत्तीर्ण होये प्राणें । परि तें कमलंदल चीरूं नेणे ।
 ऐसैं कठिन कोवलेपणें । स्नेह देखां ॥ २ ॥
 हे आदिपुरुषाची माया । ब्रह्मेयाहीं नैये चि आया ।
 ह्यणौनि भुलविला आइकें राया । संजयो ह्यणे ॥ ३ ॥
 अवभारीं मग ता अर्जुनु । देखौनि सकळु स्वजनु ।
 विसरला अभिमानु । संग्रामिचा ॥ ४ ॥
 कैसी नेणों सदयता । उपनलीं असे चित्ता ।
 मग ह्यणे कृष्णा आतां । नसिजे एथ ॥ ५ ॥
 माझे अतिशयें मन व्याकुल । होंतसे वाचा बरल ।
 जें वधावे हे सकल । एणें नावें ॥ ६ ॥

निमित्तानि च पश्यामि विपरीतानि केशव ।

न च श्रेयोनुपश्यामि ह्रस्वा स्वजनमाहवे ॥ ३१ ॥

एयां कौरवां वरिवावें । तरि युधिष्ठिरादिक कां नेधावे ।
 हे येरयेरै आववे । गोत्र आमुचें ॥ ७ ॥
 ह्यणौनि जलो हें जूझ । प्रत्यया नैये मज ।
 एणें काइ काज । महापापें ॥ ८ ॥
 देवा बहुतीं परीं पांतां । एथ उग्वटें होईल जूझतां ।
 वर काहीं एक चुकवितां । लामु आथि ॥ ९ ॥

न काङ्क्षे विजयं कृष्ण न च राज्यं सुखानि च ।
किं नो राज्येन गोविन्द किं भोगैर्जीवितेन वा ॥ १२ ॥

तिया विजयवृत्ती काहीं । मज सर्वथा काज नाही ।
एथ राज्य तरि काइ । हें पाउनियां ॥ २१० ॥

येषामर्थे काङ्क्षितं नो राज्यं भोगाः सुखानि च ।
त इमेऽवस्थिता युद्धे प्राणांस्त्यक्त्वा धनानि च ॥ ३३ ॥

एयां सकलांतें वधावें । मग जे भोग भोगावे ।
जलतु ते आववे । पार्थु ह्यणे ॥ ११ ॥
तेणें सुखेंविण जें होइल । तें भलेतें वर साहिजैल ।
वरि जीवित ही शेंपीं जाइल । एथ देवा ॥ १२ ॥
परि यांसि घातु कीजे । मग आपण राज्य भोगिजे ।
हें स्वर्गी ही मन माझें । करूं न शके ॥ १३ ॥
तरि आह्मीं कां जन्मावें । कवणालागि जियावें ।
जें वडिलां येयां चितावें । विरुं मनीं ॥ १४ ॥
पुत्रातें इच्छी कुल । तेयाचें काइ हें चि फल ।
जें निर्दलिजे केवल । गोत्र आपुलें ॥ १५ ॥
हें मनीं चि केवि धरिजे । आपण वज्राचेंयां बोलिजे ।
वर घडे तरि कीजे । भलें एयां ॥ १६ ॥
आह्मीं जें जें जोडावें । तें समस्तीं इहीं भोगावें ।
हें जिवित ही उपकरावें । कार्जीं यांचां ॥ १७ ॥
आह्मीं दिगंतिचे भूपाल । विभांडूनि सकल ।
संतोषाधिजे कुल । आपुलें जें ॥ १८ ॥
ते चि हे समस्त । परि कैसें कर्म विपरीत ।
जें जाले असती उद्यत । जूझावेया ॥ १९ ॥
आंतौरिया कुमरें । सांडूनियां भांडारें ।

भाषार्यदीपिका.

शास्त्रालीं जिन्हारें । आरोपुनि ॥ २२० ॥
ऐसेयांतें कैसेनि मारूं । कवणावरि शस्त्र धरूं ।
निज हृदया करूं । भेदु केवि ॥ २१ ॥

आचार्याः पितरः पुत्रास्तथैव च पितामहाः ।

मातुलाः श्वशुराः पौत्राः शालाः संबन्धिनस्तथा ॥ ३४ ॥

हे नेणसि तूं कवण । तरि पैल पैं भीष्मद्रोण ।
जेयांचे उपकार असाधारण । आत्मां बहुत ॥ २२ ॥
एथ शालक ससुरे मातुल । आणि बंधु किर हे सकल ।
पुत्र नातू केवल । इष्ट असति ॥ २३ ॥
अवघारीं अति जवलिकेचे । हे मकल ही सोड्रे आमचे ।
झणौनि दोषु आथि वाचे । ण्णं नावं ॥ २४ ॥

एतान्न हन्तुमिच्छामि घ्नतोपि मधुसूदन ।

अपि त्रैलोक्यराज्यस्य हेतोः किं नु महीकृते ॥ ३५ ॥

हे वर भलेतें करितु । आतां चि एथ मारितु ।
परि आपण मनें घातु । न चिंतावा ॥ २५ ॥
त्रैलोकिकें अनकलित । जन्हें राज्य जोडैल एथ ।
तन्हें हें अनुचित । नाचरें मीं ॥ २६ ॥

निहस्य धार्तराष्ट्रान्नः का प्रीतिः स्याज्जनार्दन ।

पापमेवाश्रयेदस्मान्हत्वैतानाततायिनः ॥ ३६ ॥

जरि आजि एथ ऐसं कीजे । तरि कवणाचां मनीं उरिजे ।
सांघें मुख केवि पाहिजे । तूझें कृष्णा ॥ २७ ॥
जरि वधु करुनु गोत्राचा । तरि वसैठा होइन दोस्त्रांचा ।
मग जोडलासि तूं हातिचा । दूरि होंसी ॥ २८ ॥

कुलहरणी पातके । तिये आंगी जडति अशेषे ।
 तेन्हलि तूं कवणे के । देखावासि ॥ २९ ॥
 जैसा उद्यानामाक्षि अनलु । संचरला देखौनि प्रबलु ।
 क्षणु एकु कोकिलु । स्थिर न्हवे ॥ १३० ॥
 कां सकईमु सरोवरु । अवलोकुनिया चकोरु ।
 न सेवितु अन्हेरु । करुनि निगे ॥ ३१ ॥
 तिया परी तूं देवा । मग झांकउं नैयेसि मावा ।
 जरि पुण्याचा ओलावा । नाशजैल ॥ ३२ ॥

तस्मान्नाहार्हा वयं हंतुं धार्तराष्ट्रान्सबांधवान् ।

स्वजनं हि कथं हत्वा सुखिनः स्याम माधव ॥ ३७ ॥

हणौनि मीं हें न करीं । इये संग्रामीं शस्त्र न धरीं ।
 हें कीडाल बहुती परीं । दीसतसे ॥ ३३ ॥
 तुजसिं अंतरा३० होइल । मग सांघें आमचें काइ उरैल ।
 तेणें दुःखें चि हियें फूटैल । तुआंविण ॥ ३४ ॥
 हणौनि कौरव हे वधिजति । मग आह्मीं भोग भोगिजति ।
 हे असो मातु अघडती । अर्जुनु हणु ॥ ३५ ॥

यद्यप्येते न पश्यति लोभोपहतचेतसः ।

कुलक्षयकृतं दोषं मित्रद्रोहेच पातकम् ॥ ३८ ॥

हे अभिमानमदें भूलले । जन्हीं पा संग्रामा आले ।
 तन्हीं आह्मीं हित आपुलें । जाणावें लागे ॥ ३६ ॥
 मागें चि चालतां । पुढां सिंहुं दीसे अवचिता ।
 तो चूके तवारी चुकवितां । वांचिजे कीं ॥ ३७ ॥

कथं न ह्येयमस्माभिः पापादस्माभिर्षितुं ।

कुलक्षयकृतं दोषं प्रपश्यन्निर्जनावन ॥ ३९ ॥

हैं ऐसैं कैसें करावें । जें आपुले आपण मारावे ।
जाणतां केवि सेवावें । कालकूट ॥ ३८ ॥
आतां असता प्रकाशु सांडावा । मग अंधकूपु आश्रावा ।
तारि तेथें कवणु देवा । लाभु सांघैं ॥ ३९ ॥
कां समोर आगि देखौनि । जरि न वचिजे चि उ०संडुनि ।
तारि क्षणा येका कवलुनि । जाळूं शके ॥ २४० ॥
तैसे दोख हे मूर्त्त । आंगि वाजों असति पांत ।
हैं जाणतां केवि एथ । प्रवर्त्तावें ॥ ४१ ॥

कुलक्षये प्रणश्यंति कुलधर्माः सनातनाः ।
धर्मं नष्टे कुलं कुत्स्नमधर्मोऽभिभवत्युत ॥ ४० ॥

जैसें काष्टें काष्ट मथिजे । तेथ वन्हि एकु उपजे ।
तेणें काष्टजात जालिजे । प्रज्वललेनि ॥ ४२ ॥
तैसें गोत्रिं चि परस्परें । जरि वधु घडे मत्सरें ।
तारि तेणें दोषें महाघोरें । कुल चि नशे ॥ ४३ ॥
ह्यणौनु एणें पापें । वंशजधर्म लोपे ।
मग अधर्म चि आरोपे । कुलामाजि ॥ ४४ ॥

अधर्माभिभवात्कृष्ण प्रदुष्यंति कुलस्त्रियः ।
स्त्रीषु दुष्टासु वार्ष्णेय जायते वर्णसंकरः ॥ ४१ ॥

तेथ सारासार न विचारार्यें । कव्हणें काड आधरावें ।
जणें विधिनिषेध आघवं । पारुखति ॥ ४५ ॥
असता दीपु धवडिजे । मग अंधकारिं राहाटिजे ।
तारि उजू चि आडलिजे । जेया परी ॥ ४६ ॥
तैसा कुळीं क्षयो होये । तेव्हालिं आदिधर्मुं जाण ।
मग आन काहीं आहे । पापावांचौनि ॥ ४७ ॥

जै यमनियम टकाति । तै इन्द्रिये सैरा विचरति ।
 ह्यणौनि व्यभिचार घडति । कुलस्त्रियां ॥ २४८ ॥
 उत्तम अधर्मी संचरति । वर्णावर्ण मिसलति ।
 तेथ समूल उपडति । जातिधर्म ॥ ४९ ॥
 जैसें चोहटांचेया बर्ला । पांवति सैरा काउलीं ।
 तैसीं महापापें कुलिं । प्रविशति ॥ २५० ॥

संकरो नरकायैव कुलघ्नानां कुलस्यच ।
 पतंति पितरो ह्येषां लुप्तपिंडोदकक्रियाः ॥ ४२ ॥

मग कुला तेया अशेखा । आणिक कुलघातकां ।
 एरएरां नरका । जाणें आधि ॥ ५१ ॥
 देखें वंशवृद्धि समस्त । इया परी होए पतित ।
 मग उभंडति स्वर्गस्थ । पूर्वपुरुष ॥ ५२ ॥
 जंथ नित्यादि क्रिया टके । नैमित्तिक कर्म पारुखे ।
 तेथ कव्हणा तिलोदके । कवण अर्पी ॥ ५३ ॥
 तारि पितर काइ करिनि । कैसेनि स्वर्गि वसति ।
 ह्यणौनि ते हीं येति । कुलापासिं ॥ ५४ ॥
 जैसा नखाग्रिं व्यालु लागे । तो शिखांत पावे वेगें ।
 तेविं आब्रह्म कुल आववें । आप्लविजे ॥ ५५ ॥

दोषैरेतैः कुलघ्नानां वर्णसंकरकारकैः ।
 उत्साद्यते जातिधर्माः कुलधर्माश्च शाश्वताः ॥ ४३ ॥
 उत्सन्नकुलधर्माणां मनुष्याणां जनार्दन ।
 नरके नियतं वासो भवतीत्यनुशुभ्रम् ॥ ४४ ॥
 अहो बत महत्पापं कर्तुं व्यवसिता बभूव ।
 यद्राज्यसुखलोभेन हंतुं स्वजनमुद्यताः ॥ ४५ ॥

देव्या अवधारीं आणिक एक । एथ घडे महापापकां ।

जें संगदोषें हें लौकिक । अंश पावें ॥ ५६ ॥
 जैसा घरिं आपुलां । बानिवसें बन्दि लागला ।
 तो आणिकां हीं पाजलला । जालौनि घली ॥ ५७ ॥
 तैसिया तिया कुलसंगती । जे जे लोक प्रवर्त्तति ।
 ते हिं बाधा पावति । निमित्तें एणें ॥ ५८ ॥
 तैसें नाना दोषीं संकुल । अर्जुनु हणें तें कुल ।
 महाघोर केवल । निरय भोगी ॥ ५९ ॥
 पडलेयां तिये ठांडें । कल्पांतीं हीं उगंडु नाहिं ।
 एसणें पतन कुलक्षयिं । अर्जुनु हणें ॥ २६० ॥
 देवा हें विविध आइकिजे । परि अद्भुइंवरि त्रास नुपजे ।
 हिये वज्राचें हें काइ कीजे । अवधारीं पां ॥ ६१ ॥
 अपेक्षिजे राज्यमुख । जेयालागिं तें तवं क्षणिक ।
 ऐसें जाणतां हीं दोख । अव्हेरुं ना ॥ ६२ ॥
 जें हे वडिल सकल आपुलें । बधावेयां दीठि सूदले ।
 साधें पां काइ धेकुलें । घडलें आह्लां ॥ ६३ ॥

यदिमामप्रतीकारमशस्त्रं शस्त्रपाणयः ।

धार्तराष्ट्रा रणे हन्यु स्तन्मे क्षेमतरं भवेत् ॥ ४६ ॥

आतां इयावेन्दि जें जिआवें । तेयापासौनि हें बरवें ।
 जें शस्त्रें संडौनु साहावें । बाण एयांचे ॥ ६४ ॥
 इयावेन्दि हीए जेतुकें । तें मरण हीं वर नीकें ।
 परि एणें कल्मषें । चाड नाही ॥ ६५ ॥

सञ्जय उवाच ॥

एवमुक्त्वार्जुनः संख्ये रथोपस्थ उपाविशत् ।

षिसृज्य सशरं चापं शोकसंविग्नमानसः ॥ ४७ ॥

ऐसैं तिये अवसरीं । अर्जुनु बोलिला समरीं ।
 संजयो ह्मणे अवधारीं । धृतराष्ट्रते ॥ ६६ ॥
 मग अत्यंत उद्वेगला । नधरे गहिवर आला ।
 तेथ उडी घातली खाल्या । रथानियां ॥ ६७ ॥
 जैसा राजकुमरु पदच्युतु । सर्वथा होये उपहतु ।
 कां रवि राहुप्रस्तु । प्रभार्हानु ॥ ६८ ॥
 ना तरि महासिद्धिसंभ्रमें । जीतला तापसु भ्रमें ।
 मग आकलनि कामें । दीनु कीजे ॥ ६९ ॥
 तैसा तो धनुर्द्धरु । अत्यंत दुःखें जर्जरु ।
 दीसे तेथ राहवरु । त्यजिला तेणें ॥ २७० ॥
 मग धनुष्यवाण सांडिले । नधरत अश्रुपात आले ।
 ऐसैं आइकैं तेथ वर्त्तले । संजयो ह्मणे ॥ ७१ ॥
 आतां यावरि वैकुण्ठनाथ । देवौनि सखेटु पार्थ ।
 कवणी परी परमार्थ । निरोपीळ ॥ ७२ ॥
 ते सविस्तर पुढां कथा । अति सकौतुक आइकर्ता ।
 जें ज्ञानदेउ ह्मणेल आतां । निवृत्तिदामु ॥ २७३ ॥

ॐ तत्सदिति श्रीमद्भगवद्गीताम्पनिषत्सु ब्रह्मविद्यायां योगशास्त्रे

श्रीकृष्णार्जुनसंवादे अर्जुनविषादो नाम प्रथमोऽध्यायः ॥

॥ श्रीकृष्णार्पणमस्तु ॥

॥ व्याख्यानमिदं ॥



ज्ञानेश्वरी

अध्याय दुसरा

सञ्जय उवाच ॥

तं तथा कृपयाविष्टमश्रुपूर्णाकुलेक्षणं ।

विषीदंतमिदं वाक्यमुवाच मधुसूदनः ॥ १ ॥

मग संजयो ह्यणे रायातें । आइकें तो पार्थु तेथें ।

शोकाकुलित रुदनातें । करीतु असे ॥ १ ॥

तें कुल देखौनि समस्त । स्नेह उपनळें अद्भुत ।

तेणें द्रवळें असे चित्त । कवणी परी ॥ २ ॥

जैसें लवण जळें झलंबळें । ना तरि अभ्र वातें हालें ।

तैसें सधिर पारि विरालें । हृदय तेयाचें ॥ ३ ॥

ह्यणुनि कृपा आकळिला । दीसतसे अति कोमाइला ।

जैसा कईमीं रूतला । राजहंसु ॥ ४ ॥

तिया परी तो पांडुकुमरु । महामोहें निर्भरु ।

तें देखौनि सारंगधरु । काये बोले ॥ ५ ॥

श्रीभगवानुवाच ॥

कुतस्त्वा कश्मलमिदं विषमे समुपस्थितं ।

अनार्यजुष्टमस्वर्ग्यमकीर्तिकरमर्जुन ॥ २ ॥

ह्यणे अर्जुना आदिं पाहिं । तुज उचित कायं इयें छंडं ।
 तूं कवणु हें काइ । करीतु आहासि ॥ ६ ॥
 तुज सावें काय जालें । कवण उणें आलें ।
 करितां काइ ठेलें । खेदु काइसा ॥ ७ ॥
 तूं अनुचिता चित्त नेंदिमी । धीरु कहिं न संडिसि ।
 तूझेनि नावें आपेसि । दिशा लंघी ॥ ८ ॥
 तूं शूरवृत्तिचा ठाऊ । क्षत्रियांमाझि राऊ ।
 तूझेया लाठपणाचा आवो । तिहिं लोकिं ॥ ९ ॥
 तुवां संग्रामीं हरु जींतल्या । निवातकवचाचा ठावो फेडिला ।
 पवाडा तुवां केला । गंधर्वांसि ॥ १० ॥
 हें पातां तूझेनि पाडें । दीसे त्रैलोक्य ही थोकडें ।
 ऐसें पौरुष चोखडें । पार्था तूझे ॥ ११ ॥
 तो तूं किं आजि येथें । मांडूनियां वीरवृत्तितें ।
 अधोमुख रुदनातें । करीतु आहासि ॥ १२ ॥
 विचारीं तूं अर्जुनु । किं कारुण्यें कीजतासि दीनु ।
 सांघ पां अंधकारें भानु । ग्रसिला आधि ॥ १३ ॥
 नातारि पवनु मेघासि विहे । किं अमृतासि मरण आहे ।
 पाहे पां इन्धन चि गीळूनि जाये । पावकातें ॥ १४ ॥
 किं लवणें चि जल विरे । संसर्गें कालकूट मरे ।
 सांघें महाफणि दर्दुरें । गीळिजे कायि ॥ १५ ॥
 सिंहांसि झोत्रे कोल्हा । ऐसा अपाडु आधिकां जाला ।
 परि तुवां साचु केला । आजि येथें ॥ १६ ॥
 ह्यणुनि आशुंडं अर्जुना । ज्ञनें चित्त देंसि यया हीना ।
 वेगीं धीरु करुनि मना । सावधु होइ ॥ १७ ॥
 सांडीं हें मूर्खपण । उठिं घेइं धनुषबाण ।
 संग्रामिं हें कवण । कारुण्य तूझे ॥ १८ ॥

हा मा तू जाणता । तरि न विचारीसि कां ज्ञातां ।
 साचें जूझावेले सदयता । उचित काई ॥ १९ ॥
 हें असतिये कीर्ती नाशु । आणि पारत्रिकासि अंशु ।
 क्षणे जगन्निवामु । अर्जुनातें ॥ २० ॥

ह्येभ्यं मा स्म गमः पार्थ नैतत्त्वय्युपपद्यते ।
 क्षुद्रं हृदयदौर्बल्यं त्यक्त्वोत्सिष्ठ परंतप ॥ ३ ॥

क्षणुनि शोक न करीं । हा पुरुता धोरु धरीं ।
 हे शोच्यता अब्हेरीं । पांडुकुमरा ॥ २१ ॥
 तुज नव्हे हें उचित । येणें नाशिल जोडलें बहुत ।
 तूं अशुद्ध हित । विचारि पां ॥ २२ ॥
 येणें संग्रामाचेनि अवसरें । यथ कृपालुपण नुपकरे ।
 हे आतां चि काइ सोडरे । जाले तुज ॥ २३ ॥
 तूं आदीं चि काइ नेणसि । किं हें गोत्र नोलखसि ।
 वायां चि काइ करिसी । अतिशो एथ ॥ २४ ॥
 आजिचें हें जूझ । काये जन्मा नवल तूज ।
 हें परस्परें तुझा व्याज । सदा चि आथि ॥ २५ ॥
 तरि आतां चि काइ जालें । काइसें खेह उपनलें ।
 हें नेणजे परि कुडें केलें । अर्जुना तुवां ॥ २६ ॥
 मोहो धरिल्यां ऐसें होइल । जें असती प्रतिष्ठा जाइल ।
 आणि परलोक अंतरैल । इहिकेंसीं ॥ २७ ॥
 हृदयाचें ढीलेपण । यथ नीकेयासि नव्हे कारण ।
 ह संग्रामि पतन जाण । क्षत्रियांसि ॥ २८ ॥
 ऐसेनि तो कृपावंतु । नानापरी असे सिक्कित्तु ।
 तें आइकामि पांडुसुतु । काये बोले ॥ २९ ॥

अर्जुन उवाच ॥

कथं भीष्ममहं संख्ये द्रोणं च मधुसूदन ।

इषुभिः प्रतियोत्स्यामि पूजार्हावरिसूदन ॥ ४ ॥

देवा हैं इतुलेवेहीं । बोलावें नलगे अवधारीं ।
 आदीं तूं चि चित्ति विचारीं । संप्रामु हा ॥ ३० ॥
 हैं जूझ नव्हे प्रमादु । येथ प्रवर्तलेयां दीसतसे बाबु ।
 हा उघड लिंगभेदु । वोडवला आह्वा ॥ ३१ ॥
 देखैं मातापितरें अर्चिजति । तियें सर्वस्वें तोषु पावविजति ।
 तियें पाठीं केवि वधिजति । आपुलां हातीं ॥ ३२ ॥
 देवा संतवृंद नमस्कारिजे । कां घडे तरि पूजिजे ।
 हैं बांचूनि केवि निदिजे । स्वयें वाचा ॥ ३३ ॥
 तैसे गोत्रगुरु आमचे । हे पूज्य आह्वां नियमाचे ।
 मज बहूत भीष्मद्रोणाचें । वर्ततसे ॥ ३४ ॥
 जेयांलागि मनें वीरु । आह्वाी स्वप्नीं हिं न धरुं ।
 तेयां प्रत्यक्ष केवि करुं । धातु देवा ॥ ३५ ॥
 वर जलो हें जियालें । येथ आवघेयांसि हें चि जालें ।
 जे याचा वधिं अभ्यासिलें । मिरविजे आह्वाीं ॥ ३६ ॥
 मी पार्थु द्रोणाचा केला । येणें धनुर्वेदु मज दीन्हला ।
 तेणें उपकारें काइ आभारैलां । वधिं ययातें ॥ ३७ ॥
 जेथिंचिया कृपा लाभे वरु । तेथ चि मनें व्यभिचारु ।
 तरि काइ मी भस्मासुरु । अर्जुनु हणुणे ॥ ३८ ॥
 देवा समुद्र हा भरितुं आइकिजे । वर तो ही आहाचु देखिजे
 परि क्षोभु मनीं नेणिजे । द्रोणाचिये ॥ ३९ ॥
 हें अपार जें गगन । वरि तेया ही होईल मान ।
 परि अगाध भलें गहन । हृदय ययाचें ॥ ४० ॥

वरि अमृत ही वीटे । कां कालवसें वज्र फूटे-
 परि मनोधर्मु न लोटे । विकरविला हा ॥ ४१ ॥
 स्नेहालागि माये । ह्यणिपे तें कीरु हांये ।
 परि कृपा ते मूर्त आहे । इये द्रोणीं ॥ ४२ ॥
 हा कारुण्याची आदि । सकल गुणाचा निधि ।
 विद्यासिंधु निरवधी । अर्जुनु ह्यणे ॥ ४३ ॥
 हा येणें मानें महंतु । वरि आह्मालागि कृपावंतु ।
 आतां सांघ पां काड् घातु । येथ चित्तु येइल ॥ ४४ ॥

**गुरूनहत्वा हि महानुभावान्श्रेयो भोक्तुं भैक्ष्यमपीह लोके ।
 हत्वार्थकामांस्तु गुरूनिहैव भुंजीय भोगान्रुधिरप्रदिग्धान् ॥५॥**

हे ऐसे रणि वधावे । मग आपण राज्यसुख भोगावें ।
 हें मना नैये आघवें । जीवितेंसि ॥ ४५ ॥
 हे येणें मानें दुर्भर । जें यया ही हानि भोग सपुर ।
 ते असतु एथ भिक्षा वर । मागतां भळी ॥ ४६ ॥
 नातारि देशत्यागें जाइजे । कां गिरिकंदर सेविजे ।
 परि शस्त्र आतां न धरिजे । ययांवरि ॥ ४७ ॥
 देवा नव नवनिसितिं सरिं । वावरुनि येयांचां जिव्हारीं ।
 भोग गिंवसात्रे रुधिरिं । बुडाले जे ॥ ४८ ॥
 ते काढुनि काये कीजति । विलिप्त केवि सेविजति ।
 मज नैये हें उपपत्ती । इया चि लागि ॥ ४९ ॥

**४ श्रौतद्विभः कतरन्नो गरीयो यद्वा जयेम यदि वा नो जयेयुः ।
 यामेव हत्वा न जिजीविषामस्तेऽवस्थिताः प्रमुखे धार्तराष्ट्राः ॥ ६॥**

ऐसें अर्जुनु तियें अवसरीं । ह्यणे कृष्णा अवधारीं ।
 परि तें मना नैये चि मुरारी । आइकौनियां ॥ ५० ॥

हैं जागौनि पार्थु भियाला । मग पुनरपि बोलें लामला ।
 देउ० चित्त कां या बोला । देति चि ना ॥ ५१ ॥
 यन्हवि माझां चित्ति जें होंतें । मीं विचारुनि बोलिलां बंधें ।
 परि नीकें काय यया परोतें । तें तुहीं चि जाणा ॥ ५२ ॥
 पै वीरुं जेयांसि आइकिजे । आणि इं बोलिं चि प्राणु सांडिजे ।
 ते हे येथ संग्रामुव्याजें । उभे आहाति ॥ ५३ ॥
 आतां ऐसेयातें हीं परि वधावें । किं अब्हेरुनि वेगिं निगावें ।
 एया दोहिं माजि काय कगवें । तें नेणों आह्मीं ॥ ५४ ॥

कार्पण्यदोषोपहतस्वभावः ।

पृच्छामि त्वां धर्मसंमूढचेताः ।

यच्छ्रेयः स्यान्निश्चितं ब्रूहि तन्मे ।

शिष्यस्तेऽहं शाधि मां त्वां प्रपन्नं ॥ ७ ॥

आह्मां काय उचित । तें पल्हातां न रुरे येथ ।
 जें मोहें येणें चित्त । व्याकुल माझे ॥ ५५ ॥
 तिमिरावरुद्ध जैसें । दृष्टिचें तेज भ्रंशे ।
 मग पासिं असत न दिसे । वस्तुजात ॥ ५६ ॥
 देवा तैसें मज जालें । जें मन हें भ्रांती प्रसिलें ।
 आतां हित काये आपुलें । तें हिं नेणें ॥ ५७ ॥
 तारि कृष्णा तुवां जाणावें । नीकें तें आह्मां सांघावें ।
 जें सखा सर्वस्व आघवें । आह्मासि तूं ॥ ५८ ॥
 तुं गुरु बंधु पिता । तूं आमची इष्टदेवता ।
 तूं चि सदा रक्षिता । आपदीं आमतें ॥ ५९ ॥
 जैसें शिष्यातें गुरु । सर्वथा नैये अब्हेरुं ।
 कां सरितातें सागरु । त्यजी केवि ॥ ६० ॥
 नातारि अपत्यातें माये । उ०संडूनि जरि जाये ।

तरि तें कैलेनि जिये । आइकें कृष्णा ॥ ६१ ॥
 तैसा सर्की परी आहासि । देवा तूं चि येकु आहासि ।
 आधि बोलिलें जरि न मनिसि । मागील माझें ॥ ६२ ॥

न हि प्रपश्यामि ममापनुद्याद्यच्छोकमुच्छोषणमिन्द्रियाणां ।
 अवाप्य भूमावसपत्नमृद्धं राज्यं सुराणामपि चाधिपत्यं ॥ ८

तरि उचित काइ आहां । जें व्यभिचरें ना धर्मा ।
 तें झडकारि पुरुषोत्तमा । सांघें आतां ॥ ६३ ॥
 हें सकल कुल देखौनि । जो शोकु उपनला असे मनीं ।
 तो तूझें वाक्य वांचूनि । न जीपें आणिकें ॥ ६४ ॥
 एथ पृथ्वीतल आपुलें होइल । महेंद्रपद ही पाविजैल ।
 परि दुःख हें न जिपैल । मानसिचें ॥ ६५ ॥
 जैसीं सर्वथा बीजें आहललीं । मुक्षेत्रिं जन्हीं पेरिलें ।
 तन्हीं न विरुढती चि सिंचिलिं । भलेतैसीं ॥ ६६ ॥
 नातरि आयुष्य पुरलें आहे । तरि अखर्दि हिं काहिं नव्हे ।
 तेथ येक चि उपेगा जाये । परमामृत ॥ ६७ ॥
 तैसें राज्यभोगसमृद्धी । उज्जीवन नव्हे इये बुढी ।
 येथ जीवाला कृपानिधी । कारुण्य तूझें ॥ ६८ ॥
 ऐसें अर्जुनु तेथ बोलिला । जवं क्षणु येकु भ्रांती सांगिला ।
 पुनरपि व्यापिला । ऊर्मि तेणें ॥ ६९ ॥
 मज पांतां ऊर्मि नोहे । हें अनारिसें गमत आहे ।
 तो प्रसिला महामोहें । कालसर्पें ॥ ७० ॥
 सुवर्महृदयकल्हारीं । कारुण्यवेलेचां भरीं ।
 लागला हणौनि लाहरी । भांजे चि ना ॥ ७१ ॥
 हें जाणौनि जैसा प्रौढी । जो दृष्टीसर्वें चि विष फेडी ।
 तो धावेया हरिगारुडी । पातला कां ॥ ७२ ॥

तैसिया पांडुकुमरा व्याकुला । मिरवत असे कृष्णजवला ।
 जो कृपावसें अवलीला । रक्षैल आतां ॥ ७३ ॥
 ह्यणौनि तो पार्थु । मोहफणिप्रसितु ।
 मियां ह्यणितला हा हेतु । जाणौनियां ॥ ७४ ॥
 मग देखां तेथ फाल्गुनु । घेतला असे भ्रांती कवल्लुनु ।
 जैसा घनपटलीं भानु । आक्षादिजे ॥ ७५ ॥
 तिया परीं धनुर्दरु । जाला असे दुःखें जर्जरु ।
 जैसा प्रीष्मकालीं गिरिवरु । वणवला कां ॥ ७६ ॥
 ह्यणौनि साहाजें सुनीलु । येरु कृपामृतें सजलु ।
 तो वोलला असे गोपालु । महामेघु ॥ ७७ ॥
 तेथ सुदर्शनाची दीप्ति । ते चि विद्युत् जैसी झल्लकती ।
 गंभीर वाचा ते आइती । गर्जनेची ॥ ७८ ॥
 आतां तो उदारु कैसा वरिषैल । जेणें अर्जुनाचलु निवैल ।
 मग नवां विरुढि फूटेल । उन्मेघाची ॥ ७९ ॥
 ते चि कथा आइकां । मनाचिया आराणुका ।
 ज्ञानदेउ ह्यणे देखां । निवृत्तिदासु ॥ ८० ॥

संजय उवाच ॥

एषमुक्त्वा हृषीकेशं गुडाकेशः परंतप ।

न योत्स्य इति गोविंदमुक्त्वा तूष्णीं बभूव ह ॥ ९ ॥

ऐसें संजयो असे सांघतु । ह्यणे राया तो पार्थु ।
 पुनरपि शोकाकुलितु । काये बोले ॥ ८१ ॥
 आइकें सखेटु ह्यणे कृष्णातें । आतां नालबावें तुझीं मातें ।
 मीं सर्वथा न जुझें एथें । भरवसेनि ॥ ८२ ॥
 ऐसें एकी हेळा बोलिला । मग मौन करुनु राहिल्ल ।
 तेथ कृष्णु बिस्वो पातला । देखौनि तेयातें ॥ ८३ ॥

तमुवाच हृषीकेशः प्रहसन्निव भारत ।

सेनयोरुभयोर्मध्ये विषीदंतामिदं वचः ॥ १० ॥

मग आपुलां चित्तिं ह्यणे । एथ हें आदारिलें काय येणें ।

अर्जुनु सर्वथा काहिं नेणें । काय कीजे ॥ ८४ ॥

हा उमजे आतां कवणी परी । कैसेनि धीरु स्वीकरी ।

जैसें ग्राहते पांचाखरी । अनुमानी कां ॥ ८५ ॥

नातारि असाध्य देखौनि व्याधि । वैद्य सूची निरवधी ।

अमृतासारिखी उषधी । निर्वाणिची ॥ ८६ ॥

तैसें विवरीतु असे अनंतु । तेयां दोन्हीं सैन्यां आंतु ।

जेया परीं पार्थु । भ्रांति सांडी ॥ ८७ ॥

तें कारण मनीं धरिलें । मग सरोख बोलों आदारिलें ।

जैसें मातेचां कोपीं थोकलें । स्नेह आथि ॥ ८८ ॥

कां ओषधाचां कडवटपर्णी । जैसी अमृताची पुरवणी ।

ते आहाच न दिसे परगुणीं । प्रकट होये ॥ ८९ ॥

तैसीं वरि पांतां उदासें । आंतु तारि अति मुरसें ।

तियें वाक्यें हृषीकेशें । बोलों आदारिलिं ॥ ९० ॥

श्रीभगवानुवाच ॥

अशोच्यानन्वशोचस्त्वं प्रज्ञावादांश्च भाषसे ।

गतासूनगतासूंश्च नानुशोचंति पंडिताः ॥ ११ ॥

मग अर्जुनाते ह्यणितलें । आहीं आजि हें नवल देखिलें ।

जें तुआं एथ आदारिलें । माझारि चि ॥ ९१ ॥

तूं जाणता जरि ह्यणपसी । तारि नेणिवेते न संडिखी ।

आणि सिखौं ह्यणों तारि बोलसी । तूं चि बहुत ॥ ९२ ॥

जाख्यथा लागें पिसें । मग ते सैरा धावें जैसें ।

तूखें सिहाणेपण तैसें । दीसतसे ॥ ९३ ॥

तू आपणपें तरि नेणसि । परि यां कौस्वांतें शोचुं पहासि ।
 हा बहुत विस्मयो आह्मांसि । पुडुतीं पुडुतीं ॥ ९४ ॥
 तरि सांघ पां अर्जुना । तुजपासौनि स्थिति त्रिभुवना ।
 हे आदि विश्वरचना । तें लटिकें काइ ॥ ९५ ॥
 एथ समर्थु एक आधि । तेयापासौनि भूतें होति ।
 तरि हें वायां चि काइ बोलति । जगामाझि ॥ ९६ ॥
 हो काज सांप्रतें जालें । जें हें जन्मे तुआं श्रुजिलें ।
 आणि नाशु यावें नाशिलें । विचारि पां ॥ ९७ ॥
 तू भ्रमलेपणें अहंकृती । ययां घातु न धरिसि चित्ति ।
 तरि सांघै काइ हे होंती । चिरंतन ॥ ९८ ॥
 किं तू एकु वधिता । आणि सकल लोकु हा मरता ।
 ऐसी भ्रांति ज्ञनें चित्ता । येयों देंसी ॥ ९९ ॥
 हें अनादिसिद्ध आघवें । होंत जात स्वभावें ।
 तरि तुवां कां शोचावें । सांघै मज ॥ १०० ॥
 परि मूर्खपणें नेणसि । न चिंतावें तें चितिसि ।
 आणि तू चि नीति सांघसि । आह्माप्रति ॥ १ ॥
 देखैं विवेकिये जे होति । ते दोहीतें हीं न शोचिति ।
 जें होये जाये हे भ्रांति । हणौनिया ॥ २ ॥

न त्वेवाहं जातु नासं न त्वं नेमे जनाधिपाः ।

न चैव न भविष्यामः सर्वे वयमतः परम् ॥ १२ ॥

अर्जुना सांघैन आइक । एथ आह्मीं तुह्मीं देख ।
 आणि हे भूपति अशेष । आदिकरुनि ॥ ३ ॥
 नित्यता ऐसे चि असौनि । कां निश्चित क्षया जाउनि ।
 इये भ्रांती वेगली करुनि । दोन्ही नाही ॥ ४ ॥
 हें उपजे आणि नाशे । तें मायामय दोसैं ।



भाषार्थदीपिका.

बम्हवि तत्वता वस्तु असे । अविनाश चि ॥ ५ ॥
 जैसे पवनं तेय हालवलें । आणि तरंगाकार जालें ।
 तरि कवण कें जन्मलें । हणों तेथ ॥ ६ ॥
 तें चि वायुचें स्फुरण ठेलें । आणि उदक साहाजें सपटलें ।
 तरि काइ आतां निमालें । विचारि पां ॥ ७ ॥

देहिनोऽस्मिन्यथा देहे कौमारं यौवनं जरा ।
 तथा देहान्तरप्राप्तिर्धीरस्तत्र न मुह्यति ॥ १३ ॥

आइकें शरीर तरि एक । परि वयसा भेद अनेक ।
 हें प्रत्यक्ष चि देख । प्रमाण तूं ॥ ८ ॥
 एथ कौमारत्व दीसे । मग तारुण्यें तें भ्रंशे ।
 परि देह चि न नशे । एकासवें ॥ ९ ॥
 तौसिं चैतन्याचां ठाई । इयें शरीरांतरें पाई ।
 ऐसें जाणे तेया नाही । व्यामोहदुःख ॥ ११० ॥

मात्रास्पर्शास्तु कौंतेय शीतोष्णसुखदुःखदाः ।
 आगमापायिनोऽनेत्यास्तांस्तिताक्षस्व भारत ॥ १४ ॥

येथ नेणावया हें चि कारण । जें इंद्रियां अधीनपण ।
 तिहिं आकलिजे अंतष्करण । हणौनि भ्रमं ॥ ११ ॥
 इंद्रियें विषय सेविति । तेथ हर्ष शोक हे उपजति ।
 ते आंतर आप्णविति । संगें एणें ॥ १२ ॥
 जें ययां विषयांचां ठाई । एकानिष्ठता नाही ।
 एथ दुःख आणि काहीं । सुख ही दीसे ॥ १३ ॥
 देखें हे शब्दाची व्याप्ति । जें निंदा आणि स्तुति ।
 शेष द्वेषाद्वेष उपजति । श्रवणद्वारें ॥ १४ ॥
 मृदु आणि कठिन । हे स्पर्शाचि दोन्हीं गुण ।
 जे वपुचेनि संगें कारण । संतोखखेदा ॥ १५ ॥

भयासुर आणि सुखेख । हें रूपाचें स्वरूप देख ।
 जें उपजवी सुखदुःख । नेत्रद्वारें ॥ १६ ॥
 सुगंधु आणि दुर्गंधु । हा परिमलाचा भेदु ।
 जो घ्राणसंगें विषादु । तोषु देता ॥ १७ ॥
 तैसाचि द्विविधु रसु । उपजवी प्रीति त्रासु ।
 ह्यणौनि हा अपभ्रंशु । विषयसंगु ॥ १८ ॥
 देखैं इंद्रियां आधीन होइजे । तरि शीतोष्णातें पाविजे ।
 आणि सुखदुःखीं आकलिजे । आपणपें ॥ १९ ॥
 एयां त्रिषयांवांचूनि काहीं । आणिक सर्वथा रम्य नाहीं ।
 ऐसा स्वभाउ चि पाहीं । इंद्रियांचा ॥ २० ॥
 हे विषय तरि कैसे । रोहिणीचें जळ जैसें ।
 कां स्वप्निचा आभासे । भद्रजाति ॥ २१ ॥
 देखैं अनित्य तिया परीं । ह्यणौनि तूं अन्हेरी ।
 हा सर्वथा संगु न करीं । धनुर्धरा ॥ २२ ॥

यं हि न व्यथयंत्येते पुरुषं पुरुषर्षभ ।

समदुःखसुखं धीरं सोऽमृतत्वाय कल्पते ॥ १५ ॥

हे विषय जेया नाकलीति । तेया सुखदुःखें न पवति ।
 आणि गर्भवाससंगति । नाहिं तेया ॥ २३ ॥
 तो नित्यरूपु पार्था । उलखावा सर्वथा ।
 जो यां इंद्रियार्थी । नाकले चि ॥ २४ ॥

नासतो विद्यते भावो नाभावो विद्यते सतः ।

उभयोरपि दृष्टोऽतस्त्वनयोस्तत्त्वदर्शिभिः ॥ १६ ॥

आतां अर्जुना आणिक एक । मात्रैः न मी आहक ।
 जें विचारपर लोक । उल्लेखति ॥ २५ ॥

एया उपाधिमांश्चि गुप्त । चैतन्य असे सर्वगत ।
 तें तत्वज्ञ संत । स्वीकरीति ॥ २६ ॥
 सलीलीं पय जैसें । एक होउनि मिनलें असे ।
 पारि निवड्ढुनि राजहंसें । वेगलें कीजे ॥ २७ ॥
 कां अग्निमुखें कीडाल । तोड्ढुनियां चोखाल ।
 निवडीति केवल । बुद्धिमंत ॥ २८ ॥
 ना तारि जाणिवेचिया आयणी । करितां दधिकडसणी ।
 मग नवनीत निर्वाणी । दीसे जैसें ॥ २९ ॥
 कां भूस बीज एकावट । उपणितां राहे घणवट ।
 तेथ उडे तें फलकट । जाणों आलें ॥ ३० ॥
 तैसें विचारिती निरसलें । तें प्रपंचूनि साहजें सांडलें ।
 मग तत्वता तत्व उरलें । ज्ञानियासि ॥ ३१ ॥
 ह्यणौनि अनित्याचां ठांड । तेया आस्तिकिबुद्धि नाही ।
 जें निष्कर्षु दोहीं । देखिला असे ॥ ३२ ॥

अविनाशि तु तद्विद्धि येन सर्वमिदं ततम् ।
 विनाशमव्ययस्यास्य न कश्चित्कर्तुमर्हति ॥ १७ ॥

देखें सारासार विचारितां । भ्रांति ते नाही असारता ।
 तारि सार तें स्वभावता । नित्य जाणें ॥ ३३ ॥
 हा लोकत्रयाकार । तो जेयाचा विस्तार ।
 जेथ नामवर्णुआंकार । चिन्ह नाहिं ॥ ३४ ॥
 जो सर्वदा सर्वगतु । जन्मक्षयां अतीतु ।
 तेया केलेयां हीं घातु । कदा न्हवे ॥ ३५ ॥

अंतघंत इमे देहा नित्यस्योक्ताः शरीरिणः ।
 अनाशिनोऽप्रमेयस्य तस्माद्यद्दयस्व भारत ॥ १८ ॥

आणि शरीरजात आघवे । नाशवंत स्वभावे ।

क्षणानि तुवां जूझावे । पांडुकुमरा ॥ ३६ ॥

य एनं वेत्ति हंतारं यश्चैनं मन्यते हतम् ।

उभौ तौ न विजानीतो नायं हंति न हन्यते ॥ १९ ॥

तूं धरूनि देहाभिमानाते । आणि दीठि सूनि एया शरीराते ।

मी वधिता हे मरते । क्षणतु आहासि ॥ ३७ ॥

अर्जुना हें नेणसि । जरि तत्वता विचारिसि ।

तरि वधिता तूं न्हवसि । हे वध्य न्हवति ॥ ३८ ॥

जैसें स्वप्नामाझि देखिजे । तें स्वप्नी चि साच आपजे ।

मग चेउनियां पाहिजे । तवं काहीं च नाहि ॥ ३९ ॥

न जायते म्रियते वा कदाचिन्

नायं भूत्वा भविता वा न भूयः ।

अजो नित्यः शाश्वतोऽयं पुराणो

न हन्यते हन्यमाने शरीरे ॥ २० ॥

तैसी हे माया । तूं भ्रमतु आहासि वायां ।

शस्त्रें हाणितलेयां छाया । आंगीं न रुपे ॥ १४० ॥

कां पूर्णु कुंभु उलंडला । तेथ विवाकारु चि भ्रंशला ।

पारि भानु नाहीं नाशला । तेयासवे ॥ ४१ ॥

ना तरि मठीं आकाश जैसें । मठाकृती आवरलें असे ।

तो चि भंगलेयां आपैसें । स्वरूप चि ॥ ४२ ॥

वेदाविनाशिनं नित्यं य एनमजमव्ययम् ।

कथं स पुरुषः पार्थ कं घातयति हंति कम् ॥ २१ ॥

तैसें शरीराचां लोपीं । सर्वथा नाशु नाहीं स्वरूपीं ।

क्षणानि तुं हें नारोपीं । भ्रांति बापा ॥ ४३ ॥

वासांसि जीर्णानि यथा विहाय नवानि गृह्णाति नरोऽपराणि ।

तथा शरीराणि विहाय जीर्णान्यन्यानि संयाति नवानि देही ॥२२॥

जैसीं जीणें वल्लें सांडिजे । मग नूतनें आणिकें वेढिजे ।
तैसें देहांतरातें स्वीकारिजे । चैतन्यनाथें ॥ ४४ ॥

नैनं छिंदंति शस्त्राणि नैनं दहति पावकः ।

न चैनं क्लेद्यन्त्यापो न शोषयति मारुतः ॥ २३ ॥

हा अनादि नित्य सिद्धु । निरुपाधि विशुद्धु ।
सगौनि शस्त्रादिकिं छेदु । न घडे एया ॥ ४५ ॥
हा प्रलयोदके नाप्लवे । अग्निदाहो न संभवे ।
एथ महाशोषु न प्रभवे । मारुताचा ॥ ४६ ॥
हा तर्काचिये दृष्टी । गोचरु नव्हे किरीटी ।
ध्यान येयाचिये भेटी । उत्कंठा वाहे ॥ ४७ ॥
हा सदा दुर्लभु मना । आपु नव्हे साधना ।
निःसीमु हा अर्जुना । पुरुपोत्तमु ॥ ४८ ॥

अच्छेद्योऽयमदाह्योऽयमक्लेद्योऽशोष्य एव च ।

नित्यः सर्वगतः स्थाणुरचलोऽयं सनातनः ॥ २४ ॥

हा गुणत्रयरहितु । व्यक्तीसि अतीतु ।
अनादि अविद्धुतु । सर्वरूपु ॥ ४९ ॥
अर्जुना हा नित्यु । अचलु हा शाश्वतु ।
सर्वत्र सदोदितु । परिपूर्णु हा ॥ १५० ॥

अव्यक्तोऽयमर्चित्योऽयमविकार्योऽयमुच्यते ।

तस्मादेवं विदित्वैनं नानुशोचितुमर्हसि ॥ २५ ॥

अर्जुना ऐसा जाणावा । हा सकलात्मकु देखावा ।
मग साहाजें शोक आघवा । हरैला तूझा ॥ ५१ ॥
अथ चैनं नित्यजातं नित्यं वा मन्यसे मृतम् ।

तथापि त्वं महाबाहो नैनं शोचितुमर्हसि ॥ २६ ॥

अथवा ऐसा नेणसी । तूं अंतवंत चि हे मानिसि ।
तज्ही शोचूं न पवसि । पांडुकुमरा ॥ ५२ ॥

जं आदि स्थिति अंतु । हा निरंतर असे नित्यु ।
 जैसा प्रवाहो अनस्यूतु । गंगाजलाचा ॥ ५३ ॥
 तें आदि नाही खंडलें । समुद्रिं तरि असे मीनलें ।
 आणि जात चि मध्ये उरलें । दीसे जैसें ॥ ५४ ॥
 इयें तीन्हीं तियापरीं । सरिसिं चि सदा अवधारीं ।
 भूतांसि कव्हणी अवसरीं । ठाकति ना ॥ ५५ ॥
 ह्यणौनि हें आघवें । एथ नलगे तुज शोचावें ।
 जे स्थिति चि हे स्वभावें । अनादि ऐसी ॥ ५६ ॥
 ना तरि हें अर्जुना । नैये चि तूझेया मना ।
 जें देखौनि लोकु अधिना । जन्मक्षयां ॥ ५७ ॥
 तन्है एथ काहीं । तुज शोकासि कारण नाही ।
 जें जन्म मृत्यु हे पाहीं । अपरिहर ॥ ५८ ॥

जातस्य हि ध्रुवो मृत्युः ध्रुवं जन्म मृतस्य च ।

तस्मादपरिहार्येऽर्थे न त्वं शोचितुमर्हसि ॥ २७ ॥

उपजे तें नाशे । नाशलें पुनरपि दीसे ।
 हें घटिकायंत्र तैसें । परिभ्रमे ॥ ५९ ॥
 ना तरि उदो अस्तु आपसे । अखंडित होति जैसे ।
 हें जन्ममरण तैसें । अनिवार जर्गी ॥ १६० ॥
 महाप्रलयअवसरें । हें त्रैकोक्य ही संहरे ।
 ह्यणौनि हा न परिहरे । आदिअंतु ॥ ६१ ॥
 तूं जरि हें ऐसें मानिसि । तरि खेदु कां करिसि ।
 काइ जाणतू चि नेणसि । धनुर्धरा ॥ ६२ ॥

अव्यक्तादीनि भूतानि व्यक्तमभ्यानि भ्रातस्त ।

अव्यक्तानि धनान्येव तत्र का परिदेवना ॥ ५८ ॥

एथ आणिक ही एक पार्था । तुज बहुती परीं यल्लंतां ।
 दुःख करावेया सर्वथा । विषो नाही ॥ ६३ ॥

जें समस्तें इयें भूतें । जन्मा आदीं अमूर्तें ।
 मग पातलीं व्यक्तितें । जन्मलेयां ॥ ६४ ॥
 तियें क्षया जेथ जांति । तेथ निभ्रांत आनें नव्हति ।
 देखैं पूर्वस्थिति चि एंति । आपुलिये ॥ ६५ ॥
 परि मध्ये जें प्रतिभासे । तें निद्रिता स्वप्न जैसें ।
 तैसा आकार हा मायावशें । स्वस्वरूपीं ॥ ६६ ॥
 ना तरि पवनें स्पर्शिलें नीर । पडिहासे तरंगाकार ।
 कां परापेक्षा अलंकार । व्यक्तिकनकिं ॥ ६७ ॥
 तैसें सकल हें मूर्त । जाण पां मायाकारित ।
 जैसें आकाशीं विव्रत । अभ्रपटल ॥ ६८ ॥
 ऐसें आदी चि जें नाहीं । तेयालागि रुदसी काइ ।
 तू अवीट हें पाहीं । चैतन्य येक ॥ ६९ ॥

आश्चर्यवत् पश्यति कश्चिदेनमाश्चर्यवद्ब्रूदति तथैव चान्यः ।

आश्चर्यवच्चैनमन्यः शृणोति श्रुत्वाप्येनं वेद न चैव कश्चित् ॥२९॥

जेयाची आर्ती चि भोगित । विषईं ल्यजिले संत ।
 जेयालागि विरक्त । वनवासिये ॥ १७० ॥
 दृष्टिः सूनि जेयातें । ब्रह्मचर्यादि व्रतें ।
 मुनीश्वरः तपातें । आचरिति ॥ ७१ ॥
 एकां गुणानुवादु करितां । उग्रति होउनि चित्ता ।
 निरवधी तळीनता । निरंतरं ॥ ७२ ॥
 एक आंतरीं निश्चल । जे निहालीति केवळ ।
 विसरले सकल । संसारजात ॥ ७३ ॥
 एक आइकतां चि निवाले । ते देहभात्रीं सांडिले ।
 एक अनुभवं पातले । तद्रूपता ॥ ७४ ॥
 जैसे सरिता ओष समस्त । समुद्रामाक्षि मिलत ।
 परि माघातें न समात । परतले नाहीं ॥ ७५ ॥

तैसिया योगीश्वरांचिया मती । मिलणीसमें दुणावटती ।
परि जें विचारूनि पुनरावृत्ती । भजती चि ना ॥ ७६ ॥

देही नित्यमबध्योऽयं देहे सर्वस्य भारत ।

तस्मात्सर्वाणि भूतानि न त्वं शोचितुमर्हसि ॥ ३० ॥

तें सर्वत्र सर्वदेही । जेया करितां हीं वातु नाही ।

तें विश्वात्मकु तूं पाहीं । चैतन्य एक ॥ ७७ ॥

ययाचेनि चि स्वभावे । हें होत जात आघवे ।

तारि सांघे काइ शोचवे । एथ तुवां ॥ ७८ ॥

यन्हवि तन्हीं पार्था । तुज कां नेणों न गमे चित्ता ।

परि कोडाल हें शोचितां । बहुतीं परीं ॥ ७९ ॥

स्वधर्ममपि चावेक्ष्य न विकंपितुमर्हसि ।

धर्म्याद्धि युद्धच्छ्रेयोऽन्यत्क्षत्रियस्य न विद्यते ॥ ३१ ॥

तूं अमुंड कां न विचारिसि । काइ हें चितितु आहासि ।

स्वधर्मु तो विसरलासि । तरावे जेणें ॥ १८० ॥

एयां कौरवां भळतें जालें । अथवा तुज चि काहीं पातलें ।

कां युग चि हें बुडालें । जन्है एथ ॥ ८१ ॥

तन्हीं स्वधर्मु एकु आहे । तो सर्वथा त्याजु नव्हे ।

मग तरिजैल काइ पाहें । कृपालुपणें ॥ ८२ ॥

अर्जुना तूझे चित्त । जन्हीं जालें द्रविभूत ।

तन्हीं हें अनुचित । संग्रामसमई ॥ ८३ ॥

गोक्षीर जन्हीं जालें । तन्हीं पथ्यासि नाही बोलिलें ।

ऐसेनि हि विष नोहे सूदलें । देइजे ज्वरिं ॥ ८४ ॥

तैसें आनी आन करितां । नाशु होईल हिता ।

क्षणौनि तूं आतां । सावधु होई ॥ ८५ ॥

वाया चि व्याकुल काइ । आपुला निजधर्मु तूं पाहीं ।

जो आचरितां बाधु नाही । कव्हणा कार्त्वी ॥ ८६ ॥

जैसें मार्गें चि चालतां । अपावो न पवे सर्वथा ।
 कां दीपाधारे वृत्ततां । नाडलिजे ॥ ८७ ॥
 तिया परीं पार्था । स्वधमें राहटतां ।
 सकल कामपूर्णता । साहाजें होये ॥ ८८ ॥
 क्षणौनि तुं पाहीं । क्षत्रियां आणिक काहीं ।
 संग्रामु वांचूनि नाहीं । उचित जाणें ॥ ८९ ॥
 निष्कपटां होआवें । उशिना घाईं जूझावें ।
 हें असो काइ सांघावें । प्रत्यक्षावरि ॥ १९० ॥

यदृच्छया चोपपन्नं स्वर्गद्वारमपावृतम् ।

सुखिनः क्षत्रियाः पार्थ लभन्ते युद्धमीदृशम् ॥ ३२ ॥
 अर्जुना देखैं जूझ आतांचें । हें हों काज दैव तुमचें ।
 किं निधान सकल धर्माचें । प्रकटलें असे ॥ ९१ ॥
 हा संग्रामु काइ ह्यणिपे । कीं स्वर्गु चि येणें रूपें ।
 मूर्तु कां प्रतापें । उदो केला ॥ ९२ ॥
 ना तरि गुणाचेनि परिकरें । आर्त्तिचेनि पडिभरें ।
 हे कीर्ति चि स्वयंवरें । आली तुज ॥ ९३ ॥
 क्षत्रिं बहुत पुण्य कीजे । तैं जूझ ऐसें लाहिजे ।
 जैसें मार्गें जातां आडलिजे । चिंतामणी ॥ ९४ ॥
 ना तरि जांभैया पसरे मुख । तेथ अवचटें पडे पीयूष ।
 तैसा हा संग्रामु देख । पातला असे ॥ ९५ ॥

अथ च्चेत्वामिमं धर्म्यं संग्रामं न करिष्यसि ।

ततः स्वधर्मं कीर्त्तिं च हित्वा पापमवाप्स्यसि ॥ ३३ ॥

आतां ऐसा अन्हेरिजे । मग नाथिलें शोचूं बैसिजे ।
 तरि आपण आहाणां नोहिजे । आपणयेयां ॥ ९६ ॥
 पूर्वजांचें जोडिलें । आपण चि होये धाडिलें ।
 जरि आजि शस्त्र सांडिलें । रणीं इये ॥ ९७ ॥

असति कीर्ति जाइल । जग चि अभिशप देइल ।
 आणि गिवसीत पावतील । महादोष ॥ ९८ ॥
 जैसी भातारेंहीन वनिता । उपहति पावे सर्वथा ।
 मग तैसी दशा जीविता । स्वधर्मैविण ॥ ९९ ॥
 ना तरि अरण्यां शव सांडिजे । तें चौहोरि गिधिं विदारिजे ।
 तैसें स्वधर्मैहीन अभिभविजे । महादोषीं ॥ २०० ॥
 हणौनि हा सांडिसील । तरि पापा वरपडा होसील ।
 आणि अपयश ते न वचेल । कल्पान्तुवेर्ही ॥ १ ॥

अकीर्तिं चापि भूतानि कथयिष्यन्ति तेऽव्ययाम् ।
 संभावितस्य चाकीर्तिर्मरणादतिरिच्यते ॥ ३४ ॥

जाणते न तवं चि जियावें । जवं अपकीर्ति आंग न पवे ।
 आणि सांघपां केवि निघावें । ऐथौनियां ॥ २ ॥
 तूं निर्मळरु सदयता । एथ निवसी किर माघौता ।
 परि तें गती समस्तां । नैए येया ॥ ३ ॥
 हे चहुंकडूनि कवलितील । बाण वरि घेंतील ।
 एथ पार्था न मुटिजैल । कृपालुपणें ॥ ४ ॥
 ऐसेन हीं प्राणसंकटें । जरि विपायें निमणें घटे ।
 तरि तें जियालें हीं अश्वटें । मरणाडूनि ॥ ५ ॥

भयाद्गणानुपरतं मंस्यंते त्वां महारथाः ।

येषां च त्वं बहुमतो भूत्वा यास्यासि लाघवम् ॥ ३५ ॥
 तूं आणिक एक न विचारिसि । एथ संभ्रमें जूझों आलासि ।
 आणि सकणवपणें निघालासि । माघौता जरि ॥ ६ ॥
 तरि तूझें तें अर्जुना । एयां वैरियां दुर्जनां ।
 कां प्रत्यया येईल मना । सांघें मज ॥ ७ ॥
 हे हणती गेला रे गेला । अर्जुनु आलासि भियाला ।
 हा सांघें बोलु उरला । नीका काइ ॥ ८ ॥

लोक सायासें करुनि बहुते । कां वेचीति आपुलिं जीवितें ।
 परि वाढवीति कीर्तितें । धनुर्धरा ॥ ९ ॥
 ते तुज अनायासें । अनकलीत जोडली असे ।
 हें अद्वितीय जैसें । गगन होये ॥ २१० ॥
 तैसी कीर्ति निःसीम । तूझां ठांडं निरूपम ।
 तूझे गुण उत्तम । तिहिं लोकिं ॥ ११ ॥
 दिगंतीचे भूपति । भाट होउनि वाखाणिति ।
 जे आयकिलेया दचकति । कृतांतादिक ॥ १२ ॥
 ऐसी महिमा घणवट । गंगा तैसां चोखट ।
 जिया देखी जर्गीं मुभट । जाणते जाले ॥ १३ ॥
 तें पौरुष तूझे अद्भुत । आइकौनिया हे समस्त ।
 जाले आधि विरक्त । जीवितेंसीं ॥ १४ ॥
 जैसे सिंहाचिया हाका । युगांत होयें मदमुखा ।
 तैसा कौरवां ण्यां अशेषां । धाकु तूझा ॥ १५ ॥
 जैसे पर्वत वज्रातें । ना तरि सर्प गरुडातें ।
 तैसे अर्जुना हे तूतें । मानिति सदा ॥ १६ ॥
 तें अगाधपण जाइल । मग हीणा३० आंगा येईल ।
 जरि माघौता निघसील । न जुझतू चि ॥ १७ ॥

अवाच्यवादांश्च बहुन्वदिष्यन्ति तत्राहिताः ।

निंदंतस्तव सामर्थ्यं ततो दुःखतरं नु किम् ॥ ३६ ॥

आणि हे पलतां पलों नेंदिति । धरुनि अवकला करीति ।
 न गणीत कूटि बोलति । आइकतां तुज ॥ १८ ॥
 मग ते व्हलि हियें फूटावें । तें आतां लोठेपणें का न जुझावें
 हे जींतले तरि भोगावें । पृथ्वीतल ॥ १९ ॥

हतो वा प्राप्स्यसि स्वर्गं जित्वा वा भोक्ष्यसे महीम् ।

तस्मादुत्तिष्ठ कांतेय युद्धाय कृतनिश्चयः ॥ ३७ ॥

ना तरि रणीं एथ । जूझतां वेचलें जीवीत ।
 तरि स्वर्गमुख अनकलित । पावसील ॥ २२० ॥
 हणौनि इथे गोठी । विचारु न कीजे किरीटी ।
 आतां धनुष घेउनि उटीं । जूझें वेगां ॥ २१ ॥

सुखदुःखे समे कृत्वा लाभालाभौ जयाजयौ ।

ततो युद्धाय युज्यस्व नैवं पापमवाप्स्यसि ॥ ३८ ॥

देखैं स्वधर्मु आचरतां । दोषु नाश असता ।
 तुज हे भ्रांति कत्राणि चित्ता । एथ पातकाची ॥ २२ ॥
 सांघें घुवें चि काड् बुडिजे । किं मार्गे जातां आडलिजे ।
 परि विपायें चाल्यो नेणिजे । तरि तें हीं घडे ॥ २३ ॥
 अमृतें चि मरिजे । जरि विपेंसि सेविजे ।
 तैसा स्वधर्में दोषु पाविजे । हेतुकपणें ॥ २४ ॥
 हणौनि तुज पार्था । हेतु सांडूनि सर्वथा ।
 क्षात्रवृत्ती जूझतां । पाप नाहीं ॥ २५ ॥
 मुखि संतोषा नैयावें । दुःखि विपादा न भजावें ।
 आणि लाभालाभ न धरावें । मनामाझि ॥ २६ ॥
 एथ विजयपण होईल । कां सर्वथा देह जाईल ।
 हें आदिं चि काहिं पुढेंल । चिंतावें ना ॥ २७ ॥
 आपण येया उचिता । स्वधर्मते चि राहटतां ।
 जें पावे तें निवांता । साउनि जावें ॥ २८ ॥
 ऐसेया मनें होआवें । तरि दोषु न घडे स्वभावें ।
 हणौनि आतां जूझावें । निभ्रांत तुवां ॥ २९ ॥

एषा तेऽभिहिता सांख्ये बुद्धियोगे त्विमां शृणु ।

बुद्ध्या युक्तो यथा पार्थ कर्मबंधं प्रहास्यसि ॥ ३९ ॥

हे सांख्यस्थिति मुकुलित । सांघितली तुज येथ ।
 आतां बुद्धि योगिं विस्तृत । अबधारि पां ॥ २३० ॥

जिया बुद्धि युक्तां । जालेयां पार्था ।
कर्मबंधु सर्वथा । बाधुं न पवे ॥ ३१ ॥

नेहाभिक्रमनाशोऽस्ति प्रत्यबायो न विद्यते ।

स्वल्पमप्यस्य धर्मस्य त्रायते महतो भवात् ॥ ४० ॥

जैसें वज्रकवच लेइजे । मग शस्त्राचा वरिषा३० साहिजे ।
परि जैतोंसि उरिजे । अचुंबितां ॥ ३२ ॥
तैसें इहिक तरि न नशे । आणि मोक्षु तां उरला असे ।
जेथ पूर्वानुक्रम दीसे । चोखालत ॥ ३३ ॥
कर्माधारे तरि राहाटिजे । परि कर्मफल न भोगिजे ।
जैसा मांत्रबु न बाधिजे । भूतबाधा ॥ ३४ ॥
तिया परीं जे बुद्धि । आपु जालेयां निरवधी ।
हा असता चि उपाधि । कट्टं न शके ॥ ३५ ॥
जेथ न संचरे पाप । जें सूक्ष्म अति निष्कंप ।
गुणत्रयादि लेप । जेथ नाहीं ॥ ३६ ॥
अर्जुना जें पुण्यवशें । जरि अल्प चि ह्दइं प्रकाशे ।
तारि अशेष हें नाशे । संसारभय ॥ ३७ ॥

व्यवसायात्मिका बुद्धिरेकेह कुरुनन्दन ।

बहुशाखा ह्यनन्ताश्च बुद्धयोऽव्यवसायिनाम् ॥ ४१ ॥

जैसी दीपकलिका धाकुटी । परि बहुता तेजातें प्रकटी ।
तैसी सद्बुद्धि हे थेंकुटी । ह्णों नये ॥ ३८ ॥
पार्था बहुतीं परीं । अपेक्षिजे सदा मुरीं ।
जे दुर्लभ चराचरीं । सद्वासना ॥ ३९ ॥
जैसा न जोडे परिमु । आणिकासारिखा बहुवसु ।
कां अमृताचा लेसु । दैवें पाधिजे ॥ २४० ॥
तैसी दुर्लभ हे बुद्धि । जिये परमात्मा चि अवधि ।
जैसा गंगेसि कां उदधि । निरंतर ॥ ४१ ॥

तैसा ईश्वर बांचूनि काहीं । जिये आणिकि लागि काहि ।
तेथ एकी चि बुद्धि पाहीं । अर्जुना जगी ॥ ४२ ॥

यामिमां पुष्पितां वाचं प्रवदन्त्यविपश्चितः ।

वेदवाद्दरताः पार्थ नान्यदस्तीति चादिनः ॥ ४२ ॥

एरि ते दुर्मति । जे ब्रह्मधा असे विकरति ।

जेथ निरंतर रमति । अविवेकिये ॥ ४३ ॥

हणौनि तेयां पार्था । स्वर्गसंसारीं आस्था ।

आत्मसुख सर्वथा । दृष्ट नाही ॥ ४४ ॥

वेदाधारे बोलति । केवल कर्म प्रतिष्ठिति ।

पारं कर्मफलीं आसक्ति । दाउनियां ॥ ४५ ॥

कामात्मानः स्वर्गपरा जन्मकर्मफलप्रदाम् ।

क्रियाविशेषबहुलां भोगैश्वर्यगतिं प्रति ॥ ४३ ॥

हणति संसारीं जन्मिजे । यज्ञादि यजन कीजे ।

मग स्वर्गसुख भोगिजे । मनोहर ॥ ४६ ॥

एथ हें बांचूनि काहीं । आणिक सर्वथा सुलभ नाही ।

ऐसें अर्जुना बोलति पाहीं । दुर्बुद्धि ते ॥ ४७ ॥

देखें मना अभिभूत । होउनि कर्म आचरत ।

केवल भोगीं चित्त । देउनिया ॥ ४८ ॥

क्रियाविशेषें बहुते । न लोपीति विधितें ।

निपुण होउनि धर्मातें । अनुष्ठिति ॥ ४९ ॥

परि एक चि कूड करीति । जे स्वर्गकामु मनीं धरिति ।

यज्ञपुरुष चूकति । भोक्ता जो ॥ २५० ॥

जैसा कापुराचा राशि कीजे । मग अग्नि लाउनि आलिजे ।

कां मिष्टान्नीं संचरिजे । कालकूट ॥ ५१ ॥

देखें अमृतकुमु जोडला । तो पायें हाणौनि उलटिला ।

तैसा नासीति धर्मु निफनला । हेतुकपर्णे ॥ ९२ ॥

भोगैश्वर्यप्रसक्तानां तथापहतचेतसाम् ।

व्यवसायात्मिका बुद्धिः समाधौ न विधीयते ॥ ४४

सायासें पुण्य आर्जिजे । मग संसारु कां अपेक्षिजे ।

परि नेणति ते काइ कीजे । अप्रम देखें ॥ ५३ ॥

जैसी रांधवणि रसोय नीकी । करूनियां मोळे वीकी ।

तैसा भोगासाठीं अविवेकी । धाडिति धर्मु ॥ ५४ ॥

हणौनि हे पार्था । दुर्बुद्धि देख सर्वथा ।

तेयां वेदवादरतां । मनी वसे ॥ ५५ ॥

त्रैगुण्यविषया वेदा निस्त्रैगुण्यो भवार्जुन ।

निर्द्वन्द्वो नित्यसत्त्वस्थो निर्योगक्षेम आत्मवान् ॥ ४५ ॥

तिहिं गुणीं आवृत । हे वेद जाणें निभ्रांत ।

हणौनि उपनिषदादि समस्त । मात्त्रिक ते ॥ ५६ ॥

ए रजतमात्मक । जेथ निरूपिजे कर्मादिक ।

जे केवल स्वर्गसूचक । धनुर्द्धर ॥ ५७ ॥

हणौनि तूं हें जाण । हें मुखदुःखासीं चि कारण ।

एथ ज्ञने अंतष्करण । रिगों देखि ॥ ५८ ॥

तूं गुणत्रयातें अन्देरीं । मीं माझे हें न करीं ।

एक आत्ममुख आंतरीं । विसंभ ना ॥ ५९ ॥

यावानर्थ उदपाने सर्वतः संप्लुतोदके ।

तावान् सर्वेषु वेदेषु ब्राह्मणस्य विजानतः ॥ ४६ ॥

जन्हें वेदें बहुत बोलिलें । विविध भेद सूचिले ।

तन्हीं आपण हित आपुलें । तें चि घेपे ॥ २६० ॥

जैसें प्रकटलेयां गभस्ती । अशेष ही मार्ग दीसति ।

तरि तेतुके ही काइ चालिजति । साचें मज ॥ ६१ ॥

कां उदकमय सकल । जन्हीं जालें असे महीतरु ।

तन्हीं आपण घेपे केवल । आसिं चि जोगें ॥ ६२ ॥

तैसें ज्ञानिये जे होंति । ते वेदार्थाते विचारिति ।
मग अपेक्षीत स्वीकरीति । ससार जें ॥ ६३ ॥

कर्मण्येवाधिकारस्ते मा फलेषु कदाचन ।

मा कर्मफलहेतुर्भूर्मा ते संगोऽस्त्वकर्मणि ॥ ४७ ॥

हणौनि आईकें पार्था । इया चि परीं पलहातां ।
तुज उचित होये आतां । स्वकर्म हें ॥ ६४ ॥
आर्हां समस्त ही विचारिलें । तव ऐसें चि हें मना आलें ।
जें न संडिजे तुआं आपुलें । विहित कर्म ॥ ६५ ॥
परि कर्मफलीं आश न करावी । आणि कुकर्म संगति न व्हावी ।
हे सत्क्रिया चि आचरावी । हेतूविण ॥ ६६ ॥

योगस्थः कुरु कर्माणि संगं त्यक्त्वा धनंजय ।

सिद्धयसिद्धयोः समो भूत्वा समत्वं योग उच्यते ॥ ४८ ॥

तू योगयुक्त होउनि । फलाचा संगु सांडुनि ।
मग अर्जुना चित्त देउनि । करि कर्म ॥ ६७ ॥
परि आदरिलें कर्म देवें । जन्हीं समाप्तितें न पवे ।
तन्हीं विशेषें तेथ न तोषावें । हें इ नको ॥ ६८ ॥
कां निमित्तें कारणें एकें । तें सिद्धी न वचत ठाके ।
तन्हीं तेथिचेनि अपरितोषें । क्षोभावें ना ॥ ६९ ॥
आचरतां सिद्धी गेलें । तरि काजा चि कीर आलें ।
परि ठेलेया हीं सगुण जालें । ऐसें चि मानीं ॥ ७० ॥
देखें जेतुलालें कर्म निफजे । तेतुलालें आदिपुरुषीं जरि अर्पिजे ।
तरि परिपूर्ण तें साहाजें । जालें जाणें ॥ ७१ ॥
आगा संतांसतां कर्मी । जें सरिसेपण मनोधर्मी ।
हे चि योगस्थिति उत्तमीं । प्रसंसिजे ॥ ७२ ॥

दूरेण ह्यवरं कर्म बुद्धियोगाद्धनंजय ।

बुद्धौ शरणमन्विच्छ कृपणाः फलहेतवः ॥ ४९ ॥

अर्जुना समत्त्व चिन्ताचें । तें चि सार जाण योगाचें ।
जेथ मना आणि बुद्धिचें । ऐक्य आधि ॥ ७१ ॥

बुद्धियुक्तो जहातीह उभे सुकृतदुष्कृते ।

ब्रह्माद्योगाय युज्यस्व योगः कर्मसु कौशलं ॥ ५० ॥

तो बुद्धियोगु विवरितां । बहुवें पाडें पार्था ।
दीसे हा आरौता । कर्मभागु ॥ ७४ ॥
परि तें चि कर्म आचरिजे । तरी चि हा योगु पाविजे ।
जें कर्मशेष साहाजें १ योगस्थिति ॥ ७५ ॥
ह्यणौनि बुद्धियोगु सधरु । तेथ अर्जुना होइं थीरु ।
मनें करीं अग्हेरु । फलें हेतुचा ॥ ७६ ॥

कर्मजं बुद्धियुक्ता हि फलं त्यक्त्वा मनीषिणः ।

जन्मबंधविनिर्मुक्ताः पदं गच्छन्त्यनामयं ॥ ५१ ॥

ह्यणौनि जे बुद्धियोगें ओजले । ते चि पारंगत जाले ।
एहीं उभयबंधीं सांडिलें । पापगुण्यां ॥ ७७ ॥
ते कर्मीं तरि वर्तति । परि कर्मबंधा नाकलति ।
आणि यातायात लोपति । अर्जुना तेयां ॥ ७८ ॥
मग निरामयभरित । पावति पद अच्युत ।
ते बुद्धियोगयुक्त । धनुर्दरा ॥ ७९ ॥

यदा ते मोहकलिलं बुद्धिर्व्यतितरिष्यति ।

तदा गन्तासि निर्वेदं श्रौतव्यस्य श्रुतस्य च ॥ ५२ ॥

तूं ऐसा तैं होंसी । जें मोहाते येया सांडिसी ।
आणि वैराग्य मानसीं । संचरैल ॥ २८० ॥
मग निष्कलंक गहन । उपजैल देखें ज्ञान ।
तेणें निचाड होईल मन । आपैसें तूखें ॥ ८१ ॥
तेथ आणिक काहीं जाणावें । कां मामिलतें स्मरणें ।
जें अर्जुना स्मरणें । पारुसैल ॥ ८२ ॥

भुक्तिविप्रसिपत्ता ते यदा स्थास्यति निश्चला ।

सत्वाभावबला बुद्धिस्तदा योगनवाप्यवसि ॥ ५३ ॥

इंद्रियांचिया संगती । जो प्रसरु होंतुसे मती ।

ते स्थिर होईल माघौती । आत्मरूपी ॥ ८३ ॥

समाधिसुखीं केवल । जें बुद्धि होईल निश्चल ।

तैं पावसी तूं सकल । योगस्थिति ॥ ८४ ॥

अर्जुन उवाच ॥

स्थितप्रज्ञस्य का भाषा समाधिस्थस्य केसव ।

स्थितधीः किम्प्रभाषेत किमासीत् ब्रजेत किम् ॥ ५४ ॥

तेथ अर्जुनु हणु देवा । हा चि अभिप्रा३० आचवा ।

मी प्रसैन आतां सांघावा । कृपानिधि ॥ ८५ ॥

मग अच्युतु हणु सुखें । जें किरीटी तुज नीकें ।

तैं प्रसैं पां उन्मेखें । मनाचेनि ॥ ८६ ॥

एयां बोला पार्थें । हणितलें सांघा कृष्णातें ।

काइ हणिजे स्थितप्रज्ञातें । उल्लखों केवि ॥ ८७ ॥

आणि स्थिरबुद्धि हणिजे । तो कैसां चिन्ह जाणिजे ।

जो समाधिसुख भुंजे । अखंडितु ॥ ८८ ॥

तो कवणी स्थिती असे । कैसेनि रूपीं विलसे ।

देवा सांघावें हें ऐसें । लक्ष्मीपती ॥ ८९ ॥

श्रीभगवानुवाच ॥

प्रजहाति यदा कामान्सर्वान्पार्थ मनोमताम् ।

आत्मन्येवात्माना तुष्टः स्थितप्रज्ञस्तदोच्यते ॥ ५५ ॥

तवं परब्रह्मअवतरणु । पडुणाधिकरणु ।

तो काइ तेथ नारायणु । बोळत असे ॥ २९० ॥

हणु अर्जुना तरि परियसैं । हा अभिलातु प्रौढु मगसीं ।

जो अंतरा३० स्वसुखेंसीं । करीत असे ॥ ९१ ॥

सर्वदा नित्यनृत्त । तें तरि अंतष्करण भरित ।
 परि विषयांमाक्षि पतीत । जेणें संगें कीजे ॥ ९३ ॥
 तो कामु सर्वथा जाये । आत्मतोषीं ननें राहे ।
 तो चि स्थितप्रभु होये । पुरुषु जाणें ॥ ९३ ॥

दुःखेष्वनुद्विग्नमनाः सुखेषु विगतस्पृहः ।

वीतरागभयक्रोधःस्थितधीर्मुनिरुच्यते ॥ ५६ ॥

नाना दुःखीं प्राप्तीं । जया उद्वेगु नाहिं चित्ति ।
 आणि सुखाचिया आर्त्तीं । अडचिजेना ॥ ९४ ॥
 अर्जुनां तेषांचां ठांडं । कामक्रोध साहाजें नाहिं ।
 आणि भयातें नेणें कहीं । परिपूर्णु तो ॥ ९५ ॥
 ऐसा जो निरवधी । तो जाण पां स्थिरबुद्धि ।
 तो मुनि उपाधि— । भेदहीनु ॥ ९६ ॥

यः सर्वत्रानभिस्नेहस्तत्तत्प्राप्य शुभाशुभम् ।

नाभिनन्दति न द्वेष्टि तस्य प्रज्ञा प्रतिष्ठिता ॥ ५७ ॥

जो सर्वत्र सदा सरिसा । परिपूर्णु कां चंद्रु जेंसा ।
 अधमोत्तमप्रकाशा । माक्षि न ह्यणे ॥ ९७ ॥
 ऐसी अविच्छिन्न समता । भूतमात्रीं सदयता ।
 आणि पालटु नाहीं चित्ता । कन्हणीं काळीं ॥ ९८ ॥
 गोमटें काहिं पावे । तरि संतोषें तेंणें नाभिभवे ।
 जो अखटेनि नांगवे । विषादासि ॥ ९९ ॥
 ऐसा हर्षशोकरहितु । जो आत्मबोधें भरितु ।
 तो जाण पां प्रज्ञायुक्तु । धनुर्दरा ॥ ३०० ॥

यदा संहरते चायं कूर्मो गानीव सर्वशः ।

इन्द्रियार्णीन्द्रियार्थेभ्यस्तस्य प्रज्ञा प्रतिष्ठिता ॥ ५८ ॥

आत्मां अर्जुना आणिक हि एक । सांचैन आइकें कवतीक ।
 जें विषयातें साधक । त्यजीति नियमं ॥ १ ॥

देखें कूर्माचिया परी । उवाइला अवयव पसरी ।
 ना तरि इछावसें आवरी । आपणपां चि ॥ २ ॥
 तैसि इंद्रियें आपैतीं होंति । जेयाचें हाणियें कारिति ।
 तेयाची प्रज्ञा जाणें स्थिति । पातली असे ॥ ३ ॥

विषया विनिवर्त्तते निराहारस्य देहिनः ।

रसबर्जं रसोप्यस्य परं दृष्ट्वा निवर्त्तते ॥ ५९ ॥

श्रोत्रादि इंद्रियें धरिति । परि रसनेसि नियमु न करीति ।
 तेथ सहस्रधा कवलजति । विषइं इहीं ॥ ४ ॥
 जैसी वरिवरि पालवी खुडिजे । आणि मूर्ली उदक घालिजे ।
 तरि कैसेनि नाशु निफजे । वृक्षा तेया ॥ ५ ॥
 तो उदकाचेन बलें अधिकें । जैसा आडवेन आंगें फांके ।
 तैसा मानसीं विषो पोखे । रसद्वारें ॥ ६ ॥
 एरा इंद्रियां विखो तूट । तैसा नियमूं नैये रसु हटें ।
 जें जीवित हें न घटे । एणेंविण ॥ ७ ॥
 मग अर्जुना स्वभावे । हा ही नियमातें पावे ।
 जें परब्रह्म अनुभवे । होउनि जाइजे ॥ ८ ॥
 तें शरीरभाव नाशति । इंद्रियें विषय विसरती ।
 जै सोहंभावप्रतीती । प्रकट होये ॥ ९ ॥
 यन्हविं तन्हें अर्जुना । हें आया नैये साधना ।
 जे राहटताति जतना । निरंतर ॥ ३१० ॥

यततोह्यपि कौंतेय पुरुषस्य विपश्चितः ।

इंद्रियाणि प्रमाथीनि हरंति प्रसभं मनः ॥ ६० ॥

जे हातें अभ्यासाची घरटी । यमनियमाची ताटी ।
 जे मनातें यया मूठी । धरुनि असति ॥ ११ ॥
 तेही कीजति कासादिसी । एया इंद्रियांची प्रौढि ऐसी ।
 जैसी मंत्रज्ञातें विवंसी । भूलवी कां ॥ १२ ॥

देखें विषय हे तैसे । पावति ऋद्धिचेनि मीसें ।
 मग आकलिति स्पर्शें । इंद्रियांचेन ॥ १३ ॥
 तिये संधी मन जाये । मग अभ्यासीं ठोंटावला ठाये ।
 ऐसें बलिकटपण आहे । इंद्रियांचें ॥ १४ ॥

तानि सर्वाणि संयम्य युक्त आसीत् मत्परः ।

बशे हि बस्येन्द्रियाणि तस्य प्रज्ञा प्रतिष्ठिता ॥ ६१ ॥

सगौनि आइकें पार्था । एयातें निर्दली जो सर्वथा ।
 सर्व विषइं आस्था । सांडूनियां ॥ १५ ॥
 तो चि तूं जाण । योगनिष्ठेसि कारण ।
 जेयाचें विषयें मुखें अंतष्करण । ज्ञांकवे चि ना ॥ १६ ॥
 तो आत्मबोधयुक्त । होउनि असे संततु ।
 जो मातें हृदया आंतु । विसंभे ना ॥ १७ ॥
 यन्हांवि बाहें विषय तरि नाही । परि मानसीं होईल जरि काहीं
 तरि साद्यंतू चि हा पाहीं । संसारु असे ॥ १८ ॥
 जैसा कां विषाचा लेमु । घेतलेया होये बहुवसु ।
 मग निभ्रांतु करी नाशु । जावितासि ॥ १९ ॥
 तैसी एयां विषयांची शंका । मनीं वाहाती देखां ।
 घातु करी अशोपां । विवेकजातां ॥ ३२० ॥

ध्यायतो विषयान्पुंसः संगस्तेषूपजायते ।

संगात्संजायते कामः कामात्क्रोधोमिजायते ॥ ६२ ॥

जरि हृदइं विषयस्मृति । तरि निःसंगा ही आपजे संगति ।
 संगीं प्रकटे मूर्त्ति । अभिलाषाची ॥ २१ ॥
 जेथ कामु उपचला । तेथ क्रोधु आदि चि आला ।
 क्रोधीं असे ठेवला । संमोहो जाणें ॥ २२ ॥

क्रोधान्भवति संमोहः संमोहात्स्मृतिविभ्रमः ।

स्मृतिभ्रंशाद्बुद्धिनाशो बुद्धिनाशात्प्रणश्यति ॥ ६३ ॥

समोहा जाली व्यक्ति । तरि नाशु पावे स्मृती ।
 चंड वारें ज्योति । आहत जैसी ॥ २३ ॥
 मग अज्ञानांध केवल । तेणें आप्तविजे सकल ।
 तेथ बुद्धि होये व्याकुल । हृदयामाशि ॥ २४ ॥
 कां अस्तमानां निशि । जैसी सूर्यतेजातें प्रसी ।
 तैसी दशा स्मृतिभ्रंशीं । प्राणियांसि ॥ २५ ॥
 जैसी जात्यंधा पलणि पावे । मग तें काकुलती सैरा धांवे ।
 तैसे बुद्धीसि होंति भवे । धनुर्दरा ॥ २६ ॥
 ऐसा स्मृतिभंशु घडे । मग सर्वथा बुद्धि अबघडे ।
 तेथ समूल हें उपडे । ज्ञानजात ॥ २७ ॥
 चैतन्याचां भ्रंशीं । शरीरा दशा जैसी ।
 तैसें पुरुषा बुद्धिनाशीं । होये देखें ॥ २८ ॥
 ह्यणौनि आइकें अर्जुना । जैसा विस्फुलिंगु लागे इंधना ।
 मग तो प्रोढु जाला त्रिभुवना । पुरों शके ॥ २९ ॥
 तैसें विषयांचें ध्यान । जरि विपायें वाहे मन ।
 तरि एसणें हें पतन । गिवसीत पावें ॥ ३३० ॥

रागद्वेषवियुक्तैस्तु विषयानिद्रियैश्चरन् ।

आत्मबन्धैर्विधेयात्मा प्रसादमधिगच्छति ॥ ६४ ॥

ह्यणौनि विषय आघवे । सर्वथा मनौनि सांडावे ।
 मग रागद्वेष स्वभावे । नाशतील ॥ ३१ ॥
 पार्था आणिक ही एक । जरि नाशले हे रागद्वेष ।
 तरि इंद्रियां विषहं बाधक । रमतां नाही ॥ ३२ ॥
 जैसा सूर्यु आकाशगतु । रश्मिकरीं जगातें स्पर्शतु ।
 तरि संगदोषें काइ लिंपतु । तेथिचेनि ॥ ३३ ॥
 तैसा इंद्रियार्थी उदासीनु । आत्मरसें चि निर्भिनु ।
 जो कामक्रोधविहीनु । होउनि असे ॥ ३४ ॥

तेया विंशि आणिक काहीं । एक आपणपें वांचूनि नाहीं ।
 तरि विषय कवण काइ । बाधिति तेया ॥ ३५ ॥
 जरि उदकें उदकीं बुडीजे । कां अग्नी आगि पोलिजे ।
 तरि विषयसंगीं आकलिजे । परिपूर्णु तो ॥ ३६ ॥
 ऐसा आपण चि केवल । होउनि असे निश्चल ।
 तेयाची प्रज्ञा अचल । निभ्रांत मानीं ॥ ३७ ॥

प्रसादे सर्वदुःखानां हानिरस्योपजायते ।

प्रसन्नचेतसोऽह्याशु बुद्धिःपर्यवतिष्ठते ॥ ६४ ॥

देखैं अखंडित प्रसन्नता । आधि जेथ चित्ता ।
 तेथ रिगणें नाहीं समस्तां । संसारदुःखां ॥ ३८ ॥
 जैसा अमृताचा निर्झरु । प्रसवे जेयाचा जठरु ।
 तेया क्षुधेतृषेचा अडदरु । काहिं चि नाहिं ॥ ३९ ॥
 तैसें हृदय प्रसन्न होये । तरि दुःख कैचें के आहे ।
 तेथ आपैसी बुद्धि राहे । परमात्मरूपीं ॥ ३४० ॥
 जैसा निर्वातिचा दीपु । सर्वथा नेणे कंपु ।
 तैसा स्थिरबुद्धि स्वस्वरूपु । योगयुक्ती ॥ ४१ ॥

नास्ति बुद्धिरयुक्तस्य न चायुक्तस्य भावना ।

न चाभावयतः शान्तिरशांतस्य कुतः सुखम् ॥ ६६ ॥

इये युक्तिची कडसणी । नाहिं जेयाचां अंतष्करणीं ।
 तो आकलिला जाण गुणीं । विषयादिकिं ॥ ४२ ॥
 तेया स्थिर बुद्धि पार्या । काहिं चि नाहिं सर्वथा ।
 आणि स्थैर्याची आस्था । ते ही नुपजे ॥ ४३ ॥
 निश्चलत्वाची भावना । जरि नव्हे चि देखैं मना ॥
 तरि शांति केवि अर्जुना । आपु होये ॥ ४४ ॥
 आणि जेथ शांतिचा जीवाला नाहीं। तेथ सुख विसरीनि न रिगे कहीं।
 जैसा पापियांचां ठांडें । मोक्षु न वसे ॥ ४५ ॥

देखैं अग्नीमाक्षि घापति । तियें वीजें जरि विरुढति ।
तारि अशांता सुखप्राप्ति । घडों शके ॥ ४६ ॥

इंद्रियाणां हि चरतां यन्मनोनुविधीयते ।

तदस्य हरति प्रज्ञां वायुर्नावमिवांभसि ॥ ६७ ॥

हणौनि अयुक्तपण मनाचें । तें चि सर्वस्व दुःखाचें ।
एया कारणें इंद्रियांचें । दमन नीकें ॥ ४७ ॥
इयें इंद्रियें जें जें हणति । तें तें चि जे पुरुष करिति ।
ते तरले चि न तरति । विषयसिंधु ॥ ४८ ॥
जैसी नाव थडी पावतां । वरिपडी होये दुर्वाता ।
तारि चूकला ही माघौता । अपा३० पावे ॥ ३४९ ॥
तैसीं प्राप्ते हीं पुरुषें । इंद्रियें लालिलें जरि कबतिकें ।
तारि आक्रमिला देहदुःखें । संसारिकें ॥ ३५० ॥

तस्माद्यस्य महाबाहो निगृहीतानि सर्वशः ।

इंद्रियार्णोद्रियार्थेभ्यस्तस्य प्रज्ञा प्रतिष्ठिता ॥ ६८ ॥

हणौनि आपुर्ली आपणपेया । जरि इंद्रियें येति आया ।
तारि आणिक ही काहीं धनंजया । सार्थक असे ॥ ५१ ॥
ऐसीं इंद्रियें आपैतीं होंति । जेयाचें हणितलें हणियें करिति ।
तेयाची प्रज्ञा जाणें स्थिती । पातली असे ॥ ५२ ॥

या निशा सर्वभूतानां तस्यां जागर्ति संयमी ।

यस्यां जाग्रति भूतानि सा निशा पश्यतो मुनेः ॥ ६९ ॥

आतां आणिक ही एक गहन । पूर्णाचें चिन्ह ।
अर्जुना तुज सांघैन । परियस पां ॥ ५३ ॥
देखैं भूतजात निदैंलें । जेथ तें चि जेया पाहालें ।
आणि जीव जेथ चेइले । तेथ निद्रितु जो ॥ ५४ ॥
तो चि तो निरुपाधि । अर्जुना स्थिरबुद्धि ।
तो चि जाणें निरबधि । मुनीश्वर ॥ ५५ ॥

आपूर्यमाणमखलप्रतिष्ठं समुद्रमापः प्रविशन्ति यद्वत् ।
तद्वत्कामा यं प्रविशन्ति सर्वे स शान्तिमाप्नोति न कामकामी ॥७०॥

पार्था आपिक्कि ही परी । तो जाणों येईल अवधारी
जैसी अक्षोभता सागरीं । अखंडीत ॥ ५६ ॥
जन्हीं सारिता उग्ध समस्त । परिपूर्ण होउनि मिलत ।
तन्हीं अधिकु नव्हे इपत् । मर्यादा न संडी ॥ ५७ ॥
ना तारि प्रीष्मकार्ळीं सारिता । शोषौनि जांति सर्वथा ।
परि न्यून नव्हे पार्था । समुद्रु जैसा ॥ ५८ ॥
तैसा प्राप्ति ऋद्धिसिद्धिं । तेयासि क्षोभु नाहीं बुद्धी ।
आणि न पवतां न बाधी । अधृति तेयातें ॥ ५९ ॥
सांधें सूर्याचां घरीं । काइ प्रकाशु वातिवेन्हीं ।
किं न लविजे चि तरि आंधारीं । कोंडैल तो ॥ ३६० ॥
देखैं रिद्धी चि तिया परीं । आर्ली गेली मे न करी ।
तो विगुंतला असे आंतरीं । महामुखें ॥ ६१ ॥
जो आपुलेनि नागरपणें । इंद्रभवना पावलें क्षणे ।
तो रंजे केवि पालिवणें । भिलांचेनि ॥ ६२ ॥
जो अमृतासि ठी ठेवी । तो कांजी जैसा न सेवी ।
तैसा स्वसुखानुभवां । न भोगी रुद्धी ॥ ६३ ॥
पार्था हें नवल पाहीं । जेथ स्वर्गमुख लेखणिये नाहीं ।
तेथ रिद्धिसिद्धी इया काइ । प्राकृता होंति ॥ ६४ ॥

विहाय कामान्यः सर्वान्पुमांश्चरति निस्पृहः ।

निर्ममो निरहंकारः स शान्तिमधिगच्छति ॥ ७१ ॥

ऐसा आत्मबोधें तोषला । जो परमानंदें पोखला ।
तो चि स्थिरप्रभु भला । बोलख तूं ॥ ६५ ॥
तो अहंकारातें जिणौनि । सकल कामना सांडूनि ।
विचरे विश्व होउनि । विश्वामाक्षि ॥ ६६ ॥

एषा ब्राह्मी स्थितिः पार्थ नैनां प्राप्य विमुह्यति ।

स्थित्वास्यामंतकालेपि ब्रह्मनिर्वाणमृच्छति ॥ ७२ ॥

हे ब्रह्मस्थिति निःसीम । जे अनुभवितां निष्काम ।

पातले परब्रह्म । अनायासें ॥ ६७ ॥

चिद्रूपि मिलतां । देहांतिची व्याकुलता ।

आड ठाकों न शके चित्ता । आज्ञा जिया ॥ ६८ ॥

ते चि हे स्थिति । स्वमुखें श्रीपति ।

सांघतसे अर्जुनाप्रति । संजयो ह्यणे ॥ ६९ ॥

ऐसें कृष्णवाक्य आइकिलें । तेथ अर्जुनें मनीं ह्यणितलें ।

आतां आमचेया चि काना आलें । उपपत्ती इया ॥ ३७० ॥

जें कर्मजात आघवें । एथ निराकारिलें देवें ।

तरि पाउखलें मियां जूझावें । ह्यणोनियां ॥ ७१ ॥

ऐसा अच्युताचेया बोला । चित्ति धनुर्दरु उवाइला ।

आतां प्रश्नु करील भला । शंकुनियां ॥ ७२ ॥

तो प्रसंगु असे नागरु । जो सकल धर्मासि आगरु ।

किं विवेकामृतसागरु । प्रांतहीनु ॥ ७३ ॥

जो आपण सर्वज्ञ नाथु । निरूपिता होइल अनंतु ।

ते ज्ञानदेउ सांघैल मातु । निवृत्तिदासु ॥ ३७४ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे

श्रीकृष्णार्जुनसंवादे सांख्ययोगो नाम द्वितीयोध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय तिसरा

अर्जुन उवाच ॥

ज्यायसी चेत्कर्मणस्ते मता बुद्धिर्जनार्दन ।

तत्किं कर्मणि घोरे मां नियोजयसि केशव ॥ १ ॥

मग अर्जुनें ह्यणितलें । देवा तुह्मीं जें वाक्य बोलिलें ।

तें मियां परिसिलें । कमलापती ॥ १ ॥

तेथ कर्म आणि कर्त्ता । नुरे चि पल्हातां ।

ऐसें मत्त तूझे अनंता । निश्चित जरि ॥ २ ॥

तरि मातें केवि हरी । ह्यणसि पार्था संग्रामु करीं ।

इये लाजसि ना वारीं । कर्मीं सूतां ॥ ३ ॥

हां गा तूं चि कर्म अशेष । निराकारसि निःशेष ।

आणि मजकरविं हिंसक । करवीसि कां ॥ ४ ॥

तारि हें विचारीं ह्यपीकेशा । तूं मानु नेंदसि कर्मलेशा ।

आणि एसणी हे हिंसा । करवीतासि ॥ ५ ॥

व्यामिश्रेणैव वाक्येन बुद्धिं मोहयसीव मे ।

तदेकं वद निश्चित्य येन श्रेयोऽहमाप्नुयाम् ॥ २ ॥

देवा तुवां चि ऐसें बोलवें । तरि नेणतां आह्मीं काइ करावें ।

आतां सरलें ह्यणों आघवें । विवेकाचें ॥ ६ ॥

हां गा उपदेशु जरि ऐसा । तरि अपभ्रंशु तो कैसा ।
 आतां पुरला पां धिवंसा । आत्मबोधाचा ॥ ७ ॥
 वैद्यु पथ्य वारुनि जाये । मग विप्र आपण चि सुये ।
 तरि रोगिया कैसेनि जिये । सांघें मज ॥ ८ ॥
 जैसें आंधलेया अब्हांटा । कां माजवणदान मर्कटा ।
 तैसा उपदेशु हा गोमटा । ॐडवला आह्वां ॥ ९ ॥
 मीं आदीं चि काहीं नेणें । वरि कवलिलां मोहें एणें ।
 कृष्णा विवेकु एया कारणें । पृसिला तूतें ॥ १० ॥
 तवं तूझी एकएकि नवाई । एथ उपदेशामाक्षि गावाई ।
 तरि अनुसरलेया काई । वोज सांघें ॥ ११ ॥
 आह्नि तनुमनुजीवें । तूजेया बोला ॐटंगावें ।
 आणि तुवां चि ऐसें बोलावें । तरि सरलें हणें ॥ १२ ॥
 आतां ऐसिया परी बोधिसी । तरि नीकें आह्वां करिसी ।
 एथ ज्ञानाची आश काइसी । अर्जुनु हणें ॥ १३ ॥
 तिथें जाणिवेचें करु सरलें । परि आणिक एक असे जालें ।
 जें थीतें हें डहुडडे । हृश्य माझें ॥ १४ ॥
 तेंविं चि कृष्णा तूझें । हें चरित्र काहीं नेणजे ।
 जरि चित्त पाहांसि माझें । एणें मीसें ॥ १५ ॥
 ना तरि झांकवीतु आहासि मातें । किं तत्व चि कथिलें ध्वनितें ।
 हें अवगमितां निरुतें । जाणवे ना ॥ १६ ॥
 ह्यगौनि आइकें देवा । हा भावार्थु आतां न बोलावा ।
 मज विवेकु तो सांघावा । मन्हाटा जी ॥ १७ ॥
 मीं अत्यंतु जडु असें । परि ऐसा ही नीकें परिहसें ।
 कृष्णा बोलावें तुवां तैसें । एकनिष्ठ ॥ १८ ॥
 देखैं रोगातें जीणावें । ॐप्रध तरि घेयावें ।
 परि तें रुचिकर होआवें । मधुर जैमें ॥ १९ ॥

तैसैं सकलार्थभरित । तत्व सांघावें उचित ।
 परि बोधे माझे चित्त । जिया परीं ॥ २० ॥
 देवा तुज ऐसा निजगुरु । आजि आर्तिची धणि कां न करूं ।
 एथ भीड कवणाची धरूं । तूं माये आमची ॥ २१ ॥
 हां गा कामधेनूचें दुभतें । आणि दैवें जालें आपैतें ।
 तरि कामनेची कां तेथें । वाणि कीजे ॥ २२ ॥
 जरि चिंतामणि हाता चडे । तरि वांसनेचें कवण सांकडें ।
 कां आपुलेनि मुरवाडें । इछावें ना ॥ २३ ॥
 देखैं अमृतसिंधुतें टाकावें । मग ताहाना जरि फूटावें ।
 तरि सायास कां करावे । मार्गाल ते ॥ २४ ॥
 तैसां जन्मांतरीं बहुतीं । उपासितां लक्ष्मीपतीं ।
 तूं दैवें आजि हातीं । जालासि जरि ॥ २५ ॥
 तरि आपुलाळिया सावेसा । कां न मगात्रासि परेशा ।
 देवा मुकालु हा मानसा । पाहला असे ॥ २६ ॥
 देखैं सकलार्तिचें जियालें । आणि पुण्य यशासि आलें ।
 हे मनोरथ जाले । विजई माझे ॥ २७ ॥
 जि परममंगलधामा । देवदेवोत्तमा ।
 तूं स्वार्थीनु जी आह्वां । ह्यणौनियां ॥ २८ ॥
 देखैं मातेचां ठाईं । अपत्या अनवसरु नाहीं ।
 स्तन्यासि लागौनि पाईं । जिया परीं ॥ २९ ॥
 तैसैं देवा तूतें । प्रसिजत असे आवडतें ।
 आपुलेनि आर्तें । कृपानिधी ॥ ३० ॥
 तरि पारत्रिकीं हित । आणि आचरतां उचित ।
 तें सांघें एक निश्चित । पार्थु ह्यणे ॥ ३१ ॥

श्रीभगवानुवाच ॥

लोकेऽस्मिन्निविधा निष्ठा पुरा प्रोक्ता मयानघ ।

ज्ञानयोगेन सांख्यानां कर्मयोगेन योगिनाम् ॥ ३॥

तत्र येया ब्रोला अच्युतु । सांघन ह्यणे विस्मितु ।
 अर्जुना परिसै हा ध्वनितु । अभिप्रा३० ॥ ३२ ॥
 जें बुद्धियोगु सांगतां । सांख्यमतसंस्था ।
 प्रकटिली स्वभावता । प्रमंगं आहीं ॥ ३३ ॥
 तो उद्देशु तूं नेणसी चि । ह्यणौनि क्षोभुलासि वायां चि ।
 तरि जाणें आतां मियां चि । उक्ता दोन्हीं ॥ ३४ ॥
 अवधारीं वीरश्रेष्ठा । इये लोकीं इया दोन्हीं निष्ठा ।
 मज चि पासौनि प्रकटा । अनादिसिद्धा ॥ ३५ ॥
 एक ज्ञानयोगु ह्यणिजे । तो सांख्य अनुष्ठिजे ।
 जेथ बोलखीसर्वें पाविजे । तद्रूपता ॥ ३६ ॥
 एरु कर्मयोगु जाण । जेथ साधकजन निपुण ।
 होउनियां निर्वाण । पावति वेले ॥ ३७ ॥
 हे मार्ग तरि दोन्हीं । परि एकावटति निदानीं ।
 जैसी सिद्धसाध्यभोजनीं । तृप्ति एकि ॥ ३८ ॥
 कां पूर्वापर सारिता । भिन्ना दीसति पल्हातां ।
 मग सिंधुमिलणीं ऐक्यता । पावति शेषीं ॥ ३९ ॥
 तैसीं दोन्हीं इयें मते । सूचीति एका चि कारणते ।
 परि उपास्ति ते योग्यते । अशीन असे ॥ ४० ॥
 देखें उत्पवनासारिसा । पक्षिया फलासि शोबे जैसा ।
 सावें नरु केवि तैसा । पावे वेगें ॥ ४१ ॥
 तो हळहळ ढालें । केतुकेनि एकें वेले ।
 मार्गाचेनि बलें । निश्चित दाकी ॥ ४२ ॥

तेसैं विहंगममते । अधिष्टृनि ज्ञानाते ।
 सांख्य सद्य मोक्षाते । आकलिति ॥ ४३ ॥
 एर योगिये कर्माधारे । विहिते चि निजाचारे ।
 पूर्णता अवसरें । पावते होंति ॥ ४४ ॥

नकर्मणामनारंभात्तैष्कर्म्यं पुरुषोऽश्रते ।

न च संन्यासनादेव सिद्धिं समाधिगच्छति ॥ ४ ॥

वांचूनि कर्मरंभ उचित । न करितां सिद्धवत ।
 कर्महीना निश्चित । होइजे ना ॥ ४५ ॥
 कां प्राप्त कर्म सांडिजे । एतुलेनि नैष्कर्म्या होइजे ।
 हें अर्जुना वायां चि बोलिजे । मूर्खपणे ॥ ४६ ॥
 साधें पैठ तीरा जावें । ऐसैं व्यसन जेथ पावे ।
 तेथ नावेंतें त्यजावें । घडे केवि ॥ ४७ ॥
 ना तरि तृप्ति इच्छिजे । तरि कैमेनि पाकु न कीजे ।
 कां सिद्ध ही न सेविजे । केवि साधें ॥ ४८ ॥

न हि कश्चित्क्षणमपि जातु तिष्ठत्यकर्मकृत् ।

कार्यते ह्यवशः कर्म सर्वः प्रकृतिजैर्गुणैः ॥ ५ ॥

जवं निरार्त्तता नाही । तवं व्यापारु असे पाइं ।
 मग संतुष्टिचां ठाई । कुटे साहाजें ॥ ४९ ॥
 ह्यणौनि आइकें पार्था । जेया नैष्कर्म्यपदीं आस्था ।
 तेया उचित कर्म सर्वथा । त्याज्य नोहे ॥ ५० ॥
 आणिक आपुलिये चाडे । गा आपादिलें हें मांडे ।
 किं त्यजिलें कर्म सांडे । ऐसैं आहे ॥ ५१ ॥
 हें वायां चि सैरा बोलिजे । उकलु तरि देखों पाहिजे ।
 परि त्यजितां कर्म न त्यजे । निभ्रान्त मानीं ॥ ५२ ॥
 जवं प्रकृतिचें अधिष्ठान । तवं सांडि मांडि हें अज्ञान ।
 जे चेष्टा ते गुणाधीन । आपैसी असे ॥ ५३ ॥

देखैं विहित कर्म जेतुलें । तें सकल जन्हें उ०संडिलें ।
 तारि स्वभाव कांड निमाले । इंद्रियांचे ॥ ५४ ॥
 साधें श्रवणें आइकों ठेलें । किं नेत्रांचें तेज गेलें ।
 हें नासारंध्र बुजालें । परिमलु नेघे ॥ ५५ ॥
 कां प्राणपानगती । खलन जालें इये मती ।
 किं क्षुधातृषादि आर्त्ती । खुंटलिया ॥ ५६ ॥
 हे स्वप्नावबोध ठेले । किं चरण चालों विसरले ।
 हें असो कांड निमाले । जन्ममृत्यू ॥ ५७ ॥
 हें न टके चि जरि पाइ । तारि सांडिलें एथ काई ।
 ह्यणौनि कर्मासि त्यागु नाही । प्रकृतिमंतां ॥ ५८ ॥
 कर्म पराधीनपणें । निफजतसे प्रकृतिगुणें ।
 एरि धरी मेकली अंतष्करणें । वाहिजे वायां ॥ ५९ ॥
 देखैं रथीं आरुढां होइजे । मग जन्हें निश्चलां बैसिजे ।
 तन्हें चलां होउनि हींडिजे । परतंत्रता ॥ ६० ॥
 कां उचललें वायुवसें । शुष्कलें पत्र जैसें ।
 निश्चेष्ट आकाशें । परिभ्रमें ॥ ६१ ॥
 तैसें प्रकृति आधारें । कर्मेद्रियें विकारें ।
 नैष्कर्म्य हीं व्यापारे । निरंतर ॥ ६२ ॥
 ह्यणौनि संगु जवं प्रकृतिचा । तवं त्यागु न घडे कर्माचा ।
 एथ करूं ह्यणति तेयांचा । आप्रहो चि उरे ॥ ६३ ॥
 कर्मेद्रियाणि संयम्य य आस्ते मनसा स्मरन् ।
 इंद्रियार्थान्विमूढात्मा मिथ्याचारः स उच्यते ॥ ६ ॥
 जे उचित कर्म सांडिति । मग नैष्कर्म्य हों पाहांति ।
 पारि कर्मेद्रियप्रवृत्ति । निरुंधुनि ॥ ६४ ॥
 तेयां कर्मत्यागु न घडे । जें कर्तव्य मनीं सांपडे ।
 वरि नटति ते कुडें । दरिद्र जाण ॥ ६५ ॥

ऐसे ते पार्था । विषयासक्त सर्वथा ।

ॐलखात्रे अन्यथा । भ्रांति नाही ॥ ६६ ॥

यस्त्विन्द्रियाणे मनसा नियम्यारभतेऽर्जुन ।

कर्मैन्द्रियैः कर्मयोगमसक्तः स विशिष्यते ॥ ७ ॥

आतां देइ अवधान । प्रसंगें तुज सांघेन ।

एया निराशाचें चिन्ह । धनुर्द्वरा ॥ ६७ ॥

जो आंतरीं दृढ । परमात्मरूपीं गूढ ।

बाह्ये तरि रूढ । लौकिकु जैसा ॥ ६८ ॥

जो इंद्रियां आज्ञा करी । विषयांचें भय न धरी ।

प्राप्त कर्म नव्हेरी । उचित जें जें ॥ ६९ ॥

कर्मैन्द्रियें कर्मी । राहटतां तरि नियमी ।

परि तेथिचिया उर्मी । झांकोले ना ॥ ७० ॥

जो कामनामात्रें न वेपे । मोहमलें न लिपे ।

जैसें जलीं जलें न सिपे । पद्मपत्र ॥ ७१ ॥

तैसा संसर्गामाजि असे । सकलांसारिखा दीसे ।

जैसें तोयसंगें आभासे । भानुबिंब ॥ ७२ ॥

तैसा सामान्यत्वे पाहिजे । तरि साधारणू चि देखिजे ।

यन्हविं निर्द्धारितां नेणजे । सोय जेयाची ॥ ७३ ॥

ऐसा चिन्हि चिन्हतु । देखमी तो चि मुगतु ॥

आशापाशरहितु । ॐलख पां ॥ ७४ ॥

अर्जुना तो चि गा योगी । विशेषिजे जर्गी ।

क्षणौनि ऐसा होथे ययालागि । क्षणिपें तूतें ॥ ७५ ॥

नियतं कुरु कर्म त्वं कर्म ज्यायो ह्यकर्मणः ।

शरीरयात्रापि च ते न प्रसिद्धयेदकर्मणः ॥ ८ ॥

तूं मानसासि नियमु करीं । निश्चलु होउनि आंतरीं ।

मग कर्मैन्द्रियें व्यापारीं । वर्ततु सुखें ॥ ७६ ॥

हणसि निष्कर्मा जरि होवावें । तरि येथ तें न संभवे ।
आणि निषिद्ध केविं राहाटावें । विचारि पां ॥ ७७ ॥
हणौनि जें जें उचित । आणि अवसरें करूनि प्राप्त ।
तें कर्म हेतुरहित । आचार तूं ॥ ७८ ॥

पार्था आणिक ही एक । नेणसि तूं कवतिक ।
जैसैं कर्म चि मोचक । आपैसैं असे ॥ ७९ ॥
देखैं अनुक्रमाधारें । धर्मु जो आचर ।
तो मोक्षु तेणें व्यापारें । निश्चित पावे ॥ ८० ॥

यज्ञार्थात्कर्मणोऽन्यत्र लोकोऽयं कर्मबंधनः ।

तदर्थं कर्म कांतेय मुक्तसंगः समाचर ॥ ९ ॥

स्वधर्मु जो बापा । तो नित्ययज्ञु जाण पां ।
हणौनि वर्ततां तेथ पापा । संचारु नाहीं ॥ ८१ ॥
हा निजधर्मु जें सांडे । कुकर्मी रति घडे ।
तैं चि बंधु पडे । संसारिकु ॥ ८२ ॥
हणौनि स्वधर्मनिष्ठान । तैं अखंड तुज यजन ।
जो करी तेया बंधन । कहीं नाहीं ॥ ८३ ॥
हा लोकु कर्म बांधला । जां परतंत्र असे भूतला ।
तो नित्ययज्ञाते असे चूकला । हणौनियां ॥ ८४ ॥

सहायज्ञाः प्रजाः सृष्ट्वा पुरोवाच प्रजापतिः ।

अनेन प्रसविष्यध्वमेष वोऽस्त्विष्टकामधुक् ॥ १० ॥

आतां इये चि विखैं पार्था । तुज मी सांधेन एकि कथा ।
जैं श्रिष्टि आदि संस्था । ब्रह्मेनि केली ॥ ८५ ॥
तैं नित्ययागसहितें । सृजिलीं भूतें समस्तें ।
परि नेणति चि तियें यज्ञातें । सूक्ष्मु हणौनि ॥ ८६ ॥
तेव्हलि प्रजां विनविला ब्रह्मा । देवा आश्रो काइ एंथ आसां ।
तवं तो हणे कमलजन्मा । भूतां प्रति ॥ ८७ ॥

तुह्मां वर्णविशेषवसें । आर्ह्यां यन्नु स्वधर्मु विहिला असे ।
 एयातें उपासा मग आपैसें । काम पुरती ॥ ८८ ॥
 तुह्मां व्रतनियम न करावे । शरीरातें न पीडावें ।
 दुरिकें हीं न वचावें । तीर्थासि गा ॥ ८९ ॥
 योगादिकें साधनें । साकाक्षे आराधनें ।
 मंत्रयंत्रविधानें । ज्ञनें करा ॥ ९० ॥
 देवतांतरा भजावें । हें सर्वथा न करावें ।
 स्वधर्मयज्ञ यजावें । अनायासें ॥ ९१ ॥
 अहेतुकेनि चित्तें । अनुष्टा पां एयातें ।
 पतिव्रता पतितें । जेया परीं ॥ ९२ ॥
 तैसा स्वधर्मरुपु मखु । हा चि सेव्यु तुह्मां थेकु ।
 ऐसें सत्यलोकनायकु । बोलता जाला ॥ ९३ ॥
 देखां स्वधर्मातें भजाल । तारि कामधेनु हा होईल ।
 यन्हविं प्रजा हा चि नाडील । तुमतें सदा ॥ ९४ ॥

देवान्भावयतानेन ते देवा भावयंतु वः ।

परस्परं भावयंतः श्रेयः परमवाप्स्यथ ॥ ११ ॥

एणेंकरुनि समस्तां । परितोखु होईल देवतां ।
 मग ते तुह्मां इच्छितां । अर्थातें देति ॥ ९५ ॥
 एया स्वधर्मपूज्य पूजितां । देवगगां समस्तां ।
 योगक्षेमु निश्चिता । करिति तुमचा ॥ ९६ ॥
 तुह्मां देवां जेया भजाल । ते देव तुह्मां तुष्टील ।
 ऐसी परस्परें घडैल । प्रीति जेथ ॥ ९७ ॥
 तेथ तुह्मां जें करूं क्षणाल । तें आपैसें सिद्धी जाईल ।
 वांछित हीं पुरैल । मानसिचें ॥ ९८ ॥
 वाचासिद्धि पावाल । आज्ञापक होआल ।
 क्षणियें तुमतें मागतील । महासिद्धि ॥ ९९ ॥

जैसे रितुपतिचें द्वार । वनश्री निरंतर ।

ॐलगे फलभार । लावण्येसीं ॥ १०० ॥

इष्टान्भोगान्हि वो देवा दास्यन्ते यज्ञभाविताः ।

तैर्दत्तानप्रदायैभ्यो यो भुङ्क्ते स्तेन एव सः ॥ १२ ॥

तैसें सर्वमुखें सहित । देव चि मूर्तिमंत ।

एईल देखां काढत । तुझां पाठीं ॥ १ ॥

ऐसे समस्तभोगभरित । होआल तुझीं अनार्त्त ।

जरि स्वधर्मैकनिरत । वर्ताल बापा ॥ २ ॥

कां जालिया सकल संपदा । जो अनुसरैल इंद्रियमदा ।

लुब्ध होउनि आस्वादा । विषयांचेया ॥ ३ ॥

तिहीं यज्ञभावित्तीं सुरीं । जे हे संपत्ति दिधली पुरी ।

तिया स्वमार्गे सर्वेश्वरीं । न भजैल जो ॥ ४ ॥

अग्निमुखीं हावन । न करील देवतापूजन ।

प्राप्ते वेले भजन । ब्राह्मणाचें ॥ ५ ॥

विमुख होईल गुरुभक्तीं । आदरु न करिल अतिथि ।

संतोषु नेंदील ज्ञातीं । आपुल्लिए ॥ ६ ॥

ऐसा स्वधर्मक्रियारहितु । आथिलेपणें माजतु ।

केवल भोगासक्तु । होईल जो ॥ ७ ॥

तेयातें मग अपाॐ थोरु होए । जेणें तें हातिचें सकल जाए ।

देखां प्राप्त ही न लाहे । भोग भोगुं ॥ ८ ॥

जैसें गतायुषे शरीरीं । चैतन्य वासु न करी ।

कां निदैवांचां मंदिरीं । न न्हाय लक्ष्मी ॥ ९ ॥

तैसा स्वधर्मु जरि लोपला । तरि सर्व सुखाचा धारा मोडला ।

जैसा दीपासर्वें हारतला । प्रकाशु जाए ॥ ११० ॥

तैसी निजवृत्ति जेथ सांडे । तेथ स्वतंत्रते वस्ति न घडे ।

आइकां प्रजा हो हें फुडे । विरिंची क्षणे ॥ ११ ॥

हगौनि स्वधर्मु जो सांडील । तेयातें कालु दंडील ।
 चोरु हगौनु हरिल । सर्वस्व तेयाचें ॥ १२ ॥
 मग सकल दोष भवते । गिंवसूनि घेंति तेयातें ।
 रात्रीसमैं स्मशानातें । भूतें जैसीं ॥ १३ ॥
 तैसीं त्रिभुवनिचीं दुःखें । आणिक नानाविधें पातकें ।
 दैन्यजात तेतुकें । तेथ चि वसे ॥ १४ ॥
 ऐसें होए तेया उन्मत्ता । मग न सुटे बापा रुदतां ।
 परि कल्पांति हिं सर्वथा । प्राणिगण हो ॥ १५ ॥
 हगौनि निजवृत्ति हे न संडावीं । इंद्रियें बरलों नेंदावीं ।
 ऐसें प्रजातें सिकवीं । चतुराननु ॥ १६ ॥
 जैसें जलचरां जल सांडे । आणि ततक्षर्गीं मरण घडे ।
 हा स्वधर्मु हीं तेणें पाडे । विसंभों नए ॥ १७ ॥
 हगौनि तुह्मीं समस्तीं । आपुलाळां कर्मीं उचितीं ।
 निरतां होआवें हें पुडुतीं पुडुतीं । हणिवत असे ॥ १८ ॥

यद्वाशिष्टाशिनः संतो मुच्यन्ते सर्व किल्बिषैः ।

भुंजते तेत्वघं पापा ये पंचत्यात्मकारणात् ॥ १३ ॥

देखें विहितक्रियाविधी । निर्हेतुका बुद्धी ।
 जो असतिथे समृद्धी । विनियोगु करी ॥ १९ ॥
 गुरु गो अग्नि पूजी । अवसरें भजे द्विजीं ।
 निमित्तादिकीं यजी । पितरोदेशें ॥ १२० ॥
 इया यज्ञक्रिया उचिता । यज्ञेंसीं हवन करितां ।
 हुतशेष स्वभावता । उरें जें जें ॥ २१ ॥
 तें सुखें आपुलां घरीं । कुटुंबेंसीं भोजन करी ।
 किं भोग्य चि ते निवारी । कल्मषातें ॥ २२ ॥
 तें यद्वाशिशिष्ट भोगी । हगौनि सांडिजे गा तो अर्धी ।
 जिया परीं महारोगी । अमृतसिद्धि ॥ २३ ॥

कां तत्त्वनिष्ठु जैसा । ना गवे भ्रांतिलेशा ।
 तो शेष भोगी तैसा । ना कले दोषां ॥ २४ ॥
 लक्षणौनि स्वधर्मं जें जें आजे । तें स्वधर्मं चि विनियोगिजे ।
 मग उरे तें भोगिजे । संतोषेंसीं ॥ २५ ॥
 हें वांचूनि पार्था । राहाटों न ये अन्यथा ।
 ऐसी आद्य हे कथा । मुरारि सांघे ॥ २६ ॥
 जे देह चि आपणपें मानिति । आणि विषयांतें भोग्य लक्षणति ।
 यया पसैते न स्मरति । आणिक कांहीं ॥ २७ ॥
 हें यज्ञोपकरण सकल । नेणत सांते बरल ।
 अहंबुद्धी केवल । भोगूं पाहांति ॥ २८ ॥
 इंद्रियरुची सारिखे । करवीति पाक नीके ।
 ते पापिये पातकें । सेविति जाणें ॥ २९ ॥
 जें संपत्तिजात आघवें । हें हवनद्रव्य मानावें ।
 मग स्वधर्मयज्ञें अर्पावें । आदिपुरुषीं ॥ १३० ॥
 हें सांडूनियां मूर्ख । आपणपेया लागि देख ।
 निफजवीति पाक । नानाविध ॥ ३१ ॥
 जिहिं यज्ञ सिद्धी जाये । परेशा संतोषु होये ।
 तें हें सामान्य अन्न नोहे । लक्षणौनियां ॥ ३२ ॥

अन्नान्द्रवन्ति भूतानि पर्जन्यादन्नसंभवः ।

यज्ञान्द्रवति पर्जन्यो यज्ञःकर्मसमुद्भवः ॥ १४ ॥

हें न लणावें साधारण । अन्न ब्रह्मरूप जाण ।
 तें जीवनहेतू जाण । विश्वा एया ॥ ३३ ॥
 अन्ना तव भूतें । प्ररोहो पावति समस्तें ।
 मग वर्षु एया अन्नातें । सर्वत्र प्रसवें ॥ ३४ ॥
 तेया पर्जन्या यज्ञीं जन्म । यज्ञातें प्रकटी कर्म ।
 लक्षणौनि कर्मासि आदि ब्रह्म । वेदरूप ॥ ३५ ॥

कर्म ब्रह्मोद्भवं विद्धि ब्रह्माक्षरसमुद्भवं ।

तस्मात्सर्वगतं ब्रह्म नित्यं यज्ञे प्रतिष्ठितम् ॥ १५ ॥

मग बेदातें परापर । प्रसवतसे अक्षर ।

ह्यणौनि हें चराचर । ब्रह्मबंध ॥ ३६ ॥

पारि कर्माचिया मूर्त्ती । यज्ञीं अधिवासु श्रुती ।

आइकैं मुभद्रापती । अखंड गा ॥ ३७ ॥

एषं प्रवर्तितं चक्रं नानुवर्त्तयतोह यः ।

अघ्रायुरिन्द्रियारामो मोघं पार्थ स जीवति ॥ १६ ॥

हे ऐसी आदिपरंपरा । संक्षेपें तुज धनुर्द्वरा ।

सांघितली एया अध्वरा । लागौनियां ॥ ३८ ॥

ह्यणौनि समूळ हा उचितु । स्वधर्मरूपु क्रतु ।

ननुष्ठी जो मत्तु । लोकीं इये ॥ ३९ ॥

तो पातकांचा रासि । जाण भार भूमीसि ।

जो कुकर्में इंद्रियांसि । उपेगा गेला ॥ १४० ॥

तें जन्मकर्म सकळ । अर्जुना अतिनिष्कळ ।

जैसैं कां अभ्रपटल । अकालिचें ॥ ४१ ॥

कां गला स्तन अजेचे । तैसैं जियालें देख तेयाचें ।

जेया अनुष्ठान स्वधर्माचें । घडे चि ना ॥ ४२ ॥

ह्यणौनि आइकैं पांडवा । स्वधर्मु कव्हणीं न संडावा ।

सर्वभावें भजावा । हा चि येकु ॥ ४३ ॥

हां गा शरीर जरि जालें । तरि कर्तव्य हें ओघें आलें ।

मग उचित कां आपुलें । असंडावें ॥ १४४ ॥

यस्वात्मरतिरेवस्यादात्मतृप्तश्च मानवः ।

आत्मन्येव च संतुष्टः तस्य कार्यं न विद्यते ॥ १७ ॥

देखैं असतेनि देहधर्में । एथ तो एकु न सिंपे कर्में ।

जो अखंडित रमे । आपणपां ॥ ४५ ॥

जें तो आत्मबोधें तोपला । तारि कृतकार्यु देखैं जाला ।

हणौनि सहजें सांडला । कर्मसंगु ॥ ४६ ॥

तृप्ति जालेयां जैसीं । साधनें सरति आपैसीं ।

देखैं आत्मतुष्टी तैसीं । कर्म नार्हीं ॥ ४७ ॥

नैव तस्य कृतेनार्थो नाकृतेनेह कश्चन ।

न चास्य सर्वभूतेषु कश्चिदर्थद्वयपाश्रयः ॥ १८ ॥

जवें वेरि अर्जुना । तो बोधु न भेटे मना ।

तव चि येया साधना । भजावें लागे ॥ ४८ ॥

तस्माद्सक्तः सततं कार्यं कर्म समाचर ।

असक्तो ह्याचरन्कर्म परमाप्नोति पूरुषः ॥ १९ ॥

हणौनि तूं नियतु । सकळ कामरहितु ।

होउनियां उचितु । धर्म राहाट ॥ ४९ ॥

जे स्वकर्मा निष्कामता । अनुसरले गा पार्था ।

ते कैवल्य परम तत्वता । पातले जर्गी ॥ १५० ॥

कर्मणैव हि संसिद्धिमास्थिता जनकादयः ।

लोकसंग्रहमेवापि संपश्यन्कर्तुमर्हसि ॥ २० ॥

देख पां जनकादिक । कर्मजात अशेष ।

न संडितां चि मोक्षमुख । पावते जाले ॥ ५१ ॥

एया कारणें पार्था । होआवी कर्मी आस्था ।

हैं आणिका ही एका अर्था । उपकरैल ॥ ५२ ॥

यद्यदाचरतिश्रेष्ठस्तत्तदेवेतरो जनः ।

स यत्प्रमाणं कुरुते लोकस्तदनुवर्तते ॥ २१ ॥

जें आचरतां आपणपेया । देखि लागैल लोका येया ।

तारि चूकैल हा अपाया । प्रसंगें चि ॥ ५३ ॥

देखैं प्राप्तार्थ जाले । जे निष्कामता पातळे ।

तेपां हीं कर्तृत्व असैं उरलें । लोकांलागि ॥ ५४ ॥

मूर्ध्नि अंधास्तरिषा । पुढां देखणा हीं चाले जैसा ।
 अज्ञा प्रकटावा धर्मु तैसा । जाणतेन ॥ ५५ ॥
 हां गा जरि ऐसैं न कीजे । तरि अज्ञाना काइ वाजे ।
 तेहिं कवणी परीं जाणिजे । मार्गतिं ॥ ५६ ॥
 एथ वडिल जें जें कारिति । तेया नावं धर्मु ठेविति ।
 तो चि एर अनुष्ठिति । सामान्य सकल ॥ ५७ ॥
 हें ऐसैं असे स्वभावे । ह्यणौनि कर्म न संडावें ।
 विशेषे आचरावें । लागे संतीं ॥ ५८ ॥

न मे पार्थास्ति कर्तव्यं त्रिसु लोकेषु किंचित् ।

बलबालमवासव्यं वर्त्त एव च कर्मणि ॥ ३२ ॥

आतां आणिकाचिया गोठी । तुज सांधें काइ किरीडी ।
 देखैं मीं चि कीं इये राहाटी । वर्त्तत असे ॥ ५९ ॥
 काइ सांकडे काहीं मातें । किं कन्हणें वेकें आत्तें ।
 अनुचरें मीं कर्मातें । ह्यणसि जरि ॥ १६० ॥
 तरि पुरतेपण्णलागि । आणिकु दुसरा नाहिं चर्णि ।
 ऐसी सामग्री माझां आंगीं । जाणसी तू ॥ ६१ ॥
 परि स्वधर्मि वर्त्तें कैसा । साकांधु कां होये जैसा ।
 तेया चि एका उद्देशा । लागौनियां ॥ ६२ ॥

यदि ह्यहं न वर्त्तयं जातु कर्मण्यतंद्रितः ।

मम वर्त्मानुवर्त्तते मनुष्याः पार्थ सर्वशः ॥ २३ ॥

जें भूतजात सकल । असे आह्मां चि अधीन केवल ।
 तरि न आहें हे बरल । ह्यणौनियां ॥ ६३ ॥
 आह्मि ह्यणकर्म होउनि । जरि आत्मस्थितीं राहुनि ।
 तरि प्रजा हे कैसेनि । निस्तैरल ॥ ६४ ॥

उत्सीदेनुरिमे लोका न कुर्यां कर्म खेदहम् ।

संकरस्यैव कर्त्ता स्यामुपहृष्यामिमाः वजाः ॥ २४ ॥

इया आमची वास पावी । मग वर्तती परी जवळी ।
ते लौकिकस्थिति आवची । नाशली होईल ॥ ६५ ॥

सक्ताः कर्मण्यविद्वांसो यथा कुर्वन्ति भवन्तः ।

कुर्याद्विद्वांस्तथासक्तश्चिकीर्षुर्लोकसंग्रहम् ॥ ६५ ॥

हणौनि समर्थु जो एथें । आणि लाणि सर्वज्ञते ।

तेणें सविशेष कर्मातें । त्यजावें ना ॥ ६६ ॥

देखें फलाचिया आशा । आचरे कां मूर्खु जैसा ।

कर्मि भरु होआवा तैसा । निराशा ही ॥ ६७ ॥

जें पुढुतीं पुढुतीं पार्था । हे सकललोकसंस्था ।

रक्षणीय गा सर्वथा । हणौनियां ॥ ६८ ॥

मार्गाधारे वर्तावें । विश्व हें मोहरे लावावें ।

अलौकिकां नोहावें । लोकाप्रति ॥ ६९ ॥

जें सायासें स्तन्य सेवी । तें पकानें केवि जेवी ।

हणौनि बालका जैसीं नेंदावी । धनुर्दरा ॥ १७० ॥

न बुद्धिभेदं जनयेद्द्वानां कर्मसंगिनाम् ।

जोषयेत्सर्वकर्माणि विद्वान्युक्तःसमप्रवृत्तः ॥ २२ ॥

तैसी कर्मि जेया योग्यता । तेया प्रति नैष्कर्म्यता ।

न प्रकटावी खेलतां । आदिकरुनि ॥ ७१ ॥

तेथ सक्क्रिया चि लावावी । ते चि एकि प्रशंसावी ।

नैष्कर्मी हीं दावावी । आचरौनि ॥ ७२ ॥

तेया लोकसंग्रहालागि । वर्ततां कर्मसंगीं ।

तो कर्मबंधु आंगीं । वाजैल ना ॥ ७३ ॥

प्रकृतेः क्रियमाणानि गुणैः कर्माणि सर्वज्ञैः ।

अहंकारविमूढात्मा कर्त्ताहमिति मन्थते ॥ २७ ॥

देखें पुढिलाचें ओझें । जरि आपुलां माथां येवजे ।

तारि सांधें कां न दटिजे । धनुर्दरा ॥ ७४ ॥

तैसीं शुभाशुभ कर्मै । निफजती प्रकृतिधर्मै ।
 तियेँ मूर्ख मतिभ्रमै । मी कर्ता हणै ॥ ७५ ॥
 ऐसा अहंकाररूढ । एकदेशी मूढ ।
 तैयाँ परमार्थ गूढ । प्रकटावा ना ॥ ७६ ॥
 जेँ तत्वज्ञानचां ठाईं । तो प्रकृतिभावो नाहिं ।
 जेथ कर्मजात पाईं । निफजत असे ॥ ७७ ॥
 तो देहाभिमानु सांडूनि । गुणकर्म उल्लखौनि ।
 साक्षिभूत होउनि । वर्त्ते देहीं ॥ ७८ ॥

तत्त्ववित्तु महाबाहो गुणकर्मविभागयोः ।

गुणागुणेषु वर्त्तते इति मत्वा न सज्जते ॥ २८ ॥

हणौनि शरीरिं जन्हैँ हौंति । तन्हिं कर्मबंधेँ बाधति ।
 जैसा भूतचेष्टा गभस्ती । घेपवे ना ॥ ७९ ॥
 एथ कर्मै तो चि लिपे । जो गुणसंभ्रमैँ घेपे ।
 प्रकृतिचेनि आटोपेँ । वर्त्ततु असे ॥ १८० ॥
 इन्द्रियेँ गुणाधारेँ । राहाटति निजव्यापारेँ ।
 तेँ परकर्म बलात्कारेँ । आपादि जो ॥ ८१ ॥

प्रकृतेर्गुणसंमूढाः सज्जते गुणकर्मसु ।

तानकृत्स्नविदो मंदान्कृत्स्नविन्न विचालयेत् ॥ २९ ॥

मयि सर्वाणि कर्माणि संन्यस्याध्यात्मचेतसा ।

निराशीर्निर्ममो भूत्वा युध्यस्व विगतज्वरः ॥ ३० ॥

हेँ असो आतां प्रस्तुत । सांधिजैँल तुज हित ।
 तेँ अर्जुना देउनि चित्त । अवधारि पां ॥ ८२ ॥
 तारि उचितेँ कर्मैँ आघवीं । तुवां आचरौनि मज अर्पावी ।
 पारि चित्तवृत्ति हे न्यसावी । आत्मरूपीं ॥ ८३ ॥
 हेँ कर्म मी कर्ता । आचरैँन मी येया अर्था ।
 ऐसा अभिमान ज्ञनेँ चित्ता । रिगों देसी ॥ ८४ ॥

तुवां शरीरपरां नोहावे । कामनाजात सांडावे ।
 मग अवसरोचित भोगावे । भोग सकल ॥ ८५ ॥
 आतां कोदंड घेउनि हातीं । आरूढ पां इए रथीं ।
 देइं आळिंगन वीरवृत्ती । समाधाने ॥ ८६ ॥
 जगीं कीर्तिते रूढवीं । स्वधर्माचा मानु वाढवीं ।
 येया भारापासौनि सोडवीं । मेदिनी हे ॥ ८७ ॥
 आतां पार्था निःशंकु होइं । एया संग्रामा चित्त देइं ।
 एथ हें वांचूनि काहीं । करू नैण ॥ ८८ ॥

ये मे मदमिदं नित्यमनुतिष्ठंति मानवाः ।

श्रद्धावंतो न सूयंते मुख्यंते तेऽपि कर्मभिः ॥ ३१ ॥

ऐसें अनुपरोध मत माझे । जिहिं परमादरें स्वीकारजे ।
 श्रद्धासू अनुष्ठिजे । धनुर्द्वरा ॥ ८९ ॥
 ते हीं सकल कर्मी वर्तत । जाण पां कर्मरहित ।
 ह्यणौनि हें निश्चित । करणीय गा ॥ १९० ॥

ये त्वेतदभ्यसूयंता नानुतिष्ठंति मे मतम् ।

सर्वज्ञानविमूढान्स्तान्विद्धि नष्टानचेतसः ॥ ३२ ॥

नां तारि प्रकृतिमंत होउनि । इंद्रियां लला देउनि ।
 जे हें मत माझे अवेहेरुनि । असंडिति ॥ ९१ ॥
 जे सामान्यत्वे विशेषिति । अवज्ञा करूनि देखति ।
 तां हा अर्थवादु ह्यणति । वाचालपणे ॥ ९२ ॥
 । मोहमदिरा भ्रमले । विषयविखें वारले ।
 मज्ञानपंकी बुडाले । निभ्रांत जाणें ॥ ९३ ॥
 खैं शवाचां हाति दीधले । जैसें रत्न कां वायां गेलें ।
 । तारि जात्यंधा पाहालें । प्रमाण नोहे ॥ ९४ ॥
 । चंद्राचा उदयो जैसा । उपेगा न वचे चि वायसां ।
 । खीं विवेकु हा तैसा । रुचेल ना ॥ ९५ ॥

हणौनि ते न मनिति । आणिक निंदा ही करूं लाहाती ।
 साधें पतंग काइ साहांति । प्रकाशातें ॥ ९६ ॥
 तैसे ते पार्था । जे विमुख ण्या अर्था ।
 तिहिंसि संभाषण सर्वथा । करावें ना ॥ ९७ ॥

सदृशं चेष्टते स्वस्याः प्रकृतेर्ज्ञानवानपि ।

प्रकृतिं यांति भूतानि निग्रहः किं करिष्यति ॥ ३३ ॥

हणौनि इंद्रियें इयें एकें । जाणतेन हीं पुरुषें ।
 लालावीं ना कवतिकें । आदिकरुनि ॥ ९८ ॥
 हां गा सपेंसीं खेलें एईल । किं व्याघ्रसंगु सिद्धी जाईल ।
 साधें हलाहल जिरैल । सेविलें काइ ॥ ९९ ॥
 देखें खेलतां अग्नि लाविला । मग तो न संवरे जैसा उधलला
 तैसा प्रकृती मानु दीधला । भला नोहे ॥ २०० ॥

इंद्रियस्यैन्द्रियस्यार्थे रागद्वेषौ व्यवस्थितौ ।

तयोर्न वशमागच्छेत्तौ ह्यस्य परिपंथिनौ ॥ ३४ ॥

यन्हवि तन्हि अर्जुना । एया शरीरा पराधीना ।
 कां नाना भोगरचना । मेलवावी ॥ १ ॥
 आपण सायासें करुनि बहुतें । सकलें समृद्धिजातें ।
 मग उदो अस्तु येयातें । प्रतिपालावें ॥ २ ॥
 मग हें तवं पांच मेलवा । शोपीं अनुसरल निजस्वभावा ।
 तेव्हलि लोकें गिविसावा । सीणु आपुला ॥ ३ ॥
 हणौनि केवल देहभरण । ते उघड जाणें नागवण ।
 एयालागि एथें अंतष्करण । दयावें ना ॥ ४ ॥
 यन्हवि इंद्रियांचिया आर्ता— । सरिसा विखो वोंपितां ।
 संतोखु किर चित्ता । आपजैल ॥ ५ ॥
 परि तो सवंचोराचा सांघातु । जैसा नावं चिं एक स्वस्थु ।
 जवं नगंराचा प्रांतु । सांडिजैना ॥ ६ ॥

बापा विखाचिया मधुरता । ज्ञनें आवडि उपजे चित्ता ।
 तो परिणामु न विचारितां । सेवावें ना ॥ ७ ॥
 देखें इंद्रियां कामु असे । तो लावीं मुख दुरासे ।
 जैसा जलीं मीनु आविसें । भूलविजे ॥ ८ ॥
 परि तेया माझारि गळु आहे । तो प्राणातें घेउनि जाये ।
 तो जैसा ताउवा नोहे । ज्ञांकवलपणें ॥ ९ ॥
 तैसें अभिलाषें एणें कीजेल । जरि विषयांची आश धरिजेल ।
 तारि वरपडेयां होइजेल । क्रोधानला ॥ २१० ॥
 जैसा कवळूनियां पारधी । वातेचिये संधी ।
 आणि मृगातें बुद्धी । साधावेया ॥ ११ ॥
 एथ तैसी चि पारि आहे । लणौनि तुज हा संसर्गु नोहे ।
 पार्था देन्हीं कामक्रोध दे । वातक जाणें ॥ १२ ॥
 लणौनि आश्रो हा न करावा । मनीं हीं आठौं न धरावा ।
 एकु निजवृत्तिचा उल्लावा । नाशों नेंदीं ॥ १३ ॥

श्रेयान्स्वधर्मो विगुणः परधर्मात्स्वनुष्ठितात् ।

स्वधर्मे निधनं श्रेयः परधर्मो भयावहः ॥ ३५ ॥

आगां स्वधर्मु हा आपुला । जन्हें कां कठिणु जाला ।
 तन्हें हा चि अनुष्ठिला । भला देखें ॥ १४ ॥
 एरु आचारु जो परावा । तो देखतां किर वरवा ।
 पारि आचरतेनि आचरावा । आपुला चि ॥ १५ ॥
 सांघें शूद्रगृहीं आघवीं । जन्हें पक्वानें आधि वरवीं ।
 तियें द्विजें केवि सेवावीं । दुबला जन्हें ॥ १६ ॥
 हें अनुचित कैसेनि कीजे । अप्राप्य केवि इच्छिजे ।
 अथवा इच्छिलें हीं पाविजे । विचारि पां ॥ १७ ॥
 तारि लोकाचीं धवलारें । देखौनियां मनोहरें ।
 असतीं तण्हारें । सांडावीं केवि ॥ १८ ॥

हैं असो वनिता आपुली । कुरूप जन्हें जाली ।
 तन्हें भोगितां ते चि भली । जिया परीं ॥ १९ ॥
 तेवि आवडेतेसा सांकडु । आचरतां जन्हें दुवाडु ।
 तन्हें स्वधर्में चि मुरवाडु । पारत्रिकिं ॥ २२० ॥
 हा गा शर्करा आणि दूध । हैं गौल्य किर होये प्रसिद्ध ।
 परि कृमिदोषीं विरुद्ध । वेपे केवि ॥ २१ ॥
 ऐसेनि हिं जरि सेविजैल । तरि ते अलुकी चि आगा उरैल ।
 जें तें परिणामी पथ्य नकहैल । धनुर्द्वरा ॥ २२ ॥
 ह्यणौनि आणिकांसि जें विहित । आणिक आपणेया अनुचित
 तें नाचरावें जरि हित । विचारिजे ॥ २३ ॥
 एया स्वधर्मातें अनुष्ठितां । जरि वेचु होईल जीविता ।
 तो ही नीका बर उभयता । दीमतमे ॥ २४ ॥

अर्जुन उवाच ॥

अथ केन प्रयुक्तोऽयं पापं चरति पूरुषः ।

अनिच्छन्नपि वाष्ण्य बलादिव नियोजितः ॥ ३६ ॥

ऐसें समस्तमुरशिरोमणी । बोलिले जेथ शारंगपाणी ।
 तेथ अर्जुनु ह्यणे विनवणी । आथि देवा ॥ २५ ॥
 हैं जें जें तुहीं सांघितलें । तें सकल किर मियां परिसिलें ।
 परि आतां पूसैन काहीं आपुलें । अपेक्षित ॥ २६ ॥
 तरि देवा हैं कैसें । जें ज्ञानियां हीं स्थिति भ्रंशे ।
 मार्गु सांडूनि अनारिसें । चालत देखों ॥ २७ ॥
 सर्वज्ञ जे हीं होंति । हेय उपादेय जाणति ।
 ते ही परधर्मी व्यभिचरति । कवणें गुणें ॥ २८ ॥
 बीजा आणिक भूसा । अंधु नियाडु नेणे कां जैसा ।
 नाव येक देखणा हीं तैसा । बरले कां पां ॥ २९ ॥

जे असता संगु सांडिति । ते चि संसर्गु करितां न धाति ।
 वनवासी ही सेविति । जनपदाते ॥ २३० ॥
 आपण तारि पळति । सर्वस्वें पाप चुकविति ।
 परि बलिवंडें मूडजति । तेया चि माझि ॥ ३१ ॥
 जेयाची घेंति विवसी । तें जडौनि ठाके जिविंसी ।
 चुकविति ते गिंवसी । तेयाने चि ॥ ३२ ॥
 ऐसा बलात्कारु एकु दासे । तां कोणाचा एथ असे ।
 हें बोलावें हर्षाकेशें । पार्थु ह्मणे ॥ ३३ ॥

श्रीभगवानुवाच ॥

काम एष क्रोध एष रजोगुणसमुद्भवः ।

महाशनो महापाप्मा विद्ध्येनमिह वैरिणम् ॥ ३७ ॥

तवं हृदयकमलरामु । जो योगियांचा कामु ।
 तो ह्मणतु असे पुरुपोत्तमु । सांघौनि आइकें ॥ ३४ ॥
 तरि हे कामक्रोध पाई । जेयांते कृपेचा सांटोवा नाही ।
 हे कृतांताचां ठाई । मानिजति ॥ ३५ ॥
 हे ज्ञाननिर्धाचे भूवंग । हे विपयरानिचे वाघ ।
 भजनमार्गिचे मातंग । मारक हे ॥ ३६ ॥
 हे देहदुर्गिचे डोंड । इंद्रियग्रामिचे कोंड ।
 एयांचे व्यामोहादिक धवड । जगावरि ॥ ३७ ॥
 हे रजोगुणा मानेयाचे । समूल ऐसे आग्वलिचे ।
 धायेपण येयांचें । अविद्या केलें ॥ ३८ ॥
 हे रजाचे किर जाले । पारि तमांसि पढियंते भले ।
 तेणें निजपद एयांसि दीधले । प्रमादजात ॥ ३९ ॥
 हे मृत्युचां हान घरीं । मानिजति निकिया परीं ।
 जें जीविताचे वैरी । ह्मणौनियां ॥ २४० ॥

श्रियां भूकेलियां आबिसा । हें विश्व न पुरे चि वांसा ।
 तिया कुलवाडि एया चि आशा । चालिजत असे ॥ ४१ ॥
 कवतिकें कषलितां मुष्टि । जिये चौदा ही भुवमें थेंकुटी ।
 ते भांति तियेची धाकुटी । ह्मणौनि सरे । ४२ ॥
 जे लोकत्रयाचें भातुकें । फार करीति ग्वाये कवतिकें ।
 ते दासिपणाचेनि विकें । तृष्णा जिण ॥ ४३ ॥
 हें असो मोहें मानिजे । एयांतें अहंकारें घेपेदीजे ।
 जेणें जग आपुलिं भोजें । नाचविजत असे ॥ ४४ ॥
 नेणसि सत्याचा भोकसा काढिला । मग अकृत्य तणकुटा भरिला
 तो दंभु नव्हे रूढविला । लोकीं इहीं ॥ ४५ ॥
 साध्वी शांति नागविली । माया मांगि श्रिधारिली ।
 त्तियेकरवि विटालविली । इहीं साधुवृंदें ॥ ४६ ॥
 एहीं विवेकाची त्राये फेडिली । वैराग्याची ग्वाल काढिली ।
 जीतेया मान मोडिली । उपशमाची ॥ ४७ ॥
 इहीं संतोखवन खांडिलें । धैर्यदुर्ग पाडिलें ।
 आनंदरोप सांडिलें । उपदूनियां ॥ ४८ ॥
 इहीं बोधाची चोपि लूसिली । मुखाची लीपि पूसिली ।
 चिन्हारीं आगि सूदली । तापत्रयां ॥ ४९ ॥
 हे आंगा तरि घडलें । जीवीं चि आथि जडले ।
 परि नांतुडति गिविसिले । ब्रह्मादिकां ॥ २५० ॥
 हे चैतन्याचां सेजारीं । वसति ज्ञानाचां एकहारीं ।
 ह्मणौनि प्रवर्तले मारीं । संवरति ना ॥ ५१ ॥
 हे जलेंविण बुडलिति । आगीविण जालिति ।
 न बोळस्त कबलिति । प्राणियांतें ॥ ५२ ॥
 हे शस्त्रेंविण साधिति । दोरेंविण बांधिती ।
 ज्ञानियां तरि वधीति । पैज घेउनि ॥ ५३ ॥

हे त्रिखलेंविण रोधिति । पासिकेंविण गोधिति ।

हे काण्हा हीं जागे नव्हती । आंतुवटपणें ॥ ५४ ॥

धूमेनाव्रियते वन्हिर्बथादर्शो मलेन च ।

यथोल्बेनावृता गर्भस्तथा तेनेदमावृत्तम् ॥ ३८ ॥

जैसी चंदनाची मूली । गिवंसूनि घेपं व्यालीं ।

ना तारि उल्वाची खोली । गर्भस्थासी ॥ ५५ ॥

कां प्रभाविण भानु । धूमेंविण हुताशनु ।

जैसा दर्पणु मळहीनु । कहीं चि नसे ॥ ५६ ॥

तैसें एहींविण एकलें । आर्हीं ज्ञान नाहीं देखिलें ।

जैसें कोंडेनियां गुंतलें । बीज निफजे ॥ ५७ ॥

आवृत्तं ज्ञानमेतेन ज्ञानिनो नित्यधैरिणा ।

कामरूपेण काँतेय दुःपूरेणानलेन च ॥ ३९ ॥

तैसें ज्ञान तारि विशुद्ध । पारि एहिं दीसें प्रबद्ध ।

क्षणौनि तें अगाध । हांउनि ठेलें ॥ ५८ ॥

आदिं एयातें जीणावें । मग तें ज्ञान पावावें ।

तव एयां काहीं न प्रभवे । रागद्वेषां ॥ ५९ ॥

एयातें साधावेया लागि । जें बल बाणिजे आंगीं ।

तें इंधन जैसें आगीं । सावा३० होये ॥ २६० ॥

इन्द्रियाणि मनो बुद्धिरस्याधिष्ठानमुच्यते ।

पतैर्विमोहयत्येष ज्ञानमावृत्य देहिनाम् ॥ ४० ॥

तैसें उपाये कीजति जे जे । ते येयांसी चि होंति विस्त्रे ।

क्षणौनि हटियातें जीणिजे । इहीं चि जगीं ॥ ६१ ॥

ऐसेया हीं सांकडा बोला । एकु उपा३० असे भला ।

तो कारि पां जरि आंगवला । सांघेंन तुज ॥ ६२ ॥

तस्मात्स्वमिन्द्रियाण्यादौ नियम्य भरतर्षभ ।

पाप्मानं प्रजहि ह्येनं ज्ञानविज्ञाननाशनम् ॥ ४१ ॥

तरि एयांचा पहिला कुरुठा इंद्रिये । जेथोनि प्रवृत्ति कर्मांतें विये ।
 आदीं निर्दळनि घालीं तिये । सर्वथेंव ॥ ६३ ॥
 मग मनाची धावं पारुखेल । आणिक बुद्धी सोडवण होईल ।
 एतुलेनि तागा एयां मोडेल । पापियांचा ॥ ६४ ॥
 हे आंतरौनि जरि फीटले । तरि निभ्रांत जाण निवटले ।
 जैसे रस्मीविण उरलें । मृगजल नाही ॥ ६५ ॥
 तैसे रागद्वेष जरि निमाले । तरि ब्रह्मिचें स्वाराज्य आलें ।
 मग भोगी मुख आपुलें । आपण चि ॥ ६६ ॥

इंद्रियाणि पराण्याहुरिन्द्रियेण परं मनः ।

मनसस्तु परा बुद्धिर्यो बुद्धेः परतस्तु सः ॥ ४२ ॥

एवं बुद्धेः परं बुद्ध्वा संस्तभ्यात्मानमात्मना ।

जहि शत्रुं महाबाहो कामरूपं दुरासदम् ॥ ४३ ॥

जे गुरुशिष्याची गांठी । पदपिंडाची गांठी ।
 तथ स्थिर हांउनि नुठी । कव्हणी कार्ली ॥ ६७ ॥
 ऐसें सकल सिद्धांचा राउं । देवी लक्ष्मीयेचा नाहो ।
 राया आईकें देवदेउं । बोलता जाला ॥ ६८ ॥
 आतां पुनरपि तो अनंतु । आद्य एक मातु ।
 सांघेल तथ पांडुसुतु । प्रशु करिल ॥ ६९ ॥
 तेया बोलाचा हान पाडु । कां रसवृत्तिचा निवाडु ।
 जेणें श्रोतेयां होईल मुरवाडु । श्रवणमुखाचा ॥ २७० ॥
 ज्ञानदेउं ह्यणें निवृत्तिचा । चांगु उवाउं धरुनु उन्मेषाचा ।
 मग हा संवाडु हरिपार्थाचा । भोगां बापा ॥ २७१ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे कर्मयोगो

नाम तृतीयोऽध्यायः ॥

॥ श्रीकृष्णार्पणमस्तु ॥

ज्ञानेश्वरी

अध्याय चौथा.

आजि श्रवणेंद्रिया पीकलें । जेणें हे गीतानिधान देखिलें ।
आतां स्वप्न चि हें तूकलें । साचा सरिसें ॥ १ ॥
आदी चि विवेकाची गोठी । वारि प्रतिपदी कृष्णु जगनेठी ।
आणि भक्तराजु किरीटी । परिसतसे ॥ २ ॥
जैसा पंचमालापु सुगंधु । किं परिमलु आणि सुस्वादु ।
भला जाला विनोदु । कथेचा इये ॥ ३ ॥
कैसी आगलीक दैवांची । जें गंगा जोडली अमृताची ।
हो काज तपें श्रोतेयांचीं । फला आलीं ॥ ४ ॥
आतां इंद्रियजात आघवें । तेणें श्रवणाचें घर रिगावें ।
मग संवादसुख भोगावें । गीताख्य हें ॥ ५ ॥
हा अतिशयो अतिप्रसंगें । सांडूनि कथा चि ते सांधें ।
जें कृष्णार्जुन दोवें । बोलत होते ॥ ६ ॥
तेव्हलि संजयो रायातें ह्मणे । अर्जुनु अधिष्ठिला दैवगुणें ।
जें अतिप्रीती नारायणें । बोलिजत असे ॥ ७ ॥
देवी लक्ष्मी येतुली जवळिक । परि तेही यया प्रेमाचें नेदखे चि मुख ।
आजि कृष्णस्नेहाचें पीक । ययातें चि आधि ॥ ८ ॥
सनकादिकांचेया दुरासा । वाढिनलेया किर बहुबसा ।
परि तियाही येणें मानें एषा । येती चि ना ॥ ९ ॥

यया जगदीश्वराचें प्रेम । येथ दीसतसे निरूपम ।
 कैसें पार्थे येणें सर्वोत्तम । पुण्य केलें ॥ १० ॥
 हो काज येयाचेया प्रीती । हा अमूर्तु आला व्यक्ती ।
 मज येकत्रंकिंचिया स्थिती । आवडतसे ॥ ११ ॥
 यन्हविं योगियां नाडले । वेदार्थासि नाकले ।
 जेथ ध्यानाचे डोळे । पावतिना ॥ १२ ॥
 तें हा स्वरूप । जें अनादि निष्कंप ।
 परि कवणें मानें सकृप । जालां असे ॥ १३ ॥
 हा त्रैलोक्यपटाची घडी । आकाराची पैल थडी ।
 आइकैं कैसा ययाचिया आवडी । आवरला असे ॥ १४ ॥

श्रीभगवानुवाच ॥

इमं विवस्वते योगं प्रोक्तवानहमव्ययम् ।

विवस्वान् मनवे प्राह मनुर्िक्ष्वाकवेऽब्रवीत् ॥ १ ॥

मग हणजे पांडुसुता । हा चि योगु आझीं विवस्वता ।
 कथिला परि ते वार्त्ता । बहुतां दिसांची ॥ १५ ॥
 मग तेणें विवस्वतें रवी । हे चि योगस्थिति आघवी ।
 निरोपिली बरवी । मनुप्रति ॥ १६ ॥
 मनु आपण अनुष्टिली । मग इक्ष्वाकूसि उपदेशिली ।
 ऐसी परंपरा विस्तारली । आद्य हे ॥ १७ ॥

एवं परंपराप्राप्तमिमं राजर्षयो विदुः ।

सकालेनेह महता योगो नष्टः परंतप ॥ २ ॥

मग आणिक ही या योगातें । राजरुषी जाले जाणते ।
 परि तेथौनि आतां सांप्रतें । नेणजे हा ॥ १८ ॥
 जें प्राणियां कार्मी भरु । देहा चि वरि आदरु ।
 बहुत करुनि विसरु । आत्महिताचा ॥ १९ ॥
 अविट नाधिली आस्थानुद्धि । विषयसुख चि परमावधी ।

जीउ तैसा उपाधि । आवडे लोकां ॥ २० ॥
 यन्हवि तन्ही खवणेयाचां गावीं । पाटाउवें काइ करावीं ।
 साधें जात्यंधा रवि । काजा आधि ॥ २१ ॥
 कां वहिरांचिये आस्थानीं । कव्हर्णां गीतांतें हानमानी ।
 कीं कोल्हेयां चंद्रनीं । आवडि उपजे ॥ २२ ॥
 पै चंद्रोदया आरंते । जेयांचे डोळे फूटति असते ।
 ते काउले केवि चंद्रांतें । उलखति ॥ २३ ॥
 तैसी वैराग्याची सोव नेंदखति । जे विवेकाची भाष नेणति ।
 ते मूर्ख केवि पावती । ईश्वरांतें ॥ २४ ॥
 कैसा नेणां मोहो वाढीनला । तेणें बहुते येकु वेलु गेला ।
 लणौनि योगु हा लोपला । लोकीं इये ॥ २५ ॥

स एवायं मया तेऽद्य योगः प्रोक्तः पुरातनः ।

भक्तोऽसि मे सखा चेति रहस्यं ह्येतदुत्तमम् ॥ ३ ॥

तो चि हा आजि आतां । तुजप्रती कुंतीमुता ।
 सांघितला आह्मीं तत्वता । आंति न करीं ॥ २६ ॥
 हें जीविचें गा गुज । परि न न्हाइजे चि तूज ।
 जें पढियंसि तूं मज । लणौनियं ॥ २७ ॥
 तूं प्रेमाचा पूतला । भक्तिचा जीवाया ।
 मैत्रियेची कला । धनुर्दरा ॥ २८ ॥
 तूं अनुसंगाचा ठाऊ । आतां तुज काइ राहों ।
 जन्हीं संप्रामारूढ आहों । जाळों आह्मीं ॥ २९ ॥
 तन्हीं नावेक हें साहावें । गाजावज्य ही धरावें ।
 परि तूजें अज्ञानतत्व हरावें । लागे आशीं ॥ ३० ॥

अर्जुन उवाच ॥

अपरं भवतो जन्म परं जन्म विवस्वतः ।

कथमेतद्विजल्लोयां त्वमादौ प्रोक्तवानिति ॥ ४ ॥

त्वं अर्जुनु ह्यणे हरो । माये आपुलेयांचा स्नेहो करी ।
 एथ विस्मयो काइ अवधारीं । कृपानिधी ॥ ३१ ॥
 तूं सवंसारश्रांताचां साउली । अनाथांची माउली ।
 आमतें किर प्रसवली । तूझी चि कृपा ॥ ३२ ॥
 देवा पांगूळ एकाधें वीजे । तरि जन्मौनि जोजारु साहिजें ।
 हें बोलें काइ तूझें । तुज चि पुढां ॥ ३३ ॥
 आतां पूसैन जें मीं काहीं । तेथ नोकें चित्त देई ।
 तेविं चि देवें कोपावें नाहीं । बोला एका ॥ ३४ ॥
 तारि मागीलकी जे वार्ता । तुवां सांघितळीं होंती अनंता ।
 ते नावेक मज चित्ता । येचिना ॥ ३५ ॥
 जें तो विवस्वतु ह्यणिजे काइ । ऐसें हें वडिलां हीं ठाउवें नाहीं
 तरि तुवां चि केवि पाई । उपदेशिला ॥ ३६ ॥
 तो आइकिजे बहुतां काळांचा । आणि तूं त्वं कृष्णा सांपेचा ।
 ह्यगौनि गा इये मातूचा । विसंवादु ॥ ३७ ॥
 तेविं चि चरित्र देवा तूझें । आपण काहीं नेणिजे ।
 हें लटिकें केवि ह्यणिजे । येकी हेळां ॥ ३८ ॥
 परि हे चि मातु आघवी । मो परेसें तैसी सांघावी ।
 जें तुवां चि तेया रवी । उपदेशु केळा ॥ ३९ ॥

श्रीभगवानुवाच ॥

बहूनि मे व्यतीतानि जन्मानि तव चार्जुन ।
 तान्यहं वेद सर्वाणि न त्वं वेत्थ परंतप ॥ ५ ॥
 त्वं कृष्ण्यु ह्यणे पांडुसुता । तो वैवस्वतु जें होता ।
 तैं आह्मी नसां ऐसी चित्ता । प्रतीति तुज ॥ ४० ॥
 तारे तूं गा हें नेगती । पै जन्में आह्मां तुझांसि ।
 बहूतें मेळीं परि न स्मरती । आपुलीं तूं ॥ ४१ ॥

मी जेणें जेणें अवसरें । जें जें होउनि अवतरें ।
 तें समस्त हीं स्मरें । धनुर्द्धरा ॥ ४२ ॥
 ह्यणौनि हें आघवें । सागील मज आठवे ।
 मी अजुही परि संभवें । प्रकृतियोगें ॥ ४३ ॥

अजोऽपि सन्नव्यथात्मा भूतानामोश्वरोऽपि सन् ।

प्रकृतिं स्वामधिष्ठाय संभवाभ्यात्ममायया ॥ ६ ॥

माझे अव्यक्तत्व न नशे । परि होणें जाणें एक दीसे ।
 तें प्रतिबिंबे मायावशें । स्वस्वरूपीं ॥ ४४ ॥
 माझी स्वतंत्रता न मोडे । पार कर्माधीनु ऐसा आवडें ।
 तें हीं भ्रांतिबुद्धी तरि घडे । यन्हवि नाहिं ॥ ४५ ॥
 जें येक चि दीसे दुसरें । तें दर्पणाचेनि आधारें ।
 यन्हविं काइ वस्तुविचारें । दूजें आहे ॥ ४६ ॥
 तैसा अमूर्तु चि मीं किरीटी । पार प्रकृतितें जें अधिष्ठीं ।
 तें साकारपण नटीं । काजा येया ॥ ४७ ॥

यदा यदा हि धर्मस्य ग्लानिर्भवाति भारत ।

अभ्युत्थानमधर्मस्य तदात्मानं सृजाम्यहम् ॥ ७ ॥

जें धर्मजात आघवें । युगीं युगं मियां चि रक्षावें ।
 ऐसा ओघु हा स्वभावे । आयु असे ॥ ४८ ॥
 ह्यणौनि अजत्व परीतें ठेवीं । मीं अव्यक्तपण हीं नाठवि ।
 जेव्हलि धर्मातें अभिभवी । अधर्मु हा ॥ ४९ ॥
 तेव्हलि आफुलेयाचेनि केवारें । मी साकारु होउनि अवतरें ।
 मग अज्ञानाचें आंधारें । गीळनि घाली ॥ ५० ॥

परित्राणाय साधूनां विनाशाय च दुष्कृताम् ।

धर्मसंस्थापनार्थाय संभवामि युगेयुगे ॥ ८ ॥

अधर्माची अवधि तोडीं । दोषांचें लिहिलें फेडीं ।
 सज्जनाकरवि गुढी । उभवीं मीं ॥ ५१ ॥

दैत्यांचीं कुलें नाशीं । साधूचा मानु गिबसीं ।
 धर्मासि नीतीसीं । सेस भरीं ॥ ५२ ॥
 मी अधिवेकाची काजली । फेडूनि विवेकुर्दापु. उजळीं ।
 तें योगियां पाहे दिवाली । निरंतर ॥ ५३ ॥
 स्वसुखें विश्व कोंदे । धर्माचें जगीं नांदे ।
 भक्तांसि होंति दोंदें । सात्विकाचीं ॥ ५४ ॥
 तें पापाचा अचलु फीटे । पुण्याची पाहाट फूटे ।
 जें मूर्ति माझी प्रकटे । पांडुकुमरा ॥ ५५ ॥
 येयां ऐसेयां काजालागि । अवतरिजें गा युगीं युगीं ।
 परि हें चि बोलखे जो जगीं । तो विवेकिया ॥ ५६ ॥

जन्मकर्मच मे दिव्यमेघं यो वेत्ति तत्त्वतः ।

त्यक्त्वा देहं पुनर्जन्म नैति मामेति सोऽर्जुन ॥ ९ ॥

माझे अजत्व जन्मणें । अक्रियता चि करणें ।
 अविकार जो जाणे । तो मुक्तु मानी ॥ ५७ ॥
 तो चालिला संगें न चले । देहिचा देहा नाकले ।
 मग पंचत्वीं तत्रं मिले । माझां चि रूपीं ॥ ५८ ॥

वीतरागभयक्रोधाः मन्त्रया मामुपाश्रिताः ।

बहवो ज्ञानतपसा पूता मद्भावमागताः ॥ १० ॥

यन्हविं तन्हीं परापर न शोचिति । जे कामनाशून्य होंती ।
 वाटा केव्हलि न वचति । क्रोधाचिये ॥ ५९ ॥
 जे मियां सदा आथिले । माझियाचि सेवा जियाले ।
 कां आत्मबोधें तोखले । वीतराग ॥ ६० ॥
 जे तपोतेजाचे राशी । कां येकायतन ज्ञानासी ।
 जे पवित्रता तीर्थासि । तीर्थरूपीं ॥ ६१ ॥
 ते मद्भावा साहाजें आले । मी ते चि होउनि ठेले ।
 जें मज तेयां उरले । पदर नाहीं ॥ ६२ ॥

साधैं पितलेची गंधिकालिक । फीटली होये निःशेष ।
 तैं सुवर्णवाइ आणिक । जोडूं जाइजे ॥ ६३ ॥
 तैसे यमनियमीं कडसले । जे तपोज्ञानीं चोखालले ।
 ते मी ते चि जाले । एथ संशयो काइसा ॥ ६४ ॥

ये यथा मां प्रपद्यंते तांस्तथैव भजाम्यहं ।

मम वर्त्मानुवर्तते मनुष्याः पार्थ सर्वशः ॥ ११ ॥

यन्हविं तन्हीं पाहीं । जे जैसे माझां ठाईं ।
 भजति तेयां मीं हीं । तैसाचि भजें ॥ ६५ ॥
 देखैं मनुष्यजात सकल । हें स्वभावता चि भजनशील ।
 जालें असे केवल । माझां ठाईं ॥ ६६ ॥

कांक्षंतः कर्मणां सिद्धिं यजंत इह देवताः ।

क्षिप्रं हि मानुषे लोके सिद्धिर्भवति कर्मजा ॥ १२ ॥

परि ज्ञानेविग नाशलें । जें बुद्धिभेदासि आलें ।
 तेणें एकीं कल्पलें । अनेकत्व ॥ ६७ ॥
 ह्यणौनि अभेदा भेटु देखति । अनामा नामें ठेविति ।
 देवो देवी ह्यणती । अवाच्यातें ॥ ६८ ॥
 जें सर्वत्र सदा सम । तेथ विभाग अधमोत्तम ।
 मतिवसें संभ्रम । विवंचिती ॥ ६९ ॥
 मग नाना हेतूप्रकारें । यथोचितें उपचारें ।
 मानलीं देवतांतरें । उपासिति ॥ ७० ॥
 तेथ जें जें काहीं अपेक्षित । तें तैसेचि पावती समस्त ।
 परि तें कर्मसिद्ध निश्चित । उल्लख तूं ॥ ७१ ॥
 वांचूनि देंतें घेंतें आणिक । निभ्रांत नाहीं सम्यक ।
 येथ कर्म चि फलसूचक । मनुष्यलोकीं ॥ ७२ ॥
 जैसें क्षेत्रीं जें पेरिजे । तें वाचौनि आन न निफजे ।
 कां पाहिजे तें चि देखिजे । दर्पणाधारें ॥ ७३ ॥

ना तरि कडेयासि तलवटीं । जैसा आपुला चि बोलु किरीटी ।

पडिसादा होउनि उठी । निमित्तयोगें ॥ ७४ ॥

तैसा समस्तां यां भजनां । मी साक्षिभूत अर्जुना ।

येथ प्रतिस्फले ते भावना । आपुलाली ॥ ७५ ॥

चातुर्वर्ण्यं मया सृष्टं गुणकर्मविभागशः ।

तस्य कर्तारमपि मां विद्वन्धकर्तारमव्ययम् ॥ १३ ॥

आतां यया चि परीं जाण । हे च्यान्ही वर्ण ।

सृजिले मियां गुण- । कर्मविभागें ॥ ७६ ॥

न मां कर्माणि लिपंति न मे कर्मफले स्पृहा ।

इति मां योऽभिजानाति कर्मभिर्न स बध्यते ॥ १४ ॥

हें मज चि तव जालें । परि मियां नाहीं केले ।

ऐसें साच जेणें देखिलें । तो सूटला गा ॥ ७७ ॥

एवं ज्ञात्वा कृतं कर्म पूर्वैरपि मुमुक्षुभिः ।

कुरु कर्मैव तस्मात्त्वं पूर्वंः पूर्वतरं कृतम् ॥ १५ ॥

जें प्रकृतिचेनि आधारें । गुणाचेनि व्यभिचारें ।

कर्म तदनुसारें । विवंचलिं ॥ ७८ ॥

येथ येक चि हें धनुषपाणी । परि जालें गा चडूवणीं ।

ऐसी गुणकर्मि कडसणी । केळी साहाजें ॥ ७९ ॥

हणौनि आइकें पार्था । हे वर्णभेद संस्था ।

मी करिता नोहें सर्वथा । तें यया चि हेतू ॥ ८० ॥

मागील मुमुक्षु जे हाते । तिहीं ऐसें चि जाणोनियां मातें ।

कर्म केळीं समस्तें । धनुद्वारा ॥ ८१ ॥

परि तियें बाजें जैसीं दग्धलीं । कां नुगवती चि पोरिलीं ।

तैसिं कर्म चि तेयां जालीं । मोक्षहेतू ॥ ८२ ॥

किं कर्म किमकर्मोति कवयोऽप्यत्र मोहिताः ।

तत्ते कर्म प्रवक्ष्यामि यज्ज्ञात्वा मोक्षयसेऽशुभात् ॥ १६ ॥

येथ आणिक ही एक अर्जुना । हे कर्माकर्माविबंचना ।
 आपुलिये चाडे सज्ञाना । योग्य नव्हे ॥ ८३ ॥
 कर्म ह्यणिजे तें कवण । अथवा अकर्मा काय लक्षण ।
 ऐसें विचारितां विचक्षण । गुंपौनि ठेले ॥ ८४ ॥
 जैसें कां कुडें नाणें । खरेयाचेनि सारिखेपणें ।
 डोलेयांचें हीं पाहाणें । संशङ्ग वाली ॥ ८५ ॥
 तैसें नैष्कर्म्यतेचेन भ्रमें । गिंवसिजत आहाति कमें ।
 जिहीं दूजी श्रृष्टी मनोधर्में । करूं शकती ॥ ८६ ॥
 वांचूनि मूर्खांची गोठि काइसी । एथ मोहलले गा क्रांतदर्शी ।
 ह्यणौनि तेंचि आतां परिहसैं । सांधेंन तुज ॥ ८७ ॥

कर्मणोऽपि बोद्धव्यं बोद्धव्यं च विकर्मणः ।

अकर्मणश्च बोद्धव्यं गहना कर्मणो गतिः ॥ १७ ॥

तारि हें कर्म ह्यणिजे स्वभायें । जेणें हा विश्वाकारु संभवे ।
 तें सावेव आदीं जाणायें । लागे एथ ॥ ८८ ॥
 मग वर्णाश्रमासि उचित । जें विशेष कर्म विहित ।
 तें ही ओलखायें निश्चित । उपेगेंसीं ॥ ८९ ॥
 पाठि जें निषिद्ध ह्यणिपे । तें ही बुझायें स्वरूपें ।
 येतुलेनि येथ काहीं न गूपे । आपैसैं चि ॥ ९० ॥
 यन्हविं जग हें कर्माधीन । ऐसी व्याप्ति याची गहन ।
 परि तें असो आइकैं चिन्ह । प्राताचें ॥ ९१ ॥

कर्मण्यकर्म यः पश्येदकर्मणि च कर्म यः ।

स बुद्धिमान् मनुष्येषु स युक्तः कृत्स्नकर्मकृत् ॥ १८ ॥

जो सकल कर्मि वर्त्ततां । देखे निष्कर्मता ।
 कर्मसंगें निरासता । फलाचिया ॥ ९२ ॥
 आशि कर्तव्यते लागि । जेया दूसरें नाहिं जागिं ।
 ऐसी नैष्कर्म्यता तरि चांगी । बोधला असे ॥ ९३ ॥

वस्य सर्वे समारंभाः कामसंकल्पवर्जिताः ।

ज्ञानाग्निदग्धकर्माणं तमाहुः पंडितं बुधाः ॥ १९ ॥

परि क्रियाकलापु आघवा । आचरतु दीसे बरवा ।

तारि तो इहीं चिन्हीं जाणावा । ज्ञानियां गा ॥ १४ ॥

जैसा जो जलापासि उभा ठाके । तो जन्हें आपणपें जलामाजि देखे ।

तन्हीं निभ्रांत उल्लखे । ह्मणे मीं वेगला आहे ॥ १५ ॥

अथवा नावे हान रिगे । तो थडियेचे रुखजात देखे वेगें ।

साचोकारें पाहों लागे । तवं रुख ह्मणे अचल ॥ १६ ॥

तैसें सकल कर्मी असणें । तें फुडें मानूनिया वायाणें ।

मग आपणपां जो जाणे । नैष्कर्म्यता ॥ १७ ॥

आणि उदोअस्तूचेनि प्रमाणें । जैसें न चलतां सूर्यां चालणें ।

तैसें नैष्कर्म्यत्वीं जाणे । कर्म जो गा ॥ १८ ॥

तो मनुष्यासारिखा आवडे । परि मनुष्यत्व तेयासि न घडे ।

जैसें जलाधारे न बुडे । भानुबिंब ॥ १९ ॥

तेणें न पांतां विश्व देखिलें । न कारितां सर्व केलें ।

न भोगितां भोगिलें । भोग्यजात ॥ १०० ॥

येके ठांड बैसला । परि सर्वत्र तो चि गेला ।

हें असो विश्व जाला । देहें चि तो ॥ १ ॥

जेया पुरुषाचां ठांड । कर्माचा तारि खेदु नाही ।

परि फलापेक्षा काहीं । संचरेना ॥ २ ॥

आणि हें कर्म मी करीन । अथवा आदारिलें सिद्धी नेईन ।

येणें संकल्पें हीं जेयाचें मन । विटाले ना ॥ ३ ॥

ज्ञानाग्नीचेनि मुखें । जेणें जालिलीं कर्में अशेषें ।

तो ब्रह्मचि मनुष्यवेखें । उल्लख तूं ॥ ४ ॥

स्यक्त्वा कर्मफलासंगं नित्यतृप्तो निराश्रयः ।

कर्मण्यभिप्रवृत्तोऽपि नैव किञ्चित् करोति सः ॥ २० ॥

जो शरीरं उदासु । फलाभोगां निरासु ।
 निव्यता उल्हासु । होउनि असे ॥ ५ ॥
 जो संतोषाचा गाभारां । आत्मबोधाचेया उगारा ।
 पुरे न ह्यणे चि धनुर्दरा । आरोगितां ॥ ६ ॥
 कैसा अधिकाधीक आवडी । घेंत महासुखाची गोडी ।
 सांडौनि आशां सीकु खंडी । अहंभावाची ॥ ७ ॥

निराशीर्यताचित्तात्मा त्यक्तसर्वपरिग्रहः ।

शारीरं केवलं कर्म कुर्वन्नाप्नोति किल्बिषम् ॥ २१ ॥

ह्यणौनि अवसरें जें जें पावे । तेणें चि तो सुखावे ।
 जेया आपुलें आणि परावें । दोन्ही नाहीं ॥ ८ ॥
 तो दीठी जें पाहे । तें आपण चि होउनि जाये ।
 आइके तें आहे । तो चि जाला ॥ ९ ॥
 चरणीं हान चाले । कां मुखें जें जें बोले ।
 ऐसें चेष्टाजात तेतुलें । आपण चि जो ॥ ११० ॥

यदृच्छा लाभसंतुष्टो ब्रह्मातीतो विमत्सरः ।

समः सिद्धावसिद्धौ च कृत्वापि न निबद्धते ॥ २२ ॥

हें असो विश्वें पाइं । जेया आपणपें वांचूनि नाहीं ।
 कर्म तें कवण काइ । बाधी तेयातें ॥ ११ ॥
 आणि हा मत्सरु जेथ उपजे । तें नुरे चि तेया दूजें ।
 वो निर्मत्सरु काइ ह्यणिजे । बोलवरी ॥ १२ ॥

गतसंगस्व मुक्तस्य ज्ञानावस्थितचेतसा ।

यज्ञावाचरतः कर्म समग्रं प्राचिलीयते ॥ २३ ॥

ह्यणौनि सर्वां परीं जो मुक्तु । तो सकर्मु चि कर्मरहितु ।
 सगुणु परि गुणातीतु । येथ भ्रांति नाहीं ॥ १३ ॥
 तो देहसंगें त्हरि असे । परि चैतन्या सारिखा दोसे ।
 पाहातां परब्रह्माचेनि कसें । चोखालु भला ॥ १४ ॥

ऐसा ही तो कवतिकें । जरि कर्म करी यज्ञादिकें ।
 तारि तियें लया जांति अशेषें । तेयाचां चि ठांडें ॥ १५ ॥
 अकालिचीं अभें जैसीं । उर्मावीण आकाशां ।
 हारपति आपैसीं । उदैलीं सांतीं ॥ १६ ॥
 तैसि विधिविधानरहितें । जन्हीं आचरला तो समस्तें ।
 तन्हीं तियें ऐक्यभावे ऐक्यातें । पावतालि ॥ १७ ॥
 जें हें हवन मी होता । कां इये यज्ञीं हा भोक्ता ।
 ऐसी बुद्धीसि नाहीं भिन्नता । ह्यगौनियां ॥ १८ ॥
 जें यष्टा यज्ञ यजावें । ते हविमंत्रादीक आवषें ।
 तो देखे अविनाभावें । आत्मबुद्धी ॥ १९ ॥

ब्रह्मार्पणं ब्रह्म हविर्ब्रह्माग्नौ ब्रह्मणा हुतं ।

ब्रह्मैव तेन गन्तव्यं ब्रह्मकर्मसमाधिना ॥ २४ ॥

ह्यगौनि ब्रह्म तें चि कर्म । ऐसें बोधा आलें जेया सम ।
 तेया कर्तव्य तें नैष्कर्म्य । धनुर्दरा ॥ १२० ॥
 आतां अविवेककुमारत्वा मूकलें । जेयां विरक्तीचें पाणिग्रहण जालें ।
 मग उपासन जिहिं आणिलें । योगाग्नीचें ॥ २१ ॥
 जे यजनशील अहर्निशीं । जिहीं अविद्या हवीली मनेंसीं ।
 गुरुवाक्य हुताशीं । हवन केलें ॥ २२ ॥
 तिहीं योगाग्नीकिं यजिजे । तो दैवयज्ञु वीजे ।
 तेथ आत्ममुख कामिजे । पांडुकुमरा ॥ २३ ॥

दैवमेवापरे यज्ञं योगिनः पर्युपासते ।

ब्रह्माग्नावपरे यज्ञं यज्ञेनैवोपजुव्हति ॥ २५ ॥

आतां अत्रधारीं सांघेन आणिक । जे ब्रह्माग्नि क साम्नि क ।
 तेयांतें यज्ञें चि यजु देख । उपासिजे ॥ २४ ॥
 एक संयमाग्नी होत्री । ते युक्तित्रयाचां मंत्री ।
 यजन करिति पवित्रीं । इंद्रियद्रव्यां ॥ २५ ॥

श्रोत्रादीनोंद्रियाण्यन्ये संयमाग्निषु जुव्हति ।

शङ्खादीन् विषयानन्ये इंद्रियाग्निषु जुव्हति ॥ २६ ॥

एकां वैराग्यरवीं वित्रललें । तवं संयतीं विहार केले ।

तेथ अपावृत जाले । इंद्रियानल ॥ २६ ॥

तिहिं विरक्तिची ज्वाला घेतली । तवं विकारांचीं इंधनें पलिपलीं ।

तेथ आशाधूमें सांडिलीं । पांचे कुंडें ॥ २७ ॥

मग वाक्यविधीचिया निरिविडी । विषयाहुती उडंडीं ।

हवन केलें कुंडीं । इंद्रियाग्नीचां ॥ २८ ॥

सर्वाणींद्रियकर्माणि प्राणकर्माणि चापरे ।

आत्मसंयमयोगासौ जुव्हति ज्ञानदीपिते ॥ २७ ॥

येकिं यियाचि परीं पार्था । दोष क्षपिले सर्वथा ।

आणिकीं हृदयारणीं मंथा । विवेकु केला ॥ २९ ॥

तो उपशमीं निहितिला । धैर्ये वरी दाटिला ।

गुरुवाक्यें काढिला । बलिकटपणें ॥ १३० ॥

ऐसें समरसें मथन केलें । तेथ झडकरी काजा आलें ।

जें उज्जीवन जालें । ज्ञानाग्नीचें ॥ ३१ ॥

पहिला रिद्धीसिद्धीचा संभ्रमु । तो निवर्त्तोनि गेला ध्रुमु ।

मग प्रकटला सूक्ष्मु । विस्फुलिंगु ॥ ३२ ॥

तेया मनाचें मोकलें । पेटवण घातलें ।

जें यमनियमां हलुवारलें । आइतें होंतें ॥ ३३ ॥

तेणें सांधुक्षणें ज्वाला समृद्धा । तेथ वासनांतराचिया समिधा ।

जेहेसिं विविधा । जालोलीया ॥ ३४ ॥

मग सोहंमंत्रीं दीक्षितिं । इंद्रियकर्माचिया आहुती ।

तिये ज्ञानानलीं प्रदीप्तीं । दीधलिया ॥ ३५ ॥

पाठिं प्राणक्रियेचेन सृवेनसीं । पूर्णाहुति पडिली हुताशीं ।

तेथ अवभृथ समरसीं । साहाजें जालें ॥ ३६ ॥

मग आत्मबोधिचें मुख । तें जैसे संयमाग्नीचें शेष ।
 तौ चि पुरोडाशु देख । घेतला तिहि ॥ ३७ ॥
 येक ऐसा यजनी । मुक्त जाले गा त्रिभुवनी ।
 इया यज्ञक्रिया तारि आनानी । परि प्राप्य तें एक ॥ ३८ ॥

द्रव्ययज्ञास्तपोयज्ञा योगयज्ञास्तथापरि ।

स्वाध्यायज्ञानयज्ञाश्च यतयः संशितव्रताः ॥ ३८ ॥

येक द्रव्ययज्ञ ह्यणपती । एक तपसामग्रिया निरुजति ।
 येक योगयाग ही आहाती । जे सांघीतले ॥ ३९ ॥
 येकि शब्दी शब्द चि यजिजे । तो वाग्यज्ञ ह्यणिजे ।
 ज्ञानें ज्ञेय गमिजे । तो ज्ञानयज्ञ ॥ १४० ॥
 हें अर्जुना सकल कुवाडें । जें अनुष्ठितां अति सांकडें ।
 पारि जितेंद्रियांसी चि घडे । योग्यतावसें ॥ ४१ ॥
 तें प्रवाण येथ भले । योगसमृद्धी आधिले ।
 ह्यणौनि आपणपां तिहीं केलें । आत्महवन ॥ ४२ ॥

अपाने जुव्हति प्राणं प्राणेऽपानं तथापरे ।

प्राणापानगतौ रुद्धा प्राणायामपरायणाः ॥ २९ ॥

एक अपानाग्नीचां मुखी । प्राणद्रव्यें देखें ।
 हवन केलें एकी । अभ्यासयोगं ॥ ४३ ॥
 एक अपानु प्राणीं अर्पिती । एक दोहोंतें हीं निरुधिती ।
 ते प्राणायामीं ह्यणिपती । पांडुकुमरा ॥ ४४ ॥

अपरे नियताहाराः प्राणान्प्राणेषु जुव्हति ।

सर्वेऽप्येते यज्ञविदो यज्ञक्षपितकल्मषाः ॥ ३० ॥

येक वज्रयोगक्रमें । सर्वाहारसंयमें ।
 प्राणीं प्राणु संभ्रमें । हवन करिती ॥ ४५ ॥
 ऐसें मोक्षकाम संकल । समस्त हे यजनशील ।
 जिहीं यज्ञदीशीं मल । क्षालन केलें ॥ ४६ ॥

यश्चशिष्टामृतभुजो यान्ति ब्रह्मसनातनम् ।

नायं लोकोऽस्त्ययन्नस्य कुतोऽन्यः कुदसत्तम ॥ ३१ ॥

जेयां अविद्याजात आकलितां । जें उरलें निज स्वभावता ।

तेथ अग्नि आणि होता । उरोचिना ॥ ४७ ॥

जेथ यजितेयाचा कामु पुरे । यज्ञीचें विधान सरे ।

माघौतें जेथौनि ॐसरे । क्रियाजात ॥ ४८ ॥

विचार जेथ न रिगे । हेतु जेथ नेघे ।

जें द्वैतदोषसंगें । सिंपै चि ना ॥ ४९ ॥

ऐसें अनादिसिद्ध चोखट । जें ज्ञानयज्ञांविशिष्ट ।

तें ते सेविति ब्रह्मनिष्ठ । ब्रह्माहमंतें ॥ १५० ॥

ऐसे सेखामृतें धाले । कीं अमृतभावासि आले ।

हणौनि ब्रह्म ते जाले । अनायासें ॥ ५१ ॥

एरां विरक्ती माल न घली चि । जेयां संयमाग्नीची सेवा न घडे चि ।

जे योगयागु ही न कारिती चि । जन्मले साते ॥ ५२ ॥

एयां ऐहिक ही एक धड नाहीं । मग परत्रीक सांघिजैल काइ ।

हणौनि असो हे गोठि पाइं । पांडुकुमरा ॥ ५३ ॥

एवं बहुविधा यज्ञा वितता ब्रह्मणो मुक्ते ।

कर्मजांस्विद्धि तान्सर्धानेवं ज्ञात्वा विमोक्षस्ये ॥ ३२ ॥

ऐसे बहुतीं परीं अनेग । जे सांघितले कां याग ।

ते विस्तारुनि वेदें चांग । हणितले आहाति ॥ ५४ ॥

परि त्तेणें विस्तारें काइ करावें । हे कर्मसिद्ध जाणावे ।

एतुत्सेसि कर्मबंधु स्वभावे । पावैल ना ॥ ५५ ॥

अर्जुना वेदु जेहाचें मूल । जें क्रियाविशेषें स्थूल ।

जेयां नव्हालियेचें फल । स्वर्गमुख ॥ ५६ ॥

अथान्द्रव्यमथाद्यज्ञाज्ज्ञानयज्ञः परंतप ।

सर्वं कर्माखिलं पार्थ ज्ञाने परिसमाप्यते ॥ ३३ ॥

ते द्रव्ययाग किर होंती । परि ज्ञानयज्ञाची सरीं न पवती ।
 जेवि तारातेज संपती । दिनकरेसीं ॥ ५७ ॥
 देखैं परमात्ममुखनिधान । साधावेया योगीजन ।
 जें न विसंभति अंजन । उन्मेखनेत्रीं ॥ ५८ ॥
 जें धावंतेया कर्माची लाणि । नैष्कर्म्य बोधाची खाणि ।
 जें भूकैलेयां धणि । साधनाची ॥ ५९ ॥
 जेथ प्रवृत्ति पांगुल जाली । तर्काचि दृष्टि गेली ।
 जेणें इंद्रियें विसरलीं । विषयसंगू ॥ १६० ॥
 मनाचें मनपण गेलें । जेथ बोलांचें बोलणें ठेलें ।
 जेयामाजि सांपडलें । ज्ञेय दीसे ॥ ६१ ॥
 जेथ वैराग्याचा पांगु फांटे । विवेकाचा ही सोमु तूटे ।
 जें न पांतां साहाजें भेटे । आपणां पें ॥ ६२ ॥

तद्विद्धि प्रणिपातेन परिप्रश्नेन सेवया ।

उपदेश्यंति ते ज्ञानं ज्ञानिनस्तत्त्वदर्शिनः ॥ ३४ ॥

तें ज्ञान पें गा बरवें । जें मनीं आधि जाणावें ।
 तें संतां ययां भजावें । सर्वस्वेंसीं ॥ ६३ ॥
 जेयांचा ज्ञानकुरुठा । तेथ साधुसेवा हो दारवठा ।
 तो स्वार्थीनु करीं सुभटा । उल्लगौनि ॥ ६४ ॥
 जारि तनुमनुजीवें । विचारासि लागावें ।
 आणि अगर्वता करावें । दास्य सकल ॥ ६५ ॥

यज्ज्ञात्वा न पुनर्मोहमेवं यास्यसि पांडव ।

येन भूतान्यशेषेण द्रक्ष्यस्यात्मन्यथो मयि ॥ ३५ ॥

मग अपेक्षित जें आपुलें । तें ही सांगतील पूसिलें ।
 जेणें अंतःकरण बोधलें । संकल्पा नैये ॥ ६६ ॥
 जेहाचेनि उजीवडें । जालें चित्त निधडें ।
 ब्रह्माचेनि पाडें । निशंक होईल ॥ ६७ ॥

तेहलि आपणपेन सहितें । ये अशेषें हीं भूतें ।
 माझां स्वरूपीं अखंडितें । देखसी तूं ॥ ६८ ॥
 ऐसें ज्ञानप्रकाशें पाहिल । तैं मोहांधकार जाइल ।
 जैं गुरुकृपा होइल । पार्था गा ॥ ६९ ॥

अपि चेदसि पापेभ्यः सर्वेभ्यः पापकृत्तमः ।

सर्वं ज्ञानप्लवेनैव वृजिनं संतरिष्यसि ॥ ३६ ॥

जन्हीं कल्मषांचा आगरु । तूं भ्रांतिचा सागरु ।
 व्यामोहाचा डोंगरु । होउनि आहासि ॥ १७० ॥
 तन्हीं ज्ञानशक्तीचेन पाडें । हें आववेंचि गा थोकडें ।
 ऐसें सामर्थ्य जेयाचें चोखडें । ज्ञानीं इये ॥ ७१ ॥
 देखैं विश्वसंभ्रमा ऐसा । जो अमूर्तीचा कडवसा ।
 तो जेयाचेया प्रकाशा । पुरे चि ना ॥ ७२ ॥
 तेया काइसे मनोमल । हें बोलतां चि अति कीडाल ।
 नाहिं येणें पाडें ढिसाल । दूजें जगीं ॥ ७३ ॥

यथैथांसि समिद्धोऽग्निर्भस्मसात्कुरुतेऽर्जुन ।

ज्ञानाग्निः सर्वकर्माणि भस्मसात्कुरुते तथा ॥ ३७ ॥

सांघें भूतत्रयाची काजली । जे गगनामाजि उधली ।
 तिये प्रलइचिये वाहुंटली । काइ अभ्र पूरे ॥ ७४ ॥
 किं पवनाचेनि कोपें । पाणियें चि जो पळिपे ।
 तो प्रलयानलु काइ दडपे । तृणें नावें ॥ ७५ ॥

नहि ज्ञानेन सदृशं पवित्रमिह विद्यते ।

तत्स्वयं योगसंसिद्धः कालेनात्मनि विंदति ॥ ३८ ॥

हणौनि असो हें न घडे । जें विचारितां चि असंघडे ।
 पुडुतीं ज्ञानाचेनि पाडें । पवित्र न दिसे ॥ ७६ ॥
 एक ज्ञान ही उत्तम होये । आणिक ही येथ तैसें चि आहे ।
 तारे सांघें चैतन्य कां नोहे । दूसरें गा ॥ ७७ ॥

ना तरि महातेजाचेनि कसें । चोखाल प्रतिबिंब दीसे ।
 कां गवसलें गवसे । आकाश हें ॥ ७८ ॥
 ना तरि पृथ्वीचेनि पाडें । कांटालें जरि जोडे ।
 तरि ज्ञानासि उपमा घडे । पांडुकुमरा ॥ ७९ ॥
 ह्यपौनि बहुतीं परी पाहातां । पुढुतीं पुढुतीं निर्द्धारितां ।
 हे ज्ञानिची पवित्रता । ज्ञानीचि आधि ॥ १८० ॥
 जैसी अमृताची चवि निवडिजे । तरि अमृता चि सारिखी ह्यणिजे
 तैसें ज्ञान हें उपमिजे । ज्ञानेंसीं चि ॥ ८१ ॥
 आतां ययावारिं बोलणें । वायां चि बेलु फेडणें ।
 तवं साच जी हें पार्थु ह्यणे । बोलिजत असां ॥ ८२ ॥
 परि तेंचि ज्ञान केवि जाणावें । ऐसें जवं अर्जुनें पूसावें ।
 तवं तें मनोगत देवें । जाणीतलें ॥ ८३ ॥

श्रद्धावांल्लभते ज्ञानं तत्परः संयतेंद्रियः ।

ज्ञानं लब्ध्वा परां शान्तिमच्चिरेणाधिगच्छति ॥ ३९ ॥

मग ह्यणतसे किरीटी । आतां चित्त देइं इये गोठी ।
 सांघैन ज्ञानाचिये भेटी । उपावो तुज ॥ ८४ ॥
 तरि आत्ममुखाचिया गोडिया । थिटला जो विषयां ।
 जेयाचां ठांइ इंद्रियां । मानु नाही ॥ ८५ ॥
 जो मनासि चाड न संघे । जेयां प्रकृतिकें केलें ने घे ।
 जो श्रद्धेचेनि संभोगें । मुखिया जाला ॥ ८६ ॥
 तेयातें चि गिबसित । हें ज्ञान पावे निश्चित ।
 जेयामाजि अचुंबित । शांति असे ॥ ८७ ॥
 तें ज्ञान हृदयीं प्रतिष्ठे । आणि शांतिचा अंकुरु फूटे ।
 मग विस्तारु बहुत प्रकटे । ततक्षणीं ॥ ८८ ॥
 तेव्हां जेउति वांस पाहिजे । तेउती शांती चि एकि देखिजे ।
 तेथ पारावार नेणिजे । निर्द्धारितां ॥ ८९ ॥

ऐसा हा उत्तरोत्तर । ज्ञानदीप्ताचा विस्तार ।

हा सांगतां असे अपार । परि असो आतां ॥ १९० ॥

अज्ञश्चाश्रद्धानश्च संशयात्मा विनश्यति ।

नायं लोकोऽस्ति न परो न सुखं संशयात्मनः ॥ ४० ॥

आइकें जेया प्राणियांचां ठांड । यया ज्ञानार्चे पाहिलें नाहि ।

तेयार्चे जियालें झणों काइ । वरि मेलें चांग ॥ ९१ ॥

शून्य जैसें गृह । कां चैतन्येवीण देह ।

तैसें जीवीत तें संमोह । ज्ञानहीन ॥ ९२ ॥

अथवा ज्ञान कीर आपु नोहे । परि तें चाड रेकि जन्हीं वाहे ।

तेथ जीवाला काहीं आहे । प्राप्तिचा ॥ ९३ ॥

वांचूनि ज्ञानाची गोठि काइसी । परि ते आस्था ही न धरी जो मानसी ।

तो संशयरूप हुताशी । पडिल्या जाण ॥ ९४ ॥

जें अमृत ही परि नावडे । ऐसें संवियां चि अरोचक जें पडे ।

तें मरण आलें असें फुटें । हें जाणों ये कीं ॥ ९५ ॥

तैसा विषयमुखरजें । जो ज्ञानेसीं चि माजे ।

तो संशइ अंगिकरिजे । एथ भ्रंति नाहीं ॥ ९६ ॥

मग संशइ जरि पडिल्या । तरि निभ्रंत जाणें नाशला ।

तो अहिकाही परि मूकला । मुखारि गा ॥ ९७ ॥

जेया कालज्वर आंगीं वाणे । तो शीतोष्णें जैसें नेणे ।

आगि आणि चांदिणें । सरिसें चि मानीं ॥ ९८ ॥

तैसें साच आणि लटकें । वीरू अथवा नीकें ।

संशइ तो नोलखे । हिताहितें ॥ ९९ ॥

हा रातिदिवसु पाहि । जैसा जात्यंधा ठाउवा नाहि ।

तैसें संशैया सत्य काहीं । मना नै ये ॥ २०० ॥

झणौनि संशयाहूनि धोर । आणिक पाप नाहि धोर ।

हा विनाशाची वागुर । प्राणियांसि ॥ १ ॥

योगसंन्यस्तकर्माणं ज्ञानसंछिन्नसंशयम् ।

आत्मवंतं न कर्माणि निबध्नन्ति धनंजय ॥ ४१ ॥

हणौनि हा ल्यजावा । हाचि येकु जीणावा ।

जो ज्ञानाचिया अभावा— । माजि असे ॥ २ ॥

जें अज्ञानाचें गडदे पडे । तें हा बहुवसु मनीं वाढे ।

हणौनि सर्वथा मार्गु मोडे । विश्वासाचा ॥ ३ ॥

तस्मादज्ञानसंभूतं हृत्स्वं ज्ञानासिनात्मनः ।

छित्त्वेन संशयं योगमातिष्ठोत्तिष्ठ भारत ॥ ४२ ॥

हृदइं हाचि न समाए । आणि बुद्धितें गवसूनि ठाए ।

तेथ संशयात्मक होए । लोकत्रय ॥ ४ ॥

ऐसा ही जन्हीं थोरावे । तन्हीं उपायें येकें आंगवे ।

जारि हातीं होये वरवें । ज्ञानखड्ग ॥ ५ ॥

तारि तेणें ज्ञानशस्त्रें तीखटें । निखलु हा निवटे ।

मग निःशेष स्वता फिटे । मानसिचा ॥ ६ ॥

या कारणें पार्था । उठीं वेगीं वरौता ।

नाशु करूनि हृदयस्था । संशयासि ॥ ७ ॥

ऐसें सर्वज्ञाचा वापु । जो कृष्णु ज्ञानदीपु ।

तो हणतसे सकृपु । आइकें राया ॥ ८ ॥

तवं एया पूर्वापर बोलाचा । विचारूनि कुमरु पांडुचा ।

कैसा प्रश्रु हान अवसरिचा । करिता होईल ॥ ९ ॥

जेयाचां वरवेपणीं । कीजे आठां रसांची ओलावणी ।

जो सज्जनाचिये आर्णा । विसावां जर्गी ॥ २१० ॥

तो शांतू चि अभिनवैल । ते परियसां मन्हाटे बोल ।

जे समुद्रा ही हूनि खोल । अर्थभरित ॥ ११ ॥

जैसें बिंब तारि बचकेयेवडे । परि प्रकाशा त्रैलोक्य जोकडे ।

शद्राचा व्याप्ति तेणें पाडें । अनुभवावी ॥ १२ ॥

ना तरि कामितेयाचिया इछा । फले कल्पवृक्षु जैसा ।
बोल्लु व्यापकु होये तैसा । तरि अवधान देयावें ॥ १३ ॥
हें असो काये ह्मणावें । सर्वज्ञ जाणती स्वभायें ।
तन्हीं नीकेनि चित्त देयावें । हे विनती माझी ॥ १४ ॥
जें साहित्य आणि शांती । हे रेखा दिसे बोलती ।
जैसी लावण्यगुणयुक्ती । आणि चित्तवृत्ती ॥ १५ ॥
आदि चि साखर आवडे । आणि ते चि जरि ओखधा जोडे ।
तरि न सेवावी कां कोडें । नावां नावां ॥ २१६ ॥
साहाजें मलयानीलु सुंदु । तेया ही होये अमृताचा स्वादु ।
आणि तेथ चि जोडे नादु । दैवंगल्या ॥ १७ ॥
तरि स्पशें सर्वांग जीववी । स्वादे जीभेतें नाचवी ।
तेविं चि कानाकरवि ह्मणवी । बापु माझा ॥ १८ ॥
तैसें कथेचें इये आइकणें । एक श्रवणासि होये पारणें ।
आणि संसारदुःखा मोकलवणें । विकृतीविण ॥ १९ ॥
जरि मैत्रें चि वैरी मरे । तरि वायां कां बांधावे कटारे ।
रोगु जाये दूधें अंगरें । तरि नीबु कां पियावा ॥ २२० ॥
तैसा मनाचा मारु न कारितां । इंद्रियां दुःख नेंदितां ।
एथ मोक्षु असे आइकतां । श्रवणांमाशि ॥ २१ ॥
ह्मणौनि आधिलिया आराणुका । गीतार्थु हा नीका ।
ज्ञानदे३० ह्मणे आइकां । निवृत्तिदासु ॥ २२२ ॥

३० तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे ज्ञानयोगो

नाम चतुर्थोऽध्यायः ॥

॥ श्रीभारतमकरामकृष्णार्जुनसंवादे ॥

ज्ञानेश्वरी

अध्याय पांचवा.

अर्जुन उवाच ॥

संन्यासं कर्मणां कृष्ण पुनर्योगं च शंससि ।

यच्छ्रेय एतयोरेकं तन्मे ब्रूहि सुनिश्चितम् ॥ १ ॥

मग पार्थु कृष्णातें ह्यणे । हां हो हें कैसें तुमचें बोलणें ।

एक होये तरि अंतष्करणें । विचारुं ए ॥ १ ॥

मागां सकल कर्माचा संन्यासु । तुहीं चि निरोपिला होंता बडुवसु ।

तरि कर्मयोगीं केवि अतिरसु । पोखित असा ॥ २ ॥

हें ऐसें द्वैतार्थ बोलतां । आह्वां नेणतेयांचेया चित्ता ।

आपुलिये चाडे अनंता । उमजु नोहे ॥ ३ ॥

आइकें एकसरां तें बोधिजे । तरि एकनिष्ठ चि बोलिजे ।

हें आणिकें काये सांधिजे । तुह्याप्रति ॥ ४ ॥

तन्हीं येया चि लागौनि तुमतें । मियां माहोरासि एक विनविलें होंतें ।

जें हा परमार्थु ध्वनितें । न बोलावा ॥ ५ ॥

पारि तें मागील असो देवा । आतां प्रस्तुतीं उकलु देखावा ।

सांधें दोहोंमाशि बरवा । मार्गु कवणु ॥ ६ ॥

जो परिणामीचा निर्वाला । अचुंवित ये फला ।

आणि अनुष्ठितां प्रांजला । सवियां चि ॥ ७ ॥

जैसे निद्रेचें सुख न मोडे । आणि मार्गु तरि बहूँ साडे ।
तैसें सांखासना सांघडे । सोहपें होये ॥ ८ ॥

श्रीभगवानुवाच ॥

संन्यासः कर्मयोगश्च निःश्रेयसकराद्युभौ ।

तयोस्तु कर्मसंन्यासात्कर्मयोगो विशिष्यते ॥ २ ॥

एणें अर्जुनाचेनि बोलें । देवो मनीं रिझले ।
मग होईल आइकें ह्यणितलें । संतोखौनियां ॥ ९ ॥
देखां कामधेनु ऐसी माये । सदैवां जेया होये ।
तो चंद्रु चि परि लाहे । खेलावया ॥ १० ॥
पाहा पां शंभूची प्रसन्नता । तेया उपमन्युचिया आर्त्ता ।
काये क्षीराब्धि दूधभाता । देई चि ना ॥ ११ ॥
तैसा औदार्याचा कुरुटा । कृष्णु आपु जालेयां सुभटा ।
कां सर्व सुखाचा वसेटा । तो चि नोहावा ॥ १२ ॥
एथ चमत्कारु काइसा । गोसांवि लक्ष्मीकांता ऐसा ।
आतां आपुलालिया सायेसा । मागाचा किं ॥ १३ ॥
ह्यणौमि अर्जुनें ह्यणितलें । तें हांसौनि येरें दीधलें ।
तें चि सांघेन बोलिलें । काइ कृष्णे ॥ १४ ॥
तो ह्यणे गा कुंतीमुता । हे संन्यासयोग विचारितां ।
मोक्षकर तत्त्वता । दोन्हीं होंति ॥ १५ ॥
तन्हीं जाणां नेणां सकलां । हा कर्मयोग किर पांजला ।
जैसी नाव स्त्रियां बालां । तोयतरणी ॥ १६ ॥
तैसें सारासार पाहिजे । तरि सोहोपा हा चि देखिजे ।
एणें संन्यासफल लाहिजे । अनायासें ॥ १७ ॥

श्लेषः स नित्यसंन्यासी यो न द्वेष्टि न कांक्षति ।

निर्व्विद्धो हि महाबाहो सुखं बंधात्प्रमुच्यते ॥ ३ ॥

अतं येया चि लागि सांघैम । तुज संन्यासियाचें चिन्ह ।
 मग साहाजें हें अभिन्न । जाणसी तूं ॥ १८ ॥
 तरि गेल्याची से न करी । न पवतां चाड न धरी ।
 जो सुनिश्चल आंतरीं । मेरु तैसा ॥ १९ ॥
 आणि मी माझे हे आठवण । विसरलें जेयाचें अंतःकरण ।
 तो पार्था संन्यासी जाण । निरंतर ॥ २० ॥
 जो मनें ऐसा जाला । संगिं तो चि सांडिला ।
 हणौनि सुखें सुख पातळा । अखंडीत ॥ २१ ॥
 आतां गृहादीक आघवें । तें काहीं च नलगे त्यजावें ।
 जें घेतें जालें स्वभावें । निःसंगु हणुनि ॥ २२ ॥
 देखें अग्नि विज्ञौनि जाये । मग जें राखौंडी केवल होये ।
 तें ते कापुसें हीं गवसूं ये । जिया परीं ॥ २३ ॥
 तैसा असतेन उपाधी । नाकलिजे तो कर्मबंधीं ।
 जेयाचिये बुद्धी । संकल्पु नाहीं ॥ २४ ॥
 हणुनि कल्पना जें सांडे । तें चि गा संन्यासु घडे ।
 येया कारणे दोन्हीं सांघडे । संन्यासयोम ॥ २५ ॥

सांख्ययोगी-वृक्षम्वालाः प्रचरन्ति च संदिग्धाः ।

एकमप्यास्थितः सम्यगुभयोर्विदते फलम् ॥ ४ ॥

यन्हविं तन्हीं पार्था । जे मूर्ख होंति सर्वथा ।
 ते सांख्यकर्मसंस्था । जाणति केवि ॥ २६ ॥
 साहाजें ते अज्ञान । हणौनि हणति हें भिन्न ।
 यन्हविं दीप प्रति काइ आनान । प्रकाश आहाति ॥ २७ ॥
 पैं सम्यक् एकानुभवं । जेहिं देखिलें तत्व आघवें ।
 दोहोंतें हीं एकभावें । मानिति गा ॥ २८ ॥

यस्सांख्यैः प्राप्यते स्थानं तद्योगैरपि गम्यते ।

एकं सांख्यं च योगं च यः पश्यति स पश्यति ॥ ५ ॥

आणि सांख्यीं जें पात्रिजें । तें चि योगिं गमिजे ।
 ह्यणौनि ऐक्य दाहों साहाजें । इया ही परी ॥ २९ ॥
 देखैं आकाशा आणि अवकाशा । भेदु कां नाहिं जैसा ।
 तैसें ऐक्य योगसंन्यासा । वाळखें जो ॥ ३० ॥
 तेया चि जगीं पाहलें । आपणपें तेणें चि देखिलें ।
 जेया सांख्ययोग जाणवले । भेदोविण ॥ ३१ ॥

संन्यासस्तु महाबाहो दुःखमाप्तुमयोगतः ।

योगयुक्तो मुनिर्ब्रह्म न चिरेणाधिगच्छति ॥ ६ ॥

जो युक्तिपथें पार्था । चडे मोक्षपर्यता ।
 तो महासुखाचा निमथा । बहिन्या पावे ॥ ३२ ॥
 ऐसी योगस्थिति जेया साडे । तो आयां चि हव्यासीं पडे ।
 परि प्राप्ति कहीं न घडे । संन्यासाची ॥ ३३ ॥

योगयुक्तो विशुद्धात्मा विजितात्मा जितेंद्रियः ।

सर्वभूतात्मभूतात्मा कुर्वन्नपि न लिप्यते ॥ ७ ॥

जेणें भ्रांतीपासौनि हीतलें । गुरुवाक्यें मन श्रूतलें ।
 मग आत्मस्वरूपीं घातलें । हरीनियां ॥ ३४ ॥
 जैसें समुद्रीं लवण न पडे । तवें वेगलें अल्प आवडे ।
 मग होये सिंधू चि एवढें । मिले तेव्हां ॥ ३५ ॥
 तैसें संकल्पौनि काढलें । जेयाचें मन चैतन्य जाले ।
 तेणें एकदेशिये परि व्यापिलें । लोकत्रय ॥ ३६ ॥
 आतां कर्त्ता कर्म करावें । हें कुठलें तेया आघवें ।
 आणि करी तन्हीं स्वभावे । अकर्त्ता तो ॥ ३७ ॥

नैव किंचित्करोमीति युक्तो मन्येत तत्त्ववित् ।

पहन्यन्शृण्वन्स्पृशन्निज्जलन्नभ्रन्गच्छन्स्वपन्ध्वसन् ॥ ८ ॥

जें पार्था तेया देहीं । मीं ऐसा आठों नाहीं ।
 तरि कर्तृन्व कैचें काड् । उर सांघें ॥ ३८ ॥

ऐसैं तनुत्यागेंधिण । अमूर्त्तिचे गुण ।
 दीसति संपूर्ण । योगयुक्ता ॥ ३९ ॥
 यन्हविं आणिकाचिया परी । तो ही येकु शरीरी ।
 अशेषीं हीं व्यापारीं । वर्त्ततु असे ॥ ४० ॥
 तो ही नेत्रीं पाहे । श्रवणीं आइकतु आहे ।
 परि तेथिचा सर्वथा नोहे । हें नवल देखैं ॥ ४१ ॥
 स्पर्शासि तरि जाणे । परिमलु सेवीं प्राणें ।
 अवसरोचित बोलणें । तेया ही आधि ॥ ४२ ॥
 आहारातें स्वीकरी । व्याज्य तें परिहरी ।
 निद्रेचा अवसरीं । निदिजे मुखें ॥ ४३ ॥
 आपुलेनि इछावसें । तो ही गा चालतु दीसे ।
 पै सकल कर्म ऐसैं । राहाटे किर ॥ ४४ ॥

प्रलयन्वि सृजन्गृणहन्नुन्मिषन्निमिषन्नपि ।

इन्द्रियार्णोन्द्रियार्थेषु वर्त्तत इति धारयन् ॥ ९ ॥

हें सांघों काइ एकैक । देखैं श्वासोश्वासादिक ।
 आणि निमेयानिमेय । आदिकरुनि ॥ ४५ ॥
 पार्था तेयाचां ठांडें । हें आवचें चि आधि पाडें ।
 परि तो करिता नोहे काहीं । प्रतीतिबलें ॥ ४६ ॥
 जै भ्रांतिसेजे मृत्या । तें स्वप्नमुखें भूत्या ।
 मग तो ज्ञानोदयीं चेइत्या । लक्षणियां ॥ ४७ ॥
 आतां अधिष्ठानसंगति । अशया ही इन्द्रियवृत्ती ।
 आपुलाळां अर्थी । वर्त्तत आर्थी ॥ ४८ ॥

ब्रह्मण्याधाय कर्माणि संगं त्यक्त्वा करोति यः ।

लिप्यते न स पापेन पद्मपत्रमिवांभसा ॥ १० ॥

दीपाचनि प्रकाशे । गृहिचे व्यापार जैसे ।
 देही कर्मजात तैसैं । योगयुक्त ॥ ४९ ॥

तो कर्म करी सकलें । परि कर्मबंधा नाकले ।
जैसें न सिंपे जळि जळें । पद्मपत्र ॥ ५० ॥

कायेन मनसा बुद्ध्या केवलैर्गिद्वैरपि ।

योगिनः कर्म कुर्वति संगं त्यक्त्वात्मशुद्धये ॥ ११ ॥

देखें बुद्धीची भाष नेणिजे । मनाचा अंकर नुदैजे ।
ऐसा व्यापार तो बोलिजे । शरीर गा ॥ ५१ ॥
हें चि मन्हाटें परिहसैं । तरि बालकाची चेश्ठा जैसीं ।
योगिये करिति कर्म तैसीं । केवळ तनु ॥ ५२ ॥
मग पांचभूतिक सांचळें । जेव्हां शरीर असे निदळें ।
तेथ मन चि राहाटें एकटें । स्वप्नीं जेवि ॥ ५३ ॥
नवल आइकें धनुर्दरा । कैसा वासनेचा सर्वसाग ।
देहा हों नेदी उजगग । परि मुखदुःखें भोगी ॥ ५४ ॥
दाहि इंद्रियांचां गाधि नेणिजे । एसा व्यापार जो निरुजे ।
तो केवलु गा हाणिजे । मानसाचा ॥ ५५ ॥
योगिये तो ही करिति । परि अकर्म तैसें बुझति ।
जे सांडिली आहे संगती । अहंभावाची ॥ ५६ ॥
आतां जालेयां भ्रमहत । जैसें पिशाचाचें चित ।
मग इंद्रियांचें चेष्टित । विकट दीसे ॥ ५७ ॥
स्वरूप तरि देखे । आलविष्टें आइके ।
शब्दु बोलि मुखें । परि ज्ञान नाही ॥ ५८ ॥
हें असो काजेंधिण । जें जें काहीं करण ।
तें केवल कर्म जाण । इंद्रियांचें ॥ ५९ ॥
मग सर्वत्र जें जाणतें । तें बुद्धीचें कर्म निहंतें ।
बोळव अर्जुनातें । ह्मणे हरी ॥ ६० ॥
ते बुद्धि धूर करनि । कर्म करी चित देउनि ।
परि नैष्कर्म्यापामोनि । मुक्त दीमति ॥ ६१ ॥

जे बुद्धिचिये ठाउन देहीं । तेयां अहंकाराची शंका नाही ।
 ह्यगोनि कर्म चि कारत पाहीं । चोखालळे ॥ ६२ ॥
 आगा कारतेन विण कर्म । तें चि तें नैष्कर्म्य ।
 हें जाणति गुरुगम्य । मुक्कर्म जे ॥ ६३ ॥
 आतां शांतरसाचें भरतें । सांडित आहे पातातें ।
 जें बोलणें बोला परेतें । बोलवळें ॥ ६४ ॥
 एथ इंद्रियांचा पांगु । जेया फोटला आहे चांगु ।
 तेयांसो चि आथि लागु । पारिसात्रिया ॥ ६५ ॥
 हा असो अतिप्रसंगु । न संडि पां कथालागु ।
 होईल श्लोकसंगती भंगु । ह्यगोनियां ॥ ६६ ॥
 जें मना कळितां कुवाडें । घांघवसितां बुद्धी नातुडे ।
 तें देवाचन मुरवाडें । सांघवळें तुज ॥ ६७ ॥
 जें शद्धातांत स्वभावे । तें बोलीं चि जरि फावे ।
 तारि आणिकें काडू कगवें । सांघें कथा ॥ ६८ ॥
 हा आर्त्तिविशेषु श्रोतियांचा । जाणोनि दामु निवृत्तिचा ।
 ह्यगे संवादु तेयां दोषांचा । परियसां तरि ॥ ६९ ॥
 मग कृष्णु ह्यगे पार्थातें । आतां प्राप्ताचें चिन्ह पुरतें ।
 सांघैन तुज निरुतें । चित्त देई ॥ ७० ॥

युक्तः कर्मफलं त्यक्त्वा शान्तिमाप्नोति जैष्ठिकीम् ।

अयुक्तः कामकारेण फले सक्तो निवर्द्धयते ॥ १२ ॥

तारि आत्मयोगें आयिला । जो कर्मसुद्धामि वीटला ।
 तो घर रिगोनि वगिला । शांती जगी ॥ ७१ ॥
 परु कर्मबंधें किरीटा । अभियाग्यांचिया गांटा ।
 कालासत्या खुंटा । फळभोगाचां ॥ ७२ ॥
 फलाचिये आधवे । एमें कर्म करी आवयें ।
 मग न कीजे येणें भावें । उपोक्षि जां ॥ ७३ ॥

सर्वकर्माणि मनसा संन्यस्याऽऽस्ते सुखं वशी ।

नवद्वारे पुरे देही नैव कुर्वन्नकारयन् ॥ १३ ॥

तो जियाकडे वास पाहे । तेउतीं मुख्याचीं सृष्टि होये ।

तो ह्मणे तेथ राहे । महाबोधु ॥ ७४ ॥

नवद्वारें देहीं । तो असे परि नाही ।

कारितू चि न करी काहीं । फळन्यागी ॥ ७५ ॥

न कर्तृत्वं न कर्माणि लोकस्य सृजति प्रभुः ।

न कर्मफलसंयोगं स्वभावस्तु प्रवर्तते ॥ १४ ॥

जैसा कां सर्वेश्वर । पाहिजे तव निर्यामार ।

परि तो चि रची विस्तार । त्रिभुवनाचा ॥ ७६ ॥

आणि करिता ऐसें हाणिभे । तरि कर्मि कव्हणिं न सिंभे ।

जें हातुपाअ न दिंभे । उदासवृत्तिचा ॥ ७७ ॥

योगनिद्रा तरि न मोडे । अकर्तेपणा सांचळु न पडे ।

परि महाभूतांचें दलवाडे । उभारी भळें ॥ ७८ ॥

जगाचां जिविं आहे । परि कव्हणांचा कहिं नोहे ।

जग चि होये जाये । तो शुद्धि ही नेणे ॥ ७९ ॥

नादत्ते कल्पचिन्त्यापं न चैव सुकृतं विभुः ।

अज्ञानेनावृतं ज्ञानं तेन मुह्यंति जंतवः ॥ १५ ॥

पापपुण्ये अशेषे । तो पामिं चि असतु न देखे ।

आणि साक्षि ही देहां न ठके । परि गोठि काड्सी ॥ ८० ॥

पैं मूर्त्तिचेनि मेळें । तो मूर्त्तु चि होउनि गेले ।

परि अमूर्त्तपण न मेळे । दादुळेयाचें ॥ ८१ ॥

तो मृजी पाली संहारी । ऐमें बोलति जे चराचरीं ।

ते अज्ञान गा अवचारीं । पांडुकुमरा ॥ ८२ ॥

ज्ञानेन तु तदज्ञानं येषां जाशिनमात्मनः ।

तेषामादित्यवज्ञानं प्रकाशयति तत्परम् ॥ १६ ॥

तै चि अज्ञान जै समूल तूटे । तै आतिचें मसैरें फीटे ।
 मग अकर्तृत्व हें प्रकटे । ईश्वराचें ॥ ८३ ॥
 एथ ईश्वरु एकु अकर्ता । एमें मानलें जरि चित्ता ।
 तो चि मी हें स्वभावता । आदि चि आहे ॥ ८४ ॥
 ऐसेनि विवेकें उदो चित्ति । तेयांसि भेदु कैचा त्रीजगती ।
 देखैं आपुलिया प्रतीती । जग चि मुक्त ॥ ८५ ॥
 जैसी पूर्व दिशेचां राउलीं । उदयाची सूर्ये होथे दिवाली ।
 किं एन्हीं हीं दिशां तिये चि कारीं । कालिमा नाहिं ॥ ८६ ॥
 ऐसें व्यापक ज्ञान भलें । जेयांचेया हृदया गिवसत आले ।
 तेयांची समतादृष्टि बोले । विशेषूं काई ॥ ८७ ॥

तद्बुद्धयस्तदात्मानस्तन्निष्ठास्तत्परायणाः ।

गच्छंत्यपुनरावृत्तिं ज्ञाननिर्धृतकल्मषाः ॥ १७ ॥

एक आपणयां चि जैसैं । ते देखति विश्व तैसैं ।
 हें ओळणें काडु ऐसें । नवल एथ ॥ ८८ ॥
 परि दैव जैसैं कवतिकें । कहिं चि सरोनि दैन्य न देखे ।
 कां विवेकु हा नोळखे । आतितें ॥ ८९ ॥
 ना तारि अंधकाराची घानी । जैसा सूर्यु नेणें स्वप्नीं ।
 अमृत नाइके आपुले कारीं । मृत्युकथा ॥ ९० ॥
 हें असो संतापु कैसा । हणौनि चंद्रु कां न स्मरे जैसा ।
 भूति भेदु नेणति तैसा । ज्ञानिये ते ॥ ९१ ॥

विद्याधिनयसंपन्ने ब्राह्मणे गवि हस्तिनि ।

शुनि चैव श्वराके च पांडिताः समदर्शिनः ॥ १८ ॥

मग मशकु हा गजु । कां श्वपचु हा द्विजु ।
 पैल इतरु हा आत्मजु । हें उरल कें ॥ ९२ ॥
 ना तरि धेनु हे श्वान । एक उरुपें एक हीन ।
 हें असो कैचें स्वप्न । जागतेया ॥ ९३ ॥

एथ भेदु तरि देखावा । जरि अहंभाओ उरला होआवा ।
तो आदीं चि नाहिं आघवा । आतां विपम काइ ॥ ९४ ॥
ह्यर्णानि सर्वत्र सदा सम । तं आपण चि अद्वय ब्रह्म ।
हैं संपूर्णता जाणै वर्म । समदृष्ट्यांचें ॥ ९५ ॥

इहैव तैर्जितः सर्गो येषां साम्ये स्थितं मनः ।

निर्दोषं हि समं ब्रह्म तस्माद्ब्रह्मणि ते स्थिताः ॥ १९ ॥

जिहिं विषयसंगु न संडितां । इंद्रियांतें न दंडितां ।
भोगिली निःसंगता । कामेविण ॥ ९६ ॥
जिहिं लोकाचेन आधारें । लौकिकें चि व्यापारें ।
सांडिलें निदमुरें । लौकीक हें ॥ ९७ ॥
जैसा जनामाजि खेचरु । असतू चि जना नव्हे गोचरु ।
तैसे शरीरीं ते पारि संसारु । नोलखे तेयां ॥ ९८ ॥
हैं असो पवनाचेनि मेलें । जैसें जळि जळ चि लोले ।
आणिकें ह्यणति वेगले । कळोळ हे ॥ ९९ ॥
तैसें नामरूप तेयाचें । यन्हविं ब्रह्म चि ब्रक्षिचें ।
मन साम्या आलें जेयाचें । सर्वत्र गा ॥ १०० ॥

न प्रहृष्येत्प्रियं प्राप्य नोद्विजेत्प्राप्य चाप्रियम् ।

स्थिरबुद्धिरसंमूढो ब्रह्मविद्ब्रह्मणि स्थितः ॥ २० ॥

ऐसेन समदृष्टी जो हाये । तेया पुरुषा लक्षण हीं आहे ।
अर्जुना संक्षेपें साधेन पाहे । अच्युतु ह्यणे ॥ १ ॥
तरि मृगजलाचेनि पूरें । जैसें न लोटिजे कां गिरिवरें ।
तैसा शुभाशुभीं न विकरें । पातळां जो ॥ २ ॥
तो चि तो निरुता । समदृष्टी तत्वता ।
हरि ह्यणे पांडुमुता । तो चि ब्रह्म ॥ ३ ॥

बाह्यस्पर्शेष्वसक्तात्मा विदित्यात्मनियत्सुखम् ।

स ब्रह्मयोगयुक्तात्मा सुखमक्षय्यमश्नुते ॥ २१ ॥

जेया आपणपे सांडूनि कहीं । इन्द्रियग्रामुंवारि एणें नाही ।
तो विषय न सेवी हें काइ । चित्र एथ ॥ ४ ॥

साहाजें स्वमुखिचेन अपारें । मुरवाडें आंतरें ।
रचला हणौनि बाहिरें । पाउल न घली ॥ ५ ॥

साधें कुमुददलाचेनि ताटें । जेविला चंद्रकिरणें चोखटें ।
तो चकोरु वालुवंटें । चुंबितु आहे ॥ ६ ॥

तैसें आत्मसुख उपाइलें । जेयासि आपणपां चि फावलें ।
तेयां विषय साहाजें सांडले । सांधों काइ ॥ ७ ॥

ये हि संस्पर्शजा भोगा दुःखयोनय एव ते ।

आद्यंतवंतः कौंतेय न तेषु रमते बुधः ॥ २२ ॥

यन्हवि तन्हीं कवतिकें । विचारूनि पाहें पां नाकें ।
एयां विषयांचेन मुखें । झांकवति कवण ॥ ८ ॥

जिहि आपणपे नाहिं देखिलें । ते चि हीं इन्द्रियार्थी रंजले ।
जैसें कां आलुकैलें । तुपान्न सेवी ॥ ९ ॥

ना तारि मृगें तृपापीडितें । संभ्रमें विसरांनि जलातें ।
मग तोयबुद्धि बरडीतें । टाकूनि एंति ॥ ११० ॥

तैसें आपणपे नाहिं दीटें । जेहांतें स्वमुखाचे सदा खरांटे ।
तेयांसी चि विषय हे गोमटे । आवडति ॥ ११ ॥

यन्हवि विपें काइ मुख आहे । हें बोलणें चि सारिखें नोहे ।
तारि विद्युत्स्फुरणें कां न पाहें । जगामाज्जि ॥ १२ ॥

साधें वातातापु हा धरे । एणें अभ्रछाया चि संरे ।
तारि त्रिमालिकें धवळारें । कराथी कां ॥ १३ ॥

हणौनि विषयमुख जें बोलिजे । तें नेणतां गा वायां जस्पिजे ।
जैसें महुरें हान कां हणिजे । विषकंदातें ॥ १४ ॥

ना तारि भौमा नावें मंगळु । रोहिणीतें हणिजे जळु ।
तैसा मुखप्रवादु वरळु । विषइकु हा ॥ १५ ॥

असो आघवी बोली । सांघ पां सर्पफणिची साडली ।
 तं शीतल होईल केतुली । मूखकांसि ॥ १६ ॥
 जैसा आमीषकवल्लु पांडवा । मीनु न सेवी तवं चि बरवा ।
 तैसा विषयसंगु आघवा । निभ्रान्त जाणें ॥ १७ ॥
 हें चि विरक्तिचिया दृष्टी । जें निहालिजे किरीटी ।
 तें पांडुरोगाचिये पुष्टी । सारिखें दीसे ॥ १८ ॥
 ह्मणौनि विषयभोगीं जें मुख । तें साद्यंत चि जाण दुःख ।
 पारि काइ करीतु मूर्ख । तें न सेवितां न सरे ॥ १९ ॥
 ते आंतर नेणती चि बापुडे । ह्मणौनि अगत्या संवर्णे घडे ।
 साधें पृथपांकिचे कीडे । काइ चिलिसि घेंती ॥ १२० ॥
 तेयां दुःख्यां दुःख चि जिन्हार । ते विषयकर्दमिचे दर्दूर ।
 तें चि जलातें जलचर । सांडितु केवि ॥ २१ ॥
 आणि दुःखयोनी जिया आहाति । तिया निरर्थका तारि नव्हति ।
 जारि विषयांवरि विरक्ति । धरीति जीव ॥ २२ ॥

शक्नोतीहैच यः सोढुं प्राक्शरीराविमोक्षणात् ।

कामक्रोधोद्भवं वेगं स युक्तः स सुखी नरः ॥ २३ ॥

ना तारि गर्भवासादि संकट । कां जन्ममरणींचे कष्ट ।
 हे विसांवेनिविण वाट । वाहर्वा कवण ॥ २३ ॥
 जरि विषयं विषयो सांडिजैल । तरि महादोषिं कें वसिजैल ।
 आणि हा संसारशब्दु नव्हैल । लटका जगीं ॥ २४ ॥
 ह्मणौनि अविद्याजात नाथिलें । तें तिहिं चि साच दाविलें ।
 जिहिं सुखबुद्धी घेतलें । विषयदुःख ॥ २५ ॥
 एया कारणें गा सूभटा । हा विचारितां विखो ओखटा ।
 तूं ज्ञनें कहीं इया वाटा । विसरौनि जासी ॥ २६ ॥
 पै ययातें विरक्त पुरुष । त्यजीति कां जैसें विष ।
 निराशां तेयां दुःख । दाविलां नावडे ॥ २७ ॥

ज्ञानियांचां ठांडं । एयाची मातु ही किर नाहिं ।
 देहीं देहभाव जिहीं । स्ववश केले ॥ २८ ॥
 जेयातें बाह्याची भाष । नेणिजे चि निःशेष ।
 आंतर चि सुख । एक आधि ॥ २९ ॥
 परि ते वेगलेपणें कां भोगिजे । जैसें पक्षियें फल चुंबिजे ।
 जैसें नव्हे तेथ विसरिजे । भोगितेपण ॥ १३० ॥
 भोगिं अवस्था एकि उठि । ते अहंकाराचलु लोटी ।
 मग मुखेंसीं घे आंटी । गाढेपणें ॥ ३१ ॥
 तिये आलिंगनमेलीं । होये आपेंआपु कवली ।
 तेथ जल जैसें जलीं । वेगलें न दिसे ॥ ३२ ॥
 कां आकाशीं वायु हारपे । तेथ दोनि हा भाउ लोपे ।
 तैसें सुख चि उरे स्वरूपें । मुरतिं तिये ॥ ३३ ॥
 ऐसी द्वैताची भाष जाये । मग ह्यणों जरि येक चि होये ।
 तारि तेथ साक्षि कवण आहे । जाणतें जें ॥ ३४ ॥
 ह्यणौनि असो हें आघवें । एथ न बोलणें काइ बोलवें ।
 ते खुण चि पावैल स्वभावें । आत्मारामीं ॥ ३५ ॥
 जे ऐसेन मुखें मातले । आपणपां चि आपण गुंतले ।
 ते मी जाण निखल ओतले । समरसाचे ॥ ३६ ॥
 ते आनंदाचे अनुकार । मुखाचे अंकुर ।
 किं महाबोधें विकार । केले जैसे ॥ ३७ ॥
 ते विवेकाचे गावं । किं परब्रह्मिचे स्वभाव ।
 ना तरि अलंकरले अवयव । ब्रह्मविद्येचे ॥ ३८ ॥
 ते सत्वाचे सात्विक । किं चैतन्याचे आंगिक ।
 हें बड्ड असो एकैक । वानिसि काइ ॥ ३९ ॥
 तूं संतस्तवनीं रचसी । तरि कथेची से न करिसि ।
 किर निरालीं बोल देखसी । सनागर ॥ १४० ॥

परि तो रसातिशयो मुकुली । मग ग्रंथार्थुदीप उजलिं ।
 करीं साधुहृदयराउलीं । मंगलउखा ॥ ४१ ॥
 ऐसा गुरुंचा उवाइला । निवृत्तिदासासि पातला ।
 मग तो ह्मणे कृष्ण काइ वोळिला । तें चि आइका ॥ ४२ ॥
 योंऽतःसुखोंऽतरारामस्तथांतज्योतिरेव यः ।
 स योगी ब्रह्म निर्वाणं ब्रह्मभूतोऽधिगच्छति ॥ २४ ॥
 अर्जुना अंतःसुखाचां डोहीं । येकसरा तलु घेतला जिहीं ।
 मग थिरावौनि ते ही । ते चि जाले ॥ ४३ ॥
 अथवा आत्मप्रकाशें चोखें । जो आपणपां चि विश्व देखे ।
 तो देहें चि ब्रह्मसुखें । मानूं येइल ॥ ४४ ॥

लभंते ब्रह्म निर्वाणमृषयः क्षीणकल्मषाः ।

छिन्नद्वैधा यतात्मानः सर्वभूतहिते रताः ॥ २५ ॥

जें साचोकारें परम । नातःपर निःसीम ।
 जिये गाविंचे निष्काम । अधिकारिये ॥ ४५ ॥
 जें महर्षी वांटलें । विरक्तां भागा फीटलें ।
 जें निःसंशैयां पीकलें । निरंतर ॥ ४६ ॥

कामक्रोधवियुक्तानां यतीनां यतचेतसाम् ।

अभितो ब्रह्म निर्वाणं वर्तते विदितात्मनाम् ॥ २६ ॥

जिहिं विपयांपासौनि हीतलें । चित्त आपुलें आपण जीतलें
 ते निश्चित जेथ सूतले । चेंति चि ना ॥ ४७ ॥
 तें परब्रह्मनिर्वाण । जें आत्मविदांचें कारण ।
 तें चि ते पुरुष जाण । पांडुकुमरा ॥ ४८ ॥
 ते ऐसे कैसेन जाले । जें देहें चि ब्रह्मत्वा आले ।
 हें हीं पूससि तारि भलें । संक्षेपें सांघों ॥ ४९ ॥

स्पर्शान्कृत्वा बहिर्बाह्यांश्चक्षुश्चैवांतरे भ्रुवोः ।

प्राणापानौ समौ कृत्वा नासाभ्यंतरचारिणौ ॥ २७ ॥

तारि वैराग्याचेन आधारं । तिहिं विषय दवडूनि बाहिरे ।
 शरीरीं एकंदरें । केलें मना ॥ १५० ॥
 साहाजें तिहिं संघिसिं भेटी । जेथ भ्रूपल्लवां पडे गांठि ।
 तेथ पाठिमोरी दीठी । पाउखौनियां ॥ ५१ ॥
 सांडूनि दक्षिण वाम । प्राणापानसम ।
 चित्तेंसि व्योम । गामिये करिति ॥ ५२ ॥

यतेंद्रियमनोयुद्धिर्मुनिर्मोक्षपरायणः ।

विगतेच्छाभयक्रोधो यः सदा मुक्त एव सः ॥ २८ ॥

तेथ जैसीं रथ्योदकें सकलें । घेउनि गंगा समुद्रीं मिले ।
 मग एकैक वेगलें । काढूं नैथे ॥ ५३ ॥
 तैसी वासनांतरांची विवंचना । मग आपैसी पाउखे अर्जुना
 जेव्हलि गगनीं लो मना । पवनें कीजे ॥ ५४ ॥
 जेथ हें संसारचित्र उमटे । तो मनोरूप पट फाटे ।
 जैसा सरोवर आटे । मग प्रतिभा नाहीं ॥ ५५ ॥
 तैसें मनपण मुदल जाये । मग अहंभावादिक कें आहे ।
 ह्यणौनि शरीरें चि गगन होये । अनुभवी तो ॥ ५६ ॥
 आह्नि मागा मत सांगितलें । जें देहीं चि ब्रह्मत्व पातले ।
 ते एणें मार्गें आले । ह्यणौनियां ॥ ५७ ॥
 यमनियमाचे डोंगर । अभ्यासांचे सागर ।
 क्रमूनि हें पार । पातले ते ॥ ५८ ॥
 तिहिं आपणपें करुनि निर्लेप । प्रपंचा घेतलें माप ।
 मग साचाचें चि रूप । होउनि ठेले ॥ ५९ ॥
 ऐसा योगयुक्तिचा उद्देशु । जेथ बोलिल्ला हर्षाकेशु ।
 तेथ अर्जुनु सुडंसु । चमत्कारला ॥ १६० ॥
 तें देखिलेयां कृष्णें जाणितलें । मग हांसौनि पार्था ह्यणितलें
 हें काइ पां चित्त उवाडलें । इयें बोली तूणें ॥ ६१ ॥

तवं अर्जुनु ह्मणे देउ० । परचित्तलक्षणाचा राउ० ।
 भला जाणितला जी भाउ० । मानसु माझा ॥ ६२ ॥
 मियां जें विवरुनि काहीं पूसावें । तें आदिं च कलिलें देवें ।
 तारि बोलिलें तें चि सांघावें । विव्रल करुनि ॥ ६३ ॥
 यन्हविं तन्है अवधारां । जो दाखविला तुह्नीं अनुसारा ।
 तो पन्हणेयांहूनि पायेउतारा । सोहोपा जैसा ॥ ६४ ॥
 तैसा सांख्याहूनि पाहा प्रांजला । परि आह्मांसारिखेयां जी अभोलां ।
 एथ आथि काहिं प्रकाला । तो साहों ए वर ॥ ६५ ॥
 ह्मणौनि एकु वेल देवा । तो चि पडिताला घेयावा ।
 विस्तरैल तन्है सांघावा । साघनु चि ॥ ६६ ॥
 तवं कृष्ण ह्मणति हो कां । तुज हा मार्गु गमला नीका ।
 तरि काइ जालें ऐकिजो कां । मुखें बोलों ॥ ६७ ॥
 अर्जुना तूं परियससी । परियसौनियां अनुष्ठिति ।
 तरि आह्मासि वाणि काइसी । साघें वांपां ॥ ६८ ॥
 आदिं चि चित्त मायेचें । वरि मीस जालें पढियंतेयाचें ।
 आतां तें अद्भुतपण स्नेहाचें । कवण जाणे ॥ ६९ ॥
 ते ह्मणो कारुण्यरसाची वृष्टि । किं नवेया स्नेहाची सृष्टी ।
 हें असो नेणजे दिठी । हरिची वानुं ॥ १७० ॥
 जे अमृताची जाणों ओतली । किं प्रेम चि पेउनि मातली ।
 ह्मणौनि कां अर्जुनमोहें गुंतली । निगों नेणे ॥ ७१ ॥
 हें बहू जें जें जल्पजैल । तेणें कथेसी चि फांकु होईल ।
 परि तें स्नेहरूपा नै येइल । बोलवरि ॥ ७२ ॥

भोक्तारं यज्ञतपसां सर्वलोकमहेश्वरम् ।


सुहृदं सर्वभूतानां ज्ञात्वा मां शान्तिमृच्छति ॥ २९ ॥

ह्मणौनि विसुरा काइ येणें । तो ईश्वरु कवलावा कोणें ।
 जो आपुलें मान नेणे । आपण चि ॥ ७३ ॥

तन्हीं मागिला ध्वनी आंतु । मज गमला साविया चि मोहि
 जें बलात्कारें असे ह्मणतु । पारियसें परिस ॥ ७४ ॥
 अर्जुना जेणें जेणें भेदें । तूझे कां चित्त बोधे ।
 तैसें तैसें विनोदें । निरूपिजैल ॥ ७५ ॥
 तो काइसेया नावं योषु । तेयाचा कवण उपयोगु ।
 अथवा अधिकारप्रसंगु । कवणां एथ ॥ ७६ ॥
 ऐसें जें जें काहीं । उक्त असे इये टांडें ।
 तें आघवें चि पाहीं । सांघैन आतां ॥ ७७ ॥
 तूं चित्त देउनि अवधारीं । ऐसें ह्मणौनियां हरी ।
 बोलिजैल ते पुढारी । कथा आहे ॥ १७८ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे संन्यासयोगो नाम
 पंचमोध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय साहावा

श्रीगणेशायनमः

रायातें ह्मणे संजयो । तो चि अभिप्रा३० अवधारजो ।
कृष्णु सांघति आतां जो । योगरूपु ॥ १ ॥
साहाजें ब्रह्मरसाचें परगुणें । केलें अर्जुनालागि नारायणें ।
किं तिया चि अवसरीं पाहुणे । पातलों आह्मीं ॥ २ ॥
कैसी दैवाची थोरी नेणिजे । जैसें तान्हेलेयां तोय सेविजे ।
किं तें चिये विकरुनु पाहिजे । तव अमृत आहे ॥ ३ ॥
तैसें आह्मांतुह्मां जालें । जें आठमुठी तत्व फावलें ।
तव भृतराष्ट्रें ह्मणितलें । हें न पुसों तूतें ॥ ४ ॥
तेया संजया येणें बोलें । रायाचें हृदय चोजवलें ।
जें अवसरीं आहे घेतलें । कुमारांचिया ॥ ५ ॥
हें जाणौनि मनीं हांसिला । ह्मणे ह्यातारा मोहें नासिला ।
यन्हविं बोलु तारि भला जाला । अवसरिचा ॥ ६ ॥
परि तें तैसें कैसेन होईल । जात्यंधा कैचें पाहील ।
तेविं च एरु सें घेईल । ह्मणौनि भिए ॥ ७ ॥
परि आपण चित्तिं आपुलां । निकिया परीं संतोषला ।
जें तो संवाढु कां फावला । कृष्णार्जुनाचा ॥ ८ ॥

तेणें आनंदाचेनि धालेपणें । साभिप्रायें अंतष्करणें ।
 आतां आदरेंसीं बोलणें । घडैल तेया ॥ ९ ॥
 तो गीतेमाजि षष्टिचा । प्रसंगु असे आणिचा ।
 जैसा क्षीरार्णविं अमृताचा । निवाडु जाला ॥ १० ॥
 तैसें गीतार्थाचें सार । जें विवेकसिंधुचें पार ।
 नाना योगविभवभांडार । उघडलें कां ॥ ११ ॥
 जें आदिप्रकृतिकें विसंवणें । जें शब्दब्रह्मासि न बोलणें ।
 जेथौनि गीतावल्लिचें ठाणें । प्ररोहो पावे ॥ १२ ॥
 तो अध्या३० हा साहावा । वरि साहित्याचिया बरवा ।
 सांघिजैल ह्मणौनि परियसावा । चित्त देउनि ॥ १३ ॥
 माझा मन्हाटा चि बोलु कवतिकें । परि अमृतातें हीं पैजेंसीं जीके ।
 ऐसीं अक्षरें चि रसिकें । मेलवीन ॥ १४ ॥
 जिये कोवळिकेचेनि पाडे । दीसति नादिचे तरंग थोकडे ।
 वेधें परिमलाचें बीक मोडे । जेयाचेनि ॥ १५ ॥
 आइकां रसालपणाचेया लोभा । किं श्रवणें चि होथि जीभा ।
 बोलें इंद्रियां लागे कलभा । येकमेकां ॥ १६ ॥
 साहाजें शब्दु तरि विषो श्रवणाचा ।
 परि रसना ह्मणे कां रसु चि हा आनचा ।
 घ्राणासि भायो जाये परिमलाचा ।
 हा तो चि कां होईल ॥ १७ ॥
 नवल बोलतिथे रेखेची वाहाणी । दावितां डोलेयां हीं पुरों लागे आणि ।
 ते ह्मणति उघडिली कां खाणि । रूपांची हे ॥ १८ ॥
 जेथ संपूर्ण पद उभारे । तेथ मन चि धांवे बाहिरें ।
 बोलुमुजांहीं आशे भरे । आळिंगावेया ॥ १९ ॥
 ऐसां इंद्रिये आपुलालां भाविं । झोंबतां परि तो सरिसेपणें चि बुझावी ।
 जैसा एकला जग चेववी । सहस्रकर ॥ २० ॥

तैसैं शब्दाचें व्यापकपण । देखिजे असाधारण ।
 पाठेयां भावज्ञां फावति गुण । चिंतामणिचे ॥ २१ ॥
 हें असो तेयां बोलाचीं ताटें भलीं । वारि कैवल्यरसें ओगरलीं ।
 हे प्रतिपत्ति मियां केली । निष्कामासि ॥ २२ ॥
 आतां आत्मप्रभा नीचनवी । तें चि करूनि ठाणा दिवी ।
 जो इंद्रियांतें चोरुनु जेवी । तेयासी च फावे ॥ २३ ॥
 एथ श्रवणाचेनि पांगें । त्रिण श्रोतेयां होआवें लागे ।
 हें मनाचेनी चि आंगें । भोगिजे गा ॥ २४ ॥
 आहाच बोलाची वालीप फेडिजे । आणि ब्रह्माचेया चि आंगा घडिजे ।
 मग सुखेंसीं मुरवाडिजे । तेयामाझि ॥ २५ ॥
 ऐसैं हलुवारपण जरि येईल । तरि चि हें उपेगा जाइल ।
 यन्हविं आधवी गोठि होईल । मूकां बोलतेयाची ॥ २६ ॥
 परि तें असो आतां आधवें । न लगे श्रोतंयां कडसावें ।
 जें एथ अधिकारिये स्वभावें । पूर्णकाम ॥ २७ ॥
 जेहीं आत्मबोधाचिया आवडी । केली स्वर्गसंसाराची कुरवंडी ।
 ते वांचौनु एथिची गोडी । नेणति आणिकं ॥ २८ ॥
 जैसा वायसीं चंद्र नोलखिजे । तैसा प्राकृतीं ग्रंथु हा नेणिजे ।
 आणि तो हिमांशु जेविं खाजें । चकोरांचें ॥ २९ ॥
 तैसा सज्ञानांसि तरि हा ठाउ । आणि अज्ञानांसि आन गाउ ॥
 ह्मणौनि बोलावेया विषो पाहा हो । विशेषें नाहिं ॥ ३० ॥
 परि अनुवादलों मी प्रसंगें । तें सज्जनीं उपसाहावें लागे ।
 आतां सांधैन काइ श्रीरंगें । निरूपिलें जें ॥ ३१ ॥
 तें बुद्धी हीं कवलितं सांकडें । ह्मणौनि बोलीं विपारीं सांपडे ।
 परि निवृत्तिकृपाउजियेडें । देखैन मी ॥ ३२ ॥
 जें दिठी हीं न पविजे । तें दिठीविण देखिजे ।
 जन्हैं अतींद्रिय लाहिजे । ज्ञानबलें ॥ ३३ ॥

ना तरि जें धातुबादिया हीं न जोडे । तें लोही चि पन्हें सांपडे ।
 जरि दैवयोगें चडे । परिसु हाता ॥ ३४ ॥
 तैसी सद्वरुहपा होए । तरि करितां काइ आपु नोहे ।
 ह्यणौनि अपार मातें आहे । ज्ञानदेउ^३ ह्यणे ॥ ३५ ॥
 तेणें कारणें मीं बोलैन । बोली अरूपाचें रूप दावीन ।
 अतींद्रिय परि भोगवीन । इंद्रियांकरविं ॥ ३६ ॥

श्रीभगवानुवाच ॥

अनाश्रितः कर्मफलं कार्यं कर्म करोति यः ॥

स संन्यासी च योगी च न निरभिर्न चाक्रियः ॥ १ ॥

आइकां यशश्रीऔदार्य । ज्ञानवैराग्यऐश्वर्य ।
 हे साही गुणवर्य । वसति जेथ ॥ ३७ ॥
 तेथ तो भगवंतु । जो निःसंगाचा सांगातु ।
 ह्यणे पार्था दत्तचित्तु । होई आतां ॥ ३८ ॥
 आइकें योगी आणि संन्यासी जर्नी । हे एक चि सिनाने ह्यने मानीं ।
 यन्हविं विचारिजति जवं दोन्हीं । तवं एकु चि ते ॥ ३९ ॥
 सांडिजे दुजेया नामाचा आभासु । तरि योगु तो चि संन्यासु ।
 पांतां ब्रह्मीं नाहिं अवकाशु । दोहींमासि ॥ ४० ॥
 जैसें नावांचेनि अनारिसेपणें । एका पुरुषातें आलवणें ।
 कां दोहीं मार्गी जाणें । एका चि ठाया ॥ ४१ ॥
 ना तरि एक चि उदक साहाजें । पारि सिनानां घटीं भारजे ।
 तैसें भिन्नत्व हें जाणिजे । योगसंन्यासांचें ॥ ४२ ॥
 आइकें सकलसंमतें जर्गि । पाहे तो चि योगी ।
 जो कर्म करौनि रागी । नव्हे चि फळिं ॥ ४३ ॥
 जैसी मही हे उद्रिजें । जर्नी अहंबुद्धिविण साहाजें ।
 तेथिचीं तिथें वीजें । अपेक्षी ना ॥ ४४ ॥

तैसैं आम्नायाचेनि आवारें । जातीचेनि अनुकरें ।
 जे जैं अवसरें । करणें पावे ॥ ४५ ॥
 तें तैसैं चि उचित करी । परि साटोप नाहि शरीरी ।
 बुद्धि हीं करौनु फलवेन्ही । जाये चि ना ॥ ४६ ॥
 ऐसा तो चि गा संन्यासी । पार्था परियसि ।
 तो चि भरवसैंसी । योगीश्वर ॥ ४७ ॥
 वांचूनि उचित कर्म प्रामंगिक । तेयातें ह्मणे हें सांडीन बद्धक ।
 तरि टाकटाकीं आणिक एक । मांडी चि तो ॥ ४८ ॥
 जैसा झालीनियां लेपु एकु । सर्वे चि लाविजे आणिकु ।
 तैसा आमहाचा पाइकु । विचंबे वायां ॥ ४९ ॥
 गृहस्थाश्रमाचें ओष्ठें । कपालीं आदिं चि आहे साहाजें ।
 किं तें चि संन्यासु सत्रा टेविजें । सरिसें पुढुती ॥ ५० ॥
 ह्मणौनि अग्निसेवा न संडितां । कर्मरेखा नोलंडिता ।
 आधि योगमुख स्वभावता । आपणपां चि ॥ ५१ ॥
 आइकें संन्यासी तो चि योगी । ऐसी एकवाक्यतेची जर्गि ।
 गुढी उमिळी अनेकीं । शास्त्रातरीं ॥ ५२ ॥

बं संन्यासमिति प्राहुर्योगं तं विद्धि पांडव ॥

न ह्यसंन्यस्तसंकल्पो योगी भवति कश्चन ॥ २ ॥

आरुरुक्षोर्मुनेर्बोणं कर्म कारणमुच्यते ।

योगारूढस्य तस्यैव शमः कारणमुच्यते ॥ ३ ॥

जेथ संन्यासैला संकल्पु तूटे । तेथ चि योगाचें सर्वस्व भेटे ।

ऐसैं हें अनुभवाचेनि धंट । साच तेया ॥ ५३ ॥

आतां योगाचलाचा निमथा । जरि टाकावा आधि पार्था ।

तारि सोपाना या कर्मपंथा । चूकसि क्षनें ॥ ५४ ॥

एणें यमनियमाचेनि तलवटें । रिगें आसनाचिये पाउलवाटे ।

एई प्राणावागाचेनि आडकटें । वरौता गा ॥ ५५ ॥

मग प्रत्याहाराचा आंधाडा । जो बुद्धिचेया हीं पायीं विसरडा ।
 जेथ हटिये सांडित होडा । कडेलग ॥ ५६ ॥
 तर्हि अभ्यासाचेनि बलें । तिये प्रत्याहारीं निराले ।
 नाखि लागेल घेईं डालें । वैराग्याचीं ॥ ५७ ॥
 ऐसा पवनाचेनि पाठारें । एतां धारणेचें पैयारें ।
 क्रमिच्या नावं चवरो । सांडे तवें ॥ ५८ ॥
 मग तेया मार्गाची धावं । पुरेंल प्रवृत्तिची हावं ।
 जेथ साध्यसाधना खेवं । समरमें होइल ॥ ५९ ॥
 जेथ पुढील पैमु पारुखें । मार्गील स्मरणें तें ठाकें ।
 ऐसिये सरिसिये भूमिके । समाधि राहे ॥ ६० ॥
 येणें उपायें योगाखुदु । जे निरवयें जाला प्रौढ ।
 तेयाचेया चिन्दाभाजि निवाडु । तें नाघेन आइक ॥ ६१ ॥

यदा हि नैन्द्रियाणेषु न कर्मस्वनुपज्जते ॥

सर्वसंकल्पसंन्यासो योगारूढस्तदोच्यते ॥ ४ ॥

तारि जेयाचेया इंद्रियांचेया घग । नाहि विपयांचिया परक्षारा ।
 जो आत्मबोधाचेया उभरां । पवटला असे ॥ ६२ ॥
 जेयाचें मुखदुःखाचेनि आगें । झगटलें मानस चेउ नेवे ।
 विखां पासी हीं आणेंयां आशे न रिगे । हें काइ क्षणोनि ॥ ६३ ॥
 इंद्रिये कर्माचां च टांई । वाढिनयां परि कहीं ।
 फलहेतुचां राळ नाहीं । अंतःकरणों ॥ ६४ ॥
 असतेनि देहें येतुया । जो चेंतू चि देख्मा निदेल्या ।
 तां चि योगारूढ भला । बोलख तू ॥ ६५ ॥
 तेथ अर्जुनु क्षणे अनंता । हें मज विस्मो वडू आइकलां ।
 सावें तेया ऐसा योग्यता । कवणें टांजे ॥ ६६ ॥

उद्धरेदात्मनात्मानं नात्मानमवसादयेत् ।

आत्मैव ह्यात्मनो बंधुरात्मैव रिपुरात्मनः ॥ ५ ॥

तैं हंसौनि कृष्णु कणे । तूँ नवल ना हँ बोलों ।
 कवणासि काइ दीजैल कवणें । एण अदंती इयें ॥ ६७ ॥
 पै व्यामोहाचिये सेजे । बलियां अबिद्या निद्रितां रिगिजे ।
 तेव्हलि हा दुःस्वमु भोगिजे । जन्ममृत्युचा ॥ ६८ ॥
 पाठि अवसांत ये चेउ ॥ तैं ते आघवें चि होये बावो ।
 ऐसा उपजे नित्य मद्भावो । तो ही आपणपां चि ॥ ६९ ॥
 झणांनि आपण चि आपणपेया । घातु कोजतमे घनंजया ।
 चिचिदिउनि येया नाथिलेया । देहाभिमाना ॥ ७० ॥

बंशुरात्मात्मनस्तस्य येनात्मैवात्मना त्रितः ॥

अनात्मनस्तु शत्रुस्ये वर्तेतात्मैव शत्रुवत् ॥ ६ ॥

हा विचारुनि सांडिजे । मग अनती चि वस्तु होइजे ।
 तारे आपुली शाम्नि माहाजे । आपण केरी ॥ ७१ ॥
 यन्हविं कोसेकीटकिणचिया परी । तो आपणपेया आपण बैरी ।
 जो आत्मबुद्धि शरीरी । चारुस्थया ॥ ७२ ॥
 कैसा प्राणिचिये वेंले । निदेंवां आंधलेपणाचे डौले ।
 किं असने आपुले डोले । आपण बांधे ॥ ७३ ॥
 कां कळणीं येकु भ्रमलेपणें । मी तो नोहें गा चोरलां झणे ।
 ऐसा नाथिन्ना संतु अंत्यकरणें । घेटनि ठाके ॥ ७४ ॥
 यन्हविं होय तें चि तो आहे । परि काइ कीजे बुद्धि तैसी नोहे ।
 देखां स्वप्निचेनि घायें । किं मरे साचे ॥ ७५ ॥
 जैसी तेया शुकाचेनि आंगभारें । नलिका भविनली एरी मोहरे ।
 तारें तेंणें नुडावें कां परि न पुरे । मनाशंके ॥ ७६ ॥
 बायीं चि मान पीली । आंठूइ हियें आवली ।
 टिठियातु नली । धरुनि ठाके ॥ ७७ ॥
 झणे बांधला मी फुडा । ऐलिये भावनेचिये पडे खोडा ।
 किं मोकळेया पांयांचा चंबडा । गुप्ती अधिकें ॥ ७८ ॥

ऐसा काजेविण आंतुडला । तो सांचें पां काइ जाणिकें बावला ।
 मग नोंसडीं जन्हें नेला । तोडौनु आधा ॥ ७९ ॥
 झणौनि आपणपेयां आपण चि रिपु । जेणें वाढविला हा संकसु ।
 एरु स्वयें झणां बन्धुबापु । जो नाथिलें नेघे ॥ ८० ॥

जितात्मनः प्रशांतस्य परमात्मा समाहितः ॥

शीतोष्णसुखदुःखेषु तथा मानापमानयोः ॥ ७ ॥

तेया स्वांतष्करणाजिता । सकलकामोपशांता ।
 परमात्मा परौता । दूरिं नाही ॥ ८१ ॥
 जैसा किडालाचां दोसु जाये । तरि पन्हें तें चि होये ।
 तैसें जीवा ब्रह्मत्व आहे । संकल्पलोपीं ॥ ८२ ॥
 घटाकाशु हा जैसा । निमाळेयां तेया अवकाशा ।
 न लगे मिलें जाणें आकाशा । आना ठाया ॥ ८३ ॥
 तैसा देहीं अहंकार नाथिला । समूळ जेयाचा नासला ।
 तो चि परमात्मा सांचला । आदि चि आथि ॥ ८४ ॥
 आतां शीतोष्णांचिया वाहणीं । तेथ कें सुखदुःखाची कडसणी ।
 इयें न समांति गा वोलणीं । मानापमानांचिया ॥ ८५ ॥
 जिया जिया वाटा सूर्यु जाये । तेउतें तेजाचें चि विश्व होबे ।
 तैसें तेया पावें तें आहे । तो चि झणौनि ॥ ८६ ॥
 देखें मेघौनि सूटति धारा । तिया न रूपति जैसिया अंबरा ।
 तैसीं शुभाशुभें योगेश्वरा । नव्हति आनं ॥ ८७ ॥

ज्ञानविज्ञानतृप्तान्मा कूटस्थो विजितेन्द्रियः ॥

युक्त इत्युच्यते योगी समलोष्टाश्मकांचनः ॥ ८ ॥

जो हा विज्ञानात्मकु भावो । तेया विवरितां जाला बावो ।
 मग लागला जवं पाहों । तवं ज्ञान तें तो चि ॥ ८८ ॥
 आतां व्यापकु किं एकदेशी । हे उहाँपुही जे ऐसी ।
 ते करावे ठेळी आपैसी । दुजेन विण ॥ ८९ ॥

ऐसा शरिरि च परि कवतिके । ब्रह्माचेनि पाडे तुके ।
जेणे जितिली इये एके । इंद्रिये गा ॥ ९० ॥
तो जितेंद्रियु साहाजे । योगयुक्तु चि झणिजे ।
जेयाते साने थोर नेणिजे । कन्हणिये कालि ॥ ९१ ॥
देखे सोनेयाचे निखल । मेरु एसणे ढिसाल ।
आणि मातियेचे डिखल । सरिसं चि मानी ॥ ९२ ॥
पातां पृथ्वियेचे मोल थोकडे । एंमं अनर्थ्य रत्न चोखडे ।
देखे दगडाचेनि पाडे । निचाड ऐसा ॥ ९३ ॥

सुहृन्मित्रार्युदासीनमध्यस्थद्वेष्यबंधुषु ॥

साधुष्वपि च पापेषु समबुद्धि विशिष्यते ॥ ९ ॥

आतां सुहृदु आणि शत्रु । कां उदासु आणि मित्रु ।
हा भावभेदु विचित्रु । संकल्पु केंचा ॥ ९४ ॥
तेया बंधु काइ कासेयाचा । द्वेषिया कन्हणु केहाचा ।
मी च विश्व ऐसा जेयाचा । बोधु जाला ॥ ९५ ॥
मग तेयाचिये दृष्टी । अधमोत्तम किरीटी ।
काइ परिसाचिये कसवटी । वानिया जाणें ॥ ९६ ॥
तो जेवि निर्वाणवर्णु चि करी । तैसी तेयाची बुद्धि चराचरी ।
होए साम्याची उजरी । निरंतर ॥ ९७ ॥
ते विश्वालंकाराचेनि विमुर्ते । जन्हि आहाति आनान आकारें ।
तन्हि घडले एके चि भांगारें । परब्रह्म ॥ ९८ ॥
ऐमें जाणणें जें बरवें । तेया फावळें तें आघवें ।
झणानु आहाचवाहाच न शकवे । एणें आकारचित्रें ॥ ९९ ॥
बापे पटामाजि दीटी । दीसे तंतुची सैष सिटी ।
परि तो एका वांचौनि गोठी । करुं चि नैये ॥ १०० ॥
ऐसी प्रतीति हे जेये गवसे । अनुभव हिं जेया असे ।
तो चि समबुद्धि अनारिसें । नव्हे जाणें ॥ १ ॥

योगी युंजीत सततमात्मानं रहसि स्थितः ॥

एकाकी यतचित्तात्मा निराशीरपरिग्रहः ॥ १० ॥

जेयाचें नावं गा तीर्थरा३० । दर्शनें प्रातिचा चि ठा३० ।

जेयाचेनि संगें ब्रह्मभा३० । भ्रांतांसी गा ॥ २ ॥

जेयाचेनि बोले धर्मु जिए । दीटि महासिद्धितें विये ।

देखैं स्वर्गसुखादि इएं । खेलु जेयाचा ॥ ३ ॥

विपायें जरि आठवला चित्ता । तरि दे आपुली योग्यता ।

हें असो तेहातें प्रसंसितां । लाभु आधि ॥ ४ ॥

पुडुती अस्तवेना णेसे । जेया पाहलें अद्वैतदिवसे ।

मग आपणपां चि आपण असे । अखंडीत ॥ ५ ॥

ऐसिया द्विष्टि जो विवेका । पार्था तो एकार्का ।

साहाजें अपरिग्रही जें तिहि लोकी । तो चि झणौनि ॥ ६ ॥

ऐसिं इयें असाधारणें । निष्पन्नाचीं लक्षणें ।

आपुलेन बौहसपणें । बोले कृष्णु ॥ ७ ॥

जो झानियांचा बापु । देखण्यांचिये दीठी दीपु ।

जेया दादुलेयाचा संकलपु । विश्व रची ॥ ८ ॥

प्रणवाचिये पेंठे । जालें शब्दब्रह्म मांजिठें ।

तें जेयाचेया यशा धाकुटे । वेदू न पुर ॥ ९ ॥

जेहाचेनि अंगिकें तेजें । आ३० रविशशिचिये बणिजे ।

झणौनि जग हें वेसजें । पांसे तेयां ॥ ११० ॥

हा गा नावं चि येक जेहाचें । पातां गगन ही दीसे टाचें ।

गुण येकैक काइ तेहाचें । कलिशील तूं ॥ ११ ॥

झणौनि असो हें वानणें । सांचें नणों कवणाचीं लक्षणें ।

दाबाचीं मीसें णणें । बोलिलां तां ॥ १२ ॥

आइकां ईताचा ठा३० चि फंडी । ते ब्रह्मविद्या कीजेल उचडी ।

तरि अर्जुनु पढिये हे गोडी । नासैल हान ॥ १३ ॥

झणौनि तें तैसें बोलणें । नव्हे सततल आड लावणें ।
 केलें मेलू चि वेगलेपणें । भोगावेया ॥ १४ ॥
 जै सोहंभाओ हा ढंकु । मांक्षमुक्ता लागौनि रंकु ।
 तेयाचिये दीटिचा झनें कलंकु । लागे प्रेमा ॥ १५ ॥
 विपार्ये अहंभाओ येयाचा जाइल । मि तें चि जरि हा होईल ।
 तरि काइ कीजेल । एकलेयां ॥ १६ ॥
 दीटी चि पाहातां निविजे । कां तांड भरुनु बालिजे ।
 दाटुनु खेवं देइजे । ऐसें कवण आहे ॥ १७ ॥
 आपुलेया मना बरवी । जे असमाई गोठि जीवी ।
 ते कवणोंमि मग चावलावी । जरि ऐक्य जालें ॥ १८ ॥
 इया काकुलती जनार्दन । अन्योपदेशाचेनि हातासनें ।
 बोलासाक्षि मन मनें । आन्दिगु सरलें ॥ १९ ॥
 हें परिसतां जरि कानडें । तरि जाण पां पार्थु उचडें ।
 श्रीकृष्णसूयाचें चि रूपडें । ओतलें आहे ॥ २० ॥
 हें असो वयसेचिये सेवटीं । जेसें येक चि विये वांझोटी ।
 मग ते माहाची तुगुटी । नाचों लागे ॥ २१ ॥
 तैसें जालें अनंता । ऐसें तरि मां न ह्यणतां ।
 जरि तेथ न देखतां । अतिशयो ण्य ॥ २२ ॥
 पाहा पां नवल कैसें चोज । के उपदेशु के जूझ ।
 पारि पुढें बालभाचें चि भोज । नाचतसें ॥ २३ ॥
 आवडि झणौनि न लजवी । व्यमन जैसें न सीणबी ।
 पीसें आणि न मुलबी । तरि तें चि काइसें ॥ २४ ॥
 झणौनि भावार्थु हा ऐसा । अजुनु मैत्रिण्चा कुवांसा ।
 किं सुखें शृंगारलेया मानसा । दर्पणु तो ॥ २५ ॥
 बापु पुष्य पवित्र । जगी भक्तिबीजासि क्षेत्र ।
 तो कृष्णरूपे पात्र । एया चि लागि ॥ २६ ॥

हो काज आत्मनिवेदनातलिची । जे पीठिका आहे सख्यिची ।
 पार्थु अधिष्ठात्री तेथिची । मातृका गा ॥ २७ ॥
 पासिं चि गोसांविं वर न वनिजे । मग पाइकाचा गुणु घेइजे ।
 ऐसा अर्जुनु तो साहाजें । पढिए हरी ॥ २८ ॥
 पाहे पां अनुरागें भजे । जे प्रियोत्तमं मानिजे ।
 ते पती ही डुनु काइ न वनिजे । पतिव्रता ॥ २९ ॥
 तैसा अर्जुनु विशेषे स्तवावा । ऐसें आवडलें मज जीबा ।
 जें तो त्रिभुवनीचेया देवां । आयतन जाला ॥ १३० ॥
 जेयाचिये आवडीचेन पांगें । अमुर्तु ही मूर्ति आवगे ।
 पूर्णा परि लागे । अवस्था जेयाची ॥ ३१ ॥
 तवं श्रोते ल्पणति देवं । कैसी बोलाची हवाव ।
 काइ नादातें हान वरिवं । जीणौनि आले ॥ ३२ ॥
 हां हो नवल नोहे देशी । मन्हाटी बोलिजे तरि ऐसी ।
 वाणें उमटत आहे मा आकाशीं । साहित्या रंगाचें ॥ ३३ ॥
 कैसें उन्मेखचांदिणें तार । आणि भावार्था पडतसे गार ।
 हें चि श्लोकार्थ कुमुदिं तरि फार । सेवितां होंतें ॥ ३४ ॥
 चाड चि निचाडां करी । ऐसी मनोरथीं इण धोरी ।
 तेंणें विवळलें जेथ आंतरीं । तेथ डोलु आला ॥ ३५ ॥
 तें निवृत्तिदासें जाणीतलें । मग अवधान देआं ल्पणितलें ।
 नवल पांडवकुलीं पाहलें । कृष्णादिवसें ॥ ३६ ॥
 देवकिया उदरीं वाहिला । यज्ञोदा सायासें पाहिला ।
 किं शोधीं आइता उपेगा गेला । पांडवांसी ॥ ३७ ॥
 ल्पणौनि बहुत दीवमु आंलगावा । कां अबसरु पाहोनि विनवावा ।
 हा ही सोमु तेया सदेवां । पडे चि ना ॥ ३८ ॥
 हें असोनु कथा सार्धें बेगीं । मग अर्जुनु ल्पणे सळगीं ।
 देवा इये संतसिन्हें हान आंगीं । न ठांति माळां ॥ ३९ ॥

ब्रह्मिण्यां लक्षणाचेया सारा । मी अपावें फिर अपुरा ।
 परि तुमचेनि बोलें अवधारां । योरावें जरि ॥ १४० ॥
 जी तुझीं चित्त देआल । तरि ब्रह्म माझे होइल ।
 काइ जाले अभ्यासिजैल । सांघाल तें ॥ ४१ ॥
 हां हो नेणां कोणाची काहाणो । स्थाधिजत असे अंतष्करणीं ।
 ऐसी जालेपणाचो स्त्रियाणी । काइसी तन्हें ॥ ४२ ॥
 तें आगें चि मियां होइजो कां । एतुलें गोसांविपणें आपुलें कीजो कां ।
 तवें हांसांनि कृष्णु हो कां । करूं झणयी ॥ ४३ ॥
 देखां संतोखु एकु न जोडे । तवें मुखाचें सैघ सांकडें ।
 मग जोडलेयां काहीं कवणीकडें । अपुरें असे ॥ ४४ ॥
 तैसा सर्वेश्वरु चि बलिया सोंके । झणौनि ब्रह्म होये कवतुकें ।
 परि कंसा भारें आतला पां पीके । दैवांचेनि ॥ ४५ ॥
 जो जन्मसहस्रांचिया साटां । इंद्रादिकां महागु भेटी ।
 तो आधीनु कैनुला किरीटी । जें बोलु ही न साहे ॥ ४६ ॥
 मग आइकां जें पांडवें । झणितलें ब्रह्म मियां चि होआवें ।
 तें अशेष ही देवें । निर्दारिलें ॥ ४७ ॥
 तेथ ऐसें चि एक विचारिलें । जें यया ब्रह्मत्वाचे डोहोले ।
 परि उदरा वैराम्य आढे आलें । बुद्धिचेया ॥ ४८ ॥
 यन्हवि दिवस तरी येया अपुरे । परि तें वैराम्यवसंताचेनि भारें ।
 जें सोहंभावमहुरें । मोडौनि आलें ॥ ४९ ॥
 झणौनि प्राप्तिफलीं फलतां । एयासि वेळु न लगल जातां ।
 होये विरगतु ऐसा अनंता । भरवसा जाला ॥ १५० ॥
 झणे जें जें हा अभिष्टील । तें आतां आरंभीं चि एजा फावेल ।
 झणौनि सांघितला न वचेल । अभ्यासु वायां ॥ ५१ ॥
 ऐसें विवरीनियां श्रीहरी । झणितलें तेया अवस्वरीं ।
 अर्जुना हा अवधारीं । पंथराजु ॥ ५२ ॥

जेथ प्रवृत्तितरुचां बुडि । दीसती निवृत्तिकलाधिवाःकोडी ।
 जिये मार्गिचा कापडी । महेशु आमंडं ॥ ५३ ॥
 पै योगिहृदें वहिली । आड चि आकाशें निगाली ।
 किं तेथ अनुभवाचां पाउली । धोरणु पडिला ॥ ५४ ॥
 ते हीं आत्मबोधचेनि उजुकारें । धावं घेतली एकसरें ।
 एर सकल मार्ग निदुसुरे । मांडूनियां ॥ ५५ ॥
 पाठिं महर्षीं एणें आले । सायकांचे मिद्व जाले ।
 आत्मविद थोरावले । एणें चि पथें ॥ ५६ ॥
 हा मार्गु जें देखिजे । तें ताहन भूक विसरिजे ।
 रात्रि दिवसु नेणिजे । वाटे इये ॥ ५७ ॥
 चालतां पाउल जेथ पडे । तेथ अपवर्गाचीं ग्वाणि उघडे ।
 अब्हांटलेयां जेडे । स्वर्गसुख ॥ ५८ ॥
 निगिजे पूर्विंठीं मांहरा । किं येइजे पश्चिमाचेया घरा ।
 निश्चलपण धनुईरा । चालणें पथिचें ॥ ५९ ॥
 एणें मार्गें जेया जाइजे । तो गाऊ आपण होइजे ।
 हें साधें काइ साहाजें । जाणसी तू ॥ १६० ॥
 तेथ पार्थ क्षणितले देवा । तरि तें नि मग केव्हां ।
 कां आर्तिसमुद्रौनि न कदावा । बहुतु जां मां ॥ ६१ ॥

शुद्धां देशे प्रतिष्ठाप्य स्थिरमासनमात्मनः ॥

नात्युच्छ्रितं नातिनीचं चलाञ्जिनकुशोत्तरम् ॥ ११ ॥

तत्रं कृष्णु क्षणति ऐमें । उम्क बोलणें काइसें ।
 आक्षिं सांघत असां आर्पसें । वरि पृभिलें तुवां ॥ ६२ ॥
 तरि विदोयें आतां चि बोलिजेल । परि तें अनुभवें उपेगा जाइल ।
 क्षणौनि तैसें एक लागेल । स्थान पाहावें ॥ ६३ ॥
 जेथ आराणुकेचेनि कांडें । बंठलेयां उठूं नावडे ।
 वैराग्यासि दूग चडे । देखिलेयां जें ॥ ६४ ॥

जो कस्तविला ठा३० । संतोषासि साक्षा३० ।
 मना होये सान्हा३० । धैर्यान्वा ॥ ६९ ॥
 अम्यासू चि आपणोयांतें करी । हृदयातें अनुमउ चि विवरी ।
 ऐसी रम्यपणाची थोरी । अखंड जेथें ॥ ६६ ॥
 जेया आड जातां पार्धा । तपश्चर्येचेयां मनोरथां ।
 पाखांडियाची हां आस्था । मूढ होये ॥ ६७ ॥
 सभावें वाटा येतां । जर वरिपहा जान्ना अवचिता ।
 तरि सकामु हीं परि माघौता । निगां विसरे ॥ ६८ ॥
 ऐसें न न्हातेआतें राहावी । भ्रमानुकातें बैसवी ।
 धापट्टनि चेंववी । विरगतिते ॥ ६९ ॥
 हें राज्य वर सांडिजे । मग निव्रानां प्य चि अमिजे ।
 ऐसें श्रिगारिआंही उपजे । देवत खे३० ॥ १७० ॥
 जें ण्णें मानें व्रवंट । तैमें चि अति चोखट ।
 जेथ अधिष्ठान प्रकट । डोळां दीसे ॥ ७१ ॥
 आणिक येक पावें । जें सार्धकिं वसतें होआवें ।
 आणि जनाचेनि पाण्णवे । मैले चि ना ॥ ७२ ॥
 जेथ अमृताचेनि पाडें । मुळां हीं सकट गोडें ।
 जोडति दाटें झाडें । सदा फलति ॥ ७३ ॥
 पाउलां पाउलां उदकें । परि वरिपाकाळि हि चोखें ।
 निक्षरें कां अशेषें । मुलभें जेथ ॥ ७४ ॥
 हो अतपु ही आलुमालु । जाणिजे तन्हीं सोतलु ।
 पवनु अति निर्बलु । मंदू मुलुका ॥ ७५ ॥
 बहुतकरुनि निःशब्द । दाट न रिगे स्वापद ।-
 शुक्र हान षट्पद । तेयांचे नाही ॥ ७६ ॥
 पाणिलगें हसें । दोनि प्यारि सारमें ।
 कण्ठणी एकी वेळी बैसे । तरि कोकिलु ही होए ॥ ७७ ॥

निरंतर नाही । तन्हीं आलां गेलां कही ।
 होतु कां मयूरें हीं । तें आम्हीं न म्हणों ॥ ७८ ॥
 परि आवसि क पांडवा । ऐसा ठाओ जोडावा ।
 तेथ निर्गु मठु होआवा । कां शिवालय ॥ ७९ ॥
 दोहोंमा जि आवडतें । जें मानलें होये चित्तें ।
 बड् कल्पनि एकांतें । बैसिजे गा ॥ १८० ॥
 म्हणौनि तैसें तें जाणावें । मन राहातें पावें ।
 राहील तेथ रचावें । आसन हें ॥ ८१ ॥
 वरि चोखट भृगसेवडी । माक्षि वस्त्राची घडी ।
 तलवटीं अमोडी । कुशांकुर ॥ ८२ ॥
 सकोमल सरिसे । सुबद्ध राहाति आपसे ।
 एकें पाडें तैसें । ओजा घालीं ॥ ८३ ॥
 परि सांविह्यां चि उंच होईल । तरि आंग हान डोलेल ।
 नीचा तरि पावेल । भूमिदोस्तु ॥ ८४ ॥
 म्हणौनि तैसें न करावें । सामंनिआ एं धरावें ।
 हें बहू असो होआवें । आसन ऐसें ॥ ८५ ॥

तत्रैकाग्रं मनःकृत्वा यतचित्तेंद्रियक्रियः ॥

उपविश्यासने युञ्ज्याद्योगमाग्नावेशुद्धये ॥ १२ ॥

मग तेथ आपण । एकाग्र अंतष्करण ।
 कल्पनि गुरुस्मरण । अनुभविजे ॥ ८६ ॥
 जैसेनि स्मरतेनि आदरें । सवाह्य सात्विकें भरें ।
 जब कठिनपण कां विरे । अहंभावाचें ॥ ८७ ॥
 विषयांच्च विसरु पडे । इंद्रियांची कसमस मोडे ।
 मनाची घडी घडे । हृदयामाक्षि ॥ ८८ ॥
 ऐसें ऐक्य हें साहाजें । फावे तब राहिजे ।
 ह्य तेणें चि बोधें बैसिजे । आसनावरी ॥ ८९ ॥

आंतां आंगतें आंग करी । पवनातें पवनु चि घरी ।
 ऐसी अनुभवाची उजिरी । हां चि लागे ॥ १९० ॥
 प्रवृत्ति मार्गौति मोहरे । समाधि ऐलाडि उत्तरे ।
 आघवें अम्यासु सरं । बैसत खेवा ॥ १९१ ॥

समं कायशिरोप्रीवं धारयन्नचलं स्थिरम् ॥

संप्रेक्ष्य नासिकाग्रं स्वं दिशश्चानवलोकयन् ॥ १९२ ॥

मुद्रेची प्रौढि ऐसा । ते चि सांघिजैल आतां परिहसै ।
 तरि ऊरू इया जघनेसीं । जडूनि घाली ॥ १९२ ॥
 चरणतलें देव्हडी । आधारद्रुमाचां बुडी ।
 मुघटितें गाढीं । संचरि पां ॥ १९३ ॥
 सव्य तें तन्त्री ठेविजे । तेणें सीवणिमध्यु पीडिजे ।
 वरि बैसे तां साहाजें । वामचरणु ॥ १९४ ॥
 गुदमंद्रा आंतौतीं । ग्यारि चि आंगुलें निरुतीं ।
 तेथ सार्द सार्द प्रांतीं । सांडूनियां ॥ १९५ ॥
 माक्षि अंगुल एक नीगे । तेथ टांकचेन उत्तरभागें ।
 निहटिजे वरि आंगें । पेललेनि ॥ १९६ ॥
 उचललें कां नेणिजे । तैसें पृष्टांत उचलिजे ।
 गुल्फद्वय धरिजे । तेणें चि मानें ॥ १९७ ॥
 मग शरीरुसंचु पार्था । हा अशेषु ही सर्वथा ।
 पाष्णिचा माथां । स्वयंभु होये ॥ १९८ ॥
 अर्जुना हें जाण । मूलबंधाचें लक्षण ।
 वज्रासन गांण । नाम एयासि ॥ १९९ ॥
 ऐसी आधारिं मुद्रा पडे । आणि अधिचा मार्गु मोडे ।
 तेथ अपानु आंतुलीकडे । उहटों लागे ॥ २०० ॥
 तव करपुट आपसैं । वाम चरणीं बैसे ।
 बाहुमूलीं हीसे । खोरी आली ॥ १ ॥

माक्षि उभारलेनि दंडें । शिरकमल होये गाढें ।
 नेत्रद्वारिचीं कवाडें । लागों पांति ॥ २ ॥
 वरिचिलें पाति न ढलति । तलिचिं तलिं पुंजालति ।
 ते अद्धोन्मीलनस्थिति । उपजे तेयां ॥ ३ ॥
 दीटि राहुनु आंतुलीकडे । बाहिरें पाउल घाली कोडें ।
 तें ठायें ठाउ पडे । नासाग्रपीठीं ॥ ४ ॥
 ऐसें अढचें आंतु चि रचे । बाहिरील माघौते न बचे ।
 ह्यणौनि राहाणें आधि ए दीटिचें । तेथ चि होये ॥ ५ ॥
 आतां दिशांची भेटि घेयावी । कां रुपाची वाट पाहावी ।
 हे चाड सरं आघवी । आपैसंया ॥ ६ ॥
 मग कंठनाल आटे । हणौंटी हडौंती दाटे ।
 ते गाढी होउनि निहंटे । वक्षस्थलीं ॥ ७ ॥
 माक्षि घंटिका लोपे । वरि बंधु जो आरोपे ।
 तो जालांधरु ह्यणिपे । पांडुकुमरा ॥ ८ ॥
 नाभी वरि पोखे । उदर हें थोंके ।
 आंतरीं फांके । हृदयकांश ॥ ९ ॥
 स्वाधिष्ठानावरिली कांठी । नाभिस्थानातलवटीं ।
 बंधु पडे किरीटी । उडियाणु तो ॥ २१० ॥

प्रशांतात्मा विगतभीर्ब्रह्मचारिव्रते स्थितः ॥

ममः संयम्ब मच्चित्तो युक्त भासीत मत्परः ॥ १४ ॥

ऐसी शरीराबाहिरिलीकडे । अभ्यासाची पाखर पंड ।
 तव आंतु त्राये मोढे । मनोधर्माची ॥ ११ ॥
 कल्पना मिमे । प्रवृत्ति समे ।
 भांगे मन विरमे । सांद्दिजां चि ॥ १२ ॥
 क्षुधा काइ जाली । मित्रा केउती गेली ।
 हे आठवण हीं हीरतली । न दिसे वेगां ॥ १३ ॥

जो मूलबंधें अडल्य । अपानु मावौता मुरडला ।
 तो सर्वें चि वरि सांकडला । फांकु धरी ॥ १४ ॥
 क्षोभलेपर्णे माजे । उवाइला ठाई गाजे ।
 मणिफुल्लेंसीं जूंसे । राहूनियां ॥ १५ ॥
 मग थावली ते वाहुंटली । सैग घेउनि घर डडुली ।
 बालपणिचिं कोठली । बाहिरिं घाली ॥ १६ ॥
 भीतरि बलि न धरे । कोठेआं माझि संचरे ।
 कफपित्ताचे थारे । उरों नेंदी ॥ १७ ॥
 धातुचे समुद्र उलंडी । मेदाचे पर्वत फेडी ।
 आटली मज्जा काढी । अस्तिगत ॥ १८ ॥
 नाडितें सोडवी । गात्रातें विघडवी ।
 साधकातें भेडसवी । परि विहावें नां ॥ १९ ॥
 न्याधितें दावी । सर्वें चि हारवी ।
 आप पृथ्वी कालवी । एकावट ॥ २२० ॥
 तवें एरीकडं धनुर्दरा । आसनाचा उबारा ।
 शक्ति करी उजगरा । कुंडलिणि ॥ २१ ॥
 नागाचें पिलें । कुंकुमें न्हालें ।
 बलण देउनि आलें । सेजे जेंसें ॥ २२ ॥
 तैसी ते कुंडलिणी । मोटकां आंठे बलणी ।
 अधोमुख सर्पिणी । निदेंली असे ॥ २३ ॥
 विष्णुल्लतेची विडी । बन्हिम्बालांची घडी ।
 पन्हरेयाची चोखडी । खोटि जैसी ॥ २४ ॥
 तैसी सुबद्ध आडली । पुटीं हाती दाटली ।
 ते बजासनें चिमूटली । सावध होये ॥ २५ ॥
 तेथ नक्षत्र जेंसें उलंडले । कां सूर्याचें आसन मोडलें ।
 तेजाचें बीज विरुडलें । अंकुरेंसीं ॥ २६ ॥

तैसी वेढेयांतें सोडिती । कवतिके आंग मोडिती ।
 कंदावारि शकति । उठिली दीसे ॥ २७ ॥
 साहांजें बहुवां दिआंची भूक । वरि चेवविली तें होवे मीख ।
 मग आवेसें पसरी मुख । ऊर्ध्वाउजू ॥ २८ ॥
 तेथ हृदयाकाशातलवटीं । जो पवनु भरे किरीटी ।
 तेया सगलेयाची मीठी । देउनि घाली ॥ २९ ॥
 मुखिचां जालीं । तलीं वरि कबली ।
 मांसाचिया वडवालीं । आरोगुं लागे ॥ २३० ॥
 जे जे ठाये समांस । तेथ आहाच जोडे घाउस ।
 पाठी एकदोनि घांस । ते ही भरी ॥ ३१ ॥
 मग तलवे तलहाथ शोधी । ऊर्ध्विचें खंड भेदी ।
 झाडा घे संधी । प्रत्यंगीचां ॥ ३२ ॥
 आधार तरि न संडी । परि नखिचें हीं सव्व काढी ।
 त्वचा घूनि जडी । पांजरेंसीं ॥ ३३ ॥
 अस्थिचे नले निरपे । शिरांचे हीर उरपे ।
 तव्यं बाहिरि विरुढि करपे । रोमबीजाचीं ॥ ३४ ॥
 मग सप्तधातुचां सागरीं । तान्हेली घोंदु भरी ।
 आणि सवें चि उन्हाला करी । खडखडितु ॥ ३५ ॥
 नासापुटौनि वारा । जो जांतु असं अंगुळें वारा ।
 तो गचि धरुनि माघारा । आंतु घाली ॥ ३६ ॥
 तेथ अध वरौतें आकुंचें । ऊर्ध्व तस्हौतें खाचें ।
 तेआ खेवांमाक्षि चक्रांचें । पदर उरें ॥ ३७ ॥
 एन्हविं तेव्हां चि दोन्हीं मीलतीं । परि कुडलिणी नाथेक दुचिती
 जे तेयातें हणें पन्हीतीं । तुझीं काइसीं ॥ ३८ ॥
 आइकें पार्थिव धातु आषवी । आरोगितां काहीं नुरवी ।
 आणि आपातें तव्यं ठेवी । पूसूनियां ॥ ३९ ॥

ऐसीं दोन्ही भूते खाये । तेन्हाळि संपूर्णे धाये ।
 मग सौम्य होउनि राहे । सुपुत्रेपासीं ॥ २४० ॥
 तेथ तृप्तिचेनि संतोषे । गरुड जे वनी मुखें ।
 तेणें तिपेचेनि विषे । प्राणु विषे ॥ ४१ ॥
 तो आगी आंतौनि निगे । परि सबाळा निव्वू चि छागे ।
 तेथ कसु बांधति आंगें । सांडिळा पुडुतीं ॥ ४२ ॥
 मार्ग बोदधि नाडीचे । नवविभ्रपण वायुचें ।
 जाये झणौनि शरीरिचे । धर्ष नाही ॥ ४३ ॥
 इडा पिंगळ एकवटधि । गांठी तीन्हीं सूटति ।
 साही पदर फूटधि । चक्रांचे हे ॥ ४४ ॥
 मग शक्ति आणि भानु । ऐसा कल्पी जो अनुमानु ।
 तो बातिवरी मनु । गिवसितां न दिसे ॥ ४५ ॥
 बुद्धिची पुलिक विरे । परिमल्लु प्राणी उरे ।
 तो ही सकतीसत्रे संचरे । मध्यमेमाशि ॥ ४६ ॥
 तत्रं वरिळीकडौनि ढालें । चंद्रामृताचें तलें ।
 कानवडौनि भिले । शक्तिमुखी ॥ ४७ ॥
 तेणें नातकें रसु भरे । तो सर्वांगामाशि धरे ।
 जेथिचा तेथ मुरे । प्राणपवनें ॥ ४८ ॥
 तातलिये मूसे । मेण निर्गौनि जायं जैसे ।
 मग कोदळां ठाये रसें । अंतलेनि ॥ ४९ ॥
 तैत्ती पिंडाचेनि आकारें । ते कळा चि का अवतरे ।
 वरि त्वचेचेनि पदरें । पांगुतर्लासे ॥ २५० ॥
 जैसी अमालिची बांधे । करुनि राहें गभस्ति ।
 मग फीटलेयां दीसि । धरुं नैए ॥ ५१ ॥
 तैसा आहापुवरि कोरडा । त्वचेचा असे पातडडा ।
 तो शरीनि जाये कोडा । जैसा होवे ॥ ५२ ॥

मग काश्मिराचें स्वयंभ । कां रत्नबीजा निगाले कोंभ ।
 अबेवकांतिची भांभ । तैसी दीसे ॥ ५३ ॥
 ना तरि संध्यारागिचे रंग । काडूनि वळिलें तें आंग ।
 किं अंतर्ज्योतिचें लिंग । निर्वाळिलें ॥ ५४ ॥
 कुंकुआचें भरिबं । सिद्ध रसाचें अतिव ।
 मज पाहांतां सावेव । शांती चि तें ॥ ५५ ॥
 तें आनंदचित्रिचें लेप । ना तरि महामुखाचें रूप ।
 किं संतोषतरुचें रोप । थाबलें जैसें ॥ ५६ ॥
 तो कनकचंपकाचा कला । किं अमृताचा पूतला ।
 नाना सांसिनला मला । कोवळिकेचा ॥ ५७ ॥
 हों काज शारदियेचेनि अल्ले । चंद्रबिंब पाल्लैलें ।
 कां तेज चि मूर्त बैठलें । आसनावरि ॥ ५८ ॥
 तैसें शरीर होये । जेव्हलि कुंडलिणी चांद्र पिण ।
 मग देहाकृती विहे । कृदांतु गा ॥ ५९ ॥
 वृद्धाप्य तन्हीं बाडुडे । तारुण्याची गांठि विघडे ।
 लोपली उघडे । बालदशा ॥ २६० ॥
 वयसा तरि येतुली वेन्हीं । जें बलाचा बालार्थु करी ।
 धैयाची थोरी । निरूपम ॥ ६१ ॥
 कनकद्रुमाचां पालवी । रत्नकळिकांचीं नवी ।
 बानी तैसी बरवीं । नाखें निगति ॥ ६२ ॥
 दांत ही आन होंती । पारि अपाडे सानेजांती ।
 जैसी दोंवाहीं बैसे पांती । हीरेयांची ॥ ६३ ॥
 माणिकुलेयांचिया कणियां । सावियां चि अणुमाणियां ।
 तैसिया सर्वांगी उभवति अणियां । रोमेचिया ॥ ६४ ॥
 करचरणसलें । जैसी कां गतोत्पलें ।
 परबाली होयि डोळे । काइ सांचों ॥ ६५ ॥

निडाराचेनि कोंघाटे । मोतियें नावरति संपुटे ।
मम सिवाणि जैसी उतटे । शुक्तिपल्लवांचो ॥ ६६ ॥
तैसी पातेचिये कवलिये न समाण । दीठि जाकलूनि निर्गो पाण ।
आधिळी चि परि हांये । गगनखलिकें ॥ ६७ ॥
आइकें देह होये सोनेयाचें । परि लाघव ये वायुचें ।
जें आपा आणि पृथिवचें । अंश नाही ॥ ६८ ॥
मग समुद्रा पैलाडी देखे । स्वर्गिचा आलोचु आइके ।
मनोगत ओलखे । मुंगियेचें ॥ ६९ ॥
पवनाचां वारिकां वलघे । चाले तरि उदकीं पाउ न लगे ।
एणें बहु काइ प्रमंगें । होनि मिद्धि ॥ ७० ॥
आइकें प्राणाचा हातु धरुनि । गगनाचां पाउटी करुनि ।
मध्यमेमाश्रिचेनि दादेंगुनि । हृदया आली ॥ ७१ ॥
जे कुंडलिणी जगदन्ना । जे चैतन्यचक्रवर्तिचा शोभा ।
जिया विश्वबाजाचेया कोंभा । साउली केली ॥ ७२ ॥
जे शून्यलिंगाची पिडी । जे परमान्मशिवाची करंडी ।
जे प्राणाची उघडी । जन्मभूर्मा ॥ ७३ ॥
हें अमो ते कुंडली । हृदया आंतु आली ।
तव अनाहताचां त्रीती । चावले ने ॥ ७४ ॥
शक्तिचेया आंगा लागले । बुद्धिचें चैतन्य होतें जालें ।
तेणें तें आइकिलें । आलुमालु ॥ ७५ ॥
घोषाचां कुंडां । नादचिवांचीं रूपडीं ।
प्रणवाचिया मोंडां । रेखिन्दी जमी ॥ ७६ ॥
हें चि कल्पवे तरि जाणिजे । परि आतां कल्पितें कैचें आणिजे ।
तन्हें नेणों काइ बाजे । तिये टांडें ॥ ७७ ॥
विसरौनि गेल्लें अर्जुना । जव नाशु नाही पवनां ।
तव वाचा आधि गगना । झणौनि बोलें ॥ ७८ ॥

तेया अनाहताचेनि मेवें । मग आकाश दुमुदुमूं खागे ।
 तवं ब्रह्मस्थानिचें बेगें । फीटे साहाजें ॥ ७९ ॥
 आइकें कमलगर्भाकारें । जें महदाकाश ब्रूसरें ।
 जेथ चैतन्य आधुधुरे । कङ्कनि असिजे ॥ २८० ॥
 तेया हृदयाचां पङ्कित्ती । कुडलिया पस्सेपरी ।
 तेजाची सिधारी । निमित्तोभिळी ॥ ८१ ॥
 बुद्धिचेनि शाकें । हातबोने नीकें ।
 द्वैत जेथ नेदखे । तेथ केलें ॥ ८२ ॥
 ऐसी निजकाति हारविली । मग प्राणाची केवल जाळी ।
 तेव्हलि कैसी गमली । सण्यावी पां ॥ ८३ ॥
 हो कां जे पवनाची पृतली । पांगुतली होंती सोनेसळी ।
 तियें काटूनियां वेगळी । ठेविलीं तिळा ॥ ८४ ॥
 ना तारि वारेआचेनि आगें झगटली । दीपाची दीर्घि निबुटली ।
 कां लखुलखूनि हारतली । विजु गगनीं ॥ ८५ ॥
 तैसी हृदयकमलवेन्ही । दीसे होनेयांची जैसी सरी ।
 ना तारि प्रकाशजलाची झरी । बाहांति आली ॥ ८६ ॥
 मग तिये हृदयभूमी पोकले । जिराली कां येंकें वेळें ।
 ऐसें शक्तीचें रूप मावळें । शक्तीमाझि ॥ ८७ ॥
 तेव्हां तन्हीं शक्ति चि मग झणिजे । एन्हांचिं तो प्राणु केवळ जाणिजे ।
 आतां नादत्रिदु नेणिजे । कलाज्योति ॥ ८८ ॥
 मनाचा हान मारु । कां पवनाचा धरु ।
 ध्यानाचा आदरु । नाना परीं ॥ ८९ ॥
 हे कल्पना घे मांडी । ते नाहिं इये परिबडी ।
 हे महाभूतांची फुडी । आटणीं देखां ॥ २९० ॥
 पिढें पिढाचा प्रासु । तो हा नाथसंकेतिचा वडु ।
 परि दाउनु गेळा उदेशु । माहाविष्णु ॥ ९१ ॥

तेजा ज्वलितार्चें केणें सोडुनि । यथार्थाची घडी शाडुनि ।
 उपलविली मियां जाणौनि । ग्राहिक श्रोते ॥ ९२ ॥
 आह्वाकां शक्तिचें तेज लोपे । तेथ देहिचें रूप हरपे ।
 मग तें डोलेयां चि मासि लपे । जगाचेयां ॥ ९३ ॥
 बन्धवि आदिला चि ऐसें । सावयव तरि असे ।
 परि वायुचें जैसें । बलिलें आहो ॥ ९४ ॥
 ना तरि कदलिचा गाभा । बूधि सांडुनु उभा ।
 कां अवेतु चि नभा । निवडला तो ॥ ९५ ॥
 तैसें होबे शरीर । तें तें सृणिजे खेचर ।
 हें पद होतां चमत्कार । पिंडुजनीं ॥ ९६ ॥
 देखें साधकु निगौनि जाबे । मागां पाउलाची उल्लि राहे ।
 तेथ खंई चि होए । अणिमादिक ॥ ९७ ॥
 परि तेजें काइ आपणवेवा । अवधारी ऐसा धनंजया ।
 कोणु जाधि वृक्षप्रका । देहिना देही ॥ ९८ ॥
 कुर्वीत आप विरवी । आपातें तेज त्रिरवी ।
 तेजतें पवनु हारवी । न्द्रव्यामासि ॥ ९९ ॥
 पाठि येकला आपण उरे । परि शरीराचेनि अनुकारें ।
 मग तो ही मिगे आंतरें । गगना मिलें ॥ ३०० ॥
 तेष्टुलि कुंडलिणी हे भाक जाये । मग मारुती ऐसें नांव लाहे
 परि शक्तिपण तें आहे । जवं मिलैल शिवि ॥ १ ॥
 मग जालांभर सांडी । ककारांत फोडी ।
 गगनाचिये पाडी । पैठी होए ॥ २ ॥
 तेथ अंकाराचिये पाठी । पाये दंत उठाउठी ।
 पश्यंतियेची पाउठी । मागां घाली ॥ ३ ॥
 पुढां तन्मात्राद्वेन्ही । आकाशाचां आंतरी ।
 भरति गमे सागरी । सरिता जैसी ॥ ४ ॥

मग ब्रह्मरंध्रीं थिरावौनि । अहंभावाच्चिया बाह्या पसरुनि ।
 परत्मलिंगा धावौनि । आंगा घडे ॥ ५ ॥
 तवं महां भूतांची जवनीक फीटे । मग दोहोंसीं ही होय श्टे ।
 तेथ गगनासकट आटे । समरासिं तिण ॥ ६ ॥
 पैं मेघाचेनि मुखें निवडला । समुद्र कां उ०धिं पडिला ।
 तो माघौता जैसा आला । आपणपेआ ॥ ७ ॥
 पिंडाचेनि मीसें । पदीं पद प्रवेशे ।
 तें येकत्व होये तेंसें । पांडुकुमरा ॥ ८ ॥
 आतां दुजें हान होंतें । किं एक चि हें आइतें ।
 ऐसिये विवंचनेपुरतें । उरें चि ना ॥ ९ ॥
 गगनीं गगन लया जाये । ऐसां जे काहीं आंह ।
 तें अनुभवे जो होये । तो होउनि ठाके ॥ ३१० ॥
 ह्यणौनि तेथ चि मातु । न चडे चि बांलाचा हातु ।
 जेणें संवादाचेआ गांवां आंतु । पैठी कीजे ॥ ११ ॥
 अर्जुना यन्हविं तन्हें । एआ अभिप्रायाचा जे मर्भु धरी ।
 ते पाये पां वैखरी । दूरि ठेलीं ॥ १२ ॥
 भूलतां मागिलीकडे । तेथ मकाराचें चि आंग नडे ।
 सडेआ प्राखा सांकडे । गगना एतां ॥ १३ ॥
 पाठीं तेथ चि तो भांसलला । तवं शब्दाचा दि० मावळला ।
 मग तेया ही वारि आटु भविनला । आकाशाचा ॥ १४ ॥
 आतां महाशून्याचां डोही । गगनामी चि थाउं नाही ।
 तेथ तागा लागल काड । बांलाचा एआ ॥ १५ ॥
 ह्यणौनि आखरांमाझि सांपडे । कां कानवारि जोडे ।
 हें तेंसें न्हवे फुडें । विशुद्धी मा ॥ १६ ॥
 चें कहीं देंवें । अनुभविळें फाकवें ।
 तें आपण चि हें ठाकावें । हांउनिआं ॥ १७ ॥

पुहुतीं जाणणें तें नाहीं चि । कर्णानि असो कर्ता हें चि ।
 बोलावें आतां वायां चि । धनुर्दरा ॥ १८ ॥
 ऐसें शब्दजात माघांतें फिरे । तथ संकल्पाचें आयुष्य पुरे ।
 वारा ही जेथ सिरें । विचाराचा ॥ १९ ॥
 जें उन्मनियेचें लावण्य । जें तुरियेचें तारुण्य ।
 अनादि जें अगण्य । परमतन्त्र ॥ ३२० ॥
 जें आकाराचा प्रांतु । जें मोघाचा एकंतु ।
 जेथ आदि आणि अंतु । विरानि गेली ॥ २१ ॥
 जें विश्वाचें येया मूल । जें योगद्रुमाचें फल ।
 जें आनंदाचें केवल । चैतन्य गा ॥ २२ ॥
 जें महाभूताचें बीज । जें महातेजाचें तेज ।
 पार्था जें निज । स्वरूप माझे ॥ २३ ॥
 हे चतुर्भुज कौंभेली । जेयाची शोभा चि रूपा आली ।
 देखौनि नास्तिकां नोंकिली । भक्तवृंदें ॥ २४ ॥
 तें अनिर्वाच्य महामुख । पै आपण चि जाले पुरुष ।
 जेहाचें कां निष्कर्ष । प्रामिबेन्हीं ॥ २५ ॥

शुद्धचेव सदाग्रामे योगी नियतमानसः ॥

शांतिं निर्वाणपरमां मत्संस्थामधिगच्छति ॥ १५ ॥

आर्क्षी साधन जें हें सांघिनलें । तें चि शरीरी जेही केलें ।
 ते अमचेन चि पाडें आलें । निर्वालेया ॥ २६ ॥
 परब्रह्माचेनि रसे । देहाकृतिचिये मूसे ।
 अतिव जालें तैसे । दीमधि आंगें ॥ २७ ॥
 ना तारि प्रतीति हान आंतांरि फांकें । तारि विश्व चि हे आवचें झांकें ।
 तथ अर्जुनु झणे नीकें । साच जी हें ॥ २८ ॥
 कां जें आपण आतां देऊ । हा बोलिजे जो उपाऊ ।
 तो प्राप्तिचा चि ठाऊ । कर्णानि घडे ॥ २९ ॥

इये अभ्यासीं दृढ जे होथि । ते भरवसेनि ब्रह्मत्वा एथि ।
 हे सांघतियां चि रीती । कळलें मज ॥ ३३० ॥
 देवा गोठि चि हे आइकतां । बोधु उपजत असे चित्ता ।
 मां अनुभवे तल्लीनता । नन्हल केवि ॥ ३१ ॥
 ह्यणौनि एथं काहीं । अनारिसें नाही ।
 पारि नांभरि चित्त देई । बांला एका ॥ ३२ ॥
 आतां कृष्णा सांघितला योगु । तां मना तरि आला चांगु ।
 पारि न सके करूं पांगु । योग्यसेचा ॥ ३३ ॥
 साहाजें आंगिक जेतुलें आहे । नेतुलिया चि जरि सिद्धी जाये ।
 तारि हा चि नागुं सुखोपाये । अभ्यासीन ॥ ३४ ॥
 नातारि देऊं जैसी सांघनील । तैसी आपणपां जरि निर्दिसेल ।
 तारि योग्यताविण होइल । तें चि पुसूं ॥ ३५ ॥
 जाविची ऐसी धारण । ह्यणौनि पुसावेया जालें कारण ।
 मग ह्यणे तारि आपण । चित्त देइजे ॥ ३६ ॥
 हां हां जी अवधारिलें । जें हें साधन तुम्हां निरूपिलें ।
 तें आवडतेया हां अभ्यासिलें । फावें मके ॥ ३७ ॥
 किं योग्यतेविण नाही । ऐसें हान असें काहीं ।
 तेथ कृष्ण म्हणार्थि तारि काई । धनुंदरा ॥ ३८ ॥
 हें काज किर निर्वाण । पारि अनिक हीं काहीं जें साधारण ।
 तें अधिकाराचेनि उडवलंन विण । कायि सिद्धी जाय ॥ ३९ ॥
 पै योग्यता जे म्हणिजे । ते प्रार्थी चि आर्धान जाणिवे ।
 कां जें योग्यां होनि कीजे । तें आरंभी चि फले ॥ ४० ॥
 तेंह तैसी एथ काहीं । साहियां चि केंणि नाही ।
 आणि योग्यांची काई । ग्वाणि आहे ॥ ४१ ॥
 नाथ एक विरक्तु । जाला देहधर्मि जरि नियतु ।
 तारि तो चि नन्हें न्यवस्थितु । अधिकारिया ॥ ४२ ॥

एतुलालिए आणिमाझिबडे । योग्यपण तूतें हीं जोंडे ।
 ऐसें प्रसंगें सांकडे । फेडिलें तेयाचें ॥ ४३ ॥
 मग म्हणे पार्था । हे ते ऐसी चि व्यवस्था ।
 अनियतासि सर्वथा । योग्यता नाही ॥ ४४ ॥

नास्थभ्रतस्तु योगोस्ति न चैकान्तममभ्रतः।

न चातिस्वप्नशीलस्य जाग्रतो नैव चार्जुन ॥ १६ ॥

जो रसनेंद्रियांचा आंकला । कां निद्रेमि जीवें वीकला ।
 तो नाही ण्थ म्हणितला । अधिकारिया ॥ ४५ ॥
 अथवा आग्रयाचिये बांधीडी । क्षुधानृत्या इये कोंडी ।
 आहारानें तोडी । मारुनियां ॥ ४६ ॥
 निद्रेचिया वाटा न वचे । णेमा दंडाचेनि अवतरणें नाचे ।
 तें शरीर चि नव्हे तेयाचें । मग योगु कवणां ॥ ४७ ॥

शुकाहारविहारस्य युक्तचेष्टस्य कर्मसु ।

युक्तस्वप्नावबोधस्य योगो भवति दुःखाहा ॥ १७ ॥

म्हणौनि अनिशयें विषयमेवा । नैसा बोलु न व्हावा ।
 कां सर्वनिरोधु करावा । तें हीं नको ॥ ४८ ॥
 आहार तरि संविजे । परि युगुतिचेनि मापें मविजे ।
 क्रियाजात आचरिजे । निया चि स्थितां ॥ ४९ ॥
 मितलां बोलीं बोलिजे । मवलां पाटलि चालिजे ।
 निद्रे ही मानु दीजे । अवसरें येकें ॥ ३५० ॥
 जागणें जन्हे जालें । नव्हे तें हीं होआवें मितलें ।
 एतुलेनि धानुसाग्य सांचलें । असंल मुखें ॥ ५१ ॥
 ऐसें युगुतिचेनि हाथें । जै इंद्रियां उभे भातें ।
 तें संतोषासि वाढतें । मनु चि करी ॥ ५२ ॥
 बाहिरि युगुतीची मुद्रा पडे । तवें आंतु सुख वाढे ।
 येथ साहाज चि योगु घडें । नाभ्यासितां ॥ ५३ ॥

भाष्याचिये भडसे । उद्यमाचेनि मीसें ।
 समृद्धिजात जैसें । घरं रिगों ये ॥ ५४ ॥
 तैसा युगुतिमंत कवतिकें । अभ्यासाचिये मोहरे ठाके ।
 आणि आत्मसिद्धि चि पाके । अनुभौ तेयाचा ॥ ५५ ॥

यदा चिनियतं चिसमात्मन्येवावतिष्ठते ।
 निरूपहः सर्वकामेभ्यो युक्त इत्युच्यते तदा ॥ १८ ॥

म्हणौनि युक्ति हे पांडवा । घडे जेया सदेवा ।
 तो अपवर्गिचिया राणिवा । अलंकरेजे ॥ ५६ ॥
 युक्तियोगाचें आंग पावे । ऐसें प्रयाग होये बरवें ।
 तेथ क्षेत्रसंन्यासें धिगावे । मानम जेहाचें ॥ ५७ ॥

यथा दीपो निवानस्थो नैगते सोपमा स्मृता ।
 योगिनो यताश्चित्तस्य युञ्जतो योगमात्मनः ॥ १९ ॥

तेयांतें योगयुगुतु क्षण । प्रसंगें हें हीं जाण ।
 तेया दीपाचें उपलक्ष्यग । निर्वातितेया ॥ ५८ ॥
 आतां तूझ मनोगत जागौनि । कांहिं येक आम्हिं म्हणौनि ।
 तें नीकें चित्त देउनि । परियमावें ॥ ५९ ॥
 तूं प्रामिची चाड वाहांमी । परि अभ्यासिं दक्षु नोहोमि ।
 तें सांघ पां काड विहसी । दुवाडपणां ॥ ६० ॥
 तरि पार्था हें ज्ञनें । मायाम घेसि हो मनें ।
 वायां बागुलु इयें दृजनें । इंद्रियें करिति ॥ ६१ ॥
 पाये पां आयुष्याचा आडलु करीं । जें सरतें परिणामु वेन्हीं ।
 तेया औपधातें काड वैरी । जिह्वा न क्षणे ॥ ६२ ॥
 ऐसें हितामि जें जें नीकें । तें सदा चि एंआं दुःखें ।
 यन्हसि सोहोपें योगमारिखें । कांहिं आहें ॥ ६३ ॥

सज्जोनि अवसानाचिया गाढिका ।

जो आक्षी अभ्यासु सांघितला नीका ।

तेणें होईल तरि हो कां ।

निरोधु ण्मां ॥ ६४ ॥

ब्रह्मोपरमते चित्तं निरुद्धं योगसेवया ।

तत्र चैवात्मनात्मानं पश्यन्नात्मनि तुष्यति ॥ २० ॥

यन्हृदि तर्हें थोगें । जें इंद्रिआं विंदाण लागे ।

तें चि चित्त भेटों निगे । आपणपेया ॥ ६५ ॥

परतौनि पाठिमों टाके । आणि आपणपेयांतें आपण देखे ।

देखतखेओ ओलखे । हणें तन्व हें मीं ॥ ६६ ॥

तिये ओलखी चि मगिमें । मुखाचां नाम्नाच्यां त्रैमे ।

एथ चित्तपण ममरमें । विगंनि जाये ॥ ६७ ॥

सुखमात्यंतिकं यत्तद्बुद्धिप्राप्तमर्ताद्वियं ।

वेत्ति यत्र न चैवाय स्थितश्चरति तन्मनः ॥ २१ ॥

मग मेळुपामौनि थों । देहदुःखाचेनि डोंगों ।

दाटिजो पां परिभों । चित्त न दटे ॥ ६८ ॥

कां शस्त्रवारि तांडिलेआं । देह आगोमाझि पडिलेआं ।

चित्त महामुखां पत्रढलेआं । चे० नण ॥ ६९ ॥

ऐसें आपणपां गिगोनि टायें । मग देहाची वास न पाये ।

आणि तें सुख चि होउनि जाण । हणोनि विसरे ॥ ३७० ॥

यं लब्ध्वा चापरं लाभं मन्यते नाधिकं ततः ।

यस्मिंस्थितो न दुःखेन गुरुणापि विचाल्यते ॥ २२ ॥

जेभा सुखाचिआ जोडी । मन आत्तची मं चि सांडी ।

सारासाराचें तोडी । गुंतलें जें ॥ ७१ ॥

जें योगाची बरब । संतोपाची राणिव ।

ज्ञानाची प्राणिव । जेयालागी ॥ ७२ ॥

तं अभ्यासिलेनि योगे । सावेव देखावे लागे ।

देखिलें तरि आंगें । होइजैल गा ॥ ७३ ॥

तं विद्याहुःस्वसंयोगवियोगं योगसंज्ञितम् ।

स निश्चयेन योक्तव्यो योगोऽनिर्विण्णचेतसा ॥ २३ ॥

परि तो चि योगु बापा । एकी परी आहे सोहोपा ।

जरि पुत्रशोकु संकल्पा । दाग्वविजे ॥ ७४ ॥

हा विषयांतें निमाल्यां आइके । इंद्रियें नियमाचां धारणीं देखे ।

तरि हिंयें घाल्नुनि मूके । जांवितासि ॥ ७५ ॥

संकल्पप्रभावान्कामांस्यक्त्वा सर्वानशेषतः ।

मनसैर्वेन्द्रियग्रामं विनियम्य समंततः ॥ २४ ॥

ऐसें वैराग्य हें करी । तरि संकल्पाचां मरे वारी ।

मुखें धृतिचां धवळारी । बुद्धि नांदे ॥ ७६ ॥

बुद्धी धैर्या होये वमेश । तरि मनांतें अनुभवाचिया वाटा ।

आण्णनि कर्मा प्रतिष्ठा । आत्मभूवनीं ॥ ७७ ॥

इया हि एकी परी । प्राणि आहे विचारी ।

न टके तरि सोपारी । आंगिकि ही आइके ॥ ७८ ॥

शनैःशनैरुपरमेद्बुद्ध्या धृतिगृहीतया ।

आत्मसंस्थं मनः कृत्वा न किञ्चिदपि चिन्तयेत् ॥ २५ ॥

आतां नियमू चि हा येकटा । जांवें करावा आमुला ।

जैसा कृतनिश्चयाचेया बोला । बाहिग नाहे ॥ ७९ ॥

जरि एतुळें चि चि न यिगवे । तरि काजा आठें स्वभावे ।

न न्हाये तरि घालावे । मांकुळुनि ॥ ८० ॥

मग मोकळें जयंत्रथ जाइळ । तेरांनि नियमू चि घेउनि धईळ ।

ऐसें चि स्थैर्याचा होइळ । मरे एआ ॥ ८१ ॥

यतो यतो निश्चयानि मनश्च बलमाहेश्वरम् ।

ततस्ततो नियम्यैतदात्मन्येव वशं भवेत् ॥ २६ ॥

पाठि केतुलेनि एकं वेलें । तेआ स्थैर्याचेनि मेले ।
 आत्मरूपा जवले । पईल साहाजें ॥ ८२ ॥
 तेहातें देखांनि आंगा धडेल । तेथ अद्वैतीं द्वैत बुडेल ।
 आणि ऐक्यतेजें उजिवडेल । त्रैलोक्य हें ॥ ८३ ॥
 आकाशीं दीसें दुसरें । तें अन्न जें त्रिं ।
 तें गगनें चि कां भरें । विश्व जैसें ॥ ८४ ॥
 तैसें चित्त लया जाये । आणि चैतन्य चि आवें होये ।
 ऐसी प्राप्ति मुखोपायें । अहे एणें ॥ ८५ ॥
 इया सोहोपियाचिया योगस्थिती । उकट्टु देखिला गा बहुति ।
 संकलयाचिये संपत्ती । रूपानियां ॥ ८६ ॥

प्रशांतमनसं ह्येनं योगिनं सुखमुत्तमम् ।

उपैति शान्तरजसं ब्रह्मभूतमकल्मषम् ॥ २७ ॥

तेया मुखाचेनि मांघातें । आले परब्रह्मा आंतें ।
 तेथ लवण जैसें जलातें । मांडू नेणें ॥ ८७ ॥
 तैसें होयें तिये मन्त्री । मग मामग्न्याचां गडलीं ।
 माहामुखाची दिवाली । जगामिं दीसें ॥ ८८ ॥
 ऐसें आपुले पाणवरी । चाळिजे आपुलिण पाठीवरी ।
 हें पार्था नांगवें तरि । आन कीजे ॥ ८९ ॥

सुजेन्नवं सदात्मानं योगी विगतकल्मषः ।

सुखेन ब्रह्मसंस्पर्शमन्यतं सुखमभुते ॥ २८ ॥

मीं तवें सकळ देहीं । असें एथ त्रियडु नाही ।
 आणि तैसें चि मांझां टांड । सकळ असें ॥ ३९० ॥
 हें ऐसें चि सांचले । परस्परें मिसलले ।
 बुद्धि घेपें एतुले । होआवे गा ॥ ९१ ॥

सर्वभूतस्थमारमानं सर्वभूतानि चात्मनि ।

दर्शते योगयुक्तात्मा सर्वत्र समदर्शनः ॥ २९ ॥

एन्हवि तन्हीं अर्जुना । जो एकावटलिआ भावना ।

सर्व भूतीं अभिज्ञा । मातें भजे ॥ ९२ ॥

भूतांचेनि अनेकपणे । अनेकु नोहे अंतष्करणे ।

केवल एकत्व चि माझे जाणे । सर्वत्र जो ॥ ९३ ॥

यो मां पश्यति सर्वत्र सर्वं च मयि पश्यति ।

तस्याहं न प्रणश्यामि स च मे न प्रणश्यति ॥ ३० ॥

मग तो एकु हे माया । बोलता दीसतसे बायां ।

यन्हवीं न बोलिजे तारि धनंजया । तो मीं आहे ॥ ९४ ॥

तन्हे दीपा आणि प्रकाशा । एकवंकयेचा पाडु जैसा ।

तां माझां ठांडे तैसा । मीं तेयामाझि ॥ ९५ ॥

जैसा उदकाचेनि आयुष्ये रसु । कां गगनाचेनि माने जवकासु ।

तैसा माझेनि रूपे रूपसु । पुरुषु गा तां ॥ ९६ ॥

सर्वभूतास्थितं यो मां भजत्येकस्वमास्थितः ।

सर्वथा वर्तमानोऽपि स योगी मयि वर्तते ॥ ३१ ॥

जेणे ऐक्याचिया दीठी । सर्वत्र माने चि किरीटी ।

देखिले जैसा पटी । तंतु एकु ॥ ९७ ॥

कां सरूपे तारि बहुते आधि । परि तैसि सोनि बहुते नोहोति ।

ऐसी ऐक्याचलार्चा बुंधी । केली जेणे ॥ ९८ ॥

ना तारि वृक्षाचि पाने जंतुली । तंतुली रोपे नाहि छाविली ।

ऐसी अद्वैतदिवसे पाहाली । गत्रि जेआं ॥ ९९ ॥

तो पंचात्मिकीं सांकडे । मग सांघ पां कसेनि अडे ।

जो प्रतीतिचेनि पाडे । माझि तूके ॥ ४०० ॥

माझे व्यापकपण आघवे । गत्रसले तेयाचेनि अनुभवे ।

तारि न ह्यणतां स्वभावे । व्यापकु जाळा ॥ १ ॥

भारमौपम्येन सर्वत्र समं पश्यति कोऽङ्गुल ।

सुखं वा यदि वा दुःखं स योगी परतो जसः ॥ ३२ ॥

आता शरीर तरि आहे । परि शरीरिचा तो नाहं ।
 ऐसे बोलवरि होये । करुं काये ॥ २ ॥
 झणौनि असो ते विशेषें । अथवा आपणंपया माग्निं ।
 चराचर जो देखे । अखंडित ॥ ३ ॥
 मुखदुःखादि व्रमं । कां शुभाशुभं कर्म ।
 दोनि ऐसीं मनोधर्मं । नेणे चि जं ॥ ४ ॥
 हे समविषम भाव । अनिक ही वैचिथ्य जें सर्व ।
 तें मानी जैसे अवेव । आपुणे होथि ॥ ५ ॥
 हें एकैक काह् सांघावें । जेआ त्रैलोक्य चि आघवें ।
 मीं ऐसें सभावें । वाधा आलें ॥ ६ ॥
 तेआ ही देह एक किर आधि । अणिकें लौकिकु ही तेहातें झणथि ।
 परि आत्मा ऐसी चि प्रतिति । जें परब्रह्म हा ॥ ७ ॥
 झणौनि आपण पां विश्व देखिजे । आणि विश्वां आपण होइजे ।
 ऐसें साम्य चि एक उपासिजे । पांडवा गा ॥ ८ ॥
 हें तुहते बहुती प्रसंगी । आहि झणो ते येया चि लागी ।
 जे साम्या परीति जगीं । प्राप्ति नाहीं ॥ ९ ॥

अर्जुन उवाच ॥

योयं योगस्त्वया प्रोक्तः साम्येन मधुसूदन ।

एतस्याहं न पश्यामि चंचलत्वात्स्थितिं स्थिरां ॥ ३३ ॥

तवं अर्जुनु झणे देवा । तुझीं सांघा किर आमचिआ कणवा ।

परि न पुरो जी स्वभावा । मनाचेआ ॥ ४१० ॥

हें मन कैसें कंथडें । ऐसें झणो पाउं तरि न संपडें ।

यन्हविं राहाटावया तोकडें । त्रैलोक्य येया ॥ ११ ॥

चंचलं हि मनः कृष्ण प्रमाथि बलवदहं ।

एतस्याहं निग्रहं मन्ये वायोरेच सुदुष्करं ॥ ३४ ॥

हणौनि ऐसें कैं घडेल । जें मर्कटा समाधि एईल ।
 कां राहे हणितला राहिल । महावातु ॥ १२ ॥
 जी बुद्धितें सर्ला । निश्चयातें ढाली ।
 स्थैर्येसीं हाता फली । मेलौनि जाये ॥ १३ ॥
 जें विवकातें भूलवी । संतोषासि चाड लावी ।
 बैसिजे तन्हीं हींडवी । चहुं दिशीं ॥ १४ ॥
 जें निरुंधिलें घे वाउ० । जेआ संयमू चि होये सावाओ ।
 तें मन आपुला स्वभाउ० । सांडील काइ ॥ १५ ॥
 हणौनि मन येक निश्चल राहिल । मग आझासि साम्य येईल ।
 हें विस हीं विश्वे न घडेल । तें एआ लागि ॥ १६ ॥

श्रीभगवानुवाच ॥

असंशयं महाबाहो मनो दुर्निग्रहं चलं ।

अभ्यासेन तु कौंतेय वैराग्येण च गृह्यते ॥ १५ ॥

तवं कृष्णु हणधि साच चि । बोलनु आहासि तें तैसें चि ।
 एआ मना किर चपलू चि । स्वभाओ गा ॥ १७ ॥
 परि वैराग्याचेनि आधारें । लाविलें अभ्यासाचिण मोहरे ।
 तरि केतुलेनि एकें अवसरें । धिरावेल ॥ १८ ॥
 कां यया मनाचें एक नीकें । जें हें देखिलेंआ ठाया सोंकें ।
 हणौनि स्वानुभवमुखा चि कवतिकें । दाखवितां जाइजे ॥ १९ ॥

असंयत्तात्मना योगो दुष्प्राप इति मे मतिः ॥

बद्ध्यात्मना तु यतता शक्योऽवाप्नुमुपायतः ॥ ३६ ॥

यन्हवि विरक्ति जंयां नाहिं । जे अभ्यासिं निरिगती चि कहीं ।
 तेयां नाकले हें आझीं हीं । न मनू काइ ॥ ४२० ॥
 परि यमनियमाचिया वाटा न वचिजे ।
 साबिया वैराग्याची से न करिजे ।

केवल विषयजलीं ठाकिजे ।

बुडी देउनि ॥ २१ ॥

एआ जालेआ मानसा कहीं । युगुतिची काबि छलली नाहीं ।

तारि निश्चल हॉर्डल काई । कैसेन सांचें ॥ २२ ॥

हणौनि मनाचा निग्रहो होण । ऐसा उपाओ जो आहे ।

तो आरंभी मग नोहे । कंसा पाउं ॥ २३ ॥

तारि योगसाधन जेनुकें । तें आघवें चि काइ लटिकें ।

परि आपणपेयां अभ्यासु न टके । हें चि हणें ॥ २४ ॥

आजि योगाचें होये बल । तारि मन केतुलें चपल ।

काइ महदादि हें मकल । आपुलें नो होण ॥ २५ ॥

अर्जुन उवाच ॥

अयतिः भ्रष्टयोपेतो योगाच्छलितमानसः ।

अप्राप्य योगसंस्थिञ्चि कां गते कृष्ण गच्छति ॥ ३७ ॥

तेथ अर्जुनु हणो नाकें । देओ बोलतानि तें न चुकें ।

माच योगबलेंसीं न तुकें । मनाबल ॥ २६ ॥

परि तो चि योगु कैसा कंवि जाणों ।

आहीं येतुले दीइया मानु ही नेणों ।

हणौनि मनातें जी हणों ।

अनावर हें ॥ २७ ॥

हा आतां आघवेआ जन्मां । त्सेनि प्रसादें पुमचोत्तमा ।

योगपरिचयो आह्लां । जाला आजि ॥ २८ ॥

परि आजिक येकु गोसाविआं । मज संशयो आहे साविआं ।

तो तुज बाचूनि फेडावया । समर्थु नाही ॥ २९ ॥

हणौनि सांचें गोविंदा । कव्हणी येकु मोक्षपदा ।

शौबतु होता भ्रष्टा । उपायें विण ॥ ४३० ॥

इन्द्रियप्रामौनि निगाला । आस्थेष्विये वाटे लागला ।
आत्मसिद्धिचेआ पुढेला । नगरा एआवेआ ॥ ३१ ॥

कश्चिजोमयस्मिन्नदृशित्वात्तन्मिच्च नद्वयति ।

अप्रतिष्ठो महाबाहो विमूढो ब्रह्मणः पथि ॥ ३८ ॥

तव आत्मसिद्धि न टके चि । आणि मार्गतेआ हीं नेयवे चि ।
एसां अस्तु गेला माझारि चि । आयुष्यभानु ॥ ३२ ॥
जैसें अवकालीं आभाळ । अलुमालु सपतल ।
विपाये आलें केवळ । वसे ना वरिणे ॥ ३३ ॥
तेसीं दोन्हीं इयें दुराबलीं । जे प्राप्ति तव अलग ठेळीं ।
आणि अप्राप्ति हीं मांडविर्लीं । श्रद्धा तिआ ॥ ३४ ॥

एतन्मे संशयं कृष्ण छेत्तमहंस्यशेषतः ।

स्वद्वयः संशयस्यास्य छेत्ता न ह्युपपद्यते ॥ ३९ ॥

एसा ओळांतरला कार्जी । जे श्रद्धेचां चि समार्जी ।
बुडाला तेआ हा जी । कवण गति ॥ ३५ ॥

श्रीभगवानुवाच ॥

पार्थ नैवेह नामुच विनाशस्तस्य चिद्यने ॥

महि कस्वाजकृष्णश्चिद्दुर्गतिं नान गच्छति ॥ ४० ॥

तव कृष्ण क्षणार्थि पार्था । जेया नैऋत्यमुखां आस्था ।
तेया मोक्ष वांचूनि अन्यथा । गति आह गा ॥ ३६ ॥
परि येतुलें चि येक वडें । जें माझारि विसावें पडे ।
ते हीं एसेनि मृगवाडे । जो देवां नार्ही ॥ ३७ ॥
बन्धविं अम्यासाचां उचळतां । पाई जांर चाल्ळां ।
सरि दिवसा आधिं टाकता । सोहंसिद्धिने ॥ ३८ ॥
परि तेतुला वंगु तं नोहे चि । क्षणानि विसावां कर्हि नीका चि ।
पाठि मोक्षु तव तमा चि । ठेवला आह ॥ ३९ ॥

ब्राह्म पुण्यकृतो लोका नुचित्वा शम्भतीः समसः ।
 शुचीनां श्रीमतां गेहे योगस्रष्टोऽभिजायते ॥ ४१ ॥
 आर्कं कवतिक होधे केंते । जं शतमखां लोक सायासे ।
 ते तो पावे अनायासे । कवन्यकामु ॥ ४४० ॥
 मग तेथिचे जे अमोघ । अलौकिक भोग ।
 ते भोगी जब चांग । कवनिक पुरे ॥ ४१ ॥
 पाठि जन्मे नंसारी । परि मकल धर्माचां माहेगी ।
 लांबा उगवे आगरी । विभवश्रियेचां ॥ ४२ ॥
 जेहाते नीतिशे चालिजे । मन्यसधुते बोलिजे ।
 देखावे ते देखिजे । शान्तराठी ॥ ४३ ॥
 वेदु तो जागेश्वर । जेआ वेत्रमाआं निजु आचार ।
 सारासारविचार । मंत्रु जेहाते ॥ ४४ ॥
 जेहाचा कुली चिंता । जाली ईश्वराचा कांता ।
 जेहाते गृहदेवता । आदिगिद्धि ॥ ४५ ॥
 ऐसी निजपुण्याचिया जेडी । वाढिनली सर्व मुखांची कुलवाडी ।
 निण जन्मे तो मुरवाडी । योगन्युतु ॥ ४६ ॥

अथवा योगिनामेव कुले भवति श्रीमताम् ।

एतद्धि दुर्लभतरं लोके जन्म यद्देवशम् ॥ ४२ ॥

अथवा ज्ञानाग्निहोत्री । जे परब्रह्मण्य श्रोत्री ।
 माहामुक्तक्षेत्री । आदिवंत ॥ ४७ ॥
 जे सिद्धांचां सिंहासनी । राज्य करितानि त्रिभुवनी ।
 जे कुजने कोकिल वनी । संतोषाचां ॥ ४८ ॥
 जे विधेकामिचे मुली । जे बैठले आहाति फली ।
 तेखा योगियांचां चि कुली । जन्म पावे ॥ ४९ ॥

अथवा बुद्धिसंबोमं कर्मते पौर्वदेहिकम् ।

॥ बुद्धी च ततो भूवः संसिद्धो कृत्स्नकम् ॥ ५० ॥

भोटकी देहाकृति उमटे । आणि उन्मेखा पाहाट झूटे ।
 सूर्या पुढां प्रकटे । प्रकाशु जैसा ॥ ४५० ॥
 तैसी दशेची वाट न पांतां । वयसेचिया गावां नैयतां ।
 बालपर्णी चि सर्वज्ञता । वरी तेयातें ॥ ५१ ॥
 तिण् सिद्धप्रज्ञेचेनि लाभें । मन चि सारस्वतें दुभे ।
 मग सकल शास्त्रें स्वयंभें । निगति वाचें ॥ ५२ ॥
 ऐमें जें जन्म । जेयालागि देव सकाम ।
 स्वर्गां ठेले ज्यहोम । करिणि सदा ॥ ५३ ॥
 अमरी भाटां होइजे । मग मृत्युलोकार्ते वानिजे ।
 एसें जन्म गा पार्था जें । तें तो पावे ॥ ५४ ॥

पूर्वाभ्यासेन तेनैव निह्यते ह्यवशोऽपि सः ।

जिज्ञासुरपि योगस्य शब्दब्रह्मातिवर्तते ॥ ४४ ॥

आदिं मार्गील जे सद्बुद्धि । जेथ जीविता नेली होती अवधी ।
 मग ते चि पुढतीं निरवधी । नवी लाहे ॥ ५५ ॥
 तेथ सदैवां आणि पायला । वरि दिव्यांजन हीं होये डोलां ।
 मग देखे जैसीं अवलीला । पातालधनें ॥ ५६ ॥
 तैसे दुर्भेद्य जे जे अभिप्राये । कां गुरुगम्य हान ठाये ।
 तेथ सौरमें त्रिण जाये । बुद्धि तेहार्ची ॥ ५७ ॥
 बलिये इंद्रिये पंथि मना । मन एकवटे पवनां ।
 पवनु साहाजें गगना । मीलों चि लागे ॥ ५८ ॥
 ऐसें नेणें चि काइ आपैसें । नेहातें चि कीजे अभ्यासें ।
 समाधि घर वृसे । मानसाचें ॥ ५९ ॥
 जाणिजे योगपीठिचा भैरवु । काइ हा आरंभरंभेचा गौरवु ।
 कीं वैराग्यसिद्धिचा अनुभवु । रुपा आला ॥ ४१० ॥
 हा संसार उभाणितें माप । किं अष्टांगसाकीर्तयेचें दीप ।
 जैसें पल्लवे चि धरिलें रूप । चंदमाचें ॥ ६१ ॥

तैसा संतोषाचा काह घडिला । कां सिद्धभांगारौनि हान घडिला ।
 दीसे तेणें मानें रूढला । साधकदशे ॥ ६२ ॥
 जे बरिखशताचां कोडीं । जन्मसहस्रांचिआ आडी ।
 लंघितां पातला थडी । आत्मसिद्धिची ॥ ६३ ॥
 ह्यणौनि साधनजात आघवें । अनुसरे तेआ स्वभावें ।
 मग आइतिये बसे राणिवे । विवेकाचिये ॥ ६४ ॥
 पाठि विचारितेया वेगा । तो विवेकु ही ठाके मागूं ।
 मग अविचार ये आंगा । घडौनि जाए ॥ ६५ ॥
 तेथ मनाचें मेघौडें विरे । पवनाचें पवनपण सरे ।
 आपणपां आपण मुरें । आकाश ही ॥ ६६ ॥
 प्रणवाचा माथा बुडे । एतुलेंनि अनिर्वाच्य मुख जोडे ।
 ह्यणौनि आदिचि बोलु बाहुडे । तां येया चि लागि ॥ ६७ ॥
 ऐक्री परब्रह्मिची स्थिती । जे सकलां गतींसि गति ।
 तेया अमूर्त्ताची मूर्ति । होउनि ठाके ॥ ६८ ॥

प्रयत्नाद्यतमानस्तु योगी संशुद्धचित्तिव्रतः ॥

अनेकजन्मसंसिद्धस्ततो याति परां गतिम् ॥ ४५ ॥

तेणें वहुतीं जन्मां मागितीं । विश्लेषाचीं पाणिवलें झाडितीं ।
 ह्यणौनि उपजतखेवां बुडालीं । लगिनघटिका ॥ ६९ ॥
 आणि तद्रूपतासीं चि लग्न । लागौनि ठेलें अभिन ।
 जैसें लोपलें अभ्र गगन । होउनि ठाके ॥ ७० ॥
 तैसें विश्व जेथें होये । माघौतें लया जाये ।
 तें विद्यमानें चि देहें । जाला तो गा ॥ ७१ ॥
 जेया लाभाचिआ आशा । करुनि धैर्यबाहुंचा भरवसा ।
 घालित पदकर्माचां धारसां । कर्मनिष्ठ ॥ ७२ ॥
 कां जिये येकी बस्तूलागि । बाणूनि ज्ञानाची बजांगी ।
 जसत प्रपंचेसीं समरंगीं । झानिये गा ॥ ७३ ॥

अथवा निर्लागे निसरडां । तपोदुर्गाचां आडकडां ।

झोबति तपिये चाडा । जेयाचिया ॥ ७४ ॥

जें भजनेयांसि भज्य । याज्ञिकांचें याज्य ।

येवं जें पूज्य । सकलां सदा ॥ ७५ ॥

तें चि तो आपण । स्वयं जाला निर्वाण ।

जें साधकांचें कारण ; सिद्ध तत्व गा ॥ ७६ ॥

तपस्विभ्योऽधिको योगी ज्ञानिभ्योऽपि मतोऽधिकः ।

कर्मिभ्यश्चाधिको योगी तस्माद्योगी भवार्जुन ॥ ४६ ॥

हणौनि कर्मनिष्टां वंधु । तां ज्ञानियांसि वेधु ।

तापसांचा आद्यु । तपोनाथु ॥ ७७ ॥

पै जीवपरमान्मसंगमां । जेयाचिया एणेंजाणें मनोधर्मा ।

तो शरीरि चि परि महिमा । ऐसी पावे ॥ ७८ ॥

हणौनि एआ कारणें । तूतें मीं सदा हणें ।

योगी होये अंतःकरणें । पांडुकुमरा ॥ ७९ ॥

योगिनामपि सर्वेषां मद्गतेनांतरात्मना ।

भ्रष्टाधान्भजते यो मीं स मे युक्ततमो मतः ॥ ४७ ॥

आगा योगी जो हणिजे । तां देवांचा देआं जाणिजे ।

आणि मुखसर्वस्व माझे । चंतन्य तो ॥ ४८० ॥

जेया भजता भजन भजावें । हें भगतिसाधन जें आवें ।

तें मी चि जालें अनुभवे । अखंडीत ॥ ८१ ॥

तेया एकवटलेया प्रेमा । जरि पाडें पाडजे उपमा ।

तरि मी देह तो आत्मा । हें चि होये ॥ ८२ ॥

ऐसें भक्तबकोरचेंद्रें । जेथ त्रिभुवर्नकनेरेंद्रें ।

बोलिलें गुणसमुद्रें । संजयो हणें ॥ ८३ ॥

तेथ आदिलापासौनि पार्था । आइकिजे ऐसी चि आस्था ।

दुणाबली हे यदुनाथा । पावों सरलें ॥ ८४ ॥

किं सावियां चि मनीं तोपला । जें बोलं आरिसा जोडला ।
 तेणें हरिषें आतां उपलवला । निरूपील ॥ ८५ ॥
 जो प्रसंगु असे पुढां । जेथ शांतु दीसल उघडा ।
 तो पाळविला मुडा । प्रमेयबीजाचा ॥ ८६ ॥
 जें सात्विकाचेनि वडपें । गेलें अध्यात्मिक स्वरपें ।
 साहाजें निरोलले वाप । चतुर चित्ताचे ॥ ८७ ॥
 वरि अवधानाचा वापसा । लायला सोनेआं ऐसा ।
 ह्यणींनि पेरानेआ धिवंसा । निवृत्तिर्मा ॥ ८८ ॥
 ज्ञानदेओ ह्यणे मी चाडें । सद्गुरु केल्यां कोडें ।
 माथां हातु ठेविल्या नें फुडें । विं चि वाडलें ॥ ८९ ॥
 ह्यणींनि येणें मुखें जें निगे । तें पनांचां हृदइं लागे ।
 हें असो सांघें श्रीरंगें । बोलिलें जें ॥ ९० ॥
 परि तें मनाचां कार्नी आइकावें । बोलु बुद्धिचां डोलां देखावें ।
 हें साटोवार्तां घेआवें । चित्ताचिआ ॥ ९१ ॥
 अवधानाचेनि हातें । नेया पां हृदया आंतौतें ।
 हें रिश्ववितील आणितें । जाणांचिण ॥ ९२ ॥
 हे हितातें निवधित्ती । परिणामानें जिवधिति ।
 सुखाची लावित्ती । लाखांलीं जीवा ॥ ९३ ॥
 जें अर्जुनेसीं मुकुंदें । नागर बोलिलें विनोदें ।
 तें बोवियेचेनि बंधें । सांघेन मीं ॥ ९४ ॥

ॐ तत्सदिति श्रीमद्भगवद्गीतामूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे अभ्यासयोगो नाम

पष्ठमोऽध्यायः ॥

॥ श्रीकृष्णार्पणमस्तु ॥

ज्ञानेश्वरी

अध्याय सातवा

भीकृष्णाय नमः ॥

तरि आइकां मग तो अनंतु । पार्थानें असे लणतु ।
पै गा तूं योगयुक्तु । जाला सांता ॥ १ ॥
मज समप्रानें जाणती ऐमें । आपुलिये नदहानिचें रत्न जैसे ।
तुज ज्ञान सांघेन तैमें । विज्ञानेमी ॥ २ ॥

श्रीभगवानुवाच ॥

मय्यासकमनाः पार्थ योग युंजन्मदाश्रयः ।
असंशयं समग्रं मां यथा ज्ञास्यसि तच्छृणु ॥ १ ॥
ज्ञानं तेऽहं सविज्ञानमिदं दक्ष्याम्यशेषतः ।
यज्ज्ञात्वा नेह भूयोऽन्यज्ज्ञातव्यमवशिष्यते ॥ २ ॥

येथ विज्ञानें काइ करावें । ऐमें घेंमि जरि मनोभावे ।
तरि पै आदि जाणावें । नें चि द्वांग ॥ ३ ॥
मग ज्ञानाचिये वेळे । ज्ञांकति जाणिवेचे डाले ।
जैसी तीरीनाव न दळे । टेंकली सांती ॥ ४ ॥
तैसी जाणीव जेय न रिगे । विचारु मार्याता बाउली निगे ।
तर्कु आणि ने वे । आंगी जेयाचा ॥ ५ ॥

अर्जुना तेया नात्रं ज्ञान । येरु प्रपंचु हें विज्ञान ।
 येथ सत्वबुद्धि तें अज्ञान । तीन्ही जाण ॥ ६ ॥
 आतां अज्ञान आघवें हारणे । विज्ञान निःशेष करणे ।
 आणि ज्ञान तें स्वरूपें । होउनि जाडजे ॥ ७ ॥
 ऐसें वर्म जें गूढ । तें कीर्जिल वाक्यारूढ ।
 जेणें थोडेनि पुंगे कोड । बहुत मनिचें ॥ ८ ॥
 जेणें सांघतेया बोलावें कुंठे । आडकतेयाचें वेसन तूटे ।
 हें जाणणें सानें मोटे । नऱ्हे आडकें ॥ ९ ॥

मनुष्याणां सहस्रेषु कश्चिद्यतति सिद्धये ।

यततामपि सिद्धानां कश्चिन्मां वेत्ति तत्स्वतः ॥ ३ ॥

पै गा मनुष्यांचेया सहस्रा । माझि विपाडलेयां चि एथ धिवंसा ।
 तैसेयां धिवंमेकगं बहुवसां । माझि विरल्या जाणें ॥ १० ॥
 जंसें भरलेया त्रिभुवना । आंतु येकु येकु चांगु अर्जुना ।
 निवडूनि कीजे सेना । लक्षवरी ॥ ११ ॥
 किं तेयां ही माझि सेवऱ्हे । जेव्हळि लोहमासानें घाटी ।
 तेव्हळि विजेश्रियेचां पाटी । एकु चि वेमे ॥ १२ ॥
 तैसे आस्थेचां महापुरी । रिगतानि कोडिवेन्ही ।
 परि प्रासिचां पंटी तीरी । विरुळा निगे ॥ १३ ॥
 क्षणीनि सामान्य गा नेद्रे । हे मांघतां वडिलि गोठि ओहे ।
 परि ते बोलां येईल पाहे । आनां प्रस्तुत आडक ॥ १४ ॥
 तारि अवधारि धनत्रया । हे महदादिक माझी माया ।
 जैसी प्रतिबिंबे छऱ्या । निजगाचां ॥ १५ ॥

भूमिरापोऽनृजो वायुः खं मनो बुद्धिरेव च ।

अहंकार इतीयं मे भिन्ना प्रकृतिरष्टधा ॥ ४ ॥

आणि इयेतें प्रकृति क्षणिके । हे अष्टधा भिन्न जाणिके ।
 लोकत्रय निफजे । इयेतव ॥ १६ ॥

हे अष्टधा भिन्न कैसी । ऐसा ध्वनि धरिंसी जरि मानसी ।
तरि ते नि आतां परिमें । विवंचना ॥ १७ ॥

अपरेयमितस्त्वन्यां प्रकृतिं विद्धि मे परां ।
जीवभूतां महाबाहो यथेदं धार्यते जगत् ॥ ५ ॥

आप तेज गगन । मही मारुतु मन ।
बुद्धि अहंकारु हे भिन्न । अठे भाग ॥ १८ ॥
आणि प्यां आठांची जे साम्यावस्था । ते माझी परम प्रकृति पार्थ ।
तिये नावं व्यवस्था । जीउ ऐसी ॥ १९ ॥
जे जडाते जीववी । चेतनेते चेतवी ।
मनाते मानवी । शोक मोह ॥ २० ॥
पै बुद्धिचां आंगीं जाणणें । ते जियेचिये जबलिकेचें करणें ।
जिया अहंकाराचेनि विंदाणें । जग चि धरिजे ॥ २१ ॥

एतद्योनीनि भूतानि सर्वाणोत्पुपधारय ।

अहं कृत्स्नस्य जगतः प्रभवः प्रलयस्तथा ॥ ६ ॥

ते मूढम प्रकृति कोडे । जें स्थूल्वेषा आंगा घडे ।
तें भूतसृष्टिची पडे । टांकमाल ॥ २२ ॥
चतुर्विधु ठमा । उमटों लागे आपेमा ।
मोला तारि मरिसा । पारि थर चि आनान ॥ २३ ॥
होति चांगमी लक्ष थरा । एग मांनि नेणजे भांडारा ।
भरे आदिष्ट्याचा गाभाग । नाणयांमि ॥ २४ ॥
ऐसे एकतूकें पांचभांतिक । पडति बौहस टांक ।
मग तिये समृद्धिचें लेख । प्रकृती चि धरी ॥ २५ ॥
जे आंकूनि नाणें विस्तारी । पाठिं तेषांचो चि आठणी करी ।
माझि कर्माकर्माचां व्यवहारी । प्रवर्तुं दाबी ॥ २६ ॥
हें रूपक परि असो । सांघां उघड जेंसें परिवसों ।
तरि गा नामरूपाचा अतिमो । हा प्रकृती चि कीजे ॥ २७ ॥

भाणि प्रकृति तत्र मासां ठांडं । द्वित्रे एथ आन नाहीं ।
ह्यपौनि आदिनिधन पांडं । जगामि मीं ॥ २८ ॥

मस्तः परतरं नाम्यत्किञ्चिदस्ति धनंजय ।

मथि सर्षमिदं प्रोक्तं सूत्रे मणिगणा इव ॥ ७ ॥
हैं रोहिणीचें जल । तेयाचें पांतां जें मूल ।
तैं रश्मि हीं नव्हति केवल । होये तें भानु ॥ २९ ॥
तिषा चि परीं किरीटी । इये प्रकृतीं जालिये सृष्टी ।
जें उपसंहारौनि कीजेल गोटि । तें मी चि आहे ॥ ३० ॥

रक्षोऽहमप्सु कानेय प्रभास्मि शशिसूर्ययोः ।

प्रणवः सर्ववेदेषु शब्दः खे पौरुषं नृषु ॥ ८ ॥
ऐसें होये दीमे न दिसे । हें मज चि माशिवडें असे ।
मिषां चि विश्व धरिजे । जेंसें सूत्रें मणि ॥ ३१ ॥
ह्यणौनि उदकीं हान रमु । कां पवनीं जो म्पशु ।
शशिसूर्यां जो प्रकाशु । तो मीं चि जाण ॥ ३२ ॥
तैसा चि नैमर्गिकु शुद्रु । पृश्वाचां ठांडं गंधु ।
गगनीं मीं शब्दु । येदीं प्रणवु ॥ ३३ ॥
नराचां ठांडं नरन्व । जें अहंभावियें मन्व ।
तें पौरुष मीं हें तन्व । बोलिजन असे ॥ ३४ ॥

पुष्यो गंधः पृथिव्यां च तेजश्चास्मि विभावसौ ।

जीवनं सर्वभूनेषु तपश्चास्मि तपस्विषु ॥ ९ ॥

अह्नी ऐसें आहाच । तेजीं नावांचें आहे कवच ।
तें परतें केलेयां साच । तेज तें मीं ॥ ३५ ॥
भाणि नानाविधिं योनि । जन्मानि भूतं त्रिभुवनीं ।
वर्ततें आहाति जीवनीं । आपुलालां ॥ ३६ ॥
पै एकें पवनू चि पौथि । एकें तृणेतव जोथि ।
एकें अमावासें आहाति । जलें एकें ॥ ३७ ॥

ऐसें भूतप्रति आनन । जें प्रकृतिवशें दीसे जीवन ।
तें आघवां ठाई अभिन । मी चि एक ॥ ३८ ॥

बीजं मां सर्वभूतानां विद्धि पार्थ सनातनम् ।

बुद्धिर्बुद्धिमतामस्मि तेजस्तेजस्विनामहम् ॥ १० ॥

पैं आदिचेनि अवमरें । विरुढ गगनाचेनि अंकुरें ।
जें अंतीं गीर्ती आवरें । प्रणवा पटिचीं ॥ ३९ ॥
जव हा विश्वाकारु असे । तव जें विश्वा चि मारिणें दीसे ।
मग महाप्रलयदशे । कैसे ही नव्हे ॥ ४० ॥
ऐसें अनादि जें महज । ते गा मी विश्वबीज ।
हे हाता तयीं तुज । देइजतसे ॥ ४१ ॥
मग उघड करुनि पांडवा । जें हें आणिमी सांम्याचेया गावां ।
तें येयाचा उपेगु वरवा । देवमाल ॥ ४२ ॥
परि हें अप्रसंगालाप । आत' अमनु न वोलों साश्रेप ।
जाणें तपियांचां ठाई तप । ते रूप माझे ॥ ४३ ॥
बलियां माझि बल । तें मीं जाण अटल ।
बुद्धिमतीं केवल । बुद्धि ते मीं ॥ ४४ ॥

बलं बलवतां चाहं कामगगविषर्जितम् ।

धर्माविरुद्धां भूतेषु कामोऽस्मि भगवत्पुत्रम् ॥ ११ ॥

भूतांचां ठाई कामु । ते मीं त्पणे गमु ।
जणें अर्थातव धर्मु । थोरु दीसे ॥ ४५ ॥
पन्हाविं विकाराचेनि पैंसें । करीं किं इद्रियाचेया चि ऐसें ।
परि धर्मासि वेवामें । जाओं नेंदी ॥ ४६ ॥
जे अप्रकृत्तिचा अढांटा । मांडुनि विधिचिया चि नीगे बाटा ।
तेवीं चि नियमाचा टावटा । सर्वें चाले ॥ ४७ ॥
कामु ऐसिया आज्ञा प्रवर्ते । झणानि धर्मासि होये पुरते ।
मग माक्षतीर्थिचें मृगतें । मंसारु भोगीं ॥ ४८ ॥

जो श्रुतिगौरवाचा मांडवी । कामुसृष्टिचा वेळ वाढवी ।
जवं कर्मफलेंसीं षालवी । अपवर्गी टेंकें ॥ ४९ ॥
ऐसां नियतु कां कंदर्पु । जो भूतां ण्यां वीजरूपु ।
तो मी हणें वापु । योगियांचा ॥ ५० ॥
हें थकेक केती मांघावें । आतां वस्तुजान चि आघवें ।
मज पासीनि जाणावें । विकरलें अमें ॥ ५१ ॥

ये वैव सात्विका भावा गजसास्तामसाश्च ये ॥
मत्त एवेति तास्विद्धि न त्वहं तेषु ते मयि ॥ १२ ॥

जे सात्विक हान भाव । कां रजतमादि सर्व ।
ते ममरूपसंभव । अलम्ब तू ॥ ५२ ॥
हे जाले तरि माझां टांड । परि येया माझि मा नाही ।
जैसी स्वप्निचां डोही । जाप्रति न बुडे ॥ ५३ ॥
ना तरि रसाची चि मुवट । जैमी वीजकणिका तरि घनवट ।
परि तियेतव होये जें काष्ट । अंकुरद्वारें ॥ ५४ ॥
मग तेया काष्टाचां टांड । सांच पां वीजपण आहे काही ।
हणौनि विज्ञानी मी नाही । जन्ही हें माझे ॥ ५५ ॥
पें गा गगनां उपजे आभाल । परि तेथ गगन नाहिं केवल ।
अथवा अभाळी होये सर्लाळ । तेथ अन्न नाहि ॥ ५६ ॥
मग तेया उदकाचेनि चि आवेंसे । जालें तेज जें लखलखीत दीसे ।
तेयां विजू माझि काड असे । सर्लाळ तें ॥ ५७ ॥
साचें अग्नीतव धूमु होय । तिण धूमीं कायें अग्नि आहे ।
तेसा विकारु हा मी मोहें । जन्ही विकरलां असें ॥ ५८ ॥

त्रिभिर्गुणमयैर्भावैरेभिः सर्वमिदं जगत् ।

मोहितं नाभिजानाति मामेव्ययः परमव्ययम् ॥ १३ ॥

परि उदकी जाली बाबुली । उदकाते चि जैसी शाकोली ।
कां बायांचिया आभाली । आकाश लोपें ॥ ५९ ॥

हो गा स्वप्न हें लटकें नोहे । परि निद्रावशें जें बाणळें होये ।
 तें आठउ काइ देंत आहं । आपणपें ॥ ६० ॥
 हें असो नेणों कैचें । जें डोलां चि पटल रचे ।
 तेणें देखणेपण डोलेयांचें । न गील्लिजे काइ ॥ ६१ ॥
 तैसी माझी चि हे ब्रिबली । गुणान्मक साउळी ।
 किं मज चि आड टेली । जवनीक जैसी ॥ ६२ ॥
 हणौनि भूतें मातें नेणती । माझीं चि परि मीं नव्हति ।
 जैसीं जला जलें न विरति । मुक्ताफलें ॥ ६३ ॥
 पै पृथ्वीचा घट्टु कीजे । सर्वे चि पृथ्वीसि मिले जर मेळविजे ।
 तो चि अग्निमंगें सिंविजे । तारं मांगल हांयें ॥ ६४ ॥
 तैसें भूतजात सर्व । हे माझे चि कार अवयव ।
 परि मायायोगें जीव— । दशे आले ॥ ६५ ॥

द्वैवी ह्येषा गुणमयी मम माया दुरत्वया ॥

मामेव ये प्रपद्यन्ते मायामेतां तरन्ति ते ॥ १४ ॥

आतां महानर्दी हे माया । उत्तरीनियां धनंजया ।
 मीं होइजे हें आया । कैमेनि ये ॥ ६६ ॥
 जियें ब्रह्माचर्याचां आधाडां । पहिल्या संकल्पजलाचेया उभडा ।
 सर्वे चि महाभूतांचा बुडडा । माना आला ॥ ६७ ॥
 जे गृष्टिसंचाराचेनि ओंवे । चडतकालकलांचेनि वेचे ।
 प्रवृत्तिनिवृत्तिचीं तुंगें । तटें सांडी ॥ ६८ ॥
 जे गुणघनाचेनि वृष्टिमंग । भरली मोहाचेनि महापूरें ।
 घेउनि जांत नगरे । यमनियमांचीं ॥ ६९ ॥
 जे द्वेषाचां आवर्तीं टाटत । तेथ मत्सराचें हकरें पडत ।
 माक्षि प्रमादादि तळपु अंत । माहामीन ॥ ७० ॥
 जेथ प्रपंचाचीं वलणें । कर्मा अकर्माचीं आंभाणें ।
 वरि तराति आंसाणें । मुखदुःखाचीं ॥ ७१ ॥

प्रतिचेया बेटा । आदलति कामाचिया लाटा ।
 तैथ जीवफेन संघाटां । सीघ दीसे ॥ ७२ ॥
 अहंकाराचिया चलियां । वरि मदत्रयाचिया उकलिया ।
 जेथ विषयोर्मीचे कलिया । उल्लालु घेंति ॥ ७३ ॥
 उदोअस्तूंचे लोंढे । पाढित जन्ममृत्युचे चोंढे ।
 जेथ पांचमौतिक बुडडे । होंत जांत ॥ ७४ ॥
 संमोह—भ्रम—नासे । गीलित धैर्याची आविसें ।
 जेथ देवढे भवंत बलसे । अज्ञानाचे ॥ ७५ ॥
 भ्रांतिचेनि खडुले । रेवले आस्थेचे अवगाले ।
 रजोगुणाचेनि खलाले । स्वर्गु गाजे ॥ ७६ ॥
 तमाचे धारसे काढ । सत्वाचे थीरपणे जाड ।
 किंवहुना हे दुवाड । मायानदी ॥ ७७ ॥
 पै पुनरावृत्तिचेनि उभडे । झलंजताति सत्यलोकिचे हुडे ।
 घायें गडबडीत ढोंढे । ब्रह्मगोलकांचे ॥ ७८ ॥
 ते पाण्यांचेन वडिलेपणे । आझू न धरिती चि ओभाणे ।
 ऐसा मायापुरु हा कवणे । तारिजैल गा ॥ ७९ ॥
 एक स्वयंबुद्धिचां बाही । रिगाले तेयांची शुद्धि नाही ।
 एक जाणिवेचां डोही । गवें गांठिले ॥ ८० ॥
 एकी विद्येचिया सांगडी । घेतलिया अहंभावाचिया डोंडी ।
 ते मदमीनाचां तोंडीं । सगले चि गेले ॥ ८१ ॥
 एकी वयसेचे जाड बांधले । मग मन्मथाचिये कासे लागले ।
 ते विषयमगरीं सांडिले । चघट्टनियां ॥ ८२ ॥
 आतां वृद्धाप्याचेया तरंगा । माक्षि मतिभ्रमाचा जरंगा ।
 तेणें कबलिजताति पै गा । चडूंरुडे ॥ ८३ ॥
 आणि शोकाचां कडां उपटत । रोगाचां आवतीं दाटत ।
 आपदागिधि बुबिजत । उधबलां ठाई ॥ ८४ ॥

मग दुःखाचेनि वरटेनि बोंबळे । पाठि मरणाचिया रेंव्ह रेवळे ।
 ऐसे कामाचिये कासे लागळे । गेले बायां ॥ ८५ ॥
 एर्कि यजनक्रियेचीं पेटां । घातलीं बांधोनि पोटां ।
 ते स्वर्गसुखाचां कपाटां । भरौनि ठेले ॥ ८६ ॥
 एर्कि मोक्षि लागवेयाचिया आशा । केला कर्मबाह्याचा भर्त्सा ।
 परि ते पडिले गा करूनि वजसां । विधिवोधाचा ॥ ८७ ॥
 जेथ बैराग्याची नाव न रिगे । विवेकाचा तागा न छगे ।
 वरि काहिं काहिं तरों ये योगे । परि विपाये तो ॥ ८८ ॥
 ऐसें जीवाचिये आंगवणे । इये मायानदीचे उतरणे ।
 हे काइसेयासारखें बोलणे । ह्मणावें पां ॥ ८९ ॥
 जरि अपध्याशीला व्याधी । कले साधूं दुर्जनाची बुद्धि ।
 कां रागी सांडी रिद्धि । आळी सांती ॥ ९० ॥
 जरि चोरा सभा द.टे । अथवा मीना गळु घोंटे ।
 ना तरि भेडा उल्हाटे । विवसी जरि ॥ ९१ ॥
 पाडसा बागूर करांडी । जरि मुंगी मेरु उज्जंडी ।
 तरि मोहाचि पैली थडी । देखति जीव ॥ ९२ ॥
 ह्मणौनि गा पांडुपुता । जैसी सकामा न जिणवे चिं बनिता ।
 तैसी मायामय हे सरिता । न टके जीवां ॥ ९३ ॥
 एथ एक चि लीला तरले । जिहिं भजौनि मातें वरिलें ।
 तेया ऐली चि थडिये मरलें । मायाजड ॥ ९४ ॥
 जे अहंभावानें ओक्षें सांडुनि । विकराचिया मुलुभा चूडौनि ।
 अनुरागाचा नीरुताउनि । पाणिढालु ॥ ९५ ॥
 जेया ऐक्याचिये उतारां । बोधाचा जोडला तारा ।
 मग निवृत्तिचेया पैलातीरा । होंपावळे जे ॥ ९६ ॥
 जेयां सहूरु तारु पुढें । जे अनुभवाचिये कासे माडें ।
 जेयां आत्मनिवेदन तराडें । आफडडे ॥ ९७ ॥

ते उपरतिचां वारिं सेलत । सोहमावाचेनि यारिं पेळत ।
 मय निगळे अनकळित । निवृत्तितटी ॥ ९८ ॥
 एणें उपायें मज भजले । ते हे माझी माया तरले ।
 परि ऐसे भक्त विपाडले । बहुवस नाहिं ॥ ९९ ॥

न मां दुष्कृतिनो मूढाः प्रपद्यन्ते मराधमाः ॥
 आत्मयापहतज्ञाना आसुरं भावमाभिताः ॥ १५ ॥

जें बहुतां एकां आसांतर । अहंकाराचा भूतसंचार ।
 जाला झणें नि विसर । आपणपां तेयां ॥ १०० ॥
 तेन्हां नियमाचें बळ नाठवे । पुढेही अजोगतिची लाज वेचवे ।
 काणि करिताति जें न कराचें । वेदु झणे ॥ १ ॥
 फळे पां शरीराचेया गाथां । जेयालागि आले पांढवा ।
 तो कार्यार्थु आघवा । सांडूनियां ॥ २ ॥
 इंद्रियांचां राजबादी । अहंमतिचां जल्पवादि ।
 विकारांतराची मांदी । मेलविताति ॥ ३ ॥
 आणि दुःखशोकाचां घांड । मारिलेयाची सें चि नाहिं ।
 हें सांघावेया कारण काड । प्रसिले माया ॥ ४ ॥

चतुर्विधा भजन्ते मां जनाः सुकृतिनोऽर्जुन ।
 आर्तो जिज्ञासुरर्थार्थी ज्ञानो च भरतर्षभ ॥ १६ ॥

हेणौनि मातें चूकले । ऐसां चतुर्विध मज भजले ।
 जिहिं आत्महिता केलें । वाढतें गा ॥ ५ ॥
 तो पहिला आर्तु झणिजे । दुसरा जिज्ञासु बोधिजे ।
 तीजा अर्थार्थी जाणिजे । ज्ञानियां चौथा ॥ ६ ॥
 तेथ आर्तु तो आर्तिचेन व्याजें ।
 जिज्ञासु तो जाणावेया चि लागि भजे ।
 चौथेनि तेणें अर्थिजे ।
 अर्थसिद्धी ॥ ७ ॥

तेन्हलि जियाकडे वांस पाहे । नेउता मीं चि येकुतेया आहें ।
 अथवा निवांतु जन्हीं राहे । तन्हीं मीं चि आधि ॥ २९ ॥
 हें असो आणिक काहीं । तेया सर्वत्र मीवांचूनि नाहीं ।
 जैसें सबाह्य जल डोहीं । बुडालेया घटा ॥ १३० ॥
 तैसा तो मज्ज भीतरि । मी तेया आंतु बाहिरि ।
 हें साधिजे बोलवारि । तैसें नांहे ॥ ३१ ॥
 झणौनि असो हें इयापरीं । तो देखे ज्ञानाची वाखारीं ।
 तेणें सबंतारेनि करी । आपु विश्व ॥ ३२ ॥
 हें समस्त ही श्रीवामुदे३० । ऐसेया प्रतीतिरसान्चा उते भा३० ।
 झणौनि भक्तांमाझि राओ । ज्ञानियां तो ॥ ३३ ॥
 जेयाचिये प्रतीतीचां वाखोरां । पवाडु होये चराचरां ।
 तो महात्मा धनुर्धरा । दुर्लभु अति ॥ ३४ ॥

कामैस्तैस्तैर्हृतज्ञानाः प्रपद्यन्तेऽन्यदेवताः ।

तं तं नियममास्थाय प्रकृत्या नियता स्वया ॥ २० ॥

येर बहू जोडति किराटी । जेयांचीं भजनें भोगासाठीं ।
 जे आशातिमिरें दीठा । मंद झाले ॥ ३५ ॥
 आणि फलाचिया हांवां । हृदयीं कामा जाला रिगावां ।
 कीं तेयाचिया घसर्णा दीवा । ज्ञानाचा गेला ॥ ३६ ॥
 ऐसें उभयथा आंधारें पडिलें । झणौनि पासिं चि मातें चूकले ।
 मग सर्वभावे अनुसरले । देवतांतरां ॥ ३७ ॥
 आदिचे प्रकृतिचे पाइक । वरि भोगालागौनि तवं रंक ।
 मग तेणें लौल्यें कवतीक । कैसें भजते ॥ ३८ ॥
 कवर्णा तिया नियमबुद्धी । कैसिया हान उपचारसमृद्धी ।
 कां अर्पण यथाविधी । विहित करणें ॥ ३९ ॥

यो यो यां यां तनुं भक्तः भद्रयार्थेनुमिच्छति ।

सर्व्व तस्याचलां भद्रां तामेव विदधाम्यहम् ॥ ३१ ॥

ऐं जो जो जिये जिये देवतांतरीं । भजावेया चाड धरी ।
 तेयाते ते चाड पूरी । पुरविता मीं ॥ १४० ॥
 मग तिया श्रद्धायुक्त । तेथिचें आराधन जें उचित ।
 तें सिद्धिवेन्हीं समस्त । वत्तों लागे ॥ ४१ ॥

स तथा श्रद्धया युक्तस्तस्याराधनमीहते ॥

लभते च ततः कामाश्चैव विहितान्हितान् ॥ २२ ॥

ऐसें जेणें जें भाविजे । तें फल तेणें पाविजे ।
 परि तें हीं सकल निफजे । मज चि तव ॥ ४२ ॥
 परि ते भक्त मातें नेणति । जे कल्पने बाहिरे न निगति ।
 म्हणौनि कल्पित फल पावति । अंतवंत ॥ ४३ ॥

अंतवत्तु फलं तेषां तद्भवत्यल्पमेधसाम् ।

देवान्देवयजो यांति मद्भक्ता यांति मामपि ॥ २३ ॥

किंबहुना ऐसें भजन । तें संसाराचें चि साधन ।
 येरु फलभोगु तें स्वप्न । नावंभारि दीसे ॥ ४४ ॥
 हें असो पन्हैतें । पाडिं हो कां आवडतें ।
 परि यजी जो देवतातें । तो देवत्वासि ये ॥ ४५ ॥
 येर तनुमनुप्राणीं । जे निरंतर माक्षिया चि वाहाणी ।
 ते देहाचां निर्वाणीं । मीं चि होंति ॥ ४६ ॥
 परि तैसें न करीति प्राणिये । वायां आपुलां चि सुखि वाणिये ।
 पव्हंताति पाणियें । तल्हातिचेनि ॥ ४७ ॥
 नाना अमृताचां सागरीं बुडिजे । मग तांडाभि काइ वज्र पाडिजे ।
 आणि मनीं तरि आठविजे । थीलरातें ॥ ४८ ॥
 हें ऐसें काइसेया करावें । जें अमृति हिं रिगौनि मरावें ।
 सुखें अमृत होउनि कां नसावें । अमृतामाक्षि ॥ ४९ ॥
 तैसा फलहेतुचा प्रांबरा । सांडूनियां धनुर्दरा ।
 कां प्रतीतिपांखि अंबरा । गोसांविंयां नोहावें ॥ १५० ॥

अव्यक्तं व्यक्तिमापन्नं मन्यन्ते मामबुद्धयः ।

परं भावमजानंतो ममाव्ययमनुत्तमम् ॥ २४ ॥

जेथ उंचावते न पवाडें । सुखाचा पैसारु जोडे ।

आपुलेनि मुरवाडें । उडों ये ऐसा ॥ ५१ ॥

तेया उमपा माप कां सुअर्थें । मज अव्यक्तातें व्यक्ता कां मानार्थें ।

सिद्ध असतां कां निमार्थें । साधनवारि ॥ ५२ ॥

नाहं प्रकाशः सर्वस्य योगमायासमावृतः ।

मूढोऽयं नाभिजानाति लोको मामजमव्ययम् ॥ २५ ॥

परि हा बोलु आववा । जरि विचारिजत असे पांडवा ।

तरि विशेष प्यां जीवां । नलगे फिर ॥ ५३ ॥

कां जें योगमायापटलें । हे जाले आथि आंधले ।

खणांनि प्रकाशाचेन हीं दिहवळें । न देखती चि मातें ॥५४॥

यन्हविं मीं नव्हें ऐमें । कांहिं वस्तुजात असे ।

पाहे पां कवण जल रसें । रहित आहे ॥ ५५ ॥

पवनु कवणातें न सिंव चि । आकाश के न समाये चि ।

हें असो येकु मीं चि । विधि असें ॥ ५६ ॥

वेदाहं समतीतानि वर्तमानानि चार्जुन ।

भविष्याणि च भूतानि मां तु वेद न कश्चन ॥ २६ ॥

एथ भूतें जियें अत्यंतळि । तियें मीं चि होउनि ठेलीं ।

आणि वर्ततें आथि जालीं । तें हीं मीं चि ॥ ५७ ॥

कां भविष्यमाणें ज्ये हीं । तें हिं मज वेगलीं नाहीं ।

हा बोलु चि यन्हविं कांहीं । हांथे ना जाए ॥ ५८ ॥

ऐसा मीं पांडुमुता । अनस्यूतु सदा असता ।

एयां संसारु जो भूतां । तो आनें बोलों ॥ ५९ ॥

इच्छाद्वेषसमुत्थेन द्वंद्वमोहेन भारत ।

सर्वभूतानि संमोहं सर्गे यांति परंतप ॥ २७ ॥

तरि तेही आतां थोडी ऐसी । गोठि सांघिजैल परियसैं ।
 जैं अहंकारा तनूसीं । वालभ पडिलें ॥ १६० ॥
 तैं इच्छा हे कुमारी जाली । मग ते कामाचेया तारुण्या आली ।
 तेथ द्वेषेसीं मांडिली । कुलवाडि तिये ॥ ६१ ॥
 तेयां दोघां तव जन्मला । ऐसा द्वंदमोहां पडिला ।
 मग तो आजेन वाढविला । अहंकारें ॥ ६२ ॥
 तो धृतिसीं सदा प्रतिकूल । नियमा हीं ना गवे मूल ।
 आशारसैं दोंदिलु । जाला सांता ॥ ६३ ॥
 असंतुष्टिचिया मदिरा । मत्तु होउनि धनुर्द्वरा ।
 विषयाचां वोवरा । विकृतिसिं असे ॥ ६४ ॥
 तेणें भावशुद्धिचिये वांटे । विखुरिले विकल्पाचे कांटे ।
 मग चीरिले अन्हांटे । अप्रवृत्तिचे ॥ ६५ ॥
 तिहिं भूतें भांभावलिं । ह्यणानि संसाराचेया अडवींमाक्षि पडिलीं ।
 मग जेथ महादुःखाचे घेतलीं । दांडेवरि ॥ ६६ ॥

येषां त्वंतर्गतं पापं जनानां पुण्यकर्मणाम् ।

ते ब्रह्मोद्विनिर्मुक्ता भजंते मां दृढव्रताः ॥ २८ ॥

ऐसां विकल्पांचें वायाणें । कांटे देखौनि ससाणे ।
 जे मतिभ्रमाचे पासवणे । घेंति चि ना ॥ ६७ ॥
 उजू एकनिष्ठतेचां पाउलीं । रगडूनि विकल्पाचिया भाली ।
 पातकांची सांडिली । अटवी जीहीं ॥ ६८ ॥
 मग पुण्यचें धांव घेतलें । आणि माझी जवलीक पातले ।
 किंबहुना ते चूकले । वाटवधेया ॥ ६९ ॥

जराभरणमोक्षाय मामाश्रित्य यतति ये ।

ते ब्रह्म तद्धिदुः कृन्स्नमध्यात्मं कर्म चाखिलम् ॥ २९ ॥

यन्हवि तन्हि पार्था । जरामरणाची नीमे कथा ।
 ऐसेया प्रयत्नातें आस्था । विये जेयांची ॥ २७० ॥
 तेयां तो प्रयत्नू चि येकें वेळें । मग समग्रें परब्रह्में फलें ।
 जेया पीकलेया रसु गळे । पूर्णतेचा ॥ ७१ ॥
 तेव्हलि कृतकृत्यें जग भरे । तेथ अध्यात्माचें नवलपण पूरे ।
 कर्माचें काम सरें । वीरें मन ॥ ७२ ॥
 ऐसा आत्मलाभु तेयां । होथे गा घनंजया ।
 भांडवल जेया । उद्यमीं मां ॥ ७३ ॥
 तेयांतें साम्याचिया वाढी । मग ऐक्याची चि सांधे कुलवाडि ।
 तेथ भेदाचीं सांकडीं । नेणजति ॥ ७४ ॥

साधिभूताधिदैवं मां साधियज्ञं च ये विदुः ॥

प्रयाणकालेऽपि च मां ते विदुर्युक्तचेतसः । ३० ॥

जिहिं साधिभूतां मातें । प्रतीतीचेनि हातें ।
 धरुनि अधिदैवातें । सीतळे गा ॥ ७५ ॥
 जेयां जाणिवेचिये उभे । मीं अधियज्ञु रिगें ।
 ते तनुचेनि हिं वियोगें । विरहिये नव्हति ॥ ७६ ॥
 एन्हवि आयुष्याचें सूत्र त्रिप्रइतां । भूतांचीं उमेठें षडाडितां ।
 काइ न मरतेया ही चित्ता । युगांत नोहे ॥ ७७ ॥
 परि नेगें कैसें पै गा । जे दडउनि गेळे माझेया आंमा ।
 ते प्रयाणिचिया ही लग्नगा । न संडीति मातें ॥ ७८ ॥
 यन्हविं तन्ही जाण । ऐसे जे निषण्ण ।
 ते चि अंतःकरण— । युक्त योगी ॥ ७९ ॥
 तवं इयं शब्दकूपिकेतलि । नाडो चि अवधानांची आंजुली ।
 जें अर्जुनु नावेक तेव्हली । मागां चि आहे ॥ १८० ॥

जेय तद्गह्वादिवाक्यफलें । जियें नानार्थरसरसालें ।
 बाहाकातें आहाति परिमलें । भावांचेनि ॥ ८१ ॥
 सहजकृपामंदानीलें । कृष्णद्रुमु डोलति तिये वेले ।
 अर्जुनु श्रवणाचिये खोले । अवसात पडिलीं ॥ ८२ ॥
 तिबे प्रमेयाचीं चि हों काज वलिलीं ।
 किं रसाचां सागरीं चुबुकुलिलीं ।
 मग तैसां चि कां घोलिलीं ।
 परमानंदें ॥ ८३ ॥
 तेणें बरवेपणें निर्मलें । अर्जुनोन्मेषाचे डोले ।
 घेंताति गलाले । विस्मयामृताचे ॥ ८४ ॥
 तिया मुखसंपत्ती जोडलिया । मन स्वर्गा वांत वाकुलिया ।
 हृदयाचां जीवीं गुतकुलिया । होंती आथि ॥ ८५ ॥
 ऐसें वरचिलि चि वरवा । मुख जावों लागे फावा ।
 तवं रसास्वादाचिया हावां । लाहा केला ॥ ८६ ॥
 झाकारि अनुमानाचेनि करतलें । घेउनि तियें वाक्यफलें ।
 प्रतीतिमुखि एके वेले । घाळू पाहिलीं ॥ ८७ ॥
 तवं विचाराचिया रसना न दटति ।
 परि हेतुचां दशनी ही न फुटति ।
 ऐसें जाणौनि मुभद्रापति ।
 चुंबी चि ना ॥ ८८ ॥
 मग चमत्करला ह्मणें । इयें जलचिं मा तारागणें ।
 कैसा झांषकळें आसलगणें । अक्षरांचेनि ॥ ८९ ॥
 इयें पदें नव्हति फुडिया । गगनाचिया चि मां घडिय्य ।
 एथ आमचिये मती बुडिया । थाउं न निगे ॥ १९० ॥

वांचूनि जाणावेयाचिया कें गोठी । ऐसें जीवीं चि कल्पूनि किरीटी ।
 तियें पुनरपि केलीं दीठी । यादवेंद्रा ॥ ९१ ॥
 मग विनविलें सूभटें । हां हो जी इयें एकावटें ।
 सात्र ही पदें अगुसुटे । नवलें असति ॥ ९२ ॥
 एन्हविं अवधानाचेनि वहिलेपणें । नाना प्रमेयांचे उगाणे ।
 काइ श्रवणाचेनि आंगणें । बोलों लाहांति ॥ ९३ ॥
 पारि तैसें नव्हे हें देवा । देखिळा अखरांचा चि मेल्यावा ।
 आणि विस्मयाचेया ही जीवा । विस्मयो जाला ॥ ९४ ॥
 कानाचेनि गवाक्षद्वारें । बोलाचें रश्मि आधतरें ।
 पडेना तत्रं चमत्कारें । अवधान ठकलें ॥ ९५ ॥
 तेविं चि मज आर्त्ता अर्थाची चाड आहे । तेया सांगतां हीं वेलु न साहे ।
 ह्यणौनि निरूपण लवलहें । कीजो देवा ॥ ९६ ॥
 ऐसा मार्गालु पडिताला घेउनि । पुढां अभिप्रायादीठि सूनि ।
 तेविं चि माझी सूनि । आर्त्ति आपुली ॥ ९७ ॥
 कैसी पूसती पांहे जाणिव । भीडेची तरि लंगो नेंदी सीवं ।
 यन्हविं कृष्णहृदयासि खेवं । देऊं सरलें ॥ ९८ ॥
 आगा गुरुतें जें पूसावें । तें एणें मानें सावधान होआवें ।
 हें एकु जाणें आघवें । सव्यसाची ॥ ९९ ॥
 आतां तेपाचें तें प्रभु करणें । वरि सर्वज्ञा श्रीहरिचें बोलणें ।
 हें संजयो आवडलेपणें । सांगेल कैसें ॥ २०० ॥
 तिये गा अवधान देयां गाठी । बोलिजैल नीट मन्हाटी ।
 जैसी काना आदिं दीठि । उपेगा जाये ॥ १ ॥
 बुद्धिचिया जीभा । बोलाचा न चखतां गाभा ।
 आखरांचिया चि भांभा । इंद्रियें जीति ॥ २ ॥
 पाहा पां मालतींचे कले । प्राणासि वांटले कीर परिमलें ।
 पारि वरिचिळी बरवा काइ डोले । श्रावली नोहोंति ॥ ३ ॥

तैसें देशिचिया हवावा । इंद्रिं करिति राणिवा ।
 मग प्रमेयांचिया गावां । लेसां जाइजो ॥ ४ ॥
 ऐसेनि नागरपणें । बोलु निमे तें बोलणें ।
 आइका ज्ञानदेओ हणें । निवृत्तिचा ॥ ५ ॥

अंतत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे परमहंसयोगो नाम
 सप्तमोऽध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय आठवा

श्रीकृष्णाय नमः ॥

अर्जुन उवाच ।

किं तद्ब्रह्म किमध्यात्मं किं कर्म पुरुषोत्तम ।

अधिभूतं च किं प्रोक्तमधिदैवं किमुच्यते ॥ १ ॥

मग अर्जुनें ह्यणितलें । अहो जी अवधारिलें ।

जें मियां पूसिलें । तें निरोपिजो ॥ १ ॥

सांघां कवण तें ब्रह्म । काइसेया नावं कर्म ।

अथवा अध्यात्म । काइ ह्यणिपे ॥ २ ॥

अधिभूत तें कैसें । एथ अधिदैव कवण असे ।

हें उघड मीं परियसें । तैसें बोलां ॥ ३ ॥

अधियज्ञः कथं कोऽत्र देहेऽस्मिन्मधुसूदन ।

प्रयाणकाले च कथं ज्ञेयोऽसि नियतात्मभिः ॥ २ ॥

देवा अधियज्ञ तो काड । कवणु पां इये देहीं ।

हें अनुमानासि काहीं । दीठि न भरे ॥ ४ ॥

भाणि जी नियता अंतःकर्णी । तूं जाणिजसि प्रमाणी ।

तें कैसें शार्ङ्गपाणी । परिसवां मातें ॥ ५ ॥

देखां धव्लारीं चिंतामणिचां । जरि पवडला होये देंवांचा ।
 ओसणतां हीं बोलु तेयाचा । परि सोपु न वचे ॥ ६ ॥
 तैसें अर्जुनाचेया शब्दा चि सवें । आलें तें चि ह्मणितलें देवें ।
 पार्था परियसैं गा बरवें । पूसिलें तुवां ॥ ७ ॥
 किरीटीकामधेनूचा पाडा । वारि कल्पतरूचा आहे मांदोडा ।
 ह्मणौनि मनोसिद्धिचेया षडा । तो नवल नोहे ॥ ८ ॥
 जें कृष्णाचेयां होयजे आपण । कृष्णु होये आपुलें अंगकरण ।
 तें संकल्पाचें आंगण । उल्लगति सिद्धी ॥ ९ ॥
 तरि ऐसें जें प्रेम । तें अर्जुनीं चि आधि निःसीम ।
 ह्मणौनि तेयाचें काम । सदाफल ॥ १० ॥
 एया कारणें अनंतें । मनोगत तेयाचें पूसतें ।
 होईल जाणौनि आइतें । ओगरूनि ठेविलें ॥ ११ ॥
 जें अपत्य धानौनि निगे । तेयाची भूक ते मायेसी चि लागे ।
 वांचूनि शब्दे काइ सांघे । मग स्तन्य दे एरि ॥ १२ ॥
 ह्मणौनि कृपालुवा गुरुचां ठाई । हें नवल नोहे काहीं ।
 परि तें असो आहकां काई । बोलता जाला ॥ १३ ॥

श्रीभगवानुवाच ॥

अक्षरं ब्रह्म परमं स्वभावोऽध्यात्ममुच्यते ।

भूतभावोद्भवकरो विसर्गः कर्मसंश्रितः ॥ ३ ॥

मग ह्मणितलें सर्वेश्वरें । जें आकारिं इये खोंकरे ।
 कोंदलें असति न सिरे । कऱ्हणी कार्ळीं ॥ १४ ॥
 एन्हविं सपूरपण तेयाचें पावें । तरि शून्य चि नव्हे तें स्वभावें ।
 वरि गगनाचेनि पालवें । गाळुनि घेतलें ॥ १५ ॥
 जें ऐसें हीं परि विरुलें । इये विज्ञानाचिये खोले ।
 हालवलें हीं न गळें । तें परब्रह्म ॥ १६ ॥

आणि आकाराचेनि जालेपणें । जन्मकर्मातें नेणें ।
 आकारलोपीं नीमणें । नाहीं काहीं ॥ १७ ॥
 ऐसी आपुलियाचि सहजस्थिती । जेतया ब्रह्माची नित्यता असती ।
 तेया नावं सुभद्रापती । अध्यात्म गा ॥ १८ ॥
 मग गगनीं जेवि निर्मले । नेणों कैचीं येकें वेळें ।
 उठीति घनपटलें । नानावर्णें ॥ १९ ॥
 तैसिं अमूर्तीं तियें विशुद्धें । महदादिभूतभेदें ।
 ब्रह्माडाचे बांधे । हों चि लागति ॥ २० ॥
 पैं निर्विकल्पाचिये बरडी । किं फूट आदिसंकल्पाची विरुढि ।
 आणि ते सवें चि मोडौनि ये ढोंढी । ब्रह्मगोलकांचां ॥ २१ ॥
 तेयां एकेकाचा भीतरु पाहिजे । तवं बीजां चिं भरला देखिजे ।
 माक्षि हेंतेयांजातेयां नेणिजे । लेख जीवां ॥ २२ ॥
 मग तेयां गोलकांचे अंशांश । प्रसवति आदिसंकल्प असम साहास
 हें असो ऐसी बहुवस । श्रुष्टि वाढे ॥ २३ ॥
 परि दूजेन विण एकलां । परब्रह्मीं चि सांचलां ।
 अनेकत्वाचा आला । पूरु जैसा ॥ २४ ॥
 तैसैं समविषमत्वे नेणों कैचें । वायां चि चराचरण एक रचे ।
 पातां प्रसवतियां यांनीचे । लक्ष हीं दीसति ॥ २५ ॥
 एरी जीवभावांचिये पालविये । काहिं मर्यादा चि करुं नैये ।
 पाहिजे कवण हें आघवें चि विये । तरि मूल तें शून्य ॥ २६ ॥
 झणौनि करिता मुदलु न दिसे । आणि शेषीं कारण हीं काहीं नसे
 माक्षि कार्य चि आपैसैं । वाढों लागे ॥ २७ ॥
 ऐसा करितेन विण अगोचरु । अव्यक्तीं हा आकार ।
 निफजवी जो व्यापारु । तेया नावं कर्म ॥ २८ ॥

अधिभूतं क्षरो भावः पुरुषश्चाधिदैवतम् ।

अधियज्ञोऽहमेवात्र देहे देहभृतां वर ॥ ४ ॥

आतां अधिभूत जें ह्यणिपे । तें हीं साधों संक्षेपें ।
 तरि होय आणि हारपे । अभ्र जैसें ॥ २९ ॥
 तैसें असतेपण आहाच । जेया नाहिं होइजे हें साच ।
 जेयातें रूपा आणीति पांच पांच । मिलौनियां ॥ ३० ॥
 भूतातें अधिकरूनि असे । आणि भूतसंयोगें तरि दीसे ।
 जें वियोगावेगलें भ्रंशे । नामरूपादिक ॥ ३१ ॥
 तेयातें अधिभूत ह्यणिजे । मग अधिदैव पुरुष जाणिजे ।
 जेणें प्रकृतिचें भोगिजे । उपार्जलें ॥ ३२ ॥
 जो चेतनाचा चक्षु । इंद्रियदेशिचा अध्यक्षु ।
 जो देहास्तमानी वृक्षु । संकल्पविहंगा ॥ ३३ ॥
 जो परमात्मा चि परि दूसरा । जो अहंकारनिद्रा निदसुरा ।
 ह्यणौनि स्वप्निचिया अखरा । संतोषें सीणे ॥ ३४ ॥
 जीउ येणें नावें । जेयातें आलविजे स्वभावें ।
 तें अधिदैव जाणावें । पंचायतनिचें ॥ ३५ ॥
 आतां इये शरीरग्रामी । जो शरीरभावांतें उपशमी ।
 तो अधियज्ञु गा मी । पांडुकुमरा ॥ ३६ ॥
 एर अधिदैवाधिभूत । तें हीं मीं चि कीर समस्त ।
 परि पन्हरे कीडासि मिलत । काइ सकें नष्टे ॥ ३७ ॥
 तन्हीं तें पन्हरेपण न मैले । आणि कीडाचिया अंशा ही मिळे ।
 परि असे जव तेयाचेनि मेलें । तव साकें चि ह्यणिजे ॥ ३८ ॥
 तैसें अधिभूतादि आघवें । हें अविद्येचेनि पालवें ।
 झांकलें तव मानवें । वेगलें ऐसें ॥ ३९ ॥
 ते चि अविद्येची जवनीक फीटे ।
 आणि भेदभावाची अवधि तूटे ।
 मग ह्यणों जारि येक होउनि आटे ।
 तरि दोबि काय होंति ॥ ४० ॥

पै केशाचां गुंडालां । वरि ठेविली स्फटिकाची शीलां ।
 ते वरि पाहिली डोलां । तवं भेदली गमेली ॥ ४१ ॥
 पाठिं केश परौते नेले । आणि भेदलेपण काय नेणों जालें ।
 तारिं डांक देउनि सांधिलें । शिलेतें कांड ॥ ४२ ॥
 नां ते एकखंड चि आइती । परि संगें भिन्न गमली होती ।
 तां चि नेलेया माघौती । जैसी का तैसी ॥ ४३ ॥
 तेविं चि अहंभाओ हा जाये । तारिं ऐक्य तें आदिं चि आहे ।
 हें चि साचें जेथ हांये । तें अधियज्जु मीं ॥ ४४ ॥
 पै गा आह्मी तुज । सकल यज्ञ कर्मज ।
 सांधितलें कां जें काज । मनीं धरुनि ॥ ४५ ॥
 तो हा क्रियाजाताचा विसांवां । नैष्कर्म्यसुखाचा ठेवा ।
 परि उघड करुनि पांडवा । दाविजतसे ॥ ४६ ॥
 पहिलें वैराग्यइंधनपरिपूर्ती । इंद्रियानलीं प्रदीप्तीं ।
 विषयद्रव्याचिया आहुती । देउनियां ॥ ४७ ॥
 मग वज्रासन ते उर्वी । शोधुनि आधारीं मुद्रा बरवी ।
 वेदी रचे मांडवीं । शरीराचां ॥ ४८ ॥
 तेथ संयमाग्नीचीं कुंडें । इंद्रियद्रव्याचेनि पवाडें ।
 पूजिंजति उडें । युक्तिघोषें ॥ ४९ ॥
 मग मनप्राणु आणि संयमु । हा चि हवनसंपदेचा संभ्रमु ।
 तेणें तोषाविजे निर्दूमू । ज्ञानानद्ध ॥ ५० ॥
 ऐसेनि सकल हें ज्ञानिं अर्पें । मग ज्ञान तें ज्ञेयीं हारपे ।
 पाठिं ज्ञेयाचीं स्वरूपें । निखल उरे ॥ ५१ ॥
 तिया नावं गा अधियज्जु । ऐसें बोलिला जव् सर्वज्जु ।
 तवं अर्जुनु अतिप्राज्जु । तेया पातलें तें ॥ ५२ ॥
 हें जाणौनि ह्यणितलें देवें । परिहसतु आहासि बरवें ।
 एया कृष्णाचेया संतोषासर्वें । एरु सुखाचा जाला ॥ ५३ ॥

देखां बोलाचिया धणी धाडजे । कां शिष्याचेनि जालेपणें होइजे ।
 हें सद्गुरू चि एकलेनि जाणजे । कां प्रसवतिया ॥ ५४ ॥
 ह्मणौनि सात्विकां भावांची मांदी । कृष्णा आंगिची अर्जुना आदि ।
 न समातसे परि बुद्धी । संवरुनि देवें ॥ ५५ ॥
 मग पीकलेया सुखाचा परिमळ । कां निवालेया अमृताचा कळोळ ।
 तैसा कोवला आणि रसालु । बोलु बोलिला ॥ ५६ ॥

अंतकाले च मामेघ स्मरन्मुक्त्वा कलेष्वरम् ।

यः प्रयाति स मद्भावं याति नारत्यत्र संशयः ॥ ५ ॥

ह्मणितलें परिसणेयांचेया राया । आइकें बा घनंजया ।
 ऐसी जलों सरलेयां माया । जालितें हीं जलें ॥ ५७ ॥
 जें आतां चि सांधिलें होतें । अगा अधियज्ञ ह्मणितलें जयातें ।
 जे आदि चि तया मातें । जाणौनि अंतीं ॥ ५८ ॥
 तें देह झोलु ऐसें मानूनि । ठेलें आपणपें होउनि ।
 जैसा मटु गगना भरौनि । गगनीं चि आधि ॥ ५९ ॥
 इये प्रतीतीचां माझि घरीं । तेयां निश्चयाची ओहिरी ।
 आली ह्मणौनि बाहिरी । नव्है चि से ॥ ६० ॥
 ऐसें सबाह्य ऐक्यें सांचले । मीं चि होउनि अस्रतां रचले ।
 बाहिरि भूतांचीं पांचै ही खवलें । नेणति चि पडिलीं ॥ ६१ ॥
 उभेयां उभेपण नाहिं जेयाचें । पडिलेयां गहन-करण तेयाचें ।
 ह्मणौनि प्रतीतिचिये पोटिचें । पाणी ना हाले ॥ ६२ ॥
 ते ऐक्याची आहे उतली । कां नित्यतेचां हृदयीं घासळी ।
 जैसी समरससमुद्रीं घूतली । तैसी रूळें चि ना ॥ ६३ ॥
 पै अथविं घडा बुडाला । तो आंतु बाहिरि उदका भरला ।
 पाठिं दैवंगत्या जरि फूटला । तरि उदक-काय फूटे ॥ ६४ ॥
 नां तरि सपें कवच सांडिलें । कां उक्तातेनि बळ फोडिलें ।
 तरि सांध पां काय मोडलें । अवयवां माझि ॥ ६५ ॥

तैसा आकाश हा आहाचु भ्रंशे । वांचूनु वस्तु ते सांचली चि असे ।
 ते चि बुद्धि जालेयां बिसकुसे । कैसेनि आतां ॥ ६६ ॥
 झणौनि इया परीं मातें । अंतकालीं जाणत सांते ।
 जे मेकलीति देहातें । ते मी चि होंति ॥ ६७ ॥

यं यं चापि स्मरन्भावं त्यजत्यंते कलेष्वरम् ।

तं तमेवैति कौंतेय सदा तद्भाषभाषितः ॥ ६ ॥

यन्हविं तन्हीं साधारण । ऊरीं आदललेयां मरण ।
 जो आठउ धरी अंतष्करण । तें चि होइजे ॥ ६८ ॥
 जैसें कन्हणां येका काकुलती । पलतां पवनगती ।
 दुपाउली अवचिती । कुहां पडिली ॥ ६९ ॥
 आतां तेया पडणेयां अरौतें । पडण चूकवाधेया पुरतें ।
 नाहिं झणौनि तेथें । पडावें चि पडे ॥ ७० ॥
 तेविं मृत्युचेनि अवसरें येकें । जें एउनि जीवा सामोर ठाके ।
 तें होंगें मग न चुके । भलेतिया परीं ॥ ७१ ॥
 आणि जागतां जवं असिजे । तवं जेणें ध्यानें भावना भीजे ।
 डोला लागत खेओ देखिजे । तें चि जेविं ॥ ७२ ॥
 तारे जीबेन अवसरें । जें आवडौनि जीविं उरे ।
 तें चि मरणाचिये मेरे । फार हों लागे ॥ ७३ ॥

तस्मात्सर्वेषु कालेषु मामनुस्मर युध्य च ।

मह्यर्पितमनोबुद्धिर्मांमेवैष्यस्यसंशयम् ॥ ७ ॥

आणि मरणीं जेया जें आठवे । तो तिये चि गतितें तवं पावे ।
 झणौनि सदा स्मरावें । मातें तुवां ॥ ७४ ॥
 डोलां जें पाहावें । कानीं हान आइकावें ।
 मनीं जें भावावें । बोलावें जें ॥ ७५ ॥
 तें आंतु बाहिरि आत्रवें । मी चि करुनि घालावें ।
 मग सर्वां कालीं स्वभावे । मी चि आहें ॥ ७६ ॥

अग्ना ऐसियां जरि जालेयां । तरि न मरिजे देह जालेयां ।
 ह्यग्नौनि उठिं बरौता आलेया । संप्रामु करीं ॥ ७७ ॥
 तूं मन बुद्धि साचेसी । जरि माझां स्वरूपीं अर्पिसी ।
 तरि मातें चि गा पावसी । हे भाख माझी ॥ ७८ ॥

अभ्यासयोगयुक्तेन चेतसा नान्यगामिना ।

परमं पुरुषं दिव्यं याति पार्थानुचितयन् ॥ ८ ॥

हें चि काइसें वरि होये । ऐसा संदेहो जरि बर्ततु आहे ।
 तरि अभ्यासूनि आदीं पाहे । मग नव्हे तरि कोप ॥ ७९ ॥
 येणें चि अभ्यासेसिं योगु । चित्तासि करि पां चांगु ।
 आगा उपायबलें पांगु । पाडि-टाकी ॥ ८० ॥
 तेवि साभ्यास निरंतर । चित्तासि परमपुरुषाची मोहोर ।
 लावि मग शरीर । असो आडें जाऊ ॥ ८१ ॥
 जें नाना गती पावतें । तें चित्त बरील आत्म्यातें ।
 मग कवण आठवी देहातें । तें गेलें किं आहे ॥ ८२ ॥
 पै सरिताचेनि घोषे । सिंधु जलाचे मीनले घोषे ।
 ते काइ वर्तत आहे मागें । ह्यग्नौनि पाहों पंथि ॥ ८३ ॥
 ना ते समुद्रू चि होउनि ठेले । तेवि चित्ताचें चैतन्य जालें ।
 जेथ यातायात निमाले । घनानंद जे ॥ ८४ ॥

कवि पुराणमनुशासितारमणोरणीयांसमनुस्मरेद्यः ।

सर्वस्य धातारमर्चित्यरूपमादित्यवर्णं तमसः परस्तात् ॥ ९ ॥

जें गगनाहूनि जूनें । जें परमाणूहूनि सानें
 जेयाचेनि सन्निधानें । विश्व चले ॥ ८५ ॥
 जेजातें आकाशविण असणें । जेथ जन्म नां नीमणें ।
 जें आघवे चि आघवेपणें । देखत असे ॥ ८६ ॥
 जें सर्वातें वेवा विये । सर्व जेणें जिये ।
 हेतु जेयासि मिये । अर्चित्य जें ॥ ८७ ॥

देखें बौलिया इंगल न चरे । तेजि तिमिर जेबि न सिरे ।
 जें दिहा चि आंधरें । चर्मचक्षुसी ॥ ८८ ॥
 सुसडा सूर्यकणाचा राशि । जो नित्योदयो ज्ञानियासि ।
 अस्तमानाचें जेयासि । अडिनावं हीं नाहीं ॥ ८९ ॥
 तेया आवेंगबाणेया ब्रह्मातें । प्रयाणकालें प्राप्तें ।
 जो थिरावलेनि चित्तें । जाणौनि स्मरे ॥ ९० ॥

प्रयाणकाले मनसाचलेन भक्त्या युक्तो योगबलेन चैव ।
 हृद्योर्मध्ये प्राणमावेश्य सम्यक्स तं परं पुरुषमुपैति दिव्यम् ॥१०॥

बाहिरि पद्मासन रचूनि । उत्तराभिमुख बैसौनि ।
 जीवीं सुख सूनि । कर्मयोगाचां ॥ ९१ ॥
 आंतु मीनलेनि मनोधर्में । सूर्यप्राप्तिचेनि प्रेमें ।
 आपीं आपु संभ्रमे । मिलावेया ॥ ९२ ॥
 आकललेनि योगें । मध्यमा मध्यमार्गे ।
 अग्निस्थानौनि निगे । ब्रह्मरंध्रा ॥ ९३ ॥
 तेथ अचेतन चित्ताचा सांघातु । आहाचवाणा दीसे मांडतु ।
 जेथ प्राणु गगना आंतु । सज्जु होंउनि ॥ ९४ ॥
 तो जडाजडातें विरिचितु । भ्रूलतां माक्षि संचरतु ।
 जैसा घंटानादु लयस्थु । घंटे चि होये ॥ ९५ ॥
 झांकलिये घटिचा दीवा । नेणजे काइ जाला केव्हां ।
 थया रीती पांडवा । । जो देह ठेवी ॥ ९६ ॥
 तो केवल परब्रह्म । जेया परमपुरुषु ऐसें नाम ।
 तें माझे निजधाम । होउनि ठाके ॥ ९७ ॥

यदक्षरं वेदविदो वदंति विशंति यद्यतथो वीतरागाः ।
 वदित्छंतो ब्रह्मचर्यं वरंति तत्ते परं संप्रहेण प्रवक्ष्ये ॥११॥

सकला जाणण्यासि लाणि । तिये जाणिवेची जे खाणि ।
 तेयां ज्ञानियांची आणि । जेयातें अक्षर ज्ञापिये ॥ ९८ ॥

चंडवातें हीं न मोडे । तें गगन चि किं फुडें ।
 वांचूनि होईल जरि मेहुडें । तरि उरैल कैचें ॥ ९९ ॥
 तेवि जाणणेयां जें आकललें । तें जाणवलेपण चि उमाणलें ।
 मग नेणवे चि तेयातें ह्यणितलें । अक्षर सहाजें ॥ १०० ॥
 ह्यणौनि वेदविद नर । जेयातें ह्यणति अक्षर ।
 जें प्रकृतीसि पर । परमात्मस्वरूप ॥ १ ॥
 आणि विषयांचें विष उलंडुनि । जे सर्वेंद्रियां प्रायश्चित्त देउनि ।
 आहाति देहाचेया बैसौनि । झाडातलीं ॥ २ ॥
 ते इया परीं विरक्त । जेयाची निरंतर वाट पाहांत ।
 निष्कामासि अभिप्रेत । सर्वदा जें ॥ ३ ॥
 जेयाचिया आवडी । नगणित ब्रह्मचर्याची सांकडीं ।
 निष्ठुर होउनि बापुडीं । इंद्रियें करिति ॥ ४ ॥
 ऐसें जें पद । दुर्लभ आणि अगाध ।
 जेयाचिये थडिये चि वेद । बुचुकलले ॥ ५ ॥
 तें ते पुरुष होंति । जे इया परीं लया जांति ।
 तारि पार्था हे चि स्थिति । येकोल सांघों ॥ ६ ॥
 तेथ अर्जुनें ह्यणितलें स्वामीं । हें चि ह्यणावेया होंतां पां मी ।
 तवं साहाजें कृपा केली तुझीं । तरि बोलिजो कां जी ॥ ७ ॥
 पारि बोलावें तें अति सोहणें । येथ ह्यणितलें त्रिभुवनदीपें ।
 तुज काइ तेणें संक्षेपें । सांघौनि आइक ॥ ८ ॥

सर्वद्वाराणि संयम्य मनो हृदि निरुध्य च ।

मूर्धर्याधायारुण्यः प्राणमास्थितो योगधारणाम् ॥ १२ ॥

तरि मना येया बाहिरिली कडे ।

येयावेयाचि सवे चि आवियां मोडे ।

हें हृदयाचां डोहीं फुडे ।

तैसें कीजे ॥ ९ ॥

पारि हें तरी चि घडे । जरि संयमांचीं अखंडें ।
 सर्ब द्वारीं कवाडें । कलासति ॥ ११० ॥
 तरि साहाजें मन कोंडलें । हृदयीं चि असैल उगुलें ।
 जैसें करचरण मोडलें । परिवरु न संडी ॥ ११ ॥
 तैसें चित्त राहलेयां पांडवा । प्राणाचा प्रणवु चि करावा ।
 मग तो अनुवृत्तिपथें आणावा । मूर्धिवेन्हीं ॥ १२ ॥
 तेथ आकाशीं मीले न मीले । तैसा धरावा साधनबलें ।
 जवं मैत्रियाचें मावले । अर्धबिंब ॥ १३ ॥

ओमित्येकाक्षरं ब्रह्म व्याहरन्मामनुस्मरन् ।

यः प्रयाति त्यजन्देहं स याति परमां गतिम् ॥ १३ ॥

तवं वेरि तो समिरु । निरालीं कीजे स्थिरु ।
 मग लग्नीं जेवि ॐकारु । बिंबिं विलसे ॥ १४ ॥
 तैसें ॐ हें स्मरों सरे । आणि तेथ चि प्राणु पूरे ।
 मग प्रणवातीत उरे । पूर्ण घन जें ॥ १५ ॥
 झणौनि प्रणवैकनाम । हें एकाक्षर ब्रह्म ।
 जो माझे स्वरूप परम । स्मरतु सांता ॥ १६ ॥
 इया परीं त्यजी देहातें । तो त्रिशुद्धी पावे मातें ।
 जेया पावणेयां परौतें । आणिक नाही ॥ १७ ॥

अबन्धचेताः सततं यो मां स्मरति नित्यशः ।

तस्याहं सुलभः पार्थ नित्ययुक्तस्य योगिनः ॥ १४ ॥

येथ अर्जुना जरि विपायें । तूझां जीवीं ऐसें हान जाये ।
 मा हें स्मरण मग होये । काइसेया वरि अंतीं ॥ १८ ॥
 इंद्रियां अनुधाडु पडिलेयां । जीविताचें सुख बुडालेयां ।
 आंतु बाहिरि उघडलेयां । मृत्युचिन्हें ॥ १९ ॥
 तेव्हलि वैसावें चि कवणें । मग कवण निरुधी करणें ।
 तेथ काहाचेनि अंतःकरणें । प्रणवु स्मरावा ॥ १२० ॥

तरि आगा येया ध्वनी । ज्ञनें थारा देसि हे मनी ।
 पै सेविला मीं चि निदांनीं । सेवकुं होयें ॥ २१ ॥
 जे विषयांसि तिलांजुली देउनि । प्रवृत्ति वरि निगदु बाउनि ।
 मातें हृदयीं सूनि । भोगिताति ॥ २२ ॥
 पारि भोगितिया नाराणुका । भेटणें नाहीं क्षुधादिकां ।
 तेथ चक्षुरादि रांकां— । चा कवणु पाडु ॥ २३ ॥
 ऐसे निरंतर येकावटले । अंतष्करणें मज लिगटले ।
 मी चि होउनि आटले । उपासिति ॥ २४ ॥
 तेया देहावसान जै पावे । तैं तिहिं मातें स्मरावें ।
 मग मियां जरि पावावें । तरि उपासति ते काइसी ॥ २५ ॥
 पै रंक येक अडलेपणें । काकुलती धावां गा धावां झणे ।
 तरि तेयाचि ग्लानीं धावणें । न घडे काइ ॥ २६ ॥
 आणि भक्तां ही तैसी चि दशा । तरि भक्तिचा ही सोसु काइसा ।
 झणौनि हा ध्वनि ऐसा । वाखाणावा ॥ २७ ॥
 तिहिं जेव्हलिं मीं स्मरात्रा । तेव्हलिं स्मरला किं गा पांडवा ।
 तो आभार जीवा । साहावे ना ॥ २८ ॥
 तें रिणियेपण देखौनि आंगीं । मी आपुलेया उत्तीर्णत्वा लागि ।
 भक्तांची तनुल्यागीं । परिचर्या करीं ॥ २९ ॥
 येया देहवैकल्याचा वारा । झणें लागैल येया सकुमारां ।
 झणौनि आत्मभावांचां पांजरां । सुयें तेयांतें ॥ ३० ॥
 वरि आपुलेया स्मरणाची उपाइली । हींवं ऐसी करीं साउली ।
 ऐसेन नित्य बुद्धि सांचली । मि ल्यासि आणी ॥ ३१ ॥
 झणौनि देहांतिचें जें सांकडें । तें माझेयां एक ही न पडे ।
 मीं आपुलेयांतें आपुलिये कडे । सुखें चि आणीं ॥ ३२ ॥

वरिचीठ देहाची गवसणी फेड्ढनि ।

आहाच अहंकाराचें रज झाड्ढनि ।

शुद्ध वासना चि निवड्ढनि ।

आपणपां मेलवीं ॥ ३३ ॥

आणि तेयातें तन्हें देहीं । विशेष येकवंकैयेचा ठाओ नाही ।

ह्मणौनु अन्हेरुनु करितां काहीं । वियोगु ऐसें नावडे ॥ ३४ ॥

ना तरि देहांतीं चि मियां यावें । मग आपणपें तेयां नेयावें ।

हें इ नाही जे स्वभावे । ते आदीं चि मीनले ॥ ३५ ॥

येरि शरीराचां सलीलीं । असतेपण ते साउली ।

वांचूनि चंद्रिका ते ठेली । चंद्रीं चि आहे ॥ ३६ ॥

ऐसेनि जे नित्ययुक्त । तेयांसि सूलभू मी सतंत ।

ह्मणौनि विदेह निश्चित । मी चि होंति ॥ ३७ ॥

मामुपेत्य पुनर्जन्म दुःखालयमशाश्वतं ॥

नान्पुवंति महात्मानः संसिद्धिं परमां गताः ॥ १५ ॥

मग क्लेशतरुची वाडी । तापत्रयाग्नि चि सेगडी ।

जें हें मृत्युकागासि कुरौडी । सांडिली आहे ॥ ३८ ॥

जें दैन्याचें दूभतें । जें महाभयाचें वाढतें ।

जें सकल दुःखाचें पुरतें । भांडवल गा ॥ ३९ ॥

जें दुर्मतिचें मूल । जें कुकर्माचें फल ।

जें व्यामोहाचें केवल । स्वरूप चि ॥ ४० ॥

जें संसाराचें बैसणें । जें विकाराचें उदाणें ।

जें सकल रोगांसि भाणें । वाढलें आहे ॥ ४१ ॥

जें कालाचें खीचु उसिटा । जें आसेचा आंगवटा ।

जन्ममरणाचा अलिबटा । स्वभावे जें ॥ ४२ ॥

जें भूलिचें भरिवं । जें विकल्पाचें अतिवं ।

किंबहुना जें पेंव । विंचुवांचें ॥ ४३ ॥

जें व्याघ्राचें छत्र । जें पण्यांगनेचें मैत्र ।
 जें विषयविज्ञानयंत्र । संपूजित ॥ ४४ ॥
 जें लावेचा कलवला । निवालेया विषोदकाचा गलाला ।
 जे विश्वासु आंगवला । सवंचोराचा ॥ ४५ ॥
 जें कोटियाचें खेवं । जें कालसर्पाचें मार्दवं ।
 गोरिचें स्वभाव । गायन जें ॥ ४६ ॥
 जें वैरियांचा पाहुणरु । जें दुर्जनाचा आदरु ।
 हें असो जें सागरु । अनर्थाचा ॥ ४७ ॥
 जें स्वप्नें देखिलें स्वप्न । जें मृगजलें सांसिनलें वन ।
 जें धूम्ररजाचें गगन । ओललें आहे ॥ ४८ ॥
 ऐसें जें हें शरीर । तें ते पुडुतीं न पवती चि नर ।
 जे होउनि ठेले अपार । स्वरूप माझे ॥ ४९ ॥

आब्रह्मभुवनाल्लोकाः पुनरावर्त्तिनोऽर्जुन ।

मामुपेत्य तु काँतेय पुनर्जन्म न विद्यते ॥ ६६ ॥

यन्हविं ब्रह्मपणाचिये ही भडसे । न चुकती चि पुनरावृत्तिचे वलसे ।
 परि निवटिलेयाचें जैसें । पोट न दूखे ॥ ५० ॥
 ना तरि चेडलेया नंतरें । न बुडिजे स्वप्निचेनि मग पुरें ।
 तेवि मातें पातले संसारें । सिंपती चि ना ॥ ५१ ॥

सहस्रयुगपर्यंतमहर्ष्यब्रह्मणोविदुः ।

रात्रिं युगसहस्रांतां तेऽहोरात्रविदो जनाः १७ ॥

यन्हविं जगदक्षराचें सिरें । जें चिरस्थाइयांचिये धूरे ।
 ब्रह्मभुवन गा चवरे । लोकाचलाचें ॥ ५२ ॥
 जिये गात्रिंचा पाहारु दियां वेन्हीं ।
 येका अमरेंद्राचें आयुष्य न धरी ।
 विलौनि पांति उठी येकसरी ।
 चौदा जणाची ॥ ५३ ॥

जें चौकडिया सहस्रु जाये । तै ठाये ठाऊ वोल्लु होये ।
 आणि तैसेनि सहस्रें भरियें पाहे । राति जेथ ॥ ५४ ॥
 येवढें अहोरात्र जेथिचें । ते न लोटती चि जे भाग्याचे ।
 देखति ते स्वर्गिचे । चिरंजीवी ॥ ५५ ॥

येरां सुरगणांची नवाई । विशेष सांघावी एथ काई ।
 मुदलां इंद्राची चि दशा पाई । जें देहाचे चौदा ॥ ५६ ॥

अव्यक्ताव्यक्तयः सर्वाः प्रभवन्त्यहरागमे ।

राश्यागमे प्रलीयन्ते तत्रैषाव्यक्तसंज्ञके ॥ १८ ॥

परि ब्रह्मेयाधिया ही पाहारार्ते । आपुलां डोला देखते ।
 आहाति गा तेयांतें । अहोरात्रविद ह्याणिपे ॥ ५७ ॥
 तिये ब्रह्मभवनी जेव्हळिं पाहे । तेव्हळिं गणना केहिं न माये ।
 ऐसें अव्यक्ताचें होये । व्यक्त विश्व ॥ ५८ ॥
 पुढुतीं देहाची चौपाहारी फाटे । आणि हा आकारसमुद्रु आटे ।
 पाठिं तैसा चि मग पाहाटे । भरों लागे ॥ ५९ ॥

भूतग्रामः स एवायं भूत्वा भूत्वा प्रलीयते ।

राश्यागमेऽवशः पार्थ प्रभवत्यहरागमे ॥ १९ ॥

शारदियेचां प्रवेशीं । अत्रे जिरति आकाशीं ।
 मग प्रीष्मार्तीं जैसीं । निगति पुढुतीं ॥ १६० ॥
 तैसी ब्रह्मदिनांचिये आदिं । इये भूतसृष्टिची मांदी ।
 मिळे जवं सहस्रावधी । निमति युगे ॥ ६१ ॥
 पाठिं रात्रिचा अवसरु होये । आणि विश्व हें अव्यक्तीं लया जाये ।
 तो ही युगसहस्रु मोटका पाहे । आणि तैसें चि रचे ॥ ६२ ॥

परस्तस्मात्तु भावोऽन्योऽव्यक्तो व्यक्तात्सनातनः ।

यः स सर्वेषु भूतेषु नश्यत्सु न विनश्यति ॥ २० ॥

हें सांघावेया काये उपपत्ती । जें जगाचा प्रलयो संभूति ।
 इयें ब्रह्मभुवनिचिया होंति । अहोरात्रां माझि ॥ ६३ ॥

कैसें थोरिबेचें मान पाहे पां । तें सृष्टिवीजांचा होये किं सांठपा ।
 परि पुनरावृत्तिचेया मापा । सीग जाले ॥ ६४ ॥
 यन्हविं त्रेलोक्य हें धनुर्दरा । तिथे गाविंचा गा पसारा ।
 नव्हे दीनोदर्यां एकसरा । मांडतसे ॥ ६५ ॥
 पाठिं रात्रिचा समो पावे । आणि आपैसेया चि सांठवे ।
 ह्यणिपे जेथिचें तेथ स्वभावे । साम्यासि ये ॥ ६६ ॥
 जैसें वृक्षपण बीजासि आलें । कां मेव हे मगर्मीं जाले ।
 तैसें अनेकत्व जेथ सामावलें । तें साम्य ह्यणिपे ॥ ६७ ॥
 तेथें समविषम न दिसे काहीं । ह्यणुनि भूतें हे भाष नाहिं ।
 जेवि दूध चि जालेयां दहीं । नामरूप जाये ॥ ६८ ॥
 तेवि आकारलोपा सरिसें । जगाचें जगपण भ्रंशे ।
 परि जेथ जालें तें जैसें । तैसें चि उरे ॥ ६९ ॥
 तें तेया नावें सहजें अव्यक्त । आणि आकारवेले तें चि होये व्यक्त ।
 हें येकातव एक सूचत । येन्हविं तारि नाहीं ॥ ७० ॥
 जैसीं आटलेयां स्वरूपें । आटलेपणातें खोटी ह्यणिपे ।
 पुडुतीं तो घनाकार हारपे । जेव्हालिं अलंकार होंति ॥ ७१ ॥
 श्यें दोन्हीं जैसीं होणीं । एकी साक्षिभूतें मुवर्णी ।
 तैसी व्यक्ताव्यक्ताची कडसणी । वस्तु चि ठाई ॥ ७२ ॥
 तें तारि व्यक्त ना अव्यक्त । नित्य ना नाशवंत ।
 येयां दोहीं भावां अतीत । अनादिसिद्ध ॥ ७३ ॥
 जें हें विश्व चि होउनि असे । परि विश्वपणें नाशलेनि नशे ।
 आखरें पूसिलेयां न पूसे । अर्थु जैसा ॥ ७४ ॥
 पाहे पां तरंग तारि होंत जांते । परि तेथें उदक तें अखंड असतें ।
 तेवि भूतभावीं नाशवंत । अविनाश जें ॥ ७५ ॥
 ना तारि भाटतिये अलंकारीं । नाटतें कनक आहे जिया परीं ।
 तेवि मरतिये जीवाकारीं । अमर जें आहे ॥ ७६ ॥

अव्यक्तोऽक्षर इत्युक्तस्तमाहुः परमां गतिम् ।

यं प्राप्य न निवर्तते तद्भ्राम परंम मम ॥ २१ ॥

जेयातें अव्यक्त हणों ये कोडें । हणतां स्तुति हें ऐसे नांवडे ।

जे मना बुद्धी न संपडे । हणौनियां ॥ ७७ ॥

आणि आकारा आलेयां जेयाचें । निराकारपण न वचे ।

आकारलोपीं न विसंचे । नित्यता गा ॥ ७८ ॥

हणौनि अक्षर जें हणजे । तेविं चि हणतां बोधु ही उपजे ।

तेया परौता पैसु न देखिजे । येया लागि परमगति जें ॥ ७९ ॥

पुरुषः स परः पार्थ भक्त्या लभ्यस्त्वनन्यया ।

यस्यांतःस्थानि भूतानि येन सर्वमिदं ततम् ॥ २२ ॥

पैं आघवां इहीं देहपूरीं । आहे निदलेयाचिया परीं ।

जे व्यापार करवी ना करी । हणौनियां ॥ ८० ॥

यन्हविं शरीरीं चेष्टां । माझि येकि ही न ठके गा सूभटा ।

दाहीं इंद्रियांचिया वाटा । वाहाति चि आधि ॥ ८१ ॥

उकलु विषयांचिया पेंठा । होंत मनाचां चौहटां ।

तो सुखदुःखाचा राजवंटा । भितरा ही पावे ॥ ८२ ॥

परि तें रा३० पौढलेयां सुखें । जैसा देशिचा व्यापार न ठके ।

प्रजा आपुलेनि अभिलाखें । करित चि असे ॥ ८३ ॥

तैसें बुद्धिचें हान जाणणें । कां मनाचें घेणें देणें ।

इंद्रियांचें करणें । स्फुरण वायुचें ॥ ८४ ॥

हे देहक्रिया आघवी । न करवितां होये बरवी ।

जैसा नचलतेनि रवी । लोकु चले ॥ ८५ ॥

अर्जुना तया परीं । सूतला आहे शरीरीं ।

हणौनि पुरुषु गा अवधारीं । हणपे जेयातें ॥ ८६ ॥

आणि प्रकृती पतिव्रते । पडिला येकपत्निव्रतें ।

येणें हीं कारणें जेयातें । पुरुषु हणों ये ॥ ८७ ॥

पै येया वेदांचे बौहसपण । देखे चि ना जेयाचें आंगण ।
 हें गगनाचें पांगुरण । होये देखों ॥ ८८ ॥
 ऐसें जाणौनि योगीश्वर । जयातें ह्यणति परात्पर ।
 जें अनन्य गतिचें घर । गिवसित ये ॥ ८९ ॥
 जें तनुवाचाचितें । नाइकति दूजेयाचिये गोठितें ।
 तेयां येकनिष्ठांचें पीक तें । सुक्षेत्र जें ॥ १९० ॥
 हें त्रैलोक्य चि पुरुषोत्तमु । ऐसा साचु जेयांचा मनोधर्मु ।
 तेयां आस्तिकां जें आश्रमु । पांडवा गा ॥ ९१ ॥
 जें निगर्वाचें गोरव । निर्गुणाची जाणिव ।
 सुखाची राणिव । निराशांसि ॥ ९२ ॥
 जें संतोषियां वाढलें ताट । जें अचितें अनाथांचें पोट ।
 भक्ति उजू वाट । जेया गावां ॥ ९३ ॥
 हें येकैक सांघौनि वायां । काइ फार करुं धनंजया ।
 पै गेल्यां जेया ठाया । ठाउ चि होइजे ॥ ९४ ॥
 हिंवांचिया झुलुका । जैसें हिंवां चि पडे उष्णोदका ।
 कां समोर जालेयां अर्का । तम प्रकाशु होये ॥ ९५ ॥
 तैसा संसारु जेया गावां । गेला सांता पांडवा ।
 होउनि ठाकू आघवा । मोक्षाचा चि ॥ ९६ ॥
 मग अग्नी माझि आलें । जैसें इंधन चि अग्नि जालें ।
 पाठिं न निवडे चि काहीं केलें काष्टापण ॥ ९७ ॥
 ना तारि साखरेचा माघौता । बुद्धिमंतपणें हीं करितां ।
 पारिं जुंसु नव्हे चि पांडुमुता । जिया परीं ॥ ९८ ॥
 लोहाचें कनक जालें । हें येकें चि परिसें केलें ।
 आतां आणिकु कैचा जो गेलें । लोहत्व आणी ॥ ९९ ॥
 ह्यणौनि तूप होइनि माघौतें । जेवि दूधपणां नैये चि निरुतें ।
 तेवि पावौनियां जेयातें । पुनरावृत्ति नाहीं ॥ २०० ॥

हैं गा माझे परम । साचोकारें निजधाम ।

हैं आंतुवट तुज वर्म । दाविजत असे ॥ १ ॥

यत्र काले त्वनावृत्तिमावृत्तिं चैव योगिनाः ।

प्रयाता यांति तं कालं वक्ष्यामि भरतर्षभ ॥ २३ ॥

तेषु चि आपिकें प्रकारें । हैं जाणतां आहे सोपायें ।

तारि देह सांडितेनि अवसरें । जेथ मिलति योगी ॥ २ ॥

अथवा अवचटें ऐसें ही घडे । अनवसरें देह सांडे ।

तैं माघौतें येणें पडे । देहासि चि ॥ ३ ॥

सगौनि कालशुद्धी जरि ठेविति । तारि ठेवित खे३० ब्रह्म चि ह्योति ।

यन्हवि अकालें तारि येति । संसारा पुढुतीं ॥ ४ ॥

ऐसें सायुज्य आणि पुनरावृत्ति । इयें दोन्हीं अवसरा अधीनें आहाति ।

तो चि अवसरु तुज प्रति । प्रसंगें सांघों ॥ ५ ॥

अग्निज्योतिरहः शुक्लः पण्मासा उत्तरायणम् ।

तत्र प्रयाता गच्छंति ब्रह्म ब्रह्मविदो जनाः ॥ २४ ॥

तारि भाइकें गा सुभटा । पातलेंयां भ्ररणाचा मज्जिघटां ।

पांच ही आपुलालिया घाटा । निगति आतीं ॥ ६ ॥

ऐसां वरिपडिलां प्रयाणकालीं । बुद्धितें कां भ्रमुनि गीली ।

स्मृति नोहे आंधली । न मरे मन ॥ ७ ॥

हा घेवणावर्गु चि आघवा । मरणीं असे उच्छवा ।

परि अनुभवलेया ब्रह्मभावा । गवसणी हीउनि ॥ ८ ॥

ऐसा साधु हा समवा३० । आणि निर्वाणवेन्हीं निर्वाहो ।

हें तरी चि घडे जरि सावा३० । अग्निचा आधि ॥ ९ ॥

पाहे पां वारेनि कां उदकें । जें दीवियाचें दीवेषण हांके ।

तैं असती चि काइ देखे । दीठि आपुली ॥ २१७ ॥

तैसें देहांतिचेनि विषमवाते । देह आंतुबाहिरि श्लेषु आते ।

तेणें विश्नौनि जाये उदितें । अग्निचें जेव्हां ॥ ११ ॥

तेव्हलि प्राणासि प्राणु नाही । तेथ बुद्धि असौनि करील काइ ।
 ह्यणौनि अग्नि विण देहीं । चेतना न थरे ॥ १२ ॥
 आगा देहिचा अग्नि जारि गेला । तरि तें देह नोहे तो चि खलु बोला ।
 बायां आयुष्य वेळु आपुला । आंधारां गिवसी ॥ १३ ॥
 आणि मागील स्मरण आघवें ।
 तें तेणें अवसरें सरिसें सांभालवें ।
 मग देह तेजूनि मिलावें ।
 स्वरूपीं किं ॥ १४ ॥
 तव तेया श्लेष्माचां चिखलीं । चेतना चि बुडौनि गेलीं ।
 येथ मागिल पुढैलि ठेली । आठवण सहाजें ॥ १५ ॥
 ह्यणौनि आदिं चि जो अभ्यासु केला ।
 तो मरण नैयंतां निमौनि गेला ।
 जैसैं ठेवणें नेदखतां माल्हवला ।
 दीपु हातिचा ॥ १६ ॥
 आतां असो हें सकल । जाण पां ज्ञानासि अग्नि मूल ।
 तेया अग्निचें प्रयाणीं बल । संपूर्ण आधि ॥ १७ ॥
 आंतु अग्निर्ज्यातिचा प्रकाशु । बाहिरि शुक्लपशु परि दिवसु ।
 आणि सां मासां माझि मासु । उत्तरायणां ॥ १८ ॥
 ऐसेया समा योगाची निरुती । लाहुनि जे देह ठेविति ।
 ते ब्रह्मविद होंति । परब्रह्म ॥ १९ ॥
 अवधारिं गा धनुर्दरा । येथ थोर सामर्थ्य येया अवसरा ।
 तेविं चि हा उजू मार्गु स्वपुरा । येयावेया ॥ २२० ॥
 येथ अग्नि हें पहिलें पैयारें । ज्योतिर्मय हें दुसरें ।
 दिवसा जाणें तिसरें । चौथा शुक्लपशु ॥ २१ ॥
 आणि सामास उत्तरायण । तें वरिचिल गा सोपान ।
 येणें सायुज्यसिद्धिसदन । पावति योगी ॥ २२ ॥

हा उत्तमु कालु जाणिजे । येयातें चि अर्चिरमार्गु ह्यणिजे ।
आतां अकालु तो ही साहाजें । सांघौनि आइकें ॥ २३ ॥

धूमो रात्रिस्तथा कृष्णः षणमासा दक्षिणायनम् ।

तत्र चांद्रमसं ज्योतिर्योगी प्राप्य निवर्तते ॥ २५ ॥

तरि प्रयाणाचेनि अवसरें । वात श्लेष्मु सुभरें ।

तेणें अंतष्करणें आंधरें । कोंदौनि ठाके ॥ २४ ॥

सर्वेंद्रियां लांकुड पडे । स्मृति भ्रमा माक्षि बुडे ।

मन होथे वेडें । कोंडे प्राणु ॥ २५ ॥

अग्निचें अग्निपण जाये । मग तो धूमिचा आघवा होये ।

तेणें चेतना गवली ठाये । शरीरिंची ॥ २६ ॥

जैसें चंद्रा आड आभाल । सदट दाटे सजल ।

मग गडद नां उजल । ऐसें झावलें होये ॥ २७ ॥

कां मरे ना सावध । ऐसें जीविता पडे स्तब्ध ।

आयुष्यमरणाची मर्याद- । मेलें टाकी ॥ २८ ॥

ऐसी मनीं बुद्धि करणीं । सुभति धूमाकुलाचीं कोंडणीं ।

जेथ जन्में जोडिलिये वाहाणीं । युग चि बुडे ॥ २९ ॥

हां गा हातिचें जेव्हलें जाये ।

तेव्हलि आणिका लाभाची गोठि कें आहे ।

ह्यणौनि प्रयाणीं तथं होये ।

येतुली दशा ॥ २३० ॥

आणि देहांतु ऐसी स्थिति । बाहिरि कृष्णपशु वारि राति ।

आणि सा मास ते ही वोडवति । दक्षिणायन ॥ ३१ ॥

इयें पुनरावृत्तिचीं घराणीं । आघवीं येकावटति जेयाचां प्रयाणीं

तो स्वरूपसिद्धिचीं काहाणी । कैसेनि आइके ॥ ३२ ॥

ऐसा जेयाचें देह पडे । योगी ह्यणौनि चंद्रु वेव्हो जाणें घडे ।

मग तेथौनु माघौता बहुडे । संसारा ये ॥ ३३ ॥

आह्नि अकालु जो पांडवा । हणितला तो हा जाणावा ।
 आणि हा चि धूम्रमार्गु गावां । पुनरावृत्तिचेया ॥ ३४ ॥
 येरु अर्चिरामार्गु । तो वसता आणि आसलगु ।
 सावियां स्वस्थु चांगु । निवृत्ति वेन्हीं ॥ ३५ ॥

शुक्लकृष्णे गती ह्येते जगतः शाश्वते मते ।

एकया यात्यनावृत्तिमन्ययावर्तते पुनः ॥ २६ ॥

ऐसिया अनादि इया दोन्हीं वाटा । येकि उजू येकि अन्हांटा ।
 हणौनि बुद्धिपूर्वक सूभटा । दाविलिया तुज ॥ ३६ ॥
 कां जे मार्ग अमार्ग देखावे । साच लटकें ओलखावें ।
 हिताहित जाणावें । हिता चि लागि ॥ ३७ ॥
 पाहे पां नाव देखतां बरवी । कोण्हे आड घाली काइ अथावीं ।
 कां मुयंथु जाणौनि अडविं । रिगत असे ॥ ३८ ॥
 जो विष अमृतें ओलखे । तो अमृत काइ सांडूं शके ।
 तेवि उजू वाट देखे । तो अन्हाटेनि न वचे ॥ ३९ ॥
 हणौनि गा फुडे । पारिखावें खरें कुडें ।
 पारिखिलें तरि न पंडे । अखरें कहीं ॥ २४० ॥
 येन्हविं देहांती थोर विषम । येयां मार्गाचें आहे संभ्रम ।
 जन्में अभ्यसिलेयाचें हें काम । जाईल वायां ॥ ४१ ॥
 जरि अर्चिरामार्गु चूकलेयां । अवचटें धूम्रपथिं च पडिलेयां ।
 तरि संसारपांती जूतलेयां । भवंतां चि असावें ॥ ४२ ॥
 हे सायास देखां मोटे । आतां कैसेनि पां येकोल फीटे ।
 हणौनि योगीं मार्ग गोमटे । शोधिले दोन्हीं ॥ ४३ ॥
 तव एके ब्रह्मत्वा जाइजे । आणि एके पुनरावृत्ती येइजे ।
 पारि दैवगत्या जो लाहिजे । देहांतीं जेणें ॥ ४४ ॥

नैते सृती पार्थ जानन्योगी मुह्यति कश्चन ।

तस्मात्सर्वेषु कालेषु योग्युक्तो भवार्जुन ॥ २७ ॥

तेहळिं झणितलें हें नव्हे । वायां अवचटें काइ पावे ।
 देह जाउनु वस्तु होआवें । मार्गें किं ॥ ४५ ॥
 तारि आतां देह असो अथवा जाओ । आझीं तंव वस्तूचि केवळ आहों ।
 कां दोरी सर्पत्व वाओ । दोराचिया कडौनि ॥ ४६ ॥
 मज तरंगपण असे कां नसे । ऐसें उदकासि काहीं प्रतिभासे ।
 तें भले तेव्हां जैसें तैसें । उदक चि किं ॥ ४७ ॥
 तरंगाकारें न जन्मे चि । ना तरंगलोपे नाशे चि ।
 तेवि विदेह जे देहें चि । वस्तु जाले ॥ ४८ ॥
 आतां शरीराचें जेयाचां ठांडें । अडिनावं हीं उरलें नाहीं ।
 तारि कोणें कालें काइ । निमे तें पाहे पां ॥ ४९ ॥
 मग मार्ग ते काइसेया शोधवे । कवणें कोठूनि कें जावें ।
 जरि देशकालादि आघवें । आपणपां चि असिजे ॥ २५० ॥
 आणिक हां गा घटु जेव्हळिं फूटे ।
 तेव्हां तेथिचें आकाश लागे काइ येकी वाटे ।
 मग वाटा लागे तारि गगना भेटे ।
 येव्हविं चूके ॥ ५१ ॥
 पाहे पां ऐसें हान आहे । किं तो आकार चि झणें जाये ।
 येर गगन तें गगनीं चि आहे । घटत्वा हीं आदीं ॥ ५२ ॥
 ऐसेया बोधाचेनि सुरवाडें । मार्गामार्गिचें सांकडें ।
 तेयां सोहंसिद्धां न पडे । योगियांसि ॥ ५३ ॥
 येया कारणें पांडुसुता । तुवां होआवें गा योगयुक्तां ।
 येतुलेनि सर्वकालीं साम्यता । आपणपां येईल ॥ ५४ ॥
 मग भले तेथ भले तेधवां । देहबंधु असो अथवा जावा ।
 पारि अबंधा नित्यभावा । विघडु नाहीं ॥ ५५ ॥
 तो कल्पादि जन्मां नांगवे । आणि कल्पांतीं मरणा नाहवे ।
 माशि स्वर्गसंसारचेनि लाघवें । झांकेवेना ॥ ५६ ॥

येणें बोधें जो योगिया होये । तेयासि यया बोधाचें नीटपण आहे ।
 कां जें भागार्ते पेल्लनि पाणें । निजरूपा ये ॥ ५७ ॥
 पै गा इंद्रादिकां देवां । जियां सर्वस्वें गाजति राणिवा ।
 तें सांडणें मानुनि पांडवा । डावली जो ॥ ५८ ॥

बेदेषु यज्ञेषु तपस्सु चैव दानेषु यत्पुण्यफलं प्रदिष्टम् ।
 भस्येति तत्सर्वमिदं विदित्वा योगी परं स्थानमुपैति चाद्यम् ॥२८॥

जन्हीं वेदाध्ययनाचें जालें । अथवा यज्ञाचें सेत चि पीकलें ।
 कां तपोदानाचें जोडलें । सर्वस्व हान जें ॥ ५९ ॥
 तेयां आघवेयां चि पुण्यांचा मेल ।
 भार आतौनि जेया ये फला ।
 जें परब्रह्म निर्मला ।
 साठिं सरे ॥ २६० ॥
 जें वीटे ना सरे । भोगितेयाचेनि पवाडें पूरे ।
 पुढुर्ती महासुखाचें सोइरें । भाउंड चि पां ॥ २६१ ॥
 जें नित्यानंदाचेनि मानें । उपमेचा काटालां न दिसे सानें ।
 पाहे पां वेदयज्ञादिसाधनें जेया सुखा ॥ ६२ ॥
 ऐसें दृष्ट चि सुखपणें । जेयासि अदृष्टाचे बैसणें ।
 जें शतमूर्खीं हीं आंवगणें । नव्हे चि येकां ॥ ६३ ॥
 तेयार्ते योगीश्वर अलौकिकें । दीठिचेनि हाततुकें ।
 अनुमानिति कवतिकें । तत्रं हल्लवट आवडे ॥ ६४ ॥
 मग तेया चि सुखाचीं किरीटी । करूनियां गा पाउटी ।
 परब्रह्माचिये पाटीं आरूढति ॥ ६५ ॥
 ऐसें चराचरैक्यभाग्य । जें ब्रह्मेशां आराधनायोग्य ।
 जें योगियांचें भोग्य । भोगधन जो ॥ ६६ ॥
 जो सकलकलांची कला । जो परमानंदाचा पूतला ।
 जो जीवांचा जीवाला । विश्वाचेया ॥ ६७ ॥

जो सर्वज्ञतेचा ओलावा । जो यादवकुलिचा कुलैवा ।
 तो कृष्ण जी पांडवा । प्रतिबोलिला ॥ ६८ ॥
 ऐसा कुरुक्षेत्रीचा वृत्तांतु । संजयो रायासि असे सांगतु ।
 ते परियसां पुढां मातु । ह्मणे ज्ञानदे३० निवृत्तिचा ॥ २६९ ॥

अंस्तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे परब्रह्मयोगो नाम
 अष्टमोऽध्यायः ॥

॥ श्रीसर्वात्मकहरिगुरुशिवापार्णमस्तु ॥



ज्ञानेश्वरी

अध्याय नववा

श्रीगणेशायनमः ॥

तरि अवधान एकलें देइजे । मग सर्वसुखांसि पत्र धेइजे ।
हें प्रतिबोत्तर माक्षें । उघड आइकां ॥ १ ॥
परि प्रौढि न बोलें हो जी । तुह्मां सर्वज्ञाचां समार्जी ।
देयां अवधान ह्मणे हे माझी । विनवणी सलगी ॥ २ ॥
कां जे ललेयाचे लले सरति । मनोरथाचे मनौरे पुरति ।
जारि माह्यरें श्रीमंतें होति । तुह्मा ऐसीं ॥ ३ ॥
तुमचेया दीठिवेयाचिये खोले । सांसिनले प्रसन्नतेचे मले ।
ते साउली देखौनि लोले । श्रांतु जी मी ॥ ४ ॥
तुह्मीं सुखामृताचे डोहो । ह्मणौनि आपुलिया सवें वोल्हावों लाहों ।
आणि एथ ही सलगी करुं जरि बीहों । तारि निवों कें पां ॥ ५ ॥
आणि बालक बोबडां बोलीं । कां वांकुडां विचुकीं पाउलीं ।
चोज करुनि माउली । रिझवी । जेवि ॥ ६ ॥
तेवि तुह्मां संतांचा पढियो । कैसेनि तन्हीं आह्मावारि हो ।
इया बहुवा अलुकी जी आहों । सलगी करित ॥ ७ ॥
वांचूनि माक्षिये बोल्लिये योग्यते । सर्वज्ञ भवाद्दश श्रोतें ।
काह धडेयावारि स्मरस्वतें । पढों सिकिजे ॥ ८ ॥

अवधारां आवडे तेसणा धुंधुरुं । परि महातेजीं न मिरवे काइ करं ।
 अमृताचां ताटीं वोगरं । ऐसिं रसोयें कैचीं ॥ ९ ॥
 हां हो हिमकरा वीजणे । किं नादापुढां आइकवणें ।
 लणेयांसि हें लणें । केहीं आहे ॥ १० ॥
 सांघां परिमलें काइ तुरुबावें । सागरें कवणी ठांइ नाहावें ।
 हें गगन चि अडे आघवें । ऐसा पत्राडु कैचा ॥ ११ ॥
 तैसें तुमचें अवधान धाए । आणि ह्मणो हें देखों होथे ।
 ऐसें वक्तृत्व कवणातें आहे । विचारिजो ॥ १२ ॥
 तन्हीं विश्व प्रकटितेया गभस्ती । हाथिवेनि किजे काइ धारति ।
 कीं चूलोदकें अपांपती । अर्घ्यु न दीजे ॥ १३ ॥
 प्रभू तुझी महेशाचिया मूर्ती । आणि मीं दुबला अर्चितसें भक्ति ।
 ह्मणौनि बोलु जन्हीं गंगावती । तन्हीं स्वीकराल ॥ १४ ॥
 बाल बापाचां ताटीं रिगे ।
 रिघौनि बापातें चि जेवउं लागे ।
 किं तो संतोषाचेनि वेगें ।
 मुख ओडवी ॥ १५ ॥
 तैसा मीं जन्हीं तुझाप्रति । चावटै करितसें बालमंती ।
 तन्हीं तुझीं संतोषिजे ऐसी चि जाति । स्नेहाचि एयां ॥ १६ ॥
 आणि तेणें आपुलेपणाचेनि मोहें ।
 तुझीं संत घेतले आहा बौहें ।
 ह्मणौनि केलिये सलगिचा नोहे ।
 भारु तुझां ॥ १७ ॥
 आहो तान्हेयांची लागे झटे ।
 तारै तेणें अधिकें चि पान्हा फूटे ।
 होसें प्रेम दूणावटे ।
 पढिबंतोयाचेनि ॥ १८ ॥

झणौनि मज लेंकुरुवाचेनि बोलें । तुमचें कृपालुपण निदेलें ।
 चेइलें हें जी जाणावलें । एया लागि बोलिलां ॥ १९ ॥
 यन्हविं चांदिणें पिकविजत आहे काइ चेंपणीं ।
 किं वारेया घापत आहाति वाणीं ।
 हां हो गगना गवसणी ।
 गुंफिजतसे ॥ २० ॥
 आइकां पाणीं बोधिजवावें न लगे ।
 नवनीतीं माथुला न लगे ।
 छाजिलों वाखाणुं न निगे ।
 देखौनि जेयातें ॥ २१ ॥
 हें असो शब्दब्रह्म जिये वाजे । शब्दु मावल्लेयां निवांत मिदिजे ।
 तो गीतार्थु मन्हाटिया बोलिजे । हा पाडु काइ ॥ २२ ॥
 पारि ऐसा ही मज धिवंसा । तो पुडुतीं एया चि एकी आशा ।
 जें धीटीवं करुनि भवादृशां । पढियंतेयां होआवें ॥ २३ ॥
 तारि आतां चंद्रापासौनि निववितें । जें अमृता ही हूनि जिववितें ।
 तेणें अबधानें कीजो वाढतें । मनोरथां माझेया ॥ २४ ॥
 कां जें दीठिवा तुमचा वर्षे । तें सकलार्थसिद्धी मति पीके ।
 एन्हविं कोंभैला उन्मेखु सुके । जरि उदास तुह्मीं ॥ २५ ॥
 साहाजें तन्हीं अवधारा । वक्तृत्वा अवधानाचा होये चारा ।
 तें दोदें पेलति अक्षरां । प्रमेयाचिं ॥ २६ ॥
 अर्थु बोलाची वाट न पाहे । तेथ अभप्रा३० चि अभिप्रायातें विये ।
 भावांचा फुल्लौरा होतु जाये । मती वारि ॥ २७ ॥
 झणौनि संवादाचा सुवा३० ढले । तारि हृदयाकाश सारस्वतें ३०ले ।
 श्रोता दुचिता तारि वितुले । मांडला रसु ॥ २८ ॥
 आहो चंद्रकांतु द्रवता किरु होये । पारि ते हातवटी चंद्रिं किं आहे ।
 झणौनि वक्ता चि वक्ता न्हवे । श्रोतेनि विण ॥ २९ ॥

परि आतां आमुरें गोडां करावें ।

ऐसें तांदुलें काइसेयां विनवावें ।

साईखेडेनि कां प्रार्थावें ।

सूत्रधारातें ॥ ३० ॥

तो काइ बाउलेयांचां काजा नाचवी ।

किं आपुलिये जाणिवेची कला वाढवी ।

हणौनि आह्मां येया ठेवाठेवी ।

काइ काज ॥ ३१ ॥

तवं गुरु हणति काइ जालें । हें समस्त ही आह्मां पातलें ।

परि आतां सांघें जें बोलिलें । नारायणें ॥ ३२ ॥

श्रीभगवानुवाच ॥

इदं तु ते गुह्यतमं प्रवक्ष्याम्यनसूयवे ।

ज्ञानं विज्ञानसहितं यज्ज्ञात्वा मोक्ष्यसेऽशुभात् ॥ १ ॥

एथ संतोखेंसां निवृत्तिदासें । जी हणौनि उल्हासें

अवधारां कृष्णु ऐसें । बोलते जाले ॥ ३३ ॥

अर्जुना हें चि बीज । पुडुतीं सांघिजैल तूज ।

जें अतष्करणिचें गुज । जिवाचिये ॥ ३४ ॥

एणें मानें जिवाचें हियें फोडावें ।

मग गुज कां पां मज सांघावें ।

ऐसें काहीं स्वभावें ।

कल्पिसि जारि ॥ ३५ ॥

तरि परियसैं प्राज्ञा । तूं आस्थेची संज्ञा ।

बोलिलिये गोठी अवज्ञा । नेणसि करुं ॥ ३६ ॥

हणौनि गूढपण आपुलें मोडो । वरि बोलणें हीं बोलावें ६

परि आमचिये जीविचें पडो । तूज्ञां जीविं ॥ ३७ ॥

आगा थानी कीरु दूध गूढ ।
 परि थानासी चि न्हवे किं गोड ।
 हणौनि सरो कां सेवितेयाची चाड ।
 जरि अनन्यु मिले ॥ ३८ ॥
 मूडांहूनि विं काढिलें । मग निरोलिलिये भुईं पाखिरिलें ।
 तरि तें सांडीविखुरी गेलें । हणों ये काइ ॥ ३९ ॥
 एया लागि सुमनु आणि शुद्धमति ।
 जो अनिंदकु आणि अनन्यगति ।
 पै गोप्य परि तेया प्रति ।
 चावलजे ॥ ४० ॥
 तरि प्रस्तुत आतां गुणीं इहीं । तुज वांचूनि आनु नाहीं ।
 हणौनि गुज तन्हीं तुझां ठाई । लपौं नैए ॥ ४१ ॥
 आतां केती नावां नावां गूज ।
 हणतां कानडें हान आवडैल तुज ।
 तरि सांघौनि ज्ञान सहज ।
 विज्ञानेंसीं ॥ ४२ ॥
 परि तें चि ऐसेनि निवाडें । जैसें भांसललें खरें कुडें ।
 मग काढिजति फाडे । वरि पारिखौनियां ॥ ४३ ॥
 कां चांचोडाचेनि सांडसें । खांडिजे पयपाणी राजहंसें ।
 तुज ज्ञानविज्ञान तैसें । वांटूनि देऊं ॥ ४४ ॥
 मग वारेयाचां धारसां । पडिला कोंडा नुरे चि जैसा ।
 आणि अवकणाचा आपैसा । राशि जोडे ॥ ४५ ॥
 तैसी जे विवंचना जाणितलेया चि साठिं ।
 संसारू चि संसाराचिया गांठी ।
 लाउनि बैसवी पाटिं ।
 मोक्षश्रियेचां ॥ ४६ ॥

जेयां जाणणेया विद्यांचां गावीं । गुरुत्वाची आचार्यपदम्नी ।
 जें सकल गुह्यां गोसांविं । पवित्रां रा३० ॥ ४७ ॥
 आणि धर्माचें निजधाम । तेविं चि उत्तमाचें उत्तम ।
 जेया येतां नाही काम । जन्मांतराचें ॥ ४८ ॥
 मोठकें गुरुमुखि उदैजत दीसे ।
 आणि हृदयीं स्वयंभ चि असे जैसें ।
 प्रत्यक्ष फावों लागे तैसें ।
 आपैसेया ॥ ४९ ॥
 तेविं चि पै गा सुखाचां पाउटीं । चडतां येइजे एया भेटी ।
 मग भेटलेयां कीर मीठी । भोगणेयां हीं पडे ॥ ५० ॥
 परि भोगाचिये अइली कडे मेरे ।
 चित्त उभें ठेलें चि सुखा भरे ।
 ऐसें सुलभ आणि सोपारें ।
 वरि परब्रह्म ॥ ५१ ॥

राजविद्या राजगुह्यं पवित्रमिदमुत्तमम् ।

प्रत्यक्षाद्यगमं धर्म्यं सुसुखं कर्तुमव्ययम् ॥ २ ॥

तेविं चि पै गा आणिक ही एक येयाचें ।
 जें हातां आलें तारि न वेचे ।
 आणि अनुभवितां कहीं न वेचे ।
 वरि वीटे ही नां ॥ ५२ ॥
 एथ जरि तार्किका । ऐसी हान घेसी शंका ।
 नां येवढी वस्तु हे लोका । उरली केवि पां ॥ ५३ ॥
 तारि पवित्र होये आणि रम्य ।
 तेविं चि सुखोपायें चि अवगम्य ।
 आणि स्वयं सुख परि धर्म्य ।
 वरि आपणपां जोडे ॥ ५४ ॥

ऐसा आघवा चि सुखाडु आहे । तरि जना केवि पां उरोलाहे ।
हा शंकेचा ठाउं किर होये । परि ते न करावी आइकें ॥ ५५ ॥

अश्रद्धधानाः पुरुषा धर्मस्यास्य परंतप ।

अप्राप्य मां निवर्तते मृत्युसंसारवर्त्मनि ॥ ३ ॥

पाहे पां दूध पवित्र आणि गोड ।

पासिं चि त्वचेचिया पदरासि आड ।

परि ते अन्हेरुनि ते मूड ।

अशुद्ध काइ नेघति ॥ ५६ ॥

कां कमलकंदा आणि दर्दुरीं । नांदणुक तरि येका चि घरीं ।

परि पराग सेविजे भ्रमरीं । एरीं चिखळू चि उरे ॥ ५७ ॥

ना तरि निदेवांचां परिवरीं । लोहीरुतलिया आहातिसहस्रवेरी ।

परि ते तेंथे असौनि उपवास चि करी अथवा दरिद्रें जिये ॥ ५८ ॥

तैसा हृदयीं आंतु मीं धर्मु । असतां सर्व सुखांचा आरामु ।

किं भ्रांतांसि कामु । विषयां वरि ॥ ५९ ॥

बहू मृगजल देखौनि डोलां । थूंकिला अमृताचा गीलतां गलाला ।

तोडिला परिसु बांधला गलां । शुक्तिलाभें ॥ ६० ॥

तैसीं अहंमतेचिया लंहिदवडी । मातें न पवति चि बापुडीं ।

द्वणौनि जन्ममरणाची दूथडी । डहुलतें ठेलीं ॥ ६१ ॥

मया ततामिदं सर्वं जगदव्यक्तमूर्तिना ।

मत्स्थानि सर्वभूतानि न चाऽहं तेष्ववस्थितः ॥ ४ ॥

यन्हविं मी तरि कैसा । मुख प्रति भानु कां जैसा ।

केहिं न दिसें नसें ऐसा । वाणिचा नोहे ॥ ६२ ॥

माझेया विस्तारपणें नावें । हें जग चि नव्हे आघवें ।

जैसें दूध मुरालें स्वभावें । तरि तें चि दधि ॥ ६३ ॥

कां बीज चि जालें तरु । अथवा भांगार तें अलंकारु ।

तैसा मज एकाचा विस्तारु । तें हें जग ॥ ६४ ॥

हैं असो अव्यक्तपण थिनलें ।
 मग तें चि विश्वाकारें उ०थिजलें ।
 तैसें अमूर्त्त मूर्त्त मियां विस्तारलें ।
 त्रैलोक्य जाणें ॥ ६५ ॥
 महदादि देहांतें । इयें अशेषें हीं भूतें ।
 पैं माझां ठांडं विंबतें । जैसे जलें फेन ॥ ६६ ॥
 परि तेया फेना आंतु पांतां । जेवि जल न दिसे पांडुसुता ।
 ना तारि स्वप्निची अनेकता । चेइलेयां नोहिजे ॥ ६७ ॥
 तैसीं जियें भूतें माझां ठांडं । बिंब तें तेया माक्षि मीं नाहिं ।
 इया चि उपपत्ती तुज पाइं । सांघितलिया मागां ॥ ६८ ॥

न च मत्स्थानि भूतानि पश्य मे योगमैश्वरम् ।

भूतभृन्न च भूतस्थो ममात्मा भूतभावनः ॥ ५ ॥

हणौनि बोलिलिया बोलाचा अतिशो ।

न कीजे येया लागि हें असो ।

तन्हीं मज आंतु पैसो ।

दीठि तूझी ॥ ६९ ॥

आमचा प्रकृती पैलीकडोलु भाउ० ।

जरि कल्पना विण लागसी पाउ० ।

तारि मज माक्षि भूतें हें ही वाउ० ।

जें सर्व मी हणौनि ॥ ७० ॥

यन्हविं तन्हीं संकल्पाचिये सांजवेले ।

नावेक तिभिरैजति बुद्धिचे डोले ।

हणौनि अखंडित चि परि झांवले ।

भूत भिन्न ऐसें देखे ॥ ७१ ॥

ते चि संकल्पाची सांज जैं बीपे ।
 तैं अखंडित चि आहे स्वरूपें ।
 जैसी शंका जात खेओ लोपे ।
 सर्पपण मालेचें ॥ ७२ ॥
 यन्हविं तन्हीं भुइं आंतौनि स्वयंभ ।
 काइ घडेगाडुआंचे निगताति कोंभ ।
 पुडुतीं तें कुल्लालमतिचे गर्भ ।
 उमटले किं ॥ ७३ ॥
 ना तरि सागराचां पाणीं ।
 काइ तरंगाचिया आहाति खाणी ।
 ते अवांतर करणी ।
 वारेयाची नव्हे ॥ ७४ ॥
 पाहे पां कापुसाचां पोटीं । कापडाची होंति काये पेटी ।
 तो वेढि तेयाचिया दीठी । कापड जाला किं ॥ ७५ ॥
 जारि सोनें लेणें होउनि घडे । तन्हीं तेयाचें सोनेपण न मोडे ।
 एरु अलंकारु तो वरिंचिली कडे । लेंतेयाचेनि भावें ॥ ७६ ॥
 सांघें पडिसादेयाचीं प्रत्युत्तरें ।
 कां आरिसां हान जें आविष्करे ।
 तें आपुलें कीं साचोकारें ।
 तेथिंचें होंतें ॥ ७७ ॥
 तैसिये निर्मले माझां स्वरूपीं । जां भूतभावना आरोपी ।
 तेयासि तेयाचां चि संकल्पीं । भूताभासु आहे ॥ ७८ ॥
 ते चि कल्पिति प्रवृत्ति पुरे । आणि भूताभासु आदिं च सरें ।
 मग स्वरूप उरें एकसरें । निखल माझें ॥ ७९ ॥
 हें असो आंगीं भरलियां भवंडी । जैसियां भवंती दीसति आर्दि ।
 तैसिया आपुळिया कल्पना अखंडीं । गमति भूतें ॥ ८० ॥

ते चि कल्पना सांझुनि पाइ । तरि मीं भूतीं भूतें माझां ठाई ।
 हें स्वप्नि हिं परि नाहिं । कल्पावेया जोगें ॥ ८१ ॥
 आतां मी एकु भूतातें धरिता । अथवा भूतां माझि असता ।
 इया संकल्पसन्निपाता । आंतुली बोलिया ॥ ८२ ॥
 झणौनि परियसैं गा प्रियोत्तमा । मीं विश्वेसीं विश्वात्मा ।
 जो एया लटकेया भूतग्रामां । भाव्यु सदा ॥ ८३ ॥
 रश्मिचेनि आधारें जैसें । नाहिं तें चि मृगजल असे ।
 माझां ठाईं भूतजात तैसें । आणि मातें भावी ॥ ८४ ॥
 मी इये परिचा भूतभावनु । परि सर्व भूतेंसीं अभिन्नु ।
 जैसें प्रभा आणि भानु । एक चि तें ॥ ८५ ॥
 हा ऐश्वर्यु आमचा योगु । तुवां देखिला किं चांगु ।
 आतां सावै एथ काहीं लागु । भूतभेदाचा असे ॥ ८६ ॥
 एया लागि मजपासौनि भूतें । आनें न्हवति हें निरुतें ।
 आणि भूतां वेगलेयां मातें । कहीं चि न मनीं हो ॥ ८७ ॥

यथाकाशास्थितो नित्यं वायुः सर्वत्रगो महान् ।

तथा सर्वाणि भूतानि मत्स्थानीत्युपधारय ॥ ६ ॥

पै गगन जेव्हडें जैसें । पवनु हि तेवडा चि असे ।
 हा साहाजें हालवलेयां वेगला दीसे । यन्हविं गगन तें तो ॥ ८८ ॥
 तैसें भूतजात माझां ठाईं । कल्पिजे तारि आभासे काहीं ।
 निर्विकल्पीं मग नाहिं । तेथ मीं आघवें ॥ ८९ ॥
 झणौनि नाहें आणि असे । हें कल्पनेचेनि सोरसें ।
 जें कल्पनालोपीं भ्रंशे । आणि कल्पने सवें होये ॥ ९० ॥
 सें चि कल्पितें मुदल जाये । तें कें असे नाहिं हें आहे ।
 झणौनि पुडुतीं तूं पाहे । हा ऐश्वर्ययोगु ॥ ९१ ॥
 ऐसिया प्रतीतिबोधसागरीं । तूं आपणपेयातें कळोलु एकु करीं ।
 मग एन्हविं पाहंसि तव चराचरीं । तूं चि असासि ॥ ९२ ॥

एया जाणणेयांचा चे३० । तूज आला नां हणति देओ ।
 तारि आतां द्वैतस्वप्न वाओ । जालें किं ना ॥ ९३ ॥
 तन्हीं पुडुतीं जारि विपायें । बुद्धी कल्पनेची झोंप ही नैये ।
 तारि अभेदबोधु जाए । जें स्वप्नीं पाडिजे ॥ ९४ ॥
 हणौनि इये नीदेची वाट मोडे ।
 निखल उद्धोधाचें चि आपणपें घडे ।
 ऐसें सुवर्म जें आहे फुडे ।
 तें दाउनि पाई ॥ ९५ ॥

सर्वभूतानि कौतैय प्रकृतिं यांति मामिकाम् ।
 कल्पक्षये पुनस्तानि कल्पादौ विस्तृजाम्यहम् ॥ ७ ॥

तारि धनुर्द्धरा धौरेया । नीकें अवधान देयीं धनंजया ।
 पैं सर्वभूतांतें माया । करी हरी ॥ ९६ ॥
 जियें नावं कां प्रकृति ।
 जे द्विविधा सांघितली तुजप्रति ।
 येकि अष्टभेदव्यक्ति ।
 आणि जीवरूपा ॥ ९७ ॥
 हा प्रकृतिविषो आघवा ।
 तुवां मागां परिसिला असे पांडवा ।
 हणौनि असो काये सांघावा ।
 तन्हीं प्रकृति ते हे ॥ ९८ ॥
 तारि इये माझिये प्रकृती । महाकल्पांचां अंतीं ।
 सर्वभूतव्यक्ती । ऐक्यासि येति ॥ ९९ ॥
 प्रीष्णांचां अतिरसीं । सबीजें तृणें जैसीं ।
 माघौतीं भूमीसी । सुलीनें होंति ॥ १०० ॥

कां वार्षिये ढेंढें फीटे ।

जेव्हां शारदियेचा अनुघाडु फुटे ।

तें घनजात आटे ।

गगनिचां गगनीं ॥ १ ॥

ना तरि आकाशाचिये खोंपे । वायु निवांतू चि लोपे ।

आणि तरंगता हारपे । जळिं जेवि ॥ २ ॥

अथवा जागिनलेये वेले । स्वप्न मनिचें मनीं चि मावले ।

तैसें प्राकृत प्रकृती मिले । कल्पक्षयीं ॥ ३ ॥

मग कल्पादि पुडुतीं । मीं चि सृजीं ऐसी वदंती ।

तरि तिये विधिं निरुती । उपपत्ति आइकें ॥ ४ ॥

प्रकृतिं स्वामयष्टभ्य विसृजामि पुनः पुनः ।

भूतग्राममिमं कृत्स्नमवशं प्रकृतेर्वशान् ॥ ८ ॥

तरि हे चि प्रकृति फिरीटी । मीं स्वकीय साहजें अधिष्ठीं ।

तेथ तंतुसमवाये पटीं । जेवि विणावणि दीसे ॥ ५ ॥

मग तिथे विणावणिचेनि आधारे ।

लाहाना चौकडियां पटत्व भरे ।

तैसीं पंचात्मकें आकारें ।

प्रकृति चि होए ॥ ६ ॥

जैसें विरजेयाचेनि संगें । दूध आटलिजों लागे ।

तैसी प्रकृति आंगा रिगे । सृष्टिपणाचिया ॥ ७ ॥

बीज जलाची जवलीक लाह ।

आणि तें चि शाखोपशाखा होये ।

तैसें मज करणें आहे ।

भूतांचें हेंट ॥ ८ ॥

आगा हे नगर रायें केलें ।

एया ह्यणणेया किर साचपण आले ।

परि निरुतें पांतां काइ सिणले ।

रायाचे हात ॥ ९ ॥

आणि मीं प्रकृति अधिष्ठीं तें कैसें । जैसा स्वर्मीं जो असे ।

मग तो चि प्रवेशे । जाग्रदवस्थे ॥ ११० ॥

तरि स्वप्नौनि जाग्रति येतां । काये पाये दूखति पांडुसुता ।

कीं जाग्रते माक्षि असतां । प्रवासु होए ॥ ११ ॥

एया आघवेयाचा अभिप्रा३० काइ ।

जें हें भूतसृष्टिचें कांहीं ।

मज एक ही करणें नाहीं ।

ऐसा अर्थु ॥ १२ ॥

जैसी रायें अधिष्ठिली प्रजा । व्यापारें आपुलालेया काजा ।

तैसा प्रकृतिसंगु माझा । एर करणें तें इयेचें ॥ १३ ॥

पाहे पां पूर्णचंद्राचिया भेटी । समुद्रिं भरतें अपार दाटी ।

तेथ चंद्रासि काइ किरीटी । उपखा पडिला ॥ १४ ॥

जडपण जवळिका । लोह चाले तरि चालो कां ।

कोणु सीणु भ्रामका । सन्निधानाचा ॥ १५ ॥

किंबहुना इया परीं । मीं निजप्रकृतितें अंगिकरीं ।

आणि भूतसृष्टि एकसरी । प्रसरों चि लागे ॥ १६ ॥

जें हा भूतग्रामु आघवा । असे प्रकृती अधीनु पांडवा ।

जैसी वीजाचेया वेला पालवा । समर्थ भूमि ॥ १७ ॥

नां तरि बाल्यादिकां वयसां । गोसांविं देहसंयोगु जैसा ।

अथवा घनावली आकाशा । वार्षियें जेवि ॥ १८ ॥

का स्वप्नासि कारण निद्रा । तैसी प्रकृति हे नरेंद्रा ।

एया अशेषां ही भूतसमुद्रा । गोसांविणि गा ॥ १९ ॥

स्थावरां जंगमां । स्थूलां अथवा सूक्ष्मां ।
 हे बहू असो भूतप्राणां । प्रकृती चि मूल ॥ १२० ॥
 न च मां तानि कर्माणि निबध्नन्ति धनजय ।
 उदासीनवदासीनमसक्तं तेषु कर्मसु ॥ ९ ॥
 ह्यणौनि भूतै हान सृजावीं । कां सृजिलीं प्रतिपालावीं ।
 इयें करणीं नैयति आघवीं । आमचेया आंगा ॥ २१ ॥
 जलीं चंद्रिकेचिया पसरति वेली ।
 ते बाडि चंद्रें नाहिं जेवि केली ।
 तेवि मातें पाउनि ठेलीं ।
 दूरि कर्म ॥ २२ ॥
 आणि सूटलेयां सिंधुजलाचा लोटु ।
 न शके धरुं सैधवाचा घोटु ।
 तेवि सकल कर्मा मी चि सेवटु ।
 काइ बांधीति मातें ॥ २३ ॥
 भूमरजाची पिंजरी । वाजतेया वायुतें होंकरी जीर ।
 कां सूर्यबिंबा माझारि । आंधारें रिगे ॥ २४ ॥
 हे असो पर्वतांचिये हृदइचें । पर्जन्यधारीं ने विखोंचे ।
 तेवि कर्मजात प्रकृतिचें । न लगे मज ॥ २५ ॥
 मन्हविं इये प्रकृतिविकारीं । येकु मीं चि असे अवधारीं ।
 उदासीनाचिया परीं । करी ना करवीं ॥ २६ ॥
 दीपु ठेविला परि वरीं । कवणातें नियमी ना निवारी ।
 आणि कवण कवणी परी । राहाटे तें असे नेगे ॥ २७ ॥
 तो जैसा कां साक्षिभूतु । गृहव्यापारप्रवृत्तिरहितु ।
 तैसा भूतकर्मि अनासक्तु । मीं भूतीं असें ॥ २८ ॥

मयाऽभ्यक्षेण प्रकृतिः सूयते सचराचरम् ।

हेतुनाऽनेन कौंतेय जगद्विपरिवर्तते ॥ १० ॥

एथ एकू चि अभिप्रा३० पुडुतीं । काइ सांघों यया उपपत्ती ।
 तारि एकी हेला सुभद्रापती । एतुलें जाण ॥ २९ ॥
 जैसा लोकचेष्टां समस्तां । हा निमित्तमात्र कां सविता ।
 तैसा जगप्रभवीं मी पांडुसुता । हेतु होई ॥ ३० ॥
 कां जें मियां अधिष्ठिलेयां प्रकृती ।
 होंताति चराचराचिया संभूती ।
 ह्यणौनि मीं हे उपपत्ती ।
 घडे इया ॥ ३१ ॥
 आतां येणें चि उजियडें निरुतें । निहाळिं पां एया योगातें ।
 जें माझां ठांडें भूतें । परि मीं भूतीं नसें ॥ ३२ ॥
 अथवा भूतें माझां ठांडें । आणि मीं भूतां माझि नाहीं ।
 इया खुणा आंतु काहीं । चूकें ना किं ॥ ३३ ॥
 हें सर्व आमचें गूढ । दाविलें मियां तुज उघड ।
 तारि इंद्रियां देउनि कवाड । हृदयीं भोगीं ॥ ३४ ॥
 हा डंसु जवं नये हाता । तवं माझे साचोकारण पार्था ।
 न संपडे गा सर्वथा । जेवि भुषिं कणु ॥ ३५ ॥
 यन्हविं अनुमानाचेनि पैसें । आवडे किरु कललें ऐसें ।
 परि मृगजलाचेनि उल्हासें । काइ भूमि तीमे ॥ ३६ ॥
 जें जाल जलीं पांगिलें । तेथ प्रतिबिंब दीसे कीरु आंतुडलें ।
 मग थडिये काटूनि झाडिलें । तेव्हलिं बिंब कें सांघें ॥ ३७ ॥
 तैसें बोलवरि वाचाबलें ।
 वायां चि झांकवीति प्रतीतीचे डोले ।
 मग साचोकारे यया बोधा वेले ।
 आधि ना होइजे ॥ ३८ ॥

अवजानंति मां मूढा मानुषीं तनुमाश्रितम् ।

परं भावमजानंतो मम भूतमहेश्वरम् ॥ ११ ॥

किं बहुना भवा भिया । आणि साचें चाड जरि मियां ।
 तरि तुझी गा उपपत्ती इयां । जतन करां ॥ ३९ ॥
 यन्हविं वेधली दीठि कवले । ते चांदिणेंयांतें हणो पीवळें ।
 तेवि माझां स्वरूपीं निर्मलें । देखति दोषु ॥ १४० ॥
 ना तरि जरें विटाललें मुख । मग दूधातें हणति विख ।
 तेवि अमानुषा मानुष । मानीति मातें ॥ ४१ ॥
 हणौनि पुढुतीं धनंजया । झनें विसरसी यया अभिप्राया ।
 जें एरी स्थूलदृष्टी वायां । जाईल गा ॥ ४२ ॥
 पै स्थूलदृष्टी देखिजे मातें । तें नेदखणें जाणति निरुतें ।
 जैसैं स्वप्निचेनि अमृतें । अमरां न्हविजे ॥ ४३ ॥
 यन्हविं स्थूलदृष्टी मूढ । मातें जाणति कीर दृढ ।
 पारि तें जाणणें चि जाणणेयां आड । रिगौनि ठाके ॥ ४४ ॥
 जैसैं नक्षत्राचेया आभासा । साठिं घातु जाला तेया हंसा ।
 माझि रत्नबुद्धिचिया आशा । हणौनियां ॥ ४५ ॥
 साधें गा मृगजल टाकूनि गेलेयाचें कवण फल ।
 काइ सुरतरु हणौनि बाबुल । सेविलें करी ॥ ४६ ॥
 हा निलेयाचा दुसरा । यया बुद्धी हातु घालिजे विखारा ।
 कां रत्नें हणौनि गारा । वेंचिजति पै ॥ ४७ ॥
 अथवा निधान हें प्रकटलें । हणौनि खदिरांगार खोले भरिले ।
 कां साउली न पांतां घातलें । कुहां सिहें ॥ ४८ ॥
 तेवि मीं हणौनि प्रपंचीं ।
 जिहीं बुडी दिधली कृतनिश्चयाची ।
 तिहीं चंद्रासाठिं जलिची ।
 प्रतिमा धरिली ॥ ४९ ॥
 तैसा कृतनिश्चयो वायां गेला । जैसा कोण्ह येकु कांजी पियाळा
 मग परिणामु पाहों लागला । अमृताचा ॥ १५० ॥

तैसें स्थूलाकारीं नाशवंते । भरवसा बांधौनि चित्तें ।
 पाहांति मज अविनाशातें । तरि कैसेनि दीसैं ॥ ५१ ॥
 आगा पश्चिमसमुद्रिचिया तटा । निगिजत आहे पूर्वेची वाटा ।
 किं कोंडा कांडितां सूभटा । कणु आंतुडे ॥ ५२ ॥
 तैसें विकरलें हें स्थूल । जाणितलेयां मीं जाणावें केवल ।
 काये फेणु पीतां जल । सेविलें होये ॥ ५३ ॥
 ह्यणौनि मोहवळें मनोधर्में । हें चि मानूनि संभ्रमें ।
 येथिचीं जियें जन्मकर्में । तियें मज चि ह्यणाति ॥ ५४ ॥
 एतुलेनि अनामा नाम । मज अक्रियासि कर्म ।
 विदेहा देहधर्म । आरोपिति ॥ ५५ ॥
 मज आकारशून्या आकार । निरुपाधिका उपचार ।
 विधिविर्वाजिता व्यवहार । आचारादिकु ॥ ५६ ॥
 मज वर्णहीना वर्णु । गुणातीतासि गुणु ।
 मज अचरणा चरणु । अपाणी पाणि ॥ ५७ ॥
 मज अमेया मान । सर्वगतासि स्थान ।
 जैसें सेजे चि माझि वन । निदंला देखे ॥ ५८ ॥
 तैसें अश्रवणा श्रोत्र । मज अचक्षुका नेत्र ।
 अगोत्रा गोत्र । अरूपा रूप ॥ ५९ ॥
 मज अव्यक्ता व्यक्ति । अनार्त्तासि आर्त्ति ।
 स्वयंतृप्ता तृप्ति । भाविति गा ॥ १६० ॥
 मज अनावरणा आवरण । अभूषणा भूषण ।
 मज सकलकारणासि कारण । मानीति ते ॥ ६१ ॥
 मज सहजातें कारंति । स्वयंभातें प्रतिष्ठिति ।
 निरंतरातें आवांहांति । विसर्जिति पै ॥ ६२ ॥
 मीं सर्वदा स्वतःसिद्धु । मीं बालु तरुणु वृद्धु ।
 मज एकरूपा संसंधु । जाणाति ऐसें ॥ ६३ ॥

मज अद्वैतासि दूजें । मज अक्रियासि काजें ।
 मीं अभोक्ता किं भुंजें । ऐसें हणति ॥ ६४ ॥
 मज अकुलाचें कुल वानिति । मज नित्याचेनि निधनें सीणति
 मज सर्वत्रातें कल्पिति अरिमित्र गा ॥ ६५ ॥
 मीं स्वानंदाभिरामु । तेया मज आणि सुखाचा कामु ।
 मीं आघवा चि असें समु । किं हणति एकदेशी ॥ ६६ ॥
 मीं आत्मा एकु चराचरीं । किं हणति एकाचा आडलु करी ।
 आणि कापौनि एकां मारीं । हें चि रूढवीति ॥ ६७ ॥
 किंबहुना ऐसे समस्त । जे हे मनुष्यधर्म प्राकृत ।
 तेया चि नावं ऐसें विपरीत । ज्ञान तेयांचें ॥ ६८ ॥
 जवं आकारु येकु देखति । तवं हा देवो ऐसें हणति ।
 मग तो चि विघडलेयां ठाकति । नाहिं हणौनियां ॥ ६९ ॥
 मातें एणें एणें प्रकारें । जाणति मनुष्य ऐसेनि आकारें ।
 हणौनि ज्ञान तें चि आंधारें । ज्ञानासि करिति ॥ ७० ॥

मोघाशा मोघकर्माणो मोघज्ञाना विचेतसः ।

’ राक्षसीमासुरीं चैव प्रकृतिं मोहिनीं श्रिताः ॥ १२ ॥

एया लागि जन्मले ते मोघ । जैसे वार्षी विण मेघ ।
 मा तारि मृगजलिचे तरंग । दुसैनि पाहावे ॥ ७१ ॥
 अथवा कोल्हैरिचे असिवार । ना तारि वोडंबारिचे अलंकार ॥
 किं गंधर्वनगरिचे आवार । आभासति ॥ ७२ ॥
 साधेरी घाटिनलेया सरला । वरि फल नाहिं आंतु पोकळा ।
 कां स्तम जाले गळां । सेलिये जैसे ॥ ७३ ॥
 तैसें मूर्खांचें तेयां जियालें ।
 आणि धिगि कर्म हीं तेयांचें निफनलें ।
 जैसे सोबेरी फल आलें ।
 झेपे ना दीजे ॥ ७४ ॥

मग जें काहिं ते पढिनले । तें माकडें नारियल तोडिलें ।
 कां आंधलेया हातीं पडिलें । मोतीं जैसें ॥ ७५ ॥
 किंबहुना तेयां शास्त्रें । जौसिं कुमारीहातीं बांधलीं शस्त्रें ।
 कां अशौची मंत्रें । बीजें कथिलीं ॥ ७६ ॥
 तैसें ज्ञानजात तेयां । आणि काहिं आचरले गा धनंजया ।
 तें आघवें चि गेलें वायां । जे चित्तहीन ॥ ७७ ॥
 पै तमोगुणिची राक्षसी । जे सद्बुद्धितें घसी ।
 मनाचा ठाउ चि पूसी । निशाचरि जे ॥ ७८ ॥
 तिये प्रकृती वरिपडे जाले । ह्यणौनि चित्ताचेनि कपोलें गेले ।
 वरि तामसियेचां पडिले । मुखा माजि ॥ ७९ ॥
 जेथ आशोचिये लाले । आंतु हिंसा जीभ लोले ।
 तेविं चि संतोखाचे चाकले । अखंड चघली ॥ १८० ॥
 जेथ अनार्त्तांचे कानवेन्हीं ।
 आवालुएं चाटिति निगे बाहिरि ।
 जे प्रमादपर्वतिची दरी ।
 सदा चि मातली ॥ ८१ ॥
 जेथ द्वेषाचिया दाढा । कसासां ज्ञानाचा करिती रगडा ।
 जे अगस्तिगौवण मूढां । स्थूलबुद्धि ॥ ८२ ॥
 ऐसे आसुरिये प्रकृतिचां तोंडीं । ते जाले गा भूतौडी ।
 जे बुडौनि गेले कुंडीं । व्यामोहाचां ॥ ८३ ॥
 एवं तमाचिये पडिले गर्ते ।
 न पबती चि विचाराचेनि हातें ।
 हें असो ते गेले जेथें ।
 ते शुद्धि ही नाहिं ॥ ८४ ॥
 ह्यणौनि असतु इयें वायाणीं । काइसीं तेयां मूर्खांचीं बोलणीं ।
 वायां वाढवितां काहाणी । सिणैल हान ॥ ८५ ॥

ऐसें बोलिलें देवें । तथ जी ह्यणितलें पांडवें ।

आइकें वाचा जेथ विसंधे । ते साधुकथा ॥ ८६ ॥

महात्मानस्तु मां पार्थ दैर्वां प्रकृतिमाश्रिताः ।

भजंत्यनन्यमनसो ज्ञात्वा भूतादिमव्ययम् ॥ १३ ॥

तारि जेयांचिये चोखटे मानसीं । मीं होउनि असे क्षेत्रसंन्यास

जेयां निदैलेयांतें उपासी । वैराग्य गा ॥ ८७ ॥

जेयांचिया आस्थेचिया सद्भावा । आंतु धर्मु करी राणिवा ।

जेयांचिये मती ओलावा । विवेकाचा ॥ ८८ ॥

जे ज्ञानगंगे न्हाले । जे पूर्णता जेउनि धाले ।

जे शांतीसि जाले । पालव नवे ॥ ८९ ॥

जे परिणामा निघाले कौंभ । जे धैर्यमंडपाचे खांभ ।

जे आनंदसमुद्रीं कुंभ । चुभदनि भरिले ॥ १९० ॥

जेयां भक्तिची येतुली प्रीति । जे कैवल्यातें पन्हां सर ह्यणारि

जियांचिये लीले माक्षि नीति । जियाली दीसे ॥ ९१ ॥

जे आघवां चि करणीं । लेइले संयतिचीं लेणीं ।

जेयांचें चित्त गवमणी । व्यापका मज ॥ ९२ ॥

ऐसे जे महानुभाव । जे दैविये प्रकृतिचे दैव ।

जे जाणौनियां सर्व । स्वरूप माझे ॥ ९३ ॥

मग वाढतेनि प्रेमें । मातें भजताति जे महात्मे ।

परि दूजेपण मनोधमें । सीतले नाहिं ॥ ९४ ॥

ऐसे मीं चि होउनि पांडवा । करीत माझी सेवा ।

परि नवलाओ तो सांगवा । असे आइकें ॥ ९५ ॥

सततं कीर्तयंतो मां यतंतश्च दृढव्रताः ।

नमस्यंतश्च मां भक्त्या नित्ययुक्ता उपासते ॥ १४ ॥

तारि कीर्तनाचेनि नडनाचें । नाशिले व्यवसाय प्रायश्चिताचे

जे नाव चि नाहिं पापाचें । ऐसें केळें ॥ ९६ ॥

यमदमा अवकला आणिली । तांथें ठायावरौनि उठविलीं ।
 यमलोकिची ठाकविली । राहाटि आघवी ॥ ९७ ॥
 यमु ह्मणे काइ यमावें । दमु ह्मणे कोणातें शोषावें ।
 तीर्थे ह्मणति काइ खावें । दोखु उष्मधा नाहिं ॥ ९८ ॥
 ऐसेनि माझेनि नामघोषें । नाहिं करित विश्वाचीं दुःखें ।
 आघवें जग चि महामुखें । दुमुदुमीत भरलें ॥ ९९ ॥
 ते पाहाटेविण पांहाटवित । अमृतेंविण जिववित ।
 योगेंविण दावित । कैवल्य डोलां ॥ २०० ॥
 परि राया रंका पाडु धरुं । नेणति सानेया धोरा कडसणी करुं ।
 एकरसें आनंदाचें आघारुं । होंत जगा ॥ १ ॥
 कहिं येकाधेन वैकुंठा जावें । तेंतिहिं वैकुंठ चि केलें हे आघवें ।
 ऐसें नामघोषगौरवें । धवलें विश्व ॥ २ ॥
 तेजें सूर्यु तैसे उजल । परि तो अस्तवे हें कीडाल ।
 चंद्र संपूर्ण एकाधी वेल । ते सदा पुरते ॥ ३ ॥
 मेघु उदारु परि ओसरे । ह्मणौनि उपमेसि नुपकरे ।
 ते निःशंकपणें सपांखरे । पंचानन ॥ ४ ॥
 तेयांचिये वाचेपुढां भोजें । नाम नाचे माझे ।
 जें जन्मशतीं उळगिजे । एकोल यावेया ॥ ५ ॥
 पै वैकुंठीं मां गा नसें । वेलु एकु ही भानुबिंबिं हिं न दिसें ।
 वर योगियांचो हीं मानसें । सांडूनि जायें ॥ ६ ॥
 परि तेयांपासिं पांडवा । मां हारतला गिवसावां ।
 जेथ नामघोषु बरवा । करिति ते माझा ॥ ७ ॥
 कैसे माझां गुणीं भरले । देशकालातें विसरले ।
 कीर्त्तनमुख जाले । आपणपां चि ॥ ८ ॥
 कृष्णविष्णुगोविंद । एयां नामाचे निखिल प्रबंध ।
 माझि आत्मचर्चा विशद । उदंड गांति ॥ ९ ॥

हैं बहू असों इया परीं । कीर्त्तितमाते अवधारीं ।
 एक विचरति चराचरीं । पांडुकुमरा ॥ २१० ॥
 मग आणिक ते अर्जुना । सावियां चि बहुवा जतना ।
 पंचप्राणमना । पाढाउ घेति ॥ ११ ॥
 बाहिरि यमनियमाची कांठि लाविली ।
 आंतु वज्रासनाची पौलि पानासिली ।
 बरि प्राणायामाची मांडिलीं ।
 बांहांती यंत्रें ॥ १२ ॥
 तैथ उल्हाटशक्तिचेनि उजियेडें । मनपवनाचेनि सुरबाडें ।
 सतरावियेचेनि पानियेडें । बलियार्वाले ॥ १३ ॥
 तेव्हां प्रत्याहारें ख्याति केली । विकारांची सपिलें बोहिली ।
 इंद्रियें बांधौनि आणिलीं । हृदया आंतु ॥ १४ ॥
 तव धारणावारू दाटिले । महाभूतांतें येकि आटिलें ।
 मग चतुरंग निवटिलें । संकल्पाचें ॥ १५ ॥
 तेयावारि जैत रे जैत । ह्यणौनि ध्यानाचें निसाण वाजत ।
 दासे तन्मयतेचें झलकत । एकछत्र ॥ १६ ॥
 पाठिं समाधिश्चियेचेया अशेषा । आत्मानुभवु—राज्यसुखा ।
 पद्मभिषेकु देखां । समरसें जाला ॥ १७ ॥
 ऐसें हें गहन । अर्जुना माझे भजन ।
 आतां आइक सांघों आन । जें कारिति येक ॥ १८ ॥
 तरि दोन्हीं पालववेन्हीं । जैसा एकु तंतु अंबरीं ।
 तैसा मी वांचूनि चराचरीं । जाणति नां ॥ १९ ॥
 आदिब्रह्मा करुनि । सेवटीं मशकु धरुनि ।
 माझि समस्त हें जाणौनि । स्वरूप माझे ॥ २२० ॥
 मग वाड धाकुटे न ह्यणति । साजीव निर्जीव नेणति ।
 देखिलिये वस्तू लुंठति । मी चि ह्यणौनि ॥ २१ ॥

आपुलें उत्तमत्त्व नाठवे । पुढैल योग्यायोग्य ही नेणवे ।
 एकसरें व्यक्तिमात्रेचेनि नावें । नमूं चि आवडे ॥ २२ ॥
 जैसें ऊंची उदक पडिलें । तारि तलवट्टुवारि ये उगेलें ।
 तैसें नमिजे भूत देखिलें । ऐसा स्वभाओ तेयांचा ॥ २३ ॥
 कां फललेया तरुची शाखा । साहाजें भूमीसि उतरली देखां ।
 तैसें जीवमात्रा अशेषा । खालतिले ॥ २४ ॥
 अखंड अगर्वता होउनि असति । तेयांते विनयो हेचि संपत्ति ।
 ते जयजपमंत्रें अर्पिति । माझां ठांड ॥ २५ ॥
 नमितां मानाभिमान गलले । ह्यणौनि अवचिते मीं चि जाले ।
 ऐसे निरंतर मिसलले । उपासिति ॥ २६ ॥

ज्ञानयज्ञेन चाप्यन्ये यजंतो मामुपासते ।

एकत्वेन पृथक्त्वेन बहुधा विश्वतोमुखम् ॥ १५ ॥

अर्जुना हे गरुड भक्ति । सांधितली तुज प्रति ।
 आतां ज्ञानयज्ञें यजिति । ते भक्त आईकें ॥ २७ ॥
 परि भजन करिती हातवटी । तूं जाणतु आहासि किरीटी ।
 जें मागां इया गोठी । केलिया आझीं ॥ २८ ॥
 तव आधि जी अर्जुनु ह्यणे । तें दैविकिया प्रसादाचें किं करणें ।
 तन्हीं अमृताचिये आरोगणे । काइ पुरे ह्यणवे ॥ २९ ॥
 एया बोला आंतु अनंतें । लागणेयां देखिलें तेयातें ।
 कि मुखावलेनि चित्तें । डोलतसे ॥ ३० ॥
 ह्यणे भलें केलें पार्था । यन्हविं हा अनवसरु सर्वथा ।
 परि बोलवीतसे आस्था । तूझी आमते ॥ ३१ ॥
 तव अर्जुनु ह्यणे हें काइ । चकोरें विण चादणें चि नाहिं ।
 जग निवत्रिजे हा तेयाचां ठांड । स्वभाओ चि कीं जी ॥ ३२ ॥
 एरें चकोरें तियें आपुलिये चाडे । चांचू कारिति चंद्राचिये कडे ।
 तेवि आझीं विनउं तें थोडें । देओ कृपासिंधु ॥ ३३ ॥

जें मेघु आपुलिया प्रौढी । जगाची आर्त्ति किं दवडी ।
 वांचूनि चातकाची तान्ह केवढी । तो वर्षाओ पाहुनि ॥ ३४ ॥
 परि चूला हीं येकाचिये चाडे । जेवि गंगेतें चि टाकावें पडे ।
 तेवि आर्त्त ब्रह्म कां थोडें । तन्हीं सांघावें देवा ॥ ३५ ॥
 तेथ देवें ह्मणितलें राहे । जो संतोषु आह्ला जाला आहे ।
 तेयावारि स्तुति साहे । ऐसें उरलें नाहिं ॥ ३६ ॥
 पै परियमु तुं आहासिं निकियापरी ।
 ते चिं वक्तृत्वा वन्हाडिक करीं ।
 ऐसें पोखुनु तेयातें हरी ।
 आदरिलें बोलों ॥ ३७ ॥
 तारि ज्ञानयजु तो एवरूपु । तेथ आदिसंकल्प हा यूपु ।
 महाभूतें तो मंडपु । भेदु तो पशु ॥ ३८ ॥
 मग पांचांचे जे विशेष गुण । अथवा इंद्रियें आणि प्राण ।
 हें चि यज्ञोपचारभरण । अज्ञानघृत ॥ ३९ ॥
 तेथ मनबुद्धि एयां कुडां । आंतु ज्ञान हा अग्नि फुडा ।
 साम्य ते सुहाडा । वेदी जाणें ॥ ४० ॥
 सविवेकमतिपाटव । तें चि विद्यागौरव ।
 संयति चि सृक्सृव । जीउ यज्वा ॥ ४१ ॥
 तो प्रतीतीचेनि पात्रें । विवेकें महामंत्रें ।
 ज्ञानाग्निहोत्रें । भेदु नाशी ॥ ४२ ॥
 तेथ अज्ञान सरौनि जाये । आणि यजिता यजन हे ठाये ।
 आत्मसमरसें न्हाये । अवभृत जेव्हां ॥ ४३ ॥
 तेव्हां भूतें त्रिषय करणें । हें वेगलालें काहीं न ह्मणे ।
 आघवें एक चि ऐसें जाणे । आत्मबुद्धी ॥ ४४ ॥
 जैसा चेइला तो अर्जुना । ह्मणे स्वप्निची हे सेना ।
 मी चि जाला होंतां ना । निद्रावशें ॥ ४५ ॥

आतां सेना ते सेना नोहे । हें मीं चि एकु आघवें ।
 ऐसें एकत्वें मानवे । विश्व तेया ॥ ४६ ॥
 मग तो जीउ हे भाष सरें । आब्रह्म परमात्मबोधें भरे ।
 ऐसे भजति ज्ञानाध्वरें । एकत्वें एणें ॥ ४७ ॥
 अथवा अनादि हें अनेक । जें असारिखें येकायेक ।
 आणि नामरूपादिक । तें हीं विषम ॥ ४८ ॥
 ह्यणौनि विश्व भिन्न । परि न भेदे तेयाचें ज्ञान ।
 जैसे अवयव तरि आनान । परि एकि चि देहिंचे ॥ ४९ ॥
 कां शाखा सानिया थोरा । परि आहाति येका चि तरुवरा ।
 बहू रश्मि परि दिनकरा । एकाचे जेवि ॥ २५० ॥
 तेथि नाना विधा व्यक्ती । आनानें नावें आनानी वृत्ती ।
 ऐसें जाणति भेदलां भूतीं । अभेदा मातें ॥ ५१ ॥
 एणें वेगलालेपणें पांडवा । करिति ज्ञानयज्ञु वरवा ।
 जें न भेदति या जाणिवा । जाणति ह्यणौनि ॥ ५२ ॥
 ना तरि जेधवां जिये ठांड । देखति जें काहीं ।
 तें मीं वांचूनि नाहीं । ऐसा चि बोधु ॥ ५३ ॥
 पाहे पां बुडडा जेउता जाये । तेउतें जळ एक तेया आहे ।
 मग वीरे अथवा राहे । तन्हीं जळा चि माक्षि ॥ ५४ ॥
 कां पवनें परमाणु उचलले । ते पृथ्वीचे हें नाहीं गेलें ।
 आणि माघौते जन्हीं पडिले । तन्हीं पृथ्वी चि वरि ॥ ५५ ॥
 तैसें भले तेथ भलेंतणें भावें । भले तें हीं हो अथवा नोहावें ।
 परि तें मीं चि आघवें । होउनि ठेलें ॥ ५६ ॥
 आगा हे जेवढी मार्ली व्याप्ति । तेव्हडी चि तेयांची प्रतीती ।
 ऐसे बहुधाकारीं वर्तति । बहू चि होउनि ॥ ५७ ॥
 हें भानुबिंब आवडें तेया । सदमुख जैसें धनंजया ।
 तैसे ते विश्वा येथी । समोर सदा ॥ ५८ ॥

आगा तेयांचेया ज्ञाना । पाठि नाहिं पै अर्जुना ।
वायु जैसा गगना । सर्वांगीं असे ॥ ५९ ॥
तैसा मी जेतुला आघवा । तें चि तूक तेयांचेया सद्भावा ।
तारि न करितां पांडवा । भजन जालें ॥ ६० ॥
यन्हविं तन्हीं सकल मीं चि आहें । तारि कोणें कै उपासिलां नोहें
एथ एकें जाणणेनि विण किं ठायें । अप्राप्तां ॥ ६१ ॥
पारि तें असो एणें उचितें । ज्ञानयज्ञें यजित सांते ।
जे उपासित मातें । ते सांगितले ॥ ६२ ॥

भहं ऋतुरहं यज्ञः स्वधाहमहमौषधम् ।

मंत्रोऽहमहमेवाज्यमहमग्निरहं हुतम् ॥ १६ ॥

अखंड सकल हें सकलीं मुखीं । साहाजें अर्पतसे मज एकीं ।
किं नेणणेया साठीं मूर्खीं । न पविजे चि मातें ॥ ६३ ॥
तो चि जाणिवेचा उदो जरि होये । तारि मुदलु वेदु तो मीं चि आहें
आणि तो विधानातें जिया विये । तो क्रतु हीं मीं ॥ ६४ ॥
मग तेया कर्मापासौनि बरवा । जो सांगोपांगु आघवा ।
यज्ञु प्रकटे पांडवा । तो हीं मीं गा ॥ ६५ ॥
स्वाहा मीं स्वधा । सोमादि ओषधी विविधा ।
आज्य मीं समिधा । मंतु मीं हवि ॥ ६६ ॥
होता मीं हवन कीजे । जेथ तो अग्निरूप माझें ।
आणि हुत वस्तु कां जे जे । ते हीं मीं चि ॥ ६७ ॥

पितामहस्य जगतो माता धाता पितामहः ।

वेद्यं पवित्रमोँकार ऋक् साम यजुरेव च ॥ १७ ॥

पैं जंयाचेनि अंगसंगें । इयें प्रकृतीतव अष्टांगें ।
जन्म पाविजतसे जगें । तो पिता मीं गा ॥ ६८ ॥
अर्धनारीनटेश्वरीं । जो पुरुष तो चि नारी ।
तेवि मीं चराचरीं । माता हीं होयें ॥ ६९ ॥

आणि जालें जग जेथ राहे । जेणें जीत वाढत आहे ।
 तें मिं वांचूनि नोहें । आना निरुतें ॥ ७० ॥
 इयें प्रकृतिपुरुषु दोन्हीं । उपनलीं जेयाचां मनीं ।
 तो पितामहो त्रिभुवनीं । विश्वाचा मीं ॥ ७१ ॥
 आणि आघवेया जाणण्यांचिया वाटा । जेया गावां यंति सूभटा ।
 जें वेदांचा चौहटा । वेद्य ह्यणिजे ॥ ७२ ॥
 जेथ नाना मतां बुझावणी जाली ।
 येकमेका शास्त्रांची अनोलखि फीटली ।
 चूकलीं ज्ञानें जेथ मिलें आलीं ।
 जें पवित्र ह्यणिजे ॥ ७३ ॥
 पै ब्रह्मबीजाचा जाला अंकुर । घोषध्वनि नादाकार ।
 तेयाचे गा भवन जें अंकार । तें हीं मीं चि गा ॥ ७४ ॥
 जेया अकाराचिये कुंसी । आखरें होंति अकारां ऐसीं ।
 जियें उपजत वेदेंसीं । उठिलीं तीन्हीं ॥ ७५ ॥
 ह्यणौनि ऋग्यजुसामु । हे तीन्हीं ह्यणे मी रामु ।
 एवं मीं चि कुलाक्रमु । शब्दब्रह्माचा ॥ ७६ ॥

गतिर्भर्ता प्रभुः साक्षी निवासः शरणं सुहृत् ।

प्रभवः प्रलयः स्थानं निधानं बीजमव्ययम् ॥ १८ ॥

हें चराचर आघवें । जिये प्रकृती आंतु सांठवे ।
 ते सिणली जेथ विसंवे । ते परम गति मीं ॥ ७७ ॥
 आणि जेयाचेनि प्रकृति जिये । जेणे अधिष्ठिली विश्व विये ।
 जो एऊनि प्रकृती इये । गुणातें भोगी ॥ ७८ ॥
 तो विश्वश्रियेचा भर्ता । मीं चि गा पांडुसुता ।
 मीं गोसांविं समस्ता । त्रैलोक्याचा ॥ ७९ ॥
 आकाशें सर्वत्र वसावें । वायू नांभरि उमेयां नसावें ।
 पावकें दौहावें । वर्षावें जलें ॥ २८० ॥

पर्वतीं बैसक न संडावी । समुद्रीं रंघ नोलंडावी ।
 पृथ्विया भूतें वाहावी । हे आज्ञा माझी ॥ ८१ ॥
 मियां बोलविला वेदु बोले । मियां चालविला सूर्यु चाले ।
 मियां हालविला प्राणु हाले । जो जंगा चालिता ॥ ८२ ॥
 मियां चि नियमिला सांता । कालु ग्रासु करितसे भूतां ।
 इयें ह्यणियागतें पांडुसुता । सकलें जेयार्ची ॥ ८३ ॥
 ऐसा जो समर्थु । तो मीं जगाचा नाथु ।
 आणि गगन ऐसा साक्षिभूतु । तो ही मीं चि ॥ ८४ ॥
 इहीं नामरूपीं आघवां । जो भरला असे पांडवा ।
 आणि नामरूपां हीं उल्लावा । आपण चि जो ॥ ८५ ॥
 जैसे जलाचे कल्लोल । आणि कल्लोलीं आधि जल ।
 ऐसेनि वसवीतु असे सकल । तो निवासु मीं ॥ ८६ ॥
 मीं एकु अनेकपणें । वेगलालेनि प्रकृतिगुणें ।
 जींतु जगाचेनि प्राणें । वर्त्ततु असें ॥ ८७ ॥
 जैसा समुद्रु थिल्लुर न ह्यणतां । भले तेथ बिंबे सविता ।
 तैसा ब्रह्मादि सर्वा हीं भूतां । मुहदु तो मीं ॥ ८८ ॥
 मीं चि गा पांडवा । एया त्रिभुवनासि उल्लावा ।
 सृष्टिक्षयप्रभवा । मूल तें मीं ॥ ८९ ॥
 बीज शाखांतें प्रसवे । मग तें रूखपण बीजीं चि सामावे ।
 तैसें संकल्पें होये आघवें । पाटिं संकल्पीं मिले ॥ २९० ॥
 ऐसा जगाचें बीज संकल्पु । अव्यक्तु वासनारूपु ।
 तेयासि कल्पांतीं जेथ निक्षेपु । होये तें मीं ॥ ९१ ॥
 इयें नामरूपें लोटती । वर्णव्यक्ती आटती ।
 जातींचे भेद फीटती । जें आकाश नाही ॥ ९२ ॥
 तें सकलवासनासंस्कार । माघौते रचावेया आकार ॥
 जेथ राहूनि असति अमर । तें निधान मीं ॥ ९३ ॥

तपाम्यहमहं वर्षं निगृणहाम्युत्सृजामि च ।
अमृतं चैव मृत्युश्च सदसञ्चाहमर्जुन ॥ १९ ॥

मीं सूर्याचेनि वेखें । तपें तैं हें शोषे ।
पाठि इंद्रु होउनि वर्षे । तैं पुढुतीं भरे ॥ १४ ॥
आगा मृत्युचां भागीं जें जें । तैं हिं पै रूप माझें ।
आणि न मरतें तवं साहाजें । अविनाश मीं ॥ १५ ॥
आतां बहू बोलैनि सांघावें । तें एक हेला घे पां आघवें ।
तरि संतासंत ही जाणावें । मीं चि हें गा ॥ १६ ॥
ह्यणौनि अर्जुना मी नसें । ऐसा कोणहीं ठाऊं असे ।
पारि प्राणियांचें देवं कैसें । जें नेदखति मातें ॥ १७ ॥
हें आंतु बाहिरि मियां कोंदलें ।
जग निखिल माझें चि ओतलें ।
किं कैसें कर्म तेयां आलें ।
जें मीं चि नाहिं ॥ १८ ॥
तरंग पाणियें विण सूकति । रश्मि वाती उणें नेदखति ।
तैसे मीं चि ते मीं न्हवति । विस्मयो देखें ॥ १९ ॥
पारि अमृतीं कुहा पाहिजे । कां आपणेयांतें चि गिवसूं जाइजे ।
ऐसें आथि हें काइ कीजे । अप्राप्तां ॥ २० ॥
प्रासा येका अन्नासाठिं । अंधु धांवतां पायें किरीटी ।
आडलला चिंतामणि लेटी । आंधलेपणें ॥ १ ॥
तैसें ज्ञान जें सांडुनि जाए । तैं ऐसी हे दशा आहे ।
ह्यणौनि कीजे तें केलें नोहे । ज्ञानें विण ॥ २ ॥
आंधलेया गरुडाचे पांख आहाति । ते कोणहा हिं उपेगा जांति ।
तैसे सत्कर्माचे उपखे ठांति । अज्ञानां तेवी ॥ ३ ॥

त्रैविद्या मां सोमपाः पूतपापा यज्ञैरिष्ट्वा स्वर्गतिं पार्थयन्ते ।

ते पुण्यमासाद्य सुरैर्द्रलोकमश्नन्ति दिव्यान्दिधि द्रेषभोगान् ॥ २० ॥

देख पां किरिटी । आश्रमधर्माचिया राहाटी ।
 विधिमार्गा कसवटी । जे आपण चि होंत ॥ ४ ॥
 यजन करितां कवातिकें । तिहि वेदांचा माथा तूके ।
 क्रिया फलेंसीं उभी ठाके । पुढां जेयां ॥ ५ ॥
 ऐसे दीक्षित जे सोमप । जे आपण चि यज्ञाचें रूप ।
 तिहिं तेया पुण्याचेनि नावें पाप । जोडिलें देखें ॥ ६ ॥
 जे श्रुतिव्यतीतें जाणौनि । शतवेऱ्हां यज्ञां करुनि ।
 यजिलेया हीं मातें चुकउनि । स्वर्गु वशंति ॥ ७ ॥
 जैसें कल्पतरू तलवटीं । बैसौनि झोलिये पाडी गांठी ।
 मग निर्देउ० निगे किरिटी । दैन्य करुं ॥ ८ ॥
 तैसें शतक्रतू यजिलें मातें । किं इच्छिताति स्वर्गादिमुखातें ।
 आतां हें पुण्य किं निरुतें । पाप नोहे ॥ ९ ॥
 ह्यणौनि मज वीण पाविजे स्वर्गु । तो अज्ञानांचा गा पुण्यमार्गु
 ज्ञानिये तेयातें उपसर्गु । हाणि ह्यणति ॥ १० ॥
 एन्हविं तऱ्हां नरकिचें दुःख । पाहूनि स्वर्गा नावें किं मुख
 वांचूनि नित्यानंद निर्दोष । तें स्वरूप माझें ॥ ११ ॥
 मज येतां पैं सूभटा । हा द्विविधु गा अन्हांटा ।
 स्वर्ग नरक इया वाटा । चोरांचिया ॥ १२ ॥
 स्वर्गा पुण्यात्मकें येइजे । पापें चि पापात्मकें नरका जाइजे ।
 मग मातें चि जेणें पाविजे । तें शुद्ध पुण्य ॥ १३ ॥
 आणि मज चि माझि असतां ।
 जेणें मीं दूरि होये पांडुसुता ।
 तें पुण्य ऐसें ह्यणतां ।
 जांभ न शडे ॥ १४ ॥
 पारि हें असो आतां प्रस्तुत । आइकें यया पारि ते दीक्षित ।
 यज्ञनि मातें याचित । स्वर्गभोग ॥ १५ ॥

मग मीं न पविजे ऐसैं । जें पापरूप पुण्य असे ।
 तेणें लाधलेनि सौरसैं । स्वर्गा येती ॥ १६ ॥
 जेथ अमरत्व हें चि सीहांसन । ऐरावता सारिखें वाहान ।
 राजधानीभवन । अमरावती ॥ १७ ॥
 जेथ महासिद्धिचीं भांडारें । अमृताचीं कोठारें ।
 जिये गावीं क्षीरारें । कामधेनुचीं ॥ १८ ॥
 जेथ उल्लिगे देवां पाइकां । सैध चिंतामणिचेया भूमिका ।
 विनोदवनवाटिका । सुरतरूचिया ॥ १९ ॥
 गंधर्व—गान—गाणी । जेथ रंभे ऐसिया नाचणी ।
 उर्वशी मुख्य विलासिनी । आंतौरिया ॥ ३२० ॥
 मदनु ओलगे सेजारें । जेथ चंद्रु सिंपे साबरें ।
 पवना ऐसे ह्याणियारे । धावणे जेथ ॥ २१ ॥
 पै बृहस्पति मुख्य आपण । स्वस्तिश्रियेचे ब्राह्मण ।
 भाटियेचे सुरगण । विकर जेथें ॥ २२ ॥
 लोकपाल रागेचे । राउत जिये पदिचे ।
 उच्चैश्रवा खांचे । मागिलीकडे ॥ २३ ॥
 हें ब्रह्म असो जे ऐसे । भोग ब्रह्मसुखा सरिसे ।
 ते भोगीत जवं असे । पुण्यलेशु ॥ २४ ॥

ते तं भुक्त्वा स्वर्गलोकं विशालं क्षोणे पुण्ये नर्त्यलोकं विशांति ।
 एवं त्रयोधर्ममनुप्रपन्ना गतागतं कामकामा लभन्ते ॥ २१ ॥

मग तेया पुण्याची पाहूती सरे ।
 सवें चि इंद्रपणाची ऊठि उतरे ।
 आणि येजों लागति माघारे ।
 मृत्य लोका ॥ २५ ॥

जैसा भाडिन्चा कवडा वेचे ।
 मग दार ही चेंपू नैये तेयाचें ।
 ऐसें लाजिरवाणें दीक्षिताचें ।
 काइ सांगों ॥ २६ ॥
 एवं तिथेया मातें चूकले । जिहिं पुण्यें स्वर्ग कामिले ।
 तेयां अमरपण तें वाउ जाळें । आतां मृत्युलोकु ॥ २७ ॥
 आगा स्वप्नीं निधान फावे । परि ते चेइलेयां राहांत पावें ।
 तैसें स्वर्गमुख जाणावें । वेदज्ञाचें ॥ २८ ॥
 अर्जुना वेदु जन्हीं जाला । तन्हीं मीं नेणतां वायां गेला ।
 कणु सांडौनि उपणिला । कोंडा जैसा ॥ २९ ॥
 हणौनि मज एके विण । हें त्रयीधर्म अकारण ।
 मातें जाणौनि काहीं चि नेण । तूं सुखिया होंसी ॥ ३३० ॥

अनन्याश्चितयंतो मां ये जनाः पर्युपासते ।

तेषां नित्याभियुक्तानां योगक्षेमं वहाम्यहम् ॥२२॥

पैं सर्वभार्विसिं उखितें । जे उपले माझिये चित्तें ।
 जैसा गर्भगोलु उद्यमातें । कोणहा हीं नेणे ॥ ३१ ॥
 तैसें मीं वांचूनि काहीं । आणिक गोमटें चि नाहीं ।
 मज चि नावें पाइं । जीणें ठेविलें ॥ ३२ ॥
 ऐसे अनन्यगतिकें चित्तें । चिंतीत सांते मातें ।
 जे उपासीति तेयांतें । मी चि सेविं ॥ ३३ ॥
 ते एकवट्टनि जिये क्षणीं । अनुसरले गा माझिया वाहाणीं ।
 तेहां चि तेयां चितवणी । फाटली आपुली ॥ ३४ ॥
 मग तिहिं जें जें करावें । तें मज चि पडिलें आवें ।
 जैसें अजातपक्षाचेनि जीवें । पक्षिणी जिये ॥ ३५ ॥
 कां आपुली तान्हभूक नेणे । तेयां नीकें तें तायेसी चि करणें ।
 तैसें अनुसरले मज प्राणें । तेयांचें मिं काइसेनि न लजें ॥३६॥

तेयां माझेयां सायुज्याची चाड । तारि तें चि पुरविं कोड ।
 कां सेवा हणति आड । प्रेम सुएं ॥ ३७ ॥
 ऐसा मनीं धरिति जो भाओ । तो पुढपुढां लागें तेयां देऊं ।
 आणि दिधलेयाचा निर्वाहो । तो ही मीं चि करीं ॥ ३८ ॥
 हा योगक्षेमु आघवा । तेयांचा मज चि गा पांडवा ।
 जेयांचेया सर्वभावां । आश्रयो मीं ॥ ३९ ॥

येऽप्यन्यदेवताभक्ता यजंते श्रद्धयान्विताः ।

तेऽपि मामेव कौंतेय यजंत्यविधिपूर्वकम् ॥ २३ ॥

आतां आणीक संप्रदायें । परि मातें नेणति समवाए ।
 जे अग्नये इंद्राय अर्यमणे सोमाय । हणौनि भजिति ॥ ३४० ॥
 तें हिं हिर मातें चि होये । कां जें हें आघवें मीं चि आहें ।
 परि ते भजती उजिरी नोहे । विखम पडे ॥ ४१ ॥
 पाहे पां शाखापल्लव वृक्षाचे । हे न्हवति येका चि बीजाचे ।
 परि पाणी घेणें मुलांचें । तें मुलीं चि घापे ॥ ४२ ॥
 कां दाही इंद्रियें आधि । इयें जन्हीं एकी चि देहिचिं होंति ।
 आणि इहीं सेविले विखय जांति । एका चि टाया ॥ ४३ ॥
 तन्हीं करुनि रसोये बरवी । कानिं केवि भरावी ।
 फुलें आणुनु बांधावीं । डालां केवि ॥ ४४ ॥
 तेथ रसु तो मुखें चि सेवावा । परिमलु तो घ्राणें चि घेयावा ।
 तैसा मीं तो यजावां । मी चि हणौनि ॥ ४५ ॥
 येर मातें नेणौनि भजन । तें वायां चि गा आनीआन ।
 हणौनि कर्माचे डोले ज्ञान । तें निर्दोष होआवें ॥ ४६ ॥

अहं हि सर्वयज्ञानां भोक्ता च प्रभुरेव च ।

न तु मामभिजानंति तत्त्वेनातश्च्यवंति ते ॥ २४ ॥

एन्हविं पाहे पां पांडुसुता । एयां यज्ञोपचारां समस्तां ।
 मीं वांचूनि भोक्ता । कवणु आहे ॥ ४७ ॥

मी सकल यज्ञाची आदि । आणि यजना या मीं चि अवधि ।
 किं मातें चूकौनि दुर्बुद्धी । देवां भजले ॥ ४८ ॥
 गंगेचे उदक गंगे जैसें । अर्पिजे देवपितरोदेशें ।
 माझे मज देंति तैसें । परी आनानी भावीं ॥ ४९ ॥
 ह्यणौनि ते पार्था । मातें न पवती चि सर्वथा ।
 मग मनीं जे वाहिली आस्था । तेथ आले ॥ ३५० ॥

यांति देवव्रता देवान् पितृन्यांति पितृव्रताः ।

भूतानि यांति भूतेज्या यांति मद्याजिनोऽपि माम् ॥२५॥

मनें वाचा करणीं । जेयांचीं भजनें देवांचिया वाहाणी ।
 ते शरीर जांत क्षणीं । देव चि जाले ॥ ५१ ॥
 अथवा पितरांचीं हान व्रतें । वाहांति जेयांचीं चितें ।
 जीवित सरतां तेयांतें । पितृत्व चि वरि ॥ ५२ ॥
 कां क्षुद्र देवतादि भूतें । तियें चि जेयांचीं परमदेवतें ।
 जिहि अभिचारुकिं तेयांतें । उपासिलें ॥ ५३ ॥
 तेया देहाची जवनीक फीटली । आणि भूतत्वाची प्राप्ति जाली ।
 एवं संकल्पवशें फललीं । कमें तेयां ॥ ५४ ॥
 मग मीं चि डोलां देखिलां । जिहिं कानिं मीं चि आइकिलां ।
 मनीं मीं भाविलां । वानिलां वाचा ॥ ५५ ॥
 सर्वांगें सर्वे ठांडें । नमस्कारिलां मी चि जिहीं ।
 दानपुण्यादि जें काहीं । तें माझिया मोहरा ॥ ५६ ॥
 जिहिं मातें अध्ययन केलें । जे आंतु बाहिरि मियां जि धाले ।
 जेयांतें जीवित जोडलें । मज चि लागि ॥ ५७ ॥
 जे अहंकार वाहांत आंगीं । आसिं हरिचे हें भूषावेया लागि ।
 जे लोभिण्ये एक चि जगीं । माझेनि लोभें ॥ ५८ ॥
 जे माझेनि कामें सकाम । जे माझेनि प्रेमें सप्रेम ।
 जे माझिये भूली सभ्रम । नेणति लोकु ॥ ५९ ॥

जेयांचीं मातें चि जाणति शास्त्रें । मी जोडें जेयाचेनि मंत्रें ।
 ऐसेनि चेष्टामात्रें । भजले मज ॥ ६० ॥
 ते मरणा ऐलीकडे । मज मीलानि गेले फुडे ।
 मग मरणीं आनीकडे । जांतील केवि ॥ ६१ ॥
 हणौनि मद्याजी जाले । ते सायुज्या माझेया आले ।
 जिहीं उपचारामिसें दीधलें । आपणपें मज ॥ ६२ ॥
 पें अर्जुना माझां ठांडें । आपणपेंनि विण सौरसु नाहीं ।
 मी उपचारीं कव्हणी हीं । ना कलें गा ॥ ६३ ॥
 एथ जाणीव करी तें चि नेणें । आथिलेपण मिरवी तें चि उणें ।
 आह्मीं जालें ऐसें हणें । तें कहीं चि नोहें ॥ ६४ ॥
 अथवा यज्ञदानादि किरीटी । कां तपें हान जें हुटहुटी ।
 तें तृणा एका साठीं । न सरें एथ ॥ ६५ ॥
 पाहे पां जाणिवेचेनि वलें । कोणहीं वेदापासूनि असे आगलें ।
 किं शेषाहूनि तोंडागलें । बोलिकें आथि ६६ ॥
 तो ही आंधुरणा खालि दडे । येरु नेति हणौनि बाहुडे ।
 एथ सनकादिक वेडे । पिसे जाले ॥ ६७ ॥
 करितां तापसांसि कडसणीं । कवणु जवला ठेविजैल शूलपाणी ।
 तो ही अभिमानु सांडूनि पायेवणी । माथां वाहे ॥ ६८ ॥
 नां तारि आथिलेपणें सरिसी । कोणहीं आहे लक्षिमयां ऐसी ।
 श्रिये सौरिखिया दासी । घरीं जियेतें ॥ ६९ ॥
 तिया खेलतां कारिति घरकुलीं ।
 तेया नावें अमरपुरें जारि ठेविलीं ।
 तारि नव्हों नैयति बाउलीं ।
 इंद्र तियांचें ॥ ३७० ॥
 जे नावडौनि जेव्हां मोडिति । तेव्हां महेंद्राचे ही रंक होती ।
 तियां झाडा एउतें जेयां पाहांति । ते कल्पवृक्ष ॥ ७१ ॥

ऐसीं जियेचिया जवलिका । सदर्थें धरिचेयां पाइकां ।
 ते लक्ष्मी मुख्य नायका । नमने चि एथ ॥ ७२ ॥
 मग सर्वस्वें करी सेवा । मानु सांडूनि पांडवा ।
 ते पाये धुआवेयाचेया दैवां । पात्र जाली ॥ ७३ ॥
 ह्यणौनि धोरपण पन्हां सांडिजे ।
 एथ वित्पत्ति अवघी चि विसरिजे ।
 जें जगा धाकुटेयां होइजे ।
 तें जवलीक माझी ॥ ७४ ॥
 भगा सहस्रकराचिये दीठा । पुढां चंद्रु ही लोपे किरीटी ।
 तेथ खद्योतु कां हुटहुटी । आपुलेनि तेजें ॥ ७५ ॥
 तैसें लक्ष्मीयेचें धोरपण सरे । जेथ शंभूचें हीं तप नुपकरे ।
 तेथ येर प्राकृत हेंदरें । जाउं काइ लाहे ॥ ७६ ॥
 एया लागि शरीर—सांडोवा कीजे ।
 सकळ गुणांचे लोण उतारिजे ।
 संपत्तिमदु सांडिजे ।
 कुरींठी करुनि ॥ ७७ ॥

पत्रं पुष्पं फलं तोयं यौ मे भक्त्या प्रयच्छति ।

तदहं भक्त्युपहृतमभ्रामि प्रयतात्मनः ॥ २६ ॥

मग निःसीमु भाउं उल्हासें । मज अपावेयाचेनि मीसें ।
 फल एक आवडे तैसें । भले तेयाचें ॥ ७८ ॥
 मग भक्तु माझेयाकडे अलुमालु दाखवी ।
 आणि मीं दोन्हीं हात उडवीं ।
 मग देंदु न संडितां सेवीं ।
 भादरेंसीं ॥ ७९ ॥
 पै गा भक्तीचेमि नावें । फूल मज येक देयावें ।
 तें लेखें तारि मियां तुरुबावें । परि मुखीं चि घालीं ॥ ३८० ॥

हें असो काइसीं फुलें । पान चि एक आवडतें जालें ।
 तें साजुक ही न्हवे सूकलें । भले तैसें ॥ ८१ ॥
 परि सर्व भावें भरलें देखें । आणि भूकैला ऐसा अमृतें तोखे ।
 तें पत्र चि परि तेंणें सुखें । आरोगुं लागें ॥ ८२ ॥
 अथवा ऐसें हीं एक घडे । जें पाला ही परि न जोडे ।
 तारि उदकाचें सांकडें । नव्हैल कीं ॥ ८३ ॥
 तें भले तेथ निमोलें । न जोडितां असे जोडलें ।
 तें चि सर्वस्व करुनि अर्पिलें । जेणें मज ॥ ८४ ॥
 तेंणें वैकुंठापासौनि विशालें । मज लागि केलीं राउलें ।
 कौस्तुभाहूनि निर्मलें । लेणीं दीधलीं ॥ ८५ ॥
 दूधार्चीं सेजारें । क्षीराब्धी ऐसीं मनोहरें ।
 मज लागि अपारें । स्रजिलीं तेंणें । ८६ ॥
 कर्पुरु चंदनु अगरु । ऐसेया मुगंधांचा मनोहरु ।
 मज हातीं लाविला दिनकरु । दीपमाले ॥ ८७ ॥
 गरुडा सारिखीं वाहनें । मुरतरूचीं उद्यानें ।
 कामधेनूचीं गोधनें । अर्पिलीं तेंणें ॥ ८८ ॥
 मज अमृताहूनि मुरसें । वोनीं वोगारिलीं बहुवसें ।
 ऐसा भक्ताचेनि उदकलेशें । परितोषें गा ॥ ८९ ॥
 हें सांघावें काइ किरीटी । तुह्मीं देखिलें आपुलिया दीठी ।
 मीं मुदामेयांचिया सोडीं गांठी । पडुवेयां लागि ॥ ३९० ॥
 पै गा भक्ति ण्कि मीं जाणें । तेथ सानें थोर न सणें ।
 आर्लीं भावांचे पाहुणे । भलेतेया ॥ ९१ ॥
 एर पत्र पुष्य फल । तें भजावेया मीस केवल ।
 आमचा लागु निखल । भक्तितत्व ॥ ९२ ॥

बत्करोषि यद्भासि यज्जुहोषि द्वासि बत् ।
 बसपश्यसि कौंतेय तत्कुरुष्व मदर्पणम् ॥ २७ ॥

क्लणौनि अर्जुना अवधारी । तू बुद्धि एकि सोपारी ।
 तरि साहाजें आपुलां मंदिरीं । अवसरोचित ॥ ९३ ॥
 जे जे काहीं व्यापार करिसी । कां भोग हान जे भोगिसि ।
 अथवा यज्ञीं यजिसी । नाना विधीं ॥ ९४ ॥
 ना तरि पात्रविशेषें दानें । कां सेवकांसि जीवणें ।
 तपादि साधनें । व्रतें कारिसी ॥ ९५ ॥
 तें क्रियाजात आववें । जें जेंसें निफजैल स्वभावे ।
 तें भावना करुनि करावें । माझेया मोहरा ॥ ९६ ॥
 पारि सर्वथा आपुलां जिवीं । केलेयाची से काहीं नुरावी ।
 ऐसीं धूनि कर्म देयावीं । माझां हातीं ॥ ९७ ॥

शुभाशुभफलैरेवं मोक्ष्यसे कर्मबंधनैः ।

संन्यासयोगमुक्तात्मा विमुक्तो मामुपैष्यसि ॥ २८ ॥

मग अग्निकुंडीं बीजें घातलीं । तिथें अंकुरदशे जेवि मूकलीं ।
 तेवि न फलती चि मज अर्पिलीं । शुभाशुभें ॥ ९८ ॥
 आगा कर्म जें उरावें । तें तिहीं मुखदुःखीं फलावें ।
 आणि तेयातें भोगावेया यावें । देहा एका ॥ ९९ ॥
 तें उगणिलें मज कर्म । तेव्हां चि पूसलें जन्म ।
 जन्मासवें श्रम । वरिचिल ही गेले ॥ १०० ॥
 क्लणौनि अर्जुना एया परीं । पाहिचा वेलु नव्हैल भारी ।
 हे संन्यासयुक्ति सोपारी । दीधली तुज ॥ १ ॥
 ऐया देहाचिये बांधवडी न पडिजे ।
 मुखदुःखाचां सागरीं न बुडिजे ।
 मुखें मुखरूपां घडिजे ।
 माझेया चि आंगा ॥ २ ॥

.समोऽहं सर्वभूतेषु न मे द्वेष्योऽस्ति न श्रियः ।

ये भजन्ति तु मां भक्त्या मयि ते तेषु शान्त्यहम् ॥ २९ ॥

तो मीं पूससी कैसा । तरि जो सर्वभूती कां सरिसा ।
 जेथ आप परु ऐसा । विभागु नाही ॥ ३ ॥
 जें एया मातें जाणौनि । अहंकाराचा कुरुठा मोडूनि ।
 जीवें कर्म करुनि । भजत मातें ॥ ४ ॥
 ते वर्त्तत ही असति देहीं । परि देहीं ना ते माझां ठाई ।
 आणि मीं तेयांचां हृदयीं । समग्रु असें ॥ ५ ॥
 सविस्तर वटव जैसैं । बीज कणिके माझि असे ।
 आणि बीजकणु वसे । वर्टी जेवि ॥ ६ ॥
 तेवि आह्मा तेयां परस्परें । बाहीरि नावांची चि अंतरें ।
 वांचूनि आंतुवटे वस्तुविचारें । मीं ते चि ते ॥ ७ ॥
 आतां जाइयांचें जैसैं लेणें । आंगावरि आहाच वाणें ।
 तैसैं देहधरणें । उदास तेयांचें ॥ ८ ॥
 परिमळु निगालेयां पवनापाठीं । मागां उ०स फूल.देंठीं ।
 तैसैं आयुष्याचिये मुठी । केवल देह ॥ ९ ॥
 एरु अवष्टंभु जो आघवा । तो आरूढौनि मद्गावा ।
 मज चि आंतु पांडवा । पैटा जाला ॥ ४१० ॥

अपि चेत्सुदुराचारो भजते मामनन्यभाक् ।

साधुरेव स मंतव्यः सम्यग्व्यवसितो हि सः ॥ ३० ॥

ऐसेनि भजतेनि प्रेमभावे । जेया शरीर ही पाठि न पवे ।
 तेणें भलेतिये होआवें । जातिचेयां ॥ ११ ॥
 आणि आचरण पांतां सूभटा । तो दुःकृतांचा चि कीरु सेलवांटा ।
 परि जीवित वेचिलें चौहटां । भक्तिचां किं ॥ १२ ॥
 आगा अंतिचीया मती । साचपण पुढिली गती ।
 क्षणौनि जीवित जेणें भक्ती । दीन्हलें शेषीं १३ ॥
 तो आदीं जन्हीं अनाचारी । तन्हीं सर्वोत्तमू चि अवधारीं ।
 जैसा बुडाला महापुरीं । नमरतु निगाला ॥ १४ ॥

तेयांचें जीवित ऐली थडिये आलें ।
 ह्मणौनि बुडालेंपण वायां जेवि गेलें ।
 तेवि नुरे चि पाप केलें ।
 सेवटिचिये भक्ती ॥ १५ ॥
 एया लागि दुष्कृती जन्हीं जाला । तन्हीं अनुतापतीर्थी न्हाला ।
 न्हाउनियां मज आंतु आला । सर्वभावें ॥ १६ ॥
 तरि आतां पवित्र तेयाचें कुल । अभिजात्य तें चि निर्मल ।
 जन्मलेयाचें फल । तेयाचेया चि जालें ॥ १७ ॥
 तो चि सकल पढिनला । तपें तो चि तपिनला ।
 अष्टांगु अभ्यासिला । योगु तेणें ॥ १८ ॥
 हें बहुत असो पार्था । तो उतरला कर्में सर्वथा ।
 जेयाची अखंड आस्था । मज चि लागि ॥ १९ ॥
 अवघेया चि मनोबुद्धिचिया राहाटी ।
 भरौनि एकनिष्ठतेची पेटी ।
 मज माझि किरीटी ।
 निक्षेपिली जेणें ॥ ४२० ॥

क्षिप्रं भवति धर्मात्मा शश्वच्छांतिं निगच्छति ।
 कौंतेय प्रतिजानीहि न मे भक्तः प्रणश्यति ॥ ३१ ॥

तो आतां अवसरें मजसारिखा होईल ।
 ऐसा हान भाऊ तूज जाईल ।
 हां गा अमृतांतु राहिल ।
 मरण केवि ॥ २१ ॥
 पैं सूर्य जो वेलु नुदैजे ।
 तेया वेला चि नावं रात्रि किं ह्मणजे ।
 तेवि माझेये भक्तीविण कीजे ।
 तें महापाप न्हवे ॥ २२ ॥

ह्यौनिं तेयाचेया चित्ता । माझी जवलीक जाली पांडुसुता ।
 तेन्हां चि तो तत्वता । माझे रूप ॥ २३ ॥
 जैसा दीपें दीपु लाविजे । तेथ चि आदिलु कोणु हें नेणजे ।
 तैसा सर्वस्वें मज भजे । तो मीं चि होउनि ठाके ॥ २४ ॥
 मग माझी नित्य शांति । तेया ते दशा ते चि कांति ।
 किंबहुना माझे जीति । माझेनि जीवें ॥ २५ ॥
 एथ पार्था पुडुतीं पुडुतीं । तें चि तें सांघों केती ।
 तन्हीं मियां चाड तारि भक्ती । नविसंभिजे ॥ २६ ॥
 आगा कुलाचेया चोखटपणा नलगा ।
 आभिजात्यें ज्ञानें श्लाघा ।
 व्युत्पत्तीचा ही वाउगा ।
 सोसु कां वाहा ॥ २७ ॥
 कां रूपें वयसा माजा । आथिलेपर्णे काह्या गाजा ।
 एकु भाउ नाहिं माझा । तरि पालाल तें ॥ २८ ॥
 कणें विण सोपटें । कणिसें लागलीं आथि एक दाटें ।
 काइ कराल गोमटें । वोस नगर ॥ २९ ॥
 नां तरि सरोवर आटलें । रानीं दुःखिया दुःखियें भेटलें ।
 कां वांझां फूलीं फूललें । झाड जैसें ॥ ४३० ॥
 तैसें सकल तें विभव । अथवा कुलज्ञानगौरव ।
 जैसें शरीर आहे साक्यव । परि सीस चि नाहिं ॥ ३१ ॥
 तैसें माझेया भक्तीविष्णु । जलो तें जियालेपण ।
 आगा पृथ्वीवारि पाखण्य । नसति काइ ॥ ३२ ॥
 पै हीं वरांची दाट साडली । सजनीं जैसी वालिली ।
 तैसिं पुण्यें डावलनि गेलीं । अभक्तांतें ॥ ३३ ॥
 नींबु नींबोलीं मोडौनि आला । तरि काउलेयांसि सुकालु जाल ।
 तैसा भक्तिहीनु वाढिमळ । दोषां चि लागि ॥ ३४ ॥

कां खडरसीं खापरीं वाढिलें । वाढूनि राति चौहटां सांडिलें ।
 तेथ सुणेयांचां एसें जालें । जेया परीं ॥ ३५ ॥
 तैसें भक्तिहानाचें जीणें । कां संपत्ति ही न मुकृत जाणणें ।
 तें सर्वसारदुःखासि अवंतणें । उगारिलें गा ॥ ३६ ॥
 हणौनि कुल उत्तम नोहावें । जाती अत्यां हीं होआवें ।
 वरि देहाचेनि नावें । पशु ही लाभो ॥ ३७ ॥

मां हि पार्थ व्यपाश्रित्य येऽपि स्युः पापयोनयः ।

स्त्रियो वैश्यास्तथा शूद्रास्तेऽपि यांति परां गतिम् ॥३२॥

पाहें पां सावजें हातिरुं धरिलें ।
 तें तिया काकुलती मातें स्मरिलें ।
 किं तियाचें पशुत्व वावो जालें ।
 पातलें मातें ॥ ३८ ॥
 आगा नावं घेतां ओखटी । जे आघाविया अधमाचां सेवटीं ।
 तिये पापयोनीं हीं किरिटी । जन्मले जे ॥ ३९ ॥
 ते पापयोनि मूढ । मूर्ख जैसे दगड ।
 परि माझां ठांडं दड । सर्वभावें ॥ ४० ॥
 जेयांचिये वाचे माझे आलाप । दीटि भोगी माझे चि रूप ।
 जेयांचें मनसंकल्प । माझे चि वाहे ॥ ४१ ॥
 माझेया कीर्त्ताधिण । जेयांचे रीते नाहीं श्रवण ।
 जेयां सर्वांगा भूषण । माझी सेवा ॥ ४२ ॥
 जेयांचें ज्ञान विषो नेणे । जाणिवो मज चि एकाते जाणे ।
 जेयांसि ऐसें लाभें तरि जीणें । यन्हविं मरण ॥४३ ॥
 ऐसां आघवां चि परीं पांडवा । जिहिं आपुलेयां सर्वभावां ।
 जियावेया लागि ओलावा । मीं चि केला । ४४ ॥
 ते पापयोनी हीं होंतु कां । ते श्रुताधीत न्हवतु कां ।
 परि मासिं तूंकितां तूका । तूटि नाहिं ॥ ४५ ॥

पाहे पां भक्तिचेनि आधिलेपणें । दैत्यें देवां आणिलें उणें ।
 माझे नृसिंहत्व लेणें । जेयाचिये महिमे ॥ ४६ ॥
 तो प्रन्हादु गा मजसाठीं । घेंतां वौहें सदा किराटी ।
 कां जें मियां देयावें तें गोठी । तेयाचिया जोडे ॥ ४७ ॥
 येन्हविं दैत्यकुल साचोकारें । परि इंद्र ही सारि न लाहे उपरें ।
 ह्यणानि भक्ति गा एथ सरे । जाति अप्रमाण ॥ ४८ ॥
 राजाज्ञेचीं अक्षरें आधि । तियें चर्मा एका जेया पडति ।
 तेया चर्मा साठीं जोडति । सकला ही वस्तू ॥ ४९ ॥
 वांचूनि सोनें रूपें प्रमाण नोहे । एथ राजाज्ञा समर्थ आहे ।
 तें चर्म चि एक जें लाहे । तेणें वीकेति आघवीं ॥ ४५० ॥
 तसें उत्तमत्व तें तरे । तें चि सर्वज्ञता सरे ।
 जें मनोबुद्धि भरे । माझेनि प्रेमें ॥ ५१ ॥
 ह्यणानि कुलें जाती वर्ण । हें आघवें चि गा अकारण ।
 एथ अर्जुना माझेपण । सार्थक एक ॥ ५२ ॥
 तें चि भलेतेणें भावें । मना मज आंतु एणें होआवें ।
 आलें तरि आघवें । मागील तें वाओ ॥ ५३ ॥
 तसें तवं चि वाहला वोहल । जवं न पवति गंगाजल ।
 मग होउनि ठाकति केवल । गंगारूप ॥ ५४ ॥
 कां खरचंदन काष्टें । हे धिवंचना तवं चि घटें ।
 जवं नेघपति येकावटें । अग्नी माझि ॥ ५५ ॥
 तसें क्षत्री वैश्य स्त्रिया । कां शूद्र अंत्यादि इया ।
 जाती तवं चि वेगलालिया । जवं न भजति मातें ५६ ॥
 मग जाती व्यक्ती पडे बिंदुलें । जेव्हां भाव होंति मज मीनले ।
 जैसे लवणकण घातलें । सागरावारि ॥ ५७ ॥
 तवं चि नदानदीचीं नावें । तवं चि पूर्वपश्चिमें तेयां धावें ।
 जवं नेयति आववे । समुद्रापासिं ॥ ५८ ॥

हे चि कन्हणे येके मिसें । चित्त माझां ठांइ प्रवेशे ।
 एतुलें हो मग आपसैं । मी होणें असें ॥ ५९ ॥
 आगा वर फोडावेया चि लागि ।
 लोह मीलो कां परिसाचां आंगीं ।
 कां जें मिलैल इये प्रसंगीं ।
 सोनें हाईल ॥ ४६० ॥
 पाहे पां वालभाचेनि व्याजें । तियां वज्रांगनाचिं नीजें ।
 मज मीनलेयां काइ माझें । स्वरूप नो होंती चि ॥ ६१ ॥
 ना तारि भियाचेनि मीसैं । मातें न पविजे चि काइ कसैं ।
 किं अखडें बैरावेशें । चेंद्यादिकिं ॥ ६२ ॥
 आगा सोइरेपणें चि पांडवा । माझें सायुज्य एयां यादवां ।
 पैं ममत्वे वसुदेवा— । दिकां सकलां ॥ ६३ ॥
 नारदा ध्रुवा अक्रूरा । शुका हान सनत्कुमारा ।
 ऐयां भक्ती मी धनुर्द्वरा । प्राप्यु जैसा ॥ ६४ ॥
 तैसा चि गोपीसीं सकामें । तेया कंसा भयसंभ्रमें ।
 एरां घातकें मनोधमें । शिशुपालां ॥ ६५ ॥
 आगा मी एकु लाणिचें खागें । मज एउ० ये भलेतेणें मागें ।
 भक्ती कां विषयवैरागें । अथवा वैरें ॥ ६६ ॥
 हणौनि पाइं । प्रवेशावेया माझां ठांइ ।
 उपायांची नाहिं । केणि एथें ॥ ६७ ॥
 आणि भलेतिये जाती जन्मावें । मग भजिजो अथवा विरोधात्रें ।
 परि भक्तां कां वैरियां होआवें । माझेयां चि ॥ ६८ ॥
 आगा कन्हणें येकें बोलें । माझेपण जरि जालें ।
 तरि मीं होणें आलें । हाता निरुतें ॥ ६९ ॥
 एषा लागि पापयोनी अर्जुना । कां वैश्य शुंद्र अंगना ।
 येणें मातें भजतां सदना । माझेयां येति ॥ ४७० ॥

किं पुनर्ब्राह्मणाः पुण्या भक्ता राजर्षयस्तथा ।
अनित्यममुखं लोकमिमं प्राप्य भजस्व माम् ॥ ३३ ॥

मग वर्णा माक्षि छत्रचामर । स्वर्गु जेयाचें अप्रहार ।
मंत्रविद्येसि माह्येर । ब्राह्मण जे ॥ ७१ ॥
जे पृथ्वीतलिचे देव । जे तपावतार सावयव ।
सकल तीर्थासि दैवं । उदैलें जे ॥ ७२ ॥
जेथ अखंड वसिजे यागि । वेदांची जे वजांगी ।
जेयांचिये दीठिचां उत्सर्गां । मंगल वाढे ॥ ७३ ॥
जेयांचिये आस्थेचेनि वोलें । सत्कर्म पाहाळि गेलें ।
संकल्पें सत्य जियालें । जेयांचेनि ॥ ७४ ॥
जेयांचेनि गा बोलें । आगिसि आयुष्य जालें ।
हणौनि समुद्रें पाणी आपुलें । दीधलें प्रीती ॥ ७५ ॥
मियां लक्ष्मी हीं केली परौति ।
फेड्ढनि कौस्तुभ घेतला हातीं ।
मग वोडवली वक्षस्थलाची वाखती ।
वरणरजा जेयाचेया ॥ ७६ ॥
आभूं पाउलांची मुद्रा । मीं उरीं वाहें जे सुभद्रा ।
आपुलेया दैवं समुद्रा । जतने लागि ॥ ७७ ॥
जेयांचा कोपु सूभटा । कालाग्निरुद्राचा वसैठा ।
जेयांचां प्रसादीं फूकटा । जोडति सिद्धी ॥ ७८ ॥
ऐसे पुण्यपुंज ब्राह्मण । आणि माझां ठांइ अतिनिषण्ण ।
आतां मातें पावति कवण । समर्थणें ॥ ७९ ॥
पाहे पां चंदनाचेनि अंगानीलें । सीतलें निव होंते जे जवले ।
तिहिं निजीवीं हीं देवांचिं निडलें । बैसणीं केलीं ॥ ४८० ॥
मग तो चंदनु तेथ न पवे । एसें मनीं चि कैसेनि धरावें ।
अथवा पातला हें समर्थावें । तेन्हां काड साच ॥ ८१ ॥

तेथ निववील ऐसिया आशा । हरें चंद्रमा आधा ऐसा ।
 वाहिजत असे शिरमा । निरंतर ॥ ८२ ॥
 तेथ निवविता आणि सगला । परिमलें चंद्राहूनि आगला ।
 तो चंदनु काइ स्वलीला । सर्वांगि न बैसे ॥ ८३ ॥
 कां रथ्योदकें जिये जिये कासे ।
 लागलेयां समुद्रु जालीं अनायासें ।
 तियें गंगेसि काहीं अनारिसें ।
 गत्यंतर असे ॥ ८४ ॥
 ह्यगौनि राजर्षी हान ब्राह्मण । जेयां गती मती मीं चि शरण ।
 तेयां त्रिशुद्धी मीं चि निर्वाण । स्थिति ही मीं ॥ ८५ ॥
 एया लागि शतजर्जरे नावे । रिगौनि निश्चंता होआवें ।
 कैसेनि उघडलेयां असावें । शम्भुवर्षि ॥ ८६ ॥
 आगा वरिपडतां पापाण । न सुवावें केवि ओडण ।
 रोगिं दाटिला आणि उदासपण । उषधेंसीं ॥ ८७ ॥
 जेथ चहूंकडे जलतसे वणवा ।
 तेथौनि कैसेनि न निगिजे पांडवा ।
 तेवि लोका एउनि एया सोपद्रवा ।
 केवि न भजिजे मातें ॥ ८८ ॥
 आगा मातें न भजावेया लागि । कवण बळ पां आपुले आंगिं ।
 काइ घरि किं भोगिं । निश्चंत केलें ॥ ८९ ॥
 ना तरि विद्या किं वयसा । एया प्राणियांसि हा ऐसा ।
 मज न भजतां भवसा । मुखाचा जाला ॥ ९० ॥
 तरि भोग्यजात जितुलें । तें एका चि देहाचेया नीके लागलें ।
 आणि एथ देह तव असे पडिलें । कालाचां तोंडीं ॥ ९१ ॥
 बापा दुःखाचें केणें सूटलें । जेथ मरणांचें भरें लोटलें ।
 तिये मृत्युञ्जयविषये असे घडलें । हाटवेले एणें ॥ ९२ ॥

आतां सुखेंसिं जीविता । कैसी प्राहकै कीजैल पांडुसुता ।
 काइ राखोंडिया फूंकितां । दीपु लागे ॥ ९३ ॥
 आगा विषाचे कांदे वाट्टनि । गोरसु घेइजे पीद्वनि ।
 तेया नावं अमृत ठेउनि । जैसें अमरां होणें ॥ ९४ ॥
 कां सीस खांडूनि आपुलें । पायांचां खतीं बांधलें ।
 तैसें मृत्युलोकिकें भलें । आहे आघवें ॥ ९५ ॥
 ह्यणौनि मृत्युलोकिं सुखाची काहाणी ।
 आइकैजैल कवणाचां श्रवणीं ।
 कैची मुखनिद्रा आंधुरणीं ।
 इंगलांचां ॥ ९६ ॥
 जिये लोकिंचा चंद्रु क्षयरोगी ।
 जेथ उदो होये अस्तवावेया चि लागि ।
 दुःख लेउनि सुखाची आंगी ।
 सलित जगातें ॥ ९७ ॥
 जेथ मंगलाचां अंकुरीं । सर्वें चि अमंगलांची आहे पोहोरी ।
 मृत्यु उदयाचां परिवरीं । गर्भ गिवसी ॥ ९८ ॥
 जीतें नाहिं तेयाचें चिंतवी । तवं तें चि नेइजे गंधर्वीं ।
 गेलेयाची कव्हणी गावीं । शुद्धि न लभे ॥ ९९ ॥
 आगा गिवसितां आघवां वाटीं ।
 परतलें पाउल चि नाहिं किरीटी ।
 सैघ निमालेयांचिया गोठी ।
 तियें पुराणें जेथिचीं ॥ ५०० ॥
 जेथिचिये अनित्यतेची थोरां । करितेया ब्रह्मेयाचें आयुष्यवेन्हीं ।
 कैसें होणें नाहिं अवधारीं । निपट्टनियां ॥ १ ॥
 ऐसी लोकिची इये नांदणुक । तेथ जन्मले आहाति जे लोक ।
 तेबांचिये निश्चंतैयेचे कें कवतिक । दीसतसे ॥ २ ॥

पैं दृष्टादृष्टिचिये जोडी । भांडवला न सुटे कवडी ।
 जेथ सर्वस्वें हाणि तेथ कोडी । वेचितील ॥ ३ ॥
 जो बहू इयें विषयविलासीं गूंपे ।
 तो क्षणे उवाईं पडिलां सांपें ।
 जो अभिलाषाभारें दडपे ।
 तेयातें सन्नानु क्षणति ॥ ४ ॥
 जेयाचें आयुष्य धाकुटें होए । बल प्रज्ञा जिरौनि जाए ।
 तेयाचे नमस्कारिजति पाए । वडील क्षणौनि ॥ ५ ॥
 जवं जवं श्वान बलिया वाढे । तवं तवं भोजें नाचति कोडें ।
 आयुष्य निमालें आंतुलीकडे । ते ग्लानि नाहिं ॥ ६ ॥
 जन्मलेया दिहें दिवसें । हों लागे कालाचेया ऐसें ।
 किं वाढतीं कारिति उल्हासें । उभिति गुढिया ॥ ७ ॥
 भगा मर हा बांलु न सांहांति । आणि मेलेयां तरि रडति ।
 परि असतें जींत न गणिति । गैसासं पैं ॥ ८ ॥
 दर्दुरु सापें गील्लिजतु उभा । तो मासिया वेंटाली जीभा ।
 तैसे प्राणिये कवणा लोभा । वाढविति तृष्णा ॥ ९ ॥
 आहा कटा उभ्वटें । हें मृत्युलोकिचें उपराटें ।
 एथ अर्जुना जन्हें अवचटें । जन्मलासि ॥ ५१० ॥
 तन्हें झडझडौनि वहिला निग । इये भक्तीचिये वाटे लाग ।
 जीया पावसी अव्यंग । निजद्वाम माझे ॥ ११ ॥

मन्मना भव मङ्गको मद्याजी मां नमस्कुरु ।

मामेवैष्यासे युष्वैवमात्मानं मत्परायणः ॥ ३४ ॥

तूं मन हें मां चि करीं । माझां भजनीं प्रेम धरीं ।
 सर्वत्र नमस्करिं । मज एकातें ॥ १२ ॥
 माझेनि अनुसंधानें देख । संकल्प जालणें अशेख ।
 मद्याजी क्षणिपे चोख । तें यया नावं ॥ १३ ॥

ऐसा मियां आधिला होंसी । तेथ माक्षिया चि स्वरूपा येसी ।
 हे अंतष्करणिचें तुसीं । बोलिजत असे ॥ १४ ॥
 आगा आववेया चोरिया आपुलें ।
 जें सर्वस्व आक्षि असे ठेविलें ।
 तें पावौनि सुख सांचलें ।
 होउनि ठांसी ॥ १५ ॥
 ऐसेनि सावलेनि परब्रह्म । तेणें भक्तकामकल्पद्रुमें ।
 बोलिले आत्मारामें । संजयो हणें ॥ १६ ॥
 अहो आइकत असा अवधारा ।
 तत्रं एया बोला निवातु ह्यांतारा ।
 जैसी ह्यैसी नुठी कां पुरा ।
 तैसा उगला चि असे ॥ १७ ॥
 तेथें संजयें माथा तूकिला । आहा अमृताचा पाउसु बरिषला ।
 हा एथ चि असतु गेला । सेजेया गावां ॥ १८ ॥
 तन्हें दातारु हा आमचा । हणौनि ऐसें बोलतां भिल्लैल वाचा ।
 काइ जालें एयाचा । भोगू चि ऐसा ॥ १९ ॥
 परि बापु भाग्य माझें । जें वृत्त सांघावेयाचेनि व्याजें ।
 कंसा रक्षिला मुनिराजें । व्यासदेवें ॥ ५२० ॥
 एतुलें हें वाडें सायासें । जवं बोलतसे दृढें मानसें ।
 तवं न धरे चि आपुलेया ऐसें । सात्विकिं केलें ॥ २१ ॥
 चित्त वावठेलें आठौ घेंत । वाचा पांगुलैली जेथिची तेथ ।
 आपण्णकेंचुकित । रोमांचीं जालें ॥ २२ ॥
 अघोन्मीलित डोले । वरिषताति आनंदजलें ।
 आंतुला सुखोर्माचेनि बलें । बाहिरि कांपें ॥ २३ ॥
 पै अश्रवां चि रोममूर्लीं । आलां स्वेदकर्णीं निर्मलीं ।
 लेइल्ल अश्रुतियांची कडियाली । आवडे तैसा ॥ २४ ॥

ऐसा महासुखाचेनि अतिरसें । जेथ आटणी होईल जीवदशे ।
 तेथ निरोविलें व्यासें । तें नेदी चि हों ॥ २५ ॥
 आणि कृष्णार्जुनांचें बोलणें । घोकारि आलें श्रवणें ।
 किं देहस्मृतिचा तेणें । वापसा केला ॥ २६ ॥
 सेव्हां नेत्रिचें जल विसर्जी । मग सर्वांगिचा स्वेदु परिमार्जी ।
 तैवि च ह्मणे अवधारा हो जी । धृतराष्ट्रातें ॥ २७ ॥
 आतां कृष्णवाक्यबीजा निवाडु । आणि संजयो सात्विकाचा बिंबडु
 ह्मणानि सवयां चि होइल सुरवाडु । प्रमेयपिकाचा ॥ २८ ॥
 अहो अलुमालु अवधान देआवें । इतुलेनि आनंदरासिवारि बैसवें ।
 बापु श्रवणेंद्रियांचेनि दैवें । घातली माल ॥ २९ ॥
 ह्मणानि विभूतिचा ठाओ । अर्जुना दावील सिद्धांचा राओ ।
 तो आइकां ह्मणे ज्ञानदेउ ॥ निवृत्तिचा ॥ १३० ॥

ॐतःसदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे राजविद्यावर्णनं
 नाम नवमोऽध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय दहावा

ॐ नमो भगवते गणेशाय ॥

ॐ नमो विशदबोधविदग्धा । विद्यारविंदप्रबंधा ।
परापरमप्रमदा । विलासिया ॥ १ ॥

नमो संसारतमसूर्या । अप्रमिता परमवीर्या ।
तरुणतमतूर्या । ललनलीला ॥ २ ॥

नमो जगदखीलपालणा । मंगलमणीनिधाना ।
सजनवनचंदना । आराध्यलिंगा ॥ ३ ॥

नमो चतुरचक्रचंद्रा । स्वानुभावनरेन्द्रा ।
श्रुतिसागरसमुद्रा । मन्मथमन्मथा ॥ ४ ॥

नमो सुभावभजनभाजना । भवंभकुंभभंजना ।
विश्वोद्भवभुवना । गुरुराया ॥ ५ ॥

तुमचा अनुग्रहो गणेशु । जैसा आपुला दे सारसु ।
तैं सारस्वतीं प्रवेशु । बालका आथि ॥ ६ ॥

जी दैविकी उदारा वाचा । जैं राजादेशु दे नाभिकाराचा ।
तारि नवरसदीपिचा । पाउडु लाभे ॥ ७ ॥

आपुलें स्नेह ते चि वागीश्वरी । जेया मुकेयातें अंगिकरी ।
तो वाचस्पतिसीं करी । प्रबंधहोडा ॥ ८ ॥

हे असो दीठि जेयावारि झलके । हा पद्मकर जिये माथां पारुखे ।
 तो जीउ चि पारि तूके । महेशेंसीं ॥ ९ ॥
 एवडें जिये महिमेचें करणें । तें वाचाबलें वानावें कवणें ।
 काइ सूर्याचेया आंगा उटणें । लागतसे ॥ १० ॥
 केउता कल्पतरूवारि फुल्लौरा । काइसेनि पाहुणोरु क्षीरसागरा ।
 कवणें इळावें कापुरा । वासु देउं ॥ ११ ॥
 चंदनार्ते काइसेनि चर्चावें । अमृत केउतें रांधावें ।
 गगनावारि उभावें । घडे केवि ॥ १२ ॥
 तैसें श्रीगुरुचें महिमान । अकलतें कें असे साधन ।
 हें जाणौनियां नमन । निवांतां चि केलें ॥ १३ ॥
 तन्हें प्रज्ञेचेनि आधिलेपणें । गुरुसामर्थ्या रूप करुं हणें ।
 तरि मोतियां भिंग देणें । तैसें होइल ॥ १४ ॥
 आतां असतु इयें बोलणीं । साडपंधेरया आणि कसवटणी ।
 उगेयां चि माथा ठेविजे चरणीं । हें चि भले ॥ १५ ॥
 मग ह्यणितलें स्वामीं । भलेनि ममत्वं देखिलां तुहीं ।
 ह्यणौनि कृष्णार्जुनसंगमीं । प्रयागवटु जालां ॥ १६ ॥
 दूध मागितलेया साटीं । उपमन्यूपुटां धूर्जटी ।
 क्षीरसागराची चि वाटी । करुनि ठेविली ॥ १७ ॥
 ना तरि वैकुंठपीठनायकें । रुसला ध्रुवु कवतिकें ।
 बुझाविला देउनि भातुकें । ध्रुवपदाचें ॥ १८ ॥
 तैसी जो ब्रह्मविद्यां राउं । जो सकलशास्त्रां विसंवता ठाओ ।
 ते भगवद्गीता वोविं गाउं । ऐसें केलें ॥ १९ ॥
 जें बोलणेयांचां रानीं हींडतां । नाइकिजे फललेया अक्षराची वार्ता ।
 ते वाचा केली कल्पलता । विवेकावरि ॥ २० ॥
 होंती देहबुद्धि एकसरी । आनंदभांडारा केली वोवरी ।
 मन गीतार्थसागरीं । जलशयनु जालें ॥ २१ ॥

आतां आपुलेन प्रसादें । भगवद्गीता बोवीप्रबंधें ।
 पूर्वकांड विनोदें । वाखाणिलें ॥ २२ ॥
 प्रथमिं अर्जुनाचा विषादु । दूजा ह्यणितला योग विशदु ।
 जें सांख्यबुद्धि भेटु । दाउनियां ॥ २३ ॥
 तीजां केवल कर्म प्रतिष्ठिलें । तें चि चौथां ज्ञानेंसीं प्रकटिलें ।
 मग पंचमी गंहरिलें योगतत्व ॥ २४ ॥
 तें चि षष्टमामाज्ञि स्पष्ट । आसना लागौनि प्रकट ।
 जीवपरमात्माभाव एकवट । होंति जेयापरीं ॥ २५ ॥
 तैसी जे योगस्थिति । आणि योगभ्रष्टासि जे गति ।
 ते आघवी चि उपपत्ती । दाखविली ॥ २६ ॥
 मग यावरि सप्तमीं । प्रकृतिपरिहार उपक्रीं ।
 करुनि भजति जे पुरुषोत्तमीं । ते ह्यणितले च्यान्ही ॥ २७ ॥
 पाठिं सप्तप्रश्नसिद्धि । बोलौनि प्रयाणसमयबुद्धि ।
 एवं सकलवाक्यअवधि । अष्टमाध्याइं ॥ २८ ॥
 मग शद्वब्रह्मीं असंख्याकें । जेतुला काहीं अभिप्रा३ पीके ।
 तेतुला महाभारतीं एकें । लक्षें जोडे ॥ २९ ॥
 तिये आघविये चि महाभारतीं । तें लाभे कृष्णवचोत्तीं ।
 आणि गीतार्थु सातेंसतीं । तें येकलां नवमीं ॥ ३० ॥
 ह्यणौनि नवमीचेया अभिप्राया । सहसा मुद्रा लावावेया ।
 भियाला मां वायां । गरुवती बोलों ॥ ३१ ॥
 हां हो गूल साखरे मालेयाचे । बांधे एका चि रसाचे ।
 परि पाहतां गोडियेचे । विशेष नाहिं ॥ ३२ ॥
 एक जाणौनि बोलति । एक ठायें ठा३ जाणति ।
 एक जाणौनियां हारपति । सिहाणेपणें पै ॥ ३३ ॥
 तैसे अध्याय हे गीतेचे । परि अनिर्वाच्य नवमांचें ।
 तन्हीं वाखाणिलें एतुलें तुमचें । सामर्थ्य प्रभू ॥ ३४ ॥

हां हो एकांची पाठी चि तपनली । एकिं शृष्टिवरि शृष्टि केली ।
 एकिं पाखाणि वाउनि उहरविलें । समुद्रीं कटकें ॥ ३५ ॥
 एकिं आकाशीं सूर्यातें धरिलें । एकिं चूर्लीं चि समुद्रा शोखिलें ।
 तैसें तुह्मीं मजकरविं बोलविलें । अवधारि जो ॥ ३६ ॥
 परि असो हें एथ एसें । रामु रावणु जूझिनले कैसे ।
 ना रामु रावणु जैसे । मीनले समरीं ॥ ३७ ॥
 तैसें नवमींचें श्रीकृष्णाचें बोलणें ।
 आणि नवमींचेया चि एसें मी ना हणो ।
 यया निवाडु तत्वबु जाणे ।
 जेया गीतार्थु आथि ॥ ३८ ॥
 एवंच नवै अध्याय पहिले । मियां मतीसारिखे बोलिले ।
 आतां उत्तरखंड आदरिलें । ग्रंथिचें आइकां ॥ ३९ ॥
 तेथ विभूति प्रतिविभूति । प्रस्तुत अर्जुनां सांघिजती ।
 ते विदग्धा रसवृत्ती । ह्यणिपैल कथा ॥ ४० ॥
 देशियेचेनि नागरपणें । शांतु शृंगारातें जीणे ।
 वोविया कीं होंति लेणें । साहित्यासि ॥ ४१ ॥
 मूलग्रंथिचेया संस्कृता । सर्वे नीट मन्हाटी पढतां ।
 अभिप्रायें मानलेया उचिता । कवणि भूमिका ते नेणवे ॥४२॥
 जैसें आंगिचेनि सौंदर्यपणें । लेणेयांसि आंग चि होये लेणें ।
 तेथ अलंकरलें कवण कवणें । हें निवर्चेना ॥ ४३ ॥
 ऐसी देशी आणि संस्कृत वाणी । एकां भावाचां मुखासनीं ।
 शोभती ते आणि । चोखटा आइकां ॥ ४४ ॥
 उदैलेयां भावा रूप । करितां लागे रसवृत्तिचें वडप ।
 चातुर्य हणो हें पडप । जोडलें आह्मां ॥ ४५ ॥
 तैसें देशियेचें लावण्य । हरौनि रसां आण्णिजैल तारुण्य ।
 मग ह्यणिपैल अगण्य । गीतातत्व ॥ ४६ ॥

श्रीभगवानुवाच ॥

भूय एव महाबाहो शृणु मे परमं वचः ।

यज्ञेऽहं प्रीयमाणाय वक्ष्यामि हितकाम्यया ॥ १ ॥

ते चि चराचरपरमगुरु । चतुराचित्तचमत्कार ।
 तों आइकां यादवेश्वरु । काइ बोलता जाला ॥ ४७ ॥
 ज्ञानदेॐ निवृत्तिचा ह्मणे । ऐसें बोलिलें हरी तेणें ।
 आइकें अर्जुना अंतष्करणें । नीकेया परीं ॥ ४८ ॥
 आक्षि मागां जें निरूपण केलें । अवधान चि गा तूखें तूकलें ।
 परि टांचें न्हेवे भले । पुरतें आहे ॥ ४९ ॥
 घटिं थोडें ऐसें द्रव घालीजे । न गलिजे तरि मागुता भरिजे ।
 तैसा पाहिलासि तव परिसविजे । ऐसें होंतसे ॥ ५० ॥
 पाहिलें अवाचितेयावारि सर्वस्व सांडिजे ।
 मग चोखु तरि भांडारी कीजे ।
 तैसा आतां किरीटी माझें ।
 निजधाम पै. गा ॥ ५१ ॥
 ऐसें अर्जुना एउतें सर्वेश्वरें । पाहूनि बोलिलें आदरें ।
 गिरि देग्वौनि सुभरें । मेघु जैसा ॥ ५२ ॥
 तैसा कृपालुवांचा राओ । ह्मणे आइकें गा महाबाहो ।
 सांधितला चि अभिप्राॐ । लांविजैल पुडुतीं ॥ ५३ ॥
 प्रतिवारिपिं क्षेत्र पेरिजे । जवं जवं पीकाची वाढि देखिजे ।
 यालागि नुभगिजे । वाहो करितां ॥ ५४ ॥
 पुडुतीं पुडुतीं पुटें । भांगारा देतां ऊटे ।
 तरि तें ॐखटें । ह्मणों नैये किं ॥ ५५ ॥
 तैसा एथ पार्था । तुज आभार नाहिं सर्वथा ।
 आक्षि आपुलेया चि स्वार्था । बोलौनु पुडुतीं ॥ ५६ ॥
 आंगि बालक लेवविजे लेणें । तें श्रिंगारानें काइ जाणे ।

ते सुखाचे सोहले करणें । आपुलिये दीठी ॥ ५७ ॥
 ऐसें तूक्षें हीं सांगावें । जवं जवं तुज फावे ।
 तवं तवं आमचें दुणावे । प्रेम देखें ॥ ५८ ॥
 आतां अर्जुना असो हे विकडी । मज तूझी चि आवडि ।
 ह्यणौनि तृप्तिची सेवडी । बोलतां न पवे ॥ ५९ ॥
 आह्मां येतुलेया कारणें । तें चि तें बोलणें ।
 हें असो अंतष्करणें । अवधारिजो ॥ ६० ॥
 आइकें सुवर्म । माझे वाक्य परम ।
 जियें अक्षरें लेउनि परब्रह्म । तुज खेवां एतसे ॥ ६१ ॥

न मे विदुःसुरगणाः प्रभवं न महर्षयः ।

अहमादिर्हि देवानां महर्षीणां च सर्वशः ॥ २ ॥

परि किरीटी मातें । तूं नेणसि ना निरुतें ।
 तरि तो चि मीं जेथें । विश्व हें स्वप्न ॥ ६२ ॥
 जेथ वेद मूके जाले । मन पवन पांगुलैले ।
 रात्रीवीण मावलले । रविशाशि जेथें ॥ ६३ ॥
 उदरिचा गर्भु जैसा । न देखे आपुलिये मातेची वयसा ।
 मी आघवेयां देवां तैसा । नेणवें चि गा ॥ ६४ ॥
 आणि जलचरां उदधीचें मान । मशका नोलांडावे चि गगन ।
 तेवि महारिखीचें ज्ञान । ने देखे चि मातें ॥ ६५ ॥
 मी कवणु केतुला । कवणाचा कै जन्मला ।
 हे निरुति करितां बोला । कल्प गेले ॥ ६६ ॥
 कां रिखि आणि देवां । येरां भूतजातां सर्वा ।
 मीं चि आदि गा पांडवा । ह्यणौनि जाणतां अवघडु ॥ ६७ ॥
 उतरलें उदक पर्वतु वलधे । तरि झाड सेंडाहूनि मुलासि लागे
 तरि मियां जालेनि जगें । जाणिजे मातें ॥ ६८ ॥
 गाभे वनें वडु झांकवे । नां तरि तरंगी सागरु सांभावे ।

कां परमाणूमाक्षि सांटवे । भूगोलु हा ॥ ६९ ॥
 तरि मियां जालेया जीवां । रिखीं अथवा देवां ।
 मातें जाणावेया होआवा । अवकाशु गा ॥ ७० ॥
 ऐसेनि जरि विपाएं । सांडूनि पुढील पाये ।
 सर्वइंद्रियेंसिं होये । पाठिमोरा जो ॥ ७१ ॥
 प्रवर्तलाही वेगीं बहुडे । झडकारि देह घालूनि मागिलीकडे ।
 महाभूतांचेया चढे । माथेयावरि ॥ ७२ ॥

यो मामजमनादिं च वेत्ति लोकमहेश्वरम् ।

असंमूढः स मर्त्येषु सर्वपापैः प्रमुच्यते ॥ ३ ॥

जथ राहौनि ठाके विवेकें । स्वयंप्रकाशें चोखें ।
 अजत्व माझे देखे । आपुला डोलां ॥ ७३ ॥
 तो पाखाणामाक्षि परिसु । जैसा रसाआंतु सिद्धरसु ।
 मनुष्याआंतु अंशु । माझा जाणें ॥ ७४ ॥
 तें चालतें ज्ञानाचें विंव । तेयाचे अवेव ते सुखाचे कोंभ ।
 परि माणूसपणाची भांभ । लौकिका भागु ॥ ७५ ॥
 अवचटें कापुरा । माझि सांपडे हीरा ।
 तन्हीं उदकीं पडलेयां नीरा । नांगवे तो ॥ ७६ ॥
 तैसा मनुष्य लौकिकाआंतु । जन्हीं जाला प्राकृतु ।
 तन्हीं प्रकृतिदोखांची मातु । नेणिजे तेथ ॥ ७७ ॥
 तो आपभयें चि सांडिजे पापीं । जैसा चंदनु जलतां सर्पीं ।
 तेवि मातें जाणे तां संकल्पीं । वर्जुनि घाली ॥ ७८ ॥
 तें चि कैसें मातें जाणिजे । ऐसें कल्पी जरि चित्त तूझे ।
 तरि मी ऐसा जे माझे । भाव आइक ॥ ७९ ॥
 जें वेगलालां भूतीं । सारिखें होउनि प्रकृती ।
 विकरलें असें त्रिजगती । आघविये पै ॥ ८० ॥

बुद्धिर्ज्ञानमसंमोहः क्षमा सत्यं दमः शमः ।

सुखं दुःखं भवो भावो भयं चाभयमेव च ॥ ४ ॥

प्रथम जाण बुद्धि । मग ज्ञान जें निरवधी ।

असंमोहो सहनसिद्धी । क्षमा सत्य ॥ ८१ ॥

मग शम दम दोन्हीं । सुखदुःख वर्ते जें जनीं ।

जन्मविनाशु मानीं । भावांमाक्षि ॥ ८२ ॥

अहिंसा समता तुष्टिस्तपो दानं यशोऽयशः ।

भवन्ति भावा भूतानां मत्त एव पृथग्विधाः ॥ ५ ॥

पैं भय आणि निर्भयता । अहिंसा हान समता ।

तुष्टि तप पांडुसुता । दान जें गा ॥ ८३ ॥

आगा येश कां अपकीर्त्ति । हे भाव जे वर्त्तति ।

ते मज चि पासाव होंति । भूतांचां ठाई ॥ ८४ ॥

जैसीं भूते आहाति सिनानीं । तैसैं हें वेगलालें मानीं ।

एक उपजत माझां ज्ञानीं एक नेणति मातें ॥ ८५ ॥

प्रकाशु आणि कडवसैं । हें सूर्या चि पासौनि जैसैं ।

प्रकाशु उदर्यां दीसे । तम अस्तुसवें ॥ ८६ ॥

आणि मातें जाणणें नेणणें । तें भूतांचेया दैवांचें करणें ।

ह्यणौनि भूतें भावांचें होणें । विपम पडे ॥ ८७ ॥

इयापरीं माझां भाविं । हे जीवसृष्टि आघवी ।

गुंतली असे जाणावी पांडुकुमरा ॥ ८८ ॥

आणि इये सृष्टिचे पालक । जेयां आधीन वर्त्तति लोक ।

ते अकरा भाव आणिक । सांघेन आइक ॥ ८९ ॥

महर्षयः सप्त पूर्वे चत्वारो मनवस्तथा ।

मद्भाषा मानसा जाता येषां लोक इमाः प्रजाः ॥ ६ ॥

तीर आघवेयांसि वृद्ध । महर्षीमाक्षि प्रबुद्ध ।

कश्यपादि प्रसिद्ध । सत्तरिषि ॥ ९० ॥

आणिक ही सांगिजतील । चौदाआंतु मुदल ।
 स्वयंभु मुख्य वडिल । च्यारि मनु ॥ ९१ ॥
 ऐसे हे अकरा । माझां मनीं झाले धनुर्धरा ।
 सृष्टिचेया व्यापारा । लागौनियां ॥ ९२ ॥
 जै लोकाचें व्यवस्थे न पडे । अहंभावाचा पैकु न मोडे ।
 जै महाभूताचें दलवाडें । अचुंबित आहे ॥ ९३ ॥
 तैं चि हे आले । मग इहीं लोक केले ।
 तथ अक्षय होउनि ठेले । तेयांचे जन ॥ ९४ ॥
 ह्यगौनि अकरा हीं राजां । एर जग यांचिया प्रजा ।
 एवं विश्वविस्तारु माझा । ऐसा जाण ॥ ९५ ॥
 पाहे पां आरंभीं बीज एकलें । तें चि विरुढलेयां बूढ जालें ।
 बुढीं कौंभ फूटले । खांदियांचे ॥ ९६ ॥
 खांदियांपासांनि देखां । फूटलिया शाखा ।
 शाखातव देखां । पल्लव पानें ॥ ९७ ॥
 पालवीं फूल फल । ऐसा वृक्षु होये सकल ।
 तें निर्द्धारिजे जवं केवल । तवं बीज चि आघवें ॥ ९८ ॥
 तैसें मी पहिलें । मग माझं मन तें वियालें ।
 तथ सप्तारिखी जाले । आणि च्यान्ही मनू ॥ ९९ ॥
 तिहिं विविध लोक सृजिले । लोकीं लोकपाल वेगलाले ।
 लोकपालिं उपजविलें । प्रजाजात ॥ १०० ॥
 ऐसेंनि विश्व हें एथें । मीं विस्तारलां हें निरुते ।
 भावांचेनि हातें । मानसाचेया ॥ १ ॥

एतां विभूर्तिं योगं च मम यो वेत्ति तत्त्वतः ।

सोऽबिकंपेन योगेन युज्यते नात्र संशयः ॥ ७ ॥

यालागि पै सुभद्रापती । हे भाव माझिया विभूती ।

आणि येया व्याप्ती । व्यापलें जग ॥ २ ॥

हर्णानि गा यापरी । मज लागौनि पिपीलिकावेन्ही ।
 मीवांचूनि दूसरी । गोठि नाहिं ॥ ३ ॥
 तैसें जाणे जो साचें । तेया चेइरें जालें ज्ञानाचें ।
 हणानि उत्तमाधमभेदाचें । स्वप्न हिं न देखे ॥ ४ ॥
 मो मा. क्षिया विभूती । आणि विभूती अधिष्ठिलिया व्यक्ती ।
 हें आघवें योगप्रतीती । इयेची मानी ॥ ५ ॥
 हणौनि निःशकें योगें । मज मीनला मनाचेनि आंगें ।
 तथ संशयो करणें न लगे । त्रिशुद्धी जाण ॥ ६ ॥

अहं सर्वस्य प्रभवो मत्तः सर्वं प्रवर्तते ।

इति मत्वा भजंते मां बुधा भावसमन्विताः ॥ ८ ॥

जैसें सूर्यें सूर्यतेें वेत्रालिलें । कां चंद्रें चंद्रेंमेयांसि खेवं दीधळें
 ना तरि सरिसेन पाडें मीनले । दोन्ही बोध ॥ ७ ॥
 तैसें प्रयाग होंत सामरस्याचें । वरि ॐसाण तरंगत आहे सात्विकाचें
 ते संवादचतुःपथिचे । गणेश जाले ॥ ८ ॥

मञ्जिता मद्गतप्राणा बोधयंतः परस्परम् ।

कथयंतश्च मां नित्यं तुष्यन्ति च रमन्ति च ॥ ९ ॥

तेन्हां तेया महासुखाचेनि भरे । धाउनि निगति बोधें बाहिरें ।
 मिया धाले तेणें उद्वरें । लागति गर्जो ॥ ९ ॥
 पै गुरुशिष्यसंबंधु येकांती । जेया अक्षरा एकाची वदंती ।
 ते मेघाचेयापरी त्रीजगती । गर्जत असे ॥ ११० ॥
 जैसी कमलकलिका जालेपणें । हृदयीचेया मकरंदातें राहौं नेणें ।
 ते राया रंका करी पारणें । आमोदाचें ॥ ११ ॥
 तैसें मातें विश्वि कथित । कथितेनें तोखें कथू विसरत ।
 मग तेया विसरलेयामाक्षि विरत । आंगें जीवें ॥ १२ ॥
 ऐसें प्रेमाचेनि बौहवसणें । नाहें रात्रि दियो जाणणें ।
 केलें माझें चि मुख आवडणें । आपणपेंयांसि जिहिं ॥ १३ ॥

तेषां सततयुक्तानां भजतां प्रीतिपूर्वकम् ।

इदामि बुद्धियोगं तं येन मामुपयांति ते ॥ १० ॥

तेयां मग आह्मीं काहीं । अर्जुना देयावें पाई ।

तें ठांडांचि चि तिहिं । सेल घेतली ॥ १४ ॥

कां ते जिया वाटा । निगाले गा सूभटा ।

ते सोये पां येउनि अव्हांटा । स्वर्गापवर्ग ॥ १५ ॥

हण्णीनि बिहिं प्रेम धरिलें । तें चि देणें येयां उपाइलें ।

परि यां देआवें तें इहीं चि केलें । आपणपें चि पै ॥ १६ ॥

एयावरि एतुलें घडे । जें तें चि प्रेम आगलें वाढे ।

आणि कालाची दीठि न पडे । हें साम्य करणें ॥ १७ ॥

ललेयाचिया बालका किरीटी ।

गवसणी घालूनु आपलेया स्नेहाची दीठी ।

जैसी खेलतां पाठोवाटी ।

माता निहाली ॥ १८ ॥

तें जो जो खेलु दावी । तो तो सोनेयाचा करूनि ठेवी ।

तैसी उपास्तीची पदवी । मी पोरवीतु जायें ॥ १९ ॥

जिये पदवियेचेनि पोरवकें । तेभातें पावति मुखें ।

हे पालति मज विशेषें । करु आवडे ॥ २० ॥

आगा या विश्वासि मी माझे कोड ।

मज तेयां अनन्यगतीची चाड ।

कां जें प्रेमलांचें सांकड ।

आमचां घरीं ॥ २१ ॥

पाहे पां स्वर्ग मोक्ष उपाइले ।

दोन्हीं मार्ग तेयाचिया चि वाहाणी आहाति ठेविले ।

आह्मीं आंग शेषा वेचिलें ।

लक्ष्मीयोसि ॥ २२ ॥

परि आपणपें जें एक । तें सवियां बरवें साजूक ।
 प्रेमलांलागी देख । ठेविलें जतनें ॥ २३ ॥
 हा ठाबो वेन्हीं किरिटी । आहिलें प्रेमल घेअों आपणपेथोंसाठीं ।
 इया बोलिं या बोलिजति गोठी । तैसिया न्हवति ॥ २४ ॥

तेषामेषानुकुकार्थमहमज्ञानजं तमः ।

नाशयास्यात्मभावस्थो ज्ञानदीपेन भास्वता ॥ ११ ॥

हणौनि मज आत्मेयांचा भा३० । जिहिं जियात्रिया केला ठा३० ।
 एकु मीवांचूनि एरु वा३० । केलें जिहीं ॥ २५ ॥
 तेया तत्वज्ञाना चोखटा । दिवी पोतासाची सूभटा ।
 मंग मी चि होउनि दीवटा । पुढां चालें ॥ २६ ॥
 अज्ञानाचिये राती । माजि तमाची मेहुडों दाटती ।
 तियें नाशौनि घालीं परौती । ऐसा उदो करीं ॥ २७ ॥
 ऐसें प्रेमलांचेनि प्रियोत्तमें । बोलिलें पुरुषोत्तमें ।
 तेथ अर्जुनु मनोधर्में । निवालां हणें ॥ २८ ॥

अर्जुन उवाच ।

परं ब्रह्म परं धाम पवित्र परमं भवान् ।

पुरुषं शाश्वतं दिव्यमादिदेवमजं विभुम् ॥ १२ ॥

अहो जी अवधारां । भला केरु फीटला सवंसारा ।
 जालां जननीजठरा । वेगला मी ॥ २९ ॥
 जी जन्मलेपण आपुलें । आजि मिया डोलां देखिलें ।
 आतां जी जीवित हातु चढलें । आवडे तैसें ॥ १३० ॥
 आजि सुविद्ये सुवण जाली । माझेया दैवांसि दशा उदैली ।
 जें वाक्यकृपा लाधली । दैविकेनि मुखें ॥ ३१ ॥
 ऐणें वचनतेजकरें । फिटलें आंतु बाहीरील आंधारें ।
 हणौनि देखतसें साचोकारें । स्वरूप तूझे ॥ ३२ ॥
 तरि होंसि गा तूं परब्रह्म । जेयां महाभूतांसि विश्राम ।

तें मिजदाम पवित्त परम । जगनाथा ॥ ३३ ॥
 तूं परमदैवत तीहीं देवां । तूं पुरुषु जी पंचविंसांवां ।
 दिव्य तूं प्रकृतिभावां । पैलीकडीलु ॥ ३४ ॥
 अनादि सिद्ध तूं स्वामी । नाकलिजसि जन्मकर्मी ।
 तो तूं हें अजि आर्ह्यां । जाणीतलासी ॥ ३५ ॥
 तूं कालयंत्रा सूत्री । तूं इये जीवकले अधिष्ठात्री ।
 तूं ब्रह्मकटाहधात्री । हें कललें फुडें ॥ ३६ ॥

आहुस्त्वामृषयः सर्वे देवर्षिर्नारदस्तथा ।

असितो देवलो व्यासः स्वयं चैव ब्रवीषि मे ॥ १३ ॥

पैं आणिकि ही एकीपरी । इयाची प्रतीति एतसे थोरी ।
 जें मागां ऐसें चि रिषीश्वरीं । सांघितलें तूतें ॥ ३७ ॥
 तें सांघितलेयाचें साचपण । हें देखत असे अंतष्करण ।
 जें कृपा केली आपण । हणौनियां ॥ ३८ ॥
 यन्हविं नारदु अखंड जवला आहे ।
 तो ऐसीं चि वचनें गाये ।
 परि अर्थु न बुझों ठाये ।
 गीत चि आइकों ॥ ३९ ॥
 जी आंधलेयाचां गावीं । जन्हीं आपणपें प्रकटलें रवीं ।
 तन्हि वोटपली चि तेयां होआवी । वांचूनि प्रकाशु नाहीं ॥ ४० ॥
 यन्हविं देवरिषि अध्यात्म गांतां । आहाच रागेंसि उमटतां ।
 तें चि परिसवे येर चित्ता । नैये काहीं ॥ ४१ ॥
 पैं असिता देवलाचेनि मुखें । मीं येवविश्रु तूतें आइकें ।
 परि तें बुद्धि विषयविषें । घारली होंती ॥ ४२ ॥
 आतां आणिकाचें नावं काइ घेयावें । आपण एउनि व्यासदेवें ।
 तूझें स्वरूप आघवें । सर्वत्र सांघिजे ॥ ४३ ॥
 देवा आंधारीं चिंतामणि देखिला । जेवि न्हवे हणौनि उपेक्षिला ।

पाठि दीनउदो मोटका जाला । मग होये हण्णे ॥ ४४ ॥
 तैसिं व्यासादिकांचीं बोलणीं । तिया मजपासीं रत्नाचिया खाणीं ।
 परि उपेखया जांति वायाणी । तुजवीण देवा ॥ ४५ ॥
 आतां वाक्यसूर्यकर फांकलें । आणि रिखिं मार्ग होंति जे कथिले ।
 तेयां आघवेयांचें फीटलें अनोलखपण ॥ ४६ ॥
 जीवनाचें बीं जेयांचे बोल । परि माक्षियेठांइं पडिले खोल ।
 तें इये कृपेची जाली बोल । हणौनि संवादफलेंसिं उठिलें ॥ ४७ ॥
 कृष्णसंवादे । फूलीं आलें मकरदें ।
 तें फूल विनोदें । दीन्हलें मज ॥ ४८ ॥
 आहो नारदादिकां संता । तेयांचिया जुतीस्वरूप सारिता ।
 मीं महोदधि जालां अनंता । संवादसुखाचा ॥ ४९ ॥
 प्रभू आघवेनिं जन्में । जियें पुण्यें केलीं मियां उत्तमें ।
 तेयां न टकती चि कामें । सहूरु तुवां ॥ १५० ॥
 एन्हविं वाडिलांचेनि मुखें ।
 एवंविधु तूतें आइकें ।
 परि कृपा न कीजे चि तुवां एकें ।
 तवं नेणिजे चि काहीं ॥ ५१ ॥
 हणौनि भाग्य जैसें सानुकुल । जालेयां जैसे उद्यम सफल ।
 तैसें श्रुतादि सकल । गुरुकृपा साच ॥ ५२ ॥
 जी बनकर झाडांसाठीं । पाहूनि जन्में काढी आटीं ।
 परि फलेंसीं तें भेटी । जैं वसंतु पावे ॥ ५३ ॥
 आहो जैं विषयां वोहट्टु पडे । जैं माधूर्य आवडे ।
 रसायनें तेव्हालि होंति गोडें । जैंव्हालि आरोग्यता होये ॥ ५४ ॥
 कां इन्द्रियें वाचा प्राण । यांचें जालेयां सार्थकपण ।
 जैं चैतन्य एउनि आपण । संचरे माक्षि ॥ ५५ ॥
 ऐसें शङ्खजात आलोडिलें । अथवा योगादिक अभ्यासिलें ।

ते तै चि ह्यणो ये आपुलें । जै आज्ञा देति गुरु ॥ ५६ ॥

सर्वमेतद्वृतं मन्ये यन्मां वदसि केशव ।

नहि ते भगवन्वर्यक्तिं विदुर्देवा न दानवाः ॥ १४ ॥

ऐसिये जालिये प्रतीतीचेनि माजें । अर्जुनु निश्चयाचिं नाचतु भोजें ।

तेविं चि ह्यणे देवा तूझे । वाक्य मज मानलें ॥ ५७ ॥

तारि साच चि गा कैवल्यपती । मज त्रिशुद्धी आलें प्रतीती ।

जें तूं देवांदानवांचिया युक्ती । जो गा न्हवसि ॥ ५८ ॥

तूझीं वाक्यें न लगति देवा । जैसैं आमुलेया जाणिजसि जाणिवा ।

तें काहिं नाहिं हें सद्भावा । भवसेनि आलें ॥ ५९ ॥

स्वयमेवात्मनात्मानं वेत्थ त्वं पुरुषोत्तम ।

भूतभावन भूतेश देवदेव जगत्पते ॥ १५ ॥

एथ आपुलें वाडपण जैसैं । आपण चि जाणिजे आकाशें ।

मीं येतुली घनवट ऐसैं । पृथ्वी नेणे ॥ ६० ॥

तैसा आपुलियां सर्वशक्ती । तूं जाणसि लक्ष्मीपती ।

एर वेदादिक मती । मिरवती प्रज्ञा वायां ॥ ६१ ॥

हां गा मनातें मागें सांडावें । पवनातें वावीं मवावें ।

आदिशून्य तें उतरौनि जावें । केउतें बाहीं ॥ ६२ ॥

तैसैं तूझे जाणणें आंह । ह्यणौनि कोण्हा हीं टाकतें नोहे ।

आतां तूझे ज्ञान हांये । तुज चि जोगें ॥ ६३ ॥

जी आपणेयातें तूं चि जाणसि । आणि सांघावेया समर्थु होंसि ।

तारि एकु वेळु घामु पूसीं । आर्त निडलिचा ॥ ६४ ॥

हें आइकिलेया किं भूतभावना । त्रिभुवनपंचानना ।

सकलदेवदेवतार्चना । जगन्नाथा ॥ ६५ ॥

जारि धोरी तूझी पांत आहें । तरि पांसि उभे ठाकावेया योग्यु नोहें ।

इया शोच्यता औरि भियें । तरि उपाउ नार्ही आनु ॥ ६६ ॥

वक्तुमर्हस्यशेषेण दिव्या ह्यात्मविभूतयः ।

याभिर्विभूतिभिलोकानिमांस्त्वं व्याप्य तिष्ठसि ॥ १६ ॥

भरले सरिता समुद्र चहूंकडें । परि बापैयांसि गा कोरडे ।
 जैं मेघौनि थेंबटा पडे । तैं पारणें तेया ॥ ६७ ॥
 तैसे गुरु सर्वत्र असति । परि कृष्णा तूं चि आह्लासि गति ।
 विभूती सांघें ॥ ६८ ॥
 जी तूक्षिया चि विभूती । तिया चि परिव्यक्ती ।
 दिव्या जिया आहाति । तिया दाविं मातें ॥ ६९ ॥
 जिहिं विभूतिं समस्तां । लोकांतें व्यापूनि अससि अनंता ।
 तिया ब्रह्मनामांकिता । प्रकटा करीं ॥ १७० ॥

कथं विद्यामहं योगिंस्त्वां सदा परिचिंतयन् ।

केषु केषु च भावेषु चिन्त्योऽसि भगवन्मया ॥ १६ ॥

जी मियां कैसैं तूतें जाणावें । काइ हणौनि सदा चिंतावें ।
 जरि चिंतूं हणों आघवें । तरि चिंतणें न घडे ॥ ७१ ॥
 तरि मागां भाव जैसे । सांघितले तुवां उदेशें ।
 आतां विस्तारूनि तैंसैं । येकु वेलु सांघें ॥ ७२ ॥
 जेयां भावांचां ठांइ । तूतें चिंतितां मज सायास नाहिं ।
 तो विवंचूनि देई । योगु आपुला ॥ ७३ ॥

विस्तरेणात्मनो योगं विभूतिं च जनार्दन ।

भूयः कथय तृप्तिर्हि शृण्वतो नास्ति मेऽमृतम् ॥ १८ ॥

आणिक आपुलिया जिया विभूती ।
 तिया ही बोलाविया भूतप्रती ।
 एथ हणसी पुडुतीं पुडुतीं ।
 काइ सांघों ॥ ७४ ॥
 तरि हा भाषो मना । ज्ञनें हों देंसि जनार्दना ।

जैसें करितां अमृतपाना । न ह्यणवे पुरे ॥ ७५ ॥
 जें कालकुटाचें सहोदर । मरणाभेण पियाले अमर ।
 तन्हीं देहाचे पुरंदर । चौदा जांति ॥ ७६ ॥
 ऐसा एकु क्षीराब्धिचा वासु । जेयासि अमृतपणांचा आन्हासु ।
 तेयाचा हा ठावोवेरि विश्वासु । जें पुरे ह्यणों नेंदी ॥ ७७ ॥
 जें मंदराचल न ढालितां । क्षीरसागर न डडुलितां ।
 अनादि स्वभावता । आइतें चि आहे ॥ ७८ ॥
 जें द्रवित नां बद्ध । जेथ नेणजति रसभेद ।
 भलेतेया ही सिद्ध । आठवलें चि फावे ॥ ७९ ॥
 जेयाची गोडी आवडत खेओ । आघवाचि संसारु होये वाओ ।
 बलियां नित्यता लागे एओ । आपणपेयां ॥ १८० ॥
 जन्ममृत्यूची भाष । हारपोनि जाये निःशेष ।
 आंतु बाहिरि महासुख । वाढों चि लागे ॥ ८१ ॥
 मग दैवंगत्या जरि सेविजे ।
 तरि तें आपण चि घेउनि ठाकिजे ।
 तुज ही देतां चित्त माझें ।
 पुरे ह्यणों न शके ॥ ८२ ॥
 तारि तूझें नात्रं चि जी आह्मां आवडे ।
 वरि भेटि होये आणि जबलीक जोडे ।
 पाठिं गोठि सांघसी सुरवाडें ।
 सुखाचेनि ॥ ८३ ॥
 आतां हें सुख काइसेया सारिखें । काहिं निर्वचेनां परितोखें ।
 परि येतुलें होये जें येणें सुखें । पुनरावृत्ति नाही ॥ ८४ ॥
 आगा सूर्यु कीं सीला । चंद्रु ह्यणों पांतां आंकुचला ।
 नांच वाहांतां गंगाजला । काइ पारिसेपण आहे ॥ ८५ ॥
 ३६

ययावरी तुह्नीं बोलिलें । हें आहीं नादासि किं रूप देखिलें ।
आजि चंदनतरुचीं फूलें । तुरुंबिलीं आहीं ॥ ८६ ॥

श्रीभगवानुवाच ।

हंत ते कथयिष्यामि दिव्या ह्यात्मविभूतयः ।

प्राधान्यतः कुरुश्रेष्ठ नास्त्यंतो विस्तरस्य मे ॥ १९ ॥

एया पार्थाचेया बोला । सर्वांगिं कुण्णु डोलला ।

ह्मणे भक्तिज्ञानासि जाला । आधार हा ॥ ८७ ॥

ऐसेया प्रीतिकराचेया तोषा आंतु । प्रेमाचा वेगु उपजतु ।

तो सायासें सावरितु अनंतु । काइ बोले ॥ ८८ ॥

जिया जाणितलेया चि साठीं । आघवें जाणितलें होये किरिटी ।

जें बीज आलेयां मुठी । तंरुं आला चि आहे ॥ ८९ ॥

कां उदारणें हातिं पडिलें । तरि आपैसेया चि सांपडलीं फुलें ।

तेवि देखिलेयां जें देखवलें । विश्व सकल ॥ १९० ॥

मी पितामहाचा पिता । आठवितां नाठवें चित्ता ।

किं ह्मणतसें पांडुसुता । भलें केलें ॥ ९१ ॥

अर्जुनातें ह्मणे येथ काहीं । आह्मा विस्मो करावेया कारण नाहीं

तो आंगें लेंकुरुं काइ । न्हेवे चि नंदाचें ॥ ९२ ॥

परि प्रस्तुत हें असो । ऐसें करवी आवडिचा अतिसो ।

मग ह्मणे आइकें गा सांघितसों । धर्नुधरा ॥ ९३ ॥

तरि तुवां पूसिलिया जिया विभूति । तेयांचें अपारपण सुभद्रापती

जें माक्षिया चि माक्षिये मती । आकलति ना ॥ ९४ ॥

ह्मणौनि कैसा । आहें मीं केवढा ।

पाहातां आपणपेया न्हेवे चि फुडा ।

एयालागि प्रधान जिया रूढा ।

तिया विभूति आइकें ॥ ९५ ॥

यन्हविं साच चि गा धनुर्दरा । नाहिं अंतु माझेया विस्तारा ।
पै गगना ऐसिया अपारा । मज चि माझि असणें ॥ ९१ ॥

अहमात्मा गुडाकेश सर्वभूताशयस्थितः ।

अहमादिश्च मध्यं च भूतानामंत एव च ॥ २० ॥

आइकें कुटिलालकमस्तका । धनुर्वेद व्यंबका ।

मी आत्मा असें एकैका । भूतमात्राचां ठांडें ॥ ९७ ॥

आंतुलीकडे मी चि आहे अंतष्करणीं ।

बाहीरि माझी चि गवसणीं ।

आदि मीं निर्वाणीं ।

मध्ये हीं मीं ॥ ९८ ॥

जैसें मेघांसि तलिवारि । एक आकाश चि आंतु बाहिरि ।

आणि आकाश चि जालें अवधारिं । असणेंयासि ॥ ९९ ॥

पांठि लया जेव्हलि जांति । तेव्हलि आकाश चि होउनि ठांति ।

तेवि आदिस्थितिगति । भूतांसि मीं ॥ २०० ॥

ऐसें ब्रह्मवस व्यापकपण । माझे विभूतियोगें जाण ।

तारि जीवाचे करूनि श्रवण । सर्व ही आइक ॥ १ ॥

हें बोलौनि तो कृपावंतु । ह्मणे विष्णु मी आदित्या आंतु ।

रवि मियां रश्मिवंतु । सुप्रभा जो ॥ २ ॥

आदित्यानामहं विष्णुज्योतिषां रविरंशुमान् ।

मरीचिर्मरुतामस्मि नक्षत्राणामहं शशी ॥ २१ ॥

मरुद्रणाचां भागिं । मरीचि ह्मणे मी शार्ङ्गि ।

चंद्रु मी गगन रंगीं । तारांमाझि ॥ ३ ॥

रुद्राणां शंकरश्चास्मि वित्तेशो यक्षरक्षसाम् ।

वसूनां पावकश्चास्मि मेरुः शिखरिणामहम् ॥ २२ ॥

अशेषां हिं रुद्रगणांमाझारि । शंकरु जो मी मदनारि ।

तो मीं गा एथ न करीं । आंति काहीं ॥ ४ ॥

यश्चरक्षराणांआंतु । शंभूचा जो धनवंतु ।
 तो कुबेर मी अनंतु । ह्यणता जाला ॥ ५ ॥
 आठां वसूंमाझारि । पावकु तो मीं अवधारीं ।
 शिखराधिलेयां सर्वां उपरि । मेरु तो मीं ॥ ६ ॥

वेदानां सामवेदोऽस्मि देवानामस्मि वासवः ।

इंद्रियाणां मनश्चास्मि भूतानामस्मि चेतना ॥ २३ ॥

वेदांमाक्षि सामवेदु । तो मी ह्यणे गोविंदु ।
 देवांमाक्षि प्रसिद्धु । महेंद्रु तो मीं । ॥ ७ ॥
 इंद्रियांमाक्षि अकरावें । मन तें मीं जाणावें ।
 भूतांमाक्षि स्वभावें । चेतना ते मीं ॥ ८ ॥

पुरोधसां च मुख्यं मां विद्धि पार्थ बृहस्पतिम् ।

सेनानीनामहं स्कंदः सरसामस्मि सागरः ॥ २४ ॥

जो स्वर्गसिंहासना साहो । सर्वज्ञते आदिचा ठाओ ।
 पुरोहितांमाक्षि राओ । बृहस्पति मीं ॥ ९ ॥
 त्रिभुवानिचेया सेनापती । आंतु स्कंदु तो मी महामती ।
 जो हरवीर्यें अग्निसंगति । कृत्तिकां आंतु जाला ॥ २१० ॥
 सकलां सरोवरां माझारि जाणसि । समुद्रु तो मीं जळराशि ।
 महारिखीं माक्षि तपोराशि । भृगु तो मीं ॥ ११ ॥

महर्षीणां भृगुरहं गिरामस्म्येकमक्षरम् ।

यज्ञानां जपयज्ञोऽस्मि स्थावराणां हिमालयः ॥ २५ ॥

अशेषां हीं वाचां । आंतु नडनाचु जेथ सत्याचा ।
 तें अक्षर मी वैकुंठिचा । वेल्हाल्ल ह्यणे ॥ १२ ॥
 समस्तां हिं यज्ञाचां पैकिं । जपयज्जु तो मीं इये लोकिं ।
 जो कर्मत्यागी कर्मादिकीं । निफजविजे ॥ १३ ॥
 स्थावरां गिरिं आंतु । पुण्यपूंज्यु जो हिमवंतु ।
 तो मीं ह्यजे कांतु । लक्ष्मीयेचा ॥ १४ ॥

अश्वत्थः सर्ववृक्षाणां देवर्षीणां च नारदः ।

गंधर्वाणां चित्ररथः सिद्धानां कपिलो मुनिः ॥ २६ ॥

कल्पद्रुमु हान पारिजातु । गुणै चंदनु पै विल्यातु ।

तन्है वृक्षजातां आंतु । अश्वत्थु तो मीं ॥ १५ ॥

देवर्षीं आंतु पांडवा । नारदु तो मी जाणावां ।

चित्ररथु तो मीं गंधर्वा । सकलां माक्षि ॥ १६ ॥

अशेषां हीं सिद्धां । माक्षि कपिलाचार्यु प्रबुद्धा ।

तुरंगमां प्रसिद्धां । माक्षि उच्चैश्रवा तो मीं ॥ १७ ॥

उच्चैःश्रवसमश्वानां विद्धि माममृतोद्भवम् ।

ऐरावतं गर्जेंद्राणां नराणां च नराधिपम् ॥ २७ ॥

राज्यभूषणगजा आंतु । अर्जुना मीं गा ऐरावतु ।

पयोराशि सुमथितु । वियाला जेयातें ॥ १८ ॥

येयां नरा माक्षि राजा । तो विभूतिविशेषु माक्षा ।

जेयातें सकललोक प्रजा । होउनि सेविति ॥ १९ ॥

आयुधानामहं वज्र धेनूनामस्मि कामधुकु ।

प्रजनश्चास्मि कंदर्पः सर्पाणामस्मि वासुकिः ॥ २८ ॥

पै अशेषां हिं हातियरां । माक्षि वज्र तें मिं धनुर्दरा ।

जें शतमखोत्तीर्णकरा । हातीं असे ॥ २२० ॥

धेनू मथ्यें कामधेनु । ते मीं ह्यणे विश्वेशानु ।

जन्मवितेयां आंतु मदनु । तो मीं चि जाण ॥ २१ ॥

सर्पकुला आंतु अधिष्ठाता । वासुकी तो मीं कुंतीसुता ।

नागां माक्षि समस्तां । अनंतु तो मीं ॥ २२ ॥

अनंतश्चास्मि नागानां वरुणो यादसामहम् ।

पितृणामर्यमा चास्मि यमः संयमतामहम् ॥ २९ ॥

आगा यादसां आंतु । जो पश्चिमदिशेचा कांतु ।

तो मी ह्यणे अनंतु । वरुणु तो मीं ॥ २३ ॥

आगा पितृगणां समस्तां । अर्यमा जो पितृदेवता ।
तो मीं हें तत्वता । पांडुकुमरा ॥ २४ ॥
आगा जगाचीं शुभाशुभें लिहिति । प्राणांचा उगणां घेंति ।
मग केलेया अनुरूप देंती । स्वर्गमोक्षु जे ॥ २५ ॥
तेयां नियमितेयांतु यमु । जो कर्मसाक्षि धर्मु ।
तो मीं ह्मणे रामु । अर्जुनातें ॥ २६ ॥

प्रन्हादश्चास्मि दैत्यानां कालः कलयतामहम् ।

मृगणां च मृगेंद्रोऽहं वैनतेयश्च पक्षिणाम् ॥ ३० ॥

आगा दैत्यांचां कुलीं । प्रह्लादु तो मी निहारीं ।
ह्मणौनि द्वेष्यभावादिमलीं । लींपे चि ना ॥ २७ ॥
पैं कलितेयां माक्षि महाकालु । तो मीं ह्मणे गोपालु ।
स्वापदां आंतु शार्दूलु । तो माक्षें चि रूप ॥ २८ ॥
आगा पक्षजातीं माझारि । गरुडु तो मीं अवधारिं ।
ह्मणौनि निभियाचिये पाठीवरी । वाहवें. मीं ॥ २९ ॥

पवनः पचतामस्मि रामः शस्त्रभृतामहम् ।

शषाणां मकरश्चास्मि स्रोतसामस्मि जान्हवी ॥ ३१ ॥

पृथ्वीचेया पैसारा । माक्षि टाकितेया धर्नुद्धरा ।
येकें चि उडाणें स्वर्गांतरा । करिति जें कां ॥ २३० ॥
तेयां वहिलेयां आणि गतिमंतां ।
आंतु पवनु तो मीं पांडुसुता ।
शस्त्रधरां समस्तां ।
माक्षि रामु तो मी ॥ ३१ ॥
सांकडलेया धर्माचेनि कैवारें । आपणपेयां धनुष करुनि दुसरें ।
विजयलक्ष्मी एक मोहरें । केलें त्रेंती ॥ ३२ ॥
पृष्टिं उभें ठाकौनि सुवेलीं । प्रतापें लंकेश्वराचां सिसालीं ।
गगनीं उदो. ह्मणतयां ब्रलि । दीधळी भूतां ॥ ३३ ॥

जेणें देवांचा मानु साधिला । धर्मासि जीर्णोद्धारु केला ।
 सूर्यवंशीं उदैला । सूर्यो जो कां ॥ ३४ ॥
 तो हातियेरप्रजितेयां आंतु । रामचंद्रु जानकीयेचा कांतु ।
 आणि मकरु मीं + त्तिवंतु । जलचरां माक्षि ॥ ३५ ॥
 पैं समस्तां वोघां । आंतु भागीरथी गंगा ।
 ते जेव्हां गीलिली मग जांघा । फाडूनि दीन्हली ॥ ३६ ॥
 जे त्रिभुवनैकसरिता । जान्हवीं मीं पांडुसुता ।
 जलप्रवाहां समस्तां । माक्षि जाण ॥ ३७ ॥

सर्गाणामादिरंतश्च मध्यं चैवाहमर्जुन ।

अध्यात्मविद्या विद्यानां वादः प्रवदतामहम् ॥ ३२ ॥

ऐसां वेगलालां सृष्टि पैकि । विभूति नाम स्तुति एकैकि ।
 सगलेनि जन्मसहस्र्णीं अवलोकीं । परि आर्धिया न्हवति गा ॥ ३८ ॥
 आगा आघवीं चि नक्षत्रे वेंचावीं ।
 ऐसी चाड उपजे जीवीं ।
 तें गगनाची बांधावी ।
 लोथ जेवि ॥ ३९ ॥
 कां पृथ्वीचेयां परमाणू उगाणा घेयावा । भूगोलु काखे सुआवा ।
 तैसा हा विस्तारु माझा । तरि जाणावें मातें ॥ २४० ॥
 जें शाखा फूल फल । घेउं पाहिजे सकल ।
 तें उपडूनु मूल । हाति घेपे ॥ ४१ ॥
 तेवि माझे विभूतिविशेष । जाणों पाइजेति अशेष ।
 तरि स्वरूप हें निर्दोष । जाणावें माझे ॥ ४२ ॥
 यन्हविं वेगलालां विभूतीं । काइएक परियससी केती ।
 ह्यणौनि एकीहेला महामती । सर्व मीं जाण ॥ ४३ ॥
 मी आघविया सृष्टी । आदिमध्यअंतीं किरीटी ।
 अंतप्रोत पटी । तंतु जैसा ॥ ४४ ॥

एसेया व्यापका मातें जाणावें । तरि विभूतिभेदीं काइ करावें ।
 पारि हें तुज योग्य न्हवे । ह्यणौनि असो ॥ ४५ ॥
 कां जें तूं माझेया विभूती । ह्यणौनि तिया आइकें सुभद्रापती ।
 तरि विद्यां माझि प्रस्तुतीं । अध्यात्मविद्या मीं ॥ ४६ ॥
 आगा बोलतेयाचां ठांड । वादु तो मी पाहीं ।
 सकलें शास्त्रसंमत काहीं । सरेचिना ॥ ४७ ॥
 जो निर्वचु करितां वाढे । आइकिलेयां उत्प्रेक्षे सल चढे ।
 जेयावारि बोलतेयांचीं गोडें । बोलणीं होंति ॥ ४८ ॥
 तैसें पां प्रतिपादितेयां माझि वादु । तो मीं ह्यणे मुकुंदु ।
 भक्षरां माझि विशदु । अकारु तो मीं ॥ ४९ ॥

अक्षराणामकारोऽस्मि द्वंद्वः सामासिकस्य च ।

अहमेवाक्षयः कालो धाताहं विश्वतोमुखः ॥ ३३ ॥

समासा माझारि । द्वंदु तो मीं अवधारीं ।
 जो मशका लागौनि ब्रह्मवेहीं । प्रासी तो मीं ॥ २५० ॥
 जो प्रलयतेजा देतां मीठी । सगलेया पवनातें गीलीं किरीटी ।
 आकाश जेयाचां पोटीं । सामावलें ॥ ५१ ॥
 एसा अपारु जो कां कालु । ती मी ह्यणे लक्ष्मीलीलु ।
 एया वारि सृष्टिचा मेलु । स्रजीं तो मीं ॥ ५२ ॥

मृत्युः सर्वहरश्चाहमुद्भवश्च भविष्यताम् ।

कीर्तिः श्रीर्वाक्च नारीणां स्मृतिर्मेधा धृति क्षमा ॥ ३४ ॥

आणि स्रजिलेयां भूतातें मीं चि धरीं ।
 सकलां ही जीवन मी चि अवधारीं ।
 शेषिं सकलातें संहारीं ।
 तेव्हलि मृत्यु ही मीं चि ॥ ६३ ॥
 आतां स्त्रीगणाचां पैकीं । माझिया विभूति सात येकी ।
 तेती आइक कवतिर्कां । सांघिजति ॥ ५४ ॥

तरि सदा नवी जे कीर्ति । ते अर्जुना माझी मूर्ति ।
 आणि औदार्याची संपति । ते ही मी चि जाण ॥ ५५ ॥
 पै स्थैर्यताअर्जुजिनी । मेधा ते मीं ये जनीं ।
 धृति मी त्रिभुवनीं । क्षमा ते मीं ॥ ५६ ॥
 एवं नारी माझारि । इया सात शक्ती मीं अवधारीं ।
 एसें संसारगजकेसरी । ह्मणता जाला ॥ ५७ ॥

बृहत्साम तथा साम्नां गायत्री छंदसामहम् ।

मासानां मागशीर्षोहमृतूनां कुसुमाकरः ॥ ३५ ॥

वेदराशिचेया सामां । आंतु बृहत्साम प्रियोत्तमा ।
 तो मीं ह्मणे रमा— । प्राणेश्वरु ॥ ५८ ॥
 आया गायत्रीछंद जें ह्मणिजे । सकळ छंदांमाझि जें ।
 तें स्वरूप माझे । जाण निभ्रांत ॥ ५९ ॥
 मासां आंतु मार्गशिरु । तो मीं ह्मणे सारंगधरु ।
 रतू आंतु कुसुमाकरु । वसंतु तो मीं ॥ २६० ॥

घृतं छलयतामस्मि तेजतेजस्विनामहम् ।

जयोऽस्मि व्यवसायोऽस्मि सत्त्वं सत्त्ववतामहम् ॥३६॥

यां खेलतेयां विंदाणां । माझि घृत मीं विचक्षणा ।
 ह्मणौनि चोहटां चोत्रारा कवणां । वारुं नथे ॥ ६१ ॥
 आगा सकळां हिं तेजसां । माझि तेज ते मीं भवसा ।
 मीं कार्य उद्देशां । सकळां माझि ॥ ६२ ॥
 जेणें चोखालुती सन्या३० । तो व्यवसाया आंतु व्यवसा३० ।
 माझे रूप हें ह्मणें रा३० । सुरवरांचा ॥ ६३ ॥
 सत्वाथिलेयां आंतु । सत्व ते मीं ह्मणें अनंतु ।
 यां यादवां आंतु श्रीमंतु । तो मीं जाण पै ॥ ६४ ॥

बृष्णीनां वासुदेवोऽस्मि पांडवानां धनंजयः ।

मुनीनामप्यहं व्यासः कवीनामुशाना कविः ॥ ३७ ॥

जो देवकिये वसुदेवातव जाला । कुमारीसाठिं गोकुलां नेला ।
 प्राणु सकटुनि आटिला । पूतनेचा ॥ ६९ ॥
 नुमटतां बालपणाची फूली । जेणें मियां अदानवी सृष्टि केली ।
 कारिं गिरिवरु धरुनि उमाणिली । महेंद्रमहिमा ॥ ६६ ॥
 कालिदियेचें हृदयशल्यु फेडिलें ।
 जेणें मियां जलतें गोकुल राखिलें ।
 वांसुरुवां साठिं लाविलें ।
 विरिंची पिसें ॥ ६७ ॥
 प्रथमदशेचिये अटाटे । माझि कंसा एंसीं अचाटें ।
 महा ढेंढीं अवचटें । लीला चि नाशिलीं ॥ ६८ ॥
 हें काइ एक केती सांघावें । तुवां हिं देखिलें आइकिलें आघवें ।
 तरि यादवां माझि जाणावें । हें चि रूप माझें ॥ ६९ ॥
 आणि सोमवंसिचेयां पांडवां । माझि अर्जुनु तो मीं जाणावा ।
 ह्यणौनि येकमेकाचेयां प्रेमभावां । सल चडतसे ॥ ७० ॥
 मुनी आंतु व्यासु देउ ॥ तो ह्यणे मीं यादवराउ ॥
 कविं आंतु धैर्यां ठाउ ॥ उशना कवि तो मीं ॥ ७१ ॥

बंडो दमयतामस्मि नीतिरस्मि जिगीषताम् ।

मौनं चैवास्मि गुह्यानां ज्ञानं ज्ञानवतामहम् ॥ ३८ ॥

आगा नियमितेयां माझारि । दंडु मीं अवधारिं ।
 जो मुंगिये लागौनि ब्रह्मावेऱ्हीं । नीयमीतु असे ॥ ७२ ॥
 पैं सारासार निर्द्वारितेयां । धर्मज्ञतेचा पक्षु धरीतेयां ।
 सकलां शास्त्रां माझि येयां । नीतिशास्त्र तें मीं ॥ ७३ ॥
 आघवेयां गूढां । माझि मौन मीं सुहाडा ।
 ह्यणौनि बोलतेया पुढां । स्रष्टा ही नेणु होये ॥ ७४ ॥
 आमा ज्ञानियांचां ठांइ । ज्ञान तें मीं पाही ।
 आतां असो हें काहीं । पार नेदखों ॥ ७५ ॥

यच्चापि सर्वभूतानां बीजं तदहमर्जुन ।

न तदस्ति विना यत्स्यान्मया भूतं चराचरम् ॥ ३९ ॥

पाहिं पर्जन्याचिया धारां । लेख होईल धनुर्द्वरा ।

कां पृथ्वीचेया तृणांकुरां । होईल ठी ॥ ७६ ॥

नां तरि महोदधिचेयां तरंगां । व्यवस्था जेवि करुं नैये पै गा ।

तेवि माझेयां वेखां गा । लेख नाहिं ॥ ७७ ॥

ऐसिया पांचसात प्रधाना । विभूती सांघितलिया अर्जुना ।

तो उद्देशु गा मना । आहाचु गमला ॥ ७८ ॥

नांतोऽस्ति मम दिव्यानां विभूतीनां परंतप ।

एष तूद्देशतः प्रोक्तो विभूतेर्विस्तरो मया ॥ ४० ॥

एन्हविं विभूति-विस्तार काहिं । एथ सर्वथा लेख नाहिं ।

हणौनि तूं परियससी काई । आह्मीं सांघों केती ॥ ७९ ॥

एया लागि येकी हेला तुज । दाऊं आतां वर्म निज ।

तरि सर्व भूतांकुरें बीज । विरूढतसे तें मीं ॥ २८० ॥

हणौनि सानें थोर न हणायें । उंच नीच भार सांडाबे ।

एकु मी चि ऐसैं जाणायें । वस्तुजात तें ॥ ८१ ॥

यद्यद्विभूतिमत्सत्त्वं श्रीमदूर्जितमेव वा ।

तत्सदेवावगच्छ त्वं मम तेजोऽशसंभवम् ॥ ४१ ॥

आतां एया ही वारि साधारण ।

आइक पां आणिकि ही एक गूण ।

तारि अर्जुना तें जाण ।

विभूति माझी ॥ ८२ ॥

जेथ संपत्ति आणि दया । दोन्हीं आळि असति एका चि ठाया ।

ते ते जाण धनंजया । अंश माझे ॥ ८३ ॥

अथवा एकलें बिंब गगनीं । परि प्रभा फांके जेवि त्रिभुवनीं ।

तैसिं मज येकाचीं सकल जनीं । आज्ञा पाळिजे ॥ ८४ ॥

तेयातें एकलें हें ज्ञानें हणा । तो निर्द्धनु या भाषा नेणां ।
 काइ कामधेनू सर्वें उगाणा । चालतसे ॥ ८५ ॥
 तियेतें जेधवां जें जो मागे । तें ते एकसरें प्रसवों लागे ।
 तेवि विभव तेया आंगें । होउनि आलें ॥ ८६ ॥
 तेयातें ओलखावेयाची संज्ञा । जे नमस्कारिजेति आज्ञा ।
 ऐसे ते आहाति प्राज्ञा । अवतार आमचे ॥ ८७ ॥
 आणि एक सामान्य विशेष । हें जें जाणणें सदोष ।
 जें मीं चि जेकु अशेष । विश्व हें हणौनि ॥ ८८ ॥
 तारि आतां साधारणु आणि चांगु ।
 ऐसा कैसा कल्पावा पां विभागु ।
 वायां चि आपुलिये दीठी वंगु ।
 भेदाचा लावावा ॥ ८९ ॥
 एन्हविं तन्हीं तूप काइमेया गुसलावें ।
 अमृत कां गालुनु आधें करावें ।
 हां गा पाउसीं काइ डावे ।
 जेवणें आंग होये ॥ ९० ॥
 पैं सूर्यविंवासि पोटापाटि । देखतां नाशे आपुली दृष्टि ।
 तेवि माझां स्वरूपिं गोठि । सामान्यविशेष चि ॥ ९१ ॥

अथवा बहुनैतेन किं ज्ञातेन तवार्जुन ।

विष्टभ्याहमिदं कृत्स्नमेकांशेन स्थितो जगत् ॥ ४२ ॥

आणि सिनानां विभूर्ती । मज अपारातें मविशी केती ।
 हणौनि सुभद्रापती । असो हें जाणणें ॥ ९२ ॥
 आतां पैं माझेनि येंकें अंशें । जें हें जग चि व्यापलें असे ।
 एया लागि भेदु सांडी सरिसें । साम्यें भज ॥ ९३ ॥
 ऐसें बुधवनवसतें । तेणें विरक्ताचिन कातें ।
 बोलिलें श्रीमते । कृष्णदेवें ॥ ९४ ॥

तेथ अर्जुनु ह्मणे स्वामी । येतुलें रहस्यें बोलिलें तुझीं ।
 जें भेदु येकु आणिकु आक्षिं । सांडावा तरिं ॥ ९५ ॥
 आहो सूर्यु ह्मणे जगातें । हें आंधोरं दवडा कां परीतें ।
 तेवि धसालु ह्मणे देवातें । तरि अधिकु जी बोलु ॥ ९६ ॥
 तूझें नाम चि कोणही वेले । जेयांचेया मुखाकानासि मिले ।
 तेयांचेया हृदयातें सांडुनि पवले । भेदु जी हा ॥ ९७ ॥
 चंद्रबिंबाचां गाभारां । रिगालेयां जरि उबारा ।
 तैसें राभस्यें सारंगधरा । बोला तुझीं ॥ ९८ ॥
 तेथ सवियां चि परि तोखौनि देवें ।
 अर्जुनातें आलिंगिलें जीवें ।
 मग ह्मणे तुवां न कोपावें ।
 आमचेया बोला ॥ ९९ ॥
 आर्हीं तुज भेदाचिया वाहाणीं ।
 सांघीतली जे विभूतीची काहाणी ।
 ते अभेदें अंतष्करणीं ।
 मानली कीं न मने ॥ ३०० ॥
 हें चि पाहावेया लागि । बोलिलों बाहिर सवडिया भंगीं ।
 तव विभूति तुज चांगी । आली बोधा ॥ १ ॥
 तेथ अर्जुनु ह्मणे देवें । हें आपुलें आपण जाणावें ।
 परि देखतसे आघवें । तुवां आरंभलें ॥ २ ॥
 पै राया तो पांडुसुतु । ऐसिये प्रतीतीचा जाला वरैतु ।
 एया संजयाचेया बोला निवातु । धृतराष्ट्रु राहे ॥ ३ ॥
 किं संजयो दुखवलेनि अंतष्करणें । ह्मणे नवल नाहें देवें दवडणें ।
 हा आंतुं मीं धडसा ह्मणे । तव आंतु ही आंधला ॥ ४ ॥
 परि हें असो आतां तो अर्जुनु । अद्वैताचा वाढवीतसे मानु ।
 किं तेया वरि आनु । धिबंसा मांडला ॥ ५ ॥


झणे हे चि हृदया आंतुली प्रतीती ।
 बाहिरि अवतरो कां डोलेया प्रति ।
 यया चिःसाचां पाउलीं मती ।
 उठिती जाली ॥ ६ ॥
 मियां इहीं चि दोहीं डोलां । झोंबावें विश्वरूपा सकला ।
 येवढी हावं देवांगला । झणौनि करी ॥ ७ ॥
 आजि तो कल्पतरूची शाखा । झणौनि वांझौळें न लागति देखां ।
 जें जें येईल तेयाचेया मुखा । तें साच कारितसे एरु ॥ ८ ॥
 जो प्रन्हादाचेया बोला । विषयो ही सकल आपण जाला ।
 तो सद्गुरु असे जोडला । किरीटी तेया ॥ ९ ॥
 झणौनि विश्वरूप पूसावेया लागि ।
 पार्थु रिगता होईल कवणी भंगीं ।
 तें सांघिजैल पुढिलिये कथाप्रसंगीं ।
 झणे ज्ञानदेउ निवृत्तिचा दासु ॥ ३१० ॥

ॐ ॥ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे विभूतियोगो

नाम दशमोऽध्यायः ॥

॥ श्रीकृष्णार्पणमस्तु ॥



ज्ञानेश्वरी



अध्याय अकरावा

श्रीगणेशायनमः ॥

आतां एयावारि एकादशीं । कथा आहे दोहों रसिं ।
जेथ पार्था विश्वरूपेंसीं । भेटि होइल ॥ १ ॥
जेथ शांताचेया घरा । अद्भुतु आला आहे पाहुणोरा ।
आणि येरां हिं रसां पांतिकरां । जाला मानु ॥ २ ॥
वधुवरांचिये मीलणीं । जैसिं वन्हडियां हिं लुगडीं लेणीं ।
तैसे देशिचिये मुखासनीं । मिरवले रस ॥ ३ ॥
परि शांताद्भुत बरवें । जेथ डोलेयांचा अंजुलिं घेयावें ।
जेंसं हरिहर प्रेमभावें । आले खेवां ॥ ४ ॥
नातरि अवसेचां दिसीं । भेटलीं दोन्हीं बिंबें जैसीं ।
तेवि येकवला रसीं । केला जेथ ॥ ५ ॥
मीनले गंगेयमुनेचे उन्ध । तैसैं यां रसांचें जालें प्रयाग ।
सुस्नात होत जग । आघवें एथ ॥ ६ ॥
मर्षे श्रीतासरस्वती गुपित । आणि दोन्ही रस बोध मूर्त ।
या सगि त्रिवेणी होये उचित । फावली बापा ॥ ७ ॥
एथ श्रवणाचेनि द्वारें । तीर्थ रिगतां सोपारें ।
ज्ञानदेउ सणे दातारें । माझेनिं केलें ॥ ८ ॥

तीरे संस्कृताचीं गहनं । तोड्ढनि मन्हाटिया केलीं शब्दसौपानं ।
 रचिलीं धर्मनिधानं । निवृत्तिदेवं ॥ ९ ॥
 ह्यणौनि भलेतेणें एथ न्हावें । प्रयागीं माधवीं विश्वरूपातें पाहावें ।
 एतुलेनि संसारा देयावें । तिलोदक ॥ १० ॥
 हें असो ऐसें सावेव । जेथ सांसिनले आथि रसभाव ।
 जेथ श्रवणसुखाची राणिव । जोडली जगा ॥ ११ ॥
 जेथ शांताद्भुत रोकडे । आणि एरां रसां पडप जोडे ।
 हें अल्प चि परि उघडें । कैवल्य जेथ ॥ १२ ॥
 तो हा अकरावां अध्या३० । देवांचें आपणपें ठेविता ठा३० ।
 परि कैसा सदैवांचा रा३० । जें एथ हि पातला ॥ १३ ॥
 आदिं अर्जुनु चि काइ ह्यणों पातला ।
 आजि हा आवडतेया हि सुकालु जाला ।
 जें गीतार्थु हा आला ।
 मन्हाटिया ॥ १४ ॥
 एया चि लागि आतां माझे । विनविलें तें आइकिजे ।
 तरि अवधान आतां दीजे । सज्जनीं तुह्मीं ॥ १५ ॥
 आहो तेवि चि तुह्मां संतांचिये सभे ।
 ऐसीं सलगि करुं न लभें ।
 परि मानावें जीं लोभें ।
 अपत्या मातें ॥ १६ ॥
 आहो पूसा आपण चि पढविजे ।
 मग बोले तवं तथं माथा तूकिजे ।
 कां करविलेनि चोजें न रिजे ।
 बालका माए ॥ १७ ॥
 तेवि मी जें जें बोलें । तें प्रभू तुमचें चि केलें ।
 ह्यणौनि अवधारिजो आपुलें । आपण देवा ॥ १८ ॥

हैं सारस्वताचें गोड । तुझीं चि लाविलें जी झाड ।
 तारि अवधानामृतें वाड । सिंपौनि कीजो ॥ १९ ॥
 मग हैं रसभावफूलीं फुलैल । नाना फलभरें भरैल ।
 तुमचेनि प्रसादें होइल । उपयोगु जगा ॥ २० ॥
 येया बोला संत रिझले । ह्मणति तोखलों गा भलें केलें ।
 आतां साधें जें बोलिलें । अर्जुनें तेथ ॥ २१ ॥
 तव निवृत्तिदासु ह्मणे । कृष्णा अर्जुनाचें बोलणें ।
 मीं प्राकृतु काइ सांघों जाणें । परि बोलवाल तुझीं ॥ २२ ॥
 आहो रानिचेयां पालेखाइरां । नेवाणें करविलें लंकेश्वरा ।
 एकला अर्जुनु परि अकरा । न जीणे क्षौणी ॥ २३ ॥
 ह्मणौनि समर्थु होये साहाकारी । मान्हेव कैसें सचराचारीं ।
 तुझीं संत तियापरीं । बोलवां मातें ॥ २४ ॥
 तारि आतां बोलतसें आइकां । हा गीताअभिप्रा^३ नीका ।
 जो वैकुण्ठनायका । मुखौनि निगाला ॥ २५ ॥
 बापु ग्रंथु गीता । जो वेदीं प्रतिपाद्य देवता ।
 तो श्रीकृष्णु वक्ता । जिये ग्रंथीं ॥ २६ ॥
 तेथिचें गौरव कैसें वानावें । जें शंभूचिये मतीसि नांगवं ।
 तें आतां नमस्कारिजे जीवें । हें चि भलें ॥ २७ ॥

अर्जुन उवाच ।

मदनुग्रहाय परमं गुह्यमध्यात्मसंज्ञितम् ।
 यत्त्वयोक्तं वचस्तेन मोहोयं विगतो मम ॥ १ ॥

मग आइकां तो किरिटी । घाट्टनि विश्वरूपीं दीठि ।
 पहिली कैसें गोठि । करिता जाला ॥ २८ ॥
 हें सर्व ही सर्वेश्वरु । ऐसा प्रतीतिगतु जो पतिकरु ।
 तो बाहिरि होआवा गोचरु । लोचनांसि ॥ २९ ॥

हे जीवांतातुली चाड । परि देवा सांगतां सांकड ।
 जें विश्वरूप गूढ । कैसेनि पूसावें ॥ ३० ॥
 हणो मागां कन्हणें काहीं । जें पढियंतेन पूसिलें नाहिं ।
 तें सहसा कैसें पाहिं । सांघा हणों ॥ ३१ ॥
 मीं जन्हीं सलगीचा चांगु । तन्हीं काइ आयिसांझुनि अंतरंगु ।
 परि तियें हीं हा प्रसंगु । पूसों भियार्लीं ॥ ३२ ॥
 मजसिं स्नेहें कारिति बोली । परि नाहिं गरुडाचेया येतुली ।
 तो ही सकट हे बोली । करुं न शके ॥ ३३ ॥
 मी काये सनकादिकांझुनि आगला ।
 परि ते हीं न करिती चि हा चाला ।
 आणि आवडैन काइ प्रेमला ।
 गोकुलिचेयांझुनि ॥ ३४ ॥
 तेयातें लेंकुरुपणें झांकविलें । एकांचे गर्भवास साहिले ।
 परि विश्वरूप हें राहविलें । दावि चि ना ॥ ३५ ॥
 हा ठावावेन्हीं गुज । याचिये अंतरिचें निज ।
 केवि उराउरी मज । पूसों येईल ॥ ३६ ॥
 आणि न पुसों जरि हणें । तरि सुख न्हवैल अंतष्करणें ।
 मग काइ करावें जीणें । जीउनि आहीं ॥ ३७ ॥
 हणौनि पूसों आतां अलुमालु ऐसें । मग करुं दैवां ठाके तैसें ।
 एणें प्रवृत्तला साध्वसें । पार्थु बोलों ॥ ३८ ॥
 परि तें चि ऐसेनि भावें । जें येकां दों उत्तरांसवें ।
 दावी विश्वरूप आघवें । झाडा देउनि ॥ ३९ ॥
 जैसें वासरुं देखिलेयां दीठी । धनु खडपडौनि मोहें उठी ।
 मग स्तनामुखाचिये भेटी । काइ पान्हा धरे ॥ ४० ॥
 तैसा पांडवाचेनि नावें । जो कृष्णु रानी येका धावे ।
 तेयातें जवं अर्जुनें पूसावें । तवं साहील काई ॥ ४१ ॥

तो साहाजें स्नेहाचें अवतरण । आणि येरु स्नेहा धातलें माळवण ।

ऐसिये मिलणी वेगलेपण । उरे हें चि बहु ॥ ४२ ॥

क्षणौनि अर्जुनाचेया बोला सरिसा ।

देउ० विश्वरूप होईल आपैसा ।

तो चि पहिला प्रसंगु कैसा ।

आइकिजो तरि ॥ ४३ ॥

मग पार्थु देवातें क्षणे । जें तुझीं मजकारणें ।

वाच्य केलें बोलणें । कृपानिधी ॥ ४४ ॥

जें महाभूतें ब्रह्मीं आटति । जीव महदादिचे ठाये फीटति ।

तें देउ० होउनि जें ठांति । तें विसवणें शोषिचें ॥ ४५ ॥

होंतें हृदयाचां परीवरीं । रोविलें कृपणाचिया परीं ।

शब्दब्रह्मासीं चोरी । जेयाची केली ॥ ४६ ॥

तें तुझीं जी आपुलें । मज पुढां हियें फोडिलें ।

जें अध्यात्म वोवालिलें । ऐश्वर्य हरें ॥ ४७ ॥

ते वस्तु मज स्वामीं । एकीहेला दीधली तुझीं ।

हें बोलों क्षणतां तरि आह्मीं । तूं पाहूनि कैचें ॥ ४८ ॥

परि साच चि मोहाचां महापुरीं । बुडालेयां देखौनि सीसबेन्हीं ।

तूं आपणपें घातलें हरी । मग काढिलें मातें ॥ ४९ ॥

एकु तूंवांचूनि काहिं । विश्वि दूजेयाची भाष नाहिं ।

किं आमचें कर्म पाहीं । जें आक्षिं आधि क्षणों ॥ ५० ॥

मीं जर्गीं येकु अर्जुनु । ऐसा देहिं बांधें अभिमानु ।

आणि कौरवांतें यां स्वजनु । आपुला क्षणें ॥ ५१ ॥

या ही वरि यांतें मीं मारीन । तें पापें कांड करीन ।

ऐसें देखतु होंतां दुस्वप्न । तो चेवविलां तुझीं ॥ ५२ ॥

देवा गंधर्वनगरां वसती । टाकुनु गेलेयां लक्ष्मीपती ।

होंतां उदकाचिया आर्तीं । रोहिणी पींतु ॥ ५३ ॥

जी कीडरुं तरि कापडाचें । परि लाहरी येत होती साचें ।
 ऐसेनि वायां मरतेया जीविताचें । श्रेय तुवां घेतलें ॥ ५४ ॥
 आपुलें बिंब नेदखतां । सिंहु कुहां घालील देखों आतां ।
 ऐसा धरिजे तेवि अनंता । राखिलें मातें ॥ ५५ ॥
 यन्हविं तरि माझा एतुले वेन्हीं । येथ निश्चयो होता अवधारीं ।
 जें आतां चि सातें सागरीं । एकवाट मिलिजो ॥ ५६ ॥
 हें युग चि आघवें बुडावें । वारि आकाश ही तूटौनि पडावें ।
 परि जूझणें मज नोहावें । गोत्रेंसि पै ॥ ५७ ॥
 ऐसिया अहंकाराचिया वाढी । मियां आप्रहजलिं दिघली बुडी ।
 चांग चि जवला तूं यन्हविं काढी । कोण मातें ॥ ५८ ॥
 नाथिलें आपणपें येक मानिलें ।
 आणि न्हवतेया नावं गोत्र ठेविलें ।
 थोर पिसें होतें लागलें ।
 परि राक्षलां तुझीं ॥ ५९ ॥
 मागां जलत काढिलों जौहरीं ।
 तें तें देहासी चि भय अवधारीं ।
 आतां हे जौहरवाहर दुसरी ।
 चैतन्या सकट ॥ ६० ॥
 दुराग्रहें हिरण्याक्षें । माझि बुद्धि सूदली कक्षे ।
 मग मोहार्णवगवाक्षें । रिगौनि ठेला ॥ ६१ ॥
 एथ तूझेनि गोसांविपणें । येकोल बुद्धीचेया ठाया येणें ।
 हें दुसरें वराहो होणें । पडिलें तुज ॥ ६२ ॥
 ऐसें ऐसें अपार तूझे केलें । एकी वाचा मीं काइ बोलें ।
 परि जें पांचै पालव मोकलिले । मजप्रति ॥ ६३ ॥
 तें काहीं न वचे चि वायां । भलें यश फावलें देवरायां ।
 जें साद्यंतां माया । निरसिली आजी ॥ ६४ ॥

जी आनंदसरोवरिचीं कमलें । तैसे हे तूझे डोले ।
 आपुलेया प्रसादाचीं राउलें । जेया लागि करिति ॥ ६५ ॥
 हां हो तेया ही आणि मोहाची भेटी ।
 हे काइसी जी पावली गोठी ।
 केउति मृगजलें वृष्टि ।
 बडवानलेंसीं ॥ ६६ ॥
 आणि मी तवं दातारा । इये ऋपेचां रिघौनि गाभारां ।
 घेतसें चारा । ब्रह्मरसाचा ॥ ६७ ॥
 तेणें माझा जी मोहो जाण । एथ विस्मो काइ आहे ।
 परि उद्धरलां तूझे पाण । सितले आथि ॥ ६८ ॥

भवाप्ययौ हि भूतानां श्रुतौ विस्तरशो मया ।

त्वत्तः कमलपत्राक्ष माहात्म्यपि चाव्ययम् ॥ २ ॥

पैं कमलायतन डोलसा । सूर्यकोटितेजसा ।
 मियां तुज पासौनि महेशा । परिसिलें आजि ॥ ६९ ॥
 इयें भूतें जेया परीं होति । अथवा लया हान जाति ।
 ते मज पुढें प्रकृति । विवंचिली देवें ॥ ७० ॥
 आणि प्रकृती कीरु उगाणा दीन्हला ।
 परि पुरुषाचा ही ठाऊ फेडिला ।
 जेयाचा महिमा पांगुरौनि जाळा ।
 धडौता वेदु ॥ ७१ ॥
 कां शब्दराशि वाढे जिये । कां धर्मां ऐसेयां रत्नातें विये ।
 तें तेथिचिये प्रभेचे पाए । उलगे हणौनि ॥ ७२ ॥
 ऐसें अगाध माहात्म । जें सकल मार्गा एकगम्य ।
 जें स्वयं आत्मानुभवरम्य । तें इयापरीं दाविलें ॥ ७३ ॥
 जैसा केरु फीटलेयां अमालीं । दीठि रिगे सूर्यमंडलीं ।
 कां हातें सारुनि बाबुली । जल देखिजे ॥ ७४ ॥

नां तरि उकलतेयां सापांचा वेढे । जैसे चंदना खेबं देणें घडे ।
 अथवा विवसी पले मग चडे । निधान हाता ॥ ७५ ॥
 तैसी प्रकृति हे आड होती । ते देवें चि सारुनि केली परौती ।
 मग परतत्व माझिये मती । सेजार केलें ॥ ७६ ॥
 ह्मणौनि इयें विखिंचा मज देवा । प्रत्यो घडला माझेया जीवा ।
 परि आणिकु येकु हेवा । उपजतु असे ॥ ७७ ॥
 तो भिडा जरि ह्मणों राहों । तरि आणिक कवणा सांघों जाऊं
 काइ तुज वांचूनि ठाऊं । आणिकु असे ॥ ७८ ॥
 जलचर जलाचा आभारु धरी ।
 बालक स्तनपानीं उपरोधी करी १
 तरि तेयासि जियावेया हरी ।
 उपाऊं आणिकु असे ॥ ७९ ॥
 ह्मणौनि भिड सांकडि न धरवे । आवडे ते तुज पुढां बोलवें
 तवं राहे ह्मणितलें देवें । चाड सांघें ॥ ८० ॥

एषमेतद्यथात्थ त्वमात्मानं परमेश्वर ।

द्रष्टुमिच्छामि ते रूपमैश्वरं पुरुषोत्तम ॥ ३ ॥

मग बोलिला तो किरीटी । ह्मणे तुझीं जे केली गोठि ।
 तिये प्रतीति दिठी । निवाली माझी ॥ ८१ ॥
 आतां जेयाचेनि संकल्पें । हे लोकपरंपरा आरोपे ।
 जेया ठायतें आपणपें । मीं गा ह्मणसी ॥ ८२ ॥
 जें मूलस्वरूप तूझे । जेथौनि इयें द्विभुजें चतुर्भुजें ।
 सोआंगें सुरकार्याचेनि व्याजें । घेऊं घेऊं येसि ॥ ८३ ॥
 जलसेनाचिया गवसणियां । मछ कूर्मु इया मिरवणियां ।
 खेळ सरलेयां तुं गुणियां । सांटविसि जेथें ॥ ८४ ॥
 उपनिषदें जें गाति । योगिये हृदइं रिगौनि पांति ।
 जेयातें सनकादिक आहाति । पोढळनियां ॥ ८५ ॥

ऐसें अगाध जें तूझे । विश्वरूप कानीं आइकिजे ।
 तें देखावेया चित्त माझे । उताविल देवा ॥ ८६ ॥
 देवें फेडूनियां सांकड । लोभें पूसिली जरि चाड ।
 तरि हें चि एक वाड । आर्त जी मज ॥ ८७ ॥
 तूझे विश्वरूप आघवें । माझिये दीठीसि गोचर होआवें ।
 ऐसी थोर आश जीवें । घेतली असे ॥ ८८ ॥

मन्यसे यदि तच्छब्दं मया द्रष्टुमिति प्रभो ।
 योगेश्वर ततो मे त्वं दर्शयात्मानमव्ययम् ॥ ४ ॥

पण एथ आणिक एक शारंगी ।
 तुज विश्वरूपातें देखावेया लागि ।
 योग्यता माझां आंगीं ।
 असे किं नाहिं ॥ ८९ ॥
 हें आपुलें आपण मीं नेणें । तें कां नेणसि जरि देउ हणें ।
 तरि सरीगु काइ जाणें । निदान रोगाचें ॥ ९० ॥
 आणि आर्तिचेंनि पडिभरें । आर्तु आपुलीं टाकि पां विसरे ।
 जैसा तान्हेला हणें न पुरे । समुद्र हा मज ॥ ९१ ॥
 ऐसी सचाडपणाचिया भूली ।
 न संभाली सवियां समस्या आपुलीं ।
 यया लागि योग्यता माउलीं ।
 बालाची जाणें ॥ ९२ ॥
 तेया पारि जनार्दना । विचारिजो माझी संभावना ।
 मग विश्वरूपदर्शना । उपक्रमु किजो ॥ ९३ ॥
 तरि तैसी ते कृपा करा । एन्हविं न्हेवे हणां अवधारा ।
 धायां चि पंचमालापें बधिरा । मुख केउतें देणें ॥ ९४ ॥

एन्हविं एकलेया बापैयाचिये तृषे ।
 मेघु जगा पुरते काइ न वरिखे ।
 परि ते ही वृष्टि उपखे ।
 जरि खडकां वरि होए ॥ ९५ ॥
 चकोरां चंद्रामृत फावले । एरां आणवाउनि काइ वारिलें ।
 परि डोलां विण पाहाले । वायां चि जाए ॥ ९६ ॥
 ह्यणौनु विश्वरूप तूं सहसा । दाविसी किरु भरवसा ।
 जें कां कडाडां आणि गहिंसासा । नीच नवा तूं किं ॥ ९७ ॥
 तूझे औदार्य जाणों स्वतंत्र । देतां न ह्यणसि पात्रापात्र ।
 न्हवे कैवल्य ऐसें पवित्र । वैरियां दीन्हले ॥ ९८ ॥
 मोक्षु दुराराध्यु किरु होये । परि तो ही आराधी तूझे पाये ।
 ह्यणौनि धाडिसी तेथ जाये । पाइकु जैसा ॥ ९९ ॥
 तुवां सनकांदिकांचेनि मानें । सायुजीं सौरसु केला पूतने ।
 जें विषाचेनि स्तनपानें । रुसली तुज ॥ १०० ॥
 हां गा राजसूयाचां सभासदीं । देखतां त्रिभुवनिची मांदी ।
 कैसा शतधा दुर्वादीं । निस्तेजिलासि ॥ १ ॥
 किं तुवां तेया शिशुपाला । आपणपां ठाउ दीधला गोपाला ।
 आणि उतानचरणाचेया बाला । काइ ध्रुवपदे चाड ॥ २ ॥
 तां वना आला या चि लागीं । जें बैसावें पितेयाचां उत्संगीं ।
 किं सूर्यादिकां लागीं । परि लिंगु जाला ॥ ३ ॥
 ऐसा वनवासियां वश्यु जाला । देतां कवतिकिं तूं चि वेल्हाला ।
 पुत्र पाहातां अजमीला । परत्वानेसी मां ॥ ४ ॥
 जेणें उरीं हालासि पांपरा । तेयाचे विनट वाहासि दातारा ।
 अम्हनि वैरियाचिया कलेवरा । विसंबसि ना ॥ ५ ॥
 ऐसा अपकारियां तूझा उपकारु । तूं अपात्रीं हीं उदारु ।
 दे दान ह्यणौनि दारवठेकारु । जालासि बलिचा ॥ ६ ॥

तूतें आराधितां नाइकें । होंती राउवें बोलाविति कवतिकें ।
 तिये वैकुंठीं तुवां गणिके । सुरवाडु केला ॥ ७ ॥
 ऐसी पाहों पाहों वायाणी मीसैं ।
 लागसि आपणपें देउं वानिवसैं ।
 तो तूं कां अनारिसैं ।
 मज लागीं करिसी ॥ ८ ॥
 हां गा दुभतेयाचेनि पवाडें । जे जगाचे फेडी सांकडें ।
 तिये कामधेनूचे पाडे । भूखेले ठांति ॥ ९ ॥
 क्षणौनि विनविलें मियां काहीं ।
 तें देउं न दखविति हें किरु नाहिं ।
 परि देखावेया पाहीं ।
 पात्रता मज ॥ ११० ॥
 तूझें विश्वरूप आकले । ऐसैं करावें गांपालें ।
 तरी चि आर्त्तिचे डोहोले । पुरती देवा ॥ ११ ॥
 ऐसी ठायेंठाउं विनती । जवं करु सरंली सुभद्रापती ।
 तवं तेया षड्गुणचक्रवर्ती । साहवे चि ना ॥ १२ ॥

श्रीभगवानुवाच ।

पश्य मे पार्थ रूपाणि शतशोऽथ सहस्रशः ।
 नानाविधानि दिव्यानि नानावर्णाकृतानि च ॥ ५ ॥
 तो कृपाधीयूष सजल्लु । आणि येरु जवळीं आला वरिषाकाल्लु ।
 नाना कृष्णु तो कौकिल्लु । अर्जुनु वसंतु होए ॥ १३ ॥
 क्षणौनि चंद्रबिंब वाटुलें । देखौनि क्षीरसागर उचुंबले ।
 तैसा दुणे ही वारि प्रेमबलें । उल्हासितु जाला ॥ १४ ॥
 मग तिये प्रसन्नतेचेनि आटोपें । गाजौनि क्षणितलें सकृपें ।
 पार्था देख उमपें । रूपें माझीं ॥ १५ ॥

एक चि विश्वरूप देखावें । ऐसां मनोरथु केला पांडवें ।
 किं विश्वरूपमय आघवें । करुनि घातलें ॥ १६ ॥
 बापु उदार देऊ अपरिमितु । याचक सवे सदोदितु ।
 जाहंसें सहस्र वरि देतु । सर्वस्व आपुलें ॥ १७ ॥
 आहो शेषाच डाले चारिले । वेद जेया लागिं ज्ञांकविले ।
 लक्ष्मीये ही परि राहिले । जिव्हार जें ॥ १८ ॥
 तें आतां प्रकटूनियां अनेकधा । करीत विश्वरूपदर्शनांचा धोंधा ।
 बापु भाग्या अगाधा । पार्थाचेया ॥ १९ ॥
 जो जागतां स्वप्नावस्थे जाण । तो जेवि स्वप्निचें आघवेंचि होए ।
 तें चि अनंत ब्रह्मकटाहो आहे । जें आपण जाला ॥ १२० ॥
 ते चि सहसा मुद्रा सोडिली ।
 आणि हे स्थूल दृष्टिची जवनीक फेडिली ।
 किंबहुना उघडिली ।
 योगनिधि ॥ २१ ॥
 परि हा देखेंल किं नाहिं । ऐसी से चि न करी काहिं ।
 एकसरा ह्यणतसे पाही । स्नेहातुरु ॥ २२ ॥
 अर्जुना तुवां एक दावा ह्यणितलें ।
 आणि तें चि दाउं तरि काइ दाविलें ।
 आतां देखैं आघवें भरलें ।
 माझां चि रूपीं ॥ २३ ॥
 एकें कृशें एकें स्थूलें । एकें ह्रस्वें एकें विशालें ।
 एकें खुर्जी एकें सरलें । अप्रातें एकें ॥ २४ ॥
 एकें अनावरें प्रांजलें । सव्यापारें येकें निश्चलें ।
 उदासिनें स्नेहालें । तीव्रें एकें ॥ २५ ॥
 एकें घूर्णितें सावधें । आसलगें एकें अगाधें ।
 उदारें अतिबद्धें । क्रुद्धें येकें ॥ २६ ॥

एकें शांतें सदमर्दे । स्तब्धे एकें सानर्दे ।
 गर्जते एकें निःशब्दे । सौम्ये एकें ॥ २७ ॥
 एकें साभिलार्थे विरक्ते । उन्निद्रे एकें निद्रिते ।
 पारि तुष्टे आत्ते । प्रसन्ने एकें ॥ २८ ॥
 एकें सुपूजिते सशास्त्रे । संग्गाथिलीं स्वतंत्रे ।
 रौद्रे अति मैत्रे । लयस्थे एकें ॥ २९ ॥
 एकें जनलीलाविलासे । एकें पालनशीले लालसे ।
 एकें संहारके सावेशे । साक्षिभूते ॥ १३० ॥
 एवं नानाविधे पारि बहुवसे । आणि दिव्यतेजप्रकाशे ।
 तेवि चि येक येका ऐसे । वर्णि हिं नव्हे ॥ ३१ ॥
 एकें तातले साडपन्हरे । तैसे कपिलवर्णे अपारे ।
 एकें सरागे जैसे सेंदुरे । डवरले नभ ॥ ३२ ॥
 एकें सवियां चि चुलकि ।
 जैसे ब्रह्मकंटाह खेवणिले माणिकि ।
 एकें अरुणोदया सारखीं ।
 कुकुमवर्णे ॥ ३३ ॥
 एकें शुद्ध स्फटिके सहोजले । एकें इंद्रनीलसुनीले ।
 एकें अंजनवर्ण सकाले । कृष्णवर्णे एकें ॥ ३४ ॥
 ल्हासत कांचन पीत्रले । एकें नवजलदश्यामले ।
 एकें चापेगोरि केवले । हरिते एकें ॥ ३५ ॥
 एकें तप्तताम्रतांबडीं । एकें श्वेतचंद्रचोखडीं ।
 ऐसीं नाना वर्णे रूपडीं । देख माझि ॥ ३६ ॥
 हे जैसे कां नाना वर्ण । तैसे प्रकृतीं अनारिसेपण ।
 लाजा कंदर्पु रिगाला शरण । तैसे मुंदरे रूपे ॥ ३७ ॥
 एकें आयें लावण्यसाकारे । एकें देख अति मनोहरे ।
 श्रिंगारश्रियेचीं भांडारे । उघडिलीं जैसीं ॥ ३८ ॥

एकें पीनावयव मांसले । एकें सुघोरें अति करालें ।
 एके दीर्घे कातिविमलें । विकटें एकें ॥ ३९ ॥
 एवं नाना विधा आकृती । या पांहातां पार नाहिं सुभद्रापती ।
 यांचां एकीं आंगप्रान्तीं । देख पां जग ॥ १४० ॥

पश्यादित्यान्वसून् रुद्रानश्विनौ मरुतस्तथा ।

बहून्यदृष्टपूर्वाणि पश्याश्चर्याणि भारत ॥ ६ ॥

जेथ उन्मीलन होतसे दीठी । तेथ पसरत आदित्यांचिया शृष्टी ।
 पुडुतीं निमिलिणी मीठी । दंत आहाति ॥ ४१ ॥
 बदनाचिये वाफे सर्वे । होत ज्वालामय आघवे ।
 तेथ पावकादिक पावे । समूह वस्तूचें ॥ ४२ ॥
 आणि भ्रूलतांचे सेवट । कोपें मीलों पांत येकवट ।
 तेथ रुद्रगणाचे संघाट । अवतरत देखां ॥ ४३ ॥
 पै सौम्यतेचा बोलावा । मीति नेणिजे अश्विनौ देवां ।
 श्रोत्रिं होत पांडवा । अनेक वायु ॥ ४४ ॥
 या परीं एकैकाचिये लीले । जन्मतें सुरसिद्धांचिं कुलें ।
 ऐसिं अपारें आणि विशालें । रूपें ये पाहे ॥ ४५ ॥
 जेयातें सांघावेया वेद बोवडे । पाहावेया कालाचें आयुष्य तोकडें ।
 धात्रेया ही परि न संपडे । ठावो जेयांचा ॥ ४६ ॥
 जेयातें देवत्रयी कहिं नाइके । तियें इयें देख अनेकें ।
 भोगिं आश्चर्याची कवतिकें । महासिद्धी ॥ ४७ ॥

इहैकस्थं जगत्कृत्स्नं पश्याद्य सचराचरम् ।

मम देहे गुडाकेश यच्चान्यद्दृष्टुमिच्छसि ॥ ७ ॥

इयां मूर्त्तिचां किरीटी । रोममूलीं देख पां श्रृष्टि ।
 पर्वतिं तरुतलवटीं । तृणांकुर जैसे ॥ ४८ ॥
 आणि वातायनीं आकाशें । उडत परमाणु दीसति जैसे ।
 भ्रमत ब्रह्मकटाह तैसे । अवेवसंधी ॥ ४९ ॥

एथ एकी चि प्रदेशीं । विश्व देख पां विस्तरोंसिं ।
 आणि विश्वा परौतें मानसिं । देखावें वर्त्ते ॥ १५० ॥
 परि ते ही विषिचें काहिं । एथ सर्वथा सांकडें नाहिं ।
 मुखें आवडे तें माझां देहीं । देखसील तूं ॥ ५१ ॥
 ऐसें विश्वमूर्ती तेणें । बोलिलें कारुण्यपूर्णें ।
 तव देखतु आहे कां न ह्मणे । निवांतू चि एरु ॥ ५२ ॥
 एथ तें काइ पां हा उगला । ऐसा कृष्णें येवि पाहिला ।
 तव आर्त्तिचें लेणें लेइला । तैसा चि आहे ॥ ५३ ॥

न तु मां शक्यसे द्रष्टुमनेनैव स्वचक्षुषा ।

दिव्यं ददामि ते चक्षुः पश्य मे योगमैश्वरम् ॥ ८ ॥

मग ह्मणे उत्कंठें उ०हटु न पडे ।
 आझुइं सुखाचि सोय न संपडे ।
 परि दाविलें तें फुडें ।
 नाकले चि येया ॥ ५४ ॥
 ऐसें बोलौनि देउ० हांसिले । कां गा देखणेयां ह्मणितलें ।
 आर्त्तीं विश्वरूप तरि दाखविलें । परि नेदखसि तूं ॥ ५५ ॥
 यया बोला एरें विचक्षणें । ह्मणितलें हां जी तें कवणासि उणें ।
 तुर्हीं बकाकरवि चांदिणें । । चरौं पाहा ॥ ५६ ॥
 हां हो उटूनिया आरिसा । आंधलेया पुढें दाखउं बैसा ।
 ना बहिरीसि हृषीकेशा । गाणें केउतें ॥ ५७ ॥
 मकरंदकणाचा चारा । घालुं जांतां दर्दूरा ।
 वायां धाडा मग सारंगधरा । कोपा कवणां ॥ ५८ ॥
 जें अर्त्तींद्रिय ह्मणौनि व्यवस्थलें । केवल ज्ञानें दिष्टिचेया भागा फीटलें ।
 ते तुर्हीं चर्मचक्षू पुढां सूदलें । मग कैसेनि देखों ॥ ५९ ॥
 परि तें तुमचें उणें न बोलवें । मीं चि साहें तें बरवें ।
 एथ आधि ह्मणितलें देवें । मानूं बापा ॥ १६० ॥

साच चि विश्वरूप आहीं दावावें ।
 तरि आधि देखावेया सामर्थ्य देयावें ।
 परि तुज बोवांतां हिं प्रेमभावें ।
 धसाल गेलों ॥ ६१ ॥
 काइ जालें न व्हातां भूमि पेरिजे ।
 तरि तो बेलु किर सिक्किलेयां जाइजे ।
 आतां माझें निज देखिजें ।
 ते दृष्टि देउं ॥ ६२ ॥
 मग तेया दृष्टी पांडवा । आमचा ऐश्वर्ययोगु आघवा ।
 देखौनियां अनुभवा । माझिवडा करीं ॥ ६३ ॥
 ऐसैं वेदांतवेयें । सकललोकआयें ।
 बोलिलें आराध्यें । जगाचेनि ॥ ६४ ॥

संजय उवाच ॥

एवमुक्त्वा ततो राजन् महायोगेश्वरो हरिः ।
 दर्शयामास पार्थाय परमं रूपमैश्वरम् ॥ ९ ॥
 पैं कौरवकुलचक्रवर्ती । मज हा चि विस्मो पुडुतीं पुडुतीं ।
 जें श्रियेहूनि त्रिजगतीं । सदैवं असे कवण ॥ ६५ ॥
 ना तरि खुणेचें वानावेया लागि ।
 श्रुती वांचूनि दावा पां जगीं ।
 ना तरि सेवकपण आंगीं ।
 शेषाचां असे ॥ ६६ ॥
 हां हो याचेनि हिं सोसैं । सीणति आठै पाहार योगिये जैसैं ।
 अनुसरलें गरुडा ऐसैं । कोणहीं आहे ॥ ६७ ॥
 परि तें आघवें चि एकीकडे ठेलें । सांपें कृष्णसुखा एकंदरें जालें
 जियें देउनि कां जन्मले । पांडव हे ॥ ६८ ॥

परि पांचां हिं आंतु अर्जुनां । कृष्णु सवियां चि जाला अधीना ।
 कामिकु जैसा अंगना । आपैता कीजे ॥ ६९ ॥
 पढविलें पांखिरुं ऐसें न बोले ।
 या परीं ब्रीडांमृगु हि संदे न चलें ।
 कैसें देवं एथ सुरवाडलें ।
 तें जाणवेना ॥ १७० ॥
 आजि परब्रह्म हें सावलें । भोगावया सदैवाचे डोले ।
 कां वाचेचे हान लले । पालित कैसें ॥ ७१ ॥
 हा कोपे तरि निवांतु साहे । हा रुसे तरि बुझावितु जाये ।
 नवल पीसैं लागलें आहे । पार्थाचें कृष्णां ॥ ७२ ॥
 येन्हां विषो जीणौनि जन्मले । जे शुक्रदेवादिंक दादुले ।
 ते विषो चि वाणिते जाले । भाट येयाचे ॥ ७३ ॥
 हा योगियांचें समाधिधन । किं होउनि ठेला पार्थाधीन ।
 यया लागि विस्मो माझे मन । करितसे राया ॥ ७४ ॥
 तेविं चि संजयो ह्मणे काइसा । विस्मो एथ कौरवेशा ।
 कृष्णें स्वीकरिजे तेया आपैसा । भाग्यउदो होए ॥ ७५ ॥
 मग ह्मणे देवांचा राउं । आतां पार्था तुज ते दृष्टि देउं ।
 जिया विश्वरूपाचा ठाउं । देखसी तूं ॥ ७६ ॥
 ऐसिं श्रीमुखौनि अक्षरें । निगति ना जवं एकसरें ।
 तवं अविद्येचें आंधारें । निगौनि गेलें ॥ ७७ ॥
 मग दिव्य चक्षु प्रकटला । तें ज्ञानदृष्टी पाटा फूटला ।
 या परीं दाखविता जाला । ऐश्वर्य आपुलें ॥ ७८ ॥
 हे अवतार जे सकल । ते जियें समुद्रिचे कां कळोळ ।
 विश्व हें मृगजल । जेयां रश्मीतव दीसे ॥ ७९ ॥
 जिये अनादि भूमिके नीटे । चराचर हें चित्र उमटे ।
 तेणें आपणपें वैकुण्ठें । दाविलें तेया ॥ १८० ॥

मागां बालपणें एणें श्रीपती । जे वेळु एकु खादली माती ।
 तें कोपौनियां हातीं । यशोदा धरिला ॥ ८१ ॥
 मग भेण भेण जैसें । मुखींचा झाडा देयावेयाचेनि मीसें ।
 चांदा ही भुवनें अवकाशें । दाविलीं तियें ॥ ८२ ॥
 नां तरि मधुवनीं धृवासि केलें । जैसें कपोल शकें सितलें ।
 आणि वेदांचिये ही मती ठेलें । तें लागला बोलें ॥ ८३ ॥
 तैसा अनुग्रहो पै राया । श्रीहरी केला धनंजया ।
 आतां कवणी कडे माया । ऐसी भाप नेणे तो ॥ ८४ ॥
 एकसरें ऐश्वर्यतेजें पाहलें । तेया चमत्कारातव एकार्णव जालें ।
 चित्त समजीं बुडालें । विस्मयाचां ॥ ८५ ॥
 जैसा आब्रह्मपूर्णादकिं । पव्हे मार्कंडेया एकाएकी ।
 तैसा विश्वरूपीं कवतिकीं । पार्थु लोले ॥ ८६ ॥
 रूपे कवढे गगन एथें होतें । तें कवणें नेलें पां परौतें ।
 तियें चराचरें महाभूतें । काइ पां जालीं ॥ ८७ ॥
 दिशांचे ठाये हारपले । अधोर्ध्व काइ नेणों जालें ।
 चंडलेयां स्वप्न गेलें । लोकाकार ॥ ८८ ॥
 नाना सूर्यतेजप्रतापें । चंद्रु तारांगण जैसिं लोपे ।
 तैसिं गीलिलीं विश्वरूपें । प्रपंचौनि ॥ ८९ ॥
 तेव्हलि मनासि मनपण न स्फुरे । बुद्धिसि आपणपें न संवरे ।
 इंद्रियांचे रश्मि माघारे । हृदय वेन्हीं भरले ॥ १९० ॥
 तेथे तटस्था तटस्थ पडिलें । ठकासि ठक मांडलें ।
 जैसें मोहनास्त्र घातलें । विचारजातां ॥ ९१ ॥
 तैसा विस्मितु पाहे कोडें । तंव पुढां चतुर्भुज होतें रूपडें ।
 तें चि मानारूप चौहीं कडे । मांडौनि ठेलें ॥ ९२ ॥

अनेकधकनयनमनेकाद्भुतदर्शनम् ।

अनेकदिव्याभरणं दिव्यानेकोद्यतायुधम् ॥ १० ॥

जैसे वरिखाकालिचें मेहुडें । कां महाप्रलङ्घे तेज जेव्हडें ।
 तैसें आपणेनि विण कव्हणी कडे । नेदी चि उरों ॥ ९३ ॥
 मग देखे तेथ सैघ वदनें । जैसे रमणिकाचीं राजभुवनें ।
 नाना प्रकटलीं निधानें । लावण्यांचीं ॥ ९४ ॥
 किं आनंदाचिं वनें सांसिनलीं । जैसी सौंदर्या राणीव जोडली ।
 तैसें मनोहरे देखिलीं । हरिवक्त्रें तेणें ॥ ९५ ॥
 तेया हि माजि एकैके । सवियां चि भयानके ।
 कालरात्रीचीं कटकें । उठावलीं जैसीं ॥ ९६ ॥
 किं तिये मरणासी चि मुखें जालीं ।
 नां तरि भयाचि दुर्गे पानासिलीं ।
 महाकुंडें उघडिलीं ।
 प्रलयानलाचीं ॥ ९७ ॥
 तैसें अद्भुते भयामुरें । तेथ वदनें देखिलीं वीरें ।
 आणिकें हीं साधारणें साकारें । साम्यें हिं बहुते ॥ ९८ ॥
 पै ज्ञानदृष्टीचेनि अवलोकें । पारि वदनाचा सेवटु न टके ।
 मग लोचन ते कवतिकें । लागला पाहों ॥ ९९ ॥
 तव नानावर्णें कमलवनें । विकाशलिं तैसें अर्जुनें ।
 डोलां देखिलीं पालिंगणें । आदित्यांचिं जैसिं ॥ २०० ॥
 तेथ कृष्णमेघांचिया झांटी । माक्षि कल्पांतविजुंचिया फूटी ।
 तैसिया वन्हीं पिंगला दीठी । भ्रुवां तलीं ॥ १ ॥
 एकैक आश्चर्य पाहतां । तिये येकी चि रूपिं पांडुसुता ।
 दर्शनाची अनेकता । प्रतिस्फालिली ॥ २ ॥
 मग ह्मणे चरण ते कवणी कडे । केउते मुकुट दोर्दडें ।
 ऐसिं वाढविताहे कोडें । चाडा देखावेया ॥ ३ ॥
 तेथ भाग्यनिधी पार्था । कां विफल होईल मनोरथा ।
 काइ पिनाकपाणिचां भातां । वायकाडें आधि ॥ ४ ॥

ना तारि चतुराननाचिये वाचं । आहाति लटक्यां अक्षरांच सांचे ।

ह्यर्णानि साद्यंतपण अपाराचें । देखिलें तेंणें ॥ ५ ॥

जेयाची सांये वेदां न कले । तेयाचें अवयव एकें वेलें ।

अर्जुनाचे दांन्ही डोले । भोगिते जाले ॥ ६ ॥

चरणौनि मुगुट्टु वेन्हीं । देखतु विश्वरूपाची धोरी ।

जे नाना रत्न अलंकारी । मिरवतसे ॥ ७ ॥

परब्रह्म आपुलेनि आंगें ।

लेयाविया आपण चि जाला जिये अनेगें ।

तियें लेणीं मी सांचें ।

काइसेया सारिखें ॥ ८ ॥

जिये प्रभेचिया झळाला । उजालु चंद्रा आदित्यमंडला ।

जे महातेजाचा जिवाला । जणें विश्व प्रकटें ॥ ९ ॥

तें दिव्य तेज श्रिगारु । तो कवणाचिये मर्ता होईल गोचरु ।

देउ आपणपें लेइला तें वीरु । देवतसे ॥ २१० ॥

मग तां चि विज्ञानाचां डोलां । घाली करपल्लवां जवं सरलां ।

तवं तोडिति कल्पांतिचिया ज्वाला । तैसिं शस्त्रें देखिलीं ॥ ११ ॥

जेयाचेयानि किरणाचेनि खरेपणें । नक्षत्रांचे होंति फुटाणे ।

तेजें खिरडला वन्हि ह्यणें । समुद्रि रिगों ॥ १२ ॥

कालकूटकल्लोलीं कवलिलें । नाना महा अविद्यांचें दांग उमटलें ।

तैसे अपार कर देखिले । उद्यतायुधीं ॥ १३ ॥

दिव्यामालयांबरधरं दिव्यगंधानुलेपनम् ।

सर्वाश्चर्यमयं देवमनंतं विश्वतोमुखम् ॥ ११ ॥

किं भेणें तेथौनि काढिली दीठी । मग कठमुगुट पांतसे किरिटी ।

तवं सुरतरुचिया भृष्टी । जेया पासौनि जालिया ॥ १४ ॥

जियें महासिद्धिचीं मूलपीठें । सीणली कमला जेथ बावटे ।

तियें कुसुमें अति चोंखटें । तुरंबिलीं देखिलीं ॥ १५ ॥

मुकुटां वरि स्तवक । ठां ठां पूजाबंध अनेक ।
 कंठि रूलताति अलौकिक । मालादंड ॥ १६ ॥
 स्वर्गे सूर्यतेज वेढिलें । जैसें पन्हरेनि मेरुतें मढिलें ।
 तैसें तें वरि गाढिलें । पीतांबर झलके ॥ १७ ॥
 श्रीमहादे३० कर्पुरें उटिला । कां कैलासु पारजें डवारिला ।
 नाना क्षीराब्धि पांगुरविला । क्षीरोदकें ॥ १८ ॥
 कां तरि चंद्र मेघाची घडी उकलली ।
 मग गगना करवि बूधि घेवविली ।
 तैसी चंद्रनपिंजरी देखिली ।
 सर्वांगीं तेंगे ॥ १९ ॥
 जेणें प्रकाशा कांति चढे । ब्रह्मानंदाचा दाघु मोडे ।
 जें ब्रह्माचेनि जीवन सौरभ्यें जोडे । वेधवतिये ॥ २२० ॥
 जेयांचें निर्लेपु अनुलेपन करी । जे निर्लेपु ही सर्वांगि धरी ।
 तेया मुगंधाची थोरी । कवण पां वानीं ॥ २१ ॥
 ऐसी एकैक श्रिंगारशोभा । पाहातां अर्जुनु जांतसे क्षोभा ।
 तेंचि चि दे३० वैसला कीं उभा । शयानु हें नेणे ॥ २२ ॥
 बाहिरि दीटि उवडूनि पाहे ।
 तव आघवें मूर्तिमय देखतु आहे ।
 आणि न पाहों ह्यणौनि उगा चि राहे ।
 तरि आंतु ही तैसें चि ॥ २३ ॥
 विशाल रूपें समोर देखे । तेया भेण पाठिमोरा जब ठाकें ।
 तव तिकडें हीं श्रीमुखें । कर चरण तैसे चि ॥ २४ ॥
 आहो पांतां किर प्रतिभासे । येथ नवल सांघो पां कांड असे ।
 पारि न पांतां हिं दीसे । चोज आडका ॥ २५ ॥
 कैसें अनुग्रहाचें करणें । पार्थाचें पाहणें आणि न पाहणें ।
 तेया ही सकद नारायणें । व्यापूनि घातलें ॥ २६ ॥

ह्यणौनि आश्वर्याचां पुरीं एकीं । पडिला ठायें ठा३० थडी टाकी ।

तबं चमत्काराचां आणिकिं । महार्णविं पडे ॥ २७ ॥

ऐसा अर्जुनु असाधारणें । आपुलेया दर्शनाचेनि विदारणें ।

कबलौनि घेतला तेणें । अनंत रूपें ॥ २८ ॥

तो विश्वतोमुख स्वभावें । आणि तें चि दाखवावेया पांडवें ।

प्रार्थिला आतां आघवें । होउनि ठेला ॥ २९ ॥

आणि दीपें कां सूर्यें प्रकटे । अथवा निमुटिलेयां देखावें कुंठे ।

तैसी दीटि नव्हे जे वैकुण्ठें । दीधली आहे ॥ २३० ॥

ह्यणौनि किरीटीसि दोहिं परीं । देखावें पडतसे अवधारीं ।

हें संजयो हस्तिनापुरीं । सांघतसे राया ॥ ३१ ॥

ह्यणे किंबहुना अवधारिलें । पार्थें विश्वरूप देखिलें ।

नाना आभरणीं भरलें । विश्वतोमुख ॥ ३२ ॥

दिवि सूर्यसहस्रस्य भवेद्युगपदुन्धिता ।

यदि भाः सदाशे सा स्याद्भासस्तस्य महात्मनः ॥ १२ ॥

तिये अंगप्रभेचा हेवा । नवला३० काइसेया सारिखा सांघावा ।

कल्पांतिं येकु चि मेलावा । द्वादशादित्यांचा ॥ ३३ ॥

तैसे ते दिवि सूर्य सहस्र वेन्हीं ।

जरि उदैजते कां येकिं अवतारिं ।

तारि तेया तेजाची थोरी ।

उपमूं येती ॥ ३४ ॥

आघवेयां विजूंचा मेलावा कीजे ।

आणि प्रलयाम्नीची सर्व सांघणी सांधिजे ।

तेविं चि हेशकु ही मेलविजे ।

महातेजाचा ॥ ३५ ॥

तन्हीं तिये अंगप्रभेचेनि पाडें । हें तेजादि पै थोडें ।

आणिक तेया ऐसें चोखडें । आन नाहिं ॥ ३६ ॥

ऐसें माहात्मेयां हरिचें साहाज । फांकत असे सर्वांगिचें तेज ।
तें मुनिकृपा जी मज । दृष्ट जालें ॥ ३७ ॥

तत्रैकस्थं जगत्कृत्स्नं प्रविभक्तमनेकधा ।

अपश्यद्देवदेवस्य शरीरे पांडवस्तदा ॥ १३ ॥

आणि तिये विश्वरूपिं येकि कडे । जग आघवें आपुलेनि पत्राडें ।

जैसे समुद्रा माझि बुडडे । साने दीसति ॥ ३८ ॥

कां आकाशीं गंधर्वनगर । भूतलिं पिपीलिका बांधलें घर ।

नातारि मेरुवरि सपूर । परमाणु बैसले ॥ ३९ ॥

विश्व आघवें चि तिया परीं । तेया देवचक्रवर्तिचां शरीरीं ।

अर्जुनु तिये अवसरीं । देखता जाला ॥ २४० ॥

ततः स विस्मया विष्टो हृष्टरोमा धनंजयः ।

प्रणम्य शिरसा देवं कृतांजलिरभाषत ॥ १४ ॥

तेथ विश्वा एक आपण । ऐसें अलुमालु होंतें दूजेपण ।

तें आटौनि गेलें अंतष्करण । विरालें सहसा ॥ ४१ ॥

आंतु महानंदा चेडरें जालें ।

बाहीरि गात्रांचें बल हारपौनि गेलें ।

आपाद पां गुंतलें ।

पुलकांचलें ॥ ४२ ॥

वारिषियेचिये प्रथम दशे । वोहललेया शैलाचें सर्वांग जैसें ।

विरुढे कोवळां अंकुरीं तैसे । रोमांच आले ॥ ४३ ॥

सितला चंद्रकरीं । जैसा सोमकांतु पाल्हालु धरी ।

तैसिया स्वेदकणिका शरीरीं । दाटती असति ॥ ४४ ॥

माझि सांपडलेनि अलिउलें । जला वारि कलिका जेवि आंदोले ।

ते विश्वासोर्मीचेनि बलें । कांपतसे ॥ ४५ ॥

कर्पूरकदलिचीं गर्भपूटें । उकलति कर्पूराचेनि कोंधाटें ।

पुलिका गलति तेवि धेंबटे । नेत्रौनि पडति ॥ ४६ ॥

ऐसा साविका आठां हिं भावां । परस्परें वर्त्ततसे हेवा ।
 तेथ ब्रह्मानंदाची जीवा । राणीव फावली ॥ ४७ ॥
 उदैलेनि मुधाकरें । जैसा भरला चि समुद्रु भरे ।
 तैसा बेलबेलां उर्मीभारें । उचंबलतसे ॥ ४८ ॥
 तैसा तेया सुखानुभवा पाठिं । केला द्वैताचा सांभालु दीठी ।
 मग उसमौनि किरीटी । वास पाहिली ॥ ४९ ॥
 तेथ बसला होता जेया सवा ।
 तेया चि कडें मस्तक खालविलें देवा ।
 जोडुनु करसंपुटु वरवां ।
 उत्तरीं बोलें ॥ २५० ॥

अर्जुन उवाच ।

पश्यामि देवांस्तव देव देहे सर्वास्तथा भूतविशेषसंघान् ।
 ब्रह्माणमीशं कमलासनस्थं ऋषींश्चसर्वानुरगांश्च दिव्यान् ॥१५॥
 मग ह्मणे जय जय स्वामीं । नवल कृपा केली तुहीं ।
 जें विश्वरूप आहीं । प्राकृतें देखों ॥ ५१ ॥
 परि साच भलें केलें स्वामियां । मज परितोखु जाला गा सांविंयां ।
 जो देभिल्लासि मियां । इये शृष्टीसि आश्रो ॥ ५२ ॥
 देवा मंदराचलाचेनि आंगलगें । ठांडं ठांडं स्वापदाचे थोगे ।
 तैसिं तूजां देहीं अनेगें । देखतसें भुवनें ॥ ५३ ॥
 आहो आकाशाचिये खोले । दीसति ग्रहगणाचि कुलें ।
 कां महावृक्षांवरि आंविसालें । पक्षजातींचीं ॥ ५४ ॥
 तिया परीं श्रीहरी । तूजां विश्वात्मके इये शरीरीं ।
 स्वर्ग देखतसे अवधारीं । सुरगणेंसि ॥ ५५ ॥
 प्रभूतांचें पंचक । एथ देखतसें मीं अनेक ।
 वांत असे भूतग्रामक । भूतशृष्टीचें ॥ ५६ ॥

जी सत्यलोकु तुज माजि आहे । देखिला चतुराननु हा नोहे ।
 आणि एक जवं पाहे । तवं कविलासु एथ आहे ॥ ५७ ॥
 श्रीमहादे३० भवानि ऐसीं । तूझां देखत असे एकीं अंशीं ।
 आणि तूतें गा रिखीकेशी । तुच माजि देखें ॥ ५८ ॥
 पैं कश्यपादि ऋषिकुलें । ये तूझां स्वरूपीं सकलें ।
 देखत असें पातालें । पन्नगोसिं ॥ ५९ ॥
 किंवहुना कैवल्यपती । तूझेया अवयवा एकाचिये भींती ।
 इयें चतुर्दश भुवनें तिये असती । आश्राइलीं जाणें ॥ ६० ॥
 आणि तेथिचे जे जे लोक । ते चिरत्रचना अनेक ।
 ऐसें देखतसें अलौकिक । गांभीर्य तूझे ॥ ६१ ॥

अनेकबाहूदरवक्त्रनेत्रं पश्यामि त्वां सर्वतोऽनंतरूपम् ।

नांतं न मध्यं न पुनस्तवार्दिं पश्यामि विश्वेश्वर विश्वरूपम् ॥ १६ ॥

यां दिव्यचक्षूचेनि पैसें । चौहींकडे जवं पाहांत असे ।
 तव दोईडीं जैसें । आकाश कोंभैलें ॥ ६२ ॥
 तैसें एक निरंतर । देखतसें तूझे कर ।
 करीति आववे चि व्यापार । येकी कालीं ॥ ६३ ॥
 मग महामुखाचेनि पैसारें । उतरलीं ब्रह्मकटाहारिं भांडारें ।
 तैसिं देखतसें अपारें । उदरें तूझीं ॥ ६४ ॥
 जी सहस्र शीर्ष याचे डाखले । कोडिवरि होताति येकें वेलें ।
 कां परब्रह्म चि वदनफलें । मोडौनि आलें ॥ ६५ ॥
 तैसिं वक्त्रें ज्येहुतीं तैउतीं । तूझीं देखतसें विश्वमूर्ती ।
 आणि तेया चि परी नेत्रपंक्ती । अनेका सैघ ॥ ६६ ॥
 हें असो स्वर्गपाताल । कां भूमि दिशा अंतराल ।
 हे विवक्षा ठेली सकल । मूर्तिमय देखतसें ॥ ६७ ॥
 तुवां विण कोणहीं ऋडे । परमाणु हिं एतुला कोडें ।
 अवकाशु पाहांत असे पारि न संपडे । व्यापिलें ऐसें तुवां ॥ ६८ ॥

इयें नाना अपरिमितें । सांटविलीं होंतीं महाभूतें ।
 तेतुला ही पवाडु तुवां अनंतें । कोंदला देखें ॥ ६९ ॥
 ऐसा कवणीं ठाउनि तूं आलासि ।
 येथ बेठा कां उभा आहासि ।
 आणि तूं कवणाचां पोटीं होंतासि ।
 तूझे ठाण केवढें ॥ २७० ॥
 तूझे रूप अवयव कैसे । तुज पंलीकडे काइ असु ।
 तूं काइसेयावार आहासि ऐसें । जवं पाहिलें मियां ॥ ७१ ॥
 तवं देवा तूं चि । जाला अससि आघवें चि ।
 तूं कोणहाचा ही न्हवसि ! अनादिसिद्धु ॥ ७२ ॥
 तूं उभा ना बेंठा । दाघु ना खुजटा ।
 तुज तलीवारि वैकुंठा । तूं चि आहासि ॥ ७३ ॥
 तूं रूपें आपणपेयां आपणेयां चि ऐसा ।
 देवा तूं चि तूझी वयासा ।
 पाठि पोठ परेशा ।
 तूझे चि तूं ॥ ७४ ॥
 किंबहुना आतां । तुज तूं चि अनंता ।
 हें पुडुतीं पुडुतीं पाहांतां । देखिलें मियां ॥ ७५ ॥
 परि तूझेया रूपा आंतु । जी उणीव एकि असें देखतु ।
 जें आदि मध्य अंतु । ये तीन्हीं नाहिं ॥ ७६ ॥
 येन्हविं गिवसलेयां आघवां चि ठांइ ।
 परि सोय नेदखें चि केहीं ।
 सणौनि त्रिशुद्धी हें नाहिं ।
 तीन्हीं एथ ॥ ७७ ॥
 एवं आदिमध्यांतरहिता । विश्वेश्वर अपरिमिता ।
 तूं देखिलासि जी तत्वता । विश्वरूपा ॥ ७८ ॥

तुज महामूर्त्तिचां आंगीं । उमटलिया मूर्त्तीं अनेगी ।
 लेइलासि बाणे परिची आंगी । ऐसा आवडतु आहासि ॥७९॥
 हों काज महोदधी तूं देवा । जालासि तरंगमूर्त्तीं हेलावा ।
 किं तूं वृक्षु येकु बरवा । मूर्त्तिफलीं फललासि ॥ २८० ॥
 जी भूतल भूरुहिं मांडलें । जैसें नक्षत्रीं गगन गूढलें ।
 तैसें मूर्त्तिमय भरलें । तूझे देखतसें रूप ॥ ८१ ॥
 जी येकैकाचां आंगप्रांतीं । हों जाउं पुरतसे त्रिजगती ।
 एवाडिया तूझां आंगीं मूर्त्तीं । रोमा जालिया ॥ ८२ ॥
 ऐसा पवाडु मोडौनि विश्वाचा । तूं कोणु पां एथ कैचा ।
 ऐसें पाहे तवं आमचा । सारथी तो तूं ॥ ८३ ॥
 तरि मज पांतां मुकुंदा । तूं ऐसा चि व्यापकु सर्वदा ।
 मग भक्तानुग्रहे तेयां मुग्धां । रूपांतें धरीसि ॥ ८४ ॥
 कसें चौं भुजांचें सावलें । पाहातां वोल्हावति मनडोले ।
 खेउं देउं जाइजे तरि आकले । दों चि भुजीं ॥ ८५ ॥
 ऐसा कोडिसवाणा तूं बापा । होंसि पै विश्वरूपा ।
 किं आमचेया दीठी स्वल्पा । जें तुतेयां धाकुटें देखों ॥ ८६ ॥
 तरि आतां दीठिचा विटालु गेला ।
 तुवां साहाजें दिव्य ज्ञानीं सौरमु केला ।
 सणौनि महिमा देखता जालां ।
 रूपांचा तूझा ॥ ८७ ॥
 परि मकरतोंडा मागिलीकडे । होंतासि तो तूं चि येवडें ।
 रूप जालासि हें फुडें । उलखिलें मियां ॥ ८८ ॥

किरीटिनं गदिनं चक्रिणं च तेजोराशिं सर्वतो दीप्तिमंतम् ।

पश्यामि त्वां दुर्निरीक्ष्यं समंताद्दीप्तानलार्कद्युतिमप्रमेयम् ॥ १७ ॥

नोहे तो चि हा शिरीं । मुकुटु लेइलासि हरी ।

पुणु आतां चि तेज आणि थोरी । नवल किरु बहुवेंस ॥ ८९ ॥

तें चि हें वरिलीं हातीं । चक्र परिजितेया आइती ।
 संवरितासि विश्वमूर्ती । ते न मोडे खुण ॥ २९० ॥
 एरीकडे ते चि हे न्हवे गदा ।
 आणि तळिली दोन्हीं मुजा निरायुधा ।
 वागारे संसारावेया गोविंदा ।
 संवसारिलिया ॥ ९१ ॥
 आणि तेणें चि वेगें सहसा । माझेया मनोरथा सरिसा ।
 जालासि विश्वरूप विश्वेशा । ह्यणोंनि जाणें ॥ ९२ ॥
 परि काइसें वापा हें चोज । विस्मो करावेया मज ।
 चित्त हांडनि जात निर्वृज । आश्रयपणें ॥ ९३ ॥
 एथ आथि कां नाहिं । ऐसें विवरू नये पाहिं ।
 नवल अंगप्रभेची नवलाई । कोंदली संघ ॥ ९४ ॥
 एथ अग्निर्चा दीठि करपत । सूर्य कोंडि एक हारपत ।
 एसणें तीव्रपण अद्भुत । तेजाचें येया ॥ ९५ ॥
 हों काज प्रकाशाचां महार्णवीं । बुडोंनि गेली सृष्टि आघवीं
 किं युगांतविद्युचां पालवीं । झाकोलले गगन ॥ ९६ ॥
 नाना संहारतेजाचिया ज्वाला । तोड्नी मांचु बांधला अंतरा
 आतां दिव्य ज्ञानाचां हिं डोलां । पाहावे ना ॥ ९७ ॥
 उजालु अधिका अधिकु बहुवसु । धडाडितु असे अतिदासु
 पडतु दिव्य चक्षुसि त्रामु । निहालितं ॥ ९८ ॥
 नातरि महातेजाचा भडाडु । होता कालाग्निरुद्राचां ठांडू गूड
 तो तृतीय नेत्राचा मडु । फूटला जैसा ॥ ९९ ॥
 तैसें पसरलेनि प्रकाशें । पांचवनेया ज्वालांचे वलसे ।
 पडतां ब्रह्मकटाह कोलसे । होंत दीसति ॥ ३०० ॥
 ऐसा अद्भुत तेजोगाशि । जन्मा नवलु मियां देखिलासि ।
 नेणवे व्याप्ति जी कैसी । पार तूजें ॥ १ ॥

त्वमक्षरं परमं वेदितव्यं त्वमस्य विश्वस्य परं निधानम् ।
त्वमव्ययः शाश्वतधर्मगोप्ता सनातनस्त्वं पुरुषो मतो मे ॥ १८ ॥

देवा तूं अक्षर । आउठाविये मात्रसि पर ।
श्रुती जेयाचे घर । गिबसिती आहाति ॥ २ ॥
जे आकाराचें आयतन । जें विश्वनिक्षेपैकनिधान ।
तें अव्यक्त तूं गहन । अविनाश जी ॥ ३ ॥
तूं धर्माचा बोलावा । अनादिसिद्धु तूं नीच नवा ।
मीं जाणें सततीसावां । पुरुषुविशेषु पुडा ॥ ४ ॥

अनादिमध्यांतमनंतचौर्यमनंतबाहुं शशिसूर्यनेत्रम् ।
पश्यामि त्वां दीप्तहुताशवत्क्रं स्वतेजसा विश्वमिदं तपंतम् ॥ १९ ॥

तूं आदिमध्यरहितु । स्वसामर्थ्ये तूं अनंतु ।
विश्वबाहु अपरिमितु । विश्वचरणु ॥ ५ ॥
पैं चंद्रचंडाशु डोलां । दावितासि कोपप्रसादलीला ।
एका रुससि गोपाला । एके पाळीसि तूके ॥ ६ ॥
जी एवंविधु तूतें । मीं देखतसे हें निरुतें ।
पेटलें प्रलयान्निचें उजितें । तसें वक्त हें तूझे ॥ ७ ॥
निहेटले पर्वत । कवल्लनि ज्वालाचे उभडु ऊठित ।
तैसे चाटित दाढ दांत । जीभ लले ॥ ८ ॥
इये वदनिचिया उवा । आणि सर्वा आंगकांतिचिया प्रभा ।
विश्व तातलें अतिशोभा । जांत असे ॥ ९ ॥

द्यावापृथिव्योरिदमंतरं हि व्याप्तं त्वयैकेन दिशश्च सर्वाः ।
दृष्ट्वाद्भुतं रूपमुग्रं तवेदं लोकत्रयं प्रव्यथितं महात्मन् ॥ २० ॥

जें कां दौर्लोकपाताल । पृथिवी हान अंतराल ।
अथवा दिशा विदिशा समाकुल । दिशाचक्र ॥ ३१० ॥
हें आघवें चि तुवां एके । भरलें देखतुसें कवतुके ।
परि गगन हीं सकट भयानके । आपृविजे जेवि ॥ ११ ॥

मातरि अद्भुतरसाचां कल्लोलीं । जाली चौदा भुवनासि काडियाली ।
 तैसें आश्चर्य हें कलीं । कैसेनि मीं ॥ १२ ॥
 जी नावरे व्याप्ति असाधारण । न साहे तेजाचें उग्रपण ।
 मुख दूरि गेलें परि प्राण । विपायें धरी जग ॥ १३ ॥

अमी हि त्वा सुरसंघा विशन्ति
 केचिन्द्गीताः प्रांजलयो गृणन्ति ।

स्वस्तीत्युक्त्वा महार्षिसिद्धसंघाः

स्तुवंति त्वां स्तुतिभिः पुष्कलाभिः ॥ २१ ॥

देवा देखौनिया तूतें । नेणों कैमें भयासि आलें भरितें ।
 आतां दुःखकल्लोलीं झलवतें । तीन्हीं भुवनें ॥ १४ ॥
 यन्हविं तुज महात्मेयांचें देखणें ।
 तरि भयदुःखा होआवें मेल्हावणें ।
 परि हें नव्हैल जेणें गुणें ।
 तें जाणवळें मज ॥ १५ ॥
 जवं तूझें रूप नोहे दीठें ।
 तवं जगा संसारिक गोमटें ।
 मग आतां देखिलासि तरि विपय—विटें ।
 उपनला त्रासु ॥ १६ ॥
 तेविं चि तूतें देखिलेयां साठीं । काइ सहसा देऊं येईल मीठी ।
 आणि नेदीं तरि संकटीं । राहों केवि ॥ १७ ॥
 ह्यणौनि मागां तवं संवसारु । काढत येंतसे अनिवारु ।
 आणि पुढां तवं अपारु । नैयेसि घेऊं ॥ १८ ॥
 ऐसा माझारिली सांकडां । सांपडलेयां त्रैलोक्याचा होंतु हुरडा ।
 हा वन्हि जी फुडा । चोजवला मज ॥ १९ ॥
 जैसा आरंबलला आगी । समुद्रासि ये निवावेया लागि ।
 तवं पाणियांचां तरंगीं । अधिका भिये ॥ ३२० ॥

तैसैं जगासि जी जालें । तूतें देखौनि तलमलीत ठेलें ।
 यां माझि पैल भलें । हे ज्ञानियांचे मेलावे ॥ २१ ॥
 हे तूझेनि चि आंगिकें तेजें । जाल्हुनु सकल कर्माचीं बीजें ।
 मिलति तुज आंतु नीजें । सद्भावेंसि ॥ २२ ॥
 आणि हें सवियां चि भयभीर । सर्वस्वें धरुनि तूझी मोहर ।
 पार्थिताति कर । जोडूनियां ॥ २३ ॥
 देवा थोरी मोहार्णवीं पडिलों । विषयवागुरें आंतुडलों ।
 स्वर्गसंसाराचां सांपडलों । दोहिं आंगि ॥ २४ ॥
 ऐसैं आमचें सोडवणें । तुज वांचौनि कीजैल कवणें ।
 तुज शरण आलों सर्वप्राणें । ह्यणत देवा ॥ २५ ॥
 आणि महारिखी अथवा सिद्ध । कां विद्याधरसमूह विविध ।
 हे तुज बोलस्वस्तिवाद । करिताति स्तुती ॥ २६ ॥

रुद्रादित्या वसवो ये च साध्या विश्वेऽश्विनौ मरुतश्चोष्मपाश्च ।
 गंधर्वयक्षासुरसिद्धसंघा वोक्षंते त्वां विस्मिताश्चैव सर्वे ॥ २२ ॥

हे रुद्रादित्यांचे मेलावे । वसु हान साध्ये विश्वे ।
 अश्विनौ देव आघवे । वायु हे जी ॥ २७ ॥
 अवधारां अग्नि हान गंधर्व । पैल रक्षोगण सर्व ।
 जी महेंद्र—मुख्य देव । कां सिद्धादिक ॥ २८ ॥
 हे आघवे चि आपुलाळां लोकीं । सौम्यांगि अवलोकीं ।
 महामूर्ति दैविकी । पाहांत असति ॥ २९ ॥
 ऐसैं पाहांत पाहांता तूतें प्रतिकर्षणीं ।
 विस्मित होंत अंतष्कर्षणीं ।
 करिति निज मुगुटीं बोवाळणीं ।
 प्रभू तुज ॥ ३३० ॥
 तेथ जयजयघोषकलरवें । स्वर्ग गाजताति आघवे ।
 ठेवित ललाटांवरि बरवे । करसंपुट ॥ ३१ ॥

तिये विनयद्रुमांचिये आरवीं । मुरवाडली सात्विकां माधवी ।
 क्षणौनि करसंपुष्टपालवीं । तूं होनासि फल ॥ ३२ ॥
 जी लोचनभाग्य उंदेले । जीवीं मुखाचें मुयाण पाहलें ।
 जें अगाध तूझे देखिलें । विश्वरूप इहीं ॥ ३३ ॥
 हें लोकव्यापक रूपडें । पाहांतां देवां हिं चवक पडे ।
 एयाचें सदमुखपण जोडे । भलेतेया कडौनि ॥ ३४ ॥

रूपं महत्ते बहुवक्त्रनेत्रं महाबाहो बहुबाहुरुपादम् ।
 बहूदरं बहुदंष्ट्राकरालं दृष्ट्वा लोकाः प्रव्यथितास्तथाहम् ॥२३॥
 एसें एक चि परि विचित्रें । आणि भयानकें तें चि बहुवक्त्रें ।
 बहूलोचन तियें शस्त्रें । अनंतभुजा ॥ ३५ ॥
 हे अनंत चरण । बहूदरें आणि नाना वर्ण ।
 कैसें प्रतिवदनीं मातलेपण । आवेशाचें ॥ ३६ ॥
 हों काज महाकल्पांचां अंतीं ।
 मुखें पसरलीं आहाति जेउनतेउतीं ।
 आगियलावरि उजितीं ।
 आबुधिलीं जैसीं ॥ ३७ ॥
 नातारं संहारत्रिपुरेचिं यंत्रें । किं प्रलयभैरवांचिं क्षेत्रें ।
 नाना युगांतचक्रिं पात्रें । भूतपिचां घोडविलीं ॥ ३८ ॥
 तैसीं जीउतीतिउती कडे । तूझीं वक्त्रें जी प्रचडें ।
 उफाडति दरिये माझि सिंहाडे । तैसे दांत दीसति रागीठ ॥३९॥
 जैसे कालरात्रिचें आंधारें । उसपतां निगति संहारखेचरें ।
 तैसिया वदनीं प्रलयरुधिरें । काटलिया दाढा ॥ ३४० ॥
 हें असो कालें आवतिलें रण । कां सर्वसंहारें मातलें मरण ।
 तैसें अति भिंगुलवाणेपण । वदनाचें तूझे ॥ ४१ ॥
 हे बापुडी भूतशृष्टी । मोटके येवि करी पाहिले दीठी ।
 आणि दुःखकालिंदीचां तटीं । झाड होउनि ठेली ॥ ४२ ॥

तुज महामृत्युचा सागरी । आतां हें त्रैलोक्य अवधारिं ।
 शोकदुःखलहरीं । आंदोलत असे ॥ ४३ ॥
 एथ कोपौनि जारि वैकुंठें । ऐसें हान ह्यणिपैल अवचटें ।
 जें तुज काइ लोकाचें वाटे । तूं ध्यानीं चि भोगीं ॥ ४४ ॥
 तारि लोकांचे किर साधारण । वायां आपण करितसें वोडण ।
 केवि सहसा ह्यणों प्राण । माझे चि कांपताति ॥ ४५ ॥
 आणि रुद्रु जेया वासिपे । मज भेण मृत्यु लपे ।
 तो मीं एथ थरथरां कापें । ऐसें केहिं नाहिं ॥ ४६ ॥

नभःस्पृशं दीप्तमनेकवर्णं

व्यात्ताननं दीप्तविशालनेत्रं ।

दृष्ट्वा हि त्वां प्रव्यथितांतरात्मा

धृतिं न विंदामि शमं च विष्णो ॥ २४ ॥

परि नवल हे महामारि । एया विश्वरूपाची परि ।
 जें भयासुरपण हरी । आणितसे ॥ ४७ ॥
 कहनि महाकालेंसि तठें । तेंसि तोंडें जालीं रागिटें ।
 तीं वाढौनियां धाकुटें । स्वर्ग केलें ॥ ४८ ॥
 हें गगनाचेनि वाडपणें नाकले ।
 त्रिभुवनिचेया ही वारेया न वेंटालें ।
 ययाचिये वाफेचिया आगी जले ।
 सचराचर हें ॥ ४९ ॥
 तेविं चि येकसारिखें नोहे । एथ वर्णाचा वानिभेदु आहे ।
 हों काज सवा३० प्रलयीं लाहे । वन्हि याचा ॥ ३५० ॥

दंष्ट्राकरालानि च ते मुखानि दृष्ट्वैव कालानलसन्निभानि ।
 विशो न जाने न लभे च शर्म प्रसीद् देवेश जगन्निवास ॥ २५ ॥

जेयाचिये आगिची दीप्ति एवढी । हें त्रैलोक्य करी राखौडी ।
 किं तेया ही तोंडें परि तोंडीं । आणि दांतदाढा ॥ ५१ ॥

कैसे बोरयासि वायु चलला । समुद्रासि किं महापूर आला ।
 नातरि विखाम्नीसि प्रवर्तला । वडवानलु ॥ ५२ ॥
 हलाहल आगी पियालें । किं मरणासि मरण पेटलें ।
 तैसें संहारतेज जालें । वदनीं देखां ॥ ५३ ॥
 परि कोणें मानें विशाल । जैसें तुटलें होये अंतराल ।
 नातरि आकाशासि कव्हाल । पडौनि ठेलें ॥ ५४ ॥
 कां काखे सूनि वसुंधरी । जै हिरण्याक्षु रिगाला विवरीं ।
 तैं उघडलें हटकेश्वरु वेन्हीं । जेवि पातालकुहर ॥ ५५ ॥
 तैसा वक्राचा या विक्राशु । माझि जीभे वेगला चि आवेशु ।
 विश्व न पुरे हणौनि घांसु । न भरी आवडे ॥ ५६ ॥
 आणि पातालव्यालाचां फुत्कारीं । गरलजाला लागति अंबरीं ।
 तैसी पसरलिये वदनदरी । माझि जिन्हा दीसे ॥ ५७ ॥
 काढूनि प्रलयविजूर्चीं जुंवाडें । मग पानासिले गगनाचे हुडे ।
 तैसे आवालुवां वरि आंकुडे । दीसति दाढांचि ॥ ५८ ॥
 आणि ललाटपटाचिये खोले । कैसे भयातें भेडविति डोले ।
 नातरि महामृत्यूचे उमाले । कडवसां राहिले ॥ ५९ ॥
 ऐसें दाउनियां महाभयाभोज । एथ काइ निफजउं पांतासि काज ।
 तें नेणों परि भद्र मज । रोकडें आलें ॥ ३६० ॥
 देवा विश्वरूप पाहावेयाचे डोहले ।
 केले तियें पातलों गा प्रतिफलें ।
 जी देखिलासि आतां डोले ।
 निवाले योगे ॥ ६१ ॥
 आहो देह पार्थिव किर जाए ।
 आणि याची काकुलति कोणहां आहे ।
 परि आतां चैतन्य माझे विपायें ।
 वांचे एथ ॥ ६२ ॥

यन्हविं भयातव आंग कांपे । नावेक आगलें तारे मन तापे ।
 अथवा बुद्धि वासिपे । अभिमानु विसरिजे ॥ ६३ ॥
 पारि येतुलेया वेगला । जो केवल आनंदैककला ।
 तेया अंतरात्मेयां निश्चला । सेयारी आली ॥ ६४ ॥
 बापु साक्षात्कारें वेधु । कैसा देशधडी केला बोधु ।
 हा गुरुशिष्यसंबंधु । विपायें नांदे ॥ ६५ ॥
 देवा तूझां इये दर्शनीं । जें वैकल्य उपनलें आहे अंतष्करणीं ।
 तें संवरावेया गिवसणी । करीतसें धैर्याची ॥ ६६ ॥
 तवं माझेनि नावें धैर्य चि हारपलें ।
 किं तेया विश्वरूपदर्शन तेणें जालें ।
 हें असो पारि भलें ।
 आंतुडलें उपदेशा ॥ ६७ ॥
 जीउ विसंवावेयाचिया चाडा । सेंघ धांवांधांविं कारितसे बापुडा ।
 पारि सोये किं कव्हणी कडां । आथि हो कां ॥ ६८ ॥
 ऐसें विश्वरूपाचिया महामारी । तरासिं गेलें आहे चराचरीं ।
 जी न बोलें तरि काये करीं । महाविष्णू ॥ ६९ ॥
 पै अखंड डोलयां पुढें । फूटलें जैसें महाभयाचें भांडें ।
 तैसिं तूझि मुखें वितंडें । पसरलिं देखें ॥ ७० ॥
 असो दाढादातांचिया दाटी । न पांगुरवे दोहीं वोंठिं ।
 सैघ प्रसयशस्त्रांची कांटी । लागली जैसी ॥ ७१ ॥
 जैसें तक्षका विष भरलें । कां कालरात्री मुख पसरलें ।
 किं अद्भ्यस्त्र परजिलें । वज्राग्नी जेवि ॥ ७२ ॥
 तैसिं तूझीं वक्त्रें प्रचंडें । वारि आवेशु बाहि बोसंडे ।
 आले मरणरसाचे लोंढे । आह्लावरि ॥ ७३ ॥
 संहारसमैचा चंडानीलु । आणि महाकल्पांतीं प्रलयानलु ।
 यां दोहिं होये जैं मेलु । तैं काय एक न जले ॥ ७४ ॥

तैसिं संहारं तूष्णीं मुखे । देव्यौनि धीरु के आह्वां पारुखे ।
 आतां भुललां दिशा मीं नेदखे । आपणपे जी ॥ ७५ ॥
 मोटकें विश्वरूप डोलां देखिले । आणि सुख तें हातौनि पडिले
 आतां जांपाणिजांपाणीं आपुले । अस्तोव्यस्त हे ॥ ७६ ॥
 एथ ऐसें करिसीं ह्यर्णानि जरि जाणें ।
 तरि हां गोठी चि कां करणें ।
 आतां येकोळ वांचिजे प्राणें ।
 ऐसें जालें ॥ ७७ ॥
 जरि गोसांविं माझा अनंता ।
 तरि सुइं वांडण माझेया जीविता ।
 सांटविं पसारा मागौता ।
 महामारिचा ये ॥७८ ॥
 आइकें सकळ देवांचिये देवते । तूझेनि चंतन्ये गा विश्व वसतें
 तें विसरलासि हें उपरते । मांडिलें एथ ॥ ७९ ॥
 ह्यर्णानि प्रसन्न होइं वेगीं राया । संहारीं आपुली माया ।
 काढीं मातें महाभया । पासांनियां ॥ ३८० ॥
 हा ठावोवेन्हीं पुडुतीपुडुती । तूतें ह्यणिजे बहुवा काकुलती ।
 ऐसा मी विश्वमूर्ती । भेडु कां जी ॥ ८१ ॥
 जै अमरावतिये आला धाडा । तें मिया येकलेनि केला उवेढा
 जो मीं कालाचेया ही तोंडा । वासिपु न धरि ॥ ८२ ॥

अमीच त्वां धृतराष्ट्रस्य पुत्राः

सर्वे सहैवावनिपालसंवैः ।

भीष्मो द्रोणः सूतपुत्रस्तथासौ

सहास्मदीयैरपि योधमुख्यैः ॥ २६ ॥

परि तेया आंतुल हे न्हेवे देवा । एथ मृत्यु ही करुनि चढाव
 तुवां आतां चि घोंटु भरावा । ऐसी सूचना ॥ ८३ ॥

कैसा न्हवता प्रलयाचा वेलु । गोखां तूं चि मांडला कालु ।
 बापुडा हा त्रिभुवनगोलु । अल्पायु जाला ॥ ८४ ॥
 आहा भाग्या विपरीता । विघ्न उठिलें शांति करितां ।
 फटा विश्व गेलें आतां । तूं लागलासि प्रासूं ॥ ८५ ॥
 हें नव्हे मां रोकडें । सैघ पसरूनियां तोंडें ।
 फवलतासि चौहींकडे । सैन्ये इयें ॥ ८६ ॥
 नव्हे कोरवकुलीचे अंकुर । आंधलेया धृतराष्ट्राचे कुमर ।
 हे गीलिले सपरिवार । वदनीं इहीं ॥ ८७ ॥
 आणि जे जे यांचेनि सावाये ।
 आले असति देशोदेशिचे राये ।
 तेयांचे सांघावेया जावो न व्हाये ।
 ऐसें सरकटितु आहासि ॥ ८८ ॥
 मदमुखांचिया घटा । घेंतु आहासि घटघटां ।
 आरणीं हान थाटां । देंतासि मिठि गा ॥ ८९ ॥
 जंत्रांवारि चि मार । पदतींचे मोगर ।
 मुखा आंतु भार । हारपति मां ॥ ३९० ॥
 क्रिदांताचे जावलीं । जें एकैक विश्वातें गीली ।
 तियें कोडिवारि सगलीं । घेताति शस्त्रें ॥ ९१ ॥
 चातुरंगपरिवारा । सजोडियां राहंवरां ।
 दांत न लवीसि परमेश्वरा । कैसा तुष्टलासि ॥ ९२ ॥
 हां गा भीष्मा ऐसा ब्राह्मणु । सत्यें शौर्ये आहे निपुणु ।
 तो ही गीलिला आणि द्रोणु । ग्रासिला सकटा ॥ ९३ ॥
 आगा सहस्रकराचा कुमरु । एथ गेला गेला कर्णवीरु ।
 आणि आमचेयां आववेयांचा केरु । फेडिला देखों ॥ ९४ ॥
 कटाकटा धात्रेया । कैसें जालें अनुग्रहा या ।
 मियां मागौनि जगा बापुडेया । आणिलें कर्म ॥ ९५ ॥

मार्ये थोडिया बहुवा उपपत्ती ।
 येणें सांघितलेया निकेयानि विभूती ।
 तैसा नसें चि मा पुडुतीं पुडुतीं ।
 बैसलां मरों ॥ ९६ ॥
 हणौनि भोग्य तें त्रिशुद्धी न चुके ।
 आणि बुद्धि होणियेरा सारिखी ठाके ।
 माझां कपालिं पीटावें लोके ।
 तें लोपैल काइसेया ॥ ९७ ॥
 पूर्वीं अमृत ही हाता आलें । परि देव नसती चि उगले ।
 मग कालकूट उठिलें । जिया परीं ॥ ९८ ॥
 परि तें येक बग थोडें । केलेयां प्रतिकारा माझिवडें ।
 आणि तिये अवसरिचें सांकडें । निस्तरला शंभु ॥ ९९ ॥
 आतां हा जलतु वारा वेंटाले । कवणां विखा भरलें गगन गिळे
 महाकालेंसिं फलें । कवण करी ॥ १०० ॥
 ऐसा दुःखें अर्जुनु सीणतु । शाचीतु असे जीवा आंतु ।
 परि नेदखे तो प्रस्तुतु । अभिप्रा३ देवाचा ॥ १ ॥
 जें मीं मारिता कौरव मरते । ऐसेनि वेंटालिला असे भ्रांतें ।
 तें फेडावया चि लागि अनंतें । दाविलें निज ॥ २ ॥
 अरे कोणही कव्हणातें न मरी । एथ मीं चि हो सर्वसंहारी ।
 तें विश्वरूप व्याजें श्रीहरी । प्रकटितसे ॥ ३ ॥
 ऐसेया देवाचेया मनोगता । तें न चोजवे चि पांडुसुता ।
 मग आहा कंपु नव्हता । वाढवितसे ॥ ४ ॥

**वक्राणि ते त्वरमाणा विशंति दंष्ट्राकरालानि भयानकानि ।
 केचिद्विलम्भा दशनांतरेषु संदृश्यन्ते चूर्णितैरुत्तमांगैः ॥ २७ ॥**

तेथ हणें हा एकें वेलें । असकी गवसीं दोन्हीं दलें ।
 बदनिं अभाळें । गगनीं जैसिं ॥ ५ ॥

कां महाकल्पाचां सेवटीं । जें कृदांतु कोपला होये शृष्टी ।
 तें एकविसां स्वर्गां ही मीठी । पातालासि दे जैवि ॥ ६ ॥
 नातरि उदासीनें दैवें । संचकाचीं विभवे ।
 जेधिचा तेथ स्वभावे । वायां जांति ॥ ७ ॥
 तैसि सांचलीं सैन्यें एकावटें । इये मुखिं जालिं प्रविष्टें ।
 परि एक ही तोंडा न सुटे । कैसें कर्म देखां ॥ ८ ॥
 अशोकाचे आगसे । चघलिले कन्हेनि जैसे ।
 लोकवक्रा माझि तैसे । वायां चि गेले ॥ ९ ॥
 परि सिसालें मुगुटेंसि । पाडिलिं दाढाचां सांडसिं ।
 पीठ होतां कैसीं । दीसताति ॥ ४१० ॥
 तियें रत्नें दांतांचा व्याडि । कूट लागलें जीभे बूडी ।
 काहिं काहिं आगरडीं । दंष्ट्राचीं माखलीं ॥ ११ ॥
 हों काज विश्वरूपें कालें । ग्रासिलिं लोकाचिं बालें ।
 परि गिवसीत देहिचि सिसालें । पैसें इयें राखिलीं ॥ १२ ॥
 तैसीं शरीरा माझि चोखडीं । होंतां उत्तमांगिं रोकडीं ।
 ह्यणौनि महाकालाचां तोंडीं । परि उरलें शेषीं ॥ १३ ॥
 मग ह्यणे जी हें काइ । जन्मलेयानि मोहर नाहिं ।
 जग आपैसें चि वदनडोहीं । संचरतसे मां ॥ १४ ॥
 इया आघविया चि शृष्टी ।
 लागलिया आहाति वदनाचां वाटिं ।
 आणि हा जेधिचा तेथ मीठी ।
 दैत असे उगा ॥ १५ ॥
 ब्रह्मादिक समस्त । ऊंचा मुखा माजि धावंत ।
 येर सामान्य हे भरत । ऐली वदनीं ॥ १६ ॥
 आणिक ही भूतजात । तें उपनलां चि ठाईं ग्रासित ।
 परि याचेया मुखा निभ्रांत । न सुटे चि काहिं ॥ १७ ॥

यथा नदीनां बहवोबुवेगाः
 समुद्रमेवाभिमुखा द्रवंति ॥
 तथा तवामी नरलोकवारा
 विशन्ति वक्राण्यभिविज्वलन्ति ॥ २८ ॥

जैसे महानदीचे ओघ । वल्ले टाकीति समुद्राचें आंग ।
 तैसें आघवां चि कडौनि जग । प्रवेशे .एथ ॥ १८ ॥
 आयुष्यपंधें प्राणिगणीं । करूनि अहोरात्रांची सुअणीं ।
 वेगें वक्रमिलणीं । साधिजत आहाति ॥ १९ ॥

यथा प्रदीपज्वलनं पतंगा
 विशन्ति नाशाय समृद्धवेगाः ॥
 तथैव नाशाय विशन्ति लोका
 स्तवापि वक्राणि समृद्धवेगाः ॥ २९ ॥

जलतेया गिरिचेया आंगवखां ।
 मासि घालिति पतंगाचिया झांका ।
 तैसे लोक देखां ।
 इयें वदनीं पडत ॥ ४२० ॥
 परि जेतुलें एथ प्रवेशलें । तें जाणां लोहें पाणिं गीलिलें ।
 आणि वहिवटीं पूसलें । नावं तेयाचें ॥ २१ ॥

लेलिह्यसे प्रसमानाः संमता
 लोकान्समग्रान्वदनैर्ज्वलद्भिः ॥
 तेजोभिरापूर्यजगत्समग्रं
 भासस्तवोग्राः प्रतपन्ति विष्णो ॥ ३० ॥

आणि येतुली हे आरोगण । करितां भूखे नाहिं उणेपण ।
 कैसें दीपन असाधारण । उदैलें एथ ॥ २२ ॥
 जैसा रोगिया ज्वराहूनि उठिला । कां भणगा दुकालु पाहला ।
 तैसा जीभेचा नवला३० देखिला । आवाळुवें चाटितां ॥ २३ ॥

जैसे आहाराचेनि नावे काहीं ।
 तोंडाचिया वाटा न वचे चि नाहिं ।
 कैसी शमशमिते पाहा नवाई ।
 भूखैलेपणांची ॥ २४ ॥
 काइ सागराचा घोंटु भरावा । किं पर्वताचा घांसु करावा ।
 ब्रह्मकटाहो घालावा । असका दाढे ॥ २५ ॥
 दिशा सगलिया गिलाविया । चांदणियां चाटूनु घेयाविया ।
 ऐसें वर्ततसे नां सवियां । लोलुपता बा तुज ॥ २६ ॥
 जैसा भोगें कामु वाढे । इंधनें आगीसि बल चढे ।
 तैसि खांतखांतां तोंडें । खांखांतें ठेलीं ॥ २७ ॥
 कैसें एक चि केवढें पसरलें । त्रिभुवन जिन्हाम्रीं टेंकलें ।
 जैसें कविठ घातलें । वडवानलीं ॥ २८ ॥
 तैसि अपारें वदनें । आतां एतुलीं कैचिं त्रिभुवनें ।
 कां आहारु न मेलवितां एणें मानें । वाढविलिं असतिं ॥ २९ ॥
 आगा लोकु हा बापुडा । जाला वदनज्वालां वरिपडा ।
 जैसें वणवेयाचां वेढां । सांपडलीं मृगें ॥ ४३० ॥
 आहा तैसें या विश्वा जालें । देऊ न्हवे हें कर्म आलें ।
 किं जग जलचरीं पांगिलें । जालकालें पै ॥ ३१ ॥
 आतां इये अंगप्रभेचिये वागुरे ।
 कोणीकडौनि निगिजैल चराचरें ।
 वक्रें न्हवति जैसीं जौहरें ।
 घोडवलिं जगा ॥ ३२ ॥
 आगि आपुलेनि दाहकपणें । न पोले चि ह्यणौनि तो नेणे ।
 परि जेया लागे तेयां प्राणें । सूटिका नाहिं ॥ ३३ ॥
 माझेनि तिखटपणें । कैसें निवटे हें शस्त्र काइ जाणें ।
 कां आपुलेसा मारातें नेण । विख जैसें ॥ ३४ ॥

आख्याहि मे को भवानुग्ररूपो
नमोऽस्तु ते देववर प्रसीद ।

विज्ञातुमिच्छामि भवंतमाद्यं
न हि प्रजानामि तव प्रवृत्तिम् ॥ ३१ ॥

तैसी तुज काहिं । आपुलेया उग्रपणाची सें चि नाहिं ।

परि अइलीकडे खाई । सरली जगाची ॥ ३५ ॥

आगा आत्मा तूं चि एकु । सकलविश्वव्यापकु ।

तारि आह्मांसि कां अंतुक । वोडवलासि ॥ ३६ ॥

तरि मिया सांडिली जीविताची चाड ।

आणि तुवां हिं न धरावी भीड ।

मनीं आहे तें उघड ।

बोल पां मुखें ॥ ३७ ॥

केती त्राय कारिसी या उग्ररूपा ।

आंगिचें भगवंतपण आठविं बापा ।

नाहिं तन्हि कृपा ।

मज पुरती पाहीं ॥ ३८ ॥

तरि एकु वेलु वेदवेद्या । त्रिभुवनाचेया आद्या ।

विनवणी विश्वत्रंद्या । आइक माझी ॥ ३९ ॥

ऐसें बोलौनियां वीरें । चरण नमस्कारिलें शिरें ।

मग ह्मणे जी सर्वेश्वरें । अवधारिजो ॥ ४४० ॥

मिया होआवेया समाधान । पूसिलें विश्वरूप ध्यान ।

तवं येकें चि वेलें त्रिभुवन । गीलितू चि उठिलासि ॥ ४१ ॥

तरि तूं कोणु काये येतुलीं । इयें भयानकें मेलविलीं ।

आंघवां चि करिं घेतलीं । शस्त्रें काह्या ॥ ४२ ॥

तुवां देखें रागिठपणें । वाढौनि गगन केलें ठेंगणें ।

डोले करुनि भिगुलवाणे । भेडवितु आहासि ॥ ४३ ॥

एथ कृदांतैसि देवा । काइसेया कीजतसे हेवा ।
हा आपुला तुवां सांघावा । अभिप्रा३० मज ॥ ४४ ॥

श्रीभगवानुवाच ।

कालोऽस्मि लोकक्षयकृत्प्रवृद्धो
लोकान्समाहर्तुमिह प्रवृत्तः ।
ऋतेऽपि त्वां न भविष्यन्ति सर्वे
येऽवस्थिताः प्रत्यनीकेषु योधाः ॥ ३२ ॥

या बोला हणतसे अनंतु । मीं कोणु हें अससि पूसतु ।
आणि काइसेया लागि असें वाढतु । हे चलबल काइसी ॥४५॥
तारं मीं कालु गा हें फुडें । लोकु संहारावेया वाढें ।
सैघ पसरिलीं असति तोंडें । तरिं ग्रासूं आघवां ॥ ४६ ॥
तेथ अर्जुनु हणणे कटा । उभगला मागिलां संकटां ।
आलविला तवं वोखटा । उधाइला हा ॥ ४७ ॥
तेविं चि कठिनें बोलें आशतूटि । अर्जुनु होईल हिंपुटी ।
हणौनि सर्वे चि हणणे क्रिरीटी । पारि आन एक असे ॥ ४८ ॥
जें आतां चि इये संहारवाहारे । तुह्मीं पांडव बाहिरे ।
तेथ जांत जांत धनुद्धरें । संवरिले प्राण ॥ ४९ ॥
होता मरणमहामारी गेला । तो माघौता सावदु जाला ।
मग चित्त दे३० लागला । बोला तेया ॥ ४५० ॥
तवं ऐसें हणितलें देवें । तुह्मीं माझे जाणावें ।
एर मज आघवे । सरलें ग्रासुं ॥ ५१ ॥
बडवानलीं प्रचंडीं । जैसी टाकूनि घापे कुरौंडी ।
तैसें जग माझां तोंडीं । तुवां देखिलें जें जें ॥ ५२ ॥
पारि तेया माझारि काहीं । भवसेनि उणें नाहिं ।
इयें वायां चि सैन्यें पाहिं । बरवतें आहाति ॥ ५३ ॥

जे हे मेलौनियां मेले । फ्रगत वीरवृत्तीचेनि बलें ।
 जमावारि जगदलें । वाखाणिताति ॥ ५४ ॥
 ह्मणति श्रृष्टिवारि श्रृष्टि करुं । आण वाउनि मृत्युतें धरुं ।
 जगाचा भरुं । घोंटु आतां ॥ ५५ ॥
 पृथिवी सगली चि गीळूं । पारि हें आकाश वरिचा वारि जाळुं
 काइ बाणवारि खीळूं । वारेयातें ॥ ५६ ॥
 चतुरंगाचिया संपदा । करिति महाकालेंसिं स्पर्धा ।
 वांठिवेचिया मदा । वलघले जे ॥ ५७ ॥
 बोल हातीयेरांडुनि तीखट । दीसति आगीपासौनि दासट ।
 मारकपणें कालकूट । महुर ह्मणति ॥ ५८ ॥
 ते हे लेपाचे गमले । जाण पोकलिचे उमाले ।
 आगा चांदांचीं फलें । वीर हे देखें ॥ ५९ ॥
 जैसा मृगजलाचा पूरु आला । दल नव्हे कापडाचा सांपु केर
 इया श्रिंगारुनि खाला । मांडिलिया पै ॥ ४६० ॥
 येर चेष्टवितें जें बल । तें भियां मागां चि ग्रासिलें सकल ।
 आतां कोलहैरिचे वेताल । तैसे निर्जीव हे ॥ ६१ ॥
 हालविती दोरी तूटली । तारि तिये खांबावरिलें बाउलीं ।
 आवडेतेणें लोटिलीं । उलथौगि पडति ॥ ६२ ॥

तस्मात्स्वमुत्तिष्ठ यशो लभस्व ।

जित्वा शत्रून्भुंक्ष्व राज्यं समृद्धम् ।

मयैवैते निहताः पूर्वमेव ।

निमित्तमात्रं भव सव्यसाधिन् ॥ ३३ ॥

तंसा सैन्याचा एया बगा । मोडता वेलु न लगे पै गा ।
 ह्मणौनि उठिं उठिं वेगां । सिहाणा हाइ ॥ ६३ ॥
 तुबां चि गोप्रहणींचेनि अवसरें । घातलें मोहनास्त्र एकसरें
 मग बाराचेनि बापें उत्तरें । आसुइनि वळें नोलें ॥ ६४ ॥

आतां हे तेयां निपटारे जाले । निवटि वहिला रणि सांपडलें ।
 वेइं यश रिपु जीतले । एकलेनि पै ॥ ६५ ॥
 आणि कोरडें यश गा नोहे । समग्र राज्य हाता येत आहे ।
 तूं निमित्तमात्र होए । सव्यसाची ॥ ६६ ॥

द्रोणं च भीष्मं च जयद्रथं च ।
 कर्णं तथा न्यानपि योधवीरान् ।
 मया हतांस्त्वं जहि मा व्यथिष्ठा ।
 युद्धस्य नेतासि रणे सपत्नान् ॥ ३४ ॥

द्रोणाचा पाडु न करीं । भीष्माचें भय न धरीं ।
 कैसेनि कर्णावरि । परजूं हें न हण ॥ ६७ ॥
 कवणु उपाउ जयद्रथा कीजे । हें तुवां चित्ति न धरिजे ।
 आणिक ही आधि जेजे । नावणिगे ॥ ६८ ॥
 ते हे येकें येकु आघवे । चित्रिचे सिंहाडे मानावे ।
 वालेनि हातें घेयावे । पूसूनियां ॥ ६९ ॥
 एयां वरि पांडवां । काइसा जूझाचा मेलावा ।
 हा आभासु गा आघवा । येर आकर्षिलें मियां ॥ ७० ॥
 जेव्हलि तुवां देखिले । माझां वदनीं पडिले ।
 तेव्हां चि एयांचें सरलें । आतां रिति सोपें ॥ ७१ ॥
 हणौनि वहिला उठीं । मियां आहाले तूं निवटीं ।
 न रिग शोकसंकटीं । नाथिलिये ॥ ७२ ॥
 आपण चि आडखला कीजे । कवतिकें जैसा विधिजे ।
 तैसें देखें तूझे । निमित्त आहे ॥ ७३ ॥
 आगा उखटें जें उदैलें । तें तव परतें गेलें ।
 आतां राज्येंसि संचळें । यश तूं भोगिं ॥ ७४ ॥
 जेव्हलि उतत होंते दायाद । आणि बलिये जगिं दुर्मद ।
 ते बधिले रिपु विशद । शौर्य यांचें ॥ ७५ ॥

ऐसिया इया गोठी । विश्वाचां वाक्पटि ।
लिङ्गुनि घालीं किरीटी । विजया होई ॥ ७६ ॥

संजय उवाच ॥

एतच्छ्रुत्वा वचनं केशवस्य
कृताञ्जलिर्वेपमानः किरीटी ।
नमस्कृत्वा भूय एवाह कृष्णं
सगद्गदं भीतभीतः प्रणम्य ॥ ३५ ॥

ऐसी अघवी चि हे कथा । तेया पूर्ण मनोरथा ।
संजयो सांघे कौरवनाथा । ज्ञानदेउ ह्मणे ॥ ७७ ॥
मग स्वर्गलोकौनि गंगाजल । सूटलेयां वाजति खलाल ।
तैसी वाचा विशाल । बोलतां तेया ॥ ७८ ॥
नातारि महामेघांचे उमाले । षडघडीत एके वेलें ।
कां घुमघुमी मंदराचलें । क्षीराब्धि जैसा ॥ ७९ ॥
तैसें गंभीरें महानादें । हे वाक्य विश्वकंदें ।
बोलिलें अगार्धे । अनंतरूपें ॥ ८० ॥
तें अर्जुनें मोटकें आइकिलें । आणि सुख किं भय चि दुणावलें ।
हें नेणों परि कांपिनलें । सर्वांग तेयाचें ॥ ८१ ॥
सकरुणपणें वलला मोट । मग जोडिले करसंपुट ।
वेलवेलं ललाट । चरणीं ठेवी ॥ ८२ ॥
तेविं चि काहिं बोलें जाए । तारि गला बुजाळ ठाए ।
सुख किं भय होये । तें विचारा तुझीं ॥ ८३ ॥
पारि तेव्हलि देवाचेनि बोलें । अर्जुना ऐसें हें जाळें ।
भियां पदांवारि देखिलें । श्लोकिंचेयां ॥ ८४ ॥
मग तैसा चि भेणभेण । पुडुतीं जुहारी चरण ।
ह्मणे जी आपण । ऐसें बोलिलें ॥ ८५ ॥

अर्जुन उवाच ।

स्थाने हृषीकेश तव प्रकीर्त्या
जगत्प्रहृष्यत्यनुरज्यते च ॥
रक्षांसि मीतानि दिशो द्रवन्ति
सर्वे नमस्यन्ति च सिद्धसंघाः ॥ ३६ ॥

नां अर्जुनां मीं कालु । आणि विश्व प्रासिं तो माझा खेळु ।
हा बोलु किरु अढळु । मानुं आह्मीं ॥ ८६ ॥
परि जी तुवां कालें । आजि स्थितिचिये वेले ।
प्रासिजे हें न मिले । विचारासि ॥ ८७ ॥
कैसेनि आंगिचें तारुण्य मोडावें । कैचें वृद्धाप्य काढावें ।
ह्यणौनि करुं ह्यणासि तें न्हेवे । बहुत करुनि ॥ ८८ ॥
आगा चौपाहारी न भरतां । काहिं चि देखें अनंता ।
मध्यान्हीं चि सविता । मालवत नाही ॥ ८९ ॥
पैं तुज अखंडिता काला । तीनि आहाति वेला ।
या तीन्ही परि सबला । आपुलाळां समें ॥ ९० ॥
जेव्हलि हों लागे उत्पत्ति । तेव्हलि स्थितिप्रलयो हारपति ।
स्थितिकालीं न मिरवति । उत्पत्तिप्रलयो ॥ ९१ ॥
पाठिं प्रलयाचिये वेले । उत्पत्तिस्थिति मावले ।
हें काइसेनि हिं न ढले । अनादि ऐसें ॥ ९२ ॥
ह्यणौनि आजि भरें भोगें । स्थिती वर्तिजत आद्दे जगें ।
येथ प्रासिसि हें न लगे । माझां जीवीं ॥ ९३ ॥
तवं संकेतें देउ० बोले । आगा या सैन्या भरण पूरलें ।
तें प्रत्यक्ष तुन दाविलें । येरां यथाकालें जाण ॥ ९४ ॥
हा संकेतु जवं अनंता । वेळु लागला बोलतां ।
तवं अर्जुनें लोकु मागौता । स्थिती देखिला ॥ ९५ ॥

मग अर्जुनु ह्मणे देवा । तूं सूत्री विश्वलाघवा ।
 जगु आला जी आघवा । स्थिती पुडुती ॥ ९६ ॥
 परि पडिलेयां दुःखसागरीं । तूं काढिसि कां जिया परीं ।
 ते कीर्त्ति तूझी हरी । आठवीतसें ॥ ९७ ॥
 आठवितां वेलोवेलां । भोगिजत महासुखाचा सोहला ।
 तेथ हर्षामृतकळोलां । वारि लोलत असें ॥ ९८ ॥
 देवा जियालेपणें जगु । धरिति तूझां ठांडं अनुरागु ।
 आणि दृष्टांतेयां भंगु । अधिका अधिकु ॥ ९९ ॥
 पै त्रिभुवनिचेयां राक्षसां । महाभय तूं रूषीकेशा ।
 पलताति यां दिशां । पैलीकडे ॥ ५०० ॥
 येर सुरसिद्धकिन्नर । किंवहुना चराचर ।
 तूतें हर्षनिर्भर । नमित असे ॥ १ ॥

कस्माच्च ते न नमेरन्महात्मन् ।

गरीयसे ब्रह्मणोऽप्यादिकर्त्रे ।

अनंत देवेश जगन्निवास ।

त्वमक्षरं सदसत्तत्परं यत् ॥ ३७ ॥

एथ हां गा कवणा कारणां । राक्षस होंत नारायणां ।
 न लगती चि चरणा । पलते जाले ॥ २ ॥
 आणि तूतें हें काइ पूसावें । एतुलें आह्मासि पै जाणवें ।
 हां गा सूर्योदयीं राहावें । कैसेनि तमें ॥ ३ ॥
 तूं स्वयंप्रकाशाचा आगरु । आजि जाला अससि गोचरु ।
 ह्मणौनि येयां केरु । फीटला सहजें ॥ ४ ॥
 हें एतुले दिवस आह्मां । काहिं नेणवे चिं श्रीरामां ।
 आतां देखतसे महिमा । गंभीर तूझी ॥ ५ ॥
 जेथौनि नाना सुष्टीचिया बोलीं । पसरति भूतप्रामांचिया वेळीं
 तेया ब्रह्मार्ते व्याली । दैविकी इछा ॥ ६ ॥

दे३० निःसीमगुण अनंतु । दे३० निःसीमतत्व सदोदितु ।

• दे३० निःसीमसाम्य सतंतु । चौ हि वांचा ॥ ७ ॥

जी तूं त्रिजगती ॐलावा । अक्षर तूं सदाशिवा ।

तूं संतासंत देवा । तेयां ही अतीत ते तूं ॥ ८ ॥

त्वमादिदैवः पुरुषः पुराण

स्वमस्य विश्वस्य परं निधानम् ।

वेत्तासि वेद्यं च परं च धाम

त्वया ततं विश्वमनंतरूपम् ॥ ३८ ॥

तूं प्रकृतिपुरुषांची आदि । जी महातत्वांची अवधी ।

स्वयें तूं अनादि । पुरातनु ॥ ९ ॥

सकल विश्वासि जीवन । जीवांसि तूं निधान ।

भूतभव्याचें ज्ञान । तूझां चि हातिं ॥ ५१० ॥

जी श्रुतीचेया लोचना । स्वरूपसुख तूं अभिन्ना ।

तूं त्रिभुवनिचिया आयतना । आयतन तूं ॥ ११ ॥

ह्मणौनि जी परम । तूते ह्मणिजे महाधाम ।

कल्पांती महद्ब्रह्म । तूझां अंकीं रिगे ॥ १२ ॥

किंबहुना देवें । विश्व विस्तारलें आघवें ।

आतां अनंतरूप वानावें । कवणें तूझें ॥ १३ ॥

जी काइ एक तूं न्हवसि । तूं कवणी ठाई गा नससि ।

हें असो जैसा आहासि । तैसेया नमो ॥ १४ ॥

वायुर्धमोऽग्निर्धरुणः शशांकः

ब्रजापतिस्त्वं प्रपितामहश्च ।

ममो नमस्तेऽस्तु सहस्रकृत्वा

धुमश्च भूयोऽपि नमो नमस्ते ॥ ३९ ॥

वायु तूं अनंता । यमू तूं नियमिता ।

प्राणिगर्णी वसता । अग्नि जी तूं ॥ १५ ॥

बरुणु तूं सोमु । स्रष्टा तूं ब्रह्म ।
 पितामहाचा परमु । आदिजनकु तूं ॥ १६ ॥
 आणिक ही जें जें काहिं । रूप अथवा नाहिं ।
 तेया नमो तुज पाहीं । जगन्नाथा ॥ १७ ॥
 ऐसें सानुरागें चित्तें । स्तवन केलें पांडुसुतें ।
 मग पुडुतीं ह्मणे नमस्ते । नमो प्रभू ॥ १८ ॥
 पाठिं तिये साद्यंते । निहाली मूर्त्तितें ।
 पुडुतीं ह्मणे नमस्ते । नमो प्रभू ॥ १९ ॥
 इयें चराचरीं समस्तें । अखंडित देखें तेयांतें ।
 आणि पुडुतीं ह्मणे नमस्ते । नमो प्रभू ॥ ५२० ॥
 ऐसिं देखौनि अद्भुतें । आश्चर्य होतसे मातें ।
 तवं तवं ह्मणे नमस्ते । नमो प्रभू ॥ २१ ॥

नमः पुरस्तादथ पृष्टतस्ते

नमोस्तु ते सर्वत एव सर्व ॥

अनंतवीर्यामितविक्रमस्त्वं

सर्वं समाप्नोषि ततोसि सर्वः ॥ ४० ॥

आणिकि स्तुति नाठवे । आणि निवांत हिंश्न न्हावे ।
 नेणों कैसा प्रेमभावे । गाजों चि लागे ॥ २२ ॥
 किंबहुना इया परीं । ननम केलें सहस्र वेन्हीं ।
 पुडुतीं ह्मणे श्रीहरी । तुज सन्मुखा नमो ॥ २३ ॥
 देवासि पाठि आधि कां नाहिं । येणें आह्मां उपेगु काइ ।
 तरि तुज पाठिमोरयासि ही । नमो स्वामी ॥ २४ ॥
 आतां वेगलालेयां हिं अवेवां । नेणें रूप करूं देवा ।
 ह्मणौनि नमो तुज सर्वा । सर्वव्यापका ॥ २५ ॥
 जी अनंतबलसंभ्रमा । तुज नमो अनंतविक्रमा ।
 सकलकार्त्तिके समा । सर्वदेशा ॥ २६ ॥

अध्याय ११ वा

आघवां अवकाशि जैसें । अवकाशु होउनि आंकाश असे ।
 तूं सर्वपणें तैसें ॥ पातलासि सर्व ॥ २७ ॥
 किंबहुना केवल । सर्व हें तूं चि निखल ।
 आगा क्षीरार्णवीं कळोल । पयाचे जैसे ॥ २८ ॥
 हणौनियां देवा । तूं वेगला न्हवसि सर्वा ।
 हें आलें मज सद्भावा । आतां तूं चि सर्व ॥ २९ ॥

सखेति मत्वा प्रसभं यदुक्तं

हे कृष्ण हे शूद्रव हे सखेति ।

अजानता महिमानं तवेदं

मया प्रमादात्प्रणयेन वापि ॥ ४१ ॥

पारि ऐसेया तूतें स्वामीं । काहीं नेणों चि जी आसीं ।
 हणौनि सबंधधर्मीं । राहाटलों तुसीं ॥ ३० ॥
 आहा थोर वाउर जालें । अमृतें संमार्जन केलें ।
 वृषमु घेउनि दीधलें । कामधेनूतें ॥ ३१ ॥
 परिसु हाता आला । तो नेणौनि गा डौरां घातला ।
 कल्पतरूंचा केला । कूपु सेता ॥ ३२ ॥
 चिंतामणिची प्राणि देखिली ।
 पारि नोलखे चि हणौनि अब्हेरिली ।
 तैसी तूही जवलीक धाडिली ।
 सांघातीपणें ॥ ३३ ॥
 हें आजिचें चि पाहे पां रोकडें । कवण जूझ हें केवडें ।
 एथ परब्रह्म तूं उघडें । सारथी केलासि ॥ ३४ ॥
 एयां कौरवांचेया घरा । शिष्टाइये धाडिलासि दातारा ।
 ऐसा वणेसाठिं जागेश्वरा । वीकिलासि जी ॥ ३५ ॥
 तूं योगियांचें समाधिसुख । कैसें जाणों चि ना मूर्ख ।
 उरोधु तुसीं सदमुख । करूं देवा ॥ ३६ ॥

यच्चापि हासार्थमसत्कृतोऽसि

विहारशय्यासनभोजनेषु ॥

एकोऽथवाप्यच्युत तत्समक्षं

तत्क्षामये त्वामहमप्रमेयम् ॥ ४२ ॥

तुज ऐसेयाचां आदिं । बैसिजे उभयबंधीं ।
 तेथ सोयारीकी करुनि आधीं । रलीं बोलों ॥ ३७ ॥
 विपायें राउला ए३० । तारि तूझेनि आंगें मानु पाहों ।
 न मनीसि तारि जा३० । रसौनियां ॥ ३८ ॥
 पायां लागौनि बुझावणी । तूझां ठाई सारंगपाणी ।
 आणिकें हीं करणीं । बहुते असति ॥ ३९ ॥
 स्वजनपणाचिया वाटा । पाहों लागलों उच्यठा ।
 ऐसेया परीं वैकुंठा । चूकलों आहीं ॥ ५४० ॥
 देवा तुजसि आहिं कोलु धरं । अखंड लोबीझोंबी करं ।
 ऐसा सरिपाडु धरं असकरं । निकरें तंडों ॥ ४१ ॥
 चांग तें उराउरीं मागों । आणि तुज चि किं बुद्धि सांगों ।
 तेविं चि हणों काइ लागों । तूझे आहीं ॥ ४२ ॥
 ऐसा अपराधु एतुला आहे । जो त्रिभुवनीं पारि न समाए ।
 जी नेणों चि आहीं पाए । स्वीकारिले तूझे ॥ ४३ ॥
 दे३० भोजनाचां अंबंसरीं । लोभें किर आठवण करी ।
 पै माझी निसुगै अवधारीं । किं उगा चि बैसें ॥ ४४ ॥
 देवाचां भोगायतनीं । खेलतां शंका न धरीं मनीं ।
 आणि रिगौनियां शयनीं । सरिसा पडुडें ॥ ४५ ॥
 कृष्णा हणौनि हाकारिजे । यादवपणें तूतें लेखिजे ।
 आपुली आण वाइजे । जातां तुज ॥ ४६ ॥
 मज एकासनीं बैसणें । कां तूझा बोलु न मनणें ।
 हें प्रीतिचेनि दाटणें । बहुत घडलें ॥ ४७ ॥

ह्यगौनि काइ एक आतां । केती निवेदिजैल अनंता ।
 मी राशि आहे समस्ता । अपराधांचा ॥ ४८ ॥
 एया आणि पुढां अथवा पाठिं । जियें राहटलां विरुद्धें गोमटीं ।
 तियें मायेचिया परी पोटीं । सामावी प्रभू ॥ ४९ ॥
 जी कन्हणी एके वेले । सरिता घेउनि येति खडुलें ।
 तियें सामाविजति समुद्रें जलें । किं बोसांडिजे साधें ॥ ५० ॥
 तैसें प्रीती कां प्रमादें । देवेंसिं बोलिळां विरुद्धें ।
 तियें मज मुकुंदें । अप्रसहार्वीं ॥ ५१ ॥
 आणि देवाचेनि क्षमत्वे क्षमा । आधारु जाली आहे भूतग्रामां ।
 ह्यगौनि ते पुरुषोत्तमा । कैसें व ह्यगों ॥ ५२ ॥
 परि तन्हीं अप्रमिया । मज शरणागता आपुलेया ।
 क्षमा कीजो यया । अपराधांसि ॥ ५३ ॥

पितासि लोकस्य चराचरस्य ।

त्वमस्य पूज्यस्य गुरुर्गरीयान् ॥

न त्वत्समोऽस्त्यभ्याधिकः कुतोऽन्यो

लोकत्रयेऽप्यप्रतिमप्रभावः ॥ ४३ ॥

जी जाणितलें मियां साचें । महिमान आतां देवाचें ।
 देवो होये चराचराचें । जन्मस्थान ॥ ५४ ॥
 हरिहरादि समस्तां । देवा तूं परदेवता ।
 वेदातें हि पढविता । आदिगुरु तूं ॥ ५५ ॥
 गंभीरु तूं श्रीरामा । नानाभूतैकधामा ।
 सकलगुणीं प्रतिमा । अद्वितीया ॥ ५६ ॥
 तुजसिं नाहिं सरिसें । हें प्रतिपादन काइसें ।
 तुबां जालेनि आकाशें । आण वाइली ॥ ५७ ॥
 तेया तूझेनि पाडें दूजें । ऐसें बोलतां चि जी लाजिजे ।
 तेथ अधिकाची जीजे । गोठि केवि ॥ ५८ ॥

हणौनि त्रिभुवनीं तूं एकु । तुज सारिसा ना अधिकु ।
तूझा महिमा अलोलिकु । नेणिजे वानुं ॥ ५९ ॥

तस्मात्प्रणम्य प्रणिधाय कायं

प्रसादये त्वामहमीशमीड्यम् ।

पितेव पुत्रस्य सखेव सख्युः

प्रियः प्रियायार्हासि हेव सोढुम् ॥ ४४ ॥

ऐसें अर्जुनें हणितलें । मग पुढुतीं दंडवत घातलें ।
तेथ सात्विकाचें आले । भारतें तेया ॥ ५६० ॥
हणतां प्रसीद प्रसीद । वाचा होंतसे सद्रव ।
काढीं जी अपराध— । समुद्रौनियां ॥ ६१ ॥
तुज विश्वसुहृदातें कहीं । सोइरेपणें न मनूं चि पाहीं ।
तुज ईश्वरेश्वराचां ठांड । ऐश्वर्य केले ॥ ६२ ॥
तूं वर्णनीयु पारि लोभें । मातें वानितां सभे ।
तें मियां साहिजे खोबे । निवातां चि ॥ ६३ ॥
आतां ऐसेसेयां अपराधां । मर्यादा नाहिं कुंदा ।
हणौनि रक्ष प्रमादा । पसा३० हणवीं ॥ ६४ ॥
जी हें चि विनवावेया लागि । कैची योग्यता मातां आंगीं ।
पारि अपत्य जैसें सलगी । बापेंसि बोले ॥ ६५ ॥
नातारि प्राणाचें सोयरें भेटे । मग जिवें जिये भूतलिं संकटें ।
तियें निवेदितां न वटे । संकोचु कांहीं ॥ ६६ ॥
कां उखितें आंगें जीवें । आपणपें दीधलें जिया आघवें ।
तिये कांतु मीनलेयां न न्हावें । हृदय जेवि ॥ ६७ ॥
तिया परीं जी मियां । तुमतें विनविलें गोसावियां ।
परि आणिक ही एक हणावेया । काण्ण असे ॥ ६८ ॥

अदृष्टपूर्वं दृषितोऽस्मि दृष्ट्वा
व

भयेन च प्रव्यथितं मनो मे ।

तस्मै मे दर्शय देव रूपं

प्रसीद देवेश जगन्निघास ॥ ४५ ॥

तरि देवेंसिं सलमि केली । जे विश्वरूपाची आलि घेतली ।

ते मायेबापें पुरविली । स्नेहालपणें ॥ ६९ ॥

सुरतरूचिं झाडें । आंगाणि लाविसि कोडें ।

देसि कामधेनूचे पावे । खेलावेया ॥ ५७० ॥

मियां नक्षत्रीं डाउ० पाडावा ।

मग चंद्रु चेंडुवा लागि मागावा ।

हा संदु सिद्धी नेला आघवा ।

माउलिया तुवां ॥ ७१ ॥

जेया अमृतछेसा लागि सायास ।

तेयाचा पाउसाला केला च्यान्ही मास ।

पृथिविये लेउनियां तास ।

चिंतामणि पेरिले ॥ ७२ ॥

ऐसा कृतकृत्य किलां स्वामीं । बहू लळां लालिलां तुझीं ।

दाविलें जें हरब्रह्मीं । नाइकिजे कार्नीं ॥ ७३ ॥

मज देहावेयाची केउती गोठि ।

जेवाची उपनिषदां नाहिं भेटि ।

ते जिन्हारिची गांठि ।

मज लागिं सोडिली ॥ ७४ ॥

जी कल्पादि लागौनि । आजिची घडी धरुनि ।

माझिं जेतुलीं होउनि । गेलीं जन्में ॥ ७५ ॥

तेया आघवेया आंतु । घरड हुलि घेउनि असें पांतु ।

परि देखिजे आइकिजे हे मातु । आंतुडे चि ना ॥ ७६ ॥

बुद्धिचें जाणणें । कहिं चि न वचे जेयाचेनि आंगणें ।
 साद हि अंतष्करणें । करवे चि ना ॥ ७७ ॥
 तेथ डोलेयां देखि होआवी । हे गोठि काइसेया करावी ।
 किंबहुना पूर्वी । दृष्ट ना श्रुत ॥ ७८ ॥
 तें हें विश्वरूप आपुलें । तुम्हीं मज जी दाविलें ।
 तरि माझे मन जालें । दृष्ट देवा ॥ ७९ ॥
 पारि आतां ऐसी चाड जीवि । जे तुजसिं गोठि करावी ।
 जबलिक हे भोगावी । आलिगुनि हूँ ॥ ५८० ॥
 तें इये चि रूपि करूं म्हणिजे ।
 तरि कवणें एकें मुखेंसि चावलजे ।
 आणि कोणा खेवं देइजे ।
 तुज लेख नाहिं ॥ ८१ ॥
 म्हणौनि वारेया सवें धावणें । न घडे गगना खेवं देणें ।
 जळकेळि खेलणें । समुद्रीं केउती ॥ ८२ ॥
 एया लागि देवा । येथ भय उपजतसे जीवा ।
 म्हणौनि येतुला लला पालावा । तरि पुरे हें आतां ॥ ८३ ॥
 पै चराचर विनोदें पाहिजे । मग तेणें सुख घरीं राहिजे ।
 तैसें चतुर्भुजरूप तूझें । तो विसांवां आह्वां ॥ ८४ ॥
 आह्वां योगजात अभ्यासावें । तेणें यया चि अनुभवा यावें ।
 शास्त्रातें ओलाडावें । पारि सिद्धांतु तो हा चि ॥ ८५ ॥
 आह्वां यजनें कीजतु सकलें । पारि तियें फलाविं येणें चि फळें
 तीर्थें होतु केवलें । यया चि लागि ॥ ८६ ॥
 आणिक ही काहिं जे जे । दानपुण्य आह्वां कीजे ।
 तेया फलरूप तूझें । चतुर्भुजां चि होआवें ॥ ८७ ॥
 ऐसी तेथिची जी आवडी । तें देखावेया वावडी ।
 वर्तत असे सांकडी । फेडीं वेगां ॥ ८८ ॥

आगा जीविचें जाणतेया । सकल विश्व वसवितेया ।
प्रसन्न होई पूजितेया । देवांचिया देवा ॥ ८९ ॥

किंतीटिनं गदिनं चक्रहस्त

मिच्छामि त्वां द्रष्टुमहं तथैव ।

तेनैव रूपेण स्रतुर्भुजेन

सहस्रबाहो मव विश्वमूर्ते ॥ ४६ ॥

कैसीं नीलोत्पलातें रावित । आकाशा रंगु लावित ।

तेजाची वोज दावित ॥ इंद्रनील ॥ ५९० ॥

जैसा परिमलु जाला मरगजा ।

कां आनंदासि निगालिया दोनि भुजा ।

एणें आघवेनि मकरध्वजा ।

जोडली बरघ ॥ ९१ ॥

मस्तार्कं मुकुट्य ठेविलें । किं मस्तक मुगुटु जालें ।

श्रिंगारें लेणें लाधलें । आंगाचें जेया ॥ ९२ ॥

इंद्रधनुखाचिये आडणी । माझि मेघ गगनरंगणी ।

तैसें आवरलें सारंगपाणी । वैजयंतिया ॥ ९३ ॥

कवणि ते उदारगदा । करी असुरां कैवल्याचा धोंदा ।

कैसें चक्र हान गोविंदा । सौम्य तें ॥ ९४ ॥

किंबहुना स्वामी । तें देखवेया उत्कंठ मी ।

झणौनि शडकरुनि तुझीं । तैसें चि होआवें ॥ ९५ ॥

हे विश्वरूपाचे सोहले । भोगूनियां निवाले डोले ।

आतां होताति आंधले । कृष्णालागि ॥ ९६ ॥

तें साकार कृष्णरूपडें । वांचूनि पाहों आन नावडे ।

तें नेदखतां थोडें । मानिताति हे ॥ ९७ ॥

आह्मां भोग मोक्षाचां ठांड । ते श्रीमूर्ति वांचूनि नाहिं ।

झणौनि तैसा चि साकार होई । हें संहारीं आतां ॥ ९८ ॥

श्रीभगवानुवाच ।

मया प्रसन्नेन तवार्जुनेर्द
 रूपं परं दर्शितमात्मयोगात् ।
 तेजोमयं विश्वमनंतमाद्यं
 यन्मे त्वदन्येन न दृष्टपूर्वम् ॥ ४७ ॥

एया अर्जुनाचेया बोला । विश्वरूपा विस्मो जाला ।
 ह्मणे ऐसा नाहिं देखिला । धसाल कोणही ॥ ९९ ॥
 कोणि हे वस्तु लाधलासि ।
 तेया लाभाचा तोषु नेघसि ।
 मां भेणें काइ बोलसि ।
 हेंकाडु ऐसा ॥ ६०० ॥
 आह्मीं सवियां चि जें प्रसन्न होणें ।
 तें आंग चि वरि ह्मणे देणें ।
 वांचूनि जीउ असे वेचणें ।
 कव्हणा लागि ॥ १ ॥
 तें हें तूक्षिये चाडे । आजि जीवाचें चि लवाडें ।
 कालौनियां एवडें । रचिलें ध्यान ॥ २ ॥
 ऐसी पै तूक्षिया आवडी । जाली प्रसन्नता आमची एवडी ।
 ह्मणौनि गौप्याची ही गुढी । उभिली जर्गी ॥ ३ ॥
 तें हें देख अपार । स्वरूप माझें पर ।
 एथौनि ते अवतार । कृष्णादिकांचे ॥ ४ ॥
 हें ज्ञानतेजाचें निखल । विश्वात्मक केवल ।
 अनंत हें अढल । आद्य हें ॥ ५ ॥
 आणि हें तुज वांचूनि अर्जुनां । पूर्वी दृढ नाहिं आना ।
 जें न्हवे जोगें साधना । ह्मणौनियां ॥ ६ ॥

न वेदयज्ञाध्ययनैर्न दानै
न च क्रियाभिर्न तपोमिरुधैः ।

एवंरूपः शक्य अहं नृलोके ।

द्रष्टुं त्वदन्येन कूरुप्रवीर ॥ ४८ ॥

एयाची सोय पातले । आणि वेदीं मौन चि घेतलें ।
यज्ञ किर माघौते आले । स्वर्गौनि चि ॥ ७ ॥
साधकिं देखिला आयासु । म्हणौनि निर्वाळिला योगाभ्यासु ।
आणि अध्ययनासि सोरसु । नाहिं एथ ॥ ८ ॥
सिधेचि सत्कर्में । धाखिनलीं संभ्रमें ।
तिहिं बडुतें एकें श्रमें । सत्यलोकु टाकिला ॥ ९ ॥
तिहिं स्वर्ग देखिलें । आणि उग्रपणें उगेयां चि सांडिलें ।
एवं साधना जें ठेलें । अपटांतरिं ॥ ६१० ॥
हें तुवां अनायासें । विश्वरूप देखिलें जैसें ।
इये मनुष्यलोकिं तैसें । न फवे चि कोणहां ॥ ११ ॥
आजि ध्यानसंपती लागि । तूं चि एकु आधि जगीं ।
हें भाग्य देखें आंगीं । विरिंची ही नाहिं ॥ १२ ॥

मा ते व्यथा मा च विरूढभावो

दृष्ट्वा रूपं घोरमीदृङ्गमेदम् ।

व्यपेतमीः प्रीतमनाः पुनस्त्वं ।

तदेव मे रूपमिदं प्रपश्य ॥ ४९ ॥

म्हणौनि विश्वरूपिं श्लाघ । एथिचें भय नेघ ।
हें वांचूनि चांग । न मनी काहिं ॥ १३ ॥
समुद्र अमृता भरला । आणि अवसांत वरिपडा जाला ।
मग कव्हर्णी आधि वोसंडिला । बुडिजैल म्हणौनि ॥ १४ ॥
नातरि सोनेयाचा डोंगरु । काइ करावा हा थोरु ।
ऐसें म्हणौनि अन्हेरु । करी कोण्ही ॥ १५ ॥

दैवें चिंतामणि लेइजे । किं तेयातें वोझें ह्यणौनि उ०संडिजे ।
 ना तरि कामधेनु दवडिजे । न पोसवे ह्यणौनि ॥ १६ ॥
 हां गा चंद्रमा आलेयां घरा ।
 तेयातें ह्यणिजे निगैं न कारिं उबारा ।
 पडिसाई पाडितासि दिनकरा ।
 परता सरैं ॥ १७ ॥
 तैसें ऐश्वर्य हें महातेज । दृष्ट जालें गा तुज ।
 परि बायां चि गजब्रज । करितासि कां ॥ १८ ॥
 परि नेणसि गा धनंजया । काइ कोपो गावंढेया ।
 आंग सांडूनि छाया । आलंगिसी कां ॥ १९ ॥
 हें नव्हे जो मी साचें । ऐसें मन करिसी हो काचें ।
 प्रेम धरूनि आवगणिचें । निहालिसी कां ॥ ६२० ॥
 तरि आझू वेन्हीं पार्था । सांडिं थाया हो आतां ।
 इये विधि आस्था । चोरिसि झनें ॥ २१ ॥
 हें रूप जन्हीं घोर । विह्वत आणि थोर ।
 तन्हीं कृतनिश्चयासि घर । हें चि करीं ॥ २२ ॥
 कृपणाची चित्तवृत्ति जैसी । राउनि घातली ठेवेया पासि ।
 मग नसुधेनि देहेंसिं । आपणपां असे ॥ २३ ॥
 कां अजातपक्षा जवला । जीउ बैसौनि तिया आर्विसाला ।
 पक्षिणी अंतराला । उडौनि जाये ॥ २४ ॥
 ना गाय चरे डोंगरीं । परि चित्त बांधलें वत्सें घरीं ।
 तैसें प्रेम येथ करीं । पार्था तूं ॥ २५ ॥
 एरें उवाइलेनि चित्तें । बाह्य सख्य यया सुखा पुरतें ।
 भोगि जो कां तिये श्रीमूर्त्तितें । चतुर्भुजे इये ॥ २६ ॥
 परि पुडुतीं पुडुतीं पांडवा । हा येकु बोलु न विसरावा ।
 जें इये रूपौनि सद्भावा । नेंदावें निगों ॥ २७ ॥

हें काहिं चि नव्हतें देखिलें । हणौनि तुज भय उपनलें ।
 तें सांडिं एथ संचलें । असों दे प्रेम ॥ ६२८ ॥
 आतां करूं तूझेया सारिखें । हणितलें विश्वतोमुखें ।
 तरि मागील रूप सुखें । दाउं तुज ॥ २९ ॥
 ऐसें वाक्य बोलत खेउ । मागुता मनुष्य जाला देउ ।
 ऐसा देखां नवलाउ । आवडिचा तिये ॥ ६३० ॥
 कृष्णु कैवल्य उघडें । वरि सर्वस्व विश्वरूपा येवडें ।
 हातिं दीधलें किं नावडे । अर्जुनासि ॥ ३१ ॥
 वारुकां वारुणु वारिजे । जैसें रत्नासि दूषण ठेविजे ।
 ना तरि कन्या पाहुनु हणिजे । मना नैये ॥ ३२ ॥
 तेया विश्वरूपा येवडी दशा । करितां प्रीतिचा वाडु कैसा ।
 सेल दीधली असे उपदेशा । किरीटीसि देवें ॥ ३३ ॥
 मोडूनि भांगाराचा रवा । लेणीं घडिजति आपुलेया सवा ।
 मना नावडे जरि जीवा । तरि आटिजे पुडुतीं ॥ ३४ ॥
 तैसें शिष्याचिये प्रतीती जालें । कृष्णत्व होतें तें विश्वरूप केलें ।
 तें मना नये चि तेव्हलें आणिलें । कृष्णपण मागुतें ॥ ३५ ॥

संजय उवाच ॥

इत्यर्जुनं वासुदेवस्तथोक्त्या
 स्वकं रूपं दर्शयामास भूयः ।
 आश्वासयामास च भीतमेनं
 भूत्वा पुनः सौम्यवपुर्महात्मा ॥ ५० ॥

हा ठावो वेव्हिं शिष्याचीं निशिं ।
 साहाते गुरु काइ आहाति दर्शी ।
 परि नेणिजे आवडि कैसी ।
 संजयो हणो ॥ ३६ ॥

मग विश्व व्यापूनि भवतें । जें योगतेज प्रकटलें होंतें ।
 तें हारतलें आइतें । रूपिं तिये ॥ ३७ ॥
 जैसें त्वंपद हें आघवें । तत्पदार्थीं सामावे ।
 अथवा दृमाकारु सांठवे । बीजकणिके ॥ ३८ ॥
 ना तरि स्वप्नसंभ्रमु जैसा । गिली चेइली जीवदशा ।
 श्रीकृष्णें योगु तैसा । संहारिला तो ॥ ३९ ॥
 जैसी हारतली प्रभा बिंबिं । कां जलदसंपति नभीं ।
 भरितें सिंधुगर्भीं । रिगालें राया ॥ ६४० ॥
 हों काज कृष्णाकृतिचिया मोडी । होती विश्वरूपाची घडी ।
 ते अर्जुनाचिया आवडी । उपलविली देवें ॥ ४१ ॥
 तव प्रमाण आणि रंगु । देखिला सवियां चांगु ।
 तेथ प्राहकैये जाला लागु । म्हणौनि केली पुडुतीं ॥ ४२ ॥
 तैसें वाढिचेनि बहुवसपणें । रूपें विश्व जितलें जणें ।
 तें सौम्य कोडिसवाणें । साकार जालें ॥ ४३ ॥
 किंबहुना अनंतें । धाकुटेपण धरलें माघौतें ।
 परि आश्वासिलें पार्थातें । भियालेयातें ॥ ४४ ॥
 तेथ स्वर्गीं स्वर्गा गेला । तो अवसांत जैसा चेइला ।
 तैसा विस्मयो जाला । किरीटीसी ॥ ४५ ॥
 नातरि गुरुकृपे सवें । उरलें प्रपंचजात आघवें ।
 स्फुरे तत्व तेवि पांडवें । मूर्ति देखिली ॥ ४६ ॥
 तेया पांडवा ऐसें चित्तीं । आड विश्वरूपाची जवनीक होती ।
 ते फिटौनि गेली परौती । हें भलें जालें ॥ ४७ ॥
 काइ कालातें जीणौनि आलां ।
 किं मियां महावातु मागां सांडिला ।
 नातरि आपुलां बाहिं उतरलां ।
 सिंधु सातै ॥ ४८ ॥

ऐसा संतोषु बहू चित्तें । घेइजत असे
 विश्वरूपा पाठिं कृष्णातें । देखौनियां ॥ ४९ ॥
 मग सूर्याचां अस्तमानीं । माघुतिया तारा उघडती गगनीं ।
 तैसा देखों लागला वयनीं । दोन्हीं सैन्यें ॥ ६९० ॥
 पाहे तवं तें चि कुरुक्षेत्र । आणि दों भागीं जालें असे गोत्र ।
 वरि वरिषताति शस्त्र । संघाट वेन्हीं ॥ ५१ ॥
 तेया बाणाचेया मांडवा आंतु । तैसा चि रथु आहे निवांतु ।
 धूरे बैसत्या लक्ष्मीकांतु । आपणपें तलीं ॥ ५२ ॥
 तवं मागील जैसें तैसें । तेणें देखिले वीर विलासे ।
 मग ह्मणे जी आतां मानसें । साच घेतलें ॥ ५३ ॥
 बुद्धितें सांडूनि ज्ञान । भेण वलघले रान ।
 अहंकारेंसि मन । कां देशीक जालें ॥ ५४ ॥
 इंद्रियें प्रकृति भूललीं । वाचा प्राणासि चूकली ।
 ऐसी अपांपारि होती जाली । शरीरग्रामिं ॥ ५५ ॥
 तियें आघवीं चि माघातीं । जीवें भेटलीं प्रकृती ।
 आतां जीताणें श्रीमूर्ती । जालें इया ॥ ५६ ॥

अर्जुन उवाच ।

दृष्ट्वं मानुषं रूपं तव सौम्यं जनार्दन ।

इदानीमस्मि संवृत्तः सचेताः प्रकृतिं गतः ॥ ५१ ॥

ऐसें सुख जीवीं घेतलें । मग कृष्णातें जी ह्मणितलें ।

मियां तुमचें रूप देखिलें । मानुष हें ॥ ५७ ॥

हें रूप दाखवणें राया । किं अपत्या मज चूकलेया ।

बुझाउनि तुवां माया । स्तन्य दीधलें ॥ ५८ ॥

जी विश्वरूपाचां सागरीं । होंतां तरंग मवीतु वांव वेन्हीं ।

तो इये मूर्तीचां तीरीं । निगाला आतां ॥ ५९ ॥

आइकें द्वारकापुरसुहडा । मज सुकतेया जी झाडा ।
 हे भेटि नव्हे हुडा । मेघांचा जाला ॥ ६० ॥
 सावियां तृषा फूटला । तेया मज अमृतसिंधु भेटला ।
 आतां भरवंसा जाला । जाणेयांचा ॥ ६१ ॥
 माझां हृदयरंगणीं । होंतसे हरिपलतांची लावणी ।
 सुखेंसि बुझावणी । जाली मज ॥ ६२ ॥

श्रीभगवानुवाच ।

सुदुर्दर्शमिदं रूपं दृष्टवानसि यन्मम ।

देवा अप्यस्य रूपस्य नित्यं दर्शनकांक्षिणः ॥ ५२ ॥

या पार्थाचेया बोला सवें । हें काइ गा ह्यणितलें देवें ।
 तुवां प्रेम ठेउनि यावें । विश्वरूपीं किं ॥ ६३ ॥
 मग इये श्रीमूर्ती । भेटावे सडिया आइती ।
 हें सिखवणें सुभद्रापती । विसरलासि पै ॥ ६४ ॥
 पै लाधलेयां अर्जुना । मेरु ही आवडे साना ।
 ऐसा आथि मना । दुःस्वप्नभावो ॥ ६५ ॥
 तें हें विश्वात्मक रूपडें । जें दाविलें गा तुजपुडें ।
 तें शंभू ही न जोडे । तप करितां ॥ ६६ ॥
 अष्टांगादि संकटीं । योगी सीणताति किरीटी ।
 परि अवसरु नाहिं भेटी । जेयाचिये ॥ ६७ ॥
 तें विश्वरूप एकधा वेलु । देखौनि काये अलुमालु ।
 ऐसैं करितां कालु । जांतसे देवां ॥ ६८ ॥
 आशेचिया आंजुली । ठेउनि हृदयाचां निडलीं ।
 चातक निरालीं । लागलें जैसैं ॥ ६९ ॥
 तैसे उत्कंठानिर्भर । होउनियां सुरवर ।
 वोकित आठै पाहार । भेटि जेयाची ॥ ६७० ॥

पैं विश्वरूपा सारिखें । स्वप्नीं हिं कन्हणीं नेदखे ।

जे प्रत्यक्ष तुवां सुखें । देखिलें हें ॥ ७१ ॥

नाहं वेदैर्न तपसा न दानेन न चेज्यया ।

शक्य एवंविधो द्रष्टुं दृष्टवानसि मां यथा ॥ ५३ ॥

पैं उपायांसि वाटा । नव्हति एथ सूभटा ।

सावाइं वोहटा । वाहिला वेदें ॥ ७२ ॥

मज विश्वरूपाचिया मोहरा । चालावेया धनुर्द्वरा ।

तपाचिया ही सर्वभारा । न्हवे चि लाडु ॥ ७३ ॥

आणि दान किरु हें कानडें । मीं यज्ञीं हीं तैसा न संपडे ।

जैसेनि कां सुरवाडें । देखिलें तुवां ॥ ७४ ॥

भक्त्या त्वनन्यया शक्य अहमेवंविधोऽर्जुन ।

ज्ञातुं द्रष्टुं च तत्त्वेन प्रवेष्टुं च परंतप ॥ ५४ ॥

तैसा मी एकी चि परी । आंतुडें गा अवधारिं ।

जरि भक्ति एउनु वरी । चित्त माझें ॥ ७५ ॥

ते चि भक्ति ऐसी । पर्जन्याची सूटिका जैसी ।

धारा वांचूनि अनारिसी । गोठि नेणे ॥ ७६ ॥

कां सकल जलसंपत्ती । घेउनि समुद्रातें गिवसिती ।

गंगा जैसी अनन्यगती । मीनली चि मिले ॥ ७७ ॥

तैसें गा सर्वभावभारें । न धरत प्रेम एकसरें ।

मज माझि संचरे । मी चि होउनि ॥ ७८ ॥

आणि तेविं चि मीं ऐसा । थडिये माझारी सरिसा ।

क्षीराब्धि कां जैसा । क्षीराचा चि ॥ ७९ ॥

तैसें मज लागूनि मुंभी वेन्हीं । किंबहुना चराचरीं ।

भजनासि गा दुसरी । भ्रांति पैं नाहिं ॥ ८० ॥

तैं तेया चि क्षणा सवें । येवंविधु मीं जाणवें ।

जाणितलां तरि स्वभावें । द्रिष्टुं होये ॥ ८१ ॥

मग इंधनि आगि उदिपे । आणि इंधन हें भाष हारपे ।
 तें अग्नी चि होउनि आरोपे । मूर्त्त जेवि ॥ ८२ ॥
 कां उदो न करिजे तेजकरें ।
 तवं गगन चि होउनि असे आंधारें ।
 मग उदैलेयां एकसरें ।
 प्रकाशु होए ॥ ८३ ॥
 तैसें माझां साक्षात्कारी । सरे अहंकाराची वारी ।
 अहंकारलोपीं अवधारीं । द्वैत जाए ॥ ८४ ॥
 मग मीं तो हें आघवें । एकु मीं चि आधि स्वभावें ।
 किंबहुना सामावे । समरसें तो ॥ ८५ ॥

मत्कर्मकृन्मत्परमो मद्भक्तः संगवर्जितः ।

निर्वैरः सर्वभूतेषु यः स मामेति पांडव ॥ ५५ ॥

जो मज चि एका लागि । कर्म वाहांतसे आंगीं ।
 जेया मज वांचूनि जर्गीं । गोमटें नाहिं ॥ ८६ ॥
 दृष्टादृष्ट सकल । जेयासि मीं चि केवल ।
 जेणें जियावेयाचें फल । मज चि नावें ठेविलें ॥ ८७ ॥
 भूतें हें भाष विसरला । जें दीठी मी चि आहें बांधला ।
 ह्यणौनि निर्वैर जाला । सर्वत्र भजे ॥ ८८ ॥
 ऐसा जो भक्तु होये । तेयाचें त्रैधातुक जें आहे ।
 तें मीं चि होउनि ठायें । पांडवा गा ॥ ८९ ॥
 ऐसें जगदुदरदोंदिलें । तेणें करुणारसकळोळें ।
 संजयो ह्यणे बोलिलें । कृष्णदेवें ॥ ६९० ॥
 आतां यावारि तो पांडुकुमरु । जाला असे आनंदसंपदा थोर ।
 आणि कृष्णचरणचतुर । एकु चि तो जर्गीं ॥ ९१ ॥
 तेणें देवाचिया दोन्हीं मूर्ती । नीकिया निहालिलिया चित्तीं ।
 तवं विश्वरूपा पाहूनि कृष्णमूर्ती । देखिला लाभु ॥ ९२ ॥

परि तेयाचिये जाणिवे । मानु न करिजे चि देवें ।
 जें व्यापक पाहूनि न्हवे । एकदेक्षिय ॥ ९३ ॥
 आणि हें चि सामर्थावेया लागि । येकि दोनि चांगी ।
 उपपत्ती शारंगी । दाविता जाला ॥ ९४ ॥
 तिया आइकौनि सुभद्राकांतु । चित्ति असे हणतु ।
 परि होये जे दोन्ही आंतु । तें पुडुतीं पुसों ॥ ९५ ॥
 ऐसा आलो चुकरूनि जीवीं । आतां पूसती वोज बरवी ।
 आदरील ते परिसावी । पुढील कथा ॥ ६९६ ॥
 प्रांजल वोवीप्रबंधें । गोठि सांविजैल विनोदें ।
 निवृत्तिपादप्रसादें । ज्ञानदेउ हणणे ॥ ९७ ॥
 भरूनि सद्गावाचिया आंजुली । मियां वोवीफुलें मौकलीं ।
 अर्पिलीं अंग्रियुगुलीं । विश्वरूपाचां ॥ ६९८ ॥

ॐ ॥ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे विश्वरूपदर्शन-
 योगो नाम एकादशोऽध्यायः ॥११॥

॥ श्रीकृष्णार्पणमस्तु ॥



ज्ञानेश्वरी

अध्याय बारावा

॥ श्रीगणेशायनमः ॥

जय जय सिद्धे । उदारे प्रसिद्धे ।
अनव्रत आनंदे । वर्त्ततिये ॥ १ ॥
विषयव्यालें मीठी । दीधलेयां उठणें नाहिं ताठि ।
तूझेनि वो गुरुद्रिष्टी । होये माए ॥ २ ॥
तरि ताप कोणातें पोली । कैसेनि सोसु जाली ।
जरि प्रसादरसकळोलीं । पूरें येसि तूं ॥ ३ ॥
योगसुखाचे सोहले । सेवकां दावीसि स्नेहाले ।
सोहंसिद्धीचे लले । पालीसि तूं ॥ ४ ॥
आधारशक्तीचां अंकिं । वाढविसि तूं कौतुकिं ।
हृदयकोशपालकीं । हालवीसि पै ॥ ५ ॥
प्रत्यग्ज्योतीची बोवालणी । करिसि मनपवनाचिं खेलणिं ।
रिद्धीसिद्धीचिं बाललेणीं । लेववीसि माये ॥ ६ ॥
सतरावियेचें स्तन्य देसी । अनाहताचा हल्लरु गासी ।
समाधिबोधें निजविसी । बुझाउनि ॥ ७ ॥
म्हणौनि साधकां तूं माउली । पीके सारस्वत तूझां पाउली
या कारणें साउली । न संडीं तूझी ॥ ८ ॥
आवो सद्गुरुचिये दीठी । तूझें कारुण्य जेयातें आधिष्ठी ।
तो सकलविद्याचिये शृष्ठी । धात्रा होए ॥ ९ ॥

म्हणौनि अंबे श्रीमते । निजजनकल्पलते ।
 आज्ञा दे पां माते । निरूपणीं ॥ १० ॥
 नबरसां भरविं सागर । करविं उचितरत्नाचे आगर ।
 भावार्थाचे गिरिवर । निफजविं माये ॥ ११ ॥
 साहित्यसोनेयांचिया खाणी । उघडविं देशीचिया अक्षोणी ।
 विवेका वेर्लीची लावणी । होंदे सैध ॥ १२ ॥
 संवादफलनिधानें । प्रमेयाचिं उद्यानें ।
 लावीं म्हणे गहनें । निरंतर ॥ १३ ॥
 पाखांडाचे दरकुटे । मोडीं वाग्वाद अन्हांटे ।
 कुतर्काचिं दुष्टें । सावजें दवडीं ॥ १४ ॥
 श्रीकृष्णचरणिं माते । सर्वत्र करिं वसते ।
 राणिवे वैसवीं श्रोते । श्रवणाचिये ॥ १५ ॥
 मन्हाटियेचां नगरीं । ब्रह्मविद्येचा सुकालु करीं ।
 घणें देणें सुखचि वेन्हीं । जगा होंदेइं ॥ १६ ॥
 तूं आपुलेनि स्नेहपल्लवें । माते पांगुरवीसि सदवें ।
 तरि आतां चि हें आघवें । निर्मान मीं ॥ १७ ॥
 इये विनवणिये साठिं । अवलोकिलें गुरुद्रिष्टी ।
 ह्मणे गीतार्थेसि उठीं । न बोल वहुं ॥ १८ ॥
 येथ जी जी महाप्रसादु । ह्मणौनि सवियां जाला आनंदु ।
 आतां निरोपिजैल प्रब्रंधु । अवधान दीजो ॥ १९ ॥

अर्जुन उवाच ।

एवं सततयुक्ता ये भक्तास्त्वां पर्युपासते ।

ये चाप्यक्षरमव्यक्तं तेषां के योगवित्तमाः ॥ १ ॥

तरि सकलवीराधिराजु । तो सोमवंशु विजयध्वजु ।

बोलता जाला आत्मजु । पांडुनृपाचा ॥ २० ॥

कृष्णातें हणो अबधारिलें । आपण विश्वरूप मज दाखिलें ।
 तबं नवल हणौनि भ्यालें । चित्त माझें ॥ २१ ॥
 आणि ये कृष्णमूर्तीची सवे । हणौनि सोये धरिली जीवें ।
 तबं नको हणौनि देवें । वारिलें मातें ॥ २२ ॥
 तरि व्यक्त आणि अव्यक्त । तूंचि येक निभांत ।
 भक्ती पाविजे व्यक्त । अव्यक्त योगें ॥ २३ ॥
 या दोनी चि जी वाटा । तूतें ठाकावेया वैकुंठा ।
 व्यक्तअव्यक्ताचां दारवठां । रिगिजे येथ ॥ २४ ॥
 पै जे वानी श्येया तूकां । ते चि वेगली बाला येका ।
 हणौनि येकदेशी व्यापका । पाडु नेदखें ॥ २५ ॥
 अमृताचां सागरिं । जे लाभे सामर्थ्याची धोरी ।
 ते चि दे अमृतलहरी । चुलिं घेतलेयां ॥ २६ ॥
 हे किर माझां चित्तीं । प्रतीति आधि जी निरुती ।
 परी पूसणें योगपती । याचिलामि ॥ २७ ॥
 जें देवा तूहीं नावेक । अंगिकारिलें व्यापक ।
 तें साच किं कवतिक । हें जाणावेया ॥ २८ ॥
 तरि तुजलागि सवर्म । तूं जेयांचें परम ।
 भक्तीसि मनोधर्म । विकूनि घातले ॥ २९ ॥
 इत्यादि सवें परीं । जे भक्त तूतें हरी ।
 बांधौनियां जिन्हारीं । उपासिती ॥ ३० ॥
 आणि प्रणवापैलीकडे । वैखरीसि जें कांनडें ।
 काइसेया ही सांघडें । नव्हे जे वस्तु ॥ ३१ ॥
 तें अक्षर जी अव्यक्त । निर्देशदेशरहित ।
 सोहंभावें उपासित । योगिये जे ॥ ३२ ॥
 तेयां आणि जी भक्तां । येयां येरयेरां अनंता ।
 कवणें योगें तत्त्वता । जाणीतळा सांघें ॥ ३३ ॥

श्रीभगवानुवाच ।

मध्याद्येद्य मनो ये मां नित्ययुक्ता उपासते ।

भ्रज्या परयोपेतास्ते मे युक्ततमा मताः ॥ २ ॥

या किरीटिचिया बोला । तो विश्वव्यापकु संतोखला ।

म्हणे प्रभु पै भला । केला तुवां ॥ ३४ ॥

तारि अस्तगिरिचा उपकंठी । रिगालेया रविबिंबापाठी ।

रश्मि जैसे किरीटी । संचरति गा ॥ ३५ ॥

तैसे सर्व इंद्रियें सहित । मजमाक्षि सूनि चित्त ।

रातिदीनु न म्हणत । उपासिति जे ॥ ३६ ॥

पारि टाकिलेयांहीं सागरु । जैसा मागील यात्रा अनिवारु ।

तिये गंगेचिया ऐसा पडिभरु । प्रेमभावां ॥ ३७ ॥

वरुषाकालि सरिता । जैसी चढों लागे पांडुसुता ।

तैसी दूणे वारि भजतां । श्रद्धा दांसे ॥ ३८ ॥

येयापरि जे भक्त । आपणपें मज देंत ।

ते मी योगयुक्त । परम मानीं ॥ ३९ ॥

ये त्वक्षरमनिर्देश्यमव्यक्तं पर्युपासते ।

सर्वगमचिन्त्यं च कूटस्थमचलं ध्रुवम् ॥३॥

आणि येर ते पांडवा । जे आरुढौनि सोहंभावा ।

शौबति निरयवां । अक्षरासि ॥ ४० ॥

जेथ मनाची नाखि न लगे । तेथ बुद्धीची ही दीठि न रिगे ।

इंद्रियां किर जोगें । होईल कायि ॥ ४१ ॥

परि ध्याना हि कुवाडें । ह्मणौनि येके ठाई न संपडे ।

व्यक्तीसि माक्षिवडें । होईल कायि ॥ ४२ ॥

जेया सर्वत्र सर्वपणें । सर्विहिं कालि असणें ।

जे पाहूनि चितणें । हिंपुटी जालें ॥ ४३ ॥

जें होये ना नव्हे । जें नाहिं ना आहे ।
 जें पाहुनु उपाये । उपजति ना ॥ ४४ ॥
 जें चले ना ढले । सरे ना मैले ।
 तें आपुलेनि बलें । आंगविलें ॥ ४५ ॥

सन्नियम्येंद्रियग्रामं सर्वत्र समबुद्धयः ।

ते प्राणुषन्ति मामेव सर्वभूतहिते रताः ॥ ४ ॥

वैराग्यमहापावकें । जाळुनि विषयांचिं कटकें ।
 आधपलिपिं तवंकें । इन्द्रियें धरिलीं ॥ ४६ ॥
 मग संयमार्ची धाटी । सून मुरुडिलिं यालवटीं ।
 फोंडियलीं कपाटीं । हृदयाचां ॥ ४७ ॥
 अपानाचिया कवाडा । लाउनि आसनमुद्रा सुहाडा ।
 मूलबंधाचा हुडा । पानासिला ॥ ४८ ॥
 आसेचे लाग तोडिले । धैर्याचे कडे झाडिले ।
 निद्रेचें शोधिलें । कालवंखें पै ॥ ४९ ॥
 वज्राग्नीचां ज्वालीं । करुनु अपारां धातूंची होलीं ।
 व्याधिचां सीसालीं । पूजिलीं यंत्रें ॥ ५० ॥
 मग कुंडलणियेचा टेंभा । आंधारीं करुनि उभा ।
 तिया चोजविलिया प्रभा । निमथावेन्हीं ॥ ५१ ॥
 नवद्वाराचां चौकीं । बाणूनि संयतेचां आडवंकी ।
 उघडिली खिडकी । ककारांतीची ॥ ५२ ॥
 प्राणशक्ती चामुंडे । प्रहारुनि संकल्पमेंडे ।
 मनोह्रैषाचेनि मुंडें । बलि दीन्हली ॥ ५३ ॥
 मग चंद्रसूर्या बुझावणी । करुनि अनाहताची मुडावणी ।
 सत्रावियेचें पाणीं । जितलें वेगां ॥ ५४ ॥
 मग मध्यमामध्यविवरें । तेणें कोरिवें दादरें ।
 टाकिलें चवरें । ब्रह्मरंध्रिचें ॥ ५५ ॥

बारि मकारांत सोपान । तें सांडूनियां गहन ।
 काखे सूनि गगन । भरले ब्रह्मीं ॥ ५६ ॥
 ऐसेनि जे समबुद्धी । गिलावेया सोहंसिद्धी ।
 आंगिवीति निखधी । योगदुर्गे ॥ ५७ ॥
 आपुलिया साटोवाटी । घेंति शून्य उठाउठी ।
 तेही मातें किरीटी । पावति गा ॥ ५८ ॥

हेशोधिकतरस्तेषामव्यक्तासक्तचेतसाम् ।

अव्यक्ता हि गतिर्दुःखं देहवद्भिरवाप्यते ॥ ५ ॥

वांचूनि योगाचेनि बलें । अधिक काहिं मिले ।
 ऐसें नाहिं आगले । कष्टचि तेयां ॥ ५९ ॥
 जिहिं सकलभूताचां हितिं । निरालंब अव्यक्तीं ।
 पसरिलिया मती । भक्तीवीण ॥ ६० ॥
 तेया महेंद्रादिपदें । करीति वाटवंधें ।
 रिद्धीसिद्धीसिं द्वंद्वें । पाडौनि ठांति ॥ ६१ ॥
 कामक्रोधांचे विलग । उठावती अनेग ।
 आणि शून्येंसिं आंग । जूझावें किं ॥ ६२ ॥
 ताहाना ताहान चि पियावी । भूकैलेयां भूक चि खावी ।
 अहोरात्रि वाविं । मवावा वारा ॥ ६३ ॥
 उनीदेयाचें पड्डणें । निरोधाचें वेल्हावणें ।
 झाडेंसिं साजणें । चालावें गा ॥ ६४ ॥
 सीत वेढावें । उष्ण पांघुरावें ।
 वृष्टीचेया असावें । घरा आंतु ॥ ६५ ॥
 किंबहुना पांडवा । हा अग्निप्रवेशु नीच नवा ।
 भातारेंविण करावा । तो हा योगु ॥ ६६ ॥
 स्वामिचें काज । ना बापिकें व्याज ।
 परि यमैसिं जूझ । नीच नवें ॥ ६७ ॥

ऐसं मृत्यूद्धनि तिख । कां घोंटे जलतें विख ।
 डोंगर गीलितां मुख । न फटे काई ॥ ६८ ॥
 हणौनि योगाचिया वाटा । जे निगाले गा सूभटा ।
 त्यांसि दुःखाचा वाटा । भागासि आला ॥ ६९ ॥
 पाहे पां लोहाचे चणे । बोचरां पडती खाणें ।
 तें पोट भरणें किं प्राणें । शुद्धि हणों ॥ ७० ॥
 हणौनि समुद्र बाहीं । तरणें आधि क्हेहीं ।
 मगनामाजि पाई । खोलिजत असे ॥ ७१ ॥
 घलघलेयां थाटी । आंगिं न भरतां काठी ।
 सूर्याची पाउटी । होववे काइ गा ॥ ७२ ॥
 यालागि पांगुलां हेवा । नव्हे वायूसिं पांडवा ।
 तेवि देहवंतां जीवां । अव्यक्तिं गति ॥ ७३ ॥
 ऐसा ही जन्हीं धिवंसा । बांधौनियां आकाशा ।
 झोंबति तरि क्लेशा । पात्र होंती ॥ ७४ ॥

ये तु सर्वाणि कर्माणि मयि संन्यस्य मत्पराः ।

अनन्येनैव योगेन मां ध्यायंत उपासते ॥ ६ ॥

हणौनि येर तयांची वार्ता । परिसैं गा पार्था ।
 जे कां भक्तिपंथा । वोटंगले ॥ ७५ ॥
 कर्में इंद्रियें सुखें । करीति कर्में अशेषें ।
 जियें कां वर्णविशेषें । भोगासि आलीं ॥ ७६ ॥
 विधितें पालीत । निषेधातें गालीत ।
 मज देउनि जालीत । कर्मफलें ॥ ७७ ॥
 ऐसिया परिं पाहें । अर्जुना माझां ठाई ।
 संन्यासूनि नाहिं । करिति कर्में ॥ ७८ ॥
 आणिक जें जें सर्व । काहिं एक मानसीक माव ।
 तेयां मीं वांचूनि धावं । आनौती नाहिं ॥ ७९ ॥

ऐसे जे मत्पर । उपासिति निरंतर ।
 ध्यानमीसें घर । माझेचि जाले ॥ ८० ॥
 जेयाचिया आवडी । केली मासिं कुलवाडी ।
 भोग मोक्ष बापुडीं । त्यजिलिं कुलें ॥ ८१ ॥
 ऐसे अनन्ययोगें । विकले जिवें आंगें ।
 तेयां काइयेक सांगें । जें मीं करिं ॥ ८२ ॥
 किंबहुना धनुर्धरा । जो मातेचेया ये उदरा ।
 तिये मातेचा संवसारा । केतुला पां ॥ ८३ ॥
 तेवि मिं तेयां । जैसे असति तैसेयां ।
 कृत तें धनंजया । घेतला पाटा ॥ ८४ ॥
 माझेया आणि भक्तां । संवसारिची चिंता ।
 काइ समर्थाची कांता । भूकेतें शोची ॥ ८५ ॥
 तैसे ते माझे । कलत्र ऐसें जाणिजे ।
 काइसेनि हिं न लजें । तेयाचेनि मीं ॥ ८६ ॥
 तेयां जन्मृत्युचां लाटीं । झळवली हे सृष्टी ।
 देखौनियां पोटीं । ऐसें जालें ॥ ८७ ॥
 तारि या सिंधूचेनि माजें । कवणासि धाकु नुपजे ।
 येथ झनें माझे । भितिल हान ॥ ८८ ॥
 म्हणौनि गा पांडवा । मूर्तिचा मेलावा ।
 करूनियां गावां । धावतु आलों ॥ ८९ ॥
 सडे जे देखिले । ते ध्यानाचिये कासे लाविले ।
 शुहीं घातले । क्रियांतारिं ॥ ९० ॥
 नामाचां सहस्रवेन्हीं । नावा इया अवधारि ।
 सज्जुनि संवसारिं । तासूं जालां ॥ ९१ ॥
 प्रेमाचिं पेटिं । बांधलिं येकाचां पोटीं ।
 मग नीणिले तटीं । सायुज्याचां ॥ ९२ ॥

परि भक्तांचेनि नावें । चतुष्पदादीक आघवे ।
वैकुंठिचिये राणिवे । योग्य केले ॥ ९३ ॥

तेषामहं समुद्धर्ता मृत्युसंसारसागरात् ।
भवामि न चिरात्पार्थ मय्यावेशितचेतसां ॥ ७ ॥

म्हणौनि गा भक्तां । नाहिं येकिही चिंता ।
तेयातें समुद्धर्ता । मीं सदा आधि ॥ ९४ ॥
आणि जेधवां चि भक्तीं । दीधलिया मज मती ।
तेव्हां चि मज सूती । तेयाचां हितिं ॥ ९५ ॥

मय्येव मन आधत्स्व मयि बुद्धिं निवेशय ।
निवसिष्यसि मय्येव अत ऊर्ध्वं न संशयः ॥ ८ ॥

एया कारणें तुवां । हा मंत्र धनंजया ।
कीजे जें येया । मार्गा भजिजे ॥ ९६ ॥
तरि मन हें येक । माझां स्वरूपीं वृत्तिक ।
करूनि घालीं आणिक । बुद्धी ही हे ॥ ९७ ॥
इयें दोन्ही सरिसिं । मजमाजि प्रेमेंसिं ।
रिगालीं तरि पावसी । मातें चि तूं गा ॥ ९८ ॥
जारि मने बुद्धि इहिं । घर केलें माझां ठाई ।
तारि सांघें मग काइ । तूपण ऊरे ॥ ९९ ॥
म्हणौनि दिवा पालवे । सर्वें चि तेज मालहवे ।
कां रविबिंबासर्वें । प्रकाशु जाये ॥ १०० ॥
उचललेया प्राणासरिसिं । इंद्रियें निगति जैसीं ।
तैसा मनबुद्धीपासिं । अहंकारु ये ॥ १ ॥
हणौनि माझां स्वरूपीं । मनबुद्धि हे निक्षेपी ।
एतुलेनि सर्वव्यापीं । मी चि होंसि ॥ २ ॥
येया बोला काहिं । अनारिसें नाहिं ।
आपुली आण पाहिं । बांतु असें ॥ ३ ॥

अथ चित्तं समाधातुं न शक्नोषि मयि स्थिरम् ।
अभ्यासयोगेन ततो मामिच्छाप्तुं धनंजय ॥ ९ ॥

अथवा हैं चित्त । मनबुद्धीसहित ।
माझां हातिं अचुंबित । न शकसि देवों ॥ ४ ॥
तरि गा येतुके करीं । यां आठां पाहारां भीतरी ।
एक निमिषभरी देतु । जाये ॥ ५ ॥
मग जें जें निमिष । देखैल माझे सुख ।
तेतुलालें आरोचक । विषइं येईल ॥ ६ ॥
जैसा शरत्कालु निगे । आणि सरिता वोहतों लागे ।
तैसें काढैल वेगें । प्रपंचौनि ॥ ७ ॥
मग पुनिवेहोनि जैसें । शशिर्विवा दिहें दीसें ।
हारपत अवंसे । नाहिं चि होए ॥ ८ ॥
तैसें भोगाआंतूनि निगतां । चित्त मजमाझि रिगतां ।
हळहळू पांडुसुता । मी चि होंसि ॥ ९ ॥
आगा अभ्यासयोगु ह्यणिजे । तो हा येकु जाणिजे ।
येणें कांइयेक न निफजे । ऐसें नाहिं ॥ ११० ॥
येयाचेनि बलें । येकां गती अंतरालें ।
व्याघ्रसर्प प्रांजलें । केले एकीं ॥ ११ ॥
विष किं आहारिं पडे । समुद्रीं मध्ये वाट जोडे ।
एकिं वाग्रहस थोडे । अभ्यासें केडे ॥ १२ ॥
ह्यणौनि अभ्यासासि काहिं । सर्वथा दुष्कर नाहिं ।
यालागि माझां ठांड । अभ्यासें मील ॥ १३ ॥

अभ्यासेऽप्यसमर्थोऽसि मत्कर्मपरमो भव ।

मदर्थमपि कर्माणि कुर्वन् सिद्धिमवाप्स्यसि ॥ १० ॥

कां अभ्यासाहीलागि । नाहिं कसु तूझां आंगि ।

तरि आहासि जिया भंगीं । तियाचि अस ॥ १४ ॥

इन्द्रिये न कौडिं । भोग न तोडिं ।
 अभिमानु न संडी । स्वजातीचा ॥ १५ ॥
 कुलधर्मु चालिं । विधिनिषेधु पालिं ।
 सुखें तुज सरली । दीन्हली असे ॥ १६ ॥
 पण मनें वाचा देहें । जैसा जो व्यापारु होए ।
 तो मी कारितु आहें । ऐसें न ह्यण ॥ १७ ॥
 करणें कां न करणें । आघवें तो चि जाणे ।
 विश्व चलिजत असे जेणें । ऐसें जाण ॥ १८ ॥
 उणेया पुरेयाचें काहिं । उरों नेंदीं आपुलां ठांडें ।
 संजात चि करुनि घेइं । जीवित हें ॥ १९ ॥
 मालियें जेउतें नेलें । तेउतें निवांत चि गेलें ।
 तेया पाणियां ऐसें जालें । नाठवे हें ॥ २० ॥
 तें यन्हविं तन्हीं सूभटा । हें उजू कां अन्हांटा ।
 या व्यर्थ खटपटा । करित आहे ॥ २१ ॥
 तरि प्रवृत्ति आणि निवृत्ति । यियें बोझिं नेंघों मती ।
 अखंड चित्तवृत्ति । आठवों मी ॥ २२ ॥
 आणि जें जें कर्म निफजे । तें थोडें बहूत न ह्यणिजे ।
 निवांत चि अर्पिजे । माझां ठांडें ॥ २३ ॥
 ऐसिया मद्भावना । तनूल्यागिं अर्जुना ।
 तूं सायुज्यसिद्धसदना । त्रिशुद्धी एंसी ॥ २४ ॥

अथैतदप्यशक्तोऽसि कर्तुं मद्योगमाश्रितः ।

सर्वकर्मफलत्यागं ततः कुरु यतात्मवान् ॥ ११ ॥

नातरि हें इं तुज । नेंदवे कर्म सहज ।
 तेन्हीं गा तूं मज भज । पांडुसुता ॥ २५ ॥
 बुद्धीचिये पाठिं पोठिं । कर्मा आदिसेवटीं ।
 मातें बांघळें किरीटी । दुआड जरि ॥ २६ ॥

तारि हेहि असो । सांडी माझा अतिसो ।
 परि संयतिसीं बसो । बुद्धि भार्गी ॥ २७ ॥
 आगा वृक्षा कां वळ्डी । लोटति फलें पीकलीं ।
 तैसिं सांडिं निफनलिं । कर्मै सिद्धें ॥ २८ ॥
 परि मातें मनिं धरावें । कां मजउदेशें करावें ।
 हें काहीं चि नोको आघवें । जावों दे शून्य ॥ २९ ॥
 खडकिं जैसें वरिषलें । कां अग्नीमाजि पेरिळें ।
 कर्म मानीं देखिलें । स्वप्न जैसें ॥ १३० ॥
 आगा आत्मजेचां त्रिखिं । जैसा जीउ निराभिलाषी ।
 तैसा कर्मि अशेषिं । निष्कामु होये ॥ ३१ ॥
 बन्हिची ज्वाला जैसी । वायां जाये आकासिं ।
 क्रिया जिरों दे तैसी । शून्यामाजि ॥ ३२ ॥
 अर्जुना हा फलत्यागु । आवडे कीर आसलगु ।
 परि योगामाजि योगु । धूरेचा हा ॥ ३३ ॥
 येणें फलत्यागें सांडे । तें तें कर्म न विरुढे ।
 येके चि वेले झाडें । वांझें जैसें ॥ ३४ ॥
 तैसें येणें शरीरें । शरीरा येणें सरें ।
 किंबहुना यरिझारे । चीरा पडे ॥ ३५ ॥

श्रेयो हि ज्ञानमभ्यासाज्ज्ञानाद्ध्यानं विशिष्यते ।

ध्यानात्कर्मफलत्यागस्त्यागाच्छान्तिरनन्तरम् ॥ १२ ॥

पै अभ्यासाची पाउटी । करुनि टाकिजे किरीटि ।
 ज्ञानें येइजे भेटी । ध्यानाचिये ॥ ३६ ॥
 मग ध्यानेसिं खेवं । देंति आघवे चि भाव ।
 तेधवां कर्मजात सर्व । दूरि ठाके ॥ ३७ ॥
 कर्म जेथं दुरावे । तेथ फलत्यागु संभवे ।
 त्यागातव आंगवे । शांति सकला ॥ ३८ ॥

झणौनि यावेया शांती । हा चि क्रमु गा सुभद्रापती ।
 अभ्यासू चि प्रस्तुति । कारण येथ ॥ ३९ ॥
 अभ्यासाहूनु गहन । पार्था मग ज्ञान ।
 ज्ञानापासूनि ध्यान । विशेषिजे ॥ १४० ॥
 मग कर्मफलत्यागु । तो ध्यानापासौनि चांगु ।
 त्यागातव भोगु । शांतिसुखाचा ॥ ४१ ॥
 ऐसिया एया वाटा । इहि चि पेणा सूभटा ।
 शांतिचा माजिवटा । टाकिला जेणें ॥ ४२ ॥

अद्वेष्टा सर्वभूतानां मैत्रः करुण एव च ।

निर्ममो निरहंकारः समदुःखसुखः क्षमी ॥ १३ ॥

जो सर्व भूताचां ठांड । द्वेषातें नेणे काहिं ।
 आप पर नाहिं । चैतन्या जैसा ॥ ४३ ॥
 उत्तमातें धरिजे । अधमातें अब्हेरिजे ।
 हें काहिं चि नेणिजे । वसुधा जेवि ॥ ४४ ॥
 रायाचें देह चाळ । रंकातें परउतें गाळ ।
 हें नेणे चि कृपाळ । प्राणु पै गा ॥ ४५ ॥
 गाइची तृषा हरं । व्याघ्रा विष होउनि मारं ।
 हें नेणे चि करं । तोय जैसें ॥ ४६ ॥
 घरिचिया उजियेड करावा । पारखेया आंधारु होआवा ।
 हें न म्हणे चि पांडवा । दीपु जैसा ॥ ४७ ॥
 ऐसी सर्व भूतमात्रिं । येकपणाची मैत्री ।
 कृपेची धात्री । आपण जो ॥ ४८ ॥
 आणि मी हे भाष नेणे । माझे काहिं चि न म्हणे ।
 सुख दुःख जाणणें । नाहिं जेया ॥ ४९ ॥

संतुष्टः सततं योगी यतात्मा दृढनिश्चयः ।

मय्यर्पितमनोबुद्धिर्योमङ्गलः स मे प्रियः ॥ १४ ॥

तेविं चि क्षमे लागि । पृथ्वीचा पवाडु आंगिं ।
 संतोषा उत्संगिं । घर दीन्हले ॥ १५० ॥
 वरिषायें वीण सागरु । जलें जैसा निर्भरु ।
 तैसा निरउपचारु । संतोषिया जो ॥ ५१ ॥
 वाउनि आपुली आण । धरी अंतष्करण ।
 निश्चया साचपण । जेयाचेनि ॥ ५२ ॥
 जीउ परमात्मा दोन्हीं । बैसौनि एका आसनिं ।
 जेयाचां हृदयभुवनीं । विराजति ॥ ५३ ॥
 ऐसा योगसमृद्धी । होउनि जो निरवधीं ।
 अर्पिति मनोबुद्धि । माझां ठांड ॥ ५४ ॥
 आंतु बाहिरि योगु । निर्वाळला चांगु ।
 माझा अनुरागु । सप्रेमु जेया ॥ ५५ ॥
 अर्जुना तो चि भक्तु । तो चि योगी मुक्तु ।
 तो वल्लभा मी कांतु । ऐसा पढियें ॥ ५६ ॥
 हें नां तो आवडे । जीवाचेनि पाडें ।
 हें इ येथ थोडें । रूप करणें ॥ ५७ ॥
 पढियंतेयाची काहाणी । हें भूलिची भारणी ।
 येथीनि बोलणीं । बोलवती ॥ ५८ ॥
 क्षणींनि गा आहां । वेगिं आली उपमा ।
 यन्हविं काइ प्रेमा । उपमा असे ॥ ५९ ॥
 आतां असो हें किरीटि । प्रियाचिया गोठी ।
 दूणा धाउं ऊठी । आवडि गा ॥ १६० ॥
 तेया ही वरि विपाबें । प्रेमळ संवादियें होये ।
 तरि तिये गोडिये कस आहे । कांटालें गा ॥ ६१ ॥
 क्षणौनि गा पार्था । तूं चि प्रियु आणि श्रोता ।
 वरि प्रियाची वार्त्ता । प्रसंगें आली ॥ ६२ ॥

तरिं आतां बोलों । भलेया सुखा मीनलों ।
ऐसें हणौनि डोलों । लागले देउ ॥ ६३ ॥

यस्मान्नोद्विजते लोको लोकान्नोद्विजते च यः ।
हर्षामर्षभयोद्वेगैर्मुक्तो यः स च मे प्रियः ॥ १५ ॥

मग हणे जाण । तेयाचें लक्षण ।
जेया मीं अंतष्करण । बैसों घाली ॥ ६४ ॥
तरि सिंधूचेनि माजें । जलचरां भय नुपजे ।
आणि जलचारिं नु बुजे । समुद्रु जैसा ॥ ६५ ॥
तेवि उन्मत्तें जगें । जेयासि खंति न लगे ।
आणि जेयाचेनि आंगें । न सिणें लोकु ॥ ६६ ॥
किंबहुना पांडवा । शरीर जैसें अवयवां ।
तैसा नुभगे जीवा । जिवपणें जो ॥ ६७ ॥
हें जग चि देह जालें । म्हणौनि प्रियाप्रीय गेलें ।
हर्षामर्ष ठेले । दूरि जेया ॥ ६८ ॥
ऐसा जो द्वंद्वमुक्तु । भयोद्वेगरहितु ।
एया ही वरि भक्तु । माझां ठांइ ॥ ६९ ॥
तरि तेयाचा गा मज मोहो । काय सांघों तो पढियो ।
हें असो जियें जीवो । माझेंनि तो ॥ १७० ॥
जो निजानंदें धाला । परिणामां आयुष्य आला ।
पूर्ण तेजाला । बल्लभु तो ॥ ७१ ॥
जेयाचां ठांइ पांडवा । अपेक्षे नाहिं रिगावां ।
सुखासि चढावा । जेयाचें असणें ॥ ७२ ॥
गंगा शुचि होये । पाप ताप जाये ।
परि तेथ आहे । बुडणें येक ॥ ७३ ॥

अनपेक्षः शुचिर्दक्ष उदासीनो गतन्वयः ।
सर्षारंभपरित्यागी यो मज्जकः स मे प्रियः ॥ १६ ॥

मोक्ष देउनि उदार । कासी होये किर सधर ।
 परि वेचावें लागे शरीर । तिये गाविं ॥ ७४ ॥
 हिमवतिं दोष जाये । परि तेथ जीविताची हाणि होए ।
 तैसें सुचित्त मन्हे । सज्जनाचें ॥ ७५ ॥
 खोलिये पारु नेणिजे । तन्हीं संतीं न बुडिजे ।
 रोकडेया आणि लाहिजे । मोक्षु फुका ॥ ७६ ॥
 संतांचेनि आंगळगें । पापातें जिणणें गंगे ।
 तेयांचें मिं सांगें । सुचित्तव कैसैं ॥ ७७ ॥
 ह्यणुनु असो जो ऐसा । शुचित्तवें तीर्थी कुवांसा ।
 जेणें लंघविलें दिशा । मनोमल ॥ ७८ ॥
 आंतु बाहिरि चोखालु । सूर्यु जैसा निर्मलु ।
 आणि तत्वार्थीचा पायल्लु । देखणा जो ॥ ७९ ॥
 व्यापक आणि उदास । जैसैं हें आकाश ।
 तैसें जेयाचें मानस । सर्वगत ॥ १८० ॥
 जो सर्वसारव्यथा फीटला । निरास्यें निबडला ।
 फांसाडूनि सूटला । विहंगु जैसा ॥ ८१ ॥
 तैसा संततु स्वसुखें । कव्हणी चटवंच ने दखे ।
 नेणिजे गतायुष्यें । लजा जैसी ॥ ८२ ॥
 आणि कर्मरंभा लागि । जेया अहंकाति नाहि आंगि ।
 जैसा निरंधनि विण आगी । विज्ञणें चि उरे ॥ ८३ ॥
 तैसा उपशमू चि भागा । जेयासि आला पै गा ।
 जो मोक्षाचिया आंगा । लिहिला जैसा ॥ ८४ ॥
 अर्जुना हा ठावो बेन्हीं । सोहंभावसरोवरी ।
 इताकां पडली तीरी । उतरों सरला ॥ ८५ ॥
 किं भक्तिसुखा लागि । आपण चि जाला दों भागी ।
 वाटूनियां आंगि । सेवकै बाणी ॥ ८६ ॥

येरा नाव मी ठेंवी । मज भजतेया वोज बरवी ।
 न भजतेया दावी । योगियां जो ॥ ८७ ॥
 तेया आम्हां वेसन । आमचें तो निधान ।
 किंबहुना समाधान । तो मिले तैं ॥ ८८ ॥
 तेया लागि रूपा येणें । तेयाचेनि एथ असणें ।
 तेया लोण कीजे प्राणें । ऐसा पढियें ॥ ८९ ॥
 जो आत्मलाभा सारिखें । गोमटें काहिं चि ने दखे ।
 आणि भोगविशेषें । हरिषैजेना ॥ १९० ॥
 आपण चि विश्व जाला । तारि भेदभाउ गेला ।
 हणौनि द्वेष दूरि ठेला । जेया पुरुषा ॥ ९१ ॥

यो न हृष्यति न द्वेष्टि न शोचति न काङ्क्षति ।
 शुभाशुभपरित्यागी भक्तिमान्यः स मे प्रियः ॥ १

पै आपुलें जें साचें । तें कल्पांति हिं न वचे ।
 हें जाणूनि गतांचें । न शोची जो ॥ ९२ ॥
 जेया परौतें नाहिं । तें जाला आपुलां ठांइ ।
 या लागि काहिं । आकांक्षी ना ॥ ९३ ॥
 षोखटें ना गोमटें । या काइसेया ही न भेटे ।
 राति देउ न घटे । सूर्यु जैसा ॥ ९४ ॥
 ऐसा बोधू चि केवळ । होउनियां निश्चळ ।
 पाव्रारि भजनशील । माझां ठांइ ॥ ९५ ॥
 तरि तेया ऐसें दुसरें । आम्हां पढियंतें सोयरें ।
 नाहिं गा साचोकारें । तूझी आण ॥ ९६ ॥

समः शत्रौ च मित्रे च तथा मानापमानयोः

स्त्रीतोष्णसुखदुःखेषु समः संगविवर्जितः ॥ १८

पार्था जेयाचां ठांइ । वैषम्याची परि नाहिं ।
 रिपुमित्रां दोन्हीं । सरिसा पाडु ॥ ९७ ॥

जो खांडावेया घा३० घाली । कां लावणी जेणें केली ।
या दोघां येकि चि साउली । वृक्ष जैसा ॥ ९८ ॥
नातारि इक्षुदंडु । पालितेया गोडु ।
गालितेया ही तो चि पाडु । येकु चि गा ॥ ९९ ॥
अरिमित्रासिं तैसा । अर्जुना जेया भाव ऐसा ।
मानापमानीं सरिसा । होतु जाए ॥ २०० ॥
साइं रितुं समान । जैसें कां हें गगन ।
तैसें येक जि मान । शीतोष्णीं जेया ॥ १ ॥
दक्षिणोत्तर मारुता । मेरु जैसा पांडुसुता ।
तैसा सुखदुःखां प्राप्तां । मध्यस्तु जो ॥ २ ॥
माधुर्ये चंद्रिका । सरिसी चि राया रंका ।
तैसा जो सकलिकां । भूतां समु ॥ ३ ॥
आघवेयां येक । सेव्य जैसें उदक ।
तैसें जेयातें लोक । आसंसीति ॥ ४ ॥

तुल्यनिंदास्तुतिमौनी संतुष्टो येनकेनचित् ।

अनिकेतः स्थिरमतिर्भक्तिमान्मे प्रियो नरः ॥ १९ ॥

जो सबाह्यें संगु । सांडूनियां लागु ।
येकाकी असंगु । आंगिं सूनि ॥ ५ ॥
जो निंदेतें नेघे । स्तुतितें न श्लाघे ।
आकाशा न लगे । लेपु जैसा ॥ ६ ॥
तैसा निंदे आणि स्तुती । मानु करुनु येका पांती ।
विचारें प्राणप्रवृत्ती । जनिं मौनीं ॥ ७ ॥
साच लटिकें दोन्हीं । न बोलैल मौनिं ।
भोगितां उन्मनीं । आराय ना ॥ ८ ॥
जो यथालाभें तोखे । अलाभें हिं न पारुखे ।
पाउसें विण न सुके । समुद्र जैसा ॥ ९ ॥

अग्नि वायुसि येके ठांड । बिठार जैसे नाहिं ।
 तैसा न धरी चि केहीं । आश्रयो जो ॥ २१० ॥
 हें विश्व चि माझे घर । ऐसी मति जेयाची स्थिर ।
 किंबहुना चराचर । आपण जाला ॥ ११ ॥
 एया वरि पार्था । माझां भजनीं आस्था ।
 तरि तेयातें मीं माथां । मुगुट्टु करीं ॥ १२ ॥
 उत्तमासि मस्तक । खालविजे हें काये कवतिक ।
 हा मानु करिति लोक । पायवणियां ॥ १३ ॥
 तरि श्रद्धावस्तूसि आदरु । करितां जाणिजे प्रकार ।
 जरि होये श्रीगुरु । सदाशिव ॥ १४ ॥
 तरि हें असो आतां । महेशातें वानितां ।
 आत्मस्तुति करितां । संचारु असे ॥ १५ ॥
 येयालागि हें । म्हणितलें रमानाहें ।
 अर्जुना मी वाहें । सिरिं जेयातें ॥ १६ ॥
 जो पुरुषार्थसिद्धि चौथी । घेउनि आपुलां हातिं ।
 रिगाला भक्तिपंथीं । जगा देंत ॥ १७ ॥
 कैवल्याचा अधिकारी । सोडि बांधि मोक्षाची करी ।
 किं जलाचिया परीं । तलवट घे ॥ १८ ॥
 ह्यणौनि तो नमस्कारं । तेयातें मुगुट्टु करूं ।
 तेयाचे टांक धरूं । कंठिं आसिं ॥ १९ ॥
 तेयाचेया गुणाचीं लेणीं । लेवउं आपुलां वाणीं ।
 तेयाची कीर्ति श्रवणीं । आइकों आसिं ॥ २२० ॥
 तो पाहावा हे डोहले । ह्यणूनि अचक्षू मज डोले ।
 हातिचेनि करकमलें । पूजीं जेयातें ॥ २१ ॥
 दो वरि दोनि । भुजा आलों घेउनि ।
 आळिंगावेया लागौनि । तेयाचें आंग ॥ २२ ॥

तेया संगचेनि सुरवाडे । आह्लां देहधरणें घडे ।
 किबहुना आवडे । निरोपमु ॥ २३ ॥
 तेया आह्लां मैत्र । येथ काइसें पां चित्र ।
 परि तेयाचें हिं चरित्र । आधिकति जे ॥ २४ ॥
 ते ही प्राणा परौते । आवडति हें निरुतें ।
 जे भक्तिचरित्रातें । आसंसीति २५ ॥

ये तु धर्म्यामृतमिदं यथोक्तं पर्युपासते ।
 अहधाना मत्परमा भक्तास्ते तीव्र मे प्रियाः ॥ २० ॥

जें हें साद्यंत । सांघितलें तुज प्रस्तुत ।
 भक्तियोगसंमत । योगरूप ॥ २६ ॥
 मी प्रीतीतें करीं । कां मनीं सिरसा धरीं ।
 येवढी धोरी । जेया स्थिती ॥ २७ ॥
 ते हे गोठि रम्य । अमृताधारधर्म्य ।
 प्रेरीति प्रतीतिगम्य । आइकौनि जे ॥ २८ ॥
 परि निरोपिली जैसी । तिया स्थिति रमत मानसिं ।
 मग सुक्षेत्रिं जैसी । पेरणी जाली ॥ २९ ॥
 तारं श्रद्धा करुनि आदरें । जेयांचा ठांडं विस्तारे ।
 जीविं जेयां थारे । अनुष्ठिती ॥ २३० ॥
 पार्था गा जर्गी । भक्तु तो चि योगी ।
 उक्कठा तेयां लागि । सदा मज ॥ ३१ ॥
 तो तीर्थ तो क्षेत्र । जर्गी तो चि पवित्र ।
 भक्तिकथेसि मैत्र । जेयां पुरुषां ॥ ३२ ॥
 जो सुरसाह्यें सील । लोकललनलील ।
 प्रणतिप्रतिपाल । खेळु जेयाचा ॥ ३३ ॥
 जो भक्तवत्सल । प्रेमलप्रांजल ।
 सत्यसेतुसकल । कलानिधी ॥ ३४ ॥

आक्षि करं तेयाचें ध्यान । तो आमचें देवतार्चन ।
 तें वांचूनि आन । गोमटें न मनूं ॥ ३५ ॥
 तेया आह्ला वेसन । आमचें तो निधान ।
 किंबहुना समाधान । तो मिलें तो ॥ ३६ ॥
 प्रेमलाचेया वार्त्ता । जे अनुमोदिती पांडुसुता ।
 ते देखों परदेवता । आपुली जैसी ॥ ३७ ॥
 ऐसें निजजनानंदें । तेणें जगदादिकदें ।
 बोलिलें मुकुंदें । संजयो ह्मणे ॥ ३८ ॥
 राया जो निजनिर्मलु । निष्कलु लोककृपालु ।
 शरणगतां स्नेहालु । शरण्य जो ॥ ३९ ॥
 जो धर्मकीर्त्तिढवलु । अगाध दातृत्वे सरलु ।
 अतिबलु प्रबलु । बलिबंधनु ॥ २४० ॥
 तो कृष्णुजी वैकुंठीचा । चक्रवर्त्ती निजाचा ।
 सांघे एरु दैवांचा । आइकतु असे ॥ ४१ ॥
 आतां एया वरी । निरोपिती परी ।
 संजयो ह्मणे अवधारी । धृतराष्ट्रातें ॥ ४२ ॥
 ते चि रसालकथा । मन्हाटिया प्रतीतीपंथा ।
 आणिजैल आस्था । अवधारिजो ॥ ४३ ॥
 ज्ञानदे३० ह्मणे तुहीं । संत वोलगावेति हें मीं ।
 पढविलां स्वामीं । निवृत्तिनाथें ॥ २४४ ॥

ॐ ॥ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे भक्ति-
 योगो नाम द्वादशोऽध्यायः ॥१२॥

ज्ञानेश्वरी

अध्याय तेरावा

श्रीगणेशायनमः ॥

केलेयां स्मरण । सकळ विद्यांचें अधिकरण ।
ते वंदूं चरण । श्रीगुरूचे ॥ १ ॥
जेयांचेनि आठवे । शब्दसृष्टि आंगवे ।
सारस्वत आघवें । जीभेसि ये ॥ २ ॥
वक्तृत्व गोडपणें । अमृतातें पारु क्षणे ।
रस होंति उल्लगणे । अक्षरांचे ॥ ३ ॥
भावांचें अवतरण । अवतरवीति खुण ।
हाता चढे संपूर्ण । तत्वभेदु ॥ ४ ॥
श्रीगुरूचे पाए । हृदय गवसूनि ठाए ।
तैं एवडें भाग्य होए । उन्मेपासि ॥ ५ ॥

अर्जुन उवाच ॥

प्रकृतिं पुरुषं चैव क्षेत्रं क्षेत्रज्ञमेव च
एतद्वेदितुमिच्छामि ज्ञानं ज्ञेयं च केशव ॥ १ ॥
तेथ अर्जुनु क्षणे प्रकृतिपुरुष । क्षेत्रञ्च आणि क्षेत्रविशेष
हें तुज पासाव अशेष । इच्छितु असें जाणों ॥ ६ ॥
४९

श्रीभगवानुवाच ॥

इदं शरीरं कौंतेय क्षेत्रमित्यभिधीयते ॥

एतद्यो वेत्ति तं प्राहुः क्षेत्रज्ञमिति तद्विदः ॥ २ ॥

तो नमस्कारं आतां । पितामहाचा पिता ।

लक्ष्मीयेचा भर्ता । ऐसें हाणे ॥ ७ ॥

पार्था परिसिजे । देह हें क्षेत्र हाणिजे ।

हें जाणें तो बोलिजे । क्षेत्रज्ञु गा ॥ ८ ॥

क्षेत्रज्ञं चापि मां विद्धि सर्वक्षेत्रेषु भारत ॥

क्षेत्रक्षेत्रज्ञयो ज्ञानं यत्तज्ज्ञानं मतं मम ॥ ३ ॥

तरि क्षेत्रज्ञु येथें । तो मो चि निरुतें ।

जो सर्व क्षेत्रांतें । संगोपुनु असे ॥ ९ ॥

आणि क्षेत्रक्षेत्रज्ञातें । जाणणें जें निरुतें ।

ज्ञान ऐसें तेयातें । मानूं आह्मीं ॥ १० ॥

तत्क्षेत्रं यच्च यादृक्च यद्विकारि यतश्च यत् ॥

स च यो यत्प्रभावश्च तत्समासेन मे श्रुणु ॥ ४ ॥

तरि क्षेत्र एणें नावें । शरीर जेणें भावें ।

हाणितलें तें आव्रवें । सांत्रों आतां ॥ ११ ॥

हें क्षेत्र कां हाणिजे । कैसें हें कें उपजे ।

कवण कवणीं वाहिजे । विकारीं एथ ॥ १२ ॥

हें आंवुठ हात मोटकें । किं केवडें पां केतुकें ।

बरड किं पीकें । कवणाचें हें ॥ १३ ॥

इत्यादि सर्व । जे एयाचे प्रभाव ।

ते बोलिजति साजीव । अवधान दीजो ॥ १४ ॥

ऋषिभि बंधुधा गीतं छंदोभि विविधैः पृथक् ॥

ब्रह्मसूत्रपदैश्चैव हेतुमद्भि विनिश्चितैः ॥ ४ ॥

पै या चि स्थला कारणें । श्रुतीं सदा बोत्राणें ।
 तर्कु एणें चि ठीकरणें । तोंडौता केला ॥ १५ ॥
 चालितां हे चि बोली । दर्शनें सेवटा आळि ।
 तें चि नाहि बुझावलि । अझुइं द्वंद्वें ॥ १६ ॥
 शास्त्रांचिये सोडरि के । विचारिलीं एणें चि एकें ।
 एयाचेनि एकवकें । जगासि वादू ॥ १७ ॥
 तोंडेंसि तोंडा न फडे । बोलेंसि बोला न घडे ।
 एया गुंती बडवडे । त्राये जाली ॥ १८ ॥
 नेणों कोणाचें हें स्थल । परि कैसें अभिलाखाचें बळ ।
 जें घरोघरीं कपाल । पीटवीतसे ॥ १९ ॥
 नास्तिकां देयावेया तोंड । वेदांचें गाढें बंड ।
 तें देखौनि पाखंड । आन चि वाजे ॥ २० ॥
 हणें तू निर्मूळ । लटकें वागजाल ।
 ना हणसी तरि पोफळ । घातलें असे ॥ २१ ॥
 पाखंडाचेया कडे । नागिचि लुंचिति मुंडें ।
 नियोजिळीं वितडें । ताला येति ॥ २२ ॥
 मृत्युबलाचेनि माजें । हें जाइल विग काजें ।
 तें देखौनि व्याजें । निगाले योगी ॥ २३ ॥
 मृत्यूंसि आघाइलें । तिहिं निरंजन सेविलें ।
 यमदमाचे केले । मेले पुरे ॥ २४ ॥
 येणें चि क्षेत्राभिमानें । राज्य त्यजिळें ईशानें ।
 गुंति जीणौनि स्मशानें । वसों आदरिलीं ॥ २५ ॥
 ऐसिया पैजा महेशा । पांगुरणें दाही दिशा ।
 लांचकरु हणौनि कोलिसा । कामु केला ॥ २६ ॥
 पै सत्यत्रोकनाथा । वदनें आलीं बळार्था ।
 तन्हीं तो सर्वथा । जाणे चि ना ॥ २७ ॥

एक हणति हें स्थल । जीवाचें चि समूल ।
 मग प्राणु हें कुल । तेयाचें एथें ॥ २८ ॥
 जें प्राणाचां घारें । आंगें रावते भाऊ च्यारी ।
 आणि मना ऐसा आवरी । कुळवाडिकारु ॥ २९ ॥
 तेयातें इंद्रियत्रैलांची पेटी । न हणणे अवसिपाहाटि ।
 त्रिपयक्षेत्रीं आटि । काढी भली ॥ ३० ॥
 मग विधिची वाप चुकवी । अन्याइं विं वाहवी ।
 कुकर्माचा करवी । राबु जरि ॥ ३१ ॥
 तरि तेया चि सारिखें । असंभड पाप पीके ।
 जन्मकोडी दुःखें । भोगवी जीउ ॥ ३२ ॥
 नातारि विधिचेये वापे । सत्क्रिया विं आरोपे ।
 जन्मशतमापें । सुख चि मविजे ॥ ३३ ॥
 तवं एक हणति हें न्हये । हें जीवाचें न हणार्थें ।
 आमतें पूसावें । क्षेत्राचें इया ॥ ३४ ॥
 जीव एथ उखिता । वास्तिकरु वांटे जांता ।
 आणि प्राणु हा बलौता । हणौनि जागे ॥ ३५ ॥
 अनादि जे प्रकृति । सांख्य जीतें गांति ।
 क्षेत्र हे वृत्ति । तियेची जाण ॥ ३६ ॥
 आणि तियेंतें चि आववा । आधि घरमेलावा ।
 हणौनि वाहिवां । घरीं वाहे ॥ ३७ ॥
 बाह्यांचिये राहाटी । मुदल तीव शृष्टी ।
 ते तियेचां पोटीं । जाले गुण ॥ ३८ ॥
 रजोगुणु पेरी । तेतुलें सत्व सोंकरी ।
 एकलें तम करी । सावगणी ॥ ३९ ॥
 रचून महत्त्वाचें खलें । मली एकें चि काळुगेनि पोलें ।
 तेथ अव्यक्ताची मिले । सांजे भली ॥ ४० ॥

तवं एकं मतिवर्ती । या बोलाचिया खंती ।
 झणितलें एया चांधी । अर्वाचीना ॥ ४१ ॥
 हां हो परतत्वा आंतु । केउती प्रकृतीची मातु ।
 हा क्षेत्रवृत्तांतु । उगेयां आइकां ॥ ४२ ॥
 शून्यसेजसालिये । सुलीनतेचिये तूलिये ।
 नीद केली होंती बलियें । संकल्पें येणें ॥ ४३ ॥
 तो अवसांत चेइला । उद्यमीं सदैउं भला ।
 झणौनि ठेवा जोडला । इछे सवें ॥ ४४ ॥
 निरालंबिची वाडी । त्रिभुवना एवडी ।
 हे तिथेचिया जोडी । रूपा आली ॥ ४५ ॥
 महाभूतांचे एकावट । सैरा वेंटालु उभाट ।
 भूतप्रामाचे आघाट । चिरिले न्या-ही ॥ ४६ ॥
 यावरि आदिं । पंचवटिकांची बांधी ।
 बांधली होती प्रभेदिं । पांचभूतिकिं ॥ ४७ ॥
 कर्मा अकर्माचे गुंढे । घातले दोहिं कडे ।
 नपुंसकें बरडें । रानें केलिं ॥ ४८ ॥
 तेथ येरिझारि लागि । जन्ममृत्यूंची सुरंगी ।
 मुवाळली चांगी । संकल्पें एणें ॥ ४९ ॥
 मग अहंकारसिं एकावदी । करूनि जीविता अवधी ।
 वाहिलें बुद्धी । चराचर ॥ ५० ॥
 इया परिं निरालीं । वाढे संकल्पाची डाली ।
 झणौनि तो मूली । प्रपंचा इया ॥ ५१ ॥
 ये मतमुगुतकिं । पढिगाइलें आणिकिं ।
 झणति हां हो विवेकी । तन्हीं तुझि ॥ ५२ ॥
 परतत्वाचां गाविं । संकल्पाची सेज देखावी ।
 तारिं कां पां न मनावी ! प्रकृति तेयाची ॥ ५३ ॥

परि असो हें नव्हे । तुह्नीं येया न लगारें ।
 आइकां आवरें । सांघिजेल ॥ ५४ ॥
 तरि आकाशिं कवणें । केलिं मेवांचि भरणें ।
 अंतरिक्ष तारागणें । धरी कोण ॥ ५५ ॥
 गगनाचा तडवा । उभिला कोणें ह्मणावा ।
 वारा हिंडतु असावा । हें कोणाचें मत ॥ ५६ ॥
 रुंख कवण पेरी । कोण समुद्र भरी ।
 पर्जन्याचिया करी । धारा कवण ॥ ५७ ॥
 तैसें क्षेत्र हें स्वभावे । अव्हांत्रीक कव्हणाचें न्हेवे ।
 एथ वाहे तेया फावे । येरा तूटि ॥ ५८ ॥
 तवं आणिकें एकें । खोदें ह्मणितलें नीकें ।
 तरि भोगिजे एकें । कालें जेवि ॥ ५९ ॥
 हें जाणों मृत्यु रागिठा । सिंहाडेयाचा दरकुटा ।
 परि काइ वाजटां । पूरिजतसे ॥ ६० ॥
 जन्हीं एयाचा मारु । देखताति अनिवारु ।
 परि स्वमतिं भरु । अभिमानियां ॥ ६१ ॥
 महाकल्पा परौती । कत्र घाळ्नि अवचिती ।
 सत्यलोकभद्रजाती । आंगीं वाजे ॥ ६२ ॥
 लोकपाल नीचनवे । दिग्गजमेलवे ।
 स्वर्गाचिये अडवे । रिगौनि मोडी ॥ ६३ ॥
 येरें एयाचेन आंगवातें । जन्ममृत्यूचिये गर्ते ।
 निर्जीवें होउनि भ्रमितें । जीवमृगें ॥ ६४ ॥
 निहाला पां केवडा । पसरूनियां चवडा ।
 करितसे माजिवडा । आकारगजु ॥ ६५ ॥
 ह्मणौनि कालाची सत्ता । हा वोलु निरुता ।
 ऐमेसे वादु पांडुमुता । क्षेत्रा लागि ॥ ६६ ॥

ह बहू उखीविखी । रिखीं केली नैमिषि ।
 पुराणें इये विखीं । मतपत्रिका ॥ ६७ ॥
 अनुष्टुभादि छंदें । प्रबंधिं जियें विविधें ।
 तें पत्रालंबनमदें । करीत आशुई ॥ ६८ ॥
 वेदिचें ब्रह्मसूत्र । देखणेपणें पवित्र ।
 परि तेया ही हें क्षेत्र । नेणवे चि ॥ ६९ ॥
 आणिकिं आणिकिं बहुतिं । महाकवी हेतुमतीं ।
 एया लागि मती । वेचिलिया ॥ ७० ॥
 परि ऐसें हें एवडें । कां अमुकेयाचें चि फुडें ।
 हें कोणहा हिं वरिपडें । होये चि ना ॥ ७१ ॥
 आतां एयावरि जैसें । क्षेत्र हें असे ।
 तुज सांगों तैसें । साद्यंत गा ॥ ७२ ॥

महाभूतान्यहंकारो बुद्धिरव्यक्तमेव च ॥

इंद्रियाणि दशैकं च पंच चंद्रियगोचराः ॥ ५ ॥

तरि महाभूतपंचकु । आणि अहंकारु एकु ।
 बुद्धि अव्यक्त दशकु । इंद्रियांचा ॥ ७३ ॥
 आणि मन हिं एकु । विषयांचा दशकु ।
 मुखदुःखद्वेषु । संघातु इछा ॥ ७४ ॥
 आणि चेतना भृति । एवं क्षेत्रव्यक्ति ।
 सांघितली तुज प्रति । आघवी चि हे ॥ ७५ ॥
 आतां महाभूतें कवणें । कवण विषय कैसिं करणें ।
 हे वेगलालेपणें । एकैक सांगों ॥ ७६ ॥
 तरि पृथ्वी आप तेज । वायु व्योम गा बुझ ।
 सांघितलें बा तुज । महातत्त्वे ॥ ७७ ॥
 आणि जागतिये दशे । स्वप्न लपालें असे ।
 नातरि अवंसे । चंद्र गूढ ॥ ७८ ॥

नातरि अप्रौढें बालकिं । तारुण्य राहे थोंकिं ।
 कां न फुलतां कलिकिं । आमोदु जैसा ॥ ७९ ॥
 किंबहुना काष्टिं । बन्हि जेवि किरीटी ।
 तेवि प्रकृतिचां पोटीं । गोप्यु जो असे ॥ ८० ॥
 जैसा ज्वरु धातुगतु । कुपथ्याचें मीस पांतु ।
 मग जालेयां आंतु । बाहिरि व्यापी ॥ ८१ ॥
 तैसी पांचां हिं गांठि पडे । जें देहाकारु घडे ।
 तें नाचवी चहूंकडे । तो अहंकारु गा ॥ ८२ ॥
 आतां बुद्धि जे ह्यणिजे । ते ऐसां चिन्हि जाणिजे ।
 बोलिलें यदुराजें । आइकें सांघों ॥ ८३ ॥
 तरि कंदर्पाचेनि वलें । इंद्रियवृत्तिचेनि मेलें ।
 विभांडूनि येति पाले । विषयांचे ॥ ८४ ॥
 तो सुखदुःखाचा नागोवा । जेथ उगारों लागे जीवा ।
 तेथ दोहीसि बरवा । पाडु जे धरी ॥ ८५ ॥
 हें सुख हें दुःख । हें पुण्य हें दोख ।
 हें मैल हें चोख । ऐसें जें निवाडी ॥ ८६ ॥
 जिये अधमोत्तम सूजे । सानें धोर बूझे ।
 जिया दीठी पारखिजे । विखो जीवें ॥ ८७ ॥
 जे तेजतत्वाची वृद्धि । जे सत्वगुणाची निधि ।
 जे आत्मेयां जीवाची संधि । वसवीतसे ॥ ८८ ॥
 अर्जुना ते जाण । बुद्धि गा संपूर्ण ।
 आतां आइक तूं उल्लखण । अव्यक्ताचें ॥ ८९ ॥
 पै सांख्याचां सिद्धांतिं । प्रकृति जे महामती ।
 ते चि येथ प्रस्तुतिं । अव्यक्त गा ॥ ९० ॥
 आणि सांख्ययोगगतें । प्रकृति परिसविली तूतें ।
 दोहों परि ची जेथें । विवंचिली ॥ ९१ ॥

तेथ दूजी जे जीवदशा । तिये नावं वीरेशा ।
 येथ अव्यक्त ऐसा । पर्याउ हा ॥ ९२ ॥
 तन्हीं पाहालेयां रजनी । तारा लोपति गगनीं ।
 कां हारपति अस्तमानीं । भूतक्रिया ॥ ९३ ॥
 कां देह गेलेयां पाठि । देहादिक किरीटी ।
 उपाधि लोपे पोटीं । कृतकर्माचां ॥ ९४ ॥
 कां बीजमुद्रे आंतु । थोके तरु समस्तु ।
 कां वस्त्रपणें तंतु । दशे राहे ॥ ९५ ॥
 तैसं सांडूनु स्थूलधर्म । महाभूतें भूतग्राम ।
 ल्या जांति सूक्ष्म । होउनि जेथ ॥ ९६ ॥
 अर्जुना तेया नावें । अव्यक्त हें जाणावें ।
 आतां आइक आववें । इंद्रियभेद ॥ ९७ ॥
 तरि श्रवण नयन । त्वच्चा त्राण रसन ।
 इयें जाणें ज्ञान । करणें पांचें ॥ ९८ ॥
 इये तत्वमेलापकिं । मुखदुःखाची उखीविखी ।
 बुद्धि करितसे मुखिं । पांचें इहिं ॥ ९९ ॥
 मग वाचा आणि कर । चरण अधोद्वार ।
 अपायु हे प्रकार । पांचें आणिक ॥ १०० ॥
 कर्मांद्रिय ह्यणिपति । तियें इयें जाणिजति ।
 आइकें कैवल्यपति । सांघत असे ॥ १ ॥
 पै प्राणाची आंतारी । क्रियाशक्ति जे शरीरीं ।
 तियेची रिगिनिगि द्वारीं । पांचें इहीं ॥ २ ॥
 एवं दाही करणें । सांविनलीं देउ ह्यणे ।
 आतां परियस फुडेपणें । मन तें हें ॥ ३ ॥
 जें इंद्रियां आणि बुद्धी । माझारिलिये संघी ।
 रजोगुणाचां खांदीं । तरलत असे ॥ ४ ॥

नीलिमा अंबरी । कां मृगतृष्णालहरी ।
 तैसा वायां चि फाउरी । वावो जालें ॥ ५ ॥
 आणि शुक्रशोणिताचा सांधा । मिलतां पांचाचा बांधा ।
 वायुतत्व दशधा । एक चि जालें ॥ ६ ॥
 मग तें हीं दाहें भार्गी । देहधर्माचां खैवंगीं ।
 अधिष्ठिलें आंगीं । आपुलां ॥ ७ ॥
 तेथ चांचल्य निखिल । एकलें ठेलें निढाल ।
 ह्यणौनि रजाचें बल । धरिलें तेणें ॥ ८ ॥
 तेथ बुद्धीसि बाहिरि । अहंकारावरि ।
 ऐसां टांई माझारि । बलियाविलें ॥ ९ ॥
 वायां हें नावं । यन्हविं कल्पना हे चि सावेव ।
 जेयाचेनि संगें जीव । दशा वस्तू ॥ ११० ॥
 जें प्रवृत्तीसि मूल । कामा जेयाचें बल ।
 जें अखंड सुए सल । अहंकारासिं ॥ ११ ॥
 जें इच्छेतें वाढवी । आशेतें चडावी ।
 जें पाठि पुरवी । जगासि येया ॥ १२ ॥
 द्वैत जेणें उठी । अविद्या जेणें लाठी ।
 जें इंद्रियांतें लोटी । विषयां माझि ॥ १३ ॥
 संकल्पित शृष्टि घडी । सर्वें त्रि विकल्पूनि मोडी ।
 मनोरथाचिया उतरडी । उतरी रची ॥ १४ ॥
 जें भूलिचें कुल्हार । वायुतत्वाचें अंतर ।
 बुद्धिचें द्वार । ज्ञांकललें जेणें ॥ १५ ॥
 तें गा किरिटी मन । एया बोला नाहिं आन ।
 आतां विषयाभिधान । भेदु आइक ॥ १६ ॥
 तरि स्परिसु आणि शब्दु । रूप रसु गंधु ।
 हा विवेकु पंचविधु । ज्ञानेंद्रियाचा ॥ १७ ॥

इहीं चि पांचै द्वारी । ज्ञानासि धावं बाहिरि ।
 जैसे कां हिरव चारीं । भांभावे पशु ॥ १८ ॥
 मग स्वर वर्ण विसर्गु । अथवा स्वीकारु त्यागु ।
 चंक्रमण उत्सर्गु । मलमूत्रांचा ॥ १९ ॥
 हे कर्मेन्द्रियांचे पाच । विषय गा साच ।
 जें बांधौनि मांच । क्रिया जे उठी ॥ १२० ॥

इच्छा द्वेषः सुखं दुःखं संघातश्चेतना धृतिः ॥

एतत्क्षेत्रं समासेन सविकारमुदाहृतं ॥ ६ ॥

ऐसे हे दाही । विषय इये देहीं ।
 आतां इच्छा ते ही । सांघिजेल ॥ २१ ॥
 तरि भूतललें आठवे । कां बोलें कानु झांक्वे ।
 ऐसिया वरि चेतवे । जे वृत्ति गा ॥ २२ ॥
 इंद्रियां विषयांचिये भेटी । सरिसी चि वेगें उठी ।
 कामाचिया वाहुटी । धरूनियां ॥ २३ ॥
 जियेचेनि उठिलेपणें । मना सैघ धावणें ।
 ना रिगावें तेथ करणें । तोंडें सूति ॥ २४ ॥
 जियें वृत्तिचिया वाढी । बुद्धि होये वेडी ।
 विपद् जेया गोडी । ते हे इच्छा ॥ २५ ॥
 आणि इळिलेया सांगडे । इंद्रियां आमिष न जोडे ।
 ऐसेयां डाऊ जो पडे । तो चि द्वेषु ॥ २६ ॥
 आतां या वरि मुख । तें एंवविध देख ।
 जणें एकें चि अशेख । विसरे जीउ ॥ २७ ॥
 मनें वाचा कायें । जें आपुली आण वायें ।
 देहस्मृतिची त्राये । मोडित जाये ॥ २८ ॥
 जेयाचेनि जालेपणें । पांगुला होणें प्राणे ।
 सात्विकां दुणे । वरि हि लाभु ॥ २९ ॥

आघवियाचि इंद्रियवृत्ती । हृदयाचां एकांति ।
 थापट्टनि सुषुप्ती । आणि जें गा ॥ १३० ॥
 किं बहुना सोए । जीउ—आत्मेयांची लाहे ।
 तेथ जें होये । तेया नावं सुख ॥ ३१ ॥
 आणि ऐसी हे अवस्था । न जोडतां पार्था ।
 जीजे तेया नावं सर्वथा । दुःख जाणें ॥ ३२ ॥
 तें मनोरथभंगें होये । येर सिद्धी गेलें जाए ।
 हें दोनी चि उपाये । मुखदुःखासि गा ॥ ३३ ॥
 आतां असंगा साक्षिभूता । देहिं चैतन्याची सत्ता ।
 तिये नावं पांडुसुता । चेतना एथ ॥ ३४ ॥
 जे नखौनि केंसवेन्हीं । उभी लागे शरीरीं ।
 जे तिहिं अवस्थांतरीं । पालटे ना ॥ ३५ ॥
 मनबुध्यादि आघवी । जियेचेनि टवटवी ।
 प्रकृतिवनमाधवी । सदा चि जे ॥ ३६ ॥
 जडाजडीं अंशीं । जे राहाटि सरिसी ।
 ते चेतना गा तुजसीं । लटकें नाहिं ॥ ३७ ॥
 पै राउ० परिवाण नेणे । आज्ञा चि परचक्र जीणे ।
 कां चंद्राचेनि परिपूर्णें । सिंधु भरति ॥ ३८ ॥
 नाना भ्रमकाचेनि सन्निधानें । लोह करी सचेतनें ।
 कां सूर्यसंगु जनें । चेष्टविजे ॥ ३९ ॥
 आगा मुखमेलेविण । पीलियाचें पोखण ।
 करी जेवि निरीक्षण । कूर्मिचें ॥ १४० ॥
 पार्था तिया परिं । आत्मसंगति इये शरीरीं
 सजीवत्वाचा करी । उपेगु जडा ॥ ४१ ॥
 मग तियेतें चेतना । ह्यणिपे अर्जुना ।
 धृतिची विवंचना । आतां आइक ॥ ४२ ॥

तत्त्वां परस्परे । उघड जातिवैरे ।
 नन्हे पृथिवीयेते नीरे । निनासिजे ॥ ४३ ॥
 नीराते आटी तेज । तेजा वायुसि जूझ ।
 गगन तवं साहाज । वायु भक्षी ॥ ४४ ॥
 तेवि चि कन्हणी वेले । आपण काइसेया ही न मिले ।
 आंतु रिगौनु वेगलें । आकाश हें ॥ ४५ ॥
 णेसि पांचै भूते । न साहांति एकमेकाते ।
 किं ल्यें हिं ऐक्याते । देहां यंति ॥ ४६ ॥
 द्वंदाची उखीविखी । सांडूनि वस्ती एकी ।
 एकाते पोखी । निजगुणे ॥ ४७ ॥
 ऐसें मिलतेयां साजणे । चले धैर्ये जेणे ।
 तेया नावं जणे । धृति पै गा ॥ ४८ ॥
 आणि जीवेंसि पांडवा । यां सतिसां सतिसांचा मेलावा ।
 तो पै येथ जाणावा । सांघातु गा ॥ ४९ ॥
 एवं सतीस भेद । सांघितले तुज विशद ।
 ण्यां एतुलेयांते प्रसिद्ध । क्षेत्र ह्यणिजे ॥ १५० ॥
 रथांगाचा मेलावा । रथु ह्यणिजे पांडवा ।
 कां अधोर्ध्व अवयवां । नावं देह ॥ ५१ ॥
 करी—चातुरंग—समाजे । सेना नावं निफजे ।
 वाक्यें ह्यणिपति पुजे । अक्षरांचे ॥ ५२ ॥
 जलधरांचा मेला । वाच्य होये अभाळा ।
 नाना लोक सकला । नावं जगु ॥ ५३ ॥
 कां स्नेह—सूत्र—वन्हि । मेलु एकी स्थानी ।
 धरिजे तो जनी । दीपु होये ॥ ५४ ॥
 तैसि सतीस हीं तत्वे । मिलति एकत्वे ।
 तेणे समूहपरत्वे । क्षेत्र ह्यणिजे ॥ ५५ ॥

आणि वाहंतेनि भौतिकें । पापपुण्य एथ पीके ।
 ह्यगौनि आक्षि कवतिकें । क्षेत्र ह्यणों ॥ ५६ ॥
 एकाचेनि मते । देह ह्यणति एयाते ।
 परि असो हें अनंतें । नावें एयासि ॥ ५७ ॥
 सुरनरउरगीं । घडत आहे योनिविभागिं ।
 ते गुणकर्मसंगीं । पडिलें सातें ॥ ५८ ॥
 पै परतत्वा आरौतें । आणि स्थावरांता आंतौतें ।
 जें काहिं होंतें जातें । क्षेत्र चि हें ॥ ५९ ॥
 हे चि गुणविवचना । पुढां ह्यणिपैल अर्जुना ।
 प्रस्तुत आतां ज्ञाना । रूप दाउं ॥ १६० ॥
 क्षेत्र तवं सविस्तर । सांघितलें सविकार ।
 ह्यगौनि आतां उदार । ज्ञान आइक ॥ ६१ ॥

अमानित्वमदंभित्वमहिंसा क्षांतरार्जवं ॥

आचार्योपासनं शौचं स्थैर्यमात्मविनिग्रहः ॥ ७ ॥

जेया ज्ञाना लागि । गगन गीलिताति योगी ।
 स्वर्गिची आडवंगी । उमरुडूनि ॥ ६२ ॥
 न करीति सिद्धिचे पाड । न धरीति रिद्धिंची भीड ।
 योगा ऐसें दुवाड । हेलासति ॥ ६३ ॥
 तपोदुर्गे वोलांडिति । ऋतुकोडी वोवांडिति ।
 उलथौनि सांडिति । कर्मवेली ॥ ६४ ॥
 नाना भजनमार्गि । धावंतु उघडां आंगीं ।
 एक रिगति सुरंगीं । सूक्ष्मतेचिये ॥ ६५ ॥
 ऐसी जिये ज्ञानीं । मुनीश्वरां उतान्ही ।
 वेदतरुचां पानोवानीं । हींडताति ॥ ६६ ॥
 देईल गुरुसेवा । इया बुद्धी पांडवा ।
 जन्माचा सांडोवा । टाकिति जे ॥ ६७ ॥

जेयाची रिगवणी । अविद्ये उणें आणी ।
 जीवाभेयां बुझावणी । मांडूनि दे ॥ ६८ ॥
 जें इंद्रियांचीं दारें अडी । प्रवृत्तिचे पाये मोडी ।
 जें दैन्य चि फेडी । मानसाचें ॥ ६९ ॥
 द्वैताचा दुकळ पाहे । साम्याचें सुवाण होये ।
 जेया ज्ञानाची सोये । ऐसें करी ॥ १७० ॥
 मदाचा ठाअ पूसी । जें महामोहातें गिवसी ।
 नेंदी आपपरु ऐसी । भाख उरों ॥ ७१ ॥
 जें संसारातें उन्मूली । संकल्पपंकु पाखाली ।
 अनावरातें वेंटाली । ज्ञानतेजें ॥ ७२ ॥
 जेयाचेनि उजालें । उवडति बुद्धिचे डोले ।
 जीउ दोंदावरि लोले । आनंदाचेया ॥ ७३ ॥
 ऐसें जें ज्ञान । पवित्रैकनिधान ।
 जेथ विटाललें मन । चोख कीजे ॥ ७४ ॥
 आभेयां जीवबुद्धि । जे हे लागली क्षयव्याधि ।
 ते जेयाचेया सन्निधी । बलि कीजे ॥ ७५ ॥
 तें अनिरूप्य किं निरूपिजे । आइकतां बुद्धी आणिजे ।
 वांचौनि डोळां देखिजे । ऐसें नाहिं ॥ ७६ ॥
 मग एकीं शरीरीं । आपुली प्राची करी ।
 तें इंद्रियां व्यापारीं । दीठी ही दीसे ॥ ७७ ॥
 पें वसंताचें रिगवणें । झाडांचेनि साजेपणें ।
 जाणिजे तेवि करणें । सांघति ज्ञान ॥ ७८ ॥
 आगा वृक्षासि पातालीं । जल सांपडे मुळिं ।
 ने शाखांचिया वाहाली । दीसे वरि ॥ ७९ ॥
 कां भूमिचें माईव । सांघे कौभाची लवलव ।
 नाना आचार गौरव । सुकुलीचें ॥ १८० ॥

अथवा संभ्रमाचिया आयती । स्नेहो जैसा ए व्यक्ती ।
 कां दर्शनाचिया प्रशस्ती । पुण्यपुरुषु ॥ ८१ ॥
 नातरि केलि कापुरु जाला । तो परिमलें जाणों आला ।
 कां भिंगारां दीपु ठेविला । बाहिरि फांके ॥ ८२ ॥
 तैसिं हृदइंचेनि ज्ञानें । जियें उमटाति देहिं चिन्हें ।
 तियें सांघों अवधानें । चांगें आइक ॥ ८३ ॥
 तरि कव्हणी विखिचे । जीवा साम्य होणें न रुचे ।
 संभावितपणाचें । ॐश्चें जेया ॥ ८४ ॥
 आथिले चि गुण वानितां । कां मान्यपणें मानितां ।
 योग्यतेचें येतां । रूप आंगा ॥ ८५ ॥
 गजबजों लागे कैसा । व्याघ्रें रुंधला मृगु जैसा ।
 कां बाहिं उतरलां वलसां । दाटला जेवि ॥ ८६ ॥
 पार्था तेणें पाडें । सन्मानें जो सांकडे ।
 गरिमेतें आंगा कडे । येॐ नेंदी ॥ ८७ ॥
 पूज्यता डोलां नेदखावी । स्वकीर्त्ति कानिं नाइकावी ।
 हा अमुका ऐसी न व्हावी । से चि लोका ॥ ८८ ॥
 तेथ सत्काराची कें गोठी । कें आदरा होईल भेटि ।
 मरणेंसिं साठि । नमस्कारितां ॥ ८९ ॥
 वाचस्पतिचेनि पाडें । सर्वज्ञता तरि जोडे ।
 पारि वेडिवे माजि दडे । महिमे भेण ॥ १९० ॥
 चातुर्य लपवी । महत्व हारवी ।
 पीसेपण मिरवी । आवडौनि ॥ ९१ ॥
 लौकिकाचा उद्वेगु । शास्त्रांवारि उभगु ।
 उगेपणें चांगु । आथि भरु ॥ ९२ ॥
 जगें अवज्ञा चि करावी । संबंधि सोये न धरावी ।
 ऐसी ऐसी जीविं । चाड बडूं ॥ ९३ ॥

तलौटेपण बाणे । आंगीं हीणा३० खेवणें ।
 तें तें चि करणें । बहुतकरनु ॥ ९४ ॥
 हा जीतु ना नव्हे । लोकु कल्पी येणें भावें ।
 तैसैं जीणें होआवें । ऐसी आश ॥ ९५ ॥
 पैल चालत कां आहे । किं वारेनि जांत नोहे ।
 जना ऐसा भ्रमु जाए । ऐसेयां होइजे ॥ ९६ ॥
 माझें असतेपण लोपो । नामरूप हारपो ।
 मज झनें वासिपो । भूतजात ॥ ९७ ॥
 ऐसि जेयाचि नवसियें । एकांता जात जाए ।
 नावें चि जो जिये । रानाचेनि ॥ ९८ ॥
 वायू आणि जेया पडे । गगनेंसि बोलों आवडे ।
 जीउ प्राणु झाडें । पढियंति गा ॥ ९९ ॥
 किंबहुना ऐसि ऐसि । चिन्हें जेया देखसी ।
 जाण तेया ज्ञानेंसि । सेस जालें ॥ २०० ॥
 पै अमानित्व पुरुषीं । जाणावें इहि मिखि ।
 आतां अदंभित्वाचिये उलखी । सौरसु करूं ॥ १ ॥
 तारि अदंभित्व तें ऐसैं । लोभियाचें मन जैसैं ।
 जीउ जा३० परि नुमसे । ठेविला ठा३० ॥ २ ॥
 तेया परी किरीटी । पडिला ही प्राणसंकटीं ।
 परि सुकृत न प्रकटी । आंगें बोलों ॥ ३ ॥
 खडाणे आल् पान्हा । पळवी जेवि अर्जुना ।
 कां राहे पण्यांगना । वडीलपणें ॥ ४ ॥
 आढ्यु आंतुडे अडविं । मग आढ्यता जेवि हारवी ।
 कां कुलवधू लपवी । अवेवांतें ॥ ५ ॥
 नाना कृषिवल्ल आपुलें । पांगुरवी पेरिलें ।
 तैसैं झांकी निफनळें । दानपुण्य ॥ ६ ॥

वरि देह न पूजी । लोकार्ते न रंजी ।
 स्वधर्मु वाग्बीजि । बांधों नेणें ॥ ७ ॥
 परोपकारु नोबोले । न मिरवी अभ्यासिलें ।
 न शके विकू जोडिलें । स्फीतीसाठि ॥ ८ ॥
 आंगभोगा कडे । पाहांतां कृपणु आवडे ।
 यन्हविं धर्मविखीं थोडें । बहू न ह्मणे ॥ ९ ॥
 घरिं दीसैल सांकड । देहिची ही आइति रोड ।
 पारि दानिं जेया होड । सुरतरूसिं ॥ २१० ॥
 किबहुना धर्मि थोरु । अवसारिं उदारु ।
 आत्मचर्चे चतुरु । यन्हविं वेडा ॥ ११ ॥
 केलिचे दलवाडें । हल्ल पोकल आवडे ।
 पारि फलौनियां गाडें । रसाल जैसें ॥ १२ ॥
 कां मेघाचे आंगशील । दीसे वारेनि जैसें जाइल ।
 पारि वरिखती नवल । घनवटीतें ॥ २१३ ॥
 तैसा जो पुण्यीं । पातां धांति आणी ।
 यन्हविं तरि वाणी । तो चि ठाउ ॥ १४ ॥
 हें असो एया चिन्हांचा । नडनाचु ठांइ जेयाचा ।
 जाण ज्ञान तेयाचा । हातु चढलें ॥ १५ ॥
 पै गा अदंभपण । ह्मणितलें तें हें जाण ।
 आतां आइक खूण । अहिंसेची ॥ १६ ॥
 तरि अहिंसा बहुवे परीं । बोलिली असे अवधारीं ।
 आपुलालां मतांतरिं । निरोपितां ॥ १७ ॥
 पारि ते ऐसीं देखां । जैसिया खांडूनियां शाखा ।
 मग तेया चि बुडुखा । कूपु काजे ॥ १८ ॥
 बाहे तोडुनि विकिजे । मग भूखेची पीडा राखिजे ।
 नाना देउलें मोडुनि कीजे । पौलि देवा ॥ १९ ॥

तैसी चि हिंसा करुनि अहिंसा । कर्मकांडि हा ऐसा ।
 पूर्वमीमांसा । निर्णो केला ॥ २२० ॥
 जें अदृष्टिचेनि उपद्रवें । गादौल विश्व चि आघवें ।
 ह्यगौनि पर्जन्ययष्टि करावे । नाना याग ॥ २१ ॥
 तिये इष्टिचां बुडीं । पशुहिंसा तवं रोकडी ।
 मम अहिंसेची थडी । लेसां दीसे ॥ २२ ॥
 पेरिजे नुसदी हिंसा । तेथ आवैल काय अहिंसा ।
 परि नवलु बा धिवंसा । याज्ञिकांचा ॥ २३ ॥
 आणि आयुर्वेदु ही आघवा । एया चि मोहरा पांडवा ।
 जें जीवां कारणें करावा । जीवां घातु ॥ २४ ॥
 नव्हे रोगीं आहाललीं । लोलतीं भूतें देखिलीं ।
 ते हिंसा निवारावेया केली । चिकित्सिका ॥ २५ ॥
 तवं चिकित्सा पहिलें । एकांचे कंद खणविले ।
 एकां उपडविलें । समूलांतें ॥ २६ ॥
 एकें आडमोडीं केलीं । अजंगमाची खाल काढविली ।
 गाभिणीं उकढलीं । पुटां माझि ॥ २७ ॥
 अजातशतृतरुवरां । सर्वांगिं देवविलिया सिरा ।
 ऐसे जीव घेउनि वीरा । कोरडे केले ॥ २८ ॥
 आणि जंगमा हिं हात । लाउनि काढिलें पित्त ।
 मग राविले सीणत । आणिक जीव ॥ २९ ॥
 आहावसुवारें । मोडूनि केले देव्हारे ।
 नागवूनु वेव्हारे । गवांदि घातली ॥ ३० ॥
 मस्तक पांगुरविलें । तवं तलवटीं उघडें ठेलें ।
 मागां मोडूनु केलें । पुढें धड ॥ ३१ ॥
 नाना पांगुरणें । जाळूनि जैसें तापणें ।
 नातरि जालें आंगधुणें । कुंजराचें ॥ ३२ ॥

बैलु वीकूनि कोठा । पूंस लाउनि गांठा ।
 इयें करणी कीं चेष्टा । कायि हांसों ॥ ३३ ॥
 एकिं धर्माचिया वाहाणी । गाळूं आदरिलें पाणी ।
 तेथ गालितेयाचिया आहलणी । जीव मेले ॥ ३४ ॥
 एक न पचिति चि कण । इये हिंसे चि भेण ।
 तेथ कदर्थले प्राण । ते चि हिंसा ॥ ३५ ॥
 एंव हिंसा चि अहिंसा । कर्मकांडिं हा ऐसा ।
 सिद्धांतु सुमनसा । उलख तूं ॥ ३६ ॥
 पहिलें अहिंसेचें नांव । केलें आक्षि जवं ।
 तवं स्फूर्ति बांधली हावं । इये मतीं ॥ ३७ ॥
 तरि कैसेनि इयेतें गाळावें । ह्मणौनि पडिलें बोळावें ।
 तेविं चि तुवां जाणावें । ऐसा भाउ ॥ ३८ ॥
 बहूकरुनि किरीटी । हा चि विषो इये गोठी ।
 यन्हविं कां आडवाटीं । धांविजैल ॥ ३९ ॥
 आणि स्वमताचिया निर्द्धारा । लागौनियां धनुद्धरा ।
 प्राप्ता मतांतरा । निर्वचु कीजे ॥ २४० ॥
 ऐसी हे अवधारीं । निरोपिती परी ।
 आतां यावरी । मुख्य जें गा ॥ ४१ ॥
 तें स्वमत बोलिजैल । अहिंसे रूप कीजैल ।
 जेया उठविलेयां आंतुल । ज्ञान दीसे ॥ ४२ ॥
 परि तें चि अधिष्ठिलेनि आंगें । जाणिजे आचरतेनि बागें
 जैसी कसवटी सांवे । वानियेतें ॥ ४३ ॥
 तैसें ज्ञानामनाचिये भेटी । अहिंसेचें बिंब उठी
 तें चि ऐसें किरीटी । परिस आतां ॥ ४४ ॥
 तरि तरंग नोलांडितु । लहरी पायें न फोडितु ।
 संचळ न मोडितु । पाणिवांचा ॥ ४५ ॥

वेगें भाणि लेसां । दीठि घाल्नि आर्विसा ।
 जळि बकु जैसा । सोंए ॥ ४६ ॥
 कां कमलावारि भवर । पाये ठेविति हलुवार ।
 कुचुंबैल केसर । इया शंका ॥ ४७ ॥
 तैसे परिमाणु पांगुतले । जाणौनि जीउ सानुले ।
 कारुण्या माझि पाउलें । लपौनि चाले ॥ ४८ ॥
 ते वाट कृपेची कारितु । ते दिशा चि स्नेहें भारितु ।
 जीवा तळि आंधुरितु । आपुला जीउ ॥ ४९ ॥
 ऐसिया जतना । चालणें जेया अर्जुना ।
 हें अनिर्वाच्य परि मना । पूरिजे ना ॥ २५० ॥
 पै मोहाचेनि सांगडें । लांसि पीलें घरी तोंडें ।
 तेथ दातांचें आगरडें । जैसें लागे ॥ ५१ ॥
 कां स्नेहाल माए । तान्हेयांची वास पाहे ।
 तिये दीठी आहे । हलुवार जें ॥ ५२ ॥
 नाना कमलदलें । डोलवीजिजति ढालें ।
 तो जेणें पाडें बुबुलें । वारा घेपे ॥ ५३ ॥
 तैसेनि माईवें पाए । भूमी ठेवीतु जाये ।
 लागति तेथ होये । जना सुख ॥ ५४ ॥
 ऐसिया लघिमा चालता । क्रिमिकीटक पांडुसुता ।
 देखे तारि माघौता । हलू चि निगे ॥ ५५ ॥
 हणें पाउं दडफडील । निद्रा स्वामिची मोडैल ।
 रचलेपणा पडैल । झोति हान ॥ ५६ ॥
 इया काकुळती । वाहाणि घे माघौति ।
 कोण्ही हिं व्यक्ती । न वचवे वारि ॥ ५७ ॥
 जीवाचेनि नावें । तृण हिं नोलांडावें ।
 मग नलेखितां जावें । हें कें गोठि ॥ ५८ ॥

मुंगिये मेरु नोलांडवे । मशका सिंधु नुतरवे ।
 तैसें भेटलें न करवे । अतिक्रमूं ॥ ५९ ॥
 ऐसी जेयाचीं चालिं । क्रियाफलासि आली ।
 देखसी जियाली । दया वाचे ॥ २६० ॥
 स्वसणें चि तें सकुमार । मुख मोहाचें माहियेर ।
 माधुर्यां जाले अंकुर । दशन तैसे ॥ ६१ ॥
 पुढां स्नेह पांशरे । मागां चालति अक्षरें ।
 शब्दु पाठि अवतरे । कृपा आधीं ॥ ६२ ॥
 तवं बोलणें चि नाहीं । भिये ह्मणे जरी काहिं ।
 बोलु कोणहा हिं । खुपैल कां ॥ ६३ ॥
 बोलतां अधिकु ही निगे । तरि कोणहां वर्मी हान लागे ।
 कोणहासि रिगे । शंका मनीं ॥ ६४ ॥
 मांडली गोठि हान मोडैल । वासिपैल कव्हणी उडैल ।
 आइकों चि वोवांडिल । कोणहीं जरी ॥ ६५ ॥
 तरि दुवालि कोणहा न व्हावी । कोणहाचीं भंवै नुचलावी ।
 ऐसा भाउ जीविं । ह्मणौनि उगा ॥ ६६ ॥
 मग प्रार्थिला विपाएं । जरि लोभें बोलों जाए ।
 तरि परियस तेयां होए । मायबापु ॥ ६७ ॥
 नादब्रह्म मूर्छलें । गंगापय आसललें ।
 पतिव्रते आलें । वृद्धाप्य कां ॥ ६८ ॥
 तैसी साच आणि मौवाल । सीतली आणि रसाल ।
 बोल जैसे कळोल । अमृताचे ॥ ६९ ॥
 उरोधु वाडुवलु । प्राणुपापता ढालु ।
 उपहासु चालु । वर्मस्पर्शु ॥ २७० ॥
 आंवु वेगु विंदाण । आश शंका प्रतारण ।
 हे संन्यासिले अवगुण । जेया वाचा ॥ ७१ ॥

आणि तेया चि परी किरिटी । थाउं जियाचिया दीठी ।
 सांडिलिया भृकुटी । मोकलिया ॥ ७२ ॥
 भूर्ति वस्तु आहे । तिये रूपों सके विपार्ये ।
 ह्यणौनि वास ना पाहे । बहुत करुनि ॥ ७३ ॥
 ऐसा ही कोण्ही एकी वेले । आंतुली कृपेचेनि बलें ।
 उचलूनियां डोले । दीठी घाली ॥ ७४ ॥
 तरि चंद्रबिंबौनि धारा । सूटति नव्हति गोचरा ।
 परि एकसरिं चकोरां । निगति दोंदें ॥ ७५ ॥
 तैसें प्राणियांसि होए । जरि तो वास पाहे ।
 तेया अवलोकनाची सोए । कूर्मी हीं नोहे ॥ ७६ ॥
 किंबहुना ऐसी । दीठि जेया भूतांसि ।
 फर ही देखसी । तैसे चि गा ॥ ७७ ॥
 होउनियां कृतार्थ । राहिले सिद्धांचे मनोरथ ।
 तैसे जेयाचे हात । निर्व्यापार ॥ ७८ ॥
 अक्षम आणि सन्यासिलें । निरंधन आणि विज्ञालें ।
 मूकेनि घेतलें । मौन जैसें ॥ ७९ ॥
 तिया परिं काहिं । जियां करां करणें नाहिं ।
 जें अकर्त्तेयाचां ठांडं । बैसउं एंती ॥ २८० ॥
 आमुडैल हान वारा । नख लागैल अंबरा ।
 इया बुद्धी करां । चल्लो नेंदी ॥ ८१ ॥
 तेथ आंगावरिलें उडाविं । कां डोलां रिगतें झाडाविं ।
 पशुपक्षां दावावी । त्रासमुद्रा ॥ ८२ ॥
 इया केउतिया गोठी । नावडे दंडुकाठी ।
 मग शस्त्रांचें किरिटी । बोलणें कें ॥ ८३ ॥
 लीलाकमलें खेलणें । पुष्पमाला झेलणें ।
 न करी ह्यणे गोफणें । ऐसें होइल ॥ ८४ ॥

हालवती रोमावली । या लागि आंग न कुरुवाली ।
 नखांची गुंडालि । बोटां वरि ॥ ८५ ॥
 तवं करणेयांचा चि विपाउ० । जरि ऐसा ही पडे ठाउ० ।
 तरि हातां हा चि स्वभाउ० । जें जोडिजति ॥ ८६ ॥
 कां नाभिकारा उभिजे । हातु पडिलेयां दीजे ।
 आर्तातें परिसिजे । अलुमालु ॥ ८७ ॥
 हें इं उपरोधें करणें । आर्त्ति भय हरणें ।
 नेणति चंद्रकिरणें । जीवाला तो ॥ ८८ ॥
 पाहूनि तो स्पर्शु । मलयानीलु खरपुसु ।
 एणें मानें पशु । कुरुवालणें ॥ ८९ ॥
 जियें सदा रीतिं पोकर्लें । जैसिं चंदनांगें शीतलें ।
 न फलतां हिं निष्फलें । होंति चि ना ॥ २९० ॥
 असो हें वाग्जाल । जाणिजे करतल ।
 सज्जनाचें सीतल । स्वभावें जैसें ॥ ९१ ॥
 आतां मन तेयाचें । सांघों ह्मणे साचें ।
 तरि सांघितलें कोणाचे । विलास हे ॥ ९२ ॥
 काइ शाखा नव्हे तरु । जलें विण असे सागरु ।
 तेज आणि तेजकरु । सिनानी आथि ॥ ९३ ॥
 अथेव आणि शरीर । हें वेगलालें जर ।
 किं रसु आणि नीर । सिनानीं आथि ॥ ९४ ॥
 ह्मणौनि जे हे सर्व । सांघितले बाह्य भाव ।
 तें मन चि गा सावेव । ऐसें जाण ॥ ९५ ॥
 जें बिं भुइं खोविलें । तें चि वरि रुंख जाले ।
 तैसें इंद्रियद्वारीं फांकलें । अंतरिचें ॥ ९६ ॥
 पै मानसिं जरि । अहिंसेची अवसरी ।
 तरि कैची बाहिरि । बोसंडैल ॥ ९७ ॥

आवडे ते वृत्ति किरीटी । आधि मनौनि उठी ।
 मग वाचे दीठी । करांसि ये ॥ ९८ ॥
 वांचूनि मनीं नाहिं । तें आंगिं उमटेल काइ ।
 बीजे विण भुइं । अंकुरु असे ॥ ९९ ॥
 उगविं चि बालौनि जाए । तें अधि कैचें वाहे ।
 जीउ गेल्यां आहे । चेष्टा देहिं ॥ ३०० ॥
 तैसें मनपण जें मोडे । तें इंद्रियां आधीं चि उबडे ।
 सूत्रें विण साईखडें । वा३७ जैसें ॥ १ ॥
 हणौनि मन पांडवा । मूल एयां इंद्रियभावां ।
 हें चि राहाटे आघवां । द्वारिं इहिं ॥ २ ॥
 परि जिये वेले जैसें । जें होउनि आतुं असे ।
 बाहिरि ये तैसें । व्यापाररूपें ॥ ३ ॥
 यालागि साचोकारें । मनीं अहिंसा थावे थोरें ।
 पै कलि जैसी द्वारें । बोबांत निगे ॥ ४ ॥
 हणौनि इंद्रियें ते संपदा । वेंचितां हिं उदावादा ।
 अहिंसेचा बांधा । करितें आहाति ॥ ५ ॥
 समुद्र दाटी भरितें । तें समुद्रू चि करी खारियांतें ।
 तैसें स्वसंपत्ति चित्तें । इंद्रियां केलें ॥ ६ ॥
 हें बहु असो पंडितु । धरूनु बालकाचा हातु ।
 वोळि लेहे वेगवंतु । आपण चि ॥ ७ ॥
 तैसें दयालुत्व आपुलें । मनें हातां पायां आणिलें ।
 मग तेथ उपजविलें । अहिंसेतें ॥ ८ ॥
 याकारणें किरीटी । इंद्रियांचिया गोठी ।
 मनाचिये चि राहाटी । रूप केलें ॥ ९ ॥
 ऐसा मनें देहें वाचा । सर्व संन्यासु दंडाचा ।
 जाळा ठांइ जेयाचां । देखसील ॥ ३१० ॥

तो जाण वेल्हाल । ज्ञानाचें वेलाउल ।
 हें असो निखल । ज्ञान चि तो ॥ ११ ॥
 जे अहिंसा कानिं आइकिजे । ग्रंथाधार निरोपिजे ।
 ते पाहावी हें उपजे । तैं तो चि पाहावा ॥ १२ ॥
 ऐसें ह्यणितलें देवें । तें बोलें एकें सांघावें ।
 परि फांकला हें उपसाहावें । तुह्मीं मज ॥ १३ ॥
 ह्यणाल हिरव चारिवें गोहं । विसरे मोहर धरं ।
 कां वारेळगें पाखिरं । गगनीं भरे ॥ १४ ॥
 तैसा प्रमेयाचिया स्फूर्ती । फावलिया रसवृत्ती ।
 वाहविलां मती । अलुमालु ॥ १५ ॥
 तरि तैसें नव्हे अवधारां । कारण असे विस्तारा ।
 एन्हविं पद तरि अक्षरां । तिहिंचें चि ॥ १६ ॥
 अहिंसा ह्यणतां थोडी । परि तैं चि होये उघडी ।
 जैं आलोडिजति कोडी । मतांचिया ॥ १७ ॥
 यन्हविं प्राप्तें मतांतरे । धाथंब्रूनि आंगभरें ।
 बोलिजैल तें न सरे । तुह्मा पासि ॥ १८ ॥
 रत्नपारिखियाचां गाविं । जाईल गंडी तरि सोडावी ।
 कारिमरीं न करावीं । मढंगणें ॥ १९ ॥
 इछा वासु कापुरा । मंद जेथ अवधारां ।
 पिठाचा विकिरा । तिये सांते ॥ ३२० ॥
 ह्यणौनि इये सभे । बोलिकेपणाचेनि क्षोभें ।
 लागसर न लभें । बोलों प्रभू ॥ २१ ॥
 सामान्य आणि विशेषा । सकलव कीजैल देखां ।
 तरि कानाचेया ही मुखा । कडे नेनां तुह्मीं ॥ २२ ॥
 शंकेचेनि गदलपणें । जैं शुद्ध प्रमेय मैलणें ।
 मागुत वाउलीं पलवणें । अवधान यतें ॥ २३ ॥

करुनि बाबुलियेची वूंधि । जलें जियें ठाति ।
 तेयांची वांस पाहाती । हंस काई ॥ २४ ॥
 कां अभ्रा पैलीकडे । येत चांदिणें कोंडे ।
 तें चकोर चांचुवडे । पसरती ना ॥ २५ ॥
 तैसें तुळिं वास न पाहाल । ग्रंथु नेघा वरि कोपाल ।
 जरि निर्वेवादां नव्हेल । निरोपण ॥ २६ ॥
 न बुझावति मतें । न फीटे आक्षेपाचें लागतें ।
 तें वाखाणें जी तुमतें । जोडुनु नेंदीं ॥ २७ ॥
 आणि माझें तव आघवें । ग्रंथायंत एणें विभावें ।
 जें तुळिं संति होआवें । सन्मुखां सद्दा ॥ २८ ॥
 यन्हांवि तन्हीं साचोकारें । तुळिं गीतार्थाचे सोयरे ।
 जाणौनि गीता जीवसरें । धरिली मियां ॥ २९ ॥
 जें आपुलें सर्वस्व देयाल । मग इयेतें सोडवूनु नेयाल ।
 ह्मणौनि ग्रंथु नव्हे वोल । साच चि हे ॥ ३३० ॥
 कां सर्वस्वाचा लोभु धरा । बोलेचा अव्हेरु करा ।
 तरि गीते मज अवधारां । एकी चि गति ॥ ३१ ॥
 किंवहुना मज । तुमचिया कृपा काज ।
 तिये लागौनि व्याज । ग्रंथाचें केलें ॥ ३२ ॥
 तरि तुह्मां रसिकां जागें । वाखाण शोधावें लागे ।
 ह्मणौनि मतागें । बोलें ठेलां ॥ ३३ ॥
 तव कथे पसरु जाला । श्लोकार्थु दूरि ठेला ।
 कीजो क्षमा या बोला । अपसा मज ॥ ३४ ॥
 आणि घांसांतूळु हरळु । फडितां लागे वेळु ।
 तें दूषण नव्हे आडळु । सांडावा किं ॥ ३५ ॥
 सवंचोर चूकवितां । दीस लागलेयां माता ।
 कोपावें किं जीविता । जीताणें कीजे ॥ ३६ ॥

परि या वरिल हें नव्हे । तुझिं उपसाहिलें तें बरवें ।
 आतां अवधारां जी देवें । बोलिलें ऐसें ॥ ३७ ॥
 ह्मणे उन्मेखसुलोचना । सावधु होइं अर्जुना ।
 करूं तुज ज्ञाना । वोलखि पाडूं ॥ ३८ ॥
 परि ज्ञान गा तेथें । वोलख तूं निरुतें ।
 आक्रोशें विण जेथें । क्षमा आधि ॥ ३९ ॥
 अगाधें सरोवरिं । कमलिनी जेया परीं ।
 कां सदैवांचां घरीं । संपती जैसी ॥ ३४० ॥
 पार्था तेणें पाडें । क्षमा जेयातें वाढे ।
 तें हिं लक्ष फुडें । लक्षण सांघों ॥ ४१ ॥
 तरि पढियतें लेणें । आंगिं भावे जेणें ।
 धरिजे तेवि साहाणें । सर्व चि जेया ॥ ४२ ॥
 त्रिविध मुख्य आघवे । उपद्रवांचे मेलावे ।
 वरिपडिलेयां न्हेवे । वांकुडा जो ॥ ४३ ॥
 अपेक्षित पावे । तो जेणें तोखें मानवे ।
 अनपेक्षिता ही करावें । तो चि मानु ॥ ४४ ॥
 जो मानापमानातें साहे । सुखदुःख जेथ माये ।
 निंदास्तुती नोहे । दुखंडु जो ॥ ४५ ॥
 उन्हालेनि जो न तपे । हेमवंतीं न कंपे ।
 काइसेया ही न वासिपे । पातलेयां ॥ ४६ ॥
 स्वशरीराचा भारू । नेणे जैसा मेरू ।
 कां धरा इया सूकरू । वोडें न ह्मणे ॥ ४७ ॥
 नाना चराचरीं भूतीं । दाटणी नव्हे इये क्षिती ।
 तैसा नाना द्वंद्वप्राप्ती । घामेजे ना ॥ ४८ ॥
 घेउनु जलाचे संघाट । आलेयां नदीचे लोट ।
 करी वाट पोट । सिंधु जेवि ॥ ४९ ॥

तैसें जेयाचां ठांडं । न साहणें काहीं चि नाहिं ।
 आणि सात असे ऐसें हिं । स्मरे ना जो ॥ ३५० ॥
 आंगा जें पातलें । तें करुनि घाली आपुलें ।
 तेथ साहंतेनि नवलें । घेपिजे ना ॥ ५१ ॥
 हे अनाक्रोश क्षमा । जेयातें आथि प्रियोत्तमा ।
 जाण तेणें महिमा । ज्ञानासि गा ॥ ५२ ॥
 तो पुरुषु पांडवा । ज्ञानाचा उल्लावा ।
 आतां परियस आर्जवा । रूप करुं ॥ ५३ ॥
 तरि आर्जव तें ऐसें । प्राणाचें सौजन्य जैसें ।
 आवडतेया हीं दोसें । एक चि गा ॥ ५४ ॥
 कां तोंड पाहूनि प्रकाशु । न करी जेवि चंडांशु ।
 जगा एकू चि अवकाशु । आकाशातें ॥ ५५ ॥
 तैसें जेयाचें मन । मानुषप्रति आनान ।
 नाहिं आणि वर्तन । ऐसें पै तें ॥ ५६ ॥
 जें जग चि सनोलख । जणेंसि चि सोयेरिक ।
 अपपरु हे भाष । जाणणें चि नाहिं ॥ ५७ ॥
 भलेतेणेंसि मेळु । पाणियां ऐसा ढालु ।
 कोणही हि विखीं आडलु । नेघे चित्त ॥ ५८ ॥
 वारेयाची धावं । तैसे सरल भाव ।
 शंका आणि हावं । नाहिं जेया ॥ ५९ ॥
 माये पुढां बालका । रिगतां न पडे चि आवांका ।
 तैसें मन देतां लोका । नालोची जो ॥ ३६० ॥
 प्रकटलेया इंदीवरा । परिवरु नाहिं धनुर्दरा ।
 तैसा कोनकोंपरा । नेणे जीउ ॥ ६१ ॥
 चोखालपण रत्नाचें । रत्नावरि नाचे ।
 तैसें पुढां मन जेयाचें । करणें पाठि ॥ ६२ ॥

आंलोंचु जो नेणे । अनभिडु जोगावणें ।
 धरी मेलीसि करणें । नाहिं जेया ॥ ६३ ॥
 दीठि नोहे मिणधी । देखणा नाहिं संधी ।
 कोणहासि ही बुद्धी । राहाटों नेणे ॥ ६४ ॥
 दाही इंद्रियें प्रांजलें । निःप्रपंचें उवलें ।
 पांचै पालव मोकले । आठै पाहार ॥ ६५ ॥
 अमृताची धार । तैसें उजू अंतर ।
 किंबहुना माहेर । यां चिन्हांचें ॥ ६६ ॥
 तो पुरुषु सूभटा । आर्जवाचा आंगवटा ।
 जाण तेथ चि घरटा । ज्ञानें केला ॥ ६७ ॥
 आतां या वरि । गुरुभक्तिची परी ।
 सांघों अवधारीं । चतुरनाथा ॥ ६८ ॥
 आघवेया चि दैवां । जन्मभूमि जे सेवा ।
 जे ब्रह्म करी जीवा । शोच्यते ही ॥ ६९ ॥
 ते आचार्यउपास्ति । सांघिजैल तुज प्रति ।
 बैसो सहस्रा एका ची पांती । अवधानाची ॥ ३७० ॥
 तरि सकलजलसमृद्धी । गंगा रिगाली उदधी ।
 कां श्रुति हे महापदीं । पैठी जाली ॥ ७१ ॥
 नाना वेंटाळनु जीवितें । गुणावगुण उखिते ।
 प्राणनाथा उचितें । दीन्हलें प्रिया ॥ ७२ ॥
 तैसें सबाह्य आपुलें । जेणें गुरुभक्ती दीधलें ।
 आपणपें केलें । भक्तिचें घर ॥ ७३ ॥
 गुरुगृह जिये देशीं । तो देशु चि आहे मानसिं ।
 विरहिणी जैसी । वल्लुभातें ॥ ७४ ॥
 तिये कडौनु येंतु वारा । देवौनु धावे सामोरा ।
 आडपडे सणे घरा । बीजें कीजे ॥ ७५ ॥

साच प्रेमाचिया भूली । तिया दिशा चि बोवाली ।
 जीउ धानापति करनु घाली । गुरुगृहिं जो ॥ ७६ ॥
 गुरुआज्ञा धरलें । देह गाविं असे एकलें ।
 वांमुरुवां लाविलें । दावें जैसें ॥ ७७ ॥
 ह्मणे कै हें विरडें फाटैल । कै तो स्वामि भटैल ।
 युगा ही होन वडिल । निमिष मानी ॥ ७८ ॥
 ऐसैं गुरुग्रामिचें आलें । कां स्वयं गुरु चि धाडिलें ।
 तरि गतायुषा जोडलें । आयुष्य जैसें ॥ ७९ ॥
 कां मुकतेया अंकुरा । वरि पडिलेयां पीयूखधारा ।
 कां निर्जलिचा सागरा । आला मळु ॥ ३८० ॥
 नातरि रंकें निधान देविलें । आंधलेया डोले उघडले ।
 भणगाचेया आंगा आलें । इंद्रपद ॥ ८१ ॥
 तैसें गुरुकुलिचेनि नावें । महासुखें थोरावे ।
 जें कोडि हिं न पोटलवे । आकाशाचां ॥ ८२ ॥
 पं गुरुकुलिं ऐसी । भक्ति जेया देखसी ।
 जाण ज्ञान तेया पासिं । पाइकया असे ॥ ८३ ॥
 आणि अभ्यंतरिली कडे । प्रेमाचेनि पवाडें ।
 श्रीगुरुचें रूपडें । उपासी ध्यानीं ॥ ८४ ॥
 हृदयशुद्धिचां आवारीं । आराध्य तें धूर करी ।
 मग सर्वभावेंसि परिवारीं । आपण होए ॥ ८५ ॥
 कां चैतन्याचिया पवली । माक्षि आनंदाचां राउलिं ।
 गुरुलिंगा ढाली । ध्यानामृत ॥ ८६ ॥
 उद्देजतां बोधार्का । बुद्धिची डाल सात्विका ।
 भ्रौनि दे त्र्यंबका । लाखौली तेया ॥ ८७ ॥
 शुद्धि त्रिकालिं । जीवदशा धूपु जाली ।
 ज्ञेयदीपें उज्वाली । निरंतर ॥ ८८ ॥

समरस्याची रससोय । अखंड अर्पीतु जाए ।
 आपण भराडा होए । गुरुतें लिंगा ॥ ८९ ॥
 नातरि जिवाचिये सेजे । गुरु कांतु करुनु मुंजे ।
 ऐसि प्रेमाचिं भोजें । बुद्धि वाहे ॥ ३९० ॥
 कोणही एकीं अवसरिं । अनुरागु भरें अंतरीं ।
 किं तेया नावें करी । क्षीराब्धि ॥ ९१ ॥
 तेथ ध्यान बहुमुख । ते शेष तुळई निर्दोष ।
 धरि जलसेनु देख । भावी गुरु ॥ ९२ ॥
 बोलगती पाए । लक्ष्मी आपण होए ।
 गरुड होउनु राहे । आपण चि ॥ ९३ ॥
 नाभी आपण जन्मे । ऐसी गुरुमूर्त्ति प्रेमें ।
 अनुभवी मनोधर्मे । ध्यानमुखें ॥ ९४ ॥
 एकोधिये वेले । गुरु माये करी भावबलें ।
 मग स्तन्य उत्सांगिं लोले । अंका वरि ॥ ९५ ॥
 नातरि गा किरीटी । चैतन्यतरूतलवटीं ।
 गुरुधेनु आपण पाठिं । वत्स होए ॥ ९६ ॥
 गुरुस्नेहसलीलीं । आपण होये मासली ।
 कोणही एकीं वेलीं । हें चि भावी ॥ ९७ ॥
 गुरु आमृताचें वडप । आपण होये लाहालाहात रोप ।
 ऐसेसे संकल्प । विये मन ॥ ९८ ॥
 चक्षुपक्षिं विण । पीलु होये आपण ।
 ऐसें पै अपारपण । आवडिचें ॥ ९९ ॥
 गुरुतें पक्षिणी करी । चाराचारी चांचु वेन्हीं ।
 गुरु तारुं कास धरी । आपण जलीं ॥ ४०० ॥
 ऐसें प्रेमाचेनि थावें । ध्यान चि ध्यानातें प्रसवे ।
 पूर्ण सिंधू हेलावे । सूटति जैसे ॥ १ ॥

किंबहुना इया परीं । गुरुमूर्ति अंतारीं ।
 भोगी आतां अवधारीं । बाह्य सेवा ॥ २ ॥
 तरि जीवीं ऐसे आवांके । ह्मणे दास्य करीं न नीकें ।
 जवं गुरु कवतिकें । माग ह्मणाति ॥ ३ ॥
 तैसिया साचा उपास्ती । गोसांविं प्रसन्न होंति ।
 तेथ मी विनती । ऐसी करीन ॥ ४ ॥
 ह्मणौनु तुमचा देवा । परिवारु आघवा ।
 तेतुलीं रूपें होआवा । मीं चि एकु ॥ ५ ॥
 आणि देव्हाराचि आपुलीं । उपकरणें जेतुलीं ।
 माझि रूपें तेतुलीं । होआवीं जी ॥ ६ ॥
 ऐसा मागेंन वरु । तेथ हो ह्मणाति श्रीगुरु ।
 मग तो परिवारु । मीं चि होइन ॥ ७ ॥
 उपकरणजात सकलैक । तें हिं होईन एकैक ।
 मग उपास्तचें कवतिक । देखिजेल ॥ ८ ॥
 श्रीगुरु बहुतांची माए । परि एकळोती होउनि ठाए ।
 तैसें करूनु आण वाए । कृपे तिये ॥ ९ ॥
 तया अनुरागा वेधु लावी । एकपत्नीव्रत वेववी ।
 क्षेत्रसन्यासु करवी । लोभा करवि ॥ १० ॥
 चतुर्दिक्षु वारा । न ल्हाये निगों वाहिरा ।
 तैसा गुरुकृपे पांजरा । आपण चि होईन ॥ ११ ॥
 आपुलेया गुणांचीं लेणीं । करीन गुरुसेवे स्वामिणी ।
 हें असो होईन गवसणी । गुरुभगतीसि ॥ १२ ॥
 गुरुस्नेहाची वृष्टि । मी पृथ्वी होईन तलवटीं ।
 ऐसिया मनोरथांचिया श्रृष्टी । रची अनंता ॥ १३ ॥
 ह्मणे श्रीगुरुचें भवन । मी आपण होईन ।
 आणि दामु होउनु करीन । दास्य तेथिचें ॥ १४ ॥

रिगतां निगतां दातारं । उल्लाङ्गिति उब्रं ।
 ते मी होईन आणि द्वारं । द्वारपालु ॥ १५ ॥
 मी पाउवा होइन । तेया मीं चि मेलवीन ।
 छत्री मी होईन । बारी मी चि ॥ १६ ॥
 मी तलु उपरु ह्यणता । चवरधरु हातुदेंता ।
 स्वामी पुढां बोलता । होईन मी ॥ १७ ॥
 हडपु मीं बोलगैन । उगालु मी चि घेईन ।
 उल्लिग मी करीन । आंबोलिचें ॥ १८ ॥
 होईन गुरुचें आसन । अलंकार परिधान ।
 चंदनादि होईन । उपचार मीं ॥ १९ ॥
 मी चि होईन सुआरु । वोगरीन उपहारु ।
 आपणपें श्रीगुरु । बोवालिन ॥ ४२० ॥
 मग देउ आरोगिति । तेधवां पांतिकरु पांती ।
 मीं चि होईन पुडुतीं । देईन वीडा ॥ २१ ॥
 मग मी ताट काढीन । सेज मी झाडीन ।
 चरणसेवा करीन । मी चि देखें ॥ २२ ॥
 सिंहासन होईन आपण । वरि श्रीगुरु करिति आरोहण ।
 करीन खरेपण । उल्लगेचें ॥ २३ ॥
 श्रीगुरुचें मन । जेया देईल अवधान ।
 तो मी पुढां होईन । चमत्कारु ॥ २४ ॥
 तेया श्रवणाचां आंगणीं । होईन शब्दाचिया क्षोणी ।
 स्पर्श होईन घसणी । आंगिचिये ॥ २५ ॥
 श्रीगुरुचे डोले । अवलोकन स्नेहालें ।
 पाहांती तियें सकलें । रूपें होइन ॥ २६ ॥
 तिये रसने जो रसु रुचैल । तो आपण चि होइजैल ।
 गंधरूपें कीजैल । घ्राणसेवा ॥ २७ ॥

एवं बाह्यमनोगत । गुरुसेवा समस्त ।
 बेंटाळनु वस्तुजात । होउनियां ॥ २८ ॥
 जवं देह असैल । तवं ऐसी सेवा कीजैल ।
 मग देहांति नवल । बुद्धि असे ॥ २९ ॥
 इये शरीरिची माती । मेलवीन तिये क्षिती ।
 जेथ श्रीचरण ठांति । श्रीगुरुचे ॥ ४३० ॥
 माझा स्वामी कवतिकें । स्पर्शल जियें उदकें ।
 तेथ लया नीकें । नेईन आप ॥ ३१ ॥
 श्रीगुरु बोवालिजति । कां भवनीं जिये उजलिजति ।
 तेयां दीपाचेया दीप्ती । ठेवीन तेज ॥ ३२ ॥
 चवरिं हान वीजणा । तेथ लयो करीन प्राणा ।
 मग आंगाचा वीजणा । करीन तेथ ॥ ३३ ॥
 जिये जिये अवकाशीं । श्रीगुरु असति परिवारेंसिं ।
 आकाश लयाकाशीं । नेईन तिये ॥ ३४ ॥
 परि जीतु मेळा न संडीं । निमिषु वायां न धडीं ।
 ऐसेन गणाविया कोडीं । कल्पांचिया ॥ ३५ ॥
 एतुळे वेन्हीं धिवंसा । जेयाचेया मानसा ।
 आणि करूनि हीं तैसा । अपारु चि ॥ ३६ ॥
 राति दियो नेणे । थोडें बहू न हण्णे ।
 हणियांचेनि दासपणें । साजा होए ॥ ३७ ॥
 तो व्यापारु एणें नावें । गगना होउनु थोरावे ।
 एकला करी आघवें । एकी चि काळि ॥ ३८ ॥
 हृदयवृत्ती पुढां । आंग चि घे दवडा ।
 काज करी होडा । मानसेंसीं ॥ ३९ ॥
 एकाधेया वेला । श्रीगुरुचेया खेला ।
 लोण करी सकला । जीविताचें ॥ ४४० ॥

गुरुदास्ये कृशु । जो गुरुप्रेमें सपोसु ।
 गुरुआज्ञे आवासु । आपण जो ॥ ४१ ॥
 जो गुरुकुले सकुलीनु । जो गुरुबंधुसौजन्ये सौजनु ।
 जो गुरुदास्ये सव्यसनु । निरंतर ॥ ४२ ॥
 गुरुसंप्रदायधर्म । ते जेया वर्णाश्रम ।
 गुरुचर्चा नित्यकर्म । जेयासि गा ॥ ४३ ॥
 गुरु क्षेत्र गुरु देवता । गुरु माये गुरु पिता ।
 जो गुरु परीता । मार्गु नेणे ॥ ४४ ॥
 श्रीगुरुचे द्वार । ते जेया सर्वस्व सार ।
 गुरुसेवकां सहोदर । प्रेमें भजे ॥ ४५ ॥
 जेयाचे वक्त्र । वाहे गुरुनामाचे मंत्र ।
 गुरुवचना वांचूनि शास्त्र । हाति न शिवे ॥ ४६ ॥
 सीतले गुरुचरणीं । भलेते जे पाणीं ।
 तेया तीर्थे यात्रे आणीं । त्रैलोक्यीं ॥ ४७ ॥
 श्रीगुरुचे उसिटे । लाहे जे अवचटे ।
 ते तेणे लाभें वीटे । समाधीसि ॥ ४८ ॥
 कैवल्यसुखा साठि । परमाणु वे किरीटी ।
 उधळति पायां पाठि । चालतां जे ॥ ४९ ॥
 हें असो सांग्यो केती । नाहिं पार गुरुभक्ती ।
 तन्हीं गा क्रांतमती । कारण हें ॥ ४५० ॥
 जेयां इये भक्ती चाड । जेयां इये चि त्रिखिचें कोड
 जो सेवे वांचूनु गोड । न मनीं काहिं ॥ ५१ ॥
 तो तत्वज्ञानासि ठाऊं । ज्ञाना तेणे चि आवो ।
 हें असो तो देऊं । ज्ञानभक्तु ॥ ५२ ॥
 हें जाण पां साचोकारें । तेथ ज्ञान उघडेनि द्वारें ।
 नांदतसे जगा पुरे । या रीती ॥ ५३ ॥

जिये गुरुसेवा विधीं । माझा जीट अभिलाखी ।
हणौनि सोये चूकी । बोली केली ॥ ५४ ॥
एन्हवि असतां हातिं खुला । भजनअवधानीं आंधला ।
आणि चर्ये लागि पांगुला । पासौनि मंदु ॥ ५५ ॥
गुरुवर्णानिं मूका । आलसी पोसिजे फूका ।
परि आधि नीका । सानुरागु ॥ ५६ ॥
तेणें चि कारणें । हें स्थूल पोखणें ।
पडिलें मज हणें । ज्ञानदेउ ॥ ५७ ॥
तारि तो बोलु उपसाहावा । बोलगे अवसरु देयावा ।
आतां हणैन वरवा । ग्रंथार्थु चि ॥ ५८ ॥
तारि परियसां श्रीकृष्णु । जो भूतभारसहिष्णु ।
तो बोलतसे वितृष्णु । पार्थु आइके ॥ ५९ ॥
हणें शुचित्व गा ऐसैं । जेया पासिं दीसे ।
आंग मन जैसैं । कापुराचें ॥ ६० ॥
कां रत्नाचें दलवाडें । तैसैं सबाह्य चोखडें ।
आंतु बाहिरि एकें पाडें । सूर्यु जैसा ॥ ६१ ॥
बाहिरि कर्में क्षालला । भीतरि ज्ञानें उजलला ।
इहिं दोहिं परिं आला । शुचित्वासि ॥ ६२ ॥
मातिया आणि जलें । बाह्य णणें मेलें ।
निर्मलां होइजे बलें । वेदांचेनि ॥ ६३ ॥
भले तेथ बुद्धि बलीं । पै रज आरिसा उजलीं ।
सौंदणि फेडी थिगलीं । वस्त्रांचिं गा ॥ ६४ ॥
किंबहुना इया परीं । बाह्य चोख अवघारीं ।
ज्ञानदीपु अंतरीं । हणौनि शुद्ध ॥ ६५ ॥
यन्हवि तन्हीं पांडुसुता । आंतु शुद्ध नव्हतां ।
बाह्य कर्म तत्वता । विटंबु गा ॥ ६६ ॥

मृत्यु जैसा श्रिंगारिला । गर्दभु तीर्थि न्हाणिला ।
 कडू दूधिया माखिला । गुलें जैसा ॥ ६७ ॥
 वोसिं तोरण बांधलें । उपवासियें अन्नें माखिलें ।
 कुंकुसेंदुर केलें । कांतहीनें ॥ ६८ ॥
 कलस ढिवांचे पोकल । जलो वरिचील झलाल ।
 काइ करिसी चित्रफल । आंतु सेण ॥ ६९ ॥
 तैसें कर्म वरिचिली कडां । न सरे थोर मोला कूडा ।
 नव्हे मदिरेचा घडा । पवितृ गंगा ॥ ७० ॥
 ह्यगौनि अंतरिं ज्ञान होआवें । मग बाह्य लाभैल स्वभावें
 वारि ज्ञान कर्म संभवें । ऐसें कैं जोडे ॥ ७१ ॥
 या लागि बाह्यविभागु । कर्म धूतला चांगु ।
 ज्ञानें फेडिला वंगु । अंतरिचा ॥ ७२ ॥
 तेथ अंतरबाह्य गेलें । निर्मलत्व एक जालें ।
 किंबहुना निर्वाललें । शुचित्व चि ॥ ७३ ॥
 ह्यगौनि सद्भाव जीवगत । बाहिरि दीसताति फांकत ।
 स्फटिकगृहिचे डोलत । दीप जैसे ॥ ७४ ॥
 विकल्पु जेणें जेणें उपजे । नाथिली विकृति निफजे ।
 अन्यायवृत्तिचीं बीजें । अंकुर घेंति ॥ ७५ ॥
 तें आयिके अथवा भेटे । पारि मनीं काहिं नुमटे ।
 मेघरंगें न घटे । व्योम जैसें ॥ ७६ ॥
 यन्हविं इंद्रियांचेनि मेलें । विषयां वरि लोले ।
 पारि विकाराचेनि विटालें । सिंपिजे ना ॥ ७७ ॥
 भेटळिया नारी । चोखी अथवा माहारी ।
 तेथ नातळती परी । राहाटों जाणे ॥ ७८ ॥
 कां पति-पुत्रातें आलंगी । एकें चित्तें तन्वंगी ।
 तेथ पुत्रभावाचां आंगीं । न लगे चि कामु ॥ ७९ ॥

तैसें हृदय चोख । संकल्पविकल्पीं सनोलख ।
 कृत्याकृत्य विशेष । फुडें जेया ॥ ४८० ॥
 पाणियें ही रान भीजे । आधणिं हरलु न सिजे ।
 तैसी विकल्पजातीं न सिंपिजे । मनोवृत्ती ॥ ८१ ॥
 तेया नावं शुचिपण । पार्था गा संपूर्ण ।
 हें देखसी तेथ जाण । ज्ञान असे ॥ ८२ ॥
 आणि स्थिरता साचे । घर रिगाली जेयाचें ।
 तो पुरुषु ज्ञानाचें । आयुष्य गा ॥ ८३ ॥
 देह तारि वरिचिली कडे । आपुलेया पारि हींडे ।
 पारि वैसिक न मोडे । मानसाची ॥ ८४ ॥
 वत्सा वरौनि धेनुचें । स्नेह राना न वचे ।
 न येति भोगुं सतियांचें । प्रेमभोग ॥ ८५ ॥
 कां लोभिया दूर जाये । पारि जीउ ठेवां चि आहे ।
 तैसा देह चालितां नोहे । चलु चित्ता ॥ ८६ ॥
 धावतेया अभ्रा सवें । आकाश जैसें न धवे ।
 भ्रमण—चक्रीं न भंवे । जैसा ध्रुवु ॥ ८७ ॥
 पथिकांचिया एरिझारा । सवें एणेंजाणें धनुर्दरा ।
 नाहिं जेवि तरवरां । पथीचेयां ॥ ८८ ॥
 तैसा चलनवलनात्मकिं । असौनि इये पंचभौतिकिं ।
 भूतउर्मी एकी । चालिजे ना ॥ ८९ ॥
 वांहुंटलिचेनि बलें । पृथ्वी जैसी न ढले ।
 तैसा उपद्रवधुमालें । न लोटे जो ॥ ९० ॥
 दैन्यदुःखें न तपे । भयशोकें न कंपे ।
 देहमृत्यू न वासिपे । पातलेयां ॥ ९१ ॥
 आर्तिआशपडिभरे । विविधव्याधिगजरे ।
 उजू असतां पादिमोरे । नव्हे चित्त ॥ ९२ ॥

निंदा निस्तेज दंडी । कामलोभ वरिपडी ।
 लोम नव्हे वांकुडी । मानसाची ॥ ९३ ॥
 आकाश हें ओसरो । पृथिवी वर वीरो ।
 परि नेणे मोहरो । चित्तवृत्ती ॥ ९४ ॥
 हाथि हाला फुलिं । पासिवणें जेवि न घली ।
 तैसा नोहोटे दुर्वाक्यसेलीं । सेलिला सांता ॥ ९५ ॥
 क्षीरार्णवाचां कल्लोळिं । नाहिं कंपु मंदराचलिं ।
 आकाश न जले जालिं । वणवेयाचां ॥ ९६ ॥
 तैसा आळा गेला उर्मी । नाहिं गजबज मनोधर्मिं ।
 किंबहुना धीरु क्षमिं । कल्पांति हिं ॥ ९७ ॥
 पैं स्थैर्य ऐसी भाष । बोलिजे सविशेष ।
 ते हे दशा देख । देखणेयां ॥ ९८ ॥
 हें स्थैर्य निजगडें । जेथ आंगें जीवें जोडे ।
 तो ज्ञानाचें उघडें । निधान जाण ॥ ९९ ॥
 आणि इसाळु जैसा घरा । कां दंदिया हातियरा ।
 न विसंबे भांडारा । बद्धकु गा ॥ ५०० ॥
 एकलौतेया बालका । वरिपडौनि असे अंबिका ।
 कां मधुविपिं मधुमक्षिका । लोभिणि जैसी ॥ १ ॥
 अर्जुना तिया परिं । अंतष्करणा जतन करिं ।
 नैदि उभें ठाकों द्वारीं । इंद्रियाचां ॥ २ ॥
 हाणे कामु हा आइकैल । हे आशसेयाचि देखेंळ ।
 तरि जीवा कडे द्रुकैल । हाणुनि भेटु ॥ ३ ॥
 बाहिरि धिटे जैसी । दाटुगा पति कलासी ।
 करी टेहणी तैसी । प्रवृत्तीसि ॥ ४ ॥
 सतेचेनि वाणिपणें । देहा सकट आटणें ।
 संयमा वरि करणें । बुजुनु घाली ॥ ५ ॥

मनाचा महाद्वारि । प्रत्याहाराचे ठाणांतरि ।
 यमदम शरीरी । जागवी उभे ॥ ६ ॥
 आघारि नाभिकठि । बंधत्रयाची घरटी ।
 चंद्रमूर्यसंपुटी । सुये चित्त ॥ ७ ॥
 समाधिचिये सेजेपासि । बांधौनि घाली ध्यानैसि ।
 समरासि करणासि । अंतरातें ॥ ८ ॥
 आगा अंतष्करणनिप्रहो जो । तो हा पै जाणिजो ।
 हा आधि तेथ उदोजो । ज्ञानाचा पै ॥ ९ ॥
 जेयाची आज्ञा आपण । सारि वाहे अंतष्करण ।
 मनुष्याकारें जाण । ज्ञान चि तो ॥ ५१० ॥

इंद्रियार्थेषु वैराग्यमनहंकार एव च ।

जन्ममृत्युजराव्याधिदुःखदोषानुदर्शनं ॥ ८ ॥

आणि विषयविखि । वैराग्याची नीकी ।
 पुरवणी मानसिकि । जेयातें आधि ॥ ११ ॥
 वमिलेया अन्ना । लाल न घोंटी रसना ।
 आंग न सुत्रे आंलिगना । प्रेताचिया ॥ १२ ॥
 विष खाणें नांगवे । जलतां घरिं न रिगवे ।
 व्याघ्रविवरा न वचवे । वस्ती जेवि ॥ १३ ॥
 धडाडिते लोहरासि । उडी न घलवे जैसी ।
 न करवे उसिसी । अजगराची ॥ १४ ॥
 अर्जुना तेणें पाडें । विषया वार्ता नावडे ।
 नेंदी इंद्रियांचेनि तोंडें । काहि चि जाऊं ॥ १५ ॥
 जेयाचां मनिं आलस्य । देहिं अतिकारिष्य ।
 यमदमोसिं समरस्य । जेयासि ॥ १६ ॥
 तपोव्रतांचा मेळवा । जेयाचां ठांडं पांडवा ।
 युगांतु जेया गावां । आंतु एतां ॥ १७ ॥

बहु योगाभ्यासं हावं । राना कडे धाव ।
 न साहे जो नावं । सांघाताचें ॥ १८ ॥
 नाराजाचिं आंधुरणें । पूयपांकि लोलणें ।
 तैसी लेखी भोगणें । इहिकिचें ॥ १९ ॥
 स्वर्गातें मानसें । आइकौनि मानी ऐसें ।
 कुहिलें पिशित जैसें । श्वानाचें ॥ ५२० ॥
 ह तें विषयवैराग्य । जें आत्मलाभाचें भाग्य ।
 येणें ब्रह्मानंदा योग्य । होति जीव ॥ २१ ॥
 ऐसा उभयभोगुत्रासु । देखसी जेथ बडुवसु ।
 तेथ जाण रहिवांसु । ज्ञानाचा असे ॥ २२ ॥
 आणि सचाडाचिया परी । इष्टापूर्त करी ।
 परि केलेपण शरीरीं । उरों नेंदी ॥ २३ ॥
 वर्णाश्रमपोषकें । कर्में नित्यनैमित्यकें ।
 तेयां माक्षि काहिं न ठके । आचरतां ॥ २४ ॥
 परि हें मियां केलें । कां हें माझेनि जालें ।
 ऐसें नाहिं ठेविलें । वासने माक्षि ॥ २५ ॥
 जैसें अवचितेपणें । वायूसि विचरणें ।
 निराभिमानीं उदैजणें । सूर्याचें ॥ २६ ॥
 कां भृति सदा बोले । गंगा काजें विण चाले ।
 तैसें अवष्टंभहीन भलें । वर्त्तन जेयाचें ॥ २७ ॥
 रतुकाळि तारि फलति । परि फललों हें नेणति ।
 तेया वृक्षांचिया ऐसी वृत्ती । कर्मिं सदा ॥ २८ ॥
 एवं मनिं कर्में बोलिलिं । जेथ अहंकारा उखी जाली ।
 एकावलिएची काढिली । दोरी जैसी ॥ २९ ॥
 संबंधें विण आकाशीं । अभ्रें असति आपैसिं ।
 देहिं कर्में तैसीं । जेयासि गा ॥ ५३० ॥

मद्यपा आंगिचें बख । कां लेपा हातिचें शख ।
नातारि बैला वारि शाख । बांधलें असे ॥ ३१ ॥
तेणें पाडें देहीं । आहें हे से चि नाहिं ।
निरहंकारता पाहिं । तेया नावं ॥ ३२ ॥
हें संपूर्ण जेथ दीसे । तेथ गा ज्ञान असे ।
इये विखिं अनारिसें । बोलों न ये ॥ ३३ ॥
आणि जन्म मृत्यु दुःखें । व्याधि वार्धक्य कलुषें ।
यें आंगा न यंतां देखे । दूरौनि जो ॥ ३४ ॥
साधकु विवंसिया । कां उपसर्गे योगिया ।
पावे उणेया पुरेयां । वोथंबा जेवि ॥ ३५ ॥
वैर जन्मांतरिचें । सापा मनौनि न वचे ।
तेवि अतीतां जन्मांचें । उणें वाहे ॥ ३६ ॥
डोळां हरलु न थरे । घाई शाख न जिरे ।
तैसें कालिचें न विसरे । जन्मदुःख ॥ ३७ ॥
एणे पूयगर्ते रिगालां । मूत्रंध्रौनि निगालां ।
कटारे मियां चाटिला । कुचस्वेदु ॥ ३८ ॥
ऐसिया ऐसिया परी । जन्माचा कांटाळा धरी ।
आतां तें करीं । जेणें नोहे ॥ ३९ ॥
हारि उमचावेया । जुंवारु ये डाय ।
कां वैरा बापिकेया । पुतृ जचे ॥ ५४० ॥
मारिलेयाचेनि रागें । पाठिचा सूड मागे ।
तेणें आक्षेपें लागे । जन्मा पाठिं ॥ ४१ ॥
परि जन्मांति जे लूज । न संडी तेयाचें निज ।
संभाविता निस्तेज । न साहे जैसें ॥ ४२ ॥
आणि मृत्यु पुढां आहे । तो चि कल्पांति कां पाहे ।
परि आजिचि होये । सावधु जो ॥ ४३ ॥

माझि अथाउं हणतां । थडिये चि पांडुसुता ।
 पन्हणारु आइता । कांशि जेवि ॥ ४४ ॥
 कां न पवतां रणाचा ठाउ । सांभालिजे जैसा आवो ।
 वोडण सूयिजे जैसा घावो । न लगतां चि ॥ ४५ ॥
 पाहेचा पेणा वाटबंधां । तवं आजि चि होइजे सावधां
 जीउ न निगतां ओखदा । धांविजे जेवि ॥ ४६ ॥
 यन्हर्वि ऐसें केवि घडे । जो जलतां घरिं सांपडे ।
 तो न पवाडे । कुहां खणों ॥ ४७ ॥
 चोंढिये पाथरु गेला । तैसेनि जो बुडाला ।
 तो बोंबे सकट मूकला । कोण सांघे ॥ ४८ ॥
 हणुनु समर्थेसि वैर । जेया पडे हाडकाइर ।
 तो जैसा आठे पाहार । परजुनु चि असे ॥ ४९ ॥
 नातरि केलवली नोवरी । संन्यासी कां जेया परिं ।
 तैसी न मरतां करी । मृत्युसूचना ॥ ५० ॥
 पै गा जो इया परिं । जन्में चि जन्म निवारी ।
 मरणें चि मृत्यु मारी । आपण उरे ॥ ५१ ॥
 तेयातें घरिं ज्ञानाचें । सांकडें नाहिं साचें ।
 जेया जन्ममृत्युचें । हृदइं शत्य ॥ ५२ ॥
 आणि तेया चि परिं जरा । न टेंकतां शरीरा ।
 तारुण्याचिया भरा । माझि देखे ॥ ५३ ॥
 हणुणे आजिचां अवसरिं । पुष्टि जे हे शरीरिं ।
 ते पाहे होईल कांचरी । सिजली जैसी ॥ ५४ ॥
 निदैवांचे व्यवसाये । तैसे ठाकति हातपाए ।
 अमंत्रिया राज्याची परि होये । बलासिया ॥ ५५ ॥
 फुलाचेया भोगा । लागि प्रेम दांगा ।
 तें कन्हैयाचा गुडगा । तैसें होइल ॥ ५६ ॥

बोढालाचां खुरिं । आखरु आते बुरी ।
 तैसी दशा माथें भ्रवण वरि । सव लेहें ॥ ५७ ॥
 पद्मदलेंसि इसालें । भांडताति हे ढोले ।
 ते होतील पडबलें । पीकलीं तैसीं ॥ ५८ ॥
 भवैचि पडलें । बोमथती सिनसालें ।
 उरु कुहिलजैल जलें । आंसुवांचेनि ॥ ५९ ॥
 जैसें बाबुलेंचें खोड । गिरबडूनि जाति सरड ।
 तैसें पिचडिं तोंड । सराडैल ॥ ५६० ॥
 रांधवण बोलि पुढें । पन्हिवे वाहाति खाताडें ।
 तैसिं होति नाकाडें । बिडिबिडितील ॥ ६१ ॥
 तांबोलें वोंठ राउं । हांसतां दांत दाउं ।
 सनागर मिरउं । बोली जेणें ॥ ६२ ॥
 तेयाचिया तोंडा । येर जलंब्राचा लोंढा ।
 हरडी उमलैल दाढा । दांतेंसि जाण ॥ ६३ ॥
 कुलवाडि जैसी खेटली । कां वाकडिया ढोरें बैठलि ।
 तैसी नूठील काहिं केली । जीभ हें ॥ ६४ ॥
 कुसलें कोरडिं । वारेनि जांति बरडी ।
 तैसी आपत्य तोडी । दाढियेसि ॥ ६५ ॥
 आशाढिचेनि जलें । जैसें क्षिरपांति मौलें ।
 तैसें खांडेहूनि लाले । पेटति पुर ॥ ६६ ॥
 वाचेसि अपवाडु । कानासि अनुघाडु ।
 पिडु गरुवा मांकडु । होईल हा ॥ ६७ ॥
 तणाचें बुजवणें । आंदोले वारे गुणें ।
 तैसें येईल कांपणें । सर्वांगासि ॥ ६८ ॥
 पायां पडति वेंगडीं । हात हांति मुरुकुंडी ।
 बरवेपण बागडीं । नाचवील हे ॥ ६९ ॥

मलमूत्रद्वारें । होउनि ठांति खोंकरें ।
 नवसियें सूंति थेरें । माझां निघनि ॥ ५७० ॥
 देखौनि थूंकील जगु । मरणाचा पडैल पांगु ।
 सोइरियां उभगु । होईल माझा ॥ ७१ ॥
 स्त्रिया ह्मणति विंवंसी । बालें जाति मुसि ।
 किबहुना चिलसी । पात्र होइन ॥ ७२ ॥
 उभलिचा उजगरा । सेजियां साइलेयां घरा ।
 सिणवी ह्मांतारा । बहुतांतें हा ॥ ७३ ॥
 ऐसी वृद्धाप्याची खोंचणी । आपणेया तरुणपणि ।
 देखों देखों आणि । मग जो वीटे ॥ ७४ ॥
 झणे पाहे हें होइल । आतांचि भोगितां जाइल ।
 मग काइ उरैल । हितालागि ॥ ७५ ॥
 झणुनि नाइकर्णें पावे । तवं आइकौनि घाली आघवें ।
 पंगु नव्हतां जावें । नीकेया स्थाना ७६ ॥
 दीठि जवं जाये । तवं पाहावें तेतुलें पाहे ।
 मूकत्वा आधि धाये । सुभाषिति ॥ ७७ ॥
 हात होतील खुलें । हें पुढैल मोटकें कले ।
 तवं करुनि घाली सकलें । दयादिकें ॥ ७८ ॥
 मन होइल वेडें । ऐसिये दशे पुढें ।
 चिंतौनि ठेवी चोखडें । अदृष्ट जो ॥ ७९ ॥
 जैसें चोर पाहे झोंबती । तवं आजी चि रुसिजे संपत्ती
 झांकाझांकि कीजे वाति । न वचतांचि ॥ ५८० ॥
 तैसें वृद्धाप्यें थावें । मग जें वायां जावें ।
 तें आपणेयां आघवें । सोवतें करी ॥ ८१ ॥
 आतां मोडुनु वसविलें दुर्गे । कां वलित धरिलें खंगें ।
 तेथ डफकेन जो रिगे । तो नांगवला ॥ ८२ ॥

तैसैं वृद्धाप्य होये । आलेपणें वायां जाये ।
 जें तो शतवृद्ध आहे । नेणों कैचा ॥ ८३ ॥
 झाडिलें कोलें झाडी । तेया न फले चि जेवि बोंडि ।
 जाला आगि तरि राखौंडी । जालील काइ ॥ ८४ ॥
 ह्यणुनि वृद्धाप्याचेनि आठवें । वृद्धाप्यें जो न नगवे ।
 तेयाचां ठांइं जाणावें । ज्ञान आहे ॥ ८५ ॥
 तैसेचि नाना रोग । पडिघांति पुढां आंग ।
 तवं आरोग्यतेचे उपेग । करुनि घाली ॥ ८६ ॥
 सांपाचां तोंडि । जे पडिलें सकूडी ।
 ते लाउनियां सांडी । बुद्धिवंत ॥ ८७ ॥
 तैसा वियोगु जेणें दुःखें । विपत्ति शोकु पोखे ।
 तें स्नेह सांडौनि सुखें । उदासु जो होए ॥ ८८ ॥
 आणि जेणें जेणें कडें । दोष सूंतील तोंडें ।
 तिये कर्मरंध्रीं गुंडे । नियमाचे दाटी ॥ ८९ ॥
 ऐसीऐसीया आइती । जेयाची परि असती ।
 तो ज्ञानसंपत्ती । गोसांविं गा ॥ ५९० ॥

असक्तिरनभिष्वंगःपुत्रदारगृहादिषु ।

नित्यं च समचित्तत्वमिष्टानिष्टोपपत्तिषु ॥ ९ ॥

आतां आणिक ही एक । लक्षण अलौकिक ।
 सांघेन आइक । धनंजया ॥ ९१ ॥
 तरि गृहपरिमहावरि । उदासु इया परि ।
 उखिता जैसा बिठारी । बैसविला असे ॥ ९२ ॥
 कां झाडांची साउली । वाटे जांतां मिनली ।
 वरावरि तेतुली । आस्था जेया ॥ ९३ ॥
 साउली सरिसी चि असे । परि असो हें नेणजे जैसैं ।
 छियेचें तैसैं । अगते जेया ॥ ९४ ॥

आणि प्रजा जे जाली । ते बसती चि कीर बाळी ।
 कां गोरुवें बैसलीं । रंखातलिं ॥ ९५ ॥
 जो संपती माजि असतां । ऐसा गमे पांडुसुता ।
 जैसा कां वाटे जाता । साक्षी ठेविला ॥ ९६ ॥
 किंबहुना पूसा । पांजरेया माझि जैसा ।
 वेदाज्ञेसि तैसा । भीउनु भसे ॥ ९७ ॥
 यन्हर्वि दारां गृहपुत्रीं । नाहिं जेयाची मैत्री ।
 तो जाण धात्री । ज्ञानाची गा ॥ ९८ ॥
 आणि माहासिंधु जैसा । ग्रीष्मवर्षा सरिसा ।
 इष्टानिष्टां तैसां । जेयाचां ठांड ॥ ९९ ॥
 कां तीन्ही काळ होंतां । त्रिधा न्हवे चि सविता ।
 तैसा सुखदुःखि चित्ता । भेदु नाहिं ॥ ६०० ॥
 जेथ नभाचेनि पाडें । समत्वा उणें न पडे ।
 तेथ गा ज्ञान जोडें । जातखेउं ॥ १ ॥

मयि चानन्ययोगेन भक्तिरव्यभिचारिणी ।

विविक्तदेशसेवित्वमरतिर्जनसंसदि ॥ १० ॥

आणि मी वांचुनु काहिं । गोमटें जेया नाहिं ।
 ऐसा समो तिहिं । निश्वयाचा केला ॥ २ ॥
 शरीर वाचा मानस । पियालीं कृतनिश्वयाचे कोस ।
 एक मो वांचूनि वास । न पाहवेया ॥ ३ ॥
 किंबहुना निज । जेयाचें जालें मज ।
 जेणें आपणेयां आह्मां सेज । येकि केलि ॥ ४ ॥
 रिगतां वल्लभापुढें । नाहिं जीविं सांकडें ।
 तिणे कांतेचेनि पाडे । एकसरे जो ॥ ५ ॥
 मित्रैनि मिउत चि दासे । समुद्रिं गंगापय जैसें ।
 मी होउनि मार्तें तैसें । सर्वस्व दे ॥ ६ ॥

सूर्याचा होणां होइजे । सूर्यासवें जाइजे ।
 हें विकलेण साजे । प्रभे जेवि ॥ ७ ॥
 पं पणियाचिये भूमिके । पाणी चि तळपे कवतिकें ।
 ते लहरी झणति लौकिकें । यन्हवि पाणी चि तें ॥ ८ ॥
 जो अनन्यु तियापरी । मो जाळां हिं मातें वरी ।
 तो ते मूर्ति धरीं । ज्ञानाची येथ ॥ ९ ॥
 आणि तीर्थे तटें । तपोवनें चोखटें ।
 आवडति कपाटें । वसों जिया ॥ ६१० ॥
 शैलकक्षाचीं कंदरें । जलाशय परिकरें ।
 अधिष्ठी जो आदरें । नगरा न ए ॥ ११ ॥
 बहू ऐकांतावरि प्रीति । जेया जनपदाची खंती ।
 जाण मानुषी मूर्ति । ज्ञान चि तो ॥ १२ ॥
 आणिक ही पुढुतीं । चिन्ह गा सुमती ।
 ज्ञानाचिये निरुती । लागी सांघों ॥ १३ ॥
 अध्यात्मज्ञाननित्यत्वं तत्त्वज्ञानार्थदर्शनं ।
 एतज्ज्ञानमिति प्रोक्तमज्ञानं यदतोऽन्यथा ॥ ११ ॥
 तरि परमात्मा ऐसें । जें एकि वस्तु असे ।
 तें जेया असे । ज्ञानातव ॥ १४ ॥
 तें एक वांचूनि आनें । जियें भवस्वर्गादि ज्ञानें ।
 तें अज्ञान ऐसें मनें । निश्चयो करी ॥ १५ ॥
 स्वर्गु जीणावा हें सांडी । भवविषिं काम अडी ।
 दे अध्यात्मज्ञानिं बुडी । सद्भावेंसि ॥ १६ ॥
 भंगलिये वाटे । शोघूनियां अन्हांटे ।
 निगिजे जेवि नीटें । राजपंथें ॥ १७ ॥
 तैसें अज्ञानजात करी । पण आघवेंचि एकीकडे सारी ।
 मग मन बुद्धि मोहरी । अध्यात्मज्ञानिं ॥ १८ ॥

ह्यणे हें चि एक आधि । एर जाणणें ते भ्रांति ।
 ऐसा निष्कर्षी मति । मेरु होये ॥ १९ ॥
 येवं निश्चयो जेयाचा । द्वारिं अध्यात्मज्ञानाचां ।
 ध्रुवो देवो गगनिचा । तैसा राहला ॥ ६२० ॥
 तेयाचां ठांडं ज्ञान । मा बोला ह्यणसी व्यवधान ।
 जें ज्ञानिं बैसलें मन । तेव्हां चि तो तें ॥ २१ ॥
 तरि बैसलेपणें जें होये । तें बैसतां चि वेळि नोहे ।
 तन्हीं ज्ञाना तेया आहे । सरिसा पाडु ॥ २२ ॥
 आणि तत्वज्ञान निर्मळ । विये जें एक फल ।
 ते ज्ञेय हिं वरि सरल । दीठि जेयाची ॥ २३ ॥
 यन्हविं बोधा आलेनि ज्ञानें । जरि ज्ञेय न दिसे चि मं
 तरि ज्ञानलाभु ही न मने । जाला सांता ॥ २४ ॥
 आंधलेनि हातिं दिवा । घेउनि काये करावा ।
 तैसा ज्ञाननिश्चयो आघवा । वायां जाए ॥ २५ ॥
 परि ज्ञानाचेनि प्रकाशें । परतत्विं दीठि जें बैसे ।
 ते स्फूर्ति असे । अंध होउनि ॥ २६ ॥
 ह्यणुनि ज्ञान जेतुलें दावी । तेतुली वस्तु अघवी ।
 देखे ऐसी होआत्री । बुद्धि चोख ॥ २७ ॥
 या लागि ज्ञानें निर्दोषें । दाविलें ज्ञेय देखे ।
 तैसेनि उन्मेखें । आधिला जो ॥ २८ ॥
 जेवढी ज्ञानाची उधि । तेव्हडी चि तेयाची बुद्धि ।
 तो ज्ञान हे शाद्धि । करणें न लगे ॥ २९ ॥
 पै ज्ञानाचिये प्रभे सवें । जेयाची मति पावे ।
 हातधरणियां सीदे । परतत्वातें ॥ ६३० ॥
 तो चि ज्ञान हे बोलतां । विस्मो कोणु पांडु सुता ।
 कां सवितेयातें सविता । ह्यणावें असें ॥ ३१ ॥

तव श्रोतां ह्यणितलं असो । न सर्वै देवाच्चा अतिसो ।
 ग्रंथउत्कंठे आडसो । घालिसी कां ॥ ३२ ॥
 तूष्णा हा चि आह्नां थोरु । वगतृत्वाच्चा उपकारु ।
 जे ज्ञानविषो फारु । उपदेशिला ॥ ३३ ॥
 रसु न व्हावा अतिमात्रु । हा घेतासि केवि मंत्रु ।
 तरि अवंतुनु शत्रु । करितासि गा ॥ ३४ ॥
 ठांडं बैसतिये वेले । जे रससोये घंउनि पले ।
 तियेचा येरु वोडौ मिले । कोणा अर्था ॥ ३५ ॥
 आघवा चि विषिं भादि । पारि सांजवणी टेंको नेंदी ।
 ते खुरथोडी नसुधी । पोसी कवण ॥ ३६ ॥
 तैसी ज्ञानिं मति न फांके । येरें जल्पति नेणों केतुकें ।
 पारि तें असो नीके । केलें तुवां ॥ ३७ ॥
 जेया ज्ञानलेसादोसैं । कीजति योगातिसायासैं ।
 तें धणिचें आणि तूझेया ऐसैं । केलें निरोपण ॥ ३८ ॥
 अमृताची सातवाकडी । लागो कां अनुघाडी ।
 सुखाचे दीस कोडी । गणिजतु कां ॥ ३९ ॥
 पूर्णचंद्रेंसिं राति । युग एक असौनि पांति ।
 तरि काय पाहाताति । चकोर ते ॥ ४० ॥
 तैसैं ज्ञानाचें बालणें । आणि येणें रसालपणें ।
 आतां पुरे कोण ह्यणे । आकर्णितां ॥ ४१ ॥
 आणि सभाग्यु पाहुणा ये । सुभगाची वाढती होये ।
 तैं सरो न ये रससोए । ऐसैं आधि ॥ ४२ ॥
 तैसा घडला प्रसंगु । ज्ञानिं आह्नां लागु ।
 आणि तुज ही अनुरागु । आधि येथ ॥ ४३ ॥
 ह्यणौनि यया वाखाणा । पाठि सेइली चौगुणा ।
 ना ह्यणों न येसि देखणा । ह्यौंसि ज्ञानी ॥ ४४ ॥

तरि आतां या वरि । प्रज्ञेचा माजु धरिं ।
 पद साहसिं करी । निरोपण ॥ ४५ ॥
 या संतवाक्या सरिसें । जी ह्यणितलें निवृत्तिदासें ।
 माझे हीं जी ऐसें । मनोगत ॥ ४६ ॥
 या वरि आतां तुह्मीं । आज्ञापिलां स्वामी ।
 तरि वायां चि बाग्मी । वाढों नेंदी ॥ ४७ ॥
 एवं ये अवधारा । ज्ञानलक्षणें अठरा ।
 श्रीकृष्णें धनुर्द्वरा । निरोपिलिं ॥ ४८ ॥
 मग ह्यणे या नावें । ज्ञान येथ जाणावें ।
 हें स्वमतें आघवे । ज्ञानिये ह्यणति ॥ ४९ ॥
 करतला वरि वाटुला । डोलत देखिजे जेवि आवला ।
 तैसें ज्ञानें डोलां । आह्मिं दाविळें तुज ॥ ६५० ॥
 आतां जें महामती । अज्ञान ऐसी वदंती ।
 ते ही सांघों व्यक्ती । लक्षणीं गा ॥ ५१ ॥
 यन्हविं ज्ञान फुडें जालेयां । अज्ञान जाणवें धनंजया ।
 जें ज्ञान नव्हे तें आपैसेया । अज्ञान चि ॥ ५२ ॥
 पाहे पां देउ आघवा चि भरे । मग रात्री चि बोवि
 वांचूनु काहिं तिसरें । नाहिं जेवि ॥ ५३ ॥
 तैसें ज्ञान जेथ नाहिं । तें चि अज्ञान पाहिं ।
 तरि सांघों काहिं काहिं । चिन्हें तियें ॥ ५४ ॥
 तरि संभावने जिये । जो मानाची वाट पाहे ।
 सत्कारें होये । तोषु जेया ॥ ५५ ॥
 गर्बें पर्वताचिं सिखरें । तैसा महत्वा वरौनि नुतरे ।
 तेयाचां ठांडं पुरें । अज्ञान असे ॥ ५६ ॥
 आणि स्वधर्माची मागवेलि । बांधे वाचेचा पिंपार्लिं ।
 उमिला जैसा देउलिं । जाणौनि कुंचा ॥ ५७ ॥

घाली विचेचा पसारा । सुये सुकृताचा डांगोरा ।
 करी तेतुलें मोहरा । स्फीतीचेया ॥ ५८ ॥
 भांग वरि चर्ची । जनातें वंची ।
 तो जाण अज्ञानाची । खाणी येथ ॥ ५९ ॥
 आणि वन्हि वनि विचरे । तेथ जळति जैसि स्थावरें ।
 तैसें जेयाचेनि आचारें । जगा दुःख ॥ ६६० ॥
 कवतिकें जें जल्पे । तें साबलाहुनु रूपे ।
 विषाहुनु संकल्पें । मारकु जो ॥ ६१ ॥
 तेयातें बहू अज्ञान । अज्ञानाचें चि निधान ।
 हिंसेसि आयतन । जेयाचें जीणें ॥ ६२ ॥
 आणि फुंके भाति फुगे । रेचिली सवें चि उफगे ।
 तैसा संयोगविद्योगें । चढे वोहटे ॥ ६३ ॥
 पडिली वारेयाचा वलसां । धूलि चढे आकाशा ।
 हरिषा वलघे तैसा । स्तुतिवेल ॥ ६४ ॥
 निंदा मोटकी आइके । आणि कपाल धरूनि ठाके ।
 थेंबें विरे वारेनि शोके । चिखल्लु जैसा ॥ ६५ ॥
 तैसा मानापमानि होये । जो कोण्ही उर्मी न साहे ।
 तेयाचां ठांडूं आहे । अज्ञान पुरें ॥ ६६ ॥
 आणि जेयाचां मनि गांठि । वरि मोकळी वाचा दीठि ।
 आंगें मीतलें जीवें पाठि । भलेतेया दे ॥ ६७ ॥
 व्याधाचें चारा घालणें । तैसें प्रांजल जोगावणें ।
 चांगाचें अंतष्करणें । वीरू करी ॥ ६८ ॥
 गार सेवालें गुंडालली । कां निंबोली जैसी पीकली ।
 तैसी जेयाची भली । बाह्य क्रिया ॥ ६९ ॥
 अज्ञान तेयाचां ठांडूं । ठेविलें असे पाहिं ।
 या बोळा आन नाहिं । सत्य माझे ॥ ६७० ॥

आणि गुरुकुलें जो लाजे । गुरुभक्ती उभजे ।
 विद्या घेउनु माजे । गुरुसी चि ॥ ७१ ॥
 तेयाचें नावं घेणें । तें वाचेसि शूद्रान्न होणें ।
 परि घडलें लक्षणें । बोलतां इयें ॥ ७२ ॥
 आतां गुरुभक्ताचें नावं घेउं । तें चि वाचेसि प्रायश्चित्त देउं ।
 गुरुसेवकु पाहों । सूर्यु हा ॥ ७३ ॥
 एतुलेनि लागु पापाचा । निस्तुरैल हे वाचा ।
 जो गुरुलोपकाचा । पापि घडला ॥ ७४ ॥
 हा ठाउं वरि । तेया नावांचें भय हरी ।
 मग ह्मणे अवधारीं । आणिकें चिन्हें ॥ ७५ ॥
 आंगें कर्मा ढीला । जो मनें विकल्पें भरला ।
 अडविचा अवगलला । कुहा जैसा ॥ ७६ ॥
 तेया तोंडिं कांटियडें । आंतु नसुदिं हाडें ।
 अशुचि तेणें पाडें । सबाह्यु जो ॥ ७७ ॥
 जैसैं पोट पोसी सुणें । उघडें झांकलें न ह्मणे ।
 तैसैं आपुलें परावें नेणे । द्रव्या लागि ॥ ७८ ॥
 या ग्रामकोलाचां ठाडं । जैसा मिलणीं ठाउं नाहिं ।
 तैसा स्त्रीविषडं कांहिं । विचारीना ॥ ७९ ॥
 कर्माचा वेळु चूके । कां नित्यनैमित्यक ठाके ।
 तें जेया न दूखे । जीवा माझि ॥ ६८० ॥
 पापि जो निसुगु । पुण्यि अति निलागु ।
 जेयाचा मर्नि वेगु । विकल्पाचा ॥ ८१ ॥
 तो जाण निखला । अज्ञानाचा पूतला ।
 जो बांधौनि असे ढोलां । विन्यासातें ॥ ८२ ॥
 आणि स्वार्थें अलुमालें । जो धीरापासौनि चले ।
 जैसैं तृणबीज बलें । मुंगियेचेनि ॥ ८३ ॥

पावो सूदलेया सवें । थिल्लुर जैसें कालवे ।
 तैसें भयाचेनि नावें । गजबजे जो ८४ ॥
 वायुचेनि अनुवायें । धूं दिगंत वेन्हीं जाये ।
 दुःखवार्त्ता होये । तैसें जेया ॥ ८५ ॥
 मनोरथांचा धारसां । वाहवणें जेयाचेया मानसा ।
 पुरीं पडला जैसा । दूधिया कां ॥ ८६ ॥
 वाउधणाचिया परी । जो आश्रयो केहीं न धरी ।
 क्षेत्रिं तीर्थीं पुरीं । धारों नेणे ॥ ८७ ॥
 मातलेया सरडा । पुड्ढतिं बूढ पुड्ढतीं सेंडा ।
 हिंडणवारा कोरडा । तैसा जेया ॥ ८८ ॥
 जैसा रोविलेयां उणें । रांजणु बैसों नेणे ।
 तैसा पडे तरि राहाणें । यन्हविं हींडे ॥ ८९ ॥
 तेयाचां ठांडं उदंड । अज्ञान असे उघड ।
 जो चांचल्यें भावंड । मर्कटाचें ॥ ९० ॥
 आणि पै धनुर्द्धरा । जेयाचेया अंतरा ।
 नाहिं वोढा वारा । संयमाचा ॥ ९१ ॥
 लेंडिये आला लोंढा । न मनी वालुवेचा वरंडा ।
 तैसा निषेधाचेया तोंडा । भिये ना जो ॥ ९२ ॥
 व्रतातें आडमोडी । धर्माचे पाये उपडी ।
 नियमाची आश तोडी । जेयाची क्रिया ॥ ९३ ॥
 नाहिं पापाचा कांटाला । नेंदी पुण्यासि जीवाला ।
 लाजेचा पेंडवला । खणौनि घाली ॥ ९४ ॥
 कुलेंसि पाठिमोरा । वेदाज्ञेसि दुन्हा ।
 वृत्त्याकृत्यव्यापारा । निवाडु नेणे ॥ ९५ ॥
 वषो जैसा मोकटु । वारा जैसा अफाटु ।
 पूटला जैसा पाटु । निरंजनीं ॥ ९६ ॥

आंधलें हातिरं मातलें । कां डोंगरिं जैसें पेटलें ।
 तैसें विषइं लागलें । चित्त जेयाचें ॥ ९७ ॥
 पै उघडा काय न पडे । मोकाटु कोणां नांतुडे ।
 गांवदारिचें आडें । नोलांडी कवण ॥ ९८ ॥
 जैसें सत्रीं अन्न जालें । कां सामान्या बीक आलें ।
 वाणसिये उभलें । कोण न रिगे ॥ ९९ ॥
 तैसें जेयाचें अंतःकरण । तेयाचां ठाईं संपूर्ण ।
 अज्ञानाची जाण । रिद्धि असे ॥ १०० ॥
 आणि विषयांची गोडी । जो जीत मेला न संडी ।
 स्वर्गिं हिं खावेया जोडि । येथौनि चि ॥ १ ॥
 जो अखंड भोगा जचे । जेया व्यसन कामक्रियेचें ।
 मुख देखौनि विरक्ताचें । सचैल करी ॥ २ ॥
 विषो शीणौनि जाए । पारि न सिणे सावधु नोहे ।
 जेणें कुहिला हातें चि खाये । कोढी जैसा ॥ ३ ॥
 खरी टेंकों नेंदी उडे । लातौनि फोडी नाकाडें ।
 तन्हीं जैसा न कढे । माघौता खरु ॥ ४ ॥
 तैसा जो विषयां लागि । घाली जलतिये आगी ।
 व्यसनाचिं आंगिं । लेणिं मिरवी ॥ ५ ॥
 फूटौनि पडे तवं । मृगु वाढवी हांव ।
 पारि न हणगे माव । रोहिणीची ॥ ६ ॥
 तैसा जन्मौनि मृत्यु वेन्हीं । विषइं त्रासितां बहु इं परीं ।
 पारि त्रासु नेवे धरी । अधिक प्रेम ॥ ७ ॥
 पाहिलिये बालदशे । आई बा हें चि पिसें ।
 तें सरे मग स्त्रीमांसें । भुलौनि ठाके ॥ ८ ॥
 मग स्त्री भोगितां थावें । वृद्धाष्टें लागे नेउं ।
 मग तो चिं प्रेमभाउं । बालकां आणी ॥ ९ ॥

आंधलें वियालें जैसे । तैसि बालकें परिवंने ।
 फिर जिये तत्रं न त्रासे । विषयांसि जो ॥ ७१० ॥
 जाण तेयाचां ठांड । अज्ञानासि पारु नाहिं ।
 आतां आणिकें हिं । चिन्हें सांघों ॥ ११ ॥
 तारि देह हें आत्मा । ऐसेया जो मनोधर्मा ।
 बलघौनियां कर्मा । रंभ करी ॥ १२ ॥
 आणि उणें कां पुरें । जें जें काहिं आचरे ।
 तेयाचेनि आविष्कारें । कुंथों लागे ॥ १३ ॥
 डोइये ठेविलेनि भोजें । देवलविसें फुजे ।
 तैसा विद्यावयमाजें । उताणा चाले ॥ १४ ॥
 ह्मणे मीं चि येकु आधि । माझां चि वारि संपत्ति ।
 माझी आचरती रीती । कोणहासि नाहि ॥ १५ ॥
 नाहिं माझेनि पाडें वाडु । मीं चि सर्वहु एकु रूडु ।
 ऐसा शिवमुष्टिगंडु । घेउनु ठाके ॥ १६ ॥
 व्याधिलेया माणसा । न ये भोगु दाखउं जैसा ।
 नीके न साहे तैसा । पुढिलाचें ॥ १७ ॥
 पै गुण तेतुला खाए । स्नेहें किं जलतु जाए ।
 जेथ ठेविजे तेथ होए । मसी ऐमा ॥ १८ ॥
 जीवनें तिडिपिडि । वांजिला प्राणु फेडी ।
 लागला तरि काडी । उरों नेंदी ॥ १९ ॥
 अलुमालु प्रकाशु करी । तेतुलेनि उवारा धरी ।
 तेया दीपाचेया परी । सुविद्यु जो ॥ ७२० ॥
 वोखदाचेनि नावें अमृतें । जैसा नवज्वरु आबुथे ।
 कां विख चि होउनि परते । सापा दूध ॥ २१ ॥
 तैसा सद्गुणि मत्सरु । विपत्तिअहंकारु ।
 तपें ज्ञानें अपारु । ताठा चढे ॥ २२ ॥

अंत्यु राणिवे बैसला । कां आरें धारणु गीलिला ।
 तैसा गर्वे फूगला । देखसी जो ॥ २३ ॥
 जो लाठी ऐसा न लवे । पाथरु तैसा न द्रवे ।
 गुण्यांसि नांगवे । फोडसें जेवि ॥ २४ ॥
 किंबहुना तेया पासिं । अज्ञान आहे वाढिसिं ।
 हें निकरें गा तुजसिं । बोलत असों ॥ २५ ॥
 आणि पै धनंजया । जो देहगेहसामग्रिया ।
 नेदखे चि कालिचेया । जन्मातें गा ॥ २६ ॥
 कृतघ्ना उपेगु केला । चोरा वेऱ्हारु दीधला ।
 निसुगु अस्ताविला । विसरे जेवि ॥ २७ ॥
 वोढालिवां लाइलें । तैसें कान पूंस वोळें ।
 पुडुतिं वोढालूं आलें । सुणें जेवि ॥ २८ ॥
 बेडुकु सापाचां तोंडिं । जातसे सबडबुडी ।
 तो मशकाचिया जोडी । स्मरे चि नां ॥ २९ ॥
 तैसीं नवै द्वारें श्रवति । देहाची लूति जीति ।
 जेणें जाली तें चित्तीं । सले ना जेया ॥ ७३० ॥
 मातृकोदरकुहरिं । सूनि विष्टिचां दारिं ।
 जठारिं नव मास वेऱ्ही । उकढला जें ॥ ३१ ॥
 ते गर्भिची व्यथा । कां जे जाली उपजतां ।
 तें काहिं चि सर्वथा । नाठवी जो ॥ ३२ ॥
 मलमूत्रपांकिं । लोलतें बालकें अंकिं ।
 देखौनि जो न थूक्री । त्रासु नेघे ॥ ३३ ॥
 कले चि ना जन्म गेलें । पाहे चि ना पुडुतिं आलें ।
 ऐससें बाटलें । नाहिं जेया ॥ ३४ ॥
 आणि पै तिया चि परी । जीविताची फरारी ।
 देखौनि जो न करी । मृत्युचिंता ॥ ३५ ॥

जीण्याचेनि विश्वासें । मृत्यु येकु असे ।
 हें जेयाचेनि मानसें । मानिजे ना ॥ ३६ ॥
 अल्पोदकिचा मासा । नाटे ऐसिया आशा ।
 न वचे चि कां जैसा । अगाधा डोहा ॥ ३७ ॥
 कां गोरिचिया भूली । मृग व्याधा दीठि न घली ।
 गळु न पाहतां गीली । उंडी मीनु ॥ ३८ ॥
 दीपाचेया झगमगा । जालील हें पतंगा ।
 नेणवे चि पै गा । जिया परी ॥ ३९ ॥
 कां गांवारु निद्रासुखें । घर जलत नेदखे ।
 नेणतां जेवि विषें । रांधिलें अन्न ॥ ७४० ॥
 तैसा जीविताचेनि मीसें । हा मृत्यु चि ना आला असे ।
 हें नेदखे चि राजसें । सुखें जाणा ॥ ४१ ॥
 शरीरिची वाढि । अहोरात्रिची जोडि ।
 विषयसुखें प्रौढि । साँच चि मानी ॥ ४२ ॥
 परि बापुडा ऐसा नेणे । जें वेश्येसि सर्वस्व देणें ।
 तें चि नांगवणें । रूप एथ ॥ ४३ ॥
 सवंचेराचें साजणें । तें चि तें प्राणु घेणें ।
 लेपासि स्नपन करणें । तो चि नाशु ॥ ४४ ॥
 पांडू आंग सूटलें । तेया चि नावं खुंटलें ।
 तैसें नेणे जें भूललें । आहारनिद्रा ॥ ४५ ॥
 सन्मुखा सूला । धावंतेया पायला ।
 प्रतिपदि जचला । मृत्यु जेवि ॥ ४६ ॥
 तेवि देहा जवं जवं वाडु । जवं दीसांचा पवाडु ।
 जवं जवं सुरवाडु । भोगाचा हा ॥ ४७ ॥
 तवं तवं अधिकें । मरण आयुष्यातें जीके ।
 मीठ जैसें उदकें । प्रासिजतसें ॥ ४८ ॥

तैसें जीवित जाये । तेया अस्तवे काला पाहे ।
 हें हातोहातीं नोहे । ठाउवें जेया ॥ ४९ ॥
 किं बहुना पांडवा । हा आंगिचा मृत्यु नीच नवा ।
 नेदखे चि जो माथा । जीवितासाया ॥ ७५० ॥
 तो अज्ञानदेशिचा राउ । या बोला महाबाहो ।
 न पडे गा वंठाउ । आणिना हा ॥ ५१ ॥
 पै जीविताचेनि सुखें । जैसा कां मृत्युतें नेदखे ।
 तैसा चि तारुण्याचेनि तोषें । जरेतें न गणी ॥ ५२ ॥
 कडाडिं लोटिला गाडा । शिखरौनि सूटला ढोंडा ।
 तैसें नेदखे पुढां । वृद्धाप्य आहे ॥ ५३ ॥
 कां आडवोहला पाणी आलें । हैसेयाचें जूझ मातलें ।
 तैसें तारुण्याचें चढलें । मुररें जेया ॥ ५४ ॥
 पुष्टि लागे विघरों । कांति पाहे निसरों ।
 माथा आदरी सिरों । बागीबल ॥ ५५ ॥
 दाढी साउल धरी । मान हालउनि वारी ।
 तन्हीं जो करी । प्रायेचा आवेशु ॥ ५६ ॥
 पुढील उरीं आदले । नेदखे जैसें आंधलें ।
 कां डोलेया वरिलें निगलें । आलसी तोखे ॥ ५७ ॥
 तैसें तरुणेपण आजिचें । भोगितां वृद्धाप्य पाहिचें ।
 नेदखे चि तो साचें । अज्ञानु गा ॥ ५८ ॥
 देखे अक्षमें कुबुजें । किं विपलावों लागे फुंजे ।
 परि नेणे पाहे माझे । हे चि भावे ॥ ५९ ॥
 आंगि वृद्धाप्याची । संज्ञा एउनि मरावें चि ।
 परि जेया तारुण्याची । भूलि न फिटे ॥ ७६० ॥
 तो अज्ञानाचें घर । हें साच चि घे उत्तर ।
 तेवि चि परियसैं थोर । चिन्ह आणिक ॥ ६१ ॥

तरि वाघाचिये अडवे । येकोल चरौनि आला दैवें ।
 तेणें विश्वासें पुढुति धांवे । वसो जैसा ॥ ६२ ॥
 कां सर्प घरा आंतु । अवचटें देवो गला स्वस्थु ।
 येतुलिया साठिं निश्वंतु । नास्तिकु होए ॥ ६३ ॥
 तैसेनि टंवच दियें । येक दोनि चि वेल लाहे ।
 येथ लागु एकु आहे । हें मानी ना जो ॥ ६४ ॥
 वैरियां नीद आली । आणि दंदें माझि सरळिं ।
 हें मानी तो सपीली । मूकला जेवि ॥ ६५ ॥
 तैसी आहारनिद्रेची उजिरी । रोग निवांत जवं वेन्हीं ।
 तवं जो न करी । व्याधिचिंता ॥ ६६ ॥
 आणि स्त्रीपुत्रादिमेलें । संपत्ति जवं फले ।
 तेणें रजें डोले । जाति जेयाचे ॥ ६७ ॥
 सवले चि वियोगु पडैल । विलौनि विपत्ति होइल ।
 हें दुःख पुढैल । नेदखे जो ॥ ६८ ॥
 तो अज्ञानु गा पांडवा । तो ही तो चि जाणावा ।
 जो इंद्रियें अन्हासन्हा । चारी एथ ॥ ६९ ॥
 वयसेचेनि उवायें । संपत्तिचेनि सावायें ।
 सेव्यासव्य जाये । सरकटीतु ॥ ७० ॥
 न करावें तें करी । असंभाव्य मनी धरी ।
 चिंतू नये तें विवरी । जेयाची मति ॥ ७१ ॥
 रिगे तेथ न रिगावें । मागे जें नेघावें ।
 स्परिसें जेथ न लगावें । आंग मन ॥ ७२ ॥
 न वचावें तेथ जाये । न पाहावें तें पाहे ।
 न खावें तें खाये । तेविं चि तोखे ॥ ७३ ॥
 न धरावा तो संगु । न लगावा तेथ लागु ।
 न चरावा जो मार्गु । आचरे जो ॥ ७४ ॥

नाइकावें तें आइके । न बोलवें तें भाखे ।
 परि दोषु होईल हें नेदखे । प्रवर्त्ततां ॥ ७५ ॥
 आंगा मना रुची येयावें । येतुलें कृत्याकृत्य नाठवे ।
 जो करणेयांचेनि नावें । भलेतें करी ॥ ७६ ॥
 परि पाप मज होईल । कां नरकयातना येइल ।
 हें काहिं चि पुढैल । देखे ना जो ॥ ७७ ॥
 तेयाचेनि आंगलगें । अज्ञान जगिं दाटुगें ।
 जें सज्ञानासि हि संगें । ज्ञांबों शके ॥ ७८ ॥
 परि असो हें आइक । अज्ञानचिन्ह आणिक ।
 कां तुज सम्यक । जाणवें जें ॥ ७९ ॥
 तरि जेयाची प्रीति पुरी । गुंतली देखसी घरिं ।
 नवगंधकेसरी । भ्रमरी जैसी ॥ ७८० ॥
 साकरेचिये रासी । बैसली नुडे मासी ।
 तैसें निषण्ण आवासिं । जेयाचें मन ॥ ८१ ॥
 वेलाभेड बेडकु अडिं । मशकु गुंपला सेंबुडीं ।
 ढोर सबडबुडी । पंकिं गेला ॥ ८२ ॥
 तैसें घरौनि निगणें । नाहिं जीतेनि मरणें ।
 जेया सापां होउनि असणें । भाटिं तिये ॥ ८३ ॥
 प्रियोत्तमाचां कंठिं । प्रमदा घे आंटी ।
 तैसा जीवेंसि कोंपटी । धरुनि जो ठाके ॥ ८४ ॥
 मधुरसादोषें । मधुकारि जचें जैसें ।
 गृहसंगोपन तैसें । करी जो गा ॥ ८५ ॥
 ह्यांतरपणिं जालें । माणिक एक उपाइलें ।
 तेयाचें कां जेतुलें । मातापितरां ॥ ८६ ॥
 तेतुलेनि पाडें पार्था । घरिं जेयाची आस्था ।
 आणि स्त्री वांचौनि सर्वथा । जाणे ना जो ॥ ८७ ॥

महापुरुषार्थं चित्त । जालेयां वस्तुगत ।
 ठाके व्यवहारजात । जेया परीं ॥ ८८ ॥
 तैसा स्त्रीदेहीं जो जीवें । पडौनियां सर्वभावें ।
 कोणु मी काय करावें । हें काहिं नेणे ॥ ८९ ॥
 हाणि लाभ नदेखे । लोकापवादु नाइके ।
 जेयाचि इंद्रियें एकमुखें । स्त्रिया केलीं ॥ ७९० ॥
 चित्त आराधी स्त्रियेचें । स्त्रियेचेनि संदे नाचे ।
 मर्कट गारुडियाचें । जैसें होए ॥ ९१ ॥
 आपण चि पासि दावी । इष्टा मैत्रा दुरावी ।
 मग कवडा चि वाढवी । लोभी जैसा ॥ ९२ ॥
 तैसें दानपुण्य खांची । गोत्रकुटुंबा वंची ।
 परि बायणी स्त्रियेची । उणी हो न ये ॥ ९३ ॥
 पूजितें दैवतें जोगावी । गुरुतें बोलें शांकवी ।
 मायेबापा दावी । निदारपण ॥ ९४ ॥
 स्त्रियेचां तरि विखि । भोगसंपत्ति अनेकी ।
 आणिकि वस्तु नीकी । जे जे देखे ॥ ९५ ॥
 प्रेमाधिलेनि भगते । भजिजे कुलदेवतेतें ।
 तैसा एकाग्रचित्तें । स्त्रि जो उपासी ॥ ९६ ॥
 इयेतें कोणही देखैल । इयेसि वेग्वारें जाइल ।
 तरि युग चि बुडैल । ऐसें जेया ॥ ९७ ॥
 साच आणि चोख । तें स्त्रियेसी चि अशेष ।
 एरी विधिं जोगावणुक । ते ही नाहिं ॥ ९८ ॥
 नाइटेयां भेण । न मोडी नागाची आण ।
 तैसी पाली उणखुण । स्त्रियेची जो ॥ ९९ ॥
 किंबहुना धनंजया । स्त्री चि सर्वस्व जेया ।
 आणि तियेचेया जालेया । छागि प्रेम ॥ १०० ॥

आणिक ही जें समस्त । तेथिचें संपत्तिजात ।
 तें जीवाहूनु आत । मानी जो गा ॥ १ ॥
 तो अज्ञानासि मूल । अज्ञाना तेणें बळ ।
 हें असो केवळ । तें चि तो रूप ॥ २ ॥
 मातलिये सागरिं । फोकिलियां तरि ।
 लाटाचां थेरझारिं । आंदोळे जेवि ॥ ३ ॥
 तैसी प्रिय वस्तु पावे । आणि सुखें जो उंचावे ।
 तैसा अप्रिया सर्वे । तलु खाए ॥ ४ ॥
 ऐसी जेयाचां चित्ति । वैषम्यसाम्याची वोखती ।
 वाहे तो महामती । अज्ञानु गा ॥ ५ ॥
 आणि माझां ठांइं भगति । फळा लागि जेया आधि ।
 धना दोसें विरगति । नटणें जेवि ॥ ६ ॥
 कां कांताचां मानसिं । रिगौनु स्वैरिणी जैसी ।
 राहाटे आणिकेंसिं । जावेया लागि ॥ ७ ॥
 तैसें मातें किरीटी । भजती गा पाउटी ।
 करूनि जो दीठी । विषो सुये ॥ ८ ॥
 आणि भजिनलेया वरि । तो विषयो न पवे जरि ।
 सांडि ह्मणे तरि । आघवें टवाळ हें ॥ ९ ॥
 कुणबटु कुलवाडी । तैसा आनु देउ मांडी ।
 आदिलाची पिडी । करी तेयातें ॥ ८१० ॥
 तेया गुरुमार्गा टेंके । जेयाचा सुगुरुवां देवे ।
 तरि तेयाचा मंत्रु सीखे । एर नेघे ॥ ११ ॥
 प्राणिजातेंसिं निष्ठुरु । स्थावारिं बहुत भरु ।
 तेविं चि नाहिं एकसरु । निर्वाहो जेया ॥ १२ ॥
 माझी मूर्ति आपन्नवी । घराचां कोनि बैसवी ।
 आणि देवादेवीं । यात्रे जाए ॥ १३ ॥

नीच आराधन माझे । काजीं कुलदेवतिं भजे ।
 पर्वविशेषे भोजे । पूजा आन ॥ १४ ॥
 माझे अधिष्ठान घरीं । आणि वैसे आनाचे करी ।
 पितरकार्यअवसरों । पितरांचा होए ॥ १५ ॥
 एकादशिचां दिशिं । जेतुला पाडु आमसिं ।
 तेतुला चि नागांसि । पंचमीसि ॥ १६ ॥
 चौथि मोटकी पाहे । आणि गणेशाचा चि होए ।
 चाउदासिं ह्मणे माए । तूझा चि वो दुर्गे ॥ १७ ॥
 नवमीतें मांडी । आणि बैसे नवचंडी ।
 आदित्यवारिं वाढी । भैरवां भरीं ॥ १८ ॥
 पाठिं सोमवारु पावे । आणि बेलेंसिं लिंगा धांवे ।
 ऐसें एकला चि आघवें । जोगावी जो ॥ १९ ॥
 अखंड भजन करी । उगा न राहे क्षणभरीं ।
 आघवेनि गांवदारी । ऐहेव जैसी ॥ ८२० ॥
 तैसेनि जो गा भगतु । वेखासिं सैरा धावंतु ।
 जाण अज्ञानाचा भूर्त्तु । अवतारु तो ॥ २१ ॥
 आणि एकातें चोखटें । तपोवनें तीर्थें तटें ।
 देखौनि जो वीटें । तो ही तो चि ॥ २२ ॥
 आणि आत्मा गोचरु होए । ऐसी जे विद्या आहे ।
 तें आइकौनु डौरु वाहे । विद्वांसु जो ॥ २३ ॥
 उपनिषदांकडे न वचे । योगशास्त्र न रुचे ।
 अध्यात्मज्ञानाचे । मनीं चि नाहिं ॥ २४ ॥
 आत्मचर्चा एकि आथि । ऐसिये बुद्धीची भीति ।
 पाडुनि जेयाची मति । वोढाल जाती ॥ २५ ॥
 कर्मकांड तारि जाणे । मुखोद्गतें पुराणें ।
 ज्योतिषिं तो ह्मणे । तैसे चि होए ॥ २६ ॥

शिल्पि अतिनिपुणु । सूपशास्त्रि प्रवीणु ।
 विधि अथर्वणु । हाति जेया ॥ २७ ॥
 कोकिं नाहिं ठेलें । भरतु करी ह्यणितलें ।
 भागम उपासिले । मूर्त्त होंति ॥ २८ ॥
 नीति सुझे । वैदिक बुझे ।
 काव्यनाटकिं दूजें । चतुर नाहिं ॥ २९ ॥
 स्मृतिची चर्चा । डंघु जाणे गारुडाचा ।
 निघंटु प्रज्ञेचा । पाइकु करी ॥ ८३० ॥
 व्याकरणिं चोखडा । तर्की अतिगाढा ।
 एकिं अध्यात्मीं चि फुडा । जात्यंघु ॥ ३१ ॥
 तें वांचूनु आघवां शास्त्रि । सिद्धान्तनिर्वाणसूत्री ।
 परि जलो तें नक्षत्री । न पाहे गा ॥ ३२ ॥
 मोराचां आंगिं असोसें । पिसें आहाति डोलसें ।
 आणि एकली दीठि नसे । तैसें तें गा ॥ ३३ ॥
 जारि परमाणू एवडें । संजीवनीमूल जोडे ।
 तारि बहू गाडे । भरणें केवि ॥ ३४ ॥
 तैसें शास्त्रजात जाण । आघवें चि अप्रमाण ।
 अध्यात्मज्ञानें विण । एकलेनि ॥ ३५ ॥
 या लागि अर्जुना पाहिं । अध्यात्मज्ञानाचां ठांडें ।
 जेया निश्चयबुद्धि नाहिं । शास्त्रमूढां ॥ ३६ ॥
 तेया शरीर जें जालें । तें अज्ञानाचें बिं विरुढलें ।
 जेयाचिये वित्पती गेलें । अज्ञानवेलीं ॥ ३७ ॥
 तो जें जें बोले । तें अज्ञान चि फूललें ।
 तेयाचें पुण्य तें फललें । अज्ञान चि ॥ ३८ ॥
 अध्यात्मज्ञान कहिं । जेणें मानिलें चि नाहिं ।
 तो ज्ञानार्थु न देखे काहीं । हें बोलवें असे ॥ ३९ ॥

ऐली चि थडी न पवतां । पले जो माघौता ।
 तेया पैली तीरिची वार्ता । केवि जाणवे ॥ ८४० ॥
 कां दाखठां चि जेयाचें । पाये बांधले साचे ।
 तो केवि परिवरिचें । ठेविलें जाणे ॥ ४१ ॥
 तेवि अध्यात्मज्ञान जेया । अनोलख धनंजया ।
 तेया ज्ञानार्थु देखावेया । काइ काज ॥ ४२ ॥
 ह्यगौनि आतां विशेषें । तो ज्ञानाचें सार न देखे ।
 हें सांगावें आंखें लेखें । न लगे तुज ॥ ४३ ॥
 जेधवां सगर्भें वाढिलें । तेधवां चि पोटिचें धालें ।
 तैसें मागिलें पदें बोलिलें । तें चि होए ॥ ४४ ॥
 वांचूनु या वेगलें । रूप करणें हें न मिले ।
 घेइ आवंतिलें आंधलें । तैसें जालें ॥ ४५ ॥
 एवं इये उपरती । ज्ञानचिन्हें माघौती ।
 अमानित्वादिप्रभृती । वाखाणिलीं ॥ ४६ ॥
 जियें ज्ञानपदें अठरा । केलियां एरी मोहरा ।
 अज्ञान ऐसें आकारा । येथ आहे ॥ ४७ ॥
 मागां श्लोकाचेनि अर्द्धाद्विं । ऐसें सांधितलें मुकुंदें ।
 ना उपराठिं ज्ञानपदें । तें चि अज्ञान ॥ ४८ ॥
 ह्यगौनि इया वाहाणी । मियां केली उपलवणी ।
 वांचौनि दूधा मेलउनि पाणी । फार कीजे ॥ ४९ ॥
 तैसें जी न बडबडीं । पदाची कोर न संडी ।
 मूळध्वनिचिये वाढी । निमित्त जालां ॥ ८५० ॥
 तवं श्रोते ह्यणति राहे । कें पारिहारा ठाऊ आहे ।
 भीसि कां वायां हें । कविपोषका ॥ ५१ ॥
 तूतें श्रीमुरारी । ह्यणितलें प्रकटें करीं ।
 जे अभिप्राय गन्हरीं । झांकिले आर्हीं ॥ ५२ ॥

तें देवाचें मनोगत । दावितु आहासि मूर्त ।
 हें इं ह्यणतां चित्त । दाटैल तूजें ॥ ५३ ॥
 ह्यणौनि असो हें न बोलें । परि सवियां चि गा तोखलें ।
 जें लोकत्रया मेलविलें । श्रवणसुखा ॥ ५४ ॥
 आतां या वारि । जें तो श्रीहारि ।
 बोलिला तें करीं । कथन वेगा ॥ ५५ ॥
 या संतवाक्या सरिसें । ह्यणितलें निवृत्तिदासें ।
 जी अवधारां ऐसें । बोलिले देउ ॥ ५६ ॥
 ह्यणे तुवां पांडवा । हा चिन्हसमुच्चयो आघवा ।
 आइकिला तो जाणावा । अज्ञानभागु ॥ ५७ ॥
 येया अज्ञानविभागा । पाठि देउनियां पै गा ।
 मग ज्ञानविधि चांगा । दटां होइजे ॥ ५८ ॥
 मग निर्वाललेनि ज्ञानें । ज्ञेय भेटैल मनें ।
 तें जाणावेया अर्जुनें । आश केली ॥ ५९ ॥

ज्ञेयं यत्तत्प्रवक्ष्यामि यज्ज्ञात्वामृतमश्नुते ॥

अनादि मत्परं ब्रह्म न सत्तं नासदुच्यते ॥ १२ ॥

तवं सवज्ञांचा राउ ॥ ह्यणे जाणौनि तेयाचा भाउ ॥
 परिसैं गा ज्ञेयअभिप्राउ ॥ सांघों आतां ॥ ८६० ॥
 तरि ज्ञेय ऐसें ह्यणणें । वस्तूतें येणें चि कारणें ।
 जें ज्ञानें वांचूनि कव्हणें । उपाया न ये ॥ ६१ ॥
 आणि जाणितलेया वरौतें । जाणणें नाहिं जेथें ।
 जें जाणणें चि तन्मयते । आणी जेयाचें ॥ ६२ ॥
 जें जाणितलेया साठि । संसारा काढूनि कांठीं ।
 जिरौनि जाइजे पोटीं । नित्यानंदाचा ॥ ६३ ॥
 तें ज्ञेय गा ऐसें । आदि चि जेया नसे ।
 परब्रह्म आपैसैं । ज्ञावं जेया ॥ ६४ ॥

नाहिं हणों जाइजे । तवं विश्वाकारें देखिजे ।
 विश्व ऐसें हणिजे । तरि हे माया ॥ ६५ ॥
 रूप वर्णु व्यक्ति । नाहिं दृश्यदृष्टस्थिति ।
 तरि कोणें कैसें आधि । हणानें पां ॥ ६६ ॥
 भाणि साच चि जारि नाहिं । तरि महदादि कवणी ठांइं ।
 स्फुरत कैचें काइ । तेणें विण ॥ ६७ ॥
 हणौनि आधि नाहिं हे बोली । जें देखौनि मूंकें जालिं ।
 विचाराची मोडली । वाट जेथ ॥ ६८ ॥
 भांडघटशराविं । जैसी तदाकार असे पृथ्वी ।
 तैसें सर्व होउनि सर्वीं । असे जें वस्तु ॥ ६९ ॥
 भाषवां चि देशिं कालिं । नोहे चि देशकाला वेगली ।
 जे क्रिया स्थूलास्थूलीं । ते चि हात जेया ॥ ८७० ॥

सर्वतः पाणिपादं तत्सर्वतोक्षिशिरोमुखं ।

सर्वतः श्रुतिमल्लोके सर्वमावृत्य तिष्ठति ॥ १३ ॥

तेयातें एया कारणें । विश्वब्राह्म हें हणणें ।
 जें सर्व चि सर्वपणें । सदा करी ॥ ७१ ॥
 आणि समस्ता ही ठाया । एकी चि कालिं धनंजया ।
 आलें असे हणौनियां । विश्वांप्रि नात्रं ॥ ७२ ॥
 पैं सवितेया आंग डोले । हें नाहिं वेगलवेगलें ।
 तैसें सर्वदृष्टें सकलें । स्वरूपें जें ॥ ७३ ॥
 हणौनि विश्वतश्चक्षु । हा अचक्षुचा ठांइं पक्षु ।
 बोलवेया दक्षु । जाला वेदु ॥ ७४ ॥
 पैं गा मूर्ति तें चि मुख । हुताशना देख ।
 तैसें सर्वत्र अशेष । भोक्तें जें ॥ ७५ ॥
 एया लागि तेथ पार्था । विश्वतोमुख हे व्यवस्था ।
 आळी वाक्पथा । श्रुतीचेया ॥ ७६ ॥

आणि वस्तुमात्रिं गगन । जैसें असे संलग्न ।
 तैसें शब्दजातिं कान । सर्वत्र जेया ॥ ७७ ॥
 ह्यणौनि आङ्गीं तेयाते । ह्यणों सर्वत्र आइकर्ते ।
 एवं जें सर्वाते । आवरूनि असे ॥ ७८ ॥
 यन्हविं तन्हीं महामती । विश्वतश्चक्षु या श्रुती ।
 तेयाचिये व्याप्ती । रूप केले ॥ ७९ ॥
 वाञ्छुनि हस्तनेत्रपाए । हे भाक काय तेथ आहे ।
 सर्व शून्याचा साहे । निष्कर्ष जें ॥ ८० ॥
 पै कल्लोलते कल्लोलें । प्रसिजतसें ऐसें केले ।
 परि प्रसितें प्रासा वेगले । असे काइ ॥ ८१ ॥
 तैसें सर्वादि जें एक । तेथ के व्याप्यव्यापक ।
 परि बोलवेया नावें एक । करावें लागे ॥ ८२ ॥
 पै शून्य जें दावावें जालें । तें बिंदुले एक केले ।
 तैसें अद्वैत दावावें बोलें । द्वैत चि कीजे ॥ ८३ ॥
 ह्यणौनि गा पार्था । गुरुशिष्यसत्पथा ।
 आङ्गु पडे सर्वथा । बोलु खुंटे ॥ ८४ ॥
 ह्यणौनि गा श्रुती । द्वैतभावे अद्वैती ।
 निरोपणा वाहाती । वाट केली ॥ ८५ ॥
 तें चि आतां अवधारीं । ये नेत्रगोचरे आकारिं ।
 तें ज्ञेय जेया परीं । व्यापूनि असे ॥ ८६ ॥
 तरि तें गा ऐसें । अवकाशि आकाश जैसें ।
 पटीं पट्टु होउनि असे । तंतु जेवि ॥ ८७ ॥
 उदक होउनि उदकिं । रसु जैसा अवलोकीं ।
 दीपपणें दीपकीं । तेज जैसें ॥ ८८ ॥
 कपूरत्वे कापुरीं । सौरभ्य असे जिया परीं ।
 शरीर होउनि शरीरीं । कर्म जेवि ॥ ८९ ॥

किंबहुना ऐसैं पांडवा । सोनें सोनयांचा रवा ।
 तैसैं जें या सर्वा । सर्वांगीं असे ॥ ८९० ॥
 पारि रवेपणा माक्षिबडें । तवं रवा ऐसैं आवडे ।
 वांचूनि सोनें सोनेयां सांगडे । सोनें चि जेवि ९१ ॥
 पै गा वोघू चि वांकुडा । पारि पाणी उजू सुहाडा ।
 वन्हि आला लोखंडा । लोह नव्हे ॥ ९२ ॥
 घटाकारें वेंटाललें । तैं नभ गमे वाटुलें ।
 मठि तारि चौफलें । आयें दीसे ॥ ९३ ॥
 पारि ते आकार जैसे । नोहिजती चि आकाशें ।
 तेवि विकारु होउनि तैसैं । विकारी नोहे ॥ ९४ ॥

सर्वेन्द्रियगुणाभासं सर्वेन्द्रियविवर्जितं ।

असक्तं सर्वभुक्चैव निर्गुणं गुणभोक्तृ च ॥ १४ ॥

मन मुख्य इन्द्रियां । सत्वादि गुणा येया ।
 सारिखें ऐसैं धनंजया । आवडे कीर ॥ ९५ ॥
 पै गुलाची गोडी । नव्हे बांधेया सांगडी ।
 तैसीं गुणेंद्रियें फुडी । नाहिं तेथ ॥ ९६ ॥
 आगा क्षीराचिये दशे । घृत चि क्षीराकारें असे ।
 पारि क्षीर चि नव्हे जैसें । कपिध्वजा ॥ ९७ ॥
 तैसैं जें इये विकारिं । विकारु नव्हे अवधारिं ।
 पारि आकारु नावं भवंरी । सोनें तें सोनें ॥ ९८ ॥
 या उघड मन्हाटिया । तें वेगलेपणें धनंजया ।
 जाण गुणेंद्रियां । पासौनियां ॥ ९९ ॥
 नामरूपसंबंधु । जातिक्रियाभेदु ।
 हा आकारासि चि प्रवादु । वस्तुसि नाहिं ॥ १०० ॥
 जें गुण नोहे काहिं । गुणा तेया पाडु नाहिं ।
 पारि तेयाचां चि ठांइ । आभासति ॥ १ ॥

एतुलेया साठिं । सभ्रांताचां पोटीं ।
 ना ऐसें गमे किराटी । जें हें धरी ॥ २ ॥
 तरि तें गा धरणें ऐसें । अभ्रातें जेवि आकाशें ।
 कां प्रतिवदन जैसें । आरिसेनि ॥ ३ ॥
 नातारि सूर्यप्रतिमंडल । जैसें धरी सलील ।
 रश्मिकरें मृगजल । धरिजे जेवि ॥ ४ ॥
 तैसें गा संबधें विण । यां सर्वातें निर्गुण ।
 परि तें वायां जाण । मिथ्या दृष्टी ॥ ५ ॥
 आणि इयांपरी निर्गुणें । गुणातें भोगणें ।
 रंका राज्य करणें । स्वप्नि जेवि ॥ ६ ॥
 ह्यणौनि गुणाचा संगु । अथवा गुणभोगु ।
 हा निर्गुणिं लागु । बोलों चि न ये ॥ ७ ॥
 बहिरन्तश्च भूतानामचरं चरमेव च ।
 सूक्ष्मत्वात्तदधिज्ञेयं दूरस्थं चांतिके च तत् ॥ १५ ॥
 जें चराचर भूतां । माझि असे पांडुसुता ।
 नाना बन्दि उष्णता । अभेद जेवि ॥ ८ ॥
 तैसेनि अविनाभावे । सूक्ष्मदशे आघवे ।
 व्यापूनि असे तें जाणावे । ज्ञेय एथ ॥ ९ ॥
 जें एक आंतु बाहिरि । जें एक ज्वलें दूरी ।
 जें एक वांचूनि परि । दुसरी नाहिं ॥ ९१० ॥
 अधिभक्तं च भूतेषु विभक्तमिव च स्थितं ।
 भूतभर्तृ च तज्ज्ञेयं त्रसिष्णु प्रभविष्णु च ॥ १६ ॥
 क्षीरसागरिची गोडी । माजि बहुत थडिये थोडी ।
 हें नाहिं तेया परवडी । पूर्ण जें गा ॥ ११ ॥
 स्वेदजादिप्रभृती । वेगलालां भूतिं ।
 जेयाचिये अनस्यूती । खोमणें नाहिं ॥ १२ ॥

पै श्रोतेमुखटिलका । घटसहस्रां अनेकां ।
 बिंबौनियां चंद्रिका । न भेदे जेवि ॥ १३ ॥
 नानां लक्षणकणाचिया रासी । क्षारता एकि जैसी ।
 कां कोडी एके उंसीं । एकु चि रसु ॥ १४ ॥
 तैसी अनेकिं भूतजातिं । असे एक चि व्याप्ति ।
 विश्वकार्या सुमती । कारण जें ॥ १५ ॥
 ह्यणौनि हा भूताकारु । जेथौनि तें चि आधारु ।
 कल्लोळि सागरु । जेया परीं ॥ १६ ॥
 पै बालादि तिहिं वयसिं । काया एकी चि जैसी ।
 तैसैं आदिस्थितिप्रासिं । अखंड जें ॥ १७ ॥
 सायंप्रातमध्याह्नीं । होंत जांत दिनिदिनीं ।
 जैसैं कां गगनीं । पालटु नाहिं ॥ १८ ॥
 आगा श्रृष्टिवेले प्रियोत्तमा । जेया नावं ब्रह्मा ।
 व्याप्ति जें नामा । पात्र जालें ॥ १९ ॥
 मग आकारु हा हारपे । तेधवां रुद्र जें ह्यणिपे ।
 तें हिं गुणत्रयलोपे । तै जें शून्य ॥ २० ॥

उयोतिषामपि तज्ज्योतिस्तमसःपरमुच्यते ।

ज्ञानं ज्ञेयं ज्ञानगम्यं हृदि सर्वस्य तिष्ठति ॥ १७ ॥

जें अग्निचें दीपन । जें चंद्राचें जीवन ।
 सूर्याचें नयन । देखति जेणें ॥ २१ ॥
 आदीसि जे आदि । जे वृद्धीसि वृद्धि ।
 बुद्धिसि बुद्धि । जीवाच्चा जीउ ॥ २२ ॥
 जेयाचेनि उजियेडें । तारागण उघडे ।
 महातेज सुरवाडें । जेणें राहाटे ॥ २३ ॥
 मनाचें मन । जें नेत्राचे नयन ।
 जें घ्राणाचे घ्राण । वाचेची वाच्चा ॥ २४ ॥



भावार्थदीपिका

जें प्राणाचे प्राण । जें गतिचे चरण ।
 क्रियेसि कर्त्तेपण । जेयाचेनि ॥ २५ ॥
 आकारु जेणें आकारे । विस्तारु जेणें विस्तारे ।
 संहारु जेणें संहारे । पांडुकुमरा ॥ २६ ॥
 जें मेदिनियेची मेदिनी । जें पाणी पीउनि असे पाणी ।
 तेजा दिवेल्लावणी । जेणें तेजें ॥ २७ ॥
 जें वायुचा श्वासोश्वासु । जें गगनाचा अबकाशु ।
 आघवा चि आभासु । आभासे जेणें ॥ २८ ॥
 किंबहुना पांडवा । जें आघवें चि इये आघवां ।
 जेथ नाहिं रिगावां । द्वैतभावां ॥ २९ ॥
 जें देखिलेया चि सर्वे । दृष्टादृश्य आघवें ।
 एकवाट कालवे । सामरस्यें ॥ ९३० ॥
 मग तें चि होये ज्ञान । ज्ञाता ज्ञेय हान ।
 ज्ञानें गमिजे स्थान । तें हि तें चि ॥ ३१ ॥
 सरलेयां लेख । जैसें आंख होंति एक ।
 तैसें साध्यसाधनादिक । ऐक्यते ये ॥ ३२ ॥
 अर्जुना जिये ठांड । सरे द्वैताची लिही ।
 हें असो हृदयीं । सर्वांचां असे ॥ ३३ ॥

इति क्षेत्र तथा ज्ञानं ज्ञेयं चोक्तं समासतः ।
 मद्भक्त एतद्विज्ञाय मद्भावायोपपद्यते ॥ १८ ॥

एवं तुज पुढां । आदि क्षेत्र सुहाडा ।
 दाविलें फाडोवाडा । विवंचूनि ॥ ३४ ॥
 तैसें चि क्षेत्रपाठिं । जैसें देखिलें दीठी ।
 तैसें चि ज्ञान किरीटी । सांघितलें ॥ ३५ ॥
 अज्ञाना हिं कषातिकें । रूप केलें नीकें ।
 जवं आणि टेंके । पुरे हाणसी ॥ ३६ ॥

आणि आतां हें रोकडें । उपपत्तिचेनि सुरवाडें ।
 निरोपिलें उघडें । ज्ञेय पै गा ॥ ३७ ॥
 हे आघवी चि विवंचना । बुद्धी भरुनि अर्जुना ।
 मग सिद्धिभुवना । माझि येति ॥ ३८ ॥
 देहादि परिग्रहीं । सन्यासु घेउनि जिहिं ।
 जीउ माझां ठांडं । वृत्तिकु केला ॥ ३९ ॥
 ते गा माझे किरीटी । हें जाणौनि सेवटीं ।
 आपणपेया साठीं । मी चि होंति ॥ ९४० ॥
 तारि मी होती परी । हे मुख्य अवधारिं ।
 सोहपी सर्वां परीं । रचिली आझि ॥ ४१ ॥
 कडां पायेरी कीजे । निरालिं मांचु बांधिजे ।
 अथाविं सूयिजे । तारितें जेवि ॥ ४२ ॥
 यन्हाविं आघवें चि आत्मां । हें सांघौनु वीरोत्तमा ।
 तें तूझेया मनोधर्मा । मीलैल ना ॥ ४३ ॥
 ह्मणौनि एक चि संचलें । आझि चतुर्धा केलें ।
 जें अदलपण देखिलें । तूझिये प्रज्ञे ॥ ४४ ॥
 पै बालक जें जेवविजे । तें घांसु विसें ठांडं कीजे ।
 तैसें एक चतुर्व्याजें । कथिलें आझि ॥ ४५ ॥
 एक क्षेत्र एक ज्ञान । एक ज्ञेय एक अज्ञान ।
 हे भाग केले अवधान । जाणौनि तूझें ॥ ४६ ॥
 आणि ऐसेन हिं पार्था । जरि हा अभिप्राउ तुज हाता ।
 न ये चि तारि हे वेवस्था । पुढुतिं सांघों ॥ ४७ ॥
 आतां चौं ठांडं न करुं । एक चि ह्मणौनि न सरुं ।
 आत्मेयां अनात्मेयां धरुं सरिसा पाडु ॥ ४८ ॥
 परि तुवां एतुलें करावें । मगणौनि तें आत्मां देयावें ।
 जें काना चि नावं ठेवावें । आपणयातें ॥ ४९ ॥

एया श्रीकृष्णाचेया बोला । पार्थु रोमांचितु जाला ।
तेथ दे३० ह्मणति उगला । उचंबल ना ॥ ९५० ॥

प्रकृति पुरुषं चैव विध्यनादी उभावपि ।

विकारांश्च गुणांश्चैव विद्धि प्रकृतिसंभवान् ॥ १९ ॥

ऐसेनि तो एता वेगु । धरूनि ह्मणे श्रीरंगु ।
प्रकृतिपुरुषां विभागु । परियस सांघों ॥ ५१ ॥
जेया मार्गातें जर्गी । सांख्य ह्मणति योगी ।
जेयाचिये भाटिवे लागि । मी कपिलु जालां ॥ ५२ ॥
तो आइक निर्दोषु । प्रकृतिपुरुषविवेकु ।
ह्मणतसे आदिपुरुखु । अर्जुनातें ॥ ५३ ॥
तरि पुरुषु अनादि आधि । आणि तें चि लागौनि प्रकृति ।
समरसिं जैसीं दिवोराति । दोन्हीं असति ॥ ५४ ॥
का रूप नव्हे वायां । रूपा लागली छाया ।
निकण वाढे धनंजया । कर्णेंसि कोंडा ॥ ५५ ॥
तैसिं जाण लवलटें । दोन्ही जियें एकवटें ।
प्रकृतिपुरुषु प्रकटें । अनादिसिद्धें ॥ ५६ ॥
पै क्षेत्र एणें नावें । जें सांघितलें आववें ।
तें चि येथ जाणावें । प्रकृति पै गा ॥ ५७ ॥
क्षेत्रब्रु ऐसें । जेयातें ह्मणितलें असे ।
तो पुरुषु अनारिसें । न बोलों घेइं ॥ ५८ ॥
इयें अनानें नावें । परि नित्य आन नव्हे ।
हें लक्ष्य न चुकावें । पुडुतिं पुडुतिं ॥ ५९ ॥
तरि केवल जे सत्ता । तो पुरुषु पांडुसुता ।
प्रकृति ते समस्ता । क्रिये नावें ॥ ९६० ॥
बुद्धि इंद्रियें अंतःकरण । इत्यादि विकारभरण ।
आणि तीन्ही गुण । सत्त्वादिक ॥ ६१ ॥

हा आघवा चि मेलवा । प्रकृती जाला जाणावा ।
हे चि हेतु संभवा । कर्माचेया ॥ ६२ ॥
तेथ इछा आणि बुद्धि । घडवी अहंकारोंसि आदी ।
मग तिया लावीति वेधीं । कारणाचा ॥ ६३ ॥
तें चि कारण टाकावेया । जें सूत्र धरणें उपाया ।
तेया नावं धनंजया । कार्यकारण ॥ ६४ ॥

कार्यकारणकर्तृत्वे हेतुः प्रकृतिरुच्यते ।

पुरुषः सुखदुःखानां भोक्तृत्वे हेतुरुच्यते ॥ २० ॥

आणि इछामदाचां थाविं । लागली मनातें उठवी ।
जें इंद्रिय राहाटवी । तें कतृत्व गा ॥ ६५ ॥
ह्यणौनि तीन्ही इयें जाणा । कार्यकर्तृत्वकारणा ।
प्रकृति मूल हें राणा । सिद्धांचा ह्यणे ॥ ६६ ॥
एवं तिहिंचेनि समवायें । प्रकृति कर्मरूप होये ।
परि जेया गुणां तराये । तेयां चि सारिखें ॥ ६७ ॥
जें सत्वां अधिष्ठिजे । तें सत्कर्म ह्यणिजे ।
रजोगुणें निफजे । मध्यम तें ॥ ६८ ॥
केवल जरि तमें । जियें निफजति कर्म ।
निषिद्धें अधमें । जाणाविं तियें ॥ ६९ ॥
ऐसि संतासतें । कर्म प्रकृति होतें ।
तेया तव निफजतें । सुखदुःखें गा ॥ ९७० ॥
असति दुःख निफजे । सत्कार्मिं सुख उपजे ।
तेयां दोहिंचा बोलिजे । भोगु पुरुषा ॥ ७१ ॥

पुरुषः प्रकृतिस्थोहि भुङ्क्ते प्रकृतिजान्गुणान् ।

कारणं गुणसंगोस्य सदसद्योनिजन्मसु ॥ २१ ॥

प्रकृतिपुरुषांची कुलवाडी । सांघतां देखें असंघडी ।
जे आबुली जोडी । आमुला खाये ॥ ७२ ॥

सुखदुःखें जवं वेऱ्हीं । निफजति साचोकारिं ।
 तवं प्रकृति उद्यमु करी । मग पुरुषु भोगी ॥ ७३ ॥
 आमुलेया आबुलिये । संगति ना सोये ।
 कां आबुलि जग विये । चोज आइकां ॥ ७४ ॥
 अनंगु हा पेंधा । निकवडा नसुधा ।
 जीर्णु अतिवृद्धा । पासौनि वृद्धु ॥ ७५ ॥
 तेया अडिनावं पुरुषु । एन्हविं स्त्री ना नपुंसकु ।
 हें एक ही न्हेवे लोकु । प्रकृती तव ॥ ७६ ॥
 अचक्षु अश्रवणु । अहस्तु अचरणु ।
 रूप ना वर्णु । नावं आधि ॥ ७७ ॥
 आगा जेथ काहिं चि नाहिं । प्रकृतिचा भर्ता पाहिं ।
 किं भोगणें ऐसेया ही । सुखदुःखाचें ॥ ७८ ॥
 तो तरि अकर्ता । उदासु अभोक्ता ।
 परि इया चि पतिव्रता । भोगविजे ॥ ७९ ॥
 जियेतें अलुमालु । रूपागुणाचा ढालु ।
 ते भलेतैसा खेलु । लेखा आणी ॥ ९८० ॥
 मा इये प्रकृती तव । गुणमई हें चि नावं ।
 किंबहुना सावेव । गुण ते चि हे ॥ ८१ ॥
 हे प्रकृति क्षणीं नवी । रूपागुणाची आघवी ।
 जडातें ही माजवी । इयेचा माजु ॥ ८२ ॥
 नावें इया प्रसिद्धें । सत्तेहें इया सस्त्रिग्वें ।
 इंद्रियें प्रबुद्धें । इयेचेनि ॥ ८३ ॥
 काइ मन नपुंसक । किं ते भोगी तीन्ही लोक ।
 ऐसैसैं अलौलिक । करणें इयेचें ॥ ८४ ॥
 हे भ्रमाचें महाद्वीप । हे व्यासिचें चि रूप ।
 विकार उमप । इया केले ॥ ८५ ॥

हे कामाची मांडवी । मोहवनिची माधवी ।
 जे प्रसिद्ध दैवी । माया ऐसी ॥ ८६ ॥
 हे वाङ्मयाची वाढि । हे साकारपणा जोडि ।
 प्रपंचाची धाडि । अभंग हे ॥ ८७ ॥
 कला येथौनि जालिया । विद्या इया चि केलिया ।
 इछा ज्ञान क्रिया । वियाली हे ॥ ८८ ॥
 हे नादाची टांकसाल । हे चमत्काराचें वेलाउल ।
 किंबहुना सकल । खेलु इयेचा ॥ ८९ ॥
 हे उत्पत्ति प्रलयो होंत । ते इयेचे सायं प्रात ।
 हें असो आतां बहुत । मोहन हे ॥ ९० ॥
 हे अद्वयाचे दूसरें । हे निःसंगाचें सोयरें ।
 हे निरालेंसि घरें । नांदति असे ॥ ९१ ॥
 इयेतें एतुले वेन्हीं । सौभाग्याची व्याप्ति थोरी ।
 हणौनि तेया आवरी । अनावरातें ॥ ९२ ॥
 तेयाचां तवं ठांड । निपटौनि काहिं चि नाहिं ।
 किं तेया आघवें हिं । आपण होये ॥ ९३ ॥
 तेया स्वयंभाची संभूति । तेया अमूर्त्ताची मूर्त्ति ।
 आपण होये स्थिति । ठाऊ तेया ॥ ९४ ॥
 तेया अनर्त्ताची आर्त्ति । तेया पूर्णाची तृप्ति ।
 तेया अकुलाची जाति । आपण होये ॥ ९५ ॥
 तेया अचर्चाचिन्ह । तेया अपाराचें मान ।
 तेया अमनस्थाचें मन । बुद्धि होये ॥ ९६ ॥
 तेया निराकाराचा आकार । तेया निर्व्यापाराचा व्यापार ।
 निरहंकाराचा हंकार । होउनि ठाके ॥ ९७ ॥
 तेया अनामाचें नाम । तेया अजन्माचें जन्म ।
 आपण होये कर्म । अक्रिया तेया ॥ ९८ ॥

तेया निर्गुणाचे गुण । तेया अचरणाचे चरण ।
 तेया अश्रवणाचे श्रवण । चक्षु ही होये ॥ ९९ ॥
 तेया भावातीताचे भाव । तेया निरवयवाचे अवैव ।
 किंबहुना होये सर्व । पुरुषाचें हे ॥ १००० ॥
 ऐसें इया प्रकृती । आपुलिया सर्वव्याप्ती ।
 तेया अविच्छतातें विच्छती । माजि कीजे ॥ १ ॥
 तेथ पुरुषत्व जें असे । तें ये इये प्रकृतिदशे ।
 चंद्रमा अवंसे । पडिला जैसा ॥ २ ॥
 विदल बहू चोखा । मीनलेया वाला एका ।
 कसु होये पांचिका । जिया परीं ॥ ३ ॥
 कां साधुतें गोंदलि । संचरौनि सुये मेलिं ।
 नाना सुदिनाचां आभालिं । दुर्दिनु कीजे ॥ ४ ॥
 तेथ पय पशुचां पोटीं । कां वन्हि जैसा काष्टीं ।
 गूड्ढनि घेतला पटीं । रत्नदीपु ॥ ५ ॥
 राजा पराधीनु जाला । सिंहुं रोगें रुंधला ।
 तैसा पुरुषु प्रकृती आला । स्वतेजा मुके ॥ ६ ॥
 जागता नरु सहसा । निद्रा पाडौनि जैसा ।
 स्वमिचिया ही सोसा । वश्यु कीजे ॥ ७ ॥
 तैसें प्रकृति जालेपणें । पुरुषा गुण भोगणें ।
 उदासु अंतौरिगुणें । आंतुडविजे ॥ ८ ॥
 तैसें अजा नित्या होए । आंगिं जन्ममृत्युचे घाए ।
 वाजति जें लाहे । गुणसंगु हा ॥ ९ ॥
 पारि तें ऐसें पांडुमुता । तातलें लोह पीटितां ।
 जेवि वन्हीसी चि घाता । बोलिजति ॥ १०१० ॥
 कां आंदोललेया उदक । प्रतिभा होये अनेक ।
 तें नाभाव ह्यणति लोक । चंद्रिं जेवि ॥ ११ ॥

दर्पणाचिया जवलिका । दूजेपण जैसें मुखा ।
 कुंकुमें स्फटिका । लोहित्व होए ॥ १२ ॥
 तैसा गुणसंगमें । हा अजन्मा जन्में ।
 पावतु ऐसा गमे । यन्हविं नाहिं ॥ १३ ॥
 अधमोत्तमा योनी । या ऐसिया मानी ।
 जैसा संन्यासी स्वर्गी । अंत्यु होये ॥ १४ ॥
 ह्यगौनि केवल पुरुषां । नाहिं होणें भोगणें देखां ।
 एथ गुणसंगू चि अशेषा । लागां मूल ॥ १५ ॥

उपद्रष्टानुमंता च भर्ता भोक्ता महेश्वरः ।

परमात्मेति चाप्युक्तो देहेस्मिन्पुरुषः परः ॥ २२ ॥

हा प्रकृती माझि उभा । परि जुइं जैसा बोधबा ।
 प्रकृति पृथ्वी नभा । तेतुला पाडू ॥ १६ ॥
 प्रकृतिचां तटीं । मेरु हा किरीटी ।
 माजि बिंबे परि लोटीं । लोटों नेणे ॥ १७ ॥
 आणि प्रकृति होये जाये । हा तों असतू चि आहे ।
 ह्यगौनि आब्रह्माचें होए । शासन हा ॥ १८ ॥
 प्रकृति येणें जिये । या सत्ता जग विये ।
 या लागि इये । वरैतु हा ॥ १९ ॥
 अनंत काल किरीटी । जिया मिलति इया शृष्टि ।
 तिया रिगति एयाचां पोटीं । कल्पांतसमईं ॥ १०२० ॥
 हा महद्ब्रह्मा गोसांविं । हा ब्रह्मगोल लाघवी ।
 अपारपणें मवी । प्रपंचातें ॥ २१ ॥
 पै या देहा माझारि । परमात्मा ऐसी जे परि ।
 बोलिजे ते अवधारिं । एयातें चि ॥ २२ ॥
 अगा प्रकृती परौता । एकु आधि पांडुमुता ।
 ऐसा प्रवादु तो तत्वता । पुरुषु हा पै ॥ २३ ॥

यएवं वेत्ति पुरुषं प्रकृतिं च गुणैः सह ।
सर्वथा वर्तमानोपि न स भूयोभिजायते ॥ २३ ॥

जो निखलपणें येणें । पुरुषा तेया जाणे ।
आणि गुणाचें करणें । प्रकृतिचें जें ॥ २४ ॥
हें रूप हे छाया । पैल जल हे माया ।
ऐसें जो धनंजया । निवाडु करी ॥ २५ ॥
तेणें पाडें अर्जुना । प्रकृतिपुरुषविवंचना ।
जेयाचआ मना । गोचर जाली ॥ २६ ॥
तो शरीराचेनि मेलें । करू कां कर्में सकलें ।
परि आकाश धूमें न मैले । तैसा असे ॥ २७ ॥
आथिलेनि देहें । नेघेपे देहमोहें ।
देहं गेलेयां नोहे । पुनरपि तो ॥ २८ ॥
ऐसा तेया एकु । उपकारु अलौलिकु ।
प्रकृतिपुरुषविवेकु । करी पै गा ॥ २९ ॥

ध्यानेनात्मनि पश्यति केचिदात्मानमात्मना ।
अन्ये सांख्येन योगेन कर्मयोगेन चापरे ॥ २४ ॥

परि हा चि अंतरिं । विवेकु भानुचिया परी ।
उदैजे ते अवधारीं । उपाये बहुत ॥ १०३० ॥
कोण्ही एक्र सूभटा । विचाराचां आगिठां ।
आत्मानात्मकीटा । पुट देउनि ॥ ३१ ॥
सतीस ही वानी भेद । तोडूनियां निर्विवाद ।
निवडीति शुद्ध । आत्मतत्व ॥ ३२ ॥
तेया आपणपेयाचां पोटीं । आत्मध्यानाचेया दीठी ।
देखति गा किरीटी । आपणपें ॥ ३३ ॥
आणिक पैं दैवदगें । देखति सांख्ययोगें ।
एक ते आंमळगें । कर्माचेनि ॥ ३४ ॥

अन्ये त्वेषमजानंतः श्रुत्वान्येभ्य उपासते ।

ते पि चातिरंत्येव मृत्युं श्रुतिपरायणाः ॥ २५॥

येणें येणें प्रकारें । निस्तरति साचोकारें ।

हें भय भाउरें । आववें चि ॥ ३५ ॥

परि ते करिति ऐसें । अभिमानु दवडूनि देसें ।

एकांचेया विश्वासें । टेंकति बोला ॥ ३६ ॥

जे हिताहित देखति । हाणि कणवा घेपति ।

पूसौनि सीणु हरिति । देंति सुख ॥ ३७ ॥

तेयांचेनि मुखें निगे । तेतुलें आदरें चांगें ।

आइकौनियां आंगें । मनें होंति ॥ ३८ ॥

तेयां आधिकणेयां चि नावें । ठेविति गा आववें ।

तेयां आसरांसि जीवें । करिति लोण ॥ ३९ ॥

तेया परीं कपिध्वजा । या मरणार्णवा समजा ।

पासौनि निगति वोजा । गोमटिया ॥ १०४० ॥

ऐसे हे उपाये । बहुवस एथ पाहे ।

जाणावेया होये । एकि वस्तु ॥ ४१ ॥

आतां असो हें बहुत । पैं सर्वार्थांचें मथित ।

सिद्धांतनवनीत । दे० तुज ॥ ४२ ॥

ऐतुलेनि पांडुसुता । अनुभवु लाहणा आइता ।

येर तवं तुज होंतां । सायास नाहिं ॥ ४३ ॥

यावत्संजायते किंचित्सत्त्वं स्थावरजंगमं ।

क्षेत्रक्षेत्रज्ञसंयोगात्तद्विद्धि भरतर्षभ ॥ २६ ॥

हणौनि ते बुद्धि रचूं । मतवाद हे खांचूं ।

सोलीवं निर्वचूं । फलितार्थु चि ॥ ४४ ॥

परि क्षेत्रज्ञ एणें बोलें । तुज आपणपें जें दाखविलें ।

आणि क्षेत्र सांधितलें । आववें चि ॥ ४५ ॥

तेयां येरयेरांचां मेलीं । होइजे भूतीं सकलिं ।
 अनिलसंगें सलीलीं । कळोल जैसे ॥ ४६ ॥
 कां तेजा आणि उखरा । भेटि जालेयां वीरा ।
 मृगजलाचेया पूरा । रूप होये ॥ ४७ ॥
 नाना धाराधरधारीं । झलंबली वसुंधरी ।
 उठी जेवि अंकुरीं । नाना विधीं ॥ ४८ ॥
 तैसें चलाचल आघवें । जें काहिं जीउ नावें ।
 तें तो उभययोगें संभवें । ऐसें जाण ॥ ४९ ॥
 एया लागि अर्जुना । क्षेत्रज्ञा प्रधाना ।
 पासौनि न्हवति भिन्ना । भूतव्यक्ती ॥ १०५० ॥

समं सर्वेषु भूतेषु तिष्ठंतं परमेश्वरं ।

विनश्यत्स्वविनश्यंत यः पश्यति स पश्यति ॥२७॥

पैं पटुत्व तंतु नोहे । तन्हीं तंतुवें चि तें आहे ।
 ऐसां खोळि डोलां पाहे । ऐक्य हें गा ॥ ५१ ॥
 भूतें आघविं चि होंति । एकाचिं एकिं आहाति ।
 पैं भूतपतीति । वेगलीक असे ॥ ५२ ॥
 याचिं नावें आनानें । अनारिसिं वर्तनें ।
 वेख ही सिनाने । आघवेयांचे ॥ ५३ ॥
 ऐसें देखौनि किरीटी । भेदु हान सूंसि पोटीं ।
 तरि जन्माचिये आटी । न लाहासि निर्गो ॥ ५४ ॥
 पैं नानाप्रयोजनशीलें । दीघें वक्रें बर्तुलें ।
 होंति येकिचियें फलें । तुंबिणिये ॥ ५५ ॥
 होंतु कां उजू वांकुडे । परि वेलिचें हें न मोडे ।
 तैसिं भूतें अवघडें । वस्तू उजू ॥ ५६ ॥
 अंगारकणीं बहुवासिं । उष्णता समान जैसी ।
 तैसा जीवराशी । परेशु असे ॥ ५७ ॥

गगनभरिं धारा । परि पाणी एक वीरा ।
 तैसा या भूताकारा । सर्वांगी तो ॥ ५८ ॥
 हे भूतग्राम विषम । वस्तु येथ सम ।
 घटमठी व्योम । जिया परीं ॥ ५९ ॥
 हा नासतां भूताभासु । एथ आत्मा अविनाशु ।
 जैसा केयूरादिकि कसु । सोनेयांचा ॥ १०६० ॥
 एवं जीवधर्महीनु । जीवांसि अभिन्नु ।
 जो देखे सुनयनु । ज्ञानियां माझि ॥ ६१ ॥
 ज्ञानाचां डोलां डोलसां । माझि डोलसु तो वीरेशा ।
 हे स्तुति नोहे बडुवसा । भाग्याचा तो ॥ ६२ ॥
 समं पश्यन् हि सर्वत्र समवस्थितमीश्वरं ।
 न हिनस्त्यात्मनात्मानं ततो याति परां गतिं ॥ २८ ॥
 जें इंद्रियबोकौटी । देहधातुची त्रिकुटी ।
 पांचमेलावेयाची वोग्वटी । दारुण हे ॥ ६३ ॥
 हे उघडी पांचवेउली । हे पंचधा आंगिं लागली ।
 जीवपंचानना सांपडली । हरिणिकुटी ॥ ६४ ॥
 ऐसां असौनि इये शरीरीं । कोणु अनन्यबुद्धीची सूरी ।
 अनित्यभावाचां उदरीं । दाटी चि ना ॥ ६५ ॥
 परि इये देहीं असतां । तो नैये चि आपणपेयां घाता ।
 आणि शेषिं पांडुसुता । तेथ मिले ॥ ६६ ॥
 जेथ योगज्ञानाचिया प्रौढी । वोलांडूनि जन्मकोडी ।
 न निगों या भाषा बुडी । देंति योगी ॥ ६७ ॥
 जें आकाराचें पैल तीर । तुर्येचें माजिघर ।
 जे नादाची पैल मेर । परब्रह्म जें ॥ ६८ ॥
 मोक्षा सगट गती । जेथें एंति विश्रांती ।
 गंगादि अपांपती । सरिता जेवि ॥ ६९ ॥

तें सुख येणें चि देहें । पाये पाखालणियां लाहे ।
 जो भूतवैषम्य नोहे । विषमबुद्धी ॥ १०७० ॥
 दीपाचेया कोडी जैसें । एक चि तेज प्रकाशे ।
 तैसा जो असतू चि असे । सर्वत्र ईशु ॥ ७१ ॥
 तेया समातें पांडुसुता । जीवें जो देखे समता ।
 तो मरणा आणि जीविता । नांगवे फुडा ॥ ७२ ॥
 ह्यगौनि तो दैवांगला । वानित असो वेळोवेलां ।
 साम्यसेजे डोला । लागला जेया ॥ ७३ ॥

प्रकृत्यैव च कर्माणि क्रियमाणानि सर्वशः ।

यः पश्यति तथात्मानमकर्तारं स पश्यति ॥ २९ ॥

आणि मनोबुद्धिप्रमुखें । कर्म जियें अशेखें ।
 करी प्रकृति चि जो देखे । साचें जो गा ॥ ७४ ॥
 घरिचीं चि राहाटति घरीं । घर काहिं न करी ।
 अभ्र धांवे अंबरीं । अंबर उगें ॥ ७५ ॥
 तैसी प्रकृति आत्मप्रभा । खेले गुणविधा शोभा ।
 येथ आत्मा तो वोथंबा । नेणों कोणु ॥ ७६ ॥
 ऐसेनि एणें निवाडें । जेयाचां जीविं उजिवडे ।
 अकर्तैयातें फुडें । देखिलें तेणें ॥ ७७ ॥

यदा भूतपृथग्भावमेकस्थमनुपश्यति ।

तत एव च विस्तारं ब्रह्म संपद्यते तदा ॥ ३० ॥

यन्हविं तै चि अर्जुना । होइजे ब्रह्मसंपन्ना ।
 जें इया भूताकृती भिन्ना । दीसति एकिं ॥ ७८ ॥
 लहरिया जैसिया जळिं । परमाणु-कणिका स्थळीं ।
 रश्मिकर मंडळिं । सूर्याचां ॥ ७९ ॥
 नातरि देहिं अवयव । मनिं आघवे भाव ।
 विस्फुर्लिंगिं सर्व । वन्हि एकि ॥ १०८० ॥

तैसे भूताकार एकाचे । एथ दृष्टि रिगे जै साचें ।
 तें चि ब्रह्मसंपत्तिचें । तारुं लागे ॥ ८१ ॥
 मग जेये तिये कडे । ब्रह्माची दृष्टि उघडे ।
 किंबहुना जोडे । अपार सुख ॥ ८२ ॥
 एतुलेनि तुज पार्था । प्रकृतिपुरुषवेवस्था ।
 ठार्ये ठाउं प्रतीतिपंथा । माजि जाली ॥ ८३ ॥
 अमृत जैसें ये चूला । निधान जैसें देखिजे डोलां ।
 तेतुला जीवाला । मानावा हा ॥ ८४ ॥
 वांचूनि जालिये प्रतिती । घर बांधणें चिति ।
 तें आतां ना सुभद्रापति । या वरि ॥ ८५ ॥
 तरि एक दोनि ते बोल । बोलिजति सखोल ।
 देइ मनाची वोल । मग तें घेइ ॥ ८६ ॥
 ऐसें देवें ह्यणितलें । मग बोलों आदरिलें ।
 तेथ अवधानाचें केलें । सर्वांग एरें ॥ ८७ ॥

अनादित्वाभिर्गुणत्वात्परमात्मायमव्ययः ।

शरीरस्थोपि कौंतेय न करोति न लिप्यते ॥ ३१ ॥

ह्यणे परमात्मा ह्यणिपे । तो ऐसा जाण सरूपें ।
 जलें जलें न सिंपे । सूर्यु जैसा ॥ ८८ ॥
 कां जला आधि पाठिं । सूर्यु असतू चि किरीटी ।
 माजि बिंबे ते दीठी । आणिकाचिये ॥ ८९ ॥
 तैसा आत्मा देहिं । आधि ह्यणिपे हें काहिं ।
 साचें तरि नाहिं । तो जेथिचा तेथ ॥ १०९० ॥
 आरिसां मुख जैसें । बिंबलेया नावं असे ।
 देहिं वसणें तैसें । आत्मतत्व ॥ ९१ ॥
 तेया देहा ह्यणति भेटि ! हे सपाइ नीजाव गोठि ।
 वारैयानि बालुवे गाठि । केहिं आहे ॥ ९२ ॥

आगि आणि पीसा । दोरा सुयी जैसा ।
 केउता सांदा आकाशा । पाखाणेंसिं ॥ ९३ ॥
 एक निगे पूर्वा कडे । एक तें पश्चिमें पडे ।
 तिये भेटिचेनि पाडें । संबंधु हा ॥ ९४ ॥
 उजियडा आंधारेया । जो पाडु मृता उभेया ।
 तो चि गा आत्मेयां । देहा जाण ॥ ९५ ॥
 रात्रि आणि दिवसा । कनका आणि कापुसा ।
 पाडु कां जैसा । तैसा चि हा ॥ ९६ ॥
 हें तवं पांचाचें जालें । कर्माचां गुणिं गुंतलें ।
 भवंतसे चाकिं सूदलें । जन्ममृत्युचां ॥ ९७ ॥
 हे कालानलाचां कुंडीं । घातली लोणियांची उंडी ।
 मासी पांख पाखडी । तवं हे सरे ॥ ९८ ॥
 हें विपाएं आगी पडे । तरि भस्म होनि उडे ।
 जालें श्वाना वरिपडें । तरि ते चि विष्टा ॥ ९९ ॥
 यां चूके दोन्हीं काजां । तरि होये क्रिमिचा पुंजा ।
 ऐसा परिणामु कपिध्वजा । कश्मलु गा ॥ ११०० ॥
 या देहाची हे दशा । आणि आत्मा तो ऐसा ।
 पै सिद्धु नित्यु आपैसा । अनादिपणें ॥ १ ॥
 सकलु ना निष्कलु । अक्रियु ना क्रियाशीलु ।
 कृशु ना स्थूलु । निर्गुणपणें ॥ २ ॥
 आभासु ना निराभासु । प्रकाशु ना अप्रकाशु ।
 अल्पु ना बहुवसु । अरूपपणें ॥ ३ ॥
 रीता ना भरितु । रहितु ना सहितु ।
 मूर्तु ना अमूर्तु । शून्यपणें ॥ ४ ॥
 आनंदु ना निरानंदु । एकु ना विविधु ।
 मोकला ना बद्धु । अत्मेपणें ॥ ५ ॥

एतुला ना तेतुला । आयिता ना रचला ।
 बोलता ना उगला । अलक्षपणें ॥ ६ ॥
 सृष्टिचां होणां न रचे । सर्वसंहारें न वेचे ।
 आधिनाथि यां दोहींचें । पंचत्व तो ॥ ७ ॥
 मवे ना चर्चे । वाढे ना खांचे ।
 वीटे ना वेचे । अव्ययपणें ॥ ८ ॥
 एवरूपु पै आत्मा । देहिं जे ह्यणति प्रियोत्तमा ।
 तें मठाकारिं व्योमा । नावं जैसें ॥ ९ ॥
 तैसें तियाचिये आनाभूती । होंती जाती देहाकृती ।
 तो घे ना सांडी सुमती । जैसा तैसा ॥ १११० ॥
 अहोरात्रें जैसीं । होंति जांति आकाशीं ।
 आत्मसत्ते तैसीं । देहें जाण ॥ ११ ॥
 ह्यणौनि इये शरीरीं । काहिं करवी नां करी ।
 आयितां हिं व्यापारिं । सज्जु नोहे ॥ १२ ॥
 या लागि स्वरूपें । उणा पुरा नेघेपे ।
 हें असो तो न लिपे । देहीं देहें ॥ १३ ॥

यथा सर्वगतं सौक्ष्म्यादाकाशं नोपलिप्यते ।
 सर्वत्रावस्थितो देहे तथात्मा नोपलिप्यते ॥ ३२ ॥

आगा आकाश कें नाहिं । हें न रिगे चि कव्हणिये ठांड ।
 परि काइसेनि हिं काहिं । गादे चि ना ॥ १४ ॥
 तैसा सर्वत्र सर्वदेहीं । आत्मा असतू चि असे पाहीं ।
 परि संगदोषें एकें हिं । लिपु नोहे ॥ १५ ॥
 पुडुतिं पुडुतिं एथें । हें चि लक्षण निरुतें ।
 जें जाणावें क्षेत्रज्ञातें । क्षेत्रविहीना ॥ १६ ॥
 संसर्गें चेतविजे लोहें । परि लोह चि आमक नोहे ।
 क्षेत्रज्ञा आहे । तैसा पाडु ॥ १७ ॥

दीपकाचां अर्ची । राहाटि वाहे घरींची ।
 तन्हीं वेगलीक कोडीची । दीपा घरा ॥ १८ ॥
 असें काष्टाचां पोटीं । वन्हि जैसा किरीटी ।
 काष्ट नोहे या दीठी । पाहिजे जेवि ॥ १९ ॥
 अपाडु नभा आभाला । रवी आणि मृगजला ।
 तैसा चि हा ई डोला । देखावा पै ॥ ११२० ॥

यथा प्रकाशयत्येकः कृत्स्नं लोकमिमं रविः ॥

क्षेत्रं क्षेत्री तथा कृत्स्नं प्रकाशयति भारत ॥ ३३ ॥

हें आघवें चि असो एकु । गगनौनि जैसा अर्कु ।
 प्रकटवी लोकु । नावें नावें ॥ २१ ॥
 एथ क्षेत्रब्रु तैसा । प्रकाशकु क्षेत्राभासा ।
 या वरौतें हें न पुसा । शंका नेघां ॥ २२ ॥
 शब्दतत्वसारज्ञा । पै ते चि देखणी प्रज्ञा ।
 जे क्षेत्रा क्षेत्रज्ञा । अपाडु देखे ॥ २३ ॥
 एयां दोहिचें अंतर । देखावेया चतुर ।
 ज्ञानियांचें दार । आराधिति ॥ २४ ॥
 या चि लागि सुमती । जोडीति तपसंपत्ती ।
 शास्त्रांचीं दुभती । पोसिति घरीं ॥ २५ ॥
 योगाचेया आकाशा । वलधिजे येवढा धिवंसा ।
 याचिया चि आशा । पुरुषासि गा ॥ २६ ॥
 शरीरादि समस्त । मानिताति अंतवंत ।
 जीव संतांचे करित । वाहाणधर ॥ २७ ॥
 ऐसिया ऐसिया परी । ज्ञानाचिया भरोवरी ।
 करूनियां अंतरीं । निरुते होंति ॥ २८ ॥
 मग क्षेत्रक्षेत्रज्ञाचें । ते अंतर देखति साचें ।
 ज्ञानें उन्मेष तेयांचे । वोवाळूं आक्षीं ॥ २९ ॥

आणि महाभूतादिकिं । प्रभेदवेर्लि अनेकिं ।
 पसरली असे लटकी । प्रकृति जे हे ॥ ११३० ॥
 ते शुक्नलिकान्यायें । न लगती लागली आहे ।
 हे जैसी तैसी होए । ठाउवें जेया ॥ ३१ ॥
 जैसी माला ते माला । ऐसैं चि देखिजे डोलां ।
 सर्पबुद्धि तवं टवाला । उखी होउनि ॥ ३२ ॥
 कां शुक्तिते शुक्ति । हें साच हे प्रतीति ।
 रूपेयाची भ्रांति । जाउनियां ॥ ३३ ॥
 तैसी वेगली वेगलेपणें । प्रकृति जै अंतष्करणें ।
 देखति ते मी हणें । ब्रह्म होंति ॥ ३४ ॥
 जें आकाश होउनि वाड । जें अव्यक्ताची पैली कड ।
 जें भेटलेयां आहाडबाहाड । पडों नेंदी । ३५ ॥

क्षेत्रक्षेत्रज्ञयोरेवमंतरं ज्ञानचक्षुषा ।

भूतप्रकृतिमोक्षं च ये विदु र्यति ते परं ॥ ३४ ॥

आकारु जेथ सरे । जीवत्व जेथ वीरे ।
 द्वैत जेथ नुरे । अद्वय जें ॥ ३६ ॥
 तें परत्व पार्था । होंति ते सर्वथा ।
 जें आत्मानात्मधेवस्था- । राजहंस ॥ ३७ ॥
 ऐसा जी हा आघवा । श्रीकृष्णें तेया पांडवा ।
 उगाणा दीधळा जीवा । जीवाचेया ॥ ३८ ॥
 एरी कलशिचें एरीं । रिचविलें जेया परी ।
 आपणें तेया हरी । दीधळें तैसैं ॥ ३९ ॥
 आणि कोणा देता कोणु । तो नरु तैसा नारायणु ।
 वरि अर्जुनातें कृष्णु । हा मी हणें ॥ ११४० ॥
 परि असो हें नाथिलें । न पुसतां कां बोलें ।
 किंजडुना दीधळें । सर्वस्व देवें ॥ ४१ ॥

किं तो पार्थु मनीं । आञ्जुइं धणि न मनी ।
 अधिकाधिक उतान्ही । वाढवितु असे ॥ ४२ ॥
 स्नेहाचिया भरोवरी । आबुथिला दीपु घे थोरी ।
 चाड अर्जुनाचां अंतरिं । परिसतां तैसी ॥ ४३ ॥
 येथ सुगरणि उदारें । रसज्ञें जेवणहारें ।
 मिलति मग अवतरे । हातु जैसा ॥ ४४ ॥
 तैसैं जी होंतसे देवा । तेया अवधानाचेया लवलवा ।
 वाखाण चढलें थावां । चौगुणे वेन्हीं ॥ ४५ ॥
 सुवायें मेघु सांवेरे । जैसा चंद्रें सिंधु भरे ।
 तैसा मातला रसु आदरें । श्रोतेयाचेनि ॥ ४६ ॥
 आतां आनंदमय आघवें । विश्व चि कीजैल देवें ।
 तें रायें परिसावें । संजयो ह्मणे ॥ ४७ ॥
 एवं जें महाभारतीं । व्यासें अप्रांतमती ।
 भीष्मपर्विं शांतिं । ह्मणितली कथा ॥ ४८ ॥
 तो कृष्णार्जुनसंवादु । नागरिं बोलिं विशदु ।
 सांघों दाउं वंधु । वोवियेचा ॥ ४९ ॥
 नसुदी चि शांतीकथा । आणजैल किर वाक्यपथा ।
 परिं श्रिंगाराचां माथां । पावो ठेविति ॥ ११९० ॥
 दाउं वेल्हाल देशी नवी । जैसी साहित्यातें वोजावी ।
 अमृता ही चूकि ठेवी । गोडिसेपणें ॥ ५१ ॥
 बोलु वेल्हावितेनि गुणें । चंद्रासि घे उमाणें ।
 रसुभंगु भुलवणें । नादु लोपी ॥ ५२ ॥
 खेचरांचेया ही मना । आणि सात्विकाचा पान्हा ।
 श्रवणा सवें सुमना । समाधि जोडे ॥ ५३ ॥
 तैसा वाग्विलासु विस्तारं । गीतार्था विश्व भरं ।
 आनंदाचें आवारं । मंझु जगा ॥ ५४ ॥

फीटो विवेकाची वाणि । हो काना मना जीणि ।
 देखो आवडे ते खाणि । ब्रह्मविद्येची ॥ ५५ ॥
 दीसो परतत्व डोलां । पाहो सुखाचा सोहला ।
 रिगो महाबोधु सुकाला । माजि विश्व ॥ ५६ ॥
 हें निफजे आतां आघवें । ऐसें बोळिजैल बरवें ।
 जें अधिष्ठली असें परदेवें । निवृत्ती मीं ॥ ५७ ॥
 ह्यणौनि आखरीं सुभेदिं । उपमाश्लेषकोंदाकोंदी ।
 झाडा देईन प्रतिपदीं । ग्रंथार्थासि ॥ ५८ ॥
 हा ठाउ वेरि मातें । पुरतेयां आहे सारस्वतें ।
 केलें असे श्रीमंतें । गुरुरायें ॥ ५९ ॥
 तेणें जी कृपासावायें । मी बोलें तेतुलें सामाये ।
 आणि तुमचिये सभे लाहें । गीतार्थु ह्यणों ॥ ११६० ॥
 वरि तुहां संतांचे पाये । आजि मी पातलां आहे ।
 ह्यणौनि जी नोहे । अटक काहिं ॥ ६१ ॥
 प्रभू काश्मरिं मूकें । नुपजे जी कवतुकें ।
 नाहिं गुणिं सामुद्रिकें । लक्ष्मीयोसि ॥ ६२ ॥
 तैसी तुहां संतां पासिं । अज्ञानाची गोठि काइसी ।
 या लागि नवरसिं । वरिखैन मीं ॥ ६३ ॥
 किंबहुना आघवां । मज अवसरु देयावा ।
 ज्ञानदेउ ह्यणे बरवा । सांघैन ग्रंथु ॥ ६४ ॥
 ॐ तत्सदितिश्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे क्षेत्रक्षेत्रज्ञयोगो
 नाम त्रयोदशोऽध्यायः ॥

॥ सर्वात्मकश्रीकृष्णार्पणमस्तु ॥



ज्ञानेश्वरी

अध्याय चौदावा

श्रीगणेशायनमः ॥

जय जय आचार्या । समस्तसुरवर्या ।
प्रज्ञाप्रभातसूर्या । सुखोदया ॥ १ ॥
जय जय सर्वविसांवेया । सोहंभावसुहावेया ।
नानालोकहेलावेया । समुद्रा तूं ॥ २ ॥
आइकैं गा आर्त्तबंधू । निरंतरकरुणासिंधू ।
विशदविद्यावधू—। वल्लभा जी ॥ ३ ॥
तूं जेया प्रतिलपसि । तेया जग हें दाविसि ।
प्रकट तैं करिसी । आघवें तूं ॥ ४ ॥
पुढैलां तरि चोरिजे । हा दृष्टिबंधु निफजे ।
नवल लाघव तूझे । घरिचां घरीं ॥ ५ ॥
जें तूं चि तूं सर्वा एया । कवणा बोधु कवणा माया ।
ऐसें आपें आपु लाघविया । नमो तूज ॥ ६ ॥
जाणों जगीं आप बोळें । हें रस जी तुवां केलें ।
तूझेनि क्षेमत्व आलें । पृथिव्येसि ॥ ७ ॥
रविचंद्रादिशूक्ति । उदो करितां त्रीजगती ।
तें तूक्षिया दीप्ती । तेज तेजां ॥ ८ ॥

चलबलिजे अनिलें । तें देविकेनि जी बलें ।
 नभ तुज माजि खेले । लपीं थपीं ॥ ९ ॥
 किंबहुना माया असोस । ज्ञान तूझेनि डोलस ।
 असो वानणें सायास । श्रुतिसि हे ॥ १० ॥
 वेद जें वानूनि चांग । जवं न दिसे तूझें आंग ।
 मग आह्वा तेया मूग । एकी पांती ॥ ११ ॥
 जी एकार्णवाचां ठांइं । बुडडेयांचा पाडु नाही ।
 मग महानदी काई । जाणिजती ॥ १२ ॥
 कां उदैलेयां भास्वतु । चंद्र जैसा खद्योतु ।
 आह्वा श्रुती तुज आंतु । तेतुला पाडु ॥ १३ ॥
 आणि दूजेया थाउ मोडे । जेथ परेसिं वैखरी बुडे ।
 तो तूं मां कवणें तोंडें । वानावासि ॥ १४ ॥
 येया लागि आतां । स्तुति सांडुनि निवांतां ।
 चरणीं ठेविजे माथा । हें चि भलें ॥ १५ ॥
 तरि तूं जो होसि तेया । नमो श्रीगुरुराया ।
 मज ग्रंथउद्यमु फलावेया । वेव्हारा होई ॥ १६ ॥
 आतां कृपाभांडवल सोडीं । भारिं मति माझी पोतडी ।
 करीं ज्ञानपदजोडी । थोर मातें ॥ १७ ॥
 मी सवंसरेनि तेणें । संतांसि करीं कर्णभूषणें ।
 लेववीन सुलक्षणें । विवेकाचीं ॥ १८ ॥
 जी गीतार्थुनिधान । काढू माझें मन ।
 सुईं स्नेहांजन । आपुलें तूं ॥ १९ ॥
 हे वागश्रृष्टि येकें वेळें । देखति बुद्धीचे डोले ।
 तैसा उदैजो निर्मलें । कारुण्यविबें ॥ २० ॥
 माझी प्रज्ञावेलिवें वेल्हाल । काव्यें होति सुफल ।
 तो वसंतु होई स्नेहाल । शिरोमणी ॥ २१ ॥

प्रमेयमहापुरें । हे मतिगंगा भरे ।
 तैसा वरिष उदारें । दीठिवेनि ॥ २२ ॥
 आगा विश्वैकधामा । तूझा प्रसादु चंद्रमा ।
 करू मज पूर्णिमा । स्फूर्तिची जी ॥ २३ ॥
 जिया पाहिलें मातें । उन्मेखसागरिचें भरितें ।
 वोसंडेल तें । रस-वृत्तिचें ॥ २४ ॥
 तवं तोखौनि गुरुराजें । ह्यणितलें विनतिव्याजें ।
 मांडिलें देखों दुजें । स्तवुं तुवां ॥ २५ ॥
 हें असो आतां वाजटा । तो ज्ञानकर्पूर गोमटा ।
 ग्रंथु दाविं उत्कंठा । भंगों नैदीं ॥ २६ ॥
 हो कां जी जी स्वामी । हें चि पाहांतु असें मीं ।
 जें श्रीमुखें ह्यणां तुह्मीं । ग्रंथु सांचें ॥ २७ ॥
 जी दूर्वेचा हीरु । आंगें चि तवं अमरु ।
 वरि आला महापूरु । पीयुषाचा ॥ २८ ॥
 तरि आतां एणें प्रसादें । विन्यासें विदग्धें ।
 मूलशास्त्रपदें । वाखाणीन ॥ २९ ॥
 परि जीवा आंतुली कडे । जैसी संदेहडोणी बुडे ।
 मग श्रवणचाडे । आवाडि दीसे ॥ ३० ॥
 तैसां बोलीं साचारीं । अवतरो माझी माधुरी ।
 मालें मागैन घरीं । गुरुकृपेचां ॥ ३१ ॥
 तरि मागां त्रयोदशीं । अध्याइं गोठि ऐसीं
 जें श्रीकृष्णु अर्जुनेसीं । संवादले ॥ ३२ ॥
 जें क्षेत्रक्षेत्रज्ञयोगें । होइजे येणें जगें ।
 आत्मा गुणसंगें । संसारिया ॥ ३३ ॥
 आणि हा चि प्रकृतिगतु । सुखदुःखभोगीं हेतु ।
 अथवा गुणातीतु । केवलु हा ॥ ३४ ॥

तरि कैसा यां असंगा संगु । कोणु तो क्षेत्रक्षेत्रज्ञयोगु ।
 मुखदुःखादि भोगु । केवि तेया ॥ ३५ ॥
 गुण ते कैसे केती । बाधति कवणां रीती ।
 नातरि गुणातीतीं । चिन्हु काई ॥ ३६ ॥
 एवं येया आघवेया । अर्था रूप करावेया ।
 विषो एथ चौदावेया । अध्यायासि ॥ ३७ ॥
 तरि तो चि आतां ऐसा । प्रस्तुतु परियसां ।
 अभिप्राउ विध्वेशा । वैकुंठाचा ॥ ३८ ॥

श्रीभगवानुवाच ॥

परं भूयः प्रवक्ष्यामि ज्ञानानां ज्ञानमुत्तमं ॥

यज्ज्ञात्वा मुनयः सर्वे परां सिद्धिमितो गताः ॥ १ ॥

तो ह्यणे गा अर्जुना । अवधानांची सर्व सेना ।
 मेलउनियां ज्ञाना । झोंबावें हो ॥ ३९ ॥
 आर्क्षिं मागां बहृति । दाविलें तुज उपपत्तीं ।
 आद्भुइं प्रतीती । कुंसि न निगे ॥ ४० ॥
 ह्यणौनि गा पुडुतीं । सांघिजैल प्रतिपत्ती ।
 परि ह्यणह्यणों श्रुती । डाहारिजे जें ॥ ४१ ॥
 एन्हर्विं ज्ञान हें आपुलें । परि पर हें ऐसें जालें ।
 जें अवर घेतलें । स्वर्गादि एणें ॥ ४२ ॥
 एणें चि गा कारणें । हें सर्वां उपरि मीं ह्यणें ।
 तें वन्हि यें तृणें । एरें ज्ञानें ॥ ४३ ॥
 जियें स्वर्गादि तें जाणति । याग चि चांग ह्यणति ।
 पारखि फुडी आधि । भेदीं जेयां ॥ ४४ ॥
 तियें आघवीं चि ज्ञानें । केलीं एणें स्वप्नें ।
 जैसे वातोर्मि गगनें । गील्लिले आधि ॥ ४५ ॥

कां उदितें रश्मिराजें । लोपतीं चंद्रादि तेजें ।
 नाना प्रलयांबुमाजें । नदीनद ॥ ४६ ॥
 तैसैं हें पाहालेयां । अज्ञानजात जाये लया ।
 ह्यणौनि धनजया । उत्तम हें ॥ ४७ ॥
 अनादि जे मुक्तता । आपुली जे पांडुसुता ।
 तो मोक्षु हाताइता । होये जेणें ॥ ४८ ॥
 येयाचिया प्रतीती । विचारविरिं समस्तीं ।
 नेंदिजे चि संशृती । माथा उधों ॥ ४९ ॥
 मनें मन घालूनियां मार्गें । विश्रांति जालेयां आंगें ।
 देहीं देहा जोगे । होती चि ना ॥ ५० ॥
 मग देहाचें वेलें । उल्लांडूनि येकें वेलें ।
 समतूकीं काटालें । मसीं जाले ॥ ५१ ॥

इदं ज्ञानमुपाश्रित्य मम साधर्म्यमागताः ॥

सर्गेपि नोपजायंते प्रलये न व्यथंति च ॥ २ ॥

जे माक्षिया नित्यता । नित्य ते पांडुसुता ।
 परिपूर्ण पूर्णता । माक्षिया चि ॥ ५२ ॥
 मी जैसा अनंतानंदु । जैसा चि सत्वसिद्धु ।
 तैसा चि तेया भेटु । उरे चि ना ॥ ५३ ॥
 जें मीं जेवडें जैसैं । तें चि ते जाले तैसैं ।
 घटभंगीं घटाभासैं । आकाश जेवि ॥ ५४ ॥
 नातरि दिवा मुकुलिकीं । दीपशिखा अनेकीं ।
 मीनलेयां अवलोकीं । जैसैं होये ॥ ५५ ॥
 अर्जुना तिया परीं । सरली द्वैताची वारी ।
 नांदो नामार्थ एकाहारी । आर्हणीं ते ही ॥ ५६ ॥
 एणें चि पै कारणें । जें पहिलें शृष्टिजुंणें ।
 तें तेयां होणें । पडे चि ना ॥ ५७ ॥

सृष्टिचिये सर्वादी । जेयां देहाची नाहिं बाधी ।
 तें कैचे प्रलयार्धी । निमतील पां ॥ ५८ ॥
 ह्यणौनि जन्मक्षयां । अतीत ते धनंजया ।
 मी जालां ज्ञाना येया । अनुसरौनि ॥ ५९ ॥
 ऐसी ज्ञानाची गोडी । वानिली देवें आवडी ।
 तेविं चि पार्था सिचडी । लावावेया ॥ ६० ॥
 तवं तेया जालें आन । सर्वांगिं निगाले कान ।
 सपाई अवधान । पातला तो ॥ ६१ ॥
 आतां देवाचेया ऐसें । जाकलिजत वोरसें ।
 निरूपण आकाशें । वेंटाले ना ॥ ६२ ॥

मम योनिर्महद्ब्रह्म तस्मिन्गर्भं दधाम्यहं ॥

संभवः सर्वभूतानां ततो भवति भारत ॥ ३ ॥

तो ह्यणे गा प्रज्ञाकांता । आजि उजळली वागवृता ।
 जें बोला एवडा श्रोता । जोडलासि ॥ ६३ ॥
 तरि एकु मीं अनेकीं । गोविजे देहपाशकीं ।
 त्रिगुणलुब्धकीं । कवणी परीं ॥ ६४ ॥
 कैसा क्षेत्रयोगें । विये येणें जगें ।
 तें परियस सांघों वेगें । कोण आतां ॥ ६५ ॥
 पै क्षेत्र येणें व्याजें । हें या चि लागि बोलिजे ।
 जें मत्संगवीजें । भूर्तीं पिके ॥ ६६ ॥
 आणि महद्ब्रह्म । हें इये ऐसें नाम ।
 जें महदादिविश्राम—। शालिका हे ॥ ६७ ॥
 विकारां बहुसै थोरी । अर्जुना हे चि करी ।
 ह्यणौनि अवधारीं । हें महद्ब्रह्म ॥ ६८ ॥
 अव्यक्तवादमती । अव्यक्त ऐसी वदंती ।
 सांख्याचिया प्रतीती । प्रकृति हे चि ॥ ६९ ॥

वेदांतीं यातें माया । ह्यणिजे प्रज्ञाराया ।
 केती बोलें वायां । अज्ञान हें गा ॥ ७० ॥
 आपुला आपणेयां । विसरु जो धनंजया ।
 तें गा रूप येया । अज्ञानांसि ॥ ७१ ॥
 आणिक ही येक असे । जें विचारा वेगलें न दिसे ।
 वाती पाहातां जैसें । आंधारें कां ॥ ७२ ॥
 हालविलेयां जाये । निश्चल तरि राहे ।
 दूर्धीं जैसी साये । दूधा चि तव ॥ ७३ ॥
 पैं जागरु ना स्वप्न । स्वरूप ना अवस्थान ।
 ते सुषुप्ति घन । जैसी होये ॥ ७४ ॥
 कां न वियतां वायुतें । वांझें आकाश रीतें ।
 तेया ऐसें निरुतें । अज्ञान गा ॥ ७५ ॥
 पैलु खांबु कां पुरुषु । ऐसा निश्चयो नाहिं येकु ।
 काइ नेणों अवलोकु । देखतसे ॥ ७६ ॥
 तेवि वस्तु जैसें असे । तैसें किर न दिसे ।
 पारि काहिं अनारिसें । देखिजे ना ॥ ७७ ॥
 नां राति ना तेज । तिये संधी जैसी सांज ।
 तेवि विरुद्ध ना नीज । ज्ञाना आधि ॥ ७८ ॥
 ऐसी कोण्ही येकि दशा । तिये वाटु अज्ञान ऐसा ।
 तिया गुंडाललिया प्रकाशा । क्षेत्रञ्चु नावं ॥ ७९ ॥
 अज्ञान थोरिये आणिजे । आपणपें तरि नेणिजे ।
 तें रूप जाणिजे । क्षेत्रज्ञाचें ॥ ८० ॥
 हा चि उभययोगु । बुझें बाण चांगु ।
 सत्तेचा नैसर्गु । स्वभाउ हा ॥ ८१ ॥
 आतां अज्ञानां सारिखें । वस्तु आपणपेयातें देखे ।
 परि रूपें अनेकें । नेणों कोणें ॥ ८२ ॥

जैसा रंकु भ्रमला । हणने जा रे मी रा३० आलां ।
 कां मूर्छीतु गेला । स्वर्गलोका ॥ ८३ ॥
 तेवि लचकलिया दीठी । देखणें जें जें उठी ।
 तेयां नावं श्रृष्टी । मी वियें गा ॥ ८४ ॥
 हे चि आनी भ्रांती । प्रमेय उपलउं पुडुतीं ।
 तरि तूं प्रतीती । इयाचि वेइं ॥ ८५ ॥

सर्वयोनिषु कौंतेय मूर्त्तयः संभवन्ति याः ॥
 तासां ब्रह्म महद्योनि रहं बीजप्रदः पिता ॥ ४ ॥

तरि माझी घरणी । अनादि तरुणी ।
 अर्वाच्य गुणी । अविद्या पै ॥ ८६ ॥
 माझेनि चि आंगें । पड्डडल्यां हे जागे ।
 आणि सत्तासंभोगें । गुर्विणी होये ॥ ८७ ॥
 महद्ब्रह्मउदरीं । प्राकृतें आठें विकारीं ।
 गर्भाची करी । पेलोवेली ॥ ८८ ॥
 इये नाहिं हें चि रूप । ठाणें हें उमप ।
 निद्रितां समीप । चेंतां दूरि ॥ ८९ ॥
 पै उभयसंगु पहिलें । बुद्धित्वें उमले ।
 बुद्धित्वें भारेलें । होये मन ॥ ९० ॥
 तारुण्यता मनाची । अहंकारत्वं रची ।
 तेंणें महाभूतांची । अभिव्यक्ति होये ॥ ९१ ॥
 आणि विषयइंद्रियां गोसी । स्वभावे तरि भूतांसि ।
 हणौनि येंति सरिसीं । त्यें हीं रूपा ॥ ९२ ॥
 जालेनि विकारक्षोभें । पाठिं गुणाचेनि उभे ।
 येवं संपूर्ण जे गर्भे । वायें ठा३० ॥ ९३ ॥
 रुखाचा ये वांका । जैसी कां बीजकणिका ।
 जीविं बांधे उदका । भेटतखे३० ॥ ९४ ॥

तैसी माझेनि संगें । अविद्या नाना जगें ।
 आरवों लागे । आपणपां चि ॥ ९५ ॥
 मम गर्भगोला तेया । कैसी रूपसै ये आया ।
 परियसैं राया । सजनाचेया ॥ ९६ ॥
 पै अंडज स्वेदज । जारज उद्वीज ।
 उमटति सहज । अवेव हे ॥ ९७ ॥
 व्योमवायुवसैं । वांटलेनि गर्भरसैं ।
 मणिजु उससे । अवेवु तो ॥ ९८ ॥
 पोटीं सूनि तमरजें । आगलिका तोय तेजें ।
 उठितां निफजे । स्वेदज गा ॥ ९९ ॥
 आपपृथ्वीउत्कटें । आणि तमोमात्रें निकृष्टें ।
 स्थावरु उमटे । उद्वीजु हा ॥ १०० ॥
 पांचां पांच विरजीं । होंति मनबुध्यादि सहजीं ।
 आणि इये चि जारजीं । ऐसैं जाणें ॥ १ ॥
 ऐसे हे सरल । करचरणतल ।
 महाप्रकृति स्थूल । तें चि शिर ॥ २ ॥
 प्रवृत्ती पेललें पोटा । निवृत्ति ते पाठि नीटा ।
 सुरयोनि आंगें आठ । ऊर्ध्वाचीं ॥ ३ ॥
 कंडु उल्हासता स्वर्गु । मृत्युलोकु मध्यभागु ।
 अधोदेशु चांगु । नितंबु तो ॥ ४ ॥
 ऐसैं लेंकरुं एक । प्रसवली हे देख ।
 जेयाचे तीन्ही लोक । बालसैं गा ॥ ५ ॥
 चौरासी लक्ष योनी । तियें कांडीं पेरी संधानी ।
 वाढे प्रतिदीनी । बालक हें ॥ ६ ॥
 नाना देह अवेवीं । नामाचीं लेणीं लेववी ।
 मोहो स्तनें वाढवी । नीचनवेनि ॥ ७ ॥

सृष्टी वेगलवेगलिया । त्या चि करां आंगुलिया ।
 भिन्ना अभिमाना सूदलिया । मुदिया तेथ ॥ ८ ॥
 हें एकलौतें चराचर । अविचारतें सुंदर ।
 प्रसवौनि थोर । थोरावली ॥ ९ ॥
 पै ब्रह्मा प्रातःकाल । विष्णु तो मध्यान्हवेळु ।
 सदाशिव उवीळु । बालका येया ॥ ११० ॥
 महाप्रलयसेजें । खेलौनि आलें नीजे ।
 विषमज्ञानें उमजे । कल्पोदई ॥ ११ ॥
 अर्जुना इया परीं । मिथ्यादृष्टिचां घरीं ।
 युगावृत्तिचीं करी । चोजवाउलें ॥ १२ ॥
 संकल्पु याचा इष्टु । अहंकारु तो नीकटु ।
 जें होये तें सेवटु । ज्ञानें येया ॥ १३ ॥
 आतां असो बहू बोली । ऐसें विश्व माया व्याली ।
 तेथ चांग जाली । माझी सत्ता ॥ १४ ॥
 येया कारणें मी पिता । महद्ब्रह्म माता ।
 अपत्य हा पांडुसुता । जगडंबरु ॥ १५ ॥
 आतां शरीरे बहुतें । देखौनि न भेदें हो चित्तें ।
 जें मनबुद्धिभूतें । एकें ययां ॥ १६ ॥
 हांगा एकी चि देहीं । काइ आनारिसे अवेव नाहिं ।
 तेवि विचित्र विश्व पाहीं । एक चि हें ॥ १७ ॥
 पै उंचा नीचा डाहालिया । विषमा वेगळालिया ।
 एका चि जेवि जालिया । बीजाचिया ॥ १८ ॥
 आणि संबंधु तो ही ऐसा । मृन्मयो घटु कां जैसा ।
 कां पटत्व कापुसा । आंतु होये ॥ १९ ॥
 नाना कल्लोलपरंपरा । संतति जैसी सागरा ।
 आह्मा आणि चराचरां । तैसा पाडु ॥ १२० ॥

ह्यणौनि वन्हि ज्वाल । दोन्ही बन्ही चि केवल ।
 तेवि मी गा हें सकल । समंधु वाउ ॥ २१ ॥
 जालेनि जगें मी झाकें । तारि जगत्वे कोणु फांके ।
 कीलेवारि माणिकें । लोपिजे काइ ॥ २२ ॥
 कां अलंकारत्व आलें । आणि सोनेपण काइ गेलें ।
 किं कमलत्व फांकले— । पणें जाये ॥ २३ ॥
 सांघ पां धनंजया । अवेवी अवेवीया ।
 आछादिजे किं तेया । तें चि रूप ॥ २४ ॥
 विरूढलेयां जोन्हला । कणिसांचां निर्वाला ।
 वेचला कीं आगला । दीसतसे ॥ २५ ॥
 ह्यणौनि जग परौतें । साखुनि पाहिजे मातें ।
 तैसा न्हवे उखितें । आघवें चि मीं ॥ २६ ॥
 हा तूं साचोकारा । निश्चयाचा खरा ।
 गांठि बांध पां वीरा । जीवाचिये ॥ २७ ॥
 आतां भियां मज दाविलां । शरीरीं वेगलालां ।
 गुणीं मीं चि बांधलां । एसा आवडें ॥ २८ ॥
 जैसें स्वप्नीं आपण । उठौनि आत्ममरण ।
 भोगिजे गा जाण । कपिध्वजा ॥ २९ ॥
 कां कबलातें डोले । प्रकाशूनि पीवलें ।
 देखति तें हीं कले । तेयांसी चि ॥ ३० ॥
 नाना सूर्य प्रकाशें । प्रकटी तें अभ्र भासे ।
 तो लोपला हें इं दीसे । सूर्ये चि ॥ ३१ ॥
 पै आपणपेनि जालियां । छाया गा आपुलिया ।
 भीउनि भियालियां । आवडिजे ॥ ३२ ॥
 तैसीं इयें नाना देहें । दाउनि मीं नाना होयें ।
 एथ ऐसा बंध आहें । तें हीं देखें ॥ ३३ ॥

बद्ध कां न बंधिजे । जाणणं मज माज्ञं ।
हं नेणणेनिउपजे । आपुलेनि ॥ १३४ ॥

सत्त्वं रजस्तम इति गुणाः प्रकृतिसंभवाः ॥
निबध्नन्ति महाबाहो देहे देहिनमव्ययं ॥ ५ ॥

तरि कोणं गुणं कैसा । मज चि मीं बद्ध ऐसा ।
आवडे तें परियसां । अर्जुनदेवा ॥ ३५ ॥
गुण ते किंधर्म । काइ येया नाम ।
कें जाले हें वर्म । अवधारिजो ॥ ३६ ॥
तरि सत्वरजतम । तीघांसि हें चि नाम ।
आणि प्रकृति जन्म- । भूमि येयां ॥ ३७ ॥

तत्र सत्त्वं निर्मलत्वात्प्रकाशकमनामयं ॥
सुखसंगेन बध्नाति ज्ञानसंगेन चानघ ॥ ६ ॥

तैथ सत्व तें उत्तम । रज तें मध्यम ।
तिहिं माझि तम । सवियां धारें ॥ ३८ ॥
हें एकी चि वृत्तिचां ठांडं । त्रिगुणत्व आलें पाहीं ।
वयसात्रय देहीं । एकिं जेवि ॥ ३९ ॥
कां मीनलेनि कीडें । जवं जवं तूंक वाढे ।
तवं तवं सोनें पडे । पांचिकां कसीं ॥ १४० ॥
पै सावधपणें जैसें । वाहविलें आलसें ।
सुशुति बैसे । घणावौनि ॥ ४१ ॥
तैसी अज्ञानांगिकारें । निगाली वृत्ति विस्तारे ।
तें सत्वरजद्वारें । तम हीं होए ॥ ४२ ॥
अर्जुना गा जाण । येया नावं गुण ।
आतां ढाउं खुण । बांधती ते ॥ ४३ ॥
तरि क्षेत्रज्ञदशे । आत्मा मोटका प्रवेशे ।
हें देह मी ऐसें । मुहूर्त्त करी ॥ ४४ ॥

आजन्ममरणातीं । देहधर्मसमस्तीं ।
 ममत्वाची सूती । घे ना जवं ॥ ४५ ॥
 जैसें मीनाचां तोंडीं । पडे ना जवं उंडी ।
 तवं गल्ल आसुडी । जलवारधी ॥ ४६ ॥
 तेवि सत्वं लुब्धकें । सुखज्ञानाचीं पाशिकें ।
 वोढिजतां खुडुके । जैसा मृगु ॥ ४७ ॥
 मग ज्ञानें चडफडी । सुख वरि खुरखोडी ।
 स्वयंसुख हें धाडी । हातिचें गा ॥ ४८ ॥
 तेव्हलि विद्यामानें तोखे । लाभमात्रें हरिखे ।
 मी संतुष्टु हें इं देखे । श्लाघों लागे ॥ ४९ ॥
 हणगे भाग्य ना माझें । आजि सुखियें नाहिं दूजें ।
 विकारें फुजे । सात्विकाचेनि ॥ १५० ॥
 आणि येणें हिं न सरे । लांकण लागे दुसरें ।
 जें विद्वत्तेचें भरे । भूत आंगीं ॥ ५१ ॥
 आपण चि ज्ञान आहे । तें गेलें हें दुःख नोहे ।
 किं विषयज्ञानें होये । गगना एवडा ॥ ५२ ॥
 रा३० जैसा स्वप्नीं । रंकपणें रिगाला धानी ।
 तो गोमटेनि एकें मानी । इंद्र ना मीं ॥ ५३ ॥
 तैसें गा देहातीता । जालेयां देहवंतां ।
 हों लागे पांडुसुता । बाह्यज्ञानें ॥ ५४ ॥
 प्रवृत्तिशास्त्रें बुझे । यज्ञविद्या उमजे ।
 किंबहुना मुजे । स्वर्गु वेरीं ॥ ५५ ॥
 आणि हणगे आजि आन । मी वांचूनि नाहिं सज्ञान ।
 चातुर्यचंद्रगगन । माझें चित्त ॥ ५६ ॥
 ऐसें सत्व सुखज्ञानीं । जीवासि लाउनि कान्ही ।
 बैळाची करी वानी । पांगुलाचेया ॥ ५७ ॥

रजो रागात्मकं विद्धि तृष्णासंगसमुद्भवं ॥

तन्निवध्नाति कौंतेयं कर्मसंगेन देहिनं ॥ ७ ॥

आतां हा चि शरीरीं । रजें जिया परीं ।
 बांधिजे तें अवधारीं । सांधिजेल ॥ ५८ ॥
 हें जीवीं मोटकें रिगे । आणि कामाचां मार्गीं लागे ।
 मग वारेया वलघे । तृष्णेचिया ॥ ५९ ॥
 हें रज यया चि कारणें । जें जीवातें रंजों जाणे ।
 अभिलाखाचें तरुणें । सवाह्य गा ॥ १६० ॥
 आबुथुनि आगियालें । वज्राग्नीतें सांदुकिलें ।
 आतां बहू थेकुलें । आहे तेथ ॥ ६१ ॥
 तैसी खवलली चाड । होये दुःखा सकट गोड ।
 इंद्रश्री ही सांकड । गर्मों लागे ॥ ६२ ॥
 तिया तृष्णा वाढिनलिया । मेरु ही हाता आलेयां ।
 झणे वलघों एकादेया । दारुणा हीं ॥ ६३ ॥
 आजि असतें वेचिजैल । तरि पाहे काइ कीजैल ।
 ऐसा पांगीं वडील । व्यवसाय गा ॥ ६४ ॥
 जीविताची कुरवंडी । वोवालुं लागे कवडी ।
 मानी तृष्णाचिया जोडी । कृतकृत्यता ॥ ६५ ॥
 झणे स्वर्गा हान जावें । तरि काइ तेथ खावें ।
 यया लागि धांवे । याग करूं ॥ ६६ ॥
 व्रता पाटिं व्रतें । आचरे इष्टापूर्तें ।
 काम्यें वांचूनि हातें । सीवे चि ना ॥ ६७ ॥
 ग्रीष्मांतिचा वारा । विसर्वां नेणे वीरा ।
 तैसा न झणे व्यापारां । राति दि३० ॥ ६८ ॥
 काइ चंचलु मासा । कामिनीकटाक्षु काइसा ।
 वलला होये तैसा । वीजु नाहिं ॥ ६९ ॥

तेतुलेनि गा वेगें । स्वर्गसंसारुपांगें ।
 आगी माजि रिगे । क्रियेचिया ॥ १७० ॥
 ऐसा देहीं देहा वेगला । ले तृष्णेचिया सांखला ।
 टोपु वाहे गलां । व्यापाराचा ॥ ७१ ॥
 हें रजोगुणाचें दारुण । देहिं देहियासि धारण ।
 परियसां विंदाण । तमाचें तें ॥ ७२ ॥

तमस्त्वज्ञानजं विद्धि मोहनं सर्वदेहिनां ॥
 प्रमादालस्यनिद्राभिस्तन्निवध्नाति भारत ॥ ८ ॥

व्यवहाराचे ही डोले । मंद जेणें पडलें ।
 मायारात्रिचें कालें । मेहुडें जें ॥ ७३ ॥
 अज्ञानाचें जियालें । जेया येका लागलें ।
 जेणें विश्व भुललें । नाचत असे ॥ ७४ ॥
 अविवेकमहामंत्र । जें मौढ्यमद्याचें पात्र ।
 हें असो मोहनास्त्र । जीवासि जें ॥ ७५ ॥
 पार्था तें गा तम । रचूनि ऐसें वर्म ।
 चौखुरी देहात्म । मानीयातें ॥ ७६ ॥
 हें ये विकारि शरीरीं । माजों लागे चराचरीं ।
 आणि तेथ दुसरी । गोठी नाहिं ॥ ७७ ॥
 सर्वेद्रियां जाड्य । मना माझि मौढ्य ।
 माल्हांत दाढ्य । आलस्याचें ॥ ७८ ॥
 आंगमोडामोडी । कार्यजातां अनावडी ।
 नुसंते परिवडी । जांभैयांची ॥ ७९ ॥
 उघडिया चि दीठी । देखणें नाहि किरीटी ।
 नालवितां उठी । ओझा हणौनि ॥ १८० ॥
 पडिलिये ढोंडी । कोण कानी मुरडी ।
 तिया चि परिवडी । टलों नेणें ॥ ८१ ॥

पृथ्वी पाताला जाउं । कां आकाश वरि एउं ।
 परि उठावें ऐसा भाउं । मनी नाहिं ॥ ८२ ॥
 उचितानुचित आघवें । ज्ञासुरतां हिं जीवें ।
 तेथिचा तेथ लोलावें । ऐसी मेघा ॥ ८३ ॥
 उभूनि करतलें । पडिघाये कपोलें ।
 पायांचें सिरालें । मांडूं लागे ॥ ८४ ॥
 आणि निद्राविधिं चांगु । जीवीं आथि लागु ।
 झोंपिं जातां स्वर्गु । वाउं ह्मणे ॥ ८५ ॥
 ब्रह्मायुषां होइजे । मग निजैलेयां चि असिजे ।
 हें वांचूनि दूजें । व्यसन नाहीं ॥ ८६ ॥
 वाटे जातां बुगें । कल्हातां हीं डोळीं लागे ।
 अमृत ही परि नेघे । जरि नीद ए ॥ ८७ ॥
 तेविं चि आक्रोशबलें । व्यापारें कोणहीं वेले ।
 तरि निगालें आंधलें । रोसें जैसें ॥ ८८ ॥
 केधवां कैसें राहाटावें । कोणेंसिं काइ बोलावें ।
 हें टाकतें किं नांगवे । काहिं चि नेणे ॥ ८९ ॥
 वणवा मियां आघवा । पाखें चि वूसूनु नेयावा ।
 पतंगु इया हावां । घाली जेवि ॥ ९० ॥
 तैसा बलघे सहसा । अकारणीं धिवंसा ।
 किंबहुना ऐसा । प्रमादु रुचे ॥ ९१ ॥
 एवं निद्राभालस्यप्रमादीं । तम इहिं त्रिविधिं ।
 देहिं बांधे निरुपाधी । चोखटातें ॥ ९२ ॥

सत्त्वं सुखे संजयति रजः कर्मणि भारत ॥

ज्ञानमावृत्त्य तु तमः प्रमादे संजयत्युत ॥ ९ ॥

जैसा वन्हि काष्टी भरे । तें दीसे काष्टाकारें ।
 व्योम घटें आवरे । तें घटाकाश ॥ ९३ ॥

नाना सरोवर भरलें । तेथ चंद्रत्व बिंबलें ।
 गुणाभासि बांधलें । ऐसें गमे ॥ ९४ ॥
 परिहरौनि कफवात । जें देहीं आटोपे पित्त ।
 तें करी संतप्त । देह जेवि ॥ ९५ ॥
 कां वर्षाति जैसे । जीणौनि शीत चि दीसे ।
 तेव्हलि होये हींवा ऐसें । आकाश हें ॥ ९६ ॥
 नाना स्वप्न जाग्रती । लोपूनि ये सुषुप्ती ।
 ते क्षणु येकु धृती । तें चि होये ॥ ९७ ॥
 तैसीं रजतमें हारवी । जें सत्व माजु मिरवी ।
 तें जीवा करवि ह्मणवी । मुखिया नामीं ॥ ९८ ॥
 तैसैं चि सत्व रज । लोपूनि तमा भोज ।
 वलघे तें सहज । प्रमादिए होए ॥ ९९ ॥

रजस्तमश्चाभिभूय सत्त्वं भवति भारत ॥

रजस्सत्त्वंतमश्चैव तमः सत्त्वं रजस्तथा ॥ १० ॥

तिया चि गा परिपाटी । सत्वतमातें पोटी ।
 घालूनि जेव्हां उठी । रजोगुणु ॥ २०० ॥
 तेव्हलां कमें वांचूनि काहीं । आन सौंदर चि नाहीं ।
 ऐसें मानी देहीं । देहराजु ॥ १ ॥
 पै रजतमविजैयें । सत्व गा देहीं इये ।
 वाढतां चिन्हि तियें । ऐसीं होति ॥ २ ॥

सर्वद्वारेषु देहेस्मिन्प्रकाश उपजायते ॥

ज्ञानं यदा तदा विद्याद्विवृद्धं सत्वमित्युत ॥ ११ ॥

जें प्रज्ञा आंतुलीकडे । न समांत बाहिरि बोसंडे ।
 वसंति पद्मखंडें । द्रुति जेवि ॥ ३ ॥
 सर्वेन्द्रियां आंगणीं । विवेकु करी राबणी ।
 साच चि करचरणीं । होति डोळे ॥ ४ ॥

राजहंसा पुढें । चांचु वेंची आगरडे ।
 तोडी जेवि झगडे । क्षीरानिराचे ॥ ५ ॥
 तेवि दोषादोषविवेकीं । इंद्रियें चि होंति पारखीं ।
 नियमु बा रे पाइकी । अलगे तैं ॥ ६ ॥
 नाइकर्णें तें कानू चि वाली । न पाहाणें तें दीठी चि गाळी ।
 अवाच्य तें तें टाली । जीभ चि गा ॥ ७ ॥
 वाती पुढां जैसैं । पलों लागे कालवखें ।
 निषिद्ध इंद्रियां तैसैं । समोर नोहे ॥ ८ ॥
 धाराधरकालें । महानदी उचंबले ।
 तैसी बुद्धि पघले । शास्त्रजातीं ॥ ९ ॥
 आगा पूर्णिमेचा दिसिं । चंद्रप्रभा आकाशि ।
 ज्ञानवृत्ति तैसी । फांके सैव ॥ २१० ॥
 वासना एकावटे । प्रवृत्ति वोहटे ।
 मन वावटे । सुखा वारि ॥ ११ ॥
 एवं सत्व वाढे । तैं हें चिन्ह फुडें ।
 आणि निधन हीं घडे । तेव्हलां जरि ॥ १२ ॥
 तरि जैं चि वारि संपत्ति । तैं चि उदार मनोवृत्ति ।
 मां परत्र आणि कीर्त्ति । होये पै गा ॥ १३ ॥
 कां पाहालेनि सुयाणें । जालेयां परगुणें ।
 पढियंतें ये पाहुणे । स्वर्गौनियां ॥ १४ ॥
 मग गोमटेया तेया । जावलि आशे धनंजया ।
 तेवि सत्वीं जाणें देहियां । कें आथि गा ॥ १५ ॥
 जें परगुणीं उड्डट । घेउनि सत्व चोखट ।
 नांगे सांडूनि कोपट । भोगक्षाम हें ॥ १६ ॥
 अवचटें ऐसा जो जाये । तो सत्वाचा चि नवा होये ।
 किंबहुना जन्म लाहे । ज्ञानियां माशि ॥ १७ ॥

सांघ पां धनुर्द्धरा । रा३० रायेपणें डोंगरा ।
 गेलेया अपुरा । होये काइ ॥ १८ ॥
 नातारि एधिचा दीवा । नेला सेजेया गावां ।
 तो तेथ तरि पांडवा । दीपू चि किं ॥ १९ ॥
 तैसी तेथ सत्वशुद्धी । आगलें ज्ञानासि उधी ।
 तरंगा३० लागे बुद्धी । विवेका वारि ॥ २२० ॥
 पै महदादिपरिपाटी । विचारूनु सेवटीं ।
 विचारा सकट पोटीं । जिरे जेया ॥ २१ ॥
 सत्तिसां सत्तिसावें । चोविस पंचविसावें ।
 तिहिं पुरौनि स्वभावें । चतुर्थ जें ॥ २२ ॥
 ऐसें सर्व जें सर्वोत्तम । जालें असे सुगम ।
 तेया सर्वें निरूपम । लाहें देह ॥ २३ ॥

लोभः प्रवृत्तिरारंभः कर्मणामशमस्पृहा ॥

रजस्येतानि जायंते विवृद्धे भरतर्षभ ॥ १२ ॥

मग इया चि परीं देख । तमसत्वा अधोमुख ।
 बैसौनि जें आगलीक । धरी रज ॥ २४ ॥
 आपुलेया कार्याचा । धुमाडु गाविं देहाचां ।
 माजवी तें चिन्हाचा । उदो ऐसा ॥ २५ ॥
 पांजरली कां वाडुटली । करी वेगल वेटाली ।
 तैसी विषइं सरली । इंद्रियां होये ॥ २६ ॥
 परदारादि करावें पडे । परि विरुद्ध ऐसें नावडे ।
 मन सेलियेचेनि तोंडें । संघ चारी ॥ २७ ॥
 हा ठावो वेन्हीं लोभु । करी स्वैरखाचा राबु ।
 वेटालितां अलाभु । तें तें उरे ॥ २८ ॥
 आणि आड पडिलेयां । उद्यमजातां भलेतेया ।
 प्रवृत्ति धनंजया । हातु न कढी ॥ २९ ॥

त्विं चि एकाधा प्रसादु । कां करावा अश्वमेधु ।
 ऐसा अचाटू चि संदू । घेउनि उठी ॥ २३० ॥
 नगरें चि रचात्रीं । महावनें चि लालावीं ।
 जलाशयें निर्मावीं । नानाविधें ॥ ३१ ॥
 ऐसेसां अफांटीं कर्मी । समारंभ-उपक्रमीं ।
 आणि दृष्टादृष्टकामीं । पुरें नाहीं ॥ ३२ ॥
 सागरु ही सांडी पडे । आंगिं न लाहे तीनि कवडे ।
 ऐसें अभिलाषीं जोडे । दुर्भरत्व ॥ ३३ ॥
 स्पृहा मनां पुढपुढां । आशेचा घे दवडा ।
 विश्व घापे चाडा । पायां तलीं ॥ ३४ ॥
 इत्यादि वाढतां रजीं । इयें चिन्हें होंति सहजीं ।
 आणि ऐसेया माझि । वेचे जरि ॥ ३५ ॥
 तारि आघवां इहीं । परिवारला देहीं ।
 रिगे परिं योनी हीं । मानुषे चि ॥ ३६ ॥
 सुरुवाडेंसि भिखारी । वसो पां राजपुरीं ।
 तन्हीं तो काइ अवधारीं । राउ होईल ॥ ३७ ॥
 बैलासि कडवाडें । हें न चुके गा फुडें ।
 नेइजो पां वन्हाडें । भले तैसां ॥ ३८ ॥
 हणौनि व्यापारा हातीं । उकळु दिहा ना राती ।
 तैसेयांचिये पांती । जुंपिजे तो ॥ ३९ ॥
 कर्मजडांचां ठांइं । किंबहुना होये देहीं ।
 जो रजोवृद्धिचां डोही । बुडौनि निमे ॥ २४० ॥

अप्रकाशो प्रवृत्तिश्च प्रमादो मोह एव च ॥
 तमस्येतानि जायंते विवृद्धे कुरुनंदन ॥ १३ ॥

मग तैसा चि पुडुती । रजा सत्ववृत्ती ।
 गीळनि जै ये उन्नती । तमोगुणु ॥ ४१ ॥

तैं जियें लिंगें । देहाचें सबाह्य सांघे ।
 तें परियस चांगें । श्रोत्रबलें ॥ ४२ ॥
 तरि ऐसें होये मन । जैसें रविचंद्रें हीन ।
 रातिचें गा गगन । अवसेचिये ॥ ४३ ॥
 तैसें अंतर असोस । होये स्फूर्तिहीन उद्वस ।
 विचाराची भास । हारपे तैं ॥ ४४ ॥
 बुद्धि मेचुवे ना ढोंडी । हा ठाऊं मौवाले सांडी ।
 आठउ देशधडी । जाला दीसे ॥ ४५ ॥
 अविवेकाचेनि माजें । सपाई शरीर गाजे ।
 एकलेनि घेपे दीजे । मौढ्यें तेथ ॥ ४६ ॥
 आचारभंगाचीं हाडें । रूपति इंद्रियां पुढें ।
 मरे जरि तें कडें । क्रिया जाये ॥ ४७ ॥
 पै आणिक ही एक दीसे । जे दुष्कृतीं चित्त उसासे ।
 आंधारीं देखणें जैसें । डुडुळांचें ॥ ४८ ॥
 निषिद्धाचेनि नावें । मलेतें हीं भरें हांवे ।
 तिये विषिं धावे । घेंति करणें ॥ ४९ ॥
 मदिरा नेघतां दूले । सन्निपातें विण बोले ।
 निःप्रेमें चि भूले । पीसें जैसें ॥ २५० ॥
 चित्त तरि गेलें आहे । परि उन्मनी ते नोहे ।
 ऐसें माल्हांथिलें मोहें । माजिरेनि ॥ ५१ ॥
 किंबहुना ऐसींऐसीं । चिन्हें गा तमा पासीं ।
 जें वाढे आइतिसिं । आपुलिया ॥ ५२ ॥
 आणि हें चि वायप्रसंगें । मरणाचें जरि खागें ।
 तरि तेतुलेन हीं निगे । तमेंसिं तो ॥ ५३ ॥
 राई रायिपण बीजीं । सांटौनि आंग ल्यजीं ।
 मग विरूढे तैं दूजी । गोठि आहे ॥ ९४ ॥

पैं होउनि दीपकलिका । एरु आगि विज्ञो कां ।
 ते लगैल तेथ असिका । तो चि आहे ॥ ५५ ॥
 ह्यणौनि तमाचिये लोथे । बांधौनियां संकल्पातें ।
 देह जाये मागुतें । तमाचें होये ॥ ५६ ॥
 आतां काइ येणें बहुवें । तो तमोवृद्धी मृत्यु लाहे ।
 तो पशु कां पक्षा होये । झाड क्रिमि ॥ ५७ ॥

यदा सत्त्वे प्रवृद्धे तु प्रलयं याति देहभृत् ॥
 तदोत्तमविदाल्लोकानमलान्प्रतिपद्यते ॥ १४ ॥

येणें चि कारणें । जें निफजे सत्वगुणें ।
 तें सुकृत ऐसें ह्यणे । श्रौतसमो ॥ ५८ ॥
 ह्यणौनि तेया निर्मळ । सुखज्ञानीं सरल ।
 अपूर्व एक फल । सात्विक तें ॥ ५९ ॥

रजसि प्रलयं गत्वा कर्मसंगिषु जायते ॥
 तथा प्रलीनस्तमसि मूढयोनिषु जायते ॥ १५ ॥

मग राजसा क्रिया । तिया इंद्रावणी सांसिनलिया ।
 जें सुखें चितारूनियां । फलति दुःखें ॥ २६० ॥
 कां निबोलियेचें पीक । वरि गोड आंतु विष ।
 तैसें राजस देख । क्रियाफल ॥ ६१ ॥
 तामस कर्म तेतुकें । अज्ञानफलें चि पीके ।
 विषांकुर विषें । जिया परीं ॥ ६२ ॥

कर्मणः सुकृतस्याहुः सात्विकं निर्मलं फलं ॥

रजसस्तु फलं दुःखमज्ञानं तमसः फलं ॥ १६ ॥

ह्यणौनि बा रे अर्जुना । एथ सत्व चि हेतु ज्ञाना ।
 जैसा कां दिना । सूर्यु हा ॥ ६३ ॥
 आणि तैसें चि हें जाण । लोभासि रज कारण ।
 आपुलें विस्मरण । द्वैता जेवि ॥ ६४ ॥

मोहो अज्ञाना प्रमादा । एयां मिलालेयां दोषघृदां ।
 पुडुतीं पुडुतीं प्रबुद्धा । तम चि मूल ॥ ६५ ॥
 ऐसें विचाराचां डोलां । तीन्हीं गुण हे वेलोवेलां ।
 पाहिजे जैसा आवला । तलहातिचा ॥ ६६ ॥

सत्त्वात्संजायते ज्ञानं रजसो लोभ एव च ॥
 प्रमादमोहौ तमसो भवतो ज्ञानमेव च ॥ १७ ॥

तव रजतमें दोन्हीं । देखिलीं प्रौढें पतनीं ।
 आणि सत्व वांचूनि नेनीं । ज्ञानाकडे ॥ ६७ ॥
 हंगौनि सात्विकी चि वृत्तीं । एक जाले जन्मव्रती ।
 सर्वत्यागें चतुर्थीं । भागवत जैसे ॥ ६८ ॥
 तैसे सत्वाचेनि नडनाचें । असणें जाणें तेयांचें ।
 ते तनूत्यागीं स्वर्गिचे । राये होंति ॥ ६९ ॥
 इया चि परी पै रजें । जिहिं कां जीजे मरिजे ।
 तिहिं मनुष्यां होइजे । मृत्युलोकिं ॥ ७० ॥
 तेथ सुखदुःखाचें खिचटें । जेविजे येकें चि ताटें ।
 जेथ इये मरणवटे । पडिलें नूठी ॥ ७१ ॥
 आणि तिया चि स्थिती तमीं । जे वाढौनि मोडौनि क्षमीं ।
 ते घेंति नरकभूमी । मूलपत्र ॥ ७२ ॥
 एवं वस्तुचिया सत्ता । त्रिगुणासि पांडुसुता ।
 दाविली साकार्यता । आघवी चि हे ॥ ७३ ॥

ऊर्ध्वं गच्छन्ति सत्वस्था मध्ये तिष्ठन्ति राजसाः ॥
 जघन्यगुणवृत्तिस्था अधो गच्छन्ति तामसाः ॥ १८ ॥

पैं वस्तु वस्तुत्वे असिकें । तें आपण चि गुणां सारिखें ।
 देखौनि कार्यविशेषें । अनुकरे गा ॥ ७४ ॥
 जैसें कां स्वप्नां पारिव्राजें । जें राउमी हें देखिजे ।
 तें हारि जैत होइजे । आपण चि ॥ ७५ ॥

तैसैं मध्य ऊर्ध्व अध । हे जे गुणत्रिभेद ।
 ते वृत्ती वांचूनि शुद्ध । वस्तु चि असे ॥ ७६ ॥
 परि हे वाहणी असो । तन्हीं तुज आन न दीसो ।
 परियसैं ते सांघतसों । मागिलि गोठि ॥ ७७ ॥

नान्यं गुणेभ्यः कर्त्तारं यदा द्रष्टानुपश्यति ॥

गुणेभ्यश्च परं वेत्ति मद्भावं सोधिगच्छति ॥ १९ ॥

तारि ऐसैं निजनिजें । सामर्थ्यें तीन्हीं सहजें ।
 होंति देहव्याजें । गुण चि हे गा ॥ ७८ ॥
 इंधनाचेनि आकारें । अग्नि जैसा अवतरे ।
 कां आवगे तरुवरें । भूमिरसु ॥ ७९ ॥
 नाना दहियांचेनि मीसैं । परिणामे दूध जैसैं ।
 कां मूर्त्त होये ऊंसैं । गोडी जेवि ॥ ८० ॥
 तैसैं हें सांतष्करण । देह चि होंति गुण ।
 ह्यणौनि बंधा कारण । घडे किर ॥ ८१ ॥
 परि चोज हें धनुर्द्धरा । जें येवडां इये गुंपिरां ।
 मोक्षाचा संवसारा । गुणा न्हे ॥ ८२ ॥
 गुण आपुलालेनि धर्में । देहिचें माधुतसाउमें ।
 चालितां न खोमे । गुणातीतता ॥ ८३ ॥
 ऐसी मुक्ति असे सहज । आतां परियसौं तुज ।
 तें तूं ज्ञाना बुझ । द्विरेफु किं ॥ ८४ ॥
 आणि गुणीं गुणां जोगें । चैतन्य नोहे हें मार्गें ।
 बोलिलें तें खार्गें । तेविं चि हें ॥ ८५ ॥
 तरि पार्थातें ऐसैं । बोधलेनि जीवें दीसे ।
 स्वम कां जैसैं । चेइलेनि ॥ ८६ ॥
 नातरि आपणपें जलीं । बिंबलें तीरींहुनि कळी ।
 चलन होंत कळोलीं । अनेकधा ॥ ८७ ॥

कां नटलेनि लाघवें । नटु जैसा न शंकवे ।
 तैसे गुणजात देखवे । न्हवौनियां ॥ ८८ ॥
 रितुत्रय आकाशें । धरुनियां जैसें ।
 नेंदिजे चि येउं वोसें । वेगलेपणें ॥ ८९ ॥
 तैसें गुणिं गुणां परौतें । जें आपणपें असे आइतें ।
 तिये अहं बैसे अहंते । मूलिके चि जें ॥ २९० ॥
 तें तेथौनि मग पांतां । ह्मणे साक्षी मी अकर्त्ता ।
 हे गुण चि क्रियाजाता । नियोगी ना ॥ ९१ ॥
 सत्वरजतमाचां । भेदीं पसरु कर्माचा ।
 होंतसे तो गुणाचा । विकारु हा ॥ ९२ ॥
 एया माक्षि मीं ऐसा । वर्नीं कां वसंतु जैसा ।
 वनलक्ष्मीविलासा । हेतुभूत ॥ ९३ ॥
 कां तारागर्णी लोपावें । सूर्यकांतें उद्दीपावें ।
 कमलीं विकाशावें । जावें तमें ॥ ९४ ॥
 इयें कोण्हाचीं काजें कहीं । सविता जैसें नाहीं ।
 तैसा अकर्त्ता मीं देहीं । सत्तारूपु ॥ ९५ ॥
 मी दाउनि गुण देखें । गुणता हे मियां पोखे ।
 एयाचेनि निःशेषें । उरे तें मीं ॥ ९६ ॥
 ऐसेनि विवेकें जेया । उदौ होये धनंजया ।
 ये गुणातीतत्व तेया । ऊर्ध्वपथें ॥ ९७ ॥
 आतां निर्गुण असे आणिक । तें तो जाणे हें अचूक
 जें ज्ञान केलें ठीक । तेया चि वरि ॥ ९८ ॥
 किंबहुना पांडुसुता । ऐसा तो माक्षिया सत्ता ।
 पावे जैसी सरिता । सिंधुत्व गा ॥ ९९ ॥
 नलिके वरौनु उठिला । जैसा शुकु शाखे बैसला ।
 तैसा मूलअहंते ठेळा । तो ह्मणौनि ॥ ३०० ॥

आगा अज्ञानांचिया नीदा । घोरतु होंता तत्वधा ।
 तो सस्वरूपिं प्रबोधा । चेइला किं ॥ १ ॥
 पै बुद्धिभेदाचा आरिसा । तेया हातूनि पडिला वीरेशा ।
 ह्यणौनि प्रतिमुखाभासा । मूकला तो ॥ २ ॥
 देहाभिमानाचा वारा । आतां वाजों ठेला वीरा ।
 तें एक्यवीचिसागरा । जीवेशा होये ॥ ३ ॥
 ह्यणौनि मद्भावेंसिं । पाविजे तेणें सारिसिं ।
 वरिषांतिं आकाशीं । घनें जेवि ॥ ४ ॥
 तेवि मी होउनि निरुता । मग देहीं चि इये असतां ।
 नांगवे देहसंभूतां । गुणासि तो ॥ ५ ॥
 जैसा भिंगाचेनि घरें । दीपप्रकाशु नावरे ।
 कां न विज्ञे चि सागरें । वडवानल ॥ ६ ॥
 तैसा आलां गेलां गुणांचा । बोधु न मैले तेयाचा ।
 तो देहीं जैसा व्योमिचा । चंद्र जलीं ॥ ७ ॥

गुणानेतानतीत्य त्रीन्देही देहसमुद्भवान् ॥

जन्ममृत्युजरादुःखैर्विमुक्तोमृतमश्नुते ॥ २० ॥

तीन्ही आपुलिया प्रौढी । देह नाचवीति बागडी ।
 तो पाहों न घडी । अहंतेतें ॥ ८ ॥
 हा ठाऊ वेन्हीं । निहटौनि गेला अंतरीं ।
 आतां काइ वत्तें शरीरीं । कांहीं नेणे ॥ ९ ॥
 सांडूनि आंगिची खोली । सर्पु रिगालेयां पातालीं ।
 ते त्वचा कोण सांभालीं । तैसें जालें ॥ ३१० ॥
 कां सोरभ्यजीर्णु जैसा । आमोदु मीलौनियां आकाशा ।
 माघारा कमलकोशा । ऐ चि ना ॥ ११ ॥
 पै सस्वरूपसमरसें । तेया ही गा जालें तैसें ।
 तेथ किंधर्म हें ऐसें । नेणे देह ॥ १२ ॥

ह्यगौनि जन्मजरामरण । इत्यादि साई गुण ।
 ते देहीं चि ठेले कारण । नाही तेया ॥ १३ ॥
 घटाचिया खापरिया । घटाचां भागीं फोडिलेयां ।
 मा आकाश आपैसेया । जालें चि असे ॥ १४ ॥
 तैसी देहबुद्धि जाये । जें आपणपें आठौं होये ।
 तें आन काहिं आहे । तें वांचूनि ॥ १५ ॥
 येणें थोरें बोधलेपणें । तेया गा देहीं असणें ।
 ह्यगौनि तो मी ह्यणें । गुणातीतु ॥ १६ ॥
 येया देवाचेया बोला । पार्थु अति सुखावला ।
 मेघें संबोखिला । मयूरु जैसा ॥ १७ ॥

अर्जुन उवाच ॥

कैलिंगैस्त्रीन्गुणानेतानतीतो भवति प्रभो ॥

किमाचारः कथं चैतांस्त्रीन्गुणानतिवर्त्तते ॥ २१ ॥

तेणें तोषें वीरु पूसे । जी कोणी चिन्ह तो दीसे ।
 जेया माझि वसे । ऐसा बोधु ॥ १८ ॥
 तो निर्गुणु काइ आचरे । कैसेनि गुण निस्तरे ।
 सांघिजो हें माह्यरें । कृपेचेनि ॥ १९ ॥

श्रीभगवानुवाच ॥

प्रकाशं च प्रवृत्तिं च मोहमेव च पांडव ॥

न द्वेष्टि संप्रवृत्तानि न निवृत्तानि कांक्षति ॥ २२ ॥

येया अर्जुनाचेया प्रश्ना । तो षड्गुणाचा राणा ।
 परिहार आकर्णा । बोलतु असे ॥ २२० ॥
 ह्यणे हे पार्था तूझी नवाई । येतुलें चि पूससी काई ।
 लें नावं चि तेया पाई । साचल टकें ॥ २१ ॥

गुणातीतु जेया नावं । तो गुणाधीनु तरि न्हवे ।
 मा होये तरि नांगवे । गुणा येयां ॥ २२ ॥
 परि आधीनु कां नांगवे । हे चि कैसेनि जाणावें ।
 गुणाचिये उरवरेवे । माझि असतां ॥ २३ ॥
 हा संदेहो जरि वाहांसी । तरि सुखें प्रसों लाहासि ।
 परियस आतां तेयासि । रूप करुं ॥ २४ ॥
 तरि रजाचेनि माजें । देहिं कर्माचें आणोजें ।
 प्रवृत्ती जें घेइजे । वेंटाळनि ॥ २५ ॥
 तैं मीं चि ना कर्मठु । ऐसा नैये श्रीमाठु ।
 कां दरिद्रबुद्धी वीटु । तो ही नाहिं ॥ २६ ॥
 अथवा सत्वे चि अधिकें । जैं सर्वेद्रीं ज्ञान फांके ।
 तैं सुविद्यता न तोखे । उभजे ही ना ॥ २७ ॥
 कां वाढिनलेनि तमें । गीलेजे मोहभ्रमें ।
 तैं अज्ञानत्वे श्रमे । घेणें हिं नाहिं ॥ २८ ॥
 पै मोहाचां अवसरीं । ज्ञानाची चाड न धरी ।
 ज्ञानीं कर्म नादरी । होतां ना दुःखी ॥ २९ ॥
 सायंप्रातमध्यान्हा । येयां तीहीं कालांची गणना ।
 नाहिं जेवि तपना । तैसा असे ॥ ३३० ॥
 तेया वेगळें चि काइ प्रकाशे । ज्ञानित्व येयावें असे ।
 काइ जलार्णउ पाउसें । साजा होए ॥ ३१ ॥
 नां प्रवर्तलेनि कर्म । कर्मित्व तेया कां गमे ।
 साघें हिमवंतु हीमें । कापे काइ ॥ ३२ ॥
 नातरि मोहो आलेयां । काइ पां रुसिजैल तेया ।
 हांगा आगितें उन्हालेया । जालवतसे ॥ ३३ ॥
 तैसें गुणकार्य हे । आघवें आपण चि आहे ।
 लणौनि येकैके नोहे । ताडातोडि ॥ ३४ ॥

येवढिया गा प्रतीती । तो देहा आला असे वस्ती ।
वाटे जातां गुंती । माझि जैसा ॥ ३५ ॥

उदासीनवदासीनो गुणैर्यो न विचाल्यते ॥
गुणा वर्त्तत इत्येवं योषतिष्ठति नैगते ॥ २३ ॥

तो जीणता ना हारवी । तैसा गुण न्हे ना करवी ।
जैसी कां सोणवी । संग्रामी तैसा ॥ ३६ ॥

आणि गुणाचां यावाजावा । टले चले ना पांडवा ।
मृगजलाचा हेलावा । मेरु जैसा ॥ ३७ ॥

हें बहू काड बोलिजे । व्योमें वारेनि न वचिजे ।
कां सूर्यु न गिलिजे । अंधकारें ॥ ३८ ॥

स्वप्न गा जेया परीं । जागतेयातें न सितरी ।
गुणिं तैसा अवधारीं । न चलिजे तो ॥ ३९ ॥

गुणा किर नातुडे । परि दूरौनि पाहे जें कोडें ।
तैं गुण देखे सांघडे । सभ्यु जैसा ॥ ३४० ॥

सत्वधर्म सात्विकीं । रज तें रजोविशेषीं ।
तम मोहादिकीं । वर्त्तत असे ॥ ४१ ॥

परि माझिया सत्ता । इया गुणक्रिया समस्ता ।
हें फुडें जाणे सविता । लौकिका जेवि ॥ ४२ ॥

समुद्र चि भरति । सोमकांत चि द्रवति ।
कुमुदें पसरति । चंद्रु तो उगा ॥ ४३ ॥

कां वारा चि वाजे वीक्षे । गगनें निश्चलां असिजे ।
तैसा गुणाचिये गजबजे । डोले ना जो ॥ ४४ ॥

समदुःखसुखः स्वस्थः समलोष्टाश्मकांचनः ॥

- तुल्यप्रियाप्रियो धीरस्तुल्यनिंदात्मसंस्तुतिः ॥ २४ ॥

अर्जुना येणें लक्षणें । तो गुणातीतु गा जाणणें ।
परिस आतां आचरणें । तेयाचिं तियें ॥ ४५ ॥

तरि वस्त्रासि पाठीपोटी । नाहिं सूत वांचूनि किरीटी ।
 तैसेनि सुये दीठी । चराचरां ॥ ४६ ॥
 ह्यणौनि सुखदुःखा सरिसं । कांटालें आचरे ऐसें ।
 रिपुभक्तां जैसें । हरिचें देणें ॥ ४७ ॥
 यन्हविं तन्हीं साहाजे । सुखदुःख तें चि व्यंजे ।
 देहजलीं होइजे । मासली जैसे ॥ ४८ ॥
 आतां तें तवं तेणें सांडिलें । आहे सस्वरूपें चि मांडिलें ।
 सस्यांतीं निवडिलें । बीज जैसें ॥ ४९ ॥
 कां उग्धु सांडूनि गंगा । रिगाली समुद्राचेया आंगा ।
 ते निस्तरे लगबगा । खलालांची ॥ ३५० ॥
 तेवि आपणपें चि जेया । वास्ति जाली गा धनंजया ।
 तेया देहीं आपैसेया । सुख तैसें दुःख ॥ ५१ ॥
 रात्रि तैसें पाहालें । हें धारणा जेवि एक जालें ।
 आत्मारामा देहा आलें । द्वंद्व तैसें ॥ ५२ ॥
 पैं निद्रिताचेनि आंगेंसि । सांपु तैसी उर्वशी ।
 तेवि स्वरूपस्था सरिसीं । देहीं द्वंद्वें ॥ ५३ ॥
 ह्यणौनि तेयाचां ठांड । सेणां सोनेयां विशेषु नाहिं ।
 रत्ना गुंडेया काहिं । नेणिजे भेदु ॥ ५४ ॥
 घरा येउ पां स्वर्गु । कां वरिपडो वाघु ।
 परि आत्मबुद्धिसंभोगु । विरसु नोहे ॥ ५५ ॥
 निवटलें नुपहुडे । जलिनलें न विरुढे ।
 साम्यबुद्धि न मोडे । तिया परीं ॥ ५६ ॥
 हा ब्रह्मा ऐसेनि स्तुतिजो । कां नीचु ह्यणौनि निदिजो ।
 परि नेणे जलों विद्दों । राख जैसे ॥ ५७ ॥
 तैसा निंदा आणि स्तुती । नैये कोणही चि व्यक्ती ।
 नाहिं आंधारेया बाती । सूर्या रूप ॥ ५८ ॥

मानापमानयोस्तुल्यस्तुल्यो मित्रारिपक्षयोः ॥

सर्वारंभपरित्यागी गुणातीतः स उच्यते ॥ २५ ॥

ईश्वरबुद्धी पूजिला । चोरु हणौनि गाजिला ।

वृषगर्जी वेक्षिला । केला रा३० ॥ ५९ ॥

सुन्दद पासिं आले । अथवा वैरी वर जाले ।

परि नेणे रात्रि पाहलें ॥ तेज जेवि ॥ ३६० ॥

षडरितू येतां आकाशें । लिपिजे चि ना जैसैं ।

तेवि वैषम्य मानसैं । जाणिजे चि नां ॥ ६१ ॥

आणिकु ही येकु पाहीं । आचारु तेयाचां ठांइं ।

तारि व्यापारां नाहीं । जालें दीसे ॥ ६२ ॥

सर्वारंभा उटकलें । प्रवृत्तिचें तेथ मावले ।

जलति कां कर्मफलें । तें तें चि योजी ॥ ६३ ॥

दृष्टदृष्टाचेनि नावें । भा३० चि जीविं नुगवे ।

सेविजे स्वभावें । पै तें होये ॥ ६४ ॥

सुखा ना सीणु नेणे । पाखाणु जेणें मानें ।

तैसी सांडिमांडि मनें । वर्जिली असे ॥ ६५ ॥

आतां केती हा चि विस्तारु । जाणे ऐसा आचारु ।

तेयातें तो चि साचारु । गुणातीतु ॥ ६६ ॥

गुणातें अतिक्रमणें । घडे उपायें जेणें ।

तो आतां आइक हणु । कृष्णनाथु ॥ ६७ ॥

मां च योव्यभिचारेण भक्तियोगेन सेवते ॥

स गुणान्समतीत्यैतान्ब्रह्मभूयाय कल्पते ॥ २६ ॥

तारि व्यभिचाररहितें । भक्तियोगें मातें ।

सेवी तो गुणातें । जाकलूं सके ॥ ६८ ॥

परि कोणु मी कैसी भक्ति । व्यभिचारा काइ व्यक्ति ।

हे आधवी चि निरुति । होआवी लागे ॥ ६९ ॥

तरि पार्था परियसां । मीं तवं एथ ऐसा ।
 रत्नीं कीलाउ^० जैसा । रत्न चि तो ॥ ३७० ॥
 कां द्रवपण चि नीर । अवकाशू चि अंबर ।
 गोडी ते चि साकर । दोनि नाहिं ॥ ७१ ॥
 वहि ते चि जाल । दला चि नावं कमल ।
 रूखु ते चि डाहाल- । फलादिक ॥ ७२ ॥
 आगा हीवं आलिखलें । तें हिमवंतु जेवि जालें ।
 नाना दूध मुरालें । दध्याकारें ॥ ७३ ॥
 तैसें विश्व एणें नावें । हें मिं चि पै आघवें ।
 आतां चंद्रबिंब सोलावें । न लगे जेवि ॥ ७४ ॥
 घृताचें थिनलेपण । न मोडितां घृत चि जाण ।
 कां नाटितां कांकण । सोनें चि तें ॥ ७५ ॥
 नुकळितां पट्टु । तंतू चि आहे स्पष्टु ।
 नवा विरचता घट्टु । पृथ्वी न्हवे ॥ ७६ ॥
 ह्यगौनि विश्वपण जावें । मग मातें घेयावें ।
 तैसा न्हवे आघवें । सकट चि मीं ॥ ७७ ॥
 ऐसेनि मातें जाणिजे । तें जाणीवभक्ति ह्यणिजे ।
 एथ भेदु कार्हि देखिजे । व्यभिचारु तो ॥ ७८ ॥
 येया कारणें भेदातें । सांड्हुनि अखंडें चित्तें ।
 आपणेयां सकट मातें । जाणावें गा ॥ ७९ ॥
 पार्था सोनेयां टीक । सोनां चि लागली देख ।
 तैसें आपणपें आणिक । मानावें ना ॥ ३८० ॥
 तेजाचा तेजौनि निगाला । परि तेजीं असे लागला ।
 तेया रश्मी ऐसा भला । बोधु होआवा ॥ ८१ ॥
 पै परिमाणु भूतलीं । हिमकणु हिमाचलीं ।
 मज माझि निहालीं । आहे तैसें ॥ ८२ ॥

हो कां तरंगु लाहानु । परि सिंघुसिं नाहिं भिनु ।
 तैसा ईश्वरीं मीं आनु । नोहें चि नां ॥ ८३ ॥
 ऐसेनि गा समरसें । दृष्टि जैं उल्हासे ।
 ते पै भक्ति ऐसें । आक्षिं हणों ॥ ८४ ॥
 आणि ज्ञानाचें चांगावें । इये चि दृष्टी नावें ।
 योगाचें हिं आघवें । सर्वस्व हें ॥ ८५ ॥
 सिंधू आणि जलधरा । माक्षिं लागलिया जेवि धारा ।
 तैसी वृत्ति वीरा । प्रवर्ते ते ॥ ८६ ॥
 कां कुहेसिं आकाशा । तोंडिं सांदा नाहिं जैसा ।
 तो परमरसु तैसा । एकवटे ॥ ८७ ॥
 पै प्रतिबिंबौनि बिंब वेरीं । प्रभेची जैसी उजिरी ।
 ते सोहंवृत्ति अवधारीं । तैसी होये ॥ ८८ ॥
 ऐसेनि मग परस्परें । ते सोहंदृष्टि जैं अवतरे ।
 तैं तिये ही सकट सरे । आपैसेया ॥ ८९ ॥
 जैसा सैंधवाचा रवा । सिंधू माक्षिं पांडवा ।
 विराळेयां विरावा । हें इं ठाके ॥ ९० ॥
 नातरि जाळनि तृण । वन्हि वीझे आपण ।
 तैसें भेदु नासूनि जाण । ज्ञान घडे ॥ ९१ ॥
 माझें पैलपण जाये । भक्तु हें अड्ल ठाए ॥
 अनादि ऐक्य जें आहे । तें चि निवडे ॥ ९२ ॥
 आतां गुणातीतु तें किरीटी । जाण इया न्हवंति गोठी ।
 जें एकपणा ही मीठी । पडों सरली ॥ ९३ ॥
 किंबहुना ऐसी दशा । तें ब्रह्मत्व गा सुदंसा ।
 हें तो पावे जो ऐसा । मातें भजे ॥ ९४ ॥
 पुडुतीं इहीं लिंगीं । भक्तु जो माझा जर्गी ।
 हे ब्रह्मता तेया लागि । पतिव्रता ॥ ९५ ॥

जैसें गगेचेनि उर्वे । ढलमलीत जें निगे ।
 सिंधुपद तेया जोगें । आन नाही ॥ ९६ ॥
 तैसा ज्ञानाचिये दीठी । जो मातें सेवी किरीटी ।
 इये ब्रह्मतेचां मुगुटीं । चूडारत्न तो ॥ ९७ ॥
 येया ब्रह्मत्वासी चि पार्था । सायुज्य ऐसी व्यवस्था ।
 येया चि नावं चौथा । पुरुषार्थु गा ॥ ९८ ॥
 परि माझे आराधन । ब्रह्मर्त्वीं होये सोपान ।
 येथ मीं हान साधन । गमैल हें ॥ ९९ ॥

ब्रह्मणो हि प्रतिष्ठाहममृतस्याव्ययस्य च ॥
 शाश्वतस्य च धर्मस्य सुखस्यैकांतिकस्य च ॥ २७ ॥

तरि ज्ञनें ऐसें । तूझां चित्तीं प्रवेशे ।
 पै ब्रह्म आन असे । मीं वांचूनि ॥ ४०० ॥
 पै मंडल आणि चंद्रमा । दोनि न्हवति सुवर्मा ।
 तैसा मज आणि ब्रह्मा । भेदु नाही ॥ १ ॥
 आगा नित्य जें निष्कंप । अनव्रत धर्मरूप ।
 मुख जें उमप । अद्वैत जें ॥ २ ॥
 विवेकु आपुलें काम । सांडूनि ठाकिजे धाम ।
 तें निकर्षाचें निःसीम । किंबहुना मीं ॥ ३ ॥
 ऐसेंऐसें हें अवधारां । अनन्याचा तो सोयरा ।
 सांघतसे धनुर्द्धरा । पार्थासि ॥ ४ ॥
 तेथ धृतराष्ट्र ह्मणे । संजया हें तूतें कवणें ।
 पूसिलें पै वायाणें । कां गा बोळिलासि ॥ ५ ॥
 माझी अवसरचिंता फेडीं । सांघें विजयाची गुढीं ।
 तवं येरु ह्मणे सांडीं । हे गोठि आतां ॥ ६ ॥
 संजया विस्मयो मानसीं । मग आहा करुनि स्वशरीरेंसिं ।
 ह्मणे कैसा पै देवेंसां । द्वेषु एया ॥ ७ ॥

तन्हीं कृपालु तो तुष्टो । विवेकु यया घोटो ।
 मोहाचा फीटो । महारोगु ॥.८ ॥
 संजया ऐसें चिंतितां । संवादु तो चि भावितां ।
 हर्षाचा येतु चित्ता । महापूरु ॥ ९ ॥
 ह्यणौनि आतां तेणें । उत्साहाचेनि अवतरणें ।
 श्रीकृष्णाचें बोलणें । सांघिजैल तेया ॥ ४१० ॥
 तेयां अक्षरां आंतूलु भा३० । पाववीन मी तुमचा ठा३० ।
 आइकां ह्यणे ज्ञानदे३० । निवृत्तिचा ॥ ४११ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे गुणत्रयविभाग-

योगो नाम चतुर्दशोध्यायः ।

श्रीकृष्णे सर्वात्मनीश्वरेर्पणमस्तु ॥



ज्ञानेश्वरी

अध्याय पंधरावा

श्रीगणेशायनमः ॥

आतां हृदय हें आपुलें । चौफळौनि भलें ।
वरि बैसउं पाउलें । श्रीगुरुचीं ॥ १ ॥
ऐक्यभावाची आंजुलि । सर्वेद्रियकुड्मलि ।
भरौनि पुण्यांजलि । अर्घ्य देउं ॥ २ ॥
अनन्योदकधुवट । वासना जे तन्निष्ठ ।
तें लागलेंसे अबोट । चंदनाचें ॥ ३ ॥
प्रेमाचेनि भांगारें । निर्वाळनि नेपुरें ।
लेवउं सुकुमारें । पदें तियें ॥ ४ ॥
घनावलि आवडी । अव्यभिचारें चोखडीं ।
तियें घाळूं जोडीं । आंगुलिया ॥ ५ ॥
आनंदमोदबहल । सात्विकाचें मुकुल ।
तें उमललें अष्टदल । ठेउं वरि ॥ ६ ॥
तेथ अहंधूपु जालूं । सोहंतेजें उवाळूं ।
सामरस्य पोटाळूं । निरंतर ॥ ७ ॥
माक्षि तनु आणि प्राण । इया दोन्ही पाउवां लेवउं श्रीचरण ।
करूं भोगमोक्षीं निबळोण । पायां तयां ॥ ८ ॥

इया गुरुचरणसेवा । हों पात्र तेया दैवा ।
 जें सकलार्थांचा मेलावा । पाटु बांधों ॥ ९ ॥
 ब्रह्मिचें विसवणें वेऱ्हीं । उन्मेखु लाहे उजरि ।
 जें वाचेतें इयें करि । सुधासिंधु ॥ १० ॥
 पूर्णचंद्राचां कोडि । वक्तृत्वा घापे कुरौडी ।
 तैसी आणी गोडी । अक्षरांतें ॥ ११ ॥
 सूर्ये अधिष्ठिली प्राची । जगा राणिवं दे प्रकाशाची ।
 तैसी वाचा श्रोतेयां ज्ञानाची । दिवालि करी ॥ १२ ॥
 नादब्रह्म खुजें । कैवल्य हिं तैसें न सजे ।
 ऐसा बोलु देखजे । जेणें दैवें ॥ १३ ॥
 श्रवणसुखाचां मांडविं । विश्व भोगवी माधवी ।
 तैसी सांसिनली बरवी । वाचावेळी ॥ १४ ॥
 ठाउ न पवतां जेयाचा । मनेंसिं मुरडली वाचा ।
 तो देउ होये शब्दाचा । चमत्कारु ॥ १५ ॥
 जें ज्ञानासि न चोजवें । ध्यानासि हिं नागवे ।
 तें अगोचर फावे । वोवी माक्षि ॥ १६ ॥
 एव्हडें एक सौभग । बलघे वाचेचें आंग ।
 गुरुपदपद्मपराग । लाहे जें कां ॥ १७ ॥
 तरि बहू बोलों काइ । आजि तें अना ठाई ।
 मातें वांचूनि नाहिं । ज्ञानदेउ ह्मणे ॥ १८ ॥
 जें तान्हेनि मियां अपल्यें । आणि माझें गुरु एकलौतें ।
 ह्मणौनि कृपेसिं एकहातें । जालें तिये ॥ १९ ॥
 पाहा पां भरोवरी आघवी । मेहु चातकासि रिचवी ।
 मज लागि गोसांवी । तैसें केलें ॥ २० ॥
 ह्मणौनि रिकामें तोंड । करुं गेलें बडबड ।
 किं गीता ऐसें गोड । आंतुडछें ॥ २१ ॥

होए अदृष्ट आपैतें । तैं वाळू चि रत्नं परौतें ।
 उजू आउख तैं मारितें । लोभु करी ॥ २२ ॥
 आधर्णिं घातले हरल । होंति अमृताचे तांदुल ।
 जरि भुकेची राखे वेल । जगन्नाथु ॥ २३ ॥
 तिया परी गुरु । करिति जैं अंगीकारु ।
 तैं होउनि ठाके संवसारु । मोक्षमयु ॥ २४ ॥
 पाहा पां काइ नारायणें । तेयां पांडवांचें ऊणें ।
 कीजे चि ना पुराणें । विश्ववंधें ॥ २५ ॥
 तैसें श्रीनिवृत्तिराजें । अज्ञानपण हें माझें ।
 आणिलें वोजे । ज्ञानाचिये ॥ २६ ॥
 पारि असो हें आतां । प्रेम रुलतसे बोलतां ।
 कें गुरुगौरवु वर्णितां । उन्मेखु आधि ॥ २७ ॥
 आतां तेणें चि पसायें । तुह्नां संताचे पाये ।
 बोलौन मीं अभिप्रायें । गीतेचेनि ॥ २८ ॥
 तरि तो चि प्रस्तुतिं । चौदावेया अध्यायाचां अंतीं ।
 निर्णयो कैवल्यपती । ऐसा केला ॥ २९ ॥
 जें ज्ञान जेयाचां हातिं । तो चि समर्थु मुक्ती ।
 जैसा शतमखु संपत्ती । स्वर्गीचिये ॥ ३० ॥
 कां शत एक जन्मां । जो जन्मौनि बाह्यकर्मा ।
 करी तो चि ब्रह्मा । आनु नोहे ॥ ३१ ॥
 नाना सूर्याचा प्रकाशु । लाहे जेविं डोलसु ।
 तैं ज्ञानें चि सौरसु । मोक्षाचा तो ॥ ३२ ॥
 तरि यया चि ज्ञाना लागि । कव्हणी पां योग्यता भागिं ।
 हें पांतां जगिं । देखिला एकु ॥ ३३ ॥
 जेविं पातालिकें धन । दावी किर अंजन ।
 परि होआवे लोचन । पायलाचे ॥ ३४ ॥

तैसैं मोक्षु देईल ज्ञान । एथ किर नाहि आन ।
 परि तैं चि धारे ऐसैं मन । शुद्ध होआवें ॥ ३५ ॥
 तारि विरक्तु वांचूनि कें हीं । ज्ञानासि तगणें नाहि ।
 हें विचारुनि ठांडं । ठेविलें देवें ॥ ३६ ॥
 आतां विरक्तिची कन्हणी परी । जे एउनि मनातें बरी ।
 हें इं सर्वज्ञें श्रीहरी । देखिलें असे ॥ ३७ ॥
 जैं विषें रांधिली रसोये । जेवणारा ठाउवें होए ।
 तैं ताट सांडूनि जाए । जिया परी ॥ ३८ ॥
 तैसी संसारा एया समस्ता । जाणवे जैं अनित्यता ।
 तैं वैराग्य दवडितां । पाठी लागे ॥ ३९ ॥
 आतां अनित्यत्व कैसैं । तें चि रुखाकारें मिसैं ।
 साधिजत असे विश्वेशें । पंचदर्शां ॥ ४० ॥

श्रीभगवानुवाच ॥

ऊर्ध्वमूलमधः शास्त्रमश्वत्थं प्राहुरव्ययं ॥

छंदांसि यस्य पर्णानि यस्तं वेद स सर्वविद् ॥ १ ॥

उपडिलें कवतिकें । झाड येरी मोहरा ठाके ।
 तें वेगें जैसें सूके । तैसैं हें न्हवे ॥ ४१ ॥
 इया एकी परी । रूपकाचिया कुसरी ।
 सारितसे वारी । संसाराची ॥ ४२ ॥
 करुनु संसारु वाउ । स्वरूपि अहंते ठाउ ।
 होआवेआ अध्यायो । पंधरावा हा ॥ ४३ ॥
 आतां हें चि आघवें । ग्रंथगर्भिचें सांघावें ।
 उपलविलें जीवें । आकारिजो ॥ ४४ ॥
 तन्हि महानंदसमुद्रु । जो पूर्णु पूर्णिमाचंद्रु ।
 तो द्वारकेचा नरेंद्रु । ऐसैं झणे ॥ ४५ ॥

भागा पै पांडुकुवंरा । एतां स्वरूपाचआ घरा ।
 करीतुसे आडवारा । विश्वाभासु जो ॥ ४६ ॥
 तो हा जगडंबरु । न्हवे एथ सवंसारु ।
 हा जाणै महातरु । थांवला असे ॥ ४७ ॥
 परि एरां सुखां सारिखा । तळि मूळें वरि शाखा ।
 तैसा न्हवे ह्यणौनु लेखा । नैए कव्हणा ॥ ४८ ॥
 आगी कां कुन्हाडी । होए रिगावा जरि बुडिं ।
 तरि हो कां भळे तेव्हडी । वरिचिली वाढि ॥ ४९ ॥
 जे तूटलेया मूला पासिं । उलंडैल शाकांसिं ।
 तरि तैसी गोठि काइसी । हा सोहपा नोहे ॥ ५० ॥
 अर्जुना हें कवतिक । सांघतां असे अलौलिक ।
 जें वाढि अधोमुख । रुखा एया ॥ ५१ ॥
 जैसा भानु उंची नेणों कें । रश्मिजाल तळिं फांके ।
 सवंसारु हें कावरुखें । झाड तैसें ॥ ५२ ॥
 आणि आधिनाथि तेतुकें । रुंवलें एणें चि एकें ।
 कल्पान्तिचेन उदकें । व्योमं जैसें ॥ ५३ ॥
 कां रविचां अस्तमानीं । अंधारेन कोंदें रजनी ।
 तैसा हा चि गगनीं । मांडला असे ॥ ५४ ॥
 एया फल ना चुंबितां । फुल ना तुरुंबितां ।
 जें काहिं पांडुसुता । तें रुख चि हा ॥ ५५ ॥
 हा ऊर्ध्वमूल आहे । परि उन्मलला नोहे ।
 एणें चि हा होये । शाडूलु गा ॥ ५६ ॥
 आणि ऊर्ध्वमूल ऐसें । निगदिलें कीरु असे ।
 परि अर्धि हीं असोसें । मूळ यया ॥ ५७ ॥
 पै बल्वचेन महामारी । पिंपलावडाचिया परी ।
 जेवि पारंबियां माझारि । डाहाळिया ॥ ५८ ॥

तेवि गा धनंजया । संसारतरु यया ।
 अर्धी चि आधि खांदिया । हें इं नाहिं ॥ ५९ ॥
 तरि ऊर्घ्वा हि कडे । शाखांचे मांदोडे ।
 दीसताति अपाडें । सांसिनले ॥ ६० ॥
 जालें गगन चि पां वेलिये । कां वारा मांडला रुखाचेनि आयें ।
 नाना अवस्थे त्राये । उदैला असे ॥ ६१ ॥
 ऐसा हा एकु । विश्वाकारु विटंकु ।
 उदैला जाणें रूखु । उर्धमूलु ॥ ६२ ॥
 आतां उर्ध येया कोण । तेथ मूल तें किलक्षण ।
 कां अधोमुखपणेन । शाखा कैसिया ॥ ६३ ॥
 अथवा द्रुमा एया । अधिं जिया मूलिया ।
 तिया कोणही कैसिया । उर्ध शाखा ॥ ६४ ॥
 आणि अश्वत्थु ऐसी । प्रसिद्धि काइसी ।
 आत्मविद्विलासीं । निर्णो केल्या ॥ ६५ ॥
 हें आघवें चि बरवें । तूक्षिये प्रतीती फावें ।
 तैसेनि सांघों सोलिवें । विन्यासें गा ॥ ६६ ॥
 पारि आइकें सूभगा । हा प्रसंगु तुज चि जोगा ।
 कान चि करीं सर्वांगां । हियें आयिलेयां ॥ ६७ ॥
 ऐसें प्रेमरसें सुरफुरें । बोलिलें जवं यादवेश्वरें ।
 तवं अवधान अर्जुनाकारें । मूर्त जालें ॥ ६८ ॥
 दे३० निरोपीति तें थेकुलें । येसणें श्रोतेपण फांकलें ।
 जैसें आकाशें खेंव पसरिलें । दाहिं दिशि ॥ ६९ ॥
 श्रीकृष्णसूक्तिसागरा । तो अगस्ति चि पां दूसरा ।
 झणौनि घोटु भरुं पाहे एकसरा । आघवेयाचा ॥ ७० ॥
 ऐसी सोये संडौनु खवलली । आवडि अर्जुनि देवें देखिली ।
 तेथ जालेन मुखें केली । कुरौडि तेया ॥ ७१ ॥

मग ह्मणै धनंजया । तें उर्ध गा तरु येया ।
येणें रुखें चि कां जेया । ऊर्ध्वत्व गमे ॥ ७२ ॥
यन्हविं मध्योर्धअध । हे नाहिं जेथ भेद ।
अद्वयेंसिं एकवद । जिये ठाईं ॥ ७३ ॥
जो नाइकिजता नादु । जो असौरभ्यमकरंदु ।
जो आंगाथिला आनंदु । सुरतें विण ॥ ७४ ॥
जेया जें अन्हां परौतें । जेया जें पुढां माघौतें ।
दिसतेन विण दिसतें । अदृश्य जें ॥ ७५ ॥
उपाधिचा दूसरा । घालितां उपासिरा ।
नावां रूपा सवंसारा । नां होए जेया ॥ ७६ ॥
ज्ञातृज्ञेयविहीन । नसुधें चि जें ज्ञान ।
सुखा भरलें गगन । गांळिवं जें ॥ ७७ ॥
ऐसी वस्तु जे साचे । ते उर्ध गा एया तरुचें ।
तेथें आर घेणें मूलाचें । तें ऐसें असे ॥ ७८ ॥
तन्हीं माया ऐसी ख्याति । नसती च यया आधि ।
कां वांझेची संतती । वानों ए जैसी ॥ ७९ ॥
तैसी संत ना असंत होए । जे विचाराचें नाव न साहे ।
ऐसिया परी आहे । अनादि ह्मणति ॥ ८० ॥
जे भवद्गुमबीजिका । प्रपंचाची भूमिका ।
विपरीतज्ञानदीपिका । सांचली जे ॥ ८१ ॥
जे नानाशशक्तिची मांदुस । जे जगद्भ्रमाचें आकाश ।
जे आकारजाताचें दुस । घेडी केली ॥ ८२ ॥
ते माया वस्तुचां ठाईं । असे जैसेनि नाहिं ।
मग वस्तुप्रभा चि पाहिं । प्रकट होए ॥ ८३ ॥
जेन्हलिं आपणयां आली नीद । करी आपणपें जेवि मुग्ध ।
कां काजलि आणि अंद । प्रभा दिवें ॥ ८४ ॥

स्वप्नि प्रिया पुढां तरुणांगी । निदौली चेषुनि बेरि ।
 आलंगितेन विण अलंगी । सकाम करी ॥ ८५ ॥
 तैसी स्वरूपिं जाली माया । आणि स्वरूप नेणणें धनंजया ।
 ते चि तरु यया । मूल पहिलें ॥ ८६ ॥
 वस्तूसि आपुला जो अबोधु । तो उधि आठुलैजे कंदु ।
 वेदांति हिं हा प्रसिद्धु । बीजभा३० ॥ ८७ ॥
 घन अज्ञान सुषुप्ति । तो बीजांकुरभा३० हणति ।
 एर स्वप्न हान जागृति । फळभावो तेयाचा ॥ ८८ ॥
 ऐसिया इया वेदांति । निरूपणभाषाप्रतीति ।
 परि ते असो प्रस्तुति । अज्ञान मूल ॥ ८९ ॥
 तें ऊर्द्ध आत्मा निर्मलें । अधोर्द्ध सूचीति मूलें ।
 बलिया बांधौनि आलें । मायायोगाचे ॥ ९० ॥
 मग अधमूलासि देहातरें । उठति जियें अपारें ।
 तें चौपासिं घेउनु अगारें । खालाविति ॥ ९१ ॥
 ऐसें भवद्रुमाचें मूल । हें ऊर्द्ध करी बल ।
 मग अणियांचे बेंबल । अर्धी चि दावी ॥ ९२ ॥
 तेथ चिद्वृत्ति पहिलें । महातत्व उमललें ।
 तें मान घाहेंदुलहें । एक निगे ॥ ९३ ॥
 मग सत्वरजतमात्मकु । त्रिविधु अहंकारु जो एकु ।
 तो तिवना अधोमुखु । डिरु फुटे ॥ ९४ ॥
 तो बुद्धिची घेउनि आगारी । भेदाची वृत्ति करी ।
 तेथ मनाची डाल धरी । साजेपणें ॥ ९५ ॥
 ऐसा मूलाचिया गाढिका । विकल्परस कोंबलिका ।
 चित्तचतुष्टय डाहालिका । कोंभैजे तो ॥ ९६ ॥
 मग आकाश वायु द्योतक । आप पृथ्वी हे पांचै फोंक ।
 महाभूतांचें सारोक । सरले होंति ॥ ९७ ॥

तैसीं चि श्रोत्रादितन्मात्रे । तियें आंगवसा गर्भपत्रे ।
 लुल्लुलितें विचित्रे । उमलती गा ॥ ९८ ॥
 तेथ शद्वांकुर वरिपडी । श्रोत्रां वाढि देव्हडि ।
 होता करिती कांडीं । आकांक्षेची ॥ ९९ ॥
 आंगत्वचेचे वेलपालव । स्पर्शांकुरि घेंति धांव ।
 तेथ बांबल पडे अभिनव । विकाराचें ॥ १०० ॥
 पाठि रूपपत्रपेलोवेलि । चक्षु लांब तें काडें बुद्धि घाली ।
 तेव्हलिं व्यामोहता भली । पाल्हेली जाए ॥ १ ॥
 आणि रसाचे आंगवसे । वाढतां वेगें बहुवसें ।
 जिव्हे आर्तिचीं असोसें । निगति बेचें ॥ २ ॥
 तैसिं चि कोंभैलेन गंधें । घ्राणाची डिरि थांउं बांधे ।
 तेथ तलु घे सानंदें । प्रलोभाचा ॥ ३ ॥
 एवं महदहंबुद्धि । मनें महाभूतसमृद्धि ।
 इया संसाराचिया अवधी । सासन जें ॥ ४ ॥
 किंबहुना इहिं आठें । आंगि अधिक हा फांटे ।
 पारि सिंपी चि एव्हडें उमटे । रूपें जेवि ॥ ५ ॥
 कां समुद्राचेनि पैसारें । वरि तरंगता आसारे ।
 तैसें ब्रह्म चि होये वृक्षाकारें । अज्ञानमूल ॥ ६ ॥
 आतां ययाचा हा विस्तारु । हा चि यया पैसारु ।
 जैसा आपणपें स्वप्निं परिवारु । ऐकाकिया ॥ ७ ॥
 पारि तें असो हें ऐसें । कावरें झाड उससे ।
 यया महदादि हे आरवसें । अधोशाखा ॥ ८ ॥
 आणि अश्वत्थु-ऐसें ययातें । ह्यणति जे जाणते ।
 तें हिं परिस हो येथें । सांघिजैल ॥ ९ ॥
 तारि अश्वत्थु ह्यणिजे उखा । तवं वरि एकसारिखा ।
 नाहिं निर्वाहो यया हंखा । प्रपंचरूपासि ॥ ११० ॥

जैसा न लोटतां क्षणु । मेघु होए नानावर्णु ।
 कां विजु नसे संपूर्णु । निमेषु भरि ॥ ११ ॥
 ना कांपतेया पद्मदला । वरिला बैसका नाहिं जला ।
 कां चित्त जैसैं व्याकुला । माणुसाचें ॥ १२ ॥
 तैसी ययाची स्थिती । नासत जाये क्षणा प्रति ।
 ह्यणौनि ययातें ह्यणति । अश्वत्थु गा ॥ १३ ॥
 आणि अश्वत्थु एणें नावें । पिंपलु ह्यणति स्वभावें ।
 परि तो अभिप्राउं नोहे । श्रीहरिचा ॥ १४ ॥
 यन्हविं पिंपलु घडतां विखि । मियां गति देखिली नीकी ।
 परि तें असो काइ लौकिकि । हेतु काज ॥ १५ ॥
 ह्यणौनु हा प्रस्तुतु । अलौकिकु परियसां ग्रंथु ।
 तरि क्षणिकत्वे चि अश्वत्थु । बोलिजे हा ॥ १६ ॥
 आणिक हिं एकु थोरु । यया अव्ययत्वाचा डगरु ।
 आधि परि तो भीतरु । ऐसा असे ॥ १७ ॥
 जैसा मेघांचेनि तोंडें । सिंधु एकें आंगें धडे ॥
 आणि नदी एरी कडे । भरती चि असती ॥ १८ ॥
 एथ वोहटे ना चडे । ऐसा परिपूर्णु चि आवडे ।
 परि तें फुली जवं नुघडे । मेघानदींचि ॥ १९ ॥
 तैसैं यया रूखाचें होणें जाणें । तर्कें होंतेनि वहिलेपणें ।
 ह्यणौनि लोकु ययातें ह्यणे । अव्ययो हा ॥ २० ॥
 यन्हविं दानसीलु पुरुषु । वेचकपणें संचकु ।
 तैसा व्ययें चि हा रंखु । अव्ययो हा ॥ २१ ॥
 जातां वेगें बहुवसें । न वचे कां भुइं रुतलें असे ।
 तें रथाचें चक्र दीसे । जिया परी ॥ २२ ॥
 तैसैं कालातिक्रमीं जे वाले । ते भूतशाखा जेथ गळे ।
 तेथ कोडिं वरि उमाले । उठिति आणिक ॥ २३ ॥

परि एकि केधवां गेली । शाखाकोडि केधवां जाली ।
 हें नेणवे जेविं उमललीं । आखाडअभ्रें ॥ २४ ॥
 महाकरुपाचां सेवटिं । प्रकटिया उमलती सृष्टि ।
 तैसें चि आणिकिचें दांग उठि । सांसीनलें ॥ २५ ॥
 संहारवातें प्रचडें । पडति प्रलयांतिचिं सालडें ।
 तवं कल्पादिचिं जुंबाडें । पाल्हैजति ॥ २६ ॥
 रिगे मन्वंतर मनू पुढें । वंशा वारि वंशाचे मांडें ।
 जैसी इक्षुवृद्धि कांडेनकांडें । जीके जेवि ॥ २७ ॥
 कलियुगांतीं कोरडीं । चहुं युगांचीं डालें सांडी ।
 तवं कृतयुगाची पेली देव्हडी । पडे पुडुतीं ॥ २८ ॥
 वर्ततें वारिष जाए । तें पुढिलां मुल्हारि होए ।
 जैसा दिवसु जांतु किं एतु आहे । हें चोजवे नां ॥ २९ ॥
 जैसिया वारियाचिया झुलुका । सांदा ठाउवा नव्हे देखां ।
 तैसिया उठिति पडति शाखा । नेणों केति ॥ १३० ॥
 एकी देहाची डिरी तुटे । तवं देहांकुरिं बडुविं फुटे ।
 ऐसेन भवतरु हा वाटे । अव्ययो ऐसा ॥ ३१ ॥
 जैसें वाहातें पाणीं जाए वेगें । तैसें चि आणिक मिले मार्गें ।
 तेविं असंत चि असिजे जगें । मानिजे ते ॥ ३२ ॥
 कां लागौनि डोला उघडे । तवं कोडि वारि घडे मोडे ।
 तें नेणतियां तरंगु आवडे । नित्य ऐसा ॥ ३३ ॥
 वायसा एकें बुबुलें दोहिं कडे । डोला चालितां अपाडें ।
 दोन्हि आथि ऐसा पडे । भ्रमु जेवि ॥ ३४ ॥
 परि भिंगोरि निधिये पडिली । गमे भूमीसि जडली ।
 ऐसा वेगातिसो भुली । हेतु होए ॥ ३५ ॥
 हें बहू असो झडती । आंधारिं भवंडितां कोलित्ती ।
 ते दीसे जैसी आइती । रेख सैभ ॥ ३६ ॥

हा संसारवृक्ष तैसा । मोडतु मांडतु सहसा ।
 नेदखौनि लोकु पीसा । अव्ययो मानी ॥ ३७ ॥
 परि एयाचा वेगु देखे । जो हा क्षणिकु ऐसा बोलखे ।
 जाणे कोडि वेल निमिखें । होंतु जांतु ॥ ३८ ॥
 नाहिं अज्ञान वांचूनि मूल । एयाचें असिलेपण हें टवाल ।
 ऐसें झाड चि सीनसाल । देखिले जेणें ॥ ३९ ॥
 तेयातें गा पांडुसुता । मी सर्वज्ञु हिं ह्मणे जाणता ।
 पें वाग्ब्रह्मसिद्धांता । वेद्य तो चि ॥ १४० ॥
 योगजाताचें जोडलें । तेया एकासि चि उपेगा गेलें ।
 किंबहुना जिआलें । ज्ञान हिं तेणें ॥ ४१ ॥
 असो हें बहू बोलणें । वानिजैल तो कवणें ।
 जें भवरुंखु हा जाणे । उशि ऐसी ॥ ४२ ॥

अधधोर्ध्वं प्रसृतास्तस्य शाखाः । गुणप्रवृद्धा विषयप्रवालाः ॥
अधध मूलान्यनुसंततानि । कर्मानुबंधीनि मनुष्यलोके ॥ २ ॥

मग यया चि प्रपंचरूपा । अधःशाखिया पादपा ।
 डाहालिया जांती उमपा । ऊर्धा हिं उजू ॥ ४३ ॥
 आणि अधि फांकलीं डाले । ऊर्धि हिं तिष्ठति मूलें ।
 तेया तलिं पघले । वेळु पालें ॥ ४४ ॥
 ऐसें जें आर्धी । ह्मणितलें उपक्रमीं ।
 तें परियसैं सुगमीं । बोलिं सांघों ॥ ४५ ॥
 तरि बद्धमूलें अज्ञानें । महदादिकिं सासनें ।
 वेदार्चिं धोरवणें । घेउनियां ॥ ४६ ॥
 परि अर्धिं तवं स्वेदज । जारजें उद्भिज मणिज ।
 हे बुढौनि महाभुज । उठिति च्यान्हि ॥ ४७ ॥

एया एकएकांचेन अनगटें । चोरासी लक्ष धाकुटे ।
 तेन्हलि जीवशाखीं फांटे । सैंघ चि होंति ॥ ४८ ॥
 प्रसवतु शाखा सरलिया । नानासृष्टि डाहालिया ।
 आडफांटति मालिया । जातींचिया ॥ ४९ ॥
 स्त्रीपुरुषनपुंसकें । हे व्यक्तिभेदांचे टके ।
 आंदोलति आंगिकें । विकारभारें ॥ १५० ॥
 जैसा वर्षाकालु गगनीं । पल्हैजे नवघनिं ।
 तैसें आकारजात अज्ञानिं । बेळिं जाए ॥ ५१ ॥
 मग शाखांचेनि आंगभरें । लवौनि गुंपति परस्परें ।
 गुणक्षोभाचें वारें । उदैजति ॥ ५२ ॥
 तेथ तेणें अचाटें । तिहिं ठांडूं हा फांटे ।
 गुणाचेन झडझडाटें । ऊर्ध्वमूलु ॥ ५३ ॥
 ऐसा रजाचिया झुलुका । झडाडितां आगलिका ।
 मनुष्यजातिशाखा । थोरावति ॥ ५४ ॥
 तिया ऊर्ध ना अधिं । माझारि चि कोंदाकोंदि ।
 आडफांटति खांदिं । चतुर्वर्णांचां ॥ ५५ ॥
 तेथ विधिनिषेधीं सपलव । वेदवाक्यांचे अभिनव ।
 पालव डोलति बरव । आणिति तियां ॥ ५६ ॥
 अर्थकामपसरें । अग्रवणें घेंति थोरें ।
 तेथ क्षणिकें पदांतरें । इहभोगाची ॥ ५७ ॥
 तेथ प्रवृत्तिचेनि वृद्धिलोभें । खांखरैजति शुभाशुभें ।
 नाना कर्मांचे खांबे । नेणों केती ॥ ५८ ॥
 तेवि चि क्षणे भोग मागिलें । पडति देहांची बुडसळें ।
 तवं पुढां वाडु पेले । नवेयां देहांचा ॥ ५९ ॥
 आणि शब्दादिक सुहावे । साहाजें रंगें हवावें ।
 विषयपळ्ळव नवे । नीच होंति ॥ १६० ॥

ऐसैं रजोवातप्रचंडे । मनुष्यशाखांचे मांदोडे ।
 वाढति तो एथ रूढे । मनुष्यलोक ॥ ६१ ॥
 तैसा रजाचा तो वारा । नावेक धरी वोसरा ।
 मग वाजों लागे घोरा । तमाचा जो ॥ ६२ ॥
 तैधवां इया चि मनुष्यशाखा । नीच वासना अधिं देखां ।
 पाल्हेजति डालुका । कुकर्माचिया ॥ ६३ ॥
 अप्रवृत्तिचें खनुवाले । फोंक निगति सरले ।
 घेंत पान पालव डालें । प्रमादिचीं ॥ ६४ ॥
 बोलति निषेध नियमें । जिया रुग्यजुःसामे ।
 तो पाला तेयां धुमे । टकेयां वारि ॥ ६५ ॥
 प्रतिपादिति अधिचार । आगम जे परमार ।
 ते हिं पानिं घेंति पसर । वासनावेलि ॥ ६६ ॥
 तवं तवं होंति थोरांडें । अकर्माची तळबुडें ।
 आणि जन्मशाखा पुढपुढें । घेंति धांवा ॥ ६७ ॥
 तैथ चांडालादि निकृष्टां । दोषजातींचा थोर फांटा ।
 जाल पडों लागे कर्मभ्रष्टां । भुलौनियां ॥ ६८ ॥
 पशु पक्षी शूकर । व्याघ्र वृश्चिक विखार ।
 हे आडशाखानिकर । थोरावती ॥ ६९ ॥
 परि ऐसिया शाखा पांडवा । सर्वांगिं हिं नीच नबा ।
 नरकभोगु यावा । फलाचा तो ॥ १७० ॥
 आणि हिंसाविषय पुढारि । कुकर्मसंगें धुरं भरी ।
 जन्म वारि अगारीं । वाढती चि असे ॥ ७१ ॥
 ऐसीं होंति तरु तृणें । लोह लोष्ट पाखागें ।
 इया खांदिया तेवि जाणें । फळें हें चि ॥ ७२ ॥
 अर्जुना गा इया परीं । मनुष्यां लागौनि अवधारीं ।
 शद्धि स्थावरान्त वेन्ही । अधोशाखांची ॥ ७३ ॥

ह्यणौनु जें माणुसें डालें । इयें चि जाणें अधीं मूळें ।
 एथौनि मग पघले । संसारतरू ॥ ७४ ॥
 यन्हविं उर्धिवें पार्था । मुदल मूल पांतां ।
 अधिचिया मध्यस्था । शाखा इया ॥ ७५ ॥
 परि तामसीसात्विकीं । सुकृतदुष्कृतात्मकिं ।
 विरूढति इया शाखिं । अधोर्धीचां ॥ ७६ ॥
 आणि वेदत्रयीचेया पाना । नैए अन्यत्र लागौं अर्जुना ।
 जे मनुष्यें वांचौनु विधाना । विषो नाहिं ॥ ७७ ॥
 ह्यणौनि तनुमानुषां । इया उर्धमूलौनि शाखा ।
 तन्हि कर्मवृद्धिसि देखां । इया चि मूळें ॥ ७८ ॥
 आणि आणिकां हिं झाडिं । शाखा वाढतां मूळें गाडिं ।
 मूळें गाडें तवं वाडि । पैसु आथि ॥ ७९ ॥
 तैसें चि यया शरीरा । कर्म देहसंसारा ।
 आणि देह तवं व्यापारा । नां ह्यणों नैए ॥ १८० ॥
 ह्यणौनि देहें मानुषें । इयें मूळें हांति न चुके ।
 ऐसें जगजनकें । बोलिलें तेणें ॥ ८१ ॥
 मग तमाचें तें दारुण । धिरावलेयां वाउधाण ।
 सत्वाची सूटे सत्राण । वाडुटली ॥ ८२ ॥
 तें इया मनुष्याकारा । मूळिं सुवासना निगति आरा ।
 धेउनि सूटति कौभारा । सुकृतांकुरीं ॥ ८३ ॥
 उकलतेन उन्मेखें । प्रज्ञाकुशलतेचां तिखें ।
 डिरिया रिगति निमिखें । बांबलैजौनि ॥ ८४ ॥
 तेथ मेधारसें सगर्भ । आस्थापत्रिं सवांब ।
 सरले निगति कौभ । सद्वृत्तिचे ॥ ८५ ॥
 सदाचारांचिया सहसा । टके उठिती बहुवसा ।
 उमधुमिति घोसां । वेदपक्षांचां ॥ ८६ ॥

शिष्टागमनविधाने । विविधयागविताने ।
 तिये पाना वरि पाने । पांजरति ॥ ८७ ॥
 ऐसां यमदामि घोंसालियां । उठिति तपाचिया डाहालिया ।
 देंति वैराग्यशाखा कोंवलिया । वेल्हाळपणे ॥ ८८ ॥
 विशिष्टां व्रतांचे फोंक । धीराचां अणगटिं तीख ।
 जन्मवेगे उर्धमुख । उंचावती ॥ ८९ ॥
 माजि वेदांचा पाला दाट । तो करी विद्यांचा झडझडाट ।
 जवं वाजे अचाट । सत्वानिल्ल तो ॥ १९० ॥
 तेथ धर्मडाहालबाहालिं । दीसति जन्मशाखा पालवी ।
 तिया आडफुटती फलीं । स्वर्गादिकिं ॥ ९१ ॥
 पुढां उपरतिरागे लोहिविं । धर्ममोक्षाची शाखा सरली ।
 लाहातलाहात नीच नवी । वाढती चि असे ॥ ९२ ॥
 पै रविचंद्रादि ग्रहवर । पितृ ऋषि विद्याधर ।
 हे आडशाखाप्रसर । पैसु घेंति ॥ ९३ ॥
 एया हि हूनि उंचपडे । गूढले फलाचेनि बुडें ।
 इंद्रादिक ते मांदोडे । थोर शाखांचे ॥ ९४ ॥
 मग तेया हिं उपरि डाहालिया । तपोज्ञानिं उंचावलिया ।
 मरीचिकश्यपादिया । उपरिशाखा ॥ ९५ ॥
 एवं पालोवालिं उत्तरोत्तर । उर्धशाखांचा हा पैसार ।
 बुडिं साना अग्नि थोर । फलाढ्यपणे ॥ ९६ ॥
 धरि उपरिशाखा हिं पाठीं । एंति फलभार जे किरीटी ।
 ते ब्रह्मेशान्तअणगटिं । कोंभ निगति ॥ ९७ ॥
 फलाचेनि अस्त्रीलपणे । ऊर्ध्व अस्वांडैल दूणे ।
 जवं माघौते बैसणे । मूलिं चि होए ॥ ९८ ॥
 प्राकृतां तन्हीं रुखां । जे फले दाटिली होये शाखा
 ते अस्वांडिली देखां । बूढासि ए ॥ ९९ ॥

तरि जेथौनि हा आघवा । संसारतरुचा उठावा ।
 तियें मूर्लि टेंकति पांडवा । वाढतीं ज्ञानें ॥ २०० ॥
 ह्यगौनि ब्रह्मेशाना परौतें । वाढणें नाहिं जीवातें ।
 तेथौनि मग वरौतें । ब्रह्म चि किं ॥ १ ॥
 परि हें असो ऐसें । ब्रह्मादिक तें आंगवसें ।
 उर्धमूला सरिसे । न तूकति गा ॥ २ ॥
 आणिक हिं शाखा उपरता । जिया सनकादि नामें विख्याता ।
 तिया फालिं मूर्लि नाडलतां । भरलिया ब्रह्मि ॥ ३ ॥
 ऐसीं मनुष्या लागौनि जाणावी । उर्ध्व ब्रह्मादि शेष पाळवी ।
 शाखांची वाढि बरवी । उंचावे पै ॥ ४ ॥
 पार्था उर्ध्वचेया ब्रह्मादि । मनुष्यत्व चि होए आदि ।
 ह्यगौनि इयें अधि । ह्यणितलीं मूर्ले ॥ ५ ॥

न रूपमस्येह तथोपलभ्यते । नान्तो न चादिर्न च संप्रविष्टः ॥
 अभ्युत्थमेनं सुविरूढमूलं । असंगशस्त्रेण दृढेन छित्वा ॥ ३ ॥

एवं तुज अलौलिकु । हा अधोर्धशाखु ।
 सांघितला भवरुंखु । उर्धमूल ॥ ६ ॥
 आणि अधिचीं हीं मूर्ले । उपरतिं दाविलीं सविवले ।
 आतां परियसैं उन्मूले । कैसेनि हा ॥ ७ ॥
 परि तूझा हान पोढि । ऐसैं गमैल किरीटी ।
 जे एवडे ज्ञाड उत्पाटी । ऐसैं काइ असे ॥ ८ ॥
 कें ब्रह्माचआ सेवट वेऱ्हीं । उर्ध शाखांची थोरी ।
 आणि मूर्ले तवं निराकारिं । उर्ध्व असे ॥ ९ ॥
 हा स्थावरां हिं तलिं । फांकतसे अधिचा डालिं ।
 माजि धांवतसे दूजां मूर्लिं । मनुष्यरूपिं ॥ २१० ॥
 ऐसा गाढा आणि अफांटु । कोण करी यया सेवटु ।
 तरि ज्ञानें हा हलवटु । धरिती भाउ ॥ ११ ॥

पै हा उन्मलावेया दोखें । सायास चि काइसे ।
 काइ बाला बागुलु देशें । देव्हडा वाहे ॥ १२ ॥
 गंधर्वदुर्ग कां न पाडावे । काइ शशविषाण मोडावें ।
 होआवें मग तोडावें । खपुष्प किं ॥ १३ ॥
 तैसा संसारु हा वीरा । रंखु नाहिं साचोकारा ।
 मा उन्मूलनिं दरारा । काइसा तन्हीं ॥ १४ ॥
 आहीं सांधितली जे परी । मूलडाहालांची उजिरी ।
 ते बांझेचें घर भारिं । लेंकुरुवें जैसीं ॥ १५ ॥
 कां कीजति चेइलेपणीं । स्वमिचिं तियें बोलणीं ।
 जैसी जाण ते काहाणी । दुबलेयाची ॥ १६ ॥
 ह्मणौनु पै धनंजया । आहीं वानिली ते रूपमाया ।
 कासविएचेनि तूपें राया । उगारिलें ॥ १७ ॥
 मूल अज्ञान तें चि लटिकें । मा तयाचें काज केतुकें ।
 ह्मणौनु संसाररंखु सतिकें । वाउ चि पै ॥ १८ ॥
 आणि अंतु यया नाहिं । ऐसें वाखाणिजे जें काहिं ।
 ते हिं साच चि पाहिं । परी एकी ॥ १९ ॥
 तरि प्रबोध जवं नोहे । तवं नीदे काइ अंतु आहे ।
 किं राति सरैल पाहे । तेया आरौतें ॥ २२० ॥
 तेविं जवं पार्था । विवेकु नुधवी माथा ।
 तवं अंतु नाहिं अश्वत्था । भवरूपा एया ॥ २१ ॥
 तैसें चि हा अनादि । ऐसी आहे शाब्दी ।
 ते आलुकी नोहे नुरोधिं । बोलार्ते एया ॥ २२ ॥
 जन्मे ना होए । ऐसेयां सांघों कव्हणी माए ।
 एया लागि नाहिंपणें आहे । अनादि हा ॥ २३ ॥
 आदि ना अंतु स्थिति । ना रूप ययासि आधि ।
 काइसी कुंथाकुंथी । उन्मूलनीं गा ॥ २४ ॥

आपुलेया अज्ञाना साटिं । नन्हतां थांवल किरीटी ।
 तारि आत्मज्ञानाचेनि लोटिं । खाडेनि गा ॥ २५ ॥
 वांचौनि ज्ञानेन विण एकें । उपाये कारिसि तेतुके ।
 तिहिं गुंपसि अधिकें । रुंखिं इयें ॥ २६ ॥
 मग केतिकां खांदोखांदिं । येया हिंडावें उधिं अधिं ।
 ह्यणौनि मूल चि अज्ञान छेदीं । सम्यग्ज्ञानें ॥ २७ ॥
 यन्हविं दोरिण्चेया उरगा । डांगा मेलवितां पै गा ।
 तो वाॐ चि फारु गा । केला होए ॥ २८ ॥
 तरावेया मृगजलाची गंगा । डोणी लागि थांवतां दांगा ।
 माजि वाहलें बुडिजे पै गा । साचें जेविं ॥ २९ ॥
 तेविं नाथिलेयां संसारा । उपाइं जाचतेया वीरा ।
 आपणपें लोपें वारा । विकोपिं जाए ॥ ३० ॥
 ह्यणौनि स्वप्निचेया घाया । ॐखदें चेॐ धनंजया ।
 तेविं अज्ञानमूला यया । ज्ञान चि खड्ग ॥ ३१ ॥
 परि तें चि लीला परजवें । तैसैं वैराग्याचें नीच नवें ।
 अमंग बळ होआवें । बुद्धीसि गा ॥ ३२ ॥
 उठिलेनि वैराग्यें एणें । त्रिवर्गु हा कैसा संडणें ।
 जैसैं वमौनियां सुणें । आतां चि गेलें ॥ ३३ ॥
 हा ठाॐ पांडवा । पदार्थजातीं आववा ।
 विटंबी तो होआवा । वैराग्यलोटु ॥ ३४ ॥
 मग देहअहंतेचें दलें । सांडुनि एकें वेलें ।
 प्रयग्बुद्धिकरवालें । हातवसावें ॥ ३५ ॥
 निसले विवेकुसाहाणें । जें ब्रह्मास्मिबोधें सणाणे ।
 मग पुरतेन बोधें उठणें । एकलें चि ॥ ३६ ॥
 परि निश्चयाचिये मुठी बळ । होआवेया एकि दोनि वळ ।
 मग तुलावै अतिचोखाल । मनन वेऱ्हीं ॥ ३७ ॥

पाठिं हातियरां आपणेयां । निदिध्यासें एक जालेयां ।
 पुढां नुरैल घाया । पुरतें गा ॥ ३८ ॥
 ते आत्मज्ञानाचे खाडे । अद्वैतप्रभेचेनि वाढे ।
 नेदील उरो कव्हणी कडे । भवरुंखासि ॥ ३९ ॥
 तेव्हलि उर्ध कां उर्ध मूल । ना अधिकें हान शाखाजाल ।
 ते कहीं चि न दीसे मृगजल । चांदिणां जेवि ॥ २४० ॥
 ऐसेन गा वीरनाथा । आत्मज्ञानाचिया खड्गलता ।
 छेदौनियां भवाश्र्वत्था । उर्धमूलते ॥ ४१ ॥
 मग इदंतेसि वालले । मीपणे विण डाहारले ।
 ते रूप पाहिजे आपुले । आपण चि ॥ ४२ ॥
 पारि दर्पणाचेनि आधारें । एक चि करुनि दूसरें ।
 मुख पांति गावारें । तैसें नका हो ॥ ४३ ॥
 आपण चि आपणेयाते । पाहिजे जें अद्वैते ।
 ते ऐसें होए निरुते । बोलिजतु असे ॥ ४४ ॥

**ततः पदं तत्परिमार्गितव्यं । यस्मिन्नाता न निवर्त्तन्ति भूयः ॥
 तमेवचार्यं पुरुषं प्रपद्ये । यतः प्रवृत्तिः प्रसृता पुराणी ॥ ४ ॥**

जें पाहिजेतेन विण पाहिजे । कांही नेणतां चि जाणिजे ।
 आद्यपुरुखु ह्यणिजे । जेया ठायते ॥ ४५ ॥
 तेथ उपाधिचा बोधंबा । घेउनि श्रुती धांवति जीभा ।
 मग नावारूपाचां बडंबा । करिती वायां ॥ ४६ ॥
 पै भवस्वर्गा उबगले । मुमुक्षु योगज्ञान वळघले ।
 पुडुती नैयो इया निगाले । पैजा जेथ ॥ ४७ ॥
 संसाराचेयां पायां पुढां । पलती वीतराग होडां ।
 अलंडौनि ब्रह्मपदाचा कर्मकडा । घालति मागां ॥ ४८ ॥
 अहंतादिभावां आपुलेयां । झाडा देउनि आघवेयां ।
 पत्र घेति ज्ञानिये जेया । मूलघरासि ॥ ४९ ॥

जिये कां वस्तुचें नेणणें । आणिलें जगा थोर जाणणें ।
 नाहि तें चि नांदविलें जेणें । मी तूं जगिं ॥ २५० ॥
 पै जेथौनि हे एन्हडी । विश्वपरंपरेची वेलांडी ।
 वाढती आस जैसी कोरडी । निदैवाची ॥ ५१ ॥
 पार्था तें वस्तु पहिलें । आपणपें पै आपुलें ।
 पाहिजे जैसें हिवलें । हिवं हिवें ॥ ५२ ॥
 आणिक हिं एक तेया । उल्लखणें असे धनंजया ।
 तरि जेया कां भेटलेयां । एणें चि नाहिं ॥ ५३ ॥
 परि तेया भेटति ऐसें । जें ज्ञानें सर्वत्र सरिसें ।
 महाप्रलयांबुचें जैसें । भरलेपण ॥ ५४ ॥

**निर्मानमोहाजितसंगदोषा अध्यात्मनित्या विनिवृत्तकामाः ॥
 द्वंद्वै विमुक्ताः सुखदुःखसंगै र्गच्छंत्यमूढाः पदमव्ययं तत् ॥ ५ ॥**

जेयां पुरुषांचें मन । संडौनि गेलें मोहमान ।
 वरिखा अंति जैसे घन । आकाशातें ॥ ५५ ॥
 निकवडेया निष्ठुरा । उबगिजे जेविं सोइरा ।
 तैसे नांगवति विकारां । वेटालों जे ॥ ५६ ॥
 फलती केलि उन्मले । तैसी आत्मलाभें प्रवलें ।
 तेयांची क्रिया ढालें ढालें । गलती आहे ॥ ५७ ॥
 आगि लागलेयां हंखि । दैखौनि सैरा पलति पक्षी ।
 तैसें सांडिलें असेखि । विकल्पि जे ॥ ५८ ॥
 आइकें सकलदोषतृणीं । अंकुरैजति मेदिनी ।
 तिये भेदबुद्धिची काहाणी । नाहिं जेयातें ॥ ५९ ॥
 सूर्योदया सरिसी । राति पलौनि जाए आपैसी ।
 गेली देहाहंता तैसी । अविद्ये सवें ॥ २६० ॥
 आयुष्यहीना जीवातें । देह संडी जेविं अवचितें ।
 तेवि निदसुरें द्वैतें । संडिले जे ॥ ६१ ॥

लोहाचें सांकडें परिसा । न जोडे आंधारु रवि जैसा ।
 द्वैतबुद्धिचा तैसा । जेयां दुकलु ॥ ६२ ॥
 आगा सुखदुःखाकारें । द्वंद्वें देहियां जियें गोचरें ।
 तियें जेयां समोहरें । होंति चि ना ॥ ६३ ॥
 स्वप्निचेया राज्य कां मरण । नोहे हर्षशोकासि कारण ।
 प्रबोधलेयां जाण । जिया परी ॥ ६४ ॥
 तैसें सुखदुःखरूपिं । दंदिं जे पुण्यपापिं ।
 नेघपिजति सर्पिं । गरुडु जैसा ॥ ६५ ॥
 आणि अनात्मवर्गु नीर । संझुनि आत्मरसाचें क्षीर ।
 चरताति जे सविचार । राजहंस ॥ ६६ ॥
 जैसा वरिखौनु भूतलिं । आपुला रसु अंशुमाली ।
 माघुता आणी रश्मिजालिं । विंवासि चि ॥ ६७ ॥
 तैसें आत्मभ्रांति साटि । वस्तु विखुरली बारें वाटिं ।
 ते एकवटिति आत्मदृष्टि । अखंड जे ॥ ६८ ॥
 किंबहुना आत्मेयाचां निर्द्वारिं । जेयां विवेकु शुद्ध अंतरिं
 गंगेचा उ०व सागरिं । बुडाला जैसा ॥ ६९ ॥
 पै आघवें चि जालेपणें । नुरे चि जेयां अभिलाखणें ।
 जैसें एथौनि पन्हां जाणें । नाहिं आकाशासि ॥ ७० ॥
 जैसा आगिचा डोंगरु । नेवे कोणहीं बीजें अंकुरु ।
 तैसा मनिं जेयां विकारु । उदैजे नां ॥ ७१ ॥
 हें केती बोलों असंघडें । जेविं परमाणु नुरे वायू पडें ।
 तैसें विषयांचें नावडे । नावं जेयां ॥ ७२ ॥
 एवं जे जे कोणही ऐसे । केले ज्ञानहुताशें ।
 तेथ मिलति ते तैसे । हेमिं हेम ॥ ७३ ॥
 तेथ ह्याणजे कोणहीं ठांड । ऐसें पूसशील जांईह कांही ।
 तांईह तें तें पद नाहिं । वेचु जेया ॥ ७४ ॥

दृश्यपणें देखिजे । कां ज्ञेयत्वं जाणिजे ।
 अमुकें ऐसें ह्यणिजे । तें जें नोहे ॥ ७५ ॥
 पै दीवियांचेयां बंवालिं । कां चांदु हान उजली ।
 हें काइ बोलों अंशुमाली । प्रकाशी जें ॥ ७६ ॥
 तें आववें चि दीसणें । जेयातें कां नेदखणें ।
 विश्व आभासतसे जेणें । लपालेनि ॥ ७७ ॥
 जैसें सिंपीपण हारपे । तत्रं तवं खरें होए रूपें ।
 कां दोरी लोपतां सांपे । फारां होइजे ॥ ७८ ॥

न तद्भासयते सूर्यो न शशांको न च पावकः ॥
 यद्गत्वा न निवर्त्तते तद्भाम परमं मम ॥ ६ ॥

तैसिं चंद्रसूर्यादि थोरें । इयें तेजें जियें फारें ।
 तियें जेयाचेनि आधारें । प्रकाशति ॥ ७९ ॥
 ते वस्तु किं तेजोराशि । सर्वभूतात्मक सरिसी ।
 चंद्रसूर्याचां मानसीं । प्रकाशे जे ॥ २८० ॥
 ह्यणौनि चंद्रसूर्य कडवसां । पडाति वस्तुचेया प्रकाशा ।
 यया लागि तेज जें तेजसां । तें वस्तुचें आंग ॥ ८१ ॥
 आणि जेयाचेयां प्रकाशिं । जग हारपे चंद्रार्कैसिं ।
 चांदिं ऋत्वे जैसिं । दिनोदइ ॥ ८२ ॥
 नातारि प्रबोधलिए वेले । स्वप्नडिंब मालवे ।
 कां नुरे चि सांजोले । मृगतृष्णिका ॥ ८३ ॥
 तैसा जेया वस्तुचां ठांइ । कोणही चि कां आभासु नाहिं ।
 तें माझें निजधाम पाईं । पाटाचें गा ॥ ८४ ॥
 पुडुतीं जेथ गेले । नेघति चि कां माघौतीं वाउलें ।
 महोदधी मीनले । स्रोत जैसे ॥ ८५ ॥
 कां लवणाची कुंजरी । सूदली साती सागरीं ।
 होए ना माघारी । परतौनु गा ॥ ८६ ॥

नाना गेलिया अंतरालां । न एंति चि वन्हिज्वाला ।
 नाहिं तसलोहौनि जला । निगणें जैसे ॥ ८७ ॥
 तेविं मजसि एकवट । जालेन ज्ञानें चोखट ।
 तेयां पुनरावृत्तिची वाट । मोडोनु ठेली ॥ ८८ ॥
 एथ प्रज्ञापृथिवियेचा राउ । पार्थु ह्यणे जी जी पसाउ ।
 विनतिए एकिए देउ । चित्त देतु ॥ ८९ ॥
 तरि देवोंसिं स्वयें एक होति । माघौतें जे नैयंति ।
 ते देवोंसिं भिन्न आधि । अभिन्न वा ॥ २९० ॥
 जन्हीं भिन्न चि अनादिसिद्ध । तन्हि नैयंति हें असंबद्ध ।
 जे फुलीं लागले षड्पद । काइ फुलें चि होंतु ॥ ९१ ॥
 पै लक्ष्याहूनि अनारिसे । बाण लक्ष्य सिवौनि जैसे ।
 माघौतें पडति तैसे । एंति चि ते पै ॥ ९२ ॥
 ना तरि तूं चि ते स्वभावे । तरि कन्हणें कन्हणासिं मिलवें
 आपणेंयांसिं चि रूपावें । शस्त्रें केविं ॥ ९३ ॥
 ह्यणौनि तुजसिं अभिन्नां जीवां । तूज्ञा संयोगु वियोगु देवा
 नैए बोलों अवेवां । शरीरेंसिं ॥ ९४ ॥
 आणि जे सदा वेगले तुजसिं । तेयां मिलणें नाहिं कौणें दे
 मा यंति नयंति हे कायिसी । घाया बुद्धि ॥ ९५ ॥
 तरि क्रोण गा ते तूतें । पावौनि नैएंति माघौतें ।
 हें विश्वतोमुखा मातें । बुझार्वि जी ॥ ९६ ॥
 एयां आक्षेपीं अर्जुनाचां । तो शिरोमणि सर्वज्ञांचा ।
 तोखला बोधु शिष्याचा । देखौनियां ॥ ९७ ॥
 मग ह्यणे गा महामर्ता । मातें पावौनि नैयंति पुडुर्ती ।
 ते भिन्न अभिन्न पै रीती । दोनी आहाति ॥ ९८ ॥
 जे विवेकें खोलें पाहिजे । तरि मीं चि ते साहाजें ।
 ना आहाचवाहाच टूजे ॥ ऐसे गमति ॥ ९९ ॥

जैसे पाणियां हिं वेगले । आपजतां दीसति कल्लोले ।
 यन्हविं तरि निखलें । पाणीं चि तें ॥ ३०० ॥
 कां सुवर्णा होउनि आनें । लेणीं गमति भिन्नं ।
 मग पाहिजे तवं सोनें । आघवें चि तें ॥ १ ॥
 तैसें ज्ञानाचिये दीठी । माझि अभिन्न चि ते किरीटी ।
 एर भिन्नपणें ते उठी । अज्ञाना तव ॥ २ ॥
 साचोकारेनि वस्तुविचारें । कैचें एकासिं मज दूसरें ।
 जें भिन्नाभिन्नव्यवहारें । उमसिजैल ॥ ३ ॥
 आघवें चि आकाश सूनि पोटीं । बिंब चि जें आते खोटी ।
 तें प्रतिबिंब कै उठी । कै रश्मि सिरे ॥ ४ ॥
 कां कल्पांतिचेया पाणियां । काइ उ०त भरताति धनंजया ।
 ह्यणौनि कैचे अंश अविक्रिया । एका मज ॥ ५ ॥
 परि उ०घाचेनि मेलें । पाणीं उजू परि वांकुडें जालें ।
 खी दूजेपण आलें । तोयवर्गें ॥ ६ ॥
 व्योम किं चौफल वाटौलें । हें ऐसें काइसेया हिं मिले ।
 परि घटमठिं वेंटाललें । तैसें हिं आथि ॥ ७ ॥
 हांगा नीदेचेनि आधारें । काइ एकलेनि जग न भरे ।
 स्वमिचेनि जें अवतरे । रायेपणें ॥ ८ ॥
 कां मीनलेनि कीडालें । घानिभेदासि ए सोलें ।
 तैसा स्वमाया वेटालें । शुद्ध जे मीं ॥ ९ ॥
 तें अज्ञान हें रूढे । तेणें कोहंभिकल्पाचें मांडे ।
 मग विवरौनि कीजे फुडें । देहो मीं ऐसें ॥ ३१० ॥

ममैवांशो जीवलोके जीवभूतः सनातनः ॥

मनःषष्ठानीन्द्रियाणि प्रकृतिस्थानि कर्षति ॥ ७ ॥

ऐसें शरीरा चि एवडें । आत्मज्ञान वेगलें पडे ।

तो माझा अंशु ऐसें आवडे । थोडेपणें ॥ ११ ॥

समुद्र कां वायुवसें । तरंगाकार उल्हासे ।
 तो समुद्रांशु ऐसा दीसे । सानिवां जेविं ॥ १२ ॥
 तेविं जडातें जीवविता । देहअहंता उपजविता ।
 मीं जीउ गमे पांडुसुता । जीवलोकिं ॥ १३ ॥
 पैं जीवाचेया बोधा । गोचर हा धांधा ।
 तो जीवलोकुशब्दा । अभिप्राउ ॥ १४ ॥
 आगा उपजणें निमणें । हें साच काइ मानणें ।
 तो जीवलोकु मीं हणें । संसार हान ॥ १५ ॥
 एवंबिधि जीवलोकिं । तूं मातें ऐसेयां अवलोकिं ।
 जैसा चांदु कां उदकिं । उदकातीतु ॥ १६ ॥
 पैं काश्मिरीचा रवा । कुंकुमा वारि पांडवा ।
 आणिकां गमे लोहिवां । तो तारि नव्हे ॥ १७ ॥
 तैसें अनादिपणें नोमोडे । माजि अक्रियत्व न खांडे ।
 पारि करिता भोक्ता आवडे । ते जाण गा भ्रांत ॥ १८ ॥
 किंबहुना आत्मा चोखटु । होउनि प्रकृतीसिं एकवटु ।
 बांधे प्रकृतिधर्माचा पाटु । आपणपेयां ॥ १९ ॥
 पैं मनादि साहीं इंद्रियें । श्रोत्रादि प्रकृतिकार्यें ।
 तियें माझीं हणौनि होए । व्यापारिं रूढ ॥ २० ॥
 जैसें स्वप्निं परिव्राजें । आपणपेयां कुटुंब होइजे ।
 मग तेयाचेनि धांविजे । मोहें सैरा ॥ २१ ॥
 तैसें आपुलिया विस्मृती । आत्मा आपण चि प्रकृती ।
 सरिसा गमौनि पुढुतीं । तिसिं चि भजे ॥ २२ ॥
 मनाचां रधिं वलघे । श्रवणाचेनि द्वारें निगे ।
 मग शब्दाचेया रिगे । राना माजि ॥ २३ ॥
 तो प्रकृतिचा वागौरा । करी त्वचेचिया मोहरा ।
 आणि स्पर्शाचेया घोरा । वना जाए ॥ २४ ॥

कोपिंह एकिं अवसरिं । निगौनि नेत्रांचां द्वारिं ।
रूपाचां डोंगारिं । हिंडतु असे ॥ २५ ॥
कां रसनेचिया वाटा । निगौनि गा सूभटा ।
रसाच्चा दारकुटा । भरौनि ठाके ॥ २६ ॥
नातरि एणें चि घ्राणें । हा मदंशु करी निगवणें ।
मग गंधाचिं दारुणें । आडवें लंघी ॥ २७ ॥
ऐसें देहेंद्रियनायकें । धरुनु मन जावलिके ।
भोगिजति शब्दादिकें । विखाभरणें ॥ २८ ॥

शरीरं यद्वामोति यच्चाप्युत्क्रामतीश्वरः ॥

गृहीत्वैतानि संयाति वायुर्गंधानिवाशयात् ॥ ८ ॥

परि करिता भोक्ता ऐसें । हें जीवाचें तें चि दीसे ।
जें शरीरिं पैसें । एकाधिए ॥ २९ ॥
जैसा आधिला आणि विलासिया । तें चि उल्लखों ए धनंजया ।
जें राज्यसेव्या ठाया । वस्तिसिं ए ॥ ३३० ॥
तैसा अहंकर्तृत्वाचा वाडु । विषयेंद्रियांचा धुमाडु ।
हा जाणिजे तें निवाडु । जें देहो पावे ॥ ३१ ॥
अथवा शरीरातें संडी । तन्हीं चित्तइंद्रियांची तांडी ।
आपणपेया सवें काढि । घेउनि जाए ॥ ३२ ॥
जैसा अपमानिला अतिथि । ने सुकृताची संपति ।
कां साएखेडेयाची गति । सूत्रतंतु ॥ ३३ ॥
नाना मालवतेनि तपनें । नेइजति लोकाचिं दर्शनें ।
हें असो द्रुति पवनें । नेइजे जैसी ॥ ३४ ॥

श्रोत्रं चक्षुः स्पर्शनं च रसनं घ्राणमेव च ॥

अधिष्ठाय मनश्चायं विषयाननुसेवते ॥ ९ ॥

तेविं मनःषष्टां एयां । इंद्रियातें धनंजया ।
देहराजु ने देहा । पासौनु घाला ॥ ३५ ॥

मग एथ अथवा स्वर्गि । जेथ देह अपंगी ।
 तेथ तैसिं चि पुडुतीं पागीं । मनादिक ॥ ३६ ॥
 जैसा माल्हबलेयां दिवा । प्रभेसिं जाए पांडवा ।
 मग उजलिजे तेथ तेव्हां । तैसा चि फांके ॥ ३७ ॥
 परि ऐसिया इया राहाटी । अविवेकियाचिये दीठी ।
 एतुलें हें किरीटी । गमे चि गा ॥ ३८ ॥
 जें आत्मा देहा आला । आणि विखो एणें चि भोगिला ।
 अथवा देहौनु गेला । हें साच चि नां ॥ ३९ ॥
 यन्हविं एणें जाणें । करणें हान भोगणें ।
 हें प्रकृतिचें तेणें । मानियलें ॥ ३४० ॥
 परि देहाचें मोटकें उभें । चेतना तेथ उपलभे ।
 तिये चलवलेचेनि मोहें । आला लणति ॥ ४१ ॥

उत्क्रामंत स्थितं चापि भुंजानं वा गुणान्वितं ॥

विमूढा नानुपश्यंति पश्यंति ज्ञानचक्षुषा ॥ १० ॥

तैसीं चि तिया संगति । इंद्रियें आपुलालां अर्थि ।
 वर्तति तेया नांव सुभद्रापति । भोगणें जेया ॥ ४२ ॥
 पाठि भोगक्षई आपैसें । देह गेलेयां तें न दीसे ।
 एथ तत्रं गेला ऐसें । बोभाति गा ॥ ४३ ॥
 पैं रंखु डोलतु देखावा । तरि वारा वाजतु मानावा ।
 रंखु नसे तेथ पांडवा । नाहिं चि काइ ॥ ४४ ॥
 कां आरिसा संमोहर ठेविजे । आणि आपणपें तेथ देखिजे ।
 तरि तेव्हां चि जाला मानिजे । काइ आदिं नाहिं ॥ ४५ ॥
 कां तो परौता केला आरिसा । लोपु जाला तेया आभासा ।
 तरि आपणपें नाहिं ऐसा । निश्चो करावा ॥ ४६ ॥
 सादु तरि आकाशाचा । परि कपालिं पीटे मेवांचा ।
 कां चादिं वेगु अभ्राचा । आरोपिजे ॥ ४७ ॥

तैसैं होइजे जाइजे देहें । तें आत्मसत्ते अविक्तिये ।
 निष्टकिति मोहें । आंधले ते गा ॥ ४८ ॥
 एथ आत्मा आत्मेयाचे ठांड । देखिजे देहाचा धर्म देहि ।
 ऐसैं देखणे ते पाहिं । आन आहाति ॥ ४९ ॥
 ज्ञानें कां जेयाचे डोले । देखौनि नन्हांति देहिचे खोले ।
 सूर्यरश्मि आणियालें । ग्रीष्मि जैसें ॥ ३९० ॥
 तैसैं विवेकाचेनि पैसैं । जेयाची स्फूर्ति स्वरूपिं बैसे ।
 ते ज्ञानिये देखति ऐसैं । आत्मेयातें ॥ ५१ ॥
 जैसें तारांगण भरलें । गगनसमुद्रिं विंबलें ।
 परि हें तूटौनि नाहिं पडिलें । ऐसैं निवडे ॥ ५२ ॥
 गगन गगन चिं आहे । हें आभासतसे तें वार्यें ।
 तैसा आत्मा देखति देहें । गंवसिला हिं ॥ ५३ ॥
 खलालांचेयां लगवर्णि । फेडौनि खलालांचेयां भाणिं ।
 देखिजे चंद्रिका ते उगी । चंद्रिं जेविं ॥ ५४ ॥
 कां थिलर सोखे जैसें । सूर्यो जैसा तैसा असे ।
 देह होंता जाता तैसैं । देखति मातें ॥ ५५ ॥
 घटमठ घडले । ते चि पाठिं मोडले ।
 परि आकाश तें संचलें । असत चि असे ॥ ५६ ॥
 तैसीं अखंडे आत्मसत्ते । अज्ञानदृष्टिकल्पितें ।
 इयें देहें चि होंतें जातें । जाणति फुडें ॥ ५७ ॥

यतंतो योगिनश्चैनं पश्यंत्यात्मन्यवस्थिते ॥

यतंतोप्यकृतात्मानो नैनं पश्यंत्यचेतसः ॥ ११ ॥

चैतन्य चढे ना उहटे । चेष्टवी ना चेष्टे ।
 ऐसेनि आत्मज्ञानें चोखटें । जाणति ते ॥ ५८ ॥
 आणि ज्ञान हिं आपैतें होइल । प्रज्ञा परिमाणु हिं उगाणा घेइल ।
 सकल शास्त्रां एइल । सर्वस्व हातां ॥ ५९ ॥

परि ते व्युत्पत्ति ऐसी । विरक्ति न रिगे मानसी ।
 तरि सर्वात्मका मजसि । नोहे भेटि ॥ ३६० ॥
 पै तोंड भरो कां विचारा । आणि अंतःकरण विषयांसि धारा ।
 तरि नातुडे धनुर्द्धरा । त्रिशुद्धि मीं ॥ ६१ ॥
 हांगा उ०सणातियांचां ग्रंथि । काइ तूटति संसारगुंति ।
 किं परिवसिलियां पोथि । वाचिली होए ॥ ६२ ॥
 नाना बांधौनियां डोले । प्राणिं लाविजति मुक्ताफलें ।
 तरि तेयांचें काइ केलें । मोलमान ॥ ६३ ॥
 तैसा चित्तिं अहंते ठाउ० । आणि जीभे सकलशास्त्रांचा सराउ०
 ऐसेनि कोडी एकी जन्म जाउ० । परि न पविजे मातें ॥ ६४ ॥
 जो एकु मीं कां समस्ति । व्यापकु असे भूतजातिं ।
 आइकै तिये व्यक्ती । रूप करुं ॥ ६५ ॥

यदादित्यगतं तेजो जगद्भासयतेखिलं ॥

यश्चंद्रमसि यश्चाग्नौ तत्तेजो विद्धि मामकं ॥ १२ ॥

तरि सूर्या सकट आघवी । हे विश्वरचना जे दावी ।
 ते दीप्ति माझी जाणावी । आश्रंति हे ॥ ६६ ॥
 जल सोखुनु गेलेयां सविता । उल्हामु पुरवितसे माघौता ।
 ते चांदिं पांडुमुता । ज्योत्सना माझी ॥ ६७ ॥
 आणि दहन पचन सिद्धि । करितसे जे निरवधि ।
 ते हुताशि तेजोवृद्धि । माझी चि गा ॥ ६८ ॥

गामाविश्य च भूतानि धारयाम्यहमोजसा ॥

पुष्णामि चोषधीः सर्वाः सोमो भूत्वा रसात्मकः ॥१॥

मी रिगाला असे भूतलिं । हणौनि समुद्रमहाजलिं ।
 ई पांसूची ढेंपुली । वीरे चि नां ॥ ६९ ॥
 आणि भूतें हिं चराचरें । हे धरीतसे अपारें ।
 तें मीं चि धरिं धरें । रिगौनियां ॥ ३७० ॥

गगनिं मीं पांडुसुता । चंद्राचेन मीसें अमृता ।
 भरला जालां चालता । सरोवरु ॥ ७१ ॥
 तेथौनि फांकति रश्मिकर । ते पाट पेलौनि अपार ।
 सर्वोषधींचे आगर । भरीतुसें मीं ॥ ७२ ॥
 ऐसेनि सस्यादि सकला । करीं धान्यजाति रसाला ।
 दें अन्नद्वारा जिव्हाला । भूतजातां ॥ ७३ ॥

अहं वैश्वानरो भूत्वा प्राणिनां देहमाश्रितः ॥

प्राणापानसमायुक्तः पचाम्यन्नं चतुर्विधं ॥ १४ ॥

आणि निफजविलेयां अन्न । तरि तैसें कैचें पां दीपन ।
 जेणें जिरौनि समाधान । भोगिति जीव ॥ ७४ ॥
 ह्यणौनि प्राणिजाताचां घटिं । करुनि कंदा वरि आगिठी ।
 दीसि जठरिं किरीटी । मीं चि जालां ॥ ७५ ॥
 प्राणापानाचां जोडभातीं । फुंकफुंकौनियां अहोराती ।
 आटितसे नेणों केती । उदरा माजि ॥ ७६ ॥
 शुष्कें अथवा स्निग्धें । सुपक्वें कां विदग्धें ।
 परि मीं चि गा चतुर्विधें । अन्नें पचीं ॥ ७७ ॥
 एवं मीं चि आघवें जन । जना मीं चि जीवन ।
 जीवना मुख्य साधन । वन्हि मीं चि ॥ ७८ ॥
 आतां ऐसेया वरि काइ । सांघों व्याप्तिची नवाई ।
 एथ दूजें नाहिं चि घेइं । सर्वत्र मीं ॥ ७९ ॥
 तरि कैसेन पां वेखें । सदा सुखियें मानुषें ।
 एक आक्रांत दुःखें । भूतजात ॥ ३८० ॥
 जैसें सगळिए पाटणी । एके चि दीपें दिवेलावणी ।
 जालियां का नेदखणीं । उरलीं एके ॥ ८१ ॥
 ऐसी हान उखिविखि । करितु आहासि मानसिकी ।
 तरि ते हिं परियस नीकी । शंका फेडूं ॥ ८२ ॥

पै आघवा चि मीं असें । एथ नाहिं किं अनारिसें ।
 परि प्राणियांचां ठांडं उल्हसे । बुद्धि ऐसी ॥ ८३ ॥
 जैसें एका चि आकाशध्वनिं । वाद्यविशेषि अनानीं ।
 वाजावें पडे भिन्निं । नादांतरिं ॥ ८४ ॥
 कां लोकचेष्टिं वेगलाला । जो हा एकु चि भानु उदैला ।
 तो अनाना परि गेला । उपेगासि ॥ ८५ ॥
 नाना बीजधर्मा अनुरूपं । झाडिं उभविलें आप ।
 तैसें परिणमलें रूप । माझे जीवां ॥ ८६ ॥
 आगा नेणा आणि चउरा । पुढां निलेयाचा दूसरा ।
 नेणा सर्पत्वे जाला एरा । सुखा लागि ॥ ८७ ॥
 हें असो स्वातिचें उदक । शुक्तिं मोतिएं विआलीं विख ।
 तैसें सज्ञानासि मीं सुख । दुःख तें अज्ञानासि ॥ ८८ ॥

**सर्वस्यद्याहं हृदि सन्निविष्टो मत्तः स्मृति ज्ञानमपोहनं च ॥
 वेदैश्च सर्वै रहमेव वेद्यो वेदांतकृद्वेदविदेव चाहं ॥ १५ ॥**

पार्था सर्वांचां हृदयदेशि । अमुका हे स्फूर्ति ऐसी ।
 जे स्फुरत अहिर्णिशिं । ते वस्तु गा मीं ॥ ८९ ॥
 परि संतां सर्वे वसतां । योगज्ञानिं पसतां ।
 गुरुचरण उपासितां । वैराग्येसिं ॥ ३९० ॥
 एणें चि सत्कमें । अशेष हिं अज्ञान विरमे ।
 जेयाचें अहं विश्रमे । आत्मरूपिं ॥ ९१ ॥
 तें आपें आपु देखौनि देखि । मियां आत्मेन सदा सुखी ।
 एथ मीं वांचौनि अवलोकिं । आन हेतु असे ॥ ९२ ॥
 आगा सूर्योदयो जालेयां । सूर्यो सूर्ये चि पाहावा धनंजया ।
 तेविं मातें मीं जाणावेया । मीं चि हेतु ॥ ९३ ॥
 ना शरीरप्रियातें सेवितां । संसारगौरव आइकतां ।
 देहिं जेयाची अहंता । बुडौनि ठेली ॥ ९४ ॥

ते स्वर्गसंसारा लागि । धांवता कर्माचेयां मार्गि ।
 दुःखाचां सेलभार्गि । भागीन होंति ॥ ९५ ॥
 परि हें इं होणें अज्ञानां । मज चि तव तेया अर्जुना ।
 जैसी जागृती चि हेतु स्वप्ना । निद्रिता होए ॥ ९६ ॥
 पै अर्भें दिवसु हारतला । तो हिं तेणें चि जाणों आला ।
 तेविं मीं नेणौनि विखो देखिला । मज चि तव भूर्ति ॥ ९७ ॥
 एवं नीदे कां जागणेया । प्रबोधु हेतु धनंजया ।
 तेविं ज्ञानाज्ञानां जीवाचेया । मीं चि मूल ॥ ९८ ॥
 ह्यणौनु जैसा असें तैसेया । मातें नेणौनि धनंजया ।
 वेदु जाणों गेला तवं तेया । जालिया शाखा ॥ ९९ ॥
 तंदिह तिन्हिं शाखाभेदिं । मीं चि जाणिजे त्रिशुद्धि ।
 जैसा पूर्वापरां नदीं । समुद्रु चि ठी ॥ १०० ॥
 आणि महासिद्धांतापासिं । श्रुती हारपती शब्देंसिं ।
 जैसिया सगंधा आकार्शिं । वातलहरिया ॥ १ ॥
 तैसें समग्र हिं श्रुतिजात । ठाके लाजिलें ऐसें निवांत ।
 तें मीं चि करीं यथावत । प्रकटौनियां ॥ २ ॥
 पाठिं श्रुतिसहित अशेख । जग हारपे जेथ निशेख ।
 तें निजज्ञान हिं चोख । जाणता मीं ॥ ३ ॥
 जैसें निदेंलेयां जागिजे । तेव्हलिं स्वप्निचें किर नाहिं दूर्जे ।
 परि एकत्व हिं देखों पाविजे । आपुलें चि ॥ ४ ॥
 तैसें आपुलें अद्वयपण । मीं जाणतु असें दूजेन विण ।
 तेया हिं बोधा कारण । जाणता मीं चि ॥ ५ ॥
 तरि आगि लागलेया कापुरा । काजली ना वैश्वानरा ।
 उरणें नाहिं वीरा । जिया परी ॥ ६ ॥
 तेविं समूल अविद्या खाए । तें ज्ञान हिं जें बुडौनि जाए ।
 तें जें नाहिं किर नोहे । आणि असे हिं नां ॥ ७ ॥

पै विश्व घेउनि गेला मार्गेंसि । तेया चोरातें कन्हण गिवंसी ।
 जे कोणही एकी दशा ऐसी । शुद्धा ते मीं ॥ ८ ॥
 ऐसी जडाजडें व्याप्ति । रूप करितां कैवल्यपती ।
 ठी केली निरुपहितीं । आपुलां रूपि ॥ ९ ॥
 तो आघवा चि बोधु सहसा । अर्जुनि उमटला कैसा ।
 व्योमिचा चंद्रोदयो जैसा । क्षीरार्णविं ॥ ४१० ॥
 कां प्रतिभीती चोखटे । समोरिला चित्र उमटे ।
 तैसा अर्जुने आणि वैकुण्ठें । नांदतुसे बोधु ॥ ११ ॥
 तन्हि बापु वस्तुस्वभाउ ॥ फांवे तवं तवं गोडिये थाउ ॥
 ह्यणौनि अनुभवियांचा राउ ॥ अर्जुनु ह्यणे ॥ १२ ॥
 जी व्यापकपण बोलतां । निरुपाधिक जें अनंता ।
 स्वरूप प्रसंगता । बोलिले देउ ॥ १३ ॥
 तें एकु वेळु अवंगवाणें । कीजो कां मज सांघणें ।
 एथ द्वारकानाथु ह्यणे । भलें केलें ॥ १४ ॥
 पै आह्मासि हें कोडें । अखंड बोलें आवडे ।
 परि काइ किजे न जोडे । पूसतें तैसें ॥ १५ ॥
 आजि मनोरथासि फल । जोडलासि तूं केवल ।
 जें तोंड भरुनि निखल । आलासि पूसां ॥ १६ ॥
 जें अद्वैता वरि भोगिजे । तिये अनुभविचें तूं विरजें ।
 पूसौनि मज माझें । देंतासि सुख ॥ १७ ॥
 जैसा आरिसा आलेयां जवलां । दीसे आपणपेयां आपुला डोला
 तैसा संवादियां तूं निर्मला । शिरोमणि ॥ १८ ॥
 तुवां नेणौनि पुसावें । मग आह्नि परिसौनि बैसावें ।
 तो पाडु एथ न मिरवे । सोइरेया ॥ १९ ॥
 ऐसें ह्यणौनि आलंगिलें । कृपादृष्टी अवलोकिलें ।
 मग माघौतें आदरिलें । बोलें अर्जुनेसि ॥ ४२० ॥

दों होंटि एक बोलणें । दोहिं चरणि एक चालणें ।
 तैसैं पूसणें सांघणें । तूखें माझें ॥ २१ ॥
 एवं भाखिं तुखिं वो एथें । देखावे एकार्थाथें ।
 सांघतें पूसतें तैथें । दोन्हीं एक ॥ २२ ॥
 ऐसा भूलला मोहें । देउ आलंगिला ज्हाए ठायें ।
 मग बिहाला हणणे नोहे । आवडी अजुनेसिं ॥ २३ ॥
 जालें इक्षुरसाचें डाल । तर्हि लवण देणें किडाल ।
 जें संवादसुषाचें रसाल । नासैळ थितें ॥ २४ ॥
 आदिं चि आह्मां यया काहिं । नरनारायणा सीनें नाहिं ।
 परि आतां जिरों माझां ठांड । वेगु माझा ॥ २५ ॥
 इया बुद्धी सहसा । श्रीकृष्णु हणणे वीरशा ।
 पै गा तो तुवां कैसा । प्रणु केला ॥ २६ ॥
 जो अर्जुनु कृष्णि विरत होता । तो परतौनियां माघौता ।
 प्रश्नावलिची कथा । आइकों धांवला ॥ २७ ॥
 एथ सगद्गदें बोलें । अर्जुनें जी हणितलें ।
 निरुपाधिक आपुलें । स्वरूप सांघां ॥ २८ ॥
 एया बोला तो शांङ्गि । तें चि सांघावेया लागि ।
 उपाधि दोहिं भागिं । निरूपितु असे ॥ २९ ॥
 पूसलेयां निरुपहित । उपाधि कां सांघे प्रस्तुत ।
 हें कोण्हां हिं एथ । गमे जरि ॥ ४३० ॥
 तरि ताकाचे अंश फेडणें । यया चि नावं लोणीं काढणें ।
 चोखाचिये शुद्धि तोडणें । कीड चि जेविं ॥ ३१ ॥
 बाबुलि सारावी हातें । परि पाणीं असे आइतें ।
 अम्र गेलेयां गगन तें । सिद्ध चि किं ॥ ३२ ॥
 वारिलु कोंडेयाचा गुंडाला । संडुनु केलेयां वेगला ।
 कणु घेंतां विरंगुला । असे काहिं ॥ ३३ ॥

तैसा उपाधि उपहिता । सेवटु जेथ विचारितां ।
 तें कोणहां हिं न पूसतां । निरुपाधिक ॥ ३४ ॥
 जैसें न संघणें वरि । बाला पतिसि रूप करी ।
 बोलु निमालेपणें विवरी । अचर्च्यातें ॥ ३५ ॥
 पां सांघणेया जोगें नव्हे । तेथिचें सांघणें ऐसें आहे ।
 ह्यगौनि उपाधि लक्ष्मीनाहें । बोलिजे आदिं ॥ ३६ ॥
 पाडिवेयाची चंद्ररेखा । निरुता दावावेया शाखा ।
 दाविजे तेविं औपाधिका । बोली इया ॥ ३७ ॥
 मग ह्यणे गा सव्यसाची । पैं इयें संसारपाटणिची ।
 वस्ति सवियां टांची । दुपुरुखीं ॥ ३८ ॥

द्वाविमौ पुरुषौ लोके क्षरश्चाक्षर एव च ॥

क्षरः सर्वाणि भूतानि कूटस्थोक्षर उच्यते ॥ १६ ॥

जैसें आघवां चि गगनिं । नांदतें दिवोराती बोनी ।
 तैसे संसारराजधानिं । दोन्ही चि हे ॥ ३९ ॥
 आणीकु हिं तीजा पुरुखु आहे । परि एयां दोहिंचें नावं न साहे
 जो उदेल्ला गावेंसिं खाए । दोन्हितें ययां ॥ ४० ॥
 परि ते तवं गोठि असो । आदिं दोनी चि हे परियसों ।
 जे संसारग्रामु वसों । आले असति ॥ ४१ ॥
 एकु आंधला वेडा पंगु । एकु सर्वांगिं पुरता चांगु ।
 परि ग्रामगुणें संगु । घडला दोघां ॥ ४२ ॥
 तेयां माजि एका नावं क्षरु । एरातें ह्यणिजे अक्षरु ।
 इहिं दोहिं चि परि संसारु । कोंदला असे ॥ ४३ ॥
 आतां क्षरु तो कवणु । अक्षरु किलक्षणु ।
 हा अभिप्राउं संपूर्णु । विवंचूं गा ॥ ४४ ॥
 तरि महदहंकारा । लागौनि धनुर्द्धरा ।
 तृणांतिचा पांगोरा । वेन्दि पैं गा ॥ ४५ ॥

जें काहिं साने थोर । चालतें अथवा थिर ।
 किबहुना गोचर । मनबुद्धिसि ॥ ४६ ॥
 जेतुलें पांचभौतिक घडतें । जें जें नावरूपा सांपडतें ।
 गुणत्रयाचां पडतें । कामठां जें ॥ ४७ ॥
 भूताकृतिकें नाणें । घडत भांगारें जेणें ।
 कालासि जुं खेलणें । जिहिं कवडा ॥ ४८ ॥
 जाणणेनि चि विपरीतें । जें जें काहिं जाणिजतें ।
 तें प्रतिक्षणिं निमतें । होउनियां ॥ ४९ ॥
 आगा काढौनि आतिचे दांग । उभवी स्त्रिष्टिचे आंग ।
 हें असो बहू जग । जेया नावं ॥ ४५० ॥
 पै अष्टधा भिन्न ऐसें । जें दाविलें प्रकृतिमीसें ।
 जें क्षेत्रद्वारें सतिसें । भागिं केलें ॥ ५१ ॥
 हें मागिलें साघों केती । आगा आतां चि जें प्रस्तुतिं ।
 रुखाकाररूपकरीती । निरूपिलें ॥ ५२ ॥
 तें आघवें चि साकारें । कल्पौनि आपणापेयां पूरें ।
 जालें असे तदनुसारें । चैतन्य चि ॥ ५३ ॥
 जैसा कुहां आपण चि बिंबे । सींहु प्रतिबिंब पांतां खोभे ।
 खोभला समारंभे । घली तेथ ॥ ५४ ॥
 कां सलिलें असत चि असे । व्योमा वारि व्योम बिंबे जैसें ।
 अद्वैत होउनि तैसें । द्वैतें घेपें ॥ ५५ ॥
 अर्जुना गा यया परी । साकारु कल्पौनि पुरी ।
 आत्मा विस्मृतिची करी । नीद तेथ ॥ ५६ ॥
 पै स्वप्निं सेजारु देखिजे । मग पहुडणें जैसें कीजे ।
 तैसें पूरि शयन जाणिजे । आत्मेयासि ॥ ५७ ॥
 पाठि तिये नीदेचेनि भरें । मिं सुखी दुःखी हणतु घोरें ।
 अहंममाधिचेन थोरें । उभसणाए सादु ॥ ५८ ॥

हा जनकु हे माता । हा मीं गौरु हीनु पुरता ।
 पुत्र वित्त कांता । माझी हे नां ॥ ५९ ॥
 ऐसेया वेंघौनि स्वप्ना । धांवतु भवस्वर्गाचिया राना ।
 तेया चैतन्या नावं अर्जुना । क्षरु पुरुखु गा ॥ ४६० ॥
 आतां क्षेत्रज्ञ नावें एणें । जेयातें बोलणें ।
 जगिं जीउ ह्यणणें । जिये दशेतें ॥ ६१ ॥
 जो आपुलेन विसरें । सर्व भूतत्वे अनुकरे ।
 तो आत्मा बोलिजे क्षरें । पुरुखु नावें ॥ ६२ ॥
 जो वस्तुस्थिती पुरता । ह्यणौनि आली पुरुषता ।
 वरि देहपुरीं निद्वैजता । पुरुषु नावें ॥ ६३ ॥
 आणि क्षरपणाचा नाथिला । आलु यया ऐसेनि आला ।
 तिये उपाधी आतला । ह्यणौनियां ॥ ६४ ॥
 जैसी खलालिचेया उदका । सरिसी उदले चंद्रिका ।
 तैसा विकारां औपाधिकां । ऐसा चि गमे ॥ ६५ ॥
 कां खलाल मोटका सोसे । आणि चंद्रिका तैसी चि भंशे ।
 तैसा उपाधिनाशि न दीसे । औपाधिकु फुरे ॥ ६६ ॥
 ऐसें उपाधिचेनि पाडें । क्षणिकत्व यया जोडे ।
 तेणें खोंकरपणें घडे । क्षरु नावं ॥ ६७ ॥
 एवं जीवचैतन्य आघवें । हें क्षरु पुरुखु जाणावें ।
 आतां रूप करुं वरवें । अक्षरासि ॥ ६८ ॥
 तरि अक्षरु जो दूसरा । पुरुषु पै धनंजया ।
 तो मध्यस्थु गा गिरिवरा । मेरु जैसा ॥ ६९ ॥
 जें तो पृथ्विपातालस्वर्गिं । इहिं न भेदे तिहिं भागिं ।
 तैसा ज्ञानाज्ञानांगिं । पडे ना जो ॥ ४७० ॥
 नां यथार्थज्ञानें एक होणें । ना अन्यार्थत्वे दूजें घेणें ।
 ऐसें देहिं त्रिखल जें नेणणें । तें तें चि रूप ॥ ७१ ॥

पांसुता निःशेष जाए । नां घटभांडादिकिं होए ।
 तेया मृत्पिंडा ऐसें आहे । मध्यस्थु जो ॥ ७२ ॥
 पै आटौनि गेलेयां सागर । मग तरंग ना नीर ।
 तया ऐसिया अनाकार । जे कां दशा ॥ ७३ ॥
 पार्था जागणें तरि युडे । परि स्वप्नाचें कांहि न मांडे ।
 तैसीये नीदे सांकडें । निहालिजे ॥ ७४ ॥
 विश्व आघवें मावलें । आणि आत्मबोधु नुजले ।
 तिये अज्ञानदशे केवले । अक्षरु नावं ॥ ७५ ॥
 सर्वा कलिं संडिलें जैसें । चांदपण उरलें अवसे ।
 रूप जाणें तैसें असे । अक्षराचें ॥ ७६ ॥
 पै सर्वोपाधिविनासें । हे जीवदशा जेथ पैसे ।
 फलपाकिं तैसें । झाड बाजिं ॥ ७७ ॥
 तैसें उपाधिसिं उपहित । थोकौनि ठाके जेथ ।
 तेयातें अव्यक्त । बोलति गा ॥ ७८ ॥
 जेयासि गा बीजभाउ । वेदान्ति केला ऐसा आहो ।
 तो तेया पुरुषा ठाउ । अक्षराचा ॥ ७९ ॥
 जेथौनि अन्यथा ज्ञान । फांकौनि जागृति स्वप्न ।
 नानाबुद्धिचें रान । रिगालें असे ॥ ४८० ॥
 जीवत्व जेथौनि किरीटी । विश्व उठवित चि उठी ।
 ते उभयबुद्धिची मीठी । अक्षरु पुरुषु ॥ ८१ ॥
 एरु क्षरु पुरुषु कां जनिं । जिहिं खेले जागृतिस्वप्निं ॥
 तिया अवस्था जिया दोन्हिं । वियाला गा ॥ ८२ ॥
 पै अज्ञान घनसुषुप्ति ॥ ऐसैसी जे ख्याति ।
 इया उणिवे प्राप्ति । ब्रह्माची जे ॥ ८३ ॥
 साच चि पुढुती वीरा । जरि नैयंता स्वप्नजागरा ।
 तारि ब्रह्मभाउ साचोकारा । हणों यंता ॥ ८४ ॥

परि प्रकृतिपुरुषं दोन्हि । अभें जालिं जिये गगनिं ।
 क्षेत्रक्षेत्रज्ञ स्वप्निं । देखिलीं जियें ॥ ८५ ॥
 हे असो अधोशाखा । यया संसाररूपा रंखा ।
 मूल तें पुरुखा । अक्षराचें ॥ ८६ ॥
 हा पुरुषु कां ह्यणिजे । जें पूर्णपणें चि निजें ।
 पै मायापुरिं पड्डिजे । नेणें हिं बोलें ॥ ८७ ॥
 आणि विकारांची जे वारी । ते विपरीतज्ञानाची परी ।
 नेणिजे तिये माझारिं । ते सुषुप्ति हा ॥ ८८ ॥
 ह्यणोनियां आपैसें । क्षरणें यया नसे ।
 आणि कहीं चि हा न नसे । ज्ञाना उणें ॥ ८९ ॥
 यया लागि हा अक्षरु । ऐसा वेदांतिं डौरु ।
 केला देशि थोरु । सिद्धांतांचां ॥ ९० ॥
 ऐसें जीवकार्यकारणें । जेया मायासंगु चि लक्षणें ।
 अक्षरु पुरुषु जाणें । चैतन्य तें ॥ ९१ ॥
 आतां अन्यथाज्ञानिं । दोनी अवस्था जिया जनिं ।
 तिया हारपति घनिं । अज्ञानतत्विं ॥ ९२ ॥
 तें अज्ञान ज्ञानिं बुडालेयां । ज्ञानें कीर्त्तिमुखत्व केलेयां ।
 जैसा वन्हि काष्ट जालौनियां । स्वयें जलें ॥ ९३ ॥
 तैसैं अज्ञान ज्ञानें नेलें । आपण वस्तु होउनु ठेलें ।
 ऐसैं जाणणेन विण उरलें । जाणतें जें ॥ ९४ ॥

उत्तमःपुरुषस्त्वन्यः परमात्मेत्युदाहृतः ॥

यो लोकत्रयमाविश्य विभर्त्यन्ययमीश्वरः ॥ १७ ॥

आगा तो उत्तमु पुरुषु । जो तृतीयु कां निष्कर्षु ।
 दोही इं हुनु आणिकु । आदिलां जो ॥ ९५ ॥
 सुषुप्ती आणि स्वप्ना । पासौनु बहू अर्जुना ।
 जागणें जैसैं आना । बोधाचें चि ॥ ९६ ॥

कां रश्मि हान मृगजला । पासौनि अर्कमंडला ।
 अफाट्टु तैसा वेगला । उत्तमु गा ॥ ९७ ॥
 नातरि काष्टिचा काष्टाहूनि । अनारिसा जैसा वन्हि ।
 तैसा क्षराक्षरा पासौनि । आनु चि तो ॥ ९८ ॥
 पै प्रसौनि आपुलिया मर्यादा । एक करीतु नदीनदां ।
 उठिला कल्पांतिचा उदावादा । एकार्णवाचा ॥ ९९ ॥
 तैसें स्वप्न ना सुषुप्ति । जागराची गोठि चि नाथि ।
 जैसी गलिली दिवोराती । प्रभयतेजे ॥ ५०० ॥
 मग आपण ना दुजे । असे नसे हें नेणजे ।
 अनुभौ निर्बुजे । बुडाला जेथ ॥ १ ॥
 ऐसैसें आथि काहिं । तें तो उत्तमु पुरुषु पाहिं ।
 जें परमात्मा इहिं । बोलिजे नामीं ॥ २ ॥
 तें हिं एथ न मिसलतां । बोलिलें जीवत्वे पांडुसुता ।
 जैसी बुडणेयाची वार्त्ता । थडिए किजे ॥ ३ ॥
 तैसें विवेकाचिये कांठि । उभें केलेयां किरीटी ।
 पारावाराचिया गोठि । करणें वेदां ॥ ४ ॥

यस्मात्क्षरमतीतोहमक्षरादपि चोत्तमः ॥

अतोश्मि लोके वेदे च प्रथितः पुरुषोत्तमः ॥ १८ ॥

ह्यणौनि पुरुष क्षराक्षर । दोन्हि देखौनि अनावर ।
 ययाते ह्यणति पर- । आत्मरूप ॥ ५ ॥
 अर्जुना ऐसिये परी । परमात्माशब्द वेन्हि ।
 सूचिजे गा अवधारिं । पुरुषोत्तमु ॥ ६ ॥
 यन्हविं नबोलणेन बोलणें । जेथिचें सर्व नेणवां जाणणें ।
 काहिं चि नहोउनि होणें । जें वस्तु गा ॥ ७ ॥
 सोहं तें हिं अस्तवले । जेथ सांघणें चि मूकावले ।
 दृष्टत्वोसिं विरालें । दृश्य जेथ ॥ ८ ॥

आतां बिबा आणिं प्रतिबिबा । माजि कैची ही हणों नैए प्रभा ।
 जन्हि कैसेन हिं लाभा । जाए चि ना ॥ ९ ॥
 कां प्राणा आणि फुला दोहिं । वृत्ति असे माझारिळां ठाई ।
 न दीसे तन्हि नाहिं । बोलों नैए ॥ ५१० ॥
 तैसें द्रष्टा दृश्य हें जाए । मग कोणु हणो काइ आहे ।
 हें अनुभवं चि पाहे । रूप जेया ॥ ११ ॥
 जो प्रकाश्ये विण प्रकाशु । जो ईशितव्ये विण ईशु ।
 आपणेन चि अवकाशु । वसवितु असे ॥ १२ ॥
 जो नादें आइकिजता नादु । स्वादें चाखविजता स्वादु ।
 जो भोगिजतु असे आनंदु । आनंदें चि ॥ १३ ॥
 सुखासि सुख जोडलें । जें तेज तेजासि सांपडलें ।
 भून्य हिं बुडलें । शून्यि जियें ॥ १४ ॥
 तो पूर्णतेचा पारिणामु । पुरुषु गा सर्वोत्तमु ।
 विश्रांतिचा विश्रामु । विराला जेथ ॥ १५ ॥
 जो आकाशा हि वरि उरता । प्रासातें हिं प्रमुनि पुरता ।
 जो बहुतें पाडें बहुता । पासौनि बहू ॥ १६ ॥
 पै नेणतेया प्रती । रूपेपणाची प्रतीती ।
 रूपें नोहौनि शुक्ति । दावी जेविं ॥ १७ ॥
 कां नाना अलंकारदसे । सोनें न लपतां आलें असे ।
 विश्व नोहौनि तैसें । विश्व जो धरी ॥ १८ ॥
 हें असो जल तरंगा । नाहिं सिनानेपण जेविं गा ।
 तेविं सत्ताप्रकाशु जगा । आपण चि जो ॥ १९ ॥
 आपुलेयां संकोचविकासा । आपण चि रूप वीरेशा ।
 हा जलिं चांदु हान जैसा । समूठ गा ॥ ५२० ॥
 तैसा विश्वपणें काहिं हेःए । नां विश्वलांवि कें हि जाए ।
 जैसा रातीदिहो नाहे । द्विधा रवि ॥ २१ ॥

तैसा काहिं चि कोणही कडे । काइसेन हि वेचिं न पडे ।

जेयाचें सांकडें । जेयासि चि ॥ २२ ॥

जो आपणपें चि आपणेयां । प्रकाशितुसे धनंजया ।

काइ बहु बोलों जेया । नाहिं दूजें ॥ २३ ॥

तो गा मीं निरुगाधिकु । क्षराक्षरोत्तमु एकु ।

हणौनु हणे वेदलोकु । पुरुषोत्तमु ॥ २४ ॥

यो मामेवमसंमूढो जानाति पुरुषोत्तमं ॥

स सर्वविद्भजति मां सर्वभावेन भारत ॥ १९ ॥

परि असो ऐसेया । मज पुरुषोत्तमातें धनंजया ।

जाणे जो पाहालेयां । ज्ञानमित्रें ॥ २५ ॥

चेडलेयां आपुलें ज्ञान । जैसें नाहिं चि होए स्वप्न ।

तैसें फुरतें जेया त्रिभुवन । वाॐ जालें ॥ २६ ॥

कां हातिं घेतली माला । फीटे सर्पाभासाचा कांटाळा ।

तैसें माझेन बोधें टवाला । नांगवे जो ॥ २७ ॥

लेणें सोनें चि जो जाणे । तो लेणेपण तें वाॐ हणें ।

तेविं जाणौनि जेणें । वालिला भेटु ॥ २८ ॥

मग सर्वत्र सच्चिदानंदु । मीं चि एकु स्वतःसिद्धु ।

जो आपणेनसिं भेटु । नेणौनि जाणे ॥ २९ ॥

तैसें चि सर्व जाणितलें । हें इं हणणें थेकुलें ।

जें तेया सर्व उरलें । द्वैत नाहिं ॥ ५३० ॥

हणौनि माझेया भजना । उचित तो चि अर्जुना ।

गगन जैसें आलंगना । गगनाचेया ॥ ३१ ॥

क्षीरसागरा परगुणें । किजे क्षीरसागरपणें ।

कां अमृत चि होउनि मिलणें । अमृतिं जेविं ॥ ३२ ॥

साडपन्हरां मिसलावें । तारि पन्हरें चि जेविं होआवें ।

तेविं मीं जालेयां संभवे । भक्ति माझी ॥ ३३ ॥

हांगा सिंधुसि आनी होंति । तरि गंगा कैसेन फिरे माघौती ।
 ह्यगौनि मी नोहतां भक्ति । अन्वयो आहे ॥ ३४ ॥
 ऐसेया लागि सर्वि प्रकारिं । जैसा कळोलु अनन्यु सागरिं ।
 तैसा मातें अवधारीं । भजिनला तो ॥ ३५ ॥
 सूर्या आणि प्रभे । एकवकै जेणें लोभें ।
 तो पाडु मानुं लाभे । भजना तेया ॥ ३६ ॥
 एवं कथिलेयादारभ्य । जें हें सर्वशास्त्रैकलभ्य ।
 उपनिषदां सोरभ्य । दशदलांचें ॥ ३७ ॥
 हें जें ब्रह्माचेनि नवनीतें । व्यासुप्रज्ञेचेनि हातें ।
 मथुनि काढिलें आइतें । सार आळिं ॥ ३८ ॥

इति गुह्यतमं शास्त्रमिदमुक्तं मयानघ ॥

एतद्बुद्धिमान्स्यात्कृतकृत्यश्च भारत ॥ २० ॥

जे ज्ञानामृताची ज्ञानहवी । जे आनंदचंद्रिची सतरावी ।
 विचारक्षीरार्णविची नवी । लक्ष्मी जे हे ॥ ३९ ॥
 ह्यगौनि आपुलेनि पदें वर्णें । अर्थाचेनि जीवें प्राणें ।
 मी वांचौनि होउं नेणें । आन काहिं ॥ ५४० ॥
 क्षराक्षरत्वे संमोहर जालें । तें पुरुषत्वे वालिलें ।
 मग मज सर्वस्व दीधलें । पुरुषोत्तमिं ॥ ४१ ॥
 ह्यगौनि जगिं गीता । मियां आत्मेन पतिव्रता ।
 जे हे प्रस्तुति आतां । तुवां आकर्णिली ॥ ४२ ॥
 साच चि बोलाचें नोहे शास्त्र । पै संसार जीणतें हें शस्त्र ।
 आत्मा अवतरवितें मंत्र । अक्षरें इयें ॥ ४३ ॥
 पारि तुज पुढां सांगितलें । तें अर्जुना ऐसें जालें ।
 गोप्य धन काढिलें । माझें आजि ॥ ४४ ॥
 मज चैतन्यशंभुचां माथां । जो निक्षेपु होता पार्था ।
 तेया गौतमु आलासि आस्था । निधि तुं गा ॥ ४५ ॥

चोखटिवां आपुलिया । पुढिला उगाणा घेयावेया ।
 तेया दर्पणाची परी धनंजया । केली आह्वां ॥ ४६ ॥
 कां भरलें चंद्रतारांगणिं । नभ सिंधु आपणेयां आणी ।
 तैसा गीतेसिं मीं अंतष्कराणिं । सूदलां तुवां ॥ ४७ ॥
 जें त्रिविधमलकटां । संडिलासि सूभटा ।
 ह्यणौनि गीतेसिं मज वसैठा । जालासि गा ॥ ४८ ॥
 परि हें काइ बोलें गीता । जे हे माझी उन्मेखलता ।
 जाणे तो समस्तां । मोहां मूके ॥ ४९ ॥
 सेविळी अमृतसरिता । रोगु दवडुनि पांडुसुता ।
 अमरपण उचिता । देउनि घली ॥ ५० ॥
 तैसी गीता हे जाणितलियां । काइ विस्मो मोहो जावेया ।
 परि आत्मज्ञानें आपणपेयां । गील्लिजे एथ ॥ ५१ ॥
 जेया आत्मज्ञानाचां ठांडं । कर्म आपुलेया जीविता पाई ।
 होउनियां उतराई । लया जाए ॥ ५२ ॥
 हारपलें दाउनि जैसा । मागु सरे वीरविलासा ।
 ज्ञानें कलसु वलवे तैसा । कर्मप्रासादा ॥ ५३ ॥
 ह्यणौनि ज्ञानियां पुरुखां । कृत्य करुं सरलें देखां ।
 ऐसा अनाथाचा सखा । बोलिला तो ॥ ५४ ॥
 तें श्रीकृष्णवदनामृत । पार्थु भरुनि असे उंसंडत ।
 तवं व्यासकृपा एंत । संजयासि ॥ ५५ ॥
 तो धृतराष्ट्र राया । सूत असे पान करावेया ।
 ह्यणौनि जीवितांतु तेया । नव्हे चि भारी ॥ ५६ ॥
 यन्हविं गीताश्रवणभवसरिं । आवडों लागतां अनधिकारी ।
 परि सेखिं ते चि उजिरी । पांति लाभली ॥ ५७ ॥
 जेधवां द्राक्षिं दूध घातलें । तेधवां वायां गेलें गमलें ।
 परि फळपार्किं दूणाबलें । देखिलें जेविं ॥ ५८ ॥

तैसिं हरिवक्रिचीं आखरें । संजयें सांघितळिं आदरें ।
 तिहिं अंधु तो अबसरें । सुखिया जाला ॥ ५९ ॥
 तें चि मन्हाटेनि विन्यासें । मियां उन्मेळें ठसें ठोमसें ।
 जाणों नेणों तैसें । निरोपिलें ॥ ५६० ॥
 सेवतिए अरसिकां हिं । आंग पांतां विशेषु नाहिं ।
 परि सौरभ्य नेळें तिहिं । भ्रमरिं जाणिजे ॥ ६१ ॥
 तैसें घड तें प्रमेय घेइजे । न्यून तें तें मज देइजे ।
 जें नेणणें हें साहाजें । रूप किं बाला ॥ ६२ ॥
 परि नेणतें जहिं होए । तहिं देखौनि बापु किं माए ।
 हरिखु कें हिं न माए । चोज करिति ॥ ६३ ॥
 तैसें संत माहिएर माझे । तुझि मीनलेयां मीं लाडैजे ।
 तें चि प्रंधाचेनि व्याजें । जाणिजो जी ॥ ६४ ॥
 आतां विश्वात्मकु माझा । स्वामी श्रीनिवृत्तिराजा ।
 तो अवधारु वाक्यपूजा । ज्ञानदेउ हणगे ॥ ६५ ॥

इति श्रीमद्भगवद्गीतासूपनिषत्सु ब्रह्मविद्यायां योगशास्त्रे

श्रीकृष्णार्जुनसंवादे पुरुषोत्तमयोगो

नाम पंचदशोऽध्यायः ।

॥ श्रीकृष्णार्पणमस्तु ॥



ज्ञानेश्वरी

अध्याय सोळावा

श्रीकृष्णाय नमः ॥

मावळवितु विश्वाभासु । उवल उदैजेला चंडांशु ।
अद्वयाअब्जिनीविकाशु । वंदूं आतां ॥ १ ॥
जो अविद्ये राती रुसौनियां । गिळी ज्ञानअज्ञानाचिया चांदणियां ।
जो सुदीनु करी ज्ञानियां । स्वब्रोधाचा ॥ २ ॥
जेणें विवळतिये सवले । लाहूनि आत्मज्ञानाचे डोले ।
सांडीति देहअहंतेचें आविंसारें । जीवपक्षी ॥ ३ ॥
लिंगदेहकमलाचां । पोटीं वेचतेया चिद्धमराचां ।
बंदि मोक्षु जेयाचां । उदैला होये ॥ ४ ॥
शब्दाचिया अशंकडी । भेदनदिचां दोहीं थडीं ।
अरडांतें विरहवेडी । बुद्धि बोधीं ॥ ५ ॥
तें याचकाचें मिथुन । समरस्याचें समाधान ।
भोगवि जो चिद्गन । भवनदिवा ॥ ६ ॥
जेणें पहालेनि पाहाटे । भेदाची चोखेल फीटे ।
रीगति आत्मानुभववाटे । पंथिक योगी ॥ ७ ॥
जेयाचेनि विवेककिरणसंगें । उन्मेखसूर्यकांत—स्फुर्लिंगें ।
दीपळे ज्वाळीति दांगें । संसाराची ॥ ८ ॥

जेयाचा रश्मिपुंजु निबरु ॥ होंतां स्वस्वरूपउबारीं स्थीर ।
 ये महासिद्धिचा पूरु । मृगजलाचा ॥ ९ ॥
 जो प्रत्यग्बोधाचेया माथेया । सोहंतेचां मध्यान्हीं आलेयां ।
 लपे आत्मभ्रांतिछाया । आपणपां चि ॥ १० ॥
 तेव्हलिं विश्वस्वप्ने सहितें । कोण अन्यथामतिनिदेतें ।
 सांमालिं नुरे चि जेथें । मायाराति ॥ ११ ॥
 ह्यणौनि अद्वयबोधपाटणीं । महानंदाचिया दाटणीं ।
 मग मुखानुभौ तिहिं घेणीं । मंदवों लागे ॥ १२ ॥
 किंबहुना ऐसैसैं । मुक्तातें कैवल्यसुदिसैं ।
 सदा लालिजे कां प्रकाशें । जेयाचेनि ॥ १३ ॥
 जो निजधामव्योमिचा राउ ॥ उदैला चि उदैजतखेउ ॥
 फेडी पूर्वादिदिशांचा ठावो । उदोअस्तूंचा ॥ १४ ॥
 न दिसणें दीसणेनासिं मावलवी । दोहों झांकलें सैघ पघलवी ।
 काइ बोलें आववी । उखा चि ते आनी ॥ १५ ॥
 तो अहोरात्राचा पैलकडु । कोणें देखावा ज्ञानमार्तडु ।
 प्रकास्यें विण सुरवाडु । प्रकाशाचा ॥ १६ ॥
 तेया चित्सूर्या श्रीनिवृत्ती । आतां नमो चि ह्यणें पुडुतीं ।
 जो बाधकां येइजताहे स्तुती । बोलाचिया ॥ १७ ॥
 वेदांचें मान पाउनियां । स्तुती तरि एइजे चांगावेया ।
 जरि स्तव्यबुद्धिसिं लया । जायिजे कां ॥ १८ ॥
 जो सर्ष नेणिषां जाणिजे । मौनाचिया मिठिया वर्णिजे ।
 काहिं चि नोहुनि आणिजे । आपणेयां जो ॥ १९ ॥
 जेया तुक्षेया उदेशा साठिं । पश्यंती मध्यमापोटीं ।
 सूनु परेसीं हीं पाठीं । वैखरी विरे ॥ २० ॥
 तेया तूतें मीं सेवकपणें । लेवत्रिं बोलिकेयां स्तोत्रांचें लेणें ।
 हें उपसाहावें हीं ह्यणतां उणें । अद्वयानंदा ॥ २१ ॥

परि रंके अमृतसागर । देखिलेयां पडे उचिताचा विसर ।
 मग करुं धांवे पाहुणेरु । शाकांचा तेया ॥ २२ ॥
 तेथ शाकु किरु बहुतु लगाना । तेयाचा हर्षवेगू चि तो वेयावा ।
 उजळ्द दिव्वतेजा हाथैवा । ते भक्ति पावी ॥ २३ ॥
 बाला उचित जाणणें होये । तरि बालपण चि कें आहे ।
 परि साच चि एरि माए । लग्णौनि तोषे ॥ २४ ॥
 हां गा गावरसेया भरलें । पाणी पाये दंत वरि आलें ।
 तें गंगा काइ देखिलें । आनी दीठी ॥ २५ ॥
 जी चांगु कैसा अपकारु । किं तो मानुनि प्रियउपकारु ।
 तोषे चि ना सारंगधरु । पूतनेसि ॥ २६ ॥
 कां आंधारेनि खतैलें अंबर । जालेयां दिवसनाथा समोर ।
 तेणें तें परतें सर । ह्यणितलें कायी ॥ २७ ॥
 तेथि भेदबुद्धिचिये तुलें । घालूनि सूर्यश्लेषाचें कांटाळें ।
 तुकिलासि तें अल्लें । पुरें करीं जी ॥ २८ ॥
 जिहीं ध्यानाचां डोलां पाहिलासि । वेदादिवाचा वानिलासि ।
 जें उपसाहिलें तेयांसि । तें आह्वां करीं ॥ २९ ॥
 परि आजि मीं तूझा गुणीं । लांचवलां अपराधु न गणीं ।
 भलेतें करीं आधधणी । नूठें कदा ॥ ३० ॥
 मियां गीता येणें नावें । तूझे यश हें अमृत सुहावें ।
 वानुं लाधलेति तें दूणेनि धावें । दैवलदैवं ॥ ३१ ॥
 माक्षिया सत्यवाचा तप । केलें बहुत कल्प ।
 तेया फलाचें हें महाद्वीप । पातली प्रभू ॥ ३२ ॥
 पुण्यें पोसिलिं असाधारणें । तियें तुझे गुण वानणें ।
 देउनि मज उरिणें । जालिं आजि ॥ ३३ ॥
 जी जीविताचां आडवीं । आंतुडलेयां मरणगावीं ।
 ते अवदशा चि आघवीं । फीटली हे ॥ ३४ ॥



भाषार्थदीपिका

जे गीतापणें नावणिगी । जे अविद्या जीणौनि दादुगी ।
ते कीर्ति तूझी आत्मां जोगी । वानावेया जाली ॥ ३५ ॥
पै निर्धनां घरीं वानवसें । महालक्ष्मी एउनि बैसे ।
तेया ही वरतें निर्द्धन ऐसें । झणों ए कायि ॥ ३६ ॥
अंधकाराचेया ठाया । दैवें सूर्यो आलेयां ।
तें आंधारु चि जगा येया । प्रकाशु नोहे ॥ ३७ ॥
जेया देवाची पाहातां थोरी । विश्व परमाणु हिं दशा न थरी ।
तो भक्ताचेया सरोभरी । नव्हे चि कायि ॥ ३८ ॥
तैसें मीं गीता वाखाणीं । ये खपुष्पाची किर तुरंबणी ।
परि समर्थे तुवां सिरियाणीं । फेडिली ते ॥ ३९ ॥
झणौनि तूझेनि प्रसादें । मी गीता पद्ये अगाधें ।
निरोपीन जी विशदें । ज्ञानदेउ झणे ॥ ४० ॥
तरि अध्यायिं पन्हरावां । श्रीकृष्णें तेया पांडवा ।
शास्त्रसिद्धांतु आघवा । उगाणिला ॥ ४१ ॥
जे बृक्षरूप परिभाषा । केलें उपाधिरूप अशेषा ।
सद्वैद्ये जैसें दोषां । आंगलीनां ॥ ४२ ॥
आणि कूटस्थु जो अक्षरु । दाविला पुरुषाकारु ।
तेणें उपहिता ही आकारु । चैतन्या केला ॥ ४३ ॥
पाठिं उत्तमु पुरुषु । शब्दाचें करुनि मीष ।
दाविलें चोख । आत्मतत्त्वीं ॥ ४४ ॥
आत्मविषयीं आंतुवट । साधम गा आंगदट ।
ज्ञान होये हें इं स्पष्ट । चावललां ॥ ४५ ॥
झणौनि ये अध्याइं । निरूप्य नुरे चि काहीं ।
आतां गुरुशिष्यां दोहीं । स्नेहो लाहाणां ॥ ४६ ॥
एवं ये विशिं किर । तेयातें बुझाविलें अपार ।
परि मुमुक्ष इतर । साकांक्ष जाले ॥ ४७ ॥

जे मज पुरुषोत्तमा । ज्ञानें भेटे सुवर्मा ।
 तो सर्वज्ञ ते चि सीमा । भक्तिची ही ॥ ४८ ॥
 ऐसें जें त्रैलोक्यनायकें । बोलिलें अध्यायांतश्लोकें ।
 तेथ ज्ञान चि बहू येकें । तोषें वानिलें ॥ ४९ ॥
 भरुनु प्रपंचा घोंटु । कीजे देखतां चि देखतेया द्रष्टु ।
 आनंदसाम्राज्यां पाटु । बांधिजे जीवा ॥ ५० ॥
 एबढेया लाभाचा उपावो । आनु नाहिं चि झणे देउ ॥
 सम्यग्ज्ञाना हो राउ ॥ उपाया पुढुर्ती ॥ ५१ ॥
 ऐसे आत्मजिज्ञास जे होते । तोखलेनि चित्तें ।
 आदरें तेया ज्ञानातें । बोवालिळें जीवें ॥ ५२ ॥
 आतां आवडि जेथ पडे । तेयाची अवसरी पुढें पुढें ।
 रिगो लागे हें घडे । प्रेम ऐसें ॥ ५३ ॥
 झणौनि जिज्ञासुचां पैकीं । ज्ञानीं प्रीति होये नां जवं नीती ।
 तवं योगक्षेमु ज्ञानविधिं । स्फुरला चि ॥ ५४ ॥
 झणौनि तें चि सम्यग्ज्ञान । कैसेनि होये स्वाधीन ।
 जालेयां वाडजतन । केवि निफजे ॥ ५५ ॥
 कां उपजों चि जेणें न लाहे । जें उत्पन्न हीं अन्हांटा सुये ।
 तें ज्ञान काइ बोखटें आहे । हें जाणावें ॥ ५६ ॥
 मग जाणों तेयाचें वीरुं । तेया ही वाटवाहाणी विचारुं ।
 ज्ञाना हित तें चि करुं । सर्वभावें ॥ ५७ ॥
 ऐसा जिज्ञासु तुझीं समस्तीं । भावो जो धरिला असे चित्तीं ।
 तो पुरवावेया लक्ष्मीपती । बोलिजैल ॥ ५८ ॥
 ज्ञानासि पुनर्जन्म जोडे । आपुली विश्रांति ही वरि वाढे ।
 जिया संपत्ती तें पवाडे । सांचैल दैवी ॥ ५९ ॥
 साहाजें इष्टानिष्टकरणीं । दोषी चि या कवतिकिणीं ।
 हे नवमाध्यायीं उद्याणीं । केली होती ॥ ६० ॥

श्रीभगवानुवाच ॥

अभयं सत्त्वसंशुद्धिर्ज्ञानयोगव्यवस्थितिः॥

दानं दमश्च यज्ञश्च स्वाध्यायस्तप आर्जवम् ॥ १ ॥

तेथ साउमा घेआवा उवावो । तवं मांडला आनु प्रस्ता३० ।

तरि त्या प्रसंगें देवो । निरोपितसे ॥ ६१ ॥

तेया निरोपणाचेनि नावें । अध्यायपद सोलावें ।

लावणीं पाहातां जाणावें । मागिला वरि ॥ ६२ ॥

तरि हें असो प्रस्तुतीं । ज्ञानाचां हिताहितीं ।

समर्था या संपत्ती । दोन्हीं गा ॥ ६३ ॥

जे जे मुमुक्षां मार्ग बोलावी । मोहोरात्रिची धर्मदेवी ।

ते आदि तवं दैवी । संपत्ति आइक ॥ ६४ ॥

एथ एकु एकातें पोखी । ऐसे बहुत पदार्थ एकिं ।

संपजति ते लोकीं । संपत्ति ह्यणिपे ॥ ६५ ॥

दैव—सुखसंभवी । येथ दैवगुण—येकोपजीवी ।

जाली ह्यणौनि जाण दैवी । संपत्ति हे ॥ ६६ ॥

आतां तेया चि दैवगुणां । माक्षि धूरेचा बैसणां ।

बैसे तो आकर्णा । अभय ऐसे ॥ ६७ ॥

तरि न घळुनि महापुरीं । नेघपे बुडणेयांची सियारी ।

रोगु न गणिजे धारिं । पथ्याचिया ॥ ६८ ॥

तैसा कर्माभकर्माचेया मोहरा । उठूं नेंदूनि अहंकारा ।

संसाराचा दरारा । सांडणें कां ॥ ६९ ॥

अथवा अव्ययभावनेचेनि पैसैं । दूजें मानुनु आत्मा ऐसैं ।

भववार्त्ता देशें दिसैं । दवडणें जें ॥ ७० ॥

पाणी बुडळं ये मीठातें । तवं मीठ चि पाणी आते ।

तेवि आपण जालेनि द्वैतें । नासे मय ॥ ७१ ॥

आगा अभय येणें नावें । बोटिजे तें हें जाणावें ।
 सम्यग्ज्ञानाचें आवर्षे । भावणें हें ॥ ७२ ॥
 आतां सत्वशुद्धि क्षणिजे । ते पै ऐसी जाणिजे ।
 तरि जले ना विज्ञे । वन्हि जैसा ॥ ७३ ॥
 कां पाडिवां वाढि न मगे । अवंसा तूटि सांडूनि मागे ।
 माक्षि हरिणु चंद्र आंगें । जैसा राहे ॥ ७४ ॥
 ना तरि वार्षिया सांडिली । ग्रीष्में नाहिं मांडिली ।
 ते नदी जैती निवडली । निजरूपें ॥ ७५ ॥
 तैसी संकल्पविकल्पाची वोढी । सांडूनि रजतमाची कावडी ।
 भोगीणि निजधामाची आवडि । बुद्धि उरे ॥ ७६ ॥
 इंद्रियवर्गे दाखविलेयां । विरुद्धा अथवा भलेया ।
 विस्मो काहिं केलेयां । नुठी चित्ती ॥ ७७ ॥
 गावां गेलेयां वल्लुभु । पतिव्रतेचा विरहक्षोभु ।
 भलेतैसा हानिलाभु । न मनी जेवि ॥ ७८ ॥
 तेवि स्वरूप रुचलेपणें । बुद्धि जे ऐसें होणें ।
 ते सत्वशुद्धि क्षणे । कंसहंता ॥ ७९ ॥
 आतां आत्मलाभविधिं । ज्ञानयोगा माक्षि येकीं ।
 जे आपुलिया टाकी । हांवे भरे ॥ ८० ॥
 तेथ सगलिये चित्तवृत्ती । त्यागु करणें या रीती ।
 निष्कामीं कां पूर्णाहुति । हुतार्शीं जैसी ॥ ८१ ॥
 कां सकुळिनें आपुली । आत्मजा कुळिची दीधली ।
 हे असो लक्ष्मी राहिली । मुकुंदि जेवि ॥ ८२ ॥
 तैसे नविकलेपणें । संयमाग्नीचा वृत्तिकां होणें ।
 तो तीजा गुणु क्षणे । कृष्णनाथु ॥ ८३ ॥
 आतां देहें वाचा चित्तें । यथासंपन्नं वित्तें ।
 परि जालेयां आर्चातें । न वंचणें जें कां ॥ ८४ ॥

फूलीं फलीं छाया । मूलीं पत्रीं हीं धनंजया ।
 बाटेचा न वंचे आलेयां । रुंखु जैसा ॥ ८५ ॥
 तैसें मानौनि धन वेन्हीं । विद्यमानें आपुलां अवसरीं ।
 श्रंताचेया मनोहारी । उपेगा जाए ॥ ८६ ॥
 तेया नावें जाण दान । जें मोक्षनिधानिचें अंजन ।
 हें असो आइक चिन्ह । दमाचें जें ॥ ८७ ॥
 तरि विषयां इंद्रियांचे मिलणीं । जो उदैजत सुये विमुटणी ।
 तोडिजे खडुपाणी । पारकेयां ॥ ८८ ॥
 तैसा त्रिषयजाताचा वारा । वाजों नेंदीं इंद्रियां द्वारां ।
 यमें बांधौनि प्रत्याहारा । वोपिजति ॥ ८९ ॥
 आंतुला चित्ताचें आंग वेन्हीं । प्रवृत्ति पलौनि माघारी ।
 आगि सुइजे दाहें द्वारीं । वैराग्याची ॥ ९० ॥
 श्वासोश्वासा होउनि बहुवसें । कृच्छ्रदि व्रतें खरपुसें ।
 उसांतितां रातिदिवसें । नाराणुक जें ॥ ९१ ॥
 पै दमु ऐसें ह्मणिपे । तो हा जाण स्वरूपें ।
 यज्ञार्थु ही संक्षेपें । सांघों आतां ॥ ९२ ॥
 तरि ब्राह्मण करुनि घूरे । छियादिक पैली मेरे ।
 माझारि अधिकारें । आपुलालेनि ॥ ९३ ॥
 जेया जें सर्वोत्तम । भजनीय देवताधाम ।
 तें तेणें यथागम— । विधी यजिजे ॥ ९४ ॥
 जैसे द्विजु षट्कर्म करी । शूद्र तेयातें नमस्कारी ।
 किं दोषां सरोभरी । निःकजे यागु ॥ ९५ ॥
 तैसें अधिकारपर्यालोचें । हें यज्ञकरणें सर्वांचें ।
 विषयमूल आशेचें । नेघपे माजि ॥ ९६ ॥
 आणि मी करिता हा भावो । नेंदिजे देहाचेनि द्वारें जाओं ।
 नां वेदाज्ञेसि बरि ठावो । होइजे स्वयं ॥ ९७ ॥

अर्जुना एवंसंज्ञ । सर्वत्र जाण यज्ञ ।
 कैवल्यमार्गिचा अभियज्ञ । सांघति हा ॥ ९८ ॥
 आतां चेंडुवें भुइं हाणिजे । हें नोहे तो हाता आणिजे ।
 कां सेतीं बीं विखुरिजे । परि पीकीं लक्ष ॥ ९२ ॥
 ना तरि ठेविलें देखावेया । आदरु कांजे दीवेया ।
 कां शाखा फलावेया । सिंपिजे मूल ॥ १०० ॥
 हें असो बहू आरिसा । आपणपेयां दिसावेया जैसा ।
 पुडुतीं पुडुतीं बहुवसा । प्रीती पाहिजे ॥ १ ॥
 तैसा प्रतिपाद्यु जो ईश्वरु । तो होआवेया लागि गोचरु ।
 श्रुतींचा निरंतरु । अभ्यासु करणें ॥ २ ॥
 तेवि द्विजांसि ब्रह्मसूत्र । येरां स्तोत्र कां नाममंत्र ।
 आवर्त्तवणें पवित्र । पावेया तत्व ॥ ३ ॥
 पार्था गा स्वाध्यायो । बोलिजे तो हा ह्मणे देवो ।
 तपशद्धा अभिप्रावो । आइक सांघो ॥ ४ ॥
 ज्ञानें सर्वस्व जाणे । परि रक्षणें मरणा येणें ।
 कां फलौनि शुष्कां होणें । ओषधींचे ॥ ५ ॥
 नाना धूपाचा अभिप्रवेशु । कनका तूका तूकाचा नाशु ।
 पितृपक्षु पोखतां भ्रंशु । चंद्रा जैसा ॥ ६ ॥
 तैसे सर्वधर्माचेया प्रसरा । लागि प्राणें हीं या शरीरा ।
 आटणी करणें जें वीरा । तें चि तप ॥ ७ ॥
 अथवा अनारिसें । तपाचें रूप असे ।
 तरि सूदली दूर्धी हंसें । चांचु जैसी ॥ ८ ॥
 तैसे देहजीवाचिये मिलणीं । जो उदैजत सुवे पाणीं ।
 तो विवेकु अंतष्करणीं । जागविजे ॥ ९ ॥
 पांतां आत्मेया कडे । परबुद्धिचा पैऩु सांकडे ।
 सनिद्रा स्वप्न बुडे । जागणां जैसैं ॥ ११० ॥

तैसां आत्मपर्यालोचु । प्रवर्से तो साचु ।

तपाचा निर्वचु । धनुर्द्धरा ॥ ११ ॥

आतां बालाचां हि चित्तिं स्तन्य । जैसे नाना दृष्टिचां चैतन्य ।

तैसे प्राणिमात्रीं सौजन्य । आर्जव तें ॥ १२ ॥

अहिंसा सत्यमक्रोधस्त्यागः शान्तिरप्यशुभम् ॥

दया भूतेष्वलोलुप्त्वं मार्दवं न्हीरत्वापलम् ॥ २ ॥

आणि जगाचेया सुखा चि दोसें । शरीरें वाचा मानसें ।

राहाटणें तें अहिंसे । रूप जाण ॥ १३ ॥

आतां चोख होउनि मौवाळ । जैसे जातिचें मुकुळ ।

कां तेज परि शीतल । शशांकाचें ॥ १४ ॥

शके दाविलें चि रोगु फेडूं । आणि जीभे तरि नव्हे कडू ।

तें बोषध नाहिं पाडु । उपमां केवि ॥ १५ ॥

तन्हीं मौपणें बुबुलें । झगटितां हीं परि नाडले ।

यन्हविं फोडी करालें । पाणी जैसें ॥ १६ ॥

तैसें तोडावेया संदेह । तीख जैसें काल लोह ।

स्नाव्यत्वे तरि माधुर्य । पाहिं घाली ॥ १७ ॥

आधिको ठांतां क्वतिकें । कानातें करी मूकें ।

ना साचारैवें मीखें । ब्रह्मा हीं भेदी ॥ १८ ॥

किंबहुना प्रियपणें । कोणहातें हिं झांकउं नेणे ।

यथार्थु तन्हीं खुपणें । नाहिं कव्हणां ॥ १९ ॥

यन्हविं गोरी किर गायन गोड । परि साचाचां पाखालीं कीड ।

आगिचें करणें उघड । परि जळो तें साच ॥ २० ॥

कां जीभे लगतां महुर । अर्थे विभांडी जिन्हार ।

ते वाचा नव्हति सुंदर । लावां चि कां तिया ॥ २१ ॥

परि अहितिं कोपौनि सोफ । लालनीं मौ जैसें पुष्प ।

तिये मातेचें स्वरूप । जैसें होये ॥ २२ ॥

जैसे श्रवणसुख चतुर । परिणामौनि साचार ।
 बोलणें अविचार । सत्य यथें ॥ २३ ॥
 आतां लाविलेयां हिं पाणीं । जैसा पाखाणु नेवे आणी ।
 कां मथिलेयां हिं लोणीं । कांजी नेंदी ॥ २४ ॥
 त्वचा पाये चीरी । आलेयां हिं फडे न करी ।
 सेवते हीयारी । नोहंति फुलें ॥ २५ ॥
 नाना रंभेचेनि हिं रूपें । शुक्तिं नुठिजे चि कंदपें ।
 कां भस्मीं बन्हि नाटोपे । घृतें हिं जेवि ॥ २६ ॥
 तेवि कुमारु क्रोधु भरे । तैसेयां मंत्रांचि बीजाक्षरें ।
 तियें निमित्यें हीं अपारें । मीनलेयां ॥ २७ ॥
 परि धाता ही पायां पडतां । नूठी गतायु पांडुसुता ।
 तैसा नुपजे उपजवितां । क्रोधोर्मि तो ॥ २८ ॥
 अक्रोधत्व ऐसें । नावं तिये दशे ।
 ऐसें श्रीनिवासें । ह्यणितलें तेथ ॥ २९ ॥
 आतां मृत्तिकाल्यागें घटु । तंतुत्यागें पटु ।
 त्यजिजे जेवि वटु । बीजत्यागें ॥ १३० ॥
 कां त्यजूनि भीतिमात्र । त्यजिजे आघवें चित्र ।
 निजत्यागें विचित्र । स्वप्नजाल तें ॥ ३१ ॥
 नाना जलत्यागें तरंग । वरिपात्यागें मेघ ।
 त्यजिजति जेवि भोग । दानत्यागें ॥ ३२ ॥
 तेवि बुद्धिमंतीं देहीं । अहंता सांडौनि पाहीं ।
 सांडिजे अशेष ही । संसारजात ॥ ३३ ॥
 तेया नावं त्यागु । ह्यणे तो यज्ञांगु ।
 हें मानुनि सुभगु । पार्थु पूसे ॥ ३४ ॥
 आतां शांतिचें जी लिंग । व्यक्त मज सांघ ।
 देवो ह्यणति चांग । अवधान दे ॥ ३५ ॥

तरि गीलूनि ज्ञेयार्ते । ज्ञान ज्ञाता चि माघौते ।
 हारपे तें निरुते । शांति पै गा ॥ ३६ ॥
 जैसा प्रलयांबुचा उभडु । बुडल्लनि विश्वाचा पवाडु ।
 हें आपणपां निवाडु । आपणपां चि ॥ ३७ ॥
 मग उगडं बोध सिंधू । हा नुरे व्यवहारभेदु ।
 पारि जलवाच्यबोधु । तो ही कैचा ॥ ३८ ॥
 तैसी ज्ञेया देतां मीठी । ज्ञातृत्व पडे पुटीं ।
 मग उरे तें चि किरीटी । शांति पुडुतीं ॥ ३९ ॥
 आतां कदर्थत व्याधी । बलीकरणेयांचिया आधी ।
 आपु पर न शोधी । सदैवु जैसा ॥ १४० ॥
 कां चिखलीं रुपली गाए । घड भाखड न पाहे ।
 जो तियेचिया ग्लानीं होये । कालाबुला ॥ ४१ ॥
 नाना बुडतेयार्ते सकरुणु । न पुसे उत्तमहीनु ।
 काढी राखे प्राणु । हें चि जाणे ॥ ४२ ॥
 पै माहेवणी निदैवें । उघडी केली विपायें ।
 ते सलज्जु न पाहे । न पांशुरवितां ॥ ४३ ॥
 तैसें अज्ञानप्रमदादिकिं । कां प्राक्तनीं हीं सदोषीं ।
 निंदित्वाचा साविखिं । देखिलें जें ॥ ४४ ॥
 तेया अंगिक आपुलें । देउनियां भलें ।
 विसरविजति सलें । सलतीं तियें ॥ ४५ ॥
 आगा पुढिलाचा दोखु । करुनि आपुलिया दीठी चोखु ।
 मग घेपे अवलोकु । तेया वरि ॥ ४६ ॥
 जैसा पुजुनि देऊ पाहिजे । पेरुनि सेता जाइजे ।
 तोखौनि आशिर्वादु घइजे । अतिथिचा ॥ ४७ ॥
 तैसें आपुलेनि गुणें । पुढिलाचें उणें ।
 फेडूनियां पाहाणें । तेया कडे ॥ ४८ ॥

बांचूनि न विधिजे वर्मी । नांतुडविजे कर्मी ।
 न बोलाविजे नामी । सदोषिं तिहिं ॥ ४९ ॥
 वरि कोण्हें येकें उपायें । पडिलें उमें होये ।
 तें चि कीजे घाये । न घलावें वर्मी ॥ १५० ॥
 पै उत्तमाचिया साठीं । पावलेयां तें किरीटी ।
 देतां जाइं दीटी । दोष्टु न घेपे ॥ ५१ ॥
 आगा अपैशून्याचें लक्षण । अर्जुना हें फुडें जाण ।
 मोक्षा यंतें सोखासन । मुख्य हें गा ॥ ५२ ॥
 आतां तेया शशी । अर्जुना जाण आपैसी ।
 निवडितां न कडसी । सानेंथोरें ॥ ५३ ॥
 तैसें दुःखिताचें सीणणें । हिरतां सकणवपणें ।
 उत्तमाधम नेणें । विवंचूं गा ॥ ५४ ॥
 पैं सर्व जीवना सारिखें । वस्तु आंगें वर उपखे ।
 परि जांतें जीवित राखे । तृणाचें हिं ॥ ५५ ॥
 तैसें पुढिलाचेनि तापें । कलवलैलिये कृपे ।
 दीधलें हिं आपणपें । थोडें चि गमे ॥ ५६ ॥
 निम्न भरलेयां उणें । तें पाणीं ढळें चि नेणे ।
 तेवि अनतोखौनि जाणे । सामोरे यां ॥ ५७ ॥
 पैं पाइं कांटा निहटे । तव व्यथा जीविं उमटे ।
 तैसा पोले संकष्टें । पुढिलाचेनि ॥ ५८ ॥
 कां पावो सीतल लाहे । किं तें डोलेयां चि लागि होये ।
 तैसा परसुखें जाये । सुखावतु ॥ ५९ ॥
 किंबहुना आर्त्ता चि लागि । पाणीं आराइलें असे जर्गी ।
 तैसें दुःखिताचां भार्गी । जीणें जेयाचें ॥ १६० ॥
 तो पुरुष्टु बीरराया । मूर्त्त जाण दया ।
 मीं उदैजत तेया । रिणियां कीजे ॥ ६१ ॥

आतां सूर्यासि जीवें । अनुसरलीं राजिवें ।
 परि तो ल्यें न सिवे । सौरभ्य जैसें ॥ ६२ ॥
 कां वसंताचिया वाहाणी । आलेयां वना अक्षौणी ।
 न करीतु घेणीं । निगाला तो ॥ ६३ ॥
 हें असो महासिद्धिसिं । लक्ष्मी आलेयां पासिं ।
 परि महाविष्णु जैसी । गणी चि ना ॥ ६४ ॥
 तैसें इहिक कां स्वर्गिचे । भोग पाइक आलेयां इळेचे ।
 परि भोगावें हें न रुचे । मना माजि ॥ ६५ ॥
 ब्रह्मवे काइ कवतिकिं । जीउ नोहे विषयविषिं ।
 अलौल्य सदा ठाउकी । जाण ते हे ॥ ६६ ॥
 आतां जैसें कां मौवाल । जलचरांसि जल ।
 कां पक्षांसि अंतराल । मोकलें हें ॥ ६७ ॥
 नातरि बालका दोसें । मातेचें स्नेह जैसें ।
 कां वसंतिचा स्पर्श । मारुतु मौ ॥ ६८ ॥
 डोलेयां प्रियाचिये भेटी । पीलेयां कूर्माची दीठी ।
 तैसी भूतमात्रि राहाटी । मौवाल ते ॥ ६९ ॥
 स्परिसें अतिमृदु । मुखिं घातलेयां स्वादु ।
 घ्राणासि सुगंधु । उजळु आंगें ॥ १७० ॥
 तो आवडे तवं घेतां । विरुद्ध जरि नन्हंता ।
 तरि उपमे येता । कापुरु किर ॥ ७१ ॥
 परि महाभूतें पोटीं वाहे । आणि परमाणू माजि माए ।
 तेया विश्वानुसार होये । गगना ऐसा ॥ ७२ ॥
 कायि सांघों ऐसें जीणें । जें जगाचें चि जीवें प्राणें ।
 तेया नावं हणें । मार्दव मी ॥ ७३ ॥
 आतां पराजयें राजा । जैसा कदर्थिजे लाजा ।
 कां मानिया निस्तेजा । निकृष्टा तव ॥ ७४ ॥

नाना चांडाल स्त्रीमदिरोसिं । आलेयां संन्यास्या पासि ।
 मग लाज जैसी । उत्तमां तेया ॥ ७५ ॥
 क्षत्रिया पलौनि जीणें । तें कोण साहे लाजीरवाणें ।
 कां वैधव्यें वेळु नेणे । महासती जैसी ॥ ७६ ॥
 रूपसा उदैलें कुष्ट । संभाविता कूटिचें बोट ।
 तेया लाजा प्राणसंकट । होये जैसें ॥ ७७ ॥
 तैसें आउठहातेपणें । हें शव होउनि जीणें ।
 उपजों उपजों मरणें । नावां नावां ॥ ७८ ॥
 तिये गर्भमेदमूसे । रक्तमूत्ररसे ।
 वोतिवां होउनि तैसें । लाजणें जें ॥ ७९ ॥
 बहू असो देहपणें । नावां रूपासि येणें ।
 नाहिं लाजीरवाणें । या ही हुनु ॥ १८० ॥
 ऐसीया इया अवकला । घेपे शरीराचा कांटाला ।
 ते लाज पै गा निर्मला । निसुगै एरि ॥ ८१ ॥
 आतां सूत्रतंतु तूटलेयां । चळ चि ठाके साइखेडेया ।
 कां प्राणु गेलेया कर्मइंद्रियां । खुंटे गति ॥ ८२ ॥
 किं मावललेयां दिनकरु । सरे किरणाचा पसरु ।
 तैसा मनोजयें प्रचारु । बुद्धिइंद्रियां ॥ ८३ ॥
 एवं मनपवननियमें । होंति दाही इंद्रियें अक्षमें ।
 तें अचापल्यधमें । येणें जाणें ॥ ८४ ॥

तेजः क्षमा धृतिः शौचमद्रोहो नातिमानिता ॥

भवंति संपदं दैवीमभिजातस्य भारत ॥ ३ ॥

वोखटें मरणाऐसें । तें हिं आलें अग्निप्रवेशें ।
 परि प्राणेश्वरा दोसें । न गणी सती ॥ ८५ ॥
 तैसी आत्मनाथाचिया आधी । लालनि विषयविषाचां बांधि ।
 धावों आवडे पाणधी । शून्याचिया ॥ ८६ ॥

न टके निषेधु आड । न पडे विधिची भीड ।
 नुपजे जिविं कोड । महासिद्धिचें ॥ ८७ ॥
 ऐसें ईश्वरा कडे निज । धावे आपैसेया साहाज ।
 तेया नावं गा तेज । आध्यात्मिक तें ॥ ८८ ॥
 आतां सर्वें साहांतिया गरिमा । गर्वा नैये चि ते क्षमा ।
 जैसें देह वाहूनि रोमा । वाहणें नेणे ॥ ८९ ॥
 आणि मातलेयां इंद्रियांचे वेग । कां प्राचीने खवलले रोग ।
 अथवा योगवियोग । प्रियाअप्रियाचे ॥ ९० ॥
 यां आघवेयांचा चि थोरु । एकें वेलें आलेयां पूरु ।
 अगस्ति होउनि कां धीरु । उभा ठाके ॥ ९१ ॥
 आकासीं धूमाची रेखा । उठिली बहुवा आगलिका ।
 ते गीली जेवि झुलुका । वारैयाचिया ॥ ९२ ॥
 तैसें अधिभूतां आधिदैवां । अध्यात्मकीं उपद्रवां ।
 पातलेयां ते पांडवा । पीउनि घाली ॥ ९३ ॥
 आतां निर्वाळुनि कनकें । भरिला गंगापीयूखें ।
 तेया कलशाचें सारिखें । शौचासि गा ॥ ९४ ॥
 जें आंगिं निष्कामु आचारु । जीविं विवेकु साचारु ।
 सबाह्य जाण आकारु । शुचित्वाचा ॥ ९५ ॥
 जैसें चित्तक्षोभाचां अवसरीं । उचळुनि धैर्या चांगावें करी ।
 धृति ह्याणिपे अवधारीं । तेयातें गा ॥ ९६ ॥
 फेडीति पापें ताप । पोसीति क्षितीचे पादप ।
 समुद्रा जाये आप । गांगेय जैसें ॥ ९७ ॥
 जगाचें आंध्य फेडितु । श्रियेचिं राउलें उघडितु ।
 निगे जैसा भास्वतु । प्रदक्षिणे ॥ ९८ ॥
 तैसिं बांधलिं सोडितां । बुडालीं कडितां ।
 सांकडी फेडितां । आर्त्ताचिया ॥ ९९ ॥

किंबहुना दिवसें राती । पुढिलाचें चि सुख उन्नती ।
 आणितआणितां स्वार्थी । प्रवेशिजे ॥ २०० ॥
 वांचौनि आपुलेया काजा लागि । प्राणिजाताचां हितभागी ।
 संकल्पाची ही आडवंगी । न करणें जें ॥ १ ॥
 पै अद्रोहत्व ऐसिया गोठी । आइकसि जिया किरीटी ।
 तें सांघितलें हें दीठी । पाहों ए तैसें ॥ २ ॥
 आणि गंगा शंभूचां माथां । संकोचली जेवि पार्था ।
 तेवि मान्यपदें सर्वथा । लाजणें जें ॥ ३ ॥
 हें पुडतपुडुतीं । अमानित्व जाण सुमती ।
 मागां सांघितलेंसे केती । तें चि बोलें ॥ ४ ॥
 एवं ये हिं सविसें । ब्रह्मगुणि हे वसतसे ।
 मोक्षचक्रवर्त्तिचें तैसें । अप्राहार ॥ ५ ॥
 नाना हे संपत्ति दैवी । या गुणतीर्थींची नवी ।
 निर्बिषसागरिची दैवी । गंगा आली ॥ ६ ॥
 किं गुणकुसुमाची माला । हे घेउनि मुगुतीबाला ।
 वैराग्यभाग्या गला । गिवसीतसे ॥ ७ ॥
 किं सविसें गुणज्योतीं । इहीं उजळनि हे आरती ।
 गीता आत्मेयां निजपती । नीराजना आली ॥ ८ ॥
 उगळिती निर्मलें । गुणमय मुक्ताफलें ।
 दैयी सुप्ति कले । गीतार्णविची ॥ ९ ॥
 काइ बहू वानूं ऐसी । अभिव्यक्त ये पैसेंसीं ।
 केली दैवी गणराशी । शांतिरूप ॥ २१० ॥

दंभो दर्पोऽभिमानश्च क्रोधः पारुष्यमेव च ॥

अज्ञानं चाभिजातस्य पार्थ संपदमासुरीम् ॥ ४ ॥

आतां दुःखाची अतूट वेली । देखां काललोहाची भाली ।
 तन्हीं निजाषधानीं घाली । आसुरी ते ॥ ११ ॥

पैं त्याज्य लजवेया लागी । जाणावें जन्हीं अनुपयोगी ।
 ह्यणोनि आइक तें चांगीं । श्रोत्रशक्ती ॥ १२ ॥
 तरि नरकव्यथा थोरी । आणावेया दोखीं अघोरीं ।
 मेलु केला ते आसुरी । संपत्ति हे ॥ १३ ॥
 विषवर्गु एकवटु । तेया नावं जैसा बासटु ।
 आसुर संपति हा खोटु । दोखांचा तैसा ॥ १४ ॥
 तरि तेयां चि आसुरां । दोखां माजि जेयां वीरा ।
 वाडपणाचा गारा । तो दंभु ऐसा ॥ १५ ॥
 जैसी आपुली जननी । नग्न दाविलेयां जनीं ।
 तरि तीर्थ परि पतनीं । कारण होए ॥ १६ ॥
 कां विद्या गुरूपदिष्टा । बोबाइलेयां चौहटां ।
 तरि इष्टदा चि अनिष्टा । हेतु होंति ॥ १७ ॥
 पैं आंगें दाटली पुरी । जे तारी पैल तीरीं ।
 ते नाव चि बांधल्यां सिरीं । बुडली जैसी ॥ १८ ॥
 कारण जें जीविता । तें वानिलें जरि सेवितां ।
 तरि अन्न चि पांडुसुता । होये विष ॥ १९ ॥
 तैसा दृष्टाअदृष्टाचा सखा । धर्मु जाला फोकरिजे देखां ।
 तरि तारिता तो चि दोखां । लागि होये ॥ २२० ॥
 ह्यणौनि वाचेचा चौबारां । घातलेयां धर्माचा पसारा
 धर्मु अधर्मु होये तो वीरा । दंभु जाण ॥ २१ ॥
 आतां मूर्खांचिये जीभे । आखरांचे आबुखे शुभे ।
 आणि तो ब्रह्मसभे । न रिझे जैसा ॥ २२ ॥
 कां मांदुरी लोकाचां घोडां । गजपति महिमे थोडा ।
 कां कांटिये वारिला सरडा । व्योम नीच ॥ २३ ॥
 तृणांचेनि इंधनें । आगि धांवे गगनें ।
 थिलरबलें मीनें । न गणिजे सिंधु ॥ २४ ॥

तैसा माजे ख्रिया धनें । विद्या स्तुति बहूमानें ।
 एकी दीचेनि परानें । अल्पकु जैसा ॥ २५ ॥
 घनछायेचिया जोडी । निदैवुं घर मोडी ।
 मृगांभ देखौनि फोडी । पाणियड मूर्ख ॥ २६ ॥
 किंबहुना ऐसैसैं । माजणें जें संपत्तिमीसैं ।
 तो दर्पुं गा अनारिसैं । न बोलों घेइं ॥ २७ ॥
 आणि जगा वेदीं विश्वासु । जगा पूज्यु ईशु ।
 जगीं एकु तेजसु । सूर्यो हा ॥ २८ ॥
 जगस्पृहे आस्पद । एक सार्वभौमपद ।
 न मरणें निर्विवाद । जग्न पढिये ॥ २९ ॥
 ह्यणौनि जरि उत्साहें । यातें वानूं जाये ।
 किं आइकौनि मत्सरु वाहे । एयां लागि ॥ २३० ॥
 ह्यणे ईश्वरातें खाए । तेया वेदा कायि विष सुए ।
 गोखा माजि त्राये । भंगितसे ॥ ३१ ॥
 पतंगा नावडे वाति । खद्योता भानुची खंति ।
 टिटिभें अपांपती । वैरी केला ॥ ३२ ॥
 तैसा अहंमानाचेनि मोहें । ईश्वराचें हिं नावं न साहे ।
 वेदांतें हिं ह्यणे मज हे । सवति जाली ॥ ३३ ॥
 ऐसा मानितेचा गंडु । तो अभिमानु जाणें कुडु ।
 रौरवाचा रूढु । मार्गु हा ॥ ३४ ॥
 आणि पुढिलाचें सुख । देखणेयांचें होये मीख ।
 चढे क्रोधाग्निचें विष । मनोवृत्ती ॥ ३५ ॥
 सितलाचिये भेटी । तातलां तेलिं आगि उठी ।
 चंद्र देखौनि पोटीं । जले कोल्हा जैसा ॥ ३६ ॥
 विश्वाचें आयुष्य सगलें । सूर्यु उदैला देखौनि सवले ।
 पापियां फूटति डोले । डुडुलांचे ॥ ३७ ॥-

जगाची सुखपाहाट । चोरा मरणांहुनु कष्ट ।
 दूधाचें कालकूट । होये व्यालां ॥ ३८ ॥
 अगाधें समुद्रजलें । पीतां अधिकु जलें ।
 वडवानलु न मिले । शांति कहीं ॥ ३९ ॥
 तैसा विद्याविनोदविभवं । देखे पुढिलाची दैवं ।
 तवं तवं रोखु दुणावे । क्रोधु तो जाण ॥ ४० ॥
 आणि मनसर्पाची सृष्टी । डोले नाराजांची सूटी ।
 बोले ते वृष्टि । इंगलांची ॥ ४१ ॥
 येर जें क्रियाजात । तें तिखेयाचें करवत ।
 ऐसें सबाह्य घसासित । तेयाचें गा ॥ ४२ ॥
 तो मनुष्य अधमु जाण । पारुष्य अवतरण ।
 आतां आइकें खुण । अज्ञानाची ॥ ४३ ॥
 तरि शीतोष्णस्पर्शा । निवाडु नेणे पाखाणु जैसा ।
 कां रात्रि आणि दिवसा । जायंधु तो ॥ ४४ ॥
 आगि उठिला आरोगणे । जैसा खाद्याखाद्य नेणे ।
 कां परिसु पाडु न हणणे । सोनेयां लोहाचा ॥ ४५ ॥
 नातरि नानारसीं । रिघौनि दर्वी जैसी ।
 अभिज्ञ मीठासि । नव्हे चि तिये ॥ ४६ ॥
 कां वारा जैसा पारखी । नव्हे चि गा मार्गामार्गविशेषीं ।
 तैसें कृत्याकृत्यविवर्कीं । अधमपण जें ॥ ४७ ॥
 हें चोख हें मैल । ऐसें नेणौनि बाल ।
 देखिलें तें केवल । मुखीं चि घाली ॥ ४८ ॥
 तैसें पापपुण्याचें खिचटें । करुनि खातां बुद्धिचेष्टे ।
 कडू मडुर न वटे । ऐसी जे दशा ॥ ४९ ॥
 तिये नाबं अज्ञान । या बोला नाहिं आन ।
 एवं साई दोषांचें चिन्ह । सांघितलें ॥ २५० ॥

इहिं साई दोषांगि । हे आसुरी संपत्ति दाटुगी ।
 जैसें थोर विष भूवंगी । आंग सानें ॥ ५१ ॥
 कां तीघां वन्हि पांती । पांतां धाकुटी चि मीति ।
 परि विश्वाची ही आहुती । करुं न पुरे ॥ ५२ ॥
 धात्रेया ही गेलेयां शरण । त्रिदोषिं न चुके मरण ।
 तेया तिहींची हे दूण । लागली आहे ॥ ५३ ॥
 जें साहिं दोषिं संपूर्णी । जाली इहिं चि उभारणी ।
 ह्यणौनि आसुरी उणी । संपदा नोहे ॥ ५४ ॥
 क्रूरग्रहांची जैसी । मांदी मिले येकी राशी ।
 कां येति निंदका पासिं । अशेषें पापें ॥ ५५ ॥
 मरुणारुवाचें आंग । पडिवांति आघवे रोग ।
 कां कुमुहूर्तिं दुर्योग । एकवटति ॥ ५६ ॥
 कां आयुष्य जांतिये वेले । सेलिए सातवेउली मिले ।
 तैसे साई दोष सगले । जोडति तेथें ॥ ५७ ॥
 आंतुडलेया चोरा । सीणला सुइजे पुरां ।
 तैसें दोषिं इहिं नरां । कीजे तेयां ॥ ५८ ॥
 जेया मोक्षमार्गा कडे । यावेया आबुरवा पडे ।
 न निगे ह्यणौनि बुडे । सवंसारिं जो ॥ ५९ ॥
 अधमा योनिचा पाउटीं । उतरतु जो किरीटी ।
 स्थावरां हिं तलवटीं । बैसणें घे ॥ २६० ॥
 हें असो तेयाचां ठांड । मिलौनि साई दोषिं इहीं ।
 आसुरी संपत्ति पाहीं । वाटवीजे ॥ ६१ ॥

दैवी संपद्धिमोक्षाय निबंधायासुरी मता ॥

मा शुचः संपदं दैवीमभिजातोऽसि पांडव ॥ ५ ॥

ऐसिया दोन्हीं । संपत्ती प्रसिद्धा जनिं ।

सांघितलिया चिन्हीं । वेगलालां ॥ ६२ ॥

यां दोहिं माजि पहिली । दैवी जे झणितली ।
 ते मोक्षसुखा पाहाली । उखा जाण ॥ ६३ ॥
 एरि जे दुसरी । संपत्ति कां आसुरी ।
 लोभमोहाची खरी । सांखल जीवां ॥ ६४ ॥
 परि हें आइकौनि झनें । कदरसी हो मनें ।
 कायि रात्रि चांदिणें । धाकु धरिजे ॥ ६५ ॥
 हे आसुरी संपत्ति तेया । बंधा लागि धनंजया ।
 जो साहिं दोषां ययां । आश्रो होए ॥ ६६ ॥
 तूं तवं पांडवा । सांघितलेयां दैवां ।
 गुणाचा बोलावा । जन्मलासि ॥ ६७ ॥
 ह्यणौनि पार्था तुवां । दैवसंपत्तिस्वामियां ।
 होउनि यावें उवाया । कैवल्याचा ॥ ६८ ॥

द्वौ भूतसर्गौ लोकेस्मिन् दैवआसुर एव च ॥

दैवो विस्तरशः प्रोक्त आसुरं पार्थ मे शृणु ॥ ६ ॥

आणि दैवां आसुरां । संपत्तिवंतां नरां ।
 अनादिसिद्ध उजरा । राहाटिचा आहे ॥ ६९ ॥
 जेसें रात्रिचां अवसरीं । व्योम व्यापिजे निशाचरीं ।
 दिसां सुव्यापारीं । मनुष्यादिकिं ॥ ७० ॥
 तैसिया आपुलिया राहाटी । वर्त्तति दोन्हीं सृष्टी ।
 दैवी आणि किरीटी । आसुरी एथ ॥ ७१ ॥
 तेविं चि विस्तारुनि दैवी । ज्ञानकथनादिप्रस्ताविं ।
 मागिलें ग्रंथें बरवी । सांघितली ॥ ७२ ॥
 आतां आसुरी सृष्टी । तेथिची उपलउं गोठी ।
 अवधानाची दीठी । दे पां नीकी ॥ ७३ ॥

प्रवृत्तिं च निवृत्तिं च जना न विदुरासुरा ॥

न शौचं नापि चाचारो न सत्यं तेषु विद्यते ॥ ७ ॥

तरि वार्ये विण नादु । दूजेन विण शद्दु ।
 कां अपुष्प मकरंदु । न लभे जैसा ॥ ७४ ॥
 तैसी प्रकृति हे आसुर । येकली नव्हे गोचर ।
 जवं येकाधें शरीर । लाहे ना ॥ ७५ ॥
 मग आविष्कारला लाकुडें । पावकु जैसा जोडे ।
 तैसी प्राणिदेहीं सांपडे । आटोपली हे ॥ ७६ ॥
 तेधवां वाढि जे उंसा । ते चि आंतुला रसा ।
 देहाकारु होये तैसा । प्राण्यांचा ॥ ७७ ॥
 आतां तेयां चि प्राण्यां । रूप करुं धनंजया ।
 घडिलें जें जें आसुरिया । दोष रिद्धी ॥ ७८ ॥
 तरि पुण्या लागि प्रवृत्ति । पापा लागि निवृत्ति ।
 यां जाणण्यांची राति । तेयाचां मनीं ॥ ७९ ॥
 निगण्यां आणि प्रवेशा । चित्त नेंदितु आविसा ।
 कोशकारु जैसा । जाचिनला ॥ ८० ॥
 कां दीधलें माघौतें येइल । किं न ये हें पुढिल ।
 न पांतां दे भांडवल । मूर्खु चोरा ॥ ८१ ॥
 तैसिया प्रवृत्तिनिवृत्ति दोन्हीं । नेणजति आसुरीं जनीं ।
 आणि शौच तें स्वप्नीं । नेदखति ते ॥ ८२ ॥
 कालिमा सांडील कोलिसा । वर चोखि होईल वायसा ।
 राक्षसु ही मांसा । विटों सके ॥ ८३ ॥
 परि आसुरा प्राण्यां । शूचि नाहिं धनंजया ।
 पवित्रत्व जेवि भांडेया । मद्याचआ ॥ ८४ ॥
 आणि वाढवितां विधिची आश । कां पाहांतां वडिलांची वास ।
 आचरिजे हे भास । नेणति ते ॥ ८५ ॥
 जैसें चरणें सेलियेचें । कां धावणें वारेयाचें ।
 जळणें आगिचें । भले तेउतें ॥ ८६ ॥

तैसें पुढां सूनि शरीर । आचरति ते आसुर ।
 सत्येसिं कीर वैर । सदा चि तेयां ॥ ८७ ॥
 नांगिया आपुलिया । विंचू करी गुतकुलिया ।
 तरि साच बोलिया । बोलति ते ॥ ८८ ॥
 अपानाचेनि तोंडें । जरि सुगंधा येणें घडे ।
 तरि सत्य तेयां जोडे । आसुरांतें ॥ ८९ ॥

असत्यमप्रतिष्ठंते जगदाहुरनीश्वरम् ॥

अपरस्परसंभूतं किमन्यत्कामहैतुकम् ॥ ८ ॥

ऐसें ते न करितां काहिं । आंगिं चि वोखटें पाहिं ।
 आतां बोलती ते नवाई । सांघिजैल ॥ २९० ॥
 यन्हविं कन्हैयाचा खांदु चांग । मग येर काइ आंग ।
 परिस जो प्रसंग । प्राप्ती कीं ॥ ९१ ॥
 उधविचें तोंड । उगलीत धूमाचे उभड ।
 हें जाणिजे तन्हीं उघड । सांघों ते बोल ॥ ९२ ॥
 तरि विश्व हा अनादि ठावो । एथ नियंता ईश्वर राअ ।
 चाउडिये न्यायान्याअ । निवडी वेदु ॥ ९३ ॥
 वेदें अन्यायीं पडे । तें निरयभोगें दंडे ।
 सन्यायी तो सुरवाडे । स्वर्गीं जिये ॥ ९४ ॥
 ऐसी विश्ववेवस्था । अनादि जे पार्था ।
 ते ह्मणति तें वृथा । आघवें हें ॥ ९५ ॥
 यज्ञमूढ मुसिले यागीं । देवपिंसे प्रतिमे लागि ।
 नागविले भगवे योगी । समाधिभ्रमें ॥ ९६ ॥
 एथ आपुलेनि बलें । भोगिजे जें वेगलें ।
 हें वांचौनि नीकें आगलें । शून्य आहे ॥ ९७ ॥
 ना असक्तपणें अंगिकें । वेगल वेंटाली न टके ।
 ऐसा गादिजे दुःखें । तें चि पाप ॥ ९८ ॥

प्राण घंति संपन्नाचे । तें पाप जरि साचें ।
 तरि सर्वस्व तेयाचें । हें पुण्यफल किं ॥ ९९ ॥
 बली अबलातें खाये । हें चि बाधितें होये ।
 तरि मासेया कां नोहे । निसंतान ॥ ३०० ॥
 कुलें शोधूनि दोर्निह । कुमारें चि सुलग्रीं ।
 मेलविलीं प्रजासाधनीं । हेतु जरि ॥ १ ॥
 तरि पशुपक्षादि जाती । तेयां मीति नाहिं संतती ।
 तेयां कोणीं प्रतिपत्ती । विवाह केले ॥ २ ॥
 चोरियेचें धन आलें । तें कोणासि विष जालें ।
 वालभाचिये रती जालें । कोटी कोण ॥ ३ ॥
 ह्यणौनि देवो गोसांविं । तो धर्माधर्म भोगवी ।
 आणि परत्राचां गाविं । करि तो भोगी ॥ ४ ॥
 तरि परत्र ना देवो । न दिसति ह्यणौनि वावो ।
 आणि करितां निमे ठावो । मा भोगी कोणु ॥ ५ ॥
 येथ उर्वसिया इंद्र सुखी । जैसा कां स्वर्गलोकीं ।
 तैसा क्रिमि नरकीं । लोलतु श्लाघ्यें ॥ ६ ॥
 ह्यणौनि नरकु स्वर्गु । नोहे पुण्यपापभागु ।
 जें दों ठांइ भोगु । कामा चि तव ॥ ७ ॥
 या कारणें कामें । स्त्रीपुरुषयुग्में ।
 मिलति तेथ जन्मे । आघवें जग ॥ ८ ॥
 आणि निजें अभिलाखें । स्वार्था लागलें हें पोखे ।
 पाठिं परस्परद्वेषें । कामु चि नाशी ॥ ९ ॥
 एवं कामु वांचूनि काहीं । जगा मूल चि आन नाहिं ।
 ऐसें बोलति ते पाहीं । आसुर गा ॥ ३१० ॥
 आतां असो हें कीडाळ । बोलिं न करुं पघळ ।
 सांघतां चि सपोळ । होंतसे वाचा ॥ ११ ॥

आणि ईश्वराचिया खंती । नसुदिया करिति चांथी ।
 हें इं नाहिं चित्तीं । हा चि निश्वयो ॥ १२ ॥
 किंबहुना उघड । आंगिं भरुनि पाखांड ।
 नास्तिपणाचें हाड । रोविलें जीभे ॥ १३ ॥
 तेधवां स्वर्गा लागि आदरु । कां नरकाचा अडदरु ।
 ये वासनेचा अंकुरु । जलौनि गेला ॥ १४ ॥

एतां दृष्टिमवष्टभ्य नष्टात्मानोल्पबुद्धयः ॥
 प्रभवंत्युग्रकर्माणः क्षयाय जगतोहिताः ॥ ९ ॥

मग केवल ये खोडां । अमेध्योदकाचा बुडडा ।
 विषइं चि सुहाडा । बुडाले गा ॥ १५ ॥
 जें आटावे जलचर । तें डोहिं मिलति ढिवर ।
 कां पडावें शरीर । तें रोगां उदयो ॥ १६ ॥
 उदैलें केतुचें जैसें । विश्वा अनिष्टा चि दोसें ।
 ते जन्मति ते तैसे । लोकां आटु ॥ १७ ॥
 विरूढलेयां अशुभ । फूटति ते चि कोंभ ।
 पापाचे कीर्तिस्तंभ । चालते ते ॥ १८ ॥
 आणि मागां पुढां जालणें । वांचूनि आगि आन नेणे ।
 तैसें विरुं चि करणें । आधि तेयां ॥ १९ ॥
 परि तें चि गा करणें । आदरीति संभ्रमें जेणें ।
 तो आइक पार्था ह्यणे । श्रीनिवासु ॥ ३२० ॥
 तरि जाल पाणियें न भरे । इंधनीं आगि न पुरे ।
 तेया दुर्भर चि धूरे । मुख जालें ॥ २१ ॥

काममाश्रित्य दुष्पूरं दंभमानमदान्विताः ॥
 मोहाद्गृहीत्वासद्वाहान्प्रवर्त्तते शुचिव्रताः ॥ १० ॥

तैं या कामाचा उल्लावा । जीविं धरुनि पांडवा ।
 दंभमानाचा मेलवा । मेलवीति ॥ २२ ॥

मातलेया कुंजरा । आगली जाली मदिरा ।
 तैसा मदाचा तवं जरा । चढत आंगीं ॥ २३ ॥
 आणि आग्रया तो चि ठाउं । वरि मौढ्य ऐसा सावाउं ।
 मग काइ वानूं निर्वाहो । निश्चयाचा ॥ २४ ॥
 जिहिं परोपतापु घडे । परावा जीउ रगडे ।
 तिहिं कर्मिं होउनि गाढे । जन्मव्रती ॥ २५ ॥
 आपुलें केलें फोकरिति । जगातें धिकरिति ।
 दाहें दिशीं पसरिति । स्पृहाजाल ॥ २६ ॥
 ऐसेनि गा आटोपें । थोरिये आणिति पापें ।
 धर्मधेनुं खुरपें । सूटलें जैसें ॥ २७ ॥

चिंतामपरिमेयां च प्रलयांतामुपाश्रिताः ॥

कामोपभोगपरमा एतावदिति निश्चिताः ॥ ११ ॥

इया एकी आइती । तेयाचिया कर्मप्रवृत्ती ।
 आणि जीणेयां परौती । वाहाति चिंता ॥ २८ ॥
 पाताल होंनि निम्न । जिये उंचिये सानें गगन ।
 जें पाहांतां त्रिभुवन । अणु हीं नोहे ॥ २९ ॥
 ते योगपटाची मवणी । जीविं अनियम चितवणी ।
 जें सांडूं नेणे मरणीं । वल्लुभा जैसें ॥ ३३० ॥
 तैसी चिंता अपार । वाढवीति निरंतर ।
 दीठि सूनि असार । विषयादिक ॥ ३१ ॥
 स्त्रिया गाइलें आइकावें । स्त्रीरूप डोलां देखावें ।
 सर्वइंद्रियें हिं आश्लेषावें । स्त्रियातें चि ॥ ३२ ॥
 कुरवंडी कीजे अमृतें । ऐसें सुख स्त्रिये परौतें ।
 नाहिं चि ह्यणौनि चित्तें । निश्चित जालें ॥ ३३ ॥
 मग तेया चि स्त्रीभोगा । लागि पातालस्वर्गा ।
 धावति दिग्विभागा । परौतें हीं ॥ ३४ ॥

आशापाशशतैर्बद्धाः कामक्रोधपरायणाः ॥
इहंते कामभोगार्थमन्यायेनार्थसंचयान् ॥ १२ ॥

एकु कबलु बहुतीं मासां । तोडुनु नेयिजे जैसा ।
तैसें चि कीजे विषयाशा । तेयासि चि गा ॥ ३५ ॥
वांछित तवं न पवति । मा रोकडी चि आशसंतति ।
वाढौ वाढों होंति । कोशकीट ॥ ३६ ॥
आणि पसरला अभिलाखु । अपूर्ण तो चि होये देखु ।
एवं कामक्रोधांचा अधिकु । पुरुषार्थु नाहीं ॥ ३७ ॥
दिहा खोलणें रात्रीं जागोवा । ठाणांतरिया जैसा पांडवा ।
अहोरात्रिं विसांवां । भेटे चि ना ॥ ३८ ॥
तैसें उंचौनि लोटिलें कामें । नेहटित क्रोधाचिये द्रुमे ।
तेथ रागद्वेष प्रेमें । न माति केहीं ॥ ३९ ॥
तेवि चि जीविचेया हांवां । विषयवासनांचा मेळावा ।
केला परि तो भोगावा । अर्थे किं ना ॥ ३४० ॥
क्षणौनि भोगावेया जोगा । पूर्त्ता अर्थु पैं गा ।
आणावेया जगा । झोंबति सैरा ॥ ४१ ॥
एकांतें सावधां मारीति । एकांचीं सर्वस्वें हरीति ।
एकां लागि उभारिति । अपाययंत्रें ॥ ४२ ॥
पाशिकें पोतीं वागुरा । सूणे ससाणे काठी सोंचारा ।
घेउनि निगति डोंगरा । पारधी जैसे ॥ ४३ ॥
तें पोसावेया हें पोटा । मारुनि प्राणियांचे संघाट ।
आणिति ऐसें निकृष्ट । तें हिं करिति ॥ ४४ ॥
परप्राणघातें । मेलवीति वित्तें ।
मिललेयां चित्तें । तोखणें कैसें ॥ ४५ ॥

इदमद्य मया लब्धमिमं प्राप्स्ये मनोरथम् ॥
इदमस्तीदमपि मे भविष्यति पुनर्द्धनं ॥ १३ ॥

हृणे आजि मियां । संपत्तिं बहुतां एकाचिया ।
 आपुलिया होंतिया केलिया । धन्यु ना मीं ॥ ४६ ॥
 ऐसा श्लाघों जवं जाये । तवं मन आणिका हिं वाहे ।
 सर्वे चि हृणे पाहे । बहू चि आणूं ॥ ४७ ॥
 हें जेतुलें असे जोडलें । तेयाचेनि भांडवलें ।
 लाभा घेईन उरलें । चराचर ॥ ४८ ॥
 ऐसेनि धनें विश्वाचेयां । मीं चि होईन स्वामियां ।
 मग दीठिं पडे तेयां । उरों नेदी ॥ ४९ ॥

असौ मया हतः शत्रुर्हनिष्ये चापरानपि ।

ईश्वरोहमहं भोगी सिद्धोहम् बलवान्सुखी ॥ १४ ॥

हे मारिले ते थोडे । आणिक ही साधीन गाढे ।
 मग नादैन पवादें । एकला चि ॥ ३५० ॥
 माझीं होंति कामारीं । तियें वांचौनि येरें मारीं ।
 किंबहुना चराचरीं । ईश्वरु मीं ॥ ५१ ॥
 मीं भोगभूमीचा राउ । आजि सर्व सुखांसि ठाउ ।
 हृणौनि इंद्र वावो । मातें पाउनि ॥ ५२ ॥
 मीं मनें वाचा देहें । करि तें कें नोहे ।
 मज वांचूनि आहे । आनु आज्ञासिद्ध ॥ ५३ ॥
 तवं चि बलिया कालु । न दिसें जवं मीं अतुळु ।
 सुखाचा किर निखलु । राशीं चि मीं ॥ ५४ ॥

आल्योभिजनवानस्मि कोन्योस्ति सदृशो मया ॥

यक्ष्ये दास्यामि मोदिष्य इत्यज्ञानविमोहिताः ॥ १५ ॥

कुबेरु आथिला होए । परि तो नेणे चि माझी सोये ।
 संपत्ति मासीं नोहे । श्रीनिवासु ॥ ५५ ॥
 माझेया कुलाचा उजालु । कां ज्ञातिगोत्राचा मेलु ।
 पाहांतां ब्रह्मा हिं अळु । उणा चि दीसे ॥ ५६ ॥

ह्यगौनि मिरवति नावें । नाहिं मजसिं सरि पावे ।
 वायां ईश्वरादिकें सावें । तैसें कोणहीं ॥ ५७ ॥
 आतां लोपला अभिचारु । तेया करीन जीर्णोद्धारु ।
 प्रतिष्ठीन मरमारु । याग वारि ॥ ५८ ॥
 मातें गांती वानिती । नाचें नटें रिझविती ।
 तेयां देईन मागती । ते ते वस्तु ॥ ५९ ॥
 माजिरां अन्नपाणीं । प्रमदाचां आर्लिगनीं ।
 होईन मीं त्रिभुवनीं । आनंदकरु ॥ ६० ॥
 कायि बहू सांघों ऐसे । ते आसुर प्रकृतिपीसे ।
 तुरंबित असौसें । गगनौलियां ॥ ६१ ॥

अनेकचित्तविभ्रांता मोहजालसमावृताः ॥

प्रसक्ताः कामभोगेषु पतन्ति नरकेशुचौ ॥ १६ ॥

अज्ञानें आंतलें धूलि । ह्यगौनि आशा वाहुंटली ।
 भवंडित अंतरालीं । मनोरथाचां ॥ ६२ ॥
 जराचेनि आटोपें । रोगी भलेतैसें जल्पे ।
 चंचलित संकल्पें । जाण तैसें ॥ ६३ ॥
 अनिम आखाडमेघ । कां समुद्रोर्मिं अभंग ।
 तैसे कामीति अनेग । अखंड हे ॥ ६४ ॥
 मग पैं कामना तिया । जिवीं जाले वेलरिया ।
 वोरपिलीं कांटिया । कमलें जैसीं ॥ ६५ ॥
 कां पाखाणाचां माथां । हांडी फूटली पार्था ।
 जीविं तैसे सर्वथा । कूट जाले ॥ ६६ ॥
 तेन्हां चडतिये रयणीं । तमाची होये पुरवणी ।
 तैसा मोहो अंतष्करणीं । वाढों लागे ॥ ६७ ॥
 आणि वाढे जवं मोहो । तवं तवं विषइं रोहो ।
 विषय तेथ ठावो । पातकांसि ॥ ६८ ॥

पापें आपुलेन धावें । करिति जन्ममेलावे ।
 त्वं जितां चि आघवे । यंति नरका ॥ ६९ ॥
 ह्यणौनि गा सुमती । हे कुमनोरथ पाळिति ।
 ते आसुर जांति । तेया ठाया ॥ ३७० ॥
 जेथ असीपत्र तरुवर । खदिरांगाराचे डोंगर ।
 तातलां तेर्लीं सागर । उतताति ॥ ७१ ॥
 जेथ यातनेची श्रेणी । ये तरि जांत वैतरणी ।
 पडति तिये दारुणीं । नरकलोकीं ॥ ७२ ॥
 ऐसे नरकाचिये सेले । भागीन जे जन्मले ।
 ते ही देखों भूलले । जैत यागीं ॥ ७३ ॥

आत्मसंभाविता स्तब्धा धनमानमदान्विताः ॥

यजंते नाम यज्ञैस्ते दंभेनाविधिपूर्वकम् ॥ १७ ॥

यन्हविं यागादिकीं क्रिया । आहाण ते चि धनंजया ।
 परि विपलांति आचरौनियां । नाटकी जैसे ॥ ७४ ॥
 वालभाचिया उजरिया । आपणेयां प्रति कुस्त्रिया ।
 जोडूनि तोखविति जैसिया । ऐहेवपणे ॥ ७५ ॥
 तैसे आपणेयां आपण । मानितां महंतपण ।
 फुगे असाधारण । गर्वें तेणें ॥ ७६ ॥
 मग लवों नेणति कैसे । आटिवं लोहखांब जैसे ।
 कां उधवली आकाशें । शिलाराशि ॥ ७७ ॥
 तैसें आपुलिये बरवे । आपण चि रिझति जीवें ।
 तृणाहूनि आघवें । मानिति नीच ॥ ७८ ॥
 वरि धनाचिया मदिरा । माजौनि धनुर्द्धरा ।
 कृत्याकृत्यविसरा । सवते केले ॥ ७९ ॥
 जें आंगिं आइति ऐसी । तेथ यज्ञाची गोठि कायिसी ।
 तन्हीं काइ काइ पीसीं । न करिति गा ॥ ३८० ॥

ह्यगौनि कोण्हें येकें वेलें । मौढ्यमदाचेनि बलें ।
 यागाचें हिं टवालें । आदरीति ॥ ८१ ॥
 ना कुंडें मंडप वेली । कां उचितसाधनसमृद्धी ।
 आणि तेयांसी चि तवं विधि । दंद चि किर ॥ ८२ ॥
 देवांब्राह्मणाचेनि नावें । तेउते वारेन हीं नोहावे ।
 ऐसें तेथ देथावें । लागैल कवणां ॥ ८३ ॥
 पै वांसुरुवांचा भोकसा । गायी पुढां ठेउनि जैसा ।
 उगाणा घेंति क्षीररसा । बुद्धिमंत ॥ ८४ ॥
 तैसें यागाचेनि नावें । जगा वाउनि हांवे ।
 नागवीति आघवें । ऐहेरा वाऱ्हीं ॥ ८५ ॥
 ऐसा काहिं आपुलिया । होमीति जे उजरिया ।
 तेणें कामिति प्राणियां । सर्वनाशु ॥ ८६ ॥

अहंकारं बलं दर्पं कामं क्रोधं च संश्रिताः ॥

मामात्म परदेहेषु प्रद्विषंतोभ्यसूयकाः ॥ १८ ॥

मग पुढां भेरी निसाण । लाउनि तैं दीक्षितपण ।
 जगीं फोकरीति आण । वायों वायों ॥ ८७ ॥
 तेधवां महत्वं तेणें अधमां । तेयां सगरवां हिं चढे महिमा ।
 जैसे लेवे दांधले तमा । काजलाचे ॥ ८८ ॥
 तैसे मौढ्य घणावे । अहंकारु दुणावे ।
 औद्धत्यें उंचावे । अहंभाउ ॥ ८९ ॥
 मग दुजेयाची भाक । नुरावेया निःशेष ।
 बलियेपणें आणिक । होये बल ॥ ३९० ॥
 ऐसा अहंकारा बला । जालियां एकवला ।
 दर्पसागरु वेला । सांडुनि उते ॥ ९१ ॥
 मग बोसंडलेनि दर्पें । कामां हिं पीत्त कुरुपे ।
 तेया धंगी सैत्र पळिपे । क्रोधाग्निची ॥ ९२ ॥

तेथ उन्हाळी आगि पुरा । तेलातूपाचेया घठारा ।
 लागला आणि वारा । सूटला जैसा ॥ ९३ ॥
 तैसा अहंकारु आलाबला । दर्पु कामक्रोधी रुढला ।
 एयां दोर्हीचा मेल । जेयाचां ठांडं ॥ ९४ ॥
 तो आपुलिया स्वैछा । मग कोणी कोणीं ठांडं, हिंसा ।
 यां प्राणियांतें वीरेषा । न सधीति गा ॥ ९५ ॥
 पहिलें तवं धनुर्दरा । आपुलिया मांसा रुधिरा ।
 वेचु करिति अभिचारा । लागौनियां ॥ ९६ ॥
 तेथ जालितु तियें देहें । तेयां माक्षि मीं आहें ।
 तेया आत्मेयां मज घाए । वाजति ते ॥ ९७ ॥
 आणि अभिचारिकि तिहीं । उपद्रवीति जेतुळें काहीं ।
 चैतन्य मीं चि पाहिं । सीणु पावें ॥ ९८ ॥
 ऐसें अभिचारा वेगळें । विपायें जें अवगळे ।
 ते टाकीति एटालें । पैशून्याचिं ॥ ९९ ॥
 सतिया संतपुरुष । दानशील याज्ञिक ।
 तपस्वी अलौलिक । सन्यासी जे ॥ ४०० ॥
 कां भक्त हान महात्म्ये । तियें माझीं निजधामें ।
 निर्वाळलीं होमं धमें । श्रौतादिकीं ॥ १ ॥
 तेया द्वेषाचेनि कालकूटें । बासटूनि तीखटें ।
 कुबोलाचिं सदटें । सिंथिति कांडें ॥ २ ॥

तानहं द्विषतः क्रूरान्संसारेषु नराधमान् ॥

क्षिपाम्यजस्त्रमशुभानासुरीष्वेवयोनिषु ॥ १९ ॥

ऐसें आघवेया चि परीं । प्रवर्तले माझां वैरीं ।
 तेयां पापियां मीं करी । तें आइक पां ॥ ३ ॥
 तरि मनुष्यदेहाचा तागा । घेउनि रुसति जगा ।
 ते पदवी हिरौनि पै गा । ऐसे ठेवीं ॥ ४ ॥

भावार्थदीपिका

क्लेशगार्विचां उकरडां । भवपुरिचां पाणवाडां ।
 ते तमोयोनि तेयां कुडां । वृत्ति मीं दें ॥ ५ ॥
 मग आहाराचेनि नावें । तृण हीं जेथ नुगवे ।
 ते व्याघ्र वृक अडवे । तैसियां कारिं ॥ ६ ॥
 तेथ क्षुधाद्दुःखें बहुतें । तोडुनि खातां आपणपेयातें ।
 मरों मरों माघौते । होंते चि असति ॥ ७ ॥
 कां आपुलां गरलज्वालीं । जालीं तेयां आंगाचि पेंदलीं ।
 ते सर्प चि करीं बिलीं । निरुंधलां ॥ ८ ॥
 परि घेउनि श्वासु घापे । येतुलेन हिं मापें ।
 विसांवां तेयां लिपे । अर्जुना गा ॥ ९ ॥
 ऐसेनि कल्पांचिया कोडी । गणितां हीं संख्या थोडी ।
 तेतुला वेलु न कडीं । क्लेशौनि तेयां ॥ ४१० ॥
 तन्हीं तेयां जेथ जाणें । तेथिचें हें पहिलें पेणें ।
 ते पाडुनु यें दारुणें । नव्हंति दुःखें ॥ ११ ॥

आसुरीं योनिमापन्ना मूढा जन्मनि जन्मनि ॥
 मामप्राप्यैव कौंतेय ततो यांत्यधमां गर्तिम् ॥ २० ॥

हा ठाऊ वेन्हीं बरीं । संपत्ति ते आसुरी ।
 अधोगति अवधारिं । जोडिली तिहीं ॥ १२ ॥
 पाठिं व्याघ्रादि तामसा । योनि तो अलुमालु ऐसा ।
 देहाधाराचा उसासा । आथि जो हा ॥ १३ ॥
 तो ही मीं बोलावा हिरें । मग तम चि होति यकसरें ।
 तेथ गेलें आंधारें । काळवंडिजे ॥ १४ ॥
 जेयाचिया चिलसी । नरक घेंति विवसी ।
 सीणु जाये मूसीं । साणे जेणें ॥ १५ ॥
 मल्लु जेणें मैले । तापु जेणें पोले ।
 जेयाचेनि नावें सले । महाभय ॥ १६ ॥

ऐसे विश्वाचेया खटेया । अधम जे धनंजया ।
 ते ते होंति भोगावेया । तामसा योनी ॥ १७ ॥
 आहा सांघतां वाचा रडे । आठवितां मन खिरडे ।
 कट रे मूर्खि केवडे । जोडिलें होणें ॥ १८ ॥
 काइसेया ते आसुर । संपत्ति जोडावी वाडर ।
 जिया दीधलें थोर । पतन ऐसें ॥ १९ ॥
 ह्यणौनि तुवां धनुर्द्धरा । न व्हावें गा तिया मोहरा ।
 जेउता वासु असुरा । संपत्तिवंतां ॥ ४२० ॥
त्रिविधं नरकस्येदं द्वारं नाशनमात्मनः ॥
कामः क्रोधस्तथा लोभस्तस्मादेतत्त्रयं त्यजेत् ॥:२१ ॥
 आणि दंभादि दोष साई । हे संपूर्ण जेयाचां ठाई ।
 ते त्यजावें हें चि काई । ह्यणों किर ॥ २१ ॥
 परि काम क्रोध लोभ । येयां तिहींचें बिंब ।
 थावें तेथ अशुभ । प्रकाशलें जाण ॥ २२ ॥
 सर्वदुःखा आपुलेया । दर्शन धनंजया ।
 पाढाउ भलेया । दिधलें आथि ॥ २३ ॥
 कां पापिया नरकभोगीं । सुवावेया लागि जर्गीं ।
 पातकांची दाटुगी । सभा चि हे ॥ २४ ॥
 ते रौरव गा तवं वेरि । आइकिजति गा अपटांतरीं ।
 जवं तीन्हीं अंतरीं । उठीति नां हे ॥ २५ ॥
 अपार्ये येणें आसलग । यातना इहिं सर्वर्ष ।
 हाणि हाणि नोहे तीघ । हे चि हाणी ॥ २६ ॥
 काइ बहू बोलों सूभटा । सांघितलेयां निकृष्टां ।
 नरकाचा दारवठा । त्रिसांकु हा ॥ २७ ॥
 ययां कःमक्रोधां लोभां । माजि जीवें जो होये उभा ।
 तो निरयपुरिची सभा । पातला जाण ॥ २८ ॥

हणौनि पुडुतीं किरीटी । हे कामादिदोषत्रिपुटी ।
 लजावी गा बोखटी । आघवां विखीं ॥ २९ ॥

एतैर्विमुक्तः कौंतेय तमोद्वारैस्त्रिभिर्नरः ॥

आचरत्यात्मानः श्रेयस्ततो याति परां गतिम् ॥ २९ ॥

धर्मादिक च्छुं आंतु । पुरुषार्थाची तें चि मातु ।
 करावी जें सांघातु । सांडील हा ॥ ४३० ॥
 हे तीन्ही जिवीं जागती । आणि निकेयाचि प्राप्ति ।
 हे माझे कान नाइकती । देवो हणणे ॥ ३१ ॥
 जें आपणपें पढिये । आत्मनाशा जो भिये ।
 ते तेणें न धरावी सोये । निश्चयेंसीं ॥ ३२ ॥
 पोटीं बांधौनि पाखाण । समुद्रिं बाहिं आंगवण ।
 कां जियावेया जेवण । कालकूटाचें ॥ ३३ ॥
 इहीं कामक्रोधलोभेंसीं । कार्यें सिद्धति तैसीं ।
 हणौनि ठावो चि पूसीं । येयांचा गा ॥ ३४ ॥
 जें काहीं अवचटें । हे तिकडी सांखल फीटे ।
 तें सुखें आपुलिये वाटे । चालों लाभे ॥ ३५ ॥
 त्रिदोषीं सांडिलें शरीर । त्रिकुटी फीटलेयां नगर ।
 त्रिदाघ निमालेयां अंतर । जैसें होए ॥ ३६ ॥
 तैसा कामादिकें तिघीं । सांडिला सुखा पावे जर्गी ।
 संगु लाहे मोक्षमार्गी । सज्जनाचां ॥ ३७ ॥
 मग सत्संगें प्रबलें । सत्शास्त्राचेनि बलें ।
 जन्ममृत्युचिं निमालें । निस्तरे रानें ॥ ३८ ॥
 तेव्हां आत्मानदें आघवे । जे सदा वसतें बरवें ।
 तें तैसें चि पाटण पावे । गुरुकृपेचें ॥ ३९ ॥
 तेथ प्रियाची पैली सीमा । ते भंटे माउली आत्मा ।
 तिये क्षेवीं आटे डिडिमा । संसारिक हे ॥ ४४० ॥

जो कामक्रोधलोभां । झाडि करुनि ठाके उभा ।
तो एवडेया येया लाभा । गोसांवि होए ॥ ४१ ॥

यः शास्त्रविधिमुत्सृज्य वर्तते कामकारतः ॥
न स सिद्धिमवाप्नोति न सुखं न परां गतिम् ॥ २३ ॥

ना हें नावडौनि काहीं । कामादिकाचां ठांइ ।
दाटिलें जेणें डोई । आत्मचोरेणें ॥ ४२ ॥
जो जर्गी समान सकृपु । हिताहितु दाविता दीपु ।
तो अमान्यु केला बापु । वेदु जेणें ॥ ४३ ॥
न धरी चि विधिची भीड । न करि चि आपुली चाड ।
वाढवीतु गेला कोड । इंद्रियांचें ॥ ४४ ॥
कामक्रोधलोभाची कास । न सोडी चि पाळिली भास ।
स्वैराचाराचें असोस । रान रिगाला ॥ ४५ ॥
संसारबंधु जाये ! हें किर तेयाचें कें आहे ।
परि तो इहिकीं न लाहे । विषय भोगूं ॥ ४६ ॥
ते सूटिकेचिया वाहाणी । मग पियों न लाहे पाणी ।
स्वर्णी हीं ते काहाणीं । दूरी चि तेया ॥ ४७ ॥
तरि मांसा लागि भूलला । ब्राह्मणु पाणवाडां रिगाला ।
किं तेव्हां चि तेथ लागला । आगि जैसा ॥ ४८ ॥
तैसें विषयांचेनि कोडें । जेणें परत्रा केलें उबडें ।
तबं तो चि आनी कडे । मरणें नेला ॥ ४९ ॥
एवं परत्र ना स्वर्गु । इहिक ना विषयभोगु ।
तेथ केउता प्रसंगु । मोक्षाचा तो ॥ ४५० ॥
झणौनि कामाचेनि बलें । विषयो चरो पाहे ढालें ।
तेया विषयो ना स्वर्गु मिले । ना उदरे तो ॥ ५१ ॥

तस्मात् शास्त्रं प्रमाणं ते कार्याकार्यव्यवस्थितौ ॥
शास्त्रा शास्त्रं विधातोः कर्म कर्तुमिहाहंति ॥ २४ ॥

या कारणें पै बापा । जेया आपुली आधि कृपा ।
 तेणें वेदांचेया निरोपा । आन न कीजे ॥ ५२ ॥
 पतिचेया व्रता । अनुसरे पतिव्रता ।
 अनायासें आत्महिता । भेटे जेवि ॥ ५३ ॥
 नातारि श्रीगुरुवचना । दीठि देंतु जतना ।
 शिष्यु आत्मभवना । माक्षि पैसे ॥ ५४ ॥
 हें असो आपुला ठेवा । जरि हाता आधि यावा ।
 तारि आदरें जेवि दीवा । पुढां कीजे ॥ ५५ ॥
 तैसा अशेषां पुरुषार्थी । जो गोसांवि हों ह्मणे पार्था ।
 तेणें श्रुती स्मृती माथा । बैसों घापे ॥ ५६ ॥
 शास्त्र ह्मणैल सांडावें । तें राज्य ही तृण मानावें ।
 जें घेववि तें न मनावें । विष ही वीरुं ॥ ५७ ॥
 ऐसी वेदैक निष्ठा । जाळेयां सूभटा ।
 तारि कें आहे अनिष्ठां । भेटणें गा ॥ ५८ ॥
 पै अहिता पासौनि काढिती । हित देउनि वाढविती ।
 नाहिं श्रुती परौती । माउली जर्गी ॥ ५९ ॥
 ह्मणौनि ब्रह्मसिं मेलवी । तवं हे कोणहीं न संडावी ।
 अगा तुह्मां ऐसां भजावीं । विशेषेसीं ॥ ४६० ॥
 जें आजि तूं अर्जुना एथें । करावेया शास्त्रें सार्थें ।
 जन्मलासि बलार्थें । धर्माचेनि ॥ ६१ ॥
 आणि धर्मा अनुज हि ऐसें । हें बोधें चि आलें पैसें ।
 ह्मणौनि अनारिसें । करुं न ये ॥ ६२ ॥
 कार्याकार्यविवेकीं । शास्त्रें चि करावी पारखी ।
 अकृत्यत्व तें कुडें लोकीं । वालावें गा ॥ ६३ ॥
 मग कृत्यपणें खरें निगे । ते तुवां आपुळेनि आंगें ।
 आचरौनि आदरें चांगें । सारावें चि ॥ ६४ ॥

जे विश्वप्रमाणिची मुदी । आजि तूझां हार्तीं सुबुद्धी ।
 लोकसंप्रहाची त्रिशुद्धी । योग्यु होंसी ॥ ६५ ॥
 एव आसुरवर्गु आघवा । सांघौनि तेथिचा निगावां ।
 तो ही देवें पांडवा । निरोपिला ॥ ६६ ॥
 या वरि तो पांडुचा । कुमरु भाॐ जीवाचा ।
 प्रसैल तें चैतन्याचां । कानीं आइकां ॥ ६७ ॥
 संजयें व्यासाचेया निरोपा । तो वेलु फेडिला तेया नृपा ।
 तैसा मी हीं निवृत्तिकृपा । सांघेन तुहां ॥ ६८ ॥
 तुझीं संत माक्षिया कडा । दीठिचा कराल बहु वाडा ।
 तरि तुहां मानें येवढा । होईन मीं ॥ ६९ ॥
 झणौनि निज अवधान । मज ॐलगे पसायदान ।
 दीजो जी क्षमीं होईन । ज्ञानदेॐ लगे ॥ ४७० ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे दैवासुरविभागयोगो

नाम षोडशाध्यायः ।

श्रीकृष्णार्पणमस्तु ॥ छ ॥



ज्ञानेश्वरी

अध्याय सतरावा

श्रीगणनाथायनमः ॥

विश्वविकासिनी मुद्रा । जेया सांडे तूझी निद्रा ।
तेया नमो जी गणेंद्रा । गुरु तुज ॥ १ ॥
त्रिगुणत्रिपुरी वेढिला । जीवत्वदुर्गे अडिला ।
तो आत्माशंभु सोडिला । तूक्षिया स्मृती ॥ २ ॥
झणौनि शिवेंसि कांटाला । गुरुत्वे तूं चि आगला ।
तन्हीं हद्द मायाजाला । माजि तारिता ॥ ३ ॥
जे तूझां विषीं मूढ्ढ । तेयां लागि तुं वक्रतुंडु ।
ज्ञानियां तरि अखंडु । उजु चि अससि ॥ ४ ॥
दैविकी दीठि पांतां सार्नीं । तन्हीं निमिलोन्मीलनीं ।
जगा आदि प्रलयो दोन्हीं । लीला चि करिसी ॥ ५ ॥
प्रवृत्तिकरणाचां चाली । उठिलीं मदाचां गंधानीलीं ।
पूजिजसि नीलोत्पलीं । जीवभृंगाचां ॥ ६ ॥
पाठिं निवृत्तिकर्णतालें । अहलि तें पूजा विधुले ।
तेव्हेंळें मिरविसि मोकळें । आंगाचें लेणें ॥ ७ ॥
वामांगिचा लास्यविलासु । जो हा जगद्रूप आभासु ।
तो तांडवमीषें कलासु । दावीसी तूं ॥ ८ ॥

हें असो विस्मो दातारा । तूं होंसि जेयांचा सोयरा ।
 सोइरिकेचिया वेव्हारा । मूके चि तो ॥ ९ ॥
 फेडितां बंधनाचा ठाउ । तूं जगद्वंधु ऐसा आहो ।
 धरूं वोलगे उवाउ । तूझां चि आंगीं ॥ १० ॥
 दूजेयाचेनि नावें तेया । देह ही नूरे चि राया ।
 जाणों आपणपेयां । केलासि दूजा ॥ ११ ॥
 तूतें करुनि पुढें । जे उपायें घेंति दवडे ।
 तेयां ठाकसि बहुवें पाडें । मागां चि तूं ॥ १२ ॥
 जो ध्यानें सुये मानसीं । तेया लागि तूं नाहिं देखीं ।
 ध्यानें चि सरे तेणेंसीं । वालभ तुज ॥ १३ ॥
 तूतें सावध चि जो नेणे । तो नांदे सर्वज्ञपणें ।
 वेदां हिं येवडें बोलणें । नेघसि कार्नीं ॥ १४ ॥
 मौन गा तूझे राशिनावं । आतां स्तोत्रिं के भांजे हांबं ।
 दीससि तेतुली माव । भजों कायि ॥ १५ ॥
 दैविकें सेवक हों पाहों । तरि भेदितां द्रोहो लाहों ।
 हणौनि आतां काहिं चि नोहों । तुज लागि जी ॥ १६ ॥
 जें सर्वथा सर्व ही नोहिजे । तें अद्वया तूतें लागिजे ।
 हें जाणें मीं बर्म तूझे । आराध्यलिंगा ॥ १७ ॥
 तारि नूरौनि वेगलेपण । रसिं भजिनलें लवण ।
 तैसे नमन माझे जाण । बहू कायि बोलों ॥ १८ ॥
 आतां रीता समुद्रीं रिगे । तो उचंबलतु कुमु निगे ।
 कां दसी दीपा संगें । दीपू चि होए ॥ १९ ॥
 तैसा तूझेया परिणती । मीं पूर्णु जालां श्रीनिवृत्ती ।
 आतां आणीन व्यक्ती । गीतार्थु तो ॥ २० ॥
 तरि षोडशाध्याइं शेखीं । तिये समाप्तचां श्लोकां ।
 जो ऐसा निर्णयो निष्टकीं । केला द्वे ॥ २१ ॥

जें कृत्याकृत्यव्यवस्था । अनुष्ठावेया पार्था ।
 शास्त्र चि एक सर्वथा । प्रमाण तुज ॥ २२ ॥
 तेथ अर्जुनु ह्मणे मानसें । हें ऐसें कैसें ।
 जें शास्त्रें विण नसे । सूटिका मां ॥ २३ ॥
 तरि तक्षकाची फडे । टाकूनि कै तें माणिक काढे ।
 कै नाकिचा केंसु जोडे । सिंहाचिये ॥ २४ ॥
 मग तेणें तो वोविजे । तरी चि लेणें पाविजे ।
 यन्हांविं काइ असिजे । रिक्तकंठां ॥ २५ ॥
 तैसि या शास्त्रां मोकली । इया कै वेंटाली ।
 जे येकवाक्यतेचां फलीं । पैसिजे कै ॥ २६ ॥
 जालेयां हिं येकवाक्यता । कां लाभे वेलु अनुष्ठितां ।
 कैचा पैसार जीविता । एतुलालेया ॥ २७ ॥
 आणि शास्त्रें अर्थे देशें कालें । इंहिं चौंहिं एक जें फले ।
 तें वावो किं कामिलें । आघवें चि ॥ २८ ॥
 ह्मणौनि शास्त्राचें घडतें । नोहे प्रकारें बहुतें ।
 तरि मूर्खां मुमुक्षां एथें । काइ गति ॥ २९ ॥
 हा प्रसावेया अभिप्राउ । अर्जुनु करील प्रस्ताउ ।
 तो सतरावेया ठाउ । अध्याया येथ ॥ ३० ॥

अर्जुनु उवाच ॥

ये शास्त्रविधिमुत्सृज्य यजंते भ्रष्टयाम्बिताः ॥
 तेषां निष्ठा तु कौ कृष्ण सत्वमाहो रजस्तमः ॥ १ ॥
 तरि सर्वविषयिं वितृष्णु । जो सकलकालिं सनुष्णु ।
 कृष्णा हिं नवल कृष्णु । अर्जुनत्वे जो ॥ ३१ ॥
 शौर्ये जोडिला आधार । जो सोमवंसिखा शृंगार ।
 सुखादिउपचर । जेयाची लीला ॥ ३२ ॥

जो प्रज्ञेसि प्रियोत्तमु । विद्यांचा विश्रामु ।
 सहचरु मनोधर्मु । देवांचा जो ॥ ३३ ॥
 तो ह्यणे गा तमालश्यामा । इंद्रियां फावलेयां ब्रह्मा ।
 तूज्ञा बोलु येकु आह्वां । साकांक्षु पैं जी ॥ ३४ ॥
 जे शास्त्रें वांचौनि आणिकें । प्राणियां स्वमोक्षु न देखे ।
 ऐसें जें कैपक्षें । बोलिलें देवें ॥ ३५ ॥
 तरि न मिले चि तो देशु । नोहे चि काला अवकाशु ।
 जो करवि शास्त्राभ्यासु । तो ही दूरि ॥ ३६ ॥
 अभ्यासीं विरजिया । होंति जिया सामग्रिया ।
 तेया ही नाहिं आपैतिया । तेणें वेलें ॥ ३७ ॥
 उजू नोहे चि प्राचीन । नैदी चि प्रज्ञा संवाहन ।
 ऐसें ठेलें आपादान । शास्त्रांचें जेया ॥ ३८ ॥
 किंबहुना शास्त्रविखिं । एकि ही न लाहांती चि नाखी ।
 ह्यणौनि उखीविखी । सांडिली जिहिं ॥ ३९ ॥
 परि निर्द्धारुनि शास्त्रें । अर्थानुष्ठानें पवित्रें ।
 नांदताति परत्रें । आचारें जे ॥ ४० ॥
 तेयां ऐसें आह्नि होआवें । ऐसी चाड बांधौनि जीवें ।
 घेंति तेयाचे मागावे । आचरावेया ॥ ४१ ॥
 धडेयांचेयां आखरा । तलिं बाल लिहे दातारा ।
 कां पुढां सूनि काठिकारा । अक्षमु चाले ॥ ४२ ॥
 तैसें सर्वशास्त्रनिपुण । तेयांचें जें आचरण ।
 तें चि करीति प्रमाण । आपुलिये श्रद्धे ॥ ४३ ॥
 मग शिवादिकें पूजनें । भूम्यादिकें महादानें ।
 अग्निहोत्रादि यजनें । करीति जे श्रद्धा ॥ ४४ ॥
 तरि तिया सत्वरजतमां । माजि कोणि पुरुषोत्तमा ।
 गति होये ते आह्वां । सांघिजो जी ॥ ४५ ॥

श्रीभगवानुवाच ॥

त्रिविधा भवति श्रद्धा देहिनां सा स्वभावजा ॥

सात्त्विकी राजसी चैव तामसी चेति तां शृणु ॥ २ ॥

जो निगमपद्माचें पराग । जो वैकुण्ठपीठिचें लिंग ।

जिये जेयाचिया जग । अंगछाया ॥ ४६ ॥

कालु सवियां चि वाडु । लोकोत्तरु प्रौढु ।

अद्वितीयु गूढु । आनंदवनु ॥ ४७ ॥

इयें श्लाघ्यजती जेणें बीकें । जेयाचेनि आकाशअंग असिकें

तो श्रीकृष्णु स्वमुखें । बोलतुसे ॥ ४८ ॥

हणो पार्था तूझा अतिसो । घेइं गा आक्षिं जाणतसों ।

शास्त्रअभ्यासाचा आडसो । मानितोसि किं ॥ ४९ ॥

नसुदिया चि श्रद्धा । श्लोबों पाहांसि परमपदा ।

तरि तैसें हें प्रबुद्धा । सोहपें नोहे ॥ ५० ॥

श्रद्धा हणितलेया चि साठीं । पातिजों न ये किरीटी ।

कायि द्विजु अंयजुवृष्टी । अंयजु नोहे ॥ ५१ ॥

गंगोदक जन्हीं जालें । तन्हीं मद्यभांडां आलें ।

घेउं ये काहिं केलें । विचारि पां ॥ ५२ ॥

चंदनु होये शीतलु । परि अग्निसिं पावे मेलु ।

तो हार्ति धरिलेयां जाळुं । न शके काई ॥ ५३ ॥

कां कीडाचिये पुटीं । पडिलें सोने किरीटी ।

घेतलेयां सोलें साठिं । नागवी नां ॥ ५४ ॥

तैसें श्रद्धेचें दलवाडे । आंगें किर चोखडें ।

परि प्राणियां चांपडे । विभागें जें ॥ ५५ ॥

आणि प्राणिये तवं स्वभावे । अनादिमायाप्रभवं ।

गुणाचे चि आववे । वलिले आथि ॥ ५६ ॥

तेथ ही दोनि गुण खंचति । मग एकु धरी उन्नती ।
 तें तैसी चि होति वृत्ति । जीवांचिया ॥ ५७ ॥
 वृत्ती ऐसें मनीं धरिति । मना ये ऐसी क्रिया करिति ।
 केलेयां ऐसें वरीति । मरौनि देह ॥ ५८ ॥
 बीज मोडे झाड होये । झाड सुकळें विजि माये ।
 ऐसेनि कल्पकोडी जाये । जाति न नशे ॥ ५९ ॥
 तिया परिं इयें अपारें । होंत जांत जन्मांतरें ।
 त्रिगुणत्व न व्यभिचरे । प्राणियांचें ॥ ६० ॥
 ह्यगौनि प्राणियांचां पैकीं । पडिली श्रद्धा अवलोकिं ।
 होये गुणा सारिखी । तिहिं येयां ॥ ६१ ॥
 विपायें वाढे सत्व शुद्ध । जेधवां ज्ञान चि करी साध ।
 परि येका दोनि वोखद । येर आहाति ॥ ६२ ॥
 सत्वाचेनि आंगलगें । ते श्रद्धा मोक्षफला रिगे ।
 तवं रजतम उगे । कां पां राहाति ॥ ६३ ॥
 मोडूनि सत्वाची त्राये । रजोगुणु आकाशें जाये ।
 तेव्हां ते चि श्रद्धा होये । कर्माची सुणी ॥ ६४ ॥
 मग तमाची उठी आगि । तेधवां ते चि श्रद्धाभंगी ।
 हों लागे भोगा लागि । भलेतेया ॥ ६५ ॥
 एवं सत्वरजतमां । वेगलाली श्रद्धा सुवर्मा ।
 नाहिं भूतप्रामां । माजि येयां ॥ ६६ ॥
 ह्यगौनि श्रद्धा स्वाभाविक । असे गुणत्रयात्मक ।
 रज तम सात्विक । भेदिं इहिं ॥ ६७ ॥
 जैसें जीवन चि उदक । परि विशिं होये मारक ।
 कां मिरियां माजि तीख । उंसिं गोड ॥ ६८ ॥
 तैसा बहुवसें तमें । जो सदा होये निमे ।
 तेथ श्रद्धा परिणमे । तें चि होउनि ॥ ६९ ॥

मग काजला आणि मसि । न दिसे विवंचना जैसी ।
 ते चि श्रद्धा तामसी । सिनानी नाहिं ॥ ७० ॥
 तैसी चि राजसी जीविं । रजोमय जाणावी ।
 सात्त्विकिं आघवी । सत्वाचि चि ॥ ७१ ॥
 ऐसेनि हा सकल । जगडंबरु निखलु ।
 श्रद्धेचा चिं केषलु । वोतिला असे ॥ ७२ ॥
 परि गुणत्रयवसें । त्रिविधपणांचें लासें ।
 श्रद्धे जें उठिलें असे । तें चि बोलख ॥ ७३ ॥
 तरि जाणिजे झाड फूलें । मानस जाणिजे बोलें ।
 भोगें जाणिजे केलें । पूर्वजन्मिचें ॥ ७४ ॥
 तैसि जिहिं जिहिं चिन्हि । श्रद्धेचीं रूपें तिन्हीं ।
 देखति ते वानी । अवधारि पां ॥ ७५ ॥

सत्त्वानुरूपा सर्वस्य श्रद्धा भवति भारत ॥

श्रद्धामयो यं पुरुषे यो यच्छ्रद्धः स एव सः ॥ ३ ॥

तरि सात्त्विकी श्रद्धा । जेयांचा होये बांधा ।
 तेया बद्द करुनु मेधा । स्वर्गिची आधि ॥ ७६ ॥

यजंते सात्त्विका देवान्यक्षरक्षांति राजसाः ॥

प्रेतान्भूतगणां श्रान्ये यजंते तामसा जनाः ॥ ४ ॥

ते विद्याजात पठति । यज्ञक्रिया निवडिति ।

किंबहुमा पडति । देवपैकिं ते ॥ ७७ ॥

आणि श्रद्धा राजसां । घडिजे वीरेशा ।

ते भजति राक्षसां । खेचरां हान ॥ ७८ ॥

जीववधें साधूनि बलि । भूतप्रेतकुलें मौली ।

श्मशानीं संध्याकालीं । पूजिति जे ॥ ७९ ॥

ते तमोगुणांचें सार । काढूनि निर्मिले नर ।

जाण तामसियेचें घर । श्रद्धेचें सिये ॥ ८० ॥

ऐसा इहिं तिहिं लिंगि । त्रिविध श्रद्धा जगि ।
 पै हैं इं यया लागि । सांघतसें ॥ ८१ ॥
 जे हे सात्विक श्रद्धा । जतना धरावी प्रबुद्धा ।
 येरी दोन्हीं विरुद्धा । सांडाविया ॥ ८२ ॥
 हे सात्विकी श्रद्धा जेया । निर्वाहाती होये धनंजया ।
 बागुल्लु नाहिं तेया । कैवल्य तें ॥ ८३ ॥
 तो न पढो कां ब्रह्मसूत्र । नालोडू सर्वशास्त्र ।
 सिद्धांतु नहंतु सतंत । तेयाचां हातीं ॥ ८४ ॥
 पारि श्रुतिस्मृतिचे अर्थ । जे आपण होउनि मूर्त ।
 अनुष्ठानें जगा देंत । वडिल जे गा ॥ ८५ ॥
 तेयांचि आंचरतिं पाउलें । पाहुनि सात्विक श्रद्धा चाले ।
 तो तें चि फल ठेविलें । ऐसें पावे ॥ ८६ ॥
 पै येकुं दीपुं लावी सायासें । आणिकु फांकावेया तेथ बैसे ।
 तरि काइ प्रकारें । वंचिजे गा ॥ ८७ ॥
 कां येकें मोल अपार । वेचुनु बांधलें ढवलार ।
 तो सुरवाडु वस्तिकर । न भोगि काइ ॥ ८८ ॥
 हें असो जो तलें करी । तेयाची चि तृषा हरी ।
 तें सर्वा आन करी । हें विचारि पां ॥ ८९ ॥
 हें बहू काइ बोलों पै गा । एका गौतमासी चि गंगा ।
 एरां समस्तां काइ गा । वोहल जाली ॥ ९० ॥
 क्षणौनि आपुलिया परी । शास्त्र अनुष्ठिति कुसरी ।
 तेयातें श्रद्धालु जो वरी । तो मूर्खु ही तरे ॥ ९१ ॥
 अशास्त्रविहितं घोरं तप्यंते ये तपो जनाः ॥
 दंभाहंकारसंयुक्ताः कामरागबलान्विताः ॥ ५ ॥
 ना शास्त्राचेन किर नावें । खांकरुं हिं न ये धावें ।
 पारि शास्त्रज्ञा हिं सीवे । टेंकों नेंदी ॥ ९२ ॥

वडिलांचिया क्रिया । छांदसत्वे वांकुलिया ।
 दावीति डाकुलिया । वाजवीति ॥ ९३ ॥
 आपुलेनी चि आटोपें । धनत्वाचेनि दर्पें ।
 साचाचि खंडित तपें । आदरिलीं ॥ ९४ ॥
 आपुलिया पुढिलाचेया । आंगा घाल्नि कातिया ।
 रक्ता मांसा प्राणितिया । भरूं भरूं देंती ॥ ९५ ॥
 रिचवीति जलतां कुंडीं । लावीति चेडेयाचां तोंडीं ।
 नवसिये देंत उंडी । बालकांची ॥ ९६ ॥
 आप्रहाचिया उजिरिया । क्षुद्रदेवतां वन्हीयां ।
 अन्नत्यागें सातरिया । टाकिति एक ॥ ९७ ॥
 आगा आत्मपरपीडा । बीज तमक्षेत्रीं सुहाडा ।
 पेरीति मग पुढां । तें चि पीके ॥ ९८ ॥
 बाहिं नाहिं जोडि आपुलेया । आंगें न्हवती चि धनंजया ।
 मग चिंति तें तेयां । होये कां ऐसे ॥ ९९ ॥
 वैद्यातें करीति साला । रसु घाली पांउखला ।
 तो रोगिया विव्हला । सोवता होये ॥ १०० ॥
 नाना पढिकराचेनि सलें । काढी आपुले डोले ।
 ते बोणवां चाले आंधळें । जैसें ठाके ॥ १ ॥
 तैसें तेयां तामसां होये । जें निंदूनि शास्त्रांची सोये ।
 सैघ धांवाति मोहें । आडाइले ॥ २ ॥
 कामु करवी तें करिति । क्रोधु मारवी तें मारीति ।
 किंबहुना मातें दुखविति । दुःखाचां गुंडां ॥ ३ ॥
 कर्षयंतः शरीरस्थं भूतग्राममचेतसः ॥
 मां चैवांतःशरीरस्थं तान्विध्यासुरनिश्चयान् ॥ ६ ॥
 आपुलां परावां देहीं । जें वीरुं करिति काहिं ।
 तें मज आत्मेयां पाहिं । होये सीणु ॥ ४ ॥

पैं काचेचेनि पालवें । पापिया तेयां नातलावें ।
 परि पडिलें सांघावें । लजावेया ॥ ५ ॥
 प्रेत बाहिरें घालिजे । कां अंत्यु जैसा भखलिजे ।
 हें असो हातें क्षालिजे । कष्मलातें ॥ ६ ॥
 तेथ शुद्धिचेया आशा । तो लेपु न मनावा जैसा ।
 तेयातें सांडावेया तैसा । अनुवादु हा ॥ ७ ॥
 परि अर्जुना तूं तेयातें । देखसी तैं स्मर हो मातें ।
 जें आन प्रायश्चित्त येथें । मानैल ना ॥ ८ ॥

आहारस्त्वपि सर्वस्य त्रिविधो भवति प्रियः ॥
 यज्ञस्तपस्तथा दानं तेषां भेदमिमं श्रुणु ॥ ७ ॥

हणौनि श्रद्धा जे सात्विकी । पुढुति तिये चि पैं एकी ।
 जतन करावी नीकी । सर्वा परीं ॥ ९ ॥
 धरावा तैसा संगु । जेणें पोखे सात्विक लागु ।
 सत्ववृद्धिचा भागु । आहारु घेपे ॥ ११० ॥
 यन्हविं तन्हीं पाहिं । स्वभावो वृद्धिचां ठांइं ।
 आहारु वांचौनि नाहिं । बलि हेतु ॥ ११ ॥
 प्रत्यक्ष पाहे पां वीरा । जो सावधु घे मदिरा ।
 तो होउनि ठाके माजिरा । तिये चि क्षणीं ॥ १२ ॥
 कां जो सर्वान्नरस सेवी । तो व्यापिजे वायुस्वभाविं ।
 दाहक जाली निववी । पथ्यादिक ॥ १३ ॥
 नातारिं अमृत जेया परीं । घेतलें अमरां करी ।
 कां आपुलेया ऐसें करी । सेविलें विष ॥ १४ ॥
 तेवि घेपे जैसा आहारु । धातूं तैसा चि होये आकारु ।
 धातू ऐसा अंतरु । भावो पोखे ॥ १५ ॥
 जैसें भाडेयाचेनि तापें । आंतुल उदक तापे ।
 तैसी धातुवसें आटोपे । चित्तवृत्ती ॥ १६ ॥

ह्यणौनि सात्विकु रसु सेविजे । तै सत्वाची वाढि पाविजे ।
 राजसां तामसां होइजे । येरिं रसिं ॥ १७ ॥
 तरि सात्विकु कोणु आहारु । राजसा तामसा काइ आकारु ।
 हें सांघों करीं आदरु । आकर्णनीं ॥ १८ ॥
 आणि येकसरेया आहारा । कैसेनि तिनि मोहरा ।
 जालिया तैं हिं वीरा । रोकडें दाउं ॥ १९ ॥
 तरि जेव्हणाराचिया रुची । निष्पत्ति कीं बोनेयांची ।
 आणि जेवितां तवं गुणाची । दासि होये ॥ १२० ॥
 जो जीउ कर्ता भोक्ता । तो गुणा तव स्वभावता ।
 पावौनियां त्रिविधता । चेष्टे त्रिधा ॥ २१ ॥
 ह्यणौनि त्रिविध आहार । यज्ञ हिं किर त्रिप्रकार ।
 देणें हान व्यापार । त्रिविध चि तें ॥ २२ ॥

आयुःसत्वबलारोग्यसुखप्रीतिविवर्धनाः ॥

रस्याः स्निग्धाः स्थिरा हृद्या आहाराः सात्विकप्रियाः ॥ ८ ॥

परि आहारलक्षण पहिलें । सांघों जें ह्यणितलें ।
 तें आइक भलें । रूप करुं ॥ २३ ॥
 तरि सत्वगुणा कडे । जें दैवें भोक्ता पडे ।
 तैं मधुरिं रसिं घडे । मेचु तेया ॥ २४ ॥
 आंगें चि द्रव्यें सुरसें । जें आंगें चि पदार्थ गोडिसें ।
 आंगें चि स्नेह बहुवसें । सुपक्कें जियें ॥ २५ ॥
 आकारें नव्हंति डगलें । स्पर्शि अति मौवालें ।
 जीभे लागलीं स्नेहालें । स्वादीं जियें ॥ २६ ॥
 रसें गाढिं वरिं ढिलीं । द्रव भावें आथिलीं ।
 ठायें ठाउं सांडिलीं । अम्रितापें ॥ २७ ॥
 आंगां सानें परिणामें थोर । जैसें गुरुमुखिचें अक्षर ।
 तैसे अल्पें जन्हीं आहार । तृप्ति राहे ॥ २८ ॥

आणि मुखिं जैसैं गोडें । तैसीं देहा आंतुली कडे ।
 तिहिं अनीं प्रीति वाढे । सात्विकाची ॥ २९ ॥
 एवंगुणलक्षण । सात्विक भोग्य जाण ।
 आयुष्याचें त्राण । नीच नवें ॥ १३० ॥
 येणें सात्विकें रसें । जवें देहिं मेहो वरिसे ।
 तवें आयुष्यनदी उससे । देहाची देहा ॥ ३१ ॥
 सत्वाची किर पालती । करणें हें चि सुमती ।
 दिवसाचिये उन्नती । भानु जैसा ॥ ३२ ॥
 कां शरीरा आणि मानसा । बलाचा पैकु वांसा ।
 हा आहार तैं दशा । कैची रोगां ॥ ३३ ॥
 हा सात्विकु होये भोग्य । तैं भोगावें आरोग्य ।
 शरीरा भाग्य । उदैलें जाणों ॥ ३४ ॥
 आणि सुखाचें घेणेंदेणें । नीकें उवायाये येणें ।
 हें असो वाढे साजणें । आनदेंसीं ॥ ३५ ॥
 ऐसा सात्विकु आहार । परिणमला थोर ।
 करी उपकार । सबाह्यासि ॥ ३६ ॥

कट्वम्ललवणात्युष्ण तीक्ष्णरूक्षविदाहिनः ॥

आहारा राजसस्येष्टा दुःखशोकामयप्रदाः ॥ ९ ॥

आतां राजसासि प्रीति । जिहिं रसिं आधि ।
 करुं तेया ही व्यक्ती । प्रसंगें गा ॥ ३७ ॥
 तारि मारें उणें कालकूट । तेणें मानें कडुवट ।
 कां चूनेयांडुनु दासट । अम्लीं हान ॥ ३८ ॥
 कणिकेतें जैसैं पाणी । तैसैं मीठ बांधेयातें आणीं ।
 तेतुली चि मेलवणी । रसांतराची ॥ ३९ ॥
 ऐसैं खार अपाडें । राजसा तेया आवडे ।
 उन्हाचेन मीखें तोंडें । अग्नी चि रिगो पां ॥ १७० ॥

वाफेचिये सीगे । वाति ही लागे ।
 तैसें उन्ह मागे । राजसु तो ॥ ४१ ॥
 वावंदणें पाडुनु पाए । सबलु डाहारला ठाये ।
 तैसें तिखट खाये । जें घायें विण लागे ॥ ४२ ॥
 आणि राखेहूनु कोरडें । आंतु बाहिरि पांकि जे पोपडे ।
 तो जिव्हाडंसु आवडे । बहू तेया ॥ ४३ ॥
 परस्परें दांतां । आडलु होये खातां ।
 तो गा तोंडिं घेंतां । तोखों लागे ॥ ४४ ॥
 आधि चि द्रव्यें चुरुमुरीं । वरि परिवंडिलीं मडुरीं ।
 जिये घेंतां होये धुवारी । नाकतोडाची ॥ ४५ ॥
 हें असो उगें आगितें । हण्णे तैसें राइतें ।
 पढिये प्राणा परौतें । राजसासि गा ॥ ४६ ॥
 ऐसा न पुरौनि तोंडा । जीभा केला वेडा ।
 अन्नमीखें भडभडां । आगी चि खाए ॥ ४७ ॥
 तैसा चि लवंग्घा सूटे । मग भुयिं ना सेजे सांटे ।
 पाणियांचें न फिटे । तोंडूनि पात्र ॥ ४८ ॥
 ते आहार नव्हंति घेतले । व्याधिव्याल सुतले ।
 ते चेववावेया घातले । पोटा माक्षि ॥ ४९ ॥
 तैसें येकमेकां सलें । रोग उठिति एकें वेलें ।
 ऐसा राजसु फले । केवल दुःखें ॥ १५० ॥
 एवं राजसा आहारा । रूप केलें धनुर्द्धरा ।
 परिणामाचा ही विसुरा । सांघितला ॥ ५१ ॥

यातयामं गतरसं पूतिपर्युषितं च यत् ॥

उच्छिष्टमपि चामेध्यं भोजनं तामसप्रियम् ॥ १० ॥

आतां तेया तामसा । आवडि आहारिं परियसां ।
 तें हिं सांघों चिलसा । ज्ञनें तुह्मीं ॥ ५२ ॥

तरि कुहिलें उसिटें खातां । न मनी काहिं अनहिता ।
 कां साजुका नासका । हौंसि जैसी ॥ ५३ ॥
 निफजलें अन्न तैसें । दुपाहारी कां दिवसें ।
 अतिकरें तैं तामसें । घेइजे तें ॥ ५४ ॥
 नातरि अधोऋढीं ठेलें । कां निऱ्हां करपौनि गेलें ।
 तैसिं हिं खाये चूकलें । रसा जें येवों ॥ ५५ ॥
 जेया कां आथि निष्पत्ति । जेथ रसु धरी व्यक्ती ।
 तें अन्न ऐसें प्रतीती । तामसा नाहिं ॥ ५६ ॥
 ऐसेन काहिं विपायें । सदन्ना वरिपडा होये ।
 तरि घाणि सूटे तवं राहे । व्याघ्रु जैसा ॥ ५७ ॥
 किं बौद्धुविं दिसिं वोलांडिलें । सुरसपणें सांडिलें ।
 शुष्क अथवा सडिलें । गाभिणें हिं हो ॥ ५८ ॥
 तें हिं बालांचे हात वेऱ्हीं । चिवडिली जैसी घारी ।
 कां सर्वे बैसौनि नारी । आघैलें करी ॥ ५९ ॥
 ऐसेनि कश्मलें जें खाए । तैं तेया जेविलें ऐसें होये ।
 परि एणें हिं न धाए । पापिया तो ॥ ६० ॥
 मग चमतिकारु देखां । निषेधाचा आंबुखा ।
 जेया कां सदोषा । कुद्रव्यांसि ॥ ६१ ॥
 तेयां अपेयाचां पानीं । अखाद्याचां भोजनीं ।
 वाढविजे उतान्ही । तामसें तेणें ॥ ६२ ॥
 एवं तामसा जेव्हणारा । ऐसी चि मेचु वीरा ।
 याचें फल दुसरां । क्षणि नाहिं ॥ ६३ ॥
 जें जेव्हां चि अपवित्र । सेवी तेयाचें वक्त्र ।
 तेव्हां चि पापा पात्र । जाला किं तो ॥ ६४ ॥
 एया परौतें जेवी । ते जेविती वोज न ह्यणावी ।
 पोटीं भरती जाणावी । यातना ते ॥ ६५ ॥

शिरछेदें काइ होये । कां आगी रिघतां कैसें आहे ।
 हें जाणावें काइ पाहे । वरि साहातु असे जो ॥ ६६ ॥
 ह्यणौनि तामसा अन्ना । परिणामु गा सिना ।
 न संघों चि गा अर्जुना । देवो ह्यणे ॥ ६७ ॥

अफलाकांक्षिभिर्यज्ञो विधिदृष्टो य इज्यते ॥
 यष्ट्व्यमेवेति मनः समाधाय स सात्विकः ॥ ११ ॥

आतां एया वरि । आहाराचिया परी ।
 यज्ञु हिं अवधारिं । त्रिधा असे ॥ ६८ ॥
 परि तिं माजि प्रथम । सात्विक यज्ञाचें वर्म ।
 आइक पां सुवर्म । शिरोमणी ॥ ६९ ॥
 तारि येकु प्रियोत्तमु । वांचुनु वाढों नेंदी कामु ।
 जैसा कां मनोधर्मु । पतिव्रतेचा ॥ १७० ॥
 ना सिंधुतें टाकुनि गंगा । पुढां न करी चि निगा ।
 कां आत्मा देखौनि उगा । वेदु ठेला ॥ ७१ ॥
 तैसें जें आपुला विहिति । वेचौनियां चित्तवृत्ती ।
 नुरती चि अहंकृती । फला लागि ॥ ७२ ॥
 पांतलेयां झांडांचें मूल । माघौतें सरों नेणिजे चि जळ ।
 जिरालें चि कां केवल । तेयाचां आंगीं ॥ ७३ ॥
 तैसें देह मनें दोहीं । निश्चयाचां ठांडं ।
 हारपौनि जें काहिं । इच्छीति ना ॥ ७४ ॥
 तें हिं फळवांछाल्यागीं । स्वधर्मु वांचौनि विरागीं ।
 कीजे जो यज्ञु सर्वांगीं । अलंकृतु ॥ ७५ ॥
 परि आरिसा आपणपें । डोलां जें घेपे ।
 कां तळहातिचेनि दीपें । रत्न पाहिजे ॥ ७६ ॥
 नाना उदितें दिवाकरें । गमावा मार्गु दीठी भरें ।
 तैसा वेदनिर्द्धरें । देखौनियां ॥ ७७ ॥

तियें कुंडमंडपवेदी । आणिक ही संभारसमृद्धी ।
 ते मेलवणी जैसी विधी । आपण केळी ॥ ७८ ॥
 सकलअवयवउचितें । लेणि पातलिं जैसीं आंगातें ।
 तैसै पदार्थ जेथिचा तेथें । विनियोगुनि ॥ ७९ ॥
 काइ वानूं बहुतिं बोलिं । जैसी सर्वाभरणीं भरळी ।
 यज्ञविद्या चि रूपा आली । यजनमीसैं ॥ १८० ॥
 ऐसा सांगोपांगु । निफजे जो यागु ।
 नुरौनियां लागु । महत्वाचा ॥ ८१ ॥
 प्रतिपालु तरि याचा । चौपाटी कीजे तुलसिचा ।
 परि फलफूलछायेचा । आश्रयो नाहिं ॥ ८२ ॥
 किंबहुना फलाशें त्रिण । एसिया निगुतिया निर्माण ।
 होये तो यज्ञ जाण । सात्विकु गा ॥ ८३ ॥

अभिसंधाय तु फलं दंभार्थमपि चैव यत् ॥

इज्यते भरतश्रेष्ठ तं यज्ञं विद्धि राजसम् ॥ १२ ॥

आतां यज्ञु कीर वीरेशा । करी या चि ऐसा ।
 पारि श्रद्धा लागि जैसा । आवंतिला रा३० ॥ ८४ ॥
 जें राजा जरि घरासि ए । तारि बहुतु उपेगु होये ।
 आणि कीर्ति ही होए । श्रद्धा न ठके ॥ ८५ ॥
 तैसा धरुनि आवांका । हणगे स्वर्गु जोडैल असिका ।
 दीक्षितु होईन नीका । घडैल यागु ॥ ८६ ॥
 ऐसी केवल फला लागि । महत्व फोकरावेया जर्गी ।
 पार्था निफज चि जे यागीं । राजस पै ते ॥ ८७ ॥

विधिहीनमसृष्टान्नं मंत्रहीनमदक्षिणं ॥

श्रद्धाविरहितं यज्ञं तामसं परिचक्षते ॥ १३ ॥

आणि पशुपर्क्षीं विवाहीं । जोईस कामा परौता नाहिं ।
 तैसा तामसा यज्ञा पाहिं । आग्रहो चि मूल ॥ ८८ ॥

वारेया ऐसा अवाटु होये । कां मरणा मुहूर्त्त पाहे ।
 कां निषिद्धासि न भिये । आगि जैसी ॥ ८९ ॥
 तरि तामसांचेया आचारा । विधिचा आधि वोढा वारा ।
 ह्यणौनि तो धनुर्द्धरा । उत्संकु खलु ॥ ९० ॥
 नाहिं वेदाची चाडा । नैये मंत्रादिक तेया कडा ।
 अन्न तें न सुटे तोंडा । मासियेचेया ॥ ९१ ॥
 वैराचा बोधु ब्राह्मणां । तेथ कें रिघैल दक्षिणा ।
 संतु जाला वाउधणा । वरिपडा जैसा ॥ ९२ ॥
 तैसें वायां चि सर्व ही वेचे । मुख नेदखतां श्रद्धेचें ।
 नागविलें निपुत्रिकाचें । जैसें घर ॥ ९३ ॥
 ऐसा जो यज्ञभासु । जेया नावं यागु तामसु ।
 आइकें ह्यणे निवासु । श्रियेचा तो ॥ ९४ ॥

देवद्विजगुरुप्राज्ञपूजनं शौचमार्जवं ॥

ब्रह्मचर्यमहिंसा च शारीरं तप उच्यते ॥ १४ ॥

आतां गंगेचे एक पाणीं । परि नेलें आनानीं वर्णीं ।
 एक मैली एक आणी । शुद्धत्व जैसें ॥ ९५ ॥
 तैसें तिहिं गुणिं तप । तेथ जालें असे त्रिरूप ।
 तें एक दे पाप । उद्धरी एक ॥ ९६ ॥
 तरि तें चि तिहिं भेदीं । कैसेनि पां ह्यणो सुबुद्धी ।
 जाणों पाहांसि तरि आदीं । तप चि जाण ॥ ९७ ॥
 एथ तप ह्यणिपे तें काइ । तें स्वरूप दाउं पाहीं ।
 मग भेदिलें गुणिं तिहिं । तें पाठिं बोलों ॥ ९८ ॥
 तरि तप जें कां समैक । तें हिं त्रिविध आइक ।
 शारीर मानसीक । शाब्दीक गा ॥ ९९ ॥
 आतां यां तिहिं माझारि । शारीर तवं अवधारिं ।
 तरि शंभु कां श्रीहरी । पढियंतें होए ॥ २०० ॥

तेया प्रिया देवतालया । यात्रादिकें करावेया ।
 आठ पाहारिं एयां पायां । उल्लिग घापे ॥ १ ॥
 प्रांगण मिरवणियां । आंगोपचार पुरवणियां ।
 करावेया ह्यणियां । शोभति हात ॥ २ ॥
 लिंग कां प्रतिमा दीठी । देखत खे३० आंगपुष्टी ।
 लुंठवीत काठी । पडिली जैसी ॥ ३ ॥
 आणि विद्याविनयादिकिं । गुणिं जे वडिल लोकिं ।
 तेयां ब्रह्मणांची नीकी । पाइकै कीजे ॥ ४ ॥
 अथवा प्रवासें कां पीडां । सीणलें जें सांकडां ।
 ते जीव सुरवाडा । आणजति ॥ ५ ॥
 सकलां तीर्थांचिये धूरे । जियें कां मातापितरें ।
 तियें सेवे किर शरीरें । लोण कीजे ॥ ६ ॥
 आणि संसारा ऐसा दारुणु । जो भेटलेयां हरे सीणु ।
 तो ज्ञानदानिं सकरुणु । भजिजे गुरु ॥ ७ ॥
 आणि स्वधर्माचां आगिठां । देह जाड्याचिया कीटा ।
 आश्रुत्तिपुटीं सुभटा । झाडि कीजे ॥ ८ ॥
 देह भूतमात्रीं नमिजे । परोपकारिं व्यामिजे ।
 स्त्रीविषिं नेमिजे । नावां नावां ॥ ९ ॥
 जाततेन प्रसंगें । स्त्रीदेह सिवणें आंगें ।
 तेथौनि देह आवघें । अबोटी कीजे ॥ १० ॥
 भूतमात्राचेनि नावें । तृण हिं नासुडावें ।
 किंबहुना सांडावे । छेदभेद ॥ ११ ॥
 ऐसीसी जे शरीरीं । राहाटिची पडे उजिरी ।
 तें शारीरतप घुमरी । आलें जाण ॥ १२ ॥
 पार्था समस्त ही हें करणें । देहाचेनि प्रधानपणें ।
 ह्यणौनि भीं एयातें ह्यणें । शारीर तप ॥ १३ ॥

अनुद्वेगकरं वाक्यं सत्यं प्रियहितं च यत् ॥
स्वाध्यायाभ्यसनं चैव वाङ्मयं तप उच्यते ॥ १५ ॥

येवं शारीर जे तप । तेयाचें दाविलें रूप ।
आतां आइक निष्पाप । वाङ्मय तें ॥ १४ ॥
तरि लोहें आंगतुंक । न तोडितां चि कनक ।
केलें जैसें देख । परिसें तेणें ॥ १५ ॥
तैसें न दुखवितें जें । जवलिळां सुख निफजे ।
ऐसें साधुत्व देखिजे । बोलणां जिये ॥ १६ ॥
पाणी मुदला झाडा जाए । तृण तें प्रसंगें जीहे ।
तैसें येकां बोलिलें होये । सर्वां हीं हित ॥ १७ ॥
जोडे अमृताची सुसरी । ते प्राणातें अमरां करी ।
स्नानें पापताप निवारी । गोडी हीं दे ॥ १८ ॥
तैसा अविवेकु ही फीटे । आपुलें अनादित्व भेटे ।
परि आइकतां रुचि न विटे । पीयूषिं जैसी ॥ १९ ॥
जारि कोणहीं करी पूसणें । तरि ऐसें होआवें बोलणें ।
नातरि आवर्तणें । निगमाचलीं ॥ २२० ॥
रुग्वेदादि तीन्हीं । प्रतिष्ठिजति वाग्भुवनीं ।
केली जैसी वदनीं । ब्रह्मशाला ॥ २१ ॥
नातरि येकार्थें नावें । तें चि शैव कां वैष्णव ।
वाचे वसतें वाग्भव । तप जाणावें ॥ २२ ॥

मनः प्रसादःसौम्यत्वं मौनमात्मविनिग्रहः ।

भावसंशुद्धिरित्येतत्तपो मानसमुच्यते ॥ १६ ॥

आतां तप जे मानसीक । तें हीं सांघों आइक ।
ह्मणे लोकनायक—। नायकु तो ॥ २३ ॥
तरि सरोवर तरंगीं । सांडिलें आकाश मेघीं ।
कां चंदनाचें उरगीं । उद्यान जैसें ॥ २२४ ॥

नाना कलावैषम्ये चंद्रु । कां सांडिला आधी नरेद्रु ।
 नातरि क्षीरसमुद्रु । मंदराचले ॥ २५ ॥
 ऐसें नानाविकल्पजाल । सांडूनु गेलेयां सकल ।
 मन राहे केवल । स्वरूपीं जे ॥ २६ ॥
 तपनें विण प्रकाशु । जाड्ये विण रसु ।
 पोकली विण आशाश । होये जैसें ॥ २७ ॥
 तैसी आपुली सोये देखे । आणि आपुलेया स्वभावा मूके ।
 हींवली जैसी अंगिके । हिंवो नेंदी ॥ २८ ॥
 मग नवल तें कलंकें विण । शाशंबिब जैसें पार्वण ।
 तैसें चोखिसि थारपण । मनाचें जें ॥ २९ ॥
 बुडालें वैराग्याचें तप । जिराली मनाचीं धाप ।
 तेथ कां होईल वाप । येरीं वृत्तीं ॥ ३० ॥
 ह्यगौनि विचारावेया शास्त्र । राहाटवावें जें वक्त्र ।
 तें वाचेचें हीं सूत्र । हातीं न धरी ॥ ३१ ॥
 तें स्वभावे लोभलेपणें । मनपण हिं वरुं नेणें ।
 सीतलें जैसें लवणें । आपुलें निज ॥ ३२ ॥
 तेथ कें उठिति ते भाव । जिहि इंद्रियमार्गि धावं ।
 घेउनि टाकावेया गावं । विषयांचें गा ॥ ३३ ॥
 ह्यगौनि तिये मानसिं । भावशुद्धी चि असे आपैसी ।
 रोमशुद्धि जैसी । तलहातासि ॥ ३४ ॥
 काइ बहू बोलों अर्जुना । जें हे दशा ये मना ।
 तें मनो तपभिधाना । पात्र होए ॥ ३५ ॥
 परि तें असो हें जाण । मानसतपाचें लक्षण ।
 देवो ह्यणे संपूर्ण । सांधितलें ॥ ३६ ॥
 एवं देहें वाचा चित्तें । जें पातले त्रिविधत्वातें ।
 तें साम्यतप तूतें । परिसविलें गा ॥ ३७ ॥

श्रद्धया परया तप्तं तपस्तत्रिविधैर्मरैः ॥

अफलाकांक्षिभिर्युक्तैः सात्त्विकं परिचक्षते ॥ १७ ॥

आतां गुणत्रयसंगं । हें चि विशेष त्रिविध्य रिगे ।

तें हीं आइक चांगें । प्रज्ञाबलें ॥ ३८ ॥

तरि हें चि तप पै त्रिविध । जें दाविलें तुज विषद ।

तें चि करीं प्रसिद्ध । सांडूनि फलीं ॥ ३९ ॥

जें पुरतिया सत्वशुद्धी । आचरिजे आस्तिकबुद्धी ।

तेयातें चि गा प्रबुद्धीं । सात्त्विक ह्यणिपे ॥ २४० ॥

नां तपियेपणां लागि । दूजी त्राये जोडुनु जर्गी ।

महत्वादिक्किचां शृंगीं । बैसावेया ॥ ४१ ॥

सत्कारमानपूजार्थं तपो दंभेन चैव यत् ॥

क्रियते तदिह प्रोक्तं राजसं चलमश्रुबम् ॥ १८ ॥

त्रिभुवनिचेया सन्माना । न वचावेया ठाया आनां ।

धूरेचिया आसनां । भोजना लागि ॥ ४२ ॥

विश्विचेया स्तोत्रा । आपण होआवें पात्रां ।

विश्व आपुलिया यात्रा । करावेया ॥ ४३ ॥

लोकाचिया विविधा पूजा । आश्रयो धरावेया दूजा ।

भोग भोगावेया वोजा । महत्वाचिया ॥ ४४ ॥

आंगा बोल माखुनु तपें । विकावेया आपणपें ।

अंगना हीन पडपें । जिया परीं ॥ ४५ ॥

हें असो धनमानीं आश । बांधौनि तपें कीजे सायास ।

तें तें चि तप राजस । बोल्लिजे गा ॥ ४६ ॥

परि पडुरणीं जें दुहिले । तें गोरुं न दुभे वियालें ।

कां उभें सेत चारिलें । पीकावेया नुरे ॥ ४७ ॥

तैसें फोंकरितां तप । कीजे जें साक्षेप ।

तें फळि तवं सोफ । नि-हां जाये ॥ ४८ ॥

ऐसें निष्फल देखौनि करितां । माझारि सांडी पांडुसुता ।
 ह्यगौनि नाहिं स्थिरता । तपा तेया ॥ ४९ ॥
 यन्हविं तर्हि आकाशमांडिं । जो गाजौनि ब्रह्मांड फोडी ।
 तो अकालमेषु काइ घडी । राहांतु असे ॥ २५० ॥
 तैसें राजस तप जें होए । तें फलीं किर वांझ जाये ।
 परि आचरणीं हीं नोहे । निर्वाहो तेया ॥ ५१ ॥

मूढग्राहेणात्मनो यत्पीडया क्रियते तपः ॥
 परस्योत्सादनार्थं वा तत्तामासमुदाहृतम् ॥ १९ ॥

आतां तें चि तप पुढुतीं । तामसैयेचिया रीती ।
 तें परत्रा आणि कीर्ती । रुसौनि कीजे ॥ ५२ ॥
 केवल मूर्खपणाचा नारा । जीविं घेउनि धनुर्द्धरा ।
 नावं ठेविजे शरीरा । वैरियांचें ॥ ५३ ॥
 पंचाग्निचिं हडगीं । खोलविजति शरीरा लागि !
 किं इंधन कीजे आगि । आंतुल चि ॥ ५४ ॥
 माथां जालिति गुगुलु । आंगीं घालिजति गलु ।
 बंधि लांविजति जालु । आपणपां चि ॥ ५५ ॥
 दवडौनि श्वसोश्वास । कीजति वायां चि उपवास ।
 कां घेइजति धूमाचे घांस । अधोमुखें ॥ ५६ ॥
 हिमोदकें आकठें । खडकिलां सेविजति तटें ।
 जितिया मासाचे चिमुटे । तोडिति जेथ ॥ ५७ ॥
 ऐसे नाना परीं हे काया । घाये सूति धनंजया ।
 तप कीजे नाशावेया । पुढैलांतें ॥ ५८ ॥
 आंगभारें सूटला ढोंडा । आपा नूकौनियां खांडा ।
 वरिपडिलेयां रगडा । करी जैसा ॥ ५९ ॥
 किंबहुना हे वोखटी । घेउनि क्लेशाची हातवटी ।
 तप निफजे किरिटी । तामस होए ॥ २६० ॥

तेवि आपुलिया आटणियां । सुखें असतिया प्राणियां ।

जियाविया ही सिराणियां । करिति गा ॥ ६१ ॥

एवं सत्वादिकाचां आंगीं । पडिलें तपभागीं ।

जालें तें तुज चांगी । दाविले व्यक्ती ॥ ६२ ॥

दातव्यमिति यद्दानं दीयते नुपकारिणे ॥

देशे काले च पात्रे च तद्दानं सात्त्विकं स्मृतं ॥ २० ॥

आतां बोलतां प्रसंगा । आलें हणौनि पैं गा ।

करुं रूप दानलिंगा । त्रिविधा तेया ॥ ६३ ॥

तेथ गुणाचेनि बोलें । दान हिं त्रिविध असे जालें ।

तें चि आइक पहिलें । सात्त्विक ऐसें ॥ ६४ ॥

तरि स्वधर्मा आंतौतें । जें मीले आपणपेयातें ।

तें देइजे बहुतें । समानयोगें ॥

जालेयां सुबीजप्रसंगु । पडे क्षेत्रा वापेचा पांगु ।

तैसा चि दानाचा हा लागु । देखतसों ॥ ६६ ॥

अनर्घ्य रत्न हातु चढे । तें भांगाराची वोढि पडे ।

दोन्हीं जालीं तरि न जोडे । लेतें आंग ॥ ६७ ॥

परि सणु सुद्धु संपति । यें तिन्हि येकें मिलति ।

जें भाग्य धरी उन्नती । आपुलां विधिं ॥ ६८ ॥

तैसैं निफजवावेया दान । जें सत्व सुये संवाहन ।

तें देशु काल भाजन । द्रव्य ही मिले ॥ ६९ ॥

तन्हि आधिं तवं प्रयत्नेसिं । होआवें कुरुक्षेत्र कां कासी ।

नातरि तूके जो इहिंसिं । तो ही देशु हो ॥ २७० ॥

तेथ रवि-चंद्रा राहु-मेलु । होता पाहावा पुण्यकालु ।

कां तेया सारिखा निर्मलु । आणिकु ही हो ॥ ७१ ॥

तैसां कालिं तिये दिंसिं । होआवी पात्रसंपति ऐसी ।

मूर्ति धरिली आहे जैसी । शुचित्वें चि कां ॥ ७२ ॥

आचाराचें मूलपीठ । वेदाची उत्तरवेंठ ।
 तैसें द्विजरत्न चोखट । पाहुनियां ॥ ७३ ॥
 मा तेयाचां ठांडं चिंता । निवर्तावी स्वसत्ता ।
 परि प्रिया पुढें कांता । रिगे तैसेनि ॥ ७४ ॥
 कां जेयाचें ठेविलें तेया । देउनि होइजे उतरायियां ।
 नाना हडपें विडा राया । दीधला जैसा ॥ ७५ ॥
 तैसेनि निष्कामें जीवें । भृत्यादिभावें ।
 किंबहुना हांवे । नेंदावें उठूं ॥ ७६ ॥
 आणि दान जेया देयावें । तेयातें ऐसेयां पावें ।
 जें घेतलेयां नुमचवे । काइसेन हीं ॥ ७७ ॥
 सादु घातलेयां आकाशा । देंदी प्रतिशदु जैसा ।
 कां पाहिला आरिसा । येरीकडे ॥ ७८ ॥
 उदकाचिये भूमिके । आफलिलेन कुंदुकें ।
 उफलौनि माघौतें । नैयैजे हाता ॥ ७९ ॥
 नाना वसोवा घातला चारु । माथां तुरंबिला बूरु ।
 न करी प्रत्योपकारु । जेया परी ॥ २८० ॥
 तैसें दीधलें दान तेयाचें । जें कोणही आंगें नुमुचे ।
 अर्पिलेयां श्लाघ्य तेयाचें । कीजे पै गा ॥ ८१ ॥
 ऐसिया सामप्रिया । दान निफजे वीरराया ।
 तें सात्विक दानवरिया । सर्वां हि जाण ॥ ८२ ॥
 यस्तु प्रत्युपकारार्थं फलमुद्दिश्य वा पुनः ॥
 दीयते च परिक्लिष्टं तद्राजसमुदाहृतम् ॥ २१ ॥
 आणि तो चि देशु कालु । घडे तैसा चि पात्रमेलु ।
 दानभागु ही निर्मलु । न्यायगतु ॥ ८३ ॥
 परि मनीं धरुनि दुभतें । चारीजे जेवि गाइतें ।
 कां पेंष करुनि आइतें । पेरु जाइजे ॥ ८४ ॥

नाना दीठि घाल्नि ऐहेरा । आवंतुं जाइजे सोइरा ।
 वाण धाडिजे घरा । वोउसेयाचेया ॥ ८५ ॥
 पै कलांतरा गांठि बांधिजे । मग पुढिलाचें काज कीजे ।
 पूजा घेउनि रसु दीजे । पीडितासि ॥ ८६ ॥
 तैसें जेया जें दान देणें । तो तेणें चि गा जीवणें ।
 भुजावा भावें येणें । दीजे जें गा ॥ ८७ ॥
 अथवा कोण्हीं एकु वाटे जाता । घेतलें उमचों न सकतां ।
 मीले जारि पांडुसुता । द्विजोत्तमु ॥ ८८ ॥
 तरि कवडेया एका साठि । अशेष गोत्राचें किरीटी ।
 सर्व प्रायश्चित्त सुवे मुठी । तेयाचिये ॥ ८९ ॥
 तेवि चि पारलौकिकें । फलें वांछिजति अनेकें ।
 नांदिजे तें भूके । एक ही नोहे ॥ २९० ॥
 तें हि ब्राह्मण नेवों सरे । शेरीं हाणिचेनि सीणे झांसुरे ।
 सर्वस्व जैसें चोरें । नागवुनि नेलें ॥ ९१ ॥
 कायि बहू सांघों सुमती । जें दीजे या मनोवृत्ती ।
 तें दान गा त्रिजगती । राजस पै ॥ ९२ ॥

अदेशकाले यद्दानमपात्रेभ्यश्च दीयते ॥

असत्कृतमवज्ञातं तप्तमसमुदाहृतम् ॥ २२ ॥

मग म्हेछांचें वसैठे । दांगाणें हान कैकर्टे ।
 कां सिंहवीरें चौहटे । नगरिचें तें ॥ ९३ ॥
 तिहीं तिहिं ठाईं मीलनीं । समो सांजवेळ कां रजनी ।
 तेव्हळि उदारां होणें घनीं । चोरियेचां ॥ ९४ ॥
 पात्रें भाट नागारी । सामान्या स्त्रिया जुवारी ।
 जियें मूर्तिवंतें भुररीं । भूळवेया ॥ ९५ ॥
 रूपनृत्याची पुरवणी । तेयां पुढें डोळेभारणीं ।
 गीत भाटीवं श्रवणीं । कर्णजपु ॥ ९६ ॥

तेया ही वरि अलुमालु । घे फूलागंधाचा परिमलु ।
 तवं भ्रमांचा तो वेतालु । अवतरे चि ॥ ९७ ॥
 येयां ऐसेन जें जें देणें । तें तामस दान मीं हणें ।
 आणि घडे देंवगुणें । आणिक ही एक ॥ ९८ ॥
 विपायें घुणाक्षर उमडे । टालिये काउला सांपडे ।
 तैसें तामसा पर्व पडे । पुण्यदेशीं ॥ ९९ ॥
 तेथ देखौनि तो आथिला । योग्यु मार्गों हीं आला ।
 तो ही द्रव्या चाडैला । भाले जरि ॥ ३०० ॥
 तरि श्रद्धा न करी जीविं । तेया माथा न खलवी ।
 स्वयं न करी ना करवी । अर्ध्यादीक ॥ १ ॥
 आलेयां न घली बैसों । तेथ गंधाक्षतांचा अतिसो ।
 हा प्रसंगु किर असो । तामसिये नरीं ॥ २ ॥
 पै बोलाविजे रिणायितु । तैसा झांकवी तेयाचा हातु ।
 तूंकरणेयांचा ब्रहुतु । प्रयोगु तेथ ॥ ३ ॥
 आणि जेया जें दे किरीटी । तेयातें उमार्णीं तेया साठिं ।
 मग कुब्रोलें कां लोटी । अबज्ञेचां ॥ ४ ॥
 हें असो इया परीं । मोल वेचणें जें अवधारिं ।
 तेया नावं चराचारिं । तामस दान ॥ ५ ॥
 एथ मिं जाणतसे । विपायें तूं गा ऐसें ।
 न कल्पीसि मानसें । विचक्षणां ॥ ६ ॥
 ऐसि आपुळालां चिन्हीं । अलंकृतें तीन्हीं ।
 दानें दाविलिं अवधानिं । राजतनया ॥ ७ ॥
 जें भवबंधमोचक । एकलें कर्म सात्विक ।
 तरि कां वेखासें सदोष । येर बोलों ॥ ८ ॥
 पारि नुसंतितां त्रिवसी । भेटि नाहिं निविसिं ।
 कां धूं न सांतां जैसी । वाति न लगे ॥ ९ ॥

तैसें सुधा सत्वा आड । आहे रजतमाचें कवाड ।
 त्रिभुवनीं तें कीड । झणावें गा ॥ ३१० ॥
 आह्मी श्रद्धादिदानांत । जें समस्त ही क्रियाजात ।
 सांघितलें गा व्यक्त । तिहिं गुणीं ॥ ११ ॥
 तेथ भरवसेन तीन्हीं । न संघों चि ऐसें मानीं ।
 सत्व दावावेया दोन्हीं । बोलिलों येरें ॥ १२ ॥
 जें दोहिं माजि तीजें असे । तें दोन्हिं सांडितां चि दीसे ।
 अहोरात्रत्यागें जैसें । संध्यारूप ॥ १३ ॥
 तैसें रजतमघिनाशें । तीजें जें उरत दीसे ।
 तें सत्व हें आपैसें । फावासि ये ॥ १४ ॥
 एवं दावावेया सत्व तुज । निरोपिलें तमरज ।
 तें सांडूनि सत्वे काज । सार्धीं आपुलें ॥ १५ ॥
 सत्वे चि येणें चोखालें । करिं यज्ञादिकें सकलें ।
 पावसी तें करतलें । आपुलें निज ॥ १६ ॥
 सूर्ये दाखविलें सातें । काइ एक न दिसे एथें ।
 तेवि सत्वे केलें फलातें । काइ नेदी ॥ १७ ॥

ॐ तत्सदितिनिर्देशो ब्रह्मणस्त्रिविधः स्मृतः ॥

ब्राह्मणास्तेन वेदाश्च यज्ञाश्च विहिताः पुरा ॥ २३ ॥

हें किर आवडतां विधि । रीति सत्वीं आधि नीकी ।
 परि मोक्षेंसीं एकीं । आधि मिलणें ॥ १८ ॥
 तें येक अगाध चि आहे । तेयाचा सावाउ० जें लाहे ।
 तें मोक्षाचां ही होये । गावीं सरतां ॥ १९ ॥
 पै भांगार जन्हीं पन्हरें । तन्हीं राजवलिचि आखरें ।
 लाहे तें सरे । जिया परीं ॥ २२० ॥
 स्वळें शीतलें सुगंधें । जलें होंति सुखपदें ।
 परि पवित्र तें संबधें । तीर्थांचेनि ॥ २१ ॥

न यों कां भलेतैसी थोरी । परि गंगा जैसी तैसी तिये सागरीं ।
 विश्वातें उद्धरी । दर्शनमात्रे ॥ २२ ॥
 तैसें सात्विका कर्मा किरिटी । यंतां मोक्षाचिये भेटी ।
 न पडे आडकाठी । त्रिशुद्धी गा ॥ २३ ॥
 हा बोलु आयिकत खेवीं । अर्जुना आधी न, माये जीविं ।
 ह्मणे देवें कृपा करावी । सांघावें तें ॥ २४ ॥
 तेथ कृपालु चक्रवर्ती । ह्मणे आयिक तेयाची व्यक्ति ।
 जे सात्विक शुक्ति । रत्नीं पघले ॥ २५ ॥
 तरि अनादि परब्रह्म । जें जगदादिकंदाचें धाम ।
 तेयाचें एक नाम । त्रिधा पै असे ॥ २६ ॥
 तें किर अनाम अजाति । परि अविद्यागर्वाचिये राती ।
 माजि वोलखावेया श्रुती । खुण केली ॥ २७ ॥
 कटले संसारसीणें । जें देवों एंति गान्हाणें ।
 तेयां वो दे नामें जेणें । तो संकेतु हा ॥ २८ ॥
 ब्रह्माचा अबोला फीटावा । अद्वैतु द्वैतत्वे भेटावा ।
 ऐसा मंत्र देखिला कणवा । वेदें बापें ॥ २९ ॥
 मग दाविलेनि जेणें एकें । ब्रह्म आलविलें कवतिकें ।
 मागां असतां ठाकें । पुढां उभें ॥ ३३० ॥
 परि निगमाचलशिखरीं । उपनिषदार्थनगरीं ।
 आहाति ब्रह्माचां जे एकहारीं । तेयांसी चि ॥ ३१ ॥
 हें इं असो प्रजापति । शक्ति जे सृष्टि करिति ।
 तें जेया एका आवृत्ती । नावांचिया ॥ ३२ ॥
 पै सृष्टिचेया उपक्रमा । पूर्वि गा धीरोत्तमा ।
 वेडा ऐसा ब्रह्मा । एकला होंता ॥ ३३ ॥
 मग ईश्वरातें नेदखे । ना सृष्टि करुं न शके ।
 तो एकु थोरु केला एकें । नावें जेणें ॥ ३४ ॥

जेथांच्चा अर्थु जीविं ध्यांतां । जें वर्णत्रय जपतां ।
 विश्वसृजना योग्यता । आली तेया ॥ ३५ ॥
 तेधवां रचिले ब्रह्मजन । तेयां वेद दीधले सासान ।
 यज्ञा ऐसें वर्त्तन । जीवें केले ॥ ३६ ॥
 पाठिं नेणों केती एर । मीनले लोक अपार ।
 जालें ब्रह्मदत्त अघ्नार । त्रिमुवन ॥ ३३७ ॥
 ऐसें नाममात्रें जेणें । धात्रेया अढंच करणें ।
 तेयाचें रूप आयिक ह्मणे । श्रीकांतु तो ॥ ३८ ॥
 तरि सर्व मंत्रांच्चा राजा । तो प्रणउ आदिवर्णु बुद्धा ।
 तत्कारु दूजा । तीजा सत्कारु ॥ ३९ ॥
 एवं ॐ तत्सदाकार । ब्रह्मनाम तें त्रिप्रकार ।
 हें फूल तुरंबी सुंदर । उपनिषदातें ॥ ३४० ॥
 येणेंसिं होउनि येक । जें निर्वाळलें कर्म सात्विक ।
 तें कैवल्यातें पाइक । घरिचें करी ॥ ४१ ॥
 यन्हविं कापुराचें थलिवं । आणुनि दइजैल दैवं ।
 घेउं जाणणें चि अडवं । तेथ असे बाण ॥ ४२ ॥
 तैसें आदरिजैल सत्कर्म । उच्चरिजैल हिं ब्रह्म नाम ।
 परि नेणिजे जरि वर्म । विनियोगाचें ॥ ४३ ॥
 तरि महंतांचिया कोडी । घरा आणिलेयां हिं वोढि ।
 मानु नेणती परिवडी । मुद्दल तूटे ॥ ४४ ॥
 कां लेयावेया चोखट । टीक भांगार एकवट ।
 घाट्टनु बांधली मोट । गलां जेवि ॥ ४५ ॥
 तैसें तोंडिं ब्रह्मनाम । हार्ति तें सात्विक कर्म ।
 विनियोगें विण काम । निष्फल होए ॥ ४६ ॥
 आगा अन्न आणि मूख । पासिं असे पारि देख ।
 जेउं नेणतां बालक । लंघे चि तें ॥ ४७ ॥

कीं स्नेहा सूत्रा वैश्वानरा । जालेयां जन्हीं सबंसारा ।
 हातवटी नेणतां वीरा । प्रकाशु नोहे ॥ ४८ ॥
 तैसें वेले कृत्य पावे । तेथिचा मंत्रु ही आठवे ।
 परि वेर्थ तें आघवें । विनियोगें विण ॥ ४९ ॥
 ह्यणौनि वर्णत्रयात्मक । जें हें ब्रह्मनाम एक ।
 विनियोगु तूं आयिक । येयाचा आतां ॥ ३५० ॥

तस्मादोमित्युदाहृत्य यज्ञदानतपःक्रियाः ॥

प्रवर्त्तते विधानोक्ताः सततं ब्रह्मवादिनां ॥ २४ ॥

तरि नांमिं चि आखरें तीन्हीं । कर्मा आदि मध्यें निदानीं ।
 प्रयुंजाविं पै स्थानीं । इहिं तीन्हीं ॥ ५१ ॥
 हे चि एकी हातवटी । घडिली लोकिं किरिटी ।
 आले ब्रह्मविद भेटी । ब्रह्माचिये ॥ ५२ ॥
 ब्रह्मासिं होआवेया येकिं । ते वेंचति यज्ञादिकिं ।
 जे चावलले वोलखी । शास्त्रांचिया ॥ ५३ ॥
 तें आदि तवं उंकारु । ध्यानें करिति गोचरु ।
 पाठिं आणिति उच्चरु । वाचे ही तो ॥ ५४ ॥
 तेणें ध्यानें प्रकटें । प्रणवोच्चारें स्पष्टें ।
 लागति मग वाटे । क्रियांचिये ॥ ५५ ॥
 आंधारिं अभंगु दिवा । अडविं समर्थु बोलावा ।
 तैसा प्रणवु जाणावा । कर्मारंभीं ॥ ५६ ॥
 उचितदेवउद्देशें । सुद्रव्यें धर्म्यें बहुवसें ।
 द्विजद्वारा हवन हुताशें । त्याजिति पै ते ॥ ५७ ॥
 आहवनीयआदि वन्ही । निक्षेपरूपहवनिं ।
 वेचिति पै निधानीं । फुडे होउनि ॥ ५८ ॥
 किंबहुना नाना याग । निष्पत्तिचें घेउनि आंग ।
 करिति नावडतेयां त्याग । उपाधिचे ॥ ५९ ॥

यज्ञे तपसि दाने च स्थितिः सदिति चोच्यते ।
कर्म चैव तदर्थीयं सदित्येवाभिधीयते ॥ २७ ॥

आतां आणिकी ही परी । सछद्दु हा अवधारीं ।
सात्विका कर्मा करी । उपकारु जो ॥ ८४ ॥
तरि संतें चि कर्में चांगें । चालिल्लि अधिकारबगें ।
पारि एकार्थेनि अंगें । हीणावति जैं ॥ ८५ ॥
तैं उणें एक अवेवें । शरीर ठाके आघवें ।
कां अनेग हान भावे । राभस्याची गती ॥ ८६ ॥
तैसें एकें चि गुणें विण । संत चि परि असंतपण ।
कर्म करि गा जाण । जिये वेले ॥ ८७ ॥
तेधवां अंकारु तत्कारीं । सावायिला चांगी परी ।
सछद्दु कर्मा करी । जीर्णोद्धारु ॥ ८८ ॥
तें असंतपण फेडी । आणि सद्भावाचिये रूढी ।
निज सत्वाचिया प्रौढी । सछद्दु हा ॥ ८९ ॥
वोषध जैसें रोगिया । कां सावा३० ये भंगलेया ।
सछद्दु कर्मा वेगलेयां । तैसा जाण ॥ ३९० ॥
अथवा काहिं प्रमादें । कर्म आपुलिये मर्यादे ।
चूकौनि पडे निषिद्धे । वाटे हान ॥ ९१ ॥
चालतेया मार्गु सांडे । पारखियासि अखरें पडे ।
राहाटी माजि न घडे । काइ काइ ॥ ९२ ॥
हणौनि तैसी कर्मा । राभस्यें सांडे सीमा ।
असाधुत्वाचेयां दुर्नामा । येवों पाहे जैं ॥ ९३ ॥
तेथ हा गा सछद्दु । येरिं दो प्रबुद्धु ।
प्रयुंजिला करी साधु । कर्मतें तेया ॥ ९४ ॥
लोहापरिसाची घृष्टि । वोहलागंगेची भेटि ।
मृत्या जैसी वृष्टि । पीयुषाची ॥ ९५ ॥

पै असाधु कर्मा तैसा । सछद्दु वीरषा ।
 हें असो गौरवु चि ऐसा । नामाचा येया ॥ ९६ ॥
 घेउनि येथिचें वर्म । जें विचारीसि हें नाम ।
 तें केवल हें चि ब्रह्म । जाणसी तूं ॥ ९७ ॥
 पाहे पां अंतत्सत् ऐसैं । हें बोलणें तेथ नेत असे ।
 जेथौनि कां प्रकाशे । दृश्यजात ॥ ९८ ॥
 तें तवं निर्विशिष्ट । परब्रह्म चोखट ।
 तेयाचें हें आंतुवट । व्यंजक नाम ॥ ९९ ॥
 परि तो आश्रयो आकाशा । आकाश चि कां जैसा ।
 येया नामा नामियां तैसा । अभेदु असे ॥ १०० ॥
 उदैला आकाशीं । रवी चि रवीतें प्रकाशी ।
 हे नामव्यक्ति तैसी । ब्रह्मा करी ॥ १ ॥
 ह्यणौनि व्यक्षर हें नाम । नव्हे जाण केवल ब्रह्म ।
 या ही लागि कर्म । जें जें कीजे ॥ २ ॥
 ते याग अथवा दानें । तपादिकें हिं गहनें ।
 तियें निफजति कां न्यूनें । होउनि ठांतु ॥ ३ ॥
 परिसाचां वोरकलीं । नाहिं चोखाकीडाची बोली ।
 तैसिं ब्रह्मिं अर्पितां केलीं । ब्रह्म चि होंति ॥ ४ ॥
 उणेयापुरेयाचिया परी । नुरती चि तेथ अवधारिं ।
 निवडूं न यंति सागरीं । जैसिया नदी ॥ ५ ॥
 एवं पार्था तुज प्रति । ब्रह्मनामाची हे शक्ति ।
 सांघितली उपपत्ती । डोलसा गा ॥ ६ ॥
 आणि एका एका ही आखरा । वेगलवेगला वीरा ।
 विनियोगु नागरा । बोलिलों रीती ॥ ७ ॥
 आतां एवं सुमहिम । ह्यणौनि हें ब्रह्मनाम ।
 जाणितलें किं सुवर्म । राया तुवां ॥ ८ ॥

ज्ञानेश्वरी

अध्याय अठरावा

श्रीगणेशायनमः ॥

जय जय देव निर्मला । निजजनाखिलमंगला ।
जन्मजराजलदजाला । प्रभंजना ॥ १ ॥
जय जय देव प्रबला । विदलितामंगलकुला ।
निगमागमद्रुमफला । फलप्रदा ॥ २ ॥
जय जय देव सकला । विगतविषयवत्सला ।
कलितकालकौतूहला । कलातीता ॥ ३ ॥
जय जय देव निश्चला । चलचित्तपानतुंडिला ।
जगदुन्मीलनाविरला । केलिप्रिया ॥ ४ ॥
जय जय देव निष्कला । स्फुरदमंदानंदबहुला ।
निरस्ताखिलामंगला । मूलभूता ॥ ५ ॥
जय जय देव स्वप्रभ । जगदंबुदगर्भनभ ।
भवनोद्भवारंभस्तंभ । भवध्वंस ॥ ६ ॥
जय जय देव शुद्ध । विदुदयोद्यानद्विरद ।
शमदममदनमदभेद । दयार्णव ॥ ७ ॥
जय जय देवैकरूप । अतिकृतकंदर्पसर्पदर्प ।
भक्तभावभुवनदीप । तापापह ॥ ८ ॥

जय जय देव अद्वितीय । परिणतोपरमैकप्रिय ।
 निजजयजितभजनीय । मायागम्य ॥ ९ ॥
 जय जय देव श्रीगुरो । अकल्पनाप्यकल्पतरो ।
 स्वसंविद्रुमबीजप्ररो—। हणावनी ॥ १० ॥
 हें एकैक ऐसैं । नाना परिं भाषावसैं ।
 स्तोत्र करुनि तुज दोसैं । निर्विशेषा ॥ ११ ॥
 जिहिं विशेषणीं विशेषिजे । तें दृश्य नव्हे रूप तूझें ।
 हें जाणें ह्यणौनि मी लाजें । वानणां इहीं ॥ १२ ॥
 परि मर्यादेचा सागरु । हा तवं तेया डगरु ।
 जवं नेदखे सुधाकरु । उदया आला ॥ १३ ॥
 सोमकांतु निज निर्झरीं । चंद्रा अर्घ्यादीक न करी ।
 तें तो चि अवधारीं । करवी कीं जी ॥ १४ ॥
 नेणों कैसें वसंतसंगें । अवचितिं झाडांचि आंगें ।
 फूटति तें तेया ही जोगें । धरणें नोहे ॥ १५ ॥
 पद्मिनी रविकिरण । लाहे मग लाजे कवण ।
 कां जलें सीतलें लवण । आंग भूले ॥ १६ ॥
 तैसा तूतें मीं जेथ स्मरें । तेथ मालातिलें जें विसरें ।
 मग जाकलिला ढेंकरें । तृप्तु जैसा ॥ १७ ॥
 मज तुवां जी केलें तैसें । माझे मीपण दवडूनि देशें ।
 स्तुतिमीसैं पांचपीसैं । बांधलिं वाचे ॥ १८ ॥
 ना यन्हविं तन्हि आठवीं । राहुनि स्तुति जें करावी ।
 तें गुणां गुणियां धरावी । सरोभरी ॥ १९ ॥
 तरि एकरसाचें जी तूं लिंग । केवि करुं गुणागुणिं भाग ।
 मोति फोडुनु सांधितां चांग । किं तैसें चि भलें ॥ २० ॥
 जी जालेनि पाइकें आलें । तें गोसांविपण केवि बोलें ।
 ऐसा उपाधि उसिटिलें । काइ वानूं ॥ २१ ॥

आणि बापु तूं माए । इहिं बोलिं ना स्तुति होये ।
 तरि डिंभोपाधिकु आहे । विडालु तेथ ॥ २२ ॥
 तरि आत्मा तूं यकसरा । हें इं हणों जातां दातारा ।
 आंतौनि बाहिरां । घापतासि ॥ २३ ॥
 हणौनि साच तुज लागि । स्तुति नेदखें जगीं ।
 मौन वांचौनि लेणें आंगिं । सूंसि नामा ॥ २४ ॥
 स्तुति काहिं न बोलणें । पूजा काहिं न करणें ।
 संनिधि केहीं न होणें । तूझां ठांडं ॥ २५ ॥
 तन्हीं जींतलें जैसें भूली । पिसे आलव घाली ।
 तैसें वानूं तें माउली । उपसाहे तूं ॥ २६ ॥
 आतां गीतार्थाची मुदी । लावीं माझिये वाग्रिद्धी ।
 जियां माने सभासदिं । सज्जनांसि ॥ २७ ॥
 तवं हणितलें श्रीनिवृत्ती । नको हें पुडुतीं पुडुतीं ।
 परिसिं लोहघृष्टी केती । वेला कीजे गा ॥ २८ ॥
 तवं विनर्वातु ज्ञानदेउ । हणो हो कां जी पसावो ।
 तरि अवधान देंतु देउ । ग्रंथा आतां २९ ॥
 जी गीतारत्नप्रासादाचा । कलशु अर्थचिंतामणिचा ।
 सर्वगीतादर्शनाचा । पाढावो जो ॥ ३० ॥
 लोकिं तन्हीं आथि ऐसें । जें दूरौनि कलशु दीसे ।
 भेटी चि हातवसे । देवतेचिये ॥ ३१ ॥
 तैसें चि एथ आहे । जें एकें चि एणें अध्यायें ।
 आघवा चि दृष्टु होए । गीतागमु हा ॥ ३२ ॥
 मी कलशु या कारणें । अठरावां अध्याउ हणें ।
 वाइला बादरायणें । गीताप्रसादासि ॥ ३३ ॥
 नाहिं कलशा परौतें काहिं । प्रासादिं काम नाहिं ।
 ते सांघतसे गीता ही । संपलेपणें ॥ ३४ ॥

व्यासु साहाजें सूत्रीं बली । तेणें निगमरत्नाचलिं ।
 उपनिषदाची माली । माजि खांडिली ॥ ३५ ॥
 तेथ त्रिवर्गाचा अणुआरु । आड निगाला जो अपारु ।
 तें महाभारतप्राकारु । भवंता केला ॥ ३६ ॥
 माजि आत्मज्ञानाचें एकवट । दलवाडें झाडूनु चोखट ।
 घडिलें पार्थवैकुण्ठ— । संवादकुसरी ॥ ३७ ॥
 निवृत्तिसूत्रसोडवणियां । सर्वशास्त्रपुरवणियां ।
 आवो सांधिला मांडणियां । मोक्षरेखेचा ॥ ३८ ॥
 ऐसेन करितां उभारा । पन्हारा अध्याय ते पन्हारा ।
 भूमि निर्वाळलेया पुरा । प्रासादु जाला ॥ ३९ ॥
 उपरि सोळावां अध्या० । तो ग्रीवघंटेचा आ० ।
 सप्तदशु तो ठा० । पडिघाणिये ॥ ४० ॥
 तेया ही वरि अष्टादशु । तो आपैसेया मांडला कलशु ।
 उपरि गीतादिकिं व्यासु । ध्वजे लागला ॥ ४१ ॥
 ऋणौनि मागील अध्याये । जे चढतेयां भूमीचे आये ।
 तेयांचें पुरें दावितु आहे । आपुलां आंगीं ॥ ४२ ॥
 जालेया कामा नाहिं चोरी । ते कलशें होये उजिरी ।
 तेवि अष्टादशु विवरीं । साद्यंत गीता ॥ ४३ ॥
 ऐसा व्यासें विंदाणियें । गीताप्रासादु सोडवणिये ।
 आणूनि रक्षिले प्राणिये । नाना परीं ॥ ४४ ॥
 एक प्रदक्षिणा जपाचिया । बाहिरौनि करिति एया ।
 एक श्रवणमीसें छाया । सेविति येयाची ॥ ४५ ॥
 एक अवधानाचा पुरा । विडा पाउड भितरां ।
 देउनि रिगति गाभारां । अर्थज्ञानाचां ॥ ४६ ॥
 ते निजबोधें उराउरी । भेटति आत्मेयां श्रीहरी ।
 परि मोक्षप्रासादिं सरी । सर्वा हीं आधि ॥ ४७ ॥

ऐसा गीतावैष्णवप्रसादु । अठरावां कलशु विशदु ।
 मियां ह्यणितला हा भेदु । जाणौनियां ॥ ४८ ॥
 आतां सप्तदशा पाठि । अध्या३० कैसेनि उठी ।
 तो संबंधु सांघों दीठी । दीसे तैसा ॥ ४९ ॥
 न मोडतां दोन्हीं आकार । घडलें एक शरीर ।
 हें अर्धनारीनटेश्वर । पूरें दीसे ॥ ५० ॥
 कां गंगायमुनाउदक । वोघबलें वेगलीक ।
 दावी होउनि एक । पाणीपणें ॥ ५१ ॥
 नाना वांटली दिवसें । कला बिंबि बैसे ।
 परि वेगलें जैसें । चंद्रिं नाहिं ॥ ५२ ॥
 तैसीं सिनानीं च्यान्ही पदे । श्लोकु श्लोकावबोधें ।
 अध्यायो अध्यायभेदें । गमे किर ॥ ५३ ॥
 परि प्रमेयाची उजिरी । आनान रूप न धरी ।
 नाना रत्नें मणी दोरी । एकी चि जैसी ॥ ५४ ॥
 मोतियें मेलउनि वहुवें । एकावलिचा पाडु आहे ।
 परि शोभे रूप होये । एक चि जेथि ॥ ५५ ॥
 फूलां फुलसरा लेख चढे । द्रुति दूजी आंगुली न पडे ।
 श्लोक अध्याय तेणें पाडे । जाणावे हे ॥ ५६ ॥
 सातें शतें श्लोक । अध्यायां अठरांचें लेख ।
 परि दे३० बोलिले एक । जें दुजें नाहिं ॥ ५७ ॥
 मिया हिं न संडुनि ते सोए । ग्रंथा व्यक्ति केली आहे ।
 प्रस्तुत ही तेणें निर्वाहें । निरूपण आइकां ॥ ५८ ॥
 तरि सतरावां अध्या३० । पावतां पुरता ठा३० ।
 संपतां श्लोकिं दे३० । ऐसें बोलिले ॥ ५९ ॥
 अर्जुना ब्रह्मनामाचां विधि । बुद्धि सांडुनि आस्तिकी ।
 कर्म कीजति जेतुकिं । असतें होंति ॥ ६० ॥

हा आइकौनि देवाचा बोलु । अर्जुना आला डोलु ।
 ह्यणे कर्मनिष्ठा मूलु । ठेला देखों ॥ ६१ ॥
 तो अज्ञानांधु बापुडा ईश्वरू चि नेदखे एवडा ।
 तेथ नावं एक पुढां । कां सुझे तेया ॥ ६२ ॥
 आणि रजतमें दोन्हीं । गेलेयां सात्वीक श्रद्धा सार्नीं ।
 ते कां लागे अभिधानीं । ब्रह्माचिये ॥ ६३ ॥
 मग कोतां खेवं देणें । वार्ते वरिल धावणें ।
 संडीं फडे खेलवणें । नागिणिएची ॥ ६४ ॥
 तैसिं कर्में दुवाडें । तेयां हिं जन्मांतराचि कडे ।
 दुर्मैलावे यव्हडे । कर्मा माझि ॥ ६५ ॥
 ना विपायें उजू होए । तरि ज्ञानाची योग्यता लाहे ।
 यव्हविं येणें चि जाये । निरयासि ॥ ६६ ॥
 कर्मिं हा ठावो वेन्हीं । आहाति बहुवा अवसरी ।
 आतां कर्मठा कैची वारी । मोक्षाची एथ ॥ ६७ ॥
 तारि फीटो कर्माचा पांगु । कां जो आघवा चि त्यागु ।
 आदरिजो अव्यंगु । संन्यासु तो ॥ ६८ ॥
 कर्मबाधाची काहिं । जेथ भयाची गोठि नाहिं ।
 तें आत्मज्ञान जिहीं । स्वाधीन केलें ॥ ६९ ॥
 ज्ञानाचे आव्हान मंत्र । जें ज्ञान पीकतें सुक्षेत्र ।
 ज्ञान आकर्षिते सूत्र । तंतु जे कां ॥ ७० ॥
 दोन्हीं संन्यास त्याग । अनुष्ठूनि सूटो जग ।
 तारि आतां हे चि चांग । व्यक्ति पूसों ॥ ७१ ॥
 ऐसें ह्यणौनि पार्थे । त्यागसंन्यासव्यवस्थे ।
 रूप होआवेया जेथें । प्रश्रु केला ॥ ७२ ॥
 तथ प्रत्युत्तरें बोलि । श्रीकृष्णें जे सांघितली ।
 तेया व्यक्ति जाली । अष्टादशो ॥ ७३ ॥

एवं जन्यजनकभावे । अध्यावो अध्यायाते प्रसवे ।
 आतां आइकां बरवे । प्रसिले ते ॥ ७४ ॥
 तरि पांडुकुमरे तेणे । देवाचे सरते बोलणे ।
 जाणौनि अंतष्करणे । काणि घेतली ॥ ७५ ॥
 यन्हविं तत्वाविधिं भला । तो निश्चितु किर आहे जाला ।
 परि देउ राहे उगला । हें साहावे ना ॥ ७६ ॥
 वत्स धालेयां हिं वरि । धेनु न वचावी दूरि ।
 अनन्य प्रीतिची परि । ऐसी चि असे ॥ ७७ ॥
 तेणे काजे विण बोलवे । ते देखिले तन्हीं पाहावे ।
 भोगितां चाड दूणावे । पढियंतां ठांड ॥ ७८ ॥
 ऐसीं प्रेमाची जाति । पार्थु तवं ते चि मूर्त्ति ।
 ह्यणौनि करुं लाहे खंति । उगेपणाची ॥ ७९ ॥
 आणि संवादाचेनि मीसें । जें अव्यवहारी वस्तु असे ।
 ते चि भोगिजे जैसें । आरिसां रूप ॥ ८० ॥
 मग संवादु तो चि पारुखे । तरि भोगणे भोगी थोके ।
 हें कां साहावैल सुखें । लांचावलेयां ॥ ८१ ॥
 या लागि त्याग संन्यास । पुसावेयाचे घेउनि मीस ।
 उपरतविलें दूस । गीतेचें ते ॥ ८२ ॥
 अठरावां अध्याउ हा नोहे । हे एकाध्याई गीता चि आहे ।
 जें वासुरुं चि गाये दुहे । ते वेल काइसी ॥ ८३ ॥
 तैसें संपतां हिं अवसरि । गीता आदरविली माधारी ।
 स्वामिभृत्याचा न करी । संवादु काई ॥ ८४ ॥

अर्जुन उवाच ॥

संन्यासस्य महाबाहो तत्त्वमिच्छामि वेदितुं ॥
 त्यागस्य च हृषीकेश पृथक्केशिनिषूदन ॥ १ ॥

परि हें असो ऐसें । अर्जुनें पूसिजत असे ।
 ह्मणे विनती विश्वेशें । अवधारिजो ॥ ८५ ॥
 हां जी संन्यासु आंणि त्यागु । यां दोहिं एकिं अर्थि लागु ।
 जैसा सांघातु आणि संगु । संगार्ते बोलिजे ॥ ८६ ॥
 तैसें त्यागें आणि संन्यासें । त्यागू चि बोलिजत असे ।
 अमचेनि तवं मानसें । ऐसें जाणिजे ॥ ८७ ॥
 ना काहिं आधि अर्थभेदु । तो देवो करीतु विशदु ।
 एथ ह्मणे मुकुंदु । भिन्न चि पै ॥ ८८ ॥

श्रीभगवानुवाच ॥

काम्यानां कर्मणां न्यासं संन्यासं कवयो विदुः ॥
 सर्वकर्मफलत्यागं प्राहुस्त्यागं विचक्षणाः ॥ २ ॥

यन्हविं अर्जुना तूझां मनिं । त्याग संन्यास दोन्हीं ।
 एकार्थ गमले हें मानी । मीं ही साच ॥ ८९ ॥
 किर दोहिं इहिं शद्धिं । त्यागु चि बोलिजे त्रिशुद्धी ।
 परि कारण एथ भेदीं । एतुलें चि ॥ ९० ॥
 जें निपटौनि कर्म सांडिजे । तें सांडणें संन्यासु ह्मणिजे ।
 आणि फलमात्र कां तेजिजे । त्याग तो गा ॥ ९१ ॥
 परि कोणा कर्माचें फल । सांडिजे कोण वर्म केवल ।
 हें इं सांघों विमल । चित्त दे पां ॥ ९२ ॥
 तरि आपैसेया दांगें डोंगर । झाडलीं वीति असार ।
 तैसे लंबे राजागर । नुठिति ते ॥ ९३ ॥
 न पेरितां सैघ तृणें । उठिति तैसें सालिचें होणें ।
 नाहिं गा राबाउणें । जेया परीं ॥ ९४ ॥
 कां आंग जालें साहाजे । परि लेणें उद्यमें कीजे ।
 नई आपैसी आपादिजे । विहिर जेवि ॥ ९५ ॥

तैसैं नित्यनैमित्तिक । कर्म होये स्वाभाविक ।
 परि न कामितां कार्मिक । न निफजे जें ॥ ९६ ॥
 कामनेचें दलवाडें । जें उभावेया घडे ।
 अश्वमेधादिक फुडे । याग जेथ ॥ ९७ ॥
 बापी कूप आराम । अग्रहारें हान ग्राम ।
 आणिक ही संभ्रम । व्रतांचे जे ॥ ९८ ॥
 ऐसैं इष्टापूर्त्त सकल । जेया कामना एकि मूल ।
 जें केलें भोगवी फल । बांधौनियां ॥ ९९ ॥
 देहाचेया गावां आलेयां । जन्ममृत्युचेया सोहलेया ।
 ना ह्यणों नैए धनंजया । जेया परीं ॥ १०० ॥
 कां ललहाटिचें लिहिलें । न मोडे काहिं केलें ।
 काले—गोरेपण धूतलें । फीटों नेणे ॥ १ ॥
 केलें काम्य कर्म तैसैं । फलभोगाचें धरणें बैसैं ।
 न फेडिता रिण जैसैं । वोसंडी ना ॥ २ ॥
 कां कामना हिं न करितां । अवसांत घडे पांडुसुता ।
 परि वायकांड न जुझतां । लागे जैसैं ॥ ३ ॥
 गुल नेणतां तोंडीं । घातला दे चि गोडी ।
 अग्नि नेणोनि राखौंडी । चेंपिलें पोली ॥ ४ ॥
 काम्य कर्माचें हें एक । सामर्थ्य असे स्वभाविक ।
 ह्यणौनि नको कवतिक । मुमुक्षुं एथ ॥ ५ ॥
 किंबहुना पार्था ऐसैं । जें काम्य कर्म गा असे ।
 तें तेजिजें विष जैसैं । वोकुनियां ॥ ६ ॥
 मग तेया त्यागातें जर्गी । संन्यासु ऐसेया भंगी ।
 बोलिजे अंतरंगीं । सर्वद्रष्टां ॥ ७ ॥
 हें काम्य कर्म सांडणें । तें कामनेतें चि उपडणें ।
 धनत्यागें दवडणें । जैसैं भय ॥ ८ ॥

सोमसूर्यग्रहणें । एउनि करिति पार्वणें ।
 कां मातापितरमरणें । अंकितें जें दीस ॥ ९ ॥
 अथवा अतिथी हान पावे । ऐसां पडें जें करावें ।
 तें तें कर्म जाणावें । नैमित्तिक गा ॥ ११० ॥
 वारिषिया क्षोभे गगन । वसंत दुणावे वन ।
 देहशृंगारीं यौवन । दशा जैसी ॥ ११ ॥
 कां सोमकांतु सोमें पालहाले । सूर्ये फाकति कमलें ।
 एथ असे तें चि पघलें । आन नैए ॥ १२ ॥
 तैसें नित्य जें कां कर्म । तें नैमित्तिकाचें लाहे नियम ।
 एथ उंचावें तेषें नाम । नैमित्तिक होए ॥ १३ ॥
 आणि सायंप्रातर्मध्यानीं । जें करणीय प्रतिदिन्हीं ।
 परि दृष्टि जैसी लोचनीं । अधिक नोहे ॥ १४ ॥
 कां नापादितां गति । चरणीं जैसी आथि ।
 नात्तरि दीप्ति । दीपबिंबि ॥ १५ ॥
 वासु नेंदितां जैसें । चंदनीं सुगंधत्व असे ।
 अधिकाराचे तैसें । रूप चि जें ॥ १६ ॥
 नित्य कर्म ऐसें जनीं । पार्था बोलिजे तें हें मानीं ।
 एवं नित्यनैमित्तिकें दोन्हीं । दाविलिं तुज ॥ १७ ॥
 हें नित्यनैमित्तिक । अनुष्ठितां आवस्यक ।
 ह्यगौनि ह्यणों पांति एक । वांझ ययातें ॥ १८ ॥
 परि भोजनीं जैसें होए । तृप्तिलाभें भूक जाए ।
 तैसें नित्यनैमित्तिक आहे । सर्वांगिं फल ॥ १९ ॥
 कीड आगिठां पडे । मल तूटे वानीं चढे ।
 या कर्मा तेया सांगडें । फल जाणावें ॥ १२० ॥
 जें प्रत्यवावो तवं गले । स्वाधिकारु बहुवें उजले ।
 तेथ हातोफलिया मिले । सद्गतीसि ॥ २१ ॥

एवडें वेरि ढिसाल । नित्यनैमित्तिकिं आहे फल ।
 परि त्यजिजे मूल । नक्षत्रीं जैसें ॥ २२ ॥
 लता पीके आघवी । तवं चूतु बांधे पालवी ।
 मग हातु न लवी माघवी । सांडुनि घाली ॥ २३ ॥
 तैसी नोलांडितां रेखा । चित्त दीजे नित्यनैमित्तिका ।
 पाठिं फला कीजे अशेषा । वांतिची वानी ॥ २४ ॥
 एया कर्मफलत्यागातें । त्यागु पै ह्मणति जाणते ।
 एवं संन्यास त्याग तूतें । परिसविले ॥ २५ ॥
 हा संन्यासु जें संभवे । तें काम्यत्राधु न पवे ।
 निषिद्ध तवं स्वभावे । निषिद्धें गेलें ॥ २६ ॥
 आणि नित्यादिक असे । तें एणें फलत्यागें नासे ।
 शिर लोटिलेयां जैसें । एर आंग ॥ २७ ॥
 मग सस्य फलपाकांत । तैसें निमालेयां कर्मजात ।
 आत्मज्ञान गिवसीत । आपैसें ए ॥ २८ ॥
 एसिया निगुती दोन्हीं । त्यागसंन्यासअनुष्ठानिं ।
 पडिले गा आत्मज्ञानीं । बांधति पाटु ॥ २९ ॥

त्याज्यं दोषवदित्येके कर्म प्राहुर्मनीषिणः ॥

यज्ञदानतपःकर्म न त्याज्यमिति चापरे ॥ ३ ॥

नातारि हे निगुति चूके । मग त्यागु कीजे हाततूकें ।
 तें काहिं न त्यजे अधिकें । गोवी चि पडे ॥ १३० ॥
 जें अखद व्याधी अनोलख । तें घेतलेयां परते चि विष
 कां जें अन्न न मनीं भूक । तें मारी ना काई ॥ ३१ ॥
 ह्मणौनि त्याज्य जें नोहे । तेथ त्यागातें न सुआवें ।
 त्याज्या लागि नोहावें । लोभापरां ॥ ३२ ॥
 चूकलेयां त्यागाचें बेझें । केला सर्वत्यागु हो वोझें ।
 निषिद्धेंसिं सर्वत्र जूझें । वीतरागां ॥ ३३ ॥

एकां फलत्यागु न टके । ते कर्माते ह्यणति बंधके ।
 जैसे आपण नम्र भांडुके । जगाते ह्यणे ॥ ३४ ॥
 कां जिह्वालंपटु रोगिया । अन्नें दुखीं धनंजया ।
 नातरि आंगें नरु कुष्टिया । मासियां कोपे ॥ ३५ ॥
 तैसें फलकार्मि दुर्बल । ह्यणति कर्म कीडाल ।
 मग निर्णयो देति केवल । त्यजावें ऐसा ॥ ३६ ॥
 एक ह्यणति यागादिक । करावें आवश्यक ।
 हें वांचौनि शोधक । आन नाहिं ॥ ३७ ॥
 मनशुद्धिचां मार्गि । जें विजैयां होआवें जर्गी ।
 तैं कर्मसंबंधा लागि । आलसु न कीजे ॥ ३८ ॥
 भांगार आथि शोधावें । तरि आगी जेवि नुभगावें ।
 कां आरिसेया लागि सांचावें । अधिकें रजें ॥ ३९ ॥
 ना लुगडीं चोखें होआविं । ऐसें जरि आथि जीविं ।
 तरि सवंदणि न मनावी । मलीन ऐसी ॥ १४० ॥
 तैसिं कर्म क्लेशाकारें । ह्यणौनि ने नाविं अहरेरें ।
 कां अन्न लाभे अरुवारें । रांधितिए उणे ॥ ४१ ॥
 तरि इहिं गा शर्द्वी । एक कर्म बांधति बुद्धी ।
 ऐसा त्यागु विसंवादीं । पडौनि ठेला ॥ ४२ ॥
 परि आतां विसंवादु तो फीटे । हा त्यागाचा निश्चयो भेटे ।
 तैसें बोलों गोमटें । अवधान देइ ॥ ४३ ॥

निश्चयं श्रुणु मे तत्र त्यागे भरतसत्तम ॥

त्यागो हि पुरुषव्याघ्र त्रिविधः संप्रकीर्तितः ॥ ४ ॥

तरि त्यागु एथ पांडवा । त्रिविधु पै जाणावा ।

तेया ही त्रिविधा बरवा । निवाडु सांगों ॥ ४४ ॥

त्यागिचे तीन्ही प्रकार । कीजति जन्हीं गोचर ।

तन्हीं इत्यर्थाचें सार । एतुलें एथ ॥ ४५ ॥

मज सर्वज्ञाचिये बोधीं । जें अलोट माने त्रिशुद्धी ।
तें निश्चित तवं आधीं । विचारि पां ॥ ४६ ॥

यज्ञदानतपःकर्म न त्याज्यं कार्यमेव तत् ॥
यज्ञो दानं तपश्चैव पावनानि मनीषिणां ॥ ५ ॥

तरि आपुलिये सोडवणे । जो मुमुक्षु जागों हणणे ।
तेया सर्वस्वें करणें । हें चि एक ॥ ४७ ॥
जियें यज्ञदानतपादिकें । यें कर्म आवश्यकें ।
तियें न संडाविं पांथिकें । पाउलें जैसीं ॥ ४८ ॥
हारतलें न देखिजे । तवं मागु न संडिजे ।
कां न धांतां न लोटिजे । भाणें जेवि ॥ ४९ ॥
नाव थडी न पवतां । न संडिजे केलि न फलतां ।
कां ठेविलें न दिसतां । दीपु जैसा ॥ १५० ॥
तैसी आत्मज्ञानविधिं । जवं निश्चिति नाहिं नीकी ।
तवं न व्हावें यागादिकिं । उदासीनां ॥ ५१ ॥
पैं स्वाधिकारानुरूपें । तियें दानयागतपें ।
अनुष्ठाविं आक्षेपें । अधिकें वर ॥ ५२ ॥
जें चालणें वेगावत जाए । तो वेगु बैसावेया चि होये ।
तैसा कर्मा अतिसो आहे । निष्कर्मा लागि ॥ ५३ ॥
अधिकिं जवं जवं अखदीं । सेवनेची मांडे बांधीं ।
तवं तवं मूंकिजे व्याधी । तेयाचिया ॥ ५४ ॥
तौसिं कर्म हातोपार्तीं । पैं कीजति यथानिगुती ।
तैं रजतमें झडती । दोन्हीं एथ ॥ ५५ ॥
मग पाटिचां वाटीं पुटें । भांगारा देणें घटे ।
तैं कीड झडकारि तूटे । निर्व्याज होए ॥ ५६ ॥
तैसैं निष्ठा केलें कर्म । सांडूनि रजतम ।
सत्वशुद्धिचें धाम । डोलां दावी ॥ ५७ ॥

ह्यगौनि गा धनंजया । सत्वशुद्धि गिवसी तेया ।
 तीर्थे ये सावाया । आलिं कर्मे ॥ ५८ ॥
 तृषार्त्ता मरुत देसीं । झले अमृते वोलली जैसी ।
 कां अंधा लागि डोलांसिं । सूर्यो आला ॥ ५९ ॥
 बुडतेया नइ चि धांविनली । पडतेया पृथ्वी कलवलली ।
 मरतेया मृत्यू दीधली । आयुष्यरिद्धी ॥ १६० ॥
 तैसें कर्मिं बांधतां । मुमुक्ष सूटले पांडुसुता ।
 जैसा रसरती मरता । राखिला विखें ॥ ६१ ॥
 तैसिं येकी हातवटिया । कर्मे केलीं धनंजया ।
 बंधके चि सोडावेया । मुख्य होंति ॥ ६२ ॥

एतान्यपि तु कर्माणि संगं त्यक्त्वा फलानि च ॥
 कर्तव्यानीति मे पार्थ निश्चितं मतमुत्तमं ॥ ६ ॥

आतां ते चि हातवटी । तुज ही सांघों गोमटी ।
 जेया कर्मासि किरीटी । कर्म चि रूसे ॥ ६३ ॥
 तरि महायागप्रमुखें । कर्मे निफजति अचुकें ।
 कर्तेपणाचें न टके । फुंजणें आंगीं ॥ ६४ ॥
 जो मोले तीर्था जाये । तेयासि यात्रा करीतु आहें ॥
 ऐसिया श्लाध्यता नोहे । तोखु जिवीं ॥ ६५ ॥
 कां मुद्रा समर्थाचिया । एकटु झोंबे राया ।
 तो मीं जीणतसें येया । न ये जेवि गर्वा ॥ ६६ ॥
 जो कासे लागौनि तरे । तेया पव्हती उर्मि नुरे ।
 पुरोहितु नाविष्करे । दातेपर्णे ॥ ६७ ॥
 तैसें कर्तुत्व अहंकारें । नेघौनि यथावसरें ।
 कृत्यजाताचें मोहिरें । सारिजति ॥ ६८ ॥
 आणि केलें कर्म पांडवा । जो आधि फलाचा यावा ।
 तेया मोहरा न व्हावा । मनोरथु ॥ ६९ ॥

आदिं चि फलिं आसतूटिया । कर्म आरंभावीं धनंजया ।
 परावें बाल धाया । पाहिजे जैसें ॥ १७० ॥
 पिंपरुवांचेया आशा । न सिंपिजे पिंपलु जैसा ।
 तैसिया फलनिराशा । कीजति कर्म ॥ ७१ ॥
 सांडूनि दूधाची टकुली । गोवारी गावंधणें वेंटाली ।
 किंबहुना कर्मफलीं । तैसें कीजे ॥ ७२ ॥
 ऐसी हे हातवटी । घेउनि क्रिया जे उठी ।
 आपुलिया आपण गांठी । लाहे चि तो ॥ ७३ ॥
 झणौनि फलिं लागु । सांडौनि देहिं संगु ।
 कर्म कराविं हा चांगु । निरोपु माझा ॥ ७४ ॥
 जो जीवबंधें सीणला । सूटिकिं जचे आपुलां ।
 तेणें पुडुतीं या बोला । आन न कीजे ॥ ७५ ॥

नियतस्य तु संन्यासः कर्मणो नोपपद्यते ॥

मोहात्तस्य परित्यागस्तामसः परिकीर्तितः ॥ ७ ॥

ना आंधाराचेनि रोखें । जैसीं डोलां रोविजति नाखें ।
 तैसें कर्मद्वेखें असिकें । कर्म चि सांडी ॥ ७६ ॥
 तेयाचें कर्म सांडणें । तें तामस पै मीं हणें ।
 सिसाराचां रागीं लागें । सीस चि जैसें ॥ ७७ ॥
 हांगा मार्गु दोवाडु होए । तन्हीं निस्तरतील पाए ।
 किं ते चि खांडणें आहे । मार्गापराधें ॥ ७८ ॥
 भूकैलेया पुढील अन्न । हो कां भलेतैसें उन्ह ।
 तन्हीं बुद्धी नेघतां लंघन । कां निवारे गा ॥ ७९ ॥
 तैसा कर्माचा बाधु कर्म । नितरिजैल करितेन बर्म ।
 हें तामसु नेणे भ्रम । माजविला ॥ १८० ॥
 किं स्वभावें आलें विभागा । तें कर्म चि बोसंडी पै गा ।
 परि ज्ञनें आतळा त्यागा । तामसा तेया ॥ ८१ ॥

दुःखमित्येव यत्कर्म कायक्लेशभयात्स्यजेत् ॥

स कृत्वा राजसं त्यागं नैव त्यागफलं लभेत् ॥ ८ ॥

अथवा स्वाधिकारु बूझे । आपुलें विहित ही सूझे ।
 परि करितेया उभजे । निबरपणां ॥ ८२ ॥
 जें कर्म आरंभाची कड । नावं एक होये दुवाड ।
 वाहांतिये वेले जड । सिदोरी जैसी ॥ ८३ ॥
 निंबु जिव्हे कडुवटु । हिरडा पहिलें तूरटु ।
 तैसा कर्मा सेवटु । खणुवाला होए ॥ ८४ ॥
 गाई दोवाड सिंग । सेवंतिये अडव आंग ।
 भोजनसुख महाग । रांधितां ठांडं ॥ ८५ ॥
 तैसें पुडुतिं पुडुतिं कर्म । आरंभीं चि अतिविषम ।
 ह्यणौनि ते ते ध्रम । कारितां मानीं ॥ ८६ ॥
 एन्हविं विहितत्वे मांडी । परि घालितां असुरवाडी ।
 एथ पोललें ऐसें सांडी । आदारिलें ही ॥ ८७ ॥
 ह्यणे वस्तु देहा सारिखी । आली बडुविं भाग्यविशेषि ।
 मा जाचुकां कर्मादिंकिं । पापिया जैसा ॥ ८८ ॥
 केलां कर्मिं जें देयावें । तें ज्ञनें मज होआवें ।
 आजि भोगूं ना बरवें । हातिचे भोग ॥ ८९ ॥
 ऐसा शरीराचेया क्लेशा । भेण कर्मे वीरेशा ।
 सांडी तो परियसां । राजस त्यागी ॥ १९० ॥
 यन्हविं तेथ ही कर्म सांडे । परि त्यागफल न जोडे ।
 जैसें उतलें आगी पडे । परि होमीं न लगे ॥ ९१ ॥
 कां बुडौनि प्राण गेले । ते अर्धोदकीं निमाले ।
 हें ह्यणों न ए जालें । दुर्मरण चि ॥ ९२ ॥
 तैसें देहाचेनि लोभें । जेणें कर्मा पाणी सुभे ।
 साच तेणें न लभे । त्यागाचें फल ॥ ९३ ॥

किंबहुना आपुलें । जें ज्ञान होये उदया आलें ।
 तें नक्षात्रातें पाहलें । गिली जैसें ॥ ९४ ॥
 तैसिया सकारणा क्रिया । हारपती धनंजया ।
 तो कर्मत्याग ये जेया । मोक्षफलासि ॥ ९५ ॥
 तें मोक्षफल अज्ञाना । त्यागिया नाहिं अर्जुना ।
 झणौनि तो त्यागु न मना । राजसै ते ॥ ९६ ॥

कार्यमित्येव यत्कर्म नियतं क्रियतेऽर्जुन ॥

संगं त्यक्त्वा फलं चैव स त्यागः सात्त्विको मतः॥९॥

तरि कोणें पां एथ त्यागें । मोक्षफल घर रिगे ।
 तें हिं आइक प्रसंगें । बोलिजैल ॥ ९७ ॥
 तरि स्वाधिकाराचेनि नावें । जें वांटे आलें स्वभावें ।
 तें आचरिजे गौरवें । शृंगारुनि ॥ ९८ ॥
 परि हें मिं करीतु असें । ऐसा आठौ ल्यजी मानसें ।
 तैसें चि पाणी दे आसे । फलाचिये ॥ ९९ ॥
 पै अवज्ञा आणि कामना । मातेचां ठांडं अर्जुना ।
 केलीं दोन्हीं पतना । हेतु होंति ॥ २०० ॥
 तरि दोन्ही इयें त्यजाविं । मग माता चि भजावी ।
 वांचौनि मुखा लागि वालावी । गाय चि सलगी ॥ १ ॥
 आवडतिये ही फलीं । असारें सालि आठोली ।
 तेया साठिं अवगाली । फलातें कोण्हीं ॥ २ ॥
 तैसा कर्तृत्वाचा मद्दु । आणि कर्मफलचा आस्वादु ।
 ययां दोहिं चि नावं बंधु । कर्माचा किं ॥ ३ ॥
 तरि यां दोहींचां विखीं । जैसा बापु नातले लेंकी ।
 तैसा होये ना दुःखी । विहितक्रिया ॥ ४ ॥
 हा तो त्याग तरुवरु । जो मोक्षफलीं ए थोरु ।
 सात्त्विक ऐसा डगरु । एयासी चि जगीं ॥ ५ ॥

बिं जाल्लनि चि जैसैं । झाड कीजे निर्वसैं ।

फळ ल्यजूनि कर्म तैसैं । ल्यजिलें जेणें ॥ ६ ॥

न द्वेष्यकुशलं कर्म कुशले नानुषज्जते ॥

त्यागी सत्वसमाविष्टो मेधावी छिन्नसंशयः ॥ १० ॥

तेया लागत खेउ परिंसिं । धातुची गंधिकाळिमा जैसी ।

जाये रजतमें तैसीं । तूटलीं दोन्हीं ॥ ७ ॥

मग सत्वे तें चोखालें । उघडति आत्मबोधाचे डोले ।

तेथ मृगांभ सांजवेले । होये जैसैं ॥ ८ ॥

तैसा बुध्यादिकां पुढां । असतु विश्वाभासु एवडा ।

तो नेदखे कव्हणी कडां । आकाश जैसैं ॥ ९ ॥

झणौनि प्राचीनाचेनि बलें । आलें कृत्यें कुशलाकुशलें ।

तियें व्योमाचां आंगिं अभालें । जिराली जैसीं ॥ २१० ॥

तैसीं तेयाचिया दृष्टी । कर्में द्रिष्टी चि जाली किरीटी ।

झणौनि सुखदुःखीं नुठी । पडे ना जो ॥ ११ ॥

तेणें शुभ कर्म जाणावें । मग तें हर्षें करावें ।

कां अशुभा लागि होआवें । द्वेषिया नां ॥ १२ ॥

तरि ये विषिचा काहिं । तेया एकु ही संदेहो नाहिं ।

जैसा स्वप्नाचा कां ठांडं । जागिनलेयां ॥ १३ ॥

झणौनि कर्म आणि करिता । यां द्वैतभावांची वार्ता ।

नेणे तो पांडुसुता । सात्विक त्यागीं ॥ १४ ॥

न हि देहभृता शक्यं त्यक्तुं कर्माण्यशेषतः ॥

यस्तु कर्मफलत्यागी स त्यागीत्यभिधीयते ॥ ११ ॥

ऐसेनि कर्में पार्था । त्यजिलीं ल्यजीति सर्वथा ।

अधिकें बांधिजति अन्यथा । सांडिलीं तारि ॥ १५ ॥

हां गा सव्यसाची । मूर्ति होउनि देहाची ।

खंति करीति कर्माची । गाव्ढीं नां ॥ १६ ॥

मातिएचा वीट्टु । घेउनि काइ करी घट्टु ।
 केउते तांधू पट्टु । सांडितील ते ॥ १७ ॥
 तेविं चि बन्हित्व आंगीं । आणि ऊबे उबगणें आगी ।
 तो दीपु प्रभे लागि । द्वेषु करी काई ॥ १८ ॥
 हींगु त्रासला पां घाणीं । तरि सुगंधत्व कैचें आणी ।
 द्रवपण सांडूनि पाणीं । कें राहे तें ॥ १९ ॥
 तैसा शरीराचेनि आभासें । नांदतु जवं असे ।
 तवं कर्मत्यागाचें पीसें । काइसें तन्हीं ॥ २२० ॥
 आपण लाविजे टीला । हणौनि पुसूं ये अवलीला ।
 मा घालि फेडि निडला । कां करं ए गा ॥ २१ ॥
 तैसें विहित स्वयें आदरिलें । हणौनि त्यजूं ये त्यजिलें ।
 परि कर्म चि देह आतलें । तें कां गा सांडे ॥ २२ ॥
 जें श्वासोश्वास वेरि । होंत निदैलेया ही वारि ।
 कांहि न करणें चि पारि । होंति जेयाची ॥ २३ ॥
 एया शरीराचेनि मीखें । कर्म चि लागले असिके ।
 जीतां मेलेयां न टके । इया रीती ॥ २४ ॥
 एयातें सांडिती एथ परी । एकी चि ते अवधारीं ।
 करितां जाइजे हारि । फलासेचि ॥ २५ ॥
 कर्मफल ईश्वरीं अर्पे । तत्प्रसादें बोधु उद्दीपे ।
 तेथ रज्जुज्ञानें लोपे । व्यालशंका ॥ २६ ॥
 तेणें आत्मबोधें तैसें । अविद्यासिं कर्म नासे ।
 पार्था त्यजिजे जैं ऐसें । त्यजिलें होए ॥ २७ ॥
 हणौनि इया परीं जर्गीं । कर्म त्यजी तो महात्यागी ।
 एरु मूर्छने नावं रोगीं । विसांवां जैसा ॥ २८ ॥
 तैसा सीणे कर्मीं एकीं । विसांवां पाहे आणिकिं ।
 खांडियांचे घाये बुकिं । धाडणें जैसें ॥ २९ ॥

परि हें असो पुढुती । तो चि त्यागी त्रिजगती ।
जेणें फलत्यागें निष्कृती । नेलें कर्म ॥ २३० ॥

अनिष्टमिष्टं मिश्रं च त्रिविधं कर्मणः फलं ।
भवत्यत्यागिनां प्रेत्य न तु संन्यासिनां क्वचित् ॥ १२ ॥

यन्हविं तन्हीं धनंजया । त्रिविधा फला गा इया ।
समर्थ तें किं भोगावेया ॥ जें सांडी चि नां ३१ ॥
आपण चि वीउनि दुहिता । न मम ह्यणे पिता ।
किं तो सुटे येरु घेंता । जावाई सिरके ॥ ३२ ॥
विखाचे ही आगर वाहांती । ते वीकितां तूटले जींति ।
परि निमाले जे घेंति । वणिजूनि मोलें ॥ ३३ ॥
तैसें करितां कर्म करू । अकर्त्ता फलआशे न धरू ।
तेथ न शके आवरू । दोघां तें हिं कर्म ॥ ३४ ॥
वाटे पीकलेया रुंखाचें । फल आपेक्षी तेयाचें ।
तेवि साधारण कर्माचें । फल घे तेया ॥ ३५ ॥
परि करूनि फल नेघे । तो जगाचां कर्मि न रिघे ।
जें त्रिविध जग आघवें । कर्मफल हें ३६ ॥
देव मनुष्य स्थावर । या नावं किं जगडंबर ।
तरि हें तवं त्रिप्रकार । कर्मफल पै ॥ ३७ ॥
तें चि एक गा अनिष्ट । एक तें केवल इष्ट ।
आणि एक इष्टानिष्ट । त्रिविध ऐसें ॥ ३८ ॥
परि विषमता बुद्धी । आर्गिं सूनि अविधी ।
प्रवर्त्तिजे निषेधीं । कुव्यापारिं ॥ ३९ ॥
तेथ क्रिमि कीटक लोष्ट । हे देहलाभ होंति निरुष्ट ।
तेया नावं तें अनिष्ट । क्रियाफल ॥ २४० ॥
कां स्वधर्मा मानु देंतां । स्वाधिकारु पुढें सूंतां ।
सुष्ठत कीजे प्रसतां । आम्नायातें ॥ ४१ ॥

तैं इंद्रादिकां देवांचीं । देहें लाहिजति सव्यसाची ।
 तेया कर्मफलइष्टाची । प्रसिद्धि गा ॥ ४२ ॥
 आणि गोड आंबड मिले । तेथ रसांतर फरसालें ।
 उठी दोहिं वेगलें । दोहीं जीणतें ॥ ४३ ॥
 रेचक चि योगवसें । होये स्तंभावेया दोसें ।
 तेवि सत्यासत्यसमरसें । असत्य जिणिजे ॥ ४४ ॥
 झणौनि समभागें शुभाशुभें । मिलौनि अनुष्ठानाचें उभे ।
 तेणें मनुष्यत्व लाभे । तैं मिश्र फल ॥ ४५ ॥
 एवं त्रिविध या भंगीं । फल मांडले असे जर्गीं ।
 हें न संडे तेया भोगीं । सूदलें आशा ॥ ४६ ॥
 एथ जीभेचा हातु फांटे । तवं जेवितां गमे गोमटें ।
 परिणामिं सेवटें । विपायें मरण ॥ ४७ ॥
 सबंचोरां मैत्री चांग । जवं न पविजे तें दांग ।
 सामान्या भली जवं आंग । न सिवे तवं ॥ ४८ ॥
 तैसीं कर्में कारितां शरीरीं । लाहांति महत्वाची फरारी ।
 पाठिं निधनीं एकसरीं । पावति फलें ॥ ४९ ॥
 समर्थुं कां रिणियां । मार्गों आला बाइणियां ।
 न लोटे तैसा प्राणियां । पडे तो भोगु ॥ २५० ॥
 मग कणिसौनि कणु झडे । तो विरूढला कणिसा चडे ।
 पुढुतीं भुइं पडे । पुढुतीं उठी ॥ ५१ ॥
 तैसें भोगिं जें फल होए । तें फलांतरें वीत जाये ।
 चालतां पावो पायें । जीणिजे जैसा ॥ ५२ ॥
 उताराचिये सांगडी । ठाके ते ऐली चि थडी ।
 तेवि न मुकति वोढी । भोग्याचिये ॥ ५३ ॥
 पै साध्यसाधनप्रकारें । फलभोगु तो गा पसरे ।
 एवं गोबिले सबंसारें । अत्यागि ते ॥ ५४ ॥

यन्हवि जाईचेया फुला फांकणें । तेया चि नावं सूकणें ।
 तैसैं कर्ममीखें न करणें । केलें जिहीं ॥ ५५ ॥
 जैं बीं चि वरोसी वेचे । तैं वाढती कुलवाडि खांचि ।
 तेवि फलयागिं कर्माचें । सारिलें काम ॥ ५६ ॥
 तेया सत्वशुद्धिसहकारें । गुरुकृपाभृततुषारें ।
 सांसिनलेनि बोधें उ०सरे । द्वैतदैन्य ॥ ५७ ॥
 तेधवां जगदाभासमीषें । स्फुरतें त्रिविध फल नासे ।
 तेथ भोक्ताभोग्य आपैसैं । निमालें होए ॥ ५८ ॥
 घडे ज्ञानप्रधानु ऐसा । संन्यासु जेयां वीरेशा ।
 ते चि फलभोग ही सोसा । मूकले गा ॥ ५९ ॥
 आणि एणें किर संन्यासैं । जैं आत्मरूपिं दीठि पैसे ।
 तैं कर्म एक ऐसैं । देखणें आहे ॥ २६० ॥
 पडौनि ठेल्यां भीति । चित्राची कीजतसे चांथी ।
 पाहालेयां राती । आंधारें उरे ॥ ६१ ॥
 जैं रूप चि नाहिं उभें । तैं साउली काह्याची शोभे ।
 आरिसेन विण बिंबे । वदन कें पां ॥ ६२ ॥
 फीटलेयां निद्रेचा ठाउ० । कैचा स्वप्नासि प्रस्थाउ० ।
 मग तें साच कां वावो । हें कोण हणो । ६३ ॥
 तैसैं गा संन्यासैं एणें । तवं अविद्येसी चि नाहीं जीणें ।
 मां तियेचें कार्य कोणे । घेपे दीजे कर्म ॥ ६४ ॥
 हणौनि संन्यासिं इए पाइं । कर्माची मातु कीजैल काइ ।
 पारि अविद्या आपुलां देहीं । आहे जैसी कां ॥ ६५ ॥
 जैं कर्तेपणाचेनि थावें । आत्मा शुभाशुभीं धावें ।
 द्रिष्टि भेदाचिये राणिवे । बैसली जैसी ॥ ६६ ॥
 तैं तन्हीं गा सुवर्मा । वेगली आत्मेया कर्मा ।
 अपाडें जैसी पश्चिमा । पूर्वसिं कां ॥ ६७ ॥

नातरि आकाशा आणि अभाला । सूर्या आणि मृगजला ।
 वेगलीक भूतला । वायुसीं जैसी ॥ ६८ ॥
 पांगुरौनि नैचें उदक । असे नै चि माजि खडक ।
 परि जाणसि किं वेगलीक । कोडिची तेया ॥ ६९ ॥
 हो कां पाण्यां जवली । परि सिनीं चि ते बाबुली ।
 काइ संगार् तव काजली । दीपु हणों ए ॥ २७० ॥
 जन्हीं चंद्रीं जाला कळकु । तन्हीं चंद्रेंसिं न्हवे किं एकु ।
 आहे द्विष्टी डोलेयां विशेकु । अपाडु जैसा ॥ ७१ ॥
 नाना वाटे वाटे जांतिया । बोधा बोधीं वाहांतेया ।
 आरिसा आरिसेया पाहांतेया । अपाडु जेतुला ॥ ७२ ॥
 पार्था गा तेतुलेनि मानें । आत्मेनसिं कर्म सीनें ।
 परि घेवविजे अज्ञानें । तें किर असो ॥ ७३ ॥
 पंचैतानि महाबाहो कारणानि निबोध मे ॥
 सांख्ये कृतांते प्रोक्तानि सिद्धये सर्वकर्मणां ॥ १३ ॥
 विकासें रवितें उपजवी । द्रुति अलीं करवि भोगवी ।
 ते सरोवरीं कां बरवी । अब्जिनी जैसी ॥ ७४ ॥
 पुडुतीं आत्मक्रिया । अन्यकारणका चि तैसिया ।
 करूं पांचां हिं तेया । कारणा रूप ॥ ७५ ॥
 आणि पांचै कारणें तियें । तूं हीं जाणसील विपायें ।
 जें शाखें उभूनि बाहे । बोलती तेयांतें ॥ ७६ ॥
 वेदरायाचिये राजधानीं । सांख्यवेदांताचां भुवनीं ।
 निरूपणाचां निसाणध्वनीं । गाजति तियें ॥ ७७ ॥
 जें सर्वकर्मसिद्धी लागि । इयें चि मुदलें हो जर्गीं ।
 एथ न सुआवा अभंगीं । आत्मराजु ॥ ७८ ॥
 एया बोलाचिया डांगुहट्टी । तियें प्रसिद्धि आलीं किरीटी ।
 झणौनि तूझा कर्णपुटीं । वसों काज ॥ ७९ ॥

आनी मुखांतरिं आइकिजे । ऐसैं काइसैं हें वोझें ।
 मीं चितारतन तूझें । असतां हातीं ॥ २८० ॥
 आरिसा पुढां मांडिलेयां । लोकाचेया डोलेयां ।
 मानु देयावा पावेया । आपुलें नीकें ॥ ८१ ॥
 भक्तु जेथ जैसेनि पाहे । तेथ तें तें चि होंत जाएं ।
 तो मीं तूझें जालां आहे । खेलणें आजि ॥ ८२ ॥
 ऐसेनि प्रीतिचेनि वेगें । देवो बोलतां से नेवे ।
 तवं आनंदा माक्षि आंगें । विरत एरु ॥ ८३ ॥
 चांदिणेयांचा पडिभरु । जालेयां सोमकांताचा डोंगरु ।
 विघरौनि सरोवरु । हों पाहे जैसा ॥ ८४ ॥
 ऐसैं सुख आणि अनुभूती । या भावाची मोडौनि भीती ।
 आतैल अर्जुना कृती । सुख चि जेथ ॥ ८५ ॥
 तेथ समर्थु ह्मणौनि देवा । अवकाशु जाला आठवा ।
 मग बुडतेया धावा । जीवें केला ॥ ८६ ॥
 अर्जुना एसणें ढेंढें । प्रज्ञा पसरोंसिं बुडे ।
 आलें भरितें एवडें । तें काडुनि पुडुती ॥ ८७ ॥
 देवो ह्मणे हां गा पार्था । तूं आपणपें देख सर्वथा ।
 तवं श्वासौनि एरें माथा । तुकविला ॥ ८८ ॥
 ह्मणे तूं हीं जाणसि दातारा । मीं तुसीं व्यक्तिसेजारा ।
 उभगलां आदी चि एकाहारा । एअं पाहें ॥ ८९ ॥
 तेया ही हा ऐसैसा । लोभें देया जारि लालसा ।
 तरि कां हो घालितसा । आडाड जिवा ॥ २९० ॥
 एथ श्रीकृष्णु ह्मणे मीकें । आशुइं नव्हे मा ठाउकें ।
 वेडेया चंद्रा चंद्रिके । निमलणें आहे ॥ ९१ ॥
 आणि हा इं बोलौनि भाउ । तुज दाउनि आह्मीं वेहों ।
 जें रुसतां बांधे ठावों । तें प्रेम गा हें ॥ ९२ ॥

एथ एकमेकाचिये खूणे । विसंवादु तवं जीणे ।
 ह्यगौनि असो हें बोलणें । इये विषिचें ॥ ९३ ॥
 मग कैसी कैसी ते आतां । बोलत होंतों पांडुसुता ।
 सर्वकर्मभिन्नता । आत्मेनसीं ॥ ९४ ॥
 तवं अर्जुनु ह्यणे देवें । माक्षिये मनिचें चि स्वभावें ।
 प्रस्ताविलें बरवें । प्रमेय तें चि ॥ ९५ ॥
 जें सकल कर्माचें बीज । कारणपंचक तुज ।
 सांघेन ऐसी पैज । घेतली कां ॥ ९६ ॥
 आणि आत्मेयां एथ काहिं । सर्वथा लागु नाहिं ।
 हें पुढारलासि तें देइं । लाहाणें माझे ॥ ९७ ॥
 ऐया बोला विश्वेशें । ह्यणितलें तोखें बहुवसें ।
 इये विषीं धरणें बैसे । ऐसें कें जोडे ॥ ९८ ॥
 तारि अर्जुना निरूपिजैल । तें किर भाषे चि आंतुल ।
 परि मेचु इये होइजैल । रिणियां तुज ॥ ९९ ॥
 तवं अर्जुनु ह्यणे देउ । काइ विसरलेति मागील भाउ ।
 हे गोठी कीं राखत आहों । मीतूपण चि ॥ ३०० ॥
 एथ श्रीकृष्णु ह्यणति हो कां । आतां अवधाना पसरु नीका ।
 करुनि तुह्मीं आइकां । पुढारलों तें ॥ १ ॥
 तारि साच चि धनुर्द्धरा । सर्व कर्माचा उभारा ।
 होये बाहिरिवाहिरा । कारणीं पांचें ॥ २ ॥
 आणि पंचकारणदलवाडें । जेहीं कर्माकार मांडे ।
 ते हेतु ही संवघडे । पांच आधि ॥ ३ ॥
 येर आत्मतत्व उदासीन । तें हेतु ना उपादान ।
 ना आंगें करी संवाहन । कर्मसिद्धीचें ॥ ४ ॥
 तेथ शुभाशुभीं अंशीं । निफजतां कर्म ऐसीं ।
 रात्रिदिउ कां आकाशीं । जिया परीं ॥ ५ ॥

कां तोय तेज धूम । एयां वायुसिं समागमु ।
 जालेयां होये अभ्रागमु । व्योम तें नेणे ॥ ६ ॥
 नाना कार्ष्टि नाव मिले । ते नावोडेनि चले ।
 चालिजे अनिलें । उदक साक्षी ॥ ७ ॥
 कां कोणें एके पिडें । वेचतां अवतरे भाडें ।
 तें भवंडिजे दंडें । भ्रमे चक्र ॥ ८ ॥

आणि कर्तुत्व कुल्लालाचें । तेथ काइ पृथ्वियेचें ।
 आधार वांचौनि वेचे । विचारि पां ॥ ९ ॥
 इयें असो लोकाचिया । राहाटी होंतु आघविया ।
 कोण काम सवितेया । आंगा आलें ॥ १० ॥
 तैसी पंचहेतुमिलणीं । पांचें चि इहिं करणिं ।
 कीजे कर्मलतांची लावणी । आत्मा सिनां ॥ ११ ॥
 आतां इयें चि वेगलालीं । पांचे विवंचूं गा भलीं ।
 तूकूनि घेतलीं । मोतियें जैसीं ॥ १२ ॥

अधिष्ठानं तथा कर्त्ता करणं च पृथग्विधं ॥

विविधाश्च पृथक्चेष्टा दैवं चैवात्र पंचमं ॥ १४ ॥

तैसि यथालक्षणें । आइका पां कर्मकारणें ।
 तरि देह हें मीं हणें । पहिलें एथ ॥ १३ ॥
 ययातें अधिष्ठान ऐसें । ह्यणिजे तें यया दोसें ।
 जें स्वभोग्येंसीं वसे । भोक्ता एथ ॥ १४ ॥
 इंद्रियांचा दाहिं हाति । जचौनि दिवसें राती ।
 सुखदुःखें प्रकृती । जोडिजति जियें ॥ १५ ॥
 तियें भोगावेया पुरुषा । आनु ठावो नाहिं चि देखां ।
 ह्यणौनि अनुष्ठानभाषा । बोलिजे देह ॥ १६ ॥
 हें चोवीसां हिं तत्वांचें । कुटुंबघर वसतिचें ।
 तूटे बंधमोक्षाचें । गूतलें एथ ॥ १७ ॥

किंबहुना अवस्थात्रया । अधिष्ठान धनंजया ।
 ह्यणौनि देहा एया । हें चि नावं ॥ १८ ॥
 आणि कर्ता जें दूर्जे । कर्माचें कारण जाणजे ।
 प्रतिबिंब ह्यणजे । चैतन्याचें जें ॥ १९ ॥
 आकाश चि वरिखे नीर । तेथ तलहाटीं बांधे नाडर ।
 मग बिंबौनि तदाकार । होये जेवि ॥ ३२० ॥
 कां निद्राभरें बहुवें । राया आपणपें ठाउवें नव्हे ।
 मग स्वप्निचां माये । रंकपणीं कां ॥ २१ ॥
 तैसें आपुलेनि विसरें । चैतन्य चि देहाकारें ।
 आभासौनि आबिष्करे । देहपणें जें ॥ २२ ॥
 जेया विचाराचां देशीं । प्रसिद्धी गा जीउ ऐसी ।
 जेणें भाक केली देहेंसीं । आघवां विषीं ॥ २३ ॥
 पै प्रकृति करी कर्में । तो मियां केलीं ह्यणे भ्रमैं ।
 एथ कर्ता एणें नामें । बोलिजे जीउ ॥ २४ ॥
 मग पातेयाचां केंसीं । एकी चि उठी दीठि जैसी ।
 मोकली चवरी ऐसी । चिरिवं गमे ॥ २५ ॥
 कां घरा आंतु एकु । दीपाचा अवलोकु ।
 गवाक्षी भेदें अनेकु । आवडे जेवि ॥ २६ ॥
 तेवि बुद्धिचें एक जाणणें । श्रोत्रादिभेदें एणें ।
 बाहिरि इंद्रियपणें । फांके जें कां ॥ २७ ॥
 तें पृथग्विध करण । कर्माचें यया कारण ।
 तिसरें गा जाण । नृपनंदना ॥ २८ ॥
 आणि पूर्वपश्चिमवाहाणी । निगालेयां बोघांचिया मिलणीं ।
 होये नदीनदपाणी । एक चि जेवि ॥ २९ ॥
 कां एकाएकू चि पुरुषु जैसा । अनुव्रत नवां रसां ।
 नवविधु ऐसा । आवडों लागे ३३० ॥

तैसी चि क्रियाशक्ति पवनी । असे जे अनुपायनी ।
 ते पडिली नाना स्थानी । नाना होए ॥ ३१ ॥
 जें वाचे करी एणें । तें तें चि होये बोलणें ।
 हाता आली घेणें । देणें होए ॥ ३२ ॥
 आगा चरणाचां ठांड । तरि गति ते चि पाइ ।
 अधोद्वारीं दोहीं । क्षरण ते चि ॥ ३३ ॥
 कंदौनि कां हृदय वेन्हीं । प्राणायामाची उजिरी ।
 करितां ते चि शरीरीं । प्राणु ह्यणिपे ॥ ३४ ॥
 मग ऊर्ध्वचिया रिगिनिगा । पुडुतीं ते चि शक्ति पै गा ।
 उदानु ऐसिया लिंगा । पात्र जाली ॥ ३५ ॥
 अधोरंध्राचेनि वाहें । अपानु हें नावं लाहे ।
 व्यापकपणें होये । व्यानु ते चि ॥ ३६ ॥
 आरोगिलेन रसें । शरीर भरी सरिसें ।
 नाभि न संडितां असे । सर्वसंधी ॥ ३७ ॥
 ऐसिया इया राहाटी । मग ते चि क्रिया पाठीं ।
 समानु ऐसें किरीटी । बोलिजे गा ॥ ३८ ॥
 आणि जांभै सीक ढेंकरु । ऐसैसा होंत व्यापारु ।
 नाग कूर्मु कृकरु । इत्यादि होए ॥ ३९ ॥
 एवं वायुची हे चेष्टा । एकी चि परीं सूभटा ।
 वर्त्तां पालटा । एतसे जे ॥ ३४० ॥
 ते भेदली वृत्तिपथें । वायुक्रिया गा एथें ।
 कर्मकारण चौथें । ऐसें जाण ॥ ४१ ॥
 आणि रतु बरवा शारदु । शारदिं पुडुतीं चंद्रु ।
 चंद्रि जैसा संबंधु । पूर्णिमेचा तो ॥ ४२ ॥
 कां वसंति बरवा आरामु । आरामिं प्रियसंगमु ।
 संगमिं आगमु । उपचारांचा ॥ ४३ ॥

नाना कमलीं पांडवा । विकाशु जैसा बरवा ।
 विकाशीं यावा । परागांचा ॥ ४४ ॥
 वाचे बरवें कवित्व । कवित्वीं बरवें रसिकत्व ।
 रसिकत्वीं हि परतत्व । स्पर्श जैसा ॥ ४५ ॥
 तैसी सर्ववृत्तिवैभविं । बुद्धी चि येकली बरवी ।
 बुद्धि ही बरव नवी । इंद्रियप्रौढी ॥ ४६ ॥
 इंद्रियप्रौढीमंडला । शृंगारु एकु चि लीला ।
 जें अधिष्ठात्रियांचा मेला । देवांचा जो ॥ ४७ ॥
 ह्यगौनि चक्षुरादिकिं दाहें । इंद्रियपीठीं सानुग्रहें ।
 सूर्यादिकां कां आहे । सुरांचे वृंद ॥ ४८ ॥
 तें देववृंद बरवें । कर्मकारण पांचवें ।
 अर्जुना एथ जाणावें । देवो ह्यणति ॥ ४९ ॥
 एवं माने तूझी आयणि । तैसी कर्मजातांचि हे खाणी ।
 पंचविध आकरणीं । निरोपिली ॥ ३५० ॥

शरीरवाङ्मनोभिर्यत्कर्म प्रारभते नरः ॥

न्याय्यं वा विपरीतं वा पंचैते तस्य हेतवः ॥ १५ ॥

आतां हे चि खाणि वाढे । मग कर्माची सृष्टि घडे ।
 जिहिं ते हेतु उघडे । दाउं पांचें ॥ ५१ ॥
 तारि अवसांत आली माधवी । हेतु होये नवी पालवीं ।
 पालवीं पुष्पपुंजु दावी । पुष्प फलातें ॥ ५२ ॥
 कां वारिषिया आणिजे मेघु । मेवीं वृष्टिप्रसंगु ।
 वृष्टी तव भोगु । सस्यसुखाचा ॥ ५३ ॥
 नाना प्राची अरुणातें विये । अरुणें सूर्योदयो होये ।
 सूर्यें सकल पाहे । दिवो जैसा ॥ ५४ ॥
 तैसें मन हेतु पांडवा । होये कर्मसंकल्पभावा ।
 तो संकल्पु लावी दीवा । वाचेचा गा ॥ ५५ ॥

मग वाचेचा तो दिवटा । दावी कृत्यजाताचिया वाटा ।
 तेव्हां कर्ता रिगे कामठां । कर्तुत्वाचां ॥ ५६ ॥
 तेथ शरीरादिदलवाडें । शरीरादिहेतु घडे ।
 जैसें लोहकर्म लोखंडें । निर्वालिजे ॥ ५७ ॥
 कां तांथुवाचा ताणा । तांथु घालितां वोडरणा ।
 तंतुमय चि विचक्षणा । होये पट्टु ॥ ५८ ॥
 तैसें मनावाचे देहाचें । कर्म मनादि हेतु रचे ।
 रत्नीं घडे रत्नाचें । दलवाडें जेवि ॥ ५९ ॥
 एथ शरीरादिकें कारणें । तें चि हेतु केवि हें कोणें ।
 आक्षेपिजे तरि तेणें । अवधारिजो ॥ ६० ॥
 आइकें सूर्याचेया प्रकाशा । हेतुकारण सूर्यो चि जैसा ।
 कां ऊंसाचें काडें ऊंसा । वाढी हेतू ॥ ६१ ॥
 नाना वाग्देवता वानावी । तें वाचा चि लागे कामवावी ।
 कां वेदा वेदें चि बोलावी । प्रतिष्ठा जे ॥ ६२ ॥
 तैसें कर्मा शरीरादिकें । कारण हें किर ठाउकें ।
 परि हें चि हेतु न चुके । हें इं एथ ॥ ६३ ॥
 आणि देहादिकिं कारणिं । देहादिहेतु मिलणीं ।
 होये जेयां उभारणीं । कर्मजातां ॥ ६४ ॥
 तें शास्त्रार्थें मानिलेयां । मार्गानुसारें धनंजया ।
 तरि न्याउ तो न्याया । हेतु होए ॥ ६५ ॥
 जैसा पर्जन्योदकाचा लोट्टु । विपायें धरी सालिचा पाट्टु ।
 जहिं जिरे परि अचाट्टु । उपेगु आधि ॥ ६६ ॥
 कां रोसें निगालें अवचटें । पडिलें द्वारकेचिये वाटे ।
 तें सीणे तन्हीं मुनाटें । न वचती पदें ॥ ६७ ॥
 तैसें हेतुकारण मेलें । उठी कर्म आंधलें ।
 तें शास्त्रांचे लाहे डोले । तें न्याय हाणिपे ॥ ६८ ॥

ना दूध वाढिता ठाऊ न पवे । तवं उलंडौनि जाये स्वभावे
 तो ही वेचु पारि नोहे । वेचलें तें ॥ ६९ ॥
 तैसें शास्त्रसाह्यें विण । केलें नोहे अकारण ।
 तरि लंगो पां नागवण । दानलेखि ॥ ३७० ॥
 आगा बावना वर्णां परौता । कोण्हीं मंत्रु आहे पांडुसुता ।
 कां बावना हिं नुच्चारितां । जीउ आधि ॥ ७१ ॥
 पारि मंत्राची कडसणी । जवं नेणजे कोदंडपाणी ।
 तवं उच्चारफल वाणी । न पवे जेवि ॥ ७२ ॥
 तेवि कारणहेतुयोगें । जें बीसाट कर्म निगे ।
 तें शास्त्रांचिये न लगे । कसे जवं ॥ ७३ ॥
 कर्म होंतसे तेव्हां इं । पारि होणे नव्हे पाहिं ।
 तो अन्याऊ गा अन्याइं । हेतु जाणावा ॥ ७४ ॥
 एषं पंचकारणका कर्मा । पांच ही हेतु हे सुवर्मा ।
 आतां पाहे पां आत्मा । सांपडला असे ॥ ७५ ॥

तत्रैवं सति कर्तारमात्मानं कैवलं तु यः ॥

पश्यत्यकृतबुद्धित्वान्न स पश्यति दुर्मतिः ॥ १६ ॥

भानु नोहुनि रूपें जैसीं । चक्षुरूपातें कां प्रकाशी ।
 आत्मा नोहुनि कर्म तैसीं । प्रकटित असे ॥ ७६ ॥
 पै प्रतिबिंब आरिसा । दोन्हीं नोहुनि वीरेषा ।
 दोहींतें प्रकाशी जैसा । निहाळिता तो ॥ ७७ ॥
 कां अहोरात्र हें साविता । नोहुनि करी पांडुसुता ।
 तैसा आत्मा कर्मकर्ता । नोहोंतु दीवी ॥ ७८ ॥
 तरि देहाअहंमानभूली । जेयाची बुद्धि देह आतली ।
 जेया आत्मविषीं जाली । मध्यमरात्रि ॥ ७९ ॥
 जेणें चैतन्या ईश्वरा ब्रह्मा । देह चि केलें परम सीमा ।
 तेया आत्मा कर्ता हे प्रेमा । आळोट उपजे ॥ ३८० ॥

जं आत्मा मी कर्मातीतु । सर्वकर्मा साक्षिभूतु ।
 हे आपुली कहीं मातु । नाइके चि ॥ ८१ ॥
 ह्यणौनि उमपा आत्मेयांतें । देह वरि मवी यथें ।
 विचित्र काइ रात्रि देहातें । डुडुल करी ॥ ८२ ॥
 पै जेणें आकाशाचा कहीं । साच सूर्यो देखिला नाहिं ।
 तो थिलरिचें विंब काई । मानूं न ल्हाए ॥ ८३ ॥
 थिलराचेनि जालेपणें । सूर्यासि आणी होणें ।
 तेयाचां नासिं नासणें । कंपें कंपु ॥ ८४ ॥
 आगा निद्रिता चेउ न ये । तवं स्वप्न साच हों ल्हाए ।
 दोरी नेणतां सपें बिहे । विस्मो कवणु ॥ ८५ ॥
 जवं कवलु आधि डोलां । तवं चंद्रु देखावा पीवला ।
 काइ मृगीं हीं मृगजला । भावावें ना ॥ ८६ ॥
 तैसें शास्त्रागुरुचेनि नावें । जो वारा ही टेंकों नेंदी सीवै ।
 केवल मौढ्याचेनि जीवें । जियाला जो ॥ ८७ ॥
 तेणें देहात्मदृष्टिमूलें । आत्मेयां घापे देहाचें जालें ।
 जैसा अग्निचा वेगु कोल्लें । चंद्रीं मानी ॥ ८८ ॥
 मग तेया मानणेयां साठिं । देहबंदिसाले किरीटी ।
 फर्माचां वज्रगांठीं । कालासे तो ॥ ८९ ॥
 पाहे पां बंधभावना दृढा । नलिये वरि तो बापुडा ।
 काइ मोकलां हिं चवडां । न ठके चि पूसा ॥ ३९० ॥
 ह्यणौनि निर्मले आत्मरूपीं । जो प्रकृतिचें केलें आरोपी ।
 तो कल्पकोडिचां मापीं । मवी कर्म ॥ ९१ ॥

यस्य नाहंकृतो भावो बुद्धिर्यस्य न लिप्यते ॥

हत्वापि स इमां लोकान्नहंति न निबध्यते ॥ १७ ॥

आतां कर्मा माझि असे । परि तेयातें कर्म न स्पर्शें ।

वडवानलातें जैसें । समुद्रादक ॥ ९२ ॥

तैसें वेगलेपणें । जेयाचें कार्मि असणें ।
 तो किर जाणावा कवणें । तन्हीं काहिं सांघों ॥ ९३ ॥
 जें मुक्तातें निर्द्धारितां । लाभे आपुली चि मुक्ता ।
 जैसें दीसे दीपु पांतां । आपुली वस्तु ॥ ९४ ॥
 नाना आरिसा जवं उटिजे । तवं आपणेयां आपण भेटिजे ।
 कां पाणी पांतां पाणीं होइजे । लवणें जेवि ॥ ९५ ॥
 हें असो परतौनि माघौतें । प्रतिबिंब पाहे बिंबातें ।
 तवं पाहाणें जाउनि आइतें । बिंब चि उरे ॥ ९६ ॥
 तैसें हारतलें आपण पावें । तैं संतातें पांतां गिवसावें ।
 ह्यणौनि वानावे आइकावे । ते चि सदा ॥ ९७ ॥
 तारि कार्मि असौनि कर्में । जो नावरे समविषमें ।
 चर्मचक्षूचेनि चर्में । दीठि जैसी ॥ ९८ ॥
 तैसा सोडिला जो आहे । तेयाचें रूप आतां पाहे ।
 उपपत्तिची बाहे । उभूनि सांघों ॥ ९९ ॥
 तरि अविद्येचिया नीदा । विश्वस्वप्नाचा हा धांधा ।
 भोगित होता प्रबुद्धा । अनादि जो ॥ १०० ॥
 तो महावाक्याचेनि नावें । गुरुकृपेचेनि थावें ।
 माथां हातु ठेवणें नोहे । थापटिला जैसा ॥ १ ॥
 तैसी विश्वस्वप्नेसि माया । नीद सांडौनि धनंजया ।
 सहसा चेइला अद्वया— । नंदपणें जो ॥ २ ॥
 तेधवां मृगजलाचे पूर । दीसति एक निरंतर ।
 हारपति कां चंद्रकर । फांकतां जैसे ॥ ३ ॥
 कां बालकत्व निगौनि जाए । तैं बागुला नाहिं त्राए ।
 पै जलालेयां इंधन नोहे । इंधन जेवि ॥ ४ ॥
 नाना चेअ आलेयां पाठीं । तैं स्वप्न न दिसे दीठीं ।
 तैसें अहंमम गा किरिटी । नूरे चि तेया ॥ ५ ॥

मग सूर्यु आंधारा लागि । रिगो पां भलेतिये सुरंगीं ।
 पारि तो तेयाचां भागीं । नाहीं चि जैसा ॥ ६ ॥
 तैसा आत्मतत्वे वेंठला होए । तो जेया जेया दृश्यातें पाहे ।
 तें दृश्य द्रष्टेनसिं होत जाये । तेयाचें चि रूप ॥ ७ ॥
 जैसा वन्हि जेया लागे । तें वन्ही चि जालें आंगें ।
 दाह्यदाहकविभागें । सांडिजे तें ॥ ८ ॥
 तैसा कर्माकारा दूजेया । तो करितेपणांचा आत्मेया ।
 अवल्हाॐ ये तो गेलेयां । काहिं उरे ॥ ९ ॥
 तिये आत्मस्थितिचा जो राॐ । तो मग जाणे देहिं इये ठावो ।
 काइ प्रलयांबुचा उमाहो । बोधु मानी ॥ ११० ॥
 तैसी ते पूर्णा अहंता । कां देहपणें पांडुसुता ।
 आवरे काइ सविता । बिबें धरिला ॥ ११ ॥
 पै मथूनि लोणीं घेपे । तें माघौतें ताकीं घापे ।
 तरि तेयाचें पण सिंपे । तेंचें चि काइ ॥ १२ ॥
 नाना काष्टौनि वीरेषा । वेगलविलेयां हुताशा ।
 राहे काष्टाचेया मांदुसा । कोंडलेपणें ॥ १३ ॥
 कां रात्रिचेया पोटा आंतु । रिगाला जो कां भास्वतु ।
 तो रात्रि ऐसी मातु । आइके काइ ॥ १४ ॥
 तैसें वेद्यवेदकपणेंसिं । पडिलें जेयाचां ग्रासिं ।
 तेया देह मीं हे ऐसी । अहंता कैची ॥ १५ ॥
 आणि आकाशें जेथजेथौनि । जावें तेथ असे भरौनि ।
 ह्यणौनि ठेलें कां अडौनि । आपें आप ॥ १६ ॥
 तैसें जें तेणें करावें । तें तो चि आहे स्वभावें ।
 मा कोणहीं कर्मि वेंठावें । कर्त्तेपणें ॥ १७ ॥
 नूरे चि गगनाचा ठाॐ । नव्हे चि समुद्रीं वाहो ।
 नूठी चि ध्रुवा जावों । तैसें जालें ॥ १८ ॥

ऐसेनि अहंकृतीभावो । जेयाचां बोधि जाला वा३० ।
 तन्हीं देहा जवं निर्वाहो । तवं आधि कर्म ॥ १९ ॥
 आगा वारा जन्हीं वार्जो सरे । तन्हीं तो डोलु रूखी उरे ।
 कां सेंदे द्रुति राहे कापुरें । वेचलेनि हीं ॥ ४२० ॥
 सरलेयां गीताचा समारंभु । न वचे राहलेपणाचा सोभु ।
 भुइं लोलौनि गेलें अंभु । बोल थारे ॥ २१ ॥
 आगा मावललें हीं अकें । संध्येचिये भूमिके ।
 ज्योति दीप्ति कवतिकें । दीसे जेवि ॥ २२ ॥
 पै लक्ष भेदिलयां हिं वरि । सरु धांवे चि तवं वेन्हीं ।
 जवं आहे उजिरी । बलाची ते ॥ २३ ॥
 नाना चांकिं भांडें जालें । तें कुंभारें परौतें नेलें ।
 तन्हीं भवे चि तें मागिलें । भवंडिलेपणें ॥ २४ ॥
 तैसा देहाभिमानु गेलेयां । देह जेणें स्वभावे धनंजया ।
 जालें तो आपैसेया । चेष्टवी चि तें ॥ २५ ॥
 संकल्पें विण स्वप्न । न लवितां दांगिचें वन ।
 न रचितां गंधर्वभुवन । उठी जैसें ॥ २६ ॥
 आत्मेयांचेन उद्यमें विण । तैसें देहादिपंचकारण ।
 होये आपणेयां आपण । क्रियाजात ॥ २७ ॥
 पै प्राचीनसंस्कारशेषें । पांचै कारणें सहेतुकें ।
 कामविजति गा अनेकें । कर्माकारें ॥ २८ ॥
 तेया कर्मा माक्षि मग । संहारो आघवें जग ।
 अथवा नवें चांग । आन करवो ॥ २९ ॥
 परि कुमुद कैसें सूके । कैसें तें कमल फांके ।
 यें दान्हीं रवी न देखे । जिया परीं ॥ ४३० ॥
 कां वीजु वरिखौनि अभाळ । ठिकारिया आंतौनि भुतळ ।
 अथवा करू साड्डळ । प्रसन्ना वृष्टी ॥ ३१ ॥

परि तेयां दोहींतें जैसें । नेणिजे कां आकाशें ।
 तैसा चि देहीं जो असे । विदेहदृष्टी ॥ ३२ ॥
 तो देहादिकिं चेष्टीं । घडतां मोडतां हिं सृष्टी ।
 न देखे स्वप्न किरीटी । चेइला जैसा ॥ ३३ ॥
 यन्हविं चामाचे डोले वेन्हीं । जे देखति देहधारी ।
 तें किर तो व्यापारीं । ऐसें चि मानीति ॥ ३४ ॥
 काइ तणाचा बाउला । जो आगरा मेरे ठेविला ।
 तो साचू चि राखता कोल्हां । मानिजे नां ॥ ३५ ॥
 पिसेया नेसलें नागिवें । हें लोकिं येउनि जाणावें ।
 टाणौरियाचे मवावे । आणिकिं घाये ॥ ३६ ॥
 कां महासतीयेचे भोग । देखे किर आघवें जग ।
 परि ते आगि ना आंग । ना लोकु देखे ॥ ३७ ॥
 तैसा स्वस्वरूपें उठिला । जो दृश्येंसिं द्रष्टा आटला ।
 तो नेणे काइ राहाटला । इंद्रियग्रामु ॥ ३८ ॥
 आगा थोरें कल्लोलीं साने । लोपतां तिरिचेनि जनें ।
 एकिं एक गीलिलें हें मनें । मानिजे जन्हीं ॥ ३९ ॥
 तन्हीं पाणियां कडे पाहिं । कोणहीं गीलिजतसे काइ ।
 तैसें पूर्णा दूजे नाहिं । जें तो मारी ॥ ४० ॥
 सोनेयांची कां चंद्रिका । सुवर्णसूळें चि देखां ।
 सोनेयांचिया महिषा । नाशु केला ॥ ४१ ॥
 तो देवलविसेंया कडां । व्यवहारु गमला फुडा ।
 वांचौनि सूळ महिषु चामुंडा । सोनें चि असे ॥ ४२ ॥
 पै चित्रिचें पाणी हुताशु । तो दीठी चि भागु आभासु ।
 पटिं आगि ना वोल्हासु । दोन्ही नाहिं ॥ ४३ ॥
 मुक्ताचें देह तैसें । हालत संस्कारवसें ।
 देखौनि लोक पीसे । कर्ता हणती ॥ ४४ ॥

आणि तेया करणेयां आंतु । घडे तिहिं लोकां वातु ।
 परि तेणें केला हे मातु । बोलों नैए ॥ ४५ ॥
 तवं आंधारु चि देखावा तेजें । मा तें फेडि हें केवि बोलिजे ।
 तैसें ज्ञानियां नाहिं दूजें । करील काई ॥ ४६ ॥
 ह्यगौनि तेयाची बुद्धि । नेणे पापपुण्याची गंधि ।
 गंगा मीनलेयां नदी । विटालु जैसा ॥ ४७ ॥
 आगी आगि लागलेयां । काहिं पोले धनंजया ।
 किं शस्त्र रूपें आपणेयां । आपणचि काइ ॥ ४८ ॥
 तैसें आपणयेयां परौतें । जो नेणे क्रियाजातातें ।
 तेथ काइ लिंपवी बुद्धितें । तेयाचिये ॥ ४९ ॥
 ह्यगौनि कार्यकर्ताक्रिया । हें स्वरूप चि जालें जेया ।
 नाहिं शरीरादिकिं तेया । कर्मबंधु ॥ ४५० ॥
 जें कर्ता जीउ विंदाणीं । काढौनि पांचे खाणी ।
 घडीत आहे करणीं । आउतीं दाहें ॥ ५१ ॥
 तेथ न्याउं आणि अन्याउं । हा द्विविधु साधूनि आवो ।
 उभितां न लधी ठेउं । कर्मभुवनें ॥ ५२ ॥
 या थोराडा किर कामां । विरजा नोहे का आत्मां ।
 परि ह्यणसी हान उपक्रमां । हातु लावी ॥ ५३ ॥
 तो साक्षी चिद्रूपु । कर्मप्रवृत्तिचा संकल्पु ।
 उठी तो कां निरोपु । आपण चि दे ॥ ५४ ॥
 तरि कर्मप्रवृत्ती ही लागि । तेया आयासु नाहिं आगीं ।
 जे प्रवृत्तिचे उलगीं । लोक चि आथि ॥ ५५ ॥
 ह्यगौनि आत्मेयाचें केवल । जो रूप चि जाला निर्मल ।
 तेया नाहिं बंदिसाल । कर्माची हे ॥ ५६ ॥

ज्ञानं ज्ञेयं परिज्ञाता त्रिविधा कर्मचोदना ॥
 करणं कर्म कर्त्तति त्रिविधः कर्मसंग्रहः ॥ १८ ॥

परि अज्ञानाचां पटीं । अन्यथाज्ञानाचें चित्र उठी ।
 तेथ चि तारणी हे त्रिपुटी । प्रसिद्ध जे ॥ ५७ ॥
 तें चि ज्ञाताज्ञानज्ञेय । हें जें जगाचें त्रीजत्रय ।
 तें कर्मा चि निसंदेह । प्रवृत्ति जाण ॥ ५८ ॥
 आतां या चि गा त्रया । व्यक्ती वेगलालिया ।
 आइकें धनंजया । करूं रूप ॥ ५९ ॥
 तरि जीवसूर्यबिंबिचे । जे रश्मि श्रोत्रादिकिं पांचें ।
 धावौनि विषयपद्माचे । फोडिति मढ ॥ ४६० ॥
 कां जीवन्मुपाचे उपलाणे । घेउनि इंद्रियाचिं केंकाणें ।
 विषयदेशिचिये नागवणे । आणित्ती जे ॥ ६१ ॥
 हें असो इंद्रिय राहाटे । जें सुखदुःखासीं जीवा भेटे ।
 ते सुषुप्तिकालीं वावाटे । जेथ ज्ञान ॥ ६२ ॥
 तेया जीवा नावं ज्ञाता । आणि हें जें सांघितलें आतां ।
 तें चि एथ पांडुसुता । ज्ञान जाण ॥ ६३ ॥
 जें अविद्येचिये पोटीं । उपजत खे३० किरीटी ।
 आपणेयांतें वांटी । तिहिं ठांई ॥ ६४ ॥
 आपुलिये धांवे पुढां । घाळनि ज्ञेयाचा गुढा ।
 उभारी मागिला कडां । ज्ञातृत्वातें ॥ ६५ ॥
 ज्ञातेया ज्ञेया दोघां । तो नांदुणुकेचा बगा ।
 माजि जालेनि पै गा । वाहे जेणें ॥ ६६ ॥
 टाकूनि ज्ञेयाची सीवं । पुरे जेयाची धावं ।
 सकलपदार्थां नावं । सूतसे जें ॥ ६७ ॥
 तें गा सामान्यज्ञान । एथ नाहिं आन ।
 ज्ञेयाचें हिं चिन्ह । आइक आतां ॥ ६८ ॥
 तरि शब्दस्पर्शु । रूपगंधरसु ।
 हा पंचविध आभासु । ज्ञेयाचा जो ॥ ६९ ॥

जैसें एकें चि चुतफलें । इंद्रियां वेगलवेगलें ।
 रसें वणें परिमलें । भेटिजे स्पर्शें ॥ ४७० ॥
 तैसें ज्ञेय तरि एकसरें । परि ज्ञान इंद्रियद्वारें ।
 घे हणौनि प्रकारें । पांचें जालें ॥ ७१ ॥
 आणि समुद्रीं बोघांचें जाणें । सरे लाणी पासिं धावणें ।
 कां फलिं सरे वाढणें । सस्याचें जेवि ॥ ७२ ॥
 तेवि इंद्रियांचां वाटीं । धावं तेया ज्ञानासि जेथ ठी ।
 होये तें गा किरीटी । विषयज्ञेय ॥ ७३ ॥
 एवं ज्ञातेया ज्ञाना ज्ञेया । तिहिं रूप केलें धनंजया ।
 ते हे त्रिविध सर्वक्रिया— । प्रवृत्ति जाण ॥ ७४ ॥
 जें शब्दादिविषय । हें पंचविध ज्ञेय ।
 तें चि प्रिय कां अप्रिय । एकी परिचें ॥ ७५ ॥
 ज्ञान मोटकें ज्ञातेया । डावी ना जवं धनंजया ।
 तवं स्वीकारा कां त्यजावेया । प्रवर्त्ते चि तो ॥ ७६ ॥
 परि मीनातें देखौनि बकु । जैसा निधानातें रंकु ।
 कां स्त्री देखौनि कामिकु । प्रवृत्ति धरी ॥ ७७ ॥
 जैसें खोलां धांवे पाणी । भवंरु फुलाचिये वाहाणी ।
 नाना सूटला सांजवणी । वत्सू चि पां ॥ ७८ ॥
 आगा स्वर्गिंची उर्वशी । आइकौनि जेवि माणुसिं ।
 वरता लागति आकाशीं । यागाचिया ॥ ७९ ॥
 पै पारिवा जैसा किरीटी । चडला नभाचिये पोटीं ।
 पारिवी देखौनि लोटी । आंग सगलें ॥ ४८० ॥
 हें ना घनगर्जिता सरिसा । मोरु बोवांडे आकाशा ।
 ज्ञाता ज्ञेय देखौनि तैसा । धावं चि घे ॥ ८१ ॥
 हणौनि ज्ञानज्ञेयज्ञाता । हें त्रिविध गा पांडुसुता ।
 होये चि कर्मा समस्तां । प्रवृत्ति एथ ॥ ८२ ॥

तारि तें चि ज्ञेय विपार्ये । जरि ज्ञातेयाचें प्रिय होये ।
 तरि भोगावेया न साहे । क्षणु हिं भरि ॥ ८३ ॥
 नातरि अवचटे । तें वीरू होउनि भेटे ।
 तरि युगांत वाटे । सोडावेया ॥ ८४ ॥
 व्याला कां हारा । वरिपडा जालेयां नरा ।
 हरिखु आणि दरारा । सरिसा चि उठी ॥ ८५ ॥
 तैसें ज्ञेयें प्रियाप्रिये । देखौनि ज्ञातेया होये ।
 मग त्याग स्वीकारी वाहे । व्यापारातें ॥ ८६ ॥
 तेथ रागीं प्रतिमळाचां । गोसांविं सर्वदलाचा ।
 रथु सांडूनि पायांचा । होये जैसा ॥ ८७ ॥
 तैसें ज्ञातेपण जें असे । तें ए कर्ता ऐसिये दशे ।
 जेवितें बैठलें जैसें । रंधन करु ॥ ८८ ॥
 कां भवरें चि केला मला । वोरकलू चि जाला आंकसाला ।
 नाना दे० रिगाला देउला— । चेया कामां ॥ ८९ ॥
 तैसा ज्ञेयाचिया हावां । ज्ञाता इंद्रियांचा मेलवा ।
 राहाटवी तेथ पांडवा । कर्ता होए ॥ ९० ॥
 आणि आपण चि होउनि कर्ता । ज्ञाना आणी करणता ।
 तेथ ज्ञेय चि स्वभावता । कार्य होये ॥ ९१ ॥
 ऐसा ज्ञानाचिया युगुती । पालटु पडे गा सुमती ।
 डोलेयांची शोभा राती । पालटे जैसी ॥ ९२ ॥
 कां अदृष्ट जालेयां उदासु । पालटे श्रीमंतांचा उल्हासु ।
 पुनिवे पाठीं शीतांशु । पालटे जैसा ॥ ९३ ॥
 तैसें चालितां करणें । ज्ञाता वेंठिजे कर्तेपणें ।
 तेथिचीं हीं लक्षणें । आइक आतां ॥ ९४ ॥
 तरि बुद्धि आणि मन । चित्त अहंकार हान ।
 हें चतुर्विध चिन्ह । अंतष्करणाचें ॥ ९५ ॥

बाहीरि त्वचा श्रवण । चक्षु रसना घ्राण ।
 हे पंचविध जाण । ज्ञानेंद्रिय गा ॥ ९६ ॥
 तेथ आंतुलें तवं करणें । कर्त्ता कर्त्तव्या घे उमाणें ।
 मग तें चि जरि जाणे । सुखा येतां ॥ ९७ ॥
 तरि बाहिरिलें तियें हीं । चक्षुरादिकें दाही ।
 उठूनियां लवलाहीं । व्यापारा सुए ॥ ९८ ॥
 मग तो इंद्रियकदंबु । करविजे तवं राबु ।
 जवं कर्त्तव्याचा लाभु । हातासि ए ॥ ९९ ॥
 नातारि कर्त्तव्य जरि दुःखें । फलैल हान ऐसें देखे ।
 तरि लावी त्यागमुखें । तियें चि दाही ॥ ५०० ॥
 मग फीटे दुःखाचा ठाऊ । तवं राहाटवी रातिदिऊ ।
 विकणु आतें राऊ । जिया परीं ॥ १ ॥
 तैसेनि त्यागस्वीकारीं । वाहातां इंद्रियाचां धुरीं ।
 ज्ञातेयातें अवधारीं । कर्त्ता ह्यणिपे ॥ २ ॥
 आणि कर्त्तेयाचां सर्वकर्मीं । आउतांचिया परी क्षमी ।
 ह्यणौनि इंद्रियातें आह्मीं । करणें ह्यणों ॥ ३ ॥
 आणि हें चि करण वेरी । कर्त्ता क्रिया जे उभारी ।
 तिया व्यापे तें अवधारीं । कर्म एथ ॥ ४ ॥
 सोनाराचिया बुद्धी लेणें । व्यापे चंद्रकरीं चांदिणें ।
 कां वेल्हाळपणें । वेलि जैसी ॥ ५ ॥
 नाना प्रभा व्यापे प्रकाशु । गोडिया इक्षुरसु ।
 हें असो अवकाशु । आकाशें जैसा ॥ ६ ॥
 तैसें कर्त्तेयाचिया क्रिया । व्यापलें जें धनंजया ।
 तें कर्म गा बोलावेया । नाहीं आन ॥ ७ ॥
 एवं कर्त्ताकर्मकरण । इयां तिहिंचें हें लक्षण ।
 दाविलें तुज विचक्षण— । शिरोमणी ॥ ८ ॥

ज्ञानं कर्म च कर्त्ता च त्रिधैव गुणभेदतः ॥
प्रोच्यते गुणसंख्याने यथावच्छुणु तान्यपि ॥

एथ ज्ञाताज्ञानज्ञेय । हें कर्माचें प्रवृत्तित्रय ।
तैसें चि कर्त्ताकरणकार्य । हा कर्मसंचयो ॥ ९ ॥
विहिं वेठला ऐसा धर्मु । आथि बीजि जेवि द्रुमु ।
कां मनीं जोडे कामु । सदा जैसा ॥ ५१० ॥
तैसें कर्त्ताक्रियाकरणीं । कर्माचें असे जितवणी ।
सोनें जैसें खाणी । सोनेयांचिये ॥ ११ ॥
ह्यगौनि हें कार्य मीं कर्त्ता । ऐसें आथि जेथ पांडुसुता ।
तेथ आत्मा दूरिं समस्तां । क्रियां पासीं ॥ १२ ॥
या लागि पुडुतीं । आत्मा वेगला चि सुमती ।
आणि असो हें केती । जाणतासि तूं ॥ १३ ॥
परि सांघितलें जें ज्ञान । कर्म हें कर्त्ता हान ।
तें तिहिं ठांइ भिन्न । गुणीं आथि ॥ १४ ॥
ह्यगौनि ज्ञानकर्मकर्त्तेया । पांती एउ० न ये धनंजया ।
जें दोनि बांधति सोडावेया । एक चि प्रौढ ॥ १५ ॥
तें सात्विक होआवें ठाउवें । गुणभेदु सांघों पाहे ।
जो सांख्यशास्त्रि आहे । उवाइला ॥ १६ ॥
जें विचारा क्षीरसमुद्रु । स्वबोधकुमुदिनीचंद्रु ।
ज्ञानडोलसां नरेंद्रु । शास्त्रांचें जें ॥ १७ ॥
किं प्रकृतिपुरुषें दोन्हीं । मिसलीं दिवोरजनी ।
तियें निवडितां त्रिभुवनीं । मार्तंड जें ॥ १८ ॥
जेथ अपारमोहरासी । तत्वाचां मापीं चौविशीं ।
उमाणें घेउनि परेसीं । सुरवाडिजे ॥ १९ ॥
अर्जुना तें सांख्यशास्त्र । पढि जेयाचें स्तोत्र ।
तें गुणभेदविचित्र । ऐसें आहे ॥ ५२० ॥

जें आपुलेनि अंगिकें । त्रिविधपणाचेनि अंकें
 दृश्यजात तेतुकें । अंकित केलें ॥ २१ ॥
 एयां सत्वरजतमां । तिहिं एवढी असे महिमा ।
 जें त्रिविध आदिब्रह्मा । अतिक्रमां ॥ २२ ॥
 पारि विश्विची आघवी मांदा । जेणें भेदलेनि गुणभेदी ।
 पडिली तें तवं आदीं । ज्ञान सांघों ॥ २३ ॥
 जें दीठी जरि चोख कीजे । तरि भलेतें चोख चि सुझे ।
 तैसें ज्ञानें शुद्धें लाहिजे । सर्वें शुद्ध ॥ २४ ॥
 ह्यणौनि तें सात्विकज्ञान । आतां सांघों दे अवधान ।
 कैवल्यगुणनिधान । श्रीकृष्णु ह्यणे ॥ २५ ॥

सर्घभूतेषु येनैकं भावमव्ययमीक्षते ॥
 अविभक्तं विभक्तेषु तच्छानं विद्धि सात्विकं ॥ २० ॥
 तरि अर्जुना गा तें फुडें । सात्विकज्ञान चोखडें ।
 जेयाचां उदई ज्ञेय बुडे । ज्ञातेनसिं ॥ २६ ॥
 जैसा सूर्यो नेदखे आंधारें । सरिता नेणजति सागरें ।
 कां कवलियां न धरे । आत्मछाया ॥ २७ ॥
 तिया परीं जिया ज्ञाना । शिवादि तृणावसाना ।
 इया भूतव्यक्ती भिन्ना । नाडलति ॥ २८ ॥
 जैसें हातें चित्र पांतां । होये पाणियें मीठ धूतां ।
 कां चेउनि स्वप्ना येतां । जैसें होये ॥ २९ ॥
 तैसें ज्ञानें एणें । करितां ज्ञातव्याचें पाहाणें ।
 न जाणतां न जाणणें । जाणावें उरे ॥ ५३० ॥
 पै सोनें आटौनि लेणीं । न कढीति आपुलेया आणी ।
 कां तरंग न घेपति पाणीं । गाढनि जैसें ॥ ३१ ॥
 तैसी ज्ञेयाज्ञानाचेया हाता । न लगे हे दृश्यपथा ।
 तें ज्ञान जाण सर्वथा । सास्वीक गा ॥ ३२ ॥

आरिसा पा० जांतां कोडें । जैसें पांतें चि रिचे पुडें ।
 तैसें ज्ञेय लोटूनि पडे । ज्ञाता चि जें ॥ ३३ ॥
 पुडुतीं तें चि सात्विकज्ञान । जें मोक्षलक्ष्मीचें भुवन ।
 हें असो आइकें चिन्ह । राजसाचें ॥ ३४ ॥

पृथक्त्वेन तु यद्ज्ञानं नानाभावान्पृथग्विधान् ॥
 वेत्ति सर्वेषु भूतेषु तद्ज्ञानं विद्धि राजसं ॥ २१ ॥

परि पार्था परियस । तें ज्ञान राजस ।
 जें भेदाची कास । धरूनि चाले ॥ ३५ ॥
 विचित्रता भूतांचिया । आपण आंतूनि ठीकरीया ।
 बहुचकै ज्ञातेया । आणिली जेणें ॥ ३६ ॥
 जैसें साचा रूपा आड । घालूनि विसराचें कवाड ।
 मग स्वप्निचें काबाड । वोडरी निद्रा ॥ ३७ ॥
 तैसें स्वज्ञानाचिये पौली । बाहिरि मिथ्याचां महाखेलीं ।
 तिहिं अवस्थांचिया बाहाली । दावी जें जीवा ॥ ३८ ॥
 अलंकारपणें ज्ञांकलें । बोला सोनें कां वायां गेलें ।
 तैसें नामरूपिं दुराविलें । अद्वैत जेया ॥ ३९ ॥
 अवतरली गाडुवां घडां । पृथ्वी अनोलख जालीं मूढां ।
 वन्हि होउनि ठेला कानवडा । दीपा साठि ॥ ५४० ॥
 कां वस्त्रपणाचेनि आटोपें । मूर्खां प्रति तंतु हारपे ।
 नाना मुग्धां पटु लपे । दाउनि चित्र ॥ ४१ ॥
 तैसी जेया ज्ञाना । जाणौ भूतव्यक्ती भिन्ना ।
 ऐक्यबोधाची वासना । निमौनि गेली ॥ ४२ ॥
 मग इंधनीं भेदला अनल । फुला वरि परिमल ।
 कां जलभेदें सकल । चंद्रु जैसा ॥ ४३ ॥
 तैसे पदार्थभेद बहुवस । जाणों लाहान वेस ।
 आंतलें तें राजस । ज्ञान एथ ॥ ४४ ॥

पदत्कृत्स्नवदेकस्मिन्कार्ये सक्तमहैतुकं ॥

अतत्त्वार्थवदल्पं च तत्तामसमुदाहृतम् ॥ २२ ॥

आतां तामसाचें लिंग । सांघेन उल्लख चांग ।
 डावलावेया मातंग- । सदनु जैसे ॥ ४५ ॥
 तरि किरीटी जें ज्ञान । हिंडे विधीचेनि वखें हीन ।
 श्रुति पाठिमोरी नम्र । हणौनि तेया ॥ ४६ ॥
 येरि ही शास्त्रबहिकरीं । जें निंदेचे इटाल वेन्हीं ।
 बोलविलेंसे डोंगरीं । म्लेंछधर्माचां ॥ ४७ ॥
 जें गा ज्ञान ऐसें । गुणाप्रहें तामसें ।
 घेतलें भवे पीसें । होउनियां ४८ ॥
 जें सोडारके बंधु नेणे । पदार्थी निषेध न हणो ।
 निरोविलें जैसें सुणें । सुना गावीं ॥ ४९ ॥
 तेया तोंडि जें नाडले । कां खांतां जेणें पोले ।
 तें चि एक वाले । एर घे चि ॥ ५० ॥
 पै सोनें चोरितां उंदिरु । न हणो धरुविधरु ।
 नेणे मांसखाइरु । कालें गोरें ॥ ५१ ॥
 नाना वना माक्षि बोहिरी । कडसणी जेवि न करी ।
 कां जीत मेळें न विचारी । बैसतां मासी ॥ ५२ ॥
 आगा वांती वाढलेया । साजुकां कां सडिलेयां ।
 विवेकु काउलेया । नाहिं जैसा ॥ ५३ ॥
 तैसें निषिद्ध सांझुनि जावें । कां विहित आदरें घेयावें ।
 हें विषयांचेनि नावें । नेणे चि जें ॥ ५४ ॥
 जेतुलें आड पडे दीठी । तेतुलें घे विषयां साठीं ।
 मग स्त्री द्रव्य वांटी । सिष्णोदरीं ॥ ५५ ॥
 तीर्थ अतीर्थ हे भाषा । उदकिं ना सनोळख ।
 ताहान बोले तें सुख । वांचूनियां ॥ ५६ ॥

तेय चि परी खाद्याखाद्य । ना न ह्यणे निंघानिंघ ।
 तौंडा आवडे तें मेध्य । ऐसा बोधु ॥ ५७ ॥
 आणि स्त्रीजात जेतुकें । त्वर्गिंद्रिय चि उल्लखे ।
 तिये विखिं सोइरिके । एकु चि बंधु ॥ ५८ ॥
 पै स्वार्था जें उपकरे । तेया चि नावं सोयरे ।
 देहसंबंधु न सरे । जिये ज्ञानिं ॥ ५९ ॥
 मृत्युचें आघवें चिन्ह । आघवें चि आगी इंधन ।
 तैसें जग चि आपुलें धन । तामसाज्ञानां ॥ ५६० ॥
 ऐसेनि विश्व सकल । जें विखा आंतुलें केवल ।
 तेया एक जाणे फल । देहभरण ॥ ६१ ॥
 आकाशपतिता नीरा । जैसा सिंधू चि एकु थारा ।
 तैसें कृत्यजाता उदरा । लागि चि बुझे ६२ ॥
 वांचूनि स्वर्ग नरक आधि । तेया हेतू प्रवृत्तिनिवृत्ति ।
 इये अघविये चि राती । जाणीवेचि ते ॥ ६३ ॥
 देहखंडा नावं आत्मा । ईश्वरु पाखाणप्रतिमां ।
 इया परौता प्रेमा । वाढों नेणे ॥ ६४ ॥
 ह्यणौनि पडिलेनि शरीरें । केलेनसिं आत्मा चि सरे ।
 मा भोगावेया उरे । कोणें वेखें ॥ ६५ ॥
 ना ईश्वरु पांतां आहे । तो भोगवी हें जरि होए ।
 तरि देव चि खाए । विकूनियां ॥ ६६ ॥
 गाविंचे देउलेश्वर । न्यामक चि होंति जर ।
 तरि देशिचे डोंगर । उगे असति ॥ ६७ ॥
 ऐसा विपायें देऊ मानिजे । तरि पाखाणमात्र चि जाणिजे ।
 आणि आत्मा तवं ह्यणिजे । देहासी चि ॥ ६८ ॥
 एरें पापपुण्यादिकें । तें आघवें चि करुनि लटिकें ।
 हित मानी अभिमुखें । आचरण जें कां ॥ ६९ ॥

जें चामल डोले वानिती । जें इंद्रिये गोडी लाविती ।
 तें चि साच हे प्रतीती । फुडी जेथ ॥ ५७० ॥
 किबहुना ऐसी पार्था । वाढती देखसी आस्था ।
 धूवांचि वेलि वृथा । आकाशीं जैसी ॥ ७१ ॥
 कोरडा ना बोला । उपेगा आथि गेला ।
 तो वाढौनि मोडला । भेंडु जैसा ॥ ७२ ॥
 नाना कां उंसाचीं कणिसें । कां नपुंसकें माणसें ।
 वन लागलें जैसें । सावेरीचे ॥ ७३ ॥
 नातारि बालकाचें मन । कां चोराघरिचें धन ।
 अथवा गलां स्तन । सेलियेचे ॥ ७४ ॥
 तैसें जें वायाणें । वोसल दीसे जाणणें ।
 तेयातें मीं ह्यणें । तामसज्ञान ॥ ७५ ॥
 तें हिं ज्ञान इया भासा । बोलिजे तो भाऊ ऐसा ।
 जात्यंधाचा कां जैसा । डोला वाडु ॥ ७६ ॥
 कां बधिराचे नीट कान । अपेया नावं पान ।
 तैसें अडिनावं ज्ञान । तमासि तेया ॥ ७७ ॥
 हें असो केती बोलावें । तन्हीं हें ऐसें देखावें ।
 ते ज्ञान नव्हे जाणावें । डोलस तम ॥ ७८ ॥
 एवं तीन्हीं गुणीं । भेदिलें यथालक्षणीं ।
 ज्ञान श्रोतेशिरोमणी । दाविलें तुज ॥ ७९ ॥

भियतं संगरहितमरागद्वेषतः कृतं ॥

अफलप्रेप्सुना कर्म यत्तत्सात्त्विकमुच्यते ॥ २३ ॥

आतां या चि त्रिप्रकारा । ज्ञानाचेनि धनुर्द्धरा ।
 प्राकाशें होंति गोचरा । कर्त्तया क्रिया ॥ ९८० ॥
 ह्यणौनि कर्म पै गा । अनुसरे तिभागा ।
 मोहोरे जालेयां बोधा । पाणी जैसें ॥ ८१ ॥

तें चि ज्ञानत्रयवशें । त्रिविध कर्म जें असे ।
 तेथ सात्विक तवं ऐसें । परियस आदिं ॥ ८२ ॥
 तरि स्वाधिकाराचेनि मार्गे । आलें जें मानिलें आंगें ।
 पतिव्रतेचेनि परिष्वंगें । प्रियातें जैसें ॥ ८३ ॥
 साबलेया आंगा चंदन । प्रमदालोचनीं अंजन ।
 तैसें अधिकारासि मंडन । नित्यपणें जें ॥ ८४ ॥
 तें नित्यकर्म भलें । होये निमित्तिकें सावाड्लें
 सोनेयांसि जोडलें । सौरभ्य जैसें ॥ ८५ ॥
 आणि आंगा जीवाची संपत्ति । वेचूनि बालाची करी पालति ।
 परि जीवनाची खंति । न पाहे माए ॥ ८६ ॥
 तैसें सर्वस्वें कर्म अनुष्ठी । परि फल न सूर दृष्टी ।
 उखिती क्रिया पैठी । ब्रह्मीं करी ॥ ८७ ॥
 आणि प्रिया आलेयां धावें । संबंधा उरों ठाकों जावें ।
 तैसें संतप्रसंगें करावें । पारुखे जरि ॥ ८८ ॥
 तरि अकरणाचेनि खेदें । द्वेषातें जीविं न बंधें ।
 जालेयाचेनि आनदें । फुंज नैए ॥ ८९ ॥
 ऐसिया हातवटिया । कर्म निफजे जें धनंजया ।
 जाण सात्विक तेया । गुण नाम गा ॥ ५९० ॥
 या वरि राजसाचें । लक्षण सांघिजैल साचें ।
 न करि अवधानाचें । वाणेपण गा ॥ ९१ ॥

यत्तु कामेप्सुना कर्म साहंकारेण वा पुनः ॥

क्रियते बहुलायासं तद्राजसमुदाहृतं ॥ २४ ॥

तरि घरिं मातापितरां । धडा बोला नाहिं सवंसारा ।
 एर विश्व भरी आदरां । मूर्खुं जैसा ॥ ९२ ॥
 कां तुलसीचेया झाडा । दूरौनि घाली सींतोडा ।
 द्राक्षीचेया तरि बुडा । दूध चि लाविजे ॥ ९३ ॥

तैसैं नित्यनैमित्यकें । कर्म जियें आवश्यकें ।
 तेयांचां विखिं न शके । बैसला उठूं ॥ ९४ ॥
 येरां काम्याचेनि नावें । देहसर्वस्व आघवें ।
 अर्जवितां हिं न मनवे । बहू ऐसैं ॥ ९५ ॥
 आगा देव्हडी वाढिया लाहिजे । तेथ मोल देंतां न धाडजे ।
 पेरितां पुरे न ह्यणिजे । बियां जेवि ॥ ९६ ॥
 कां पारिसु जालेयां हातिं । लोहा लागि सर्व संपत्ति ।
 वेचु करितां उन्नती । साधकु जैसा ॥ ९७ ॥
 तैसीं फलें देखौनि पुढें । काम्य कर्में दुआडें ।
 करी परि तें थोडें । केलें मानीं ॥ ९८ ॥
 तेणें फलकामुकें । यथाविधि नेटकें ।
 काम्य कीजे जेतुकें । क्रियाजात ॥ ९९ ॥
 आणि तेया ही केलेयाचें । तोंडीं लावी डोंडिचें ।
 कर्मिं या नावें पाटाचें । आंक जैसैं ॥ ६०० ॥
 तैसा भरे कर्मा अहंकारु । मग पिता अथवा गुरु ।
 तें न मनी कालज्वरु । ँषध जैसैं ॥ १ ॥
 तैसेनि साहंकारें । फल अभिलाखियें नरें ।
 कीजे गा आदरें । जें जें काहिं ॥ २ ॥
 पारि तें करणें बहुवसा । बलघौनि करी आयासा ।
 जीवनउपा३ कां जैसा । कोल्हांटियाचा ॥ ३ ॥
 एका कणा लागि उंदिरु । असिका उसपे डोंगरु ।
 कां सेवाला दोसैं दर्दुरु । समुद्रु डडुली ॥ ४ ॥
 पैं भीके परौतें न लाए । तन्हीं गारुडी सर्प वाहे ।
 काइ कीजे सीणु होये । गोडु ये कां ॥ ५ ॥
 हें असो परिमाणुचेनि लाभें । पाताल लंघीति ३०००० ।
 तैसैं स्वर्गमुखलोभें । विचंबणें जें ॥ ६ ॥

तें काम्य कर्म सक्लेश । जाणार्हे एथ राजस ।
आतां चिन्ह परियस । तामसाचें ॥ ७ ॥

अनुबंध क्षयं हिंसामनपेक्ष्य च पौरुषं ॥

मोहादारभ्यते कर्म यत्तत्तामसमुच्यते ॥ २५ ॥

तरि तें गा तामस कर्म । जें निंदेचें कालें धाम ।
निषेधाचें जन्म । साचें जेणें ॥ ८ ॥
जें निफजविलेया पाठी । काहिं चि फल न दिसे दीठी ।
रेघ काढिलेयां पोटी । तोयाचां जेवि ॥ ९ ॥
कां कांजी गुसल्लेयां । सारकतु फुंकिलेयां ।
काहिं न दिसे गालिलेयां । वालुवेचा घाणा ॥ ६१० ॥
नाना उपणिलेयां भूस । विंधलेयां आकाश ।
मांडिलेयां पाश । वारेयासि ॥ ११ ॥
हें आघर्णे चि जैसें । वांझे होउनि नाशे ।
जें केलेयां पाठी तैसें । वायां चि जाए ॥ १२ ॥
यन्हविं नरदेहा एवडें । धन आटणिये पडे ।
जें निफजवितां मोडे । जगाचें सुख ॥ १३ ॥
जैसा कमलवर्नीं फांसु । काढिलेयां कांटसु ।
आपण क्षिजे नाशु । कमलां करी ॥ १४ ॥
कां आपण आंगें जले । आणि नागवी जगाचे डोले ।
पतंगु जैसा सलें । दीपाचेनि ॥ १५ ॥
तैसें सर्वस्व वायां जाऊ । वरि देहासि हो घाऊ ।
परि पुढिला अपाऊ । निफजे जेणें ॥ १६ ॥
मासी आपणेयातें गिलवी । परि पुढिलातें वांती सीणवी ।
तें कश्मल आठवी । आचरण जें ॥ १७ ॥
तें हिं करावेया दोसें । मज सामर्थ्य असे ।
किं नाहिं हें ऐसें । न पांत करी ॥ १८ ॥

केवढा माझा उपाउ० । करितां कोणु प्रस्ताउ० ।
 केलेयां आउ० । काइ एथ ॥ १९ ॥
 इये जाणिवेची सोए । अविवेकाचेनि पाएं ।
 पूसूनियां होए । साटोपु कर्मा ॥ ६२० ॥
 आपुला वसैठा जालुनि । बिसाटे जैसा बन्हि ।
 कां स्वमर्यादा गीलुनि । सिंधु उठी ॥ २१ ॥
 मग नेणे बहू थोडें । न पाहे मार्गें पुढें ।
 मार्गामार्ग एकीवडे । करीतु चाले ॥ २२ ॥
 तैसें कृत्याकृत्ये सरकटित । आपु पर न विचारित ।
 कर्म होये तें निश्चित । तामस जाण ॥ २३ ॥
 ऐसें गुणत्रयें भिन्ना । कर्मासि गा अर्जुना ।
 हे केळी विवंचना । उपपत्तिसि ॥ २४ ॥

मुक्तसंगोऽनहं वादी धृत्युत्साहस्रमन्वितः ॥

सिध्यसिध्योर्निर्विकारः कर्त्ता सात्त्विक उच्यते ॥ २६ ॥

आतां या चि कर्मा भजतां । कर्माभिमानियां कर्त्ता ।
 तो जीउ ही त्रिविधता । पातला असे ॥ २५ ॥
 चतुराश्रमवशें । पुरुषु चतुर्द्धा दीसे ।
 कर्त्तेया त्रिविध तैसें । कर्मभेदें ॥ २६ ॥
 पारि तेयां तिहिं आंतु । सात्त्विक तवं प्रस्तूतु ।
 सांघैर्न दत्तचित्तु । आकर्णि तू ॥ २७ ॥
 तरि फळउद्देशें सांडिलिया । वाढति जेवि सरळिया ।
 शाखा कां चंदनाचेया । बावनेयां ॥ २८ ॥
 कां न फळतां हिं सार्थका । जैसिया नागवल्लिका ।
 तैसिया करी निल्यादिका । क्रिया जो गा ॥ २९ ॥
 पारि फळशून्यता । नाहिं तेया विफळता ।
 पै फळासी चि पांडुसुता । फळ काइसें ॥ ६३० ॥

आणि कृत्यादिकें करी बहुवसें । परि कर्ता मी हें नुमसे ।
 वर्षाकालिचे जैसे । मेघवृंद ॥ ३१ ॥
 तेंविं चि परमात्मलिंगा । समर्पावेया जोगा ।
 कर्मकलापु पै गा । निफजावेया ॥ ३२ ॥
 तेया कालातें न लंघणें । देशशुद्धि हान साजणें ।
 कां शास्त्राचां वार्ति पाहाणें । क्रियानिर्णयो ॥ ३३ ॥
 वृत्ती करणें येकवला । चित्त जावों नेंदणें फला ।
 नियमाचिया साखला । वाहाणें हान ॥ ३४ ॥
 हा निरोधु साहावेया लागि । धैर्याचिया चांगाचांगी ।
 चित्तवणी जितिया आंगीं । वाहे जो कां ॥ ३५ ॥
 आणि आत्मेयांचिया आवडी । कर्म करितां सुरवाडीं ।
 देहसुखाचिये परिवडी । येवों न ल्हाये ॥ ३६ ॥
 ऐसां निद्रा दुरावें । क्षुधा न बणवे ।
 सुरवाडु न पवे । आंगाचा ठाऊ ॥ ३७ ॥
 तवं अधिकाअधिक । उत्साहो धरी आगलिक ।
 सोनें जैसें पुटीं तूंक । तूटलेयां ॥ ३८ ॥
 जरि आवडिं आथि साच । तरि जीवित्व ही सलंछ ।
 आगि घालितां रोमांच । देखिजति ॥ ३९ ॥
 मा आत्मेयां एवढिया प्रिया । वालभैला जो धनंजया ।
 देहाची सिद्धता तेया । खेदु होइल ॥ ६४० ॥
 झणौनि सुरवाडु तूटे । जवं हें देह आटे ।
 तवं आनंदु दुणावटे । कर्मिं जेया ॥ ४१ ॥
 ऐसेन जो कर्म करी । आणि कोणहीं एकिं अवसरीं ।
 आलें तें कर्म ठाके ऐसी सरी । वाहे जरि ॥ ४२ ॥
 तरि कडाडि मोडे जो गाडा । तो आपणपेयां न मनी अवघडा ।
 तैसा ठाकलेनि थोडा । न्हवे चि जो कां ॥ ४३ ॥

नातरि आदरिलें । अब्यंग सिद्धी गेलें ।
 तरि तें हिं जीतलें । मिरौं नेणे ॥ ४४ ॥
 इया खुणा कर्म करितां । देखिजे जो पांडुसुता ।
 तेयातें ह्यणिजे तत्वता । सात्विकु कर्ता ॥ ४५ ॥
 रागी कर्मफलप्रेप्सुर्लुब्धो हिंसात्मको शुचिः ॥
 हर्षशोकांन्वितः कर्ता राजसः परिकीर्तितः ॥ २७ ॥
 आतां राजसा कर्तेया । बोलखण हे धनंजया ।
 जें अभिलाखा जगिचेया । वसैठा तो ॥ ४६ ॥
 जैसा गाविंचेया कश्मला । उकरडां एकवला ।
 कां श्मसानां अमंगला । आवघेयांसि ॥ ४७ ॥
 तिया परीं जो अशेषां । विश्विचेयां अभिलाखां ।
 पाये पाखालणियां दोषां । घरटा जाला ॥ ४८ ॥
 ह्यणौनि फलाचा लागु । देखे जो आसलगु ।
 तिये कर्मि चांगु । रोहो मांडी ॥ ४९ ॥
 आणि आपजलिये जोडी । उपखों नेंदी काडी ।
 आणि क्षणीं क्षणीं कुरवंडी । जीवाची करी ॥ ६५० ॥
 कृपणु ठेवां आपुला । तैसा दक्षु परावेया मोला ।
 बकु जैसा खुतला । मासेयांसि ॥ ५१ ॥
 आणि गोवि केलेयां जवलि । झगटलियां आंग फाली ।
 फलें आंतु पोली । बोरान्टी जैसी ॥ ५२ ॥
 तैसा मनें वाचा कार्ये । भलेतेया दुःख जाये ।
 स्वार्थु साधितां न पाहे । परावें हित ॥ ५३ ॥
 तेविं चि आंगें कर्मि । आचरणें न्हवे क्षमी ।
 निगे मनोधर्मि । अरोचक ॥ ५४ ॥
 कनकाचेया फला । आंतु माजु बाहिरी मैला ।
 तैसा सबाळें दुबला । शुचित्वें जो ॥ ५५ ॥

आणि कर्मजात केलेयां । फल लाहे जरि धनंजया ।
 तरि हरिखें जगा येया । वांकुलिया वाए ॥ ५६ ॥
 अथवा तें आदरिलें । हीन फल जरि गेलें ।
 तरि शोकें तेणें जियालें । धिक्करं लागे ॥ ५७ ॥
 कार्मिं राहाटि ऐसी । जेयातें गा देखसी ।
 तो जाण त्रिशुद्धिसीं । राजसु कर्ता ॥ ५८ ॥

अयुक्तः प्राकृतः स्तब्धः शठो नैष्कृतिकोलसः ।

विषादी दीर्घसूत्री च कर्ता तामस उच्यते ॥ २८ ॥

आतां येया पाठिं येरु । कुकर्माचा आगरु ।
 तो ही करुं गोचरु । तामसु कर्ता ५९ ॥
 तरि मीं लागलेयां कैसें । पुढील जलत असे ।
 हें नेणजे हुताशी । जिया परीं ॥ ६६० ॥
 पैं शस्त्रें मियां तीखटें । नेणे कैसें निवटें ।
 कां नेणजे कालकूटें । आपुलें केलें ॥ ६१ ॥
 तैसा पुढिला आपणपेया । घाये करीतु धनंजया ।
 आदरी उखटिया । क्रिया जिया कां ॥ ६२ ॥
 तिया करितां वेळीं । काड् जालें हें न संभाली ।
 चलला वायु वाहुटली । चेष्टे जैसा ॥ ६३ ॥
 पैं करणेयां आणि जेया । मेलु नाहिं धनंजया ।
 तो पाहुनि पिंसेया । कैची त्राये ॥ ६४ ॥
 आणि इंद्रियांचें वोडिरिलें । चरौनि राखे जो जियालें ।
 बैला तळिं वर्तलें । पोसणें जैसें ॥ ६५ ॥
 कां हांसेया रुदना वेल । नेणतां आदरी बाल ।
 राहाटे उच्छंखल । तिया परीं ॥ ६६ ॥
 जो प्रकृति आतलेपणें । कृत्याकृत्यसवाहु नेणे ।
 फुगे केरें धालेपणें । उकरडें जैसें ॥ ६७ ॥

ह्यगौनि मान्याचेनि नावें । ईश्वरा हि परि न लवे ।
 स्तब्धपणें न मनवे । डोंगरासि ॥ ६८ ॥
 आणि मन जेयाचे काललि । राहाटि फुडी चोरिली ।
 दीठि ते किर बोली । पण्यांगनांची ॥ ६९ ॥
 किंबहुना कपटिचें । देह चि वलिलें तेयाचें ।
 तें जीणें कीं जुवाराचें । टिटघर ॥ ६७० ॥
 न्हवे तेयाचा प्रादुर्भावो । तो साभिलाख भिल्लांचा गावों ।
 ह्यगौनि न ये येवों जावों । तिया वाटा ॥ ७१ ॥
 आणि आणिकाचें नीकें केलें । तें वीरुं होये जेया आलें ।
 जैसें पय मीनलें । लवण करी ॥ ७२ ॥
 कांहिं विरुढे ऐसा पदार्थु । घातला आगी आंतु ।
 तिये चि क्षणीं घडाडितु । आगि होए ॥ ७३ ॥
 नाना सुद्रव्यें गोमटीं । जालेयां शरीरा पैठीं ।
 होउनि ठाकति किरीटी । मलु चि जेवि ॥ ७४ ॥
 तैसें पुढिलाचें बरवें । जेयाचा भितरु पावे ।
 आणि विरुद्ध चि आघवें । होये चि गा ॥ ७५ ॥
 जो गुण घे दे दोष । अमृताचें करी विख ।
 दूध पाजिला देख । व्यालु जैसा ॥ ७६ ॥
 आणि इहिकीं जियावें । जेणें परत्रां साचा होआवें ।
 तें उचित कृत्य पावे । अवसरीं जिये ॥ ७७ ॥
 तेधवां जेया आपैसी । नीद ये ठेविली ऐसी ।
 दुहवेवारी जैसी । विटाले लोटे ॥ ७८ ॥
 पै द्राक्षरस कां उसा । बेले तोंड सडे वायसा ।
 कां डोले फूटति दिवसा । डुडुलांचें ॥ ७९ ॥
 तैसा कल्याणु कालु पाहे । तें तेया आलसु खाए ।
 ना प्रमादीं तरि होए । तो ह्यणे तें ॥ ६८० ॥

तेर्वि चि सागराचां पोटीं । जले अखंड आगिठी ।
 तैसा विषादु वाहे पोटीं । जिवाचिये ॥ ८१ ॥
 आगी धूवां एकावधी । कां अपाना आणि दुर्गंधि ।
 तैसा जो जीविता अवधी । विषादे केला ॥ ८२ ॥
 आणि कल्पांताचिया पारा । वेगलेया ही जो वीरा ।
 सूत्र धरी व्यापारा । साभिलाखें ॥ ८३ ॥
 अगा जगा ही परौती । सुचावा हे पै चित्तीं ।
 करितां विषिं हाति । तृण हिं न लगे ॥ ८४ ॥
 ऐसा जो लोका आंतु । पापपुंजु मूर्त्तु ।
 देखिजे तो अव्याहतु । तामसु कर्त्ता ॥ ८५ ॥
 एवं कर्म कर्त्ता ज्ञान । यां तिहिंचें त्रिधा चिन्ह ।
 दाविलें तुज सुजन— । चक्रवर्त्ती ॥ ८६ ॥

बुद्धेभेदं धृतेश्चैव गुणतस्त्रिविधं श्रुणु ॥

प्रोच्यमानमशेषेण । पृथक्त्वेन धनंजय ॥ २९ ॥

आतां अविद्येचां गावीं । मोहाची वेदूनि मदवी ।
 संदेहाचिं आघवीं । लेउनि लेणीं ॥ ८७ ॥
 आत्मनिश्चयाची बरव । जिये आरिसां पाहे सावेव ।
 तिये बुद्धिची ही धावं । त्रिधा चि असे ॥ ८८ ॥
 अगा सत्वादिगुणिं इहिं । काई एक तिहिं ठांई ।
 न कीजे चि एथ पाई । जगा माक्षि ॥ ८९ ॥
 आगि नसतां पोटीं । कोठें काष्ट असे सृष्टी ।
 तैसैं तें कैचें दृश्य किरीटी । त्रिधा जें नोहे ॥ ९० ॥
 ह्यगौनि तिहिं गुणिं । बुद्धि केली त्रिगुणीं ।
 धृतिसि ही वाटणी । तैसी चि असे ॥ ९१ ॥
 तें चि एकैक वेगलालें । एथ चिन्ह अलंकारलें ।
 सांधिजैल उपाइलें । भेदलेपणें ॥ ९२ ॥

परि बुद्धिधृति एयां । दोहिं भागां माञ्जि धनंजया ।
 आदिं रूप बुद्धिचेया । भेदासि करू ॥ ९३ ॥
 तारि उत्तममध्यमनिवृष्टा । संसारासि गा सूभटा ।
 प्राणियां यंतिया वाटा । तीनि आथि ॥ ९४ ॥
 जे सात्विकराजसतामसनिबद्ध । हे ते मार्ग प्रसिद्ध ।
 संसारभयसंबंध । जीवां येयां ॥ ९५ ॥

प्रवृत्तिं च निवृत्तिं च कार्याकार्ये भयाभये ॥
 बंधमोक्षं च या वेत्ति बुद्धिः सा पार्थ सात्विकी ॥३०॥

हणौनि अधिकारें मानलें । जें विधिचेनि अर्थें आलें ।
 तें एथ चि एक भलें । नित्यकर्म ॥ ९६ ॥
 तें चि आत्मप्राप्तिफल । दीठि सूनि केवल ।
 कीजे जैसें कां जल । सेविजत ताहाने ॥ ९७ ॥
 येतुलेनि तें कर्म । सांडी भयजन्म विषम ।
 करूनि दे सुगम । मोक्षसिद्धी ॥ ९८ ॥
 तें कर्म करी तो भला । संसारभयें सांडिला ।
 करणीयत्वं आला । मुमुक्षुभागा ॥ ९९ ॥
 तेथ जो बुद्धी ऐसा । बलीं बांधे भरवसा ।
 मोक्षु ठेविला ऐसा । जोडैल एथ ॥ १०० ॥
 हणौनि निवृत्तिची मांडली । सूनि प्रवृत्ती तलिं ।
 ए कर्मि बुडकली । द्यावी किं नां ॥ १ ॥
 तृषार्त्ता पाणियें जीणें । कां पुरीं पडिलेयां प्रवाहणें ।
 अंध कूर्पि गति किरणें । सूर्याचेनि ॥ २ ॥
 नाना पथ्येंसि अखद लाहे । तरि रोगें दाटिला ही जिये ।
 कां मीना जीवाला होए । जलाचा जरि ॥ ३ ॥
 तरि तेया जीविता । नाहिं जैसें अन्यथा ।
 तैसें कर्मा येया प्रवर्त्ततां । जोडे चि मोक्षु ॥ ४ ॥

हें किर जेयाचिये कडे । जें ज्ञान आधि चोखडें ।
 आणि करणीं फुडें । ऐसें जाणे ॥ ५ ॥
 जियें तिहिं काम्यादिकें । संसारभयदायकें ।
 अकृत्यपणाचे आबुखे । पडिले जेयां ॥ ६ ॥
 तिये कर्मिं अकार्यिं । जन्ममरणसभयीं ।
 प्रवृत्तिफलें विपारीं । मागिलीं चि ॥ ७ ॥ •
 पै गा आगी माझि न रिगवे । अधाविं न घलवे ।
 धगधगीत नांगवे । शूल जेवि ॥ ८ ॥
 कां कालियाणा धुधुवांतु । देखौनि न पसरवे हातु ।
 न बचवे खोंपे आंतु । वाघाचिये ॥ ९ ॥
 तैसें कर्म अकरणिय । देखौनि महाभय ।
 उपजे निःसंदेह । बुद्धि जेया ॥ ७१० ॥
 वाढिलें रांधौनि विखें । तेथ जाणिजे मृत्यु न चुके ।
 तेवि निषेधिं कें देखे । बंधातें जो ॥ ११ ॥
 मग बंधुभयभारति । तिये निषेधीं प्राप्तिं ।
 विनियोगु जाणे निवृत्ती । कर्माचिये ॥ १२ ॥
 ऐसें कार्याकार्यविवेकीं । जे प्रवृत्तिनिवृत्तिमापकीं ।
 खराकुडापारखी । जिया परीं ॥ १३ ॥
 तैसी कृत्याकृत्यशुद्धी । बुद्धे जें निरवधी ।
 सात्विक ह्यणिपे बुद्धी । ते गा जाण ॥ १४ ॥

यया धर्ममधर्मं च कार्यं चाकार्यमेव च ॥

अयथावत्प्रज्ञानाति बुद्धिः सा पार्थ राजसी ॥ ३१ ॥

आणि बकाचां गावीं । घेपे क्षीरनीर सकलवी ।
 कां अहोरात्राची गोवी । आंधलें नेणे ॥ १५ ॥
 जेया फुलाचें गोमटें फावे । तो किं काष्ठें कोरूं धांवे ।
 परि भ्रमरपण त्ज्हे । अंन्हा जेवि ॥ १६ ॥

तैसि ह्ये कार्याकार्ये । धर्माधर्मरूपे ह्ये ।
 तिये न सुहतां जिये । जाणती जे कां ॥ १७ ॥
 आगा डोळां विण मोतिये । घेंतां पाडु मिले विपायें ।
 न मिलणें तें आहे । ठेविलें तेथ ॥ १८ ॥
 तैसें अकरणीय अवचटें । नोडवे तरी चि लोटे ।
 यन्हविं जाणे एकवटें । दोन्हीं जे कां ॥ १९ ॥
 ते गा बुद्धिं ऐसी । जाण एथ राजसी ।
 आखत टाकिली जैसी । मांदिऐसी ॥ ७२० ॥

अधर्मं धर्ममिति या मन्यते तमसावृता ॥

सर्वार्थान्विपरीतांश्च बुद्धिः सा पार्थ तामसी ॥ ३२ ॥

भाणि राजा जिया वाटा जाए । तें चोरांसि अडवंतावो होये ।
 कां राक्षसांसि दिवो पाहे । राति होउनि ॥ २१ ॥
 नाना निधान चि निदैवां । होथे कोलिसेयाचा उडवा ।
 पै असतां आपणपें जीवा । नाहिं जालें ॥ २२ ॥
 तैसें धर्मजात जेतुकें । जिये बुद्धीसि पातकें ।
 साच तें लटकें । ऐसें बुझे ॥ २३ ॥
 हे आघवे चि अर्थ । ते करुनि घाली अनर्थ ।
 गुणातें व्यवस्थित । दोष मानी ॥ २४ ॥
 किंबहुना श्रुतिजातें । प्रतिष्ठौनि केलें सरतें ।
 तेतुलें हिं उपरतें । जाणे जे बुद्धी ॥ २५ ॥
 ते कोण्हातें हिं न पुसतां । तामसी जाणावी पांडुसुता ।
 रात्रि काइ धर्मार्था । साच करावी ॥ २६ ॥
 एवं बुद्धीचे भेद । तीन्ही तुज विशद ।
 सांघितले स्वयंबोध । कुमुदचंद्रा ॥ २७ ॥

धृत्या यया धारयते मनःप्राणेंद्रियक्रियाः ॥

योगेनाव्याभिचारिण्या धृतिः सा पार्थ सात्त्विकी ॥३३॥

आतां इया चि बुद्धिवृत्ति । निष्टंकिली कर्मजाती ।
 बोधु मांडिजे धृती । त्रिविधा जिया ॥ २८ ॥
 तिथेचे ही विभाग । तीनि यथालिंग ।
 सांघिजती चांग । अवधान दे ॥ २९ ॥
 तरि उदैला दिनकर । चोरीसि भोंके अंधकार ।
 कां राजाज्ञा अव्यवहार । कुठवी जेवि ॥ ७३४ ॥
 नाना पवनाचा साटु । उचललेयां नीटु ।
 आंगेंसि बोभाटु । सांडिती मेघ ॥ ३१ ॥
 कां अगस्तिचेनि दर्शने । सिंधु घेउनि ठांति मौने ।
 चंद्रोदइ कमलवने । मीठी देती ॥ ३२ ॥
 हे असो पा७ उचलिला । मदमुखु न ठेवी चि खालां ।
 गाजौनि पुढां जाला । सिंहुं जरि ॥ ३३ ॥
 तैसा जो धीरु । उठिलेयां अंतरु ।
 मनादिकें व्यापारु । सांडिति उगीं ॥ ३४ ॥
 इंद्रियां विषयांची गांठि । आपैसेया गलति किरीटी ।
 मना मायेचां पोटीं । रिगति दाही ॥ ३५ ॥
 अधऊर्ध्व गुढें काढी । प्राणु नवां पेंढी ।
 बांधौनि घाली उंडी । मध्यमे माझि ॥ ३६ ॥
 संकल्पविकल्पाचें लुगडें । सांडूनि मन उघडें ।
 बुद्धि ही मागिली कडे । उगें बैसे ॥ ३७ ॥
 ऐसें धैर्यराजे जेणें । मनप्राणकरणें ।
 स्वचेष्टा संभाषणें । सांडिबीजती ॥ ३८ ॥
 मग आघवीं चि संडीं । ध्यानाचां आंतुलीं मढीं ।
 कोंडिजति निरवढी । योगाचिया ॥ ३९ ॥
 पारि परमात्मेयां चक्रवर्ती । उगाणीति जवं हातीं ।
 तवं लांचु नेघ्रतां धृती । धरिजति जिया ॥ ७४० ॥

ते गा धृति एथें । सात्विक हें निरुतें ।
 आइक अर्जुनातें । श्रीकांतु ह्मणे ॥ ४१ ॥
 आणि होउनियां शरीरी । स्वर्गसंसाराचां दोहीं घरीं ।
 नांदे जो पोटभरी । त्रिवर्गोपायें ॥ ४२ ॥

यया तु धर्मकामार्थान् धृत्या धारयतेऽर्जुने ॥
 प्रसंगेन फलाकांक्षी धृतिः सा पार्थ राजसी ॥ ३४ ॥

तो मनोरथाचां सागरीं । धर्मार्थकामाचें तारुं भरी ।
 जेणें धैर्यबलें करी । क्रियावाणिज ॥ ४३ ॥
 जें कर्मभांडवला सुए । तेयाची चौगुणां येती पाहे ।
 एवढें सायासें हें साहे । जेया धृति ॥ ४४ ॥
 ते गा धृति राजस । पार्था एथ परियस ।
 आतां आइकें तामस । तिसरी जे ॥ ४५ ॥

यया स्वप्नं भयं शोकं विषादं मदमेव च ॥
 न विमुंचति दुर्मेधा धृतिः सा पार्थ तामसी ॥ ३५ ॥

तरि सर्व अधमें गुणें । जेयाचें कां रूपा एणें ।
 कोलिसा कालेपणें । घडिला जैसा ॥ ४६ ॥
 आहो प्राकृतु आणि हीनु । तेया ही किं गुणसत्वाचा मातु ।
 पारि न ह्मणिजे पुण्यजनु । राक्षसु काइ ॥ ४७ ॥
 कां प्रहां माझि इंगळु । तेयातें ह्मणिजे मंगळु ।
 तैसा तामि धसालु । गुणसंबंधु हा ॥ ४८ ॥
 तैसा सर्वदोषांचा वसैठा । तम चि क्षामौनि सूभटा ।
 उभारिला आंगवटा । जेया नराचा ॥ ४९ ॥
 तो आलसु सूनि असे काखे । ह्मणौनि निद्रे कहीं न मूके ।
 पापें पोसितां दुःखें । न संडिजे जेवि ॥ ७५० ॥
 आणि देहाधनाचिया आवडी । सदा भयातें न संडी ।
 विसंभों न शके ढोंढी । काठिन्य जैसें ॥ ५१ ॥

आणि पदार्थजाती स्नेहो । बांधे ह्यणौनि तो शोका ठाउं ।
 केला न पाप जाउं । कृतघ्नू जैसा ॥ ५२ ॥
 आणि असंतोखु जीवेंसी । धरुनि ठेला अहर्निशीं ।
 ह्यणौनि मैत्र तेणेंसीं । विशादें केलें ॥ ५३ ॥
 लसणातें न संडी गंधि । कां अपध्यशीलातें व्याधि ।
 तैसी केली मरणा अवधी । विशादें तेया ॥ ५४ ॥
 आणि वयसा वित्तकामु । येयांचा वाढवी संभ्रमु ।
 ह्यणौनि मदें आश्रमु । बंधला तेथ ॥ ५५ ॥
 आगितें न संडी तापु । सलाते जातिचा सापु ।
 कां जगाचा वैरी वासिपु । अखंड जैसा ॥ ५६ ॥
 नातरि शरीरातें कालु । न विसंभे कवण्ही वेळु ।
 तैसा आधि अढळु । तामसिं मटु ॥ ५७ ॥
 एवं पांचै हे निद्रादिक । तामसाचां ठांइं दोष ।
 जिया धृती देख । धरिले असति ॥ ५८ ॥
 तिये धृती नावें । तामसी एथ हें जाणावें ।
 ह्यणितले तेणें देवें । जगाचेनि ॥ ५९ ॥
 एवं त्रिविधा जो बुद्धी । कीजे कर्मनिश्चयो आदीं ।
 तो धृती इया सिद्धी । नेइजे एथ ॥ ७६० ॥
 सूर्ये मार्गु गोचरु होए । आणि तो चालति किर पाए ।
 परि चालणें तें आहे । धैर्ये जेवि ॥ ६१ ॥
 तैसी बुद्धि कर्मातें दावी । तें करणसामग्र निफजवी ।
 परि निफजावेया होआवी । धीरता जे ॥ ६२ ॥
 ते हे गा तुज प्रति । सांघितली त्रिविध धृति ।
 येया कर्मत्रया निष्पत्ति । जालेयां मग ॥ ६३ ॥

सुखं त्विदानीं त्रिविधं शृणु मे भरतर्षभ ॥

अभ्यासाद्गमते यत्र दुःखांतं च निगच्छति ॥ ३६ ॥

येथ फल येक जें निफजे । सुख जेयातें ह्यणिजे ।
 तें हिं त्रिविध जाणजे । कर्मवशें ॥ ६४ ॥
 तरि फलरूप तें सुख । त्रिगुणि भेदलें देख ।
 विवंचूं आतां चोख । चोखीं बोलीं ॥ ६५ ॥
 चोखी ते कैसी सांघें । पैं घेऊं जातां बोलबगे ।
 कानिचियै ही लागे । हातिचा मळु ॥ ६६ ॥
 ह्यणौनि जेयाचेनि अण्हेरें । अवधान होये बाहिरें ।
 तें आइक हो अंतरें । जिवाचेनि जीवें ॥ ६७ ॥
 ऐसें ह्यणौनि देऊं । त्रिविधा सुखाचा प्रस्ताऊं ।
 मांडिला तो निर्वाहो । निरोपित असे ॥ ६८ ॥
 ह्यणे सुखत्रया संज्ञा । सांघों ह्यणौनि प्रतिज्ञा ।
 बोलिजे तें प्राज्ञा । आइक आतां ॥ ६९ ॥
 तरि सुख तें गा किरीटी । दाविजैल तुज दीठी ।
 जेणे आत्मेनसीं भेटि । जीवासि होए ॥ ७० ॥
 परि मात्रेचेनि मापें । दिव्योषध जैसें घेपे ।
 कां कथिलाचें कीजे रूपें । रसभावनीं ॥ ७१ ॥
 नाना लवणाचे जल । होआवेया दोनि च्यारि बेल ।
 देउनि सांडिजति ढाल । तोयाचे चि जेवि ॥ ७२ ॥
 तेवि जालेनि सुखलेशें । जीउ भाविलेयां अभ्यासें ।
 जीवपणाचें नाशे । दुःख जेथ ॥ ७३ ॥
 तें येथ आत्मसुख । जालें असे त्रिगुणात्मक ।
 तें हिं सांघों येकैक । रूप आतां ॥ ७४ ॥

यस्तदग्रे विषमिव परिणामे मृतोपमम् ॥

तत्सुखं सात्त्विकं प्रोक्तमात्मबुद्धिप्रसादजम् ॥ ३७ ॥

तरि चंदनाचें बुढ । सर्पिं जैसें दुवाड ।

कां निधानाचें तोंड । विवंचीतें ही ॥ ७५ ॥

आगा स्वर्गिचें गोमठें । अडव यागसंकटे ।
 कां बापपण दासटें । त्रासकालें ॥ ७६ ॥
 ह असो दीपाचिये सिद्धी । अवघड धूं आधिं ।
 नातारि तो वीषधी । जीभेचा ठाऊ ॥ ७७ ॥
 तिया परीं पांडवा । जेया सुखाचा रिगावां ।
 विषमु तेया मेलावा । यमदमाचा ॥ ७८ ॥
 देंत सर्वस्नेहा मीठी । आंगीं ऐसें वैराग्य उठी ।
 स्वर्गसंसाराकांठी । काढित चि ॥ ७९ ॥
 विवेकश्रवणें खरपुसें । जेथ व्रताचरणें कर्कसें ।
 करितां जांति भोकसे । बुद्धयादिकांचे ॥ ७८० ॥
 सुषुम्नेचेनि तोंडें । गीलिजे प्राणापानाचे लोंढे ।
 बोहणीए चि एवडें । भारी जेथ ॥ ८१ ॥
 तें सारसां हिं विघडतां । वोहांहूनि वत्स काढितां ।
 नव्हे भणग दवडितां । भाणेया वरौनि ॥ ८२ ॥
 पै गा माये पुढौनि बालक । कालें नेंतां जें एक ।
 होये कां उदक । तूटतां मीनां ॥ ८३ ॥
 तैसें विषयांचें घर । इंद्रियां सांडितां थोर ।
 युगांत होये तें वीर । वीतराग साहांति ॥ ८४ ॥
 ऐसा जेया सुखिचा आरंभु । दावी काठिण्याचा क्षोभु ।
 मग क्षीराब्धिंलामु । अमृताचा जैसा ॥ ८५ ॥
 पहिलेया वैराग्यगरला । धैर्यशंभु वोडविला गला ।
 तरि ज्ञानामृते सोहला । पाहे जेथ ॥ ८६ ॥
 पै कोळिता ही हूनु बहुवसें । द्राक्षाचें हिरवेपण असे ।
 तें परिपाकीं कां जैसें । माधुर्य होए ॥ ८७ ॥
 तें वैराग्यादिक तैसें । पीकलें आत्मप्रकाशें ।
 मग वैराग्येसीं हीं नासे । अविद्याजात ॥ ८८ ॥



भाषार्थदीपिका

तेधवां सागरीं गंगा जैसी । आत्मा मीनलेयां बुद्धि तैसी ।
 अद्वयआनंदाची आपैसी । खाणि उघडे ॥ ८९ ॥
 ऐसें स्वानुभवविश्रामें । बैराग्यमूल जें परिणामे ।
 तें सात्विक एणें नावें । बोलिजे सुख ॥ ७९० ॥

विषयेंद्रियसंयोगाद्यस्तदग्रेऽमृतोपमम् ॥

परिणामे विषमिव तत्सुखं राजसं स्मृतं ॥ ३८ ॥

आणि विषयइंद्रियां । मेळु होंतां धनजया ।
 तें सुख जाये थडिया । सांडौनि दोन्हीं ॥ ९१ ॥
 अधिकारिया रिगतां गावों । जाला जैसा उत्सावो ।
 कां रिणावरि विवाहो । विस्तारिला ॥ ९२ ॥
 नाना रोगीं जीभे पासिं । केलें गोडें होंति साखरेसीं ।
 कां वत्सनागा जैसी । महुललै ते ॥ ९३ ॥
 पहिले सवंचोरां मैत्र । भेटिहाटिचें कलत्र ।
 कां लाघविचे विचित्र । विनोद ते ॥ ९४ ॥
 तैसें विषयेंद्रियदोखीं । जें सुख जीवातें पोखी ।
 मग उपटला खडकीं । राजहंसु जैसा ॥ ९५ ॥
 तैसी जोडि आघवी आटे । जीविताचा ठाऊ फीटे ।
 सुकृताचेया ही मुटे । धनाची गांठि ॥ ९६ ॥
 आणि भोगिलें जें काहिं । स्वप्न जैसें होये नाहिं ।
 मग हाणिचां चि घाई । लोलावें उरे ॥ ९७ ॥
 ऐसें पाहांति जें सुख । इहिकिं परिणामे देख ।
 परत्रीं किर विष । होउनि परते ॥ ९८ ॥
 जें इंद्रियजाता लला । दीधलेयां धर्माचा मला ।
 जाळुनि भोगिजे सोहला । विषयांचा जेथ ॥ ९९ ॥
 तेथ पातकें मांधति थाऊ । तियें नरकीं देंति ठाऊ ।
 जेणें सुखें अप्राऊ । परत्रीं ऐसा ॥ ८०० ॥

पैं नावें विष महुरें । परि मारुनि अतिखरें ।
 तैसैं आदि जें गोडिरें । अंतीं कडू ॥ १ ॥
 पार्था तें सुख साचें । वलिलें आहे रजाचें ।
 झणौनि न सीवें तेयाचें । आंग कहीं ॥ २ ॥

यदग्रे चानुबंधे च सुखं मोहनमात्मनः ॥
 निद्रालस्यप्रमदोत्थं तत्तामसमुदाहृतं ॥ ३९ ॥

आणि अपेयाचेनि पानें । अखाद्याचेनि भोजनें ।
 स्वैरस्त्रीसंनिधानें । होये जें सुख ॥ ३ ॥
 कां पुढिलाचेनि मारें । नातरि पशुप्रहारें ।
 जें सुख अवतरे । भांडाचां बोलों ॥ ४ ॥
 जें आलस वारि पोखिजे । निद्रे माझि देखिजे ।
 जेयाचां आदीं अंतीं भूलिजे । आपुली वाट ॥ ५ ॥
 तें गा सुख पार्था । तामस जाण सर्वथा ।
 हें न संगों चि जें कथा । असंभाव्य हे ॥ ६ ॥

न तदस्ति पृथिव्यां वा दिवि देवेषु वा पुनः ॥
 सत्त्वं प्रकृतिजैर्मुक्तं यदेभिः स्यात्त्रिभिर्गुणैः ॥ ४० ॥

ऐसें कर्मभेदे मुदलें । फलसुख ही त्रिधा जालें ।
 तें हें एथ मियां केलें । गोचर तुज ॥ ७ ॥
 तें कर्ता कर्म फल । हे त्रिकुटी एकि केवल ।
 वांचूनि कहीं चि असे स्थूल । सूक्ष्मादि ॥ ८ ॥
 आणि हे तवं त्रिकुटी । तिहिं गुणिं किरीटी ।
 गुंथिली आहे पटीं । तांथुवीं जैसी ॥ ९ ॥
 झणौनि प्रकृतिचां लोकीं । न बांधिजे सत्वादिकीं ।
 तैसी स्वर्गीं नां मृत्युलोकीं । आधि वस्तु ॥ ८१० ॥
 कैचा लोंवे विण कांबला । मातिये विण मोदला ।
 कां जलें विण कल्लोलां । होणें आहे ॥ ११ ॥

तैसें नोहोनि गुणागुणाचे । स्त्रिष्टिचां रचलां रचे ।
 ऐसें नाहिं गा साचें । प्राणिजातां ॥ १२ ॥
 या लागि हें सकल । तिहिं गुणाचें केवल ।
 घडिलें आहे निखल । ऐसें जाण ॥ १३ ॥

ब्राह्मणक्षत्रियविशां शूद्राणां च परंतप ॥

कर्मणि प्रविभक्तानि स्वभावप्रभवैर्गुणैः ॥ ४१ ॥

गुणीं देवत्रईं मेलविली । लोकिं त्रिकुटी पाडिली ।
 चतुर्वर्णां घातली । सिनानि उलिंगें ॥ १४ ॥
 ते चि च्यान्ही वर्ण । जरि पूससी कोण ।
 तरि ब्राह्मण । मुख्य जे कां ॥ १५ ॥
 एर क्षत्री वैश्य दोन्हीं । ते ही ब्राह्मणाचां चि मानीं ।
 जें ते वैदिके विधानीं । योग्य ह्मणौनि ॥ १६ ॥
 चौथा शूद्र जो धनंजया । वेदीं लागु किर नाहीं तेया ।
 तन्हीं वृत्ति वर्णत्रया । आधीन तेयाची ॥ १७ ॥
 तिये वृत्तिचिया जवलिका । वर्णा ब्राह्मणादिकां ।
 आहो शूद्र हीं देखां । चौथा जाला ॥ १८ ॥
 जैसा फुलाचेनि सांघातें । तांथू तुरंबिजे श्रीमंतें ।
 तैसें द्विजसंगें शूद्रातें । स्वीकारीति श्रुती ॥ १९ ॥
 ऐसीसी गा पार्था । चतुर्वर्णव्यवस्था ।
 करूं आतां कर्मपंथा । ययाचेया रूप ॥ ८२० ॥
 जे हीं ते वर्ण च्यान्ही । ये जन्ममृत्युची कातरी ।
 तूकौनियां ईश्वरीं । पैठे होंति ॥ २१ ॥
 जिये आत्मप्रवृत्तिचां इहीं । गुणिं सत्वादिकीं तिहीं ।
 कर्में चौघां चौं ठांडें । वांटीलीं वर्णां ॥ २२ ॥
 जैसें बापें जोडिलें लेंका । वांटे सूर्य मार्ग पथिकां ।
 नाना व्यापार सेवकां । स्वामि जैसा ॥ २३ ॥

तैसें प्रकृतिचां गुणी । जेया कर्माची वेव्हाणी ।
 केली आहे वर्णी । चौ हीं इहीं ॥ २४ ॥
 ते सत्वं आपुलां आंगीं । समुनिनिमुनि भार्गी ।
 दोषे केले नियोगी । ब्राह्मणक्षत्री ॥ २५ ॥
 आणि रज परि सात्विक । तेया ठेविले वैश्य लोक ।
 रज चि तमें भेसक । तेथ शूद्रु जाला ॥ २६ ॥
 ऐसा एका चि प्राणिवृंदा । भेदु वर्णा चतुर्धा ।
 गुणी चि इहीं प्रबुधा । केला जाण ॥ २७ ॥
 मग आपुलें ठेविलें जैसें । आइतें चि दीपें दीसे ।
 गुणभिन्न कर्म तैसें । शास्त्र दावी ॥ २८ ॥
 ते चि आतां कोण कोण । वर्णविहिताचें लक्षण ।
 हें सांघों आइक श्रवण । सौभाग्यनिधी ॥ २९ ॥

शमो दमस्तपः शौचं क्षांतिराज्वमेव च ॥

ज्ञानं त्रिज्ञानमास्तिक्यं ब्रह्मकर्म स्वभावजम् ॥ ४२ ॥

तरि सर्व इंद्रियांची वृत्ति । घेउनि आपुलां हातीं ।
 बुद्धि आत्मेयां मिले एकांतिं । प्रिया जैसें ॥ ८३० ॥
 ऐसा बुद्धिचा उपरमु । तेया नावं ह्यणिपे शमु ।
 तो गुणु गा उपक्रमु । जेया कर्माचा ॥ ३१ ॥
 आणि बाह्यइंद्रियांचें धाडें । पीटुनि विधिचेनि दडें ।
 नेंदिजे अधर्मा कडे । कहीं चि जाऊं ॥ ३२ ॥
 तो पै गा शमा विरजा । दमगुणु जेथ दूजा ।
 आणी स्वधर्माचिया वोजा । जीणें जें कां ॥ ३३ ॥
 तेवि चि सटिवियेचिये राती । न विसंभिजे जेवि वाती ।
 तैसा ईश्वरनिर्णयो चित्ती । वाहाणे जें गा ॥ ३४ ॥
 बेया नावं तप । हें तीजेया गुणाचे रूप ।
 आणि शौच ही निष्पाप । द्विविध जेथ ॥ ३५ ॥

मन भावशुद्धी भरलें । आंग क्रिया आलंकारलें ।
 ऐसें सबाह्य जियालें । साजिरे जें कां ॥ ३६ ॥
 तेया नावं शौच पार्था । तो कर्मि गुणु चौथा ।
 आणि पृथ्वीचेया परी सर्वथा । सर्व जें साहाणें ॥ ३७ ॥
 ते गा क्षमा पांडवा । गुणु जेथ पांचवां ।
 स्वरां माक्षि सोहावा । पंचमु जैसा ॥ ३८ ॥
 आणि वांकुडेनि वोवेंसि । गंगा हे उजू चि जैसी ।
 कां पुटीं बललां उंसीं । गोडी जेवि ॥ ३९ ॥
 तैसा विषमा हिं जीवां । लागि उजुकारु होआवा ।
 तें भार्जव गा सावां । तेथिचा गुणु ॥ ८४० ॥
 आणि पाणियें प्रयत्नें माली । अखंड जचे झाडां मुलीं ।
 परि तें आघवें चि फलीं । जाणे जेवि ॥ ४१ ॥
 तैसें शास्त्राधारें तेणें । ईश्वरू चि एकु पावणें ।
 हें फुडें जें कां जाणणें । तें एथ ज्ञान ॥ ४२ ॥
 ते गा कर्मि जिये । सातवां गुणु होये ।
 आणि विज्ञान हें पाहे । एवरूप ॥ ४३ ॥
 तरि सत्वशुद्धिचिये वेले । शास्त्रें कां ध्यानबलें ।
 ईश्वरतत्वीं चि मिले । निष्ठकबुद्धी ॥ ४४ ॥
 हें विज्ञान बरवें । तें गुणें जें आठवें ।
 आणि आस्तिक्य जाणावें । नववा गुणु ॥ ४५ ॥
 पै राजमुद्रा आधिलेया । प्रजा भजे भलेतेया ।
 तेवि शास्त्रें स्वीकारिलेयां । मार्गमात्रातें ॥ ४६ ॥
 आदरें कां वर्त्तणें । तें आस्तिकत्व मी क्षणें ।
 तो नववा गुणु जेणें । कर्म साच ॥ ४७ ॥
 एवं नवै शमादिक । गुणु जेथ निर्दोख ।
 तें कर्म जाण स्वाभाविक । ब्राह्मणाचें ॥ ४८ ॥

तो नवगुणरत्नाकर । ययां नवां रत्नांचा हार ।
 न फेडित ले दिनकर । प्रकाशु जैसा ॥ ४९ ॥
 नाना चांपाचां पौलीं पूजिला । चंद्रु चंद्रिका धवलिला ।
 कां चंदनु निजें चर्चिला । सौरभ्यें जेवि ॥ ८५० ॥
 तेवि नव गुण टिकलग । लेणें ब्राह्मणाचें हें अव्यंग ।
 कहीं चि न संडी आंग । ब्राह्मणाचें ॥ ५१ ॥

शौर्य तेजो धृतिर्दाक्ष्य युद्धे चाप्यपलायनं ॥
 दानमीश्वरभावश्च क्षात्रं कर्म स्वभावजं ॥ ४३ ॥

आतां उचित जें क्षत्रियां । तें हिं कर्म धनंजया ।
 सांघों आइक प्रज्ञेचिया । भरोवरी ॥ ५२ ॥
 तारे हा भानु तेजें । नापेक्षी जेवि विरजें ।
 कां सिंहें न पाहिजे । जावलिया ॥ ५३ ॥
 ऐसा स्वयंभु जो जीव लाटु । सावार्यें विण उद्धटु ।
 तो शौर्य गा श्रेष्ठु । पहिला गुणु ॥ ५४ ॥
 आणि सूर्याचेनि प्रतापें । कोडि ही नक्षत्रें हारपे ।
 ना तो तन्हीं न लोपे । सचंद्रां तिहीं ॥ ५५ ॥
 तैसा आपुलेनि प्रौढ गुणें । जगासि विस्मयो देणें ।
 आपण तरि न क्षोभणें । काइसेनि हीं ॥ ५६ ॥
 तें प्रागल्भ्य रूप तेजा । जिये कार्मिं गुणु दूजा ।
 आणि धीरु तो तीजा । तेथिचा गुणु ॥ ५७ ॥
 वरिपडिलेयां आकाश । बुद्धिचे डोले मानस ।
 झांकी ना तें साहस । धैर्य जेथ ॥ ५८ ॥
 आणि पाणी होये भलेतेतुकें । पारि तें जीणौनि पद्म फांके ।
 कां आकाश ऊंचिया जीके । आवडतेया ॥ ५९ ॥
 तेवि विविधा अवस्था । पातलिया जीणौनि पार्था ।
 प्रज्ञाफळतेया अर्था । वेद देणें जें ॥ ८६० ॥

तें दक्षत्व गा चोख । जेथ चौथा गुणु देख ।
 आणि जूझ अलौकीक । पांचवां गुणु ॥ ६१ ॥
 आदित्याचिं झाडें । ठाकति रविबिंबा कडे ।
 तेवि समोर शत्रू पुढें । होणें जें कां ॥ ६२ ॥
 माहेवणी प्रयत्नेंसि । चुकविजे सेजे जैसी ।
 रिपू पाठिनेदिजे तैसी । रणांगणी ॥ ६३ ॥
 हा क्षत्रियांचां आचारीं । पांचवां गुणेंद्रु अवधारीं ।
 चौं हीं पुरुषार्था शिरीं । भगति जैसी ॥ ६४ ॥
 आणि जालेनि फुलें फलें । शाखिये जैसे मोकले ।
 कां उदार परिमलें । पद्मकर ॥ ६५ ॥
 नाना आवडिचेनि मापें । चादिणें भलेतेणें घेपे ।
 पुढिलाचेनि संकल्पें । तैसैं जें देणें ॥ ६६ ॥
 तें उमप गा दान । जेथ सावें गुणरत्न ।
 आणि आज्ञे एकायतन । होये जेणें कां ॥ ६७ ॥
 पोखुनि अवेव आपुले । करविजति मानविलें ।
 तेवि पालणें लोभविलें । जग जें भोगी ॥ ६८ ॥
 तेया नावं ईश्वरभावो । जो सर्व सामग्रियेचा ठावो ।
 तो गुणा माक्षि राउं । सातवां जेथ ॥ ६९ ॥
 ऐसे जे शौर्यादिकीं । इहिं सातवां गुणिं विशेषिं ।
 अलंकृत सप्तरुपीं । आकाश जैसैं ॥ ७० ॥
 तैसैं सप्तगुणिं विचित्र । कर्म जें जगीं पवित्र ।
 तें साहाजें जाण क्षात्र । क्षत्रियांचें ॥ ७१ ॥
 नाना क्षत्री नव्हे नरु । तो सत्वसोनेयांचा चि मेरु ।
 ह्यणौनि गुणस्वर्गा आधारु । सातां इयां ॥ ७२ ॥
 नाना सप्तगुणार्णविं । परिवारली बरवी ।
 हे क्रिया नव्हे पृथिवी । भोगीतसे तो ॥ ७३ ॥

कां गुणां सातें बोधीं । हे क्रिया ते गंगा जगीं ।
तेया महोदधीचां आंगीं । विलसत जैसी ॥ ७४
हे परी बहुवस देख । शौर्यादिगुणात्मक ।
कर्म गा नैसर्गिक । क्षत्रियजातीसि ॥ ७५ ॥

कृषिगोरक्ष्यवाणिज्यं वैश्यकर्म स्वभावजं ॥
परिचर्यात्मकं कर्म शूद्रस्यापि स्वभावजं ॥ ७४ ॥

आतां वैश्याचिये जाती । उचित जें महामती ।
तें आइक निरुती । क्रिया सांघों ॥ ७६ ॥
तरि भूमि बीज नांगरु । या भांडवलाचा आधार ।
घेउनि लाभु अपारु । मेलवणें जें ॥ ७७ ॥
किंबहुना कृषि जीणें । गोधनें राखौनि वर्तणें ।
कां सवंगाची वीकणें । महर्गि वस्तु ॥ ७८ ॥
आणि वैश्यक्षत्रियब्राह्मण । हे द्विजन्मे तीन्ही वर्ण ।
यांचें जें सुश्रूषण । तें शूद्रकर्म ॥ ७९ ॥
पें द्विजसेवे परौतें । धावणें नाहिं शूद्रातें ।
एवं चतुर्वर्णांचि उचितें । दात्रिलिं कर्म ॥ ८० ॥

स्वे स्वे कर्मण्यभिरतः संसिद्धिं लभते नरः ॥

स्वकर्मानिरतः सिद्धिं यथा विंदति तच्छुणु ॥ ४५ ॥

आतां ये चि गा विचक्षणा । वेगलालेया वर्णा ।
उचित जैसें करणां । शट्टादिक ॥ ८१ ॥
नातरि जलदच्युता । पाणियां उचित सरिता ।
सरितेसि पांडुसुता । सिंधु उचितु ॥ ८२ ॥
तैसें वर्णाश्रमवशें । जें करणें आलें असे ।
गोरेया आंगा जैसें । गोरेपण ॥ ८३ ॥
तेया स्वभावविहिता कर्मा । शास्त्राचेनि मुखें वीरोत्तमां ।
प्रवर्त्तविद्या लागि प्रेमा । अढळ कीजे ॥ ८४ ॥

पै आपुलें चि रत्न थीतें । घेपे पारखियाचेनि हातें ।
 तैसें स्वकर्म आपैतें । शाखें करावें ॥ ८५ ॥
 जैसी दीठि असे आपुलां ठांडें । परि दीपें विण भोगु नाहिं ।
 मार्गु न ल्हांतां काहिं पाइं । असतां होए ॥ ८६ ॥
 ह्मणौनि जातिवशें साचारु । सहजु असे जो अधिकारु ।
 तो आपुल्लं शाख्त्रि गोचरु । आपणपेयां कीजे ॥ ८७ ॥
 मग घरिचा चि ठेवा । आणि डोलां दावी दीवा ।
 तारे काइ घेंतां पाडवा । आलसु असे ॥ ८८ ॥
 तैसें स्वभावें भागा आलें । वरि शाखें खरें केलें ।
 तें विहित जो आपुलें । आचरे गा ॥ ८९ ॥
 परि आलसु सांडौनि । फलकामु दवडौनि ।
 आंगें जीवें मोडौनि । तेथ चि भरु ॥ ९० ॥
 बोधीं पडिलेयां पाणीं । नेगें आनानीं वाहाणीं ।
 तैसा जिये आचरणीं । व्यवस्थौनि ॥ ९१ ॥
 अर्जुना जें इया परीं । तें विहित कर्म करी ।
 तो मोक्षाचां ऐलीं द्वारीं । पैठा होए ॥ ९२ ॥
 जें अकरणां आणि निषिद्धा । न वचे चि काहीं संबंदा ।
 ह्मणौनि भावा विरुद्धा । मूकला तो ॥ ९३ ॥
 आणि काम्यकर्मा कडे । न परते चि तेकडे ।
 तेथ चंदनाचे खोडे । न ले चि तो ॥ ९४ ॥
 येर नित्य कर्म तवं । फळत्यागें वेचलें सर्व ।
 ह्मणौनि मोक्षाची सीवं । टाकूं लाहे ॥ ९५ ॥
 ऐसेनि शुभाशुभीं संसारीं । सांडिला तो अवधारीं ।
 वैराग्यमोक्षद्वारीं । उभा ठाके ॥ ९६ ॥
 जे सकलभाग्याची सीमां । मोक्षलाभाची प्रमां ।
 नाना कर्ममार्गथ्रमा । सेवटु जेथ ॥ ९७ ॥

मोक्षफलें दीधली बोल । जें सुकृततरूचें फूल ।
 तिये वैरागी ठवी पाउल । भवरू जैसा ॥ ९८ ॥
 पै आत्मज्ञानसुदिनांचा । वाधावा सांघेतिया अरुणाचा ।
 उदो तेया वैराग्याचा । ठावो पावे ॥ ९९ ॥
 किंबहुना आत्मज्ञान । जेणें हाता ए निधान ।
 तें वैराग्य दिव्यांजन । जीवें ले तो ॥ १०० ॥
 ऐसी मोक्षाची योग्यता । सिद्धी जाये पांडुसुता ।
 अनुसरौनि विहिता । कर्मा येया ॥ १ ॥
 विहित कर्म पांडवा । आपुला अनन्यु बोलवावा ।
 आणि हे चि प्रेमसेवा । सर्वात्मकाची ॥ २ ॥
 पै आघवां चि भोगेंसि । पतिव्रता क्रीडे प्रियेंसि ।
 किं तेया चि नावं जैसी । तपें तिया केलीं ॥ ३ ॥
 कां बालका एकि माए । वांचौनि जीणें काइ आहे ।
 हणौनि सेवा कीं तो होए । पाटाचा धर्मु ॥ ४ ॥
 नाना पाणी हणौनि मासा । गंगा न संडीतु जैसा ।
 सर्वतीर्थसंवासा । वरिपडा जाला ॥ ५ ॥
 तैसा आपुलिया विहिता । उपाअसे न विसंबता ।
 ऐसा कीजे किं जगन्नाथा । आभारू पडे ॥ ६ ॥
 आगा जेया जें विहित । तें ईश्वराचें मनोगत ।
 हणौनि केऱेया निभ्रांत । परितोखु पावे ॥ ७ ॥
 पै जीवांगं कसीं उतरली । ते दासि किं गोसांविणि जाली ।
 तैसी सेवेची नेयां माउली । विहित जेवि ॥ ८ ॥
 तैसें ते स्वामिचेया मनोभावा । न चूकिजे हे चि सेवा ।
 ऐरिं ते पांडवा । वणिज करणें ॥ ९ ॥

यतः प्रवृत्तिर्भूतानां येन सर्वमिदं ततं ॥

स्वकर्मणा तमभ्यर्च्य सिद्धिं विंदति मानवः ॥ ४६ ॥

ह्यगौनि विहितक्रिया केली । नव्हे तेयाची खूण पालिली ।
 जेया पासौनि कां आलीं । आकार भूतें ॥ ९१० ॥
 जो अवियेचिया चिंधिया । गुंडाल्लनि जीव बाउलिया ।
 खेलवीतसे गुणियां । अहंकाररज्जु ॥ ११ ॥
 जेणें जग हें समस्त । आंतु बाहिरि भरित ।
 जालें आहे दीपनात । तेजें जैसें ॥ १२ ॥
 तेया सर्वात्मका ईश्वरा । स्वकर्मकुसुमाची वीरा ।
 पूजा केली होये अपारा । तोखा लागि ॥ १३ ॥
 ह्यगौनि तिये पूजे । रिझलेनि आत्मराजें ।
 वैराग्यसिद्धि दीजे । पसाया तेया ॥ १४ ॥
 जें वैराग्यदशे । ईश्वराचेनि वेधवसें ।
 हें सर्व ही नावडे जैसें । वांत होणें ॥ १५ ॥
 प्राणनाथाचिये आधी । विरहिणीतें जीणें बाधी ।
 तैसें सुखजात त्रिशुद्धी । दुःखा चि लागि ॥ १६ ॥
 सम्यग्ज्ञाना उदैजतां । वेधें चि तन्मयता ।
 उपजे ऐसी योग्यता । बोधाची लाहे ॥ १७ ॥
 ह्यगौनि मोक्षलाभा लागि । जो व्रतें वाहांतसे आंगीं ।
 तेणें स्वधर्मु चांगीं । अधिष्ठावा ॥ १८ ॥

श्रेयान्स्वधर्मो विगुणः परधर्मात्स्वनिष्ठितात् ॥

स्वभावनियतं कर्म कुर्वन्नाप्नोति किल्बिषं ॥ ४७ ॥

आगा आपुला हा स्वधर्मु । आचरणें जन्हीं विषमु ।
 तन्हीं पाहावा तो परिणामु । फलैल जेणें ॥ १९ ॥
 जें सुखा लागि आपणपेयां । निंब चि आधि धनंजया ।
 तें कडुवटपण तेया । भोगिजे ना ॥ २० ॥
 फलणेयां ऐली कडे । केलि तें पाहांतां आशा मोडे ।
 ऐसें लजिलें तरि जोडे । तैसें कें गोमटें ॥ २१ ॥

तेवि स्वधर्मु सांकडु । देखौनि केला जरि कीडु ।
 तरि मोक्षसुरवाडु । अंतरला ॥ २२ ॥
 आणि आपुली माए । कुब्ज जन्हीं आहे ।
 तन्हीं जीणें जीजे तें नोहे । स्नेह कुन्है कीं ॥ २३ ॥
 एरी जिया पराविया । रंभेडुनि बरविया ।
 तिया काइ कराविया । बालकें तेणें ॥ २४ ॥
 आगा पाणियांढूनि बौहें । तूपीं गुणु कीरु आहे ।
 परि मीनां काइ होए । असणें तेथ ॥ २५ ॥
 पै आघवियां जगीं जें विष । तें कीडेयाचें पीयूष ।
 आणि जगा गूल देख । तेथ मरण तेया ॥ २६ ॥
 ह्यणौनि विहित जें जेया जीणें । फीटे संसाराचें धरणें ।
 क्रिया कठोर तन्हीं तेणें । तें चि करावें ॥ २७ ॥
 एरा पराचारा बरविया । ऐसें होईल टंकलेयां ।
 पायांचें चालणें डोया । केलें जैसें ॥ २८ ॥
 यया लागि कर्म आपुलें । जें जातिस्वभावेंसि आलें ।
 तें करी तेणें जीतलें । कर्मबंधातें ॥ २९ ॥

सहजं कर्म कौंतेय सदोषमपि न त्यजेत् ॥

सर्वारंभा हि दोषेण धूमेनाग्निरिवावृताः ॥ ४८ ॥

आणि स्वधर्मु चि पालावा । परधर्मु तो गालावा ।
 हा नियमु हीं पांडवा । न कीजे चि पां ॥ ३० ॥
 तन्हीं आत्मा दृष्ट नोहे । तवं कर्म करणें कां ठाए ।
 आणि करणें तेथ आहे । आयासु आधीं ॥ ३१ ॥
 ह्यणौनि भलेतिये कर्मी । आयासु जरि उपकर्मी ।
 तरि काइ स्वधर्मी । दोषु सांघें ॥ ३२ ॥
 अगा उजू वाटा चालावें । तन्हीं पाये चि सीणवावे ।
 ना आडगनें धावावें । तन्हीं तें चि ॥ ३३ ॥

पै शिला कां सिधौरिया । दाटणें एक धनंजया ।
 परि जें वाहांतां विसावेया । भिल्लैल तें घेपे ॥ ३४ ॥
 यन्हवि कणा भूसा । काडितां हिं सोसु सरिसा ।
 जें चि रांभणें माणुसा । तें चि हवि ॥ ३५ ॥
 परि धर्मपत्नी कां धांगडि । पोसितां जरि एकि वोढि ।
 तरि कां अंपखडि । आणात्री आंगां ॥ ३६ ॥
 दधिजलाचेयः गुसलणां । व्यापार सारिखा विचक्षणां ।
 बालुत्रे तिलं घाणा । गालणें एक ॥ ३७ ॥
 आगा पाठीं लागतां घाई । मरण न चुके चि पाहीं ।
 तरि समोरिलां काई । आगलें कीजे ॥ ३८ ॥
 कुलस्त्री दांडेयांचे घाए । निगाली हीं जरि साहे ।
 तरि स्वपतितें वायें । साडिलें कीं ॥ ३९ ॥
 तैसें आवडतें हिं करणें । न निफजे सीणलेयां हिं उणें ।
 तरि विहित बा कोणें । बोलें भारी ॥ ९४० ॥
 वरि थोडें चि अमृत घेंतां । सर्वस्व वेचो कां पांडुसुता ।
 जेणें जोडे जीविता । अक्षयत्व ॥ ४१ ॥
 एर काह्या मोलें पुरुनु । विष पियावें घेउनु ।
 आत्महत्यासीं निमौनु । जाइजे जेणें ॥ ४२ ॥
 तौसिं जाचूनियां इंद्रियें । वेचौनियां आयुष्याचेनि दियें ।
 सांचिलीं पापियें आन आहे । दुःख वांचौनि ॥ ४३ ॥
 ह्यणौनि करावा चि स्वधर्मु । जो करितां हीरौनि श्रमु ।
 उचित देखील परमु । पुरुषार्थराजु ॥ ४४ ॥
 या कारणें किरीटी । स्वधर्माचीं राहाटी ।
 न विसंबिजे संकटीं । सिद्धमंत्रु जैसा ॥ ४५ ॥
 कां नावेसि जैसें उदधी । महारोगीं दिव्योषधी ।
 न विसंबिजे तेया बुद्धी । स्वकर्म एथ ॥ ४६ ॥

असक्तबुद्धिः सर्वत्र जितात्मा विगतस्पृहः ।

नैष्कर्म्यसिद्धिं परमां संन्यासेनाधिगच्छति ॥ ४९ ॥

मग इया चि गा कपिध्वजा । स्वकर्माचिया महापूजा ।
तोखला ईशु तमरजां । झाडि करुनि ॥ ४७ ॥
सुधासत्वाचिया वाटा । आणि आपुली उत्कंठा ।
भवस्वर्गा कालकूटा । ऐसें दावी ॥ ४८ ॥
जियें वैराग्य एणें बोलें । मागां संसिद्धी रूप केलें ।
किंबहुना तें आपुलें । मेलवी खार्गे ॥ ४९ ॥
मग जींतलेयां हें भोए । पुरुषु सर्वत्र जैसा आहे ।
कां जाला ही जें लाहे । तें आतां सांघों ॥ ९० ॥
तारि दाहीक हें संसारें । सर्वें मांडिलेंसे जे गुंपिरें ।
तेथ नांतुडे वागुरे । वारा जैसा ॥ ९१ ॥
पै परिपाकाचिये वेले । फल देंटें ना देटु फलें ।
तैसें स्नेह खुलें । सर्वत्र होए ॥ ९२ ॥
पुत्रवित्तकलत्र । हें जालेयां हिं स्वतंत्र ।
माझे न हणणे पात्र । विष चि जैसें ॥ ९३ ॥
ऐसा हे विषयजातीं । बुद्धि पोळिली जैसी माधुती ।
पाउलें घेंति एकांतीं । हृदइं चि रिगे ॥ ९४ ॥
ऐसेया अंतष्करण । बाहियें येतां तेयाची आण ।
न मोडी समर्था भेण । दासि जैसी ॥ ९५ ॥
तैसी ऐक्याचिये मुठी । माझिवडें चित्त किरीटी ।
करुनि वेधी निहटी । आत्मेयाचां ॥ ९६ ॥
तेधवां दृष्टादृष्टस्पृहे । निमातें जालें चि आहे ।
आगि दडपिलेयां धूर्वे । न्हाइजे काइ ॥ ९७ ॥
हणौनि निर्मले मानसिं । स्पृहा नाशौनि जाये आपैसी ।
किंबहुना तो ऐसी । भूमिका पावे ॥ ९८ ॥

पै अन्यथाबोधु आत्रवा । मावळौनि तेया पांडवा ।
 बोधमात्रीं चि जीवा । ठावो होए ॥ ५९ ॥
 धारवणी वेचें सरे । तैसें भोगें प्राचीन पुरे ।
 नवे तवं नुपकरे । काहिं चि करुं ॥ ६६० ॥
 तैसी कर्मसाम्यदशा । होये तेथ वीरेशा ।
 श्रीगुरु अपैसा । भेटे चि गा ॥ ६१ ॥
 रातिची चौपाहारी । वेचलेयां अवधारीं ।
 डोलेयां तमोरी । मिळे जैसा ॥ ६२ ॥
 कां एउनु फलाचा घडु । पारुखवी केलिचा वाडु
 गुरु भेटौनि करी पाडु । मुमुक्षा तैसा ॥ ६३ ॥
 मग आळंगिला पूर्णिमां । उणीव सांडी चंद्रमा ।
 तैसें होये वीरोत्तमा । गुरुकृपा तेया ॥ ६४ ॥
 तेधवां अबोध मात्र असे । तें तवं तेया कृपा नासे ।
 तेथ रात्रीसर्वे जाये आपैसें । आंधारें जैसें ॥ ६५ ॥
 तैसें अबोधनासा सर्वे । नासे क्रियाजात आघर्वे ।
 ऐसा समूल संभवे । संन्यासु हा ॥ ६६ ॥
 एणें समूलज्ञानसंन्यासें । दृश्याचा ठाउ जेथ पूसे ।
 तेथ बुझावें तें आपैसें । तो चि आहे ॥ ६७ ॥
 चेइलेयां वरि पाहिं । स्वमिचां लिये डोहीं ।
 आपणेयांतें काई । काढूं जाइजे ॥ ६८ ॥
 तें मीं भोगें आतां जाणैन । हें सरळें तेया स्वप्न ।
 जाला ज्ञातृज्ञेया विहीन । चिदाकाश जो ॥ ६९ ॥
 मुखाभासें आरिसा । परीता नेलेयां वीरेषा ।
 पांतेपणें विण जैसा । पांत ठाके ॥ ९७० ॥
 तैसें नेणणें जें गेलें । तेणें जाणणें हीं नेलें ।
 मग निष्क्रिय सरळें । चिन्मात्र चि ॥ ७१ ॥

तेथ स्वभावे धनंजया । नाहिं कोण्हीं चि क्रिया ।
 हणौनि प्रवादु तेया । निष्कर्म्य ऐसा ॥ ७२ ॥
 तें आपुलें आपणपें । असतू चि होउनि आरोपे ।
 तरंगु कां वायुलोपें । समुद्रु जेसा ॥ ७३ ॥
 तैसें न होणें निफजे । नैष्कर्म्यसिद्धि हणिजे ।
 सर्वा हीं सिद्धी साहाजें । प्रेम हें चि ॥ ७४ ॥
 देउलिचिया कामा कलशु । परमु गंगे सिंधुप्रवेशु ।
 कां सुवर्णशुद्धी कसु । सोलांवां जैसा ॥ ७५ ॥
 तैसें आपुलें नेणणें । फेडिजे कां जाणणें ।
 तें हिं गीळनि जें असणें । ऐसी जे दशा ॥ ७६ ॥
 तिये परौतें काहिं । निफजणें एथ नाहिं ।
 हणौनि हणिपे पाहीं । परमसिद्धि ते ॥ ७७ ॥

सिद्धि प्राप्तो यथा ब्रह्म तथाप्नोति निबोध मे ॥
 समासेनैव कौंतेय निष्ठा ज्ञानस्य या परा ॥ ५० ॥

परि हे चि आत्मसिद्धि । जो कोणु भाग्यनिधि ।
 श्रीगुरुकृपालब्धीं । कालिं पावे ॥ ७८ ॥
 उदैजतां दिनकरु । प्रकाशु आते आंधारु ।
 कां दीपा संगें दीपाकारु । होये तंतु ॥ ७९ ॥
 ते लवणांची कणिका । मिलत खे३ उदका ।
 उदक चि होउनि देखां । ठाके जेवि ॥ ९८० ॥
 कां निद्रितु चेवविलेयां । स्वप्नेसीं नीदे वायां ।
 जाउनि आपणपेयां । मिले जैसा ॥ ८१ ॥
 तैसिं जियां कोणहाचीं दैवें । गुरुवाक्यश्रवणां चि सर्वें ।
 द्वैत गीळनि विसंवे । आपणपेयां वृत्ति ॥ ८२ ॥
 तेयासि मग करणें । हें बोलिजैल चि कवणें ॥
 आकाशा एणें जाणें । होये काइ ॥ ८३ ॥

ह्यणौनि तेयासि काहिं । त्रिशुद्धी करणें नाहे
 परि ऐसैं हें जरि काहिं । नोहे जेया ॥ ८४ ॥
 कानाबचनाचिये भेटी । सरिसा चि पैं किरिटी ।
 वस्तु होउनि उठी । कव्हणी एकु जो ॥ ८५ ॥
 यन्हविं स्वकर्माचिया वन्ही । काम्यनिषेधाचां इंधनीं ।
 रजतमें किर दोन्हीं । जालिलीं आधीं ॥ ८६ ॥
 पुत्र वित्त परलोकु । ययां तिहींचा अभिलाखु ।
 घरिं होये पाइकु । हें इं जालें ॥ ८७ ॥
 इंद्रियें सदा पदार्थी । रिगतां विटाललीं होंतीं ।
 तियें प्रत्याहारतीर्थीं । नाहाणिलिं कीर ॥ ८८ ॥
 आणि स्वधर्माचें फल । ईश्वरीं अपौंनि केवल ।
 घेउनि केलें अढल । वैराग्यपद ॥ ८९ ॥
 ऐसी आत्मसाक्षात्कारी । लाभे ज्ञानाची उजिरी ।
 ते सामग्री किर पुरी । मेळविली ॥ ९० ॥
 आणि तिये चि समइं । सद्गुरु भेटले पाहीं ।
 तेविं चि तिहीं । राहिजे ना ॥ ९१ ॥
 परि औषध घेंत खेउ । काइ लाभे आपुला थाउ ।
 किं उदैजतां चि दीउ । मध्यान होए ॥ ९२ ॥
 सुक्षेत्रिं आणि बोलटें । विं पेरिलें गोमटें ।
 परि अलोट फल भेटे । परि वेळे पैं गा ॥ ९३ ॥
 जोडला मार्गु प्रांजलु । मीनला सुसंगाचा मेळु ।
 तारि पाविजे वांचौनि वेळु । लागे चि किं ॥ ९४ ॥
 तैसा वैराग्यलाभु जाला । बरि सद्गुरु भेटला ।
 जीवा अंकुरु फूटला । विवेकाचा ॥ ९५ ॥
 तेणें ब्रह्म एक आधि । एर आघवी चि आंति ।
 हे हीं किर प्रतीति । गाढी केली ॥ ९६ ॥

परि तें चि जें परब्रह्म । सर्वात्म सर्वोत्तम ॥
 मोक्षाचें हीं काम । सरे जेथ ॥ ९७ ॥
 इया तीन्हीं अवस्था पोटी । जिरविजें कां किरीटी ।
 तेया ज्ञानासि ही मीठी । दे जे वस्तु ॥ ९८ ॥
 ऐक्याचें ऐक्यपण सरे । जेथ अद्वयकणु हीं विरे ।
 काहिं चि नुरौनि उरे । जें कां हिं गा ॥ ९९ ॥
 तिये ब्रह्मीं एकपणें । ब्रह्म चि होउनि असणें ।
 तें काम चि वारुनि तेणें । पाविजे पै ॥ १००० ॥
 भूकैलेया पासीं । उगारिलें पडूसीं ।
 तो तृप्ति ग्रासीं । लाहे जेवि ॥ १ ॥
 तैसा वैराग्याचा उल्लावा । विचाराचा तो दिवा ।
 आंबुथितां आत्मठेवा । काढी चि तो ॥ २ ॥
 तारि भोगिजे आत्मरिद्धि । यवडी योग्यतेची सिद्धि ।
 जेया आंगिं निरवधी । लेणें जाली ॥ ३ ॥
 तो जेणें क्रमें ब्रह्म । होणें करी कां सुगम ।
 तेया क्रमाचें आतां वर्म । आइक सांघों ॥ ४ ॥

बुध्दा विशुद्धया युक्तो धृत्यात्मानं नियम्य च ।
 शब्दादीन्विषयांस्त्यक्त्वा रागद्वेषौ व्युदस्य च ॥ ५१ ॥
 तारि गुरु दाविलेया वाटा । एउनि विवेकतीर्थतटा ।
 धूनियां मलकटा । बुद्धिचा तेणें ॥ १ ॥
 मग राहूनि उगलिली । प्रभा चंद्रें आलंगिली ।
 तैसी शुद्धी ते जडली । आपणपां बुद्धि ॥ ६ ॥
 सांडौनि कुळें दोन्हीं । क्रिया अनुसर कामिनी ।
 द्वंदव्यागें स्वचितनीं । पडिली तैसी ॥ ७ ॥
 आणि ज्ञान ऐसें जिन्हार । नेवों नेति निरंतर ।
 इंद्रियिं प्रीकेळें थोर । शब्दादिक जें ॥ ८ ॥

तें रश्मिजाल काढिलेयां । मृगजल जाये लया ।
 तैसें धृतिरोखें तेया । पांचां हिं केलें ॥ ९ ॥
 नेणतां अधमाचें अन्न । खादलेयां कीजे वमन ।
 तैसीं बोकुविलीं सवासन । इंद्रिये विपर्यां ॥ १० ॥
 मग प्रत्यक्प्रवृत्ति चोखटे । गंगेचेनि लाविलीं तटें ।
 ऐसी प्रायश्चित्तें धोवटें । केलीं एणें ॥ ११ ॥
 पाठिं सात्विकें धीरें तेणें । शोधारिलीं तियें करणें ।
 मनसिं योगधारणें । मेलविलीं ॥ १२ ॥
 तेविं चि प्राचीन इष्टानिष्टें । भोगेंसिं येउनि भेटे ।
 तेथ देखिलेयां हिं वोखटें । द्वेषु न करी ॥ १३ ॥
 ना गोमटें चि विपायें । तें आणूनि पुढां सुवे ।
 तरि तेया लागि नोहे । साभिलाखु ॥ १४ ॥

विविक्तसेवी लघ्वाशी यतवाक्कायमानसः ॥

ध्यानयोगपरो नित्यं वैराग्यं समुपाश्रितः ॥ ५२ ॥

इया परीं इष्टानिष्टीं । रागद्वेष किरीटी ।
 ल्यजूनि गिरिकपाटीं । निकुंजीं वसे ॥ १५ ॥
 गजबज सांडिलिया । वसवी वनस्थलिया ।
 आंगाच्चिया मांदिया । एकलिया ॥ १६ ॥
 शमदमादिकिं खेले । न बोलणेंनि चावले ।
 गुरुवाक्याचेनि मेलें । नेणे वेळु ॥ १७ ॥
 आणि आंगा बल यावें । नातरि क्षुधा जावें ।
 कां जीभेचे पुरवावे । मनोरथ ॥ १८ ॥
 भोजन करितां विषीं । यां तिहींतें हीं न लेखी ।
 आहारिं मीति संतोषीं । माप सुये ॥ १९ ॥
 आसनाचेनि पावकें । दुरपतां प्राणु पोखे ।
 येया चि लागि मोढकें । अशन करी ॥ १०२० ॥

आणि परपुरुषे कामिली । कुलवधू आंग न घली ।
 निद्रालस्य न मेकली । आसन तैसे ॥ २१ ॥
 दंडवताचेनि प्रसंगे । भुइं हान आंग लागे ।
 वांचौनि एर नेघे । रामस्य जेथे ॥ २२ ॥
 देहनिर्वाहा पुरते । राहाटवी हातपायांतें ।
 किंबहुना आपैतें । सबाह्य केलें ॥ २३ ॥
 आणि मनाचा उंबरा । वृत्तीसि देखों नेदी बीरा ।
 तेथ कें वाग्व्यापारा । अवकाशु असे ॥ २४ ॥
 ऐसेन देहवाचामानस । हें जीणौनि बाह्य प्रदेश ।
 आकोलिलें आकाश । ध्यानाचें तेणें ॥ २५ ॥
 गुरुवाक्यें उटिला । बोधाचा निश्चयो आपुला ।
 नेहालीं हातीं घेतला । आरिसा जैसा ॥ २६ ॥
 पै ध्याता आपणपें चि परी । ध्यानरूपें वृत्ती माझारि ।
 ध्येयत्वे हे अवधारीं । ध्यानरूढि गा ॥ २७ ॥
 तेथ ध्यानध्येयध्याता । यां तिहिं एकरूपता ।
 होये तवं पांडुसुता । कीजे तें गा ॥ २८ ॥
 ह्यणौनि तो मुमुक्षु । आत्मज्ञानीं जाला दक्षु ॥
 परि पुढां सूनि पक्षु । योगाभ्यासाचा ॥ २९ ॥
 अपानरंध्रद्वया । माझारि धनंजया ।
 पारष्णी पीडूनियां । कांवरूमूला ॥ १०३० ॥
 आकुंचूनु अध । देउनि तीन्हीं बंध ।
 करूनि एकवद शुद्ध । वायुभेद ॥ ३१ ॥
 कुंडलिणी जागौनि । मध्यमा विकासौनि ।
 आधारदि भेदुनि । आज्ञा वेन्हीं ॥ ३२ ॥
 सहस्रदलाचा मेघु । पीयूखु वरिखौनि चांगु ।
 तो मूल वेन्हीं उग्धु । आणूनियां ॥ ३३ ॥

नाचतेया पुण्यगिरि । चिद्वैरवाचां खापरीं ।
 मनपवनाचां खीचु करी । वाढूनियां ॥ ३४ ॥
 जालेयां योगाचा गाढा । मेलावा सूनि हा पुढां ।
 ध्याना मागिली कडां । स्वयंभू केले ॥ ३५ ॥
 आणि ध्यानयोग दोन्ही । इयें आत्मतत्त्वज्ञानीं ।
 पैठि होआव्हेपा निर्विघ्नीं । आदीं चि तेणें ॥ ३६ ॥
 वीतराग तेया सारिखा । जोडूनि ठेविला सखा ।
 तो आघविया चि भूमिका । सर्वे चाले ॥ ३७ ॥
 पावें तें दीसे तवं वेन्हीं । दीठितें न संडी दीपु जारि ।
 तारि कें असे अवसरी । देखावेया ॥ ३८ ॥
 तैसें मोक्षीं प्रवर्तलेयां । वृत्ति ब्रह्मीं जाये लया ।
 तवं वैराग्य आधि तेया । भंगु कैचा ॥ ३९ ॥
 ह्यणौनि सर्वैराग्यु । ज्ञानाभ्यासु तो सभाग्यु ।
 करूनि जाला योग्यु । आत्मलाभा ॥ १०४० ॥
 ऐसी वैराग्याची आंगीं । बाणूनियां वज्रांगी ।
 राजयोगुतुरंगीं । आरूढला ॥ ४१ ॥
 वरिपडिलें दीठी । सानें थोर ही निवटी ।
 ते बली विवेकमूठी । ध्यानांचे खांड ॥ ४२ ॥
 ऐसेनि संसाररणा आंतु । आंधरीं सूर्यु तैसा असे जांतु ।
 मोक्षविजयश्रिये वरैतु । होआवेया ॥ ४३ ॥

अहंकारं बलं दर्पं कामं क्रोधं परिग्रहं ॥

चिमुच्य निर्ममः शान्तो ब्रह्मभूयाय कल्पते ॥ ५३ ॥

तेथ आडवैरें चि आले । दोषवैरी जे धोपटिले ।
 तेयां माझि पहिलें । देहीं अहंकार ॥ ४४ ॥
 जो न मोकली मारुनि । जिवों नेंदी उपजौनि ।
 विचंबी खोडां घालुनि । हाडाचां इये ॥ ४५ ॥

तेयाचा देह हा थारा । मोडूनि घेतला वीरा ।
 आणि बल हा दुसरा । मारिला वैरी ॥ ४६ ॥
 जें विषयांचेनि नावें । चौगुणें हीं परि ठावें ।
 जीणें मृतावस्था धावें । सर्वत्र जगा ॥ ४७ ॥
 तो विषयविषिचा धावो । आववेयां दोषांचा रावो ।
 ध्यानखड्गाचा वा ॐ । साहील कैचा ॥ ४८ ॥
 आणि प्रियप्राप्ती । करी जेया सुखाची व्यक्ती ।
 तेयाची घालूनि बूथि । आंगीं जो वाजे ॥ ४९ ॥
 जो सन्मार्ग भुलवी । मग अधर्माचां अडवीं ।
 सूनि वाघां सांपडवीं । नरकादिकां ॥ १०५० ॥
 तो विश्वासें मारितां रिपु । निवटूनि घातला दर्पु ।
 आणि जेयाचा आहा कंपु । तापसांसिं ॥ ५१ ॥
 क्रोधा ऐसा हा महादोखु । देख पां जेयाचा परिपाकु ।
 भरिजे तवं अधिकु । रिता होये जो ॥ ५२ ॥
 तो कामु कोण्हीं चि ठांइ । नसे ऐसें केलें पाहीं ।
 किं तें चि क्रोधा ही । साहाजें जालें ॥ ५३ ॥
 मूलाचें तोडणें जैसें । होये कां शाखा दोसें ।
 कामें नासिलेनि नासे । तैसा क्रोधु ॥ ५४ ॥
 हणौनि कामु वैरी । जाला जेथ ठाणौरी ।
 तेथ सरली वारी । क्रोधाची ही ॥ ५५ ॥
 समर्थु आपुला खोडा । सीसें वाहावी जैसा होडा ।
 तसा भुंजौनि गाढा । परिग्रहो ॥ ५६ ॥
 जो माथा चि पालाणवी । आंगा आवगु घालवी ।
 ममत्वाची घेववी । जिये दांडी ॥ ५७ ॥
 शिष्यशास्त्रादिविलासें । मठामुद्राचेनि मीसें ।
 घातले आहाति पासें । निसंगां जेणें ५८ ॥

घरिं कुटंबपणें सरे । तरि वनीं वनत्वे अवतरे ।
 नागिवेया ही शरीरें । लागला आहे ॥ ५९ ॥
 ऐसा दुर्जयो परिग्रहो । तेयाचा फेड्ढनि ठाऊ ।
 भवविजयाचा उत्साहो । भोगीतु असे तो ॥ १०६० ॥
 तेथ अमानित्वादि आघवे । ज्ञानगुणाचे जे मेलावे ।
 ते कैवल्यदेशिचे आघवे । राय जैसे आले ॥ ६१ ॥
 नव्हे सम्यग्ज्ञानाचिया । राणिवा उगाणूनि तेया ।
 परिवारु होउनियां । राहांति आपण ॥ ६२ ॥
 प्रवृत्तीचिये राजबीदी । अवस्थाभेदप्रमदीं ।
 कीजताये प्रतिपदीं । सुखाचें लोण ॥ ६३ ॥
 पुढां बोधाचिये कांवि वेन्हीं । वित्रेकु दृश्याची मांदी सारी ।
 योगभूमि आरतीकरी । यंति जैसिया ॥ ६४ ॥
 तेथ रिद्धीसिद्धीचीं अनेकें । वृंदें मिलतें प्रसंगें ।
 तिये पुष्पवर्षां आंगें । नाहांतसे तो ॥ ६५ ॥
 ऐसें ब्रह्मैक्या सारिखें । स्वराज्य यंतां जवलिके ।
 झलंबित आहे हरिखें । तीन्ही लोक ॥ ६६ ॥
 तेधवां वैरी कां मैत्रिया । तेयासि माझे ह्मणावेया ।
 सन्माना धनंजया । उरे चि ना ॥ ६७ ॥
 हें ना भलेतेणें व्याजें । जो जेयातें ह्मणे माझे ।
 तें नोडवे चि मां दूजें । अद्वितीयु जाला ॥ ६८ ॥
 पै आपुलिया ऐकी सत्ता । सर्वें कवळुनि पांडुसुता ।
 काहिं न लगती ममता । धाडिली तेणें ॥ ६९ ॥
 ऐसा जीतलेयां रिपुवर्गु । आपु मानलेयां हा जगु ।
 आपैसेया योगतुरंगु । थीरु जाला ॥ १०७० ॥
 वैराग्याचें गाढलें । आंगीं त्राण होंतें उभलें ।
 तें हिं नावेक ढिलें । केलें तेधवां ॥ ७१ ॥

आणि लोटी ध्यानाचें खाडें । तें दूजें नाहिं फुडें ।
 हणौनि हातु आखुडे । वृत्तिचा ही ॥ ७२ ॥
 जैसे रसांषध खरं । आपुलें काज करुनि पुरें ।
 आपण हिं उतरे । तैसें होंतें ॥ ७३ ॥
 देखौनि टाकिता ठावो । धांधंतां थिरावे पाउ ॥
 तैसा ब्रह्मसामीप्यें थावों । अभ्यासु सांडी ॥ ७४ ॥
 घडतां महोदधीसीं । गंगा वेगें सांडिजे जैसी ।
 कां कामिनी कंधा पासों । मंथर होए ॥ ७५ ॥
 नाना फलतिए वेले । केलिची वाढि मांडुले ।
 कां गावां पुढें वाले । मार्गु जैसा ॥ ७६ ॥
 तैसा आत्मसाक्षात्कारु । होइल देखों गोचरु ।
 ऐसा साधनहातियेरु । खलु चि ठेवी ॥ ७७ ॥
 हणौनि ब्रह्मेसिं तेया । ऐक्याचा समयो धनंजया ।
 होंतसे तें उपाया । उहटु पडिला ॥ ७८ ॥
 मग वैराग्याची गोधुलुक । जें ज्ञानअभ्यासाचें वार्द्धक ।
 योगफलाची ही परीपाक - । दशा जे कां ॥ ७९ ॥
 ते शांति पै गा सुभगा । संपूर्ण ये तेयाचिया आंगा ।
 तें ब्रह्म होआवेया जोगा । होये तो पुरुषु ॥ १०८० ॥
 पुनिबेहूनि चाउदसीं । जेतुलें उणेपण शशी ।
 कां सोलें पाहूनि जैसी । पन्हरावी वानी ॥ ८१ ॥
 सागरीं हीं पाणि वेगें । संचरे तें रूप गंगे ।
 येर निश्चल जें उगें । तें समुद्रु जैसा ॥ ८२ ॥
 ब्रह्म आणि ब्रह्महोंतिये । योग्यते तैसा पाडु आहे ।
 तें चि शांतिचेनि लहें । होतें तो गा ॥ ८३ ॥
 पै तें चि होणेन विण । प्रतीती आलें ब्रह्मपण ।
 ते ब्रह्म होती जाण । योग्यता एथ ॥ ८४ ॥

ब्रह्मभूतः प्रसन्नात्मा न शोचति न कांक्षति ॥

समः सर्वेषु भूतेषु मद्भक्तिं लभते परां ॥ ५४ ॥

ते ब्रह्मभावयोग्यता । पुरुषु मग तो पांडुसुता ।

आत्मबोधप्रसन्नता—। पदीं बैसे ॥ ८५ ॥

जेणें निफजे रससोर । तो तापु ही जें जाए ।

तैं ते कां'होए । प्रसन्न जैसी ॥ ८६ ॥

नाना भरतिया लगबगा । शरत्कालिं सांडिजे गंगा ।

कां गीत राहातां उपांगा । ॐहट्टु पडे ॥ ८७ ॥

तैसा आत्मबोधीं उद्यमु । करितां होये जो श्रमु ।

तो ही जेथ समु । होउनि जाए ॥ ८८ ॥

आत्मबोधप्रशस्ती । हे तिये दशेची क्षिति ।

ते भोगितसे महामती । योग्यु तो गा ॥ ८९ ॥

तेधवां अप्राप्तें शोचावें । काहिं कामावेया कामावें ।

हैं सरलें समभावें । भरतेया तेया ॥ १०९० ॥

उदया यंतां गभस्ती । नानानक्षत्रव्यक्ती ।

हारविजति दीप्ती । आंगिका जेवि ॥ ९१ ॥

तेवि उठितिया आत्मप्रथा । हे भूतभेदव्यवस्था ।

मोडितमोडितां पार्था । वास पाए तो ॥ ९२ ॥

पाटेया वरिलें आखरें । जैसिं प्रसतें यंति करें ।

तैसीं हरपति भेदांतरें । तेयाचिया दीठी ॥ ९३ ॥

ऐसेनि अन्यथाज्ञानें । जियें घेपति जागरस्वप्नें ।

तियें दोन्हीं केलीं लीनें । अव्यक्ता माक्षि ॥ ९४ ॥

मग तैं हिं अव्यक्त । बोधु वाढतां शिजत ।

पूर्णबोधीं समस्त । बुडौनि जाए ॥ ९५ ॥

नाना चालिचिया वाढी । वाट होंत थोडी ।

पातळां ठांइ बुडी । देउनि रिगे ॥ ९६ ॥

जैसी भोजनव्यापारी । क्षुधा जिरत अवधारी ।
 तृप्तिचां अवसरी । नाहिं होए ॥ ९७ ॥
 कां जागृति जवं उद्दीपे । तवं तवं नीद हारपे ।
 मग जागिनलेयां स्वरूपे । नसे चि गा ॥ ९८ ॥
 हें ना आपुलें पूर्णत्व भेटे । जेथ चंद्रासि वाढि कुंठे ।
 तेथ शुक्लपक्षु आटे । निशेषु जैसा ॥ ९९ ॥
 तैसें बोध्यजात गीलितु । बोध बोधें ये मज आंतु ।
 मिसळला तेथ सांघातु । अबोधु गेला ॥ १०० ॥
 तेधवां कल्पांतिचिये वेले । नदी सिंधुचे पेंडवले ।
 मोडौनि भरे जलें । आब्रह्म जैसें ॥ १ ॥
 नाना गेलेयां घटमठ । आकाश ठाके एकवट ।
 कां जलौनि काष्ठें काष्ठ । वन्ही चि होए ॥ २ ॥
 नातारि लेणेयांचे ठसे । आटौनि गेलेयां मूसे ।
 नामरूपभेदें तैसें । सांडिलें सोनें ॥ ३ ॥
 हें हीं असो चेड्ढेयां । तें स्वप्न नाहिं जालेयां ।
 आपण चि कां आपणेयां । उरिजे जैसें ॥ ४ ॥
 तैसा मी एकु वांचौनि काहिं । तेया तेया ही सकट नाहिं ।
 हे चौथी भक्ति पाहीं । माझी तो लाहे ॥ ५ ॥

भक्त्या मामभिजानाति यावान्यश्चास्मि तत्त्वतः ॥
 ततो मां तत्त्वतो ज्ञात्वा विशते तदनंतरं ॥ ५५ ॥
 येर आर्त्त जिज्ञासु अर्थी । हे भक्ति जिहीं पंथीं ।
 ते तीन्ही पावौनि चौथी । ह्मणत आहों ॥ ६ ॥
 यन्हविं तीजी नां चौथी । हे पहिली नां सरती ।
 पै माझी सहजस्थिति । भक्ति नावं ॥ ७ ॥
 जें नेणतें माझे प्रकाशूनि । अन्यथात्वें मातें दाउनि ।
 सर्व ही सर्वीं भजौनि । बुझावितसे ॥ ८ ॥

जो जेथ जैसे पाउं बैसे । तिया तेथ तैसें चि असे ।
 हें उजिवडें कां दीसे । अखंडें जेणें ॥ ९ ॥
 स्वप्निचें दीसणें न दिसणें । जैसें आपुलेनि असिलेपणें ।
 विश्वाचें आहे नाही जेणें । प्रकाशे जैसें ॥ १११० ॥
 ऐसा सहजु माझा । प्रकाशु जो कपिध्वजा ।
 तो भक्ति था उज्जा । बोलिजे गा ॥ ११ ॥
 ह्यणौनि आर्त्ताचां ठांड । हे आर्त्ति होउनि पाहीं ।
 अपेक्षणीय जें कांहिं । तें मीं केलं ॥ १२ ॥
 जिज्ञासु पुढां वीरेषा । हे चि होउनि जिज्ञासा ।
 मीं जिज्ञासु ऐसा । दाखविला ॥ १३ ॥
 हे चि होउनि अर्थना । मीं चि माझां अर्थी अर्जुना ।
 करुनि अर्थाभिधाना । आणीं मातें ॥ १४ ॥
 अथवा घेउनि अज्ञानातें । माझिया भक्ती जें हें वर्त्ते ।
 तें दावी मज द्रष्टेयातें । दृश्य करुनि ॥ १५ ॥
 एथ मुख चि दीसे मुखें । या ब्रोला कांहिं न चुके ।
 परि दूजेपण हें लटकें । आरिसा करी ॥ १६ ॥
 दीठी चंद्रू चि घे साचें । परि येतुलें हें तिमिराचें ।
 जें एक चि असे तेयाचें । दोनि दावी ॥ १७ ॥
 तैसें सर्वत्र मीं चि मियां । देखतसें भक्ती इया ।
 परि दृश्यत्व हें वायां । अज्ञानवसें ॥ १८ ॥
 तें अज्ञान आतां फीटलें । माझे दृष्टत्व मज भेटलें ।
 निजबिंबिं एकवटलें । प्रतिबिंब जैसें ॥ १९ ॥
 पै जेधवां इं असे कीडाल । तेधवां इं सोनें चि अढल ।
 परि तें गेलेयां केवल । उरे जैसें ॥ ११२० ॥
 हो कां पुनिवे आदिं कांहिं । चंद्रिं सांधा चि नाहिं ।
 परि तिये दीं भेटे पाहीं । पूर्णता तेयां ॥ २१ ॥

तैसा मी चि अज्ञानद्वारें । दीसें परि हस्तांतरें ।
 मग दृश्य तें सरे । मियां चि मीं लामें ॥ २२ ॥
 ह्यणौनि दृश्य पंथा । अतीतु माझा पार्था ।
 भक्तियोगु चौथा । ह्यणितला गा ॥ २३ ॥
 येया ज्ञानभक्ती सहज । भक्तु एकवटला मज ।
 तो मी चि केवल तुज । श्रुत ही आहे ॥ २४ ॥
 जें उभूनियां भुजा । ज्ञानियां आत्मा माझा ।
 हें बोलिलें कपिध्वजा । सप्तमाध्याइं ॥ २५ ॥
 ते हे कल्पादिभक्ति मियां । भागवतमीषे ब्रह्मेयां ।
 उत्तम ह्यणौनियां । उपदेशिली ॥ २६ ॥
 ज्ञानिये इयेतें स्वसंवित्ति । ह्यणति शैव शक्ति ।
 आह्मीं परमभक्ति । आपुली ह्यणों गा ॥ २७ ॥
 हे मज मिलतिये वेले । तेयां क्रमयोगियां फळे ।
 मग समस्त ही निखलें । मियां चि भरे ॥ २८ ॥
 तेथ वैराग्य विवेकेसीं । आटे बंधु मोक्षेसी ।
 वृत्ति तिया आवृत्तिसीं । बुडौनि जाए ॥ २९ ॥
 घेउनि ऐलपणातें । परत्व हारपे जेथें ।
 गीळ्नि च्याऱ्ही भूतें । आकाश जैसें ॥ ११३० ॥
 तेया परीं साध्य— । साधनातीत शुद्ध ।
 तें मीं होउनि एकवद । भोगी तो माझे ॥ ३१ ॥
 घडौनि सिंधुचेया आंगा । सिंधु वरि तल्पे गंगा ।
 तैसा पाडु तेया भोगा । अवधारिजो ॥ ३२ ॥
 कां आरिसेयासि आरिसा । उट्टुनि दाविला जैसा ।
 देखणां अतिसो तैसा । भोगणां तिये ॥ ३३ ॥
 चेइलेयां स्वप्न नासे । आपुलें ऐक्य चि दीसे ।
 तें दूजेन बिण जैसें । भोगिजे कां ॥ ३४ ॥

हें असो दर्पणु नेलेयां । तो मुखबोधु ही गेलेयां ।
 देखिलेपण एकलेयां । आस्वादिजे जेवि ॥ ३५ ॥
 तो चि जालेयां भोगु तेयाचा । न घडे हा भावो जेयांचा ।
 तें हि बोलें फिर बोलाचा । उच्चारु कीजे ॥ ३६ ॥
 तेयाचां नेणों गावीं । रवि प्रकाशे हान दिवी ।
 किं व्योमां लागि पडवी । उभिली तिहिं ॥ ३७ ॥
 हांगा राज्ञत्व नव्हतां आंगि । रावो आपण काइ भोगी ।
 किं आंधारु हान आलंगी । दिनकरातें ॥ ३८ ॥
 आणि आकाश जें नव्हे । तें आकाश काइ जाणावें ।
 रत्नाचां रूपिं मिरवे । गुंजांचें लेणें ॥ ३९ ॥
 ह्यणौनि भी होणें नाहिं । तेया मीं आहे कें हीं ।
 मग भजैठ हें काइ । बोलों फिर ॥ ११४० ॥
 यया लागि तो क्रमयोगी । मी जाला चि मातें भोगी ।
 तारुण्य कां तरुणांगी । जिया परीं ॥ ४१ ॥
 तरंगु सर्वांगिं तोय चुंबी । प्रभा सर्वत्र विलसे बिंबिं ।
 नाना अवकाशु नभीं । लुंठतु जैसा ॥ ४२ ॥
 तैसा रूप होउनि माझें । मातें क्रिया विण तो भजे ।
 घनाकारु कां साहाजें । सोनेयांतें जेवि ॥ ४३ ॥
 चंदनाचीं द्रुति जैसी । चंदनीं असे आपैसी ।
 कां एकत्र गर्भशशी । चंद्रिका ते ॥ ४४ ॥
 तैसी क्रिया फिर न साहे । तऱ्हीं अद्वैतीं भक्ति आहे ।
 हें अनुभवा जोगें नोहे । बोला ऐसें ॥ ४५ ॥
 तेधवां पूर्वसंस्कारसंदें । जें काहिं तो अनुवादे ।
 तेणें आलबिलेनि वो दें । बोलता मीं चि ॥ ४६ ॥
 बोलतेया बोलता चि भेटे । तेथ बोलिलें हें न घटे ।
 तें मौन तव गोमटें । स्तवन माझें ॥ ४७ ॥

ह्यगौनि तेया बोलतां । बोलीं बोलता मीं भेटतां ।
 मौन होये तेणें तत्वता । स्तवी तो मातें ॥ ४८ ॥
 तैसें चि बुद्धी कां दीठी । जें देखों जाये तो किरीटी ।
 तें देखणेयां दृश्य लोटी । देखतें चि दावी ॥ ४९ ॥
 आरिसेया आदीं जैसें । देखतें चि मुख दीसे ।
 तेया तें देखणें तैसें । मेलवीं द्रष्टें ॥ ११५० ॥
 दृश्य जाउनियां दृष्टें । द्रष्टेयासीं चि जें भेटे ।
 तें एकलेपण न घटे । द्रष्टेपण हि ॥ ५१ ॥
 तेथ स्वप्निचिया प्रिया । चेउनि झोंबों गेलेयां ।
 ठाडजे दोन्हीं होउनियां । आपण चि जैसें ॥ ५२ ॥
 कां दोन्ही काष्ठांचिया वृष्टी । माझि वन्हि जो एकु उठी ।
 तो दोनि हे भाष आटी । आपण चि होए ॥ ५३ ॥
 नाना प्रतिबिंब हाति । घेऊं गेलेयां गभस्ती ।
 बिंबता ही थिती । जाये जैसी ॥ ५४ ॥
 तैसा मीं होउनि देखतें । तो घेऊं जाये दृश्यातें ।
 तेथ दृश्य नेथिलें तें । दृष्टत्व ही ॥ ५५ ॥
 रवी आंधारु प्रकाशितां । नुरे चि जेवि प्रकाश्यता ।
 तेवि दृश्या नाहिं दृष्टता । मीं जालेयां ॥ ५६ ॥
 मग देखिजे कां नेदखिजे । ऐसीं जे दशा निफजे ।
 तें तें दर्शन माझे । साचोकारें ॥ ५७ ॥
 तें भलतेया किरीटी । पदार्थांचिया भेटी ।
 दृश्यादृश्यातीता दृष्टी । भोगी तो सदा ॥ ५८ ॥
 आणि आकाश हें आकाशें । दाटलें न ढले जैसें ।
 मियां आपणपेनि तैसें । जालें तेया ॥ ५९ ॥
 कल्पांति उदक उदकें । रुंधलेयां वाहो ठाके ।
 तैसें अस्मेनि मियां एकें । कोंदळा तो ॥ ११६० ॥

पा३७ आपणपेयां बलघे । केवि बन्हि आपणपेयां लागे ।
 आपणपेयां पाणी रिगे । गंगे स्नाना केवि ॥ ६१ ॥
 ह्यणौनि सर्व मी जालेपणें । ठेलें तेया एणें जाणें ।
 हें चि गा यात्रा करणें । अद्वया मज ॥ ६२ ॥
 पै जला वरिल्ल तरंगु । जन्हीं धांविनला सवेगु ।
 तन्हीं नाहिं भूमीभागु । क्रमिला जैसा ॥ ६३ ॥
 जें सांडावें कां ठेवावें । चालणें जें चालावें ।
 तें तो चि एक आघवें । ह्यणौनियां ॥ ६४ ॥
 गेल्यां भलेतेउता । उदकपणें पांडुसुता ।
 तरंगाची कां निश्चळता । न मोडे चि जेवि ॥ ६५ ॥
 तैसा मीपणें हालें ठेला । तो आघवेया चि मज आला ।
 इया यात्रा होये भला । कारडी माझा ॥ ६६ ॥
 आणि शरीरस्वभाववसें । काहिं एक करूं वैसे ।
 तारि मीं चि तेवि तेणें मीसें । नटें तेया ॥ ६७ ॥
 तेथ कर्म आणि कर्ता । हें जाउनियां पांडुसुता ।
 मी आत्मेनि मातें पांतां । मीं चि होयें ॥ ६८ ॥
 पै दर्पणातें दर्पणें । पाहिलेयां होये न पाणें ।
 सांनें झांकिलेयां सुवणें । न झंके जेवि ॥ ६९ ॥
 दीपातें दीपें प्रकाशिजे । तें न प्रकाशणें चि निफजे ।
 तैसें कर्म मियां कांजे । तें करणें कैचें ॥ ११७० ॥
 तें होत चि आहे । जें करावें भाष जाए ।
 ऐसें न करणें चि होए । तेयाचें केलें ॥ ७१ ॥
 क्रियाजात मियां जालेपणें । घडे काहिं चि न करणें ।
 तेया चि नावें पूजणें । खुणेचें माझें ॥ ७२ ॥
 ह्यणौनि कारितिया वोजा । न करणें कपिध्वजा ।
 निफजे तेया महापूजा । पूजि तो मातें ॥ ७३ ॥

यवं तो बौले तें स्तवन । तो देखे तें दर्शन ।
 अद्वया मज गमन । तो चाले तें चि ॥ ७४ ॥
 तो करी तेतुली पूजा । तो कल्पी तो जपु माझा ।
 तो असे ते चि कपिध्वजा । समाधि माझी ॥ ७५ ॥
 जैसें कनकौंसिं कांकणें । असेजे अनन्यपणें ।
 तो भक्तियोगें एणें । मासिं तैसा ॥ ७६ ॥
 किंबहुना तंतुसिं पट्टु । कां मृत्तिकेसीं घट्टु ।
 तैसा तो एकवट्टु । मजसिं माझा ॥ ७७ ॥
 उदकिं कळोल्लु । कापुरिं परिमल्लु ।
 रतिं उजाल्लु । अनन्यु जैसा ॥ ७८ ॥
 इया अनन्यभक्ती । इयें आघवीं चि दृश्य जातीं ।
 मज आपणपेयां सुमती । द्रष्टेयातें जाणें ॥ ७९ ॥
 तिहिं अवस्थांचेनि द्वारें । उपाधि उपहिताकारें ।
 भावाभावरूप स्फुरे । दृश्य जें हें ॥ ११८० ॥
 तें हें आघवें चि द्रष्टा । ऐसां बोधाचां माजिवठां ।
 अनुभवाचा सुभटा । ढेंढा तो नाचे ॥ ८१ ॥
 रज्जु जालेयां गोचरु । आभासता तो व्यालाकारु ।
 रज्जू चि ऐसा निर्धारु । होये जेवि ॥ ८२ ॥
 भांगारा परौतें काहीं । लेणें गुंज भारि ही नाहिं ।
 हें आट्टुनि पाई । कीजे जैसें ॥ ८३ ॥
 उदका एका परौतें । तरंग नाहिं चि हें निरुतें ।
 जाणौनि तेया आकारातें । नेघपे जेवि ॥ ८४ ॥
 कां स्वप्नविस्तारा समस्तां । चेउनियां उमाणें घेंतां ।
 आपणपेयां परौता । न दिसे जैसा ॥ ८५ ॥
 तैसी जे काहिं आधिनाधि— । पणें जे होये स्फूर्ति ।
 ते ज्ञाता चि मीं हे प्रतीति । होउनि तो भोगी ॥ ८६ ॥

जाणे अजु मीं अजर । अक्षय मीं अक्षर ।
 अपूरु मीं अपारु । आनंदु मीं ॥ ८७ ॥
 अचलु मीं अच्युतु । अनंतु मीं अद्वैतु ।
 आद्यु मीं अव्यक्तु । व्यक्तु ही मीं ॥ ८८ ॥
 ईशु मीं ईश्वरु । अनदि मीं अमरु ।
 अभय मीं आधारु । आधेय मीं ॥ ८९ ॥
 स्वामि मीं सदोदिनु । सहजु मीं सतंतु ।
 सर्व मीं सर्वगतु । सर्वातीतु मीं ॥ ११९० ॥
 नवा मीं पुराणु । शून्य मीं संपूर्णु ।
 अस्थूलु मीं अणणू । जें काहिं तें मीं ॥ ९१ ॥
 अक्रियु मीं एकु । असंगु मीं अशोकु ।
 व्याप्य मीं व्यापकु । पुरुषोत्तमु मीं ॥ ९२ ॥
 अशद्दु मीं अश्रोतु । अरूपु मीं अगोत्रु ।
 समु मीं स्वतंत्रु । ब्रह्म मीं पर ॥ ९३ ॥
 ऐसें आत्मत्वे एका माते । इया भक्ती जाणे विरुते ।
 आणि इया बोधा जाणणे तें । तें ही मीं चि जाणे ॥ ९४ ॥
 पैं चेइलेया नंतरें । आपलें एकपण उरे ।
 तें हीं तें वारि स्फुरे । तेयासि जैसें ॥ ९५ ॥
 कां प्रकाशतां अर्कु । तो चि होये प्रकाशकु ।
 तेया ही अभेदा द्योतकु । तो चि जैसा ॥ ९६ ॥
 तैसा वेद्याचां विलइं । केवल वेदकु उरे पाहीं ।
 तेणें जाणिवे तेया तो ही । हें इ जें जाणे ॥ ९७ ॥
 तेणें अद्वय आपणां आपलेया । जाणति ज्ञप्ति जे धनंजया ।
 ते ईश्वरु चि मीं तेया । बोधासि एं ॥ ९८ ॥
 मग अद्वैतातीत । मी चि आत्मा एकु निभ्रांत ।
 हें ज्ञाणौनि जाणणे जेथ । अनुभविं रिगे ॥ ९९ ॥

तेथ चेडलेयां एकपण । दीसे जें आपणेयां आपण ।
 तें हिं जातां नेणों कोण । होइज जेवि ॥ १२०० ॥
 कां डोला देतिये क्षणीं । सरूपपग सुवर्णी ।
 आटौनि होये आटणी । घनाकाराची ही ॥ १ ॥
 नाना लवण तोय होए । मग क्षारता तोयत्वे राहे ।
 तें किं जिरतां जें जाए । जालेपण तें ॥ २ ॥
 तैसा मीं तो हें जें असें । ते स्वानंदानुभवसें ।
 कालवौनि प्रवेशे । मज चि माझि ॥ ३ ॥
 आणि तो हे भाष तेथ जाए । तेथ मीं कोणासिं आहे ।
 ऐसा मीं नां तो तिये सामाए । माझां चि रूपीं ॥ ४ ॥
 जेधवां कापुरु जलों सरे । तेया चि नावं आगि पुरे ।
 मग उभयातीत उरे । आकाश जेवि ॥ ५ ॥
 कां गेलेयां एकाएकु । वाढे तो शून्यविशेखु ।
 तैसा आहेनाहींचा शोखु । मीं चि मग आधि ॥ ६ ॥
 तेथ ब्रह्म आत्मा ईशु । या बोला मोडे सौरसु ।
 न बोलणेयां हिं पैसु । नाहिं जेथ ॥ ७ ॥
 न बोलणें हिं न बोलौनि । तें बोलिजे तोंड भरुनि ।
 जाणिवे नेणिव नेणौनि । जाणिजे तो ॥ ८ ॥
 तेथ बोधिजे बोधु बोधें । आनंदु घेपे आनंदें ।
 सुख वरि नसुदें । सुख भोगिजे ॥ ९ ॥
 तेथ लाभु जोडला लाभा । प्रभा आलिंगिली प्रभा ।
 विस्मयो बुडाला उभा । विस्मया माझि ॥ १२१० ॥
 समु तो सामाविला । विश्रामु विश्रांती आला ।
 अनुभवु ही वेडावला । अनुभूतीपणें ॥ ११ ॥
 किंबहुना ऐसें निखल । मीपणें जोडे तेया एक फल ।
 सेउनि बेल्हाल । क्रमयोगाची ते ॥ १२ ॥

पैं क्रमयोगा किरीटी । चक्रवर्तिचां मुगुटीं ।
 मी चिद्रत्न ते साटोवाटी । होये तो माझा ॥ १३ ॥
 किं क्रमयोगप्रसादाचा । कलशु जो हा मोक्षाचा ।
 तेया वरिला आकाशाचा । उवाॐ जाला तो ॥ १४ ॥
 नाना संसारअडवीं । क्रमयोगु वाट बरवी ।
 जोडलियां 'मदैक्यगाविं । पैठा जाला ॥ १५ ॥
 ऐसा क्रमयोगु ॐघें । तेणें भक्तिचित्तगंगें ।
 मी स्वानंदोदधि वेगें । टाकिलां गा ॥ १६ ॥
 हा ठाॐ वेरीं सुवर्मा । क्रमयोगी आहे महिमा ।
 ह्यणौनि वेलोवेलं तुझां । सांघों तें आर्ह्यां ॥ १७ ॥
 पैं देशे काले पदार्थे । साधुनि घेइं मातें ।
 तैसा नव्हे मी आइतें । सर्वांचें सर्व ॥ १८ ॥
 एकु शिष्यु एकु गुरु । हा रूढला साचु वेव्हारु ।
 तो मत्प्राप्तिप्रकारु । जाणावेया ॥ १९ ॥
 ह्यणौनि माझां ठांइं । जचावें न लगे काहिं ।
 मी लाभें ये उपाइं । जचिजे चि गा ॥ २० ॥
 अगा वसुधेचां पोटीं । निधान सिद्ध किरीटी ।
 वन्हि सिद्धु काष्टीं । वोहां दूध ॥ २१ ॥
 परि लाभे तें असतें । तेया कीजे उपायातें ।
 एर सिद्ध तैसा येथें । उपायें मीं ॥ २२ ॥
 हा फल ही वरि उपाॐ । कां प्रस्तावितसे देवो ।
 हें पूसा तरि अभिप्राॐ । एथिचा ऐसा ॥ २३ ॥
 जें गीतार्थांचें चांगावें । मोक्षउपाय परि आघवें ।
 आणि शास्त्रउपाय किं न्हवे । प्रमाणसिद्धी ॥ २४ ॥
 वारा अमाल चि फेडी । वांचौनि सूर्यातें न घडी ।
 कां हातु बाबुली धाडी । तोय न करी ॥ २५ ॥

तैसा आत्मदर्शनीं आडलु । असे जो अविद्येचा मलु ।
 तो शास्त्र नासी एरु निर्मलु । प्रकाशें स्वयें ॥ २६ ॥
 ह्यगौनि आघवीं चि शास्त्रें । अविद्याविनाशिचीं पात्रें ।
 वांचौनि नव्हंति स्वतंत्रें । आत्मबोधीं ॥ २७ ॥
 तेया आत्मबोधा शास्त्रांसि । जैं साचपणांचीये पूसि ।
 तें एइजे जेया ठायासि । ते हे गीता ॥ २८ ॥
 भानुभूषिता प्राचिया । येरी सतेजा दिशा आवविया ।
 तैसी असे सर्वा गीता येया । सनार्थें शास्त्रें ॥ २९ ॥
 हें असो एणें शास्त्रेश्वरें । मागां उपावो बहुवें विस्तारें ।
 सांधितला असे जो निकरें । घेऊं ये आत्मा ॥ १२३० ॥
 पारि प्रथमा श्रवणा सवें । अर्जुना विषायें फावे ।
 हा भाऊ सकणवे । धरुनि श्रीहरी ॥ ३१ ॥
 तें चि प्रमेय येकोल । शिष्यें होआवें अढल ।
 सांधिजतसे मुकुल—। मुद्रा आतां ॥ ३२ ॥
 आणि प्रसंगें गीता । हा ठावो ही संपता ।
 ह्यगौनि दावी आद्यता । एकार्थत्वे ॥ ३३ ॥
 जें ग्रंथाचां मध्यभागीं । नाना अधिकारप्रसंगीं ।
 निरूपण अनेगीं । सिद्धांतीं केलें ॥ ३४ ॥
 तारि तेतुले ही सिद्धांत । इये शास्त्रीं प्रस्तुत ।
 हें पूर्वापर नेणत । कोण्ही जैं मानीनां ॥ ३५ ॥
 तें महासिद्धांचा एवाका । सिद्धांतकक्षा अनेका ।
 भिद्दुनि आरंभें देखां । संपवितसें ॥ ३६ ॥
 एथ अविद्यानाशु हें स्थल । तेणें मोक्षोपादान फल ।
 येयां दोहीं केवल । साधन ज्ञान ॥ ३७ ॥
 हें एतुलें चि नाना परीं । निरोपिलें ग्रंथविस्तारीं ।
 तें आतां दों आखरीं । अनुवादावें ॥ ३८ ॥

हणौनि उपेय ही हातीं । जालेयां उपायस्थिति ।
दे३० प्रवर्तले पुडुती । एणें चि भावें ॥ ३९ ॥

सर्वकर्माण्यपि सदा कुर्वाणो मध्यपाश्रयः
मत्प्रसादादवाप्नोति शाश्वतं पदमव्ययं ॥ ५६ ॥

मग हणे गा सूभटा । तो क्रमयोगि इया निष्ठा ।
मी होउनि होये पैठा । माझां. रूपां ॥ १२४० ॥
स्वकर्माचां लाखौलीं । मज पूजा करुनि भली ।
तेणें प्रसादें आकली । ज्ञाननिष्ठेतें ॥ ४१ ॥
ते निष्ठा जेथ हातवसे । तेथ भक्ति माझी उल्हासे ।
तेया मजसां समरसें । सुखिया होए ॥ ४२ ॥
आणि विश्वप्रकाशितेया । आत्मेयां मज आपुलेया ।
अनुसरे जो मज करुनिया । सर्वत्रताहं ॥ ४३ ॥
सांझुनि आपुला आडलु । लवण आश्राये जलु ।
कां हींढों राहे निश्चलु । वायु व्योमीं ॥ ४४ ॥
तैसा बुद्धी वाचा कायें । जो मातें आश्राउनि ठाए ।
तो निषिद्धें हीं विपायें । कर्म करू ॥ ४५ ॥
पारि गंगेचां संबंधीं । बीदी आणि महानदी ।
ऐक्य तेवि माझां बोधीं । शुभाशुभांसि ॥ ४६ ॥
कां बावनेयां आणि घूरें । हा निवाडु तवं चि सरे ।
जवं नेघपति वैश्वानरें । कवलूनि दोन्हीं ॥ ४७ ॥
नाना पांचिकें आणि सोळें । हें सोनेयां तवं चि आळें ।
जवं परिसु आंगमेलें । एकवटी नां ॥ ४८ ॥
तेवि शुभाशुभें ऐसें । हें तवं चि वेन्हीं आभासे ।
जवं एकु न प्रकाशे । सर्वत्र मी ॥ ४९ ॥
आगा रात्रि आणि दीवो । हा तवं चि द्वैतभा३ ।
जवं न रिगिजे गा३ । गभस्तीचा ॥ ५० ॥

ह्यणौनि माक्षिया भेटी । तेयाचीं सर्व कर्म किरीटी ।
जाउनि बैसे तो पाटीं । सायुज्याचां ॥ ५१ ॥
देशें कालें स्वभावे । वेचु जेया न संभवे ।
तें पद माझे पावे । अविनाश तें ॥ ५२ ॥

चेतसा सर्वकर्माणि मयि संन्यस्य मत्परः ॥

बुद्धियोगमुपाश्रित्य मच्चित्तः सततं भव ॥ ५७ ॥

किंबहुना पांडुसुता । मज आत्मेयाची प्रसन्नता ।
टाहे तेणें न पविजता । लाभु कवणु असे ॥ ५३ ॥
या कारणें गा तुयां । सर्वकर्मा आपुलेयां ।
माझां रूपिं धनंजया । संन्यासु कीजे ॥ ५४ ॥
परि तो चि संन्यासु वीरा । करणीयेचा ज्ञनें करा ।
आत्मविवेकीं धरा । चित्तवृत्ति हे ॥ ५५ ॥
मग तेणें विवेकबलें । आपणपें कर्मा वेगलें ।
माझां स्वरूपीं निर्मले । देखिजैल ॥ ५६ ॥
आणि कर्माची जन्म भोए । ये प्रकृती जे काहीं आहे ।
ते आपणेयांहूनि बहुवे । देखसी दुरि ॥ ५७ ॥
तेथ प्रकृति आपणयां । वेगली नुरे धनंजया ।
रूपें विण छाया । जिया परीं ॥ ५८ ॥
ऐसेनि प्रकृतीनाशु । जालेयां कर्मसंन्यासु ।
निफजैल अनायासु । सकारणु ॥ ५९ ॥
मग कर्मजात गेलेयां । आत्मा मी उरें आपणपेयां ।
बुद्धि घापे करूनियां । पतिव्रता ॥ १२६० ॥
बुद्धी अनन्य एणें योगें । मज माझि जें रिगे ।
तें चित्त चैत्यलागें । मातें चि भजे ॥ ६१ ॥
ऐसें चइत्य जातें सांडिलें । चित्त माझां ठांडें जडलें ।
अके वैसें वहिलें । सर्वदा करी ॥ ६२ ॥

मश्चित्तः सर्वकर्माणि मत्प्रसादात्तरिष्यसि ।
अथ चेत्त्वमहंकारान्न श्रोष्यसि विनश्यसि ॥ ५८ ॥

मग अभिन्ना इया सेवा । चित्त मियां चि भरे जेधवां ।
माझा प्रसादु जाण तेधवां । संपूर्ण जाला ॥ ६३ ॥
तेथ सकलदुःखधामे । भुंजिजति जियें मृत्युजन्में ।
तियें दुर्गमें चि सुगमें । होंती तुज ॥ ६४ ॥
सूर्याचेनि सावायें । डोला सावाइला होए ।
तैं आंधाराचा आहे । पाडु तेया ६५ ॥
तैसा माझेनि प्रसादें । जीवकणु जेयाचा मर्दें ।
तो संसाराचेनि बंधें । बांधला केवि ॥ ६६ ॥
ह्यणौनि धनंजया । संसारदुर्गती इया ।
तरसील माझिया । प्रसादा तंव ॥ ६७ ॥
अथवा हान अहंभावे । माझे बोलणें हें आववें ।
कानामनाचिये सीवे । नेदीसि टेंकों ॥ ६८ ॥
जेया देहसंबंधा आंतु । प्रतिपदीं आत्मघातु ।
भुंजतां उसंतु । कहीं चि नाहिं ॥ ६९ ॥

यदहंकारमाश्रित्य न योत्स्य इति मन्यसे ॥
मिथ्यैष व्यवसायस्ते प्रकृतिस्त्वां नियोक्ष्यति ॥ ५९ ॥

येवडेनि दारुणें । निमणें न निमणें ।
पडैल जारि बोलणें । न घेसी माझे ॥ १२७० ॥
पथ्यद्वेषिया पोसी ज्वरु । कां दीपद्वेषिया आंधारु ।
विवेकद्वेषें अहंकारु । पोसुनि तैसा ॥ ७१ ॥
स्वदेहा नावं अर्जुनु । परदेहा नावं स्वजनु ।
संग्रामा नावं मलिनु । पापाचारु ॥ ७२ ॥
ये मती आपुलेया । तीघां तीनि नावें इयां ।
ठेउनि धनंजया । न जुझे ह्यणसी ॥ ७३ ॥

जीवा माक्षि निष्टं कु । करीसि जो अत्यंतिकु ।
तो वायां धाडी वेलु नैसर्गिकु । स्वभाॐ तूज्ञा ॥ ७४ ॥
आणि मीं अर्जुनु हें आत्मक । इयां वधु करणें हें पातक ।
हें माया वांचौनि तात्विक । काहिं आहे ॥ ७५ ॥
आदिं तूंतें जूझ होआवें । मग जूझा शस्त्र घेयावें ।
कां न जुझवेया करावें । देवांगण ॥ ७६ ॥
ह्यणौनि न जूझणें । ह्यणसां तें वायाणें ।
ना मानूं लोकपणें । लोक दृष्टिसि इहिं ॥ ७७ ॥
तहिं न जुझें ऐसें । निष्टंकीसि जें मानसें ।
ते प्रकृति अनारिसें । करिल चि ॥ ७८ ॥
पैं पूर्वे वाहांत पाणी । पविहजे पश्चिमिली वाहाणी ।
तरि आप्रहो चि उरे तें आणी । आपुलिया लेखा ॥ ७९ ॥
कां सालिचा कणु ह्यणे । मीं नुगवें सालिणें ।
तन्हीं आन न करणें । स्वभावासि ॥ १२८० ॥
तैसा क्षत्रिया संस्कारसिद्धा । प्रकृती वडिलासि प्रबुद्धा ।
आतां नुठिं ह्यणसि हा धांधा । उटिविज्जसी चि ॥ ८१ ॥
शौर्य तेज दक्ष्यता । एवमादिक पांडुसुता ।
गुण दीधले नियता । प्रकृति तुज ॥ ८२ ॥

स्वभाजेन कौंतेय निबद्धः स्वेन कर्मणा ॥

कर्तुं नेच्छसि यन्मोहात्करिष्यस्यवशोपि तत् ॥ ६० ॥

तरि तेधाचेया समत्राया । आन रूप धनंजया ।
न करितां उगलेयां । न येईल ऐसें ॥ ८३ ॥
ह्यणौनि तिहिं गुणिं । बांघलासि तूं कोदंडपाणी ।
त्रिशुद्धी निगर्सा वाहाणी । क्षात्राचिया ॥ ८४ ॥
नां हें आपुलें जन्ममूल । न विचारीसि तूं केवल ।
न जुझें ऐसें अढळ । व्रत जरी घेसी ॥ ८५ ॥

तरि बांधौनि हातपाए । जो रथीं घातला आये ।
तो न चले तन्हीं जाये । दिगंता जेवि ॥ ८६ ॥
तेसा तूं आपुलिया कडौनि । मीं काहिं चि न करिं हणौनि
ठांसी परि भरवसेनि । तें चि करीसी ॥ ८७ ॥

ईश्वरः सर्वभूतानां हृद्देशेऽर्जुन तिष्ठति ॥

भ्रामयन्सर्वभूतानि यंत्रारूढानि मायया ॥ ६१ ॥

हांगा रोगु काइ रोगिया । आवडे दरिद्र दरिद्रिया ।
परि भोगत्रिजे बलिया । अदृष्टें जेणें ॥ ८८ ॥
तें अदृष्ट अनारिसें । न करील ईश्वरवसें ।
तो ईश्वरु ही असे । जवलिके चि ॥ ८९ ॥
सर्वभूतांचां अंतरीं । हृदयमहाअंबरीं ।
चिद्वृत्तिचां सहस्रकरीं । उदैला असे जो ॥ १२९० ॥
अवस्थात्रया तीन्हीं लोक । नव्हे प्रकाशूनि अशेष ।
अन्यथादृष्टी पथीक । चेवविले ॥ ९१ ॥
वेद्योदकाचां सरोवरीं । फांकति विषयकल्हारीं ।
इंद्रियषट्पदाचारी । जीवभवरांतें ॥ ९२ ॥
असो रूपक हें तो ईश्वरु । सकल भूतांचा अहंकारु ।
पांगुरौनि निरंतरु । उल्हासतसे ॥ ९३ ॥
स्वमायेचें आडवस्त्र । लेउनि एकला खेलवी सूत्र ।
बाहिरि नटि छायाचित्र । चौरासी लक्ष ॥ ९४ ॥
तेया ब्रह्मादिकीटांतां । अशेषां हिं भूतजातां ।
देहाकारें योग्यता । पाउनि दावी ॥ ९५ ॥
तेथ हें देह तेयां पुढें । अनुरूपपणें मांडे ।
तें भूत तिये आरूढे । हें मीं हणौनिं ॥ ९६ ॥
सूत सूतें गुंतलें । तृण तृणें बांधलें ।
कां आत्मबिंब घातलें । बालकें जलीं ॥ ९७ ॥

तेया परीं देहाकारें । आपणपें चि दुसरें ।
 देखौनि जीउ आविष्करे । आत्मबुद्धी ॥ ९८ ॥
 ऐसें शरीराकारिं । यंत्रीं भूतें अवधारीं ।
 वाउनि हालवीं दोरी । प्राचीनांची ॥ ९९ ॥
 तेथ जेया जें कर्मसूत्र । मांडूनि ठेविलें स्वतंत्र ।
 तें तिये गती पात्र । हों चि लागे ॥ १३०७ ॥
 किंबहुना धनुर्द्धरा । भूतांतें स्वर्गसंसारा ।
 माजि भवंडी तृणें वारा । आकाशीं जैसा ॥ १ ॥
 भ्रामकाचेनि संगें । जैसें लोह चि वेढां रिगे ।
 तैसीं ईश्वरसत्तायोगें । चेष्टती भूतें ॥ २ ॥
 जैसें चष्टा आपुलालिया । समुद्रादिकु धनंजया ।
 चेष्टति चंद्राचिया । संनिधीं एकी ॥ ३ ॥
 तेयां सिंधू भरितें दाटे । सोमकांता पाझरु फूटे ।
 कुमुदचकोरां फीटे । संकोचु तो ॥ ४ ॥
 तैसीं बीजप्रकृतिवसें । अनेकें भूतें एकें ईसें ।
 चेष्टविजे तो असे । तूझां हृदइं ॥ ५ ॥
 अर्जुनपण नेघतां । मी ऐसें पांडुमुता ।
 उठितसे तें तत्वता । तेयाचें रूप ॥ ६ ॥
 यया लागि तो प्रकृतितें । प्रवर्तवील हें निरुतें ।
 आणि तें जूझवील तूतें । न जुझसि तज्हीं ॥ ७ ॥

तमेव शरणं गच्छ सर्वभावेन भारत ।

तत्प्रसादात्परां शान्तिं स्थानं प्राप्स्यसि शाश्वतं ॥ ६३ ॥

ह्यगौनि ईश्वरु गोसांविं । तेणें प्रकृति हे नियमावी ।
 तिया सुखें राहाटवाविं । इंद्रियें आपुलीं ॥ ८ ॥
 तूं करणें न करणें दोन्हीं । लाउनि प्रकृतिचां मानीं ।
 प्रकृति ही कां आधीनि । हृदयस्था जेया ॥ ९ ॥

तेया अहं वाचा आंग । देउनि शरण रीग ।
 महोदधी कां गांग । रिगालें जैसें ॥ १३१० ॥
 मग तेयाचेनि प्रसादें । सर्वोपशांतिप्रमदे ।
 कांतु होउनि स्वानंदें । स्वरूपि रमसी ॥ ११ ॥
 संभूति जेणें संभवे । विश्रांति जंथ विसंवे ।
 अनुभूतीं अनुभवे । अनुभउ जेया ॥ १२ ॥
 तिये निजात्मदिवा रा३० । होउनि टांसी अव्ययो ।
 ह्मणे लक्ष्मीयेचा नाहो । पार्था तूं गा ॥ १३ ॥

इति ते ज्ञानमाख्यातं गुह्याद्गुह्यतरं मया ।
 विमृश्यैतदशेषेण यथेच्छासं तथा कुरु ॥ ६३ ॥

हे गीता नावं विख्यात । सर्ववाच्याचें मथित ।
 आत्मा जेणें हस्तगत । रत्न होण ॥ १४ ॥
 ज्ञानी ऐसिया रूढी । वेदांति जेयाची प्रांढि ।
 वानितां कीर्त्ति चोखडी । पातळी जर्गी ॥ १५ ॥
 बुध्यादिर्के डोलसें । हे जेयाचे कां कडवसे ।
 मी सर्वद्रिष्टी ही दीसें । पाहों जिया ॥ १६ ॥
 तें हें गा आत्मज्ञान । मज गोप्याचें हि गुपित धन ।
 परि तूं ह्मणौनि आन । केवि करूं ॥ १७ ॥
 येया कारणें गा पांडवा । आह्नि आपुला हा ठेवा ।
 तुज दीधला कणवा । जाकलिलेपणें ॥ १८ ॥
 परि भूळली बोरसें । माये बोले वालका दोसें ।
 प्रीति ही परि तैसें । न करूं चि हो ॥ १९ ॥
 एथ आकाश आणि गालिजे । अमृता ही झारि फेडिजे ।
 कां दिव्या करविजे । दिव्य जैसें ॥ १३२० ॥
 जेयाचेनि अंगप्रकाशें । पाताळिचा परिमाणु दीसे ।
 तेया सूर्या ही कां जैसें । अंजन सूदळें ॥ २१ ॥

तैसैं सर्वज्ञें ही मियां । सर्व ही निर्द्धारुनियां ।
 नीकें होये तें धनंजया । सांघितलें तुज ॥ २२ ॥
 आतां तूं यया वरी । नीकें हें निर्द्धारिं ।
 मग निर्द्धारुनि करीं । आवडे जैसें ॥ २३ ॥
 येया देवाचेया बोला ! अर्जुनु उगा चि ठेला ।
 तेथ दे० हणणे भला । अवंचकु होंसी ॥ २४ ॥
 वाढितेया पुढां भूकैलां । उपरोधें हणणे धालां ।
 तैं तो चि पीडे आपुला । दोखु ही तेया ॥ २५ ॥
 तैसा सर्वज्ञ श्रीगुरु । भेटलेयां आत्मनिर्द्धारु ।
 न पुसे जैसा भारु । धरुनियां ॥ २६ ॥
 तैं आपण चि वंचे । आणि पाप ही तेया वंचनाचें ।
 आपणेयां चि तें साचें । चुकविलें तुवां ॥ २७ ॥
 पै उगेपणां तूझेया । अभिप्रा० हा चि धनंजया ।
 जें एकोल एक वंकौनियां । सांघावें ज्ञान ॥ २८ ॥
 एथ पार्थु हणणे दातारा । भलें जाणसि माझेया अंतरा ।
 हें हणों तरि दुसरा । जाणता असे काइ ॥ २९ ॥
 परि ज्ञेय जी हें आघवें । तूं ज्ञाता एकू चि स्वभावें ।
 मा सूर्यो हणौनि वानावें । सूर्यातें काइ ॥ १३३० ॥
 यया बोला श्रीकृष्णें । हणितलें काइ एणें ।
 हें चि थोडें गा वानणें । जें बुझतासि तूं ॥ ३१ ॥

सर्वगुह्यतमं भूयः शृणु मे परमं वचः ।

इष्टोऽसि मे दृढमिति ततो वक्ष्यामि ते हितं ॥ ६५ ॥

तरि अवधान प्रबल । करुनि एकोल ।
 वाक्य माझें निर्मल । अवधारि पां ॥ ३२ ॥
 हें वाच्य हणौनि बोलिजे । कां अवागमें आइकिजे ।
 तैसैं नव्हे परि तूझें । भाग्य बरवें ॥ ३३ ॥

कूर्मिचेया पीलिया । दृष्टि पान्हा ये धनंजया ।
 आकाश वाहे बापैया । घरिचें पाणी ॥ ३४ ॥
 जो व्यवहार ही जेथे न घडे । तेयातें फल चि तेथ जोडे
 काइ दैव न संपडे । सानुकूलें ॥ ३५ ॥
 यन्हविं द्वैताची वारि । सारूनि ऐक्याचां परिवरीं ।
 भोगिजे तें अवधारीं । रहस्य हें । ३६ ॥
 आणिं निरूपचारा प्रेमा । विषो होये जें वीरोत्तमा ।
 तें दूजें नोहे किं आत्मा । ऐसें चि जाणावें ॥ ३७ ॥
 आरिसेयाचें देखिलेयां । गोमटें कीजे धनंजया ।
 तें तेया नव्हे आपणेयां । लागि जैसें ॥ ३८ ॥
 तैसें पार्था तूझेनि मिसें । मी वोलें आपणपेया चि दोसें ।
 माझां तूझां ठांडं असे । मीतूपण गा ॥ ३९ ॥
 ह्यणौनि जिव्हारिचें गुज । सांघतसें जीवितासी चि तुज ।
 अनन्यगतिकें मज । आथि व्यसन ॥ १३४० ॥
 पैं जळा आपणपेया देतां । लवण भूलळें पांडुमुता ।
 किं आघवें तेयाचें होतां । न लजे चि तें ॥ ४१ ॥
 तैसा तूं माझां ठांडं । राखों नेणसी चि काहिं ।
 तरि आतां तुज मी काई । गोप्य करीं ॥ ४२ ॥
 ह्यणौनि आघवीं चि गुढें । जें पाउनि अति उघडें ।
 तें गोप्य माझे चोखडें । वाक्य आइक ॥ ४३ ॥

मन्मना भव मद्भक्तो मद्याजी मां नमस्कुरु ॥

मामेवैष्यसि सत्यं ते प्रतिजाने प्रियोसि मे ॥ ६५ ॥

तरि बाह्यांतरा । आपुलेया सर्वव्यापारां ।
 मज व्यापकातें वीरा । विषो करीं ॥ ४४ ॥
 आघवां आंगिं जैसा । वायु मिलौनि आकाशा ।
 तूं सर्वकारिं तैसा । मासीं चि अस ॥ ४५ ॥

किंबहुना आपुले मन । करीं माझे एकायतन ।
 माझेनि श्रवणें कान । भरुनि घालीं ॥ ४६ ॥
 आत्मज्ञानें चोखडीं । संत जे माझिं रूपडीं ।
 तेथ दृष्टि पडो आवडी । कामिनी जैसी ॥ ४७ ॥
 मज सर्ववसतिचें वसैठें । माझिं नामें जियें चोखटें ।
 तें जिव्हा येयावेया वाटे । वाचेचिये लावीं ॥ ४८ ॥
 हातांचें करणें । पायांचें चालणें ।
 तें होये मज कारणें । ऐसें करीं ॥ ४९ ॥
 आपुलां अथवां परावां । ठांडें उपकरिसि पांडवा ।
 तेंणें यज्ञें होये बरवा । याज्ञिकु माझा ॥ १३५० ॥
 हें येकैक सिकडं काई । पैं सेवकें आपुलां ठांडें ।
 उरौनि एर सर्व ही । मी सेव्यु चि करीं ॥ ५१ ॥
 तेथ जाउनि भूतद्वेषु । सर्वत्र नमर्वन मीं चि एकु ।
 ऐसेनि आश्रयो अत्यंतिकु । लहांसील तूं माझा ॥ ५२ ॥
 मग भरलेया जगा आंतु । जाउनि तिजेयाची मातु ।
 होउनि टाईल एकांतु । आहां तुहां ॥ ५३ ॥
 तेधवां भलेतिये अवस्थे । मीं तूतें तूं मातें ।
 भोगीसि ऐसें ऐक्य तें । वाढैल मुख ॥ ५४ ॥
 आणि तीजे आडलु करितें । निमालें अर्जुना जेथें ।
 तें मीं तूं चि ह्मणौनि मातें । पावसि सेखीं ॥ ५५ ॥
 जलिची प्रतिभा । जलनाशीं विवा ।
 यंतां गाभागोभा । कांहीं असो ॥ ५६ ॥
 पैं पवनु अंबरा । कां कळोलु सागरा ।
 मीलतां आडवारा । कोणाचा गा ॥ ५७ ॥
 ह्मणौनि तूं आणि आहीं । हें दीसतसे देहधर्मी ।
 मग याचा विरामी । मी चि होंसी ॥ ५८ ॥

एया बोला माझारि । होये नव्हे हें ज्ञनें करीं ।
 एथ आन आधि तारि । तूझी आण ॥ ५९ ॥
 पै तूझी आण वाणें । हें आत्मलिंगातें सिवणें ।
 प्रीतिची जाति लाजणें । आठवों नेदी ॥ १३६० ॥
 यन्हविं वेदुनि प्रपंचु । जेणें विश्वाभासु हा साचु ।
 आज्ञेचा नडनाचु । कालातें जिणें ॥ ६१ ॥
 तो दे३० मी सत्यसंकल्पु । आणि जगाचा ही बापु ।
 मा आणेचा आक्षेपु । कां करावा ॥ ६२ ॥
 पै अर्जुना तूझेनि वेधें । मियां देवपणाचि बिरदें ।
 सांडिलीं गा मी हें आधें । सगलें तुवां ॥ ६३ ॥
 पै काजा आपुलिया । रावो आपुली आपणेयां ।
 आण वाये धनंजया । तैसें हें चिं ॥ ६४ ॥
 येथ अर्जुनु ह्मणे देवें । अचाट हें न बोलावें ।
 जी आमचें काज नावें । तूझेनि होये ॥ ६५ ॥
 यया वारि सांघों बैसर्सा । कां सांघतां भाप हीं देंसी ।
 यया तूझेया धिनोदासि । पार असे जी ॥ ६६ ॥
 कमलवनिं विकाशु । करी रवीचा एकु अंशु ।
 किं तेथ आववा चि प्रकाशु । नीच देंतो ॥ ६७ ॥
 पृथिवी निर्वांनि सागर । भारिजति एवडं थोर ।
 वरिपे तेथ मिषांतर । चातकु कीजे ॥ ६८ ॥
 ह्मणांनि औदार्या तूझेया । मज निमित्त ना ह्मणावेया ।
 प्राप्ति असे दानिराया । कृपानिधी ॥ ६९ ॥
 तव दे३० ह्मणति राहें । यया बोलाचा प्रस्ता३० नोहे ।
 पै मातें पावसी उपायें । साच चि एणें ॥ १३७० ॥
 संधव सिंधू पडिलेयां । जो क्षणु एकु धनंजया ।
 तेणें विरे चि किं उरावेया । कारण कवण ॥ ७१ ॥

तैसैं सर्वत्र मातें भजतां । सर्व मी होतां जातां ।
 शेष जाउनि तत्वता । मी चि होंसि ॥ ७२ ॥
 एवं माझी प्राप्ति वेन्हीं । कर्मा लागौनि अवधारिं ।
 दाविली तुज उजिरी । उपायाची ॥ ७३ ॥
 जें आधि तवं पांडुसुता । सर्व कर्म मज अर्पितां ।
 सर्वत्र प्रसन्नता । लाहिजे माझी ॥ ७४ ॥
 पाठिं माझां तिये प्रसादीं । माझे ज्ञान जाये सिद्धी ।
 तेणें मिसलिजे त्रिशुद्धी । स्वरूपिं माझां ॥ ७५ ॥
 मग पार्था तिये ठांइ । साध्यसाधना होये नाहिं ।
 किंबहुना तुज काहिं । उरे चि ना ॥ ७६ ॥
 तरि सर्व कर्म आपुलीं । तुवां मज अर्पिलीं ।
 तेणें प्रसन्नता लावली । आजि हे माझी ॥ ७७ ॥
 ह्मणौनि एणें प्रसादत्रलें । नोहे जूझाचेनि आडलें ।
 न ठकें चि एकें वेलें । भाललां तुज ॥ ७८ ॥
 जें सप्रपंच अज्ञान जाये । जेणें एकु मी गोचर होयें ।
 तें उपपत्तिचेनि उवायें । गीतारूप हें ॥ ७९ ॥
 मियां ज्ञान तुज आपुलें । नाना परिं उपदेशिलें ।
 एणें अज्ञान सांडी विआलें । धर्माधर्म जें ॥ १३८० ॥

सर्वधर्मान्परित्यज्य मामेकं शरणं ब्रज ॥

अहं त्वां सर्वपापेभ्यो मोक्षयिष्यामि मा शुच ॥ ६६ ॥

आशा जैसी दुःखातें । व्याली निंदा दुरितें ।
 हें असो जैसैं दैन्यातें । दुर्भरत्व ॥ ८१ ॥
 तैसैं स्वर्गनरकसूचक । अज्ञान वियालें धर्मादिक ।
 तें सांडूनि घालीं अशेख । ज्ञानें एणें ॥ ८२ ॥
 हातिं घेउनि तो दोरु । सांडिजे जैसा सर्पाकारु ।
 कां निद्रात्यागें घराचारु । स्वप्निचा जैसा ॥ ८३ ॥

नाना सांडिलेनि कवलें । चंद्राचें लोपे पीवलें ।
 व्याधित्यार्गे कडुवाले— । पण मुखाचें ॥ ८४ ॥
 आगा दिवसा पाठि देउनि । मृगजल घापे त्यजूनि ।
 कां काष्ठत्यार्गे वन्हि । त्याजिजे जैसा ॥ ८५ ॥
 तैसें धर्माअधर्माचें टवाल । दार्या अज्ञाना कां जें मूल ।
 तें त्यजूनि त्यर्जी सकल । धर्मजात ॥ ८६ ॥
 मग अज्ञान निमालेयां । मी चि एकु असें आपैसेया ।
 सनिद्र स्वप्न गेलेयां । आपणपें जैसें ॥ ८७ ॥
 तैसा एकु मी वांचौनि काहिं । मग भिन्नाभिन्न आन नाहिं ।
 स्वयंबोधें तेयाचा ठाई । अनन्यु होयें ॥ ८८ ॥
 पें आपुलेनि भेदें विण । माझे जाणिजे एकपण ।
 त्या चि नावें शरण । मज एणें गा ॥ ८९ ॥
 ह्यणैनि घटाचेनि नासें । गगन चि गगनीं असे ।
 मज शरण एणें तैसें । ऐक्यें करीं ॥ १३९० ॥
 मुवर्णमणि सोनेयां । ए कळोळु जैसा पाणियां ।
 तैसा मज धनंजया । ए शरण तूं ॥ ९१ ॥
 वांचौनि सागराचां पोटीं । वडवानल शरण किरीटी ।
 जालों न टाके तिया गोठीं । जाली देख पां ॥ ९२ ॥
 मज शरण रिगिजे । आणि जावत्यें असिजे ।
 धिर्गा बोलिया या न लजे । प्रज्ञा केवि ॥ ९३ ॥
 आगा प्राकृतां ही राया । आंगि पडे जें धनंजया ।
 तें दाशिरुं हिं किं तेया । मान्य होये ॥ ९४ ॥
 मा मीं विश्वेश्वर भेटें । आणि जावग्रंथि न सुटे ।
 हे बोल नको उखटे । कानीं लाउं ॥ ९५ ॥
 ह्यणौनि मी हाउनि मातें । सेवणें असें आइतें ।
 तरि करिं हाताइतें । ज्ञानें एणें ॥ ९६ ॥

मग ताकौनियां काढिं । लोणिं ताकिं माघौतें घातलें ।
 परि नेघपे चि काहिं केलें । ताकें जेवि ॥ ९७ ॥
 लोह उभें खाये माती । तें परिसाचेया संगती ।
 सोनें जालेयां पुडुतीं । न लिंपिजे मलीं ॥ ९८ ॥
 हें असो काष्टा पासौनि । मथूनि घेतलेयां वन्हि ।
 मग काष्टें हिं कोंडौनि । न ठके जैसा ॥ ९९ ॥
 तैसें अद्वैतत्वे मज । शरण रिगालेयां तुज ।
 धर्माधर्म हे साहाज । लागतील नां ॥ १४०० ॥
 अर्जुना काइ दिनकर । देखतसे अंधकार ।
 किं प्रबोधां होये गोचर । स्वप्नसंभ्रमु ॥ १ ॥
 तैसें मजसिं एकवटलेयां । मी सर्व रूप वांचौनियां ।
 आन काहिं उरावेया । कारण असे गा ॥ २ ॥
 ह्यणौनि तेयाचें काहिं । न चितीं आपुलां ठांड ।
 तूझे पापपुण्य पाहिं । मी चि होइन ॥ ३ ॥
 जलिं पडिलेयां लवण । सर्वें जल चि होये विचक्षण ।
 तुज मी अनन्यशरण । होईन तैसा ॥ ४ ॥
 तेथ सर्वबंधलक्षणें । पापें उरावें दूजेपणें ।
 तें माझे बोधि वायाणें । होउनि जाइल ॥ ५ ॥
 एतुलेनि आपैसेया । सूटला चि अससि धनंजया ।
 घेइं मी प्रकाशूनियां । सोडवीन तूतें ॥ ६ ॥
 यया कारणें पुडुतीं । हें आधीं न व्हाये चितीं ।
 मज एकासि ए सुमती । जाणौनि शरण ॥ ७ ॥
 ऐसें सर्वरूपें रूपसें । सर्वदृष्टी डोलसें ।
 सर्वदेवनिवासें । बोलिलें कृष्णें ॥ ८ ॥
 मग साबला सकंकशु । बाहु पसरूनि दक्षणु ।
 आलंगिला स्वशरणु । भगतराजु तो ॥ ९ ॥

तन्मयता जेयातें । काखे सूनि बुद्धितें ।
 बोलणें माघौतें । ॐसरलें ॥ १४१० ॥
 ऐसें जें काहिं एक । बोला बुद्धी ही अटक ।
 तें देयावेया मीख । क्षेमाचें केलें ॥ ११ ॥
 दीपें दीपु लाविला । तैसा परिससंगु तो जाला ।
 द्वैत न मोडितां केला । आपणपें पार्थु ॥ १२ ॥
 तेधवां सुखाचा मग तेया । पुरु आला जो धनंजया ।
 तेथ वाडु तन्हीं बुडौनियां । ठेला देॐ ॥ १३ ॥
 सिंधु सिंधुतें पाॐ जाए । तें पाहणें ठाकणें दूण होए ।
 वरि रिगे पुरवणिये । आकाश ही ॥ १४ ॥
 तैसें दोहिंचें तेयां मीळणें । दोघां नावरे जाणावें कवणें ।
 किंबहुना नारायणें । विश्व कोंदलें ॥ १५ ॥
 एवं वेदाचें मूलसूत्र । सर्वाधिकारकपवित्र ।
 श्रीकृष्णें गीताशास्त्र । प्रकट केलें ॥ १६ ॥
 एथ गीता मूल वेदां । ऐसें केवि आलें पां बोधा ।
 हें ह्यणा तारि प्रसिद्धा । उपपत्ती सांघों ॥ १७ ॥
 तारि जेयाचेनि श्वासीं । जन्म जालें शद्वराशी ।
 तो सत्यप्रभु पैजेसीं । वोळिला हे ॥ १८ ॥
 ह्यणौनि वेदा मूलभूत । गीता ह्यणों हें होये उचित ।
 आणिकि ही एकि एथ । उपपत्ति असे ॥ १९ ॥
 जें न नसत स्वरूपें । जेयाचा विस्तारु जेथ लपे ।
 तें तेयाचें ह्यणिपे । बीज जर्गी ॥ १४२० ॥
 तारि कांडत्रयात्मकु । शद्वराशि अशेखु ।
 गीते माझि असे रूखु । बीजीं जैसा ॥ २१ ॥
 ह्यणौनि वेदांचें बीज । श्रीगीता होये हें मज ।
 गमे आणि साहाज । दीसत ही असे ॥ २२ ॥

जें वेदांचे तीन्ही भाग । गीते उमटले असति चांग ।
 भूषणरत्नि सर्वांग । आपुलें जैसें ॥ २३ ॥
 तियें चि कर्मादिकें तीन्हीं । काडें कोणी कोणी स्थानीं ।
 गीते असति तियें नयनीं । दाखउं आइकां ॥ २४ ॥
 तारि पहिला जो अध्या३ । तो शास्त्रप्रवृत्तिप्रस्ता३ ।
 द्वितीये सांख्यसद्भा३ । प्रकाशिला ॥ २५ ॥
 मोक्षदानिं स्वतंत्र । ज्ञानप्रधान हें शास्त्र ।
 येतुलालें दूजां सूत्र । उभारिलें ॥ २६ ॥
 मग अज्ञानें बांधलेयां । मोक्षपदिं वैसावेया ।
 साधनां आरंभु तो तृतीया । अध्याइं बोलिला ॥ २७ ॥
 जें देहाभिमानबंधें । सांडूनि काम्यें निषिद्धें ।
 विहित परि अप्रमादें । अनुष्ठारें ॥ २८ ॥
 ऐसेनि कर्म करावें । हा तीजां अध्याइं जो देवें ।
 निर्णयो केला तो जाणारें । कर्मकांड एथ । २९ ॥
 आणि तें चि नित्यादिक । अज्ञानाचें आवश्यक ।
 आचरतां मोचक । केवि हांये पां ॥ १४३० ॥
 ऐसी अपेक्षा जालेयां । बद्धु मुमुक्षते आलेयां ।
 देवें ब्रह्मार्पणक्रिया । सांघीतली ॥ ३१ ॥
 जें देहवाचामानसें । विहित निफजे जैसें ।
 तें एका चि ईश्वरोद्देशें । कीजे ह्याणतलें ॥ ३२ ॥
 हें चि ईश्वरीं कर्मयोगें । भजनकथनाचेनि खार्गे ।
 आदरिलें शेषभागें । चतुर्थाचेनि ॥ ३३ ॥
 तें विश्वरूप अकरावा । अध्या३ संपे जेथ आघवा ।
 तवं कर्मी ईशु भजावा । हें जें बोलिलें ॥ ३४ ॥
 तें अष्टाध्याइं उघड । जाणा एथ देवताकांड ।
 शास्त्र सांघतसे आड । मोडूनि बोलें ॥ ३५ ॥

आणि तेणें चि ईशप्रसादें । श्रीगुरुसंप्रदायलब्धें ।
 साच ज्ञान उद्धोधें । कोवळें जें ॥ ३६ ॥
 तें अद्वेषादिप्रभृतीकीं । अथवा अमानित्वादिकिं ।
 वाढविजे ह्यणौनि लेखीं । बारावां गुणु ॥ ३७ ॥
 तो बारावां अध्या३० आधीं । आणि पन्हरावा अवधि ।
 ज्ञानफलसिद्धी । निरूपणांसी ॥ ३८ ॥
 ह्यणौनि चहूं इहीं । ऊर्ध्वमूलांतीं अध्यायिं ।
 ज्ञानकांड इये ठांडें । निरूपिजे ॥ ३९ ॥
 एवं कांडत्रयनिरूपणी । श्रुति हे कोडीसवाणी ।
 गीतापदरत्नाचिं लेणिं । लेइली असे ॥ १४४० ॥
 हें असो कांडत्रयात्मक । श्रुति मोक्षरूप फल एक ।
 बोबाये जें आवश्यक । टाकावेया ह्यगौनि ॥ ४१ ॥
 तेयाचेनि साधनें ज्ञानेसिं । वैर कार जो प्रतिदिवसीं ।
 तो अज्ञान बर्गु पोडशीं । प्रतिपादिजे ॥ ४२ ॥
 तो चि शास्त्र३०लावा । घेउनि वैरी जीणावा ।
 हा निर्णयो तो सतरावां । अध्या३० एथ ॥ ४३ ॥
 ऐसा प्रथमा लागौनि । सतरावां लाणि करूनि ।
 आत्मनिश्वास विवरूनि । दाविला देवें ॥ ४४ ॥
 तेयां अर्थजातां अशेषा । केला तात्पर्याचा एवांका ।
 तो अठरावां देखां । कलशाध्या३० ॥ ४५ ॥
 एषं सकलसांख्यसिंधु । श्रीभगवद्गीता प्रबंधु ।
 हा औदार्ये आगला वेदु । मूर्त्तु जाणा ॥ ४६ ॥
 वेदु संपन्न होये ठांडें । परि कृपणु आन नाहीं ।
 जें कानि लागला तिहिं । वर्णाचां चि ॥ ४७ ॥
 एरां भवव्यथा टेलेयां । स्त्रीशूद्रादिकां प्राणियां ।
 अनवसरु मांडूनियां । असे नव्हे ॥ ४८ ॥

तरि मज पांतां तें उणें । फेडावेया गीतापणें ।
 वेदु वेठला भलेतेणें । सेव्यु होआवेया ॥ ४९ ॥
 नव्हे अर्थे रिगौनि मनिं । श्रवणें लागौनि कार्नीं ।
 जपमीखें वदनीं । वसौनियां ॥ १४९० ॥
 गीतेचा पाठु जाणे । तेयाचेनि सांघातीपणें ।
 गीता लीढुनु वाहाणें । पुस्तकमीखें ॥ ५१ ॥
 ऐसैसां मीसकटां । संसाराचां चौहटां ।
 गवांदि घातली चोखटा । मोक्षमुखाची ॥ ५२ ॥
 पारि आकाशिं वसावेया । पृथ्वी वरि बैसावेया ।
 रविदीप्ति राहाटावेया । आवारं जैसें ॥ ५३ ॥
 तेवि उत्तम अधम ऐसें । सेवितां कव्हणातें हिं न पुसे ।
 कैवल्यदानें जैसें । निवर्वा जग ॥ ५४ ॥
 इया लागि मागिली कूटी । बिहाला वेदु गीतेचां पोटीं ।
 रिगाला आतां गोमटी । कीर्ति पातला ॥ ५५ ॥
 हणौनि वेदांची सुसेव्यता । ते हे मूर्ति जाणा गीता ।
 श्रीकृष्णें पांडुसुता । उपदेशिली ॥ ५६ ॥
 पारि वळाचेनि वोरसें । दुभतें होये घरा दोसें ।
 जालें पांडवाचेनि मीसें । तैसें विश्वा ॥ ५७ ॥
 चातकाचिये कणवे । मेघु पाणियेंसिं धांवे ।
 तेथ चराचर आघवें । निवाळें जेवि ॥ ५८ ॥
 कां अनन्यगती कमलां । लागि सूर्यु ए वेळोवेलां ।
 किं मुखिया होइजे डोलां । त्रिभुवनाचेया ॥ ५९ ॥
 तैसें अर्जुनाचेनि व्याजें । गीता प्रकाशुनि श्रीराजें ।
 संसारा एसणें थोर बोझें । फेडिलें जगाचें ॥ १४६० ॥
 सर्वशास्त्रा रत्नदीप्ती । उजळिता हा त्रीजगती ।
 सूर्यु नव्हे लक्ष्मीपती । वज्रकाशिचा ॥ ६१ ॥

बापु कुल तें पवित्र । जेथिचा पार्थु येया पात्र ।
जेणें गीता केलें शास्त्र । आवाहं जगा ॥ ६२ ॥

इदं ते नातपस्काय नाभक्ताय कदाचन ॥
न चाभुश्रूषवे वाच्यं न च मां योऽभ्यसूयति ॥ ६

हें असो मग तेणें । सद्गुरुश्रीकृष्णें ।
पार्थाचें मिसलणें । आणिलें द्वैता ॥ ६३ ॥
पाठिं हणतसे पांडवा । शास्त्र हें मानलें कीं जीवा ।
तेथ येरु हणणे देवा । आपुलीया कृपा ॥ ६४ ॥
तारि निधान जोडावेया । भाग्य घडे गा धनंजया ।
परि जोडलें भोगावेया । विपायें होये ॥ ६५ ॥
पैं क्षीरसागरा एवडें । अविरजीं दूधाचें भाडें ।
सुरां असुरां केवडें । मथितां जालें ॥ ६६ ॥
ते सायास ही फला आले । जें अमृत डोलां देखिलें ।
परि वरिचिली चूकले । जतनें तिणें ॥ ६७ ॥
जेथ अमरत्वा उगारिलें । तें मरणा चि लागि जालें ।
भोगु नेणतां जोडलें । ऐसें असे ॥ ६८ ॥
नहुषु स्वर्गप्राप्ति जाला । परि राहाटी भांभावला ।
तो भुजंगत्व पातला । नेणसि काई ॥ ६९ ॥
हणौनि बहू पुण्य तुआं । केलें धनंजया ।
आजि शास्त्रराजा येया । जालासि विषां ॥ १४७० ॥
तारि येया चि शास्त्रचेनि । संप्रदायें पांगुरौनि ।
शास्त्रार्थु हा नीकेनि । अनुष्ठीं हो ॥ ७१ ॥
यन्हविं अमृतमथनां । सारिखें होईल अर्जुना ।
जारि रिगसी अनुष्ठाना । संप्रदायें विण ॥ ७२ ॥
गाये धड जोडे गोमटी । ते तें चि पियों ये किरीटी ।
जें जाणिजे हातवटी । सांजवणिची ॥ ७३ ॥

तैसा गुरु प्रसन्न होए । शिश्यु विद्या ही किर लाहे ।
 परि ते फले संप्रदायें । उपासिली ॥ ७४ ॥
 ह्यगौनि शास्त्रिं जो इये । उचित संप्रदाउ आहे ।
 तो तो आइक बहुवें । आदरेंसीं ॥ ७५ ॥
 तरि जें हें तुवां पार्था । गीताशास्त्र लाधलें आस्था ।
 तें तपोहीना सर्वथा । सांघावें ना ॥ ७६ ॥
 अथवा तापसु ही जाला । परि गुरुभक्ती जो भीळा ।
 तो वेदुं अंत्यु वालिला । तैसा वालीं हो ॥ ७७ ॥
 नातरि पुरोडासु जैसा । नेघेपे वृद्धु तन्हीं वायंसा ।
 गीता नेंदीं तैसी तापसा । गुरुभक्ती हीनां ॥ ७८ ॥
 कां तप ही जोडे देहीं । भजे गुरुदेवाचां ठांइ ।
 परि आकर्णनिं नाहिं । चाड जरि ॥ ७९ ॥
 तरि तो मागिलीं दोहिं आंगिं । उत्तमु होये किर जग्गि ।
 परि येया श्रवणा लागि । योग्यु नोहे ॥ १४८० ॥
 मुक्ताफल भलेतैसैं । हांये परि मुख नसे ।
 तवं गुणु प्रवेशे । तेथ काइ ॥ ८१ ॥
 सागरु गंभीरु होए । हें कोण ना ह्यणत आहे ।
 परि वृष्टि वायां जाए । जाली तेथ ॥ ८२ ॥
 धालेया दिव्यान्न सोआवें । मग जें वायां धाडावें ।
 तें आर्त्ती कां न करावें । उदारपण ॥ ८३ ॥
 ह्यगौनि योग्या भलेतैसैं । होंतु परि चाड नसे ।
 तरि ह्यनें वानवसें । देंसी हें तेया ॥ ८४ ॥
 रूपाचा सुजाणु डोला । वोडौं ये काइ परिमला ।
 जेथ जें मानें तें फळा । तेथ चि ये गा ॥ ८५ ॥
 ह्यगौनि तपीं भक्ती । पाहा ते सुभद्रापती ।
 शास्त्रश्रवणिं अनाकृती । वालवे चि ते ॥ ८६ ॥

नातरि तप भक्ति । होउनि श्रवणीं आर्त्ति ।
 आधि ऐसी आइती । देखसी जन्हीं ॥ ८७ ॥
 तन्हीं गीताशास्त्रनिर्मिता । जो मीं सकललोकु शास्ता ।
 तेया मातें सामान्यता । बोलैल जो ॥ ८८ ॥
 माझा सज्जनीं मातें । पैशून्याचेनि अव्हातें ।
 एकाहाथी तेयातें । योग्यु न ह्यण ॥ ८९ ॥
 तेयाचीं परि आघवी । सामग्री ऐसी जाणावी ।
 दीपें विण ठाणवी । रात्रिचीं जैसी ॥ १४९० ॥
 आगा गोरें आणि तरुणें । वरि लेइलें असे भूषणें ।
 परि एकलेनि प्राणें । सांडिलें जेवि ॥ ९१ ॥
 सोनेयाचें मुंदर । निर्वाळलें होये घर ।
 परि सर्पांगना द्वार । रुंधलें असे ॥ ९२ ॥
 निफजे दिव्यान्न चोखट । परि माझि असे कालकूट ।
 हें असो मैत्रो कपट— । गुर्विगीं जैसी ॥ ९३ ॥
 तैसिं तपभक्तिमेधा । तेयाचिं जाण प्रनुद्धा ।
 जो माझयाचीं कां निंदा । माझी चि करी ॥ ९४ ॥
 येया कारण धनंजया । तो भक्तु मंधावी तपिया ।
 तन्हीं नको बापा शास्त्रा इया । आतळें देवों ॥ ९५ ॥
 काइ बोलों निःका । योग्या स्रष्टेया ही एका ।
 गीता हे कवतिक्रा । लागि ही नंदां ॥ ९६ ॥
 ह्यगौनि तपाचा धनुर्द्धरा । तटीं दाटौनि गाडौरा ।
 वरि गुरुभक्तिचा पुरा । प्रासादु जो जाला ॥ ९७ ॥
 आणि श्रवणाचा पुढां । दारवठा सदा उघडा ।
 वरि कलसु चोखडा । अनिंदरत्नाचा ॥ ९८ ॥
 ऐसां भक्तालइं चोखटीं । गीतारत्नेश्वर हा प्रतिष्ठीं ।
 मग माझिया संवसाठें । दूकसी जगीं ॥ ९९ ॥

य इमं परमं गुह्यं मद्भक्तैष्वभिधास्यति ॥

भक्तिं मयि परां कृत्वा मामेवैष्यत्यसंशय ॥ ६८ ॥

कां जें एकाक्षरपर्णोसिं । त्रिमातृकेचिये कूंसी ।

प्रणवु होता गर्भवासीं । सांकडला जो ॥ १५०० ॥

तो गीतेचिया बाहाली । वेदबीज गेलें पाहालीं ।

किं गायत्री फुलीं फलीं । श्लोकाचां आली ॥ १ ॥

तें हें मंत्ररहस्य गीता । मेलवी माझेयां जो भक्तां ।

अनन्यजीविता माता । बालका जैसी ॥ २ ॥

तैसी भक्तां गीतेसिं । भेटि करी जो आदरेंसीं ।

तो देहा पाठिं मजसीं । एक चि होए ॥ ३ ॥

न च तस्मान्मनुष्येषु कश्चिन्मे प्रियकृत्तमः ॥

भविता न च मे तस्मादन्यः प्रियतरो भुवि ॥ ६९ ॥

आणि देहाचें हिं लेणें । लेउनि वेगलेपणें ।

असे तवं जीवें प्राणें । तो चि पढियें ॥ ४ ॥

ज्ञानियां कर्मठां तापसां । इयां खूणेचियां माणुसां ।

माझि तो एकु ऐसा । पढियें मज ॥ ५ ॥

तैसा भूतलिं अघत्रा । आनु नेदखें पांडवा ।

जो गीता सांघे मेलवा । भक्तजनाचां ॥ ६ ॥

अध्येष्यते च य इमं धर्म्यं संवादमावयोः ॥

ज्ञानयज्ञेन तेनाहमिष्टः स्यामिति मे मतिः ॥ ७० ॥

म्हज ईश्वराचेनि लोभें । हें गीता पढतां अखोभें ।

जो मंडण होये रुभे । संतांचिये ॥ ७ ॥

नवां पळविं रोमांचितु । मंदानीलें कंपवितु ।

आनंदजलें उलंबवितु । फलाचे डोले ॥ ८ ॥

कोकिलां कलरवाचेनि मीसें । सद्गद बोलवित जैसें ।

वसंतु कां प्रवेशे । आरामा माझि ॥ ९ ॥

कां जन्माचें फल चकोरां । होंतु चंद्रु ये अंबरा ।
 नाना नवा मेघु मयूरां । वो देंतु पावे ॥ १५१० ॥
 तैसा सज्जनाचां मेलापिं । गीतापद्यरत्नीं उमर्पी ।
 वर्षे जो माझां रूपीं । हेतु ठेउनि ॥ ११ ॥
 मग तेयाचेनि पाडें । पढियंतें मज फुडें ।
 नाहिं चि भागें पुढें । निहालित्तां ॥ १२ ॥
 अर्जुना हा ठावो वेन्हीं । मीं तेयांतें सुवें जिन्हारीं ।
 जो गीतार्थाचें करी । परगुणें संतां ॥ १३ ॥
 पै माक्षिया तूक्षिया मिलणी । वाढिनली जे हें काहाणी ।
 मोक्षुधर्मु कां जीणी । आला असे जेथ ॥ १४ ॥
 तो हा सकलार्थप्रसादु । आह्लां दोघांचा संवादु ।
 न करित्तां पदभेदु । पाठें जो पढे ॥ १५ ॥
 तेंणें ज्ञानानलिं प्रदीप्तीं । मूल अविद्येचिया आहुती ।
 तोखविला होये मुमती । परमात्मा मीं ॥ १६ ॥
 य०नि गीतार्था उगाणा । ज्ञानिये जेवि विचक्षणां ।
 टाकिति तें गाणांवाणां । गीतेचां तो लाहे ॥ १७ ॥
 गीतापाठकासि एसें । फल अर्थज्ञाना चि सरिसें ।
 गीतामाउलीसि नसे । जानेंतानें ॥ १८ ॥

श्रद्धावाननुसूयंश्च श्रुणुयादपि यो नरः ॥

सोपि मुक्तः शुभांल्लोकान्श्रामुयात्पुण्यकर्मणां ॥ ७१ ॥

आणि सर्वमार्गी निंदा । सांडूनि आस्था शुद्धा ।
 गीताश्रवणीं श्रद्धा । उभारी जो ॥ १९ ॥
 तेयाचां श्रवणसंपुटीं । गीतेचि अक्षरें पैठीं ।
 होंति ना तवं उठाउठी । पले चि पाप ॥ १५१० ॥
 अटविये माक्षि जैसा । बन्दि रिगतां सहसा ।
 लंघीति कां दिशा । वनौकें तिये ॥ २१ ॥

कां उदयाचला कुली । झलकतां अंशुमाली ।
 तिमिरे अंतराली । हारपती ॥ २२ ॥
 तैसा कानाचां महाद्वारीं । गीता जपु जेथ करी ।
 तेथ श्रिष्टि आदि वेरी । जले चि कलुष ॥ २३ ॥
 ऐसी जन्मवेलि धोवट । होये पुण्यरूप चोखट ।
 यया ही वरि अचाट । फल लोहे ॥ २४ ॥
 जो इये गीतोचि अक्षरें । जेतुलीं कर्णद्वारें ।
 घे तेतुलीं होंती पुरे । अश्वमेध किं ॥ २५ ॥
 ह्यणौनि श्रवणें पापें जांती । आणि धर्मु धरी उन्नती ।
 तेणें स्वर्गराज्यसंपती । लाहे चि शेषीं ॥ २६ ॥
 तो पै मज येयावेया लागि । पहिलें पेणें कारि स्वर्गी ।
 मग आवडे तवं भोगी । पाठीं ए चि तो ॥ २७ ॥
 ऐसी गीता धनंजया । आइकतेया पढतेया ।
 फले महानंदें मियां । बहुत काइ बोलें ॥ २८ ॥

कश्चिदेतच्छृतंपार्थ त्वयैकाग्रेण चेतसा ।

कच्चिदज्ञानसंमोहः प्रनष्टस्ते धनंजय ॥ ७२ ॥

एया कारणें असो । जेया लागि शास्त्रअतिसो ।
 केला तें तवं तूतें पूसों । काज तूझें ॥ २९ ॥
 तरि सांघ पां पांडवा । हा शास्त्रसिद्धांतु आघवा ।
 तुज एकचित्तें फावा । गेला आहे ॥ १५३० ॥
 आसि जैसें हें जिया रीती । उगाणिलें कानाचां हातीं ।
 इहिं तैसें तूझां चित्तीं । पैठें केलें किं ॥ ३१ ॥
 हांगा स्वज्ञानजनितें । मागिलें मोहें तूतें ।
 भुलविलें तो एथें । असे कीं ना ॥ ३२ ॥
 हें बहू पूसों काइ । सांघें तूं आपुलां ठांइ ।
 कर्माकर्म काहीं । देखतु आहासि ॥ ३३ ॥

पार्थु स्वानंदैकरसें । विरैल ऐसा भेददशे ।
 आणिला एणें मीसें । प्रशणाचेनि ॥ ३४ ॥
 यन्हवि आपुलें करणें । सर्वज्ञ काइ तो नेणें ।
 परि कोलें पूषणें । या चि लागि ॥ ३५ ॥

अर्जुन उवाच ॥

नष्टो मोहः स्मृतिलब्धा त्वत्प्रासादान्मयाच्युत ।
 स्थितोऽस्मि गतसंदेहः करिष्ये वचनं तव ॥ ७३ ॥

मग क्षीराब्धितें सांडितु । गगनीं पूंजा मंडितु ।
 निवडे जैसा न निवडितू । पूर्णचंद्रु ॥ ३६ ॥
 तैसा ब्रह्म हें मीं विसरें । तेथ जग चि ब्रह्मं भरे ।
 हें इं साडे तारि विरे । ब्रह्मपण हीं ॥ ३७ ॥
 दुःखें देहाचिये सीमे । मी अर्जुनु एणें नामें ।
 मोडतु मांडतु ब्रह्मं । उभा ठेला ॥ ३८ ॥
 मग कांपतां करतलीं । दडपौनि रोमावली ।
 पुलकस्त्रेदजलीं । विरोनियां ॥ ३९ ॥
 प्राणुक्षोभें डोलतेया । आंगा आंग टेंकतेया ।
 सुनि स्तंभुचालेया । भुलौनियां ॥ १९४० ॥
 नेत्रयुगुलिचेनि उभें । आनंदामृताचें भरितें ।
 उभंसंडत तें माघौतें । काढौनियां ॥ ४१ ॥
 विविधा औत्सुक्याची दाटि । चीप आतलि होंती कंठि ।
 ते करूनियां पैठी । हृदया माक्षि ॥ ४२ ॥
 वाचेचें वितुलणें । सांवरौनि प्राणें ।
 अक्रमाचें स्वसणें । ठेउनि ठांइं ॥ ४३ ॥
 मग झणे काइ देउ । पूसताति आवडे मोहो ।
 तो सकु गेला जी ठाउ । घेउनि आपुलु ॥ ४४ ॥

पासि एउनि दिनकरें । डोलेयातें अंधरें ।
 पूसिजे हें काइ सरें । कोणी ठांइ ॥ ४५ ॥
 तैसा तूं श्रीकृष्णा राया । आमचेयां इयां डोलेयां ।
 गोचरु हें चि काइसेया । न पुरे तवं ॥ ४६ ॥
 वारि लोभें माए पासौनि । तें सांघसि तोंड भरुनि ।
 जें काइसेनि हिं करुनि । जाणों नैए ॥ ४७ ॥
 आतां मोहो असे किं नाहिं । हें ऐसें पूससी काई ।
 कृतकृत्य जालां पाहीं । तूझेपणें ॥ ४८ ॥
 मी तूझेनि प्रसादें । लाघलेनि आत्मबोधें ।
 मोहाचे तेया कांदे । नेंदिसी चि उरों ॥ ४९ ॥
 आतां करणें न करणें । हें उठी जेणें दूजेपणें ।
 तें तूं वांचौनि नेणें । सर्वत्र गा ॥ १५५० ॥
 इये विखिं माझां ठांइ । संदेहाचें नूरे चि काहिं ।
 त्रिशुद्धी कर्म जेथ नाहिं । तें भिं जालां ॥ ५१ ॥
 ह्यणौनि मी एक पाहुनि । कृत्य गेलें निपटौनि ।
 परि आज्ञा हे वांचौनि । तूझी प्रभू ॥ ५२ ॥
 कां जें दृश्यातें नासी । जें दूजें दूजेयातें ग्रासी ।
 जें एक परि सर्वदेशीं । वसवी सदा ॥ ५३ ॥
 जेयाचेनि संबधें बंधु फीटे । जेयाचिया आशा आश तूटे ।
 जें भेटलेयां सर्व भेटे । आपणयां चि ॥ ५४ ॥
 तें तूं गुरुलिंग जी माझें । एकलेपणिचें विरजें ।
 जेया लागि उल्लाडिजे । अद्वैतबोधु ॥ ५५ ॥
 आपण चि होउनि ब्रह्म । सारिजे कृत्याकृत्याचें काम ।
 मग कीजे कां निःसीम । सेवा जेयाची ॥ ५६ ॥
 तें मां तूं निरुपचारु । सेव्य सकलां दातारु ।
 मीं ब्रह्मतेचा उपकारु । हा चि मानीं ॥ ५७ ॥

जें मज तुहां आड । होंतें भेदाचें कवाड ।
 तें फेड्ढुनि केलें सुआड । तुवां जी देवा ॥ ५८ ॥
 तरि आतां तूशी आज्ञा । सकलदेवराज्ञा ।
 करीन देईं अनुज्ञा । भलेतिये विषीं ॥ ५९ ॥
 येया अर्जुनाचेया बोला । दे० डोलें लागला ।
 हणगे विश्वर्फला जाला । लाभु हा मज ॥ १५६० ॥
 उणेनि उमचला सुधाकरु । देखौनि आपुला कुमरु ।
 मर्यादा क्षीरसागरु । विसरे चि ना ॥ ६१ ॥
 ऐसें संवादाचा बाउलां । लग्न दोघांचेयां आंतुलां ।
 लागलें देखौनि जाला । निर्भरु संजयो ॥ ६२ ॥

संजय उवाच ॥

इत्यहं वासुदेवस्य पार्थस्य च महात्मनः ॥
 संवादमिममश्रौषमद्भुतं रोमहर्षणं ॥ ७४ ॥

तेणें उचंबललेपणें । मग धृतराष्ट्रें हणगे ।
 जी कैसें बादरायणें । रक्षिलें दोघे ॥ ६३ ॥
 आजि तुमतें अवधारां । चर्मचक्षु ही सवंसारा ।
 किं ज्ञानदृष्टी व्यवहारा । आणिलेति ॥ ६४ ॥
 आणि रथिचिये राहाटी । घेइजे घोडेयां साठीं ।
 तेया आह्मां इया गोठी । गोचरा होंति ॥ ६५ ॥
 वारिं जूझाचें निर्वाण । मांडलें असे दारुण ।
 दोघीसि हारि आपण । हारविजे ऐसें ॥ ६६ ॥
 एवडां इये सांकडां । कैसा अनुग्रहो पै गाढा ।
 जें ब्रह्मानंदु उघडा । भोगव्रीतसे ॥ ६७ ॥
 ऐसें संजयो बोलिला । पारि न द्रव एरु उगला ।
 चंद्रकिरणीं सीतला । पाखाणु जैसा ॥ ६८ ॥

हे देखौनि तेयाची दशा । मग करि चि ना वरिषा ।
 परि सुखें जाला पीसा । बोलतु असे ॥ ६९ ॥
 भुलविला हर्षवेगें । हणौनि धृतराष्ट्रा सांघे ।
 यन्हविं नोहे तेया जोगें । हें किर जाणे ॥ १५७० ॥
 मग हणणे पै कुरुराजा । ऐसें भ्रातृपुत्र तो तूहा ।
 बोलिला तें अधोक्षजा । गोड जालें ॥ ७१ ॥
 आगा पूर्वापरसागर । इया नावांचा सिनार ।
 येर आघवें चि नीर । एक जैसें ॥ ७२ ॥
 तैसा श्रीकृष्णु पार्थु ऐसें । हें आंगा चि पासीं दीसे ।
 मग संवार्दी जी नसे । काहीं चि भेदू ॥ ७३ ॥
 दर्पणा हिं हूनि चोखें । दोन्ही होंति संमुखें ।
 तेथ एरीं एर देखे । आपणपें जैसें ॥ ७४ ॥
 तैसा देवेंसिं पांडुसुतु । आपणपें देविं देखतु ।
 पांडवेंसिं देखे अनंतु । आपणपें पार्थी ॥ ७५ ॥
 दे३० देवा भक्ता लागि । जिये विवरु नेदखे आंगि ।
 येरु ही तिण चि भागीं । दोन्हीं देखे ॥ ७६ ॥
 आणिक काहिं चि नाहिं । हणौनि करिती काई ।
 दोघे एकपणें पाहीं । नांदत आहाति ॥ ७७ ॥
 आतां भेदु जरि मोडे । तरि प्रश्नोत्तर कां घडे ।
 ना भेदू चि तरि जोडे । संवादसुख कां ॥ ७८ ॥
 ऐसें बोलतां दूजेपणें । संवादें द्वैत जें गीळणें ।
 तें आइकिलें बोलणें । दोघांचें मियां ॥ ७९ ॥
 उटूनि दोन्हीं आरिसे । वोडविलेयां सरिसे ।
 कोण कोणां पाहांतसे । जाणवे ना ॥ १५८० ॥
 कां दीपा सदमुखु । ठेविलेयां दीपकु ।
 कोणु कोणा अर्धिकु । कोणु जाणे ॥ ८१ ॥

हें निर्द्धारिं जातां फुडे । निर्द्धारासि ठक पडे ।
 ते दोघे जाले एवडे । संवादें सारिसे ॥ ८२ ॥
 तैसे श्रीकृष्ण ते दोन्ही । संवादले तें मनीं ।
 धरितां मज ही वानीं । ते चि हों पांतसे ॥ ८३ ॥
 ऐसें ह्मणे ना मोटके । तवं हीरौनि सात्विकें ।
 आठौ नेला, नेणों के । संजयपणांचा ॥ ८४ ॥
 रोमांच जवं फरके । तवं तवं आंग सुरके ।
 स्तंभस्वेदातें जीके । एकला कंपु ॥ ८५ ॥
 अद्वयानंदपरिसें । दृष्टि रसमय जाली असे ।
 ते अश्रु नव्हंति जैसे । द्रवत्व चि ॥ ८६ ॥
 नेणों काइ न माये पोटीं । काइ नेणों गुंफे कंठीं ।
 व्यग्रता पडे मिठीं । उससाचिया ॥ ८७ ॥
 किं बहुना सात्विकां आठां । चाचरु मांडतां उमेठा ।
 संजय जाला असे चौहटा । भावभवनिचा ॥ ८८ ॥
 तेया सुखाची ऐसी जाति । जें आपणपां चि धरी शांति ।
 मग पुडुतीं देहस्मृति । लाधली तेणें ॥ ८९ ॥

व्यासप्रसादाकृतवानेतद्रुद्यमहं परं ॥

योगं योगेश्वरात्कृष्णात्साक्षात्कथयतः स्वयं ॥ ७५ ॥

तेधवां बैसतेन आनंदें । ह्मणे जी जें उपनिषदें ।
 नेणति तें व्यासप्रसादें । आइकिलें मियां ॥ १५९० ॥
 हे आघवे चि योग । जेया टाया यंति मार्ग ।
 तेयाचें वाक्य समर्घ । केलें व्यासें ॥ ९१ ॥
 आहो अर्जुनाचेनि मीसं । आपणपें चि दूर्जे ऐसें ।
 नट्टनि आपणेयां दोसें । बोलिले जें देवो ॥ ९२ ॥
 तेथ किं माझे श्रोत्र । पाठाचें जालें पात्र ।
 काइ वानूं स्वतंत्र । सामर्थ्य गुरुचें ॥ ९३ ॥

राजन्संस्मृत्य संस्मृत्य संवादमिममद्भुतं ॥

केशवार्जुनयोः पुण्यं दृष्यामि च मुहुर्मुहुः ॥ ७६ ॥

हैं बोलतां कां रा३० होए । तेणें चि मोडवला ठाए ।
रत्न कां रत्नकीला ए । ज्ञांकोलें जैसें ॥ ९४ ॥
हिमवंतिचिं सरोवरें । चंद्रोदइं होंति काश्मिरें ।
मग सूर्यागमीं माघारें । द्रवत्व ए ॥ ९५ ॥
तैसा शरीराचेया स्मृती । तो संवादु संजयो चित्ती ।
धरुनि आणि पुडुती । तें चि होए ॥ ९६ ॥

तच्च संस्मृत्य संस्मृत्य रूपमत्यद्भुतं हरेः ॥

विस्मयो मे महान्राजन्हृष्यामि च पुनः पुनः ॥ ७७ ॥

मग उठूनि ह्मणे नृपा । श्रीहरिचेया विश्वरूपा ।
भेटलेयां उगा पां । काइ असिजे ॥ ९७ ॥
नेदखणेन जें दीसे । नाहिपण चि जें असे ।
विसरें आठवे तें कैसें । चुकौं आतां ॥ ९८ ॥
देखौनि चमत्कारु । कीजे तो नाहिं पैसारु ।
मजै सकट हा पूरु । नैत असे ॥ ९९ ॥
ऐसा श्रीकृष्णार्जुन— । संवादसंगमिं स्नान ।
करुनि देतसें दान । अहंतेचें ॥ १६०० ॥
तेथ असंवरें आनंदें । अलौकिक ही स्पदें ।
श्रीकृष्णु ह्मणे सद्गदें । वेलवेलं ॥ १ ॥
इया अवस्थांची काहीं । कौरवांतें परि नाहिं ।
ह्मणौनि राया तें काहिं । कल्पार्वे जवं ॥ २ ॥
तवं जाला सुखलाभु । आपणपां करुनि स्वयंभु ।
बुझविटा अवष्टंभु । संजयें तेणें ॥ ३ ॥
एथ कोणहीं एकि अवसरि । होवावी ते करुनि दूरि ।
रावो ह्मणे संजया परि । कैसी तूझी गा ॥ ४ ॥

तेणें तूतें एथ व्यासें । बैसविलें काइसेया दोसें ।
 अप्रसंगा माजि ऐसें । बोटसी काइ ॥ ५ ॥
 रानिचें राउल! नेलेयां । दाही दिशा मानी सुनियां ।
 कां रात्रि होये पाहालेयां । निशाचरां ॥ ६ ॥
 जो जेथिचें गौरव नेणे । तेयातें भिंगुलवाणें ।
 ह्यगौनि अप्रसंगु तेणें । ह्यगावा किं तो ॥ ७ ॥
 मग ह्यणे सांघें प्रस्तुत । उद्वैलें असे जें हें उत्कलित ।
 तें कोणासि रे बा जैत । देईल शेषीं ॥ ८ ॥
 यन्हविं विश्वे बहुत एक । आमचें ऐसें मानसिक ।
 जें दुर्योधनाचे अधिक । प्रताप सदा ॥ ९ ॥
 आणि एरांचेनि पाडें । दल ही तें देवडें ।
 ह्यगौनि जैत फुडें । आणील तो तें ॥ १६१० ॥
 आह्वा तव गमे ऐसें । मां तूझे जोईस कैसें ।
 तें नेणों संजया असे । तेंसें सांव पां ॥ ११ ॥

यत्र योगीश्वरः कृष्णो यत्र पार्थो धनुर्द्धरः ॥
 तत्र श्रीर्विजयो भूतिर्भुवा नीतिर्मतिर्मम ॥ ७८ ॥

यया बोला संजयो ह्यणे । जी येरायेरांचें मीं नेणें ।
 परि आयुष्य तेथ जीणें । हें फुडें गा ॥ १२ ॥
 चंद्रु तेथ चंद्रिका । शंभु तेथ अंबिका ।
 संत तेथ विवेका । असणें कीं जी ॥ १३ ॥
 रावो तेथ कटक । सौजन्य तेथ सोइरिक ।
 वन्हि तेथ दाहक । सामर्थ्यता ॥ १४ ॥
 दया तेथ धर्मु । धर्मु तेथ सुखागमु ।
 सुखीं पुरुषोत्तमु । असे जैसा ॥ १५ ॥
 वसंतु तेथ वनें । वनें तेथ सुमनें ।
 सुमनिं पाळेगनें । सारंगांचिं ॥ १६ ॥

गुरु तेथ ज्ञान । ज्ञानिं आत्मदर्शन ।
 दर्शनीं समाधान । आधि जैसे ॥ १७ ॥
 भाग्य तेथ विलासु । सुख तेथ उल्हासु ।
 हें असो तेथ प्रकाशु । सूर्यो जेथें ॥ १८ ॥
 तैसे सकल पुरुषार्थ । जेणें स्वामी कां सनाथ ।
 तो श्रीकृष्णराउ जेथ । तेथ लक्ष्मी ॥ १९ ॥
 आणि आपुलेनि कांतोसिं । ते जगदंबा जया पासिं ।
 अणिमादिकी दासी । नो होंतु तेयातें ॥ १६२० ॥
 तेयांचिये देशिचां झाडिं । कल्पतरुतें होडीं ।
 न जीणावें काइ थोडीं । मायबापें ॥ २१ ॥
 ते पाषाण हिं आघवे । चितारत्नीं कां नोहावें ।
 तिये भूमी कां नैयावें । सुवर्णत्व ॥ २२ ॥
 तेयांचिये गाविंचिया । नदी अमृतें वाहाविया ।
 नवल काइ राया । विचारि पां ॥ २३ ॥
 तेयांचे त्रिसाट शब्द । सुखां ह्यणों यंति वेद ।
 सदेह सच्चिदानंद । कां न व्हावे ते ॥ २४ ॥
 पै स्वर्गापवर्ग दोन्हीं । इयें पदें तियां आधिनि ।
 श्रीकृष्णु बापु जननी । कमला जेयां ॥ २५ ॥
 ह्यणौनि जिये बाहे उभा । तो लक्ष्मीयेचा बालभा ।
 तेथ सर्वसिद्धी स्वयंभा । एर नेणों ॥ २६ ॥
 आणि समुद्रा मेघु । उपेगें तेया हीं हुनि चांगु ।
 तैसा पार्थीं आजि लागु । असे तिये ॥ २७ ॥
 कनकत्वदीक्षागुरु । लोहा परिसु होये कीरु ।
 परि जगा पोसिता व्यवहारु । तें चि जाणे ॥ २८ ॥
 एथ गुरू यंतसे उणें । ऐसें क्षनें हें कोणहीं क्षणे ।
 बन्दि प्रकाशु दीपपणें । प्रकाशी आपुलां ॥ २९ ॥

तैसा देवाचिया शक्ती । पार्थु देवासी चि बहुती ।
 बरी माने इये स्तुती । गौरव असे ॥ १६३० ॥
 आणि पुत्रे मी सर्वगुणि । जीणांवा हे बापु श्रियाणी ।
 करी तैसा सारंगपाणी । फला आला ॥ ३१ ॥
 किंबहुना ऐसा नृपा । पार्थु जाला असे कृष्णकृपा ।
 तो जिया'कडे साक्षेपा । रिती पाहे ॥ ३२ ॥
 तो चि गा विजयासि ठावो । एथ कोणु तुज संदेहो ।
 तेथ न ए तरि वावो । विजयो चि होये ॥ ३३ ॥
 झणौनि जेथ श्रीमंतु । आणि जेथ पांडुचा सुतु ।
 तेथ विजयो समस्तु । अभ्युदयो तेथ ॥ ३४ ॥
 जरि व्यासाचेनि साचें । मानी मन तुमचें ।
 तरि या बोलाचें । ध्रुव चि माना ॥ ३५ ॥
 जेथ तो श्रीवल्लभु । जेथ तो भक्तकदंबु ।
 जेथ सुखें तेथ लाभु । मंगलांचा ॥ ३६ ॥
 या बोला आन होये । तरि व्यासाचा अंकु न व्हाए ।
 ऐसें गाजौनि वाहे । उमिली तेणें ॥ ३७ ॥
 एवं भारताचा एवांका । आणूनि अक्षरा एका ।
 संजयें कुरुनायका । दीधला हार्ति ॥ ३८ ॥
 जैसा नेणों केवडा वन्हि । कां परि गुणांनि ठेउनि ।
 आणिजे सूर्याची हाणी । निस्तरावेया ॥ ३९ ॥
 तैसें शद्ब्रह्म अनंत । जालें सवा लक्षु भारत ।
 भारताचें सतें सात । सर्वस्व गीता ॥ १६४० ॥
 तेयां हिं सातां शतांचा । इत्यर्थु हा श्लोकु शेषिचा ।
 व्यासशिष्यसंजयाचा । पूर्णोद्गारु हा ॥ ४१ ॥
 एणें एकें चि श्लोकें । राहे तेणें असिकें ।
 अविद्याजाताचें नीकें । जीतलें होए ॥ ४२ ॥

ऐसेयां श्लोकां सें सात । गीतेचि पदें आंगें वाहात ।
 पदें हणों किं अमृत । गीताकाशिचें ॥ ४३ ॥
 किं आत्मराजाचिये सभे । गीते उडविले खांबे ।
 मज श्लोक प्रतिभे । ऐसे एंती ॥ ४४ ॥
 किं गीता हे सप्तशती — । मंत्रप्रतिपाद्य भगवती ।
 मोहमहिषभुक्ती । आनंदली असे ॥ ४५ ॥
 ह्यणौनि मनें कानें वाचा । जो सेवकु होईल इयेचा ।
 तो स्वानंदसाम्राज्यांचा । चक्रवर्ति करी ॥ ४६ ॥
 किं अविद्यातिमिररोखें । श्लोक सूर्याचें सावाइकें ।
 खेलविलें गीतामीखें । रायें श्रीकृष्णें ॥ ४७ ॥
 किं श्लोकाक्षरद्राक्षयता । मांडौ जाली आहे गीता ।
 संसारपथश्रान्ता । विसावांवेया ॥ ४८ ॥
 किं सभाग्यसंतीं भ्रमरीं । केले ते श्लोक कल्हारें ।
 श्रीकृष्णास्यसरोवरीं । सांसिनली हे ॥ ४९ ॥
 किं श्लोक नव्हंति आन । गमे गीतेचें महिमान ।
 वाखाणिते बंदिजन । उदंड जैसे ॥ १६५० ॥
 किं श्लोकांचेया आवरां । सात से करूनि सौंदरा ।
 सर्वागम गीतापुरा । वसों आले ॥ ५१ ॥
 कां निजकांता आत्मेयां । आवडि गीता मिलावेया ।
 श्लोक नव्हंति बाह्या । पसरुं कां जो ॥ ५२ ॥
 किं गीता कमलिचे भृंग । किं गीतासागरतरंग ।
 किं हरिचे हे तुरंग । गीतारथिचे ॥ ५३ ॥
 किं श्लोक—सर्वतीर्थांतु । आली गीता गंगा अद्भुत ।
 जें अर्जुनु जाला सिंहरथु । ह्यणौनियां ॥ ५४ ॥
 किं नव्हे हे श्लोकश्रेणी । सतंत जाली चिंतामणी ।
 किं निर्विकल्पलाषणी । कल्पतरुची हे ॥ ५५ ॥

ऐसेयां सें सात श्लोकां । परि आगला एकु एका ।
 आतां कोणु वेगलिका । वानात्रा पां ॥ ५६ ॥
 दीपा आदीलु मागीलु । सूर्यासि धाकुटा वडीलु ।
 अमृतसिंधु खोलु । उतलु काइसा ॥ ५७ ॥
 तानी आणि पारिठी । इया कामधेनूतें दीठी ।
 सूनि जैसिया गोठी । कीजति नां ॥ ५८ ॥
 तैसे पहिले आणि सरते । श्लोक न ह्मणावे गीते ।
 जूनि नर्वि पारिजातें । असति काइ ॥ ५९ ॥
 आणि श्लोकां पाडु नाहिं । हें किर समर्थु काइ ।
 एथ वाच्यवाचक हिं । भागु न धरी ॥ १६६० ॥
 जे इये शास्त्रि एकु । श्रीकृष्णु चि वाच्यवाचकु ।
 हें प्रसिद्धी जाणे लोकु । भलेतो ही ॥ ६१ ॥
 एथ अर्थें तें चि पाठें । जोडे एवडेनि धटें ।
 वाच्यवाचकें एकवटें । सार्धाति शास्त्रें ॥ ६२ ॥
 ह्यणौनि मज काहिं । समर्थनीं आतां विषो नाहिं ।
 गांता जाणा हे वाङ्मई । श्रीमूर्ति प्रभूची ॥ ६३ ॥
 शास्त्र वाच्यें अर्थें फले । मग आपण मावले ।
 तैसें हें नव्हे समूलें । परमतत्व चि ॥ ६४ ॥
 कैसा विश्वाचिया कृपा । करुनि महाभानंदु सोहपा ।
 अर्जुना व्याजें रूपा । आणिला देवें ॥ ६५ ॥
 चकोरांचेनि निमित्तें । तीन्हीं भुवनें संतप्तें ।
 निवविलि कळावतें । जिया परीं ॥ ६६ ॥
 तैसें हें गीतेचें दुभतें । वत्स करुनि पार्थातें ।
 दुभिनली पुरतें । श्रीकृष्णु गाए ॥ ६७ ॥
 कां गौतमाचेनि मीसें । कलिकालुज्वरितादोसें ।
 पाणिढ्हालु गिरीशें । गंगेचा केळा ॥ ६८ ॥

एथ जीवें जरि नाहाल । तरि हें चि कीरु होआल ।
 ना पाठमीखें तीमाल । जीभ पै जरि ॥ ६९ ॥
 तन्हीं लोह हें एकें अंशें । झगटिले होये परिसें ।
 तरि एकी कडे आपैसैं । सुवर्ण होए ॥ १६७० ॥
 तैसी पाठाची ते वाटी । लाविजे ना जवं वोंठी ।
 तवं ब्रह्मतेची पुष्टी । एईल आंगा ॥ ७१ ॥
 नां येणेंसि तोंड वांकुडें । करुनु ठाकाल कानवडें ।
 तरि कानें हिं घेंति पडे । तें चि लेख ॥ ७२ ॥
 कां जें श्रवणें पाठें अर्थें । गीता नेंदी मोक्षा आरौतें ।
 स्थूल दाता किं कोण्हातें । नास्ति न ह्यणैल ॥ ७३ ॥
 ह्यणौनि जिया तिया सवा । गीता चि येकि सेवा ।
 काइ कराल आघवां । शास्त्रिं एरिं ॥ ७४ ॥
 आणि कृष्णार्जुनिं मोकली । गोठि केली निरालीं ।
 ते व्यासैं दाविली करतलीं । घेऊं ये ऐसी ॥ ७५ ॥
 बालकांतें वोरसैं । माये जंवऊं व्रंस ।
 तेव्हल्लिं तेया ठाकति तैसैं । घांस करी ॥ ७६ ॥
 कां अफांटा सर्मारणा । आपैतेपणेंसि आणा ।
 केलें जैसें धीजणा । निर्मूनियां ॥ ७७ ॥
 तैसैं शब्दें जें न लभे । तें घडूनु अनुष्टुभें ।
 स्त्रीशूद्रादिप्रतिभे । सामविल्लें ॥ ७८ ॥
 स्वातीचेनि पाणिये । न्हवति जरि मंतिर्यें ।
 तरि आंगीं सौंदरांचिये । कां शांभती तियें ॥ ७९ ॥
 नादु वाद्या नैयता । तरि कां गोचरु होंता ।
 फुलें नव्हतां घरता । आमोदु कंवि ॥ १६८० ॥
 गोडें नव्हति पक्कानें । तरि कां फवती रसने ।
 दर्पणें विण नयनें । नयनु कां दीसे ॥ ८१ ॥

द्रष्टा श्रीगुरुमूर्ति । न रिगतां दृश्यपंथी ।
 तरि काह्या उपास्ती । आकलता तो ॥ ८२ ॥
 तैसें वस्तु जें असंख्यात । तेया संख्या इयें शतें सात ।
 नव्हंति तरि कोण एथ । लागों ये तें ॥ ८३ ॥
 मेघु सिंधुचें पाणी वाहे । तन्हीं जग तेयातें चि पाहे ।
 कां जें उर्मप तें नोहे । टाकतें कोणहां ॥ ८४ ॥
 आणि वाचा जें न पवे । तें श्लोक न्हवति बरवें ।
 तरि कानें मुखें फावे । ऐसें कां होंतें ॥ ८५ ॥
 ह्यणौनि व्यासाचा हा थोरु । विश्वा जाला उपकारु ।
 श्रीकृष्णउक्ति आकारु । ग्रंथाचा केला ॥ ८६ ॥
 आणि तो मियां हा आतां । व्यासाचिं पदें पाहातपाहातां ।
 आणिला श्रवणपथा । मन्हाटिया ॥ ८७ ॥
 व्यासादिकांचे उन्मेष । राहाटति जेथ साशंक ।
 तेथ भी रंक एक । वाचालै करी ॥ ८८ ॥
 परि गीता ईश्वरु भोला । ले व्यासोक्तिकुसुममाला ।
 परि माझेया दूर्वादला । ना न ह्यणे ॥ ८९ ॥
 आणि जेया सिंधुतटा । पाणियां येते गजघंटा ।
 तरि काइ मुरकुटां । वारिजतसे ॥ १६९० ॥
 पांखिकुटें पांखिरुं । गगनीं नुडे तरि काइ करुं ।
 नभ क्रमूनि थोरु । गरुडु देखें ॥ ९१ ॥
 राजहंसाचें चालणें । भूतलिं चालवें कवणें ।
 तरि आणिकिं ही कुट्टेपणें । चालवें लागे ॥ ९२ ॥
 जी आपुलेनि अवकाशें । अगाध घेरे कलशें ।
 चूलु चूलु पाणी ऐसें । घेउनि निगे ॥ ९३ ॥
 दिविधेचां आंगि थोरी । तरि ते बहुतां तेजातें करी ।
 घाति आपुलिया परी । आणीकीं ना ॥ ९४ ॥

जी समुद्राचेनि पैसें । समुद्रीं आकाशें आभासे ।
 थिलरीं थिलरा ऐसें । बिंबें चि पैं ॥ ९५ ॥
 तेवि व्यासादिमहामती । वावरों ये इये प्रथीं ।
 मां आह्मी ठाकों हें युगुति । निमले चि कीर ॥ ९६ ॥
 जिये सागरीं जलचरें । संचरति मंदराकारें ।
 तेथ काइ सफरें । पव्हों न ल्हांति ॥ ९७ ॥
 अरुणु आंगा जवलिके । ह्यणौनि सूर्यातें तो देखे ।
 मा भूतळिं चि नेदखे । मुंगी काई ॥ ९८ ॥
 इया लागि आह्मां प्राकृतां । देशिकारें बांधों गीता ।
 ह्यणणें हें अनुचिता । कारण नव्हे ॥ ९९ ॥
 आणि बापु पुढां जाये । देखां उचलता पायें ।
 आणि बालक हळू हळू ये । तरि तें न पवों काइ ॥ १०० ॥
 तैसा व्यासाचा मागोवा घेंतू । भाष्यकारांतें पूसतु ।
 अयोग्यु ही भी न पवतु । कें जाइन ॥ १ ॥
 आणि पृथ्वी जेया क्षेमा । नुभगे स्थावरजंगमा ।
 जेयाचेनि अमृतें चंद्रमा । निववी जग ॥ २ ॥
 जेयाचें आंगें असिकें । तेज लाहूनि अकें ।
 आंधाराचें सावाइकें । लोटिजतसे ॥ ३ ॥
 समुद्रा जेयाचें तोए । तोया जेयाचें माधुर्य ।
 माधूर्या सौंदर्य । जेयाचे होंतें ॥ ४ ॥
 पवना जेयाचें बल । आकाश जेणें पघल ।
 ज्ञान जेणें उजल । चक्रवर्ती ॥ ५ ॥
 वेद जेणें सुभास । सुख जेणें सोळास ।
 हें असो रूपस । विश्व जेणें ॥ ६ ॥
 तो सर्वोपकारी समर्थु । सहुरु श्रीनिवृत्तिनाथु ।
 राहाटतसे मज आंतु । रिगौनियां ॥ ७ ॥

आतां आइती गीता जगी । मीं सांवे मन्हाटिया भंगी ।
 एथ कैचा विस्मया लागि । ठाउं असे ॥ ८ ॥
 श्रीगुरुचेनि नावे मारती । डोंगरी जेया पासि होती ।
 तेणें कोलियें त्रिजगती । एकावद केली ॥ ९ ॥
 चंदने वेधिली झाडें । जालि चंदनाचेनि पाडें ।
 वसिष्ठे मानिळी कीं भांडे । भानुसी घाठी ॥ १० ॥
 मा भी तवं चित्ताथिला । आणि श्रीगुरु ऐसा दादुला ।
 जो दीठिवेनि आपुलां । बैसवी पदीं ॥ ११ ॥
 आधीं चि देखणी दीठि । वरि सूर्यु पुरवी पठि ।
 तें न दिसे ऐसी गोठि । कोठें असे ॥ १२ ॥
 हणौनि माझे नीच नवे । श्वास ही प्रबंध होआवे ।
 गुरुकृपा काइ न्हेवे । ज्ञानदेउ हणे ॥ १३ ॥
 या कारणें भियां । गीतार्थु मन्हाटिया ।
 केला लोका लागिआ । दीठिचा विखो ॥ १४ ॥
 परि मन्हाटे बोल रंगें । कवलितां जें गीतांगें ।
 तें गा तेयाचेनि पांगें । एकावट जाले ॥ १५ ॥
 हणौनि गातां गाउं हणे । तें गाणिवे होये नेणें ।
 ना मोलें तारि रणें । गीता ही न आणित्ती ॥ १६ ॥
 सुंदर आंगि लेणें न सूर । तें तो मोकला श्रिगारु होये ।
 ना लेइलें तारि आहे । तैसें कें उचित ॥ १७ ॥
 कां मोतियांची जैसी जाति । सोनयां हिं मानु देंति ।
 ना यन्हविं तन्हीं मानवति । आंगें चि गुणु ॥ १८ ॥
 नाना गुंफिलीं कां मोकलीं । उणीं न्हंति पारिमलीं ।
 वसंतागमिचि वाटौलीं । मोगरिं जैसिं ॥ १९ ॥
 तैसी गाणीव ते मिरवी । गीतें त्रिण रंगु दावी ।
 ते लोभाचां बंधु उंवी । केली भियां ॥ २० ॥

तेणें आबालसुबोधें । उभियेचेनि बंधें ।
 ब्रह्मरसुस्वादें । आखरें गुंफिलीं ॥ २१ ॥
 आतां चंदनाचां सेजारीं । परिमला लागि निमिष भरी ।
 पारुखणें जिया परीं । न लगे तेथ ॥ २२ ॥
 तैसा प्रबंधु हा श्रवणीं । लागत खेअ समाधी आणीं ।
 आइकिलेयां वाखाणी । व्यसन न लवीं ॥ २३ ॥
 पाकु करिति व्याजें । पांडिल्यें एथ वेखजें ।
 तें अमृतातें नेणजे । पातलेयां ॥ २४ ॥
 तैसेनि आइतेपणें । कवित्व जालें उभणें ।
 मनननिदिध्यासश्रवणें । जीतलें आतां ॥ २५ ॥
 हें स्वआनंदभोगाचो सेल । भलेतेयासी चि देइल ।
 सर्वोद्वेयें पोसवील । श्रवणा करवीं ॥ २६ ॥
 चंद्रातें आंगवणें । भोगुनि चकोर सिहाणे ।
 तन्हीं फावे जैसें चांदिणें । भलतेया ॥ २७ ॥
 तैसें आध्यात्मशास्त्रीं इये । एक अंतरंग चि अधिकारिये ।
 येरि लोक वाक्चातुर्यें । होईल सुखिया ॥ २८ ॥
 ऐसें श्रीनिवृत्तिनाथाचें । गौरव असें जी साचें ।
 ग्रंथु नव्हे सुकृपेचें । वैभव तिये ॥ २९ ॥
 क्षीरसिंधुपरिसरीं । शक्तिचां कर्णकुहरीं ।
 तेणें कै श्रीत्रिपुरारी । साधितलें जें ॥ १७३० ॥
 तें क्षीरकल्लोला आंतु । मकरोदरिं गुपितु ।
 होता तेयाचा हातु । पैठें जालें ॥ ३१ ॥
 तो मछप्रसवसृंगी । भग्नावयव चौरंगी ।
 भेटला तो सर्वांगि । संपूर्णु जाला ॥ ३२ ॥
 मग समाधि अव्यया इया । भोगाचा वास नां इया ।
 ते मुद्रा श्रीगोरखराया । दिधळी मीनीं ॥ ३३ ॥

तेणें योगाब्जिनीसरोवरू । विषयविध्वंसैकवीरु ।
 तिये, पर्दी कां सर्वेश्वरु । अभिषेकेला ॥ ३४ ॥
 मग तेहीं तें शांभव । अद्वयानंदवैभव ।
 संपादिलें सप्रभाव । श्रीगायणिनार्थी ॥ ३५ ॥
 तेणें कलिकलितभूतां । आला देखौनि निरुता ।
 आज्ञा श्रीनिवृत्तिनाथा । दीधली ऐसी ॥ ३६ ॥
 अनादिगुरुशंकरा । पासौनि शिष्यपरंपरा ।
 बोधाचा हा संवसारा । जाला आमतें ॥ ३७ ॥
 तो हा घेउनि आघवा । कलिगीलितेयां जीवां ।
 सर्वप्रकारिं धावा । करि पां वेगां ॥ ३८ ॥
 आधि तो तवं कृपालु । वरि गुरुआज्ञेचा बोलु ।
 जाला जैसा वरिषाकालु । खवणलें मेघां ॥ ३९ ॥
 मग आर्त्ताचेन उरसें । गीतार्थप्रथनमिसें ।
 वरिखला शांतरसें । तो हा ग्रंथू ॥ १७४० ॥
 तेथ पुढां मी बापिया । मांडलां आर्त्ता आपुलेया ।
 कीं यया साठिं यवडेया । आणिलां यशा ॥ ४१ ॥
 एवं गुरुक्रमें लाधलें । समाधिधन जें आपुलें ।
 तें ग्रंथिं बांधौनि दीधलें । गोस्तांविं मज ॥ ४२ ॥
 बांचौनि पढें ना वाचीं । ना सेवा ही जाणें स्वामिचीं ।
 ऐसेया मज ग्रंथाची । योग्यता कें असे ॥ ४३ ॥
 परि साच चि गुरुनार्थें । निमित्त करुनि मातें ।
 प्रबंधव्याजें जगातें । रक्षिलें जाणा ॥ ४४ ॥
 तर्हि पुरोहितगुणें । मी बोलिलां पुरें उणें ।
 तें तुझीं माउलीपणें । उपसाहिजो जी ॥ ४५ ॥
 शड्डू कैसा घडिजे । प्रमेय कैसेयां चढिजे ।
 अलंकारु क्षणिजे । काइ तें नेंणें ॥ ४६ ॥

साएखेडाचें बाउलें । चालवतिंया सूत्राचेनि चाले ।
 तैसा मातें दावीति बोलें । स्वामि तो माझा ॥ ४७ ॥
 या लागि मी गुणदोत्र । विषां क्षमाविं ना विशेष ।
 जें संजात मी ग्रंथिलों देख । आचार्ये कीं जी ॥ ४८ ॥
 आणि तुह्मां संतांचिये सभे । जें उर्णावांसिं ठाके उभें ।
 तें पूर्ण नोहे तें लाभे । तुह्मा कोपों ॥ ४९ ॥
 सितलेयां हिं परिसें । लोहत्वाचिए अवदशे ।
 न मूकिये चि आयसें । तो कोणां बोलु ॥ १७५० ॥
 वोहलें हें चि करावें । जें गंगेचें आंग टाकावें ।
 मग ही गंगा नोहे । तें तो काडू करी ॥ ५१ ॥
 ह्यणौनि भाग्ययोगें बहुवें । तुह्मां संतांचे मी पाए ।
 पातलां आतां कें आहे । उणें जर्गी ॥ ५२ ॥
 आहो जी माझेनि स्वामीं । मज संत जोडुनु तुह्मीं ।
 दीधलेति सर्वकामीं । संपूर्ण जालां ॥ ५३ ॥
 पाहे पां मातें तुह्मां सांगडें । माहेर तें सुरवाडें ।
 ग्रंथाचें हें आलियाडें । सिद्धी गेलें ॥ ५४ ॥
 जी कनकाचें निखल । उभूं येईल भूतल ।
 चितारतीं कुलाचल । निर्मू एंती ॥ ५५ ॥
 सातां हिं सागरातें । सोहणें भरितां अमृतें ।
 दुवाड नोहे तारातें । चंद्रु करितां ॥ ५६ ॥
 कल्पतरूंचे आराम । लावितां नाहिं विषम ।
 परि गीतार्थाचें वर्म । निवडीं नैए ॥ ५७ ॥
 तें मीं एकु सर्व मूका । बोलौनि मन्हाटिया चोखा ।
 करिं डोले वरि लोकां । घउं ए ऐसें ॥ ५८ ॥
 हा ग्रंथसागर एवडा । उतरौनि पैलीकडां ।
 श्रीचिंविजयाचा ढेंढा । नाचे जे कां ॥ ५९ ॥

गीतार्थिचा अरुवारु । कलशेंसि महामेरु ।
 रचूनि माझी श्रीगुरु- । लिंग जें पूजा ॥ १७६० ॥
 गीता निष्कपट माए । चूभौनि हींढिजे वाएं ।
 ते माये पूतां भेटि होए । हा धर्मु तुमचा ॥ ६१ ॥
 तुझा सज्जनाचें केलें । आकळनि जी मां बोलें ।
 ज्ञानदेउ हौणे ठेंकुळें । तैसें हें नोहे ॥ ६२ ॥
 काइ बहू बोलों सकलां । मेलविलां जन्मफला ।
 ग्रंथसिद्धिचा सोहला । दाविला जो हा ॥ ६३ ॥
 मियां जैसीजैसिया आशा । केला तुमचा भरवसा ।
 तो पुरौनि जी बहुवसा । आणिलां सुखा ॥ ६४ ॥
 जी मज लागि ग्रंथाची स्वामी । दूजी सृष्टि केली तुझीं ।
 तें पाहूनि हांसों आक्षि । विश्वामित्रातें ॥ ६५ ॥
 जें असौनि त्रिशंकुदोसें । धात्रेया ही आणावें वासें ।
 तें नासतें कांजें किं ऐमें । निर्मवें ना हीं ॥ ६६ ॥
 शंभु उपमन्युचेंनि माहें । क्षीरसागरु केला आहे ।
 एथ तो ही उपमा नोहे । जें विषगर्भ किं ॥ ६७ ॥
 अंधकारा निशाचरां । गोलितां सूर्ये चराचरा ।
 धावा केला तन्हीं खरा । ताउनि तो ॥ ६८ ॥
 तातलेया जगा कारणें । चंद्रें हिं वेचिलें चांदिणें ।
 तेया सदोपा केंवि हणें । सारिखें हें ॥ ६९ ॥
 हणौनि तुझीं मज संतां । ग्रंथरूपु जो हा त्रीजगती ।
 उपेगु केला तो हा पुढुती । निरूपमु जी ॥ १७७० ॥
 किंबहुना तुमचें केलें । धर्मकीर्तन सिद्धी गेलें ।
 एथ माझे जी उरलें । पाइकपण ॥ ७१ ॥
 आतां विश्वाःमकें देवें । एणें वाग्यज्ञें तोषावें ।
 तोखौनि मज देषावें । पसायदान हें ॥ ७२ ॥

जें खलांची वांकुडै मोडे । तेयां सत्संगीं रति वाढे ।
 भूतां परस्परें पडे । मैत्र ज्जीवाचें ॥ ७३ ॥
 दुरिताचें तिमिर जाऊ । विश्वा स्वधर्मसूर्यो पाहो ।
 वांछिल तें तें लाहो । प्राणिजात ॥ ७४ ॥
 वर्षतें सर्वमंगलीं । इश्वरनिष्ठांची मांदियली ।
 अनव्रत भूतलीं । भेटोतु भूतां ॥ ७५ ॥
 चलां कल्पतरूचे आरव । चेतवाचितामणिचे गावं ।
 बोलते पां अर्णव । पीयूखांचे ॥ ७६ ॥
 चंद्रमे जे आलंछन । मार्त्तंड जे तपहीन ।
 ते सर्वा हीं सदा सज्जन । सोयरे होंतु ॥ ७७ ॥
 किंबहुना सर्वसुखीं । पूर्णा होउनि तिहिं लोकिं ।
 भजिजो आदिपुरुषीं । अखंडित ॥ ७८ ॥
 आणि ग्रंथोपजीविये । विशेषें लोकीं इये ।
 दृष्टादृष्टविजयें । होआवें जी ॥ ७९ ॥
 एथ ह्मणे विश्वेसरु राऊ । हा होईल दाबो पसाऊ ।
 ऐणें वचनें ज्ञानदेऊ । सुखिया जाला ॥ १७८० ॥
 ऐसें युगीं वरि कली । आणि महाराष्ट्रमंडलीं ।
 श्री गोदावरिचां कुलीं । दक्षिणिलीं ॥ ८१ ॥
 तेथ भुवनैकपवित्र । अनादिपंचक्रोशक्षेत्र ।
 जगाचें जीवनसूत्र । जेथ श्रीमहालसा ॥ ८२ ॥
 तेथ इंद्रुवंशविलासु । जो सकलकलां निवासु ।
 न्यायातें पोखीत क्षितीशु । श्रीरामचंद्रु ॥ ८३ ॥
 तें माहेषान्वयसंभूतें । श्रीनिवृत्तिनाथसुतें ।
 केलें ज्ञानदेवें गीते । देशीकार लेणें ॥ ८४ ॥
 एवं भारताचां गावीं । भीष्मनामीं प्रसिद्धपवीं ।
 श्रीकृष्णार्जुनीं बरवी । जे गोष्टि केली ॥ ८५ ॥

जें उपनिषदाचें सार । सर्वशास्त्राचें माहिएर ।

परमहंसीं सरोवर । सेविजे जें ॥ ८६ ॥

तिये गीतेचा कलशु । संपूर्ण हा अष्टादशु ।

ज्ञणे निवृत्तिदासु । ज्ञानदेवो ॥ ८७ ॥

पुडुतीं पुडुतीं पुडुतीं । इया ग्रंथा पुण्यसंपत्ती ।

सर्वसुखीं सर्वभूतीं । संपूर्ण होइजो ॥ ८८ ॥

ॐ तत्सदितिश्रीमद्भगवद्गीतासूपनिषत्सु ब्रह्मविद्यायां योगशास्त्रे
श्रीकृष्णार्जुनसंवादे मोक्षयोगो नाम अष्टादशोऽध्यायः ॥

हिरण्य । श्रीकृष्णार्पणमस्तु ॥ १८ ॥

लेखनं श्रीकृष्णार्पणमस्तु ॥

श्री + + + + साम्राज्यलक्ष्मीस्वरूपीश्वरा

गुरुकृपालुनारायण पातु मां ॥




शके बारा शते बारोत्तरे । तै टीका केली ज्ञानेश्वरें ।

सच्चिदानंदबाबा आदरें । लेखक जाला ॥ ९२ ॥



हें पुस्तक विश्वनाथु कोनेर धोलरदेवनुरकरं



भीसद्गुरुमुकुंदेन दत्ता ज्ञानेश्वरी शुभा ॥

विद्याधराय शिष्याय स्वीय स्वत्वं न शोभते ॥ १ ॥



प्राचीन शब्दकोश



प्रस्तुत लहान कोशांत कांहीं ठळक ठळक प्राचीन शब्दांचे अर्थ दिले आहेत. दुसऱ्या खंडांत ज्ञानेश्वरींतील एकोनएक शब्दांची बृहत्सूचि याचयाची आहे, त्यांत अठराहि अध्यायांतील शब्दांचे अर्थ स्पष्ट होतील.

अ

अगत्या—निरुपायानें.
 अगाधपण—अमेयत्व, गूढत्व.
 अध—पाप, दुःख.
 अचल—स्थिर, पर्वत.
 अनुंबित—अस्पृष्ट, अतर्कित.
 अष्टुइंवरि—अद्यापपर्यंत.
 अडदर—भय.
 अडव—रान.
 अडिनांव—अयथार्थनाम.
 अडे—सांठवे.
 अढचें—वरचें.
 अणुसुट—अनुच्छिष्ट.
 अतिसो—अतिशय.
 अथव, अथांव, -ठव, ठाव नाहीं
 असा जलसंचय.
 अध्वरं—यज्ञ, याग.
 अनकलित—समग्र.
 अनव्रत—निरंतर, विवृत, प्रसन्न.
 अनस्युड—अखंड आंबलेलें.

अनारिसें—भिन्न, भळतें.
 अनावर—आवरण्यास अशक्य.
 अनुकार—अनुकरण.
 अनुघाड—उघाड नाहीं तें, गुप्तपणा,
 कोंडणी.
 अनुपरोध—रूपोपरोधरहित, यथार्थ.
 अनुभौ—अनुभव.
 अनुसंग—संगति, संबंध, विश्वास.
 अनेग—एकाहून अधिक.
 अपभ्रंशु—नाश, अपशब्द.
 अपाड—साम्यरहित, अशक्य, सत्वर.
 अपार—अपारिमित.
 अपावृत—उघडले, प्रकटले.
 अपांपरि—दुर्दशा, भिन्न रीति.
 अभोल—भोळा नव्हे तो, प्रबुद्ध.
 अर्चिरामार्ग—सूर्यकिरणमार्ग.
 अरौतें—अलिकडचें.
 अल्लिउलें—भुंग्यांचे बवें.
 अलुकी—ज्वसन, झुपा, आसक्ति.
 अलौकिकां—अलौकिकवान्, कौतुकीना
 सोडून बागवारा.

अवगाळ-गाळ.

अवष्टंभ-अहंकार, आश्रय, धैर्य.

अवसरीं-मोहें, समयीं.

अवसात-अकस्मात्.

अव्हाटां-भाडवाट.

अविद्या-माया.

अविट, अवीट-अलित, शुद्ध, सरळ,

अविनाभाव-व्याप्तिमत्व, अविलगपणा

असकरणें-धिकारणें.

असका-अवघा, समग्र.

अस्तोव्यस्त-अस्ताव्यस्त

असमसाहस-ज्याचे साहसास साम्य
नाहीं असा, अमर्याद.

असमाई-न समावणारी, न राहणारी

असंघडे-विघडे.

अशौहिणी-रथ व हत्ती २१८७०,

घोडे ६५६१०, पदाति

१०९३५०

अंगस्तिगौवण-अंग आच्छादणारी

पिशवी

आ

आउठाबिये-साडेतिसऱ्या.

आंकण-बंदी, प्रतिरोध.

आंकला-अंकित.

आंकूनि-मुद्रा ठोकून.

आखलिचे-दुष्टपणाचे.

आखर-अक्षर.

आखरीं-खाण, शेत, मळा.

आंगलगें-समागमें.

आंगलिक-आधिक्य.

आंगलें-अन्य, भिन्न.

आंगवटा-अंतरंग, जातिस्वभाव.

आंगवणें-मानवणें.

आंगवस्तां-अंगप्रदेशांत.

आगसे-डाहाळ्याचे शेंडे.

आगा-अरे, रे, अहो.

आगियल-आगीचा डोंव.

आचरणें-करणें, अनुष्ठिणें.

आचरतेनि-आचरणान्यांनीं.

आशुं-अद्यापि.

आशूं-अद्यापि.

आटलिजों-आळावयान.

आंटी-गांठ, मिठी.

आटोपे-डौल, महत्व, व्यापकता.

आठमुठी-अज्ञपणानें व मुखपणानें

आंठूं-श्रमून.

आठौ-स्मृति.

आडकंठ-अलीकडला कांठ.

आडदर-प्रतिभय.

आडलिजे-अडखळावें.

आडवंकी-खीळ.

आंढें-आणि, अथवा. कां.

आणी-आणतो.

आणि, णी-अग्र, महत्व.

आंतर-अंतःकरण.

आत्राटणें-थापटणें.

आंतुवटपणा-बलिष्टता.

आते-पावे.

आंतौतें-फार आंति.
 आथि-आहे.
 आथिला-संपन्न.
 आयुधुरे-सदसत्पणे.
 आदिल-प्रारंभीचे.
 आधपलिंपि-तप्तज्ञालेली.
 आधव-भासक्ति.
 आधाडा-मध्यभाग, आर्धाकडा, उद
 काचा उगम अथवा मध्य.
 आधिकां-बलवत्तर.
 आधिली-अर्धी.
 आनौति-अन्य.
 आपणपें-आत्मत्व.
 आपादिलें-प्रतिपादिलें.
 आपु-प्राप्त.
 आपेसिं-अपयशें.
 आबुधिर्ली-अभ्युत्थान शाली, उठलीं.
 आम्नाय-वेद.
 आय-वश, लाभ, आकार, ठिकाण.
 आयणी-सामर्थ्य, इच्छा, प्रसर, रीति,
 तत्त्वनिर्णय.
 आयतन-विभ्रांतिस्थान.
 आजें-मिळें.
 आर्डि-दरड, खोल विवरें.
 आर्त-इच्छा.
 आरणीं-रक्षणकर्म, सेना.
 आरंमरंभा-कदली, अप्सरोविशेष.
 आराहले-वोषिले, अनुसरले.
 आराणुक-विभ्रांति.

आराब-सुख, समाधान, हर्ष.
 आरौत-अलिकडील, अपहृष्ट
 आलवणें-बोलणें.
 आलविलें-बोलले.
 आलुकैलें-भुकेले.
 आलोडावें-धुसळणें.
 अवगणिचें-अलिकडचें.
 आंवगे-स्वीकारी, पावे.
 आवडतें-हवें तें, इष्ट.
 आवडे-वाटे. [अवच्छिन्न होणें.
 आवरणें-पसरणें, विस्तरणें, आकाशप्रवें
 आवसिक-अल्प वसती आहे असें.
 आव्हासु-आभासु.
 आवाळुवें-ओष्ट प्रांत.
 आविस-अमिष.
 आवेंगवाणें-व्यंगरहित.
 आशतूटि-निराश होऊन.
 आसलगपणा-सोपेपणा, गोडी.
 आसंसीति-वर्णन करतात.
 आहाच-उथळ, सामान्य.
 आहाचवाहाच-चरवर.
 आहाणा-दृष्टान्त.
 आहाति, ती-आहेत.
 आहो-प्रतिष्ठा, आकार.
 आक्षादिजे-आच्छादिजे.

इ, ई

इतुले वेन्ही-इतक्यापर्यंत इतकें,
 इयेतव-इच्छाकारणें.

इं-देखील.

ईभ-इत्ती.

उ, ऊ

उक्ता-सांगितल्या.

उकलियां-समविषमता.

उखितें-एकसरें, आगंतुक.

उगाणां, उगाणे-झाडा, उपदेश,
सांगण, समर्पण.

उगेयां-स्वस्थ.

उगंडू-सुटका, बहिर्गमन.

उजगरा-जाग्रति.

उजरी, उजिरी-ऋजुता, रीति, स्वच्छता
सरिसेपण, विस्तार.

उजलाचें-चकाकणारे.

उजीवडें-प्रकाश.

उजू-नीट.

उजुकारें-नीट प्रकारें.

उतत-बाहेर पडत.

उत्पवन-उडणें.

उते-बाहेर साडणें,

उदका-उदकानीं.

उदंडीं-अत्युत्सुक होत्सात्यांनीं.

उदाणें-बाग, वर येणें, प्रादुर्भाव.

उदिपे-उद्दीपन होई.

उदो-उदय, प्रादुर्भाव.

उधबला-उसळला. [नेत्र ज्याचा.

उन्नेखु सूक्ष्मेक्षण-अवधान हाच सूक्ष्म

उनीदा-जाग्रत.

उपसा, खे-उपसा, व्यर्थत्व, वेच.

उपणितां-सुपानें झडपलें असतां.

उंपरोधी-भीड, अडचण.

उपलवला-दृढ धरिला.

उपहतु-हानि पावलेला, येळिल.

उपादेय-ग्राह्य.

उपायिलें-प्राप्त झालें, विस्तारलें, प्रसिद्ध

उपास्ति-भक्ति.

उपासन-भक्ति.

उपेग-उपयोग.

उभगला-कंठाळा धरिला.

उभडा, डें-लोंडा, भडका.

उमपें-मोजण्यास अशक्य, अमूप,

उमाणितें-मोजितें.

उमेठें-मेळावा.

उराउरी-झडकर.

उदयें-श्रेष्ठ.

उरोधु-प्रतिबंध, भीड.

उल्ब-गर्भाची पिशवी.

उल्हाटे-हद्दून पळे.

उलिंगे-चोकऱ्या नोकऱ्या, विंगार,

वेठ.

उवाउं-उत्साह.

उवायिला-बोधिला.

उबेढा-बेढा दूर करणें.

उसिटा-उच्छिष्ट.

उहरविलीं-उद्धरिलीं.

उहीपुही-भक्ति नभवति.

ऊठि-बाकी.

ए, ऐ.

ए-येतें, येई.

एकतुकें-एकमापाचें.

एकनिष्ठ-दृढभ्रष्ट.

एकवकैयेचा-सारखेपणाचा.

एकाधें-एखांदें.

एकोल-एकवेळ.

एषा-इर्षा, बरोबरी.

एसणें-असलें.

एंति-येतात.

ऐसां-असा.

ओ.

ॐइचिलें-अत्यंत अल्प.

ॐगरा-वाढणें.

ॐडवळा-पातला.

ओतपली-दीप्ति.

ॐथजलें-पातळ केलें.

ओभाणें-पूर, वेग.

ओलांतरला-उशीर झाल्यामुळें फ-

सला,

ओलावणी-शांति.

ॐलिबटा-येण्याजाण्याचा मार्ग.

ॐवडति-घडघडतात.

ॐवरां-खोर्लीत, वोवरीत.

ॐसंझनि-सोझन, टाकून.

ओसणतां-बरळतां.

ओसाणें-केर, कसपट.

ओहिरी-खोर्ली.

क.

ककारांत-सुसुत्रा.

कटारे-शस्त्रविशेष.

कडवसा-कांहीं आधार, प्रडसावली.

कडसणी-कढ, मंथन, कसणें, सावध
करणें, विचार करणें, यथा-
क्रम उच्चारणें.

कडसावें-परीक्षावें.

कडेलग-शेवटाजवळ

कडौनि-कडून.

कणव-दया.

कपोलें-गालांन.

कन्हें-उंट.

करांडी-कुरतुडी.

कल्पिति-मायारूप, मानीव.

कलिया-वळ,

कन्हणी-कोणी.

कन्हाल-कवच.

कविलासु-कैलास.

कस-परीक्षा.

कसु-सामर्थ्य, बळ, परीक्षा.

कलभा-झगडा.

काचें-कच्चें.

काचेय्यं-कच्चा लोकांस.

काज-काय ?

कांटाळें-तराज, रोमांच,

काढ-वेगानें वहाणारे.
 काढत-धावत, लावित.
 कांतळे-जुंपिले.
 कांबि-तिरकामट्याची कांब.
 कामिजे-इच्छावें.
 काळवंतें-काळोख, अप्रकाश, आ-
 लस्य.
 कालासला, कळासति=वांधिला, न्या-
 हाळिला.
 कालौनियां-विचारणा करून.
 कासी-वाराणसी.
 काह्या-कसा.
 क्रान्तदर्शी-ज्ञानी.
 कीजतासि-केला जात आहेस.
 कीड-हीण, वाईट.
 कीडरुं-सर्प.
 कीडाल-खोटें, फटकळ.
 कीरु-खरें पाहिलें तर.
 कुडें-खोटें, लटकें, फटकाळ.
 कुरुठा-शहाणा, गांठ्याळ, खजाना.
 कुरौंडी-ओवाळणी.
 कुलकेणी-कुशलता.
 कुलवाडी-संतति, रयतावा.
 कुलैवा-कुलदीपक
 कुवाड-दुर्घट.
 कुवांसा-आश्रय, साहाय्य.
 कुहां-कूप, विहीर
 कूटि-निंदा, अपवाद.
 कुदांगु-यमधर्म, मृत्यु.

कें-कोठें.
 केणी-प्रकार वस्तु.
 केणें-वस्त्राच्या घडीभोंवती बांधलेली
 दोरी
 केती-किती.
 केरु-नाश
 केव्हालि-कोणत्या वेळीं ही.
 कोठली-कुजकी घाण.
 कोंडा-भूस.
 कोंडणी-कोंडून टाकणें.
 कोडें-सहज, कौतुक, प्रीति, संकट.
 कोंद-गावकुसुं.
 कोंघाटें-व्यापे, भरे.
 कोखु-इटी.
 कोल्लैरी-शाला, मंडप.
 कोवलिक-कोंवळेंपणा.

ख

खडुलें-गडूळ पाणी, गाळ.
 खरपें-रुक्षपणा, कठिणपणा, नीरस-
 पणा.
 खराटे-फांका, अप्राप्ति.
 खलन-स्खलन.
 खबलें-खपली.
 खषणेंयाचां-नम्र, नागा, बौद्ध.
 खांखांते-कर्फश.
 खांचे-दमैं, भ्रम पावे.
 खाजें-खाद्य.
 खाल-कातडी, साल.

खालतिले-खालच्या, अधोभागीच्या.

खिरडला-मागे सरला, हटला.

खीचु-खिचडी,

खेओ-बरोबर, समवेत.

खेलतां-लीलेनें.

खेवणिलें-कोंदिलें.

खेवणें-कोंदण.

खेवां-बरोबर, समवेत.

खोंकरें-फुटकें

खोटि-गोळा, आंटीव सोनें.

खोले-वस्त्राची खोळ.

ग

गगनखालिचें-आकाशाच्या क्षेत्रांत वा-
वरणारें.

गजघंटा-गजसमुदाय.

गडदे-अंधकार, निबिड.

गंधिकालिक-काळा मळ.

गगिजे-मिळविलें जातें.

ग्रंथुगरुवतिचा-ग्रंथगौरवाचा.

गवसणि-पिशवी.

गवे-सांपडे

गहीरु-गंभीर.

गाज्याबज्य-गजबज.

गाढिका-हढता.

गावाई--विनोद.

गिवसावा-शोभासा, आच्छादावा.

गुतकुलिया-गुदगुल्या.

गुंपौनि-गुंदन.

गैसासै-नेणतेपणें.

गोखां-मध्यवर्ती लोकांस.

गोरि-व्याध, पारधी.

गोसांवि-धन्यानीं.

गोसांवी-धनी.

गौल्य-माधुर्य.

गहिंसासा-निवांत असा.

घ

घणवट-परिपूर्ण, भारी.

घरडहुली-घरझाडा.

घरणार्नी-घिरटीं.

घली-काढी.

घसणी-घसट.

घाउस-ग्रहण करण्यास उत्सुक.

घांघवसितां-शोभितां (frequen-
tative of गवसणें.)

घातैचिये-संकटाचे.

घापत-सांपडत.

घारले-प्याले, खारट, व्यापिले.

घेतें-अंतःकरण.

घेपे-बेतलें जातें, घेइजे.

घोकरि-चटकन्.

घोघे-घोघो करीत जाणारे पाण्याचे
लोट, जलद जाणारें.

च

चटवंच-चटका व फसगत.

चढत-चढत.

चढावा—उत्कर्ष.
 चलिया—क्षोभ, चांचल्य.
 चवक—वचक, भय.
 चवरें—शेवट, चामर, अंगण.
 चांग—चांगले.
 चांचोड—चोंच.
 चाडे—बीं पेरावयल्लें यंत्र.
 चीरा पडे—नाश होई.
 चुभल्लनि—बुचकळून.
 चुलकें—मस्तकीं.
 चेहरें—जागृति.
 चेउनिया—जागृत होऊन.
 चेंति—जागे होत.
 चेंपणें—पुट घालणें.
 चोजें—कौतुक, आवड, नवल.
 चोंढा—गर्ता, विवर.
 चोपि—घडी.
 चोबारा—चवाठा.
 चोहट, चौहटां—चवाठा.
 चौपाहारी—चार प्रहर.
 चौघोरि—चोहों बाजूनें.

● ज

जन्मौनि—जन्मापासून.
 जमावारि—यमावर.
 जरंगा—जाळें.
 जलसेन—जलशयन, महाविष्णु.
 जबनीक—मडदा.
 जबला—संनिध.

जबलिक—साक्षिध.
 जाकलूनि—व्यापून, ग्रासून.
 जांगेश्वरा—यांगेश्वर, यज्ञेश्वर.
 जाड—पचंग, बळ, थोर.
 जाणतेन—ज्ञानी जो त्याणें.
 जांपाणि जांपाणीं—लपतछपत.
 जालीलीया—जाळल्या.
 जियालें—जिणें.
 जिव्हार—जीवनकला, मर्म.
 जीणिजे—जिकवें.
 जोंताणें—वाचणें, कुरवंडी.
 जींति, जींथि—जीवन.
 जींपे—जिकवे.
 जुतीस्वरूप—उक्तिरूप.
 जूंतलेयां—जुंपलेल्यांना.
 जें—यत्, यस्मात्, ज्या अर्थीं.
 जेउति—जितकी.
 जेहाचें—ज्याचें.
 जें—जेव्हां.
 जैत—जय.
 जोगे—पोषक, समर्थक.
 जोजारु—दुःख, कष्ट, संकट.
 जौहर—आभि, विवर.

झ

झकवलपणें—फसवणुकीनें.
 झनें—नकारार्थी, निश्चयार्थी, कादा-
 चित्कत्वार्थी.
 झांक—उडी.

शाकरी—झटकर.
 शांकवति—फसवितात, ठकवितात.
 शांकोले—आळादितहोई.
 शांटी—गर्दी, फळी, समुदाय, झाडी,
 शावळें—अस्पष्ट, ना उजेड ना अं-
 धार.
 शांपकणे—फसलें जाणें, फसणें.
 श्लुआ—शोके.
 शोलु—पदर, मिथ्या, असार.

ट

टकति—सुटतात.
 टाकी—पावें, येई, प्राप्त होई.
 टांक—ठसे.
 टांचें—लहान.
 टिटियांतु—पायांच्या तिकटांत.
 टीविला—चर्मवाद्यविशेष.

ठ

ठक—तटस्थ, तिन्हाईत.
 ठाउनि—आसनावरून, स्थानावरून.
 ठाणा दिवी—दिवली ठेवण्याची
 बैठक.
 ठावावेहीं—हा काळपर्यंत.
 ठी—स्थिति.

ड

डंसु—दंश.
 डहुलतें—बुधळतें.

डाखले—दंश करण्याचे दांत.
 डालें—फुलेंफळें घालावयाची पाटी.
 डावली—दूर करी, परिहरी.
 डावा—दूर.
 डोंड—मोठे चिरे.
 डौंडी—दवंडी, डांगोरा.
 डौरां—गोंधळ्याचें वाद्य, उपहास
 डौंले—डोहाळे.

ढ

ढवललें—शुभ्र झालें.
 ढाली—हालवी, घाली.
 ढिसाल—थोर.
 ढेंढें—सूप.
 ढोंढी—वाटोळा आकार, फुगारा
 ढंकु—कोटाची भिंत.

त

तंडों—भांडों.
 तण्हारे—गवताची झोपडी.
 त्राय—सत्ता, रक्षण, ठाव.
 त्राये—रक्षण, आश्रय, बळ, सत्ता,
 ठाव.
 त्रिमालिकें—तीन मजली.
 त्रैधातुक—वातपित्तकफत्व.
 तळगे—पिर्ली.
 तळहातिचेंनि—तळहातच्या.
 तव—मळें. कारणें.

तवकें—घैर्य.

ताउवा—उघड, प्रकाशित.

तागा—नाव ढकलावयाचा वेळ,
आधार.

तातलें—तापलें.

तास—नांगराची रेक.

तीमे—भिजे.

तुगुटी—त्रिकुटी, शातृज्ञानशेयादि—
प्रपंचरचना.

तुलिगासवें—प्रतिध्वनीबरोबर.

तुषान्न—कोंड्याचें अन्न.

तुहतें—तुला.

तूक, तूक—महत्त्व, वजन, हीण.

तूकलें—वजन केलें, सारखें झालें,
डोललें, हालविलें.

तेउती—तितकी.

तेया—त्या.

तेसणा—त्याप्रकारचा.

तैसा—तसा.

तोंडागलें—मुखर.

थ

थाउं—ठिकाण, तळ.

थार्टी—झाडी.

थाया—मोह.

थारे—स्थिर होई.

थावली—स्थिर झाली, बळावली.

थावें—बळ, उथळ, आश्रय, प्रांत.

थिनलें—छिन्न होणें.

थीतें—स्थित, सुस्थित, स्थिर.

थीलरातें—डबक्यास, पल्ल्यास.

थेंकुलें—थोडें.

थोकडें—थोडकें.

द

दटिजे—भ्रमावें, दमावें, संकोच-
पावावें.

दरकुटें—पर्वत तट.

दलवाडें—समुदाय, घनवट, मोठा
दगड, आकार.

दलवैपणाचा—सेनापतित्वाचा.

दांग—वन.

दाधु—दाह.

दांडेवारि—काठीनें.

दाबुला—पति, धनी, थोर पुरुष.

दायाद—दाईज.

दारवठेकारु—उंबरठा शिमाविणारा.

दासट—दाहक, नाशक, पीडक.

दियां—दिवसां.

दिहबलें—उजेडाच्या साहाय्यानें.

दिहा, हें—दिवसां.

दिहेंदीसें—दिवसेंदिवस.

दी—दिवस.

दीठे—दृष्ट, अनुभूत.

दुपाउली—दोन पावलांत.

दुबला—दुर्बल.

दुर्भर-भरण्यास कठिण.

दुरासे-दुराशेनें.

दुरिकें-लांब.

दुवाडपण-दुस्तरत्व.

दूण-दुपटी.

देखी-रीति, दीक्षा, दंडक.

देवढे-तिढे, वक्र.

ध

धटे-निश्चयाने.

धडसा-धड असा, अव्यंग असा.

धडेयावारि-हातोळ्यावर (हातोळा=ह-
स्तावलि)

धडौता-सांग.

धणि-पूर्ति, इच्छा.

धवड-मोठा दगड (धावड=कठिण
लोखंडाच्या दगडावर काम
करणारा.)

ध्वनित-व्यंगोक्ति, सूचना.

ध्वनिते-व्यंगोक्तीनें, सूचनेनें.

धसाल-स्थूलदृष्टीचा, अविचाराचा.

धाकडांसि-बळकट, धीट.

धायेपण-दायीचें काम, संगोपन.

धारणीं-इच्छा, खांब.

धारसे-मध्यप्रवाह.

धावेया-हाकेसरसें.

धीटीवं-धीटपणा.

धूरे-अन्नभागी.

धोंधा, दा-वर्षाव.

धोरणु-धोपटमार्ग.

न

नडनाचें-नटाच्या नाचण्यानें.

नवानिसिति-नव्यनि पाजळलेल्या
तीक्ष्ण.

नव्हाली-तकतकी, नवाई.

न्यसावी-ठेबावी, घालावी.

नां-नकारार्थी अथवा, नाथवा.

नाइकें-कान न देई.

नाखि-टांकी.

नागर-राजस, चतुर, नगरवासी,
लिपिविशेष.

नागरपणें-संभावितपणें, चातुर्यानें.

नांगवे-न सांपडे.

नाडले-आढलेना.

नाथिलि-नसली.

नादिचे-श्रवण सुखाचे.

नाना-अथवा.

नापूवे-न बुडे.

नांभरि-क्षणभर.

नाराणुक-असामाधान.

नाव, वं-क्षण (?)

नावांनावां-क्षणक्षणां.

नावेक-क्षणैक.

नाशिली-नष्ट.

निगदु-शापथ.

निचाड-निष्काम, चाड नाही असा.

निजाचा-मनाचा, आत्मस्वरूपाचा.

निडलीं-कपाळीं.

निडार-पद्मदशा, समता.

निफनलिं-निष्पन्न शालीं.

निमथा-माथा.

निवता-नियमनशील*पुरुषांनीं.

निर्गुडु-जेथें उच्चनीच दगडधोंडे
नाहींत असा.

निरतां-निरतिवान्, मग्न.

निर्लांग-निराश्रय, लाग नाहीं जेथें.

निरविडी-निश्चयानें अनुरूप.

निरालीं-अंतराळीं.

निराश-आशारहित पुरुष.

निरोललें-व्यवस्थित रचना केले गेले,
निर्मळ केले गेले.

निरोलिलिये-निर्मळ केले गेलेल्या.

निरता-निश्चयानें, खरा.

निलेयाचा-इंद्रनीळरत्नाचा.

निवाडु-निर्णय, भेद.

निशाण-नगारा.

निष्ठा-स्थिती, श्रद्धा.

निषण्ण-शांत बसलेले, निवांत, निश्चल
स्थिर.

निस्तरैल-तरून जाईल.

निसिं-तीक्ष्म.

निसुगै-निर्लज्जपणा.

निहिटिला-दडपिला, जडला.

नीरु, का, केनी-चांगलें, खरें, बरें,
दिताचें.

नीकें-खरें, चांगलें.

नीणिलें-नेले, मेळविले.

नीरु ताउनि-पाणी स्पष्ट तपासून.

नुभगिजे-दमूंभागू नये, त्रासू नये.

नेदखति-पाहत नाहींत.

नेवाणें-तिरस्काराचें पात्र.

नैए-येत नाहीं.

नैयंतां-न येतां.

नैयेइल-न येईल.

नोंकिलीं-निंदिलीं, चुकविलीं, लप-
विलीं

नोडवेचि-पुढें न करणें, पुढें न येणें,
प्राप्त न होणें, न ओढवे.

पडप-प्रतिष्ठा, महत्त्व, श्रृंगार.

पडिभरें-आधिक्य, भर, अतिशय.

पडिसादा-प्रतिध्वनि.

पडिहासे-भासे, प्रतिभासे.

पडियंता-आवडता.

पडियें-प्रीतिपात्र.

पतिकरु-रचिलें ? संजोगिलें, अंगीकार

पंजासिलें-रचिलें, संजोगिलें.

पन्हरें-पुतळीचें सोनें.

परउतें-पलीकडे, वेगळें.

परगुणें-पक्कान्न.

परमार्थं-महत्त्व.

परवाली-प्रक्षाळलेले, घुतलेले, स्वच्छ

पन्हौतीं, पन्हौतें-पलीकडें.

परावा-परकी.
 परि-प्रकार, रीति.
 परिसावेया-ऐकण्यास.
 परिहसैं, परिहसैं, परियसैं-लीलेनें,
 विनोदानें.
 परिहसैं-विनोदानें किंवा लिलेनें बोल
 शील तर,
 परौता-दुसरा, वेगळा, पलीकडे.
 पलति-दूर जातात, पळतात.
 पल्हातां-विस्तारानें विवेचन करतां.
 पलिपे-पैटे.
 पलिपर्लीं-पेटर्लीं.
 पवडला-प्रवेशला.
 पवले-प्रकर्षाने वळतो, जातो.
 पव्हणा-पोहण्याजोग्या पाण्याचा डोह.
 प्रतिपदी-विवेचन करी.
 प्रतिस्फलें-उलट फलद्रूप होते, परत
 उत्पन्न होते.
 प्रभवे-सामर्थ्य असतें.
 प्लव-ताप, नौका.
 पाहं-पाही, अवलोकी.
 पाइकु, पाइक-सेवक, पदाति.
 पाउखौनिचा-फिरवून.
 पाउटीं-पायरीनें.
 पाउडु-दक्षणा, पैसासुपारी.
 पाउसीं-प्रावट्कालीं.
 पाए-पायानें.
 पाएरवें-बरवळीनें.
 पाखर-आश्रय.

पांगु-गरज, अपेक्षा, ओशाळगत,
 हीनत्व, पराधीनत्व, एकदेशित्व,
 दुर्लभत्व, रावणें.
 पांगुतलीसे-आछादिली असे.
 पांगूळ-पंगु, व्यंगावयव.
 पांचवनेया-पंचवर्नींच्या समुदायाच्या.
 पांचाखरी-पंचाक्षरी, मांत्रिक.
 पांजरा-प्रतिबंध.
 पांजला-व्यापला.
 पाझडीं-दाट झुडुपें.
 पाटा-आडपडदा.
 पाटाऊ-वस्त्र.
 पाटु-पट्टा.
 पाड, पाडु-साम्य, योग्यता, वेगळे-
 पण, मान, किंमत.
 पाडि-डोंगर, टेंकाड.
 पाणिवळें-पाण्यातील केरकचरा.
 पांत-पावत.
 पातलें-प्राप्त झालें.
 पांतां-पाहातां.
 पानियेडें-तळें, जळपात्र.
 पांपरा-लाथ.
 पाबली-तुच्छ, नश्वर.
 पायन्डू-पायाकडून उपजलेला, पायाळु
 पारुखति-न राहती, न घडती, बंद
 होती, रुसती.
 पालेवे-पदर.
 पाल्हाळु-विस्तार, गाबाळ, पाझर.
 पालिंगणें-पंक्ति.

पाल्बिला-परजिला.
 पावी-पाहावी, अवलोकावी.
 पासवणें-फांस, बंधन.
 पासिक-फांस.
 पाहला-पातला, आला.
 पाहांती-प्रकाश पावणारी,
 पाहारु-प्रहर.
 पाहाले-उजाडलें, प्रातःकाळ.
 पाहिचा-उदयिकचा.
 पाहूती-पायरी.
 प्राकृती-अनधिकाऱ्यांनीं.
 प्रांबल-सुगम, सोपें.
 पींशि-पितात.
 पुडुति-पुनः.
 पुढिल, पुढेल-जवळचा, दुसरा.
 पुणु-पुनः, पण, परंतु.
 पुरुता-पुर्ता, पूर्ण.
 पूसा-पक्षी, पोपट.
 पेंठा-आडरस्ता.
 पेणा-मुक्काम, टप्पा, मजल.
 पेलावा-ढकलावा, प्रेरावा.
 पेलिला, पेलुनि-ढकलिला, ढकलून.
 पैकु-समुदाय.
 पैज-प्रदिशा (पइजा.)
 पैयारें-पाहिरी.
 पैसारु-मार्ग, (पादसार.)
 पैसु, सें-मार्ग.
 पोखलें-पोषलें.
 पोटलूनियां-पोटाशीं धरून.

पोतासाची-भीमसेनी कापूर.
 पेंचि-पकार, सभोंवतालील भित.

फ

फटिकु-स्फटिक.
 फली-समुदाय, रांग, पक्ष.
 फाडेवारि-वेगळे करीपर्यंत
 फावले-प्राप्त झालें.
 फावा-प्राप्ती, लाभ.
 फुडें-खरें, बरें, स्पष्ट.
 फूटति-स्पष्ट, धड.
 फूटावें-दूर व्हावें.
 फूटी-विकास, प्रकटता.
 फेडणें-घालवणें, नाहीसा करणें, पुसणें,
 सोडणें.

ब

बग-मार्ग, योग, देखावा, संबंध.
 बनकरु-माळी.
 बरटेनि-चिखलानें.
 बरडी-माळजमीन.
 बरल-भ्रांत, अस्वस्थ, एकांचें एक
 बोलणार, दुर्मार्गप्रवृत्त.
 बरवते-चांगलें.
 बरवा-चांगला.
 बलियावीलें-बळकट केले.
 बहुते (येकु)-फार, पुष्कळ.
 बांधे-आकार.

बापु-बाडिल, मान्य, संमान्य.

बापिकें-बाडिलार्जित.

बाबुली-शेवाळ, गोंडाळ.

बाहाकांतें-फाकणारी.

बाहुडे, बहुडे-जाई, पाठवी, निरोप देई.

बाहिरसवडिआ-बहिरोष्टानें, स्पष्टपणानें.

बिरिदांचे-बाणेदार, प्रतिशावंत, थोर

बिंबडु-बीजपोषक जमीन.

बीक-आधिक्य, आवड, शोभा, व-
डिवार.

बुडडा-बुडबुडा.

बूंथि, बुंथी-बुरखा, आछादन.

वेगें-खिडकी.

वेठा-बसलेला

बेंथु-दांडगा.

बैसणें-आसत.

बोधला-ज्ञानसंपन्न, कळला.

बोंबलें-लिपले, सारवले.

बोबांतां-हाक मारतां, पुकारतां.

बोलावें-वक्तव्य.

बोलती-बोलणारी, अभिप्राय स्पष्ट
करणारी

बोलिजत-बोलिले जात.

बोहिलीं-भस्म केलीं.

बौहसपणें, बौहस-फार, अत्यंत.

बौहे-फार, पुष्कळ.

भ

भडसे-पूर, सहत्व, लोट, आधिक्य.

भंगी-रीति, प्रकार.

भरवसेनि-भरवश्यानें.

भरितु-पूर्ण, भरलेला.

भरें-पूर्ण, अशयित.

भले-ह्वेतसे, चांगले.

भ्रमातुकातें-गरगर फिरणारे.

भांगार-सोनें.

भाजे-भग्न होई, तुटे.

भाडिचा-बीभत्स व्यवहार व भाषण
करण्या स्त्रीशीं व्यवहार
ठेवणारा.

भाणें-ताट, पात्र.

भातें-मजूरी, पोटगी.

भांभ, भा-भ्रांति, शोभा, सौंदर्य.

भारणी-वशीकरण.

भांसललें-भ्रंशलेलें.

भितिल-भितील.

भुरुहिं-वनस्पति.

भूतला-शालेला, अनुभवलेला.

भूतषिचां-भूतरूप खिचडी.

भूवंग-सर्प.

भोंकसा-सगळें चर्म, मृत जनावराचें
गवत वगैरे भरून ठेवलेलें
संबंद कातडे.

भोंज-संतोष, महत्त्व, सोंग, स्वेच्छा,
कौतुक,

भ

भग्नवासि-शोध केला जावास.

भन्हाटा-उघडा, प्राकृत, सुगम, मरा-
ठी भाषेंतील, भाषेनें.

भवलां-मोजक्या.
 मबाबा-मोजाबा.
 महाकाव्यारा३०-महाकाव्यांचा राजा.
 महारिरवीचें-महर्षीचें.
 महुर-मधुर.
 ह्यणिपती-झटले जातात, ह्यणवितात.
 ह्यणियागत-आज्ञाधारक.
 मांगल-मंगळ, पवित्र.
 मागीलकी-पूर्वीची.
 माजवण-कैफाचे पदार्थ.
 मांजिठे-तांबडें वस्त्र.
 माजिवटा-मध्ये.
 माझारि-मध्ये.
 माशिवडे-मध्ये, मध्यत्राटेंत.
 मांट-किर, निविड.
 माथुला--लहान रवि.
 मांदल-वाद्यविशेष.
 मांदोडा-फळांचा घड, बाहुल्य.
 माधवी-वसंत.
 मानेयाचे-अहंतावान पुरुषाचे.
 मालें-रात्र, काकवी.
 माल्हवे-विज्ञे.
 मासिं-मजशी.
 माहोर-मायघर.
 मिरवणियां-मिरविलेलीं रूपें.
 मिलणीसमें-संयोगाबरोबर, प्राप्तिबरो-
 बर.
 मीसि-गणनां.
 मीनळे-मिळाला, भेटले, एकत्र झाले.

मुगतु-मुक्क.
 मुगुतें-सायुज्य.
 मुली-तळवटीं.
 मेकली-घट्ट बांधलेलीं.
 मेघौडें-लहान मेघ.
 मेरे-मर्यादेस.
 मेल्हावणें-संयोग.
 मेहुडें-लहान मेघ.
 मैले-योगानें, प्राप्तीनें.
 मोगर-निवडक लोक.
 मोटका-थोडकें, इवलेसें.
 मोडौनियेणें-भरानें येणें, मोडून येणें.
 मोहरे-सन्मार्गी.
 मोहलले-भ्रांत झाले.
 मोहोर-सन्मार्ग, दिशा, अभिमुखता.
 मोआलें-मवाळ, नरम.

य

यकवंकी-एकाकार.
 यज्ञभावित्ती-यज्ञानें पूजिलेल्या.
 यंत्रवरचि मार-गोलंदाज.
 येकोळ-येकवेळ.
 येतुलां इतका, एवढा.
 योगानिक--योगाग्नि ज्यानें ठेवला तो.
 रंगाथिलें-रंगविलेलें.
 रमानाहें-रमानाधानें.

रलीं-विनोदाने.

रसवृत्ति-शृंगारादिरसांची प्रकटता.

रसोयें-पाक.

रहवरु-रथश्रेष्ठ.

राउवें-पोपट.

राउनि-निश्चल करून, स्थिर करून,
स्तब्ध करून, एकान्त करून.

राउलीं-राजवाड्यांत, महालांत.

राजवंटा-राजमार्ग.

राणिव-राजपण.

रामस्य-त्वरा, सामर्थ्य, बलात्कार.

राल-आसक्ति.

रावित-रंगवीत, रांपवीत.

रासौभा-पखलण.

राहांत-स्तब्धता, लोप.

राहांतें-स्तब्धता.

न्हाय-रांही.

रितु-ऋतूंच्या.

रितुपति-वसंत.

रुढ-प्रसिद्ध, लोकमान्य.

रेखा-काव्य रचना, अक्षरपंक्ति.

रेवले-बुजालें, सांचलें, रुतलें.

रेवा-रुतण्याजोगी मऊ वाळू.

रोसैं-राग, क्रोध.

ल

लंहेदघडी-लगबग, गडबड.

लाग-संबंध.

लागणेयां-लागट करणारा जो तो

लागणा, त्याला.

लागु-संबंध.

लाटीं-वीचि.

लाठेपण—बलिष्ठता.

लाणि—प्राप्ति, गोळा करणें, मर्यादा.

लादु—लभ्य.

लांबा—पर्जन्य. पडून भातगोट्याचें
दुसऱ्यांदा उगवणारें रोप.

लाहा—अतिशयित इच्छा.

लिंगभेदु—क्षिप्यत्वादिचिन्हनाश.

लिंगु—चिन्ह, दैवत, लक्षण, मर्या-
दाचिन्ह.

लूसिली—खुडली, मोडली.

लेख—गणना, आकार.

लेप—दोष, मळ, चित्र, वर्णलेप.

लेसां—बरे रीतीनें.

लो—लय.

* व

वंगु—कलंक, डाग.

वचिजे—जावें.

वज्रयोगं—हठयोग.

वणवला—वणव्यानें व्यापिला.

वणिजे—उदिमास.

वणेसाठीं—व्यापाराकरतां, उदिमा-
करितां.

वरगण—वांटणी.

वरचिंलि, वरिचींल—वरकड, बरील.

वरपडा, वरिपडा—स्वाधीन, पडतां.

बरिबं—शोभा, उत्कृष्टपणां.
 बरिचावें—बर जावें, उलट जावें,
 चढून जावें.
 बरुं—पाऊस, वृष्टि.
 बलघलेयां—उलंघल्यास.
 बसें—बसो.
 बसैठ—वासस्थिति, वासस्थान.
 बसैठा—वासस्थानक.
 बहिला—सत्वर.
 बहिवटीं—शेतें वाहणाऱ्यां लोकांच्या
 नावाचा पट्ट हणजे याद.
 बाइलें—बाहिलें, पोरिलें.
 बाउनि—बाहून.
 बाउर—बाईट.
 बाउलीं—व्यर्थपणें, रिकामा.
 बाखारी—वखार.
 बाखोरां—हृदयरूप कपाटांत, छाती-
 च्या कपाटांत.
 बागारे—घोड्याचे दोर.
 बागुर, बागूर—जालें.
 बांझीलें—बांझ फुलें.
 बाटबंधें—बाटमार.
 बाटवधेया—बाट मारणारातें.
 बांठिबांविण—पुरुपार्थाविण.
 बाणि—कमताई, वाचा.
 बाणिये—प्रकारें, तऱ्हेनें.
 बांठ—बाहत.
 बानिया—प्रकार, हयचा.

बानिबस—स्वेच्छा, कौतुक, दैवगती,
 मध्यगृह.
 बांनी—पर्ण, कस, सारखें.
 बापसा—बीं पेरवयाचा समय.
 बायकांडें—व्यर्थ बाण.
 बायाणें, णी—व्यर्थ, निष्फळ.
 बारिक—घोडे.
 बारुक—घोडे.
 बारुनि—सांगून, बजावून, निवडून,
 घालवून.
 बालभाचें—प्रेम, आवड.
 बालीप—गंवसणी.
 बावटे—विभ्रांति पावे.
 बावटेलें—विभ्रांत.
 बावडी—दुर्घट, कटिण, घातक.
 बावि—चार हातांनीं.
 बास—बाट.
 बासिपे, पु—भय पावे, नाश पावे.
 बाहर—पीडा, वोहे, कास.
 बाहातवणां—मार्गस्थ.
 बाहो—कृषिकर्म.
 व्याजें—निमित्त, रूप.
 बिकडी—चातुर्य.
 बिकरविला—बिकार पावविला.
 बिकरे—क्षोभे.
 बिसलें—विषयीं.
 बिखोचे—भोंसकलें जाई.
 बिचंबे—भ्रमे, कष्टे, उपहसे.
 बिणाबणि—बिणकर.

विदाणें—निग्रह, कौतुक, दगाबाजी,
धेणें.

विनट—रंग, चिन्ह, खेळगडी.

विपाइलेया—एखादा, विरळा.

विपायें—कदाचित्, प्रसंगें.

विरगतां—विरक्तां.

विरजा—सहाय, व्यापक, दुसरा.

विरजेयाचेनि—सहायकर्त्याच्यानें.

विरुं—विरोध.

विरुढि—अंकुर, पालवी.

विरुग—उपद्रव.

विवललें—प्रभात जालें, प्रकाशित
झालें.

विवसी—पिशाची, डांकीण, त्रास.

विशेषिति—विशेष वर्णन करतात.

विश्वे—सर्वतूपरी.

विषें—विषयां.

विस—असंभाव्य गोष्ट, विषम गोष्ट.

विसकुसे—विषमत्वे, वैषम्यानें, दुः-
खानें, गोंधळून.

विसणैले—वोसणैले, विषाद पावलेले.

विसंभति—सोडिती, मोकळिती.

विसंवादु—विरोध, भिन्नपणा.

विसुरा, रें—विस्मय, भ्रम, स्वरूप,
चित्र.

विहिला—नियमिला, सांगितला.

वीकेति—विकाति.

वीजे—उत्पन्न होतो, निष्पन्न होतो.

वीपे—जाय.

वेखासें—भ्रम, वाईट, व्यर्थ.

वेधवतियें—पृथ्वीला.

वेन्हीं, रि, न्ही—पर्यंत.

वेल—काळ, विलंब, समय.

वेल्हाल—त्रिलासी, विस्तृत.

वेल्हावणें—भोग घेणें, विस्तरणें.

वेसजें—कम

वेसन—जनावराच्या नाकांत घालतात

दोरी ती, श्रोतृव्याख्यातृ-

संबंध, आसक्ति.

वैल्हे—सत्वर

वोज, वौजें—चांगलें, प्रकार.

वोडण—ढाल

वोतपली—कोंवळे ऊन, दीप्ति.

वोलिवा—उधय, वाळवी

वोंवरा—खोलींत

वोहटावाहिला—मौन्य धरिलें

श

शयानु—निजलेला.

श्रद्धासं—श्रद्धावंतानां.

शास्ति—नियमन, शास्त्र.

श्रावली—संतृत.

शिखराथिलेयां—सानुमंत, पर्वत.

श्रिष्टि—सृष्टि.

श्येया—शंभरास.

ष

षडा—खडा,

षडाडिबां—खडाडिता.
षूणे—खुणें.

स

सकतीसवें—शक्तीबरोबर.
संकुल—व्याप्त, गर्द.
सकें—डाकलग.
संधे—जोडी, लावी.
संचकाची—चिक्कु, कृपण.
संजात—सार्थक.
सडिया आइती—केवळ देहमात्र सा-
मग्रीनें.
सडेआ—एकट्याला, केवळ.
सणाणे—तीक्ष्ण.
सदमुखपण—सन्मुखता.
सडु—छंद.
सधर—बळकट, समर्थ.
सपिलें—समग्र दूध पिणारीं वत्सें.
सपुर—संपूर्ण, भरपूर.
सम—अविषम.
समस्या—शंका.
समात—समावत.
संयती—इंद्रिय नियमन.
सर—शर, बाण.
सरतें—ग्राह्य, मान्य, संपता.
सरली—मोकळीक.
सरलें—संपलें.
सरिपाडु—सोंगट्या.
सरिखे—सारखे, व्यापक.

सरौनि—संपून.
सली—छळी, क्षोभी.
सर्वचोर, संवियां—सगतीचा चोर,
सोबतीचा चोर.
सवडी—ओठ.
संवतारेनि—स्थिर आश्रयानें, ध्रुव
जाग्याच्या आश्रयानें.
संवरे—सांवरतां येई, आटोपे.
संवसारा—पसारा, विस्तार, अनुसरणें,
लाभ, दर्शनयोग्य.
सवा—बरोबर, समवेत, सह.
संवादियें—प्रश्नोत्तर करणारा.
सधियां—स्वतः
संहारवाहारे—संहाररूप उत्पात.
स्वसुखिचेनि—आत्मसुखाच्या ठायीं
असणाऱ्यां.
साइ—साहीं.
साइखेडेनि—सुत्रवाहुलीनें.
साउनि—सहन करून.
सांकडा—कठिण, संकटमय.
साकडु—कठिण.
साकें—डाकलग.
सांधडे—आचरण्यास सारखे.
सांचलु—चाहूल, जाग.
साचोकारें—यथार्थत्वे.
साजणें—सख्य, सज होणें.
सांटापां—साठवण, ब्रह्मा.
सांटोवा—संग्रह.
सांटोवाठी—अदलाबदल.
सांडले—सुटले.

सांता--अस् धातुचें वर्तमानकालवा-
कच पुल्लिङ्गी एकवचन.
सांते--अस् धातुचें वर्तमानकालवा-
चक धातुसाधित अनेकवचन
संतः, त्याचें मराठी सांते
(पु. अ.)
साद--शब्द.
सांदुकला-पेटला.
साधिति-मारिति, सिद्धीस नेणें, अ-
नुकूल करणें.
सांधुक्षणें-पेटणें.
साना-लहान.
सान्हा ३०-कवच, चिलखत.
सानीव-लहानपण.
सांपडे-संपात होतो, गोंधळ होतो.
सांपें, पु-सांप्रत.
सांपेचा-सांप्रतचा.
साबरें-अंगण.
साबेरी-सावरीचें श्राड.
सामधेनिआ-समधातपणें.
सामान्यत्वे-नीचपणांनें.
सारिखे-योग्य.
सावाइ-मदतीच्याकामी, स्वेच्छेनें.
सावाजं, ओ-सहाय, वृद्धि.
साव्हा ३०-सहाय, उत्तेजक.
साव्हिआं, सावियां-बरोबर, समवेत,
तत्काळ.
सावेसा--स्वेच्छा, अभिलाष.
सांसिनले-विस्तारले, भरले, साजे, जा-
हाले.

साहाजें-लिलीनें.
स्वाराज्य-स्वराज्याचा भाव.
सिकिलेयां-भिजविण्यांत, सिंचण्यांत
सिघ, सीघ-शेंडा, अग्रभाग.
सिठी-सृष्टि.
सिंपे-लित व्हेई.
सिरे, रें-क्षरे, खरें, कमी होई.
सिंविजे-स्पर्शिते.
सिहाणें-शिक्षाज्ञ, शहाणें, सुज्ञ.
स्त्रियाणी-प्राप्ति, लब्धि.
सीग-शेंडा.
सीतले-शिवला.
सील-उद्युक्त.
सुअणी-मजली, टप्पे.
सुकतेया-सुकणान्या.
सुखाडले-सुख जाले.
सुखाडें-आनंदलेल्या.
सुडसु-मर्मज्ञ.
सुडावणी-एकाकारता.
सुंदु-सुवासिक.
सुभति--पडत्ये, घातली जाते.
सुमथितु--चांगला घुसळलेला.
सुयाण-सुकाळ, घालणें.
सुये-घाली.
सुरसाह्यें--देवांच्या साहाय्याच्या
कामी.
सुवट-सुरूप, छानदार, बेश.
सुवण-जन्म.
सुवर्णवाइ-सोनपण.
सुवर्म--मार्मिक.

सुसडा—चांगलें सडीक.
 सुहडा--चांगला योद्धा, राजा.
 सुहाडा--आनंदयुक्त, मनोरम.
 सूची—चिंती.
 सूटिका—पडणें, सर.
 सूतला—निजला.
 सूती--वास करणें.
 सुनु—घालून.
 सुनि--घालून.
 सूषाचें—सुखाचें.
 से--स्मृति
 सेखामृत--शेषामृत
 सेयारी—डाकीण, भय, पिशाची.
 सेल--उत्तम वाटा
 सेलत--हातानें पाणी तोडीत
 सेलवांटा--उत्तम शेलक्या वाटा
 सेवडी--चूर्म
 सेविती--भजणाऱ्यांत
 सेस--नवरानवरीस सोयऱ्यांनीं अश्रतां
 टेवणें, उरलें.
 सैघ--समूह, केवळ
 स्थैर्यताअनुजिनी--स्थैर्याची धाकटी
 वहीण.
 सोआंगें--सोंगें
 सोंके--दुःख, असंतुष्ट होई.
 सोय--स्वरूप, ओळख, मार्ग.
 सोरसें--प्रसाद, गोडी, अमिप्राय.
 सोसु--शोष, तृष्णा.
 ह
 हकरे-टकरा.
 हरैला-हरविला, घालविला.

हलुवट--हलकें.
 हलुवारणें--हलकें केले, झाले.
 हलुवारपण--मार्दव.
 हल्लर--एकप्रकारचें गाणें, पाळणा
 हालवितांना गावयाचें गाणें.
 हवाव-शोभा, सुखी होणें.
 हांगा-अंग, अरे.
 हातलुकें-तर्क, अदमास.
 हातबोने-हातांतले भक्ष्य.
 हातासनें-भिणें.
 हाथिवेनि-काडवातीनें.
 हान-मग, कीं, जें, काहीं, हा, ही,
 कदाचित्, का, पा, मा.
 हारतला-हरविला.
 हालासि-हाणिला गेलास, मारिला
 गेलास.
 हातेआतें-राहाणाऱ्यास.
 हियें-हृदय.
 हितलें-दूर नेणें, शिरून नेणें.
 हींविं-हिम.
 हुडा-समय, उत्सव, सुकाळ.
 हुडे-बुरुज.
 हेंकाडु-अडाणी.
 हेंट-येथें, खाली.
 हेय-निषिद्ध.
 हेला-वेळ.
 होडा-पैज.
 होनि-होऊन.
 क्ष
 क्षपिलें-काडून टाकले.
 क्षीरारें-खिळार.
 क्षत्री-शेतांत.

प्राचीन शब्दकोश

ह्या खंडांत ज्ञानेश्वरींतील एकोनएक शब्दांची बृहत्सूचि यावयाचा विचार होता. पण ती फारच व्यापक होत असल्यामुळे तो विचार तूर्त तहकूब केला आहे. या ठिकाणीं अध्याय १३ ते १८ यांतील ठळक शब्दांचे अर्थ दिले आहेत. पहिल्या बारा अध्यायांतील शब्द पहिल्या खंडांत दिलेच आहेत.

अ.

अगारीं-अग्नीं, अंकुरीं.
अगारे-अग्राच्या अन्या, शेंडे, अंकुर.
अडवंतावो-अडथळा.
अडी-रोधी.
अणगटीं-मुळांचे टायीं, शरीरीं.
अणुआरु-बारीक चुरा.
अतिकरे-उशीरानें.
अतूट-संबंद, बळकट.
अदलपण-झेंपण्याचें असामर्थ्य.
अधिचार-मंत्रप्रयोग.
अनावरातें-जें आवरण्यास कठिण त्यास
अनुषड्डु-उघाड नसलेला.
अनुपायनी-सहज.
अनुमौ-अनुभव.
अपखडी-निंदा.
अपटांतरी-पडद्याच्या आंत, परोक्ष.
अपवाड्डु-उमट नसलेला.
अपाड्डु-अप्रतिबंध.
अबोट-अखंडित लेप.
अभियज्ञ-जवळ नेणारा प्रयत्न.
अरडांते-आरडणाऱ्याला,

अरुवारें-सुकुमार, मृदु.
अल्हें-लवकर, एकदम.
अलू-लघू, लहान.
अवगलला-ढासळलेला, गाळानें
भरलेला.
अवर-अपर, खालचे, कनिष्ठ.
अवल्हाअं-अपलाभ, अनिष्ट लाभ.
अवष्टंभ-ऊर्मिं.
अवागमें-अशास्त्रानें.
अवाडु-वाटेची गरज नसलेला, आ-
डमार्गानें जाणारा.
अव्हांतें-दुष्ट पक्षानें.
अव्हांत्रिक-भलत्याच्या मालकीचें.
अविनाभावे-व्याप्तीनें.
अवेंगवाणें-अव्यंग.
अशंकडी-विसंगतपणा.
असंघडि-असंघटित.
असंमड-असंबद्ध.
असंवरे-सांवरण्यास कठिण.
असिकें-अशेष, समग्र, सर्व.
अहलि-जमली.
अक्षौणी-सैन्य.

आ.

आइती-विस्तार, ऐट.
 आउख-आयुष्य.
 आउति-बैलांच्या मेळ्यांत, नांग-
 राच्या जुवांत.
 आकर्णा-ऐका.
 आकसाला-पारख.
 आखरु-अक्षर.
 आंखें-अंकानें.
 आंगझील-वरची चकाकी, आंगची
 साल.
 आंगदट-आंगानें दट, वळकट.
 आगरा-क्षेत्रास.
 आगलिक-आधिक्य.
 आगलें-अन्य, मिन्न.
 आंगवसें-स्वरूपतः.
 आगारी-डिरी.
 आगिठां-शेगडीवर.
 आंगोपचार-अवयवांचे उपचार.
 आम्रया-आम्रहास.
 आघाट-भाग.
 आटणियां-क्लेश.
 आंटी-टु-मिठी, भ्रम.
 आटुलैजे-घट होइजे, बांधिजे, निवर
 होइजे.
 आडमोडी-प्रतिबंधाचा नाश.
 आडवंगी-खीळ.
 आडवारा-भटकाव,

आडसो-अडथळा.
 आडें-दादरा, अडसर, प्रतिबंध,
 आडच-वर.
 आणी-अग्र, टोंक आयणी.
 आणोजें-अंकुर.
 आते-पावे, होई, प्राप्त होई.
 आंतौते-आंतील.
 आधधणी-अर्धवट तृत, अर्धपोटी.
 आंध्य-आंधळेपणा.
 आधाइलें-भ्यालें.
 आधैलें-अर्ध्या ताटांत जेवणें.
 आनाभूती-नाना भूतांच्या रूपानें.
 आनु-दुसरा.
 आपजलिये-उत्पन्न झालेल्या.
 आपैतिया-स्वाधीन.
 आंबुखे-शितोडे.
 आंबुथे-विपरीत होय.
 आंबुली-प्रिय पत्नी, स्त्री.
 आमुला-प्रिय पती, नवरा.
 आयें-आकार, प्रमाण, लाभ.
 आर-अंकुर.
 आरवसें-अंकुराच्या योगानें.
 आरा-अंकुर.
 आरौतें-अलीकडील.
 आलव-आलाप.
 आलावला-बळास आला.
 आलिखलें-गोंठलें, घट झालें.
 आलोचु-विचार.
 आवगु-घोरुपाच्या काहारण्या,

भावगे-स्वीकारला जाई.

भावांके-धैर्य घरी.

आवासु-स्थान.

आविष्कारें-प्राकट्यें, बळें.

आंविषा-आमिषास.

आंविषाले-आमिषाचें स्थान.

आंबु-ऊर्मि, वाचेची निष्ठुरता, प्रतिष्ठा.

आंबुट-साडे तीन.

आवैल-येईल, उगवेल.

आशसेया-आशारूपी डांकीण.

आसतूटिया-निरपेक्षेनें.

आसलग-सोपा, गोड.

आसललें-मंद गतीनें वाहणारें.

आहाच वाहाच-वरवर.

आहाड बाहाड-विस्तारविस्तार.

आहाण-सर्व.

आहावसुवारे-अद्भुत राजवाडे.

इदंतेसि-हें झणून बुद्धि तीस.

इटाल-धोंडमार.

इसालु-ईश्यालु, कामुक.

उ.

उखरा-वालुकामय अरण्य.

उखरेवे-जमलेल्या रेतीच्या ढिगांत.

उखि-ऊहा, अनित्यत्व.

उखिता-एकसरा, आंगतुक.

उखिखि-उहापोह, होयनव्हे.

उगाणा-शाडा, उपदेश.

उजगरा-जाग्रती.

उजरि-ऋजुता, विस्तार इ. इ.

उजिरिया-उदय, महत्व, उत्कर्ष.

उजिवडे-प्रकाश.

उटकलें-वेगळें झालें.

उठविजसी-उठिवितोस.

उडवा-रचिलेली राशि.

उंडी-मास, बली.

उणखुण-कमी अधीक, कामना.

उणेनि-उण्यानें.

उतान्ही-यान सोडलेलीं बाळें, तृष्णा.

उदले-उधळे, वर येई.

उद्याणी-मांडणी, सांगण, उद्धाटण.

उदावादा-परिपूर्णत्व.

उधि-निर्गम.

उपखे-कमी होई, खर्च होई, नाश पावे

उपखो-कमी होऊं देणें, खर्च करणें.

उपरतविलें-उफराटें फिरविलें.

उपलवणी-दृढीकरण.

उपलाणें-जिनावेगळें घोटें.

उपेगु-उपयोग.

उफकेन-उपेक्षेनें.

उबडे-पालथें, कललेलें.

उभगु-कंटाळा.

उभजे-त्रासे, कंटाळा करी.

उमंडु-लोट, झरा.

उभणें-उभारणें, रचना.

उभलिचा-खोकल्याची दास.

उभाट-उद्भट, विद्याल, मोठे.
 उमचला-सुटला.
 उमचावेया-उगविण्यास.
 उमडे-उमटे.
 उमप-अमूप, पुष्कळ.
 उमसिजैल-सांगितलें त्वाईल.
 उमरुड्ढनि-मुरड्ढन.
 उमार्णी-मोजी.
 उमार्णे-माप.
 उमाहो-पूर.
 उमेठा-मेळावा.
 उरिणें-ऋणमुक्ता.
 उरोधु-अवरोध, प्रतिबंध, आग्रह, मीड.
 उलिंग-चाकऱ्या नोकऱ्या, बिगार, वेठ
 उलिंगें-वेठ, काम, बिगार.
 उवलें-प्रसन्न, शुद्ध.
 उबाय-सुख, आनंद.
 उबाबो-उत्साह, अवकाश.
 उवीलु-अतिक्रान्त वेळ, सायंकाळ.
 उसटिलें-उच्छिष्ट झालेलें.
 उससे-प्रकट होय.

ए.

एकलौते-एक्या लेंकराच्या मायेस.
 एकवंके-सारखेपणा.
 एकवंकौनिया-समग्र व सरळ करून.
 एकावट-एक झालेले.
 एकावदी-ऐक्य.
 एकाहायी-दुक आहेत,

एकोधिये-एखादे.
 एटालें-विटार्डी.

ऐ.

ऐहेरा-अहेर.
 ऐहेव-सुवासिनी.

ॐ.

ॐशीलपणें-भार, वजन.
 ॐपासिरा-संबंध.
 ॐलगणें-आश्रय, सेवा, रक्षण.
 ॐवाडैल-लवेल.

क.

कटा रे-हाय रे.
 कटले-भमी झाले.
 कडा-वाजूनें.
 कणवा-दयेनें.
 कंथा-झोळी.
 कदर्यत-कष्टी करीत.
 कदरसि-भय घेसि.
 कऱ्हेयाचा-उंटाचा.
 कलासी-कौशल्य.
 कल्हातां-कळत असतां.
 कव-कवटाळणें.
 कश्मलु-मळ, दोष.
 कांटसु-कांटेरी.
 कांटियडे-कांटाची जाळी.

काडें-भावा, टिपरें.
 काणि-सूचना.
 कांदे-कंद.
 कामठां-कारखाना, टांकसाळ.
 कालली-पायरवानें काळी झालेली.
 कालाबुला-कासावीस.
 कालासे-बांधिला जाई.
 कालियणा-कृष्णसर्प.
 कालुग-काळा.
 कावडी-कावड.
 कावरुलें-क्षणभंगुर, अदृष्टपूर्व.
 कांवरूमूल-वायुनिरोधनस्थानविशेष.
 कावरें-भ्रांत.
 काशि-माजबंधीं, कमरेस.
 कुटि-स्थान, कपट, निंदा.
 कुड्मल-कळी.
 कुबुजे-कुबडे.
 कुबोल-अपशब्द.
 कुरां डी-वोवाळणें.
 कुसल-गवताच्या अणकुच्या.
 कुंसि-कुक्षित.
 कुहा-विहीर.
 कुहिलें-कुजलेलें.
 कूटिचें-निंदेचें.
 केंकाणें-खोगीर.
 केलवलि-प्रौढ झाली.
 कैकटे-कैकाळ्यांचा देश.
 कोडी-कौतुक, आवड.

कोडी-कुष्ठरोगी.
 कौता-शस्त्रविशेष.
 कोंपट-शोंपडी.
 कोंपटि-लहान शोंपडी, कोंब.
 कोंभारा-कोंब.
 कोलें-तिलादिकांचीं काष्टें.
 क्रांतमति-व्यापकबुद्धि.

ख.

खटेया-वाईटाला.
 खडकिलां-खडकाचे कपरे असलेले.
 खडाणें-अदृष्ट गाईस.
 खडुपाणी-खडुपाणि.
 खणुवाला-गोड, सरळ.
 खतैलें-लित
 खनुवाले-सरळ
 खवणलें-कडू, उरकंटा.
 खांकरूं-फलोन्मुख होऊं, उत्तम होऊं,
 गळा साफ करतां.
 खांखरैजति-गळा साफ करतात, उत्तम
 होतात, फलोन्मुख होतात.
 खागें-अत्यस्थल, विषय.
 खांची-दमे, कमी होई.
 खाडेहूनि-खड्गाहून.
 खाताडें-खरकटें.
 खिरडें-मागें सरें.
 खुडुके-अडके.
 खुरखोडी-लाथाळ गुरूं.

खुरथोडी-दुष्ट गाई.
 खुरपें-शस्त्रविशेष.
 खुरीं-खुराच्या ठाई.
 खेटली-गदीनें जमली.
 खेवणें-कोंदणें.
 खैवंगी-अंश.
 खोंकरपणें-विनाशिता.
 खोंचणी-भोसकणें.
 खोटी-गोळा.
 खोडां-लाकडाचें अडकण.
 खोदें-नाशबुद्धीनें.
 खोमणें-लवणें, वक्र होणें, हानि.
 खोमे-लवे, वक्र होई.
 खोलणें-पुढें चालणें, फिरणें.
 खोलविजति-सापडविती.

ग.

गंडु-दर्प, गर्व.
 गंडी-दगडविशेष.
 गदलपणे-केरपणानें.
 गरुवा-मोठा.
 गव्हरीं-गुहेंत.
 गवांदि-अन्नसत्र.
 गाडारा-पाया.
 गाणांवाणां-गाण्यावाण्यानें.
 गादे-पीडा पावे.
 गाभागोभा-प्रतिबंध.
 गाली-टाकी, सांडी.
 गावंधणें-गावचीं गुरें.

गांवरसेया-गांवांतल्या मोरीचें पाणो.
 गावारु-गव्हार, अडाणी.
 गुडगा-अवयव विशेष.
 गुंडे-दगड.
 गुढा-गुंडा, दगड.
 गोख-मध्यवर्ति लोक.
 गोंदली-पिशाची, कैकाडी.
 गोधुलुक-गाईच्या पायाची धूळ. सूर्य-
 अस्तमानसमय.

गोरी-पारधी.
 गोरुवें-गुरें.
 गोवारी-गुराखी, गुरुसखि.
 गोवी-गुंतागुंत.
 गोसी-परस्पर आकर्षण, भांडवल.
 ग्रामकोल-गावांतील कोल लोक.

घ.

घनावलि-घट्ट झालेली, मेघपंक्ति.
 घाई-घावाचे ठाई.
 घामेजे-भ्रमी होई.
 घुमरी-भरास.
 घुमे-घुमू शब्द करणें, हाले.
 घुरें-खोटें सोनें.
 घेणी-स्वीकार, मान.

च.

चउर-चतुर.
 चवळित-बडबडत.

चंक्रमण-सातत्यानें गमन.
 चांगावेया-चांगुलपणास.
 चाडा-इच्छा, आवड.
 चाडैला-आसक्त.
 चांथी-बडबड.
 चांपडे-फासे.
 चिरीव-चिरलेली.
 चूकी-चूक, प्रमाद.
 चोखटिवां-चांगुलपणास.
 चोखेल-उत्तम, स्पष्ट, सस्ता.
 चोज-कौतुक.
 चोंढि-गर्ता.
 चौखुरी-बाज.
 चौबारा-चवाठ्यावर.

छ.

छांदसत्वे-लडिवाळपणे.

ज.

जचे-पीडे.
 जाकलिजत-व्यास होत असे.
 जाततेन-जन्मल्या.
 जानेताने-तान्हे वासरूं.
 जाल-जाळें.
 जाली-दहन करी.
 जालेन-झालेल्या.
 जावलि-सान्निध्य, सादृश्य.
 जीणि-भांचणे, जिकणे.

९९

जीवितांतु-जीवितांतून.
 जुझं-युद्ध.
 जुंवाडे-समुदाय.
 जुवारं-द्यूत.
 जेविति-जेवण्याची.
 जोईस-ज्योतिषी.
 जोगावणे-निर्वाह करणे, पोसणे, प्रग-
 टणे, समजावणे.

झ.

झारि-क्षार.
 झांसुरे-आळस येई, वोसणे, धोका
 धरी.
 झोति-विक्षेप.

ट.

टकुली-आशा, उत्कट इच्छा, हपाप.
 टकें-सुटलेलें, सत्यापासून सुटलेलें.
 टंवच-दुःख, दुख.
 टांची-अल्प, लहान.
 टालिये-टाळाला, हाताच्या टाळाला.
 टिकलग-शोभिवंत, जडित.
 टिटंघर-तिठ्यावरचें घर.
 टेकें-टेकतो.
 टेहणी-निर्वंध.
 टोपु-फुगवटा, फुगारा, सज.

ठ.

ठके-कमी पडे, बंद होई.

ठसेंठोमसें-मोठें घाटें.
 ठाणें-स्वरूप, आकार.
 ठाणौरियाचें-ठार पडलेल्याचे.
 ठांसी-स्वस्थ बससी.
 ठिकरिया-टुकडे.
 ठी-स्थिति.
 ठीक-जड, मोत्यांचा सुबका.
 ठीकरणें-निश्चय करणें, स्थैर्य करणें.

ड.

डगरु-प्रसिद्धि.
 डगलें-स्थूल.
 डा३-प्रसंग.
 डाकुलिया-चुटक्या.
 डांगुरुटी-डांगोरा.
 डाल-शाखा, डाहाळी.
 डाली-फुलेंफळें घालावयाची पाटी.
 डालुका-लहान डाहाळी.
 डावी-दूर करी, परिहार करी.
 डाहारिजे-भागिजे, प्रकाशिजे, प्रसिद्ध
 करिजे.
 डिडिमा-वाद्य विशेष, गजर.
 डुडुल-बोखिटें पाखरुं, घुबड.
 डेंडी-डांगोरा.
 डौर-यष्टा करी, उपहास करी.

ढ

ढाल-स्वभाव, घर्षण.

ढिवांचे-मुलाग्याचे.
 ढूमे-डगर, डोंगर, टेकडी.
 ढेंढें-सूप, धेंड, प्रस्थ.
 ढेंपुली-ढेंकूळ.
 ढोंडी-धोंड, डगर, दगड, आकार.

त.

तडवा-छत, तलवा.
 तणाचें-गवताचें, पेंढ्याचें.
 तलबुडे-खालचा बुंधा, बुड.
 तलहार्टी-अधोभार्गी.
 तलौटेपण-सपाटपण, नीचपण, नम्रता.
 तांडी-कळप.
 तांतला-तापलेल्या.
 ताला-तळ, खाल, जमिनीची संपाटी.
 तिखें-तीक्ष्ण, तिखट, अणकुचीदार.
 तीघ-तीन.
 तीमाल-भिजवाल.
 तुंडिल-दोंद आलेला.
 तुलई-गाधी.
 तुलिये-गादीवर, कापसाच्या गादीवर
 तोंडौता-वाचाळ.
 तोयबर्गे-पाण्याच्या उपाधीनें,
 देखाव्यानें.
 त्राय-रक्षण.
 त्राये-सप्ता, रक्षण, ठाव.

थ.

[लपि] थपिं-लपंडाव.
 थरुवियरु-चोखटबिखट.

थलिवं-स्वर्णकारनिर्मित वस्तुविशेष.
थाउं, अ. थाॐ-बळ, उथळ,
आश्रय, प्रांत

थाथंबूनि-थांबवून, निरसन.
थावें-तळ, ठिकाण.
थेंकुले-ठेंगणें.
थोराडें-मोठें.

द.

दंदिया-वैरी, द्वंद्व करणारा.
दलवाडें-समुदाय, स्वरूप.
दवडा-पळ, धांव.
दाखठां-उंबरठा.
दाटणी-गर्दी, भरताड.
दाटुगा-दांडगा.
दांग-वन, अरण्य.
दाधिरूं-बटिक.
दासट-दाहक, पीडक.
दिये-दिवस.
दीपले-मशाली.
दुकळ-मोडकळलेली स्थिति.
दुमेंलावे-दुःखसमुदाय.
दुवालि-क्लेश.
दुहवेवारी-वाईट कर्माची.
दुहिलें-दूध काढलें.
दूण-दुप्पट.
दूस-वस्त्र, तंबू, प्रमेय.
देवपैकीं-देवसमुदायांत.
देवलविसें-पुजाऱ्याचे आंगांत येणें.

देवांगण-निश्चय.
दैवलदैवं-पुजाऱ्याचें ऊर्फ गुरवाचें दैव
ध.

धडीं-दवडीन, घालवीन.
धाडी-हला, अभिक्रम.
धाडे-हले, अभिक्रम.
धानी-धान्याची रास किंवा ढीग,
धान्य ठेवण्याचा ठोकळा, गृह.
धांधा-व्यापार.
धाप-धग, ताप.
धुमाडु-धामधूम, गडबड, आधिक्य,
योग.
धारें-धाकटें.
धिटे-स्वैरिणी स्त्रीस.
धुवारी-धूमाची आकुलता.

न

नई-नदी.
नडनाचु-नटाचा नाच.
नाखी-टाकी, प्राप्ति, समुपगम.
नागारी-नाग धरणारे गारुडी.
नागोवा-नागवण.
नाडर-थिल्लर, डबकें.
नावणिगी-यथार्थकथनीं.
निगलें-धुरानें, झांपडेनं.
निगावों-सुटका.
निगुतिया-युक्त्या.
निजंगडे-स्वतःचे ठायीं बळकट,
आत्मनिष्ठ.
निघनिं-अंतकाळ, मृत्यु.

निधिये-सम तोलांत, भ्रमणांत.
 निमांते-लय पावणारे.
 निरुते-खरे, निश्चित.
 निरुपहिति-निरुपाधिक.
 निर्बुजें-गोंघळानें.
 निर्वसु-निराकरण. •
 निर्वाळलेनि-शुद्ध, धूत, निष्कलंक.
 निऱ्हां-अगदीं, केवळ.
 निळागु-निराश्रित.
 निलेयाचा-इंद्रनीळाचा.
 निष्टकी-निश्चित.
 निष्टकिति-निश्चयानें चिकटवितात.
 निसले-पाजलें जाई.
 निसुगु-निलंज, ऑंगळ.
 निस्तरे-तरून जाई.
 तुघवी-वर काढीत नाहीं.
 नुमचवे-प्रत्युपकार न करवे.
 नुरोधी-प्रातिबंध करूं नकोस.
 नुसंतितां-उत्सादन केल्यावांचून.
 नूकौनियां-पराभव करून, दुःख देऊन.
 नेना-नेत नाहीं, जाणत नाहीं.
 न्यामक-नियामक.

प.

पडप-प्रतिष्ठा, महत्व.
 पडिघांति-मारती, आदळती.
 पडिगाइलें-मोजून पाहिलें, धरलें.
 पडिये-अति प्रिय.
 पडिकर-रोग बरा करणारा वैद्य,
 साहाय्यक.

परगुणे-पक्वान्न.
 परमार-शत्रूंचा उच्छेद करणारे.
 परवडि-रीती, प्रकार.
 परिवान-भाषा, शब्द, बोलणें.
 परिवरिचें-घरचें, गुप्तस्थानचें.
 पन्हिवे-मोरीस.
 पलिपे-पेटे.
 पवली-महामार्ग, राजमार्ग.
 पसाव-प्रसाद, उपकार.
 पहरणीं-ओढाळ, भटकणारी.
 पधु-आरोप.
 पांउखला-लाथेनं.
 पाउटी-पाहिरी.
 पाउड-पैसासुपारी, दक्षणा.
 पाउवा-पादुका.
 पांकी-पातळ पदार्थ, पक्क अन्न.
 पाखाणी-प्रक्षाळी, धुवून टाकी.
 पाखालणियां-धुष्यानं.
 पाखाली-प्रक्षाळी, धुई.
 पांगुतले-अडकलेले, आच्छादिलेले.
 पांगे-अधीनत्वानें.
 पांगोरा-सूक्ष्म भाग, अंत.
 पांचवेउली-पांच नांग्यांची इंगळी.
 पांचिका-हीण सोन्यास.
 पांजरा-पुंजर, पिंजरा.
 पाट-पदवी, आसन, अधिकार.
 पाटाचें-अधिकार, आसन, पदवी.
 पाढाउ-पढविणारा, मार्गदर्शक, साधक
 पाणधी-दोन कुंपणामधील वाट.
 पाणवाडा-मोरी.

पाणियड-तळें, जळपात्र.
 पाण्यांचा-पाण्याचा.
 पांति-पावतात.
 पातिजों-विश्वास ठेवों.
 पापता-पापत्व.
 पारकेयां-शत्रूस.
 पालति-रक्षण.
 पालव-इंद्रियवृत्ति.
 पाल्हालें-विस्तारें, गाबाळानें.
 पालें-कटकें.
 पालों-विस्तारून.
 पावे-पोहोंचे.
 पासाव-पासून.
 पासिं-जवळ.
 पासिवणें-पायमाधार.
 पाहिचे-उद्यांचे.
 पाहेचा-उद्यांचा.
 पिचडीं-थुकीनें.
 पिडि-पाया.
 पिंडु-अहंपदविशिष्ट जीव.
 पिशित-मांस.
 पीसा-वेडा, पिच्छ.
 पीसेया-वेड्यास, वेडास.
 पुटीं-मूस, पुडा, सुवर्णशोधन.
 पुढारलों-पुढें झालों, कबूल झालों,
 बोलिलों.
 पुरवणिया-सिद्धि.
 पूस-राधूं, पारव्याचा भेद.
 पेटी-जोडी.
 पेंढवला-बांध.

पेंढी-जुडी.
 पेणा-मजल, टप्पा, मुक्काम.
 पेंदलीं-वेंटाळें.
 पेंधा-गोळा.
 पेले-लोटणें, संभाळून धरणें.
 पेलेवेलीं-प्रतिदिन वृद्धि.
 पैठी-प्रविष्ट.
 पैसार-मार्ग, पसारा, विस्तार.
 पैसिजे-प्रवेश करी.
 पैसें-योगानें, मार्गानें.
 पोटलवे-पोटाशीं धरवे, आलिंगवे.
 पोटाळूं-पोटाशीं धरूं.
 पोफल-प्रतिज्ञा, पैज.
 पोतीं-तागाचीं पोतीं.
 पोली-आवार, भोंवतालची भित.
 पौली-महामार्ग, राजमार्ग.
 प्रतिमह-शत्रू, सामनेवाला.
 प्रतिलपसि-अनुलक्षून बोलतोस.
 प्रत्यवावो-दोष.
 प्रांगण-ताशे, नगारे.
 प्राची-उदय.
 प्रायेचा-पूर्वीचा, पूर्ववयाचा.
 फ.
 फरसालें-भिन्न स्वादें.
 फरारी-ध्वज, निशाण.
 फाउरी-आभास.
 फाडोवाडा-वेगळें करून.
 फारां-पुष्कळ.
 फारु-पुष्कळ.

फाली-फाडी, चिरी.
 फुंजे-गर्वांनं.
 फुडी-स्पष्ट, खरी.
 फुलिं-फुलांनीं.
 फूटौनि-दमून.
 फोकरिजे-वाचेनें उच्चारिजे.
 फोकिळियां-वान्यानें ओदून नेलेल्या,
 वान्यानें फुकून नेलेल्या.
 फोडसें-फुरसें.

ब

बर्गे-देखावा, आकार, मार्ग, संबंध.
 बणवे-प्रतीतीस येई.
 बडंबा-गडबड, कोलाहल.
 बल्बचेन-सैराट उगवणारे गवताच्या.
 बहिकरि-बहिष्कार घालून.
 बहुचकै-अनेकता.
 बहुवसा-फार, पुष्कळ.
 बागडी-मर्कटादि नाचविणार.
 बागीबल-कंप.
 बाघकां-दोषांस.
 बांधी-बंधन, नियम, समुदित आकार,
 दोहीकडील कूप.

बायणी-वायदा.
 बायिण्यां-वायदे.
 बासट्ट-बहुविष.
 बाहाली-विस्तार, वेडा.
 बाहिरिबाहिरा-परमार्तं.
 बाक-बळ, तेज.

बीजे कीजे-गमन केलें पाहिजे, आलें
 पाहिजे.

बुकी-मुष्टि, मूठ.
 बुडकली-बुडी.
 बुडलं-बुडवूं.
 बुडसले-शुष्क काष्ट.
 बुबुलें-अवयव विशेष.
 बुरी-कूज, रोग विशेष.
 बूरु-वेडा.
 बेचें-कोंभ.
 बेसें-युक्ति.
 बेंबल-विव्दल.
 बेलें-कुंपणाचा आडा, डेळकें.
 बैसणां-बैठक, आसन.
 बोकोटी-शोळी.
 बोबाणें-हाक मारी.
 बोबांत-हाक मारीत.
 बोंबे-आरोळीच्या.
 बोल-भाषण, शब्द.
 बोहणीए-मोलापैकीं प्रथम, आरंभ,
 सुरुवात.
 बोहिरि-वणवा.

भ.

भंगी-रीति, प्रकार.
 भराडा-पूजक.
 भरोवरी-साधनातिशय.
 भवैचि-भिवयांची, भुकुटीची.
 भ्रमक-लोहचुंबक.

भाऊंरं-भ्रमणारें.
 भाखे-भाषेस.
 भांगारें-सोनें.
 भांजे-भम होई.
 भाटिं-निकृष्ट जमीनींत, स्तुतिपाठक.
 भाटिव-स्तुति, पराक्रम.
 भांडुके-भांडखोर.
 भाणें-ताट, पात्र.
 भादि-भली गाय.
 भाली-शस्त्र विशेष.
 भिंगारा-भिंगाचें घर, कंदील.
 भिंगोरि-भोंबरा.
 भीला-पराङ्मुख.
 भुरे-वेड, पिसें.
 भुरी-वेड, पिसें.
 भूवर्गा-सर्पाचे ठाई.
 भोकसा-सगळें चर्म.
 भोजे-संतोष, आवड, सोंग, महत्व.

म.

मगे-शोषी.
 मटंगणे-स्तोत्र, उपहास.
 मढ-मठ.
 मणिजु-अंडज.
 मदवी-वस्त्र विशेष.
 मरमारु-प्राणान्त करणारे.
 मरुणारुवाचें-मरणान्याचें.
 मवणें-मोजणें.
 माघुतसाउमे-मागलेंपुढलें.

मांच-आश्रय, अंतराळीं केलेला मार्ग.
 माजिरां-मत्त.
 माजिवडा-शिवडा-मध्यें.
 मांदिएसी-समुदायास, मंडळीस.
 मांदुरी-चाबुकस्वार.
 मांदोडा-फळांज्रा घड, बाहुल्य.
 मांधति-रजतात, काढतात.
 मालातिलें-अंगीकारिलें, आभयिलें.
 माल्हांत-अंगीकारीत.
 माहेवणी-कुलीन, गर्भार.
 मिणधी-कपटी.
 मिरवणियां-मिरवणुकी, शोभा.
 मीकें-संशयानें.
 मीतलें-मिळालें.
 मुगुतर्की-मोर्ती.
 मुगुतिषाला-मुक्ति हीच कोणी मुळमी.
 मुदी-मुद्रा.
 मुल्हारी-मूळ ऊर्फ आमंत्रण घेऊन
 जाणारे.
 मुसिं-ओढ्यांत, पदरांत.
 मुसिले-फसले.
 मूके-तुगवायाचें.
 मूग-मौन.
 मेचवे-आटोपे, मृदु करवे.
 मेसु-प्रीति, आवड.
 मेलापकिं-विषयग्राहक, समुदाय.
 मेले-लें-योग, संयोग, संयोगानें.
 मेंलीमी-योगास, संयोगास, एकवटतेस.
 मेर-रे-मर्यादा, अवधि (संस्कृत
 मीर=मर्यादा).

मेहो-मेघ.

मोहर-मार्ग, दिशा.

य.

यंते-येणारें.

यावा-आगमन, प्राति.

युगावृत्ति-कृतयुगादींची आवृत्ति.

येकोल-एक वेळ.

र.

रंधन-पाक.

रयणी-रात्री.

राजवलि-राजाचें हस्ताक्षर, राजमुद्रा.

राजागर-राजांच्या बागा.

रांधवण-स्वयंपाकांतलें पाणी,

आचारीण.

राबाउणें-राबाच्या विना.

राविले-रंगविले.

रिगिनिगि-प्रवेशनिर्गम.

रोहो-अंकुर, आरंभ, वाढ.

ल.

लंधे-ओलांडणें, उपवास करणें.

लचकणें-तरळणें, चळणें.

लवंघा-लवंग.

लवलवां-अति त्वरेनें.

लाइलें-हकालिलें.

लांकण-बंधन.

लागां-संबंधीं.

लागु-संबंध.

लादु-बळकट.

लाठी-दांडगी, मोठी.

लाणें-अवधि, शेवट, प्राति,
गोळा करणें.

लांब-भातगोट्याचें रोप.

लांबिजे-लांब उभे टांगणें.

लावणी-गणना, नेमावणी.

लांवा-व्याघ्रस्त्री.

लांसे-चिन्ह.

लाहाणा-प्राप्त होणारा.

लाहालाहात-अत्युत्कटित.

लुंचिति-वपन करिती, काढिती.

लूंति-त्वप्रोग.

लेखे-गणनेस.

लेंडिये-अमंगळ ओहळास.

लेप-चित्र, दोष.

लेवे-लेप.

लेखां-बऱ्या बोलानें.

लेहें-चाढी.

लोटी-ढकलणें, दूर करणें, मारणें.

लोथ-मोट.

लोलौनि-लोळून.

लौंवे-लौंकरी.

व.

वंगु-फलक.

वचधे-जावे.

वंठा-न्यूनत्व.

वडप—वृष्टि.
 वत्सनाग—वचनाग.
 वन्हिया—इष्ट.
 वरिषा—पाऊसाळा.
 वरैतु—भर्ता, नवरा, पति.
 वरोसी—नित्यकृत्याची सामग्री.
 वलसा—वळण, फेरा, भोवरा.
 वलित—छेदनायोग्यता.
 वसो—बैल, वसू.
 वसोवा—बैलास.
 वाउधाण—वादळ.
 वाउर—वाईट.
 वाउली—पाउली.
 वाकडिया—पावसाची झड. कडाक्या-
 वाखाण—व्याख्यान. [ची थंडी.
 वाखाणा—व्याख्यानां.
 वागतृता—वक्तृत्व.
 वागौरा—वाखदोर.
 वाजटा—व्यर्थ.
 वाटबंधा—वाटमाऱ्या.
 वाटवीजे—मार्ग काढते.
 वाडजतन—फार तत्परता.
 वाडु—फार.
 वाडुवलु—महा भयंकर.
 वाणसिये—वेश्येचे.
 वाणि—तोटा, कमीपणा, वाचा.
 वाति—दिवा.
 वाधावा—येतें चिन्ह, पूर्वसूचना, वार्ता.
 वानी—कैस, मासला.
 वायप्रसंगें—अनुद्दिष्ट प्रसंगानें.
 वायें—वाहणें, दाखवणें.
 वातेंवरिल—दोरावरील.
 वालभ—वात्सल्य.
 वाला—वजन विशेष.

वाली—त्यागी, टाकी.
 वालें—कृष होई.
 वाल्हें दुल्हें—अति प्रीतीचें, अपूर्व.
 वावंदणे—दगड, खडक.
 वावाटें—ओहोटे.
 वासिपैल—वचकेल.
 वासिपो—वचकूं, भिजूं.
 वास्ति—रहाण्याचें ठिकाण.
 वाहाणघर—जोडे उचलणार.
 वाहाती—मळलेली.
 विकणु—फोल.
 विकिरा—विक्री.
 विखाभरणें—विषयांचे अलंकार.
 विटंकु—मोटे, घनदाट, निविड.
 विटालें—दोष.
 विडा—तांबुल.
 विडालु—दोष.
 विदल—द्विजातीय, डांक.
 विंदाण—कौशल्य, कळसूत्र.
 विंदाणिये—कुशल.
 विधुले—विसकटे, नाश पावे.
 विन्यासाते—प्रतिपादनास, निरूपणास.
 विपाउं—कादाचित्कत्व.
 विभांडी—पराभवी, फोडी,
 विभुटणी—वियोग.
 विरगति—विरक्ति.
 विरंगुला—अडथळा.
 विवलतिये—प्रकाशणाऱ्या.
 विवसी—डाकीण, भूत.
 विशेकु—ज्ञान.
 विसंवणें—विश्रांति पावणें.
 विहिं—विधींत.
 वीति—उत्पन्न करतात, प्रसवतात.
 वृत्तिकां—वतनदार.

वेख-वेष.
 वेखजें-व्यवहार.
 वेखासैं-विरुद्ध.
 वेगल-भिन्न, निरनिराळे.
 वेगु-स्वरा.
 वेचि-खर्चांत, क्षयांत.
 वेझ-सुईचा डोळा, भोंक.
 वेझिला-वेदिला.
 वेटालु-गोळा.
 वेटालें-गळा करतां.
 वेंठ-पेठ.
 वेठला-वेष्टला.
 वेंठावें-बेष्टावें, आछादावें.
 बेलरिया-बेली.
 वेलाउल-लतामंडप, धूर.
 वेलांडी-विस्तार.
 वेलाभेड-समुद्राच्या लाटांना भिणारा.
 वेव्हारु-व्यवहार.
 वेव्हारे-व्यापारी.
 वोइरणा-आडवेपण.
 वोइरिलें-आडवें झालें.
 वोइरी-आडवी.
 वोउसेयाचेया-व्रत करणाऱ्याच्या.
 वोखती-चिंता.
 वोज-रीति, चांगुलपण, प्रभा.
 वोजावी-रीति द्वाखवी, शिकवी.
 वोडण-ढाल.
 वोडौ-आदर.
 वोडालाचा-उनाडाचा.
 वोडालिवा-चोरी करणाऱ्या.
 वोथंबा-गवंड्यांचा लंबक, आश्रयस्तंभ
 वोरकली-सोने कसायाचा पाषाण.
 वोरकळ-सोने कसायाचा पाषाण.
 वोरसैं-पान्हा, प्रीति.

वोलाटे-ओल्या जमिनी.
 वोली-गाहाण.
 वोवांडे-उलटे, ओलांडे, पडे.
 वोवी-बंध.
 वोसैं-मिथ्यात्व, न्यूनता.
 वोह-कांस, आंचळ.
 वीसैं-व्रत.
 व्यंजे-व्यक्त होतें.
 व्यामिजे-उद्योगी लावणें.

श.

शराव-परळ.
 शाडुलु-हिरवेंगार.
 शालिका-स्थान, भूमि.
 शिवमुष्टिगंडु-आभिमानाचा पण, पैज.
 शोच्यते-दैन्यास.
 शोधारिलीं-शुद्ध केलीं.
 श्रीमातु-संपत्तीचा मद.

स.

सकलव-मिश्रित.
 सकु-सत्ता.
 सकूडि-सशरीर.
 सचकु-संग्रही.
 सणाणें-तीक्ष्ण.
 सत्राण-बळकट.
 सदटे-सदट, बळकट.
 संदु-छंद.
 संदे-छंदानें.
 संपजति-संपद्यमान होतात.
 सपाई-संपूर्ण.
 सपोल-व्यर्थ, निष्फळ.
 सबडबुडी-गुडुप.
 समूठ-संपूर्ण.

समैक-समयिक.
 समोरिला-पुढील.
 समोहरें-प्रत्यक्ष.
 सर्वज्ञ-सर्व जाणणारा.
 सरांडेल-लिडबिडेल.
 सरोभरी-तुलना, साम्य.
 सव-शिरकाव.
 सवदणी-परटाचें तादण.
 सवले-उद्यां, प्रातःकालीं.
 सवांब-सुशोभित.
 सविया-स्वतः.
 सविवलें-सविस्तर.
 साइलेयां-शेजारच्या.
 साउमा-प्रत्यक्ष, पुढलें, समोरचें,
 तेव्हांच.
 साचल-चाहूल, जागें.
 साजणे-सख्य.
 सांजवणी-धार.
 साजा-तयार.
 साजीव-ताजें, तीक्ष्ण, जिवंत.
 साटु-चाबूक, प्रतोद.
 साडुल-हिरवे गवत.
 साणें-सहन करणें.
 सात-सोशीत.
 सातरिया-सप्ताह, सप्तक.
 सातवेउली-सात नांग्यांची इंगळी.
 साते-बाजारीं.
 सादु-शब्द.
 साध-इच्छा.
 सांपु-सर्प.
 साबलाहुनु-शस्त्राहून, पहारेहून.
 सामाये-समावे.
 सारकतु-विशालेला कोळसा.
 सारिसि-सारखी.

सारोक-चौगळें.
 साल-कातडें.
 सालडें-कातडें.
 सालिये-संपन्न.
 सावगणी-कापर्णी.
 सांवरे-भरे.
 सावा ३०-साहाय्य, साम्य.
 सावाय-साहाय्यानें.
 सावें-अवघें.
 सासन-शासन.
 सासान-अंदण.
 सासिनलिया-विस्तारल्यास, धरल्यास.
 साहांतिया-सोसणाऱ्या.
 सिचडी-कडू.
 सितरी-फसवी.
 सिंधिति-फेकती, निपजविती, वाहेर
 काढती.
 सिनार्नी-निराळीं, भिन्न.
 सिनार-निराळें, भिन्न.
 सिनीं-वेगळीं, निराळीं.
 सियारी-डाकीण.
 सिरके-प्रवेश करी.
 सिरालें-उसें.
 सिरीयाणी-आवड, इच्छा.
 सिसार-शिरोरोगी.
 सिहवीरें-छावणी.
 सींग-अग्रभाग.
 सीनसाल-छिन्न साल आहे ज्याची,
 क्षणभंगुर.
 सीनें-वेगळें, निराळें.
 सुआर-पाककर्ता.
 सुइजे-घालिजे.
 सुजे-सूजे-सुचे.
 सुझे-सुचे.

मुगी-झाडणारी, धारुवणारी.

मुयाणें-मुकाळ.

सुरंगी-वाट, भुयार,

सुरपुरे-पावळ.

सुरवाडें-सुख, अनुकूल, मर्षी, मुकाळ

सुवर्मा-अत्यंत मार्मिकात्.

सुवाण-चंगळ.

सुवायें-चांगल्या वान्यानें.

सुवालली-चांगली, सुखाची.

सुवे-वाली.

सुहाडा-मनोरमा.

सुहावें-सेवावें.

सुहावेया-प्रापक.

सुटिका-मुक्ति, सोडवण.

सूति-निघतात.

सुंतील-घालतील, काढतील.

सुसि-घालिशी.

सेजेयां-शेजारच्या.

सेदे-करण्याचे दार.

सेलिला-तरंगळा.

सेलिए-उत्तम वाटा.

सेस-नवरानवरीस अक्षता, शेफ.

सेष-अनेक, सर्व.

सोआवें-भाऊवें, वाढवें.

सोंए-निजे.

सोंकरी-पाखरे हाकीं.

सोंचरा-शस्त्रविशेष.

सोणग्री-पृथ्वी.

सोफ-लटक, फोळ.

सोमु-कुंमि तरंग.

सोवें-आधार, आश्रय.

सोलें-उत्तम सोनें.

सोवता-चरपडा.

सोवतें-सार्थक.

सोहलेयां-सुख, चैन, सोहळा.

सोहणी-परटाचें तादण.

स्फीति-प्रतिष्ठा, मोठेपणा.

स्फीतिवेया-कीर्तीच्या, प्रतिष्ठेच्या.

स्वसणें-भास टाकणें.

ह.

हडगीं-हटसाधनें.

हडपु-डवा.

हवावे-शोभा.

हाडाकाहरे-हाडें खाणार.

हाणि-तोटा.

हातभरणियां-हात धरण्यानें.

हातवसावें-हार्ती घरावें.

हातोफळिया-हां हां झणतां.

हाथि-मज, हस्ती.

हाथैवा-काडवात.

हालाफुळीं-तत्काळ, हां हां झणतां.

हियें-हृदय

हिरतां-हिरोन घेतां.

हिरें-हिरोन घेई.

होवारी-घडीच्या दिवसांत.

होवपटां-धुंग लागतां, होरपळतां.

होवसति-मुच्छ मानिती.

होवणें-होण्यानें.

